













精響編

北京大學《儒藏》編纂與研究中心

圖書在版編目(CIP)數據

儒藏.精華編.七六/北京大學《儒藏》編纂與研究中心編.一北京:北京大學出版社, 2016.9

ISBN 978-7-301-11794-1

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館CIP數據核字(2016)第224849號

書 名 儒藏(精華編七六)

RUZANG

著作責任者 北京大學《儒藏》編纂與研究中心 編

責任編輯 吴冰妮 魏奕元 童 祁

標準書號 ISBN 978-7-301-11794-1

出版發行 北京大學出版社

地 址 北京市海淀區成府路205號 100871

網 址 http://www.pup.cn 新浪微博:@北京大學出版社

電子信箱 dianjiwenhua@126.com

電 話 郵購部62752015 發行部62750672 編輯部62756449

印 刷 者 北京中科印刷有限公司

經 銷 者 新華書店

787毫米×1092毫米 16開本 62.5印張 615千字

2016年9月第1版 2016年9月第1次印刷

定 價 1200.00元

未經許可,不得以任何方式複製或抄襲本書之部分或全部内容。

版權所有, 侵權必究

舉報電話: 010-62752024 電子信箱: fd@pup.pku.edu.cn 圖書如有印裝質量問題,請與出版部聯繫,電話: 010-62756370

《儒藏》精華編第七六册

經部春秋類

左傳之屬

		,	
春秋左氏傳賈服注輯述〔清〕李貽德	左傳杜解	左氏傳續説「南宋」吕祖謙	左氏傳説〔南宋〕吕
伙	得料	(唐	(油
工	个工 备足	海	治
連	補	記	
曹	補正〔清		南
服		南	宋
注	1 /	米	吕
輯	顧	吕	祖
述	炎	祖	祖謙
清	武	謙	:
<u></u>	:	:	:
字			:
始	:		:
10			:
:	:		
÷			
:			:
:			:
:			- :
:	: .		:
:			:
	:		
:			
:		:	
:			
: /			
+/			
:	:	Ė	:
:	•	:	
:	:	:	:
:	:	. :	:

息侯伐鄭十一年 四	鄭莊因入許而曰寡人有弟弗能和協十一年 三	滕薛來朝争長十一年 三	羽父請諡與族八年 三	冬齊侯使來告成三國八年 二	秋會于温盟于瓦屋八年 二	齊人卒平宋衛于鄭八年 二	師服諫晉封桓叔桓二年 一	石碏諫衛莊寵州吁三年 一	祭仲諫鄭莊封叔段元年 一	隱公 一	左氏傳説卷第一	看左氏規模 一	左氏傳説	校點説明 一		金金		
齊無知弑君諸兒八年 一〇	秋築王姬之館于外同上 九	單伯送王姬元年	莊公 九	公會宋伐鄭同上 九	鄭厲奔蔡十五年 九	鄧曼謂鬭伯比非衆十三年	莫敖請濟師十二年、十三年 八	號仲與芮梁荀賈伐曲沃九年 八	晉滅耿滅霍滅魏閔元年 七	伐隨八年	隨敗八年	六年	以周班後鄭六年	王侵隨六年	條之役千畝之戰二年 五	臧哀伯諫取郜大鼎二年 五	宋督弑君與大夫二年 四	桓公 四

畢萬之後必大閔元年 一七	有嬀之後將育于姜二十二年 一七	畢萬筮仕於晉閔元年 一六	懿氏卜妻敬仲二十二年 一六	齊侯使敬仲爲卿二十二年 一六	十一年 一五	鄭伯將王自圉門入虢叔自北門入殺王子頹二	鄭伯見虢叔曰盍納王二十年 一五	楚人伐鄭僖元年、三年 一五	荆伐鄭十六年、二十八年 一五	晉文退舍避子玉僖二十八年 一三	侵蔡伐楚僖四年 一三	齊桓霸中國十五年 一三	公敗宋師于乘丘+年 一二	公敗齊師于長勺+年 一二	師及齊師戰乾時九年 一二	會于鄄齊始霸十五年 一一	齊小白人于齊九年 一一	莊公	左氏傳説卷第二
子誰恃對曰亡人無黨有黨必有讎九年 二四	晉郤芮使夷吾仲賂秦以求入秦伯謂郤芮曰公	鄭太子華請去三族七年 二三	後申侯見殺七年 二二二	陳轅宣仲勸申侯美城五年 二二	晉侯伐屈夷吾不守盟而行乃之梁六年 二二	士 萬築 蒲 與 屈 五 年 · · · · · · · · · · · · · · · · · ·	僖公 ······ 二二	左氏傳説卷第三 二二		驪姬欲殺申生四年 二〇	晉假道於虞以伐虢二年、五年 二〇	僖公 二〇	太子申生伐東山臯落氏二年 一九	狄人伐衛二年 一九	狄人伐邢元年 一九	閔公 一九	以紓楚國之難三十年 一八	梏之秋申公鬭班殺子元鬭穀於菟自毀其家	楚公子元帥師伐鄭而處王宫鬭射師諫則執而

戰于城濮同上 三三	晉侯侵曹伐衛二十八年三三二	僖公三三	左氏傳説卷第四 三三		人復衛侯甯武子與衛人盟于宛僕二十八年	王出鄭鄭伯省視官具于汜同上 三一	頹叔以狄師伐周二十四年三二	子犯請擊秦三十年 三〇	子犯言子玉無禮二十八年三〇	王與晉陽樊温原攢茅田二十五年	宋襄盟于鹿上二十一年 二九	晉敗秦師于殽二十三年	宋敗齊師于甗+八年	管仲卒五公子求立十七年 二七	城鄫役人病+六年 二七	秦晉戰于韓原十五年	管仲辭上卿禮十二年	晉侯背賂中大夫十五年 二四	秦饑晉閉之糴+四年
郤缺請復衛田七年、八年 四二	趙孟殺公子樂立公子雍六年 四二	晉納捷菑于邾十四年 四一	士會如秦納公子雍六年 四一	晉蒐于夷易中軍六年 四一	邾滅須句僖二十一年 四○	楚滅六蓼 ^{五年} 四〇	晉人懼無禮於公請改盟三年 四〇	先且居將中軍趙衰佐之三年 三九	秦伯猶用孟明二年	秦伯復使孟明爲政元年 三九	楚國之舉常在少者元年 三八	先且居請君朝王臣伐衛元年 三八	衛成公不朝同上 三七	諸侯朝晉元年 三七	文公三七	勤而無所必有悖心同上 三六	蹇叔言師之所爲鄭必知之三十三年 三六	盟三十年 三五	晉侯秦伯圍鄭鄭使燭之武説秦秦伯説與鄭人

-																			
宣公	仲殺惡及視同上	敬嬴私事襄仲十八年	鄭子家以書與趙宣子同上	晉侯不見鄭伯十七年	宋饑公子鮑竭粟而貸十六年	楚人謀徙阪高同上	群蠻百濮叛楚十六年	君弱不可以怠+五年	秦伐晉胥甲趙穿無功十二年	西乞術來聘十二年	先克言狐趙之勳不可廢同上	夷之蒐士穀將中軍八年	文公	左氏傳説卷第五	范山言晉可圖九年	先克奪蒯得田八年	賈季怨陽子易班六年	士會在秦七年、十三年	
五.	五〇	五〇	四八	四八	四七	四六	四六	四六	四五	四五.	四四	四四	四四	四四	四三	四二	四二	四二	
	五年	区公子复数守利复数彩其太子而自立了	原、连、三、鱼、锅子、鱼、锅、豆、豆、豆、豆、豆、豆、豆、豆、豆、豆、豆、豆、豆、豆、豆、豆、豆、豆	聘楚子享之十二年	書侵蔡侵楚侵沈獲沈子揖八年	樂書救鄭楚禦桑隧六年 六二	成公	邲之戰晉楚軍制十二年 五九	晉楚戰于邲晉師敗績十二年 五六	宣公 五六	左氏傳説卷第六 五六		楚莊不築武軍十三年	令尹蔿艾儠城近使封人慮事十一年 五三楚滅舒蓼及滑汭盟吴越而還八年 五二	楚子問鼎之大小輕重三年 五二	晉趙盾弑其君夷皋二年 五一	宋城城者謳同上 五一	宋鄭戰于大棘二年 五一	

晉侯問衛故於中行獻子+四年 七四	會于戚范宣子假羽毛於齊+四年 七四	同盟于亳范宣子言不慎必失諸侯+年 七四	故五族以作亂十年 七三	鄭子駟爲田洫司氏堵氏侯氏子師氏皆喪田焉	荀偃言雞鳴而駕塞井夷竈+四年 七二	荀偃士匄請伐偪陽+年 七二	囊曰不可九年 七一	秦景公使士雅乞師于楚將以伐晉楚子許之子	鄭子駟使賊夜弑僖公而以瘧疾赴于諸侯七年 七一	正卿而小君之喪不成四年 七〇	定姒薨不殯于廟無櫬不虞匠慶謂季文子子爲	新軍三年 六九	晉侯以魏絳爲能以刑佐民反役與之禮食使佐	孟獻子請城虎牢以逼鄭知武子曰善二年 六九	襄公 六九	晉悼公即位于朝始命百官+八年 六八	聖人内外無患+六年	成公 六七	左氏傳説卷第七 六七
晉程鄭卒子産始知然明二+五年	萬掩爲司馬子木庀賦掩書土田二十五年八	十五年	人其弟又書南史氏聞太史盡死執簡以往二	太史書崔杼弑君崔子殺之其弟嗣書而死者二	季武子無嫡子公彌長而愛悼子二十三年 八三	晉樂盈復人于晉入于曲沃二十三年 八二	范宣子逐樂盈樂盈復入于晉二十三年 八一	齊侯逐東太子光後光即位殺太子牙十九年 八	戦大敗齊	伐齊產			左氏專説卷第八 七九	楚子言師徒不出人其以不穀爲自逸+八年 七七	俟農功之畢十七年 七六	宋皇國父爲太宰爲平公築臺妨於農收子罕請	晉平公即位改服脩官會于湨梁十六年 七五	十一年 七五	晉悼賜魏絳樂曰子教寡人和諸戎狄以正諸華

晉侯求醫於秦秦伯使醫和視之曰疾不可爲也	禽焉犯懼告子産元年	鄭徐吾犯之妹美公孫楚聘之公孫黑又使强委	昭公 九七	鄭子皮授子産政三十年	鄭子産如陳涖盟而知陳亡三十年 九四	吴季札聘列國觀人材二十九年	吴季札來聘觀樂二十九年	陳無宇言得慶氏之木百車於莊同上 九〇	慶封好田耆酒二十八年・・・・・・・・・・・・・・・・・・・・・・・ 九○	崔杼廢成立明二十七年	襄公 九〇	左氏傳説卷第九 九〇	宋左師請免死之邑同上	宋向戌欲弭諸侯之兵以爲名二十七年	六年 八七	宋寺人伊戾無寵於太子痤譖諸公而害之二十	當御三云叔向不應二十六年	秦伯使其弟鍼如晉叔向命召行人子員子朱曰
周甘人與晉閻嘉争閻田晉梁丙張趯率陰戎	飲工九年 一〇九	晉侯飲酒樂膳宰屠蒯請佐公使尊而遂酌以	昭公 一〇九	左氏傳説卷第十一 一〇九	穿封戌囚鄭皇頡公子圍與之争之襄二十六年 一〇七	穿封戌爲陳公曰城麇不諂八年 一〇七	鄭人鑄刑書叔向使詒子産書六年 一〇六	公如晉自郊勞至於贈賄無失禮五年 一〇五	鄭子産作丘賦國人謗之四年 一〇四	六月丙午楚子合諸侯于申四年 一〇三	楚靈王使椒舉如晉求諸侯四年 一○二	昭公 ::/ 〇二	左氏傳説卷第十 一〇二	之爲此來也三年 一〇〇	鄭游吉如晉送少姜之葬梁丙張趯曰甚矣子	二年 九九	韓宣子聘于魯見易象與魯春秋曰周禮盡在魯	元年 九八

			T T
	齊豹北宫喜褚師圃作亂公遂出二十年	一 九	晉荀吴帥師伐鮮虞十五年
二九	二十年	一八	楚費無極害朝吳之在蔡十五年
	費無極言建與伍奢將以方城之外叛王信之	二 七	成然十四年
二八	九年		楚令尹子旗有德於王不知度九月楚子殺鬭
	子旗請伐之王曰吾未撫吾民今亦如之十	一 七	南蒯將叛十四年
	楚人城州來沈尹戌曰楚人必敗昔吴滅州來	一七	叔弓圍費十三年
一二七	北方王收南方是得天下王説+九年	一 五	敵之有同上
	費無極言於楚子若大城城父而寘太子以通		平丘之會叔向曰寡君有甲車四千乘在其何
二七七	昭公	一 五	治兵于邾南甲車四千乘十三年
二七七	左氏傳説卷第十四	一 五	昭公
三五五	周原伯魯不説學十八年	一 五	左氏傳説卷第十二
二四四	郯子來朝十七年		年
1 111	晉韓宣子有環其一在鄭商子産弗與十六年		楚公子比自晉歸于楚弑其君虔于乾谿十三
<u></u>	楚子誘戎蠻子嘉殺之同上	=======================================	然邑十三年
	齊侯伐徐徐人行成十六年		楚子爲令尹殺大司馬薳掩使蔡洧守國奪成
$\frac{1}{2}$	昭公	=======================================	楚子奉孫吴以討於陳而遂縣之同上
=======================================	左氏傳説卷第十三		楚子伏甲而饗蔡侯於申醉而殺之十一年
一九	晉荀吴使師僞糴者負甲襲鼓滅之二十二年		諸大夫如晉葬平公也鄭子皮將以幣行+年
一九	晉荀吴帥師滅陸渾之戎十七年	<u> </u>	伐潁九年

九

始尚羔八年 一六二	范獻子執羔趙簡子中行文子皆執鴈魯於是	宋樂祁言諸侯惟我事晉六年 一六二	六月季孫意如卒九月陽虎囚季桓子五年 一六一 🕇	定公 一六一	左氏傳説卷第十九 一六一	申包胥以秦師救楚大敗夫概王于沂同上 一五八	能復之我必能興之同上 一五八	伍員與申包胥友謂曰我必復楚國包胥曰子	吴入郢以班處宫子山處令尹之宫四年 一五八	蔡侯吴子唐侯伐楚敗諸雍澨五戰及郢四年 一五六	祝佗言於萇弘蔡將先衛同上 一五四	晉人假羽毛於鄭同上 一五四	晉荀寅求貨於蔡侯四年 一五四	楚子常欲蔡唐二侯裘馬三年 一五四	定公 一五四	左氏傳説卷第十八 一五四	欲與之從政元年 一五〇	季孫言子家子亟言於我未嘗不中吾志也吾
哀公 一七	於越敗吳於檇李十四年 一七日	定公 一七〇	左氏傳説卷第二十 一七〇		五弄	十二月趙鞅入於絳同上 一六八	秋范氏中行氏伐趙氏之宫趙鞅奔晉陽同上 一六八	午不從趙孟怒殺午十三年 一六八	晉趙鞅謂邯鄲午曰歸我衛貢五百家於晉陽	公山不狃叔孫輒帥費人以襲魯十三年 一六七	仲由爲季氏宰將墮三都叔孫墮郈季氏墮費	晉車千乘在中牟衛侯將如五氏曰敵矣九年 一六五	八年 一六五	晉趙簡子盟衛侯將歃涉佗捘衛侯之手及捥	陽虎奔齊請師伐魯九年 一六四	人因陽虎陽虎欲去三家而代位八年 一六三	輒無寵於叔孫氏叔仲志不得志於魯故五	季寤公鉏極公山不狃皆不得志於季氏叔孫

公孫强言霸説於曹伯乃背晉奸宋七年 一七二 公孫强言霸説於曹伯乃背晉奸宋七年 … 一七二 一一 一 一 一 一 一 一 一 一 一 一 一 一 一 一 一 一	中行文子告陳成子曰有自晉師告寅者將爲 輕車千乘以厭齊師之門二十七年 醫定十三年 醫定十三年
胥使於齊屬其子於鮑氏爲王孫氏+一不能+一年	
越子伐吴爲二隧+三年 一七四十二年 一七四九文子將攻大叔仲尼對以甲兵之事未之聞	
東皇野謀召左師同發兵魋奔衛+四年 ····· 一七六宋向魋請享公以日中爲期家備盡往公知之宋向魋請享公以日中爲期家備盡往公知之	
越滅吴二十二年 一七九乎弗從秋果殺子西十六年 一七八楚子西召子木之子勝爲白公葉公言無乃害	
晉荀瑶伐鄭齊陳成子救之二十七年 一七九晉荀瑶伐齊言何必卜二十三年 一七九	
荆之母嬖將以爲夫人二+四年 一瑶圍鄭門于桔柣之門同上 一	
公子荆之母嬖將以爲夫人二十四年 一八	

K L	中行
1	文
-	子
E	告
L	陳
犬	成
农主	子
į.	Ė
7	有
月	自
	晉
	師
E E	告
	寅
	者
	將
一十七年	万
	爲

左氏傳説

〔南宋〕 吕祖謙 撰

息侯伐鄭十一年 四	鄭莊因入許而曰寡人有弟弗能和協十一年 三	滕薛來朝争長十一年 三	羽父請諡與族八年 三	冬齊侯使來告成三國八年 二	秋會于温盟于瓦屋八年 二	齊人卒平宋衛于鄭八年 二	師服諫晉封桓叔桓二年一	石碏諫衛莊寵州吁三年	祭仲諫鄭莊封叔段元年 一	隱公 一	左氏傳説卷第一	看左氏規模 一	左氏傳説 一	校點説明		金		
齊無知弑君諸兒八年 一〇	秋築王姬之館于外同上 九	單伯送王姬元年 九	莊公	公會宋伐鄭同上	鄭厲奔蔡十五年	鄧曼謂鬭伯比非衆十三年	莫敖請濟師十二年、十三年	號仲與芮梁荀賈伐曲沃九年 八	霍滅魏閔元年	 	双八年	鄭忽辭昏六年 六	周班後鄭六年	楚武王侵隨六年 五	條之役千畝之戰二年 五	臧哀伯諫取郜大鼎二年 五	宋督弑君與大夫二年 四	桓公 四

畢萬之後必大閔元年 一七	有嬀之後將育于姜二十二年 一七	畢萬筮仕於晉閔元年 一六	懿氏卜妻敬仲二十二年 一六	齊侯使敬仲爲卿二十二年 一六	十一年 一五	鄭伯將王自圉門入虢叔自北門入殺王子頹二	鄭伯見虢叔曰盍納王二十年 一五	楚人伐鄭僖元年、三年 一五	荆伐鄭十六年、二十八年 一五	晉文退舍避子玉僖二十八年 一三	侵蔡伐楚僖四年 一三	齊桓霸中國十五年 一三	公敗宋師于乘丘+年 一二	公敗齊師于長勺+年 一二	師及齊師戰乾時九年 一二	會于鄄齊始霸十五年 一一	齊小白人于齊九年 一一	莊公 一一	左氏傳説卷第二
子誰恃對曰亡人無黨有黨必有讎九年 二四	晉郤芮使夷吾仲賂秦以求入秦伯謂郤芮曰公	鄭太子華請去三族七年 二三	後申侯見殺七年 二二二	陳轅宣仲勸申侯美城五年 二二	晉侯伐屈夷吾不守盟而行乃之梁六年 二二	士 萬築 蒲 與 屈 五 年 · · · · · · · · · · · · · · · · · ·	僖公	左氏傳説卷第三 二二		驪姬欲殺申生四年 二〇	晉假道於虞以伐號二年、五年 二〇	僖公 二〇	太子申生伐東山臯落氏二年 一九	狄人伐衛二年 一九	狄人伐邢元年 一九	閔公 一九	以紓楚國之難三十年 一八	梏之秋申公鬭班殺子元鬭穀於菟自毁其家	楚公子元帥師伐鄭而處王宫鬭射師諫則執而

戰于城濮同上 三三	晉侯侵曹伐衛二十八年三三二	僖公三三	左氏傳説卷第四 三三		人復衛侯甯武子與衛人盟于宛僕二十八年	王出鄭鄭伯省視官具于汜同上 三一	頹叔以狄師伐周二十四年三二	子犯請擊秦三十年 三〇	子犯言子玉無禮二十八年三〇	王與晉陽樊温原攢茅田二十五年	宋襄盟于鹿上二十一年 二九	晉敗秦師于殽二十三年	宋敗齊師于甗+八年	管仲卒五公子求立十七年 二七	城鄫役人病+六年 二七	秦晉戰于韓原十五年	管仲辭上卿禮十二年	晉侯背賂中大夫十五年 二四	秦饑晉閉之糴+四年
郤缺請復衛田七年、八年 四二	趙孟殺公子樂立公子雍六年 四二	晉納捷菑于邾十四年 四一	士會如秦納公子雍六年 四一	晉蒐于夷易中軍六年 四一	邾滅須句僖二十一年 四○	楚滅六蓼 ^{五年} 四〇	晉人懼無禮於公請改盟三年 四〇	先且居將中軍趙衰佐之三年 三九	秦伯猶用孟明二年	秦伯復使孟明爲政元年 三九	楚國之舉常在少者元年 三八	先且居請君朝王臣伐衛元年 三八	衛成公不朝同上 三七	諸侯朝晉元年 三七	文公三七	勤而無所必有悖心同上 三六	蹇叔言師之所爲鄭必知之三十三年 三六	盟三十年 三五	晉侯秦伯圍鄭鄭使燭之武説秦秦伯説與鄭人

-																			
宣公	仲殺惡及視同上	敬嬴私事襄仲十八年	鄭子家以書與趙宣子同上	晉侯不見鄭伯十七年	宋饑公子鮑竭粟而貸十六年	楚人謀徙阪高同上	群蠻百濮叛楚十六年	君弱不可以怠十五年	秦伐晉胥甲趙穿無功十二年	西乞術來聘十二年	先克言狐趙之勳不可廢同上	夷之蒐士穀將中軍八年	文公	左氏傳説卷第五	范山言晉可圖九年	先克奪蒯得田八年	賈季怨陽子易班六年	士會在秦七年、十三年	
五.	五〇	五〇	四八	四八	四七	四六	四六	四六	四五	四五.	四四	四四	四四	四四	四三	四二	四二	四二	
	五	区公子复数守利复数彩其太子而自立了	原入走入之。自留好水自留设本、二、丁月五十成子受胙于社不敬十三年 六四	聘楚子享之十二年	書侵蔡侵楚侵沈獲沈子揖八年	樂書救鄭楚禦桑隧六年 六二	成公 六二	邲之戰晉楚軍制十二年 五九	晉楚戰于邲晉師敗績十二年 五六	宣公 五六	左氏傳説卷第六 五六		楚莊不築武軍十三年	令尹蔿艾儠城沂使封人慮事十一年 五三楚滅舒蓼及滑汭盟吴越而還八年 五二	楚子問鼎之大小輕重三年 五二	晉趙盾弑其君夷皋二年 五一	宋城城者謳同上 五一	宋鄭戰于大棘二年 五一	

晉侯求醫於秦秦伯使醫和視之曰疾不可爲也	禽焉犯懼告子産元年	鄭徐吾犯之妹美公孫楚聘之公孫黑又使强委	昭公 九七	鄭子皮授子産政三十年	鄭子産如陳涖盟而知陳亡三十年 九四	吴季札聘列國觀人材二十九年	吴季札來聘觀樂二十九年	陳無宇言得慶氏之木百車於莊同上 九〇	慶封好田耆酒二十八年・・・・・・・・・・・・・・・・・・・・・・・ 九○	崔杼廢成立明二十七年	襄公 九〇	左氏傳説卷第九 九〇	宋左師請免死之邑同上	宋向戌欲弭諸侯之兵以爲名二十七年	六年 八七	宋寺人伊戾無寵於太子痤譖諸公而害之二十	當御三云叔向不應二十六年	秦伯使其弟鍼如晉叔向命召行人子員子朱曰
周甘人與晉閻嘉争閻田晉梁丙張趯率陰戎	飲工九年 一〇九	晉侯飲酒樂膳宰屠蒯請佐公使尊而遂酌以	昭公 一〇九	左氏傳説卷第十一 一〇九	穿封戌囚鄭皇頡公子圍與之争之襄二十六年 一〇七	穿封戌爲陳公曰城麇不諂八年 一〇七	鄭人鑄刑書叔向使詒子産書六年 一〇六	公如晉自郊勞至於贈賄無失禮五年 一〇五	鄭子産作丘賦國人謗之四年 一〇四	六月丙午楚子合諸侯于申四年 一〇三	楚靈王使椒舉如晉求諸侯四年 一〇二	昭公 ::/ 〇二	左氏傳説卷第十 一〇二	之爲此來也三年 一〇〇	鄭游吉如晉送少姜之葬梁丙張趯曰甚矣子	二年 九九	韓宣子聘于魯見易象與魯春秋曰周禮盡在魯	元年 九八

			T T
	齊豹北宫喜褚師圃作亂公遂出二十年	一 九	晉荀吴帥師伐鮮虞十五年
二九	二十年	一八	楚費無極害朝吳之在蔡十五年
	費無極言建與伍奢將以方城之外叛王信之	二七	成然十四年
二八	九年		楚令尹子旗有德於王不知度九月楚子殺鬭
	子旗請伐之王曰吾未撫吾民今亦如之十	一 七	南蒯將叛十四年
	楚人城州來沈尹戌曰楚人必敗昔吴滅州來	一七	叔弓圍費十三年
一二七	北方王收南方是得天下王説+九年	一 五	敵之有同上
	費無極言於楚子若大城城父而寘太子以通		平丘之會叔向曰寡君有甲車四千乘在其何
二七七	昭公	一 五	治兵于邾南甲車四千乘十三年
二七七	左氏傳説卷第十四	一 五	昭公
三五五	周原伯魯不説學十八年	一 五	左氏傳説卷第十二
二四四	郯子來朝十七年		年
1 1 111	晉韓宣子有環其一在鄭商子産弗與十六年		楚公子比自晉歸于楚弑其君虔于乾谿十三
<u></u>	楚子誘戎蠻子嘉殺之同上	=======================================	然邑十三年
	齊侯伐徐徐人行成十六年		楚子爲令尹殺大司馬薳掩使蔡洧守國奪成
$\frac{1}{2}$	昭公	=======================================	楚子奉孫吴以討於陳而遂縣之同上
=======================================	左氏傳説卷第十三		楚子伏甲而饗蔡侯於申醉而殺之十一年
一九	晉荀吴使師僞糴者負甲襲鼓滅之二十二年		諸大夫如晉葬平公也鄭子皮將以幣行+年
一九	晉荀吴帥師滅陸渾之戎十七年	<u> </u>	伐潁九年

九

始尚羔八年 一六二	范獻子執羔趙簡子中行文子皆執鴈魯於是	宋樂祁言諸侯惟我事晉六年 一六二	六月季孫意如卒九月陽虎囚季桓子五年 一六一 🛨	定公 一六一	左氏傳説卷第十九 一六一	申包胥以秦師救楚大敗夫概王于沂同上 一五八	能復之我必能興之同上 一五八	伍員與申包胥友謂曰我必復楚國包胥曰子	吴入郢以班處宫子山處令尹之宫四年 一五八	蔡侯吴子唐侯伐楚敗諸雍澨五戰及郢四年 一五六	祝佗言於萇弘蔡將先衛同上 一五四	晉人假羽毛於鄭同上 一五四	晉荀寅求貨於蔡侯四年 一五四	楚子常欲蔡唐二侯裘馬三年 一五四	定公 一五四	左氏傳説卷第十八 一五四	欲與之從政元年 一五〇	季孫言子家子亟言於我未嘗不中吾志也吾
哀公 一七	於越敗吳於檇李十四年 一七日	定公 一七〇	左氏傳説卷第二十 一七〇		五弄	十二月趙鞅入於絳同上 一六八	秋范氏中行氏伐趙氏之宫趙鞅奔晉陽同上 一六八	午不從趙孟怒殺午十三年 一六八	晉趙鞅謂邯鄲午曰歸我衛貢五百家於晉陽	公山不狃叔孫輒帥費人以襲魯十三年 一六七	仲由爲季氏宰將墮三都叔孫墮郈季氏墮費	晉車千乘在中牟衛侯將如五氏曰敵矣九年 一六五	八年 一六五	晉趙簡子盟衛侯將歃涉佗捘衛侯之手及捥	陽虎奔齊請師伐魯九年 一六四	人因陽虎陽虎欲去三家而代位八年 一六三	輒無寵於叔孫氏叔仲志不得志於魯故五	季寤公鉏極公山不狃皆不得志於季氏叔孫

公孫强言霸説於曹伯乃背晉奸宋七年 一七二 公孫强言霸説於曹伯乃背晉奸宋七年 … 一七二 一一 一 一 一 一 一 一 一 一 一 一 一 一 一 一 一 一	中行文子告陳成子曰有自晉師告寅者將爲 輕車千乘以厭齊師之門二十七年 醫定十三年 醫定十三年
胥使於齊屬其子於鮑氏爲王孫氏+一不能+一年	
越子伐吴爲二隧+三年 一七四十二年 一七四九文子將攻大叔仲尼對以甲兵之事未之聞	
東皇野謀召左師同發兵魋奔衛+四年 ····· 一七六宋向魋請享公以日中爲期家備盡往公知之宋向魋請享公以日中爲期家備盡往公知之	
越滅吴二十二年 一七九乎弗從秋果殺子西十六年 一七八楚子西召子木之子勝爲白公葉公言無乃害	
晉荀瑶伐鄭齊陳成子救之二十七年 一七九晉荀瑶伐齊言何必卜二十三年 一七九	
荆之母嬖將以爲夫人二+四年 一瑶圍鄭門于桔柣之門同上 一	
公子荆之母嬖將以爲夫人二十四年 一八	

K.	中行
1	文
-	子
E	告
L	陳
犬	成
农主	子
į.	Ė
7	有
月	自
	晉
	師
E E	告
	寅
	者
	將
一十七年	万
	爲

校 點 説 明

左氏傳説》二十卷, 南 宋吕祖 謙 撰。

賢」。 理 興元年(一一六三)舉進士,復中博學 華(今屬浙江)人,祖籍山東東萊,世稱東萊先生。 主 秘 太 學博 閣 要 學家,與 著作郎 淳 物; 士兼國史院編修官 祖謙(一一三七 熙 唐仲友、陳亮同 八年七月卒,年四十 乾 兼國 淳 史院編 間 與 一一一八一),字伯恭,婺州 朱 修。 熹 爲 實録院檢討 吕祖 浙江學 張 五 杜 諡 謙作爲 齊 派 宏詞 E 名 中 成 官等。終 金 南宋著名 稱 科、後 華 東 支 官 歷 南 的 的 任 隆 直 \equiv 金

用」。 熹 派 與 的 經 陸 吕 著有《古 祖 世 九 謙 致 淵 之 爲 用 學 周 之 間 以 説 的 易》、《 關 矛 强 洛爲宗,在學 盾 調 歷 並 代 講 吸收 制 實 度 理 永 詳 術上力圖 嘉 育 談 實 學 才 派 東萊 並 永 調 求 康 和 集》 朱 實 學

> 等。 説》、《左氏傳續説 吕氏 之學 于《 》及《東萊左氏博議 左 傳》研 究 最 深, 》等 著 有《左 數 氏 傳

學、倫 中一桓 要 吴之在蔡》條 及 筆力」,是「以十分筆力,寫十分人情 予 及其「克段」之事 例 左氏敘宋華父督弑逆之惡,卷二至卷四 左 文史事 論 以 爲 傳》所 評 隨 「管仲猶 理觀 公爲盛」、「文公度量 左氏傳 價 分條 事 論 載 立 點。 述。 史 發 議 論費 説》是吕祖 有三代 實 評 表 特别着重對《左傳》所 評 爲 如卷首《看左氏規 議 無極之佞等,都 論《左傳》的 題 論,通 氣象」,卷十 價《左傳》「序 隨 謙 文解 過 不廣,未 爲 評 門 義 理 述。闡 人 二《楚 ,對《左 鄭 有 亂 講 模》, 到 莊 可 得 ; 授 載 發 失」。 坦 取 公之 費 論 又如 所 詳 人 之 然 其 傳 無 作。 物 春 析 政 大 事 所 秋 極 卷 的 鄭 内 治、 度 其 極 言 害 莊 載 五 容 處 體 行 有 哲 朝 霸 論 公 重 以

傳》的 E 單 筆鋒 詳 盡 左氏傳説》在寫 撰 穎 於於 寫 利, 宗 細 凡所指 旨 微 處 筆 見 摘 法 作 等 皆 般的 方法 方 刻 面 露 研 上,採 有 而 究 較 不 方 高 取 留 法 的 隨 餘 參 對 事 地 考 揭 立 ,諸多評 價 示《 義, 值 推 左

後,深得時 價 論 在 吕 前 祖 儒 謙 人好 著 於《左 作 評 中 氏》 尚 不 多 書,多 見。 所 直 發 齋 明。」 書 録 書 解 刊 題 行 w 以 評

外,尚 卷,注 孫《直 説 本 則多作二十卷。 張萱《内 著録《左 氏説》亦好,是人記録 以 全書總目 有三十卷刻本。 左氏説》三十卷,並引《朱子語録》曰 僅二十卷。 有三十卷與二十卷 説 卷計 日 左氏 齋 有《續 》四四 書 氏 閣 一册。」是明代内閣 \sim 録 之一。 則 傳説 説 書 説 通考》三十卷,今本二十卷,存。」《四 解題》, 認 目 考明張萱《内閣 》四 爲一 》宋 [》則 朱彝尊《經 馬端臨《文獻 按 卷。 册,知 照《四 元學 載: 著録《左氏説》三十卷、表明 書録 他言語。」而《宋史· 卷 的 陳 數 者著 品 解 今内 庫 氏 藏 相 别, 義考》著録《左氏説》二十 題 全 本不 所謂三十 録。多 差 書目 通考 書 》載 是 閣 懸 詳 總 因 藏 是書 殊,不 少所 卷數。 目 爲三十 爲 本《傳 經 卷 載《傳 宋 爲 的 籍考》亦 「東萊有《左 詳 者 時《左 三十 説 藝文志 清 説 何 卷。 法 説 實 人著録 > 四 故。 卷,此 》四 兼 之 著録 氏 宋 陳 册, 庫 明 所 續 代 傳 册 則 振

説》與《左氏傳續説》合為三十卷之故。

胡鳳 書 然 + 同治八年(一八六九)據《通 全書薈要》本; 六八〇)《通志堂 叢 本 金華 卷。 書 則 丹的《重 集成 左氏傳説》現 倒 本卷首先爲《 之。 初 編》 刻 在上述版本中、《左氏 清 左氏 本, 經 胡 存版本主要有清康熙十九年(一 鳳 解》本; 是 目 傳說 绿》, 據《金 丹 的《 序》; 志堂 後爲《看 金 四四 華 上 華 上經解 叢 庫 叢 書 海 全 左氏 少本 商 書》本 | 本 書》本, 傳 務 説 斷 刊 規 印 》均 印,前 句 模 書 該 排 爲 館 本 四 印 叢 的 爲 庫 有

《金華 和改正 傳》正文。 影 文淵閣 即 阮 此次校點 叢 刻《 書》本(四 依據 十三 庫全書》本(簡 以《 簡 本書正文,對原《目 經 稱 注 通 金 疏 志 華 》本《 堂經 本 稱 左 爲 四 解》本爲 參 庫 傳 校 本 正 [録》進 本; 義 爲 底 本,以 以 主 同 行了 校 校 時 本, 勘 調 影 還 左 以 整 即 以

校點者 馮會明

左氏傳説

看左氏規模

之所 變遷 考之,事 後 看 以 看 書 能 盛 ^ 事 左 之所 衰 如 皆備 傳 此 **>** 以 看 須 君 得 看 之 則 失。 所 所 代 謂 以 試 之 先 治 以 所 立 亂 隱 以 乎 公六七 其 升 人之 降 大者, 所 年 間 然 以 或

卿 代 子 制 出 典 士 衰 所 章 則 謂 如 也 文 諸 鄭 物 代之 侯 武 然 猶 猶 去 有 莊 人 所 存 爲 爲 以 代 者 平、 升 臣 雖 降 遠 桓 禮 者 如 卿 樂 先王 伐 士 春 征 曲 伐 秋 之 鄭 沃 之 伯 尚 流 際 立 爲 自 風 哀 遺 左 天

之 乃 乃 體 墜。 尚 翼 權 子 則 餘 叔 君 爲 封 王 侯 非 綱 以 廢 澤 之 以 叔 尚 命 臣 助 不 口 則 九宗五 之 然 段 王 亂 天 曲 振 灋 在 ; 曲 有 未 猶 何 曲 所 京 命 綱 沃 矣 王 沃 爲 泯 能 則 必 沃 莊 如 之 以 如 而 亂 伐 城 立 先 則 使 叛 以 鄭 E 尊 求 矣 伯 不 戎 翼 以 過 君 平 王 西 王 虚 莊 ! 本 賻 朝 而 至 逆 制 0 周 王 制 此 言 公 出 代 發 下 王 祭 仲 晉 至 及 之 當 度 附 孽 欺 爲 而 賵 幣 而 命 於 伯 子 侯 鄭 美 尚 此 臣 卿 之! 祭 春 諸 號 宋公 非 正 于 伯 猶 之 存 伐 叫 1 惠 仲 侯 秋 公伐 王 當 隨 怨 尋, 時 不 君 之 公之 者,蓋 之 當 不 命 助 此 王 凡 諫 廢 此 嬖 文、 之, 王 全 能 翼 而 用 全 奪 禮 此 嬖 張 蓋 妾, 不 伐 私 則 振 失 政 武 皆 由 則 妾 鄭 成 是 作 交, 曲 皇 用 人 而 則 平 三代 之 觀 也 征 伯 王 天 奮厲 駭愕 沃 君 武 迹 有 當 王 鄭 伐 伐 夫 封 討, 之 之 交 氏 婦 今 今 廢 自 不 莊 之 唐 以

質 弱 之 因 舉 以 不 若 振 敵 皆 或 是 然 1 王 則 自 王 壞 綱 7 解 紐 委 靡 削

雖 隨 父子 鰌 身 於 有 此 典 元 有 之 章 數 徇 子 其 口 蘧 宋言 徒 文物 斷 或 皮 驗 所 白 六 後 發 瑗 時 7 謂 年 卿 m 子 之。 之 定 有 源 皆 之 之 争 而 猶 産 祭 徒 蓋 亂 爲 事 盛 政 義 韓 或 有 之 仲 如 始 討 之 出 孔 宣 之 皆 存 骨 徒 臧 而 來 用 於 子 賊 子 所 口 僖 子 肉 貽 出 此 封 故 亦 以 維 如 概 所 伯 殤 來 相 故 鄭 謂 持 盛 能 而 謂 殘 0 原 公、 諫 季 至 見 莊 衰 社 以 繁 之 觀 如 子 札 於 周 稷 公 者 也 小 衛 禍 魚 宋 有 禮 變 馮 洩 有 而 之宣 盡 試 而 考 至 之 駕 衛 權 强 舉 亂 其 其 以 亂 在 道 多 謀 此 曼 後 魯 言 魯 石 而 者 穆 君 伯 數 其 其 善 碏 有 而 子 端 衛 後 亂 於 以 後 子 用 至 及 中

所謂一君之所以治亂者,且以隱公言

之。 不 及 姑 如 能 邾 息 費 收 伯 惠 惠 鄭 君 公 非 公 盟 柄 之 既 公 公子 愛 没 命 故 而 末 隱 遂 暈 城 年 公 居 非 郎 所 居 攝 以 公 公 長 而 命 有 子 不 本 鍾 而 豫 能 巫 自 帥 非 IE 之 師 公 君 變 立 皆 命 位 巾 隱 徒 而 公 擅 至 以

間 其 許 子 侯 到 以 今大 者 人 而 惡 · 五 遺 言 於 如 時 此 如 者 初 羹 惡 昏 謀 所謂 之。 和 如 父 鄭 之意 鄭 然 也 氣 或 此 有 涖 莊 有 人 讀《 無 不 也 自 親 盟 開 及 復 曉 真 自 如 惡 左 仁 而 導 存 其 之 母 善 此 氏 如 歃 善 姜 也 終 所 而 幾 善 喪 傳 鄰 如 贵 也 氏 以 人 乎 者 天 心 > 之 忘 於 不 能 恶 變 自 失 理 諫 城 甚 遷 者 如 全 有 志 油 是 如 潁 善 者 此 見 者 不 鄭 然 兩 悔 有 ? 看 以 得 箇 請 天 心 而 自 今 與 盟 歷 生 理 成 不 惡 則 且 前 因 誓 歷 已 所 舉 陳 遂 潁 而 此 面 分 爲 絶 謂 侯 考 兩 自 爲 諫 人 明 年 先 端 善 不 13: 善 陳 叔

立乎其大者矣,然後看一書之所以得失。

弟 伐 惡 公 字 爲 及 於 發 邑, 氏 徒 口 有 材 分 巧 拒 段 待 京 貫 愈 欲 筆 皆 莊 母 盈 略 者 始 前 急 之, 上 力 所 之 施 段 子 公 口 儘 謂 也 面 而 最 乃 甚 見 如 焉 都 之 寫 於 奔 高 命 莊 處 不 緩 遽 骨 鄢 不 辟 相 其 書 然 西 公 女 始 口 絶 叔 管 肉 害 仇 怨 之 之 莊 鄙 於 公 敵 之, 分 段 言 疾 則 端 得 公 且. 北 心 其 又 彼 也 爲 此 之 略 失 人 项 此 只 鄙 愈 病 己 親 在 曲 忍 開 全 請 所 不 等 是 緩 發 源 如 我 他 帥 户 無 假 於 以 計 放 於 在 序 直 掌 師 待 大 3 追 母 武 借 萌 己 術 他 此 鄭 握 後 伐 段 凡 子 公二 纔 之 去, 中 莊 如 良 施 鄢 先 其 與 之 分 人 命 後 公之事 脱 心 於 於 到 收 發 急。 子 故 心 面 亟 兔 之 於 箇 骨 0 敵 祭 挂 後 而 言 其 之 所 彼 公 爲 蓋 肉 或 敵 帥 來 後 仲 之 曲 未 罪 己 應 莊 姜 以 兄 則 不 師 極

> 氏 中 氏 敵 + 便 弟 辭 亦 姜 我 而 周 事 紀 雖 或 分 有 間 欲 氏 直 有 而 述 鄭 筆 莊 9 贵 曲 才 日 直 姜 便 不 則 之 交質 力 般 較 公之心, 相 高 在 能 失 在 氏 全 失 曲 0 戕 識 叔 於 寫 莊 親 欲 不 也 直 蓋 段 賊 遠 習 與 之, 公。 親 + 能 周 之 結 只 俗 分 之 直 然 焉 纔 之 分 害 分一 意 之 及 在 言 不 辟 衰 别 外 或 情 其 莊 曲 曾 害 彼 此 之 君 觀 别 欲 習 公。 直 明 曲 左 信 之 着 臣 其 伐 莊 俗 我 理 氏 後 兩 段 語 公 之 此 見 直 鋪 字 始 隻 此 序 大 而 溺 得 所 則 等言 敘 者 眼 周 彼 待 於 義 以 如 殊 是 好 其 欲 看 我 習 伐 鄭 此 不 欲 語 處 惡 害 對 俗 交 之 此 如 知 曲 段 敵 之 質 以 似 無 左 左 兄 在 Z

潛 見 軍 得 若 軍 軍 其 向 制 後 所 説 如 若 鄭 通 此 之 鑑 之 敗 **>** 類 几 燕 條 人 以 孰 六 不 七 軍 知 年 軍 其 間 其 爲 亦 前 兵 口

公上, 立,而 代 流 猶 須 類 此 亦 古 孰 也 制 而 窮,用之不竭 俎,皮革齒牙、骨角 之者,須當 (グ) 使 兵 當 非 五 可 不 有 反 見當時惟 《求之。 見 論 官 知 如 制 如 以其制 車 而 至 經之餘派 財賦 其 此 制 天子之權 大沿 諸 戦 其 於 考。 爲 之舊 看 不 自 侯 不 小 然所 兼 財賦 正 革 廢, 也 敗 也。 此 説 者常 周 如 之供 處 0 鄭 浸 兵 學者苟 鄭 之 ? 亦 不 謂 如 如 徒 左氏》 弛 制 在 可 盛 毛 武 其 何 振 至於不 兵」,此 也 見 時, 民 武 羽 緣 魚 公、莊公爲王 臧 因 不 經 於 間 鼈 不 僖 氏 至 盡 而 財 一書,接三代 常 能 登 於 此 於 子 自 鳥 伯 見之者, 心 説 賦 雖 使 之 此 獸 求 來 之 有 於此 之 等閑 財 蓋 諸 大 所 之 諫 膊 求 《大喪記 器」之類,此 賦 顯 者 侯 肉 徒 以 觀 地 賻 則 一卿士 然者 句, 須 取 雖 兵 自 不登 因 位 魚 當 之末 乎? 有 來 之 歸 自 而 而 事 貢 之 無 於 此 説 則 看 不 此

●「兼」,四庫本作「蓋」。

左 氏 傳説卷

萊吕 祖 謙 伯

東

隱

公

石 師 仲 碏 服 諫 諫 諫 晉 衛 鄭 封 莊 莊 桓 寵 封 叔 州 叔 段 0 吁 桓 元年 年 年

皆 卷 諫 石 是 碏 ,尚有數段 鄭 之諫 莊 東 左 氏 公封 遷 衛 所 之 莊 叔 初 載 事 段 是 公、 春 口 於 秋 師 取 以 京 以 服 言多 所謂 之 前 如 諫 祭 事 典 晉 仲 先 法。 如 之 8 王之制 第 諫 如 如 鄭 此 祭 莊 第二 仲 處 公、 大 之

> 代 佚 遺 都 典 亂 聞 庶 7 在 來 本 春 法 家 大 制 不 ,所自邪 人 7,卿置 愛子,教之以 秋 而 如 此 下 Ι. 在 尚 今京不 過 師 中 末 是 名 商 在 = 小 服之諫 學 與 春 分 各 也。 側 或 度, 是 者 末 秋 等 如 有 室, 之 須 初, 分親 差, 石 以 非 能 晉君 見得先 當 大 義 碏 能 制 老 ; 如 纖 夫 深 皆 之 方 古 也 中 師 此言者 悉 有 日 考三代 諫 有等 宿 弗 王 貳宗, : 委 Ŧi. 故天 衛 儒之 教 納 見 曲 之 吾 莊 甚 衰 得 子家傳之法尚 於 之氣 子 聞 士 少。 所 公, 如 邪 成 • 或 建 有 傳 此 猶 周 所 小 之立也, 隸 國,諸侯 之 先 見 驕 築 如 謂 子 奢 左 到 王 不 得 城 九 弟 之 史 後 之 臣 淫 可

⁰ 傳正 桓」, 義》改 原 作 伯 據 四 庫 本 及阮 刻《十三經 注 疏

[「]二」,原作「三」, 四庫本及金華本作「晉君 據四庫 本及《左傳正 》改

能 倚 言 相 當 之 於 時 楚 便 謂 叔 之聖賢 向 之於晉 博 物 君子 子 産 之 於 鄭 纔

冬齊 齊 秋 會 人 卒 侯 于 使 温 平 來 盟 宋 告 于 衛 成 于 瓦 鄭 屋 或 八 年 年

當 非 此 衛 霸 是 連 春 心 霸 霸 時 帥 惟 秋》 之 之 道 之 春 時 到 其 告 秋 節 得 名 始 理 職 他 經 成 之初 亦 傳 平 諸 所 政 未 王 事 然 方 以 侯 或 能 東 當 與 權 7 周 齊 稍 做 遷 諸 謀 時 未 僖 不 有 得 然僖 後 尚 東 侯 公當 過 不 才 遷 禀 會 智, 王 \equiv 可 所 公所 之 盟 王 時 者 或 望 以 前 命 謂 自 征 自 後 之 凡 以 伐 然 之 未 無 所 盟 來 書 謂 稍 小 出 嘗 總 以 桓 之 多 霸 盟 來 到 合 不 無 小 於 文, 會 得 謂 係 這 見 方 霸 盟 宋、 後 屬 伯 於 便

> 略 然 亂 霸 故 勢 齊 春 又 來 帥 霸 室 大 國言 論 業 ? 如 得 諸 陵 秋 霸 又 多 齊 侯 盛 或 替 之 諸 齊、宋、 之, \pm 與 是 來 論 凡 初, 衛 齊、 處, 侯 道 用 桓 桓 之,僖 戰 鄭 霸 王 會 宋 便是 公會 私 公之 衛 干 此 業 綱 盟 遠 意 郎 宋盟惡 時 公霸 相 燕 尚 成 王 統 或 時 所 0 才 爲 在 伐 魯 道 天 言 却 業 謂 消 魯, 智 凡 之 消 未 曹 下 江 不 諸 不 長 此 亡。 無 亂 之 至 時 如 如 亦 類 侯 黄 加 諸 於 亦 以 桓 不 是 到 僖 會 齊 於 甚 侯 不 公; 其 過 至 得 私 于 公 僖 皆 僖 壞 過 班 餘 意 桓 四 稷 之 公 以 在 几 公, 莫不 爵 或 當 公, 以 所 時 天 焉 後 或 之 不 所 成 以 所 下 時 來 同 盟 宋 之 以 偶 小 以 王 蓋 何

❶ 「郎」,原作「即」,據四庫本及金華本改

亦

皆

諸

侯爲之。

羽父請諡與族八年

大 安 大夫官 謂 世 無 排 官 夫 駭 挾 官 看 春 所 秋 爵 爵 謂 皆 得世官 如 之初 甚 鄉 不 無 所 少 舉 命 非 謂 諡 只是起於春 里 氏 電 賜 以 傳 選 族 姓 魯 賓 尚 世 如 興 官 少 使當 或 所 0 不 論 秋 謂 可 春 見 時 之,諡 以 行 於 秋 宛 春 來 初 魯 秋 秀 者 族 東 以 民 如 遷 甚 無 前 所 如 少 處 有 命 謂 所 0

滕薛來朝争長十一年

周 制 盛 時 滕侯 滕 諸 日 薛 侯非 來 朝, 我 惟 周 人爲 争 長 之 王 _, ト 正 卿 此 士 也 0 段 而 須 1 以 Ė 此 看 得 見 官 成 官

鄭莊因入許而曰寡人有弟弗能和協

十一年

後於 言 霍 了 許 是 惟 勝 不 解 至 四 虚 莊 0 底 情 一、滅 方 紐 有 而 委 之言 言 0 鄭 歉 + 日 鄭 依 耿、滅 曲 諸 : 入許 六年 於心 舊 此 正 觀 涵 侯 則 亦 是 謂 寡 養 是兄 他 亦 鄭 故故 是共 不 魏 而 前 莊 人 未 初 不 可 有 公 有 時 厲 恐 略 弟 待 敢 叔 0 有 唐、 弟 悔 養 公之言目 爲 無 叔 不 嘗 蓋 放 許 過 惡 人 弗 段 顧 可 虞、三代 莊 手 有 之言 之 所 能 此一 忌。 泯 後 公是 滅 止 議 氣 和 絶 於 欲 不 不 所 協 習 段看 觀 處 鄭 國 氣 段 口 莊 箇 矣 可 以 使 猶 象 9 曲 公 如 得 後 此 使 先自 有 餬 未 我 後 王 封 來 共 謂 然 此 才 其 之改。 直 言 許 果 之 叔 説 智 莊 因 綱 然 彼 占 於 之 滅 非 無 破 公 初

當 心 鄭 道 恩 切 亡 本 至 封 必 不 意 念之 無 此 絶 初 他 不 時 理 Œ 德 然 常 其 莊 只 子 也 極 是 無 恁 只 者 以 也 常常 弟 深 公 後 功 莊 及 惟 緣 地 自 也 德 公當 世 且 逐 人 其 秦 至 歉 蓋 及 世 如 段 兄 當 於 人 民 於 故 食 初 楚 弟 毒 八 初 不 日 此 加 施 機 禄 懷王之在 之 + 下 秦 用 有 天 須 恩 謀 而 手 太 餘 許多 人殺之,而 叛 屬 見 意 培 不 得 深 年 逆 於 得 養 絶 也。 毒 之後 機 故 國,荒 後 非 陷 關 惡 是 或 此 故 也 夫 叔 陷 共 正 後 猶 莊 舉 人 亦 何 淫 段 穽 相 思 國 公 來 以 爲 叔 不度 也 之 到 之 之 反 施 是 無 必 深 之 使 得 愈 有 此 悔 於 欲 而

息侯伐鄭十一年

息侯伐鄭,此段須就息上看得楚之盛

皆 須 時 夕 盟 衰 必 旁 强 楚 自 近 征 當 未 楚 看 楚 救 伐 之國 是 方 强 之不 盛 及 可 時 盛 則 楚 0 也 暇 楚 邊 如 若 息 楚 既 盛 何 何 之國 盛 暇 則 事只作 如 故 蔡 及 與 則 ? 必 尚 其 中 心 蓋 弱 他 或 有 跙 楚 事 ? 吞 絶 中 衰 看 大 併 矣 或 看 抵 則 不 之意 相 此 邊 看《 蓋 通 楚 可 左 息、 之 彼 皆 見 傳 或 是 朝 蔡 會

桓公

宋督弑君與大夫二年

之心 心 各 而 左 氏 有 後 序 所 動 主 宋 於 恶 督 使 事 此 宋 極 督 左 好 氏 有 尊 識 觀 君 見 其 之心 高 論 遠 督 決 處 有 不 0 無 敢 君

哉 所 末 所 爲 以 流 忌 弑 ! 過 其 憚 逆之事 蓋 位 有無 所 蓋 變 以 督 色, 養其尊君之心 君之心 之 惟 人門 殺 此 孔 心 乃爲 鞠 父 ___. 躬,夫 與 蕩 惡之根 也。 殤 則 公, 縱 豊 横 繁 乃 本 放肆 文 爲 末 惡 聖 節 人 之 無

臧哀伯諫取郜大鼎二年

之喪 得 夫 不 在 之,哀伯 制 大 義 也 天 察 度 者 下 矣。 而 固 哀 品 周 猶 緦 當 伯 之人,皆習 乃諫 品 内 之諫 然 小 不 考。 然 史,周 功之 看 知 其 惟 哀 取 然 取 而 納 伯 察 部鼎, 之 桓 叛 而 況 賂 之 者 良 公 臣 不 下 之 諫 也 史也 於弑 之鼎 察 賢 其 是 周 者 中 諫 哀 尚 哀 内 逆 數 文 所言周 伯 是 伯 史之言 之 等 不 猶 亦 辭 魯 事 而 知 可 不 之是 爲 猶 家 能 君 之 謂 衆 宗 賢 忍 臣 習 須 取 大 看 爲 廟 年 而

者乎? 以此知當時天下之人,視弑君弑父

以

爲

常

條之役千畝之戰二年

際 門 之名 周 亦 爲 衰 不 堯 臣 諸 條 母 及千 可 侯 下 不 之 故 視 謹 畝 相 江 之 也 之役, 充 侵 以 有 遂 爲 謡 日 皆 輕 戾 矣。 重 在 太 0 0 出出 子 漢 厲 夫 武 人 是 間 知 名 君 命 鈎 又 命 t 見 名 太 乏 之 得 子

楚武王侵隨六年

自 前 年 楚 侵 蔡 鄭 隨 會 段, 于 鄧 見 則 得 始 楚 懼 自 楚 此 至 憑 此 陵 楚浸 諸 夏。 盛

■「侵」,原作「親」,據四庫本改。

六

爲 其 草 也 時 高 來 不 或 矣 消 弱 莽 宗 能 有 桃 元 入元 蓋 自 蓋 長 時 氣 弧 君 以 矣。 夷 至 商 理之常 棘 也 子 其 此 狄 盛 氣 ; 矢 之與 勤 復 之 如 夷 喪 故 勞 以 悍 商 强 狄 則 能 小 共 如 之衰, 然 弱 邪 邪 罙 人, 禦 此 陵 氣 常 人 氣 王 犯 夷 方 乘之。 其 荆 由 事 也 中 狄 服 楚 中 阻 之 或 篳 役 常 夏 元 與 之 楚之猾 路 非 其 之 爲 氣 不 中 藍 後 專 亂 全 盛 或 暇 縷 楚 周 矣。 則 衰 夏, 其 之 之 以 邪 口 其 罪 盛 相 見 處 至 氣 中

魯以周班後鄭六年

之,則 此 之末言之,則 段 諸 見 以 侯 得 周 伐 魯 班 齊 秉 以 後 周 不 鄭 鄭 禮 見天子不稽首 忽 而 有 致 舉 功 三國 春 魯 秋 之 以 之 師 周 初 而 0 班 取 舉 後 事 齊 春 鄭 侯 秋

> 之責。 伯 然 所 則 吾 知 以 責 方 禽 0 蓋 之化 魯 讓 然 秉 哀二十 魯 禮 乃 或 所 變 秉 能 之 而 漸 而 周 年。 終 彼 風 者 禮 至 守 之加 原 聲 深 見 於 而 始 氣 也 道 與 不 要 習 於我 於 替 終 然 能 大 使 此 者 此 則 或 非 之 則 魯 大 則 耳 魯 甚 之 則 甚 之 難 秉 甲 易 亦 君 周 周 兵, 此 相 禮 公、 能 其 小 也 口

鄭忽辭昏六年

多 之言 之耳 爲 辭。 在 福 此 ? 其言 特 卒 北 雖 此言 後 戎 以 以 以 世 伐 曰 堯 無 不 甚 徒 齊 能 大 爲 善。 見 自 充 或 父 鄭 昭 之助 求 彼 而 自 忽 公奔 多 祭 不 救 求 福 仲 能 多 衛 齊 殊 與 之 在 福 則 不 齊 諫 丹朱,舜 我 之言 咎 知 侯 而 特 忽 其 請 己 之 以 耳 不 妻之, 爲 敗 利 大 用 子 自 害 或 正 祭 忽 而 求 不 仲 論 何

或 不 能 平 與 八瞽 瞍, 後 世 不 周 公爲 可 因 昭 兄 公之失而 而 不 能 與 廢其言 管、 蔡, 況大 也

楚子伐隨隨敗八年

之,然 之宗 小人之 梁 或 詳 其 侯 也 君 甚 詳 效 當 之 存 矣。 必 謀 與 謀 然 第 臣 時 而 有 存 隨 必 大 畫 雖 楚 根 龃 尚 所 之 卷 待 抵 計 亦 既 不 國 君 有 謂 敗 適 少師 小 Ι. 如 用 去 相 亡 未 體 , 止 人 矣,言 當楚之方 其 與 初 則 盡 爲 或 之 言 之死而 緣 亡,社 雖 終 者 之 此 根 始 有 敗 臣 不 而 季 未 蓋 不 用 楚 稷 梁 義 興, 不 去 有 少 大 足 人 之臣 所 不 去 諫 則 所 師 而 憂。 故 上 當 以 者,蓋 不 謂 雖 , 天 其 左, 去。 是 不 行 社 勝 博 下 此 載 也 去 去, 君 稷 不 議 古 季 楚 是 小 足 之 必 所 梁 以 之 己 論 事 夫 而 臣 喜 左, 謂 季 言 可 之 隨 隨 爲

君存與存,君亡與亡」者也。

晉滅耿滅霍滅魏閔元年楚子伐隨八年

莫 者。 傳。 所 盛 故 便 或 旅 撻 <u></u> 勝 ? 敢 則 封 相 彼 以 楚 所 以 不 之 楚之於 爲 楚 殷武 衰, 大 春 此 到 或 來 消 以 與 秋 見 略 一,尚 得 王 長, 被 晉 奮 商 之 商 中 觀 _, 後 他 蓋 中 衰 小大 初 或 之, 衰 伐 見 來, 吞 有 則 或 楚 得 荆 當 蓋 見 滅 皆 説 楚 是 翦 盛 楚。 商 於 時 自 先 盛 錯 元 滅 盛 先 傳 商 王 楚 氣 到 吞 **采**人 其 楚 聖 以 所 者 自 如 得 併 事 元 衰 來 楚、 王 封 ^ 是 其 殷 之後 莫 迭 之 氣 可 雖 夷 晉 阻 武 見 及 爲 或 纔 敢 不 狄 爲 及二 到 者, 盛 衰 不 裒荆 詩 之 盡 無 多 周 來 衰 見 所 邪 與 尚 足 時 享 之 有 代 謂 商 怪 氣 何 於 中

之若 周 本宗 亂 爲 所 於晉 滅 與 衰 了。 敢 周 盛 吞 魏 消 夷 以 若是: ? 盛 敖 楚 然尚 滅 自 長 狄 楚 蚡 以 中 封 再 迭 武 蓋 他 或 詐 冒 衰 桓 何 到 爲 王 緣 有 或 叔 力 故 得 消 僭 畏 晉 篳 蓋 如 爲 於 晉 東 長 號 憚 如 不 路 緣 與 常 曲 遷 齊 亦 者 是 藍 抗 他 晉 事 沃 後 吞 楚 先 縷 非 蓋 都 衡 戰 中 古 不 王 其 不 齊 周 是 中 以 時 是 或 所 滅 後 復 是 詐 既 或 啓 夷 封,乃 灓 譚 恃 有 太 力 衰 如 Ш 狄 武 其 先 公後 滅 滅 以 林 無 楚 子 詐 王 遂 是宗族作 與 此 耿 規 自 謂 之 力, 先 中 見 見 亦 矩 然 制 滅 其 中 得 或 自 王 不 典 霍 盛 訓 所 減 古 覆 相 或 楚 刑

號仲與芮梁荀賈伐曲沃九年

封

之國

小所謂:

典

章

文物法

度

尚

在

「虢仲、芮伯、梁伯、荀侯、賈伯伐曲

是 傳 沃 何 贵 以 盡 不 此 見 爲 可 之? 雖 大國 以 等 觀 閑 併 蓋 天下之大勢乎 言 吞 自 語 J. 此 以 亦 此 後 可 又 以 見 Ŧi. 觀 世 或 天 代 皆 下 升 不 降 見 處 於

莫敖請濟師十二年、十三年

或 羅 縊 師 長 之 進 不 足 時 莫 大 及 敖 凡學者最怕外面 伐 敵 志 蒲 之爲 絞 騒 滿 之役 音消。 是 意 人, 以 得 。之役 (字本而 輕 徒 徒 敵 外 恃 而 用 絞 加 面 前 敗 鬭 添 小 加 日 廉 添 裹 遂 復 之勝 之 面 致 勝 而 謀 初 有 裹 而 不 荒 能 及 面 謂 長 其 谷 敗 初 進 之 小 伐 鄖 不

鄧曼謂鬭伯比非衆十三年

楚屈瑕伐羅,鬭伯比送之。還,謂其御

外 之國 於《 有 則 盛 ,》之道 之之在 鬭 : 俱 有 如 關 有 此 廉 鄧 耳 大 莫 雎 者 當 曼之賢 敖 夫 伯 **%** 必必 時 必 其 所 比 贵 夷 豊 非 本 非 敗。」云云。 所 之 以 不 狄 於 以 智 到 謂 衆之謂 以 而 所謂 家 爲 得 以 亦 憑 齊 盜 之助 爲 有 如 陵 盗 亦 言。」看 之 入告· 而 此 其 諸 有 亦 謀 强 道 内 夏, 道」。 有道」乎? 此 哉 夫 盛 南》 强 外 其 人鄧 地 强 口 之化 强 段 位 夫 觀 知 可 楚, ()便 如 曼, 當 知 蓋《大 此 外 亦 夷 時 見 鄧 其 狄 得 内 則 内 曼

鄭厲奔蔡十五年

公會宋伐鄭同上

智略 公之初,殺 有 此 卷載 以 掩 弟 之,固 鄭 人 事 母 稍 不 詳,見 雖 甚 是天 覺。 得莊 下 及 極 公始 其季年,公子 恶, 緣其 末。 當 權 謀 莊

> 會 出 雖 唐 以 以 耳. 争 身 有 掩 支持,及其 太宗初間 雖 , 兵 於於 學者切不 之, 殺 其初未甚覺 兄戮弟, 少 革 故 壯 不 不 内 老 息,病 時 可於一 甚 閨 則 也 戕 見。 肅 ,其後終 門 賊 血 弊 清 其 大惡,亦緣 事二 氣 至此 及一 華 血 既 夏,外 衰,百 氣 不 事上 始 傳 可 雖 露 高 則 掩 錯 貞 宗, 病 有 蕩 也。 放 觀 大 疾 俱 滌 之治 過 百 抵 亦 作 羌 弊 不 自 人 戎 有 俱 之 理 如 可

莊公

單伯送王姬元年

秋築王姬之館于外同上

莊公之立,桓公見殺於齊,則莊公之於

●「貞」,原避宋仁宗諱作「正」,今據四庫本改。

安可 火之 以 之 皆 畫 父子 其 清 畏 歸 如「 理 齊 名 讎 故 朝 委 未 君 齊 議 於 論 有 伐 「我實 以 之間, 字,求 曲 義 必 臣 之 齊 之 必 頓 而 不 築 郕 詳 是。 委 之 魯 共 熱 不 强 口 П 不 主 _ 曲 間 戴 護 可 敢 矣。 而 不 絶 天 姬 如 以 則 安排 天 者 與 凡 與 德 不 之館 之而 段 屬 宛 水 委 其 者, 之讎 然 天下 敢 0 外 之 深 之必 轉 亦 曲 發 口 須 絶 未 齊 恩 于 則 不 可 商 然。 口 不 護, 識 之事,不知 足 師 憂。 與 外。 畏 而 寒, 量 欲 護 可 得 莊 使 爲 不能 齊 主 何罪?」 與 禦。 莊 莊 如 憂,既 其 亦 蓋 之 昏 公 (之主 箇 公 公之 手 終 報 見討 以 兩 其 傳之説 既 兩 義 本 足 於 不 復讎 齊 不 夫不 知 不 昏 知 要 皆是要立 也 自 相 之 之 此 知 而 之而 之 相 領 畏 者, 捍 心 妨 而 不 爲 不 而 共 妨 内 而 齊, ? 頭 已 念 敢 宜 欲 求 戴 底 良 則 魯 王 矣。 目 絶 如 然 道 而 所 天 畏 心 姬 前 至 立 則

箇名字文飾之,此其所以終於不振。

0

齊無知弑君諸兒八年

弑 頻 氏 郕 其 所 行 之禍 則姜 故 便 國 以 不 降 道 ; 速 看 所 纔 氏 齊 也 襄 無 以 以 至 襄 至 公 不得 爲 王 於 之 公 死 每 人 欲 須 死 志。 期 舉 伐 會 看 之 而 衛 魯 得 觀 如 速 每 侯 其 每 衛 得 當 則 舉 滅 便 宜 志 魯 時 而 紀 服 乎 侯 每 淫 ; 卒 惟 則 至, 纔 侈 得 其 蹈 紀 欲 無 志 欲 得 侯 無 滅 度 大去 志 要 是 知 郕 篡 之 姜 其 肆

左氏傳說卷第一

後學成德校訂

左氏傳説卷第二

X

須

看

得

他

有

可

憾

者。

當

王

綱

解

紐

或

自

東菜吕祖謙伯恭

公

莊

齊 會 小 于 鄄 白 齊 人 于 始 齊 霸 九 + Ŧi. 年

者

之功

而

無復見

先

主

之澤矣。

於天 管 衰 以 霸 仲 之 前 後 下 打 是 鄉 莊 是一 者 九 古 其 節 年 説 可 被 節 左 齊 Ŧi. 知 髮 霸 桓 也 傳》須分三節看 左 Ŧi. 迭 公自 衽 霸 然看 興 矣」, 桓 吉 之際是一 公爲 入齊。 得桓公之有大功 則 桓 盛 公之有 孔 : 節 士五 五. 子 五 霸 稱 年 大 霸 未 微 功 既 始 興

霸 有 爲 出 大 猶 大 國 來 政 未 總總 之正 有 功 强 出 於當 可 , 先王之遺 者 集 見者,霸 己, 陵 天 世 下 如 弱 ? 之勢,整 褰裳》 衆 然所 主 風 者 餘 暴 出 澤 謂 之詩。 寡 頓 猶 猶 則天下之人見 天 有 有 當 下 存 可 此 之 時 者 憾 時 天 事 之 者 得 贵 下 蓋 桓 霸 之 非 Ŧi. 公 思

義 自 家 以 纔 而 方 而 可 下 經 唐 王 以 而 太宗 事 9 大 肅 如 諸 至 或 明之: 抵 番 建 有 儒 鄭 於 命 重 總 安 之 玄之徒 魏、晉、梁、 孔 新 集 七子, 説 毫 傳 穎 總 無 後 之 註 達 集 復 説 憾 如 之觀 集諸 之 整 存 存, 則 顔 學 隋、 頓 前 經 一次, 家 丽 詩 謝、徐、 漢 唐 美皆 者 之 猶 詞 之諸 便 説 有 全 之 必 失 只 庾 爲 經 作 可 + 儒 之 知 ^ 見 古 專 分 Œ 矣。 雖 自 有 之美。 失,然 門 義 是 爲 漢 ^ 正 名 試 當 淫 魏

麗 子 美 而 . 詩 以 古 大 m 人 才 前 之 爲 日 遺 之詩 之, 風 餘 無 切 復 韻 蓋 見 猶 T 矣 間 故 見 後 也 世 0 惟 至 唐 見 子 杜

公 公 師 敗 敗 及 宋 齊 齊 師 師 師 于 戰 于 乘 長 乾 丘 勺 時 + + 九 年 年

業 僖 以 莊 而 年 及 m 管 與 公 相 不 人 迫 之。 齊 若 後 + 仲 桓 齊 即 公 莊 來 年 新 桓 管 位 看 規 公 不 得 公, 此 仲 莊 霸 相 模 政 是 正 雖 公十 業, 時 似 時 自 兩 是 初 敗 用 在 事 年 桓 年 大 魯 管 事 體 春 公 或 前 抵 師 仲 當 秋 不 管 未 既 是 後 同 是 涉 時 仲 魯 是 時 年 \equiv 初 管 師 圕 與 尚 取 桓 公: 歸 霸 仲 未 于 新 公 管 用 乾 規 經 得 經 莊 以 仲 管 時 營 模 政 誉 歸 莊 関 仲 霸 次 緩 所 若 九 或

戰 不 得 魯 時 公 以 模 謀 子 年 亦 師 IE. 月 且 師 袖 政 得 於 緩 慮 偃 於 緣 同 大 又 管 不 爲 便 齊 舉 管 魯 鮑 先 魯 君 計 手 而 惟 當 魯 仲 須 又 十二 旁觀 仲 師 叔 得 敗 不 畫 外 人 規 規 時 必 諫 與 之言 新 伐 迫 政 宋 模 紛 模 自 面 宋 無 桓 年 得 魯 亦 師 鼓 經 促 迫 有 然 緣 公, 次 北 兩 政 自 相 緩 誉 促 迫 長 或 建 而 得 齊 于 年 杏之會 此 管 不 而 謀 諸 子 敗。 未 勺 師 郎 网 後 大 以 仲 口 不 得 之 侯 乃 敗 以 抵 高 出 面 後 加 迫 後 盡 戰 緩 若 還 看 此 子 其 與 兩 兵 是 來 施 而 以 桓 是 見 得 後 爲 所 爲 於 政 時 何 郎 不 其 管 若 公 管 此 長 涉 魯 魯 不 管仲 魯 故 迫 未 之 術 之 仲 當 仲 看 0 敗 兩 所 口 次 專 規 不 得 得 蓋 使 規 時 他 年 敗 全得 出 模 管 管 間 模 前 管 以 君 加 又 長 惟 裹 他 促 年 仲 仲 大 得 仲 兵 爲 勺 此 \equiv 到 \equiv 面 政 率 之 於 迫 所 規 便 公 加 政 他 加 初 桓 知

模 常 公爲 父子 折 Ħ. 中 要 問 衝 如 自 憑 所 直 楚 家 陵 此 當 謂 侯 到 諸 政 其 時 崛 自 屈 事 或 所 憑 完 强 來 脩 以 陵 亦 之 不 舉 爲 諸 服 蓋 放 盟 -, 兵 管 或 之 管 不 面 仲 國 乘 仲 不 管 戰 問 修 不 此 仲 教 而 整 去 其 H. 他 到 自 歲 本 所 放一 自 得 屈 月 以 後 人 强 間 管 晉 Ŧī. 則 來 見 霸 獻 + 仲 精 葵 效 丘 公 年 桓 規 神

急 尚 如 故 時 霸 近 7,桓 ? 功 耳 侵 功 者 熾 曹、 速 計 大 目 效 晉 公計 其 抵 效 功 勝 文 伐 用 謀 王 文公, 公 功 年 衛 功 之 然 利 事業, 謀 都 之 ; 與 而 敗 利 做 所 王 霸 就 桓 楚、 , 盡 者 以 比 霸 在僖 公 論 朝 不 遲 文公時 者 却 來 桓 求 王 速 論 <u>一</u> 十 做 公規 王 近 時 9 之, 聲 者 得 功 便 績 八 便 模 以 速 不 王 少 年 是 三 十 赫 計 桓 效 者 0 然 都 桓 功 事 文 桓 霸 做 謀 震 文 公 對 餘 者 1 利 蕩 説 不 求 年 何

> 之 知)高 晉 文 與 不 下 如 管 管 仲 仲 舅 犯 規 模 之 深 與 淺 以

是

齊桓霸中國十五年

晉 侵 蔡 文 退 伐 舍 楚 避 僖 几 子 年 玉 僖二十 年

0

問 當 或 楚 加 而 之 兵 時 且 桓 而 二十年者 憑 於 公皆不 看 桓 以 楚 陵 公 桓 僖之四 中 公之 之 萬 ·之問 或 霸 者 所 年 何 不 蓋 以 始 故 非 勝 桓 將 ? 霸 伐 公以 以 則 楚, 日 仲 尊 須 霸 矣, 之 置 莊 看 中 威 意豈 楚 之 如 得 或 屈 於 + 伐 管 矣, 攘 不 度 鄭 Ŧi. 仲 夷 故 以 外 年 伐 規 狄 遵 吾 霸 而 模 也 驟 不 中

■「僖」,原作「喜」,並爲大字混入標題,據《左傳》,此

齊 公 盛 楚 兵 時 久 威 玉 蓋 犯 加 强 無 損 晦 則 數 之。 蓋 楚 不 重 文豈 過 至 服 已 年 而 口 使 於 矣 多 便 文 知 楚 足 人 力 公 欲 不 以 如 强 仲 之 夫 服 至 敢 及 師 以 威 之 楚 規 於 抗 桓 盛 堂 模 晉 相 及 哉 雖 文 堂 小 文 桓 使 而 力 公 公公 之 於 則 屈 後 再 退 楚 管 則 遲 完 而 舍 楚 仲 不 而 舉 來 僅 辟 以 然 不 也 盟 以 勝 子 明 敢 臨 之, + 玉 則 矣 以 桓 公 齊 兵 然 年 Щ 之 文 之 傷 子 以 抗 則

者 之 驟 家 大 不 人 滅 問 也 聲 猶 臨 何 耿 其 之 不 故 勢 楚之於 能 以 服 逮 ? 滅 既 晉 勝 夫 兵, 盛 霍 仲 之, 也 諸 萬 齊 之 故 滅 侯 規 何 意 猶 葵丘 魏 盡 模 以 不 贵 鄰 服 服 猶 勝 伐 之會 忧 不 其 大 夷 東 欲 爲 鄰 於 狄 山 以 晉 以 ? 晉 服 皆 晉 所 至 楚 前 侯 故 從 之於 敗 强 齊 不 之晉 皆 晉 光 則 召 切 齊 獻 而 焰 置 吾 不 猶 問 吾 自 公 既 家 面

> 蓋 勢 輕 至 光 其 重 服 焰 遲 楚 臨 速 以 之 之 兵 耳 不 服 同 其 晉 故 服 以 不 晉 其 召 過 力 而 於 有 自 服 厚 來 楚 薄 遠 則 威 矣 以 聲 有

驕 之 者 仲 惟 專 往 此 年 霸 故 H 於 亦 之 其 去 不 訑 皆 也 而 故 而 六 論 然 及 事 事 訑 如 去 壞 宰 如 七 之 齊 至 其 上 事 孔 此 蓋 於 齊 年 桓 聲 規 做 + 止 不 積 此 間 相 之 音 模 做 工 於 之 能 數 遲 盛 ; 顔 非 工. 夫 須 此 而 + 格 惟 之 色, 惟 要 夫 又 不 年 却 君 其 當 以 做 王 須 會 而 拒 不 故 不 _____ 心 時 道 蓋 盡 看 成 人 去 鋪 葵 + 去 之 不 得 許 於千 宰 君 君 排 桓 丘 管 餘 口 名 非 孔 次 之 心 要 公之 心 仲 年 事 , 里 見 敘 上 會 其 上 之 近 之外 故 得 而 做 做 事 驕 功 禍 晉 晉 晉 齊 工 I. 桓 三十 蓋 侯 侯 文 止 文 而 夫, 夫。 公, 管 欲 之 求 霸 如

荆伐鄭十六年、二十八年

楚人伐鄭僖元年、三年

矣。 管 鄭 能 仲 勝 而 此 楚 之 不 齊 仲 削 規 再 栢 之所 模 加 公 不 霸 调 大 兵 以 於 中 如 能 善 或 楚 前 養 養 者 日 楚 威 威 數 萬 處 何 也 侵 故 鄭 ? 不 蓋 勝 仲 以 桓 之 此 公 則 意 霸 儘 惟 權 以 見 務 謂 得 於 屈

鄭 鄭 伯 伯 王 子 將 見 頹 王 虢 一 十 自 叔 幸 日 盍 門 年 納 X 虢 王 叔 自 年 北 門 人 殺

當 是 時 時 齊 唐 虢 惠 公 桓 爲 王 與 以 霸 鄭 主 王 伯 子 却 同 頹 自 帥 之 不 師 亂 納 納 出 王 王 奔 其 鄭 殺 納 王 處 者 子 干 却 頹 櫟 出

> 文 秦 於 桓 凡 師 號 公 爲 而 有 鄭 霸 下 齊 聽 必 事 號 欲 桓 便 鄭 出 却 要 於己 不 納 占 管 王 做 他 不 亦 0 要 是 如 何 與 規 故 納 秦 模 ? 襄 分 不 王 若 功 口 時 是 處 辭 晉 到

先 者 尚 伯 來 秉 甚 桓 雖 王 唐 \mp 周 綱 去,正 小 室 王 不 室 公 啚 爲 ,齊之 尚 所 室 之 然 東 以 政 不 霸 王 業 衰 在 遷 亂 所 甲 故 得 以 左 緣 處 號 時 凡 以 兵 卿 而 世 必 地 便 正 虢 王 有 土 强 預 竟 甚 秉 退 Ŧ 當 患 鄭 弱 室 當 鄭 周 强 所 然 室 時 難 秉 兩 爲 自 政 時 納 之 讓 以 以 以 周 或 事 爲 之故 王 自 諸 義 與 堂 土 政 人 或 之。 有 諸 侯 號 堂 時 地 仕 首 虢 \pm 所 皆 侯 論 大 亦 鄭 自 這 王 室 公爲 先 以 尚 未 之, 或 自 是 朝 此 任 親 當 以 出 秉 有 霸 以 因 虢 王 臣 爲 時 與 此 \mp 來 後 虢 虢 定 卿 者之初 己 鄭 齊 周 命 知 歷 士 其 責 諸 之 鄭 最 當 桓 鄭 亂 侯 獨 自 後 世 地 定 親 鄭 時

亦 者 無 此 復 事 周 王 之所 朝 以 霸 衰 者 所 然 以 號 興 鄭 至 之 於 所 諸 以 侯 事 皆 王 霸

今舉 視 E 以 伯 王 之 周 平 有 諂 見 常 自 兵 虢 寵 媚 緩 鄭 叔 奪 爲 時 論 之。 鄭 鄭 己 却 來 : 政 視 無 情 是 當 臨 之 寵 自 鄭 意 時 常常 禍 取 厚 在 本 志 急 然 周 薄 先, 是 憂 而 之 鄭 且 到 虢 虢 麥、 憂 伯 得 如 當 在 必 温 爲 周 Ŧ 先 後 及 有 之 王 出 之。 鄭 禾 卿 患 居 到 當 士: 櫟 難 得 盍 時 後 後 鄭 號 號 虢 納

> 齊 侯 使 敬 仲 爲 卿

畏 見 義 懷 故 得 管 我 歸 古 仲 ? 齊 此 友 朋 侯 詩 見 前 畏 之 欲 得 來 此 使敬 意 請 當 此 簡 猶 齊 時 見 書」, 仲 有 侯 猶 得 存 爲 救 知 當 如 卿 邢 簡 時 上 書 亦 朋 辭 文 朋 援《 友 以 畏 之清 当 友 詩 之 此 学云 不 朋 可 議 欲 畏, 友 尚 往 在 之 又 不

畢 懿 萬 氏 1 筮 仕 妻 敬 於 仲 晉 二十二 閔 元

來,王

賜

虢

公

酒

泉,

又

與

之

爵

與

鄭

伯

止

以

盤

鑑

夫

王

室定後

王

何

故

不

察平定之功

V

却

與

號

之

爵

復

厚

虢

而

薄

鄭

蓋

虢

公於

王

室

無

事

時

又

却

築

王

宫

于

玤

又

以

四

媚

洁

之説 萬 知 己 之言,蓋左氏之生 見 懿 起 氏 於 於 1 春 王 妻 秋 莽 敬 之 篡 仲 際。 漢 一適 段 假 看 當 後 左 此 戰 氏 以 或 人 所 之 愚 云 載 初 人 符 敬 耳 命 田 仲 目 讖 魏 不 始 緯 畢

緩

Ī

古

口

喜

纔

到

患

難

時

看

得

意

思

終

是

王

以

此

知

阳

媚

順

旨

大

抵

無

事

時

此

等

先 符 亦 能 者 興 旧 啚 天 當當 從 命 於 降 故 故 之 大 流 觀 俱 而 皆 誇 時 事 象 抵 俗 不 書 信 誣 雨 之 皆 外着 帝 足 之。 之。 其 王 信 正 口 Ш 祖 邪 之 疑 後 111 遂 左 以 贵 隻 興 來 出 氏 此 以一 眼 柳 神 口 雲 亦 和 又 故 玄 下 子 謂 惑 氣 墮 民 耆 鳥 厚 之 於 於 充 於 欲 無 生 作 寒 敬 流 當 將 也 ^ 商 仲 俗 貞 贵 時 偏 至 之 符 畢 民 無 之 所 伏 \leq 有 萬 祥 無 見 見 開 羲 以 之 瑞 有 也 負 爲 事 不 必 ? 知

里 有 萬 嬀 之 之 後 後 必 將 大 育 閔 于 元年 姜 + 年

莽 推 論 其 符 以 源 命 符 此 命 讖 流 爲 讖 緯 符 禎 緯 之 祥 命 之 説 古 説 移 起 是 於 起 王 耳 於哀、 哀 莽 目 以 平 篡 此 之 平之間 篡 奪 間 天 漢 9 下 比 附 而 後 符 然 世 Ŧ.

> 之後, 之 謂 後 之 燕, 易》 移 命 腹 有 以 事 命 E 畢 時 國 惑 符 是 : 0 讖 都 皆 將 萬 見 己 命 始 看《 亂 緯 口 此 之 是 育 是 莫之與 陳 所以 當 自 賞 惑 之 見 其 後 于姜。 左 世 造 侯 時 實 世 相 人了 ,天啓之矣。」以 戰 代 氏 必 襲 作 載 者 傳 未 己 或 陳 大 京 舊 湊 遂 所 懿 嘗 自 如 之 五. 有 陳 或。 合 盛 載 氏 此 不 雖 始 初 世 或 萬 侯 得 於 之 畢 假 左 及生 於 其 便 如 使 如 1 萬 來。 王 盈 符 氏 戰 至 昌 晉 到 所 莽。 筮 數 敬 好 命 或 於 一敬 敬 此 得 謂 並 之。 仲 如 也 説 之 如 畢 仲 仲 0 知 陳 于 如 柳 ; 説 齊 符 初 説 萬 涉 戰 魏 秦 IE 見 子 周 遇 怪 皆 爲 此 或 以 當 卿 1 厚 觀 史 考 如 大 所 然 時 有 篡 是 時 狐 偃 作 名 之 以 之《 楚、 謂 暴 鳴 戰 已 嬀 奪 以 ^ 否 也 唐 貞 自 世 之 左 符 此 戾 如 或 魚

❶ 「於」,原作「與」,據四庫本改

八

符》之説,謂無符命,此又見得一偏。

謂 信 體 邪 符 自 之, 先 天 之「不 之説 命 然之兆 是因噎 當當 且如「 降 者自 所 大抵 時 昭 深 謂 于 雨 然 可 符 察 玄 其 而 如 信 帝 人之正 命 其 鳥 Ш 廢 祥 日 却 之 王]]] 邪 生 食 于其 星 説 之 出 商 也 正 不 之 心 興, 亦 . 是 雲, 0 明 不 附 感 若 大 見 伏 耆 可 抵 以 會 天 乎 羲 慾 謂 若 湊 地 帝 不 蓍 受 將 之 以 之正 王 合 正 龜 圖 至 之 無 此 得 之 察 興, 來 氣 説 動 也 有 如 之, 贵 自 不 乎 所 例 開 所 謂 謂 IE 有 論 可 足 必 几

楚 公子 於菟 則 執 自 而 元 毁 梏之 帥 其 師 家 秋 伐 以 申 鄭 舒 公鬭 而 楚 處 或 班 王 宫 殺 難 子 鬭 三十 射 元 鬭 師 諫

楚之興,自武王兼并,自此便强。斷以

便亡 再 存 楚 見 淫 文 王 安。 或 亡 能 殺 縱 初 王 , 交關 即 爲 用 幸而 論 亦 自 位 申 子 能守 來 毁 尚 文。 公 樞 楚 得 其 幼, 鬭 紐 其 到 家, 子元 子 處 班 此 是 基 所 文 合 時 業 以 是 初 殺 爲 公子 衰 紓 而 時 死 令尹 0 不 楚 當 復 時 失。 所 元 或 有 時 爲 以 E 以 之 子 君 傳 **\$** 不 是 清 難 元 尚 尹 衰 于 楚 忠 幼 以以 時 成 自 之 表 時 王 此 倡 楚 盛 大 貪 蓋 楚 於 自 緣 臣 冒 衰 成

戕 側 縱 以 謂 **\$** 所 勤 德 謂 不 以 振 民 大抵 道 儉 殺 萬 訓 見 生 **\$** 以 舞 衆 在 莫 楚 勤 破 尹 勤 敖 而 之 儉 貪 0 楚之家法。 好 而 是 所 淫 勤 楚 鎮 告 楚之家 以 不 則 之 撫 諸 厭 立 不 勤 之, 天 貴 或 臣 儉 法 之 召 如 家 0 本 下 不 諸 到 築 法 皆 不 如 假 子 館 司 平, 告 以 或 元 易 而 于 勤 戒 出 也 勸 幾 卒 夫 之 儉 來, 之 乎 至 人 宫 皆 以 所 息 淫 相

當 或 家 模 矣。 如 侈 須 易》之《 命 却 是 是 時 驕 自 當 是 子 淫之後 不 則 毁 文 時 却 小過 是 何 其 子 出 恁 矯 以 家 文 來 心》所謂 地 能 枉 繼 救 獨 以 自 调 平 子 己 直 清 以 貶 常常 元之 行行 離 清 忠 損 做 正 之 過 忠 勤 方 後 是 不 人 乎 儉 勤 可 合做 得 恭 平 心 表 儉 , 倡 常 何 所 用 再 底 於 故 也 續 以 過 復 事 做 ? 將 自 楚 乎 0 或 不 絶 毁 儉 之 故 到 得 之 規 其 奢 如 不

閔公

狄人伐衛二年

得 當 時 齊 桓 夷 公始 狄 憑 陵 霸 中 之 或 初 如 狄 此 滅 之甚 衛 又 伐 向 非 邢 齊 見 桓

> 之霸 狄 衽 一之歎 此 封 孔 也 衛 子 遷 所 邢 以 則 有 中 微 或 管 幾 仲 何 而 吾 不 其 淪 被 胥 髮 爲 左 夷

太子申生伐東山泉落氏二年

驪 之 手 父 克 句 告之以 不 ,使問 欲 子 有 下 則 姬 手 之閒 筆 殺 人 晉 既 ? 中 諫 獻 法。 申 不 於 獻 公 立之言, 0 生 左氏 拒 克 使 公, 然 中 久 之, 太 大 其 矣, 書 出 克 是 子 夫, 後 則 則 日 對 所 亦 申 驪 告 驪 即 憚 以 既 助 生 姬 太 姬 者 中 里 之 與 伐 欲 子 固 克 立 惟 也 中 東 殺 以 無 之言 克 也 大 申 孝 Ш 所 使 夫 耳 臯 生 9 畏 克 克 成 古 落 能 雖 謀 今 夫 未 是 何 氏 驪 拒 不 克 敢 爲 善 驪 助 既 此 而 姬 下 處 里

● 「之人」,原作「人之」,據金華本改。

免弑 姬之 奚 姬 在 申 7,或是 彼 有人,又見晉國人才之盛 生 逆之惡者 所 卓勑 代 必 動 東 或 有 摇 角 Щ 所 非 反。 也。 畏 而 ··, 由 子,克 皆有 而 段 學 其 不敢 守 者 論 意 雖 初心之不 下手。 味。 者 最 有 自 怕 品 先 亦 守 區之心 其 見 友 初 堅 後 當 而 心 一,而 里 時 下 不 隨 克 凡 終 爲 堅。 所 數 不 殺

僖 公

晉假道於虞以伐號二年、五年1

能 之奇 如 息 知 却 者 諫 料 晉 必 荀 敵 不能 亦 不 息假道於虞以伐虢,此一段, 如 自 聽 見 先 有 爲保護 數 知虞之必 自 0 是觀 至 之計 於 之,晉 傅 可假,知 奚 何 齊, 或 料敵 號之 智 此 謀 如 段 之士 是之 必 知 全 宫 不 可

> Ţ. 審 一夫,專 謀 或 以 如 是 臆度揣 之疎 摩 ? 爲 蓋 事 息本 故 有着 非 就 不 自 着 身 處 上 做

驪姬欲殺申生四年

言説 載 苑 者 中 載 《左氏》與《 不可倚恃。 一己獨 尚 則 將 本末 之。 載 驪 有 V. 姬 里 「當 奚 具 集 之殺 克。 齊 於 時 備 或 觀 里克 枯。 驪 優 語 既 申 使 中大夫, 姬 施 與中 生,《 却言:「 優 相 是言 欲 以言 施 爲 殺 大 或 表 以 申 申 動 夫 里克 裹 語 吾 酒 生之 生 克,言 成 》所 秉 飲 而 謀。 耐 也。 君 里 勢 立 載 晉 以 克 已 奚 \sim 甚詳 而《 左氏 語》中 殺 齊 自 皆 欲 太 岩目 摧 集 以 所 **>** 語 所 於 優 則 難 看

⁰ 年、 「二年、 五 年,據 五 年」, 原 作 十五五 年」,《 左 傳 事 在 僖 公

君之 謂 若 獻 克 以 雖 既 直 肆 乎 人 施 左 使之歸 爲 作 能 ? 有 書 不 行 得 不 公已許 不 氏 然則 無 亂 中 守 同 里 預 而 忍 我 中 優 斷 克 謀 · 不 驪 7 正 無 所 胙 施 大 論 之 殺 所 他 之言 不 忌 姬 殺 與 通 於 夫 必 姬 語 來 申 以 奪 1 謀 申 於 復 獻 : 要 成 必 ,, 今特 歸 太 以 生 以 生 其 故 公」,當 謂 則 謀 人 故 免 有 告 中 子 不 間 交, 或 依 之 殺 但 罪 則 大 姬 驪 合 是 造 ___ 成 對 語 附 申生 夫 得 驪 則 當 姬 獻 吾 當 時 或 此 之 罪 優 謀 姬之計 女妓 以 時 所 公 則 不 驪 便 姬 之謀 使 施 亦 肆 人 姬 載 不 且. 聞 敢。 姬 行 段 之行 言 可 其 便 知 難 論 持 殺 優 到 事 然。 行矣。」 必 也 謀 里 之, 口 後 申 兩 施 中 當 當 爲 不成 克, 以 而 之言, 謂 端 生 面 立 時 ^ 所謂 罪 驪 左 之謀 無 成 中 其 故 名 抵 里 君 太 姬 段, 氏 謀 憚 立 女好 克 克 實 子 統明 而 里 遂 免 優

> 作 當 倉 生 於 T 以 子 此 不 所 e, 倉 察其 卒 無 亂 倉 既 正 無 卒 卒 封 是 他 理 自 措 時 元 之變,奔 之 不 罪」,皆是不 以 論 不 其 出 此 邑。 是。 無 無 古 Ť, 見 不 措 是 Ι. 須 處 近 太子 歸 H 夫, 如 成 當 道 死 於 此 心 父之過 知獻公之心。 看 合即 且 理 邑 却 待 這 亦 則 易 申 死 又不 自 是 生 便 而 0 從 節 口 小 既 就 然 是要恃 容 見 心 不 死 這 而 就 不 畏 辦 箇 犯 又 然 忍 死 死 城 逆 此 不 却 則 死 便 是 時 郭 尚 死 奔 難 太 至 罪 以 自 變 歸

左氏傳說卷第二

後學成德校訂

 \equiv

左氏傳説卷第三

東萊吕祖謙伯恭

僖公

士 侯 蔿 伐 築 蒲 屈 夷 與 吾 屈 不 Ŧi. 年 守 盟 而 行 乃 之梁 六年

或 蔿 重 廣 父之命 耳 狹 築 當 遠 不 蒲 自 僖 訴 初 近 與 士 屈 兀 初 至 蔿 年 不 夷 築 至 人 暇 段, 吾 卷 終 校 則 邑 終, 於 可 城之美惡。 訴 皆 霸 以 試 之。 不 諸 見 舉 謹 侯 重 數 蓋 真 耳 段 重 薪 論 至 人 耳 夷 於其 於夷 終 惟 吾 於 識 知 間 吾 共 失 度

> 以 子之義 客 之,則二人之臨 徒 蒲 之,則二人之用 矣。 迫 耳 E 則 於 論之,則二人 以 不 惟 夷吾 人終於霸諸侯, 君 至 不 至 如 知 若 而 於 己 得 重 父之命 則 之利 出 伐 耳 其 已 有 矣。 奔 屈 從 而 吕 便,而 不 游 奔 、之得 夷 事 心 校 非 郤 賓 梁 吾 則 變 不 特 之徒 客 至於訴 則 力 迫 不 司 如 人終於亡國 則 知 不 不 同 於 可 重 此,晉侯之伐 耳 臣子之義 夷 能 不 同 可 知 耳 吾 守, 得 知 口 則 則 以 又不 己 以 知 夷 卒 築 有 以 吾 而 盟 遂出 蒲 狐 如 之識 此 游 出 則 蒲 而 其 從 趙 重 奔 知 屈 行 所 賓 之 論 論 臣 耳 奔 重 度

後 陳 申 轅 侯 宣 仲 見 殺 勸 七年 申 侯 美 城 Ŧi. 年

觀鄭申侯之陷,陳轅濤塗之怨申侯深

以 侯 殺 知 侯 之 其 卒 動 視 乎 以 及 身。 不 仇 陳 其 見 見 讎 轅 何 殺 心 其 倚 之言 宣 也 爲 乎 故 ? 夫 仲 機 利 雖 宣 勸 不 謀 蓋 仇 但 啻 仲 申 陷 讎 只 之 侯 穽 如 心 之言 見 怨 美 親 也 不 利 城 密 申 口 之 侯 其 樂 有 卒 爲 賜 然 爲 申 所 邑, 美 聽 侯 倚 所 而 陷 非 丽 而 行 有 申 不 申 而

鄭太子華請去三族七年

之以 猶 論 以 桓 長 者 臨 公, 有 之餘 之, 訓 鄭 \equiv 時 自 代 太 辭 出 鄭 小 子 論 而 氣 其 有 T 討 華 象 矣。 所 辭 0 鄭 請 矣。」 聞 惟 惜 其 去 贵 其 實 日 \equiv 其 此 敢 嘗 有 : 急 族 等 不 與 過 這 於 君 言 懼 聞 人 功 若 ? 語 先 者 段 利 綏 生 若 蓋 之 見 長 俯 嘗 總 如 以 前 者 首 得 聞 其 德 之 管 此 先 罪 以 請 餘 就 生 仲 加

力 仲 之 危 規 時 齊 仲 至 壞 則 則 川 IF. 不 時 越 之 餘 言 於 名 周 教 名 模 能 有 規 侯 爲 不 不 則 舅 論 亦亦 拒 大 救 口 分 能 室 敢 辨 如 桓 IE _ 對 之 慢 代 0 公以 其 何 犯 故 分。 得 邢 以 班 甚 以 之 天 所 而 氣 請 齊 ! 如 爵 規 桓 所 有 可 徒, 子 始 象 天 觀 模 公 以 隧 桓 禄 惜 故 以 云 之命 不 諸 其 天 專 之 召 孟 未 威 輔 古 反 敢 子 畏 侯 制 王 王 在 兩 子 管 嘗 桓 不 甚 俯 於 使 段 此 日 而 仲 公者 違 聞 口 首 而 觀 蓋 守 請 簡 扶 宰 至 喜 先 顔 之 以 不 仲 王 若 名 於 或 書 孔 天 咫 相 生 猶 桓公之於管仲, 就 知 以 則 子 分 舅 淺 長 尺, 賜 責 有 桓 義 高 桓 曾 E 之隧 犯 此 者議 論 齊 公, 備 之不 晉 在 公 聞 卿 敢 代 之 等言 之, 侯 論 文 大 先 之 不 胙 相 之, 論 則 禮 抵 箇 則 可 生 襄 下 而 晉文 徒 遺 管 管 長 適 享 拜 管 狹 王 不 務 制 學 者 以 敢 管 仲 仲 仲 視 知 以 在 小 時

平 如 焉 晉 公之有 而 文公 後 臣 趙 之有 之。 文子 猶 舅 則 犯 着 楚 得一 皆 無 莊 箇 此 王 之有孫 學」字。 字矣。 叔 至其 敖 晉 後

晉 郤 黨 郤 芮 芮 必 有 使 日 讎 夷 公子 吾 九 年 仲 誰 賂 恃 秦 對 以 日 亡 求 人 人 無 秦 伯 黨 謂 有

後 讎 大 誰 自 以 倚 所 抵 亡 靠 以 恃 此 所 言 ? | 郤 興 人 在 爲 天 與 而 穆 語 下 秦 此 偶 言, 公 觀 方 謂 甚 之人,有 芮 者 人 郤 納 得 是説 所 日 郤 要 芮 新 晉 恃 芮、 造 領 惠公, 所 一一一人 晉 獨 之邦, 疏 謂 日 惠 歸 必 然晉 亡 甥之爲黨, 公 重 無 問 有 人無 有 秦 别 黨 於 親 惠 愛惜 無 郤 公 有 有 黨 恃 秦 芮 人 黨 愛 厚 古 日 如 或 有 便 必 薄 必 是 黨 舊 即 見 有 有 如 公子 臣 得 位 禍 必 讎 憎 此 耆 之 有 亂 專

> 德 居 論 翦 事 滅 甚 殆 易 盡 到 安 得臨 能 謂 時 克 之 愛 無 心 黨 甚 ? 難 以 此 知 平.

益日 秦 饑 侯 背 晉 賂 閉 之 中 大夫 糴 + 十五 四 年

伐 之徒 消 寇 虢 不 大 H 除 射之 可還 抵 晉 其 多 是 饑 上 雖 晉 曲 徒 之敗 胳 秦 皆 惠公始以賂 有 思 在 以,其爲 必 罪 量 只 晉明 輸 然 寡信,惠公之所以 去 之粟; 於其既 贵 仇 謀 慶 矣。 不 讎 鄭 不 秦 速 上 然其 秦 亦 過 人之後 耐 秦 思 饑 不 謂 人,終 量 得 師 晉 間 無 恕。 之 亦 却 有 閉 損 志 許 有 以 不 之糴 於 不得 哉 秦 曲 背 能 把 怨 者 折 賂 慶 去 而 1,皆是 不背 可 當 鄭 虢 解 厚 而 論 釋 於 見 事 射 時

42

^{■「}恕」,原空闕,據四庫本補。

嘗 仁; 足 散 作 其 明 民 切 民 君 亦 成 看 恃 ? 歸 命 事 是 也 膽 州 不 之, 時 ſ 慶 貪 ? 當 便 使 得 以 也 兵 側 鄭 只 見 Ħ. 愛,不祥 告 惠 殺 晉 是 0 辭 面 緣 身 以 得 X 其 責 或 慶 公 知 之 其 夫 修 惠 不 是 言 既 他 定 暫 鄭 責 以 公 能 或 行 知 時 以 反 日 霸 也 , 被 之 惠 當 以 而 和 惠 . 怒 得 或 快 禍 接 秦 公 緩 時 或 當 公 鄰 之 及 民 私 虐 虢 背 之不 續 其 人 既 皆 不 後 惠 怨 皆 心 得 射 辭 此 不 施 是 慶 在 公 不 之 深, 哭。 民 義 以 則 乘 道 鄭 文 能 爲 無 諫 徒 0 心 民 此 箇 故 之言 公 接 親 秦 何 於 之, 如 雖 機 能 忌 心 則 而 續 ; 是 所 此 口 以 自 會 感 皆 得 刻 有 幸 者 在 等語 執 罪 作 得 能 此 民 狠 以 口 不 災 此 爰 此 熱 都 心 其 全 用 然 激 激 卧 矣。 田 不 不 之 傳 之 分 薪 亦 於 鄭 涣 成 而

官仲辭上卿禮十二年

管 或 久 文 法 仲 子 敢 時 齊 命 此 在 命 之 者 權 仲 將 尚 受 辭 若 仲 知 或 尚 當 伯 下 不 中 在 管 以 ! 權 辭 往 即 節 退 必 管 卿 仲 時 時 軍 即 踐 自 又 春 王 然 之禮 是 與 仲 平 : 在 當 乃 見 秋 在 始 命 所 上 晉 得 戎 管 用 職 臣 者 得 來 班 以 謂 卿 時 于 而 君 仲 賤 齊 舉 承 次之下 節 上 還 王 者 子 如 卿 有 之 王 特 郤 卿 0 到 E 此 嘉 之 謂 當 命 伯 司 以 縠 自 這 此 之 兀 乃 禮 管 時 與 E 裹 見 不 帥 專 後 有 亦 勳 何 仲 王 晉 卿 周 以 同 得 天 不 來 以 雖 以 行 初 當 往 之 王 不 此 子 敢 禮 又 管 卑 不 禮 或 踐 要 司 時 知 受 舉 職 焉 仲 請 政 尊 當 周 乃 享 王 守 卿 爲 原 管 命 室 職 之。 是 所 如 且 時 爵 或 齊 軫 於 之 陪 仲 此 秉 以 如 秉 相 典 命 臣 高 或 齊 便

六

之分 將 源 論 相 職 公之 流 職 楊 軍 所 尚 敞 秉 時 後 以 權 相 或 大 霍 世 説 接 政 光 都 可 以 往 官 實 馬 1 如 此 踐 是 霍 秉 此 知 面 乃 定 或 又 光 當 職 制 有 政 且. 時 如 派 論 職 厝 以 相 漢 班 却 已 蓋 此 爵 時 是 管 有 知 仲 霍 官 時 丞 周 時 之 與 章 光 相 所 漢 職 奏 職 口 在 任 官 實 馬 稱 林 E 制 是 派 大 者 ;

秦晉戰于韓原十五年

恨 以 岡川 然 如 理 當 處 致 狠 所 古 自 敗 時 謂 甚 秦 使 用 伯 趣 虢 明 他 之 今 得 射 與 當 人 亂 然 晉 則 慶 時 當 韓 所 成 以 鄭 若 原 時 口 不 實 是 之 吕 恨 所 見 是 愚 者 甥 戰 以 用 慶 而 爲 於 蓋 鄭 郤 無 晉 晉 稱 於 知 謀 晉 惠 慶 慶 冀 之 或 公, 鄭 鄭 曲 芮 向 所 是 猶 相 之 直 狠 激 親 有 徒 僻 箘 者 其 所 口

者 間 災 非 者 用 緣 體 馬 謀 由 政 時 曲 乘 晉 古 他 治 慶 0 是 其 不 邪 慶 不 折 也 無 見 斷 晉 今却 鄭 既 鄭 非 爲 多 心 氣 産 IF. 如 口 或 惠 之 養 是 不 恨 不 曲 此 審 不 慶 公 論 生 弗 如 諳 氣 能 如 理 勝 直 貪 鄭 乘 其 此 與 此 所 觀 用 志 練 推 其 愛, 後 論 自 須 小 水 他 在 此 蓋 當 所 之 當 古 馬 以 故 駟 土 不 以 慶 前 兩 緣 時 口 之 致 論 慶 下 是 狠 祥 而 理 慶 鄭 端 面 慶 口 見 + 戾 鄭 曲 得 小 如 知 所言 論 鄭 鄭 惜 論 者 折 分 不 駟 皆 此 怒 如 其 : 之, 不 專 工. 曲 能 鄰 此 人 然 事 能 : 前 知 以 夫 背 其 折 知 如 不 慶 心 務 亦 治 用 狠 論 古 然 論 論 施 鄭 非 則 則 義 無 看 其 戾 心 秦 者 也 秦 於 則 養 哥日 慶 才 0 有 口 無 壞 口 乞 多 大 侯 乞 事 看 後 侯 以 鄭 以 氣 不 耳 親 1 糴 事 IE. 以 糴 謀 之 曾 於 議 理 論 來 不 ; 敗 學 能 蓋 之 爲 講 是 馬 論 干 戎 必 幸 \pm

44

夫。學者於治心養氣,不可不知其先後。

城鄫役人病十六年

縱 之所 霸 諸 朝 此 也 盛 鄫 處 衰 齊 業 故 ? 做 侯 晉 處 初 故 有 畏 向 僖 初 不 霸 蓋 亂 段 號 衛 時 間 威 大 得 業 **\$** 成 無 便 桓 中 故 自 抵 公 漸 公 見 紀 不 箇 卷 不 有 至 同 霸 不 自 如 得 綱 衰 服 果 口 業 於 朝 意 正 葵丘 到 楚 桓 喜 城 皆 乃 用 且. 役 是 此 處 而 公也, 遷 及 桓 如 如 兵 之會 與 使 還。 邢 至 台 病 公 到 以 前 此 孔 至之, 末 得 末 , , 文公之季 日 何故 封 達 夫 夜 至 志 年 末 甚 年 衛 以 侵 登 王. 得 年 不 昔 欲 霸 此 鄭 桓 丘 道 會 往 意 口 强 做 業 公節 亦 而 却 諸 滿 往 年 0 今 是 不 漸 呼 易 舉 不 侯 件 諸 自 弱 制 能 霸 日 漸 衰。 業 使 事 投 之 城 侯 放 如 衰

> 牙 輩 是 德 觀 謂 時 齊 開 管 然 桓 方 齊 仲 桓 輔 西日 桓 己 公 之 中 文之二 末 死 則 主 惑 年 亂 管 於 城 君 9 此 仲 内 ___ 可 言 小 寵 輔 知 極 或 之 志 是。 而 則 此 慮 役 亦 治 昏 力 蔽 竪 如 之 此 不 故 前 如

管仲卒五公子求立十七年

公 謂 齊 此 修 初 有 至 有 於 求 便 桓 無 狐 用 衰 志 公之 悼 管 人 管 此 趙 而 仲 仲 公 般 之 能 好 時 這 卒 以 人, 徒 乃孝 ·, 五. 興 裹 振 有 以 故 奮 却 能 風 公子 此 進 興 公 有 繼 聲 竪 乘 知 無 衰 兩 文公之業 氣 皆 此 齊 刁 志,不 之不 説 習 求 機 以 桓 . 會 之 7/ 敗 同 相 能 繼 德 則 與 緣 繼 齊 齊 在 如 然 管 扶 之霸 諸 晉 晉 桓 桓 陳 仲不能 持 之業 之業 侯 文 文 穆 業 雖 雖 使 公 孝 次,其 所 死 死 欲 爲 到

侯 時 便便 不 能 俯 用 首 會 之, 亦 是 其 孝 後 公 宋 無 敗, 志 便 及 興 宋 師 襄 伐 諸

大 抵 欺 善 怕 恶, 畏 强 陵 弱 非 是 霸 者 事 業。

此 所 以 不 能 復 齊 桓 之 業 可 深 爲 孝 公 惜

且如晉文成霸,所謂伐原示之信,大蒐示之

禮 皆 積 漸 成 霸 業 6 孝 公 有 桓 公見 成 規 模

可為孝公昔,然而等中為国公之大臣,全不反不能成霸業,論此深爲孝公惜也。此固

能立些根本,亟篤別賢人以壬國致,走能以可爲孝公惜,然而管仲爲桓公之大臣,全不

能 身盡 立 此 根 忠 本, 而 事 亟 君 薦 引 更 賢 不 人 能 以 謀 任 身 或 後 政 事 (),徒 但 能 品 以

區屬孝公於宋襄,故終無益也。

晉 宋 敗 敗 秦 齊 師 師 于 于 殺 甗 + 二十三年 八 年

五霸莫盛于桓、文。以桓公初時

箇

業。 贵 後 是 晉 懦 續 齊 春 後 後 也 强 文 規 是 宋 襄、 或 齊之 敵 文 雖 秋 模 弱 不 未 古 既 霸 敗 絶 事 相 宏 無 Ħ. 死 終 口 幾 遠 死 者 所 如 爲 靈、 志 方敢 見 不 更不 有 五. 鹿 此 以 終始 規 9 襄 贵 至 齊、晉霸業 狐 不 景、 公 上 霸 模 舉伐 公殺 旁招 於 晉 能 子 ? 之 説 趙 厲、 獨 委 文 争 激 盟 何 輩 也 倚 之 靡 之 此 宋 俊 悼六 故 昂 立 相 所 既 之 所 役 X ? 之久近 奮 其 此 與 管 雖 以 師 頫 能 其 七 爲 又 厲 維 此 仲 首 未 不 及 或 君 齊 持 蓋 能 聽 必 大 桓 ! 紹 遂 説 管 子 有 迭 是 復 抵 宋 公之後, 風 桓 亂 孫 仲 也 桓 兩 相 畏 人 聲 齊 公已 之計 然 公 以一 説 之 爲 强 桓 氣 晉 身 此 既 之 命 習 霸 陵 成 身 孝 其 文 能 死 業 弱 説 任 勝 其 之 之 接 與

宋襄盟于鹿上三十一年

楚 紂 初 見 或 霸 H. 他 服 或 或 口 在 辱 業 見 擯 不 晉 不 用 亦 晉 與 其 此 過 於 識 曾 楚 齊 鄫 反 齊 文 所 勢 若 且 楚 霸 會 如 子 有 蓋 求 晉 以 不 者 晉 諸 宋 去 于 此 也 城 諸 楚 成 兩 所 題 皆 事 侯 襄 次 濮 侯 與 霸 立 以 目 然 異 及 本 睢 迹 之 業 故 於 中 霸 其 宋 不 E 之 戰 霸 0 或 列 惟 楚 此 足 泓 襄 社 看 者 以 皆 之 齊 柜 相 之戦 公之 霸 以 便 欲 服 先 於 公 那 無 爲 業 召台 不 預 尊 楚 弱 有 緣 時 消 五. 不 終 能 能 所 五 周 楚 葵 之 霸 看 長 所 禽二毛 始 霸 以 攘 攘 會 暴 得 丘 0 以 之 不 戎 諸 戎 蓋 宋 之 虐 此 夫 出 子 列 成 狄 侯 狄 襄 宋 楚 會 子 其 雖 觀 卷 宜 尊 欲 襄 孫 尊 於 大 人 以 桀 慈 其 大 其 要 尚 見 孫 中 成 弱 中 中

> 皆 於 其 知 毛 社 不 事 過 前 失 當 0 又 自 惟 體 則 如 明 故 取 必 箇 其 此 此 敗 欲 暗 亡 不 暗 此 徼 若 於 若 如 字, 皆 之 後, 以 此 以 是 禍 時 事 所 理 所 襄 故 之 迹 推 公一 以 以 以 泥 福 上 之,其 求 終 理 古 而 看 箇 諸 於 論 之 用 香 侯 此 之, 仁 甚 陳 鄫 暗 於 而 其 難 言 子 宋 楚。 處 亡 曉 暴 襄 于 而 也 雖 之 次 使 不 惟 不 其 所 睢 處 禽 其 同 稍 爲 之 暗 世

王與晉陽樊温原攢茅田二十五年

文 文、武、成、 王. 中 \mathbb{H} 公 之 或 親 陽 納 周 刑 樊 襄 姻 王 以 不 王 威 康之德澤結民 其 襄 服 以 四 俘 王 王 夷 韋 之 與 子 之。 宜 也 之 帶 吾 陽 之 倉 不 樊、 故 者 葛 乃 敢 深,不 呼 温 出 出 服 其 日 在 也 原 肯 民 0 鄭 攢 德 輕 此 地 茅 足 誰 以 之 見 柔 晉 非

 \equiv

捨 服 襄 盟 盟 室 而 而 服 服 周 王 向 向 服 晉 鄭 與 之 之 且 待 諸 文 民 如 田 晉圍 公陽 陽 侯 以 前 于 直 樊、 如 此 隱 郟 之。 到 樊、 此 見 公 温 然 桓 周 + 蓋 温 後 公 之 原 盟 盟 七 原 年 之 德 向 年 向 澤 民, 之 攢 始 王 結 民,不 鄭 茅 亦 與 服 民 之田 伐 不 鄭 于 深 盟 忍 忍 鄭 人 處 向 輕 蘇 輕 陽 不 棄 王 棄 樊 忿 到 遷 唐 唐 不 此 生

子犯請擊秦三十年

教 看 看 如 得 民 晉 此 文 子 推 示 公始 犯 之信 文 而 詳 之 公 論 終 在 所 示 之,文公人 用 晉 以 之義 事 成 便是管 皆 霸 示 業 子 之 材 犯 仲之在齊。 皆 禮 之 規 是 皆 多 模 子 無 子 犯 如二 如 犯 規 子 然反 使之 模 年 犯

之,人 從子 先 當 公二 若 使 覆 使文公從 多 人 蹈 孫 韋 無 衛 不 0 之力 使 軫 禮 惠 鄭 時 文 論 而 可 楊 公覆 犯 謀 然 晉 若 哉 + 之, 公 封 君 孫 之言 之, 無 曹 秦 從 人 而 無 微 其 戍 雖 斃之, 轍 年 子 材 子 伯 先 子 晉 君 臣 子 夫 之, 有 犯 犯 雖 軫 私 犯 方 取 則 人之 子 腹 亦 犯 又 之言, 之言與 多 之言 乃 與 得 霸 又 釋 不 玉 亦 心 賴 還 鄭 失 勝 業 力 宋 謀 仁, 使 亦 未 臣 得 盟 親 未 之 要 臣 不 宛 幾 必 則 取 文公自 秦 子 必 鄰 又 韋 及 而 春 亦 至 失 戰 須 犯 成 報 如 去, 君 告 歸 此 於 親 是 請 僖 不 施 子 於 便 皆 理 敗 自 見 鄭 鄰 自 擊 三十 之 可 犯 使當 是 舉 晉 會 是 事 得 理 使 報 識 之, 義 失 此 蹈 得 師 會 人 杞 施 得 年 矣 賴 惠 得 材 兩 未 時 且 公 子 之 子 請 治 公 事 文 同 得 必 如 須 日 體 若 覆 公 秦 若 逢 玉 復 僖 要 大 不 論

材 轍 雖 多 舉 前 須 是 段 人 君 謀 自 臣 識 不 安 厭 危 多 治 ; 亂 舉 後 段, 人

頹 王 出 叔 以 鄭 鄭 狄 伯 師 省 伐 視 周 官 + 具 四 于 年 汜 同 上

鄭 鄭 於 於 後 官 地 不 及 以 其 王 來 具 汜 狄 終, 王 此 取 室 終 于 周 女 反 最 櫟 狄 鄭 汜 犯 襄 爲 所 要 反 及 此 伯 王 王 后 厚 王 而 犯 王 使 與 室 時 者 德 後 王 段 出 孔 頹 大 狄 聽 反 室 所 奔 將 叔 人 王 抵 興 其 厚 事 鉏 以 初 中 兵 桃 X 私 者 以 最 間 致 石 或 伐 却 子 政 在 要 其 伐 王 是 0 甲 出 不 王 狄 女 人 鄭 失 君 父、 室 去 王 狄 爲 看 或 所 子 他 初 師 鄭 侯 所 后 之 薄 出 或 間 後 薄 其 宣 類 者 厚 奔 夏, 却 者 來 多 及 始 狄 在 省 夷 周 反 處 後 狄 反 鄭 居 忠 忠 鄭 伐 狄 王 狄 視 來

> 類 論 便 君 臣 此 是 王 之, 子, 起 子 ? 省 小 狄 視 反 之 人 蓋 人 大之 不 之 心 禮 官 鄭 何 可 類 具 厭 於 發 是 受 0 夷 而 之有 兵 君 恩 天 鄭 後 狄 伐 子 於 下 前 是 聽 王 小 爲 雖 小之 豺 其 室 人。 王 王 私 狼 至 所 薄 於 之 政 鄭 王 薄 之, 類 是 何 失 身 及 中 到 少 反 或 出 急 勤 或 盛 有 奔 君 結 難 以 王 不 怨 子 此 到 室 又 不 之 於 事 處 廢 如

晉人復衛侯甯武子與衛人盟于宛濮

甯 者 臣 下 之 皆 無 武 懼 逐 甯 子 失 君 其 爲 武 其 罪 子 宛 當 道 處 濮 時 要 之 衛 釁 始 得 侯 盟 者 隙 合 奔 晉 和 走 自 伐 彼 行 艱 大。 衛 難 者 此 之 無 後 或 緣 保 時 來 人 此 其 出 再 或 君 力 得 衛 臣 歸 君 稍 居

甯 得 調 今甯 堂 既 歸 處 主 大, 衛 或 侯 奔 不 天地 之怒 之怨 晉, 夫之 武 侯 堂 護 出 于 貮 夫之力甚小 亦 武 國之勢,外 大 子 衛 之 其 危 京 夫之氣 愬之於晉,晉 子 或 衛 忠 忠 或 君 師 如 乎 可 外則 ~獨以 身,雖 侯 上 衛 誠 此 殆 誠 動 爲 又 後晉 下 懇 哉 甚 霸 之 霸 先 园 如 金 之 切, 主,亦 而 小 或 君 主 泰 期人,至殺 石 何 品 國之 怨 遂 勝 積 之 之 臣 何 Ш 可 勝 欲鴆 受元 何 得 德 怒,如 怨又 上 故 夫之誠,左枝 之 致 貫。 得 以 怨 故 霸主之力? ? 深 下 ? 壓 毒 甚 氣 殺 咺 如 厚 相 於 雖浩浩 卵 大 衆 之 勢論之, 衛 夫之氣 其 殊 處 此 戕 衛 或 亦 箭 侯 愬 弟 不 侯。 相 霸主之 之人 未 俱 以以 所 叔武 知 然一 雖 賊 足 右 發 皆知之。 忠 甯武 堂 以 這 此 内 内 共 梧 以 叢 或 誠 堂 執 晉 知 見 則 氣 元 而 喻 欲 之 霸 得 是 衛 之 甚 子 在 到 阳 П

> 此 怨 知 爲 堂 或 然霸主之怒, 患 無 忠 臣 皆 若 可 以 得 消 其 釋 人 融 則 化 何 事 以

左 氏 傳 説 卷第三 不

成

後學成德校訂

左氏傳説卷第四

東萊吕祖謙伯恭

公

僖

晉侯侵曹伐衛二十八年

戰于城濮同上

以 始 是 後 + 趙 命 衰、狐 四 世 命 狐 晉文公凡出外許 論 趙 年 偃 入國 衰 之,二人自 將 偃二人 爲 上 卿 軍 至僖二十七 則 爲 狐 人 又 之謀 多時,直 或 讓 偃 一,便 於 則 主。 年 灓 讓 合處 到 枝 蒐 於 文公自僖 成霸業, 于 狐 於高 先 被 毛 軫 廬 官 而 之 皆 大 若 方 佐

> 宗臣, 能,使之利 之臣,但欲 休 較 及 職 太子,使 良實在三傑之列, 者,是不計較 常爲齊 于王,王 人處之,必 桓公之伯 有 戚 官 爲 可 天子之二 初 職 卿 也 初 之任 上 叔孫 以 不 不 以 卿。 ,全在管仲,仲只 何 害 成 論 此 有 曾 上 ? 故 相謀 官職 或 知 通 職 憤 卿 守 計 然國 經 爲 事 位 他 國、 然 之禮享之,仲 較 涉 是 太傅 叔 之 之高 人 又 不曾計 不 官 許 高 高 高 是 相 孫 非 平之心。 職 多 在 下 通 心 遜 下。 初 相 良 高 0 年 腹宗 ? 初 無 爲 止 較 又見得 F 當 漢 無 功 而 方 官 爲 下 時 不 臣 於 大 高 專 凡 命 卿。 少 職 功,後 或 敢 齊 祖 以 此 傅。 他 古 初 與 之興, 所 子、 受, 皆 推 及 且 之 將 社 或 高 體 自 來 平 曾 E 以 如 稷 日 之 立 張 戎 讓 讓 軍 子 齊 或 同

猶 齊 桓之有管仲 又 見 人材 不 相 厭 多 似。 ,夫晉文之有子 晉文一 箇 一霸諸 犯 侯 亦

事 册 桓 齊 所 不 大 規 粲 公 段 模 以 如 迫 桓 亦 霸 齊 成 優 不 皆 然 無 業 桓 游 霸 桓 百 是 可 口 公 緩 處 業 喜 觀 子 成 雖 文 桓 却 之 犯 如 公 有 公 功 文 無 出 城 是 兵 兩 公霸 迹 濮 車 \equiv \equiv 至 然 晉 之 年 + 業 文 於 戰 文 會 文 盡 年 公 速 公 做 工 就 公 之 功 然 霸 許 業 事 夫 規 史 此 業 業 多 方 模 森 無 晉 便 事 做 然 載 可 文 與 有 得 在 所 書 所 齊 在 迹 目 成 以 史 以 桓

執 皆 方 臣 於 封 与. 僖 曹 復 以 E 伯 曹 與 滅 試 相 與 伯 之 + V 衛 城 衛 屠 舉 衛 邢 侯 戮 其 閔 相 年 歸 公 大者言之, 使 伐 其 公乘 又 封 年 其 衛 存 執 衛 或 救 馬 植 曹 遷 使 亂 邢 Ľ 伯 邢 凡 衛 如 或 4 復 失 以 桓 至 齊 如 羊 具 或 公 存 使 桓 此 邢 豕 遷 其 之 其 器 雞 或 邢 或 興, 1 晉 狗 用 封 亂 或 文 門 便 而 衛 君 遷 公 材 去

> 齊 然 復 灓 濮 鄭 與 初 危 晉 鄭 既 文 舉 與 亂 大 枝 桓 公不 勝 便 度 秦 盟 又 與 文 足 之後 如 者 盟 得 處 韋 公於 見 爲 安 此 鄭 再 所 文 之禮 迹 矣, Ŧi. 鄭 僖 以 公 月 ; 看 伯 亦 記 之二 文 0 不 得 文 使 可 人之 後 公 如 文 子 公 以 + 來 復 桓 公 及 人 釋 $\dot{\equiv}$ 怨 於 曹 度 公 鄭 九 怨 僖 年 而 處 量 衛 伯 行 欲 不 之二十八 不 盟 至 成 忘 歸 反 然 廣 僖 于 于 或 使 晉 不 衡 未 其 其 特 及 雍 年 不 到 或 年 鄭 此 凡 使 城 家 及 田

舉 實 盟 室 齊 天 天 而 而 河 子 齊 畏 陽 子 晉 畏 晉。 桓 之 亦 文 與 九 狩 未 權 不 合 天 嘗 謀 畏 兩 子 諸 親 高 又 視 屈 侯 大 出 天 見 齊 慰 子 文 所 桓 勞 正 之 公 乃 以 尊 天 忠 不 畏 若 F 如 臣 晉 文 蓋 桓 不 不 公 無 周 畏 非 過 踐 Ŧ. 齊 尊 土 不 也 誠 之 畏 王

看

得

晉

文

公

既

種

種

不

如

桓

公,

然

桓

公

業 野 枝、先 推 佐 盛 霸 至 時 能 軍 至 讓 繼 只 如 , 0 之間 賢 材 緣 所 如 之 大 賓 日 之。 於 不 業 皆 風 夫 季 讓 狐 絶 有 以 此 不 范 軫。 出 晉 不 亦 見 繼 毛 宣子 臼 能 而 於 趙 莫 件 人材 永 故 以 季 冀 晉 , 前 之 而 及先 狐 衰、 而 不 也 勝 歸 晉 讓 此 佐 專 説 缺 風 文 皆 之霸 之所 如 管 見 務 於 之。 趙。 狐 於 既 其 軫 公 然。 齊 收 非 仲 田 偃 E 薦 下 死, 雖 桓 業 之 特 以 命 初 野 人 實 皆 死 0 身 盛 復 趙 材 所 朝 之 間 於 讓 倡 或 或 此 以 看 間 緣 使 霸 廷 使 衰 任 文 之 所 晉 所 長 且 如 爲 狐 業 事 公, 其 也 其 得 狐 以 文 以 居 9 此 偃 不 久,桓公之霸 卿 波 皆 文公以 夫 晉 不 所 皆 相 趙 將 將 絶 流之及, 直 婦 則 或 能 有 以 之 遜 有 中 上 至 敬 推 讓 霸 爲 何 徒 軍 此 軍 悼 賢 於 材 爲 而 相 齊 業 故 風 直 公 讓 待 倡 欒 田 下 又 則 求 相

> 晉 説 侯 與 秦 鄭 伯 韋 人 盟 鄭 三十 鄭 使 年 燭 之武 説 秦

秦

伯

之説 之 不 其 德 同 事 秦 口 私 與 然 穆 謂 與 秦 公當 而 甚 鄭 穆公左右周 後 大。 盟 時 來 而 秦、 納 文公既 戍 晉 之。 晉 文公, 同 旋 7 伐 盟 之 使 鄭 後,鍳 會 之有晉 秦 征 納燭 伐, 晉 國者 未 之 惠 武 嘗

之糴。 事 在 歸 甚易 秦。 又 秦之背晉 不與 若 見 其 以 曲 如 秦。 曲 直 秦 直 甚 晉 納 亦 未 分 饑 晉 要 察之 明 秦 惠 察 0 公 其 輸之粟 時 此 時 由 論 古 晉 之,曲 是 若 許 曲 秦 以 秦 在 饑 全不 惠 地 公 之 在 閉 直 及

- ❶「桓」,原作「威」,據金華叢書本改。
- ②「悼」,原作「景」,據四庫本改。

三六

其 但 鄭 然 甚 秦 秦 忘 又 全 不 故 到 不 而 有 説 未 後 舊 拳 在 穆 結 辭 得 穆 知 在 郤 直 公 拳 見 他 晉 先 殺 德 晉 公 好 秦 微 自 與 之 全 獨 於 軫 之役 處 辭 便 如 師 秦 夫 難 來 不 不 不 事 遂 此 師 考 龃 欣 矣 本 將 人之力 獨 在 順 若 在 之意 發 鄭 其 然 不不 要 流 納 秦 又不是 把 盟 及 晉 命 焚 實 龃 同 他 0 而 兵 此 文 獨 到 ? 公宫, 事 鄭 及 出 觀 不 下 歸 何 公 韋 因 論 盟 其 端 子 兵 及 秦 , 晉 故 段 或 驪 鄭 鄭 秦 之, 閒 犯 納 又 晉侯 先犯 此 ? 穆 看 姬 既 何 穆 隙 不 請 王 公 一, 則 之 當 似 秦、 歸 故 公 使 已自 在 擊 潛 恩 秦, 不 難 時 人燭 之後 ? 是 晉 晉 乎 秦 晉 意 會 見 然 天 受 形 曉 秦 直 專 秦 之 以 晉 連 王 晉 似 武 先 恩 見 功 了 在 伯 文 於 此 晉 兵 如 出 乎 文 襲 文公。 説 於 於 人 求 公不 於 之 後 晉 知 居 曲 公 伐 鄭 秦 此 秦 霸 王 于 失 却 來 文 曲 又 鄭

> 拳 秦 以 文 殺 城 辭 於 此 之, 曲 瑕 事 晉 師 全在 又 甥 當當 迹 專 以 E 郤 功 三千 是 稽之,則 芮 掠 時 不 美 紀 尚 獲 之 綱 無 公, 後,其 秦合與 之 疑 僕 乃 番目 爲 如 文公之心。 閒 鄭 晉 河 隙 盟,不 文 上 已自 之衛 秦 · 是 曲 伯 形 自 其 誘 在 拳 ൬

勤 蹇 而 叔 無 言 所 師 之 必 有 所 悖 爲 鄭 心 必 同 上 知

看 情 段 千 遠 於 爲 非 書,考古今成 出 里 於千里之 其 秦穆 師 所 秦 聞 穆 誰 所 公興 也 公 以 不 外 謀 知 有 兵伐 敗,不 師 如 ? 甚 殺 之所 此 忠 之 鄭 秦 之 敗。 當隨 伯 爲 審 而 後 不 蹇 世 成 論 鄭 用 自 叔 論 蹇 敗 必 蹇 今 諫 蹇 叔 論 知 叔 觀 之。 叔 諫 之言, 之, 若 能 勞 秦 伯 且 以 大 師 料 成 抵 事 終 行 襲

之言 言 當 詐 所 里 心 其 未 此 事 敗 看 市 諫 如 師 古 中 知 必 爲 於 秦 此 看 時 迹 所 然後 之所 既 秦 論 本 此 今 鄭 精 未 不 周 伯 É 以 蹇 無 成 爲 要 辭 人。 審 成 師 兩 之 有 使 爲 叔 滅 方 所 敗 精 功 句 出 滅 以 辭 精 視 滑 鄭 雖 爲 知 成 若 却 審 款 鄭 審 不 則 客 蓍 秦 而 秦 當 路 未 深 最 秦 必 館 穆 還 處 當 蹇 龜 不 師 上 這 考 必 時 精 師 不 以 叔 公 亦 之出 要 不 果 未 知 若 所 事 審 肯 逆 迹 方 不 使 滅 遇 情 見 中 師 料 見 调 空 看 料 傳 勤 得 蹇 弦 幸 滑 行 以 何 東 事 蹇 手 如 未 告 高 然 叔 事 千 ൬ 牛 故 載 情 雖 是 叔 所 歸 爲 於 之 情 鄭 里 無 厲 然 鄭 意 於千里之外 以 精 鄭 此 商 所 所 所 其 未 舉 兵 甚 既 其 蹇 審 未 料 以 犒 忠 此 誰 必 秣 勞 必 鄭 叔 勤 弦 免 滅 知 馬 秦 不 聞 當 師 之言 所 爲 有 高 如 m 段 知 師 干 悖 以 謂 隨 其 將 時 無 以

秦 出 句 所 聞 雖 忠 鄭 以 知 最 未 便 爲 料 歸 精 得 時 事 審 情 尚 口 惟 以 是 全 此 師 兩 句

蹇

叔

前

幾

料

得

事

情

文公公

衛成公不朝同上諸侯朝晉元年

之 城 成 以 土 至 果 之 公 於 鄫 力 : 不 盟 不 不 齊 齊 而 以 足 天 朝 朝 桓 有 役 德 恃 淮 亂 使 人 F 又 爲 之 巾 莫 至 孔 使 尚 會 晉 達 於 不 孔 則 大 文公之 從 侵 夜 城 達 終 抵 鄭 呼 風 鄫 奸 始 Ŧ 0 ; 而 盟 霸 如 季 諸 始 靡 役 以 年 者 侯 0 伐 人 分 以 朝 葵 至 諸 夜 鄭 力 王 晉 末 丘 侯 登 之 爲 以 年 朝 是 丘 而 尚 德 會 知 衛 齊 Mi 未 霸 踐 力 成 衛 呼

文 勢 不 有 F. 公公 如 力 赴 之 始 德 亦 之 會 盛 其 也 衰 有 而 功 踐 衛 終 身 之 土 侯 不 未 之 可 不 衰 及 喜 盟 朝 死, 之事 若 諸 役 勝 侯 方 丁,以 見 霸 人 於 己 者 王 勢 此始信 有 力 之 登 及 之 盛 丘 至 盛 時 力之終 之 末 莫 如 呼 年 敢 葵

先 且 居 請 君 朝 王 臣 伐 衛 元 年

義 朝 本 臣 音 苴 心 伐 王 倘 衛。 更, 臣 晉襄公既祥 居 蓋 使 之 從師 必 以 襄 請 有 此 公不 一晉 也。 所 知 使告 爲 春 觀 伐 侯 而 秋 且 衛 朝 然, 霸 諸 居 王 者之 則 之言 初 侯 于 不 而 不 温 尊 乃 伐 復 知 先 王 衛 爲 日 君 皆 且 : 朝 臣 從 居、 之 王 非 請 先 之 大 其 胥 君 且

矣。

楚 或 之 舉 常 在 少 者 元 年

衆,土 則 或 可 以 息 立 上 立 本 \equiv 有 \equiv 之 嗣 以 無 嫡 有 戕 綱 不 降 綱 嬀 舉, 者 同 楚子 見 楚 夫 以 弑 之 天 繩 地 際, 之 夷 得 於 婦 於 長 王 之 常 君 立 大 狄 之 蔡 禍 夷 而 而 廣 在 則 臣 商 抵 之 或 緇 常 僭 狄 哀 少 失 臣爲 古 中國 父 之 正 也 矣。 所 侯 在 稱 者。」 其 足 緣 子、 風 以 少 王 而 大 以 太子,令尹子 之所 俗 大 無 者 爲 觀 號 倫 夫 息 抗 \equiv 者 抵 綱 此 夷 婦 遂 衡 則 則 最 以 既 亂 綱 見 看 狄 見 也 中 無 無 爲 絶 書 其 當 故 滅 或 夷 父 君 只 中 大 以以 以 其 此 深 如 狄之 子 臣 緣 或 本 上 間 楚 考。 至 此 之 之 無 春 息 日 所 以 甲 與 有 於 綱 綱 秋 嬀 觀 其 這 兩 以 傳 兵 中 矣。 矣。 綱 歸 其 之 句 多 或 有 所 或 楚

便 段 可 只 見 看 **\$** 尹 或 之 子 風 上 俗 説 學 楚 者 或 不 之舉 可 不 常 在 少者

秦 秦 伯 伯 復 猶 使 用 孟 孟 明 明 爲 年 政 元 年

之詳 辭 得 禍 明 遂 病 雖 疬 中 霸 欲 夫 病 源 源 子 有 悔 在 矣。 公 秦 西 源 所 獨 穆 物, 戎 過 於 利 以 舉 參之 公 亦 貪 復 用 會 欲 悔 大 用 無 周 使 獄 暰 長 過 抵 下 以 芮 孟 向 爲 進 而 學 明,有 良 工 使 此 又 政 何 嗑 者 夫 夫 段 0 能 穆 取 且 之, 要 之詩 處 公 穆公悔 刻 夫 如《 殺 方 做 故 不 意 獄 之敗 見得 易》 惟 謂 工 消 知 ? 且 之 夫 穆 過 除 病 穆 蓋 左 暰 亦 公 之, 源 公自 獄 右 噬 須 既 孤 嗑 秦 所 之 此 實 皆 嗑 各 自 誓 在 情 其 知 自 所 罪 知 貪 卦 爻 有 知 以 得 則 得 見 以 孟

> 閒 得 移 未 之 心 天 至 端 下 足 所 難 任 再 亦 之 之 的 在 爲 之不 敗 如 事 至 難 而 方 而 者 難 噬 , 能 易 不 中 及彭 也 嗑 只 如 也 沮 有 之。 此 緣 者 衙 物 蓋 大 他 實 再 殽 須 凡 見 寡 敗 鱽 之 是 人 得 之 雖 敗 穆 推 君 定 後 公 不 究 任 穆 處 足 所 猶 獄 公 故 以 以 情 用 再 須 沮 能 能 孟 用 是 信 知 爲 穆公之 明 孟 要 其 之 天 明 見 不 F 實 病

先且居將中軍趙衰佐之三年

實 以 居 繼 請 將 且 文 勝孝公之大端 君 公 居 中 齊 朝 之 孝公 軍 有 王」一事 後 是 初 繼 能 非 霸 桓 以 業 遂 處。 公之 先 亦足以 不 拔 軫 衰 之元 先 後 死 者 軫 見 狄 霸 老 須 先且 之故 業 死 大 是 遂 臣 識 既 居之賢。 替 之中 得 用 ; 此 晉 其 襄 報 子 公 襄 觀 且 所 又

其 臣 禄 中 有 功 如 下 位 ,襄公勝 軍 所 以 之高 公出 此 故 報 而 謂 趙 但 見 佐 衰 奔 下 知 得 得 命 今襄 佐之。 孝公處 以 趙 元 惟 意 及 衰 勳 公公 上 爲 於 乃 繼 衰 是 有 大端, 或 歸 愛 文之後 亦 好 宜 9 或 理 君 賢 不 居 定 在 會 體 之君 以 尊 伯 此 人 或 元 位 乃 材 狐 下 勳 與 以 秉 自 或 先 趙 有 初 或 居 推 不 同 且 政 實 計 忠 休 甘 居 有 而 校 底 處 將 後 大

晉人懼無禮於公請改盟三年

害 盟 雖 大 亦 不 以 抵 公 蓋 或 晉 敢 大 以 之 夫 校。 天 襄 恥 公以 之 盛 下 之。 時 至 卑 畏 魯 於 盟 其 又 雖 文 改 或 强 懼 有 公 盟 君 其 不 之尊 朝 無 魯 敢 晉 事 禮 亦 與 之 不 於 之校 惟 魯 緩 是, 公, 之 命 君 使 是 卒 請 未 陽 聽 故 臣 改 熟 襄 見 處 盟 其 視 公 在 父

> 此 禍 爲 當 結 所 之 時 數數 以 雖 欲 後 未 年 改 見 世 不 衛 蹈 其 解。 盟 之, 害 衛 有 IE 馴 其 既 緣 致 害 叛 襄 衰 也 公做 世 ∭ 不 平 從 得 公 樣 遂 襲 子 至 其 不 兵 迹 連 而

邾滅須句僖二十一年 楚滅六蓼五年

侯,自 之祀 澤 世 秋 戮 風 而 既 聲 之 ? 守 皆 前 已 其 氣 ,六、蓼 邾 不 蓋 唐 習 者 斬 滅 祀 廢 虞三 須 絶 尚 須 絶 蓋 句 所 句 有 實 代 漸 向 以 六、 典 臯 何 楚 時 以 人 雖 刑 故 陶 滅 蓼 至 春 閒 小 之後 纔 皆 春 秋 老 有 而 戰 人 秋 成 聖 小 僅 蓼 春 賢 或 或 之 人 此 存 0 秋 之 初 氣 相 皆 所 夫 之世 千 象,故 君 與 至 先 以 須 維 以 不 此 王 百 句 持 振 先 先 便 所 廢 世 司 作 故 王 於 綿 大 見 封 王 之, 之 春 諸 得 屠 皥 延

此 推 諸 移 侯 亦 須 習 不 看 俗 能 得 之大 自 天下大勢,與 存 變 0 革 此 處 最 見 戰 學 得 或 者 風 漢 當 聲 唐 子 氣 相 細 習 接 之大 看 到

晉萬于夷易中軍六年

端 者 易 易 及 朝 此 處 唾 Î 其 中 皆 必 論 則 之, 後 軍 反 大 台日 馴 惟 能 有 就 抵 或 平 其 率 君 而 無 如 則 天 之 彼 至 積 君 職 上 襄 專 偏 下 霸 於 之心 勸 而 君 之 最 公之 處 之 六 不 功 權 E 古 不 救 事 卿 能 要 之權 浸 賴 歸 聽 之分晉 收 夷 有 流 移 賢 秦 方 命 之蒐 0 於 之不 故 晉 人 才 利 此 於 臣 其 之 衆 小 先 下 陽 流 暇 盛 多 Œ 有 軫 偏 人 " 雖 弊 處 , 時 緣 然 皆 則 試 至 父 偏 害 賴 英 亦 舉 已 善 於 則 不 於 其 豪 有 厲 暗 顧 出 終 爲 此 公 於 滿 治 乎 偏 移 而

> 不 口 能 弛 收 患 其 不 權 口 不 前 自 終 微 至 時 於 制 È 或 也 是 知 權

晉納捷菑于邾十四年士會如秦納公子雍六年

公,是 業 伐 諸 雍 宣 齊 事 有 而 子 或 出 侯 未 莫 若 左 者 欲結 之不 之 大 氏 貜 可 ,趙宣子之力 晉文公之後, 其 幾 師 於 疑 亦 且 立 立君 審 迫 秦 稱 者 長 君 援 百 也 於 以 之不 宣 外事 乘 穆 使 天 賢 子 下 夫 納 嬴 大 襄、 審 居 先蔑、 以 宣 捷 之 夫。 與 莫大於 多 也 其 靈 子 勢 菑 或 0 辭 處 于 人 1 然 故 邾 内 順 大 邾 之 會 考 文 伐 當 與 君 其 大 事 遂 國。 如 公卒 時 既 外 所 義 還 秦 如 處 號 而 而 以 納納 此 大 襄公卒 師 爲 邾 改 宣 不 事 名 公子 何 此 子 7 辭 墜 卿 内 是 以 靈 則 霸 以

能 長 光 輔 處 晉 只 君 緣 使 他 霸 能 業 不 累 遂 葉 過 不衰? 飾 非 始 蓋 雖 宣

子

亦

繼 有 而 能 改 此 所 轉 危 而 爲 安 易 非 不 而 審 爲

是,不失爲當時之名卿。是知改過,善之大

者 也 非 特 爲 或 如 此 大 抵 學 者 改 過 亦 當

如此。

部缺請復衛田七年、八年 趙孟殺公子樂立公子雍六年

晉 趙 會 在 宣 秦 子 七 秉 年、 或 政 當 時 謀 臣 非 不 多

> 言 語 賓 耕 學 \equiv 於 中 行 田 不 有 於 語 代 他 行 地 桓 則 力,足 田 講 以 子 人 動 桓 棄 知 之言 後 請 子 野 人,須 故言 郤 之於衛 復 至 耒 而 以 缺 皆 賈 春 從 耜 動 Ι. 語 是 季 不 秋 郤 之 夫 無 自 從 閒 際,其 缺 皆 也 郤 力, \pm 裹 自 缺 會 正 而 歸 面 不 裹 請 郤 在 心 做 士: 能 妻 復 面 缺 秦 誠 會 Ι. 動 饁 做 士 每 , 意 於 夫 人 之 賈 出來 言 會 修 出 0 秦。 敬 季 輒 身 宣 大 來 在 聽 相 故 率 齊 何 子 狄 其言 待 宣 郤 要 家 不 之 得 自 從 如 缺 中

先克奪蒯得田八年

乃 多 使 則 續 晉 不 自 簡 能 文、 伯 無 争 殺 襄 陽 以 陽 處 來 處 父。 父 人 易 材 先 衆 賈 克 多 季 争 之 箕 然 班 鄭 父 賈 材 之 季 既

既

不

從賈

季

然

聞

郤

缺之言,遂捨已得之

之

田

申

虎

牢

之

境

,

盡

還

於

衛

7

君

之事

請

復

衛

田

引六

府三

事

趙

宣

子

大

而

舉

王

戚

宣

子

不

從

賈季之言,遂殺

公子

樂。

至

郤

缺

如

襄

公

卒

欲

立公子

雍

賈

季

欲

立

公子

樂

節 者 之多 唐 於 者 謀 位 往 杜 處 孫 自 師 日 三百 一,將 所 虞 師 : 相 多 有文公總 其 如 獻 X 之 是 此 百 當文公之時 然 古 其 戕 閒 翕 以 僚 奪 在 先 氣 智 上 是 隙 受 相 其 蒯 \perp 官 師 之人 象 朝 有 或 敷 害 賊 得 惟 師 則 引 故 前 家 以 施 如 之 時 統 其 才 荷 晉 臣 無 之 以 Ŀ, 此 田 禮 九 其 者 襄 節 無 撫 所 下 福 然 人材 , 德 會 遜 以 時 是 以 亦 于 顧 又 上 咸 是 要 須 IE 唐 才 總 至 五 使 忌 無 非 無 唐 事 是 也 緣 其 於 虞 相 有 辰 如 賢 不 後 俊 虞 上 有 , 要 相 總 戕 才 多 君 此 庶 襄、 後 面 會 屠 X 天 者 節 以 智 材 績 然 有 滅 下 在 靈 獻 ^ 總 平. 者 節 不 能 其 不 官 泉 之 統 其 其 至 以 箇 凝 無 足 蓋 師 材 陶 際 才 猜 智 故 於 總 前 以 師 白 人 謨 處 疑 自 僚 見 至 往 争 智 相 統 材 相

范山言晉可圖九年

者 故 既 北 欲 閒 年 矣 見 唐 楚 勝 中 須 衰 方 不 時 自 敢 范 復 虞 用 或 口 楚 楚 軱 召 作 Ŧ. 衰 啚 Ш 遂 陵 敢 又 不 提 言 載 也 次 陵 衰 伐 便 於 撕 鎮 特 犯 勝 來 宋 楚 巡 楚 整 壓 夷 至 陵 子 子 狩 楚 敗 頓 之, 狄 靈 中 犯 遂 日 襄 遂 调 周 或 公 小 伐 方 公 不 + 之 時 如 人亦 故 于 敢 鄭 俯 晉 衰 齊 天 去 泓 君 與 首 年 桓 而 然 下 以 城 中 少 帖 後 之 有 濮 此 自 ,不在諸 國 巡 耳 前 姦謀邪 之 見 晉 争 狩 不 數 勝 楚 夷 文 敢 皆 狄 + + 城 古 桓 校 志 是 年 濮 公 纔 餘 强

左氏傳說卷第四

後學成德校訂

左氏傳說卷第五

東萊吕祖謙伯恭

文公

先克言狐趙之勳不可廢同上夷之蒐士穀將中軍八年

形不 或 公後,繼之以 人之業,莫善於襄公,莫不善於孝公。 所 形却 以 成 齊 於 興亡,齊之霸 桓公後,繼之以孝公,霸業 成 孝 公。 於襄公。 襄公,霸業不墜。 晉之 業雖 霸 所當精察 業 衰 雖 於孝公,齊之亡 繼 論 於 .! 墜。 來 襄公,晉 孝公不 善 考二 晉 繼 前 文

襄公欲 之戦 亡形 過 射姑 兼將 戰 後 無所 在 公能 先 顧 父至 姑 狐 勝 來 戦 將 此 軫 委 而 舍三 佐之。 用直 先軫 成 自 趙 相 主 六 靡 中 唾 論 名 者,最 一 於 無 温 到 卿 軍 之勳,不 使士 之,方其 爲 此 ,趙 得 分晉 志 大抵 言,能待故 又 之志 帥 失君 繼 謀 ? 夷之蒐時, 八改蒐 穀 以從文夫人之請。 失 盾 是 前 中 晉之中 蓋 將 霸 可 不 佐 國之重 臣 在 自 軍 于董,又改 衰。 中 襄公之權 業 之義。 之, 廢 之業 喪 襄 帥,襄 老,不知 軍 服 也。」公從之,又 而 公造 此 軍 若把· 要 謀 己。 任,君 之中,從 是謀 諸 帥 立 公全無 後來 出 既定、先克 秉 移 侯 襄公 中 來 趙 來。 失君 不定。 或 於 軍 又 之大事。 做 盾 襄 先 當當 政 帥 服 先軫怒, 臣 好 所 將 且 公依 臣 軫,至 從 下 時 事 主,頃 中 如 使 如 其 之 到 論 軍 舊 自 説 後 中 義 所 何 自 狐 陽 不 世 敬 既 殺 故 殽 襄 以 射 V IE 刻 狐 處

主。 主 衰,衰 虚 旧 得 閒 古 致 弑 不 口 福 虚 六 見 知 靈 心 不 口 惟 下 公之 次 大 卿 心, 與 虚 以 爲 對 辟 抵 當 君 移 改 成 分 秉 心 但 作 日 之道 ? 任 難 霸 易 時 晉 權 威 不 郤 君 人,不 業 以 所 中 曾 晉 兩 惟 一,禍 縠 用 大 以 然 遂亡。 行 如 者 辟 可 君 者 福 看 謂 全 偃 此 乃乃 何 玉 大 相 論 晉 無 有 古 紛 洪 嘗 食 權 半 之, Ľ 所 弑 當 論 紛 使 範 相 標 何 ,遂至於亡。 形 主 厲 將 虚 <u>*</u> 來 不 妨 謀 有 不 成 公之 皆 中 當 定 心 ? ? 一德所 中 於 軍 在 時 知 軍 寒公。 其 又 只 自 難 E 虚 謂 君 當 帥 看 中 當 此 道 心 問 中 晉 自 惟 初 自 趙 時 任 於 文 權 襄 有 辟 此 盾 有 何 不 賢 趙 公 馴 嘗 公 知 作 安 有 所 所

西乞術來聘十二年

西乞術聘魯,襄仲辭玉。西乞術一時

薄 俗 仲 尚 子 應 也 陃 而 推 觀 其 厚 對 聽 其 何 , 移 其 聞 之 言 其 能 巧 故 其 閒 其 行 言 言 始 ? 或 言, 言 文 乎 不 而 **\$** 自 蓋 便 信 可 ? 辭 色 便 春 春 不 信 其 者 口 信 或 秋 秋 可 行 矣。 觀 尚 其 至 去 無 信 少。 爲 孔 陃 今吾 如 夫 襄 子 矣 君 代 此 子 仲 至 子 尚 況 於 方 遂 日 後 厚 近 人 百 後 且 日 世 賄 也 有 : 世 始 知 則 人 之。 不 餘 乎 之 其 聽 吾 氣 年 ? 其 於 質 或 有 氣 何 人 漸 質 君 風 無 襄

秦伐晉胥甲趙穿無功十二年

罪 令, 殺 當 秦 胥 軍 伐 甲 門 晉 而 恕 晉 呼 趙 與 9 穿 師 秦 遂 戰 自 無 此 功 胥 以 而 甲 後 還 趙 0 趙 0 穿 穿 晉 干 順 治 紀 長 其 犯

1 「師」,原作「帥」,據金華本改。

四

六

罪 盡 弊 文 以 公。 其 顛 顛 H 不知 之壻 公倡 頡 處 至 頡 失。 惡 魏 然此 犫 其 此 至 魏 馴 一、焚其 之於 爲 不 晉 犫 流 履 致 事 以 才 所 弊皆 去 知 霜 弑 其 是 先 而免之。 以 伐曹 官。 堅 其 君 端 故故 知 不 足 冰 來 又 創 以 治 文公 以 襄 之 有 **\$** 出 業 爲 趙 自 此 戒 無 公亦學之於 所犯 於 後 垂 穿 見 止 入僖 晉 世 統 遂 惟 權 殺 文。 口 當 子 之 至 當 負 綱 顛 而 孫 君 時 穿 時 羈之官 頡 所 初 累 不 後 苟 不 後 誅 以 普 在 也 過 有 來 治 徇 謂 循 文 去 不 捎 赦 于 魏 習 公遣 毫 穿 弑 穿 口 犫 師 其 之 是 不 靈 由

君弱不可以怠十五年

還 弱 不 晉 晉 可 郤 靈 以 公之 缺 怠 以 時,人 E 戊 軍 申 人 材 下 蔡 如 軍 趙 以 伐 盾 城 蔡 下 , 士: 日 之 會 : 盟 郤 君 而

> 所 其 諫 及 賢 時 正 至 却 裹 終 缺 以 謀 靈 之 於 救 日 面 人 至 其 繼 公長 終 徒 其 正 做 於 亦 之以 惡 君 都 君 皆 不 惡 I 身 不 弱 未 不 心 夫 免 立 弑 過 其 成 能 趙 有 賢 裹 0 於 不 或 張 惡 盾 於 篡 如 面 郤 朝 危 可 其 己 之 是 弑 向 郤 缺 I 者 以 成 人 甲 諫 時 之 夫, 只 缺 怠 熟 兵 趙 材 何 禍 正 是 辭 都 , 在 非 盾 故 , 君 謀 雖 侵 都 盡 不 當 不 ? 心 先 人 士 伐 意 曾 去 衆 時 之 城 蓋 會 以 外 養 竭 做 人 多 以 當 之 示 臣 得 君 面 攻 終 士 徒 靈 然 威 德 之 做 X 會 皆 不 公 靈 分。 耳 最 或 1 之 能 自 晉 少 公

楚 群 蠻 謀 百 徙 濮 阪 叛 楚 高 + 同 E 六 年

群蠻、百濮叛楚,楚人謀徙阪高。使

避

司

馬

遷

日

利

\$

智

昏

是

也

學

者

於

其

手

所

謂

驅

而

納

之

罟

擭

陷

穽

而

莫

之

子

野

心

之

人

亦

與

之

共

事

而

不

覺

卒

斃

其

後

則

以

貪

位

慕

禄

之

心

生

雖

伯

棼

是

狼

11

心

平

氣

定,

不

爲

禄

蔽

T

況

賈

初

閒

0

手

何

故

?

不

知

伯

尹

己

爲

司

馬

席

未

此

不

口

不

戒

濮 並 謀 起 乘 楚 之 便 退 楚 避 自 消 此 縮 瓜 分 之 宋

+

六

年

當

時

不

有

蔿

賈

氣

則

群

蠻

百

諸 鬭 賈 棼 安 事 及 謀 般 小 然 狼 之 所 煖 國 殺 將 或 以 謀 子 昏 而 之。 亡 其 冰 利 野 死 消 故 終 振 而 害 心 於 伯 其 作 始 復 瓦 不 伯 蓋 棼 謀 考 存 其 解 爲 棼 爲 之, 精 氣 其 利 之 0 則 使 者 鄭 齊 能 惠 公 小 子 之 保 取 惠 亦 罕 春 當 其 其 商 取 有 秋 饑 時 氏 其 民 人 世 由 公子 之 家 亂 以 民 矣 皆 世 臣 賑 0 其 亦 鮑 賑 閒 賊 施 如 多 E 竭 貸 公 子 雖 取 大 失 粟 乏 取 齊 子 其 不 小 而 絶 是 貸 人 鮑 惠 政

陳

氏

亦

以

賑

施

取

以

粟

救

饑

取

亂

臣

賊

子

多

以

賈

之

謀

或

口

謂

精

審

楚

之

社

稷

既

危

而

復

出

師

侵

庸

9

൬

群

蠻

亦

未

口

知

賴

有

蔿

0

其

終

乃

與

伯

棼

共

謡

掌 心 覆 政 政 不 亂 至 無 取 舉 大 其 所 臣 於 抵 告 所 或 札 賊 先 訴 以 子 瘥 王 若 到 荒 無 盛 亂 究 札 緣 歉 時 臣 本 瘥 得 賊 有 荒 原 患 X 子 可 論 政 難 其 便 聞 之 + 間 乘 于 時 有 大 此 上 惟 抵 小 以 以 春 有 爲 賑 民 舉 剪 秋 司 X 施 君 之 收 焉 時 行 者 荒 荒 民 所 傾

之

故

所

以

如

此

亂

臣

賊

子

公

卿

0

如

宋

之

樂

氏

或

者

無

不

以

小

臣 亂 不 賊 臣 逃 子 賊 其 何 子 責 世 侵 君 無 上 職 之 不 權 盡 何 荒 故 政 不 舉 上 失 不 其 當 道 專 亂 責

得 討 之 厚 力 T 取 如 異,然公子 施 私 (之妻, ,所以 或 薄 賊 己 施 齊,公子 其 理 牢 多 中 雖 推 或 0 籠 而 若 然 時 而 積 其 肆 商 把 何 又 公子 就 商 商 累 所 失 大 故 人 行 持 以 亂 人既 多 人 以 又 之, ? 爲 無 天 商 無 亦 臣 時 人所 至 有 下 道 品 大 道 賊 得 以 於 淺 品 始 抵 向 或 子之中論之, 纔 行 自 私 殺 戰 深 之私 者 之 來 齊 力 施 或 之, 或 取 舍 後 景 姑 取 衰 以 尚 且 惠 爵 齊, 如 齊 又 公 息 如 能 惠 便 本 而 至 何 滅 小 古 陳 大 然 恩 無 不 行 於 會 惠 與 此 氏 其 陳 餘 足恃 之國 \mathbb{H} 或 持 都 略 陳 以 以 閒 氏 裕 恒 以 消 久 私 勢 無 氏 取 就 自 勢 有 ? 散 施 既 人 奪 無 人 所 他

> 鄭 晉 侯 子 家 不 見 以 書 鄭 伯 與 趙 七年 宣 子 同 上

恭 又 此 此 子 所 時 使 全不 使 之 家 謂 鄭 趙 貴 段若 子 倨 辭 晉 穿、 將 寵 家 靈 如 後 度 公 悉 執 公時 以 此 人 德 來 壻 之 敝 訊 爲 事 量 見 池 賦 ,不見鄭伯 質 峻 迹 而 力 子 貴 9 以 論 與 其 家 寵 待 之書 之,晉始 禮 遂 之人 辭 于 使鞏 又 峻 鯈 以 具 如 爲 又 者 此 述 朔 唯 質 爲二 却 之 朝 不 行 執 恭 從 方 見 成 會之疏 事 於 前 得 鄭 於 而 命 伯 鄭,又 行 鄭 倨 成 平。 後 如

足, 其 然就 閲 天下 事 上看 之事 是 亦 時 熟 趙 何 宣 故 子 猖 爲 狂 政 不 德 雖 不

1 「討賊」,四庫本作「恤也」

然

絶

滅

當 後 者 白 到 被 車平 得 時 他 來 强 不 此 小 許 衛 趙 勝 動 或 張 後 簡 侯 ? 不 1 晉 霸 义 子 忿 得 主 中 殺 徐 此 怒 爲 鄭 之 衰 涉 思 始始 政 佗 威 鄭 此 外 段 以 者 亦 却 事 事 以 以 謝 執 要 以 有 虚 霸 衛 正 浩 張 實 由 名 主 如 亦 佗 霸 事 加 虚 涉 當 未 主 抗 以 名 鄭 佗 能 求 晉 虚 時 加 得 卻 成 之 靈 威 成 諸 衛 得 公 於 加 虚 何 服 示 鄭 衛 衛 名 君 侯 般。 服 都 衛 始

蓋 亦 不 衰 來 百 緣 如 無 得 虚 當 宣 宣 然 疎 勢 時 就 子 子 脱 不 至 秉 自 趙 足 於 權 宣 以 度 簡 以 殺 子 不 此 子 加 臣 涉 能 不 知 趙 人。 佗 服 有 能 晉 簡 能 鄭 或 便 若 子 否 若 平 雖 以 便 以 緣 他 權 人 與 理 論 霸 謀 他 所 論 業 論 平 之, 以 之, 之 之, 直 亦 所 盛 簡 晉 至 自 以 衰 子 中 後 遮 不

之 虚 威 又 就 以 子 峻 家 辭 身 拒 E 晉 論 之,子 亦 可 謂 家 能 能 自 不 立 屈 有 晉 子 或

> 學 時 名 上 子 强 産 不 Ħ 下 内 者 所 家 張 尚 事 之 切 事 mi 近 須 並 膽 尚 風 首 何 切 封 以 7 知 遠 近 鼠 故 雖 峻 疆 子 於 利 依 ? 然 處 能 不 辭 家 朝 害 惟 違 後 最 自 子 相 厲 到 切 來 子 難 V. 從 其 接 家 色 這 近 家 公子 一,未足 公子 M 外 以 裹 處 雖 見 子 威 面 拒 畏 拒 宋 得 家 宋 能 女 爲 拒 縮 晉 晉 欲 事 以 謀 自 喜 晉 不 不 弑 勢 峻 荷 立 甚 若 能 遠 能 君 辭 免 方 切 有 夫 自 自 從 近 兵 拒 可 公 所 不 7 戈 晉 立 他 子 免 若 便 以 弑 如 宋 蓋 敢 利 到 君 悪 害 與 雖 身 明 天

謂 句 子 所 以 宋 謂 敢 利 便見得子 反 然 脅 害 子 統 子 遠 持 宋 家 子 他 近 與 家, 爲 時 家 子 則 公子 依 子 家 是 就 違 家 謀 大 ^ 宋 左 怯 懼 先 綱 脅 懦 氏》 而 論 子 持 從 他 所 看 家 , 之 亦 以 亦 始 若 自 致 有 欲 公子 公子 只 有 形 不 看 由 從 見 宋 宋 這 處 敢 幾 所 所

*1*1.

0

罪 其 之意 弑 子 者 無 惟 以 論 爲 子 間 到 家 公子 宋 君 弑 斷 不 以 公子 忍 受 謀 未 煞 雖 子 君 所 何 經 等 之 有 弑 此 家 宋 以 便 有凛 宋 時 事 謀 惡 君, 不 日 敢 有 告 反 節 名? 忍之意 0 與 此 然 亦 君 却 要 畜 事 他 可 不 以 以 何 使 潛 此 老 畏 論 忍 此 惟 正 故 子 他 猶 之 告 語 他 其 其 是 ? 家 則 憚 既 氣 對 他 語 公 不 罪 能 伐 子 殺 懼 到 子 之, 病 忍 脉 以 何 之, 或 家 不 之根 所 已 宋 剛 後 緣 雖 免, 不 口 自 於 而 直 面 會 有 問 以 知 由 君 慢 況 從 自 又 有 隱 仁 如 , 無 君 他 依 立 此 惟 弑 然 人 此 力了 乎? 弑 違 不 君 依 聞 不 所 君, 之 足 忍 始 違 非 公 0

仲殺惡及視同上敬嬴私事襄仲十八年

文公敬嬴私事襄仲,仲殺惡及視而立

家 此 民 子 徼 事 年 逃 風 宣 不 天 而 9 法 倖 公。 孫 下 襄 留 屬 可 成 然 初 不 之 事 仲 僖 勝 而 下 無 + 風 論 可 以 得 樣 言 害 公 而 聞 大 年 雖 其 者 不 子 焉 襄 者 立 過 成 當 根 閒 正 在 仲 0 如 宣 其 失。 季 盛 故 本 , 殺 徼 僖 公, 魯 害 遂 有 時 成 源 倖 嫡 公 然 或 雖 亦 爲 , 終 季 流 之 之 不 立 後 之 不 案 公室 立 有 却 事 可 庶 儉 世 見 人 本 之。 篡 不 論 不 以 做 做 於 輔 賴 而 在 逆 足 之, 可 之繇 之, 當 行 之。 敬 之 此 做 件 用 時 罪 其 嬴 惡 傚 徼 以 季 寬 閔 害 終 成 惟 乃 古 倖 此 友 以 見 事 之 始 必 大 風 不 事 抵 成 之 愛 爲 私 知 爲 口 有

● 「弑」,原作「殺」,據四庫本改

體

大

抵

爲

上

有

包

含

容

納

之度

雖

有

小

疵

亦

蓋

覆

得

過

古

人

居

上

克

寬

之道

元

雖

未

宣公

宋鄭戰于大棘二年❶

宋

城

城

者

記

口

上

去之。 尚 殺 與 爲 或 如 多 羊 人 城 亦 夫 者 棋 鄭 甚 宋、 役 雖 其 此 之 而 師 矣。 \Box 有 鄭 人 所 後 而 衆 寬 大 日 終 事 嘲 人,元 敗 我 縱 棘 不 誚 足 從 寡」, 處 之戦 其 失爲 見 其 元 乃 反 亦 元 全 有 則 日 或 有 華 春 之 不 皮, 子 日 也 含洪 秋 元 度 與 丹漆 之 名 師 牛 自 之 量 之度。 則 馬 敗 他 臣 校 深 若 然 者 身 有 人 得 聞 何 處 囚 皮 也 爲 蓋 其 觀 之, 上 羊 其 犀 元 元 之 之 即 則 兕 又 必 棋 唇

> 持 盡 宋 如 古 或 人之寬 也 亦 足 以 得 其 秀髴 所 以 能

> > 維

晉趙盾弑其君夷皋二年

盾之出 無 君 實 弑 逆 去 之後 公子 所 爲 了 其 逃矣。 盾 君 趙 黑臀 (c), 盾 故 穿 蓋 0 弑 盾 弑 蓋 敢 歸 平 于 靈 何 弑 行 日 公, 周 既 故 雖 弑 所 見 而 不 是 君 董 與 討 立 得 趙 之 狐 親 之, 其 是 穿 逆 直 厚 弑 盾 筆 則 其 者 君 意 此 書 盾 情 惟 之 ? 雖 之 親 實 穿 罪, 是 日 厚穿之 以 爲 耳 穿 穿 反 趙 弑 既 使 穿 趙 盾 情 穿 弑 爲 出 盾

●「二」,原作「元」,據金華本改。

ラ」 払公室 スロ

楚子問鼎之大小輕重三年

常 當 終 傲 君 見 大 左 義 皆 時 其 身 然 事 氏 楚 之 考 有 大 之 有 看 莊 其 此 人 惡 篡 載 小 T 王 觀 患 善 逆 其 風 之 而 兵 築 無 聲 以 視 特 在 亦 於 君 京 篡 氣 此 取 蓋 春 周 觀 之 習 奪 秋 知 其 覆 之 心 問 之 都 時 不 末 學 事 鼎 禍 不 暴 過 節 皆 者 甚 之 不 知 0 露 謂 詳 最 大 以 君 何 今《 於 之 小 不 爲 臣 故 亦 此 賢 左 之 輕 怪 ? 口 以 君 氏 大 重 不 爲 以 蓋 雖 **>** 義 爲 賢 識 緣 不 有 則 如

楚滅舒蓼及滑汭盟吴越而還八年

烏 吴 既 胡 如 無 時 來 夷 知 閒 争 被 到 與 从 口 威 受 得 臣 没 丸 亂 劉 匈 種 天 舒 鳥 不 蠻 越 盟 服 奴 下 以 又 華 夷 元 丸 類 便 共 絞 加 衰 \equiv 微了 盛 匈 形 Ŧi. 既 於 海 亦 一爲 + 匈 中 王 州 楚 乘 奴。 勢 所 盛 到 亦 自 方 害 或 繼 奴 年 車 不 謂 莊 列 其 相 蓼 之, 所 左 其 後 自 教 後 0 獨 盟 于 到 王 盛 相 爲 右 謂 時 此 來 吴, 莊 來 中 吴 吴、 得 邊 死 時 似 盛 賢 Ŧi. 匈 匈 可 王 至 或 始 夫 民 楚 楚 衰 越 奴 王 胡 凡 謂 時 奴 於 差 與 之 大, 自 到 衰 微 而 迭 分 北 郢 微 墮 劉 閒 夷 吴、 此 得 吴、 不 還 何 長,始 矣 南 方 弱 狄 元 幾 + 疲 故 憚 越 越 北 所 散 看 相 海 到 於 滅 何 ? 越 與 却 楚 謂 傳 者 再 烏 爲 奔 西 楚 而 故 群 氊 起 盛 楚 胡 盛 ? 晉 年 所 起 處 命 丸 數 裘 晉 舒 盛 越 又 衰 時 中 載 吴 之 + 之 如 以 其 申 莊 盛 時 或 出 或 漢 蠻 徒 閒 時 Ŧi. 此 年 公 則 王.

莊王時,楚之威,北加於中國,南

當

楚

羌 氏 不 頭 相 卻 羌 元 魏 衰 爲 衰 繼 盛 苻 及 之, 衰 堅 胡 衰 更 越 論 爲 慕 衰 消 來 容 氏 長 鮮 羌 消 卑 直 再 繼 盛 到 長 之, 唐 苻 慕 藩 此 堅 鎮 容 天 未 盛 衰 道 不 嘗 孛 氏

令尹萬艾獵城沂使封人慮事十一年

息

處

侵 規 雖 蓋 事 折 小 量 臣 有 模 自 孫 詳 不 功 條 親 可 細 孫 知 此 叔 是 之 目 細 之, 叔 精 敖 亦 將 敖 務 量 事 密 又須 見 已 來 城 用 處 深 洞 深 沂 築 功 然後 得 是 正 曉 慮 之 城 此 爲 衆 要 , 多 無 是 從 上 謀 如 學 寡 不 大 之大 段 而 何 者 介命 當 事 使 增 見 却 看 親 損 體 得 使 獨 此 日 其 築 裁 量 問 封 事 規 正 城 是 守 功 如 X 者, 之, 模 規 封 度 命 版 慮 曲 模 其 下 具 疆 築 事 H 折 之 上 之 不 日 曲

若 安排 度其 子多 供 信 邇 多少 有 行 百 分 度有 平 築」,下手 板 人可 令監 餘 者 步 來 也 榦 版 一、土 謂 少 者 之。 謂 往 先 内 負 則 司 榦 視 可 取 以 謂 就 土 看 巡 • 口 則 以 運 近 之多 合 四 具 分 也 略 已 使 是 是 度 領大 必 取 幾 當 平 隅 争 財 之監 餱 基 泥 審 專 一程 水 寡 I. 謂 築 用 糧 所 址 度 是 也 其 事 取 不不 幾 如 半。「 謂 費 視 有 商 者 才 闊 土 土 ; 使 雉 人 多 司 物 使 量 至 物 狹 謹 有 可 先 亦 如 少 若 虚 , 財 略 高 各 信 是 必 便 辨 以 不 百 費, 稱 無 基 用 下 而 平 者 稱 材 程 利 至 其 築 步 畚 址 材之人却 分 其 二是料 其 治 人 謂 於 輕 木 幾 役 方 與 築 得 堵 配 材 高 財 捷 夫 也 芻 無 員 五. 之 用 却 者 略 預 低 撥 茭 曲 + 謂 度 其 稱 糧 直 步 畚 料 版 不 厚 能 是 議 用 所 如 口 得 薄 食。 閒 謂 都 謂 是 材 得 巡 去 遠

用 夫 是 亦 世 度 也 也 裹 所 旬 着 者 足 添 務 料 而 到 今人 實 大 以 曲 條 成 如 臨 抵 見 件 目 不 此 做 折 事 爲 當 工. 之 愆 條 左 那 學, 般 惟 時 夫 際 于 目 氏 裹 其 並 風 多尚 素 所 > 皆 又 種 精 聲 載 裁 無 爲 退 種 密 版 氣 虚 增 蓋 詳 不 有 纖 習 築 文,不 謂 損 細 曉 件 用 悉 用 沂 今 之 備 如 於 兵 日 如 至 於 學 此 學 具 \equiv 救 後 用 此 者 着 代 焚 所 來 事 所 是 非 須 實 之 載 以 用 尚 其 愆 當 處 與 事 甚 事 于 虚 爲 下 人 前 事 有 文 皆 如 這 H \equiv

邲之戰楚莊不築武軍十三年

穆 滿 者 宋 春 襄。 所 秋 霸 謂 如 者 五. 宋 霸 公 到 不 志 是 度 得 齊 德 意 桓 滿 不 码目 之 量 文、 後 力,不 未 楚 有 莊 當 不 受 秦 自

得 禮 戰 竟 下 未 威 於 觀 然 到 衛 霸 或 近 而 至 憑 宋 之 楚 用 者 到 9 之 足 叮 侯 不 而 如 酒 所 事 假 公公 見 易 之 莊 後 此 前 論 假 不 陵 過 以 牙 名 道 0 秦 王 面 道 自 規 小 T 子 當 能 唯 可 之 到 邲 自 移 竪 或 知 模 馮 方 能 謂 楚 此 不 後 今 禮 之 换 楚 警 刁 作 無 謙 築 莊 戰 且 見 甚 來 戰 T 舟 論 戒 IE 0 假 戰 退 論 武 王 得 明 志 勝 之 晉 來 如 以 至 道 兢 晉 時 几 軍 之 楚 得 後 假 役 自 人 此 於 之 者 於 兢 猶 楚 意 9 滿 莊 道 滿 踐 亦 不 飲 不 所 知 憑 得 鄭 滿 使 最 王 土 齊 禮 滿 酒 稱 作 人 陵 後 意 之 兩 築 滿 自 要 分 使 之常 遇 中 京 未 用 正 盟 使 武 上 葵 看 處 明 申 看 觀 得 夏 深 \equiv 下 滿 軍 丘 飲 經 逞 舟 楚 意 良 載 相 以 之 涉 然 大 前 時 去 大 吞 莊 不 無 事 殉 規 盟 在 抵 猶 滅 警 \equiv 兩 或 王 假 作 而 私 滿 戒 人 聘 之 邲 自 小 必 天 或 道 截 酖 京

左氏傳說卷第五

後學成德校訂

五. 五.

特

兵之

不

可

敵

亦

莊

王

善

能

持

勝

何

故

袒

兩

不

左氏傳説卷第六

東菜吕祖謙伯恭

宣公公

晉楚戰于邲晉師敗績十二年

齊 弱 當 莊 强 威 大大 是 盛 所 軍 王 向 時 政 方 之 楚 綱 ,晉景 子 時 厲 雖 在 訓 韋 精 此 中 教 鄭 舉 爲 公但 或 卒 邲 治 宣 亦 楚之所 伍 之戦 政 循常 不 成之 細 敢 事 大 當 以 襲 晉、 間 修 其鋒 本 强 故 正 楚之 蓋蓋 明。 末 政 是 無 得 楚 事 石 强 不 楚之盛 叔 少怠 莊 具 弱 楚之 孫 王 舉 口 敖 霸 不 知 兵 强 整 楚 業

居 牽 其 或 其 羊 能 而 功 以 縣 又 復 逆 陳 齊 封 又 又 桓 其 復 復 晉 社 其 封 稷 文以來,未 之, 社 此 稷 既 見 而 楚 夫 克 之有 楚 王 鄭 用 有 也 其 鄭 兵 以 伯 功 取 而 肉

父亦 人,故 能 信 又易曉。 書之徒 晉之從政者 制 用 不 當 如 先 林 能 邲 此。 見 父 穀 之戰,晉、楚正 要之邲 無 楚 以 者 罪 新 以 師 益日 蓋 」,此言 楚嬖 便欲 之名 之敗,其 以穀之 其 新 人 臣 論 斂 進 欲 伍 剛 林 統 罪 軍 之 争衡 參之言 父最 愎 元 古 避 徒 帥 不 在 楚 威 切 仁, 之 荀 先 德 則 當 觀 權 穀 林 未 古 其 然 之, 父、 乎 强 而 不 謂 于 林 弱 樂 不 口

五十而爲大夫,蓋欲涵養積習,使威望在 人,所以 之不足,處 大抵賢才處 至 於 事 敗 之不 事 事 0 或或 審 古 至 之 特 敗 人 其 所 事 素 者 以 望 未 四 之未 + 必 而 熟 其 人 於 才

皆 惡 此 此 觀 舟 往 爲 己 中 父 此 敗 居 元 言 是 楚 亦 乃 不 楚 彘 贵 熟 中 帥 日 雖 晉 之 林 察 子 林 所 以 子 然 先 欲 是 至 指 群 以 父 焉 之 父 乘 激 鮮 後 濟 於 彘 敗 中 之 之 帥 罪 , 楚 口 有 可 者 晉 魏 子 浮 掬 = 軍 罪 之 罪 以 請 不 之 師 有 錡 躁 佐 者 0 又 怒 此 從 敗 賞 罪 往 不 先 先 使 及 是 趙 雖 事 政 亦 亦 協 即 濟 後 穀 彘 趙 旃 人 然 者 林 遂 許 彘 爲 先 皆 子 括 遂 林 荀 以 若 父 致 之, 子 良 濟 之 至 楚 更 之 知 不 林 是 父 中 之 以 行 於 罪 軍 遂 其 得 不 父 養 罪 而 罪 軍 此 敗 林 官 亦 0 所 得 至 不 之 然 也 之 師 下 原 乘 父 於 己 無 口 職 有 荀 不 辭 亦 邲 軍 敗 用 素 而 不 鼓 設 挾 林 故 從 之 争 從 是 或 獨 於 憾 備 是 驟 父 邲 之, 之, 敗 舟 事 處 乃 以 之 軍 然 林 而 而

常 厚 晉 自 自 養 邲 敗 不 之 敢 後 有 大 事 率 平 規 他 模 與 既 前 不 不 急 同 於 報 故

> 楚 以 而 整 己 亦 而 不 惟 還 急 其 於 如 及 報 此 楚 鄭 所 韋 宋 以 如 有 亦 伐 牽 鄭 不 之 過 勝 但 使 蒐 解 焉 楊 示 致 命 之

陵 我 精 蓋 失 時 子 惟 强 亂 亦 軍 諸 之 從 失 事 ? 天 明 其 狠 口 利 戰 F 傍 侯 霸 夫 都 自 謂 害 蓋 是 必 之 以 相 昏 而 明 切 欒 不 人 欲 以 事 矛 滅 反 亂 止 矣 於 心 書 如 舉 先 盾 夷 蹈 T 之。 己 傍 爲 措 濟 最 死 數 0 先 觀 至 自 元 不 乖 私 者 縠 其 林 之 何 相 於 帥 口 灓 錯 之 心 之 徒 父 智 時 攻 昏 邲 難 書 事 乃 先 覆 奪 又 無 於 邲 之 克 從 觀 當 轍 濟 不 如 不 前 之 戰 傍 之, 之 所 邲 得 而 此 精 而 戰 不 而 以 時 之 不 E 林 審 何 昏 可 止 故 如 先 戰 自 勉 父 如 於 以 心 及 之。 林 此 縠 强 之 知 此 當 緣 自 後 已 父 謀 日 從 之 范 吾 至 不 方 先 臨 也 慮 縠 昏 武 鄢 由 在 4 事 世

楚莊既勝晉,不肯築京觀,此亦是不敢

Ti.

八

故 染 蓋 諸 齊 以 迫 所 及 既 自 不 自 其 脅 爲 雏 講 故 侯 口 生 不 滿 居 人 常 不 者 假 過 陵 乎 功 鄭 難 莊 做 道 之 . 所 知 周 引 轢 其 轉 大 王 了。 謂 于 意 地 氣 無 詩 移 問 之 其 宋 儒 象 非 賢, 鼎 安乎 君 以 者之氣象已不 既 此 聘晉 亦 楚 之 有 《書》 伐 此 不 等 有 自 輕 其 禮 知 陳 能 事 定 不 武 重 俗 之言, 居 免 復 ·假道 "。 王 大 本 移 乎 觀 風 封 以 申 氣, 然 氣 聲 宛 其 於鄭 其 來 叔 此 ·復見。 陵 習 養移 氣習 有 之言 僭 地 亦 其 轢 號 儒 家 故 退 君 而 天 體 者 稱 即 法 莊 易 子 然 臣 又 何 王 氣 封 學 王 所 故 陵 於 不 日 之, 者 聘 視 使 漸 辱 敢 其 夜 ?

鄭 略 但 積習 亦 狄 土 晉 但 培 自 以 蒐 莊 養 廣 以 王 其 晉 示 在 力,遂致 之 初 時 整 未 而 其 嘗 己, 兵 有 與 未 牽 初 楚 嘗 未 之 争 輕 嘗急 勝 也 動 於 至牽 及 觀 服 其 林 鄭 之 伐 父

> 戰 戒。 貴 庸 公以 時 最 以 縷 無 不 百 在 0 學者 易 ? 爲 以 克 以 日 莊 莊 一。禍 不 雖 來, 强 而 不 下, 啓 惟 王 王 討 所宜 王 可 卒 或 一之威 其 至 Ш 欒 己 皆 之 謂 軍 無 之 君 林。 書之言最 死 聖 不 實而 用 所 驕 後 無 加 無 賢 及 0 Τ. 以 方 於 箴之曰 日 日 之 夫 此 申 訓 楚。 敢 王 諸 戒 不 處 做之于勝之不 所 數 之以 用 討 得 侯 霸 懼之不 句 以 楚 其 自 威 或 之所 爲 若 民民 所 要。 以 是 齊 聖賢 敖、 治 以 得 而 桓 以 生 可 其 訓 中 楚 霸 霸 蚡 在 以 晉文 日 君 之于 夏。 皆 冒 勤 可 怠 其 强 臣 不 保,約 入之後,· 根 篳 或 蓋 勤 民 自 楚 出 在 自 本 之所 路 生之 當 則 相 此 之 警 藍 安 襄 不 是

盾 不能 邲 之所 降 心 以 相 敗 從 以 所 群 以 帥 致 之 敗 情 不 至 牽 自 之戦 相 矛

得 啓 是 言 降 救 君 魯 口口 以 歸 貶 馬 也 深 之也。 捨 心 范 之 爲 侯 以 蔽 心 重 以 則 蔽 之, 無 婦 台 下 也 如 相 兀 克之 其 觀 雖 時 文子 及 以 從 此 之, 志 帥 臣 魯 比 日 君 以 又 從 之 爲 之 從 争 意 亦 來 厲 後 則 臣 \Box 相 齊 楚 是 尊 先 笑 未 爲 朝 公 群 而 而 不 和 從 侯 知 辱 其 勝 鄢 E 勸 必 且 晉 帥 能 口口 而 來 邲 之 其 ; 也 之,使 君 止 心 陵 安 以 馬 不 己。 朝 意。 石 牽 群 得 之 於 所 未 郤 爲 之 晉 敗 景 之勝 以 帥 勝 分謗 免 動 克 不 其 卑 勝 徇 其 公 臣 郤 亦 爲 其 後 和 爲 後 心 以 後 以 對 克 韓 皆 勝 條 ? 且 其 元 君 臣 所 所 驕 晉 不 君 日 相 厥 1 H 曰 帥 條 臣 以 諸 動 F IE. 敬 帥 前 欲 所 讓 雖 目 不 相 先 韓 侯 欲 吾 之, 有 斬 多 此 動 雖 乃 無 何 戕 啓 自 以 也 厥 功 多 行 敢 遂 郤 以 故 賊 自 降 將 分 爲 也 言 君 如 驕 至 見 克 尊 謗 克 滿 師 帥 不 司

楚 景 持 臣 公 勝 皆 也 之 爲 有 勝 所 是 心 以 功 所 止 而 動 爲 不 而 景 居 驕 公 其 心 功 此 生 所 晉 以 以 之 是 霸 所 知 中 以 楚 或 不 莊 如 善

而

邲 之 戰 楚 軍 制 +

論 甚 詳 之。 邲 之 然 戰 而 晉 如 晉 楚 楚 軍 之 制 所 惟 以 勝 此 敗 戰 前 所 古 載

功 是 欲 時 會 何 進 方 晉 將 故 晉 ? 雖 軍 上 分爲 惟 出 未 軍 當 時 彘 分 師 , 9 晉 六 中 趙 子 六軍 時 軍 師 軍 以 朔 爲 將 臨 中 將 \equiv 之名 然 自 河 軍 下 軍 以 是 佐 軍 自 荀 荀 己 邲 ---0 先 隨 之 有 林 林 到 濟 武 父 六 戰 父 後 子 軍 將 考之,當 來 當 彘 以 部 中 賞 下 子 時 分了 軍 若 安 皆 牽 能 此 之 止 不 士

佐 克 陷 分 名 分 所 子 軍 是 以 獨 帥 軍 以 彘 上 能 先 是 韓 子 彘 有 此 軍 則 以 濟 獻 雖 子 六 知 六 佐 中 ? 子 剛 是 軍 當 軍 軍 謂 狠 趙 以 部 中 時 部 佐 朔 荀 分 此 軍 六 分 然 濟 是 知 林 佐 軍 已 品 下 何 當 9 分 父 已 若 品 士 軍 故 時 了 自 日 當 會 ? 帥 雖 分 夫 時 是 彘 未 T 安 六 欒 荀 上 子 有 能 軍 書 林 軍 以 六 所 部 是 獨 父 帥 偏 下 是 濟 以 軍 分 郤 之 ? 未 彘 軍 中 師

知 斾 軍 君 不 時 之 其 在 **\$** 在 楚 尹 戎 \equiv 晉 亦 或 正 軍 分 是 軍 有 古 進 軍 爲 之 如 統 之 = 或 是 數 \equiv 數 軍 退 時 廣 軍 然 孫 是 如 軍 常 者 内 當 叔 統 子 之 隨 官 敖 時 重 號 禁 當 序 楚 爲 左 軍 **令**, 軍 時 當 之 者 令尹 者 子 \equiv 皆 其 軍 反 軍 由 夜 到 且 制 右 是 秉 **\$** 得 是 如 尤 或 正 尹 率 親 所 詳 南 軍 之 謂 游 轅 軍 以 政 當 闕 此 \equiv 其 反 亦

> 之 近 重 兵 方 大 到 但 兵 正 游 川 之 軍 取 才 過 + 軍 闕 至 後 不 亦 閒 亂 甚 乘 來 係 中 則 相 勝 不 以 從 從 遠 有 楚 步 旋 者 是 便 法 此 既 伍 時 分 唐 而 甚 正 亂 知 之 出 補 敗 侯 輜 軍 多。 便 T 輜 番 數 之, 重 有 不 遊 正 軍 者 不 只 往 以 邀 此 是 闕 常 軍 過 緣 擊 臨 來 Z 所 0 後 正 自 Œ 不 之 謂 補 時 卯 後 正 軍 是 軍 是 患 闕 日 看 奇 世 軍 之 楚 太 者 敗 厚 軍 外 兵 用 大 日 近 薄 日 兵 别 丙 過 看 亦 則 若 奇 到 有 近 旋 辰 甚 先 不 太 軍 與 時 奇 分 處 擊 是 蓋 楚 遠 IE 便 補 軍 薄 輜 楚 親 不 軍 重 重

草 在 此 行 尤 右 左 則 然楚 詳 尋 亦 轅 備 水 有 之 草 左 邀 軍 追 軍 爲 擊 行 制 蓐 宿 之 時 之 患 不 前 備 敵 特 茅 惟 在 慮 如 軍 右 軍 此 無 正 若 則 看 中 行 持 宿 權 他 時 轅 後 所 以 旋 右 後 謂 備 求 則 勁 敵 持 水 軍

取 數 其 嚴 隋 繼 爲 轅 相 夫 物 大 軍 名 前 勝 掩 夜 及 何 此 抵 之 備 輪 而 或 茅 左 心 動 襲 日 後 惟 故 是 建 則 遇 凡 親 • 來 在 精 中 不 ? 今 師 中 物 尋 111 宿 勁 兵 物 此 得 兵 之 之 權 草 左 險 之 舉 當 兵 是 在 所 耳 隨 則受之, 軍 親 多 夜 所 旗 後 看 是 或 頓 謂 目 旗 + 兵 在 謂 楚 中 遇 兵 今之 處 可 論 如 所 達 五. 前 軍 軍 敵 相 以 ^ 後 白 乘 之 白 以 制 所 周 大 前 接 然 多 爲 勁 可 至 禮 將 如 看 常 謂 其 之 被 前 舉 截 見。 \approx 軍 于 舉 此 駕 畫 當 之 類 人 楚精 旗 然 之 進 昏 公 擊 甚 備 在 如 更 則 整 詳 退 處 這 右 此 卿 敗 兵 内 後 前 齊 如 之 建 裹 廣 官 公 在 安 0 夜 白 後 茅 此 面 權 旜 初 後 得 書 序 卿 則 又 官 所 面 口 駕 , 當 甚 不 敵 夜 都 大 象 以 旗 謂 無

又看楚之戰亦有法,當時楚既陳,晉未

退 當 走 軍 見 皆 唐 動 陳 成 右 几 中 都 他 散 0 拒 + 侯 列 不 相 軍 何 至 走 得 添 時 T 以 時 與 乘 對 孫 故 於 當 生 楚 番 9 9 0 爲 楚 此 ? 争舟 叔 惟 又 軍 晉 中 左 及 左 又楚 子 敖 添 上 多 見 下 軍 拒 戰 拒 告 唐 軍 他 軍 相 舟 正 戰 時 軍 所 唐 以 未 侯 添 對 對 中 皆 之 以 侯 左 從 晉 動 生 之 E 法 進 説 拒 臨 0 軍 軍 上 中 使 軍 指 楚 時 戰 若 當 ? 軍 多 潘 之 口 下 當 師 時 見 0 時 0 黨 整 掬 只 晉 方 又 軍 楚 添 惟 何 以 緣 壯 分 上 王 皆 生 故 恐 惟 晉 几 中 軍 左 在 望 之 左 緣 軍 上 添 + 右 中 軍 此 E 下 拒 時 乘 風 游 兩 拒 閒 軍 從 獨 未 闕 也 軍 而

●「楚」,原作「晉」,據四庫本改。

② 「繼」,原作「精」,據四庫本改

成 公

欒 欒 書 書 侵 救 蔡侵 鄭 楚 楚 禦 侵 桑 沈 隊 獲沈 六年 子 揖 八年

其言 之第 謀 矣。 大夫, 子 所 也 之,則不然 揖 向 三子 亦用 侵蔡? 有 欒 書能 師 三人 就 次 書 功 以 亦 爲 事 也 侵楚, 其 屈 歸 者 以 政 迹 桑 謀 身用三子之謀, 上 皆 其 夫三 隧 此 用 獲 謀 論之,固 有 之 是 晉 知 楚大 子 策之見 功 役,欲與 用 或 莊 晉 而 一子、范 之望也 知 夫 國 歸 是 申 范 之 用 驪 如 是 楚 文子、 望 近。任 自 韓 ; 自 用 此 戰 侵 之 以 以 知 沈 其 第 韓 范、范、 能 然 爲 爲 時 計 獲 從 之 用 深 得 獻 其 考 善 名 韓 沈 次 子 行

整 善 顛 所 都 失諸 諸 之,遂大 臣 皆 其 之。 用 外之奪魯汶 在 田 三子 侯,大 實 倒 失 未 故 賢 頓大綱,數子之罪均 V. 不 謀 侯之心 家 看 了。 君 錯 曾 四 幾 得 抵 整 心 亂 亦 方 要只 失晉國之情 罪 在 而二三 策 都 晉 觀 爲 頓 可 只 諸 未 遂 未 景 之見 陽之田 政有 季文子之言,「信 知 謀 侯 知 在 至 公因 曾 當 至 其 信 死, 其 IE. 大體 時 用 欒 謀 涣 命, 策之是 義 誰 趙 皆皆 書 晉 散 政 __. 復歸 晉 不 又 同、 内 也。 策 侯 只 離 事 爲 須 執 戰 解 之大 之用 荒 亂 知 既 因 趙 於齊。 於 用 或 體。 鄭 ,晉之統 從 廢, 使 趙 括 大體 所 有 勝 伯 體 不 爲得,不 三子 齊 姬 大 亦 則 而 可 謂賢 遂至 殺 已失之矣。 歸 霸者 之 大 是 大 大 知 行 之 汶 謡 勢 體 體 體 於 陽 謀 曾 義 統 以 箇 大 大 大 亦 所 用 爲 勢 綱 之 御 殺 世 勢 謂 與 無 以 不

轉,亦 知 晉 論 可 君 以 景公是 三子 心之非 而 大抵賢者論忠於君,翻 當 知 謀 亦 用 衮 范 何 正 力 衮隨 策 時 韓 其 而 之 節 乃 本 轉之。 波 用 反 原, 大綱 逐 爲 使 流 須 善 之 今樂 者 都 看 有 耳 須 不 大 然 功 當 書 理 勢 而 而 數 以 會 出 驕 大 子 若 其 勢 學 都 與 大 志 者 之格 大 勢 不 體 察 未 則 不

晉郤至如楚聘楚子享之十二年

出 子 臣 室 元, 貺 反 也 矢 而 以 對 子 晉 縣 之以 郤 相 郤 以二 反 焉 加 至 日 至 如 大 遺 日 郤 如 禮 天 馬 : 至 楚,楚子享之, 日 之福 重 將 云 君 用 登 之 暮 樂」。 不 。 金 矣,寡 兩 以 志 君 備 先 奏 子反之言 相 樂 君 作 君 子反 見, 之 於 須 如 下 好 矣 無 天 相 吾 甚 之 驚 施 亦 無 爲 唯 福 及 子 而 其 義 是 下 走 地

> 爲,自 賢 然深 楚,有 時,是 篡 高 朝 都 盟 看 迹 死 歸 理,郤子 弑 論 亦 以以 明 不能 則 無 遠 然 之禍 不特 憂,反 止 慮 日 語 有 以 何 所 不 郤 以 矣。」此一 深憂遠 者 重 時 以 然。 至 范 遂 其 文子 憂 厲 節 深 自 箇 專 引《兔罝》之詩 范 能 楚之食言 公之禍 "資 自 覆 對 文子 矜 蓋 慮 專對 憂慮 亡篡 其 文子 段, 之才似 獨 質 文子 才 所 之才便自喜, 范 畏 觀 ,卒至於 殺 之意 人 以 爲 日 文子 怯者 郤 增 可 在 最 又薄 丽 : 至 己。 君之 喜。 憂晉 後 以 憂時 鋪 無 非 闢 面 Ì T 蓋 禮 陳 畏 若 驕 之。 或 惟 國。 當 必 典 楚 就 都 如 晉 以 文 在 正 禮 食言 卒 人 子 當 郤 實 速 不 厲 恐 厲 朝 之 事 能 時 子 之 事 以 覆 見 公 晉 公之 之 所 臣 叛 B 識 惕 勝 事 在 吾 而

六四

成子受胙于社不敬十三年❶

性 謂 康 皆 人 此 以 各 力 之,民受天地 中 動 正 學 命 公 出 盡 福 作 在《大 \Box 代 之 性 也, 段 力。 不 禮 成子受胙 聞 命」, 根 中 見 學 老 義 能者 兩字 語 勤 此 者 本。 堯、 師 威 易 禮 在 爲 宿 萬 儀之則,以 舜、 敗 之中 w , 便 其日 一中 觀 學,當 于社,不 物 即 莫 儒 以 劉 禹、 得 是 傳 如 以 見 取 庸 子之言 天 道 致 太 民受 湯、文、武 得 禍 生 致 之淵 敬 地之偏,人乃得天 便 極 老 一,所 敬。 力 定 是 天 師 是故君子 於 盡 命 謂 判 子 源 乃 地之中 宿 劉 力莫 此 也 命 思「天命之謂 儒 見 相 子 大 數 也 品品 胷 傳 之傳,不 日 能 本 如 句 勤禮 之妙 物 以生,所 中 : 皆 敦篤 者 Ŀ 是 流 所 自 養 以 吾 小小 得 形, 地 是 觀 之 此 有 聞

常 墮 與 過 强 之所 則 行 則 動 内 之則,以 偏全之間 亦亦 操 於 天 有 處 履 不 無 言 地 私 便 在 而 能 不 適 所 若 所 流 取 意 是 夫 存 定 者養之以 可 矯 亦 即 謂 天之 人 行 此 命 則 差 拂 故 舉 欲 慾 以 而 命 也 詩 皆自 而 民 心 一毫之不及。 止 不息, 敗 中 生 也 定命」者,此 禍 者 廣 得 ·, 天 度 所 物 福 須 體 言 節 天 然 謂 看 縦 皆 是 命 一或捨之而 胖 地 同 取 不 而 敗 便 以 之 能 是 維 怡 然 不 禮 至 者 有 者 心 氣 以 天 不 自 愉 心操之常 此 於 耳 動 敗 也 之 則 外 安 何 兩 見「是 壅 可 作 0 以 命 禍 泰 來, 故 不存 字 差 禮 取 遏 此 人 自 ? 於 福 義 禍 而 無 中 與 存 以 外 則 毫 之 本自 此 不 威 穆 即 所 物 來 有 勉 所 儀 福 流 便 則 命 在 不

^{●「}十三」,原作「十二」,據《左傳》改。

作 禮 儀 致 如 儀 勞 能 禮 如 自 處 君 F 所 子 故 於 開 之 孝 敦 謂 成 我 致 子 小小 禍 面 處 則 篤 商 養 敬 言 所 王 看 小 勤 謂 人 謂 作 心 賈 是 句 T 荷 9 禮 農 盡 則 取 之 不 計 勤 也 如 之 泛 盡 句 就 力 却 莫 動 Τ. 敬 勤 禮 别 而 然 力 知 小 是 下 作 如 商 發 思 此 畎 莫 福 0 此 無 İ 人 人 賈 今 致 威 出 夫 畝 如 不 統 如 蓋 之 夫。 道 皆 敬 儀 段 盡 人 以 致 今或 句 則 則 君 言 之 所 是 皆 自 最 奉 敬 力 最 動 無 門 子 謂 最 小 取 合 中 亂 要 父 從 是 皆 以 小 處 學 户 是 於 者 就 于 母 如 事 合 用 行 0 下 1: 禮 威 曲 便 於 禮 Τ. 動 是 如 而 I. 論 大 身之大 各 儀 禮 是 夫 必 畎 便 作 服 今人多 夫 其 故 夫 自 端 君 有 畝 禮 是 爾 皆 商 盡 處 中 君 子 有 根 白 的 無 義 賈 或 有 本 力 是 子 本 處 則 把 莫 威 威 勤 服 則 君 以 以 有 勤

> 其 當 存。 之, 此 之 剑 顔 始 時 色, 深 冒 亦 旨 雖 IE. 此 貢 未 出 若 心 步 于 心 説 害 辭 非 勉 誠 之 是 事 氣 强 意 君 速 幾 定 之事 子 _ 與 其 不 以 所 得 不 知 而 至 事 貴 味 定。 學 當 今 於 考 乎 自 學 者 曾 時 之, 道 有 當 者 子 此 者 言 不 亦 隨 臨 正 心 可 未 之 終, 力 還 要 : 已者 悖 害 深 動 是 用 亦 淺 事 容 存 力 得 以 行 貌 與 事 不 在 孔 不 考 IE 知 如

曹 人 而 自 使 公子 V + 負 芻 守 秋 負 芻 殺 其 太

時 芻 守 即 或 曹 子 宣 使 臧 公從 公子 也 晉 欣 負 侯 時 芻 伐 逆 秦 與 曹 欣 卒 伯 時 于 之 俱 師 喪。 曹 使 伯 公 公子 庶 子 子。 欣 負

● 「有」,四庫本作「無」。

節 師 公子 自 立之,子 成 7 自爲 遂 公而 欣 逃 晉 時 曹 臧 奔宋, 歸 爲 逆 君 辭 之 霸 喪 主 日 京 未 不 師 歸 率 肯 諸 之閒 聖 諸 立 達 侯 侯 討 節, 將 後 負 殺 來 見 芻 次 太子之禍 子 殺 負 守 臧 其 芻 節 歸 太子 於王 下 自 京 失 而 執 而

當 肯 失 篡 擇 擇 立 而 公之卒, 不 受 序 弑 精 討 其 自 固 之 前 賢 立 所 如 大 ,豈是晉 而 子 抵 者 日 其 太 是 以 既 學 儼 臧 弑 而 罪 子 勇 辭 死 者 輕 然 君 7 當 是 於 人之罪 之後 受 之。 之 居 千 之賊 討 爲 正 取 患, 乘 嫡 義 子 之 或 子 太 ? 晉 本 之際 最 或 之 今 臧 子 人 然 是 都 當 E 乃 在 古 討 而 勇 視 緣子 亦 立 遷 當 時 篡 講 使 於 不 之 子 受 延 弑 學不 曉。 臧 如 義 負 之 不 之 臧 芻 弊 綱 而 歸潔其 ·受,反 可 賊 明, 殺 自 古 不 五. 屣 也 常 諸 曹 能 不 太 擇 而 身 使 侯 都 當 子 宣 義 精 亦 不

> 之 操 明 曉 加 民 義 節 日 太 過 之語 過 所 却 降 得 損 不 乾 . 衷 精 帝 以 以 輕 元 秉彝 亦皆 在文 則 重隆 九 不 用 觀 民 縱 免得 九 王 這 彝 有 殺 天 1 則 乃 一二句, 處 横 地 病 都 罪 日 見 不 超 於 智愚 分,却 雖 天 夫 平. 順 君 有 則。 所 節 便 帝 聖 子, 高 謂 見 之外 之 賢 説 世 都 他 則 今 節」者,天之 同 之行 講 聖 是 子 亦 守之而 學 達 擇 是 在 臧 未 節 義 難 講 子 易 次次 盡 不 學 行 臧 不 **>** 精 之 不 生 擇 守 未 則 口

左氏傳說卷第六

後學成德校訂

左氏傳説卷第七

東萊吕祖謙伯恭

聖人内外無患士

六

成

公

然 徒 患 盟 口 子 能 以 可 而 外 逞 不 見 背 鄢 非 欲 陵 之 面 聖 之 及 戰 晉 看 用 戰 臨 晉 元 師 日 帥 楚 陣 内 以 是 僨 之 寧 兵 又 若 晉 然 曲 必 家 直 逞 圓 直 有 曲 : 楚 吾 師 外 直 不 惟 曲 願 憂。 都 論 能 聖 之,楚 諸 勝 欲 於 欒 侯 討 敗 内 能 書 皆 楚 之 看 内 新 勢 之 叛 君 獨 外 與 徒 之 晉 范 顯 晉 無

大 未 禍 能 觀 無 責 其 雖 又 全。 不 縦 昏 無 所 大 欲 敗 敗 僨 策 濟 乎 處 拳 見 作 遂 明 爲 救 争 拳 之 時 厲 於 之 幸 殺 厲 至 惟 徒 晉 之禍 之 之勝 明 説 0 品 文 公 後 人 公 灓 於 知 欲 師 背 忠 子 文子 品 之 書 滅 憂 義 避 威 盟 君 雖 敗。 於 勝之後 驕 懇 之 必 之 日 中 禍 望 棄 臣 衆 之 有 將 懇 深 館 君 至 行 不 好 而 戒 如 志, 邪 品 大 之意 穀, 子 見 足 使 死 偃 懼 射 立 之 品 討 抵 幾 隨 古 殺 祝 以 見得 於 共 之意, 之 閒 君 天 而 兢 時 使 壓 宗 郤 亦 王 可 戎 必必 下 臣 作 輕 兢 晉之大 其 錡 群 事 口 祈 謂 中 馬 勝 之 相 重 養 守 哀 臣 加 窮 之 目 或 死 深 事 郤 賊 不 或 , 是 之未 之 計 出 前 切 權 然 犫 但 見 勝 有 知 講 或 極 衡 而 終 以 亦 得 以 然文子 當 厲 而 充, 言 學 郤 處 隆 終 始 拱 有 楚 不 終 然 作 公 之, 至 殺 之 信 亦 終 保 楚 手 見 不 無 驕 口 而

小 不 者 至 於 口 以 徒 此 欲 爲 速 戒 死 後 之 有 志之士 規 模 狹

晉悼公即位于朝始命百官十八年

群 許 之 儀 此 廷 最 弑 大 自 更 臣 夫 是 臣 驕 綱 至 襄 賂 厲 要 逆 段 於 臣 難 公 中 紀 下 于 公 約 田 大 正 爲 以 之 皆 此 既 清 野 夫 與 時 來 而 權 聳 見 弑 原 惠 節 後 曠 惟 然 得 漸 權 悼公 之 公 肯 然 股 恐 悼 重 日 柄 然 相 大 栗 公得 不 先 浸 悼 到 變, 反。 初 此 得 移 得 公 與 7 要 使 臣 即 厲 惠 亦 之定 0 領 復 下 公未 是 位 公 若 今悼 處 見 之 既 正 論 要 至 文公之 人 後 弑 其 約 事 靈 公 悼 之 之後 紀 勢 先 公之 凡 公 自 初 綱 與 自 威 晉 朝

大

抵天下

·之事

,

須

是

初

時

做

得

是。

若

本 職 悌 定 也 興 曠 慝 責 臣 時 是 二三子 太); 三 之義 者 逮 皆 是 規 也 蕩 悼 四 以 薄 之澤, ; 在 模 公 下 也 倒 賦 鰥 則 即 於此 是 ; 持 斂 寡 使 如 用 則 五. 布 位 則 也 宥 命 使 威 已 我 明 之始 則 恩 振 立 荀 令赫 授 霸 舉 今 要 罪 惠 晉 廢 威 家 業復 他 賢 戾,節 日 約 悼 滯 **令**, 先 等 如 然。 柄 才 公之所 否 逐 興 ,如六 如 匡 使 施 如 器 那 不 亦 0 乏 訓 舍 悼 逐 始 用, 臣 時 今 卿 是 困 己 公 以 官之長, 不 命 者 如 日 之子 知 責 時 初 霸 救 臣 百 七 何 霸 是 用 災 官 人 者 正 業之 其 如 弟 之言 民 也 患 得 七 此 規 舉 恭 施 ; 等 模 儉 几 人 所 禁 大 舍 明 不 是 布 根 失 孝 以 淫 則 E 君 日

六八

孟獻子請城虎牢以逼鄭知武子曰善

所 孟 城 虎 獻 以 牢 子 霸 晉 請 悼 處 鄭 城 公 乃 虎 蓋 戚 服 牢 之 孟 以 會 獻 此 逼 子 以 鄭 段 魯 鄭 事 知 從 或 武 雖 楚 之 小 子 臣 故 善 見 也 謀 其 得 言 討 當 悼 鄭 遂 公 戚

> 獻 便 服 語 所 句 獻 須 杞 以 子 於 兼 霸 所 城 桓 以 公以 看 虎 孟 等日 不 牢 獻 晉 外於晉 之 之君 子 侯 謀 雖 之 臣 武 不 一一一 德 視 子 7 諸 亦 欣 晉 是 侯 不 然 之 時 爲 外 從 魯 朝 於 之。 之君 於 體 獻 此 戚 子 又 臣 須 已 晉 這 看 兩

晉 禮 侯 食 以 使 魏 佐 絳 新 爲 軍 能 以 年 刑 佐 民 反 役 與 之

腹 從 其 之 食 改 所 不不 和 弟 心 悔 以 戎 晉 特 此 至 初 霸 悼 之謀。 食 最 不 欲 公 之, 見 殺 及 怒 雖 履 絳 悼 又 魏 初 公 時 使 絳 疾 跣 及 天 私 佐 戮 之 觀 出 資 愛 新 楊 如 以 授 易 私 軍 仇 干 正 僕 曉 忿 之 讎 其 人 又 僕 後 書 未 無 使 死 能 古 之 晉 乃 公 又 克 必 聽 委 與 遽 侯 除 處 或 之 之 私 翻 恨 事 如 禮 然 愛

之

亦

見

悼

公

規

模

稍

闊

處

晉

之

君

臣

能

用

善

所

以

致

得

孟

獻

子

敢

言

雖

然

是

如

此

又

閒

孟

獻

子

雖

魯

之臣

言

可

用

則

欣

然

從

之

會

獻

城

虎

牢

之

謀

知

武

子

遂

從

其

言

此

見

悼

公

之君

臣

惟

善

是

用

初

無

親

疏

内

外

之

左氏傳説卷第七

率

規

模

足

以

服

諸

侯

之心,

H.

魯

君

初

朝

晉

須

觀

孟

獻

子

納

忠

之

由

亦

緣

悼

公

初

即

位

大

七

士 資 略。 冠 高 時 得 武 殺 有 不可 論之, 引 子 又 帝 這 魏 又 等, 在 過 而 若悼公規模 絳 Ħ. 達之,此悼公之所以 高 人資 段 之不 不過 自悼 大 止 帝 一君皆 普 遏, 以 上。 質, 速 輔 公資質 知 悼 及其 無 之 其 惜乎 然 公之資 意 及 纖 以 人之賢 高 無 其 悉備 已難 才 事 當 帝 必,當 悔 能 過 時 質 總 具, 過 事 毫 得 人 止 大 委 理 其 功 臣 樞 於 段 不 之 在 髮 事 觸 、悼公。 如 機 特 高 以 後 無 物, 不 物 周 韓 是 世 有 留 腹 獻 密 尚 髪 以 克 獨 知 心 子、 春 除 道 則 有 此 E 有 之 衝 漢 秋 知 天 疏 看 私

定 姒 文子 四 年 薨 子 不 殯 爲 于 Œ 廟 卿 無 而 櫬 小 不 君 虞 之 匠 喪 慶 不 謂 成 季

之 是 此 所 氏 蒲 諫, 這 意 文 菲 卿 止 厅 工 守 禦 檟 勢 最 説 人之賤 要 子 慶 薄 圃 而 學 0 等 均 既 道 菲 定 秉 以 數子 他 或 者 姒 以 人, 薄 正 力 面 成 與 日 君 薨 或 不 此 自 敵 誰 其 乃 劫 又 雖 淮 之 又 可 知 之 斫 之人, 禮。 能 能 季 略 備 無 母 不 如 不 政 至 9 文 以 諫 更 何 要 一言 IE. 講 然 理 薨 子 此 不 不 異 初, 止 自 如 卿 究 所 責 其 能 降 恤 得 베 之 孟 以 己 季 在 , 季 無 殺 他 以 他 成 次 貴 用 及 孫 孫 氏, 櫬 雖 夫 君 上 之。 如 尚 爲 季 有 匠 至 卿 若 母 人 臧 敢 文子 又 己 所 慶 當 之 微 要 之 如 孫 樹 擅 廢 斤 請 是 不 諫 禮 賤 此 喪 慶 猶 亦 嫡 伐 六 能 之 木 時 忿 止 不能 檟 似 立 以 蒲 不 他 , 臣 屈 辭 季 庶 須 從 圃 過 可 季 於 主

季 文子,魯 之正 0 遏」,原作

潔」,

據四庫本

定

姒

魯

襄公之母。

鄭子駟使賊夜弑僖公而以瘧疾赴于

諸侯七年

於 若 爲 至 以 罪 弑 以 啚 在 悼 天 賞 其 於 於 此 僖 霸 求 公 强 事 見 下 業 口 有 公, 鄭 子 討 僖 或 霸 以 有 功 僞 駟 何 霸 苟 者 公將 亂 不 初 罰 故 以 戕 本 臣 免 而 可 無 有 受 瘧 弑 會 賊 原 掩 便 誠 罪 他 疾 子 不 之 諸 者 因 心 赴 僞 之 是 實 侯 不 爲 循 諸 赴, 誠 不 在 處 過 天 遂 鹵 侯 心 得 都 假 道 莽 下 從 大 已 此 賞 中 不 過 晉 而 抵 此 考究 1 而 以 善 隱 悼 子 晉 霸 興 濟 罰 忍 公 駟 或 者 初 師 霸 惡 明 當 所 本 不 使 不 討 業 其 以 曾 問 賊 時 心 正 罪 耳 止 其 有 只 方 夜 所 ? 0

景 公使 許 之子 土 囊 雅 乞 日 不 師 于 口 九 楚 將 以 伐

楚

政 年 晉 朝 欒 數 賈 子 方 朝 許 表 者 之 0 武 楚 强 皂 衰,一 歷 朝 子 子 或 隷 之, 秦景 此 裹 數 蓋 如 之 囊 不 治 洞 子 其 晉 政 晉 段 公使 蓋 在 德 不 見 囊 或 士 事 或 當 晉 刑 楚 在 不不 亂 會、 之 止 各 本 土 以 政 之 晉 楚 之。 德 末 有 邲 雃 事 朝 其 敢 朝 灓 兩 政 腹 乞 之 言 腹 輕 武 無 强 卒 言 子 師 戰 心 子 心 略 自 不 或 乘 晉 楚 囊 之臣 于 參 骨 雖 備 任 軍 之 或 故 初 楚 所 看 晉 髓 賢 知 旅 政 之 不 如 以 9 之臣 使 將 之 曾 互. 政 如 當 如 此 兩 能 以 事 觀 親 親 立 亦 立 時 見 伐 凡 歷 至 晉 兩 楚 百 如 立 ൬ 得 或 楚 於 朝 能 於 有 親 莊 之 盛 之 是 餘 歷 歷 I 之 楚 王

以 持 隋 之 不 以 是 能 脩 晉 百 見 德 餘 兩 楚 或 年 7 政 之 在 之 者 欲 霸 江 有 而 取 以 業 南 人 陳 其 各 無 楚 至 或 人 而 在 於 各 相 之 陳 江 白 距 有 閒 懵 北 餘 人 如 也 然 常 但 此 年 不 之 0 察 有 知 遠 兩 至 此 江 國之政 如 所 之 陳 陳 以 隔 相 隋 隋

荀 荀 偃 偃 言 士 匄 雞 鳴 請 伐 而 駕 偪 陽 塞 并 + 年 夷 竈 + 四 年

然 公者 **\$** 至 論 其 其 赫 其 閒 晉 大 大 然 失 亦 悼 處 所 布 有 公 以 於 却 所 得 再 後 諸 未 謂 修 有 侯 世 有 得 失 文 説 論 自 之大 公之 出 其 晉 襄 小 之 公、 者 霸 處 霸 業 厲 向 古 必 者 公, 不 復 須 固 足 使 未 稱 己 論 晉 有 言 悼 · 今 之 如 公。 則 威 悼

晉自厲公以來,政事弛墮,權移臣下。

自 公之 公事 傳 悼 歸 竈 偃 請 下 之 悼 靈 公 自 新 古 之 君 公 當當 爲 伐 時 霸 公 襄 已 公 以 固 唯 在 悼 論 明 以 公以 偪 能 不 元 初 時 弱 是 先 余 自 陽 下 公 攬 古 帥 7 其 此 得 臣 時 軫 馬 家 出 後 權 如 之大。 臣 事 祭 馴 强 收 不 如 首 方 粗 來 是 柄 尚 權 至 甚 + 晉 其 軍 不 顧 是 可 根 禍 今 使 如 不 厲 在 能 或 中 年 而 朝 瞻 以 本 若 則 此 臣 之 公, 上 亂 違 荀 於 唾 辦 0 日 Ż 0 失 萌 論 下 下 權 罃 9 武 事 後 威 欒 卒 患 E 之 芽 時 自 知 爲 宫 六 世 **\$** 屋 從 雞 元 及 有 此 大 所 止 元 當 卿 深 在 世 狠 鳴 之。 細 臣 論 者 畏 逐 數 帥 不 遂 盡 爲 臣 都 僻 考 强 而 不 目 是 事 曾 到 晉 掃 至 下 如 及 Ž, 駕 荀 之 臣 前 觀 何 從 除 惜 分 此 此 不 漸 + 偃 者 之, 處 下 塞 番目 政 以 去 爲之一 四 七 能 悼 以 軍 井 自 自 在 後 悼 年 匄 深 夷 臣 襄 悼 而 公 悼 公 來 在

陽 得 滅 乎 臣 晉 可 免 旧 爲 英 附 反 之 便 自 朱 能 遠 耿 除 武 不 1 此 亦 役 襄 庸 全 使 害 宦 正 慮 以 以 宣 滅 將 晉 不 公、 之 官 或 忠 如 或 其 宗 君 此 悼 霍 就 之 此 知 之 稍 之 事 唐 厲 之 柔 是 公之 賢 見 而 容 亂 禍 戢 獻 滅 患 反 反 宦 謂 公 明 懦 悼 養 悼 君 根 俘 既 官 明 以 不 察 無 公 使 公 所 武、 却 之 爲 來 大 志 不 悼 滅 反 之 規 夷 趣 臣 在 都 都 能 盛 失 大 公 宣 虢 謂 盤 俘 模 過 古 强 不 害 去 不 自 子 根 狹 後 H 不 敬 非 口 理 唐之 夷 0 能 後 而 以 錯 孫 前 足 小 宗、 不 削 會 不 俘 晉 去 已 爲 節 之 來 論 免 賢 多 將 而 權 自 後 文 雖 辦 此 至 所 何 君 也 不 不 獻 就 臣 宗 有 偪 來 事 以 緣 所 於 深 能 能 容 公 皆 皆 得 違 陽 如 武 以 至 去 六 憂 削 以 盡 養 宗 未 命 乃 君 終 不 何 于 得 卿 來 去, 嘗 自 以 之 宋 惜 時 之 悼 能 偪 去 ? 不 分

> 諸 俘 隱 偪 氏 職 使 非 知 掌 周 其 陽 霍 中 此 自 與 名 或 内 又 可 當 必 八 周 不 自 史 而 見 柄 不 命 其 禮 欲 者 相 謂 悼 爲 周 賢 盡 日 之 屠 源 公大 可 内 爵 乃 可 滅 戮 流 見 史 夷 隱 見 其 之 體 失 日 制 俘 其 嗣 恥 統 此 賞 所 __ 度 名, 然 相 使 周 在 遮 尚 以 就 承 悼 E 之 内 蓋 封 在 此 接 公 所 欺 史 官 其 諸 責 君 選 先 以 制 名, 周 侯 之, 君 其 臣 不 尚 官 謂 忍 下 稍 族 既 内 在 晉 之 盡 賢 嗣 知 史 欺 要 滅 之 左 其 封 納 夷 獨 或

鄭 皆 子 駟 喪 田 爲 焉 \mathbb{H} 故 洫 五. 司 族 氏 以 堵 作 氏 亂 侯 + 氏 年 子 師 氏

之, 氏 蓋 子 鄭 周 師 子 之 E 駟 井 何 爲 H 爲 田 廢 許 洫 壞 多 X 而 至 皆 當 此 喪 時 己 田 口 見 焉 氏 其 端 堵 以 氏 此 四 家 觀 侯

年 鄭 音首 皆 曾 侵占 非 孔 君 嘗 自 乘 桑 漸 制 如 洫 先王 間 之相 是 子 鄭 自 此 亦 古有 不 壞 民 有 便 蕭 濮 未能 壞 不 指 知 侵 師 把 謗 遂 而 所有之樂,亦 易淫 魚之會,以 先 正 上之音,子夏 不 其 削 之, 慧過 先 以 四 更 皆 之音 王 正之樂,歸 來之漸 王之樂 爲 若 家 旦盡 溝 皆 謂 之 宋 樂之矇 取 田 非 仍 洫 樂,其 商 朝 何 我 再 舊 舊 爲 掃 君 己 女樂二人賂晉。 亦 日 故 田 開 制 制 田 去先王之制。 開 如 0 久。 魏文侯之 莫不 疇 姦 獨 之 0 井田 阡 故 以 何 聲 歸 鄭 「若猶 而 子 有 四家 陌 此 若 緣 然。 尤 聲。 伍 之 駟 如 壞之有 見 使元 之,此 喪 大 甚。 鄭 有 子 後 作 鄭 對 聲 且 壞 如 田 人,豈 來要 産 亂 所 一言之 不 當 以 井 ? 如 者 漸 不 欲 後 有 又 樂論 曾 + 田 時 獨 見 必 整 來 復 之 其 且. 壞 之 甚 其 樂 十五五 蓋 井 以 衛 田 鄭 田 頓 年 之, 詳 制 皆 千 鄭 有 制 商 閒 洫 田 田 \mathbb{H}

> 晉 會 同 侯 盟 于 問 戚 于 亳范 衛 范宣 故 於 宣 子 子言 假 中 行 羽 獻 毛 不 慎 子 於 齊 必 + 四 失 + 年 四 諸 年 侯 + 年

九合諸 之閒 侯」,其 楚不 齊人有 臣 於蕭 晉悼 可 如 與 見 + 兢 齊 志得 敢與争 公自 兢 於 魚 桓 晉 年,范 警 侯, 之已僭了,悼公不能正其罪,今宣子 悼 此 公葵丘之會、晉 上下 亦衰 意滿 戒 即位以 公之霸 如樂之和 古 如 此 宣 於 且 如 戚 心, 是 一子盟 蕭 此 來許多工夫,積累到三 之會 以 悼公一 唯 魚 至 樂賞 于 恐 蕭 無 及 范 亳, 想 既 不 文公踐土 所 魚 魏 時之盛 及, 宣 蕭 不 會 之會 絳 日 子 魚 諧 言 蕭 同 假 不慎 未 其 魚 力 處 霸 一之盟 會 羽 之 以 業 之前 毛 君 年 後 興 必 然 於 之 ·之中 君 成 霸 失 雖 駕 齊 驕 就 同 而

假 則 其 羽 臣 毛 之 而 驕 私 亦 有之,以一 可 知,而 悼公之衰墮 大夫而 僭天子 亦 口 之禮 見

業 托 時 行 臣 蕭 更 到 就 荷 獻 日 後 魚 故 衰 簡 子 悼 以 來 就 善晉 不 ,獻 不 公 宣 如 弛 前 討 實 此 子 墮 · 晉 無 子 其 大夫了 事 身上 僭 之語。 却 自 罪 必討 E 也 説「不如 一看 看 ', 到 悼公自 之,今十四 如如 身之謹 ,未盟之前 況 得 林父 衛 中行 因而定之」,皆 蕭 孫 與 魚 自 林 獻 僭 年 父 已會之後, 衛 子受林父 ·, 悼 不 逐君 如 獻 此 同 公 公 謹 若 如 即 問 是 嚴 此 霸 結 位 君 是 中

晉悼 以 賜 正 諸 魏 華 絳 + 樂 日 年 子 教 寡 人和 諸戎狄

政 事 用 悼 人,此 公 所 以 不 成 必 霸 論 業 其 規 模 更出 皆 口 迭入,不戰 見 得 如

> 諸 使 得 五. 出 待 屈 人 楚; 來,欲 專意 葛 無 月 戎 和 不不 亮之規模,正得晉悼公之遺 後 諸 渡 其二使 顧 南 瀘 戎 能 方。 之慮,然 先 狄 統 濟 天 去 河 以 魏 觀 下 降 正 絳 其 此 後 諸 孟 賜 和 興 和 出 華 獲, 魏 戎 漢 戎之: 絳 師 社 前 抑 欲 有 爲 稷, 微 整 策 無後顧之慮 言曰 進 子, 頓 欲 取 E 南 與 一一子 之計。 寡 如 邊 魏 人 諸 羌 争 教 無 葛 夷 衡 寡 故 亮

晉平公即位改服脩官會于湨梁十六年

改 欒 亂 羊舌肸爲傅,張君臣 安,放於奢侈 之由 盈 服 一、士鞅 脩官, 人君 即位 晉 烝 爲 平 涿 于 公族 之初。 公繼 曲 於宴安。 沃,警 大夫,虞丘 一爲中 悼 便 公 可 守 軍 之後,恃 占 觀 司 而 知 其 馬 下, 終身之昏 書 即 祁奚、 爲 會 位 晉 于 乘 之初,使 或 湨 馬 韓 之 明 梁 御 少

度尚 墮 持 故 初 如 後 下 T 平 - , 焕然 以,早是 月. 公 平, 悼 後 0 其 公, 在 來 古 穩 悼 以 後 略 衰 是 漸 公即 賴 此 安 之霸 平公即 弱 無 有 新 衰。 知 帖 悼 知 可 霸業之衰, 公之 位 主 至 觀 況 其 須 一,强 之 其 位 數 古 平 初 看 舊 初, 之初 初 + 弱 公即 如 他 是平 政 即 昏 年 正 此 承 亦 遺 位 明 位 後 事 悼 公之力,亦 規 而 可 治 法 之初 公之 用 能 模 平 來 占 亂 尚 人, 用 便 公 蕭 知 亦 在 後 許 與 又 規 魚 於 基 典 多 憑 漸 模 既 悼 皆 即 於 或 藉 會 漸 已 公 是 此 位 刑 之 之 别 昏 扶 上 悼 不 法 何

宋皇 收 子 或 罕 父 請 爲 俟 太 農 宰 功之畢 爲 平 公築 ·七年 臺 妨 於 農

農收。 宋 子罕 皇 或 請 父 俟 爲 農 大 功之畢 宰 爲 平. 公弗許 公築 臺 8 築 妨 於

> 處 忠 則 世 已 者 怨 論 此 謗之説,若不 如 有 之,則 **搴之役**,韓 皇 推 閒 相 欲 斬之矣,遂令速 吾職 意 體 誠 君 争 或 蓋 分受其 恤 父 以 功 次 关 É 不 不 救 者 而 則 下 盡 欲 譽 濟 相 之事 去 歸歸 使 有 獻 謗 怨 它,不 子 去 怨 深 子 同 之無 獨 罕。 + 有 考,止· 列 獨 欲 以 春 歸 倍。 看 有 斬 秋 徇 幸 是 可 於 子 三 三 所 人,郤 之時 奈 誠 有 去形 他 罕 然 皇 歸 非 意 何 舉 : 「吾以 聞 以 或 有 已 之 事 迹 克 恩 分謗之事 大 之 父, 盡 之失 上 地 獨 馳 幸 公至 而 有 前 看 有 救之,至 有 德 抶 分謗。」 固 所 不幸,上 獨 自 正 其 非 救 在 甚 見彼 當 之 揚 歸 不 不 多 得 道 分 則 於 竭 與 勉

^{■「}正」,金華本作「政」。

^{2 「}平」下,原衍「文」字,據宋李明復《春秋集義》卷四

① 「請」,原作「論」,據四庫本改。
③ 「臺」,原作「室」,據四庫本改。

至於 子 是出 道 不知大 取 於 大 惡,終至於亡國。 亦 + 無謗之可分。 罕徇 是 李斯之事 德 名 ,吾舉事以 面 湯己 於公, 以 「,則 加 於 義,所 善爲 添 小 我 人 取名 忠 民 要 亦 我 之而 始皇 而 與 雖 公, 以 自 亦 ,非忠臣 天下之理 不 人 怨 養成 不 安 不知其 每 知 民 。謗 分謗,便非 雖然,要之分謗之後,不 然 歸 大 又 始 事 處 恩於我,萬 無 之體 何 義,不能 皆 之,事 皇、二世 悪。 恤 怨? 自 與與 可 也 分謗,盡 分謗 也 有大公至正 大公至正 久 安平 亦何 飾 自 一不幸 何分之有? 之弊 非 定。 和 膀? 護 小 緩,而 流 之道 若 忠 短 而 若 之 若 之 自 至 而

鄭子孔將叛晉,楚楚師,●使告子庚,子

武,此 厚涵 賢 既 此 武 位 不 庚 君,自文、武、成、康皆以 而 逸 可 王 佛許。 堅 尚 穀 0 有 ,於今五 事 也 不 王 而 武之風 以 養天下,是以 以 忘 主 養 不 意 楚 又 賢,有 周 來,養 社 自 於 其 先君之業。」 須 所 論 古 稷 楚子聞之,使 起 根 見 以 年, 楚, 皆 本 俗常自 前 師 得 能 常 成 以 師 9 不 王 能 尚 庚 他 有 養 各 徒 出 能 霸 若驟 武 不 抗 盡 若。 看 風 隨 不 師 粹 維 能 衡 風 忠 楚子 俗 其 出 駁 持 告子庚日 諫 體 政 死 上 俗 爲 敦 且 所 雖 周 *, 楚子 國。 不 或 處 本 數 以 根 尚 事 室 不 其 從 處 周 , 養 務 句, 本 同 此 或 惟 以 禮 雖 論 農、孝悌 必不 脩 當 其 成 其 見 不 看 要 周 之,周 或不 之皆 之所 閒 時 風 得 穀 或 子 風 不 能 楚 庚 俗 君 俗 楚 爲 穀 人 遏 脩, 子 忠 之 自 自 謂 處 則 以 有 尚 即 不

● 上「楚」字,四庫本作「出」、《左傳》作「起」。

還,亦是以見子庚盡忠體國處。 問,輕犯大敵。故不若自以身往,上不至於情,輕犯大敵。故不若自以身往,上不至於情,輕犯大敵。故不若自以身往,上不至於不可之敗。若使諸大夫行,又恐或不能看量事

左氏傳說卷第七

後學成德校訂

左氏傳説卷第八

東萊吕祖謙伯恭

公

襄

爲 以 時 此 時 對 頃 兩 牽 ,平陰之戰 晉之伐 敵 公 戰 之戦 以 之所 有 難 靈 郤 齊, 易 爲,克之勝 公之所爲, 克 不 0 其 爲 同 大 荀 帥 戰 偃 當 有 甚 將 大 偃 郤 之勝 敗 難 中 克 軍 齊 與 當 荀 甚 師 頃 亦 齊 偃 易 公 敗 頃 與 齊 對 齊 公之 考其 靈 靈 敵 師 公 公

> 陰, 無 旌 以 險 荀 以 遂 如 宣 勇」,其臣 師 事 旗, 登 子 投 斾 此 出三人於晉 人之境。 偃 ,如「余 大 僞 韋 其 先 告 巫 之 概 又曳 盧 以 Ш 析 遇 可 輿 伐 斾 君 繋桑 以 姑 又 文 靈 見。 曳 柴 之 而 雍 望 子, 口 翦 丙 公, 柴 以 强 門, 疏 晉 知 本 軍 滅 郤 寅 自 揚 而從之, 陳 勇 而 師 以 之 此 克 0 晦 其 塵 之,使乘 靈 可 閒 洋 故 徇 而 之 鄉 一,皆 公 晉 知 郤 齊 洋 後 戰 到 0 則 日 日. 克 朝 然 師 以 得 其 之勝 欲 當 使 昏 文子 以 食 如 夜 車者 虚 敗 臣 時 懦 司 Ш 入無人之境 遁 聲 北 勇 如 頃 馬 上 告公,公恐 之 爲 如 恐嚇 左實 之後 到 者 空張 高 公 斥 君 甚 求 得 賈 Ш 難 古 逢 氣 右傷 余 人平 許 澤之 觀 如 桀 猶 吞 H. 多 范 若 餘 父 石 且 晉

- ❶ 「陰」,原作「公」,據四庫本改。
- ②「盧」,原作「虚」,據四庫本改

舉此以見得偃之勝甚易。

晉 朝 論 兹 戒 侯, 幾 師 功 也 力 不 後 變之詔 自 孱 不 敢 師 晉 之, 相 也 然 如 猶 克 群 先 直 敵 讓 居 居 以 晉 之 且 臣 帥 則 於 猶 至 其 如 Mi 其 宜 滿 也 是 侯 制 頃 何 相 有 其 戰 功 後 其 盈 公之 則 讓 可 也 力 郤 無 城 士 觀 戰 尚 如 言 不 之有 君 下 用 伯 爕 不 勝之 不 此 之 强 竟 敬 者。 臣 命 日 敢 何 郤 靈 後 免 魯 焉 驕 也 力 居 而 後 其 此 克 公 有 能 君 牽 縱 賓 之 有霸 君 其 成 雖 功 滿 其 書 服 之 媚 之 范 功 有 卻 初 功 盈 何 齊 所 夫 業 如 戰 之 訓 之 走 人 焉 叔 巾 無 力 成 甚 郤 遂 ? 致 之有 郵 如 0 足 心 日 也 難 雖 大 難 克 衰。 范 道 棠,太子 賂 平 : 止 灓 況 功 則 而 文子 陰 求 焉 三子 於 然 庚 合 荀 辱 伯 既 而 而 之 和 敗 所 能 而 偃 於 勝 兩 且. 日 戰 至 光 之 親 齊 以 克 警 未 退 命 之 戰 齊

> 晉 此 吅 見 馬 晉 及 止 莊 之 之, 君 公 能 臣 即 料 皆 位 其 不 大 晉 足 隧 師 此 之 將 霸 盟 退 業 而 方 所 齊 及 以 侯 晉 衰 終 平。 也 不 以 下

^{土九年} 齊侯遂東太子光後光即位殺太子牙

危 然 殺 之, 子 以 位 子 子 0 於 光。 篤 此 歸 日 殺 莊 崔 之 始 仲 齊 崔 戎子 公得 到 子 侯 時 亦 杼 杼 不 生 娶 之 得 必 可。 執執 却 牙, 或 于 以 手 靈 靈 私 ,皆是崔 魯 此 公子牙, 公 公 公日 戎 與 終, 疾 既 當 子 無 强 甚 廢 得 請 子 時 臣 莊 殺 之始 村之力: 以 立 崔 在 深 公, 二人, 其 爲 得 杼 我 結 太 初 姪 莊 不 逆 而 子 生 殺 不 太 正 其 己。 而 正 光 戎 乃 T 子 許 終 太 子 乘 何 子 光 遂 以 或 而 君 所 故 光 東 而 爲 柄 謂 即 見 即 太 仲 父 自 V. 太

謂 義 莊 冰 遂 援 位 也。 殺 公初 之 殺 7 得得 漸 之 高 之不 功 立 在 厚 不 之 此 而 而 以 辜 時 兼 不 其 使 而 其 不 可 道 莊 得 室 正 制 公 天下, 惟 故 便 強 方 其 也。 是 不 莊 得 皆不 崔 貪 公即 之非 古之人 杼 淫 弑 爲, 亦 位 IE 君 故 被 E 行 未 履 殺 此 霜 幾 杼 之 不 緣 杼 恃 堅

范宣子逐樂盈樂盈復入于晉二十三年

樂 當 足 位 谪 盈 之 時 齊 逼 大夫 宣 , 。 晉 地 灓 子 盈 自 兩 亦 所 逐盈 奔 齊 東 不 從 以 楚, 西 相 此 激 之勢 絳 初 容 南 衰 成 無 北 而 欒 幾 甚 任 大 逐 夫 盈 迫,既 危 之。 罪,范宣 晉 之 晉 其 禍 所 以 室, 禁 盈亡 之可 堂 盈 錮 堂 子 宣 之罪 之後 之, 之大 子 直 也 雖 使 以 自 尤 先 無 其 或 何 容 楚 至 逐 勢 逐

> 等人 勤 子 以 修 火 欒 繼 論 聊 以 之不如 罪 出 不不 紓 省 炎 書 以 安安 乃 輕 無 疆 天下之諸侯? 楚國之難,尚 以 尚恐 炎 之 欒 罪 侮 得 可 兩 强 可 屋 0 固 此 晉 0 專 年 而 合 畏, 驕 室,而 之甚 其 又 不 不 罪 諸 自樂 不 狠 黨 濟 盈 反 繼之以 作 盈 侯 ? 侈 於 却 書 灓 亂 至 虐,上 然後 無 未 此 使 見得霸業 雖 又 盈 ? 於 厲公,其 能 所 其 如 繼 然 失 亦 收 非 免 容 如 祖 無 何 諸 不 其 却 就 其 虐 於 楚 用 父 君 至 侯 田 樂 盈 本 下 之業 天 不競 箕 招 子 勢已炙 如 也。 里。 身 心 遺、 地 文 許 氏 無 此 Ŀ 間 故 多人, 自 之門, 黄 使 古 正 灓 同 論 毁 手 淵 罪 宣 其 者 諸 當 列 盈 其 可 亦 如 嘉 恐 在 子 大 侯 勢 無 如 熱 父 懼 以 宣 疾 無 夫 得 烈 大

2

^{■「}適」,原作「敵」,據《春秋集義》卷四十引吕氏語改

[「]論」、《春秋集義》作「能」,四庫本作「得」。

救 又 火 却 濟 火 如 火 ,遂致滅欒氏之門,實欒盈之罪 其 此 勢方 雖 宣 炎 子之 正 滿 罪 盈之後,不 而 縱 風 止 能 也 炎 自 損 抱 抑 薪

晉樂盈復入于晉入于曲沃二十三年

之大 疆 亡 得 宣 與 至 而 舊 网 其 此 ,若綴 次 子 、明 求 日 邑 大合諸 外 .0 蓋 之, 以 或 初 晉 帥 斥 灓 當當 面 兵 旒 候,使 則 范 曲 號 盈 緣 而 盈 然。 晉 宣 沃 侯,以 得 令諸 他 奔 之不 子 之 罪 於 倚 持 使 在 爲 甲 於 侯 或 靠 兵 重 向 外 Ė 政, 以 晉 都 外 錮 直 者 時 何 者 晝入絳 不設 樂氏 面 遂 大 人 當 如 幾 非 出 灓 或 時 自 裹 希 是 戒 奔 氏 都 家 面 晉 宣 不 之汰 備 齊, 謹 宣子 或 夫 都 子 知 幾 守 之 晉 自 戒 不 自 而 分 社 曾 秉 以 以 諸 使 齊 社 疆 堂 爲 觀 謹 侯 稷 叛 IE 復 諸 其 從 臣 封 不 而

> 之以 持, 所 亦 去。 則 欒 不 侯 王 理 而 面 以 大 魏 氏 守 鮒 知 會 決 口 致 爲 矣。 奉 備 之 王 氏 强 不 前 敗 鮒 然當 灓 勢 君 受 晉 以 取 都 欒 面 氏 然 必 之害。 欒 佐 殆 走 懈 更 氏, 欲 之 時 看 使 古 悼 未 氏 怠 無 得 處 劫 人 當 宫 存 公 可 1 矣。 一人之禦, 也, 這 王 而 晉 禦。 時 王 之 又教 鮒 取 大 鮒 不 及 他 智 社 宣 亂 之功 從 盈 在 不 稷 只 所 而 子 之 晉 從 既 管 王 者 倉 以 當 助 以 3 强 鮒 人 去 皇 此 古 中 灓 欒 其 蓋 曲 外 奉 取 大 敗 無 有 氏 嬖 所 謀 緣 魏 君 沃 變, 力 欒 計 面 得 臣 皆 只 4 之謀 於 氏 氏 理 未 惟 去 宣 也 王 出 粗 晉 之 會 易 其 子 外 魏 鮒 於 能 亦 樂 都 安 功 口 則 氏 教 支 面 裹

0

❶ 「正」,四庫本作「政」

^{)「}分」,金華本作「封」。

[「]以」,原作「之」,據四庫本改。「一人」,原作「人人」,據四庫本改。

之 王 晉之謀 寵 鮒 則 晉 不 出 故 君 使 贵 於 晉 嬖 不 之 輕 臣 士 之 視 權 大 士 夫 大 愈 夫 而 重 出 而 而 於 晉 益 之 嬖 重 倖 愈 嬖 之 臣 不

季武子無嫡子公彌長而愛悼子二十三年

振

而

霸

業

愈

衰

者

士 士

大

夫之過

也

酒 諛 武 H 據 偏 容悦 愛,廢 子 義 吾爲子立之。」乃廢公鉏,立 又訪之,對 廢 守 季武 之人,欲 長之心稍 正 長 子 <u>\</u> 不 無 少。 從 嫡 日 將 子、公 其 止 始者 迎 言, 其 武子之意 (然,將 他 彌 訪 退 日 長 於 歸 又 家 而 盡 具 訪 悼 草子 臣 乃 室 敝 臧 子 申 將 車 少, 日 紇 行 而 : 武 紇 行 申 諂 豐 他 子 飲

使其 彼 問 大抵 其 得 欲 人心未 正 爲 不 則 Œ 定之際,最 陳 之 舉 善 閉 其 邪, 初 看 心 私 他 未 心 問 敢 決 得 便 不 甚 爲 敢 底

> 燎 問。 藹 武 皇之 問 啓。 家 時 平 林 事 雖 若 子 0 易 藹 甫 小人,蓋 時 有 張 推 未 之臧 張 到 如 然 便 廢 九 做 若是問一 波 有 閑 見 得 多 九 龄 立 承 得 助 其 武 之意 九 時 古 龄,武子 當 成 上之人一 爲 瀾 箇 仲也。 害,正是 古 土 此 此 以 龄令 小 箇 未 終終 言。皆 唐 事 據 人, 此 容悦諂諛之人,逢 害 明 恐當 之申 未 義 使 無一險 古之人君 知 有 逢 皇 何 敢 守 明 古之君 所 君 雖 - 豊也。 故 是 爲 IE 皇 問 有 之 非 ? 人 不 惡 廢 未 到 厠 日 小 子 上 必 從 7 明皇之林 決, 得 殺 在 人 之 便 於 使 其 太子 訪 便 人 言。 朝 到 邪 其 朝 其 李 不 未 間 大 正 廷之上 覆 林 之 惡 未 明 風 有 Ì 可 甫 明 皇 或 分 縱 所 蓋

然 自 目 古 然 下 權 甚 而 位 臧 得 紇 然 武 助 子 武 武 意,然 仲 子 所 立 以 公 少,蓋 出 鉏 奔 却 欲 怨 亦 依 他 緣 托 此 季 公组 雖

四

之時 其 以 臧 以 子 遂 必 後 子 ,父也 卒 守 便 古 武 父 來 有 仲 而 復 惟 , 正 失 却 有 問問 受 道 其 其 所 效 廢 ; 其 擇 則 制 以 位 權 鉏 秩 臧 才 位 於子 武 才 成 紇 子 立 而 也 子 可 季 而 之 以 E 羯 也 常 了 正 之言 此 武 武 舉 立之語 0 有 知 使 子 心 卿 以 子 以 劫 之 其 小 天 不 īE. 也 問 脅 武 人 當 下 志 口 卿 ; 之, 季 子。 當 武 事 鉏 初 有 而 不 武 以 陪陪 子 鉏 不 不 所 受 调 蓋 子 是 懷 即 口 媚 歉 制 欲 臣 武 爲 計 武 前 以 於 也 媚 故 子 也。 誡 校 陪 之 子 如 廢 孟 武 何 歉 此 武 惟 未 子 孫 鉏 長

太 史 史 而 書 盡 死 者 死 崔 執 杼 簡 人 弑 以 其 君 往 弟 崔 二 子 又 殺 書 Ŧi. 之 南 其 史 氏 弟 聞 嗣 書 太

者 李大 當 憂 太宗 非 難 無 之,李定 殆 風 如 又 而 或 愈 方 未 時 俗 偶 此 其 死 切 林繼之又去 崔 以 然 弟 人 如 X 難 所 真 犯 而 青 威 如 又 杼 敢 宗 以 其 以 顔 當 書 苗 虐 大 殺 禦。 此 資 以 有 弟 逆 是 焰 太 計, 抵 則 如 淺 此 復 來 耳 時 終 史 蓋 君 太 愈 市 嗣 古 底 天 文、 子 史 朝 蘇 不 難 而 易 H. 臺 書 不 風 守 書 廷 能 下 其 頌 武、 以 可 俗 如 之上 而 E 則 移 有 南 又 弟 本朝 崔 悉 保 成 果 宋 故 奪 尤 \equiv 去 史 嗣 杼 數 甲 敏 然 堅 舍 難 氏 書 康 論 黜 養 弑 求 時 執 人之號 如 成 之, 則 涵 君 者 止 這 則 從 忠 簡 且. 户 相 以 養 裏 小 X 之 役 自 以 臣 箇 數 須 踵 人 已 難 齊 太 人 而 輩 往 事 争 白 雖 自 看 而 出 祖 死 去 年 之 君 論 得 則 是 争 有

「孟孫 子」, 四 庫 本作「孟 孫氏」,金華本作「孟莊子」。

齊

崔

杼

弑

莊

公,其

時

M

威

虐

焰

舉

或

0

學 事 者 當知 太 舍人之事 不 史, 可 文、 即 不 我 當當 知 武、 宋之三 成、 知 我 康 祖 舍 涵 宗 人 養 涵 也 風 養 俗 風 觀 之 俗 所 之所 太 致 史 之 觀

曷 之 沃 地 未 制 局 \mathbb{H} 嘗 平 不 嘗 制 不 有 有 美 蔦 概 得 0 如 可 丘 掩 先 之 之 方 棋 行 陵 地 正 輩 爲 以 町 局 於 原 棋 如 嘗 司 原 則 後 隰 何 井 局 馬 防 論 用 世 故 之畫 田 必 先 子 井 ? 不 王 則 田 觀 井 木 哉 其 井 可 之 别 此 使 衍 言 田 行 法 爲 則 庀 沃 之 原 觀 小 先 遂 賦 9 防 制 此 先 王 頃 謂 此 之 之 王 町 則 井 得 掩 如 閒 之 制 前 至 書 田 畫 井 制 輩 衍 其 之 棋 士. 田 初

疑井田之論破矣。

晉程鄭卒子産始知然明二十五年

然明 對 寧 人 然 者。 故 吾 步 逐 失不 最 刑 喜 見 鳥 處 日 怕 雀 之 蔑 . 哥 如 何 書之事 經之言 故 也 程 要人合己 如 之 此 視 0 鄭 是 説 面 民 子 卒 之 而 如 話 他 何 深? 産 己, 子 而 却 0 有 其 喜 喜 子 是 使 見 今吾 聽 以 之如 箇 産 以 子 蓋 不 之不 合己 善 始 語 仁 産 子 見 善 是 者 知 子 聞 産 其 如 之,則子 惡 誅 然 太 故 是 心 是 與 惡 之, 叔 明 之喜。 深 箇 矣 其 明 要 日 喜 産是進 如 殺 問 白 之。 子 鷹 底 不 爲 大抵 合 産 他 鸇 政 不 己 之 何 日

1 「程鄭」,原誤乙,據文義改。

秦伯 子朱 使 其 日 當 弟 御 鍼 如 晉 Z 叔 叔 向 向 不 命 應二十 召 行 六年 子 員

朱 既 公, 卿 儘 叔 御 居 晉 道 使之 行 有 也 向 既 使 既 其 三云 人之 行 理 秦 口 黜 知 不 庶 當 伯 居 人 論 叔 可 之, 子 能 乎 職 使 時 是 向 以 是 叔 朱 1 去 其 就 無 職 叔 亦 調 而 向 通 時 是 使 弟 吾 而 叔 不 向 護? 次 不 或 論 女 居 鍼 向 臣 平 要 不 又 應 好 到 以 行 使 身 如 所 命 輪 主 拂 至 人之 事 之 不 码日 上 争 却 行 當 辭 衣從 他 君 言 者 勝 修 潛 任 人 到 命 職 \equiv 者 之, 大。」 成 是 其 召 子 他 之 之。 則 説 忿 子 事 員 平 官 叔 叔 朱 可 這 員 又 時 而 遂 向 向 平 叔 自 也 漠 贵 當 白 爲 子 命 不 撫 公 以 段 然 之 告 晉 别 朱 命 爲 叔 劒 召 日 事 之 罪 平 當 不 無 子 向 從 亦 行

> 之 若 庶 公 心 調 然 應 而 不 頋 1 庸 暗 . 正 忌 乎 豊 能 就 護 卿 朝 此 反 暗 直 廷 有 平 道 正 有 當 下 叔 激 之 公身 贵 色 以 猶 理 視 行 子 召 視 向 致 端 甚 ? 有 如 爲 之 朱 人 他 行 上言 之。 拱 此 行 故 方 敢 惟 之 罪 人 而 人 常矣,此 其 且 威 遠 持 怒 平公, 之賤 Ż, 於 敢 欲 稜 而 日 刃 也 召 遂 撫 雖 以 於 氣 兀 吾 子 致 劒 庸 是 直 氣 爲 蓋 境 朝 燄 臣 員, 按 以 暗 叔 欲 至 足 陵 叔 争 略 之 所 逐 向 劒 之, 庸 以 贵 以 白 闘 争 之 無 君 卿 相 最 震 無 氣 自 者 所 罪 相 於 顧 逐 暗 壓 居 陵 謂 以 尋 朝 大, 忌 處 小 朝 箇 之。 亦 我 僅 至 晉 之 人 平公 略 委 晉 免 此 之 曲 之 害 無 近 其 平 日 不

知 無 而 者 未 以 此 甚 鎮 大 抵 者 服 暗之甚者 也 其 暗 臣 有 至 \equiv 而 於 等, 也 其 其 臣 有 臣 至於其臣 至 如 於 等 此 無 臨 至 所 事 如 於 畏 雖 是 漠 知 而 然 之 此 反 而 以 暗 不 而

卑,臣 是見 之上 唐 競 爲 氣 極 爲 務 象 善 興 得 德, 或 不心 雖 又暗 至 之兆 平公霸 卿 當 便 於 前 競而 協 是 霸 撫 之 者 得 和 主 唐 極 劒 業之閒 之盛. 力争,不 此 虞之 者 相 便 師 以 逐 也 相 曠 如 亂 至於. 朝 於 推 爲 文公、悼 務 平 白 與 朝 遜 治 德 之言 公之 僚 亦亦 如 事 而 師 以 此 無 固 争 暗 師 日 危 公之時 遂衰 此 無 善。」若]: 「公 爲 IE 等 白 有 安, Ι. 是 事 室 惟 暗 朝 未 是 以 懼 説 心 之 恶 以 時 廷

害之二十六年 宋寺人伊戾無寵於太子痤譖諸公而

外。 當 内 時 主 内 宋 又 之 有 寺 則 人 於 左 有 伊 師 内 夫 之 戾 人 和 無 惡 之 之於外 寵 太 欲 於 子 立 太 而 而 子 此 爲 爲 痤 所 之 之 欲 以 主 和 害 終 其 其 太子 害 謀 謀 太 於 於

太子。 亂 之惡 之説 惟 被 既 果 遣 子。 使 則 之,公曰: 太 能 人之闇 能 人惑 其 子 其 充 而 知 飲 。」公又 往 伊 以 這 上 又 就 就 不 太 此 用 者, 戾。 守之以 他 能 後 看 爲 左師身上看 子 其 明 牲 段,就 於明 夫 此 會 伊 伊 與 決 遇 則 守 夫不 一段? 説 戾 戾 既 加 不悪 己 不 漸 事之始 、堅,則 之 處 書 才 欲 而 有 爲 漸 宋 ·惡 能 思 往 速言 爲 爲 汝 便 舊 變, 人 宗宋向 公身 汝 堅, 量 伊 未嘗 乎 伊 於 我 見得平公都 便 乎? 請 伊 戾 所 子 戾遠 所 終 闇 謀 與 上 戊能 馳 野 自 惑,使人 戾 又 以 必 而 害太子。 不 看 告公日 享 是平 無 之言 爲 不 不 不 近之言 何 曉得一二,及 弭諸 所容其 之。 我 自 免 方 至 求 ·公固 闇 子 被 知。 決 楚 如 窺 ?」是公又 侯之兵,當 伊 文 矣。 客 之,卒 不 「太子 所 及 此 奸 使平 戾 惑。 知 其 可信 惑 過 何 昏 請 大 太 即即 求 闇 其 向 抵 人 子 從

公方 大惡 兵,故 時 弭諸侯之兵,小 號 且 亦 爲 可 置 無 名 平公之闇,又不言而 以 過 卿 而 功 於此 不問 乃 掩 内 善 過 ,平公之心必謂 與 也 以戌之罪,雖誅之可 寵 殊不知 姬用謀,戕 髮毫之善,豈 害 可 或 知 戌能 本、大 害冢嗣 能 弭 掩 諸 也 惡 侯之 丘 也 平 臣 Ш

之期 謀 留 佐 兄 此 禍 曾於平公前 地 地 弟 何 何 古 見 根 共 過 得 約 皆 之 殺 若 可 故 故 期 取 佐 間 本 就 太 太子 能 而 於 公子,他 佐身上 平 然至 日 至 使 不 日 佐, 爲 却 中 報 太 使 於 太子 左 説 是 不 子 日 危 孝友慈 一説 卒 師 佐 來 道 不 居太子之位 疑 解 致 聒 則 爲惡首。 之際, 疑 吾 惟 了, 太 尤 而 祥 而 佐 知 子 與 有 聒 反 E 死 也 之語 於 可 太子 語 求 矣。 做 能 論者。 死 佐 之際, 者,佐 解 I 遂 處 地 免 信 夫,浹洽 於 佐之處 我 此 而 佐 操 是 爲 嫌 夫人 也 不 守 佐 疑 戌 又 疑 同 所 於 是 不 以 以 此 與 之

> 若 定 其 報 利 可 定 始 太 爲 以 所 子 則 去 動 則 他 古 身 如 移 因 可 己之惡 救 處 救 换。 取,論 焚 嫌 太 拯 疑 子 痤 名 其後則佐 溺 之 死 不 既 地 力 即 何 爲 暇 既 可 太 使 顧 以 爲 雖 子, 佐 太 向 脱 誅 於 戌 子 太 首 想 之言? 子 此 解 可 是 之死 時 T 也 時 當 操 亦 又 急 爲 論 守

宋 宋 左 向 戍欲 師 請 弭 免 死 諸 之 侯 邑 之兵 同 以 爲名二十

書 氏 三字,便見 得 書 極 宋 好 向 : 戌 最 得 欲 欲 得 向 弭 爲 戌 法。 諸 晉 之 侯 楚 觀 弭 之 ^ 兵,非 諸 兵 左 侯 以 氏 以 爲 是果欲 書 弭 名 兵。 以 0 息 爲 左 民, 氏 名 左

2

爲」,

四

庫本作「會」。

^{■「}而」,原重文,據文義删。

投之, 之言 是 則 邑 書 欲 事 從 欲 初 利 戌 能 全 之事 諸 戌 弭 善 求 可 而 息天下之民,平諸 ,公與之邑六十」,則 「夫子 生 兵爲 其 罪 弭 己。 於 息 内 左 固 猶 小 至 ,又有 後 靈 兵 外 趙 民 或 師 口 有 之 名 上而 之謀 向 之 文子 無 存 此 辭 自 便 可 事 戌 名 患 我 以 既 而 及 論 辭 不 爲 耳 挾 息 能 Œ 有 自 其 得 又 德 邑。 者。 名 其 0 弭 戰 其 悔 以 非 心 善 莫 不 當 以 兵 亦亦 罪 誅 下 侯 争之苦 聖人, 古 赴, 於 以 大 向 邑 時 之 其 之 向 而 令尹 焉 可 氏 是 口 示 大 爲 争 戌 事 故 心 知 左 嘉 欲 而 子 内 或 又 品品 又 利 弭 卒成 子 矣。 氏 固 於 攻 罕, 論 寧 兵之意 惟 口 後則 》真 八書「左 木, 區爲一己 善 又 司 左氏 必 攻 晉 子 弭 弭 當 須 城 有 晉 乎 有 與 罕 兵 兵 記 然 看 時 ? 外 書 楚 非 之 左 削 以 子 師 惟 其 於 楚 弭 法 之 聖 其 師 爲 罕 請 前 果 請 既 兵 而 向

> 之言 諸 既 事 參 事 爲 寧 此 西 口 祀 盟 政 耶 憂, 意 反 或 相 之後 謂 多 ?」文靖公曰:「少 又 正 蒐講 歎 至 子罕之言,亦文靖之意。 繼 如 於 今日多事 與 日 旰 9 及 今日 本 ^ : 墜 食 孟 朝 更 北 典 我 子 進 李 羽 虜 參 輩 迭 檄 文 靡 講 萬 安 政 人 用 靖 有 H 和 一邊鄙 能 自 天 則 爲 暇 至 坐致 有 將 0 無 廟 相 日 下 西 見 憂勤,足爲 法 堂, 當當 紛 既 戎 之。」 太平,得 家 T 紛 寧 納 王 時 拂 謂 款 其 果 文 竊 南 士: 後 如 王 恐 優 IE. 北 而 警 之 文 欽 朝 每 皆 澶 游 東 戒 若 靖 淵 廷 以 未 封 無

左氏傳說卷第八

後學成德校訂

● 「虜」,原闕,據金華本補。

「丁」,原作「正」,據四庫本改。

左氏傳説卷第九

東萊吕祖謙伯恭

襄公

陳 慶 崔 無 封 杼 宇 好 廢 言 成 田 耆 得 立 慶 酒 明 氏 $\frac{-}{+}$ 之木 八 年 百 車 於

同

Ŀ

棠 崔 必 相 氏 無 咎於 屠 大 崔 殺 抵 戮 杼 成 小人 崔 廢 而 與 氏 成 後 疆 以 之 立 己。 勢 盡 朝 明 俘 利 初 其 慶 崔 相 崔 家 封 成 合 杼 使 弑 而 崔 盧 杼 莊公,立景公 日 疆 蒲 遂 勢 殺 嫳 縊 均 東 帥 死 力 郭 甲 敵 偃 攻

而

其

終也

」,其禍.

却

自

内

始

譬

如

百

韋

之

木

聲 之者 之 内作 謀 義 損 飛 其 女好 焰 有 禄 而 面 而 揚, 徒 勢 殺 死 雄 Ш 得 死 雖 不 相 太 蓋 死 之。 思 盡 0 杼 有 也 之, 史 其 史 故 奄 孰 於 郭 忠於 因 弑 明 天 書 朝 不 得 據 乃 威 慶 其 下 汾 内 兹 君 義 而 其 旋 焰 河 而 封 陽 或 處 雄 毫 之 當 死 之 北 子 滅 踵 口 家 爲 之人, 毛 後 李 弑 時 者三人, 何 之? 安慶 畏 而 ? 安 無 左 其 臨 曾 外 史 滅亡。 收 法 禄 相 聲 無 及 淮 思 損 面 看 緒 廢 Ш 及 勢 有 其 之 明 得 雖 他 殺 舉 陷 或 弑 其 再 能 徒 皆 嫡 死 禄 有 之。 如 [X] 齊 京 之 崔 禦之者 死 蓋 也 盡 張 立 Ш 安 强 師 如 或 權 也 天 庶 忠 睢 一慶緒 史思 慶 乃 此 無 下, 誰 爲 毫 陽 迫 其 其 乃 遂 口 損 或 毛? 當 明 其 之 人 子 自 X 爲 顔 致 以 得 僭 平 時 弑 終 古 家 敢 威 此 禍 史 何 他 及 其 朝 曾 外 原 安 禍 叛 虐 逆 由

外 内 蠧 面 誰 能 摇 撼 得 他 動 9 及 其 仆 未 有 不 自

之 謀 之 驕 謂 臣 須 滅 慶 氏 在 封 \mathbb{H} 相 人 變。 貨 之 泰 繼 封 耆 終 於 解 看 譬 其 皆 所 然 慶 當 戕 滅 財 盧 酒 崔 T 禍 之 封 蒲 崔 争 崔 氏 與 或 夫 旧 自 皆 與 禽 此 其 数 既 氏 分 謀 氏 崔 對 謂 獸 發 慶 其 0 弑 初 者 財 杼 嫳日 未 \Box 口 於 舍 所 時 崔 莊 甚 貨 吾 也 弑 以 幾 内 政 公, 以 精 威 得 氏 玉 寢 君 : 專 而 終 也 虐 慶 密 既 帛 子 處 未 以 齊 盧 崔 於 未 氏 滅 可 雅 其 幾 慶 及 一之薄 或 癸 然崔 惟 亡 之 畏, 幾 封 皮 既 而 之 破 慶 子 陳 木 而 有 爲 封 其 柄 滅 外 且 尾 無 百 慶之 慶 慶 崔 盧 自 左 家 之 人 當 宇 君 重 封 之 蒲 相 謂 盧 杼 不 事 之 臣 於 時 厚 亂 俘 之 癸、 蒲 夫 無 • 口 志 都 莊 滅 也 至 後 事 数, 崔 其 也 得 王 皆 慶 数 慶 恁 室 自 慶 君 又 慶 何 慶 封 不 好 氏 地 而

> 增 於 喜 其 以 沛 此 也 爲 所 公 篡 齊 以 齊 人 **岩** 之 禍 憂 歸 憂。 不 亂 大 深 珍 既 慶 看 志 貨 口 此 平 氏 己 憂 無 既 之 萌 乎 所 段 後 平 ? 於 取 此 而 雖 學者 陳 或 0 得 口 恒 女 學 目 以 當 弑 無 者 前 爲 看 君 所 之安, 觀 齊 于 之胎 幸 喜 此 此 0 實 是 當 亦 ௱ 萌 可 范 知 口

吴季札來聘觀樂二十九年

之歌 其 美 頌 聲 哉 > 者 諸 季 之 泱 札 類 或 泱 有 來 之 乎 論 聘 札 風 其 隨 及 魯 義 美 所 歷 請 者 哉 觀 代 觀 渢 如 之 周 次 所 渢 詩 樂 第 乎 謂 品品 如 評 魯 美 小 廣 使 哉 之。 大 樂 哉 淵 雅 有 熙 乎 I 爲 熙 論

- ■「雅」,原作「牙」,據四庫本改。
- ② 「國」,四庫本作「婦」。

想 其 音 至 瑟 後 爲 義 而 詩 音 今 鼓 像 颺 何 之。 節 之 所 在 舞 古 大 清 絃 使, ? 其 義 謂 抵 動 廟 而 詩 義 盪 又 然音 w/ 有 歌 五 疏 之詩 也 賴 人 越 所 音 使 永 之 五. 雖 興 言 六 至 音 作 其 存 起 律 有 唱 聲 六 詩 聲 義 也 而 興 而 律 依 今之 依 義 雖 起 所 之聲 永 發 亡 永 存 之意 謂 歎 世 乎 律 學者 律 而 情 固 以 Ι. 有 和 和 發 性 不 遺 以 聲 如 聲 唱 亦 音 揚 可 納 清 \equiv 止 口 1者矣。 之, 求 言 歎之 廟 則 平 庶 涵 幾 之 然 所 禮 須 時 泳

> 《詩 札 前 歌 ×, 諸 而 或 今之《 之 ^ 詩 風 \leq 已 置 經 ^ 孔 豩 子 > 删 於 定 ^ 秦 故 × 魯 ^ 爲 季

九二

歌 乎 未 每 札 蓋 季 鳥 文 小 雅 言 ? 中 能 歌 是 乎 或 札 × 雅 子 然 諸 文 衰 畢 以 不 ^ 札 ž 札 則 頌 過 或 中 爲 ? 所 贵 詩 且. > 隨 歌 之 子 周 日 聽 其 如 所 詩 錯 之 則 者 周 朝 歌 歌 网 看 衰 孰 之 日 徧 欲 ^ 樂 品 T 篇 謂 唐 盛 歌 觀 而 夕 T 評 而 季 **>**, 周 0 乎 歷 文 偶 之 己。 則 札 季 德 又 代 當 中 歌 間 雖 子 札 之 有 之 時 若 子 ^ 變 樂 窮 知 則 衰 小 樂 魯 可 以 風 使 樂? 年 Τ. 乎 雅 議 史 爲 其 越 能 故 者。 周 之 歲 於《 時 盡 ^ 其 札 \perp 至 之 小 歌 隨 歌 爲 後 如 有 風 間 詩 雅 盛 季 世 之 所 歌 陶 亦

義

交

相

發。

然

魯

公之所

歌

乃

未

删

之

唐 亦 這 錯 只 氏 觀 是 之 T 歌 遺 民 蟋 乎 蟀 > 篇 然, , 分 何 明 其 以 憂之 此 知 遠 文 也 中 子

樂 要 品品 札 以 最 衣 不 口 (雲門》 韶 皆 之言 不 評 無 想 和 敢 箾 此 之。 請 以 這 加 氣 不 而 敢 小 之 亦 己。 於 之 必 考 此 知 請 而 戏》 謂 札 不 所 此 之, 如 Ž, 段 知 L 季 能 聚 見 夏 此 Ž 杜 孔 又 忧 札 聲 故 者 舞《 聲 出 説 所 預 子 須 觀 知 音 此 韶 以 删 正 可 韶 看 非 ^ 其 尚 益 蓋 如 此 ^ 爲 見 箾 得 謂 終 札 最 詩 可 ^ 稷 孔 魯 則 聽 韶 次 爲 想 ×, 》之篇 子 用 則 札 樂 聞 全 然 学之 序 盡 見 大 在 當 欲 其 之 川 日 以 與 樂 善 段 齊 代 時 有 所 義 11 聲 今 美 如 移 聞 於 載 之 若 觀 虞 感 似 論 之 歌 轉 樂 樂 此 於 舜 不 有 次 韶 雖 其 非 言 秦 中 之 他 止 故 \approx 以 序 善 和 ^ 時 樂 > 此 及 其 其 無 則 季 不 口 而

> 月 觀 樂 不 知 意 肉 此 味 之 殆 意 未 易 相 以 類 言 0 能 語 訓 知 詁 此 求 意 也 則 知 札

吴季札聘列國觀人材二十九年

擇 之 嘗 見 相 便 之 衛 穆 難 徒 子 穆 應 傾 通 則 子 , 於 當 蓋 説 同 過 纔 便 中 是 蘧 如 调 氣 晉 見 説 見 或 伯 故 齊 時 相 則 晏子 子 玉 則 季 求 今 人, 若 説 説 其 札 史 素 叔 便 初 晏 不 便 日 狗 歷 相 説 向 不 平 説 得 聘 札 知 可 史 仲 許 自 諸 納 死 0 夫 鰌 以 多 政 乎 吴 或 過 吴 以 遠 話 公 與 出 鄭 是 僻 過 近 子 邑 則 知 陋 如 論 見 好 魯 荆 説 賢 平. 善 諸 在 以 則 也 子 者 公 免 或 夷 説 生 而 産 賢 叔 灓 同 心 不 如 而 叔 腹 能 聲 者 過 未 發 孫 高

❶「過」,原作「遇」,據金華本改。

九

四

之友。蓋同心之言,其臭如蘭,故如此。

使 琴瑟 巢 猶 札 伯 伯 知 札 遂 衛 語 止 有 之言 之 只 當 至 於 不 之,不過 玉 君 有 在 玉 足, 賊 幕 地 子 或 時 終 文 看 夫 一、未必 E 家者 子 看 身 夫 未 臣 位 這 子 則 而 異 逐 智 感 小 文子 過 已 從近 君 亦 小 又 哉 君之前 中 悟 高 事 不 不 戚 人之尤 嘗 何 人 又 不 逐 聞 改 患 而 嗣 樂? 己 在 稱 亦 知 衛 夫 移 聽 能 鍾 有 殯 出 之 爲 文 未 獻 樂。 者 子 文子 聲 遷 小 使 以 他 而 子 易 夫 公 而 獲 文 轉 人, 己。 君 移 逐 及 子 可 而 罪 獲 其 子 今 奪 君 子 段 歸 而 之在 與 以 於 變 以 感 然 何 之 變 之於 患 就 化 爲 君 札 日 邑 之, 札 把 伯 時 化 無 當 此 聞 叛 樂 以 處 轉 在 伯 玉 終 伯 善。 君 時言 附 ? 朝 移 札 在 戚 猶 不 玉 衛 子 身 玉 之 之言 此 能 之 不 留 燕 不 以 夕 聞 比 之, 速 之 聞 化 能 季 蘧 蓋 是 懼 聽 數 鍾

> 者 伯 位 文子 玉 君 頃 當 之 ? 地 又 玉 時 位 高 如 與 於 此 前 E 季 於 久 是 伯 看 儘 札 處 季 知 高 玉 已 札 伯 之 也。 争 數 玉 餘 看 數 之地 語 札 伯 而 等。 能 方 玉 札 使終 位 知地 不 如 能 古 能 不 身 悟 步 己 有 不 高 之 尚 文子 季札 聽 多 於 而 琴 0 於 札 瑟 言 在 則 未 之 學 伯 則 之 逐 地

鄭子産如陳涖盟而知陳亡三十年

之 卑 者 或 觀 ,大夫敖 也 而 或 鄭 不 不 子 與 撫 口 産 他 其 與 政多 如 人 民。 也 陳 不 門, 涖 同 其 聚 盟 能 君 禾 歸 常 無 弱 粟 人 亡 植 告 繕 如 乎 一、公子 大 ?!這 拙 城 夫 醫之 郭 日 侈 恃 見 觀 子産 太 此 陳 形, 子 亡

^{■「}尚」,原作「向」,據《四庫全書薈要》本改。

之形 君 産 子 產 獨 弱 而 植 其 之 於 觀 不足恃矣。 陳 ,公子侈 聚 或 或 禾 如 富 粟 良 强 則 醫 大 之中 富 之視 夫 矣, 敖 而 政 繕 脉 察 城 多門 自 郭 或 常 則 之 雖 强 人 脉 有 觀 矣 富 陳 知 强 其 子 或

鄭子皮授子産政三十年

能 子 子 右 皮 産 自 調 兀 鄭 立 護 世 子 信 之 皮 皆 然。 望, 授 歸 子 臨 考 功 産 政 子 於 政。 當 皮 子 子 實 皮, 子 皮,而 迹, 産 非 愈 爲 子 乃 見 政 皮, 退 其 子 然 始 難 産 終 以 及。 遜 不 左

平 子 伯 産 有 之 子 子 亂 産 當 皮 之立 子 子 兩 皮 産 止 於 爲 不 之。 鄭 政 助 子 非 子 及 駟 子 皮 伯 攻 皮 又授 有 伯 不 既 能 有 之子 死 者 子 其 産 駟 亂 欲 初 子 既 攻

> 以 政 皮 既 産 其 多 産 未 有 無 無 以 帥 産 っ。」子 見 死 奔 祭 知 人 以 辭 又 子 子 口 ,始終皆 則 皮, 以 論 知 還 皮, 晉 聽 以 日 可 子 皮一 於子 否 聼 或 產 産 子 子 孰 則 則 觀 子 子 産 弗 小 猶 皮 不 子 子 敢 聞 子 皮,子 産 子 皮 許 於 而 又 未 産 得 産 犯 子 皮 皮 之 偪 其 已 止 子 亦 爲 能 不 産 又 使 0 力, 族 皮 奔 誰 ? 政 之 不 能 此 操 日 尹 子 所 不 得 言 何 自 而 刀 大多寵 古 張 以 後 向 從 以 爲 安 保 逐 徴役 而 使 是 子 日 ? 終 來 使 邑, 豐 於 其 夫 使 如 皮 豐 伯 始 卷。 鄭 此 身 欲 及 往 子 割 子 卷 鄭 愛 有 善 豐 而 也 産 或 之亂 護 之 攻子 ,皮曰 中 生子 是 卷 然 學 日 之 亂 子 其 閒 子 子 將 子 望 産 産 : 産 傷 産 産 子 無 田 虎 少 子 子 又 虎 不 實 所 産 於 獵 帥 爲 産 子

●「子産弗許」,原作「弗許子産」,據四庫本改

九六

其 此 得 以 道 皮 者 言 面 氣 敏 ൬ 便見 固 之 段 至 子 感 合 後 近 如 日 前 門,使 產 是 吾 誠 動 至 者 吾 知 略 面 虚 懇 聞 子 誠 不 所 面 得 事 無 乎 切 我 皮 心 懇 足。 君 以 心 其 迹 子 如 如 子 切 用 不 亦 得 皮 毫 致 小 此 自 此 務 子 同 都 於 登 用 居 開 他 今 知 子 産 在 聖 子 終 又 功 心 也 如 前 請 大 此 之謙 皮者 人 産 須 見 始 收 其 面 者 雖 之門,始 微 愛護 看 意 能 許 面 遠 看 吾 抑 子 處 子 焉 多 者 家 子 精 産 惜 事 他 0 五日 産 至 神 與 方 乎 聽 小 吾 未 迹 不 所 於 骨 看 子 贵 且 其 却 子 人 可 知 對, 此 髓 子 忠 皮 務 敢 量 不 不 而 也 都 告 道 便 皮 此 登 似 知 謂 行 所 子 聖 善 這 在 見 所 子 口 小

自 石 當 賂 然子 終身不復 與 之 産 邑。 内 政 人鄭 及 又 豐 有 可 卷 叮 也。 既 論 奔 處 子 産 以 觀 爲 他 其 之, 罪 有 論 其 事 來 規 伯

> 特 豐 問 政 者 等 都 族 弱 逐 有 \equiv 時 模 與 勸 特 斃 先 大 委 却 卷 辭 其 甚 不 事 鄙 有 之,然 多 靡 卿 7 恁 焚 故 强 有 可 有 要就 外 寵 如如 子 犯 地 載 家 次 章 經 年 日 面 調 書 序 者 大 子 怕 陳 這 産 如 後 Ŀ 而 族 護 紀 産 皆 强 既 此 上 下 安定 出 復 此 其 以 他 怕 家 示 看 恶 是 賞 有 反 大 先 兩 亂 T 弱 他 之, 大 紀 或 罰 其 服 人 事 皆 治 族 來 綱 家 意 然 之 田 復 他 示 是 須 \mathbb{H} 之 壞 後 里, 忠 或 處 必 當 勸 去 有 如 模 自 T 當 紀 儉 中 之 大 懲 以 委 子 合 封 稜 我 外 時 者 綱 高 紀 焉 定 産 曲 洫 看 殊 紀 觀 都 其 與 可 綱 位 先 之, 綱 反 賂 相 之 是 子 立 不 未 規 廬 側 伯 就 委 嘗 産 模 泰 井 故 知 似 如 如 之情 石 0 曲 之 截 至 鄭 若 既 外 不 有 伯 爲 其 或 當 然 伍 懦 逐 7 侈 面 相 X 石

此 於 鑄 不 威 毁 是 地 向 也 學 子 雖 時 過 以 鄉 處 刑 者 然 産 高 書 所 如 防 校 言 觀 此 不 此 怨 不 子 不 叔 可 大段 鄭 只 得 産 能 向 則 不 是 這 人 聖 勸 無 \Box 子 勉 各 游 論 幾 人 : 之, 所 産 别 於 子 句 爲 失 我 地 堅 此 鄉 産 之 聞 雖 位 執 校 好 依 以 是 忠 \equiv 不 不 處 子 歸 何 以 善 代 是 從 此 論 産之賢 故 以 然子 之 不 執 損 名 子 高 看 政 怨 産 臣 産 蓋 這 尚 所 其 亦 子 所 然 不 如 後 以 産 處 言 有 聞 明 此 1 才 欲 亦 勸 不 與 作

昭公

鄭 徐 又 使 吾 强 犯 之 委 禽 妹 焉 美 犯 公 懼 孫 告 楚 子 聘 産 之 元 公 年 孫 黑

鄭子産之爲政,當時强家大族,蟠根錯

者 節 置 子 之 南 子 伯 然 也 澽 歸 亦 再 互. 何 巨 勢若 故 有 加 哲 聘 以 有 子 族 不 而 而 哲之勢 君 之 哲 曲 至 伯 使 矣。 在 ? 以 取 上 中 不 此二人爲之 子 之 罪 問 前 其 勢 者 直 有 觀 於 布 難 愈强 黨盛 産 子 然 妻。 之 之, 弱 也 全 幣 故 制 蓋 便 今 子 亂 曲 委 哲之聘 之 其 子 殺 此 故子 矣。 産 乃 後 前 他 曲 然 伯 事 跋 産 子 蓋 執 此 害 子 棋 來 有 扈 段 爲 當 哲 産 子 然 以 子 在 其 數 産 酌 也 之 之 難 事 時 皙 子 子 日 南 悪 卒 則 0 後 年 調 族 制 自 蓋 産 直 哲 其 而 護 能 以 浸 及 鄭 直 孤 有 無 自 之 之 7 放 長 而 勢之亟 常 子 削 或 鈞 駕 次 合直 如 得 族 子 放 之,於子 法 至 哲 制 子 之 子 序 其 名 子 尚 南 斷 既 哲之 强 所 然子 哲、 於欲 罪 子 字 曲 南 , 未 强 之, 族 殺 以 就 南 於 勢 好 伯 伯 晳 其 殺 不 必 未 哲 子 使 子 而 强 有 人 理 不 南 則 南 子 時 政 曲 口

貴 此 致 族 曲 子 之黨已 抗 也 己 盛,治之若急, 乘 由 日 之 大 南 治 其 怨 此 調 而 略 非 之如 機 夫 及 於 意 後 護 叔 壞 0 出 無 有 離 其 而 游 放 之。 强 若 倒 子 少 淵 故 此 討 後 之,所 若 蓋 家 氏 置 名 南 恕 深 其 之, 罪 大 大 不 此 字 故 也 急 是 適 之 急 盈 0 答 不 叔 子 族 嬖 乘 至 子 所 以 識 悪 也 正則 何 事 産 此 而 大 此 於數 産 以 然 使 ? 貫 前 非 皆 子 遽 機 夫 特 欲 至 鄭 其 , 放 日 蓋 權 然 南 遽 而 親 於 其 立 做 以 或 族 治 前 去 輕 放 族 然 此 召 犯 戚 此 子 之紀 卑 體 之 之不 日 之, 放 最 亂 名 罪 重 叛 等 南 犯 如 察 子 自 賢 子 之, Ŧi. 尊 此 事 未 綱 識 子 哲 雖 敢 以 今 者 南 之緩 子 不 必 未 與 産 事 之黨 口 緩 以 日 歸 之 産 能 機 不 不 答 必 必 以 子 罪 賤 相 乃 得 其 咨 此 哲 今 到 如 反 不 委 於 尚 陵

> 晉 侯 口 求 爲 醫 也 於 元年 秦秦 伯 使醫 和 視 之日 疾 不

九

八

德 問 之, 唐 此 不 無 段 亦 故 保 能 改 獲 見 : 則 論晉 無 焉 知 得 晉 啚 誰 其 其 平 之。 知 必必 先 社 當 侯 典 君體 者 公疾,求 王 稷」, 受其 良 疾證 禮 其 之 臣 三代 如 之遺 後 典 ? 大抵 霍 咎。 之 言 禮 外 光 醫 對 之 銷 雖 固 或 或 今 於秦。 日 而 時,爲 磨 Ι. 君 可 之 之 : 及 未 技 大 托六尺之孤 大 至 主 良 盡 亦 於 臣 臣 大 秦 臣 之 知 淫 在 伯 臣 雖 有 謂 將 之。 以 乎 者 使 災 工 矣。」 死 生 皆能 養 之 醫 禍 寄百百 至 疾, 其 技 興 此 趙 和 漢 微 如 君 將 孟 視 m

段

學者最要看

^{● 「}恕」,原作「怨」,據四庫本改。

際 以 德 事 成 强 里 昭 而 死 以 故故 養 梁 帝 後 王 保 者 無 命 其 口 武 生 其 所 逸 無 德 宗 矻 其 體 其 以 漢 豫 逸》 猶 然 保 後 養 者 後 唐 遂 不 不 之 武 其 其 口 昭 知 之 亂 使 宗 作 體 德 知 帝 保 閒 成 終 以 教 保 養之意 後 王 惑 盡 唐 雖 夭 之 其 之 終 此 神 李 有 終 體 以 爲 其 道 仙 德 霍 先 大 天 則 者 , 裕 光 王 臣 命 光 專 莫 外 川 之壽 德 所 誅 以 是 必 如 而 裕 以 身 周 德 藩 如 臨 之 夭 周 任 公 鎮 養 崩 裕 相 公 戒 此 佐 之 其 之 無

韓 禮 宣 子 盡 聘 在 魯 于 魯 年 見 易 象 與 魯 春 秋 周

當 告 政 時 於 君 韓 宣 鄰 弱 子 臣 或 來 强 爲 聘 之 其 漸 且 繼 告 先 春 爲 君 秋 政 之 時 政 諸 此 , 不 侯 敢 段 即 輕 位 口 其 則 見

> 者 矣。 削 之 氏 事 千 王 子 秋 近 不 如 與 之 筆 周 相 初 所 之 褒之,不 春 周 且 然《 干 此 不 禮 後 能 削 公始 秋 乃 欲 易 N N 數 見 初 見。 者 左 此 繼 **>** 行 抑 夫 象 句 無 軍、賓 合 氏 最 舊 周 諸 揚 爲 子 最 ^ 宣 於 干 與 難 禮 好 易 侯 之。 高 E 所 要看 子 預 ^ 禮 看 自 也 朝 象 魯 下 筆 釋, 嘉 但 者 易 聘 大 **>** 須 削 春 無 蓋 之 乃 貶 看 見 宣 之 皆 抵 秋 之 看 觀 非 之, 子 初 魯 ; 夫 禮 左 *****, 寓 經 得 ^ 若《 妙 春 之 易 子 晉 此 氏 則 於 宣 禮 未 舊 用 秋 象 易 及 未 之大 其 與 > 知 子 有 所 所 史 * 觀 ×, 中。 筆 周 周 善 百 爻 在 書 ^ 書 禮 夫。 未 禮 與 夫 削 辭 觀 魯 曲 周 於 故 合 此 子 經 盡 相 之 書 春 於 禮 至 禮 太 爲 夫 非 E 去 在 ^ 易 秋 處 禮 文 筆 春 子 猶 魯 宣 史 政 大

● 「其後」,四庫本作「而使」

此 知 作《易》之 之三百 周 周 禮》 禮 其 之書 之 八 得 後 + 所 於 又 四 以 老 所 作 爻, 盡 師 以 宿 在 周 具 所 儒 魯 禮 其 以 之傳 也 \approx 條 該 實 目 在 故 宣 相 是 能言之。 子 是 表 禮 古 裹 以 不 周 周 能 公 公 如 作 此 既 知

鄭 游 甚 吉 矣子之爲 如 晉送 此 少 姜之 來 也 三年 葬梁 丙 張趯 日

梁 葬 爲 太 有 務 不 事 叔 必 事 不 此 丙 遠 言 來 而 煩 晉 張 有 夫人,士弔 覲 諸 會 也 趯 一, 大 少 侯, 將 其 姜 得 見 矣 令諸 協 之 意 已 則 游 前 蓋 喪, 乎? 古 盟 侯 亦 大夫送葬 謂 自 故 日 番 君 歲 悼 昔 鄭 乃 晉 薨 文、襄 而 游 甚 聘, 國之喪。 吉 大 嬖 矣 足 金安之 Ŧ. 之霸 如 夫 哉 以 弔 晉 歲 昭 喪, 送 也 故 而 禮 子 卿 葬 朝 命 其 子 正 之 共

之衰。 動 段 之後 退 夫 擇 事 石 向 而 晏 退 今 不 向 少 晏嬰、 嬰 子 於 其 姜 投 之告晏 ,子太叔告 」,此乃盛滿之時 , 亦且不 唯 謀 位 晏嬰 乎 中。 來 水 無 此 有 闕 而 意 請 此 行 寵 事 數 而 是 叔 不 似 雖 嬰 觀 古 己, 也 矣。」 而 於 來矣。 蓋 向 覺 知 各言 死 如 亦 守 譏 晏 人曰 等之賢 無 略 所 相 張 其 此, 不 嬰 其 適 齊 加 問 無 似 其宗國之衰,不以 趯 意 自 之言 交 命 至 必 必有 譬 惟 又 愛民 而 謂 矣。 隱 結 繼 人 言 張 齊 如 善其 懼 張 宗 自 亦 未 室。 趯 侯 相 傾 屏 火 獲 憂 趯 深 今嬖 不 後 或 有 欲 譏 覆之患。二大 焉 藩 言 或 戾 見譏 隱 今 晉 知 之 繼 便 籬 之 何 火 宗 兹 寵 衰 或 乃 贵 室 自 其 於子 破 故 或 中, 心 吾 之 之 日 於 敢 不 猶 爲 ? 之衰 崖 喪 又 衰 觀 惻 晉 寒 憚 隱 在 譏 太叔 來 蓋 此 宗 暑 大 然 然 君 不 而 也。 夫 自 矣 有 叔 叔 敢 使 或 子 如

似 見 特 既 歸 皮 考 耳 隱 賢 未 之言,雖彼 來。」今子皮實 至 吉 而 譏 如 嘗 ·, 宜 一於張 之後一段,尤 也 若 而 去之後 則 將 賤 便 賢者 之,又 晉賀夫 不 彼 ,小人糞 不獲 其 無 當 便 欲 趯 見 不 事。 不免於子太叔之譏 説 强 察 憎 猶 親 有 如 且 言 通 不 親 人。 來,畏 有 厭 我 吉庶 崖 道 除 覺 心 附 度 觀 來,小 强 於 岸 同 先 而 得 可 腹 張 其 色,不 之,至言宗國 人。 附之心, 大國,尊夫人 幾焉。」至此, 氣合之時, 人 見 話。 有 趯 我 此 交之淺 之 憎 人 其 强 使 古 觀 可 失 弊 張 謂 附 强 厭之意 不 張 强 望。」 廬 趯 之, 故 太 附 足 深, 趯 也。 去 叔 只是佞 處 太 論 我 是 一之衰 之 附 張 日 日 太叔 0 能 也 叔 事 交淺 此 見 : 其 趯 大 告 如 破 荷 古 後 之 諛 太 道 抵 且. 於 子 自 略 之 藩 言 如 言 觀 非 學 太 其 鄭 之人 叔 子 無 不 籬 孟 此 其 者 叔 將 叔 相 非 子 之 所 與

向、晏子之事,於道同氣合之人,則當剖破

左氏傳說卷第九

藩

籬

不

可

有所

閒

隔

後學成德校訂

左氏傳説卷第十

東萊吕祖謙伯恭

昭公

楚靈王使椒舉如晉求諸侯四年

侯欲 之必 侯,問 奮 公怠 晉 然有 君少安,不 不許? 從 惰 楚靈 於子 楚也 志 溺 王 爲 司 産 於 使 宏 馬侯曰 宴 在諸 椒 然 子 遠 安 舉 初 産 規 侯 求 一二不 閒 無諸 古 模。 諸 靈 已 則 侯於晉 王 侯之志 可。 楚 料 楚 使 靈 之 强 椒 晉、楚惟天所 於 王 益日 舉之來, 初 弱 先 其 當 , 宜 欲 矣。 臣 時 求 亦 晉 言 晉 晉 諸 無 平

> 召 以 有? 量,則 何晉 多難 相,不 弱之實,而 下 不 歸 向 而 三不殆 既 爲 之事 能 吾 使 後 0 平公 人 不 許 與 侯 正 弱 猶 可 役, 能 必 其 初 楚 也 緣 將 自 與 主諸 不 争 ? 閒 待 尚 外 何 事 衰 不 安 争。 得 未 司 欲 敵 之。」晉侯又未肯, 欲 世 當 自 於 侯,諸侯勢必 司 何 肯許它, 馬 争 避 之君 之有? 時 量 弱 君 馬 故 侯 虚 削 楚 者最 其 侯 初 反 弱 氣。 不 如 方 許 委 閒 之名,不肯 此 覆 强 必 多 或 之, 曲 知 尚 晉 則 調 待至 險 調 自量 码日 從楚, 欲 君之病 諸 而 護,然後許之。 使 護, 而 方 不 修 侯 乃言 於再 人 多 故 許 弱 亦 德 何 則 屈 而 馬,齊、楚 ? 未 正 戰 益日 至 以 以 意 内 皆 必 在 一於三 楚之 晋 待 下 有 奪 蓋 自 知 從 此 自 是 削 之 天 有 其

今諸 雪 卿 事 地 則 損 威 奮 之 傷 焰 上 位 重 侯之從 多 列 开 威 不 面 亦 能 損 在 0 必 須 使 六 重 治 能 自 楚,必 晉 卿 猶 楚之 而 輔 會諸 之 未 侯 賴 晉 至 罪 不 列 竟 侯 司 侯矣。❶ 至 於 可 是因 所 思 於 極 馬 世 以 强 傷 也 侯 晉 其 楚 威 調 當 力 侯 侵 然 護 損 是 許 止 陵 口 重 時 許 之後從之, 如 之 馬 楚 此 恥 若 西日 侯 之 傷 當 但 在 0 請 掃 六 時 威 就

量

不

同

六月丙午楚子合諸侯于申四年

之會 得 最 自 要 滿 如 識 當 此 得 子 當 時 盛 他 産 靈 時 其 器 己 諸 王 心 量 知 既 夏 已 淺 其 之 殺 滿 深 不 其 君 之别 過 莫 君 所 + 以 處 不 却 年。 欲 要 咸 示 得 學 在 諸 者 諸 侯 到 侯 楚 侈 這 子 爲 裹 然 見 申

大抵人之分量滿溢,又各自有先後。

得 八 如 有 年 齊 如 葵 楚 都 丘 桓 公圖 靈 之 不 王 曾 會 纔 霸 滿 方 業, 得 滿 到 諸 以 得 侯 台 前 蕭 便 悼 三十 滿 魚 公 之 啚 年 以 會 霸 都 此 方 業 不 見 滿 曾 以 人 滿 之 然 前 分 未 到

滿 之 公必 和 閒 初 量 王 盛 戎 去 固 不 室 到 嘗 以 不 至 見 之 方 蕭 葵丘 合 其 得 正 其 \equiv 功 魚 自 諸 諸 不 + 故 之會 有 滿 華 未 侯 能 年 滿 會 服 一二駕 也 之 不 和 强 之前 分 滿 久 唯 戎 方蕭 楚 量 方 其 狄 而 是 之 \equiv 始 亦 滿 楚 以 功 魚 亦 + 自 去 得 不 止 未 未 年 滿 有 不 能 遲 於 嘗 會 閒 得 會 與 之前 自 五. 桓 所 諸 争 故 古 公 霸 滿 以 侯 嘗 到 滿 七 都 爲 之功 有 悼 此 齊 未 Ŧi. 年 安 嘗 公 分 桓 以 霸

2

^{●「}亦」,原作「未」,據《春秋集義》卷四三引吕氏語改

[「]思」,原作「忍」,據《春秋集義》改。

[「]奮」,原作「舊」,據《春秋集義》改

當 吴 他 之 楚 未 天 便 不 甚 及 度 下 至 速 相 君 於楚 争 便 服 量 笑。 時 克 齊 必 下 也 晉 克 之 從 出 子 如 事 桓 量 楚 淺 靈 來 E 今 + 尚 皆 雖 公 ; 此 承 一之淺 Ŧ. 然 强 做 自 深 楚 王 篡 之 年 口 楚 之心 伐 求 尚 則 事 逆 不 等 弑 靈 校 速 自 深, 靈 言 賴 諸 所 大 料 之 王 悼 閑 楚 有 之 到 異 他 可 霸 奈 侯 方 餘 做 公之七 賴 龃 爲 靈 分 此 其 於 必 知 業之久近 何 而 便 占 無 王 量 反 0 至 故 晉 會 晉 以 滅 不 志 所 於 所 又 晉 於 侈 八 諸 日 無 其 如 意 以 晉 遠 以 悼 此 然 年 以 不 侯 道 意 閒 未 便 不 速 公 志 柔 行 伐 便 滿 悠 許 己 何 如 其 東 之 楚 其 盈 朱 懦 之, 侈 久,終爲 之 大 故 滿 之 晉 分 禍 西 方 前 然 而 段 不 悼 自 禍 南 量 溢 敗 伐 意 自 不 朱 能 以 有 公 遠 之 北 初 敗 滿 同 滿 之 天 謂 方 間 遲 使 無 識 與 不 亦

唯

其

滿得速,所以禍

敗

也

亦

速

鄭 子 産 作 丘 賦 或 謗 之四 年

與 原 作 持。 之法 晉 之 蓋 子 欲 兩 產 貢 之 使 子 閒 寬 霸 不 自 丘 賦 不 鄭 得 之言 産 校 到 賦 與 主 有 子 過 前 如 或 楚 産 所 已 説 平 貢 何 但 魯 後 整 靈 作 作 鄭 以 賦 時 甚 獨 供 作 數 齊 王 鄭 以 作 丘 F. 所 峻 鄭 丘 年 何 有 賦 方 賦 蕞 貢 丘 邊 甲 不 故 小 餘,不 無 之 爾 從 推 賦 貢 能 或 或 其 當 道 之 物 之 晉 原 賦 供 般 人 他 也 時 小 子 E 意 不 使 晉 謗 而 而 諸 其 添 或 中 之,是 從 産 到 平 E 子 作 侯 他 蓋 事 楚 立 爲 T 闕 公衰 寬 丘 皆 諸 則 乎 政 子 告之, 乏 兩 賦 能 從 改 侯 小 倍 地位 霸 産 ? 弱 此 供 楚 亦 或 爲 主 所 楚 子 尚 代 須 莫 又 則 而 所 政 朝 不 段 是 不 不 以 不 强 産 井 可 支 從 事 推 供 至 子 廷 拒 或 \mathbb{H}

不 要 恤 就 人 之 窄 謗 狹 中 己 却 而 作 示 其 之。 寬 裕 大 率 衰 子 弱 産 中 爲 却 示 其 必

處 强 欲 逐 旋 大 有 爲 不 之,子 子 得 産 力 之 産 處 規 不 模 肯 其 多 教 他 是 或 諸 如 中 或 此 有 則 木 是 是 乏 到 以 之 闕 有 患 得 乏 於 力 時

高 貪 至 是 通 下 於 達 見 寧 至 甘 遠 作 如 或 體 識 言 法 此 心 受 於 也 而 若 謗 故 貪 能 不 子 而 大 推 弊 能 寬 不 抵 原 將 如 顧 日 士 存 若 此 . 君 Ļ 所 之何 子 之 作 只 以 要 所 法 隨 多 ? 識 於 事 以 取 寬 微 上 然 涼 於 之言 慮 民 看 其 方 遠 謂 弊 其 必 9 學 之 天 弊 有 猶

先

Ţ

又

知

蔡

及

曹

滕

無

禮

而

先

È,

又

知

鄭

有

所

未

至

也

子

寬

見

子

産

不

從

遂

知

或

氏

無

法

而

先

衛

口

謂

能

推

原

得

數

百

年

存

亡

興

衰

之

迹

者

其

識

甚

遠

其

見

甚

明

惜

乎

子

産

不

能

聽

也

如 台 自 郊 勞 至 於贈 賄 無 失 禮 Ŧi.

從 之所 言 以 事 本 侯 自 用 有 事 賄 女 深 禮 虚 事 ? 女 儀 皆 叔 凡 謂 平 至 於 警 叔 禮 在 文 無 齊 魯 是 周 之分 齊 公 末 動 而 違 謂 昭 是 魯 有 旋 到 公 他 之 而 不 儀 叔 何 以 上 晉 如 能 得 不 時 也 魯 向 乃 故 儀 下 當 晉 蓋 後 於 知 侯 謂 不 所 六 爲 非 周 時 實 世 本 俯 能 焉 自 之 非 以 之衰 卿 皆 禮 事 仰 不 郊 用 知 析 實 深 禮 不 方 上 也 揖 禮 勞 知 警 寓 0 而 知 何 强 理 遜 ? 太 禮 至 晉 觀 於 女 禮 異 會 之 抵 贈 ? 禮 此 平. 叔 之, 何 夫 之 有 際 皆 賄 與 公 異 齊 此 觀 也 本 自 子 儀 徇 無 儀 不 不 無 女 家 魯 郊 矣 女 自 末 失 故 叔 特 知 本 勞 \equiv 覊 非 叔 忘 儀 禮 林 禮 辨 非 方 家 齊 至 齊 至 不 本 者 放 從 ? 之 禮 之 能 魯 贈 所 理

禮 至 能 外 乎 於 須 末 鐘 知 間 而 哉 遽 末 鼓 禮 立 爲 玉 看 其 禮 得 帛 之 弱 兩 本 云 禮 不 而 之本 本 禮 世 事 鐘 乎 云 學 所 知 惟 樂 鼓 哉 禮 使 者 以 鐘 夫 林 之 古 則 云, 子 昭 爲 鼓 不 放 外 不 公 \equiv 可 本 當 \Box 玉 玉 獨 在 家 果 : 緣 者 帛 時 帛 使 於 知 決 知 女 又 皆 者 云 大 聖 玉 而 不 郊 叔 贵 古 從 乎 哉 帛 至 勞 能 齊 在 有 事 哉 問 鐘 有 於 贈 問 之言 於 於 本 1 鼓 作 盛 賄 鐘 末 鐘 是 之爲 前 然 遂 鼓 存 鼓 當 雖 而 云 夫 魯 分 焉 玉 玉 亦 時 不 樂 禮 子 儀 帛 帛 皆 徒 亦 不 云 之 未 之 在 今 而 與 徇 又 不

鄭人鑄刑書叔向使治子産書六年

王 議 事 子 以 産 鑄 制 不 刑 書 爲 刑 叔 辟 向 詒 又 子 産 日 : 書 日 民 知 争 昔 端 先

> 亂 矣 獄 將 滋 棄 豐 禮 貨 而 賂 徵 並 於 行 書 錐 子 刀 産 之 不 末 從 將 盡

之 言 刑 略 權 正 都 心 末 7 己。 而 人 人,未嘗立 法 其 緣 失 得 法 不 示 將 而 及 大 他 纖 其 了 敢 輕 大 而 以 民 不 盡 刑 綱 規 犯 條 抵 取 重 執 知 悉 争 知 模 蓋 古 書 必 目 争 刑 其 之。 爲 曲 故 有 當 既 如 於 者 子 輕 端 定 便 法 折 不 Ŧi. 此 産 上 鑄 子 重 象 無定 法。 蓋 盡 得 刑 只 將 産 以 以 但 開 民 著 淺 乘 要 條 棄 典 未 取 民 要 皆 於 人 代 深、 吾 所 目 目 禮 鑄 刑 必 無 之有罪 僞 此 口 之治 隙 前 以 示 生 刑 而 於 心 以 故 以 便 整 人 徵 殺 書 法之可 便 民 上。 五. 投 齊 堯 心 起 略 於 者 猶 刑 民 常 其 舜 書 示 不 自 所 有 之 但 切 藝 争 女好 隨 立 議 大 爲 誉 以 敬 大 錐 付 法 知 心 其 動 綱 後 後 之 執 戒 有 敬 叔 事 之 法 刀 事 意 之 女好 才 戒 向 世 以 Ŧi. 而 而

之過 之 作 法 貪 口 \mathbb{H} 其 作 賦 指 鑄 然 法 而 渾 以 於 刑 不 罕 作 書 貪 知 諫 H 也 流 之 弊 賦 弊 叔 將 鑄 於 . 向 若 刑 後 諫 何 作 書 世 ? 之, 法 亦 於 者 則 則 是不 涼 觀 以 不 之, 爲 可 其 曾 以 講 弊 方 不 其 爲 無 猶 學

當 少 中 刑 賦 法 辟 刑 口 去 使 東 去 書 不 則 制 則 臨 口 分 不 之 東 不 大 處 事 小 以 抵 不 可 着 處 無 口 少 制 守 賦 着 此 有 定 T 多 執 則 刑 之 法 定 却 知 取 法 大 刑 以 與 去 天 人 却 爲 東 貉、 不 刑 下 蓋 分, 西 當 女好 變 口 爲 先 處 事 小 謹 法 多 使 西 着 王 治 貉 者 子 戒 則 之 議 以 之 1 亂 刑 産 大桀、 有 贵 事 西 相 於 用 不 及 當 定 以 爲 去 可 IE 口 纖 去 小 制 東 正 定 不 事 相 悉 西 蓋 桀 定? 法 如 反 正 既 不 則 賦 處 弈 相 著 爲 勝 着 却 自 賦 不 棋 反 若 作 爲 刑 負 却 有 不 口

> 賦 刑 口 必必 書 知 不 必 當 使 不 時 之 使 子 之有 無 産 定 能 定 法 以 法 作 田 以 賦 鑄 之 刑 心 書 用 之 之 心 於 作 鑄 \mathbb{H}

穿 穿 封 封 戌 戌 爲 囚 陳 鄭 公 皇 日 頡 城 公子 麇 不 韋 諂 與 八年 之 争 之襄

刑

辟

穿 尚 得 是 有 封 仇 : 以 至 讎 於 楚 戌 威 城 之 靈 争 行 + 麇 件 人。 於 王 人 之 刀. 好 中 在 鄭 役 年 處 今 或 當 皇 不 0 既 時 頡 蓋 諂 雖 且 即 最 靈 終 0 如 位 號 \pm 當 戌 於 使 不 强 雖 操 靈 滅 穿 暴 戈 是 惟 亡 王 封 無 欲 無 爲 不 然 戌 道 道 報 逐 王 飛 爲 其 子 王 其 然 揚 陳 讎 子 時 當 閒 强 韋 公, 既 與 時 亦 大

1 「鄭」,原重文,據四庫本删

後

學成

德校

訂

便亡。 若 宇 虐 暗 赦 公忘 後 可 之,猶可支持十餘年。 以 合 讎 滅 合,所 世 專 焰 ,今乃寬 執人 憑 處 須 陳 知 而 一件與 陵諸 臾 之 M 用 射 歷 加 ,又封之爲 於王 考 離 鈎 若 君 大 焰 於 寺 以 賢 篡 抵 暴 侯 是 人 之 却 天下 過 假 如穿封 虐,以 官,在靈王 弑 暴 謂 他 披 君 讎 如 得 慰 之人, 不可恃,若專以 暗 天 全 而 而 何 陳 遣 + 異 道 是 用 合處,故當 公。 過 無 不 之。 四 戌事 世 管 難 無 得 道 至 粗能 年。 知 仲, 道 大抵 + 如 行之,只 於 之虐,宜 蓋 , 故可 揆,此皆 時 四 此 亡 支 + 故 晉文公忘 而 等事 年 天下之道 者, 一時雖 持 雖 當 不 事 取 無道 ? 皆 0 X 知天道本 時 中 若 如 由 與 威 雖 有 以 必 至於 州 惟 正 出 ,必不能 此 桓、 惡 斬 誅 無 其 吁 以 如 於 故 最 數 X 間 袪 申 道 焰 文 齊 而 此 也。 月 威 事 無 不 行 足 暗 之 有 無 桓

故」。《 春 秋集 四 四 引 吕 作

難

也

左氏傳説卷第十一

始

狹,不似三代之時

人人皆

可

以

諫

也

世

工.

執

藝

事

以諫

之風

稍

衰

諫

有定官,言路

轉

移

平公之心

蓋

風

聲

氣

習相

傳未泯

後

東菜吕祖謙伯恭

昭

公

晉 侯 遂 酌 飲 以 酒 飲 樂膳 工 九年 字屠 蒯 請 佐公使尊 前

尊。 官 三代 諫 本 其 官 欲 而 廢 工 晉 無 遂 職 平 知 定 執 酌 甚 氏 公 職 藝 以 賤 飲 事 緣 飲 各 到 酒 以 此 隨 得 諫 遂 樂。 事 晉平公時,尚 氣 公愧 止 以 象。 膳 諫 看 悔 宰 大 之心 此 膳 屠 抵 蒯 宰 事 隱 乃 請 能 代 猶 然 飲 佐 以 而 舉 食 見 公使 前 生, 之 得 爵

> 皆 之間 裨 雖 嘗 事 品 定。 然 人,雖 無 大機體 之心, 助 有 無 君 不 而 贵 國家 能 君 晉之時,居六卿之位 晉 深 子,所謂 當 叔 П 慮 晉平公之時,晉 子,只是安頓 卒 無 向 獨 不 遠 或 以 正 所 、女齊之徒,不過 全身遠 古之賢者所以 識, 家之大勢,然隨 衰 自 ,故終難 叔 者 盡 以 向、 害 是只衰世 雖 閒 司 不定。 而 馬 着 或 有 雖 己? 賢 手。 因 叔 號 者皆 自 侯 職 人, 一、未嘗 然君 爲 沉 小 彼 隱 以 事 衰 下 如 只 隨 委 亦 於 此 規 世 子 僚 膳 靡 緣 無 大 知 抱 知 正 其 在 宰 賢 亦 安 其 闘 亂 得 雖 自 ·屠蒯 下 人。 欲 擊 可 世 私 頓 朝 有 僚 非 因 柝 以 未 品 之 不

■「未嘗」,原空闕,據四庫本補。

0

事 矣 規 正 人 君 過 失 也 如 屠 蒯 之 舉 爵 則 諫 口

周 率 甘 陰 人 戎 與 伐 晉 潁 閻 九年 嘉 争 閻 田 晉 梁 丙 張 趯

張 之盛 依 文公 伐 尚 平 自 最 王 傍 公。 鄭 自 趯 室 襄 衰 公 河 率 王 自 未 尊 鄭 陽 以 觀 室 自 以 春 敢 陰 Ē 伯不 之狩 其 周 一之名 伐 來 秋 戎 五. 室之意 甘 侈 霸 最 以 伐 雖 得 泰 初 來 衰 潁 雖 如 已 與 起 懦 論 莫 自 漸 有 鄭 而 晉 弱 如 霸 前 襄 衰 齊 伯 以 禦之。 閻 失 業 平 公 此 臣 射 桓 嘉 然 以 只 公, 諸 本 召 Ŧ. 到 争 未 是 來 中 君 是 侯。 使 最 得 閻 有 不 尊 肩 之 中 晉 雖 口 如 田 能 罪 王 文公霸業 罪 或 平公之世 平 不 却 尊 晉 諸 及 然 亦 公 其 是 王 梁 侯敢 憑 文 莫 王 後 尚 室 丙 先 陵 公 如 有 晉

而

不

自

知

蓋

天子

諸侯,本

非

校曲

直之地

且

王

辭

直

子

其

圖

之

其

言

似

是移於習俗

當 卑 蓋 文 怒 之 非 是 冠 之有 晉 伐 不 也 有 ,只 以 爲 强 賴 毁 時 當 撫 余 以 天 贵 言語 冕 子 當 來 已 有 時 能 摩 本 問問 爲「我 能 世 時 叔 然 獎 源 甚 Ŧi. 拔 强 改 平公實 賴 向 勸 霸 有 物 不 本 弱 民 亦 古 在 有 尚 之 而 衰 ? 曾 其 塞 人 是 伯 則 知 不 叔 己。 衰 德 辭 源 如 之 啓 晉 尊 翼 向 父 可 知 專 此 甚 其 有 君 無 嘉 周 而 戴 調 邪 到 峻 猶 峻 端 謀 之 禮 臣 護 棄 暴 天 IE 此 衣 主 義 之甚, 之 滅 子 謀 然 言 謂 服 故 周 只計 故 宗 也 而 主 分 叔 語 宣 之 之 調 其 王 周 加 向 不 子 却 護 告 東 有 雖 深 使 伯 利 之以 之言 明 之 冠 曰「 遷 韓 命 如 戎 犯 父 害 冕, 事 此 之 。 緊 宣 狄 文之 不 周 猶 桓 共 子 非 復 知 猶 王 諸 非 其 欲 伯 木 尊 自 霸 之 侯 何 裂 使 水 賴 唐 無 責

能 校 知 到 尊 免 曲 此 周 亦 直 不 古 以 不 知 是 足 有 道 知 天 子 習 賢 之尊。 俗 如 之 叔 移 向 如 亦 人 平 以 公、 雖 爲 賢 宣 等 者 盡 子 不 不 而

足。」 君 皮 大 子 實 固 如 夫 皮 惟 又言 皆 子 所 難 請 欲 晉 叔 産 平 以 無 以 費 孫 將 所 公之 行 見 辭 昭 不 在 料 我 以 新 子 貲 行 及 喪 實 君 退 以 之。 子 既 縱 必 之 爲 諸 皮 子 葬 欲 將 禮 非 侯 夫 歸 諸 而 皮 盡 行 禮 遣 子 不 遂 用 乃 侯 子 諸 自 知 盡 叔 自 大 則 産 大 克 之 用 向 歎 夫 鄭 夫 止 矣, 其 果 日 皆 觀 必 之。 送 幣 辭 : 我 欲 葬 木 之,諸 而 非 見 以 皮 則 還 數 知 新 子 鄭 鄭

者 欲 皮 然 是 事 産 也 交戰,不能 以 不 諫 不 語 下 者 從 其 言 的 也 聽 家 不 尹 行 事 不 能 一。一子 故 ? 當 交 言 過 何 知 事 聽 雖 深 初 孔 戦 ? 言 子 爲 言 既 有 又恐 到 自 此 閒 皮 子 於胷 語 皮 邑 力 甚 正 得 克 授 自 可 日 自言 委 也 難 果然 僥 責 緣 時 之 又 決, 謂 凡 心 中 倖 如 私 之 日 以 人 能自訟矣。 吾 故故 蓋 聽 以 此 有 可 此 我 慾 語 政, 舉 未 子 雖 當 之, 自 以 害 實 終 不 事 見 吾 既 皮 初 想 克工 見 因 而 能 縱 到 歸 能 聽 家 後 以 傾 或 觀 新 無 欲 自 用 見 子 來 得 或 心 此 夫所 君 益 邊 克 而 幣 聽 其 産 自 聽 事 人勸 子 不 去 故 方 過 之言 段 克 子 歸 看 以 能 事 爾 悔 而 而 之 之, 之, 産 得 惟 自 内 不 却 行 見 其 言 愈 不真 贵 能 克 兩 觀 信 後 得 初 子 用 者 謾 之 來 子 無 天 或

楚子伏甲而饗蔡侯於申醉而殺之十

年

楚子奉孫吴以討於陳而遂縣之同上

亦 其 甘 或 聽 非 遂 申 他 靈 ௱ 弑 言 起 滅 此 命 當 王 如 醉 重 於 威 此 其 靈 時 或 楚 古 遂 而 幣 故 或 靈 王 滅 行 要 是 滅 執 至 誘之,到 王 於乾 於 滅 後 逆人 殺之, 之。 滅 此 以 或 諸 陳 來 陳 兩 强 侯 谿 心 靈 本 奉 事 正 暴兇虐之 古 又刑 之大 得 滅 王 以 孫 最是 緣 觀 自 所 蔡 蔡 定 吴 棄 靈 滅 其 以 侯 處 或 疾 逆人心之甚 是 王 蔡 要 士七十人, 既 不 誘 在 失 之所 力 始 整 得 至 到 之而 陳 人 吞 一,遂 頓 其終。 得 而 心 以 滅 社 與 滅 終之 響 靈 最 諸 蔡 蔡, 稷 死,不在 靈 者 乘 其 Ŧ. 深 侯 合 其 以 喪 侯 及 又 謀 處 初, 身 唯 古 於 以 其 虚 滅

> 支 亡 楚 天 楚 雖 甚 其 不 也 秦 亦 下 最 無 可 故 他 是 必 Ľ 無 道 誣 禍 而 楚靈 楚」,以 逆人心之大 行 秦 罪 端 在 之, 且. 起 禍 陳 獨 王 如 猶 於人怨之最 端 以 、秦始皇之亡,其揆一 此 秦滅六國, 自 重 亦 見人 干 幣 起 處。 正 戈 於 誘 緣 心之怨之深 相 當 楚 懷 滅 持 皆 深 之 王 時 陳、 以 處 言「楚 遺 勝 而 兵 以 蔡 民 殺 負 伐 之。 已分 此 失 者,不 也。 雖 而 蓋 見 人 取 其 其 心 之, 理 滅 後 唯 口

楚 楚 公子 子 谿 或 奪 爲 比 令尹 成 自 然 殺 晉 邑十三年 大 歸 于 司 楚弑 馬 遠 其 掩 君 使 虔 蔡 于 洧 乾 守

於乾 谿 楚 之前 靈 王 之亡, 無 日 自 不 爲 ·得其 令尹 (志,所) 之後 以 以 志 至 得 於 弑 意

志 至 生。 繼 侯 王 滿 無 皆 之 所 於 動 吞 龃 終 若 滅 在 龉 不 於 以 下 平 口 侈 正 喪 所 故 當 風 時 救 心 其 緣 以 其 時 無 藥 無 邊 楚 直 身。 起 天 疾 厭 楚 最 至 居 下 靈 譬 之 衆 强 恃 亦 飲 大 王 或 盛 如 叛 此 速 勢 食 所 之 親 其 恣 盡 調 如 以 平. 時 離 縱 歸 陳 護 死 時 不 於 如 晉 或 未 正 楚 口 旦 室 蔡 有 必 緣 救 有 既 疾 不 皆 平 唯 處 疾 弱 病 保 其 H 己 如 相 諸 略 反 其 靈

腹 成 然 謂 端 於 然 心 亦 殺 皆 腹 之 邑 大 不 左 使 氏 無 心 然 司 地 專 之 敘 能 馬 爲 在 君 此 爲 地 楚 薳 此 郊 子 所 靈 尹 掩 看 所 IE 只 以 等 于 而 靈 緣 以 亡 緣 取 所 數 王 他 如 0 許 其 以 事 輕 此 所 然 多 室、 致 視 以 仇 其 看 叛 使 當 Ľ 靈 怨 所 亂 其 世 蔡 之 王 以 古 之 未 洧 敢 人 致 以 是 由 守 皆 置 爲 人 之 如 或 此 置 怨 天 如 此 下 等 在 非 奪 所

干 身之 措 策 假 離 凑 世 服 見 强 非 弱 虚 氣 日 皆 : 楚 特 合 都 得 氣 虚 而 自 子 叛 師 靈 外 外 甲 都 得 前 如 氣 不 不 衆 矣。」 潰 地 然 視 兵之衆 右 知 日 見 面 成 Ŧ. 解 怒 之 不 無 之 觀 之 所 尹 散 其 T 事 以 不 際 身 勝 廣 加 以 强 其 T 箇 所 0 此 其 可 於 請 都 横 謂 養 是 强 以 周 1 正 犯 强 知 我 土 待 只 無 得 龜 假 强 行 章 緣 此 前 子 地 于 亦 預 几 者 虚 許 他 有 Ш 欲 及 知 及 之 H 然 非 郊 海 於 多 小 氣 林 乾 外 乞 廣 只 靈 至 當 直 之 虚 天 衆 看 師 以 谿 臣 面 王 雖 時 獨 强 箇 四 下 氣 間 湊 諸 之 得 叛 服 聽 不 盡 夫 身 方 之言 潰 諸 親 合 侯 曾 外 身之 或 是 到 諸 此 到 己 面 離 得 侯 見 亦 此 外 此 面 到 侯 處 王 成 甲 爲 强 衆 得 許 莫 彷 此 則 下 面 則 無 兵 都 都 外 徨 王 以 亦 靈 叛 虚 視 真 多 不 之 意 道 是 親 拱 王 氣 强 無 不 則 無 面

國。 根本 王 雖 虚 也 羽,當時 交作,正緣 先人 一、蓋以先據根本之地故 地 君 無 道 觀 之地,士卒各顧其家, 蓋乾谿之師,父母妻子皆在内, 如 荆州, ,其權謀 此 其勢甚 何 亦是 便滅 公子棄 當時 是 用兵之法。 威力尚 以 不可禦,却 得他? 靈 嗣 疾、觀 王 羽 之所以亡, 赫然,若非 之師 也。 從 楚 得吕蒙、 蓋 且 擣 皆潰。 所 以 其 靈 孫 王 以 虚 古 先 所 滅 陸 權 惟 是 當 而 據 得 衆 以 根 時 遜 取 其 本 楚 乘 闘 據 其 怨

左氏傳說卷第十一

後學成德校訂

左氏傳説卷第十二

東菜吕祖謙伯恭

東萊吕

昭

公

平 治 丘 兵 在 其 之 于 邾 何 會 敵 叔 南 之有 甲 向 車 日 同 四 寡 上 千 君 乘十三 有 甲 車 四 千 乘

文公,文公之戰 車 调 到 至 掃 得 於 境 昭 晉 四 内 自 公 一千乘。 之 時 平 衆以 公 諸 以 侯 最大者莫過於城 夫晉霸 治 後 皆 兵 有二 於 所 業之最 邾 謂 心。 南 霸 業 欲 在 盛 淡濮,城 僅 晉 以 者 存 服 無 莫 吴 策 而 濮 過 之 不 於 甲

> 戰 此 内 霸 千 盛 故 向 過 全 至 慮 白 叔 之衆 業 當 出 ? 向 其 餘 時 -0 至 於 不 而 於 過 既 乘 此 2 時 後 後之不 兵 叔 晉 薳 削 節 而 是晉 八 來 衰 七 向 故 之 常 啓 百 出 弱 0 相 百 之心 賢 求 力 在 强 繼 之時 當當 乘 牽 繼 乘 欲 以 常 或 大 之戦 見 也。 時 當當 見國 以 或 自 之, 有 , 兵乃 夫, 及 出 雖 盛 威 時 振 餘 楚 然 兵 有 贵 雖 勢 靈 或 能 於於 而 靈 大率 亦 而 四 衰,亦 郤 衰 氣 如 不 服 能 王 主 不 是 五. 克 焰 弱 是 知 强 坐 欲 此 不 過 焚 千 之多 驚 再三 如 前 楚, 謀 制 執 未 過 乘, 日 林 警諸 此 出 諸 千 嘗 者 韓 一請益 遂 涸 晉 兵 所 有 亦 宣 侯 餘 霸 澤 或 叔 規 常 欲 子 出 蓋 四 乘 諸 兵,不 向 與 T 模 當 轂 庶 掃 到 初 不 侯 也。 過 其 叔 乘 幾 不 九 如 或 此 何

●「見」,四庫本作「長」。

一時之强而已。

模 文 救 公 初 以 以 德 斯 小小 如 而 信信 室 霸 ? 假 公 此 後 不 雖 須 行 與 力 德 以 免 又 在 有 去 自 大 蓋 贵 全 所 亦 卑 是 德 衆 德 古 强 叔 几 方 無 蒐 謂 出 不 未 王 千 邪 論 圖 向 能 輔 以 紀 德 嘗 不 知 出 ? 霸 晉 乘 王 7 須 力 綱 晉 示 定 得 掃 專 所 霸 當 臾 全 而 之 文 昭 己。 境 之 故 恃 襄 之安, 由 , 以 恃 時 不 章 公 禮 皆 出 望 王 能 力 分 能 所 力 此 皆 不 當 來 也 皆 處 而 以 以 知 人 合 不 所 時 戰 能 是 不 王 盡 維 務 後 ___ 全 振 贵 晉 以 霸 然 而 依 以 知 利 持 出 振 倚 無 不 爲 君 者 雖 傍 霸 而 德 霸 民 以 兵 也 天 靠 知 侈 此 德 霸 叔 革 下 雖 繼 着 以 文 伐 如 霸 舉 到 向 亦 而 者 是 力 公 乃 此 得 晉 嘗 以 原 亦 行 力 卿 看 所 舊 見 其 平 以 文 力 叔 此 假 不 强 此 惟 德 能 公 以 規 兵 所 向 口 亦 公 示

禮 齊 奮 得 故 贵 是 或 惠 千 到 到 强 事 叔 得 臂 皆 ; 他 不 得 會 乘 伯 得 數 如 叔 回 齊 + 晉 此 攘 於 見 非 得 已 對 發 本 在 叔 向 遷 將 語 主 得 袂 叔 哉 末 向 日 治 揚 己 强 雖 延 尋 張 諸 主 向 責 又 邾 主 蹈 如 以 不 見 盟 盟 之 奮 之, 侯 張 厲 此 君 從 亦 無 得 莒 ,齊 先 其 本 然 解 信 圖 之 道 之 晉 日 振 言 叔 弛 見 心 人 自 事 蠻 後 於 行 愬 衰 厲 向 之 事 不 諸 形 其 夷 之, 衰 方 9 X 觀 弱 日 奮 可 侯 風 謀 迹 之 又 會 弱 得 舉 平 : 發 必 不 生 皆 大 之 是 上 愬 之 叔 先 齊 丘 如 口 寡 叮 抵 無 閒 向 叔 看 王 中 人 之 風 以 畏 以 此 君 多 又 朝 向 叔 少 懼 會 采 凡 不 絶 也 出 有 奉 聘 維 責 向 振 而 凛 兩 然 示 兄 甲 會 命 於 别 持 魯 起 聽 治 威 然 弟 考 但 叔 告 車 盟 叔 無 兵。 命 之 見 時 之 於 向 全 此 几 口 向 人

諸 畏 外 氣 侯 象 爲 壯 皆 然 非 語 未 在 真 言 嘗 其 知 知 意 内 叔 之 叔 心 向 向 外 如 者 强 何 强 此 讀 段 恨 書 愧 事 須 只 0 見 看 不 得 他 得 叔 震 已 向 之 動

南蒯將叛十四年叔弓圍費十三年

足 然 之 是 其 公 自 民 以 考 承 可 數 國 室 古 當 周 身 罪 根 知 世 魯 不 時 昭 本 公、 此 死 勝 事 公 然 於 伯 南 日 勢 當 當 費 蒯 外。 禽 朝 輕 時 時 以 亦 季 付 之 舉 便 不 費 自 自 氏 托 妄 忿 能 俛 當 叛 有 腹 之意 動 首 舉 堪 時 口 心 腹 聽 季 以 兵 乘 觀 之 ? 心 氏 之機 命 喪 伐 之, 内 地 但 之 季 於 社 不過 潰 强 季 强 稷 氏 季 昭 氏 族 暴 言 古 至 季 氏 公 雖 智 亦 陵 氏 不 昭 於 魯 强 討 能 失 失 不 弱

> 髮者。 之,季 之三 季 此 外 晚 會 有 矣 氏 也 機 子 也 既 家 會 几 氏 而 今也 年 覊 IE. 此 服 昭 必 清 不 其 費 敗 公 或 大大 季 服 忠 所 不 之 氏 遠 以 大 閒 能 强 紀 討 識 反 抵 隙 知 之 綱 費 爲 投 孰 與 後 數 季 當 機 收 過 之 始 年 氏 之 於此 可 公室之權 啚 謀 之 爲 會 所 П ? 久, 討 之 陵 , 0 古 時 季 而 舉 亦 昭 有 氏, 不 身 當 公若 兵 閒 爲 死 大 亦 以 時 不 E 及 于 機 容 伐 又 乘

楚 ***** 子 殺 尹 鬭 子 成 旗 然 有 德 四 於 年 王 不 知 度 九 月 楚

楚令尹子旗有德於王而求無厭,故

- 「强强」,四庫本作「勉强」。
- 「回」、《春秋集義》卷四六引吕氏語作「國」。

2

0

然 然 倦 卒 大 之 是 於 禁 只 也 與 知 知 病 語 人 矣 凡 以 富 子 尹 其 子 反 根 有 不 施 至 權 當 尊 謀 當 常 得 德 有 旗 己 日 以 殺 辰 衡 何 施 其 德 子 厭 之 時 德 之 輕 時 寵 者 只 故 始 施 終 倦 於 到 旗 人 有 重 爲 心 我 在 未 終 去 施 人 得 0 9 德 曾 尚 怨 責 群 都 此 厭 人 恩 謹 所 平 於 報 有 無 兩 臣 不 須 之 上 勿 以 王 時 _ 觀 人, 厭 德 無 語 己 之 思 思 人 此 看 念 後 即 平 富 於 已 報 上 量 病 常 T 漢 卒 兩 人 位 王 辰 然 受 人, 我 根 言 崔 0 誅 至 報 所 方 報 之 所 之 於 施 當 所 子 我 只 有 求 以 以 之 言 後 以 且 天 此 謹 初 玉 在 德 恩 之 去 無 誅 至 亦 1 日 下 又 勿 有 座 易 誅 之 己 心 殺 求 云 之 當 忘 子 子 多 IE 右 怨 己 求 其 足 無 至 緣 受 求 報 旗 少 銘 旗 矣 倦 身 厭 者 至 德 不 恩 其 亦 之 實 不 旧 爲

> 出 當 報 反 在 於 己 他 他 無 不 倦 處 1 只 知 施 去 他 又 此 者 自 如 如 自 何 此 私 當 誅 心 報 知 我 1 求 足 看 不 1 0 已 T 故 0 報 以 然 者 兩 德 者 但 則 易 都 報 説 怨 者 不 我 自 去 E

楚費無極害朝吴之在蔡十五年

寘 吴 禍 模 之?」王 命 害 楚 其 或 之 有 諸 幾 方 功 寵 楚 功 蔡 亡 其 略 靈 於 未 用 之怒當 病 楚 奠 Ħ. 王 楚, 閒 有 根 枕 或 之 微 諜 顯 則 與 後 再 吴, 矣。 惡 其 平 又 使 傳 病 在 平 王 蔡 王 吾 至 使 是 源 於 王 逐 怒 不 昭 平. 皆 謡 同 7 朝 日 及 王 王 起 體 朝 吴 此 楚 於 終 吴 於 余 或 此 費 上 有 夫 唯 女 時 費 稍 朝 吴 無 信 何 便 吴 當 整 極 無 X 吴, 故 能 有 時 之 郢 頓 極 佐 亂 之 去 故 欲 朝 規 IF.

八

若 深 此 他 他 辨 人 王 亦 换 此 V 後 此 無 戒 之 請 孔 被 有 事 T 其 虢 遂 給 須 日 極 雖 昏 之 子 之 他 試 事 所 是 巧 所 殺 至 自 所 與 試 言 罪 禍 懼 其 大 以 左 滅哨 屏 試 能 則 以 明 過 君 抵 幾 移 右 憚 逐 絶 必 得 執 是 有 能 女好 危 奪 賢 以 太 之, 平 無 持 君 欲 便 言 使 楚 移 臣 此 T 人 子 Ŧ 若 後 害 終 平 自 欲 之 不 奪 日 讒 不 建 害 之 反 不 朝 必 肆 俯 社 使 王 T 己, 遠 意 受 以 殺 吴 爲 不 9 其 稷 首 移 惟 其 佞 便 無 之 終 伍 謀 改 自 他 帖 時 人 只 平 欺 無 極 至 寵 奢 移 初 此 耳 在 第 緣 王 忌 爲 最 於 即 奪 心 全 左 此 當 憚 却 忠 不 之 難 神 及 而 正 無 則 古今之所 右 矣 次. 時 被 敢 其 自 怒 怒 不 昭 忌 欲 被 必 他 無 繼 覺 自 民 憚 罪 王 纔 試 必 先 他 無 極 讒 知 怨 V. 來 近 佞 平 彼 以 移 其 無 極 佞 以

> 晉 晉 晉 荀 十二年 荀 荀 吴 吴 吴 帥 帥 使 師 師 師 滅 伐 僞 陸 鮮 糴 虞 渾 者 之 + 負 Ŧī. 戎 甲 + 襲 七 鼓 滅

然 若 焉 以 此 或 頓 姑 吾 \equiv 不 以 考 獨 用 兵 修 月 所 請 能 其 甚 V. 以 邑 而 以 晉 爲 或 ? 城。 惡 繼 信 本 荀 城 此 諫 請 末 叛 吴 也 義 論 降 及 當 當 帥 之 之, 穆 乃 荀 鼓 其 時 荀 人 名 師 子 知 吴 雖 人 鼓 君 以 吴 伐 日 伐 不 告 人 \equiv 城 吏 見 始 鮮 鼓 許 以 以 代 食 來 其 者 虞 之役 獲 吾 城 之 竭 獲 民 做 日 韋 叛 : 用 力 得 曰 蓋 城 邑 獨 鼓 : 師 盡 太 或 古 而 何 而 是 過 未 亦 而 教 弗 猶 以 好 始 荀 不 後 吾 可 民 取 有 者 後 吴 受, 過 取 怠 食 城 來 姑 勤 鼓 韋 之。 色 此 叛 將 到 假 民 鼓 所

其 於 故 荀 使 得 以 相 如 滅 其 帥 如 得 也 得 處 名 吴 陸 常 於 數 此 此 鼓 不 此 他 韋 反 到 年 之三 亦 掌 守 備 然 用 知 文 此 其 渾 如 分 做 得 不 時 信 襲 弗 之後 甚 詐 荀 此 明 必 握 得 有 雒 得 ? 爲 是 月 吴 待 謀 示 中 義 调 强 而 水 信 備 之 蓋 欲 於 他 當 如 只 欲 楚 滅 所 , 雖 義 當 久 以 惟 食 無 此 乃 是 以 以 之。 伐 少 先 此 以 此 時 竭 其 其 利 用 不 爲 陸 至 張 緩 其 假 韋 信 賢 力 害 得 之 箇 牲 同 渾 於 之 後 虚 其 鼓 事 義 處 盡 助 于 之戎 他 不 荀 而 數 聲 之 名 成 不 常 鼓 荀 用 雒 而 吴, 自 伐 月 所 雖 也 信 出 後 是 要 詐 外 吴, 請 陸 爲 0 欲 以 亦 而 義 信 祭 取 於 謀 彼 援 降 若 渾 之 祭 信 何 是 示 不 誠 之, 雒 義 自 既 以 狀 信 之 故 荀 陸 繼 名 則 與 與 絶 勝 不 於 之, 所 時 數 以 受 義 渾 詐 吴 也 之也 能 以 詐 之 有 則 已 年 爲 惟 此 以 前 2 塗, 逃 不 害 假 在 主 謀 前 掩 後 到 其 見 口

> 數 其 鼓 能 信 人 年 服 人 又 義 而 叛 叛 如 考 晉 ? 此 後 附 以 論 來 鮮 信 之 來 虞 事 義 人 當 不 則 當 出 心 可 時 於 悦 見 取 誠 誠 鼓 服 觀 + 何 次 數 故 方 年 受, 後

自 不 鼓 不 使 以 鼓 雖 示 吴 信 見 使, 數 召 時 知 如 T 當 使 誠 其 鼓 義 蓋 + 僞 此 時 天 後 不 之 世 糴 下 果 何 之不 得 可 亦 己 心 者 故 能 之 T 以 不 在 之發 負 ? 不 服 叛 服 掌 甲 故 擒 可 可 蓋 人 握 不 遂 鼓 掩 襲 也 前 明 中 免 縱 致 者 吴 此 베 矣 用 皆 再 已 以 取 許 詐 誠 故 之, 叛 窺 此 多 出 到 也 於 見 而 信 知 於 得 以 前 此 歸 其 矯 義 誠 第 此 此 方 無 情 于 機 信 荀 知 到 則 利 戎 矣, 飾 次 鼓 吴 矯 此 義 害 詐 狄 X 所 情 都 伐 伐 亦 處

0

狀

四

庫本

个作「之

^{●「}雒水」,原空闕,據四庫本補。

之水 信 贵 責 事 禍 疑 不 詐 信 至 理 不 世 不 後 飾 足 一,特 足 片 忌 方 我 詐 足 來 義 人 以 刻 不 之人 以 時 且. 服 以 使 他 事 ." 伐 且 如 之人 信 之 當 不 勝 以 服 動 鼓 能 自 遂 詐 有 誠 他 時 其 唐 得 人, 所 猶 救 以 斷 謀 既 閑 T 德 乃 不 猜 以 信 假 不 車 爲 不 兩 然 奇 如 暇 宗 日 爲 能 疑 信 如 薪 自 推 義 件 謂 計 此 示 之猜忌? 觀 信 自 忌 此 日 咎 我。 誠 不 之火之意。 假 之 不 信 不 之, 咎 刻 義 之 可 此 之 如 誠 可 義 可 譬 終 已 用 今里 誠信 過 以 心 平 鼓 信 詐 以 身 信 如 不 不 服 昔 立 而 之猜 得 世 於 此 人既 學者 他 巷 德宗 求 衆 純 猜 行 或 之 後 天 以 人 反 忌, 方且 疑 窺 及 下 多 言 遂 來 居 須 平 服 偶 日 忌 見 亦 奉 必 春 我 思 生 無 誠 然 之, 之 謂 刻 向 好 已 是 天 秋 不 無 而 所 心 誠 杯 爲 之 事 反 猜 素 立 之 及 自 兩 誠

> 與 時 做 荀 善 不 得 吴 善 下, 正 所 而 謂 不 爲 乎 示 此 信 於 爾 義之意同 緣 須 能 此 遂止 自 此 充 爲 善 養,不可 此 暫

左氏傳說卷第十二

後學成德校訂

左氏傳説卷第十三

東萊吕祖謙伯恭

昭公

齊 侯 子 誘 伐 戎 徐 蠻 徐 子 人 行 嘉殺 成 之同 十六年 上

禀霸 者 時 昭 齊 未 霸 子 侯 興 者 主 晉 具 伐 之 之 未 言 到 徐 命 前 得 興 諸 徐 所 昭 侯 自 若 人 公以後,諸侯各自 無 以 昭 魯、 行 霸 齊、 公 成 衛、 之 以 楚交兵 賂 害 後 宋、 以 霸 鄭 魯 甲 於中 權 莊 更 父 己 相 公 之 「爲政 或 失。 侵伐 以 鼎 前 當 不 到 叔 無 是 得 復 孫 霸

諸 之權 交,中 昭 不 屬 雖 殺 侯 大 吞 思 成 蠻 維 所 地 諸 侯 以 有 爲 無 公 持 白 顧 人 而 肆 成 時 伐 霸 還 盈 即 無 忌 不 侯之所 中 餘 夏 周 行 摟 餘 之時, 諸 助。 上 夏, 敢 城 位 所 陵 莫之亢 無 諸 年 僭 侯 争 自 自 封 夷。 憚 間 使 侯 天 及 其 有。 齊 地 肆 王 到 千 諸 以 自 下 霸 甚 法 此 敗 以 桓 罪 至 七 也。 不 伐 此 侯 若 之時 無 權 戰 至 王 然 古 白 於 至 諸 有 後 一於吴、 論 既 法 霸 霸 當 戰 多。 或 止 殺 如 侯 所 敗 失 夷 反 時 所 或 岩白 滅 霸 人 戰 畏 之後,晉 王 齊 夏 其 之 迨夫 諸 越 存 文 者 觀 盈 小 或 懼 法 之 無 際,終 罪 僅 侯 或 人 繼 霸 野 之 伐 辨 遵 先 大 中 或 者 滅 七 古 興 ; 甚 雖 徐, 平 多 王 小 或 守 争 夫 維 而 胡 至 方 日 或, 會之, 公既 王 之 持 城 楚之 霸 皆 越 慨 然 强 侵 有 度 政 之 以 摟 者 天 爲 弱 蠻 然 天 所 亦亦 功, 戰 F 有 取 時 掃 强 統 兵 子 相 反

懷 稱 使 以 雖 吾 功 當 其 美 爲 有 愍 管 時 此 被 戎 至 口 仲 功 髮 有 狄 於 厚 左 管 自 是 非 中 誣 衽 仲 强 灼 或 夫 矣。 弱 知 故 天 子 決 管仲之功 如 夫 子 不 不 分 子 此 反 能 至 明 稱 爲 知 此 是 管 後 狄 也 如 如 仲 來 驅 以 此 此 H 如 自 之 此 也 : 青 後 Ŧi. 知 當 胡 世 微 衣 時 孔 亂 觀 行 管 子 之, 仲 酒 華 之 仲

晉韓宣子有環其一在鄭商子産弗與

年

當 屈 至 自 論 於 是 7 皆 者 時 以 反 謂 鄭 韓 覆 古 昭 子 宣 如 再 公 産 品 此 子 失 能 欲 品 請 政 然 自 市 之, 亦 立 小 玉 六 未 子 環 或 卿 知 不 産 皆 於 介 子 爲 終 於晉 鄭 貪冒 産 强 弗 商 之深 大 與 而 楚 威 强 之 意 産 武 後 間 弗 所 之 世 所 在 頭 謂 所 之 能

> 侯 六 從 以 各 意 卿 子 識 子 反 利 宣 者 之 之 禍 卿 鄭 求 獻 則 道 玉 宣 子 亦 環 既 或 所 禍 以 宣 必 長, 趙 理 子 何 未 在 者 皆 之 欲 觀 此 簡 之 能 不 故 子 猶 後 於諸 有 小 請 唯 敢 事 子 在 免。 其 宣 則 可 , 來 子 所 可 晉 求 説 贵 晋 子 以 謂 則 求 侯 事 産 見 范 子 矣。 既 有 足 求 告 居 趙 則 得 氏 産 見 纔 六 以 失 之, 賢 氏 語 怒 口 此 微 所 六 卿 政 不 卿 見。 鄭 卿 子 中 以 而 應 既 執 故 之 夫, 皆 六 産 尚 知 古 則 行 供 皆 副 宋之使, 子 中 宋 卿 著 争 氏 所 宣 拒 在 不 之? 有 産 樂氏 與 求 習 尚 以 又 宣 子 處 必 所 知 所 皆 所 子 俗 痛 在 相 求 知 其 則 使子 終 以 必 欲 於諸 蓋 晉, 繼 貪, 畏 中 塞 下 必 不 楊 身 爲 義 其 而 畏 爲 産 於 居 與 鄭 次 有 其 不 楯 端 侯 至 義 略 宣 得 或 深

■「楊」,原作「清」,據四庫本改。

徒 詳 以 官 Щ 密 此 子 服 子 見 如 以 必 産 得 此 杜 不 能 子 爲 自 産 讀 卿 鄭 7 之 書 誅 之 而 處 者 求 己。 禍 事 觀 之心 子 所 凡 産 以 白 9 拒 敢 베 見 宣 宣 微 再 子 子 知 = 之 果 著 拒 事 辭 精 玉 無 審 借

郯子來朝十七年

其言 代 名 於 名 官 時 在 既 諸 四 制 官 於 四 夷 最 中 制 夷 郯 侯 郯 而 詳 惟 尚 之 子 之沿革 子 告 猶 來 有 或 是少 郯 當時 朝 信 存 日 子 中 0 者 昊之時 此一 : 其 或 所 仲 然 所 本 言 已 吾 尼 則 段見 以 不 末 聞 聞 以 自 郯 郯 能 皆 之, 此 黄 得周 子 子 備 守先代 觀 帝 見郯 世守 來 舉 聖 衰 天 而 朝 人之學,一 子 子,請 其 他 典 制 魯 失官 祀, 就 以 度散 人 籍 學官 數 所 至 問 學 代 當 歷 官 以

> 略 於 後 到 以 編 名 編 以 處 箇 何 尚 堯 7,郯子 郯 堯 之書? 世 故 不 散 上 多 聖 虚 典》, 然後 0 成亡, 不 有所 始備 此 ? 序 子 識 心 無 人序《 下 以 前 可 自 見 見 所 所 不 問 言 看 知 以 鴻 然 聖 聖 以 陳 可 序 繼之以 書 斷 古之略、今之詳, 繼 荒 之。 往 斷 而 人 考 仲 **>** 自 行 爲 以 不 反 博 自《 也。 説 當 尼 萬 然 來, ●歷 敢 説 學 舜, 堯 博 者 堯 時 大 世之法 而 序 約 學 典 而 不 以 斷 典 而 方 又 者 詳 處 詳 謂 專 ^ 序 爲 代 須 堯 説 説 自 見 如 以 之, 法 聖 要 若 觀 典 ; 聖 此, 合古 簡 堯 於天 人 雖 豈不 看 看 孔 不 人 編 相 典》 夷 看 聖 子 自 孔 自 下 失 繼 反 狄 少 學 1 子 可 以 實 堯 約 之 而 昊 古 官 反 盡 斷 可 E 典》 處 君 官 詳 名 傳 簡 約 自 所 考

原作「一

據

四

庫

本改

^{●「}來」,原作「末」,據四庫本、金華本改。

周原伯魯不説學十八年

説 學 慾 関 其 此 名 魯 大 無 不 亦 皆 隨 之 能 學, 般 有 大 夫 學 如 子 必 辨 説 是 曹 馬 懷 不 夫 往 此 波 地 是 自 話 説 平 此 害 與 見 逐 乃 況 魯 見 不 多 公之 心, 而 之 之 周 流 日 周 之賢 居 或 衆 後 心 外然 語 原 自 原 位 風 及 喪, 可 何 不 伯 伯 然 之人 者,言: 不 苟 俗 其 後 以 故 下 是 魯 諸 説 皆 且. 大 説 漸 無 ? 陵 周之大 學,豈 觀 侯 大 學 學。 不 人 漬 原 上 之, 大 循 只 説 也 到 周 替 無 伯 緣 0 夫 學 大 歸 暇 無 夫, 翫 學 其 他 皆 其 蓋 人。 也 周 以 歲 辨 利 亂 不 言 往 心 能 方且 告 之 害得 惕 是 害 乎 想 會 無 夫 公 無 閔 大 日 非 ! 人之 戰 下 卿 主 葬 亂 失, 子 夫 利 於 使 若 夫 面 平 不 馬 也 害 必 魯 説 懷 唯 尚 人

> 學問 告 葬 當 段 培 封 猶 植 則 夫學 魯 諸 所 其 以 時 見 植 木 木 無 之有 爲 源 或 得 魯之風 以 者 君 侯 則 須 常 之 魯 流 子 大 枝 殖 栽 能 根 賢 漸 夫 獨 葉自 也 灌 培 俗 本 斯 變 染 者。 皆 魯 溉 灌 尚 2 忧 焉 至 薰 然 大 在 不 溉 封 取 有 其 陶 於 夫見 其 學 枯 植 斯 學 人 他 道 將 槁 天 之。 之良 至 他 問 皆 是 矣,其 之則 落 之 於 源 人 觀 不 也 。」人於 於 苟 如 心 見 流 以 子 以 人, 根 此 周 亦 理 馬 爲 爲 本 須 甚 原 且 之言, 降 學 事 異 孔 失 是 如 明 伯 問問 衷 子 以 其 學 平 而 不 秉 所 此 灌 問 譬 公 見 此 歸 説 之 得 栽 學 見 以 溉 如

言 有 深 語 意 閔 非 子 知 馬 如 道 説 在 者 當 夫 不 時 必 能 號 多 道 爲 有 知 是 此 學 説 其 者 言 而 近旨 後 看 及 他 其 此 大 等 而

^{●「}下」,原作「心」,據四庫本改。

❷「學者」,原作「無學」,據四庫本改。

二六

或 學,只就 凍 之 而 風 知 這 俗 天 下 句 人 而 之寒 最 身 能 E 有 知 善善 看 意 其 觀 所 関 或 自 其 子 者 來, 他 馬 如 人 是 大 此 見 猶 原 人 察 伯 占 瓶 不 水 得 之 説

見 看 若看 或 非 者 風 所 觀 俗 謂 事 古 如 旁 今之變, 止 関 通 見 子 倫 得 馬 類 一事 時 之學。 可 俗 也 看 之遷, 人 須 當 亦 止 緣 當 見 如 人 得 此

以 者 害 健 古 以 常 之 道 爲 無 則 衰 相 亡矣,下安得 學 學 微 知 己 如 子 言 携 不 者 而 處 以 所 持 可 爲 已 無學不 自 以 己, 大抵 不 纔計 言 强 若 學,若 今之 不 日 君子 害 則 息, 校 一荷 不陵,上安得 荷 計 學 利 則 之學,本 而 而 害 亦 校 者 荷 可 利 可 爲 人 而 便是 害 人。 道 可 或 之心 非 也。 大 爲 至 爲 不替哉 是 此 抵 於息, 生 己 計 須 學 天 之 則 所 校 問 天 學 則 與 行 以 利 所 口

> 際 傳 戰 孔 春 任 是 絶 乃 道 流 雖 相 左氏 之 甘甘 皆 子言 秋 接 數 大 ,傳於孔子。 之文、武、文、武 道 或 之 之 相 時 統 蓋 正 > 大 閒 使 年 堯 如 統 接 所 何 傳 他 傅 全 載 變至 以 閒 此 不 班 自 説 之 正 無 當 能 全 斷 亦 班 堯 舜 備 統 時 學 未 於道」者 蓋 如 亦 舜 所 箇 也 人 問 數 嘗 舜 周 口 之 傳 以 若 聖 正 之 淵 閒 見 傳 其 後 亦 後 之 統 其 時 人 源 斷 之 他 班 周 來 得 相 閒 孔 蓋 有 漸 禹 亦 班 公,至 相 此 源 子 傳 其 関 源 染 如 自 口 繼 道 禹 以 流 子 流 商 浸 則 相 見 傳之 亦 之 前 馬 亦 之 於 之 漬 関 承 有 IE 不 自 春秋 時 惟 子 皆 接 當 如 湯, 所 統 相 有 馬 此 而 春 其 源 因 湯 流 源 遲 古 不 此 秋 在

左氏傳說卷第十三

後學成德校訂

左 氏 傳說卷第 四

説

故太子建居于城父。

東 萊 吕 祖 謙 伯 恭

昭

公

費 説 子 無 十九年 以 極 通 言 北 於 楚 方 王 子 收 若 大 南 方 城 是 城 得 父 天 而 真 下 太 王

焉 僻 又言於楚子 口 室 陋 以 矣。」 費 故 通 無 弗 北 王 極 方 能 日 欲 爲 與 : 滅 之 王 晉 争。 聘 太 收 子 之霸 南 於 若 建, 方, 秦 大 也 王 王 先 是 城 言 邇 得 城 卒 於諸 諸 天下 取 父 王 而 之。 夏 日 也 寘 : 太 其 而 子 後 楚 建

利

誘

楚

平

王,

是

先

要閒

疎

他

父子。

其

説

同

其

術

又

同

蓋

驪

姬

賂

嬖五

先

以

開

拓

土

地

、威

民

懼戎之説

誘

獻

公,故獻

公

使

城

曲

計 也 真 出 節 公。 主 無 闘 乎?」其言 日 太 浦 主 不不 於 嬖五 ,狄之廣 而 子 先是 則 費 與 大抵 曲 可 同 焉 屈 啓戎心。 使 謀。 無 以 沃, 出 閒 ,足以 小人 極 是 莫,於晉 威 無 於 疎 君 驪 虢 五. 民、 得 主 亦 情 其 太 之 姬 耦 天下」, 威民懼 轍 懼 狀 父 使太子主 子 宗 欲 宗 譖 機 子 戎 爲 建 譖 也 邑 太 驪 械 都,晉之啓土,不 亦 ; 太 廣 亦 使 無 子 戎,且旌 姬 蒲 言 子 主 雖 是 出 土 申 賂 曲 與 闢 則 逾 於 以 生 若 其 外 沃 外 廣 民 百 大 嬖 初 君 地 與 屈 年, 重 不 土 梁 城 然 之 伐。 説 費 耳 威 君 若合 獻 闢 城 利 五. 後 無 之 使 誘 亦 夷 疆 公 與 父 施 地 極 之 宜 疆 亦 東 符 而 其 獻 俱 吾 埸 口

城 收 沃 械 陷 父。 南 而 穽 方、 太 以 冒 得 子 出 此 天 出 知 下 居 轍 小 ·之説 之。 若 人 之 合 誘 費 符 術 平 無 節 雖 王 極 然 曠 今 故 百 亦 太子 數 以 年 通 建 北 其 出 方 機 居

惟 昏 閒 被 看 戕 他 盡 向 無 不 善 賊 外 後 ? 他 裹 所 爲 人 此 物 其 然後 來 求 然 處 去 面 蓋 謂 抵 流 被 引 心 其 天 凡 良 方 人之心 都 小 父子之道 其 讒 而 性 放 事 知 心 人以 消 内 忘反 閒 皆 亦 心 或 小 盡 心 之計 有 而 未 然 至 人 開 向 已矣 内 骨 故 盡 於 他 拓 外 外。 天 如 口 泯 戕 髓 其 外 土 去 性 行 孟 父 滅 賊 心 地 T 天 也 也。 子 子 夫 日 到 之説 此 如 屬 熾 所 自 降 所 泯 雖 學者不 夫 何 之 内 謂 衷 謂 爲 滅 獻 贵 遽 愛 引 秉 虎 内 地 公、 心 學 獨 然 誘 看 位 彝 狼 内 心 日 問 父 小 便 平 他 消 心 間 學 皆 之 子 何 人 更 内 王 也 之 之 嘗 須 相 使 得 道 是 心

不

口

不

闘

防

也

楚 人 民 滅 今 城 州 亦 來 州 如 來 子 之十 旗 沈 請 尹 九年 伐 戌 之 日 王 楚 人 日 吾 必 敗 未 昔 撫 吾 吴

兵。」 學 許 吴, 當 後 初 州 民 以 也 之 時 者 時 子 來 0 興 五 平 旗 到 平 觀 平 實 年 兩 兵 以 即 \pm 之請 得 王 者 此 王 動 挑 位 城 不 初 即 平 皆 與 衆 吴 尚 許 須 州 即 王 左 位 是 未 新 而 知 與 來 位 右 Ŧi. 所 與吴校,前之不 取 平 何 日 吴 民 年 自 謂 其 之。 王 : 沈 争 情 之 謂 息 意 時 徒 尹 後 州 未 息 吾 民 謂 吴 自 有 戌 安, 民 來 者 未 息 滅 形 却 息 乃 五 . 止 而 撫 民 或 舉 州 洂 民 知 年 遂 吾 五. 勢 來 兵 H 免 之 楚 伐 城 年 民 未 論 動 叮 用 名 子 是 人 强 之, 衆 以 未 兵 然 而 心 旗 也 用 之 其 亦 後 平 可 請 無 敗 遂 兵。 役 息 是 ? 其 王 城 伐 不 用 口

筭 爲 作 所 内 是 修 本 王 給 他 此 王 民 苑 當 謂 錯 其 内 心 息 人 件 雖 也 亦 衣 民 息 認 所 作 勞 不 時 有 年 H 而 何 其 服 役 此 池 勞 民 以 既 1 許 駭 以 嘗 實 從 最 沼 者 息 有 民 終 多 息 勞 息 後 内 給 民 不 甚 於 於 當 宫 民 徒 其 世 民 如 民 之 可 之 吴 於 外 時 當 室, 於 知 害 晉 爲 女妓 於 Τ. 不 名 人 用 而 時 外 息之 言 悼 内 反 臣 沈 役 土 兵 而 郢 實 ? 過 公之施 之 尹 而 並 木 然 不 勞於 駕 而 便以 於 緩 於 戍言 事 興 究 之工 方 器 至 前 用 於 外 君 可 息 用 内 於 楚 其 兵 爲 舍己 用 而 「今宮室 謂 民 不 反 敗 或 作 不 息 兵 有 如 之實 如 之 作 過 能 責 宫 者 民 以 何 息 天寶之末 只只 於 器 T 室 年 與 勞 衣 便 民 之争 用 無 之 却 或 服 緣 認 用 古 非 一榭 量 平 其 從 不 之 平

> 王信之二十年 聖無極言建與伍奢將以方城之外叛

貮 使 段 所 之, 揚 奢 輔 城 日 : 「 王 王 之外 使城 伍 命 於 遣 執 見 亦 奉初 臣 爾 之。 伍 費 使 一奢對 得 無及 將 父 耳 奢 王 日 叛 無 而 當 以 三月, 以 : 人執己以至 極 日 失命 時 已。」 誰 使 害 日 自 還,不 言 事 楚 告 城 : 楚, 以 於 建 太子 建 父司 平王信 歸 王 君一 爲 召 楚 其 也 忍 如 曰 猶 而 子 事 ? 對 事 後 建 馬 從 過多矣。 宋 不 集 日 王曰: 余。」 讒 命 奔 奮 政 : 來 愐 矣。」王 鄭 宋 揚 喜佞,至 如 日 · 是 敢 故 建 臣 殺 也 他 : 來 遣 言出 與 0 再 不 太子 何信 王 一信之。 日 之。 伍 臣 佞 齊 奸 召 何 於 告之。 奢 ,未至 於余 奮 也 也 於 觀 不 晉 既 將 揚, 讒 能 問 箇 此 逃 又 而 以 ? 世 無 對 荷 君 而 伍 悔

揚 易 導 爲 此 不 始 悟 初 歸 信 亦 王 看 王 口 子 命 事 怒 雖 不 讒 謂 之 X 所 可 以 之使亡 亦 至 所 移 雖 事 謂 終 信 奪 還 昏 臣 重 蹈 慨 於 被 怒 善 移 易 闇 雖 息 平 讒 其 事 爲 鼎 太 然 揚 逐 不 惡 空 禄 建 之至。 王 不 鑊 子 讒 使 便 聞 以 太 忍 不 學 前 開 口 位 如 一身歸 之 歸 不 人 子 Œ 正 同 後 者 此 0 事 明 禍 奮 所 言 言 罪 心 極 既 看 命, 以 然 0 從 余 揚 是 報 摇 法語 法 揚 論 此 被 蓋 無 此 政 縱 而 却 0 中 故 臣 精 語 不 無 遂 所主 平 使 如 太 陳 以 遣 無 若 不 微 感 極 逐 王 段 其 子 奮 他 常 可 之。 精 所 佞 動 以 太 中 箇 事 皆 揚 心 日 使 謂 理 主 , 微 讒 子 也 觀 執 平 中 無 便 0 不 之 論 便 IE 既 佞 論 開 義 亡 所 之, 不 能 Ė 無 霽 太 之, 或 後 陳 之説 之, 主 特 明, 苟 子 開 所 威 本 來 日 IE 似 以 平 主 不 貳 建 息 不 明 傾 : 怒 義 所 易 乎 空 何 王 怒。 平 奮 移 爲 感 奉 君 身 方 揚 須

> 齊 齊 豹 氏 不 之 與 北 聞 宰 宫 謀 喜 渠 殺 褚 子 渠 師 召 子 圃 北 滅 作 宫 齊 亂 子 氏 公遂 北 而 宫 公 出 氏 人同 之 + 宰 年 上

之兆 北 諸 平 以 逐 出 出 此 衰 也 衰 宫 得 靈 於 侯 王 0 所 也 也 氏 公 謂 自 觀 大 失 失 歸 至 則 天 之宰 于 魯 政 自 政 當 衛 自 夫 陪 乃 下 外 諸 諸 昭 諸 靈 時 臣 齊 有 大 諸 木 公之世 侯出 公 侯 齊 出 氏 夫 當 道 侯 侯 與其謀, 出 出 0 豹 之家 則 交争 時 主 皆 也 奔 觀 率 盟 禮 逐 又 不 大 春 臣 大夫 樂 君 會之權 其 能 至 五. 段,則 乃 夫 秋 渠 是 衰 征 於雞 制 霸 殺 時 北 失 子 大 伐 也 迭 宫 渠 召 夫 政 自 自 所 見 自 澤、 興 而 所 子 喜 北 天 大 謂 到 得 口 之 子 宫子 夫 **溴梁之會** 主 自 自 見得 滅齊氏 謂 時 得 徒 盟 出 出 陪 靈 自 大 政 作 諸 同 夫 公所 臣 \$ 陪 又 及 亂 夏 加 出 出 盡 其 自 其

之兆 北 北 亂 亂 之 公人 大 自 在 宫 宫 者 陪 不 抵 陽 家 學 宰 宰 暇 0 虎 看 時 臣 乃 臣 者 Ż 始 當 者 Mi 論 在 雖 事 考 惟 齊 時 皆 看 殊 語 不 數 書 陽 隱 氏 此 北 北 ×, 與 不 + 當 之 虎 宫 宫 陽 見 知 年 如 之 亂 段 而 宰 子 虎 陽 陽 之 此 是 大權 爲 之 之 大 便 虎 虎 前 考。 責 力 家 事 夫 見 是 專 已 已 臣 都 顯 後 政 得 不 有 在 論 能 所 政 不 來 所 北 以 陪 制 曾 事 平 事 不 宫 謂 以 臣 勢 仔 其 在 俯 學 宰 陪 陪 1 細 亂 大 大 者 首 矣 0 臣 臣 考 夫 多 後 夫 其 聽 專 車 究 捨 蓋 政 爲 平 政 全 命

齊 景 百 也 公 焉 得 唯 爲 據 和 與 我 和 年 夫 對 據 亦

知 尊 信 晏 子 晏 子 立 於 言 齊 無 景 不 公之 聽 朝 景 當 公 疾 時 景 梁 丘 非 據 不

齊 子 儛 ^ 賜 閒 便 景 不 異 侯 民 丘 兩 有 淫 裔 孟 之言 據 件 終 出 能 公亦 稱 痛 泆 款 有 司 而 子 且 ,終其 晏子 事 不 舍於 梁 害 薄 之 欲 》所 征 却 斥 敬 振 景 從 所 誅 晏 斂 丘 斂 不 據 郊 引 載 愛 據 事 己 致 祝 他 子 公 身 無 以 知 之 先 其言 E 與 責 史 景 無 興 而 諂 罪 度 其 至 正 王 聽 我 以 此 公問 不 發 不 於 其 非 不 大 諛 省 宫 而 信 和 謝 可 聽 能 補 勢 大 衰 不 在 受之, 耕 室 晏子 是 諸 從 晏 見 晏子 去 不 者 尊 綱 祝 元 省 日 所 侯 子 足。 尊 ; 信 史」。 不 然 斂 更 之言 謂 强 何 不 信 又 曾 晏 不 吾 以 之 故 晏 大 觀 百 以 無 力 之 過 子 轉 晏子 制 欲 子 ? 景 如 此 道 爲 베 實 辨 使 之言 對 觀 公 諫 若 陳 忤 非 時 蓋 處 和 諂 民 輔 之。 於 悟 氏 事 以 此 所 景 陰 諛 閒 景 與 轉 而 謂 授 受 公 景 遂 公 有 則 又 口 如 神 暴 如 附 據 和 梁 其 雖 晏 公 如 齊 怒 而 朝 命 虐 亦

149

 \equiv

左氏傳説

益 人 權 之 而 也 根 不 能 本 除 雖 以 有 是 知 爲 事 或 È 者 從 既 賢 未能 者 之言 絶 去 小 無

宋 宋 華 華 亥定 亥 自 自 人 于 宋 南 南 里 里 出 以 叛二十 奔 楚二十二年 年

此言 宋。 良 貙 僚 亂 劍 貙之臣 子 將 而 華 公故 納亡 費 訊之,宜 已 當 宋 貙 張 是 死 元 遂 時 在 召 亡 匄 人,元公 公不能 華 有 而 聞 宜 有 而 子 僚 又爲 向 僚 多 逐 命 三人, 盡 之 飲 貙 僚 撫公族 吾 則 以 多 族 之 與 日 告。 與 僚 不 酒 皆 華 華 貙 出 可 大 出 貙 登 使告 匄 議 Ľ 司 以 臣 已 奔 相 欲 馬 逃 再 使 惡 亡 殺 遂 司 以 獨 死 亡 貙 多 馬 吾 乃 有 之言 尚 華 之。」元 承 僚 故 逐 滅 華、 費 有 宜 諸 華 華 貙 轉 遂 僚 向 移 公 其 多 在 以 則

> 與 行 也 貙 則 0 殺 司 遇 多 貙之此言 馬 多 僚 老矣, 僚 劫 御 司 司 登 亦 馬 之謂 馬 是 以 而 叛 朝 既 甚 而 吾 而 匄 召 貙 亡 不 又 將 人。 勝 重 見 其 之, 司 怒 馬 不 遂 而 如

心,不 是 存 即 發 禍 心 雖 是 如 多 僚 之 不 雖 此 良 觀 哉 惟 及 罪 之, 與 元 心 以 移 奪 往 其 所 華 公之 貙 所 此 此 大 於 臨 於 然 往 以 氏 兄 在 段 抵 張 時 事 多 既 華 終 罪 與 弟 論 也 未 欲 匄 移 氏 僚 X 出 公分 世 之,大抵 奪,多 驗 遇 爲 而 於 奔 之 逃 華 華 多 而 事 人 族 而 死 不 或 氏 之良 僚之 更 向 物 復 之言 善 不 而 之族 兄 之 相 所 人 能 守, 弟 際 初 亂 戕 移 心 爲 使 ; 保 亦 亦 害 奪 心 翟 華 蜀[固 元 則 須 此 不 自 之 僂 貙 公 宋 元 故 於 能 而 心 幾 發 不 新 能 能 公 亦 又 初 其 無 亡 相 居 保 保 遇 不 安 故 未 心 初 罪 宋 親 于 其 能 有 其 其 嘗 之 心 其 也 或 睦 君 新 之 撫 發 此 初 初 初 不

就 猜 以 己 里 妵 亦 桀 宋 後 嫌 居 如 既 公之 信 之。 品 便 戰 全 品 有 脱脱 無 見 地 夫 小 此 得 此 或 而 甲 僂 事 風 此 尚 反 於 新 俗 時 助 公 有 居 淳 華 此 而 華 古 古 風 氏 歸。 氏 者 之 戰 之 則 兵 風 華 地 伊 交 俗 當 妵 尹 而 居 尚 時 使 反 Ŧi. 于公里, 彼 在 就 在 助 此 湯 其 公 皆 春 五五 戦 閒 秋 無

推 伍 處 子 乘 矢 死 車 速 軍 以 與與 ,七十二人 而 車三人已 則 推 諸 死 及赭 上之,萬 公子 臨 之大刑 此 。 乃 敵 亦 城 丘 城 之 可 射 欲 死 之戰,干犫、 爲 相 也 際 見 之 赦 其二人矣, 千 乘 0 遇 \equiv 殪。 而 干 一城射 伍 鳥 代 五. 用 得 刑 白 伍 此 死 之, 而 有 人 乘 其 豹 華 從 犫 魚 之 而 之 段 伍 殪 豹 子 則 潰 干 軍 制 見 乘 又射 日 張 鳥 犫 莫 矣 得 君 死 散 不 方 匄 軍 焉 其 匄 之 皆 且 同 不 Ŧi. 法 用 殪 乘 爲 患 死 請 精 之? 相 爲 爲 則 密 伍 是

> 戰 乘 蓋 遇 死 不 起 者 之 廢 春 面 法 殺 秋以前 几 亦 是 + 人 既 不 伍 萬 不 廢 至 乘 之戦 可 殺 臨 乃 勝 人 戰 軍 殺 使 計 如 之際 法 當 者 此 人之少, 之 之 時 0 根 多 伍 如 本 也 乘 台 各 也 只 之 起 有 緣 法 長 心 至 伍 尚 平 故 後 乘 之 存 之 有 世 雏 戦 法 伍

左氏傳說卷第十四

後學成德校訂

■「娃」,原作「姓」,據四庫本改。下「妵」字同

傳 説

左氏 傳說卷第 五五

品 祖 伯

昭 公

魯 人 叔 侵 孫婼二十三 邾 邾 人 愬 于 晉 晉 人來討 執

欲 辭 以 曲 行 以 寡 人 直 君 叔 叔 魯 不 之 婼 人 孫 孫 果 侵邾 則 與之, 命 婼 坐。 介 日 子 : 初 邾 其 叔 服 時 列 後 孫 П 或 晉 愬 韓 聞 當 之 宣子 于 使 之, 之。 卿 婼 使 則 當 與 既 邾 晉人來討 去 小 邾 歷 或 衆 大 舉 聚 之君 與 夫坐 周 其 兵 制 而 請 論 執 爲

父 氏 季 臣 能 能 歸 所 及 來 孫 處 悉 至 孫 而 朝 詔 死] 范 矣 處 此 曲 所 以 則 叔 與 生 觀 卒 之 獻 其子 者 孫 觀 折 宣 世 世 可 館 蓋 艱 叔 免 兩 子 子 又 此 昭 掌 則 件 職 取 魯 者 禁之, 兄韶 孫 於難 欲 危之際, 悟 便見 冠 元 四 有 者必 件 之季 也 雖 年, 處 求 士 而 所 方 皆當 貨 艱 自 不 彌 叔 之 學者 使 叔 有 其弟 世 而 日 難 於 當 與 牟 孫 事 家學。 孫 如 他 魯 必 故 之言 險 叔 貨 氏 豹 季 於 此 不 究 亦 葺 能 阻 孫 凡 氏 無 世 日 叔 得行 以 到 其 免 之 其 魯 不 掌 世 不 當 身 孫 使 大國 得 弗 源 辱 際 之 牆 專 或 專 貨。 時 之 以 叔 衛 申 與 流 君 屋 講 出 掌 中 事 措 魯 社 請 出 一之討 命 使 論 之 置 惟 乃 此 冠 季 去之 蓋 以 但 家, 事 其 館 此 經 爲 職 處 無 古 貨 其 知 叔 一事 諸 名 畫 如 如 及 之 如 平. 非 孫 有 叔 叔 所 叔 箕 其 自 孫 出 大 以 孫 纖 始 叔 叔

則當時纖悉曲折無不知之。

禁 囊 郢 瓦 二十三年 爲 \$ 尹 城 郢 沈 尹 戌 H 子 常 必

年 常 畏 外 邦 時 囊 遠 謂 郢 瓦 慮 論 卒 避 于 建 能 逼 必 能 未 城 强 之 承 楚 退 遺言 囊 爲 郢 囊 郢 危 乃 守 吴 1: 之 子 預 瓦 之 祖 便 **\$** 孫 囊 爲 則 備 爲 到 議 之 謂 指 必 也 之計 既 自 其 令尹 得 志 時 以 城 苟 古 有 城 囊 爲 而 當 郢 Ē 遺 之 郢 不 瓦 此 終 危 城 時 是 言 能 地 爲 君 其 蓋 正 亡 子 郢 楚 衛 子 令尹 是 之證 業 今囊 囊 自 不 或 謂 郢 制 能 城 沈 爲 之勢 何 時 子 之 與 治 瓦 令尹 無 尹 故 囊 外 果 戍言 内 于 益 X 尊 當 蓋 校 有 未 城 也 有 安 當 襄 時 亂 之, 弱 日 閑 不 深 以 + 要 時 勢, 子 暇 保 得 暇 識 城 Ŧi. 子 口

> 時 安 及 意 論 夏 有 之 内 城 事 也 者 陵 時 迹 故 以 郢 城 百 不 范 其 城 郢 而 可 文 非 郢 雖 心 正 示 乃 危 同 甚 弱 公 亡 所 異 事 建 諍 之 以 者 勢 築都 之, 證 見 大異。 不 其 亦 城 可 有 正 沈 之 備 不 議 如 尹 察 下之事 戌 當 當 也 宗 城 畏 時 朝 郢 當 縮 斷 之 之 尊 古 西 或

晉士彌牟逆叔孫于箕二十四年

彌 止 此 前 叔 牟 0 孫 : 知 不 前 疑 晉 來 血 口 余 日 其 士 殺 氣 少 左 把 奮 屈 彌 己 來 顧 持 然 牟 之 殺 而 反 終 而 氣 逆 己 欬 與 是 前 叔 家 至 乃 有 乃 孫 雖 臣 此 衰 使 殺 于 死 謀 盡 時 梁 之。 不 箕 欲 消 其 屈 雖 殺 索 踁 將 右 能 之。 不 到 待 禮 顧 勉 見 得 于 而 而 强 前 T 此 笑 門 歸 於 恐 H 前 内 以 1 乃

終 不 氣 保 則 其 移 終 易 不 於 口 後 得 惟 是 集 義 而 生 至 於 浩

昭 子 逐 之九 如 宋 月戊 逆女公若 戌伐季氏 間謂 曹氏 勿 Ŧi. 與 魯 將

先 欲 魯 終不 去 權 1 百 者 己 天下 餘 百 能 之 年 餘 魯 成 昭 事 之 年 事 强 公欲 固 魯之失政 家 有 巨 去 未 季 室 爲 氏 之 非 已 其 當 前 几 謀 時 而 Ŧi. 之 成 季 世 審 氏 敗 重 大 可 車 周 抵 以 秉

昭 平 是 必 已 公逐 時 子 逐 口 季 昭 觀 使 逆 季 公已 氏 昭 知 昭 使 子 氏之謀 其 子 爲 有 逆 無 宋 季平子逆女於宋,季公若從, 逐 女,公若 成 勿 季 雖 與 氏 觀 未發,而 女, 之謀 宋 於 日 欲 聘 以 雖 魯 女之 季 女 其 氏 將 妻 謀 之徒 際 逐 季 未 之。」 已 一發,然 平 己 知 洩 是 其

> 之强 不 於 不 可 審 外 知 ? 不 家 或 共 密 其 巨 族 凡 可 深謀 昭 出 知 其 公 師 固 謀 欲 夫 鄰 慮 未 逐 謀 或 爲 發, 震 既 與 備 主 聞 先 夫 必 之 於 使 除 權 外 異 權 臣 或 或 臣 與 聞 平子 百 餘 其 不 年

<u>-</u>: 其 謀 病 無 而 故,不 安 無 未 能 其一日「疎 謀 爲 發 看 能 公若 而 惟 而 成 泄 君 其 事 此一 於 之謀 謀 ? 外 其 不 段, 觀 或 密 不 昭 密 凡 二曰「易」。 其 則 公 當: 與 疎 其 逐 昭公謀 時 可 易 季 之臣 知 可 氏 知 本 欲 者 逆 亦 末 其 逐 皆 料 有 季 病有 考 此 平 輕 氏 子 論 淺

氏 成 斷 氏 此 有 本 沉 怨,又 末 大抵 事 幾 其 先 欲 蓋 與 謀 物 去 始 臧 却 終不 百 者 昭 不 年 季 出 伯 能 之 氏 於 有 成 强 與 怨,季 昭 大 室 公若 事 非 氏 都 有 其 與下 觀 是 怨, 君 群 昭 剛 又 臣 公 面 與 明 臣 凑 逐 有 季 郈 果

後 殺 深 E 氏 髮。 言 當 謀 月 出 出 論 右 欲 昭 日 他 之 之 時 於 好 而 則 此 故 爲 人 文 門 當 聘 際 興 不 歸 其 公既 是 皆 而 過 迹 大 能 謀 時 戎 君之心 女於宋, 咎 逐 謀 欲 不 初 季 之 欲 既 登 夫。 他 季 於 自 逐 惟 出 昭 如 地 氏 深 逐 其 却 昭 氏 季 甲 無 公 猶 何 季 做 數 臺 當 陽 發 公。 爲 却 胄 鄰 謀 氏。 憚 不 氏 未 月 時 爲 源 備 足 出 深 起 或 重 言 季 覺 不 如 先 群 不 處 見 既 於 昭 戎 ? 已 籬 氏 其 見。 此 敢 引 小 公始 下 季 知 之 障 投 備 安 出 昭 舉 拒 挾 此 0 氏 面 1 强 機 大 能 於 君 公人 如 如 見 私 之 嬖 雖 觀 何 之狀 之 凡 何 口 此 成 季 不 怨 倖 爲 故 不 看 公之 會 惟 來 不 事 大 氏 從 之 信 備 公 他 而 却 ? 事 素 人 機 僚 醖 能 遂 間 雖 所 見 停 相 而 起 謀 不 以 待 祖 與 觀 與 終 得 X 不 釀 本 容 見 其 之 季 數 之 議 其 爲 有 季 其 左 從 不

> 獨 救 於 能 不 他 外 失 用 子 家 此 而 羈 當 備 昭 深 時 於 公之 謀 從 内 遠 昭 者有 所 慮 公 以 與 素矣。 亡 有 謀 臣 或 之 如 臣 季 後 子 皆 氏 來 家 輕 之 叔 羈 淺 勢 者 孫 寡 所 乃 以 不 來

言 倖 耳 用 退 得 禄 不 時 之,其 不 不 用 事 去公室、 其言 學者 昭 成 可 至 而 公 ? 初 爲 拒 逐 拳 既 遂 公 須 之深 政 於 公 拳 無 至 如 看 蓋 季 在 是 之忠常 定 聞 晉 子 氏。 矣。 當 大 時 志 於 家 女 夫 時 不 諸 羈 子 自 下 叔 爲 與 獨 不 侯。 忠 常 公共 家 齊 念 面 Ė. 不 愛 言 人處 初 又 從 子 懇 謀 言 無 子 使 但 家 有 切 之,使子 之臣 誠 家 昭 以 讒 不 子 心 之 似 私 公 以 臣 家 早 諫 非 怨 昭 羈 何 以 如 嘗 家 相 君 從 公 春 何 不 m 忠 報 以 僥 他 能 做 秋 反

● 「備」,原作「謀」,據四庫本改。

誠 不 篤 則 以 爲 我 己 曾 諫 君 君 不 聽 我 去

之可也。然子家方且曰:「臣與聞命,言若

洩,臣不獲死。」到後來猶入身荆棘之中,周

旋 其 間 昭 公 雖 不 從 亦 要 分 數 救 他 此 尤

見 其 應 戀 精 密 尚 冀 公 之 聽 其言 而 消 其 禍

患也。此事第一着不能聽子家之言。

午。青月六年,青二六年,青年三六年,召及季氏登臺請命,傲然以爲得志而弗

羈 公與 許 又 言 請 群 臣 人 於 之心 不 公日 許 自 請 以 亡 君 爲 不 其 唾 許 許 手 請 之, 可 取 待 政 季 罪 自 氏 不 之 出 子 家 久 昭

謀 矣。」公又不 不 ·知季 氏 聽 登臺之請 此 又 見 豊 公與 其誠 群 心? 臣 皆 猶 輕 設 淺 檻 寡

不 穽 以 知 待 季 公,使 氏 自 有 過 深 在公而 謀 獨 子家識 不在 己。 其 女妓 當 時 使 公 之 一當 臣

深。 時 能 此 從 第 子 家 着 之言 不 能 聽 則 子 君 家之言 臣 之 間 其 患

猶

未

及叔孫氏之臣司馬鬷戾救季氏,伐公

着 言 公 罪 去 徒 不 其 不能 敢 又 以 於 果 或 成 不 出 此 敗 聽子家之言 篡 聽 君 次于 苟 弑 子家 止 能 之事 蓋 陽 聽 子 州 意 又 其 、公上二着 家 日 如 言 取 慮 之 笑於諸侯。 季 事 事 諸 氏 精 君 臣 當 雖 也 僞 既 專 劫 能 不 權 君 此 不 料 敢 者 不 能 是 季 不 第 聽 氏 到 改 베 其 輕 終 負

得 侯 爲 早 其 請 無信 盟 之晉 以 輕 致 爲 淺 \equiv 主 千 諫 辭 口 而 社 尚 安 昭 知 不 可 公一 從,猶 此 於 ! 公全不 號 是 齊,終不能 子家 令諸 聞 第 未 之 四 能 又言: 己。 侯 着 而 處 示 而 喜 事 求援 及 從子家之言 納 便 公 天禄 公。 晉 孫 有 於晉,而 雖 安 于 公 不 齊 衰 齊 在 不 齊 知 侯 齊 猶 亦 如

須子 之 忠 細 夫 愈 以 看他本末, 不 子 自 家 已 之於 事 便見子家之用 無 昭 不 公, 諫 言 慮 屢 無 不 不 心 聽 處 而 學 拳

宋 樂 何 大 使 心 客 言 十五 我 不 輸 年 粟 我 於 周 爲 客 若

得 不會? 當 乃 馬得 之何 大 晉, 不 例 心 辟 時 可 不 會? 乎? 之? 晉 故 辟 使客?」晉士 不 可 典 敢 乎?」右 頃 樂大心曰:「 而 士伯責之曰:「自 對 我 以 公 引 子奉君 何 而 折 一會諸 受牒 不 子奉 盟之 何 他 宋 輸 師 盟 許 栗, 侯 伯曰: 而 君 命 不 不 之不 多 我 可 以 輸 敢 命 退。 · 同 ? 從 我 謂 會大事 粟 對 不輸粟,我 以會大 · 同 ? 於 來 自 以 有 受牒 於 踐 舊 周 此 周 專對之才。 日 土 踐 例 爲 晉 事 同 宋樂 日 以 土 而 而 客, 一一 士 以 同 恤 於周 宋背 以 來,宋何 退。 伯 責 \pm 宋背 恤 來 如 大 能 室,子 樂 宋何 盟 此 王室,子 爲客,若 之 心 大 舉 無 盟 綱 何 獨 役 許 心。 段, 乃 焉 之 役 使 無 拒 多

> 樂大 用 心 則 今 土 睦 必是我德澤不及先公,信義 之不會? 大 如 《左傳》 忽然如 此 得 以 此 不 文公之霸業 使得 自反 心 來,宋 前 如 小 _, 止 是 先公, 了。 小了,此晉所 此 其 如 此 能 而 何 恭 此 何 益 服 我 何 役 士卒訓 命,今爲 故 可 然 盟 大 非 贵 之不 此 用 復。 細 心 可 之不同? 得 而 不自 會? 整 以終於不 惜 説 事 小 跋 己 不如 了? 自 爲 乎 扈。 反 所 踐 晉 不如先公,群 土 ? 而 用 先公,宋 今 土 人惜 台 伯 何 霸 他 小。 使 於 以 人 引 盟 引 也 其 此 來,宋 反 將 之不 惜 晉 舊 能 不 思 所 來 乎 事 X 出 如 以 自 臣 同 晉 何 如 以 此 大 ? 敢 輯 踐 役 能 責

晉 趙 鐵 以 鞅 鑄 荀 刑 寅 鼎 帥 師 城 九 汝 年 濵 遂 賦 鼓

晉趙鞅、荀寅帥師城汝濵,遂賦晉國一

兀

0

芽 侯 與 當 先 之 法 故 用 在 所 以 法 氏 鼓 到 論 端 有 能 惡 謂 之, 鑄 先 度 鐵 戰 王 度 孟 是 載 其 時 尊 或 之 刑 子 王 兆 度 當 必 看 仲 志 以 以 之 皆 時 其 書 害 法 之 也 可 春 晉 尼 時 經 鑄 王 起 貴 法 不 時 己 作 長 文 秋 之言 諸 者 不 緯 刑 於 可 而 以《 之 貴 久。 公之時 之事 丘 敢 過 其 鼎 或 春 如 皆 末 賦 是 左 藏 已 民 去 魯 秋 到 去 著 緣 ; 以 其 氏 之 自 之 夫 所 時 孟 如 其 卿 范 用 春 能 > 作 籍 書 不 晉 唐 謂 子 晉 此 大 籍 所 宣 守 秋 使 或 府 用 丘 時 之 叔 周 載 法 0 夫 子 諸 其 大 甲 諸 先 而 所 室 將 鑄 時 仲 以 度 所 班 業 侯 抵 己 王 受 守 侯 法 刑 用 尼 序 雖 國 尚 爲 爵 先 常 之 法 唐 度 鼎 之言 田 貴 守 不 可 刑 自 禄 守周 王 所 法 度 叔之 尚 賦 之, 口 去 賤 爲 書 之 法 以 舉 本 在 考 制 維 不 政 末 度 其 所 室 民 所 =如 而 ^ 之, 持 愆 謂 不 之 諸 都 是 受 本 事 左 萌 何 漸 鄭

> 康 所 緣 到 到 亦 剪 諸 衰 叔 之法,文公雖 末 问 有 在 畏,必 + 既 滅 老 這 分 老 在 侯 具 向 見 由 成 成 0 付 各 數 以 在 詒 裹 得 他 老 先 先 年 爲 看仲 諸 守 不 方 書 成 國 不 之 爾 進 侯 不 非 進 始 以 先 鑄 可 敢 都 後 尼 然, 典 特 責 敢 進 刑 求 雖 得 鑄 必 言 盡 普 皆 先 之。 變。 書 必 數 刑 近 以 而 不 王 所 舉 鑄 功 文公作 百 變。 鼎 承 到 尚 當 之 叔 以 晉 年 刑 天 使 做 H. 要 其 做 向 意 或 尚 以 鼎 休 然 叔 詒 壞 速 鄭 亂 在 之人 執 未 而 此 蹈 向 書 晉 法 效, 鑄 法 秩 嘗 當 在 1 知 以 而 度 或 鄭 度 刑 之官 亦 變, 亦 時 爲 法 責 何 之 之 唐 事 事 書 之 以 文、 或 未 之, 緣 望 叔 無 覆 時 家 爲 之 能 至 晉 武 之 爲 緣 則 使 轍 者 時 全 不 此 所 想 被 法 晉 所 叔 次 謂 叔 廬 度 以 有 須 IE. 向

左氏傳說卷第十五

後學成德校訂

左氏傳説卷第十六

東菜吕祖謙伯恭

公

昭

齊侯欲納昭公命無受魯貨二十六年

信 氣 之 能 是 根 轉 乘 然 移 然 齊 他 而 小人 伐 後 侯 病 病 魯之謀 來 欲 根 處 之根 季 納 却 人 氏 昭 在 來。 正 正 之家 公, 梁 以 如 當 丘 此 命 臣 人 齊 據 知 無 申 之有 君 上。 或 受 豐 下 家 魯 以 病 魯 **\$** 不 貨 貨 根 之家 於 可 如 此 或 存 外 齊, 臣 邪 小 命 非 雖 客 終 古 不

> 他 以 品 就 激 尊 據 忠 雖 則 指 立 之毫髮不 在 然然亦 之意 信 千 施 之小 他 處 立 才 其 不 他 調 處。 里之外 情 脚 然 晏子」, 正 小 護 思 狀 忠, 色 不識 惠 便 晏子 差。 得 0 都 立 以 晏子 是 晏 晏 慢 淺 晏 朝 至 他 亦 轉 唐 子 子 T 而 子 國 與 能 大 何 移 時 介然 無 不 固 論 之介, 之正 之 兹 逆 當肯 得 柳 之, 不 不 所 作 知 過 子 晏子 自 兩立 肯 人 在 齊 賛 時 古 厚 亦 守 附 受 侯 時 如 論 ·, 梁 雖 自 亦 處 一之意 他 他 病 他 此, 規 梁 不 梁 被 ? 根 便 當 丘 然 正 丘 丘 知 他 深 所 所 是 據 時 他 他 與 晏 據 據 移 而 在 晏 言 以 於 古 他 雖 欲 子 論之, 换 子 此 獻 每 梁 效 所 有 不 而 了。 就 丘 並立 事 能 小 投 口 品 以 所

晏子 論 言省 路 論 寢 刑 彗星 則 踊 H 貴 在 則 屨 禮 日 天道 賤 同 上 昭公三年 不 謟昭公二十六年

不誅祝

史厚

斂

困

民昭公二十年

莫盛 言。 能 氏》所 於 雖 子論巡狩述職、景公大説」,又如《論語》所 如論省方觀民,如 曰「公曰 日 救 一天道 不 言省刑 秉 齊之衰亡? 於景公。 看《左氏》載晏子之諫 齊之業固 載七八事,忠言讜論 政 善哉 不 就觀 謟」,論路寢則 如 其 」,此類甚多。 看《左氏》所載,晏子立 衰於景公,然當時 前 論 且景公非 後 不 論 誅 獻忠,如 和 祝史,如 同 曰「在禮」,大抵《左 之説,如 ,或曰「公乃止」,或 如 如《孟 不 此 論 能 之多, 論 踊 聽信 忠言讜 子》所 貴 厚 論 斂 屨 齊之朝 彗星 晏子 何故 賤 載 木 論 至 民, 載 之 則 不 亦

> 貴。 也。 然領 則 而不 景公問政, 至於知聽而 日 受。 繹,從而 異與之言,能 此 大抵 善哉 所 謂 人君寧可 而 」見得景公於忠言讜 夫子「言君 不知用,人君之大 法 齊 不改,吾末如之何也已」。 卒 語之言,能 不 不 無 不 能 · 振 説 受忠言 君、 轉移景公之心,況晏子 者、蓋 乎? 望他 臣 無 臣、父父、子 患正· 從 有 能 繹 固執 乎? 箇 聽 之爲 論未 在 轉 而 前 此 移 改之爲 不 嘗 至 道 能 子, 一於忿 示 孔子 理。 欣 説 用

學問 不能 心? 是大聖人,言語尚 激,如此只是不受,猶可 力量 用之,則國之廢興存亡,正不在此 以此 一,視孔子不啻天淵,如何移得景公之 知 人君 雖 有寬容之量,徒受直言而

吴公子光弑其君僚二 七年

吴公子光弑其君僚。 考《左氏》所載本

使數 之 之虚 使 間 掩 末 重 本 包 如 兩 、公子 藏 之 字 一之虚 聘 餘 掩 朝 隙 時 出 親 、公子 禍 餘 廷 于 子 得 大 聘 有 處 皆 近之臣 E 心 燭 光 行 雖 親 固 于 在 或 燭 庸 其 固 有 則 大 喪 外, 王 已 謀 庸 不能 姦 遂 皆安 則 抵 可 而 之左 久 伐 此 而 賊 使 以 至 伐 爲 矣,至 作 潛 公子 之帥 無罪,然 國之 于 藩 頓 楚, 不 右 亂 在 用 屏 晋, 敢 親 光 此 外, 安 師 根本 兵於外 王 覬 此 賢 以 方 韋 所 得 室, 吴王 覦 見 故 得逞 觀 潛 ,莫大 國 至 以 有 得 公子 諸 賢 之望 成 此 亦 今 賢 吴 其 而 侯 篡 如 則 不 則 於 光 季 王 之 弑 季 公子 吴 子 知 使 不 得 可 親 强 之 子 王 以 知 公子 根 窺 又 禍 賢 弱 使 光 則 親 鎮 根 本 伺

足 女好 所 深 可 愈信 罪 罪 大 者 抵 他 觀 篡 吴 爲 公子 弑 子 腹 之 也 心, 光 臣 伏 如 乘 向 甲 此 閒 使 享 則 投 他 王 是 隙 不 之 不 知 古 時 覺 公子光 吴王 不 不 足 悟 論 之 亦 不

> 席 禍 使 於 自 王 而 晦 知 之 ? 之 於於 禍 皆 親 他 知 罪 信 其 在 有 王 以 此 是明 之 謀 之臣 外 篡 此 E . 親 弑 觀 做 觀 知 數 當當 之 其 之, 如 I. 其 子 心 使 夫 時 掩 謀 既 則 甲 設 餘 在 而 須 罪 既 備 坐 明 當 外 燭 不 如 于 不 陷 庸、 兢 專 曾 道 安 此 於 兢 在 於 其 及 季 得 禍 業 公子 其 嚴 子 此 不 業 之徒 上 致 吴 然 光 做 篡 遵 王 終 門 實 弑 養 既 不 不 階 夫 當 吴 之 時 明 免 户

楚郤宛直而和國人說之二十七年

費 而 無 不 和 楚 極 所 郤 固 謡 宛 招 直 卒 尤 而 納 不 和 禍 免 之道 於 或 禍 人 0 説 0 以 之。 今郤 常 情 爲 宛 鄢 論 既 將 直 師 且 直

●「尤」,原作「亢」,據四庫本、金華本改。

當 何 和 故 亦 爲 似 小 乎 人 剛 柔 所 相 濟 9 終 亦 不 似 免 乎 於 得 禍 守 身 之 此 道 最

者 冰 之 處 瓣 蓋 察 位 所 有 柔 剛 天 下 慕 者 仇 身 剛 其 在 炭 地 是 郤 廼 ·之人 者 權 若 疾 然 郤 之 薰 宛 相 爲 得 勢 抵 之 蕕 利 這 宛 道 濟 而 招 大 處 已 禄 心 我 不 所 或 致 尤 只 剛 無 段 以 不 亂 之 以 不 召 相 去 終 我 不 道 識 大 可 口 自 禍 招 情 口 身 不 濟 不 之 時 貪權 見。 勢 塗 有 却 悔 至 Ŀ 之 可 世 爲 T 論 易 尤 看 於 以 慕 勢 大 之 然 箇 之, 察 讒 自 甚 下 柔 利 已 抵 道 而 要 既 到 邪 以 所 這 禄 自 與 君 領 與 有 得 在 大 且 爲 喜 箇 彼 而 子 無 易 朝 他 柔 如 處 但 與 病 同 小 病 既 不 察 自 不 小 身 郤 看 塗 彼 最 者 相 直 然 濟 己 於 費 宛 同 難 招 而 自 所 之 古 有 小 無 在 無 塗 禍 和 貪 得 以 雖 愧 難 猶 下 極

之。 常 事 得 説 冠 高 之 宛 我 不 宛 政 Ŧi. 必 疾 國之 0 合 坐 見 地 之 兵, 來 言 時 是 嗣 既 得 遠 然 雖 於 意 有 9 辱 進 我 不 令尹 先 權 而 情 親 識 郤 是 其 與 塗 我 : 謂 勢 小 爲 常 附 宛 小 炭 子 説 好 賤 何 方 郤 當 人 利 真 惠 之意 事 常 對 人 甲 故 無 之所 人 望 宛 禄 諸 是 已 不 好 兵,子 無 無 同 不 也 極 望 門。 日 樞 時 甚 趨 賄 極 極 免 安 知 説 焉 附 要 不 之 信 機 於 **\$** 於 得 誘 此 吾 **\$** 出 若 處 争 足 \$ 言 權 讒 械 尹 禍 時 正 尹 之 無 不 將 趨 尹 以 勢 如 如 被 吾 子 人 至 以 是 看 凂 者 辱 將 正 此 利 此 禍 無 必 常 個 權 他 當 只 也 **\$** 飲 擇 禄 觀 極 之。 既 乃 便 緣 方 勢 無 酒 尹 如 焉 之 機 秉 小 他 使 利 是 極 又 以 於 口 以 械 人 費 郤 親 欲 楚 却 從 郤 禄 朝 取 **令** 子 如 之 親 或 郤 所 附 所 謡 氏 何 宛 衣 宛 無 尹 Ŧī. 而 常 附 得 朝 酬 將 之 宛 有 聚 子 以 郤 甲 仇 極

足 心 子 多 常常 無 恤 親 正 附 龃 若 小 小 飲 人 之 酒 同 塗 段 行 郤 此 宛 若 是 以 果 費 親 是 無 附 明 極 直 取 設 死 君 機 子 未 穽

以

陷

八,有不

足論

也

魏 獻 舌 氏 子 之 爲 田 政 爲 分 祁 縣 氏 之田 爲 年 縣 羊

胥、原 錯 當 者 分 耳. 卿 原 狐狐 之 職 其 剪 相 襄 勢 吞 閒 公之前 晉 滅 叔 狐 自 併 愈 續 所 殆 向 平. 盛 續 所 盡 前 以 慶 公 存 晉 雖 伯 日 慶 之後 者 卿 之亡 到 對 有 降 伯 止 雖 得 晏 人 在 分 六 已 公 祁 證 子 專 皂 布 卿 在 室 氏、 言 於 政 隷 于 列 而 漸 亦 此 朝 ,所 羊舌 所 己 衰。 尚 可 不 謂 以 其 得 見。 自 氏 樂、 扶 當 逞 餘 有 之滅 相 持 强 欒 何 郤 時 維 公室 故 家 至 六 胥 郤 此 卿

> 時 得 始 夫。 族 七 大 不 左 皆 體 分 小 豊 知 氏 ,分羊舌 處 以 付 節 他 翦 不 看 大 得 不 謂 所 滅 大 不 當 載 體 與 殆 得 可 盡 得 而 可 氏 論 古 大 憂 觀 其 就 體 之 是 ? 魏 自 之, 小 田 獻 然 可 所 學 節 喜 爲 在 子 禄 爲 則 者 E 爲 去 獻 考古 若 公室。 這 縣 政 卿 子 分分 只 以 美 分公室 及 論 見 小 事 祁 用 治 節 此 氏 + 時 觀 實 這 須 之 之, 段 當 自 只 爲 田 見 大 爲 此 殊

梗陽人有獄魏戊不能斷二十八年

多 於 語 獄 從 上。 和 容 梗 易不 此 其 陽 飲 大 人 食 迫, 宗 段 有 之 自 獄 尚 閒 賂 有 見 以 魏 而 感 得 女 戊 能 發 樂 爲 感 代 人 大 處 悟 當 之遺 夫, 獻 時 前 子 閻 風 不 輩 没 能 又 看 論 斷 見 之 女 他 寬 得 以

是三 之法 是 得 世 持 乃 秦 戰 堯 雖 亦 如 古 春 A. 頭 漢 樂 聲 之, 是 欲 未 無 桑 見 處 或 秋 如 尚尚 大宗 間 之 恣 桀 代之遺 至 道 得 之 消 起 尚 秦、 爲 禹 之 濮 變。 消 H. 紂 於 時 鄭 頭 自 氣 之未可 之衰 論 君 磨 上 漢 肆 衛 湯、文 尚 處 絶 有 乃 之 意 前 未 行 出 梗 風 之 見 所 戰 音 盡 陽 來 此 難 俗 聲 女樂 得 兼 大 以 也。 未 或 時 =人之獄 蓋 整 方 起 然當 武 行 患 代 此 暫 之 此 生 頓 可 典 淫 難 賂 至 雅 此 之 知 如 初 時 復 而 刑 邪 時 相 相 亦 當 古 正 衰 其 此 先 先 大 未 之 尚 視 法 恤 不 之音 不 時 大 王 此 王 大宗 盛 聲 度 之 是 後 未 雖 如 若有 必於其善處觀 抵 之舊 之 · 正 幾 路 風 古 敢 好 來 有 絶 正 事 春 賂 盡 己 便 肆 先 事 所 聖 是 秋 氣 有 謂 是 以 自 行 而 亦 不 賢 兩 此 然 王 之 未 戰 女 僅 之, 消 不 淫 邊 出 如 猶 口 五. 行 樂 衰 或 際 樂 存 然 . 過 接 宗 後 賂 見 扶 見

之,但即其不善處考之亦自可見。

四

六

俗 此 徧 之諸 晉 得 音 側 蠻 此 不 侯 後 使當 掃 見 於 見 口 夷之國,令尹 振《 言 侯 除 賜 春 天 來 春 且 7,及其 以 盡 秋 下 魏 秋 萬 時 鄭 然而 矣。 春 絳 矣。 之 > 敢 賂 焉 秋 百 女樂二八, 正 大宗 肆 宋 用 終始之變論 餘 雖 氣 子元 行 以 爲 年 梗 勝 以 萬 淫 淫 淫 之間 陽 女樂 欲蠱 樂 樂 淫 慝 舞 人 子 是 之事 之 樂 之 之 賂 文夫人,爲 朦 而 女 尚 樂 之, 元 微 魏 樂 先王 未 尚 用 亦 齊 以 其 子 尚 敢 之 自 是 或用 行不 始 人歸 之流 用 放 必 存 也 於 淫 館 矣。 行 雅 之, Œ 女 聲 當 風 於 正 楚 宫 遺 以 以 之 是 己 時 到 古

左氏傳說卷第十六

後學成德校訂

左氏 傳說卷第

東 莱 吕 祖 謙 伯 恭

頃 公卒八月葬 鄭 游 弔且 送葬三十 昭

公

責 以 事 箇 太 人 諸 叔 事 兼 天 對 晉 侯葬 然 子 人之 尚 典 頃公之喪, 而 者 制 禮 見 觀 天 職 事 得 已 子 晉 · 晉 過 先 子 太叔 了。 鄭 厚。 王 須 人 之制 游 所 加 之對 稍 及 吉 以 有 周 士弔、 弔, 等。 責 當當 所 失政,諸 之。 且 貶 時 後 大 送 降 周 當 來 夫 葬 室 侯 晉 晉 送 時 雖 移 之 葬 觀 以 微 便 所 喪 這 子

> 取《孟 尊 恭 孔 世 諸 諸 以 持,天命已去了。 時,分周 在 孔子之時 復 相 天 子有 侯 子 不 王, ,諸侯尚 有 此 維 侯 看 時 考 周 觀 以 持 大 至 子 靈 事,諸 其 尚 夫 靈 處 王 爲 一作《春 \Rightarrow 王 時 尚 可 因 王 者 東、西、天命 有 之 喪, 周 之時 節 看 自 整 到 侯 尊 蓋 雖 頓 許 往 不 得 事 秋》, 皆往 王室之心。 緣 衰 天 同 多 後 須 9 天 个 鄭 見 去 時 終 制 來 如 事之雖 命 欲 得 霸 簡 以 節 不 度, 命 五. 此 未 尊王 解 已改。 王 者 公 大不 能 未 看方公平。 改 見 霸 説 室 未 在 勝 改,先 盡 孔 孔 遠 孟 雖 爲 楚, 不 同 孟 議 孟 子出 T 子 衰 孟 本。 了。 子 如事霸主之 印 論 子 之時 周 不 王 到 尚 時 段 者 室 來, 尊 出 到 德 大 自 不 實 之 來 有 不 王 孟 抵 口 多 澤 或 間 同 喪 强 説 尚 扶 後 勸 有 子

吴子問伍員伐楚何如三十年

以 横 之 代 以 他 大 以 道 政 伍 弼 師 克 爲 説 濟 以 衆 員 爲 敝 至 江 其 江 敗 沿 多多 宵 隋 軍 吴子 楚 之 而 彼 衆 公亡之根 病 繼 濟 江 呕 乖 兵 之策 方 復 必 陳 問問 肄 防 之, 源 采 大 莫 皆 散 以 伍 • 以 人 石 至, 必 適 誤, 出 不 後 每 罷 員 本。 執 大克之。」 任 覺 伍 守 以 急 之,多方 既 以 交代之際,必 彼 政 患。 者 員 伐楚之策 發 大而 出 衆 罷 爲 之 皆 韓 兵 則 常 而 若 而 精 擒 醉 天下 爲 歸 後 乖 以 爲 如 於 虎 不 備 以 遂 誤 \equiv 隋 彼 莫 小小 將 復 兵 \equiv 克 之, 集 之 歸 師 既 對 適 兵 設 之, 古 軍 而 平 則 以 廣 日 知 任 Ŧi. 備 既 繼 不 陳 出 肄 陵, 防 正 百 患」 罷 或 之, 待 焉 楚 是 人 故 人 陳 賀 楚 而 論 必 若 必 得 自 交 執 而 弼 後 必

> 之,此 謀 事 此 得 則 安 紐 以 抵 衆 或 肯擔 所 亡 得 觀 爲己事 身 乖 在 事 人 扶 而 理 此 不 最 以 何 不 當 己。 惟 È 執 或 持 緣 可 衆 ,最爲 ? 雖 政 其 之 而 則 能 慮 爲 而 楚之 以 衆 興 後 各 楚王 乖 萬 然 立 六 Ļ, 國之巨患,人主所當 而 得 私 楚 殊 得 又 朝 千 此 乖 立 其 或 者 ? 須 有 里 推 私 若 人 都 莫 看 樞 於 伍 若 臣 臣 不 人 無 其 適 機 彼 互 員 各 見,爲 非 人 雖 所 任 關 之言 相 自 甲 同 箇 衆 不 以 患 紐 忌 彼 衆 擔 推 心 Ľ. 都 鄰 處 甚 疾 此 戮 當 於 其 或 無 或 的 深 力, 或 Z, 互 大 家 樞 楚 者 當 無 人 事 之 相 抵 機 把 各 無 人 已 無 所 見 緣 公 開 任 自 或 彼 大

晉侯將以師納昭公三十一年

晉侯始者將以師納昭公。范獻子受

禮 之召 之臣 納 草 權 賂 言 E 己 無 塞 如 後 在 奔 伐 專 塞 天 公之心 此 : 或 歸 做做 而 輕 之,若 昭 下之議 是 既 贵 權 期 重 子 此 左 這 : 從 備 如 以 公 ? 0 必 右 誠 知 若 禮 昭 此 子 台目 0 有 事 來, 縱 着 何 昭 有 前 召 反 公之 家 人 但 今此 勢 使 故 ? 公終 後 納 我 季 羈 謂 子 是 認 慇 昭 子 昭 衆 説 孫 受 晉 都 之 我 台台 家 做 在 家 懃 公 公之意 始 可 公 而 其 明 欲 人 是 以 羈 誠 外 歸 勸 羈 雖 皆 不 歸 無 召 輕 方 謂 不 T V 贵 見 昭 或 來 未 不 咎 季 公, 伯 淺 如 能 不 得 ? 失 不 公 靠 得 盡 孫 則 此 不 察 用 權 知 公 欲 事 不 之 好 善 不 看 信 察 事 獻 子 自 勢 昭 就 爲 如 歸 反 晉 调 公 情 事 不 公之 子 此 如 具 泰 不 子 聽 家 爲 執 不 情 亦 臣 使 此 歸 歸 文 Ш 家 從 盟 政 羈 矣。 知 看 勝 私 之重 歸 備 羈 亡 終 之 我 本 季 於 主 前 昭 越 禮 焉 之 身 臣 之 備 然 孫 此 是 季 責 無 公 在

> 謀, 雖 無 中 其 忠 誠 懇 切 如 此 雖 然 看 他 心

識 謀 休 從 他 公 止 羈 室 臣 不 心 而 之 ? 過 終 於 爲 智 伐 不 今 心 殊 以 從 户 此 權 慮 包 季 大 昭 使 不 不 所 須 就 公謀 所 抵 羞 氏 其 得 知 載 平 使 惟 形 觀 忍 段 以 遇 歸 其 子 不 考 心 迹 古 是 恥 失 都 出 明 家 過 不 所 看 E 人 昭 本 若 是 T 君 之 鎮 事 不 他 看 事 公手 所 意 第 去 心 靜 載 心 昭 必 遇 迹 子 七 後 形 不 不 公, 之 能 段 事 以 八 家 迹 來 於 得 生 所 設 遵 勢 着 形 羈 岩. 上 勸 事 事 \exists 存 不 養 見 施 若 看 昭 勸 止 E 如 不 同 時 考 及 休 公 安 以 看 此 子 子 得 晦 勸 所 歸 伐 忍 他 所 不 家 家 昭 季 不 迹 足 羈 不 以 羈 看 再 看 昭 氏 形 公 考 之 犯 以 振 他 爲 公 子 初 歸 見 他 家 强 此 勸 昭 知 公 才 不

1 「納」,原脱,據四庫本補。

王使富辛如晉請城成周三十二年

事 定 謀 諸 他 秋 此 扶 城 勿 戍 者 王 相 其 與 周 城 於 侯 澤 持 成 了 不如 晉 郭 謀 看晉 高 以 未 王 周 知 末,晉之衰, 自 這 爲 室 事 何 可 而 王 盡 低 子 已。 故 段 迹 雖 執 厚 略 一段,大段要看。 也。」他 之城 古 城之,天 朝之亂,諸 到 上 事 有 政 薄 是 今范 知 春), 自 看 不 後 以 無 成 有 秋之末 要 諸 是 事 令諸 晉人 誠 周 此 獻 王 子 去 晉 侯 心 晉 天子之事 室 子、 實 秉 迹 能 侯 合 當 侯 勿 雖 欲借 在 如 政大 云。 上 諸 魏 時 戍 與 似 ? 此 人 看 自 周 Ŧi. 大 獻 知 共 王 臣 心 周 夫 雖 到 霸 子 到 都 室 須 E 王 可 之衰, 以 有 謀 未 亦 得 是 不 也 看 事 自 這 以求 後 定, 無 城 王 要 其 閒 相 裹 事 成 以 做 謀 澤 去 執 見 尚 <u>Ŧ</u>i. 與 所 敬 寵 周 之 此 春 如 其 欲 霸 政 於 王

> 管 周 所 心 盡 盡 王 所當增修 私 王 1,所以 反 室之心皆亡,此周所以衰。 党特 城了 國之 室。 以 僅 止 不復 有 不審天下之大勢,令城 有 心 此 謀 范 事 毫髮之存 國 振 如 分在 王 獻 政 段 雖 處 此 室 子、 有 事 保護愛養, 之心便亡。 王室,以 若 後 魏 何 以 故 事 王 以 獻 , 晉 略言 ? 天 不 子 之過 下 能 一分做 當 勿 生 之, 大 大勢論 時 蓋 與 起 ? 其 此 做 緣 知 諸 城 十分 振 心 此 可 爲 侯 奮 番 諸 九 見 也 周 尊 番 分 侯 得 便 王 王 再 尊 之 用 在 張

定公

季 孫 志 言 也 吾 子 欲 家 與 子 之 亟 從 言 政 於 元年 我 未 不 中 吾

魯昭公身没於外,季平子使叔孫成子

以 者 調 疑 平 家 論 外 季 平 在 不 思 不 必 於 逆 其 之,從 平 從 氏 子 止 昭 外 護 見 羈 我 H 竭 使 許 忠 之 季 使 謀 者 公之 相 季 疑 何 於 其 其 信 多 氏 於 氏 是 龃 昭 以 深 昭 當 昭 股 且. 嘗 喪 年 如 公 昭 得 而 誠 中 公。 昭 使 公 肱 時 聽 不 復 於 水 能 公 實 此 吾 公之 不 悉 則 之 尚 命 中 公室 乾 火 盡 於 子 下 心 至 力 自 心 雖 不 焉 吾 侯 家 季 心 聽 於 則 得 讎 從 居 网 要 志 之 無 氏 以 既 之 有 不 君 於 當 邊 昭 與 權 季 也 所 從 聽 這 季 跋 見 子 公 臣 無 昭 之 孫 則 不 子 昭 吾 氏 者 疑 扈 疑 如 家 公 共 故 君 至 事 家 公, 之 是 欲 於 水 當 心 其 得 或 臣 患 羈 季 與 火 季 時 時 便 今 以 子 從 之 未 事 於 之從 之 氏 氏 從 間 其 見 季 其 昭 昭 季 人 家 有 之 得 昭 岩 情 謀 大 小 兩 須 氏 公 公 氏 子 政 讎 與與 公 則 子 看 常 不 則 E 順 淹 却 哌 不 不 相 則 家 理 於 從 季 子 言 中 恤 子 必 口 口 口 反

> 平 所 ? 施 惜 乎 有 如 此 之 昭 公 不 用 都 無

其 之三 惟 君 + 外 明 自 不 邊 子 IF. 不 數 命 家 用 或 0 是 所 意 人 口 只 年 以 羈 之 知 信 叔 臣 此 子 也 大 而 以 過 明 孫 抵 薨 朝 人 家 不 喪 魯 便 説 自 這 以 大 自 看 羈 兩 止 之 自 獻 道 羈 爵辛 相 子 義 調 邊 乾 忠 此 臣 外 于 邊 不 以 避 不 家 相 和 侯 信 或 子 先 就 敢 人 敢 羈 疑 昭 羈 夫 逆 誠 都 却 歸 見 便 王 見 而 所 公, 子 昭 未 實 中 至 無 不 不 以 公之 家 得 恐 間 魯 客 復 魯 見。 信 亦 所 去 見 羈 相 最 君 或 或 這 死 是 以 就 喪 見 而 所 之 於 之 兩 難 而 及 此 之 能 從 外, 以 T 君 邊 無 心 爲 段 至 便 際 心 如 難 君 臣 不 人 自 叔 所 皆 見 無 昭 淹 此 子 見 以 最 爲 常 公之 得 孫 得 愧 不 恤 辭 出 謂 難 如 叔 情 請 昭 那 知 在 子 於 此 失 然 論 君 外 見 家 商 出出

是 語 第 出 子 稷 受 季 家 子 商 衍 所 子 孫 以 家 果 從 段 宋 則 季 以 孫 口 量 以 而 王 氏 告 節 政 納 是 子 然 爲 元 明 左 法 可 爲 群 是 信 從 之 致 論 子 政 以 欲 無 大 右 既 臣 實 此 恐 亡 得 家 季 命 人 與 預 義 前 從 皆 使 之 難 臣 子 孫 看 子 者 於 後 昭 願 季 群 至 皆 如 爲 叔 家 慇 家 其 叔 公 子 孫 臣 也 立君 將 誠 辭 在 無 過。 孫 懃 孫 商 閒 之 不 出 説 唯 非 Ē 可 傳 既 之 量 願 家 見 得 之大 子 所 與 誅 昭 自 非 季 意 不 所 口 也 氏 得 事 是 以季 他 公 不 子 氏 得 謀 以 未有 昭 君 事 他 聽 之 然 使不 當 家忠信 之言 見 使告 明 立 公之謀 ,若公子 説 氏 則 讎 見 子 欲 君 人 後 這 子 季 欲 敢 昭 與 之 家 臣 凡 家 皆 子 第 氏 季 立 以 之 公之 季氏 羈 之 誠 日 宋 家 不 之。 心 願 告 孫 實 大 日 : 從 見 腹 節 主 子 與 叔 願 何 讎 之 這 叔 這 君 社 正 是 子 與 孫

心 義 其 所 之 以 於 自 則 公 口 時 兩 叔 夫 不 於 以 ? 誠 論 與 箇 貌 出出 人 以 不 句 孫 盡 至 昭 天地, 説 守 感 當 公 自 明 也 斷 之 此 心 而 古 乃 出 不 ? 發 道 出 龜 知 與 意 獻 T 自 羈 則 是 觀 者 在 季 人 于 我 當 觀 得 將 有 凡 不 若 子 人 看 處 先 氏 出 若 羈 逃 有 已 子 鬼 挑 與 家言 可 以 他 王 同 羈 不 弗 家之 也 而 神 血 季 今 子 禮 也 之心 説 處 也 0 敢 出 氣 氏 昭 語 與 家 ; 貌 0 子 以 知 者 若 辭 之大 則 寇 季 公 人 報 從 子 若 家 至 叔 無 立 不 情 君 氏 雖 而 此 家 昭 是 這 公之 且 孫 君 不 共 者。 知 出 同 死 心 自 公 大段 誠 7 幾 感 其 者 戴 處 於 知 從 出 則 法 君 心 句 發 天 出 行 若 神 去 從 者 論 容 合 有 大 可 之 這 却 也 可 就 君 從 事 明 之, 天 卿 曲 當 背 無 幾 是 也 而 之義 理 君 折 時 我 其 自 對 未 從 句 無 有 者 若 之 當 義 君 這 見 有 大 此 最 愧 知 有

七

半 今 以 昭 力,皆有 公者無 不 是 公許 觀 動 當 歸 此言 天 歸 貌 地 從 多 一人肯 不 半 人不 自 當 昭 感 共 不 時 公。 有 戴 鬼 要 雖 都 歸 感 神 天 歸 ? 貌 是 是 動 義 何況 從 至 人之意 皆是子 半 者 半 誠 觀子家此言 人之有 貌 從 自 是 從 昭 可 誠 家誠 昭 歸 公, 心 血 公, 從 心感 至 須 氣者 昭 此 何 誠 有 故 動 從 乎 ? 者 半 可 有 從

秦 者 蜀 舒 爲 凡 家 春 喚 雖 羈 風 漢 秋 人 深思,反 材 在 風 人 雖 氣 大 做 材; 多 漢 抵 氣 在 所 蜀 隨 春 看 移 如 覆 喚 人 戰 秋 風 子 此 做 材 玩 惟 或 氣 家 味 漢 喚 不 便 風 所 羈 做 得 人 傑 有 則 氣 降, 之事 材 春 皆 之士 秦 如 良 不 秋 春 心 漢 此 不 得 人 , 秋 油 不 爲 須 便 材 ; 風 然生矣。 材。 爲 當 風 有 如 不 氣 所 氣 諸 得 戰 子 如 世人 移 所 葛 或 ; 細 此 移 亮 如 人材 玩 莫 便 雖 董 如 味 學 有 在 仲 子 ;

後學成德校

左氏傳説卷第十八

罪

,雖三尺之童亦

知。

後世

觀史册者,莫不

來到吴入郢,柏舉之敗,楚國幾亡。

子

常之

知

其然,然

而

病

源

不

可

不察。

東萊吕祖謙伯恭

定公

晉荀 楚子 寅 常 求 欲 貨 蔡 於 唐 蔡 侯 侯 裘 四年 馬 年 Ô

晉人假羽毛於鄭同上

祝佗言於萇弘蔡將先衛同上

裘留 以 三歲之久,使他忿然有與楚必争之意。❷ 蔡 裘 楚令尹子常,以 昭 馬之故,淹留 侯三年,爲 貪賄敗國之政。爲 馬 國之君 留 唐成公三年。 ,囚之至於 後

做出 禮 者 財 大, 在 而 不見,後有患 成天 於 樂 看 己。 可 此 大 狗 來 E 以經 抵 須察 唯 子 馬 地 學 常 之道。 人心之所 玩 緯 復 者 好 他用心 以 而 天 在 觀 E 不知 於 地 此 裘 若 則 狗 不 在 用 用 미 心 子 馬 有 甚處, 馬 小 以 當當 常 玩 所 之用 開 徒 聲 大 此 好 物 罪 等 以 有 唯復 色 上 小如 子 成 前 玩 事 小。 常 務 若 有 好 便 在 此 用 危 須 漸 之 若 口 義 自 間 心 學 用 漸 而

蔡侯既被子常留之三年而歸,及漢,執

察

其

用

心

之大

小

^{● 「}三」,原誤乙,今據四庫本正。

或 歸 求 之 矣, 蔡 111 口 所 子 執 無 霸 玉 業 實 常 貨 師 侯 見 以 政 厭 不 命 而 於蔡 誓 如 吴 以 赴 於 沈 於 又 於 其 口 見 討 必 之 愬 鑾 晉 吴 以 求 此 晉 承 侯 楚 報 ? 勢 于 夷 再 貨 當 襲 尚 楚 自 台台 他 自 城 興 於 世 大 吴 何 稱 余 此 到 遂 濮 此 蔡 業 蔡之怒,以 嘗 霸 有 人 當 强 這 番 如 之 晉 侯 是 主 從 所 時 尚 裹 晉 既 功 失 中 艫 濟 之, 是 有 所 不 霸 或 晉之不 事 夷 可 漢 脱 盟 能 是 以 0 之 卒 之 窮 以 奉 主 子 而 與 時 蔡 赴 勢 敗 計 罪 再 常 王 之 南 蔡 被 愬 爲 自 楚 迫 者 於 命 救 虚 子 盟 此 雖 於 楚 名 患 安 常 此 今 文 主 弱 會 有 無 柏 得 又 晉 公 諸 若 求 方 所 盟 也 舉 件 貨 之 中 見 之 且 大 不 以 侯 主 久

之有 權 大 臣 抵 中 常 或 爲 與 消 蠿 長 夷 蠻 君 夷 子 盛 之 间 跙 中 1 或 衰 或 權 家

之, 賢 蔡 見 以 人 歸 调 自 循 蓋 循 臣 知 來 拯 有 討 定 晉 其 僭 所 然 其 救 天 之 其 强 故 明 自 非 楚 秩 僭 用 論 撫 徒 事 失 歸 F 民 則 民 日 此 蠻 諸 之, 循 爲 者 蠻 統 而 王 不 所 故 故 或 失 其 夷 政 侯 不 當 室 夷 故 驅 欲 以 諸 非 識 旆 之 1 討 處 弱 在 不 欲 當 其 以 先 以 過 所 侯 爲 者 此 霸 明 以 後 反 能 此 長 會 民 之 方 自 中 Ħ. 主 借 貴 晉 之 蔡 留 爲 於 當 撫 君 且 城 或 如 0 之失 侯 之, 蔡 賤 然 秩 君 陳 循 時 者 濮 假 霸 齊 不 蓋 尊 侯 於 羽 其 E 當 以 是 羽 晉 主 景 諸 如 卑 及 毛 衛 民 也 撫 來 以 與 毛 既 鑾 公 不 至 者 是 侯 H. 而 循 其 他 於 能 等 奢 不 夷 及 會 天 如 王 歸 其 其 非 不 共 鄭 皆 伐 侈 下 盟 者 撫 至 證 之 漢 是 民。 能 爲 大 楚 衛 先 之 分 其 於 循 孔 鄭 中 不 者 晉 舉 亂 後 罪 用 王 光 其 能 君 祝 兵 如 會 或 人 氏 董 佗 爲 古 此 鄭 與 之 勢 撫 不 撫 不 適 加

吴矣。 焉 却 晉 他 事 楚 非 説 弟 付 虚 蔡之初 如 方 陳 未 能 罪 此 知 是 禮 不 成 也 晉 濟 即 於 見 同 周 誠 人無 劉 以 猶 知 楚 到 蔡 得 之 人 不 忿 長 子, 先 品品 天 得祝 踐 以 於 害 封 今晉 然 辭 足 蔡侯 蔡 下 土 急 與 事 城 制 品 有 以 留 之盟 事 佗言 范 難 濮 0 釋 對 與 以 衛 蔡 當 釋 獻 欲 愬 之 其 祝 所 先 楚 以 侯。 從 出 故 子 其 晉 以 大 不 後 佗 衛 德 其 謀 以不得 先 大 事 虚 之小 者 俱 成公 陳 封 大者 之, 此 者 王 禮 不 存 而 許 不 之典,踐 霸 留 知 禮 蔡 之氣 而 不 不 乃 名 能 已從 若 有 蔡 用 在 權 用 留 長 必 故 爲 其 侯 故 罪 小 蔡 所 衛 待 晉 其 他 事 0 小 者 所 封 侯 夷 以 其 其 舉 土 祝 舊 却 不 於 叔, 移 萇 之 情 兵 其 小 則 佗 以 不 盟 用 於 節 事 棄 問 當 故 伐 説 弘 其 却 委

> 蔡侯 郢 吴子 四 年 唐侯伐楚 敗諸雍澨 Ŧi. 戰 及

Ŧī.

舟,還 毁 楚, 時 所 我自後擊之, 之上下,款吴 子 流 舟 以 所 沿 固 自 表 以致 致 吴之伐楚, 塞 豫 有自 漢 È 裏夾 章 大 而 敗 一之道, 與 隧 來。 與 所 、攻之。 必大 人兵,不能 楚 直 之上下 夾 以 自 固 所 轅 速亡, 漢, 敗 以 非 子 當時 之! 冥 在 常 人 ٠, 左司 我 阨 於交戰 爲 郢 蓋 與 司 悉 令尹 戰。 自 馬 司 幾 馬 子 方 有 戌 馬 滅 之謀 濟 城 之日 謂 説 可 説 楚, 漢 貪 外 馬 子 冒 **\$** 而 以 當吴伐 論 要 欲 常 尹 信 伐 得 然 自 毁 其 日 後 其 子 與 源

0

⁰ 傳》補 公 蔡」, 不」, 原 作 作 在 公一, 據 四 四 庫 庫 本改。 本作「不」,各 脱 字 據

戰 常 他 子 好 以 于 子 勝 未 幾 使 常常 禦 至 淮 常 至 危 敗 子 司 於 有 馬 於 常 吴 未 使 然 塞 國 或 功 亡 人 口 聽 楚 怕 不 其 城 家 不 或 知 之 於 人 全 免 司 聽 危 П 恤 惡 前 0 在 馬 則 口 如 而 惟 然 或 子 乃 此 有 累 馬 伍 司 其 子 家之安危 而 濟 功 之謀 卵 員 馬 常 私 好 子 是 漢 之時 不 以 心 所 孫 常 司 獨 而 使 奇 疾 以 武 勝 馬 平 陳 克 尚 之先 忌 兵 此 敗 敗 亦 日 H. 吴 若 繞 其 尚 無 然 失 忌 謂 也 正 戰 可 所 出 未 應 賢 人 所 楚 馬 緣 以 吴 楚 所 疾 口 心 以 悪 子 毁 史 之 之 能 以 知 喪 己 或 必 吴 皇 策 後 敗 師 舟 勢 謂 恐 而 亦 速

代 臣 子 安 以 以 必 得 前 大 私 速 抵 不 忌 所 戰 ; ; ? 看 克 以 古 亡 所 今 不 或 以 以 亂 然 同 此 亡 亡 不 出 之由 免 段 0 看 轍 看 史 諷 無 往 皇 秦 喻 不 往 漢 謂 他 皆 由 之 子 這 自 立 後 幾 常 朝 此 句 忌 Ŧi. 之 0

> 之 ! 言 者 史皇 其 邪 瀆 楚 死 盧 句 此 至 心 之 之 於 人 於 杞 事 便 初 便 於是 一之爲 軍 幾 郢 當 諒 雖 柏 口 到 是 是 間 難 裹 亡 0 品 時 舉 得 李 與 張 本 知 後 當 子 説 品 人, 之 而 子 林 子 生 不 巡、 常背 大 時 面 話 能 戰 逃 常 常 甫 於 半 段 足 史 死 顔 之。 説 不 楚 正 段 論 女妓 皇 子 司 盧 楚 杲 不 用 半 師 僞 馬 獻 楚 常 杞 人 便 將 卿 過 他 大 底 之 邪 看 謀 欲 人 惡 是 声 兀 何 敗 約 等 惡 史 不 奔 子 張 後 裏 夫 子 所 皇 人, 用 先 而 子 出 尚 巡 史 面 説 入? 兀 戰 之言 好 常 奔 以 自 便 皇 而 終 婦 話 顔 鄭 知 是 司 其 好 奔 屢 至 自 杲 馬 戰 恥 李 鄭 子 乘 口 : 於 半 經 他 何 卿 林 屢 馬 廣 必 自 安 正 之 故 便 於 吴 敗 甫 死 死 等 自 求 數 半 溝 自 死

❶ 「謂」,原作「爲」,據金華本改

左氏傳説

愛 論 義 亡 消 近 這 口 僧 爲 看 其 底 楚。 磨 箇 學 這 勝 罪 未 人 人 者深 般 負 平 看 盡 緣 考 ()安得 事 他 日 其 他 戒 後 前 不 方 愛 實 會 面 面 會 不 憎 死 教 克 長 與 + 何 勝 於 私 子 進 分 況 李 負 軍 常 意 消 未 林 之 奪 磨 有 甫 於 間 本 司 ? 史 是 愛 盧 不 馬 皇之畏義 學者須是 憎 杞 曾 之 箇 勝 功 罪 克 知 負 私 恥 致 之 於於 等。 意 切 畏 於 間

吴 申 伍 人 包 胥 員 胥 郢 與 以 以 子 申 能 班 秦 包 處 復 師 胥 救 之 宫 友 我 楚 謂 子 必 大 Щ 日 能 處 敗 我 **\$** 夫 興 必 之同 尹 概 復 之宫 楚 王 一于沂 或 兀 包 年

百

勤 盡 瘁 吴 ,所以 闔 廬 與 能 子 成 ·胥 功。 謀 楚, 及 既 與 士 人 郢 卒 之 同 後 甘 一志 苦 滿 服

> 意 無 得 統 紀 至 如 於 此 班 未 處 幾 宫 復 之 敗 際 而 争 楚 處 再 令尹 興 之宫 其

Ŧī.

去闔 得 伐 吴之 放 宗 亦 後 這 段 用 論 学若 縱 是 段 楚 最 兵 日 再 夾 興? 他 廬身上做 事 Ι. 難 後 田 河 大 其 能 不不 獵 自 夫, + 之 抵 興 誅 子 然 所 悔 年 戰 天 也 其 能 其 不 胥 之辭。 而 下 方能 以 實 以 君 保世 曾 之 擒 工. 當 事 致 此 子胥專 大 度 王 夫。 弔 時 亡。 成 得 闔 一之不 彦章 居 缺 其 當時 吴之謀 功。 之,其 功 後 處 廬 民 理 之 亂 之 持 若若 在 來 如 既 會 爲 吴王 此 徒 勝 T. 杜 入郢 日 臣 得 時 以 最 也 元 人 以 如 前 雨 可 當 此 難 以 夫 凱 楚 子 汴 服 降 差 時 以 知 此 賛 胥 之後 段, 後 子 失之」 與 後 楚 承 如 人 晉 梁 唐 自 子 郢 當 武 不 但 面 何 胥 曾 緣 之 得 做 吞 便 其 莊

於 衆 何 申 故 包 鄖 申 ? 胥 0 包 以 吴 此 胥 兀 既 最 以 夫 據 要 眇 再 楚 看 然之 復 之 楚 都 力 之 , 當 社 存 時 稷 楚 楚 於 且. 己 既 以 亡之 自 吴兵之 Ľ 中 T

數 發 楚 興 我 不 始 + 或 爲 合 到 年 這 是 時 楚 楚 有 餘 必 T. 之 能 所 夫 力 裹 年 便 伍 其 申 殺 念 之 興 員 有 日 能 傑 包 發 之 之 前 所 伍 鞭 力 做 胥 其 之士 時 與 ! 以 伍 員 平 成 亡 以 申 如 申 員 便 伍 王 當 也 : 几 自 臯 不 包 包 之 做 有 員 時 夫 謂 我 胥 是 陶 胥 墓 滅 滅 養 念 之 邁 子 申 碌 養 復 楚 楚 人 本 微 之 勉 包 碌 種 之 興 夫 楚 工 是 相 胥 力, 之 德 底 乞 楚 滅 之 夫 念 别 1 之 念 等 養 師 楚 須 : 申 申 己 於 念 之 + 得 子 人, 種 包 包 自 伍 我 秦 能 社 數 得 + 胥 胥 亦 説 志 員 必 數 深 稷 年 復 定 再 得 做 便 以 復 同 年 其 於 + 此 有 方 楚 父 道 興 興

> 楚 쁄 無 展 事 韓 穀 巸 少 此 力 口 口 而 在 0 時 謂 草 之 弱 盡 熙 穀 曰 載 不 養 所 之 社 然 以 然 野 如 底 載 相 E 有 得 以 君 意 藴 却 : 功 其 之 志 稷 在 唐 中 無 + 不 名 爲 者 間 世 江 江 原 數 聞 安 便 此 志 到 如 宗 相 南 南 見 能 如 年 亦 所 韓 此 期 如 用 並 如 子 雖 不 用 遂 以 不 熙 到 五. 胥 是 李 用 他 無 非 臣 取 是 熙 相 載 這 代 我 大 ? 遇 穀 居 所 江 載 江 在 期 裹 時 言 仁 吴 遇 聞 南 當 與 南 將 江 日 有 如 李 周 王 由 乃 申 南 探 長 事 徒 力 做 此 果 穀 世 闔 義 是 驅 包 囊 江 成 有 宗 之 如 與 所 廬 做 李 胥 以 以 南 中 大 韓 志 探 事 之 自 景 工 自 所 定 此 物 言 明 者 囊 熙 與 夫 不 奮 以 中 耳 在 知 李 穀 載 中 能 者 當 念 所 又 報 無 古 原 别 物 友 0 已 用 不 讎 實 如 時

● 「於」,原作「有」,據四庫本改

穀事? 是時 有處 猖狂 中。 酒,不事事。不可以成敗論人,如此之類。 他 太祖 置 不事 他豈是尋常人,舉這一件,豈不做得 何 以 正是李景不能用他,所以 後見 爲 事,自是荒縱 殿 前 兩處説景使熙載使於周 太尉、已識 韓熙載在江南終日嗜酒 底人,亦不見他胷中 太祖於潛龍之 自放於 李

左氏傳說卷第十八

後學成德校訂

左 氏 傳説卷 第 + 九

東萊 吕 祖 謙 伯

恭

六月 季 孫 意 如 卒 九 月 陽 虎 人 季 桓 Ŧi. 年 定

公

降 既 是 身 强 子 説 死 開 而 家 以 未 道 大 陽 彼 陪 大夫 天 幾 虎 族 此 臣 便 下 自 相 之 在 出 平. 無 爲 倣 平 微 子 道 ,天下之大勢都 又 陪 子 而 疾 則 降 臣 時 秉 專 禮 而 據 親 政 樂 自 其 或 逐 征 陪 家 及 君 之 伐 平 臣 如 政 自 非 子 出 此 如 諸侯 卒 之 不 僭 論 此 速 强 亂 季 人 出 之 氏 季 須 何 又 萌 又 古 故 是 桓

其不 藥 爲 外 以 故 昭 知 力 弑 季 反 出 自 反 崇 以 爲 髮。 焉 之 足 則諸 君 友 ? 相 來, 公 在 就 爪牙, 義 死 之亂 所 喪 所害者。 獎 陪 與季文子有定君之功, 着 似 ,於是假借 蒲 正 天下 所 其 ,定公立 他 侯 實 能 臣 緣 後 圃之亂 敗 從 此 軀 而 自 處 有慶父、 來 搏 何 之, 事 者 至 不 看, 權 擊 故 血 譬 古之君子,言 利 ? 知 幾 内 所 ? 長 於 魯 氣 季氏 如 當 於 其 亡。 以 則 養 皆 外 既 要 襄 之 時 蓋 利 或 在 他 是 乃 衰, 權 得 仲 長 時 雖 季 在 其 大 家 可 養容 放 之 所 之便, 平 未 得 夫。 前 惟 所 服 臣 0 縱 難 以 子 他 恐他 必 有 其 以 之,豈 自 强 如 肆 所 縱 在 所 慮 不 不 不亡 季 此 其 陽 悍 欲 家 毒 大 悪 義 爲 其 以 氏 殺 專 後 虎 勇 之 臣 在 平 夫者 後 者, 不强 癰 能 之 權 者 所終,行 人 者 未 後 知 子 之 權 爲 逐 之人 來 實 禍 服 有 僅 因 所 疽 手 爲 丹 於 及 但 成 何 不 方

必 稽 其 所 敝 蓋 爲 此 也

宋 樂 祁 言 諸 侯 惟 我 事 六年

侯言 諸 以 因 歸 到 使 也 多 日 見 侯 觀 此 台台 不 於《左 往 多見於《傳》、蓋當時之政自大夫出故 果 自 自 春 可 看 語 宋 必 遇 一, 0 晉 : 這 雞 論 相 樂祁言於景公曰 秋 使 如 其 宋之一 澤、 天 天下 爲 子 氏 禍 陳寅之言 段 下 其 湨 謀。 》所 往,子立後 大勢。 大 事 憾矣 樂祁 梁之會,大夫專盟,全不 載,凡 會,多是趙 當當 勢。 蓋 當 用 時 考《左 爲范獻 若 見於征伐 其言, 時之政,自 樂祁 陳 是 而行。」料 諸 寅 桓 武 氏 之 告 見 子 侯惟我 一 文 等 謀 其 所 所 溷 盟 説 以 宰 載 也 執 會 而 諸 得 話 終不 之間, 前 自 陳 本 行,及 事 晉 侯 音,今 諸 末 精 寅 見 出 政 大 也 夫 侯 祁 故 皆 多 寅 口

> 於書 夫,縱 懷、 政 政 及 寅,是時 自 春 在 如 秋末 諸 傳、當時 陪 公山 諸 侯, 臣 家 侯 後一 出 臣 失 不 縦 故 大勢 權 事 狃 天子 節 也。 尚 迹言語多見 陪陪 如 亦 失 以三 北宫氏之宰、 口 自 臣 權 整 可 執 頓 然 一者觀 知 政 ; 於《傳》、蓋 猶 到 天 如 自 得 下 陽 如 陪 可 大 虎 樂 臣 ; 勢, 政 祁 名 如 當 字 在 可 之 仲 時 見 大 見 之 陳 梁

范獻 於是始尚羔八年 子 執羔趙簡 子中 行 文子皆執 鴈

魯

之制 時 中 號 行 文子 公會 爲 尚 且 晉 周 皆 不 禮 執 師 知 盡 於 鴈 瓦 在 因 魯 魯 見 范 於 晉 是 獻 然 師 始 子 卿 而 執 尚 與 卿 羔 羔 大 大 夫 夫 趙 在 執 羔 簡 春 子、 鴈 秋

方 先 尚 執 鴈 不 王 之 知 尊 禮 羔 卑 散 鴈 别 之 在 别 諸 方 或 始 必 不 知 待 能 出 見 備 羔 晉 魯 卿 最 大 此 夫 秉 見 執 唐 當 之, 禮 時

且 修 整 舉 此 條 其 他 禮 不 備 處

多 又 以 這 段 推 之。 當 時 春 秋 之 末 先 王

節 之 禮 所 散 以 在 孔 天 子 下 出 來 無 所 删 統 ^ 詩 紀 **>** 定 IE. 合 ^ 書 當 \sim 收 拾 周 時

章 易 文 物 作《 欲 春 散 秋 而 未 蓋 盡 這 使 時 當 節 時 正 無 是 道 孔 德 子 都 義 散 典 盡

尚 T 不 當 知 先 時 王 所 之 謂 制 典 章 其 文 他 物 口 之 知 備 孔 無 子 如 所 魯 以 問 魯

官 名 典 於 郯 以 子 問 禮 世 法 於 老 然 聃 而 皆 魯 收 之 拾 禮 天 當 下 之 時 遺 是

唐 文 逸 公之 所 傳 示 想 後 見 無 所 不 備 而 卿 大 夫 所 執

IF. 是 帝 干 洲 狩 之 禮 修 Ŧi. 玉 0 帛 生 死

贄 巡 羔 狩 所 鴈 修 正 是 在 卿 周 大 則 夫 有 所 + 執 年 在 巡 虞 狩 則 所 有 修 Ŧi. 尊 載

> 卑 久 所 不 以 上 講 不 下 故 辨 之 也 羔 分 鴈 全 在 亦 玉 是 帛 周 采 之 章 東 以 遷 别 巡 等 狩 差 之 禮 魯

季 得 氏 寤 志 叔 家 公 於 孫 鉏 而 代 魯 輒 極 位 故 公 無 寵 Ш Ŧi. 年 不 於 人 狃 叔 大 皆 陽 孫 虎 氏 不 陽 叔 得 仲 虎 志 欲 志 於 季 去 不

當 皆 季 源 叔 室 敗 非 不 時 孫 寤 在 他 陽 五. 輒 其 是 公 過 所 虎 人 無 掌 要 威 以 鉏 不 之亂 寵 握 得 力 欲 極 過 於 不 貪 去 欲 叔 然 公 足 當 其 三家 大 孫 而 Ш 時 禄 陽 氏 亦 當 不 位 或 虎 非 時 狃 叔 其 X 去三 以 知 欲 皆 皆 仲 本 亂 謀 滅 聽 不 志 心 桓 不 易 \equiv 得 命 不 非 及。 亂 而 家 志 得 是 代 所 志 於 欲 其 以 看 垂 以 於 季 張 得 位 成 此 魯 氏 公 見 而 本 ൬

收 既 備 亂 然 季 家 者 出 陽 氏 臣 易 而 蓋 勢 陪 虎 亂 奔 於 蒲 鈞 時 臣 而 其 所以 陽 使 得 甫 E 力 權 虎 陽 志 敵 自 孟 去 虎 雖 然陽 當 氏 陽 其 自 出 復歸 家 足 虎, 權 事 奔 虎 臣 卒 以 成,公室 所 非 公斂 於三家,然 未 相 以 是 家 能 制 \equiv 不 雖 處 收 家 成 未 脱 父 所 之 告 必 陽 以 亦 論 而 張 功, 虎 孟 是 當 卒 來 之 孫 陽 當 乃 不 徒 時 禍 是 先 能 虎 享 時 以

此 方 日 若 去之,却 生。 去 形 且 迹上 如 是 漢 公斂 看陽虎 弘 恭 處 父之謀 石 陽 顯 虎 陪陪 飛 欲 揚 擅 臣 跋 帝 之 扈 室 禍 之 於 及

> 之威 小人。 亡。 蓋 權 官 天 下 既 其 蕭 學者 所 權 所 去 望 以 自 憂。 之、 外 尚 去 合 戚 論 恭 劉 成 復 又 其 向 帝 顯 振 擅 勢 之 之 權 徒 又 時 其 須 不 或 所 看 此 恭 過 死 去 以 漢 或 顯 小 不 室 王 逐, 之 人 振 所 鳳 去 者 者 或 以 而 論 不 是 E 何 誰 免 漢 故 志 室 去 於 宦

陽虎奔齊請師伐魯九年

君 孫 子 焉 以 用 諫 陽 E 不 之? 日 虎 利 \equiv 既 於 敗 夫 加 君 魯 於 陽 必 富 或 魯 虎 取 於 而 季 有 求 自 氏 寵 容 魯 而 於 0 焉 奔 齊 季 大 齊 侯 於 親 氏 將 魯 富 請 而 許 或 不 師 將 親 兹 以 殺 季 伐 鮑

擊

雖

去

小人,公室

之

權

無

緣

得

振

正

如

陽

虎

之亂

相

似

子

得

志

則

公論

便正

;

出

於

小

人

小人

自

相

攻

據

權

亦

未

有

不

敗

時

然

其

敗

出

於

君

子

君

陽

虎

又

生

陽

虎

凡

事

皆

如

此

小

竊

位

資

陪

臣

一之力。

陪

臣

展

轉

竊

位

據

權

是

去

0

加

文子 謀 無 去 所 成 子 亂 事 去 時 段 虎 流 13 齊 尚 之際 害 在 皆 事 所 以 優 未 齊 . 譬 故 在 乎 人 有 有 欲 被 見 游 或 以 雖 ? 不 典 此 也 码日 傾 陽 是 陽 得 如 謀 衰 無 此 刑 得 陽 觀 覆 虎 時 齊 虎 力,到 知 畫 尚 之危 之, 也 元 得 雖 專 侯 去晉 1 故 正 有 變 氣 有 政 執 重 人 得 鮑 爲 乘 魯 詐 亂 重 未 陽 人 亦 臣 所 邪 此 復 文 閒 免 謀 臣 盡 虎 爲 得 是 宿 子 蹈 説 以 伺 其 宿 治 ? 用 及 將 外 要 魯 德 隙 不 能 疾 德 年 小 其 之 邪 興 用 入 於 所 當 X 而 九 若 覆 客 奔 不 如 以 或 其 其 時 君 + 使 之 晉 得 砥 轍 氣 得 策 家 君 齊 人 又 餘 齊 過 柱 尚 有 收 晉 將 所 平 奮 無 爲 觀 幸 之 擔 謂 進 無 何 有 鮑 在 居 當 老 當 其 這 老 故 變 無 得 成 詐 鮑 文 中 無

晉 趙 手 簡 捥 子 盟 衛 侯 將 歃 涉 佗 捘 衛 侯

之

及

晉 車 Ŧ 乘 在 中 牟 衛 侯 將 如 Ŧī. 氏 敵

矣

九

避 衆 乘 伐 其 得 辱 在 氏 能 1, 堅 弱 焉 半 衛 抗 朝 石日 以 雖 衛 寡 過 不 未 或 車 當 侯 人欲 晉 能 Ŧi. 褚 之, 口 使 時 朝 甲 百 師 當 勝 與 龜 晉 涉 讓 之 乘 圃 兵之多 敵 其 世 佗、 焦 車 忿 普 亡 或 半 T 在 以 成 慨 之 緣 招 敵 衛 中 乘 衆 何 然 師 亦 危 他 矣 侯 牟 在 寡 發 辱 當 倍 不 取 日 中 憤 强 衛 日 時 敗 衛 能 : 乃 牟 以 弱 侯 之 當 慨 何 调 口 論 然 師 衛 衛 衛 當 故 也 中 之, 發 以 雖 之小 侯 時 晉 衛 牟 此 憤 小 將 爲 人 侯 衛 觀 立 望 車 其 他 不 如 車 志 度 欲 千 Ŧi. 深 而 不

反 志 志 下,立 車 校。 得 何 緣 敗 師 乘 亦 下 之,不 有 有 之 卑 之 事 衛 圃 在 不 辱 中 此 衛 辭 侯 辨 且 晉 可 當 志 所 近 自 雖 言 牟, 問 志 侯 7 不 車 如 以 時 在 可 初 而 台 既 衛 志 立 從 之 0 軍 先 衛 望 以 用 人皆 不 人遂 所 及 之 有 齊 之衆 齊 半,晉人 本 擊 兵 而 在 所 以 堅 衛 此 0 師 是 避 有 强 百 謂 執 叛 大 侯 志 以 乃伐 克 之。 此 屢 會 弱 涉 尚 之 而 過 白 衛 城 故 齊 志 之 加 佗, 故 自 中 脩 軍 齊 自 雖 而 事 卿 間 兵 望 牟 身、 師 則 齊 可 多 小 驕 可 以 勢 大 衛 而 晉 而 奪 人 克 以 求 其 齊家 果 當 如 夫 安 慨 避 不 帥 人 擊 夷 成於 敗。 能 時 帥 此 能 有 之 皆 然 皆 于 儀 不 兀 台 此 發 服 又 治 H 當 以 是 更不 衛 此 敢 夫 賤 志 憤 欲 涉 或 到 必 必 進 何 此 有 伐 不 服 佗 衛 這 平. 死 況 遇 軍 志 知 死 士 敢 V. 口 衛 褚 天 之 之 成 無 必 千 奪 天 衛 民 裹 與 人

不許,趙簡子遂殺涉佗以謝衛。

是 戒 自 足 身 是 己。 其 涉 暉 知 簡 人 佗 靠 以 當 趙 意 論 上 子 脱 -! 趙 趙 論 簡 謂 之 義 時 到 論 成 然涉 簡 簡 女妓 得 如 意 當 子 來 簡 子 何 自 子 子 雄 責 司 時 衛 子 之於 佗、 承 古 反 所 如 既 馬 使 己 所 秉 順 女好 執 以 成 時 Ш 叛 昭 非 以 政 涉 簡 道 雄 涉 使 何 無 岳 之 辱 趙 佗 當 子 賣 佗殺 屢 理 以 禮 人 於 衛 權 之 子 加 去 人 爲 不 成 兀 侯 成 意 己實 使 以 之, 兵 不 奉 夫 不 知 何 濟 他 不 非 自 得 之 義 至 皆 迎 以 使之。 服 脱 他 微 後 於 日 朱 簡 誰 謝 是。 爲 都 本 事 捘 而 温 子 是 敢 來 罪 涉 如 心 勢 衛 辱 學者 之 以 辱 便 時 就 於 佗 此 之 侯 或 於 賣 乃 秉 取 簡 衛 衛 者 之手 變 君 當 敵 是 蔣 自 子 政 侯 人 他 Œ 自 趙 終 深 以 不 亦 而 不 元

免 未 於 以 戮 有 此 不 知 當 反 徒 此 爲 倷 所 時 權 害 臣 雖 爲 趙 事 簡 子 不 亦 顧 末 義 理 如 之 之 何 所

仲 由 鷾 E 魯 墮 爲 十三年 費 季 公 氏 宰 Ш 將 不 狃 墮 叔 \Rightarrow 孫 都 叔 輒 帥 孫 費 隋 郈 季

室之權 仲 事 重 此 邑 本 端 末 尼 議 四 自 不 Ŧi. 孔 常 可 又 初 自 子 君 自 是 復 有 不 此 爲 矣。 爲 論 \equiv 次 **\$** 發 振 政 謀 家 魯 之, 序 於 不 仲 於 或 自 仲 恐 必 尼 魯 從 所 有 尼 疑 驟 若 謂 則 此 墮 家 變 乃 得 議 使 不 不 萬 仲 政 過 仲 家 家 可 不 後 由 兼 由 若 都 知 不 爲 從 來 魯 爲 驟 品 從 之, 季 家 論 或 墮 然 氏 臣 此 加 傷 考 從 考 宰 之言 有 家 當 當 則 威 却 之, 公 損 發 都 時 時

服 況 E 來 政 宫 以 仲 子 昭 之 閉 既 上 與 論 權 公 般 墮 費 爲 仲 尼 古 分明 他 同 動 官 夫子 時 又 難 墮 之 由 雖 獨 自 此 之 亦 此 登 將 若 感 是 都 體 未 有 見 心 公 斯 未 之 臺 者 勇 此 仲 之 貌 盡 家 者 所 得 斂 人 和 免 得 銳 事 議 尼 未 收 當 與 所 感 孰 季 亦 處 爲 邦 兼 反 終 聖 損 公室 不 倉 以 動 氏 父 非 而 E 利 覆 家 人之資 爲 卒 人 雖 懷 與 負 不 仲 叔 魯 論 仲 害 政 ? 所 相 用 作 變 或 孫 古 或 見公 當當 由 所 由 於 亂 爲 謂 兵 而 之 氏 口 而 所 特 感感 同 奪 魯 時 未 之 仇 立 萬 體 能 威 不 發 此 室 季 之 時 仲 於 克 讎 亦 則 物 1 服 權 之 令。 氣 與 氏 尼 斯 氣 未 覩 閉 未. 者 耳 敢 如 到 三家之 皆 爲 何 最 立 知 蓋 沮 古 孰 此 此 如 從 先 故 政,公室 者 苗 聖 仲 聖 綏 見 然 能 季 不 者 聖 墮 之 爲 逆 人 感 尼 氏 與 亦 兩 斯 之 所 須 命 此 都 在 郈 在 爲 此

感化之功如此。

秋 晉 范 趙 陽 於 晉 同 氏 鞅 上 中 陽 謂 午 行 邯 不 鄲 氏 從 伐 午 趙 趙 日 孟 氏 歸 怒殺 之宫趙 我 衛 午 貢 十三 鞅 Ŧi. 白 奔 家

十二月趙鞅入於絳同上

午 殺 鄲 鞅 作 中 只 私 是 緣 午 之 行 午 亂 之 荀寅 之由 趙 緣 所 氏 歸 晉 氏 衛 范氏、中行氏與 所 以 此 字,爲 豐 之甥,荀 以 貢 一, 與 再 作 植 五. 援 後 亂 其 百 邯 致 來 看 私 家於晉陽,午 范 鄲 寅又是范吉射之姻,親黨 亂 此 范 欲 午,亦 氏 之 曲 中 助 趙 私 由 折 他 行 氏 邑 非 所 氏 相 斷 强 當 有公心。 攻。 之所 不從 之一言 大。 時 以 致 趙 到 以 亂 趙 觀始 鞅 得 敗 不 正緣 之由 孟 欲 范 過 趙 者 怒 邯

> 或 實 子 梁 徒 私意,無一人爲公,晉安得不亡? 助 正 更 負 是 私 嬰 或 言 亦 相 (,或存 家 私 黨 父 於 與 助 公、欲 之刑 爲 中 韓 以 卿 到 行 或亡,通 氏 二,其 得 此 文子 報 故 逐 趙 知 私 端 荀 欲 鞅 晉室之亂 相 怒 逐 寅 亦 是 奔 恶, ·, 范 私 笛 晉 范 外面 欲 氏 意 吉 陽 乘閒 私 代 後 射之徒, 若 舉 乃欲以 意。 其 欲 逐之。 來 位 振 卿 韓 爲 綱 0 私 雖 亦 簡 或 紀, 或 范 愛 非 盡 韓 子 是 勝 其 7 之 氏 簡

子 貢 焉 見 + 邾 五 子 執 玉 高 公受玉 卑 皆 有 死

子貢見邾隱公執玉高,公受玉卑,皆知

怒」,金華本作「怨」。

^{●「}代」,原作「代」,據四庫本改。

其 中,是使 之門 真,與《 死 真。 庭,觀 賜多言者也。」左 既 論語 而 其 果 || 所載 所載,多是變移 然。 仲 大段不 尼 氏 日 雖 同。 近,然 賜 了,意 惟 不 此 未 幸 不 言 段 聖 得 而

其 前 獨 此 得 初 其 入聖門, 仲尼此 專恃 言,乃是深警省子貢 智辨,只去人上 處。

皆是志滿意得之時。 夫,如方人,如 看二 君死亡,皆是億則屢 到 此若 非 聖 人 有 以 中, 警

省他,子貢點檢己分工夫都 工夫了。 正當驕 大 矜揚之際, 無,專 却 與 去 他 萬 上 鈞 做

「壓倒」 忠 厚意 T 許 思,與前 多意 見,所 日 方 以 逆 後 料 來説 君 紂 死 之不

明 是 兩 箇 何故? Œ 如 病 作 而 投與藥

左 氏 傳 説 卷第 十 九

後學成 德校 訂

左 氏 傳說卷第二

祖 謙 伯 恭

定 公

於 越 敗 吴於 樵 + 几

罪 歸 臣 勾 踐 取 死 奸 人 患吴 _ 旗 吴 其 、敗之。 與 鼓 遂 之 越 履 自 屬 不 整 戰 還 靈 剄 劒 敏 也 卒 姑 也 於 越 於 浮 使 子 君 頸 於 以 師 死 勾 之行前 陘 而 戈 屬 士 踐 辭 之 擊闔 再 禦之, 到 目 禽 此 : 不 焉 廬 吴 越 敢 陳 不 方 子 闔 於 逃 君 爲 大 廬 動 檇 刑 有 越 傷 而 李。 治 所 使 將 伐 敢

以

或

後

重

幣

所 若 效 父 苟 傳 無 固 用 陳 來 適 敗 到 耳 時 乎 奇 目 兵 吴, 申 出 者 敗 使 法 又 可 从 以 闔 幾 處 巫 不 吴 從 公 臣 傳 舍偏 則 終 越之剽 廬 其 滅 闔 臣 巫 0 可 得 孫 必 傷 孫 不 爲 講 越 廬 以 臣 千 無 武 謂 復 孫 兩 武 而 可 所 之精 既 此 變萬 法 悍 之臣 讎 己 武 效。 死 之卒於 孫 敗? 教宫 敗 知 制 之志 輕 日 在 武 天 死 化 所 雖 之 吴 易 人 來 則 下 徒 蓋 何 关,教 之 其 謂 甚 猶 闔 餘 夫 戦 移 何故 之 必 守 兵 故 陳 堅。 子 行 畏 差 廬 教 陳 换 事 不 巫 有 越 所 夫 列 末 而 耳 他 爲勾踐 臣 到 而 斬 惟 卒 IE 出 差 有 年 以 何 不 目 陳 伍 忘 其 伍 有 其 其 使 傳 孫 如 敢 故 乘之 尚 亂 越 犯 奇 計 者 武 則 此 人 分 前 立志之堅, 甘言 承 地 王之殺 之法 命 7 不 布 整 有 Œ 變 他 餘 法 位 以 者 口 於 之 不 則 吴 當 此 教 乃 庭 法 教。 便 既 前 口 知 遺 則 後 時 當 口

之 待 差 越 間 其 之 爲 所 V. 志 則 所 斷 人 不 於 本 越 誘 堅 提 可 庭 易 滅 ? 滅 源 隔 轉 絶 起 發 志 聽 出 若 如 移 他 處 處 滿 太 火之 以 意 T 意 則 宰 必 其 常 思 得 復 嚭 謂 志 必 理 所 之時 讎 則 讒 已不 己, 熱 論 以 之 臣 知 之, 終 是常 持 如 念 之 他 全 至 水 贵 坐 當 説 了。 之 於 要 之 薪 有 時 甚 志 志 人 嘗 必 間 所 工 難 滿 喚 滿 濕 膽 斷 夫 以 意 省 意 之 ! 已 常 然 如 得 他 時 得 自 江 使 觀 今 爲 有 必 使 爲 終 河 夫

待 滿 而 諒 之友 人 意 須 地 以 學 得 者 位 夫 删 朝 觀 方 差 位 夕 堅 此 事 警 古 事 自 便 省 自 警 最 亦 當 見 戒 是大段 警 學 見 者 戒 得 做 今學 人終 有 工 志 夫, 靠 者 之人 須 能 不 到 得 親 然 直 志 不

哀 公

宋公 公孫 遂 滅 伐 强 言 曹 曹 霸 將 年 還 説 於 子 曹 肥 伯 殿 乃 曹 背 人詬之公怒 晉 奸宋 七

築 人 觀 辱 必 抵 用 見 如 作 如 滅 晉 伍 天 武 滅 子 曹 肥, 意 下 時 邑 何 宋之人曹 任 尚 節 甚 爲 於 事 無 公孫 且 宋 之。 若 郊 意 不 背 公怒, 偶 强 必 爲 之, 是 雖 當 然 當 是 爲 無 根 偶 近 時 去 曹 遂 時 政 備 本 然 公 如 滅 本 大 反 已 方 小 宋 孫 他 出 段 何 既 虚 欲 小 强 得 他 故 無 還 尚 啚 變 ? 則 與 忽 政 無 之 且 霸 故 曹 禍 意 然 無 考 師 奸 釁 伯 背 滅 備 皆 當 之。 大 以 之 論 得 晉 足 時 曹 發 滅 ? 霸 奸 不 曹 以 正 人 之 爲 不 是 大 詬 大

氏 傳 説

古先 以 之衆 禍 雖 到 ()便足 甲 致 離 聖王 兵 死 當 T 外 之 時 以 雖 則 利 ,所以培 曹 IE. 致 用 如 伯 飲 城 死 兵 元 與 池 於諸 公 氣 養根 食 之 或 孫 虚 固 家 __. 侯 本 强 底 当皆 起 到 -者以 爲 人 内 得 不 政 則 根 居 不 足恃 此 間 興 本 須 以 民 土 + 小 稍 功 心 或 分 以 將 己 此 單 攝 民 病 離 知 不 心 弱 口

齊 從 師 季 伐 孫 魯 日 冉 不 求 能 爲 + 季 氏 年 謀 子 守二子

到 强 孫 , 同 微 得 亦 矣 衰。 如 魯哀 中 心 昭 間 併 公時 公伐 孔 正 雖 力, 子 是三 有 不 所 季氏 以 間 謂 家 特 弱 隙 時 禄 魯 衰 公 然 或 之去公室,三 室 時 叔 急 勢衰,到 節 孫 相 難 氏實 救 之 始 如 際 者 救 此 左 三家之 \equiv 之。 尚 桓 右 家之 爲 手。 陽

> 之 魯 之世 直 策 下 難 冉 子 子 虎 0 勢 待 0 之 求 從 當 了 欲 衰 冉 際 之言 冉 冉 殺 時 到 求 皆 求 求 季 季 家 冉 此 又 激 又 告二子,二子不 氏 桓 不同 家之勢 各 求 孟 畫 欲 武 則 子, 自 爲 孫 背 使 叔 以 休戚了 季 爲 孟 之 其 城 到 叔 了 氏 政 孫 居 孫 而 力 此 謀 方 氏 都 之 戰 封 尚 亦 所 言 退 實 不 之 不 疆 衰 不 可 救 而 以 相 肯 策 之 足 蒐 之。 齊 應。 間 向 以 以 到 乘 論 師 使 前 季 來 得 此 及 到 子 叔 口 贵 孫 此 雖 得 至 齊 守 出 惟 是 其 當 孟 又 哀 師 力 下 患 以 伐 公 魯 城

與 若 之 衰 越 \equiv 却 或 無 相 家 救 蓋 所 勢 自 之勢 作 之 齊 如 可 爲 時 師 此 喜 他 至 俱 衰 大 其 至 循 故 尚 古 城 於削 未 拱 此 是 下 手 却 肯 口 广。 是 待 向 論 慮 前 之, 轉 來 ; 若 IE 移 \equiv 則 能 時 同 看 家 魯 用 節 舟 此 之 君 遇 勢 魯 或 子 段 風 如 自 勢 大 古 此 此 魯 胡

广。 孔 初 孔 後 此 在 口 所 家 間 用 以 子 來 時 子 以 之 之 能 然 卒 之 如 退 又 是 何 强 徒 徒 得 猶 此 故 離 冉 退 至 求 能 敵 亦 齊 離 之 冉 心 一於亡 粗 不 師 有 迁 心 以 力 存 却 爲 用 支 口 收 也 危 論 此 而 魯 持 矛 委 公室之權 邦 蓋 魯 來 IE 用 者 以 曲 當 之 以 齊 是 以 尚 畫 時 社 則 有 師 轉 此 齊 數 孔 餘 稷 君 又 至 换 知 策 師 子 未 出 子 城 則 時 君 三人 既 即 及 得 於 而 節 亦 子 自 不 泯 樊 孔 不 \equiv 尚 合 初 仕 用 遲 家 子 能 滅 哀 不 便 口 於 於 者 之 用 爲 出 負 公 整 趨 魯 徒 皆 右 師 也 處 於 頓

伍子胥使於齊屬其子於鮑氏爲王孫

氏十一年

伍子胥以忠諫爲夫差所殺,夫差失道,

於吴 使 自 當 其 爲 此 使,見 子 聽,去之可 死 死 知 鮑 無 道 古 子 胥 吴 子 子胥當 贵 把 以 心 愧 纔 氏 不 本 八宗 臣 爲 做 全 奔 足 諫 顧 而 不 夫差 胥 不 要使宗 然當 吴, 宗 論 不是 死 私 之 慮 極 由 有 時 吴 心 臣 他 便 也。 無 輔 於 力 而 愧 若 事 時 看 公, 或 是 忠 道 忠 佐 子 存 祀 當 ? :論 吴 子 今既 私 諫 闔 自 嗣 諫 與 使 有 以 則 胥 子 屬 然 先 心 廬 初 以 宗 主 吴 俱 私 奮 其 死 正 受 則 爲 T 世 不 0 存 祀 俱 心 吴 緣 却 子 不 闔 爲 爲 兩 不 其 昊 吴 間 存 自 死 不 於 他 顧 不 廬 吴 子 可 然 下 意 殞 广。 雜 鮑 此 然 身 有 宗 死 之 亦 都 便 胥 看 以 於 大。 氏 則 托 自 以 臣 絶 安 計 子 謂 到 他 心 其 當 俱 有 排 以 此 胥 當 得 當 己 論 自 0 時 則 所 閒 死 得 爲 可 前 之 事 夫 以 當 如 時 子 以 子 愧 好 後 死 所 胥 差 胥 屬 吴 却 既 此 未 諫 與 何 處 之 以 之 是 出 或 必 古 愛 古 無 不 而

氏 傳 説

於先 干 存 之 王大 徒 更 可 無 段 也。 顧 不 慮 同 今以 若能 此 而 以 死 此 與 處 自 心 靖 雖 進 自 之 比

孔 文子 未 之聞 將 攻 大 叔 仲 尼對 以 甲 兵之事

故 子 問 衛 蓋 事 聖 其 如 門。 得 無 閒 以 靈 左 是 公問 氏 之 皆 其 孔 (左氏) 緣 是 載 訛 眞 使 傳 文 句 左氏 陳 孔 其 聞 錯 子 句 故 孔子之對 子 得 之 於定、哀之 載 言 相 不 答孔 失 觀 與 似 之。 衛 曾 實, 聞 其 靈 登 文子之辭 孔 載 蓋當 舉 公。 此 聖 子 孔 閒, 此 以 般。 人之門 聲 左 時 子 知 載孔 欬之末, 氏 本 若是 對 左 事 與與《 是 不 孔 氏 , 子 分 曾 則 文子 本 對 事 明 事 論 登 其 則 不 兩 語 證 甚 聖 他 曾 必 唯 **|** 載 門, 多 據 段 之 皆 弟 登 不

> 미 知

伐吴

越

子

隧

吴 或 於 争 事 欲 如 時 自 之 出 此 諸 於 以 臣 有 此 妾 在 方 中 此 師 侯 大 便 越 外 之謀吴,自 原 驕吳之心 出 爲 夫 做 ,到得吴伐齊,率其 所 種、范 謀 兵伐吴。 黄 到 吴工 以 池之 得 守 蠡 十三 ,使皆無 夫, 哀 或 會 深 蓋 者 公元年 其 於 年, 吴 正 皆 知 次 腹 是 庸 夫 後 第 兵。 衆卑身以 心 勾 可 差 顧 人 機 臣 乘 踐 空 之 始 謀 此 既 之 或 患 棲 者 越 甚 死 機 盡 於 所 朝 事 密 會 一意從 出 又 越 吴 以 稽 皆 當 沼 空 王 以

庸 皆 之徒 在 外 其 皆 戰 所 亦 與 孱 有 抗 弱 本末, 越 不 ·足勝 師 當時 者 不 之人。 所 過 太 謂 信 子 然 友、 臣 初 精 間 王 卒 與 孫 越 彌 悉

七

四

之

深

爲

事

,

遂

行

如

何

所

以

嘗

試

吴

+

四

年

戰

彌

庸

尚

到 無 舉 且 便 復 有 足 時 之 弱 戰 王 便 示 獲 得 滅 餘 而 然 滅 兩 勝 分 之 兵 之 滅 疇 越 若 滅 得 却 之? 越 意 之 兵 吴 謳 勝 師 以 全 無 ? 既 之。 吴 自 人 爲 陽 越 不 吴 其 師 餘 未 王 養 所 兩 惟 蓋 是 能 精 王 兵 至 吴 此 經 口 道 將 當 鋒 王 驕 其 之 鋭 已 或 是 此 必 皆 果 蓄 子 吴 先 經 時 之 所 歸 木 大 0 大 寡 然 人 地 越 何 龃 鋭 大 卒 謂 夫 變 故 之 雖 及 人 弱 大 之 他 故 獲 變 隨 越 種 越 吴 之 全 謳 無 心 敗 不 師 吴 而 側 子 之 吴 敗 道 盡 師 師 陽 ? 范 身 王 不 全 不 退 滅 至 師 象典 以 若 是 修 在 過 委 師 所 如 宗 習 術 深 政 氏 陳 時 至 自 來 而 當 人 之 從 簡 景 0 以 立 根 子 人 陽 略 公 公 所 所 時 雅 此 女 古 齊 使爲 嫡 謂 謂 時 蒂 生 而 尚 陳 口 而 子 其 喜 己 闞 庶 之 陳 有 有 氏 興 政 輕 陳 尾 豹 道 之 族 止 不 口 便 齊 氏 相 淺 尚 明 看 路 啚 亂 深 乃 之 以 初 以 無 繼 能 他 之 之

是

道

疇

陳

氏

又

專

V.

君

之

功

封

殖

始

於

景

公,

而

成

於

簡

而

没

陳

氏

已

竊

其

柄

後

勢

已

成

簡

公

却

欲

闞

止

爲

非

深

識

遠

慮

之

不

過

人

吴。

他

當

以

驕

吴

人

,

此

正

是

兵

法

何

能

以

孱

弱

外

者

尚

多

若

能

勝

孱

弱

不

陳

氏

宗

人

時

要

謀

百

年

所

以

謀

陳

氏

甚

疎

淺

而

無

勞,

大

此

得

寵

是

左

右

近

慮

遠

謀

猶

恐

不

濟

今

見

他

本

謀

告

之,

謂

欲

盡

逐

陳

氏

謀

口

見

此

所

以

殺

其

身。

此

而

亡

然

以

事

勢

論

陳

分

陳

氏

之

權

觀

陳

成

子

憚

理

闞

止

是

左

右

近

習

之

必

先

退

而

後

吴

人

敗

越

孱

所

以

不

能

敵

之

於

敵

此

收

合

餘

燼

以

七

七六

之 擇 謀 視 宦 是 也 薦 陳 圖 圖 致 觀 收 口 在 他 H 諸 官 理 齊 焉 陳 豹 反 而 不 口 事 緣 緣 故 豹 猶 侯 或 覆 不 當 露 御 見 審 緩 用 用 君 之 鞅言 之 闞 自 傾 忠 之 時 如 訓 唐 以 闞 子 辭 當 稽 權 此 止 欲 禍 險之人, 此 文宗 持 告 必 止 注 於公, 首 時 與 小 使 1 乃 _0 兩 得 正 若 魯 迎 人 所 公孫 所 以 時 誰 云 端 考 志 緣 拜 得 昭 以 則 以 固 間 此 之 當 古 注 公 尚 宦 深 言 成 遂 日 得 事 有 不 説 欲 不 欲 時 淺 識 官 己 陳 成 自 論 足 他 陳 爲 逐 當 遠 禍 日 無 要 氏 畏 ? 之, 宦 道 陳 若 豹 子 慮 季 盛 薦 端 謀 之 事 官 宰 者 臣 以 公 若 之 然 氏 當當 闞 之 闞 相 却 正 孫 士 擇 長 陳 不 雖 陳 不 吾 勢 止 在 時 起 理 之 同 用 氏 知 而 口 憚 氏 宦 贵 用 於 論 薦 之 當當 則 並 上 他 其 公 啚 官 尚 然 訓 無 陳 他 權 僂, 不 不 爲 孫 君 所 時 尚 有 所 口 豹 注 當 謂 望 猶 其 人 以 啚 盡 却 所 口 口

> 持 陳 憚 薦 兩 不 端 豹 在 其 兩 又 我 之説 之 端 爲 恐 此 美 ,使 違 其 他 故 他 此 他 人 緩 人 日 猶 自 深 情 告 陳 擇 口 不 口 豹 恕 誅 敗 當 得 此 時 今 時 不 薦 既 使 以 句 他 知 全 爲 使 遮 其 我 所 我 護 如 曾 以 知 他 説 此 又 他 \Box 專 而 難 説 吾 罪 持 保

宋 公 奔 白 衛 知 魋 之 請 + 四 與 享 年 公 皇 野 以 謀 日 召 中 左 爲 師 期 家 百 備 發 盡 兵 魋 往

之謀 繼 叛 左 之。 宋 師 韋 謀 口 要 此 曹 魋 伐 得 事 自 向 要 享 始 有 執 魋 宋 末 寵 曹 公 大 其 子 向 而 概 弟 魋 跋 殺 如 戰 之。 扈 以 此 難 自 不 宋 制 古 勝 公 0 至 遂 魋 先 於 人 知 不 有 曹 之, 口 殺 叛 民 與 君

然

此

事

尚

多

可

論

者

向

魋

自

宋

公

封

殖

惡 其 者 君 散 之 當 道 崇 既 然 故 周 來 必 周 長 之官 ? 父 之 請 時 當當 是 若 獎 定 制 養 在 與 但 符 1,今官 兄 要 瑞 他 鄉 在 非 蓋 皇 時 知 縱 可 設 故 節 奪 制 遂 而 口 有 父 野 可 馬 以 臣 享 其 與 後 不 見 日 兄 尚 則 臣 載 謀 奢 馬 却 皆 召 卿 大 厭 敢 故 見 不 而 詐 請 侈 前 大 公, 日 周 者 召 大 發 於 敢 不 臣 崇 其 君 瑞 此 夫 不 禮 左 凡 且 以 周 發 知 獎 命 勢 奪 之家 家 可 \forall 以 蓋 論 師 有 之 日 不 他 馬 此 君 掌 世 召 此 當 發 口 君 其 末 中 至 請 其 仕 左 發 之 知 時 兵 到 山 新 固 爲 於 行 故 大 於 澤 師 周 兵 養 奢 當 兵 期 各 臣 當 殺 者 不 侈 之 來 之 哭 桓 雖 臣 却 時 有 0 時 宋 君 肯 事 之 氏 制 掌 聽 要 主 却 若 須 與 看 公 攻 不 極 掌 度 於 目 命 攻 言 漸 養 以 論 偶 口 此 已 向 司 腫 兵 之 染 是 其 尚 先 他 此 迹 馬 新 非 馬 氏 其 何 得 謀 有 知 其 人 雖 知 小 自 以 他

> 深 是 所 以 新 1 君 什 子 於 他 居 必 尚 擇 漸 鄉 染 未 游 慣 必 就 略 士 知 君 正 臣 怕 漸 染

造 氏 他 徒 或 此 不 不 而 日 次 **|**載 之 能 能 然 恤 見 不 秉 遷 間 斂 得 顧 大 事 问 皆 口 善 今 政 君 怨 女妓 魋 皆 其 馬 今 不 改 則 既 於 雄 有 事 牛 又 心 失 則 過 退 人 民 之 兄弟 成 便 得 却 義 曹 保 人, 段 却 則 不 罪 爲 所 他 是 享 事 同 於 最 恐 以 我 自 邑, 所 大 他 民 斂 先 能 獨 向 甚 以 最 已 利 做 擇 怨 Ľ 詳 前 遂 魋 質 能 不 活 利 於 所 日 舍 未 民 擇 能 他 路 之。」 害 觀 民 犯 以 出 利 與 乃 弑 出 處 他 寧 亡 寧 害 却言 知 當 君 何 去 負 時 或 是 處 有 惡 前 之大惡 故 時 出 抗 他 故 此 次 名 顚 ^ 奔 非 在 既 恐 沛 H m

● 「左師」,原作「左氏」,據四庫本改。

先 經 昂 不 在 口 孔 爲 當 顛 馬 出 門 挫 義 4 處 奔 曾 其 第 此 而 致 經 或 蓋 既 其 不 亡 做 謂 悔 邑 次 遂 宋 T. 兄 尚 適 非 夫了 示 弟 公 易 齊 學 不 既 初 若 所 力 與 有 未 而 不 他 至 以能 謀 嘗 白 能 口 於 逆 魋 逐 政 再 如 之 口口 亦 司 此 惡 至 奔 馬 馬 大 於三, 齊 牛 4 凡 則 爲 亦 人 他 卿 是 激 屢 亦 己

楚 子 無 乃 西 害 召 乎 子 弗 木 從 之子 秋 果 勝 殺 爲 子 白 西 公葉 [十六年 公言

於 蓋 境 父 讎 甚 知 當 子 亦 楚 他 子 子 時 是 西 西許 無 素 既 西 既 緣 召 岡川 不 不 之,不 作 白 底 聽 信 亂 公,所 葉 葉 起 公之諫 公, 凡 他 師 以 事 使 能 致 能 者 委 召 及 亂 殺 任 晉 請 之 其 白 白 伐 人 由 怒 公使 伐 公亦 鄭 使 亦 鄭 欲 處 不 當 子 得 報 邊 至 深

看

T

以 告 以 子 西 致 爲 子 西 反 白 之 期 亂 救 公 謀 鄭 之 必 子 不 他 平 凡 至 當 事 0 此 都 時 子 激 厲 西 他 正 劍 聞 怒 緣 欲 得 輕 殺 所 恬 子 忽 以 他 不 西 速 爲 過 他 成 怪 直 他 反 所 殺

堂 謀 後 之 於 當 公 邊。 兩 正 楚 所 又 不 皆 天 時 無 八則信 國 謂 今子 下 子 不 大 所 過 不 凡 之衆 等 之事 信 西 篤 欲 能 開 存 人 西 ? 得 邪 保, 心 若 視 皆 楚 既 殊 Ŧī. 蓋 所 之者 於 以 不 不 蓋 欲 必 白 天 信, 等 既 知 聽 敵 爲 篤 人 下 閑 亡 他 信 尚 古 他 此 古 處 之 事 葉 日 甚 有 何 今人於志 之, 餘 不 不 之 公之言 易 當 故 邪 能 可 禍 正 所 負 正 時 辦 以 不 以 如 白 又 緣 他 等 同 葉 此 公 得 發 何 把 子 心 閑 公、 大 做 與 意 於 若 故 在 西 看 功 白 等 滿 以 石 前 於 這 不 T 閑 白 信 堂 之 遂 公 日

越滅吴二十二年

也 城 也 蓋 基 又 能 越 强 或 方 其 下 業 所 圍 須 + 且 韋 暴 廬 虚 | 吴 ? 英其 又 用 年 撫 厚 論 吴。 以 兩 越 戕 兩 了。 來 年 之伐吴, 國 軍 循 覆 夫差 年 + 賊 夫 9 其 潛 其民 到 根 其 方 方 其 吴 越 年 或 涉 此 本 能 根 自 本 自 己 工 能 從 敗吴。 始 已二 虚了 本 自 滅 黄 根, 巫 夫。 也 人之 太 池 事 加 臣 + 其 0 勾 大 何 子 於 之會以前 觀 教 師 國 及其 踐 年 到 吴 故 或 以 耕 越三 戰 二十 於吴,方能 一,以 j 得 人 又 下 戰 法 何 三也, 爲 歸 須 皆 此 甚 而 師 故 年 自 黄 自 到 知 勞 見 久。 師 於 養 會 池 諸 以二 \equiv 執 非二十 在 关,在 成 民 之 雖 只 加 韋 樊 吴 則 兵力 力, 會 + 吴 其 以 緣 己 夫 城 兵 年 吴 之 差 爲 年 至 他 方 肆 再 F 乘

> 之固 譬 之 隋。 必 全 元 天 呼,不一二 Ι. 有 下 夫 速。 或 氣 如 天 皆 也 惟 所 盛 兩 却 下 以 如 不 到 於 其 此 其 能 如 同 李、 年 或 克。 此 死 受 基業 若 便 勢 · 正 È 必 病 危 滅 後 以 非 緩 劉 緣 亡 固 秦。 世 此 不 無 則 是 時 唐 見古人 壯 根 隋 不 方 必 然,秦 本了 然 并 死 見 起 元 陳 之 得 吞 7 0 氣 勝、 病 南 或, 根 并 兩 弱, 大 然 本 北 劉 吞 其 抵 年 厚 六 其 觀 兼 項 根 便 薄 或 死 滅 有 本

晉 晉 晉 荀 荀 荀 瑶 瑶 瑶 伐 伐 韋 鄭 齊 鄭 門 言 齊 于 陳 何 桔 成 必 柣 子 ト二十三年 之門 救之三十 同 上 七 年

分。 然 知 知 伯 伯 以 所 貪 以亡,非委 與 驕 亡 其 族, 靡之故 爲 韓 乃是 魏 趙 才 能 所

戰 謀 始。 馬 此 爲 都 七 看 自 齊 爲 大 救 大 出 知 段 既 然 或 駭 用 陳 楚 無 年 他 輕 來 勇 無 師 之 伐 勝 滅 稽 不 道 前 做 调 亦 베 猶 知 他 殊 鄭 之 第 之言 他 於 無 重 口 理 面 齊 與 自 所 不 後 强 初 1 却 相 齊 鄭 自 人之謀 近 謂 知 件 言 爲 伐 他 或 干。 長 陳 淺 以 傍 元 恃 此 事 政 齊 非 所 武 無 陵跨 氏 而 看 語 E 其 之事 病 他 以 子 救 深 相 他 理,言 小 略 智 觀 戰 狂 到 成 請 長 干 鄭 試 驕 此 無 却 勇 當 喪 此 子 武 1 之 後 正 是 鑠人,蓋 倫 晉 他 自 時 語 大言 心 亦 固 子 勇 與 是 知 理 伐 用 大 所 知 有 是 請 段 至 下 向 伯 他 有 齊 兵 以 便 次 本 其 1, 視 之 始 來 本 略 告 功 覆 到 自 能 於 序 不 來 見 請 由 是 無 陳 却 广 是 後 摧 此 能 如 時 於 道 之, 報 漸 1 氏 根 見 自 堂 來 輕 漸 此 久。 傳 之 之 漸 理 怨 本 堂 敵 卒 齊 漸 此 辭 辭, 去。 之 滿 敢 與 陳 寡 然 之 敗 師 如 他

於亡。 甚 爲 對 道 伯 事 子 桔 T 相 句 何 左氏》之意 有 能 此 本 柣 與 可 以 知 理 勇 到 之 伯 悍 並 及 低 見。 忍 爲 意 地 此 全 門 ^ 恥 子 後 列 昂 位 以 左 須 所 不 蓋當 爲 來 若 使趙 氏 庶 爲 自 至 近 趙 不 悼 卿 看 略 》之意 主 無 此 修 有 道 襄 專 時 之 他 害 在 看 全 襄 省 功 今 理 子 在 知 四 事 趙 此 是 子 時 乃 蓋 T 此 知 由 氏 所 年 直 以 頤 下 知 如 伯 是 只 詳 段 以 醜 人 趙 指 晉 蓋 此 伯 全 忌 説 觀 湊 言 深 又言 門 氏 乃言 驕 氣 又 不 知 成 道 去。 詆 左 韋 縱 使 並 以 伯 段 他 襄 他 氏 鄭 無 漸 爲 知 役 到 知 影記 子 伯 長 强 惡 事 若 得 以 觀 趙 伯 知 能 家 不 此 而 是 所 襄 趙 伯 全 IE. 龃 横 俊」 忍 數 無 卒 子 門 以 有 襄 緣 趙 不 句 恥 勇 謀 之 至 近 襄 子 知 於

■「始」,原作「使」,據四庫本改。

公子荆之母嬖將以爲夫人二十四年

及。 宗 齊 能 魯 君 禮 以 對 餘 妾,僖公以 Ŧ. 一,删《 禮 守 者 歸 如 日 初 ; 論 可 所 惟 其 此 對 哀 不 且以 當 詩 之, 夫 謂 公 尚 賵 曾 無之。」公怒,問 固 整 聖 見。 欲 宗 此 如 諫 所 是 則 立 頓 人 見 立 伯 書 前 以以 生之故 秉 大 夫 當 得 嬖 樂》 此 周 》,定《 以 人 贵 振 此 整 魯秉 妾, 禮 夏父弗忌 仲 之初, 能 見 頓 禮》、《樂》,雖 尊 然 事 子 使宗 仲 禮》、《 守禮? 周 ^ 禮》之初, 論 爲 以 爲 尼 禮 見於大 夫 之, 夫 是 風 何 人 爲宗 樂 他宗 人矣。 人。 見 故 化 釁 仲子 孔 ×, 仲 所 無 夏 伯 子 師 見 其 之? 當 賤 及 人 尼 是 獻 躋 自 於 成風 摰 尚 有 風 時 風 妾, 其 0 宗 之 若 之宗 化 衛 化 能 臣 司 禮 適 之 就 是 天 亦 於 所 執 乃 反

難者! 能守如此。使自爲政,則三年有成,信

何

范 中 氏 者將 行 知 爲 中 文子 爲 行 良 輕 醫 告 氏 車 |定十三 將 陳 千乘 成 伐公齊 子 以 日 厭 高 有 齊 强 自 師 言 晉 之門二十七 \equiv 師 折 告 肱 寅

當深 得 看 晉 以 得 有 輕 齊 始,不 察 謀 車 與 中 此 晉 行 千 他 乘 師 文 方 見得衷,若 天下 以 子既 相 悟 厭 持 , 所謂 齊 而 爲晉所 事 師 有 之門。 見 始 中行 物 得終,不 衷 逐, 皆皆 終之説 文子告成子 出 陳 有 奔 成 見 始 於 子 得始 衷 學者 齊。 以 終, 其 最 到 與

- ●「何」,原脱,據四庫本補。
- ② 「見」,原脱,據四庫本補。

衡於 患難後方見得如此。 且如晉中氏之亂,❷齊高强在晉,范氏、中行 後,方纔講論到此,以此 終之理? 氏將伐公,高言「三折肱知爲良醫」,亦是經 亡」,●觀「吾今知」之語 是見理不 慮 耐 盡。 蓋其在困亡患難之中,困於心, 後 作,所以言「吾乃今知所以 若中行子在晉,豈能察始衷 ,則知文子自出奔之 知患難進人如此。

左氏傳說卷第二十

後學成德校訂

❷「中氏」,依文義當作「中行氏」。

左氏傳續說

〔南宋〕 吕祖謙 撰

校 點 説 明

占籍 卷、綱 化 學 士 元年(一一六三)進士及第,除太學 金華(今浙 宋史》卷四百三十 三七),卒於宋寧宗淳 的 淹貫墳典, 兼國史院編修 萊州 先驅, 左 領 氏 時 傳 與朱熹、 江 卷 續說》,又名《春秋 金華) 人稱之爲「東萊先生」。 博 南 取 官、 宋 衆長 四四 張 人。 吕 實 有 杜 祖 録 傳。 自 齊名,被譽 熙八年(一一八一),隆 生於宋高 謙 院 撰 成 檢 學 討 左 派 祖 官。 氏傳續説》,十二 宗紹興七年(一 謙 爲「東 博 爲 字 士, 祖 浙 因 伯 南三 謙 吕 復召 東 恭 氏 學 淵 婺州 賢」。 術 源 先 爲 興 文 博 家 世

左氏傳 左傳》凡 祖 謙 説 著三 治 學 \sim 書 左傳 於《 左 《 左 類 傳》 編 傳 研 取《 類 究 編》、《左 左 最 傳》 深。 中 傳 平 諸 博 生 事 議 研 以 W 和 究 類

> 《左氏》 評 單 析之,别爲十九目 更 其 人所鈔録者」。 爲 得 失。 詳 書,多 盡 左氏 陳 所發 振 傳 0 孫 説》 《左傳博 明, 直 持 而 齋 論 不 與《 書 爲 議》則 録 文, 博 解 議 似 隨 題 事 略 **>** 稱 立義, 時 百 其 講 而 「於 説 以 推

門

《永樂大典》中 所載 説 旅、 法等方 機,銓釋 句 十六年夏至三十一年,餘則 而 之未及,故謂《 官 録,闕 隨 《左氏傳續說 制 文解 面 尤爲 賦 有 佚僖公十四年 役諸 很 義 曉白。 輯 高 《續 闡 大典, 的 出 》爲 發 參考 説 對 是成 其 繼《左 及晉 揭 蘊 價 秋 示《左 世 今本。 值 抉摘 楚 久 首尾完具 1 氏 興 月至三十三年、 無傳 傳 傳》的 衰 其 體 説 疵。 列 本,《永 例 而 撰寫宗旨、 四 爲 或 於 作,以 出 庫 向 朝 樂 背 經 館 祭、 大典》 之 文 襄 臣 補 事 從 軍 公 原

書》本刻之。 本於一九二四 四四 庫 該 全書》本 書 有 清 這次校點, 年 據《永樂 邵 由 晉 永 涵 康胡宗 校 大典》輯 以 抄 影印 本 林 文 出 清 據 淵 文 翁 ^ 閣 同 瀾 續 閣 龢 四 金 校 庫 華 四 全書 抄 叢 庫 本。 全

的明顯錯誤,予以改正。 核以文淵閣《四庫》本《春秋左傳正義》等。底本中本爲底本、《續金華叢書》本(簡稱金華本)爲校本,

校點者 孫 剛

左氏傳續說提要

駢 條 藴 不 晚 舊 月 見 以 吕 《傳》文 年 本 送 補 如 至 於《永樂 祖 並 俱 缺 矣 前 狐 三十三年 臣 所 謙 抉 以《 次 佚 等 射 未 説 撰 摘 無從 及 謹 之 其 博 第 姑 其 大典》者, 濶 議 故 案 體 之 排 祖 疵 寒 大 》所 謙 : 例 帑、 比 採 謂 ^ 然 是 之, 主 公十 録。 之《 左 如 云 孟 編 於 於《 爲 所 氏 惟 仍 獻 續 繼 隨 其 六 謂 非 傳 子 《傳》文 口 自 説 文 年 餘 是 續 僖 左 愛 成 **%** 左 解 則首 夏至 説 公十 公 氏 帙 則 氏 義 所 久 + 孫 傳 是 有三病 三十 載 無 尾完具, 四四 説 故 其 敖 書 傳 中 年 闡 議 當 卷,宋 本 而 子 如 秋 論 成 發 年 作 臾 今 稍 於 兩 其

> 役諸 然 象 明 諸 始 以 詮 史 也 實 君 人 末 事 爲 釋 記 其 頗 以 出 尤 大 臣 也」云云, 知 管 核 大 爲 典 中 自 、學爲 空 得 義 其 明 襄 晏 及晉 談 失 暢 失。 公, 事 有 不 則 據 雖 也 而 可 稍 楚 惟 至 盡 多 不 亦 ; 興 以 爲 子 於 矣 好 沿 精 倡 衰、 説 訛 服 朝 以 廢 宋 神 經 舛 景 列 祭、 説 傳 儒 耳 之 伯 故 或 事 好 軍 0 聖人 系 向 附 高 研 軋 蓋 旅 背 本 會災祥 究 先 論 事 祖 傳 桓 之 官 儒 謙 便 視 之 文 事 制 公, 無 孫 邃 機 賦 復 於 窮 而 氣

乾隆四十六年七月恭校上。

總纂官臣紀昀臣陸錫熊臣孫士毅

總校官臣陸費墀

左氏 傳續説綱 領

究,直云 馬 以 記 》、《前 氏 下諸史,只 に班 學者觀史,各有 不可一 氏 漢 以 字 是 後作 書,皆 草 看 史者 大 草。 綱 詳略。 當 肾無 自《 始 精 後 末 熟 如《 史 成 漢 細 法 **∀**, 敗 左傳》、《 看 反 蓋 或 覆 自 志 史 考 司

遠 後不 字字縝密。《史記》所載,却有歲 真箇 惜乎却 同 口 看《史記》又與 處,不 馬 識 遷 得 作《 似《左傳》 代規模。● 史記 風之意 看《左傳》不 \forall 》縝密。 却 有 此 學 變風 者 只 同。 月差互、先 所 是 變雅 當熟看 識 《左傳》 底意 見 高

史記 》一世 家 多書 别國事。 如《 魯世

思

少

正

看 事 家 史者 筆 却 法 書 所 最 晉 當 高 或 知 不 秦 可 或 不 之 細 類 看 此 如 皆 此 是 條 當 例, 時 亦 大

雖 規 董 模 仲 終 可 舒 是 馬 濶 遷 亦不能及。 雖 使 不 免 他 有 克己爲學,消除 此 血 氣,爲 學 得 未 粹,然 血

諸 書 是 史 條 有 部《左傳》,都 例 用 底書,學者看 亦 不 過 如 此 不 曾 得《左傳》 載 件 熟時 閒 事 蓋蓋 下 此

賢 變遷 初 此 武 之道 者 書 :識 之所因,此 正 子 E 既 接 焉 其 貢 。」此數 大者 日 虞、夏、商、周 見先王 「文武 ,不賢者 所以 遺 句 便是看《 制之尚 之道 最 識 之末,戰國、秦、漢之 好看。 未 其 在, 左傳》 小者 墜於 下 看《左傳》須 又見 莫 地 綱 在 不 領 後 有 世 文 蓋

是看得人情物理出。

秋 時 節 看 史 秦、 要 漢 識 自 得 是 時 秦 節 不 漢 口 時 處 節 春 秋 自 是 春

就 識 其 得 餘 1 處 要 細 看 史 泥 事 領 書 處 皆 事 舉 方 實 見 譬 須 得 如 是 破 先 决 識 百 得 得 定 幅 大 公 綱 切 案 領 不 處 可 但 只 是 則

要 便 生 學 者 議 觀 論 史, 且 要 熟 看 事 之 本 末 源 流 未

侯 召 亦 出 節 後 Ŧī. 直 陵 未 霸 時 凡 之 至 是 自 嘗 洪 左 南 卷 盟 第 專 圃 傳 方 末 節 之 在 **>** 之諸 又 又 卷 際 是 是 部 此 或 至 侯 第 此 0 節 盡 節 節 + 自 \equiv 從 卷 霸 卷 莊 節 凡 楚 蓋 者 公 莊 甚 其 當 未 北 + 九 公 長 大 時 興 年 方 川 九 緇 晉 之 自 以 卷 當 年 領 諸 召 後 楚 時 只 齊 之 侯 直 陵 霸 IE. 有 桓 是 權 以 盡 諸 至 初 \equiv

> 事 吴 皆 正 霸 蔡 請 遂 從 業 是《 用 與 伐 執 而 都 普 楚 子 越 不 左 不 肯 或 自 胥 却 傳 便 成 晉 楚 伐 之 以 世 失 大 荀 要 用 楚 君 鑾 界 霸 寅 霸 綱 子 夷 T 只 又 諸 諸 領 常 故 主 緣 以 侯 侯 盟 蔡 以 此 要 求 遂 侯 來 諸 是 蔡 貨 此 無 以 侯 末 侯 以 於 小 霸 子 蔡 物 玉 當 爲 節 東 與 弗 事 自 時 質 得 馬 是 遂 遂 吴 於 凡 之 以 當 蓋 壞 遂 晉 故 來 節 此 廬 而 T

之 藥 去 亦 病 至 大 公室上 勢 時 必 尚 七 口 浸 轉 人 日 孔 口 亦 子 惡 而 調 浸 與 是 病 論 爲 症 理 證 陳 至 夏、 箇 此 極 禮 不 怕 若 商 矣 弑 樂 時 可 亦 自 君 節 征 復 周 非 此 若 當當 伐 救 之 不 當 初 自 盛 日 作 從醫 從 時 當 天 器 譬 惟 魯 夫子 子 段 者之説 者 其 君 如 出 看 之 不 若 傷 請 説 與 從 從 寒 討 蓋 傳 其 終 禄 便 天 陳 則 説 之 所 其 恒

四

以 變 ൬ 爲 戰 或 不 可 整 頓

是 偶 載 當 時 是 老 子 職 歲 古 時 到 是「春省耕 其 老 養 尊 所 之 之 巡 子 才 大 如《 人 上。 賢 巡 老 至 至 見 中 狩 細 間 孟 尊 於 謂 以 君 狩 看 舜 俊 子 非 固是多 亦 賢 事 困 與 兵 俊 幸 典》所 而 傑 之, 巡 只 ^ 只是 不 窮 論 傑 衛 天 補 是 舜 在 得 之甚 Ŧi. 是 之出 賢, 不 此 典 子 必 位 巡 謂 徧 霸 非 尊 在 足 × 問 略 適 者 徧 賢, 只 位 明 亦 其 此 方, 諸 以 段 秋 天 周 是 諸 試 諸 少 有 不 貴 他 自 省 侯 Ĕ 下 官 專 乃 所 侯 以 侯 才 必 是 乏 斂 而 論 如 是 功 亦 是 農 朝 能 問 皆 巡 而 以 與 尚 或 徧 説 自 者 於 耕 其 事 狩 車 口 之 助 易 老、 监 四 春 有 天 他 之 也 服 此 不 意 罰 方 秋 方 庶 具 子 養 天 給 以 雖 制 巡 思, 養 未 子 老 老 者 故 庸 日 是 節 之。 未 老 當 論 皆 只 養 與 天 是 述 五.

> 之事 不 爲 過 葵丘 羲 葛 侯 須 只 左 左 而 論 皆 既 之 是 氏 盡 氏 霸 是 和 伐 賢 躬 之會 之言 見 ? 尊賢 自 特 觀之,見得 否之 主 隱 湎 類 經 而 盟之後 隱 謂 蹈 淫 歷 不 而 而 之也 之伐 不論 如 久遠 拘 之, 不 討 隱 孟 命 於 0 何 書, 於 ()言歸 子 所 胤 其 Ŧi. 方 有 諸 其 之言 左氏愛仲之深,而 五. 侯 以 命 如「内政」之類 觀 三不 方 可見。「天 愛, 侯 才之如 命 以 使 之 尊 孟 于 只 戒 故 後 而 征 出 好。 子 賢 是 朝 止 之 欲 於 世 時 亦未 方 左 何 隱 不 一以《孟 日 是 無 其 則 伯 子 氏 其 知 心 也 六 免 之言 連 討 間 此 皆 過 桓 凡 師 有 故 子 率 是 而 古 公躬言 是。 我 於 移之」, 左 所 無 大 是 不 然 其 桓 如 同 傳 犯 Ŧi. 所 伐 議 多 湯 公之 盟 左 意 桓 命 論 才 氏 之 之 載 伐 雖 故 如

德 者 退 護 夫 奚 以 臣 爲 殺 兼 諸 其 在 人 齊 類 曉 朏 妻 著 侯 徒 春 命 所 之 之 者 得 是 秋 是 巾 尊 以 初 日 被 類 此 牲 如 忧 土 賢 尊 命 此 亦 貶 唐 是 只是 人, 此 夫 育 地 之。 諸 皆 日 束 口 之 敬 婦 元 也 謂 才 誅 闢 易 侯 衛 是 是 0 老 後 稹 之三 仍 之 樹 不 束 備 姬 桓 誅 才 本 慈 以 舊 田 賢 子 孝 平 無 牲 公 而 不 自 彰 舉 幼 鄭 野 綱 是 大 以 載 命 孝 不 日 口 盟 有 姬 治 夫 育 妾 是 無 是 書 用 廉 取 諸 當 德 時 之 無 而 爲 晉 楚 志 0 而 若 養 耻 侯 禮 類 時 大 易 未 獻 世 妻 賓 此 不 子 老 遂 之 是 樹 數 言 有 成 公 見 旅 子 歃 産 尊 賢 喪 , 管 辭 子 宦 者 也 故 即 殺 齊 商 血. 賢 仲 叔 官 是 即 牲 申 須 桓 臣 無 桓 底 敬 在 向 彰 牲 遂 要 成 公 生 弑 是 皆 威 再 以 有 見 保 立 君 所 妾 信 是 皆 德 命 如 君 不

是 使 貴 廪 甸 只諸 得 卿 無 則 物 至 侯 司 或 君 則 或 徒 撫 當 攝 出 至 人 人 關 語 之賓 時 事 親 獻 積 具 郊 侯 其 賓 皆 尹 勞 大 薪 徒 取 監 所 自 餼 或 官 人 以 之。 夫 士 至 敬 載 之 門 告 士 如 火 司 正 口 已 必 其 幼 則 空 尹 莅 歸 師 馬 得 世 是 行 或 者 周 監 視 除 以 事 陳 襲 四 之 人 理 之《 門 塗 無 班 燎 是 芻 多 命 仕 以 老 E 賓 專 加 故 宗 1 水 司 秩 節 爲 者 日 卿 殺 旅 小 : 官 寇 師 祝 逆 監 官 大 等 大 _ 詰 監 執 桓 是 者 之, 展 慈 之。 夫 有 士 莫 祀 益 濯 奸 或 幼 重 無 日 候 不 虔 之大 若 世 膳 虞 司 世 亦 自 百 上 懷 官 王 宰 里 人 官 爲 只 \equiv 至 愛 官 無 敵 事 人 巡 授 致 導 欲 官 於 各 旬 或 狩 材 館 見 總 事 王 其 以 如 頓

❶「候」,原作「侯」,據《國語‧周語中》改

其 告 以 所 或 蓋 不 殺 戒 者 其 無 官 處 「今之大夫,今之諸侯之罪 正 惡 里克 以 北 他 方 賢 下 如 世 權 如如 其 諸 所 故故 水 官 爲三王之罪人 可 才 方 攝 戰 侯 位 以 之類 齊 而 多 其 毋專殺 必 只 或 不當專 又 曰「今之大夫,今之諸侯 戒 蓋 用 封 是 子 有 説 策》 戒 是 之。 衛 他 桓 販 弟 虚 士 諸 公與 也。 不 所 米 晉 大夫」, 又 曠 , 須當 侯 得 取 Ħ. 載 於 無 封 也者 日 他 士 曲 舉 五. 攝 桓 曲 鄰 : 改 必 上告於天 相 小 公又 沃 如 命 或 西 了 皆 得 防 則 官 者 皆 晉 0 日 7,又須 周 條 其 遏 言 人 事 恐 由 是 惠 欲 貫 爲 無 也。」 之。 其 無 此 公 復 王 爲 無 士 有 大 殺 攝 所 是 類 無 用 然 稻 曲 者 之 諸 封 夫 慶 果 谒 以 他 士 後 防 罪 侯 長 既 凡 東 鄭 士 而 糶 如 得 必 子 封 賢 逢 之 封 不 及 此 取 既 弟 周 世

> 管仲 者之 有 下 妙 亦 看。 ·, 未 , 是隨 歆慕之意, 孔子 佐 或 論 明 亦所以教公孫 材 -0 於理 過 × 而 稱 **念**孟 之, 夫子 教 管 或或 而 仲 子 則 > 其 論 見 但 貢 推 失 趨 言 管 子 管仲 其 丑 向 仲 貢 其 孟 中 愈 子 功 併 企 之功 0 卑。 見 孟 作一 慕 雖 公孫 言 聖 子 則 則 段 學 管 却 孟 公 丑. 仲 責 子之 孫 求 此 性 之功 以 造 質 丑. 亦 責 必 卑 其 王 要

「霸者,把也。」此説是。

國,却 春 到 大 夫, 秋 范 時 鞅 春 只 是不似當 全 秋 唤 自 非 是 作 子 戰 也 春 産 或 時 秋 人 子 叔 人。 時 也 産 向 或謂 死 可 叔 後 矣。 向 子 只是 氣 産 如 象 孟 春 叔 頓 子 秋 向 衰 在 時 不 賢 戰 似 及

出 記 ,深知精髓 看得 晏、 子 左 氏 産 亦 若不 叔 是 向 子 是此 事 産、 等人品 皆 叔 連 向 當 無 等 時 緣記 精 神 得 其 寫

也

知 如 杜 此 精 預 謂 妙 0 左 0 丘 明 記 受 孔 經 子 於 事 仲 尼 便 無 其 意 説 思 難 信 以 此

災 此 之 周 所 好 X 事 祥 移 鄭 亦 病 所 左 交質。 不 則 贵 夫 謂 氏 也 盡 專 明 禮 只 精 係 君 病 有 義 神 此 於 臣 者 動 _ 大 此 般 作 纔 左 病 義 病 説 氏 古人 也 此 視 聖 除 生 0 周 人 於 却 古 又 病 事 室 春 此 是 好 , Ø 也 如 秋 於 以 列 時 病 便 此 人 記 無 或 事 見 便 管、 氣 人 附 習 如 + 象。 晏 古 記 俗 會 分

其 然 不 少 11mi 如 後 猶 有 初 便 遷 隱 言 未 觀 見 之始 公之 甚 年 王 得 隱 衰 不 處 當 公》 時 書 極 凡 時 當 少 耳 事 全 時 卷, 周 0 尚 不 尚 到 自 蓋 其 以 口 知 桓 東 隱 間 料 爲 有 遷 公之 文 言 理 事 之 王 以 王 後 故 時 後 處 至 到 王 隱 \pm 漸 甚 後 王 室之衰 多 室 公之時 漸 言 室 一便衰 少 其 王 雖 又 處 衰 又 中

> 對 秋 蓋 天 可 凡 迹 年 哀 經 可 口 下 聖 天 猶 爲 之始 春 問 伯 四 知 則《 賢 秋 下 名 之 + 未 如 得 桀 若 諫 出 大 墜 始 春 惠 餘 周 皆 文、 之 來 亂 五 納 也 於 秋 公, 年 家 + 郜 整 亂 平 武 之 , 法 代 作 平 而 年 頓 鼎 惜 Ė 後 天 而 度 時 之 故 王 所 之前 乎 下 後 臧 紀 非 遺 家 須 平 平 治 以 僖 綱 得 得 遺 始 制 年 便 王 王 直 伯 猶 俗 湯 大 於 能 即 之不 平 東 至 之 班 聖 周 則 猶 整 而 位 於 遷 王 諫 賢 班 之 其 有 後 頓 東 能 已 觀 東 在 存 出 東 治 口 遷 几 則文、 振 魚 見, 位 遷 遷 者 來 ; 之後 + 耳 紂 之 几 料 也 申 九 ! 之 武 0 + 尚 繻 理 初 如 年。 亂 方 大 似 春 臧 無 又

⁰ 事 精 妙 金 華 金 本 華 本 此 作 字。 精

金 華 本 作

遷也。 豐之地,自幽王犬戎之禍作,文、武、成、康 之地賜秦襄公,使之自取,此其勢非可以不 也。」此蘇氏之論 民,以形勢臨 之謬也 會稽之謀,只恐 之舊都,非復周家所有,故平王遂以岐、豐 似。 東 坡 而蘇 蘇 使平王定 氏 東諸侯,齊、晉雖大,未敢贰 亦欲 此 ,亦失於考之不精。蓋岐、 一、同之失計 不遷之計,收豐、鎬 説 如晉 與 當 王導不遷都豫章 時 未有 事勢大段不 如 之遺 東

相

左氏傳續說卷一

不吕祖謙撰

宋吕

隱

公

卒 世 明。 則 須 雖 庶 一,雖 非 便見得 今惠 即 長 適 以 左氏》「 載 子 當 適 隱 公元妃 立,自先 繼 却 而 公當 繼室 是 室 不 以 庶 以 既 聲子 立 長。 以聲子,生隱公」一 長,然元 儒 無 底意。 皆有 適 , 生隱公」一句, 而 左 子 氏 是説 妃荷 古者諸 則繼 》首載 無 室 此 適 侯 之子 孟 理 段 嗣 甚

> 質柔巽 原 中。 法 桓 桓 爲 自 夫人」。 遜 隱公之當立 看 吏斷 之當 公亦均之爲 不是 得 做 退 魯夫人 此《左 非 避 詳 (,大義 兩 細 立與否,益易見 案,●善 ,有不敢竟當之意。 言其有文如 不當立 間 事, 氏 界 則 不 焕 做 庶子耳。 具文 叙 明 日 然 也。 得 陳 「有文在 無 底事。 見 却 其 <u></u> 此 復 左氏 意 自 事 矣。 耳, 可 叙事至此, ,而 處 以 疑。 此 實非 所 其 先 只此一 初 載 法 却 手, 君之故,謙 不知 以 意 下 但隱公性 失 夫 學者 自 面 於 曰 段,如 人也, 則 君 爲 在 仲 不 位, 敢 要 其 魯 子

邾子克,未王命,故不書爵。元年

蓋 古者封 邾 是 魯 國之餘 附 庸 之國。 别 有閒 何 地 謂 故故 附 立 庸 以 之 爲 或 附

●「如」上,金華本有「正」字。

之有 牙相 掌 鄙 此 庸 耳。 侯 尚 初 知 師 侯 下。 方 命 也 》之職 邦 之 得 亦 有 王官掌 附 便 古 鄙 閒 制 如 罰 今人 故 王 然 有 尋 如 是 有 庸 漢 常 秦 如 地 者 命。 而 底 功 諸 閒 尚 0 日 之郡縣,亦雜於諸 之,如《 所 閒 止 意 邾 者 而 「掌邦 漢 地 有未 侯 則 掌 在 謂 周 地 之 兼 間 參差 或 削 則 邾 之封 亦 只 王 命 故 言 類 置 中 其 未 周 以 是 散 或 其 畿 邦 諸 於王 其 閒 地 至 命 總 禮 其 建,非 閒 都 在 千 國 侯 間 地 以 其 此 閒 諸 里 鄙 地,天子 邾 者 郡 9 增 則 縣 方 \Box 地 之 之地 侯 縣 本 舉 論 所 是 見得 爲 師 耳 封 之 侯 外 而 非 相 天 以 來 統 閒 增 或 之間 皆 諸 是 似 平 下 本 縣 能 掌 諸 觀 地 封 封 侯, 也。 皆 時 亦 維 師 所 皆 故 侯 春 天 其 建 若 周 持 爲 謂 各 是 諸 之 亦 至 只 下 秋 ^ 或 周 諸 之 當 都 縣 非 或 犬 地 天 後 口 侯

之遺意。

隱公求好於邾。元年

故 邾 交 際 不 1 得 諸 或 之 侯 不 道 古 急求 初 依 即 魯 魯 好 位 與 邾 必 魯 與 爲 得 與 鄰 邾 或 自 亦 通 足 來 好 以 相 此 爲 依 乃 倚 相

鄭伯克段。元年

公及 之, 即 此 由 叔 位 兩 死 愛共 字。 大率 爲 共 焉 初 叔 之請 叔 婦 人 他 鄭武 段 段。」愛、 所 邑 人 制 常 以 唯 公 莊 情 致 娶于 命。二制 公 公 每 骨 惡 寤 日 肉 每 兩 申 生 之 字 如 地 制 日 驚 不 此 正 便 武 姜氏 睦 巖 是 是 姜。 者 及 邑也 事 鄭 莊 或 多 之 遂 生 大 緣 惡 莊 公 虢 險

② 「差」、金華本作「錯」。

請 意 外 仲 意 勢 害 底言 展 分明説 弟二二字 蔓 或 言 當 未 克 轉 事 如 去 草 便 不 荷 時 處 段 之。 遽 時 此 忿 語 堪 只 必 猶 之 破 只 處 激 ? 未 傷 所 底 貮 是 便 就 不 若 諫 便見 緣 其 以 事 知 是 恐 亦 看 看 利 可 惜 君 事 弗 得 兄 不 但引 自 難 後 祭 得 害 除 將 乎 勢 與 莊 弟 與 果 如 有 控 來 莊 仲 上 當 若 浸 何 之 他 公之意 公 況 先 數 虎 第 制 則 公 之 説 時 浸 情 時 日 如 君 王 牢 請 而 初 去。 何 殊 如 來了 時 「姜氏 都 之寵 間 之 除 不 亦 ? 無 次 今 猶 大率 城 之。 安 與 是 公子 地 亦 調 劍 再 未 欲 之 弟 之 此 未 敢 莊 護 閣 欲 説 骨 露 制 與 乎 自 也 所 吕 兄 便 公 天 便 之 之, 肉 未 太 以 弟 竟 亦 初 下 有 類 此 有 又 之 叔 嘗 間 不 故 大 遂 殺 辭 離 底 不 間 有 曾 寵 過 間 祭 成 弟 臣 情 好 莊 形 語

> 厚 細 害,此 多行 將 看 崩 得 不 此段 之語 等語 義 必必 个, 亦 。 亦 其 自 儘 是 始起 意 見 狠 却 得 愎 不 與 人 者 後 可 情 之 來 口 物 常 矣。 不 理 談 義 學 不 至 暱

京不度。元年

段 克 鄢 聖 不 矣 復 猶 相 氏 不 過 弟 還 言 戕 故 熟 人 此 之 作 數 故 段 周 知 自 京 標標 此 多言 見 事 古 之, 書 類 不 不 之於 是 不言弟; 當 所 弟 亦 度 天下之大 猶 則 時 如 建 如 文、襄之制 以 上 當 此 故 立 風 此 違 猶 俗 不 時 綱 國家 如 制 是 制 言 兄 五. 如 書 變。 周 維維 爲 常、 度 弟 弟 君 鄭 日 皆 之 矣 不 故 伯 天 持 夫 蓋 可 法 壞 如 克段、 叙 天 婦 鄭 君 制 處 天 下 之 伯 其 臣、父子、 克。 君 大大 秩之類 間 苔 克 後 當 夫兄弟 故 段 以 綱 時 可 元 姜 于 見 目 人 不

相 維 兄 持 賊 弟 是内 如 皆不可 此,則當 治, 欠缺。 制 時天下可 度、 綱紀是外治 今以 知 兄弟之間 内 相 外 戕 相

潁 考 叔 對 鄭 莊公。 元

復? 之理。 義,斯 説 不知 此 凡 蓋 莊 人之進言,多故爲 公既 耳。 人各有力量,極 Œ 如 潁 顧 速已矣,何待來 孟 己 考 論,然至此 不 乃 悔 叔 子則 及黄 教之以 過 開 自 導莊 不然, 泉」之言 力量加不去,只得如 僞,以 不可 當 公欲 委曲 直 其 年?」其 勉 告 日: 至 悔 遷 順其意 强。 以一 可 之心 就 笑,此 母 之語 力量 如 潁 何 子 古 知 考叔 善善 ",亦以 大矣。 如 其 也 何 初 非 足 非 此 然

公會戎于潛。二年

魯 會戎,亦是戎狄通中國始見于《春

秋》者。

莒人入向以姜氏還。二年

事 治者,只 ,可見天下之盛衰。 莒 人人向以姜氏 、是君臣、父子、夫婦 還,此是係 大抵 天下之所以 \equiv 綱 底

司 空無駭 入極。 二年

了 後漢三公所謂 \equiv 卿。 馬、 司 諸 卿皆取天子之次者。 馬,宗伯之次,司空,又司寇之次。 司空皆卿 雖 侯 司 制 空無 是三卿,而實各兼六卿之 度 駭 也。」古者天子六 人極。 司 徒、 司 注云: 馬、司空,却只用 司徒,冢宰之次 卿 魯 諸 司徒、 事。 侯三 故 至 司

周 人將畀 虢 公 政。

或 之禮亡矣。 所 以 ,反倚之。 衰 周 東 遷 鄭 既 當 至於交質、取禾之類,君 衰,而 親, 反 其舉措 疏 之; 皆 虢,將 無 當者, 亡之 臣

秋,又取成周之禾。 三年

左氏》載

宋

宣公、穆公之事

前

錢 之成 風 地 統 亦 洛 蓋 城 洛 食。」 塘、仁 相 屬 惟 天 爲 語 及《後漢 洛 周 於 王 成 去 成 食。」 所 亦 河 此 周 周 \Box 和 之地,今人多不 不知知 南 便 不 王 都 : 是 是 城 郡 此 甚 處 我 也。 分分 即 便 地理志》言之甚 河 遠 謂 乃 是 成 南 河 一,只 之王 書 别名字, 1 洛 周 縣 南 澗 都 陽 縣 與 城 在 水 成 縣 洛 Ŧ 頑 能分,往往 我 東 便 城 浩 浩 周 乃 郡 民 有 然 \approx 自 瀍 即 1 所 中。 此 兩 是 瀍 水 洛 詩 遷 般 兩 兩 陽 水 西 處 如 以 處 東 處 河謂 皆 Ξ 惟 今 其

穆 以 故 殤 有 公疾,召大司 公屬 大 宋 是二王之後,官 司 馬 孔 馬 父 孔 亦 父 當 制 而 時 屬 X 用 殤 與 事 公馬 諸 底 或 臣 不 故故 同

宋

宋宣公可謂知人。三年

之。 以 宣公。 是。 以 伯 讓 度 繼 子 禍,宣公爲之也。」此 宋 自 其 舍 兆 子 殷之後,殷 宣公 命以 穆 其 子 來 亂 日 禮記 公不 之不 孫 . 如 也 可 義 腯 此。 仲 \forall 謂 夫 傳諸 日 賢 而 故 子 禮或傳 ! 0 知 立 故 宋 亦 「仲子・ 遂 其 人 宣 子 之禍 而《公羊》又曰 猶 矣。 舍 衍 而 公之於穆 子、 行 論 子 必 舍其 皆未 古 在 V. 而 歸 或 以 之 穆 穆公, 傳 立 於 此 孫 道 確。 公, 公, 弟 殤 弟, 觀 而 也 公, 之, 立 而 未 其 蓋 却 商 一其子 不 昔 此 爲 宣 不 之 宋 宋 子 法 在 之 饗 所 微 是 不

齊、鄭盟于石門。●三年

齊僖公亦是顯諸侯、當時亦能糾合

「鄭」,原作「衛」,據《左傳・隱公三年》改

0

諸侯盟會,已有五伯之漸,故《國語》謂之

「小霸」。

衛莊公娶于齊東宮得臣之妹,曰莊姜。三年

左氏叙此一句,亦要見他族類之

貴處。

賤 淫 妨 破 義 貴 少少 所 謂 陵 六 長 逆 遠 也 間 親 新 間 舊, 小加 大

若貴 進 成 足 新 貴』者,蓋 而 『遠間 者 潢 尚 E 可 聖且 猛 而 也。 舍之從 柳 理 親、 而 愚,賤 III 子 宋 疎吴起 新間 賢 斥言 秦用 殺樊世,●乃 厚 以以 襄 斯 作《六 而 舊 擇 公 張 言 聖 是 乃 嗣 嗣之道 者 禄 且 乎 危,親 而 逆論 而 了,蓋 言 ? 間 賢 而 子 興; ()親 之, 朏 晉 一,子以 魚 不 》,乃曰 穰 其 任 厲 而 胡亥任趙 足 退 侯 用 爲 舊 公死 與 乃 乃 母 者之 者 理 也。 安, 貴者也 亂 亦 愚 而 大矣, 道 遠 賤 苻 貴 悼 高 魏 也 氏 相 不 公 而 妨 而

> 耳 族 。一子 李 斯 厚之論。 ,乃亡,舊 亦是 不 足恃 也。 顧 所 信 如 何

六

衛州吁弒桓公而立。四年

侯。 衛 州 吁 事 兀 吁 只 耳 所 年 見 0 立 弑 衛 一,將修 不知 傳 觀 桓 書 文 公 要 相 即 先君 亦 當 位 接 即 熟 至 之怨於鄭 位 將 看細 是 許 謂 歲 久, 考,不 桓 已十 公 傳 即 只 而 可 五. 位 是 求 草 年 先 便 寵 草 於 經 爲 尋 也 諸 始 常 州

不 無 殺 也 蓋 復討 太子 乃 前 盟 有 杜 年 會 罪 此 而 氏 戚 乎 畢, 自 謂諸篡立者,諸侯 之 春秋 ? 立 會 乃 執之。 若 時 而 負 有 曹 法 芻 罪 人 也 故曹 在 請 0 則 列 於晉 且 君 人以 故 曹 既 列 與之 不 公子 諸 爲 可 會 無 負 會 先 復 矣 罪 君 芻 則

春 一苗 將 秋 獮 如 冬狩 棠 觀 魚者 皆 于 農 臧 隙 僖 以 伯 講 諫 事 日 也 Ŧi. 春 蒐

之; 夷 有 使 集 郊 古 時 長 況 立 如 Ŧi. \equiv 之公 甸 者 蒐 軍 皆 此 軍 而 大 又 舍 陽 之間 將 蒐 事 時 車 類 以 春 聚 却 \equiv 處 舉 皆 徒 禦 然 又 秋 而 在 是 軍 兀 父 如 卒 蒐 不 大 知 狄 時 事 寓 帥 僖 至 伍 事 蒐 得 是 事 使 處 不 此 趙 臧 自 亦 徒 能 而 狐 \equiv 禮 無 + 迺 盾 必 僖 所 蒐 温 有 然 以 射 + 事 意 七 爲 是 大 以 伯 兩 盡 耀 之 改 在 姑 非 年, 蒐 與 卿 之 大 般 知 武 年 時 其 蒐 將 因 0 衆 而 所 蒐 晉 皆 間 于 唯 時 中 後 文 公 辨 蒐 舉 有 而 蒐 散 董 顯 蒐 軍 而 六 等 共 者 舉 于 大 干 故 處 者 蒐 時 年 底 者 易 列 清 被 時 趙 便 蒐 農 於 何 意 原 中 廬 前 盾 蒐 是 然 之 順 正 故 民 田 蒐 思 軍 佐 作 作 本 欲 ? 于 大 畢 野 少 而

> 器 設 謂 時 意 爲 天 天 在 乃 \equiv 後 蒐 子 自 事 古 子 時 暴 必 不 必 漢 只 講 皆 諸 乃 自 雖 制 天 秦 寄 書 有 得 欲 廢 不 物 侯 教 秦 以 \equiv 禮 戎 以 亦 蒐 不 載 時 止 止 獮 後 無 田 誡 以 儀 事 略 索 漢 務 ^ 於《春秋》, 法 事 獵 于 舒 周 殺 之 志》考之: 獸 而 農 故 書「 而 秋 民 禮 以 非 之 教 下 寄 不 之 時 習 狩 古 > 兩 , 不 于 教 : 田 存 時 講 勇 件 制 五 孕 于 田 尚 爲 或 者 教 武 司 氣 戎 \sim 也 以 者 獵 田 多 不 存 戰 唯 也 馬 0 銷 月令 獵 敬 有 或 世 亦. 武 ^ 以 狩 鑠 月 之, 春 之 田 開 廢 以 自 事 以 旂 而 兵 **\$** • 秋 論 此 秦 肄 不 兵 致 不 唯 己。 氣 制 章 者 看 以 五. 民, 可 是 以 季 經 度 苗 句 兵。 來 來 禮 空 以 書 秋 猶 川 X

^{● 「}旂」,金華本並《後漢書·禮儀志》注均作「旗

習,可 者殺 卒長 也 誉 時 司奏: 以 旂 教 賁 平 車 田 建安二十一年三月,曹公親)。』」秦、漢間 騎 苗 不講 坐 鼓 而 列 時 春 作 執 軍 田 前 陣 無 號 四 秋 却 進 鐃 夏示行禮,以 田 將 唯 几 八 如 日 時 退 陣 + 時 教治兵 2 執 戰 獵之正 治 兩 疾徐 講 講 月 進 晉 春 之陳。 司 兵。 制度 武于 武 車駕 退 教 鼓 馬 疏 一但以 以 師 其 振 上合 執 如 數之節。」士卒 農 幸 獮 旅 今金革 取 鐸,公司 此、殊失古意矣。 一禮盛 帥 王 隙。 長 田、冬教 以蒐 禽供 禮名,下承 立秋擇吉日 執 執路鼓,諸 安 提 漢 未 水 田 事 《魏書》 耕 承 馬 偃 南 旅 而 大 夏 籍 士 秦 執 帥 閲 己。 教 聽 田 制 鐲 執 漢 侯 大 民 會 以 麦 聲 $\tilde{\Box}$ 朝 制 有 秋 狩 舍 執 視 Ŧi.

> 是 亦畀 號 政 之 類

王 命 號 公 伐 曲 沃 五.

失。 大 復 抵 命 或 虢 之將 伐 曲 亡皆 沃 如 顛 此 倒 錯 亂 失

而

公問 用 六,大夫用四,士二。」 羽 數 於衆仲。 對 日 五. : 年 一天子 用八、諸 侯

師 舞 謂 士 王 六,諸侯四。」士則 之職 之儀 服 服 士者、《特牲》、《 玄冕反舞之乎? 玄 以《公羊》考之:「天子八佾,諸 冕之 凡 ,安能二佾 小 祭 祭祀 也。 則 少牢 而 無 王 不 施 舞。劉原 服 之乎 興 - 》皆士 且玄冕又非 玄冕 舞 ? 禮 不 小 父日 也 興 周 祭 無無 舞 祀 禮 士士所 者, 矣, 舞 所 用 公

王

助

曲

沃

伐

翼

五.

爲

天子反助臣以攻君,可見周

無

政

⁰ 0 大司馬》改 旂」,金華本、《後漢書 原作「戴」 今據金華本並《後漢書》注、 禮儀志》注均作「旗 周

更改 中 未 氏 亦 或前 可 未 服 禮 可信 知 者。」劉之論 之更改,亦 後 以 正 更改不 左 如 氏 後 爲 世 極 不只是一次。公羊、左 同, 非。 一之法, 是。 各 蓋 然以 以 亦 周家 所 不 是説考之, 聞 知 七八百 記之,亦 是 幾 次 年

叔父有憾於寡人。五年

公資質近厚,●故不忘人之一言。

九宗、五正。六年

然。 子必 或 根 自 也 有 至 存 幹 盤 有 故上下 節 家 有 或 九宗、五正 春秋 有枝、 錯 諸 亡,大略 臣 所 侯,諸 之 時 亦 有 類 以 猶 相 葉, 更更 能 侯 皆 存 此 親 久長。譬之如 必 口 乃 相 自大而 附, 有 見 諸 自 羅 世 也。 侯 雖衰亡亦不 唐 絡 家 皆 叔 小,此 9 世 古之建 有 始 更 世 家之下 封 相 木 理 受姓 家 國 有 維 之必 ·至於 根 持 文 天 者 雖

> 維 是 遽。 暫 持之意,故 時 至 假 秦 合 以 若 後 易 無 偶 於 復 然 土崩 此意。 相 遇 瓦 解 初 後 無 世 此 悠 君 不 久 臣 可 以 不 相

冬,京師來告饑。公爲之請糴於宋、衛、知也。

鄭。

告饑 事 紓 耳 侯 貢 貢 在 賦 王 室 於 然 賦 不 此 之難 魯 諸 人 人 見 於 在 侯 於 得 當 ? 畿 周 天子,故王 此 時 甸 室 告饑 又 ,猶爲之請 之衰 各 見 於諸 有 得當 處 常 室 侯 制 始 時 糴 者 先 京京 下 猶 王 於 是 告於諸 以 師 盛 四 諸 Ŧ 安 或 世 得 室 侯 爲 侯 以 之 來

陳及鄭平。十二月,陳五父如鄭涖盟。壬

- 1 「公」上,金華本有「隱」字。
- ② 「羅」,金華本作「聯」。

申 及 鄭 伯 盟 歃 如 忘 七

《詩》 其 鴞 時 耳。 術 善 義 甚 鄭 善惡,本 句, 親 本有 萃 ? **整** 悪 伯 朝 足 亦 者以 請 止 壞 以《 .善 加 不 見 夕 如 善心 成 於 其 無定分, 鄰 過 五. 忘 相 墓門》之詩觀 爲 夫 于 資 萬 或 數 父 與 資 刺 陳 也 民 質 之賢 年間 處 之寶 陳 質自 焉 不 精 陳 只 所 者 佗 良, 耳。 矣。 神 侯 在 以 非 也 無 好 蓋 不 朝 至 其 不 歌 良 後 陳 之,「墓門 其 何 許 在 夕 此 君 人, 以 佗 師 其 至 於 所 來 其 傅, 訊 初 故 先 於 只 以 許 盟 相 五 間 之, 蕩 以 後 此 緣 與 鄭 與 父 也 數 有 至 散 處 相 鄭 知 師 諫 梅 於 而 其 傅 反 伯 如 此 往 人 \Box 有 之 何 心 序 之 盟 以 數 歲 不

> 此 見 得 古 制 尚 在 處

無 駭 卒 羽 父 請 益 與 族,公 問問 族 於 衆 仲

年

姓、氏 謂 類 自 以 IE 百 姓 派 出 爲 世 雖 却 者 者 號 不 古 殺 同 者 便 ,謂之族。 者,謂之氏。 可易者 是古之所謂 亂 出 有 是吕 己 於 姓、有 人,俱 姜 ,謂之姓。 氏 姓 氏、有 如 失其 其 齊本 氏 合 而 他 支 而 所 族。 如 别 姜 言 派 從 申 姓 其 其 却 來。 姓出 或 則 枝 一派 别 派, 今之所 許 姜 於 後 氏 之 各 或 之 取 世 之 所 而

224

命 氏 爲 族。

命 氏 爲 族,此 家之漸

鄭 伯 將 伐 許。五 月 甲 辰, 授兵 于 大宫。

廟 往 古 往 者 所 大 藏 夫 處 家 别 無 自 私 有 甲, 去處, 有 事 與 則 大 授 廟當 之 于

鄭

公子

忽在

王所

故陳

侯請妻之。

七年

學者

於此

不

可

不

時

時

警省

侵伐 不 襄 미 不 治兵 見。 聞 甚 + 授 年「子 則 相 于 之于 蓋春秋之初 遠 便 廟 自 西 」、楚武 廟 去 如 聞 忧 鄭「授兵于大宫」、魯 侵伐,皆是 盜 0 王 此 于 此 一授 皆是 制 北 師 尚 宫 古 家 在 孑焉」之 制 有 乃 0 壞 歸 私 亂 授 後 甲 處 莊 來 甲 類 皆 如 欲 公

公孫閼與潁考叔争車。●十一年

使 氣 似 于 此 能 莊 T 争 做 其 故 感 0 公念母 至于 在 蓋 車 然 動 觀 挾 家 之 夫果是 以 用 考 也 輈 争 兵 時 前 之心 庭 叔 之時 是 行 者 間 日 初 他平 難 考 之工 師 間 何 决 不 决 叔 慈 以 故 非 不 勝 却 日 故《易》之《損》卦 夫 祥 殺 ? 至 其 是 被 工 如 愷悌之意, 敵 如 忿, 此 一時幾 此 夫到 此 致 只 此 境 而 果 界 緣 而 後 遂忘 爲 何 以 終 牽 境 義 言 方 此 界 不 能 動 其 知學 能 能 語 感 其 移 1 日 血 勢 充 换 所 動 如

> 字,此 境 宜 者 必 力 便 火 兩 服 濟 也 君 若不 其 辟 能 懲 須 須 事 子 便 雖 之。 撲 命 無 王 創 須 「忿」 以懲忿窒慾。」聖人説《損》,只 最 在 止遏 變, 服 滅 有意。 軍 斷 左 是 毫 水 然 朱 而 旅 必 右 時 故 故 若 罅 寒 他 芾 下 奉 則 成 君子之于忿 浸 隙 原 斷 必 蓋 斯 璋 德 浸 至 方 懲」字,「慾」必下「窒 不 忿 約 皇 之士 曾 T 不已, 於燎原。 可 譬 軝 奉 有 此 猶 錯 璋 瑲 故 在 火, 衡 峨 必至于 也 葱 事 君 宗 峨 , 珩 八 當其 慾譬猶 子 須十 廟 唯 鸞 之于 髦 勇 淪 則 瑲 發 分用 説 士 都 于 溺 水 瑲 攸 是 濟 義 慾 此

鄭入許。十一年

^{●「}制」,原作「則」,今據金華本改。

❷ 「潁」,原作「穎」,據《左傳》隱公十一年改。

者。 鄭 伯 縣 許 使卒出豭 陳 春 而 」之類。 年 不 秋之初,猶以 敢 有。 行 人見之漸熟,不以爲怪也 出犬雞,以詛射潁考叔 其 後 滅 滅 Ĺ 或 之國 則 自 爲 有 異,故 之, 如 鄭

王與 蒯 雞 者,蓋當時太子未立,不得從人君之禮 盟則用 瞶 鄭人蘇忿生之田。 ,此各以 十五人爲 與伯姬輿 此 牛 須 用用 是 人 看行、卒 行。 數 4 和 多 則 以 大者 寡 其 盟 之兵制 + 禮 爲 一年 出 等 重 盟 豭 不用 0 差 哀 耳。 小 百 + 4 者 人 若 五 前 爲 出 尋常 用 年 犬、 卒, 豭 衛

外諸 地 未 有六縣,六 嘗世 ,諸侯始世 至 侯嗣 一襲,但 制》 也。 縣 Ĕ 嗣 外 世 :「天子之縣 古者王畿 有 禄 都 耳。 鄙,此 自 有 春 古 六 内 秋 采 鄉 諸 以 地 ,六鄉外 侯 來,采 之制 禄 也,

左氏傳續説卷二

有之。

者,正

緣

有這

般人在。

春

秋

之初

尚

多

之源流、先王之制度,不至於斷

續

而

不

知

宋吕祖謙撰

桓公公

公及鄭伯盟于越。元年

鄭與魯盟,此弑君初與諸侯會盟

見孔父之妻于路。元年

妻而使人見于路,此冶容誨淫之類。

乎

?

宜其及禍。

師服論名子。二年

或 皆是國 晉之師服、魯之臧僖伯、申繻之徒 有知 家 所 典 答 故 、備訪 訪 底 問 底人。 蓋古 者 所以三代 諸 侯之

> 是 師 下無覬覦。」二年 各有分親 室,大夫有 以能固 服 日 ,皆有等衰。 吾聞 貳宗,士 故天子 國家之立 建國、諸侯 有 隸子弟,庶人、工、 是 也, 以民服事 本 立 大 家,卿 而 其上 末 置 小, 而 商 側

今晉 惟 經歷 甸 此 侯 數句皆是《 久、看書多,然後深曉 也 9 而 建國。 左傳》中大綱目 本既 弱矣, 得 其 能 學者

禮 千 之「甸」,有「侯 五 里 百里甸服。」此 日 職 古者所謂 王畿 方 氏》曰 ,其外方五 「甸」亦 甸」之「甸 乃 是「畿甸」之「甸」。 辨 有 百 九服 兩般: 里 日 之邦國。 侯服, 禹 有 貢 畿 又其 日 《周 甸 方

從 以 服 外 遠 於 舊 貢 故 此 也 甸 甸 此 爲三,只有此三等:公、侯一等,伯 甸 處 時 重 其 本 成 諸 正 正 侯 甸 公、侯之貢。」公、侯、 方 是 周 侯 也, 鄭 海 地 地 愈 在 ; 五. 既 合《 小 島 侯 之 而 以 子 地 小 如 也。 弱 百 之 遠 在 子 産 王 服 禹 周 制 矣。」 里 地 甸 畿 謂 侯 古 産 子 畿 之 貢 襄 日 服 爲 服 者 謂 学之 産 者 外 今 亦 師 列 王 甸 甸 近 大 曹 可 日 有 服 晉 曹 卑 謂 土 制 服 率 畿 爲 知 + 指 以 師 而 狹 心此 世 地 規 伯、 里之國 伯 甸 貢 服 鄭 想 伯 如 俗 而 近 蓋 方 地 爵 重 日 侯服 甸 貢 師 習 子、 伯 是 畿 去 千 以 者 : 而 服 輕 熟 者 男 以以 王 爲 男,古者 居 里 之 此 謂 侯 多 甸 晉, 也 畿 甸 本 以 地 土 謂 此 何 呼 服 甸 今晉 既 弱 服 甸 爲 是 必 見 故 廣 畿 而 也 _ 遠 之 則 侯 晉 分 使 多 愈 而 爲 甸

公之 地 私 + 則 今鄭 於 以 重 等,子、男一等。 侯 却 抵 千里封公, 句 重 分明。 矣, 等,其 皆 ? 非 百 此 五 六侯,方三百 有 廣 周 子 里 封 益 其 不 可 方 觀 伯 禮 又 足 疑 於 數 百 可 方百 》所 貢 此 男 使 ~,恐是 也,而儉於百里。」古公、侯皆是 太公之封 魯 目 見 里 以 周 兩 稍 也, 之 載 爲 伯 耳。 古者三等之制 里 方 禮 句 輕; 出 使 方 最 後 皆 里 則 五. 公、 七十里,子、 且. 百 之從 公、 子、男 則七 來 百 與 百 職 見 於 以《 里 侯一 諸 里 其 男 方 侯 得 齊 伯 也 伯 侯 他 則 氏 孟 之貢 古 以 等 也 本 等, 四公, 子 欲 書 | 載 地 方二 周 者 等 爲 侵 》考之:「公、 男五 非 分土爲 知 其 之貢 占 其 又曰:「 方 則 不 百 方 惟 天 貢 凡 貢 百 土 贵 足 + 下。 里 此 几 重 地 邦 里 而 里。」 不 已 則 百 者 或 甚 大 伯 爲 儉 周 里

228

DU

芮 伯 謂 況 白 萬 里 孟 鄭 之 子 伯 如 母 E 何 芮 是 男 便 姜 當 也 惡 有 時 人 芮 鄭 \equiv 伯 在 贵 百 之多 男 里、 不 服 口 刀口 此 寵 信 百 人 説 里 也 亦 之 通 逐之。 或 制 語

王 師 秦 此 師 正 韋 是 魏 後 執 世 母 芮 伯 后 專 以 權 歸 漸 四 年

倚 伯 納 之。 他 秦 此 所 本 觀 非 以 周 此 是 先 時 殺 秦 執 猫 函 執 之 歸 相 以 親 地 去 屈 辱 其 去 他 後 周 年 漸 最 却 疎 近 秦 是 矣。 周 遂 有 納 意 宜 芮 要 親

王奪鄭伯政。五年

周将亡,舉措無不失。失之又失至

於此,無復可言矣。

将 公 王 林 左 以 諸 軍 父 将 侯 陳 右 伐 軍 鄭 屬 焉 蔡 鄭 伯 鄭 禦之。 衛 曼 人屬 伯 爲 焉 王 右 9 爲 拒 周 中 祭 公 軍 仲 黑 ; 足 肩 虢

爲左拒,原繁、高渠彌以中軍奉公。五年

将 當 周 所 鼓 中 軍 中 有 軍 左 之 之 軍 室 ? 以 軍 =王 右 何 之三 鼓 鄭 車 之 軍 衰 亦 古 鄭 拒 也 有 弱 中 必必 旗 者 當 ? 何 以 軍 鄭 天子 軍 ; 有 或 不 有 故 擊 蓋 以 鼓 命 鼓 子 就 能 却 陳 旝 車 六 之 鼓。 備 有 爲 進 軍 蔡 拒 今 鼓 拒 軍 天 左 號 則 中 日 **冷** 如《 之 中 子 衛 今 鼓 有 右 軍 鼓 六 旝 分 桓 也 動 高 或 則 拒 乃 軍 動 出 王 子 語 及 中 動 古 何 之鼓 之 左 今 而 軍 中 日 旝 者 制 故 鼓 鄭 右 尚 軍 0 每 只 欲 而 未 拒 鄭 有 則 有 軍 先 不 旝 動 主 故 蓋 動 此 欲 命 中

魚麗之陳。五年

開 軍 人 數 少 只 緣 不 使 鄭 能 行 既 陳 敵 分 廣 王 左 闊 右 軍 足 拒 . 9 以 故 以 當 先 當 王 偏 之三 後 或 伍 則 分分 軍 中

掌 謂 簡 蓋 此 車 在 車 居 車 又 清 我 皆 子 執戈矛。 之御 必 不 左、右に 主 中 兩 則 退 人》之詩 衛 将 見得 能當 有 靭将 御 敵 御 甲 之左者 拒 太子爲 却 戎 於下 御 御之職 王之左、 士三人。 只 絶, 《哀二年》鐵之戰 居 與 與 在 中 右 , 吾能 右之職 謂 右 我 兩 却 左 掌 之御 兩 右 邊 右 止之, 在 如 邊 旋 當 太子 馬之六轡。 軍 之上 事 兩 成,居 主将 却 右 蔡 也 傍。 自 人 抽 我 曰 : 也 之車 · 中 御 有 古者 9 車 衛人、 如 左、 之上 ·之中者只 非 軍 郵 吾 郵 右之職 車 右 則 作 救 無 主 良 也 陳 制 将 主 好。 主 恤 曰 每 於 御 故 之 将

戰于繻葛。五年

後 室。 如 蓋自 繻葛 陳 此 如 之 + 蔡 戰 敗後、諸侯皆解體矣。 此 如 衛 是 之 周 屬 室 竟 大 變 不 處 見 來 自 從 王 此

> 之國 楚 武 隨 王 爲 侵 大。 隨 六年 鬭 伯 比 言 於 楚 子 日 漢 東

滅 之 終不 處 楚實存之,世 孫 敢 梁 在漢 勿救 滅 在 便見 而隨 爲 觀 諫]1] 援 後 楚 楚 楚常 獨終春 行 者,楚 經 來 小 所 言 或 略 却 滅 結 有 聽 反 漢 者 隨 盟 秋之世。 實 故 無 東之 以 而 誓,至今未改。 漢 盡 何 厚 人 不 之。 東之小 故 狙 初 意 滅 ? 撓 結 隨 如 便 其 隨 隨 蓋 處 所 欲 或 密 以 謂 少 滅 盡 故故 邇 爲 師 隨 周 爲 於楚, 助 死 之子 楚 此 楚 而 兩 所 使 不 季 隨

230

楚略漢東。六年

皆是。 或 如 敗 鄧 時 會 南 横 諸 取 侯 湘 盟 漢 貢 帶 軫 州 漸 中

隨人使少師董成。六年

見 故 董 使 成 人 往臨 如 涖 之。 盟 相 似 蓋 兩 君 不 親 相

六年 季梁曰:「所謂道,忠於民而信於神也。」

事 神 愧 説 爲 兩 者 屋 虚 事 民之主 只 見 漏 誕 古 《周 文 得 人説 不 實 具了 古 禮 欺 見 人 治民, 暗 天下 w/ 其 以 室 不 書,自 春 實 此 國家 是 必 秋 事 言 虚 之時 便 看 初 是 事 誕 神 只是 至 0 神 知 末 神、 如 有 且. 治 神 後 如 蓋 民 亦 民 處 學 世 所 只 人 者 君 以 以 説 事 不 並 神 此 是 神

上思利民,忠也。六年

字 故 詔 謂 非 之忠 如 尋 不 孟 常 説 子 則 以 要 Ė 不 誠 利 三自 口 事 民 君 反而 古 謂 只 之忠。 人上下 此 有禮矣」、「自 心 不 常常 如 誠 隋 通 於 説 煬 爲 反 此 帝 民 而 下

> 果 斷 而 忠 矣」, 何 絶 又 字 必 如 説 也 必 忠者 日 自 「自反 秦、 部《 何 漢 《左傳》 故 而 以 ? 忠」。 來 所 蓋 簡 以 亦 既 册 多 欲 説 中 只 實 禮 此 説 驗 與 字 此 箇 始 心

祝史矯舉以祭。六年

也 奉 也 牲 不 謂 謂 以 能 其 其 馨 出 所 備 畜 謂 香 日 腯 之 : 矯 而 咸 碩 舉 E 有 博 大 者 一台 也 碩 蕃 0 酒 如 肥 滋 六年 之 無 腯 也 嘉 類 德 謂 謂 皆 而 民 其 謂 日 力 不 之 之 疾 嘉 普 矯 栗」、 瘯 存

稱 各 腯 豕 有 以 則 是 ? 其 者皆相 既 不得謂之「咸 大 此 説 類 綱 兩 而 博 似 言 句 統 碩 乃 似 之。 言 肥 可 重 牲 腯 有」。 如 體 然 -- 9 如 用 ; 何 細 太 故 備 一者之中 此 看 牢 又 四 腯 來 説 句 則 咸 各 有 牛 有 博 備 不 不 碩 腯 羊、 相 自 肥 咸

他 似 下 故 兼 杜 字 氏 謂 便 其 見 實 得 皆 杜 當 氏 不 兼 以 此 爲 四 口 者。 處 看

所謂馨香,無讒慝也。六年

禋 故 祀 務 中 所 其 家 和 謂 六年 中 睦 無 馨 時 所 讒 而 香 以 無 慝 修 謂 無 乖 其 便 讒 之馨 離之意, 是 五 慝 教, 所 香者 也 以 親 爲 兩 ,必其父子、兄弟 乃 其 馨香 句 可 九族,以 最 謂 處。 有 之馨 味 致 且. 其 如

此四句自有次第。

北戎伐齊。六年

體 仲 滅 公之後, 吾 然 衛 當 後 伐 其 齊桓 魯、 知 方 被 聖 髮 能 伐 未 人 左 攘 周 霸 之語 袵 之。 之 以前 類 不妄發 之歎 7, 戎狄 所 甚 多。 以 孔 横行 須 自 子 看 管 有 於 當 仲 中 時 微 相 或 管 事 相

諸

侯之大夫

戍齊,齊

人

饋之餼,使

魯爲

其

班,後鄭。六年

以 戰 先, 爵 相 齊 魯 捷 載 爲 而 隱 之先 親 周 于 尊 魯 齊 書 邾 弱 齊 Ŧi. 附 班 以 伐 郎 者 春 日 主 年 或 潘 。」齊、 ? 戎, 秋 爲 王 猶 爲 : * · · 兵也 也 爵 時 先 宋 先, 蓋 相 晉 如 論 班 後 Ŧ. 邾 扶 周 蔡, 衛 重 以 出 次 臣 也。 持 之宗 《桓 故 在 主 師 亦 魯 小 居 鄭 苔 兵 鄭 + 有 時 申、 戍 或 盟 後 之先,王爵 例 期。 人 年》:「 齊, 則 兩 也 異 衛 論 伐 般: 以 又 之, 武 見 藏 宋。」 姓 主 如 如 當 齊、衛 在 爲 無 兵者 蔡 自 何 踐 邾 時諸侯猶 後 盟 也 事 却 合 甲 土 在 時 府。 午、 爲 之 在 居 鄭之 此 今鄭 鄭 則 先 鄭 盟 所 鄭 夫 來 以

鄭忽辭齊昏。六年

1

之安 但 於祭 己 子 變 然 以 也 弱 矣。 多 古 子 誠 云 然以 危 勝 仲 惟 口 有 忽 自 滯 皆 其 使 强 志 不 求 而 而 而 文義 忽 借 爲 也 懵然莫之察 多 信 爲 而 動 善 誠 助 福 詩 所 皆 道 自 於 有 有 蓋 以 者 疑 人 喜 在 他 名 志 其 持 所 畏 所 我 或 爲 而 而 而 或 関 以 而 而 浮 無 深 也 或 者 益 自 已 實 求 易 勢 固 此 淺 寡 求 適 其 而 所 狹 無 功 多 足 也 而 實 不 待 利 以 以 情 福 所 而 知 之 卒 於 0 謂 蓋 則 取 多 與 審 資 説 見 外 Ļ 其 所 昭 非 量 在 公 之 身 所 嗤 助 而 奮 拘

季梁曰:「楚人尚左,君必左。」八年

者

初

未

嘗

做

功

夫

也

夷 以 左 楚 爲 人 尚 所 以 如 尚 左 左 者 袵 之 蠻 類皆 夷 之 是。 俗 也 中 0 或 蠻

少師曰:「不當王,非敵也。」八年

间

以

右

爲

尚

謂君當與王爲敵。

王命號仲。八年

也 侯 有 爲 卿 所 則 其 世 此 以 則 後 襲 皆 益 有 乃 畿 采 弱 畿 亦 内 地 内 世 諸 者 襲。 或 侯 則 免 皆 周 或 周 隨 之王 之 死 其 舊 則 畿 所 制 己 皆 職 不 畿 爲 外 人 世 FI. 所 襲 如

之幣 鄧 道 巴 子 0 朔 殺 鄧 使 将巴客 韓 道 弗 服 朔 受。 以 告 及 聘 于 巴行 九 于 楚,請 鄧 人 0 與 鄧 楚 鄧 南 子 爲 鄙 使遠 鄾 好。 人 章 攻 楚 子 讓 而 奪 使 于

之聘 鄧 時 之 則 既 綱 此 鄾 及 紀 見 鄧 蓋 得 之 境 鄧 罪 可 全 鄧 知 而 無 矣 鄾 所 政 X 必討 刑 敢 及 處 楚 于 9 殺 遠 而 道 鄧 而 章 反 奪 朔 讓 、助之。 鄧 巴 之 則 客

●「他」,金華本作「大」。

見 不 必 過 蓋 矣 能 此 鄧 或 家 久 人 而 《左傳》 存。 也 将 0 亡 甥 蓋 縱 請 則 中 鄾 使 殺 綱 如 人 是 文 紀 此等 奪 時 王 都 幣 殺 · 日 處最 無 之 得 時 楚 要看 Ť 後 文 來 鄧之亡 王 鄧 楚 或 鄧 文 形 亦 王

虢 仲 滅哨 其 大夫詹 父于 王 十年

仲 瓣 夫。 此 右 ··, 非 之於 虢 司 之屬 仲 假 虢 號 王 使 仲 所 所 ? 詹 以 是 能 六 必 父 王 蓋 部 私 訴 有 之 大 討 有 之于 罪 卿 夫 也。 郎 ±, 命 號 中 王 于 如 何 詹 員 天子 今 故 父 外 相 不 是 之 或 自 號 而 屬 討 府 屬 之 相 有 屬 于 而 似 虢 必 大

莫 鄖 人 軍 之。 於 蒲 + 騒 年 将 與 隨 、絞、 州、 蓼 伐 楚 師

敖

患

莫 來 敖 强 盛 一官雖 莫 時 敖 又有 楚官 存,而權反居令尹之下矣。 令尹 也 楚 故 初 令尹 只 有 之權 莫 敖 却 後

楚伐絞。

莫敖屈瑕曰:「

絞小

前

輕

輕

則

寡

祭封 人 仲 足 有 寵 于 莊 公,莊 公 使 爲 卿 +

之 蓋 辭 來 官官 執 封 人以 人 政 是 世,非 得 治 見 封 春 疆 古之 秋 之官 之 制 初 度 祭 尚 乃 仲 未 武 以 世 王 封 襲 數 在 紂 而

祭仲 雍 日 : 氏 與 宗 不 宋 有 立 人盟,以 一突,将 寵 於 宋 死 厲 莊 公歸 公, 亦 執 故 而 厲 立 誘 之。 公 祭 而 仲 + 求 而 賂 年 執 之

負 子 子 乘 人 E 蒲之 止 東 從 也 ??孔 門。 孔 此 孔 荷 盟 子。 盟 子。 無 是 孔 適 子 孔子 弟 子 要 Ē 衛 鬭 子 盟 : 遂 吾 甚 過 有 適 要盟 疾。 出 蒲 公 要 衛 子。 公公 良 盟 也 蒲 儒 子 叔 義 與 人 神不 者 貢 所 氏 之 懼 當 以 日 以 盟 9 聽 背 : 蒲 謂 私 畔 盟 孔 出 車 如 孔 Ŧi. 孔 子 蒲 口

 $\overline{0}$

謀,請無扞採樵者以誘之。」十二年

衛 往 底 也 行 + 人 請 0 陳 禁 然 乃 之 今 1 行 兵,役 芻 年 役 是 軍 欲 之法, 蕘 灓 爲 使 役 者 採 徒 計 枝 徒 樵 使 以 皆 有 非 是 誘 時 輿 是 E 行 供 絞 曳 采 軍 却 伍 役 柴 樵 ·, 有 必 間 使 之 而 使 執 故 之 役 役 遁 干 請 兵 正 徒 徒 戈 昭 軍 無 也 弓 + 扞 如 正 扞 \equiv 衛 矢 采 軍 年 僖 者 以 樵 是

之,不及。 子 莫 辭 屈 敖 焉。 瑕 必 伐 敗。 羅 十三年 告 鬭 遂 夫 伯 見 人 比 楚 鄧 送 子 曼。 之。 , 日 : 還 楚 子 必 謂 使 濟 其 賴 師 御 人 0 追 楚

法 蓋 于 方 使 楚 此 軍 賴 子 不 鬭 行 是 伯 而 而 追 使 伯 比 沮 之, 追 比 既 撓 屈 不 知 遷 軍 瑕 肯 莫 謀 延 直 敖 者 却 I 之 則 諫 許 待 楚 有 必 鄧 名 刑 敗 王 魯 時 之 節 恐 故 不 説 是 伯 便 何 比 楚 故 明 而 微 後 告 軍

> 盡 諷 不 行 而 預 不 而 軍 徑 又欲 事 言 之, 益 而 楚 師 意 王 欲 訝 入告 使 其 楚 説 鄧 王 而 曼 自 人言 者 悟 諸 蓋 耳 家 師 人 婦

耳。此亦人之常情也。

夫 以 **\$** 古 德 謂 君 十三 訓 衆 而 好 鎮 撫 之, 召 諸 司 而 勸 之

衆,謂士卒。諸司,謂偏裨之將

楚師盡行。十三年

楚伐羅一小國,其師盡行,則當時楚

亦未甚大。

楚宥群帥。十三年

楚之政事如此,便自是将興氣象。

莫

敖

屈

瑕

十三年

思 確 率 者 耳 大 屈 博 段 瑕 議 終 有 中 始 數 議 論 事 蓋 此 自 博 書 今 議 H 舊 看 H 論 來 得 時 + 却 間 是 全 意 精 大

會于曹。曹人致餼,禮也。十四年

全左 周 編 却 與《 以 於 魯 是 所 薨,卒哭 也 春 王 禮」也。 文 禮 示 周 史 周 緝 謂 禮 秋 一,一曹 氏 魯 有 勸 本 之 非 當 禮 禮 以》所謂 也 春秋》,曰 左 戒 調《魯 典 者 兩 時 而 人致 今《周禮》之書,今《周禮》之書, 」,「祭公來,遂逆王 氏 禮 處 如「大夫三月同 也。 則 般: 之所 祔」之類,此 《左傳》書「 看 書,不合於周 所 春 魚 ・ 禮 禮 故 有 蓋 謂 秋》。 謂 方 一,同 也」之 周 韓 夫子 見得 禮 禮 之 宣子適魯,見《易象》 也」,此皆古之所 舊 《魯春秋》之法,合 未筆 禮 類 禮 皆 兩 如 典 非 盡 便 」處 般 是春秋當時 位至」、如「 一削《春 禮者亦 左 鄭 禮 在 是 分 后于 氏 極 以 魯矣。」 明。 經 自 多 齊 然其 秋》 \approx 書,所 紀, 説 古 又 要 時 之 之 君 謂 禮 朝 有 中 今 乃 須

只可謂之《周官》。

鄭子人來尋盟。十四年

之子,以王父字爲氏者。 杜氏曰:「其後爲子人氏。」此公孫

四年宋人以諸侯伐鄭。焚渠門。入,及大逵。

名之。 伐鄭 軌 在鄭 軌 彼 而《周 多謂之「衢」,此皆各以其 二年》楚伐 九 以 凡八尺。九 達 ,「衆 鄭 多謂之「逵」,在齊多謂之「莊 禮 然鄭有九達之道未可知,或只是容 謂之逵。」杜 逵 城 逵道 注 内不 是道 軍 影九 方九軌 鄭 人 一人自 應有 路 自 軌七十二尺,計十二步。 軌 之名。 純 氏 九出 不名逵。 門, 謂 車 皇 道 及 一之道 兩 如 門, 方 逵 國之道 莊 輪 九 至 一,故以 市 間 軌 爾 于 + 日 爲 雅 路 逵 八 在 軌 爲 逵 > 路 宣 廣 年 曰 : 九 狹 魯 楚 祭

仲

專

鄭

伯

患

之。

使

其

壻

雍

糾

殺

将

得九軌,亦未可知。此正如蜀中「棋盤

市」之類。

服 天 王 ,天子不 使家 父 私 來 求 求 財 車 0 十五 非 禮 也 諸 侯 不 貢 車

若 説 辦 常 然 侯 求 所 所 如 益 當 過 乃 書 ~ 常 前 説 車 稷 舜 求 中 賦 杜 人 所 乃 典》 此 氏 不 之, 如《 所 日 以下 君 天 雖 供 謂 説 至 日 禹 子 所 則 明 非 于 車 敢 求 貢》 所 以 爲 天 庶 服 車 於 於 不 賞 以 明 子 九 以 私 諸 慢 服 私 士 賞 亦 之體, 州 試 功 求 周 侯者,亦 求 大 諸 各 乃 之 9 以 財」矣。 處 車 夫 風 財 侯 不 上之所 功 然 服 者 者 口 各 天 則 以 車 見得 貢 子 以 《 益 庸 諸 如 服 此 以 其 ~ 當 不 天 侯 兩 以 賜 稷 是 舜 方 子 時 能 自 庸 下 般 典 物 **>** 也 ____ 下 所 自 有 亦

享諸郊。十五年

與 以 就 季 與 何 郊 卒 享 享 氏 故 皆國 諸 來 於 當 於 蒲 不 郊 或 時 蓋 者 中 得 雍 圃 外 祭 故 特 糾 而 之遠 則 仲 後 不 殺 救 地 是 享於 殺 之 使 援 地, 鄭 之」之類 也 他 多 之 家 而 易 出 至 權 季氏 而 在 臣 必 必 遠 如 相 難 與 享 黨 地 陽 似 誰 祭 與 於 虎 使 何 仲 盛 郊 蓋 将 他 强 皆 蒲 享 黨 所

一國之權臣。

諸侯謀納鄭厲公。十五年

弱 公 情 庶 厲 大 强 子 昭 略 纔 公 類 口 出 IE. 此 見 奔 嫡 當 出 而 時 奔 諸 不 侯 並 論 即 無 是 謀 非 人 欲 納 只 納 論 之; 强 蓋 弱 昭 厲

幸 宣 飲 將 姜 以 酒 與 殺 公子 壽子 之。 朔構 載 壽 其 子告之,使行 急子。 施以 先 公使諸 盗 殺之。 齊 不 可。 使 十六年 盜 及行,

四

又云: 竟 言 是 弟 哉 今 以 以 初 也 调 以 所 何 賢 至 乃 先 以 表 故 1 口 相 朔 斂 於 往 飲 注 讓 導急子使行,又 識 壽 於 既 然以道 俱 旜 或 • 之 其 人處 也 及竟, 子 惡 讒 蓋 此 宣公之太子 聘 父子 事 酒 將 乃 傷 旌 構 禮 與 自 者 展。」又云 欲 旜, 理論之,急、壽之死 急子 父之志。 晉 張旜 此 相 旗 常 太 免 太 正 古 屬 殺 史公 情 急 旌 , 子 欲 使 則 看 旗 子 欲 誓。 以 凡 使 使 兄 申 者 屬 壽 來 然 日 使 以 婦 生 之 者 弟 而 之 及 乃 亦 也 卒 身 者 見 壽 載 醉 不 必 相 制 免 宜 謁 死 誅 出 余 郊 敢 載 與 旜 而 如 滅 載 亡 關 其 竟 同 讀 朔 後 旌 明 弟 此 又展, 亦亦 之 構 死 則 人。」「人 及 亦 是 驪 口 以 何 壽 者 世家 之 有 先 有 獨 其 同 壽 争 此 竊 姫 也 旌 未 之 死 最 母: 所 如 者 悲 旌 子 何

> 能 親 爲 盡 之道 盡 死 處 事 是 0 父 親 暴其 必 有 之 如 道 過 父 子 舜 之 之 當 過 號 掩 也 泣 護 大 而 此 杖 正 未 則 救 得 走 之, 爲 盡 然 争 後 事 相

及齊師戰于奚,疆事也。十七年

若 當 亦 疆 如 常 請 契 只 吏 是 丹 者 事 之 疆 於 耳 邊 來 事 當 求 鄙 朝 云 何 自 間 歸 廷 者 必 品 非 時 南 謂 處 復 地 邊 足 此 之 侵 浼 將 矣 疆 掠 類 朝 所 埸 廷 何 五. 能 此 間 之 却 里 自 必 微 聽 來 或 是 品 事 + 告 處 大 耳 事 里 得 1 若 須 爲 此

高渠彌弑昭公。十七年

都 義 時 不 之 知 如 纔 鄭 義 渠 至 功 莊 理 莊 快快 彌 公 所 之 公 聚 薨 在 弑 權 時 昭 謀 之 百 蓋 公, 之 意 態 此 臣 如 交 曹 然 於 作 祭 平 只 仲 朝 莊 Ħ 都 之逐 只 公 雖 無 理 口 口 厲 一會得 豪 以 制 節 服 立

權 用 何 權 既 所 謀 無 不 之 上 至 人 士 有 耶 則 ? 也 人 自 制 君 用 所 服 子 其 以 非 權 則 獨 不 謀 爲 取 欲 用 忠 自 快 而 厚 擇 不 長者 其 時 敢 便 之意 肆 利 ;

君 子 謂 昭 公 知 所 惡 矣。 七 年

爲

長

久

之計

耳

處 知 IE. 皆 之 是 耳 此 惡 左 惡 氏 而 旬 筆 而 不 是 不 高 能 左 能 去 含 氏 去 之 不 譏 也。 意 盡 昭 自 意 公 ^ 見 處 左 0 於 傳 言 言 **>** 中 外 其 如 特 此 此 能

公子 達 日 高 伯 其 爲 戮 乎 ? 復 惡 己 甚

只 是 報 悪 渠 是「 其 彌 報 報復」之「 而 之之甚 渠 彌 後 也 復」。 來 却 弑 謂 T 昭 昭 公 公 初 間

爲

言

家 公 將 有 有 室 無 遂 與 相 姜 瀆 氏 也 如 謂之有 齊。 申 禮 繻 日 易 女女 此 有

> 敗 +

史之 是第 幾 如 見 諫 得 齊 而 至 姜 法 耳 都 左 次 皆 氏 氏 無 此 故 尤 是 諫 如 所 方往 左氏 分 第 以 者 此 明 載 0 何 因 後 次 申 故 故 以 來 如 繻 申 諫 文 齊 諫 繻 辭 姜 以 處 辭 以 繫之。 此 如 言 未 齊 段 看 曾 前 者 來, 有 不 大抵 此 此 未 知 此 便 其 作 遂 要

底人。 公,仲 日 若 能 彌 當 在 時 以 時 :「祭仲 底 賢者 人。 此 何 專 正 自 且. 見 恐 據 故 櫟 仲 處之,安肯 昭 祭 以 兵 厲 不 所 公 仲 知 公乘 權 討 鄭 以 是 全 免。」 顧 非 祭 不 而 隙 地 力 仲 仲 顧 如此 又 殊 而 時 不 事 義 日 所 不 足。 利 子 立 理 遠 害 蓋 · 渠 、只 亹? 信 蓋 厲 且 也 仲 計 彌 公 當 十一。 安 若 況 既 不 較 時 順 討 仲 弑 利 厲 八 過 年 渠 無 公 害 在 昭

「耦國」,如鄭京城、晉曲沃之類。如政當由中書出,而令却自近習出之類。如政當由中書出,而令却自近習出之類。「兩政」,如齊僖公寵夷仲年之類。「兩政」,可述后」,如褒姒、申后之類。「匹

左氏傳續說卷三

宋吕祖謙撰

莊公

築王姫之館于外。元年

見討 念,前 於 義 領 箇 世 有有 兩 而 婚 莊 輩 而 内 王 不 不 論 不共戴 魯 姫 相 敢 則 之詳 則 歸 妨 絶。 畏 畏 于 ,桓公見 底 清 天之 矣。 齊 齊之 道 其 議 君 理 魯 然 而 强 故 臣 絶之 殺於齊, 不 又 而 而 之間 與 須 築 不 不 外外 而 王 識 敢 能 不 姫 得 宛 則 絶 以 則 與 之 莊 轉 復 莊 畏 主 館 警爲 欲 公之 公之 商 齊 之 于 與

字,求 者 設 齊,而 妨 火 互 注 振。 立 子之間 П 目 王 1,安可 云: ? 之必熱, 姬 几 則 箇 筵 之 日 以 深 足 穀梁》謂 其 至 館 「公門, 不 天 傳 爲 于 名字文 : 委 如 發 爲 以 可 宗 之改築外,變之正 憂。 屬 曲 如 憂 不 知 伐 委 我 又 説 廟 之 水之必寒,如手足之必 口 可 夫 郕 曲 實 主 日 以 朝 不 飾之。 恩。 蓋 互. 既 禦。 不 安排 不 俟 之 Ŧ ,亦終於此 其 段 知 共 · 德 迎。 外 於 姬 莊公報齊之心, 不知者,良 既 之 戴 然 亦 口 門。 朝 者 此 齊 知之 而 皆 然。 天 故 互, 則 師 其 之 求 未 必自公門出 在 主 已尊 何 所 使 莊 也。 而 仇 所 必 公門 而 王 罪 以 欲立 之 公本 已矣。 是。 以 義 心 ? 姬 終 兩 仇 於 之 委 不 於 自 皆 不 朝 曲 凡 寢 内 捍 宜 口 名 則 是 畏 相 如 頓 頭 與 П

二八

侯 爲 冕 知 最 義 不 仇 主 大 侯 主 意 齊所 能 莊 夫 同 爲 之 義 戒 世 也 却 非 自 百 而 敵 理 如 姓 説 公非 所 侵 强 然 然 底 姓 者 體 此 此 天 以 中 伐 是 天 設 莊 者 子 人 主 百 明 接 間 不 之。 子 姓 公 主 不 辭 只 告 故 婚 知 做 之 之。 主 是 做 自 日 顧 天 天 姻 道 委 諸 女下 主 婚 時 事 覺 子 此 子 也 理 曲 之 魯 侯 少 誓 於 嫁 時 去 底 極 於 嫁 嫁 制 與 女 衰 利 齊 蓋 不 尚 是 道 諸 周 女 乎 害 麻 齊 有 得 天 害 而 理 有 侯 于 爲 絶 諸 不 子 改 忘 魯 人 非 只 大 同 侯 共 悔 不 大 何 了 恐 人 所 緣 夫 姓 戴 當 時 寧 抵 父 恐 必 以 改 以 力 節 是 天 子 然 築 爲 故 必 使 與 必 接 弱 使 大 懼 使 諸 諸 魯 弁

將 覺 世 使 將 齊 楚 齊 爲 兵。 時 心 也 其 者 武 徒 齊 誠 不 短 而 兵 弓 收 此 亦 有 E 蓋 意 王 大 是 告夫人鄧 之 矢 見 齊 抵 斂 平 不 齊之後 欲 齊 之名 此 理 得 利 復 日 陳 是 人 故 ? 亦 當 知 是 遠 中 齊 驚 精 見 時 所 · 是 自 攻 曼日 然 而 則 神 而 而 始参 謂 尚 城 有 謂 欲 不 未 會 不 人 蕩 知 : 利 略 知 長 人 告 齊 聚 可 用 矣 古 余 于 地 齊 廟 兵。 之 之 復 諸 子 人 長 底 之實 之 時 心 爲 時 夫 見 致 兵, 子 初 蕩 夫 陳 齊 人 于 故 只 贵 處 有 耳 之 故 人 猶 可 此 利 四 利 雖 矣。 復 知 散 所 所 知 于 告。 謂 此 後 正 蓋 故 謂 短

王遂行,卒于樠木之下。四年

楚武

王

荆

P

授

師

子

焉

以

伐

隨

四

P

乃

是

楚

陳

名

子

亦

鎗

屬

蓋

楚

陳

所

利

楚

初

稱

荆

· •

詩

所

謂

荆

楚

便

他 溠 處 武 誉 蓋 王 軍 軍 既 臨 中 死 隨 既 何 何 無 不 故 主 便 ? 帥 去 此 發 則 是 喪, 事 爲 變易 却 奇 除 兵 道 伐

既 得 會 不 于 人 如 向 楚 漢 前 此 汭 地 隨 至 則 而 必 莫 事 後 反 敖 始 無 追 以 無 口 楚 王 他 慮 師 命 虞 蓋 故 盟 漢 楚 隨 汭 侯 是 到 楚 請 此 地 爲 只

紀侯不能下齊,以與紀季。四年

不 賢 紀 侯 比 之銜 能 全 璧 身遠 面 縛者 害 ,爲宗社 遠 計 亦 不

王人救衛。六年

朔不當立,王救之是也。

知 夫 其 能 本 古 本支百 位 不 者 謀 世 必 ; L°」六年 度 知 于 本 本 之 末 不 而 枝 後 弗 立 强 衷 焉。 ^ 詩 不

言 子 謂 斷 之本 之中 此 事 此 所 擇 此 謂 之 正 其 支 是 是 古 者 最 非 左 易 氏 親 見 指 者 論 夫 庶 所 大 苟 亦 子 謂 凡 無 謂 而 立 本 適 之本 言。 者 君 子 之法 今 指 而 以 以 能 適 庶 非 適 子 于 子 庶 是 子 而

> 本支 世 者 於 之 而 一,周 群 最 而 又 道 7 公 未 親 之,始 之 子 理 可 繼 最 所 謂 先 親 以 之 謂 君 之中 能 知 之 之正 長 本 知 久者, 本 舍 統 所 其 謂 此 不 只 詩 止 賢 知 緣 ** 者 本 可 是 謂 者 本 知 擇 之 謂 支 其 這 本 箇 白 賢 又

年 楚 楚 子 文 楚 Ξ 復伐 伐 鄧 申 侯 鄧 弗 滅之。 過 許 鄧 0 0 還 騅 六 年 年 甥、 , 楚 聃 子 甥、 伐 養 鄧 甥 + 請 殺

言 殺 以 王 不 了 者 出 能 卒 亦亦 爲 楚 自 ? 夫鄧之亡,不 文王, 立 楚 故 所 紀 所 當 不 綱 滅 戒 能 又 自 修 安 向 治 强 在 知 使 於 其 甲 後 前 或 兵 不 來 時 殺 以 别 而 從 整 楚 無 徒 子 頓 然 甥 箇 不 而 之言, 或 從 楚 在 所 文 於

恒星不見。七年

齊桓公將霸,乃天下一變,故天象

先 見

泉陶 邁 種 德 德 乃 降

書》傳 何故? 及 言 故 行 民 正 誓》諸篇 一尚 間 今《泉 也 日 于 相 其德,乃能及民 書》,始皆 世。 未 似 逸《 夏 于 言德 陶 書》: 蓋緣 亦是 甚公行 世皆不 世 書 杜 謨 預 × 0 非 》之文, 有 秦火之後 未 如《益 是 可 泉 于天下。 此 曾 得 如 西 頃 陶 數 見 晉 楊 而 刻 稷》、《 而 邁 篇 也 子 時 有。 間 杜 種 雲 人,猶 求速 唯 氏 德 邁, 當 至 自 以《 大 伏 德 謂 東 時 孔 禹 效,必 生 遠 酒 未 逸《 晉 但 安國 乃 謨 誥 $\sqrt{}$ 也 得見之, 時 隱 書》 降 *\ \lambda 授《 須遠 》爲空 始盛 藏 古 降, 尚 泰 此 于 文

> 此 相 左 似 氏 于此等 左 氏 不 處 明大 猶 有 義, 却 徒 取 他

齊 無 知 弑 襄 公。 八

冬十 見 大 得 侯 纔 速。 紀 度 其 豕。 欲 肆 所 有二 志 至 侯大去其國。 以速 滅 宜 0 看 行 郕 乎 惟 欲 齊 豕人立而 月 不 卒 其 要姜 郕 襄 襄 道,無 齊 蹈 公,須 得 公 便降。 侯 無 志 氏,則姜 之 啼 游 纔 知 之頻 不 死 看 于 篡 以 . 得 得 至于欲會魯侯 八年 姑 弑 王人伐 志 觀 每 氏 棼 故 之 其 舉 遂 禍 所 至。 如 當 而 以 也 衛 田 時 每 每 爲 衛 于 滅 淫 得 舉 死 紀,則 貝 志, 便 侈 期 而 則 丘 服 之 每 魯 無

緣 齊 于 徒 侯 此 有疑 人 亦 費 是大豕之常態 心,所主不定,故見得 八 耳,不 足 如 深怪。 此

曲 口 莊 公不 護 過 能報父之讐 T 此政與築王 而 却 姬之館于外 7 名字 要 誅 屨

以

齊之富强,豈無一屨之供,而

必責

委

君

子

是以

善魯莊

公。

八年

播

 \equiv

節

于 徒 人 費 者 ? 蓋 求 之 倉 卒 所 以 偶

無 耳

石 之紛 如 死 于 階 下。 年

此 公平 見 如 等 得 孟 Ħ 襄 人。 以 陽之徒 不 公 襄 公之 所 能 雖 以 千 親 皆爲 無 爲 百 任 常 襄 賢 爲 之死 公處 者 死 本 無 亦 者 而 德 無 小 何 以 惠 益 故 感 所 于 人 懷 事 者 蓋 而 此 止 襄 紛

襄 公 立 無 常 八 年

不 必 只 是 政 \$ 無 定, 凡 事 皆 然 如

與 文 姜 會 處 皆 是 無 常常 底 事

鮈

叔

牙

日

:

君

使

民

慢

將

作

矣。」八年

既 使 民 慢 則 雖 殺 人 而 人亦 不 畏

叔 牙 奉 公 子 小 白 出 奔 苔。 亂 作,管 夷吾

召 忽 奉 公子 糾 來 奔 年

鮑

奉 子 糾 鮑 叔 出 奉 奔 小 于 白 己 出 亂 奔 之 于 後 將 亂 以 之 仲 初 之 才 管 論 仲

> 九 年

賢 耳 仲 糾 于 命 亂 平 前 事 故 而 何 世 亦 子 爲 先 白 未 亂 仲 不 糾 奔。 而 爲 作 之 保 及 之 不 佐 傷 而 護 鮑 子 能 義 後 義 糾 叔 故 知 糾 亦 奔 ? 其 又 幾 平 盡 非 ? 輔 而 日 如 矣。 叔 其 佐 仲 亦 蓋 出 何 本 射 只 仲 叔 故 意 于 之不 小 是 素 誠 如 白 尋 知 而 中 此 死 常 所 出 小 鈎 知 于 底 于 白 以 幾 之 子 未 其 君

齊,納 公及 齊 子 大 糾 夫 盟 九 于 蔇 齊 無 君 也 夏, 公 伐

故 子 至 各 夏 遲 方 7 有 桓 公自 許 納 黨 多 子 魯 苔 時 糾 欲 節 先 何 在 其 中 與 遲 間 齊 緩 調 大 如 護 夫盟 此 勢 ? 亦 在 蓋 甚 春 難 間

鮑 叔 管、召 讐 也 請 受 而 甘 心 焉

鮑 叔 之意,正 在 生 得 管仲,所 以 如 此

堂 囚 説 阜 則 管 至 而 未必 堂 仲 税 阜 亦 不復 則 而 知 魯 後 鮑 爲 人 税 叔 魯 者 不 必 所 蓋 疑 不 奪 殺他 堂阜 也 不 然, 是 故 齊 魯 特 地 地 知 至 請

管夷吾治于高傒。九年

高傒,齊之上卿。治是治政之才

過之。

公將戰,曹劌請見。十年

遠 之 邦 大 大 乾 來 見 興 乾 勢 敗 時 爲 慮之士 至 勢 時 則 未 于 之 之謀 劌 之戦 方 到 殄 戰 平. 社 强 極 滅 時 稷 社 是 其 劌于 前 初 處 稷 蓋 必 未 時 魯之 魯 勢不 魯是 危 幾 嘗仕 此不出,則魯未 大 劌 不 在 敗 劌 得 劌 可 亦 于 位 處。 父母 未 不 不 保 魯 者 便 忍 自 況當: 自 坐 此 之 出 何 又 故 皆 視 邦 出 來 其 父 戰 却 必有復 非 時 以 母 若 深 前 自 向 之 年 謀 此 使 出 再 齊

> 曹 存 之理。 劌 于 朝 故 觀 自 此 諫 長 觀 勺既 社 處 勝之後, 便見 魯 却 用

肉食者鄙,未能遠謀。十年

故 諸 者皆 如《 與 自 侯無 有 不 孟 食肉。 殺犬、豕,此 制 此 食 子》云:「七十 故不 指 唯 肉 當 貴 者 殺 時 古 者 無 牛 在 人 皆是 墨」之 位 老 儉 大 者 者 夫 約 者 古 耳 耳 衣帛、 無故不 類, 之制 0 非 然古 如 皆 如 食肉。」是老 後 是説 殺 食 者 羊,士 世 肉 肉 奢侈 貴 者 食 者。 無 皆 亦

也 小 惠 0 未 年 徧 民 弗 從 也 小 信 未 乎 , 神 弗 福

古 知 祀」處,皆是此 此 人 只 理 曹 理 劌 自秦、 一會神、 之言, 漢 兩 民 IE. 而 事 與季梁之諫 下 0 如《 ,鮮能 春秋 周 禮 去古未遠, 識此 》所説「賓 相 者。 似 尚

忠之屬

也

十年

劌 然 得 似 自 莊 其 迁 公素 前 要 濶 言 處 面 而 亦 不 鋪 是 不 達 叙 大 切 忠 抵 有 此 之 于 來歷 得民 戰 何故 端 之心。 所 然以 耳 便能 以 見 理 觀 悟 便 得 論 此 是 其言 明 之, 數 得 白 條 ? 軍 可 心 謂 亦

齊人三鼓。劌曰:「可矣!」十年

視 齊 其 師 進 轍 敗 兵 蓋 登 績 軾 魯前 公將 而 鼓 望之。 面 馳 而 遮 之。 魯 護 十年 不 截 劌 鼓 定 日 1 非 : 後 是 未 全 任 可。二下 不 齊 動 自 來

恐 耳 初 敗 베 一之者 齊 未 望 嘗 軾 自 人 復 詐 非 蓋 亂 是 敗 中 乃 有 真 故 軍 變 者 知 車 日 是 敗有 陣 之軾 旗 : 兵 戀 雖 法 設 陣 夫 兩 板 者 亂 伏 特 大 般 下,不 兵 國 : 0 而 僞 有果敗者, 以 , 劌 能 行 蜀 難 誤 所以 伍 識 其 測 我 進 之。 旗 也 登軾 退 以 故 懼 之 有 劌 誤 登 詐 軾 節 有 IE. 敵 而

> 臧 文 伏 仲 焉 日 吾 視 宋 其 其 轍 興 亂 乎 ! 望 + 其 旗 年 靡 故

故? 哀伯 後,文仲始 爲卿者也 杜 蓋 爲 注 魯 謂 爲 族 卿, 文 卿。 中 仲, 故 只一 注 文 魯 日 仲 人 大 止 魯大夫」,所 爲 夫 得 卿 爲 故故 蓋 大 哀 當 夫 以 伯 時 何 别 卒 臧

也忽焉。十一年 思、湯罪己,其興也勃焉,桀、紂罪人,其

贵 下,愚 是 夏 類 皆 在 明? 、紂 約 如 是 夫 Ŧi. 罪人 禹 則 愚 子 湯 不 日 婦 述 處 見 大 我 罪 是 生 己 禹 能 圖一, 不 之戒, 處 勝 有 子 湯 命 桀 作 以 在 悔 歌 人三 六 天」之類,皆 不 日 事 殺 子子 自 失 成 湯 責 視 之 怨 天 于

●「中車」,金華本作「車中」。

既 而 聞 之 日 公子 御 説之 辭 也 + 年

之, 臣 蓋 辭 必 先 爲 辭 世 之者 子 命 此 蓋 叔討 細 是 春 安 與 閔 危 秋 論 ^ 人 公 論 時 之 之, 商 對 語 , 所 確 辭 他 係 此 而 所 命 如 後 謂 是 有 不 告之。 何 出 是 自 爲 見 于 君 臨 命 得 臣 出 時 是 裨 者 漫 所 御 諶 對 爲 説 草 亦 他 創 之 有

石 祁 子 論 歸 猛 獲。 十二年

保 作 謀 論 子 出 句 石 最 于 祁 兩 也 1 我 觀 道 節 子 得 庶 宋 得 此 日 看 子 保 檀 人 方 好 爲 夫 之 弓 請 分 _ 節 後、皆欲沐浴 天下 何 而 > 猛 明 非 是 所 補 失 獲 有 以 載 之惡 ? 惟 于 識 利 或 衛 見底 害 石 天 此 與 下 論 駘 也。 佩 衛 惡 人,不 之惡 仲 節 玉 此 而 惡 卒 是 欲 數 棄 于 能 以 石 弗 也 句 好 宋 無 道 説 祁 與。 子 得 此 當 適 非 理 而

> 别 不 E 沐 T 故 浴 孰 佩 有 至 玉 執 此 親 所 以 之喪 以 此 有 見 這 而 得 沐 般 石 議 浴 祁 論 佩 子 玉 自 者乎 幼 便

盟 于 柯 0 十三年

故 先 事 齊 宋、 服 魯 魯。 當 宋、 時 魯 宋 既 與 服 魯 最 即 有 近 鄄 齊 之 而 强

齊 請 齊 始 師 于 霸 周 矣 0 單 伯 會 之。 +

几

平丘 數 以 師 之名 此 雖 之會 看 是 不 時 耳 來 載 單 請 非 兵 於 伯 經 真 帥 亦 帥 傳, 欲 王 不 師 資 賦 多 然 以 其 元 往 亦 戎 力 蓋 可 0 也 + 霸 其 以 乘 者 出 例 以 只 兵多 類 先 欲 啓 少 假 如 行 益日 王

+ 六月 鄭 日 四 . 厲 年 甲子 公自 荷 舍 櫟 我 傅 侵 瑕殺 吾 鄭 請 鄭子 納 及 君 大 及其二子 陵 與 獲 之 傅 盟 而 瑕 納 而 厲 赦 傅 公。 之。 瑕

猾 踐 背 勢 所 理 時 底 謂 其 之 風 所 達 言 背 俗 可 傅 台i 時 • 盟 也 瑕 耳 變者 以 唯 者 反 初 盟 識 然 覆 間 是 爲 又自 道 如 無 必 謂 許 重 孔 信 理 去 要 納 有 子 者 者 弑 君 盟 纔 蒲 兩 然 君 之 與 盟 等 後 有 者 盟 及 之 人: 是 能 不 至 盟 何 也 般 自 故 過 有 是 則 品 或 ? 識 般 處 不 之 是 時 得 蓋 得 後 當 間 道 狡 故 不

傅瑕殺鄭子。十四年

喪 貶 貶 爵 而 而 稱 稱 稱 m 者 鄭 稱 子 子 如 如 居 杞 宋 喪 子 子 故 自 也 侯 0 鄭 而 有 伯 子 在 之 而 喪 子 類 稱 者 皆 子 乃 在 有

厲公殺傅瑕。十四年

大 夫之 厲 上 事 公 大 殺 夫 吾 傅 便 願 瑕 是 與 卿 伯 與 晉 父 ^ 圖 惠 周 公殺 禮 > + 里 纔 四 克 書 相 卿 似 T

> 有 之 便 上 初 無 大 周 上 夫 制 便 尚 見 止 在 得 書 中 制 到 後 度 大 壞 夫 來 處 如 下大 晉 有 夫。 上 卿 春 秋 又

厲公入。遂殺原繁。十四年

繁? 伯 鄭 鄭 對 又 有 常 有 甚 玉 之 祭 權 多 自 正 蓋 徒 仲 謀 當 謀 原 時 臣 何 原 繁 厲 觀 故 繁、 與 公若 之, 如 厲 祭 洩 衛 厲 公 仲 駕 不 有 公之問 之 纔 去他 石 曼伯 徒 碏 皆 時 之 却 甚 故 徒 莊 終 曲 便 後 故 公 放 殺 來 原 不 舊 T 繁之 有 後 下 原 蘧 來

楚伐鄭。十六年 楚滅息入蔡。十四年

而 力 未 當 能 時 齊 正 故 雖 霸 置 然 而 不 如 問 楚 如 其 後 雖 强 妄侵 則 伐

● 「有」下,金華本有「一」字。

三六

一、楚自服。譬如奕棋,渠自知所先

後也。

燎 君 哀 侯 子 于 原 乎 ·! + 不 : \sim 口 商 四 嚮 書 年 邇 \forall 其 所謂 猶 悪悪 可 撲 之易 滅 也 者 其 如 火 如 之 蔡

以 身 T 蔡 失 獻 弗 賓 或 使 大 舞 蔡 抵 歸 初 事 初 間 又 須 間 只 至 自 便 是 于 小 遏 小 滅 處 絶 事 便 息 了 遏 後 這 時 絶了 來 便 終 至 不 不 乃好 於 可 至 伐 于 撲 喪 如 滅

齊人執鄭詹。十七年

故 底 不 ? 朝 臣 齊。 鄭 蓋 然 詹 鄭 前 至 介 晉 年 於 文 鄭 齊 公 既 楚 時 服 兩 猶 齊 間 在 今 恐 此 却 楚 蓋 不 來 鄭 朝 伐 用 故 事 何

遂因氏、領氏、工婁氏、須遂氏殺齊戍。十

七

此皆是遂國之大族。以此見得氏族

得力處。

秋,有蜮,爲災也。十八年

而 忽 有 大 凡《春 焉 者 則 秋》所 書 如「 書 有 皆 畫 是 本 地 素 無 有

之類是也。

楚子 謂 勝 拳 張 初 後 家 子 方 禦之; 不 興 , 鬻拳 所深 群 不 之愛君,此 灩 便 時 夫 拳 知 見 蠻 是 慮 勝 大 其 霧鬲 如 何 便 小 尋 也 拳 敗 他 何 或 故 負 自 常 ,只是 於 乃 便 不 兵 亦 有 必 時 況 是 津 是左 出 不 家 乘 這 節 此 納? 朴 來 勢 般 之常 不 一 敗, 還 直 强 共 氏 人 曾 做 木 小 起 鬻拳 不 蓋 識 强 而 得 不 觀 而 明 又 楚 得 底 楚 勝 其 非 弗 得 叛 Œ 道 子 納 則 以 是 之。 是 大 此 理 聲 小 處 忠 兵 啚 V 此 勢 敗 左 諫 見 小 霸 于 九 鹅岗 之 氏 或 楚 不 楚 不 年

左 杜 氏 氏 之注 本 意 云 然 杜 明 非 預 却 臣 以 法 此 此 句 句 救 左 雖 氏 非 之 是

失

處

蘇 蔿 國 氏 邊 秋,五· 伯 石 大夫奉公子 速、 詹父、子 頹 禽、 以 伐 祝 王 跪 作 + 亂, 九 因

請 鄭 納 位 至 王 王 虢 年 伯 子 廵 叔 王 禍 乎 今王 虢 頹 孰 ? 日 享 守 享 惠 與 大 子 王 五. 王 一之爵 虢公曰 焉? 號公爲 頹 大 致 也, 寡 夫 亂 歌 人 王 之因 樂 臨 舞 聞 鄭 以 王宫 「寡 禍 不 之, 及 伯 后 只只 倦 志 徧 由 人之 之 于 哀 憂, 自 是 舞 鞶 樂 玤 樂 貪 始 願 王 憂 禍 鑑 失 裹 惡 鄭 也。」三十 必 子 也 時 與之 來 伯 于王 之。 及 聞 殃 之。 0 奸 酒 之, 虢 王 咎 泉 之 公 盍 必 見

事 時 王 鄭 無 每 事 先 時 出 9 于 力 虢 扶 爲 持 厚, 號 于 却 鄭 全然不 爲 薄 · 見。 有

> 玤 是 辯 辯 難 容 老 不 下 來 誠 民 敬 大 Ħ. 易 只只 非 享 别 别 惟 識 凡 意 及 如 至 此 其 底 物 者 其 須 此 此 不 不 百 庶 以 正 子 辟 明 真 及 人,皆 是 事 處 亦 是 惟 此 則 不 享, 僞,以 細 0 此 不 Œ 如 則 亨 日『不 其 享一。 誠 辯 看 是 此 亦 并 要 與 件 他 多儀 别 事 來 識 誠 識 其 敬 不 事 事 享し。 則 其 享。 之 惟 意 其 是 享 得 識 事 戒 天 果 緊 儀 事 有 來享者 者 者 成 如 下 是 其 兩 要 惟 不 其 不 \wedge 皆 同 此 王 洛誥 何 間 及 誠 字 處 享。 不 爽 亦 緣 有 意 物 如 役 若 蓋 侮 不 便 如 享 來 上自 復 志 享 此 日 不 見 虢 誠 此 者 不 享 來? 雖 于 多 周 能 築 矣。 得 却 享, 天子 多 儀 一汝 公 惠 宫 誠 用 又 如 不 儀 儀 享 意 志 須 是 告 凡 其 于 此 王

❶「自」,金華本作「是」。

衰,正 得 及 時 仗 是 冷淡底 無 至有 ,以酒 底人, 力。 此 事 時 緣 人,雖若 患 事 故學者須是知 如 食笑語 王 都 難 此 每 被 却 時, 顛 每 他 不 倒 不 相 却 以 如 曾 滿 50 追逐 便 此 閒 識 人意,患難 都 禮 所親 得, 譬如朋 鄭 不 底人,平時 數 此 見。 却 取 疎 周 是 奉 友 室 得 至 了。 時 中 一之所 于平 却 力 無無 甚好。 十分 可 不 以 倚 時 事 特

陳 人殺 其太子禦寇,陳公子完與 顓 孫奔齊。

躍 子。 陳 ^ 人,陳宣公也。陳公子完,是厲 史記》謂 厲公佗之子,非 也。 當 公

陳 完 奔 齊。 二十二年

以《

釋

例

Œ

相 代,夏至 齊 始 霸,而 陰 生,冬至 亡 齊者 己 陽 至。 生 也 頗 如 寒暑

臣

卜其晝,未卜其夜。二十二年

10 今以 此 是 臣 真 飲 箇 君,亦 以 龜 大事 10 故 蓋 古者 大 事 必

三八

懿 氏 1 妻敬 仲。二十二年

亦 故 以 ? 爲 左氏 蓋左氏 田 氏 所載筮《易》之辭如此詳者, 所以 正當田氏 强 盛 者 篡 小亦非? 齊 一之時 偶 然,其 ,故大意 數 何

如 此

庭 實 旅百。二十二年

乎諸侯之庭?」以此見諸侯不 子 亦言之。《禮 庭實旅 百」,楚子人 記》曰: 「庭 享于 實 當當 旅 鄭 用 時,孟 白 此 何 爲 獻

奉之以玉帛,天地之美具焉

爲 地 産 天 是 玉 産 植 帛 物。 正 金 是 玉 如 天 之 幣 地 類 帛 之産。 之類 皆 藏 皆 天 于 産 出 地, 于 是 500 動 故 爲 故

地 産

公如齊觀社。二十三年

觀 社 是 觀 兵。

會 以 制 財 用 之節。二十三年

制 財 用 之節 ,如平丘之會,鄭子 產

「争承」是也。

諸 侯有王。二十三年

王是王事,是朝會、征伐之事。

晉 士 一萬又 與群公子 謀,使殺游氏之二子。

薦 告晉 侯 曰:「可矣。」二十四年

前 年 既 謀 謡 富 子 而 去之,今又殺游

是 氏之二 有謀 者。 子。 先去有力者,次去有謀底人, 蓋 富 子 · 是有 力者,游氏二子

然後 可以下手,故士蔿告晉侯曰「可矣」。

始 結 陳好。二十五

至 此 蓋 始 十九年 結 好 陳與齊人、宋人伐 看《左傳》 如 這 般 處 我 西 便 鄙 考

子 他 前 細 後 如 事 前 迹 無 曾 事 有 可 甚 考時,只 斷 絶 處 方 是未曾往來。 見得 來歷

> 此 是看《 左傳》 條 例

夏,同 盟于 幽 陳、 鄭 服 也。 + 七

此 是大節 目 蓋 已 前皆服楚,今始

服齊。

晉侯將伐號。 士萬曰:「夫民, 讓事樂和,

愛親 哀喪而後可用也。」二十 七年

讓 事 如 班 白者不負戴於道路」之

類。 樂和,如「出 人相友、守望相助」、《管

接,其 子• 内政》所 歡 欣 足 謂「 以 相 夜戰聲 死 之類。 相聞 0 哀 畫戰 喪,《 目 内 相

253

政》所謂「死 喪同 恤 禍 災共之」之類

王使召伯廖賜 齊 侯 命,且 請 伐 衛。二十七

此 見周室所以 惠 王 恐 使 衰 齊 侯 弱 處。 不動,故先 然齊 侯 賜齊 數以王命 侯命

取 賂 而 還,亦只是略略應命,不是十分着

0 「内政」、《管子》作「内言」。

四

蓋 力 桓 公 當 做 時 管 事 等仲. 仲 尚 在 亦 有 而 調 齊 護 侯 不 取 得 賂 處 何 於 故 此

口

見

驪 於 耳 Fi. 晉 姬 使 夷 爲 嬖 言 吾 都 於 欲 主 公 蒲 V. 其 與 子 屈 若 賂 使 使 外 俱 太 嬖 日 子 梁 : 主 Ŧī. 狄 曲 與 沃 東 廣 歸 而 莫 嬖 重

説 杜 此 注 所 謂 謂 使二 「使 俱 五. 俱 者 説 恐説 使 國 人 不 皆 順 如 此

公子 離 間 皆 骨 鄙 肉 底 唯 人,須要 姬 之子 へ彌 缝 在 不覺 絳。 <u>二</u>十 1 年

楚 振 ***** 萬 尹 焉 子 蓋 元 情 夫 欲 疎 人 一。」二十八年 蠱 則 聞 易 文 之, 夫 離 情 泣 人, 日 親 爲 : 則 館 難 於 先 間 其 君 宫 以 側 是 舞 而

樂記》曰:「天子 蓋 舞 有 部 曲 夾振 行 伍 之而駟 之 次 伐 便 盛 是 陣 一威於 法 也

習

戎

備

也

舞 也 中 也 曲 刺 夾 習 之 爲 或 振 列 觀 武 戎 也 者 伐。」 舞 備 此 巾 口 又 王. 分 戰 見 夾 與 夾 象 分 舞 振 大將 而 猶 也 之 之者 進 部 制 夾 每 事 曲 度 舞 象 奏 也 蚤 者 故 用 几 濟 舞 伐 兵 振 日 也 先 者 鐸 務 君 於 各 以 注 以 早 擊 爲 有 云 節 成 部

焉 縣 丘 秋 門 0 子 二十八 諸 不 元 發 侯 以 年 救 車六 楚言 鄭 百 楚 而 乘伐 出 師 夜 鄭, 子元 遁 人 于 日 鄭 桔 人 柣之 將 鄭 奔 有 門。 人 桐

以 戰 乘 要 元 計二 欲奔 奔 以 春 車 是 秋之大 六 時 Ŧ 蓋 楚 白 四 楚 師 乘 戰 此 百 既 伐 也,不 騎 遁 鄭 戰 車 亦 其 而 過 不 鄭 句 勢最强盛 是 自 口 百 小 有 乘。 戰 備 此 城 何 觀 此 濮 故 所 白 子 却

鬭 穀 於菟爲 令尹,自 l 毁 其 家 以 舒 楚國之難

能 齊 以 下 廉 正 貪 服 成 如 潔 見 者繼 諸 楚 敗 功 當 得 故故 所 耳 葛 時 須 以 武 子 當 特 甚 侯 元 用 如 左 難 乃 既 楊 此 者 氏 與 以 綰 以 記 司 貪 如 此 其 馬 淫 有子 唐 事 懿 事 亂 肅 在 爲 文 E 楚 宗 子 敵 爲 與 既 故 元 所 令尹 此 見 楚 爲 相 遂 元 **\$** 也 似 載 擇 尹

齊 侯 來 獻 戎 捷 干 年

鄭 産 親 會 齊 數 伐 聽 鄭 侯 俘 陳 命 獻 獲 來 而 捷 陳 蔡 此 獻 出 亦 侯 司 捷 是 使 有 馬 是 獻 此 其 兩 公 其 是 衆 例 子 人 獻 其 男 : 變, 謂 其 俘 女 如 之 功 别 鄭 也 襄 捷 而 伯 而 八 不 獻 纍 年 二十五 獻 捷 以 邢 其 于 待 丘 之 年

凡 諸 侯 有 四 夷 之 功 則 獻 于 王 一; 王 以警于

獻

中 或 則 否。三十 年

此 是 甚 此 不 句 得 最 Ë 要 看 蓋 中國 蓋 中 非 或 叔 而 父 至 則伯 于 用

或 也

宋公 請 先 見 于 齊 侯。 遇 于 梁丘

一年 自 謀 大 或 凡 會 私 盟

中

欲

先相

見

者

皆

是

先

欲

侯

將

平宋、衛 先 相 見 有 會期 議 如 宋公以幣 隱 八年 * -請 于衛 齊

秋 七 月,有 神 降 于 幸。 三十二年

與 之,是不 雩,講于 之 戲。 了 史 過 意 議 思 古 ·可鞭 子般 梁氏,女公子 論 自 者 尚 尊 應 怒,使鞭之。 敬 犖有力焉,能投盖 有 如 神 口 此 明 取 觀 未至 就 纔 之。 此 在 公曰 全 後 幸 段 然差 世 人 : 論 犖 便 于 之, 舛 稷 是 自 不 在 如 牆 如 差 殺 外 内

請

三十二年

繁碎 公見 蓋 文姜淫 名 以宗族言之, 風 是 下 何 曲 魯自 義 孫 害 事 故 禮 論 子 弑 事 當 雖 莊 ×, < 之,既 亂 般、関 文姜以 南 做 公既 蓋 其後二子 内 便做 所 然莊 人 當 7則》所 知拳 犖 以 則 公見 時 弑 來,禍 公當 與 切 生 閨 只 \equiv 之罪 之 不 出 以纖悉閨 弑 君 叔 不 門 時家 戲 可 許 亂 合説 又 牙、慶父見 之内 可 又及其子 亦亦不 多 既 如 殺 殺 法 作 事 此 禍 過 , 中 不正 説 0 而 T 亂 初 深 事 卿 以 T 終于不 便休。 間 如 殺 ,此皆 以 一,習以 婦婦 便休 者 此 其 此 爲 非是 觀之, 哀 夫 殺 緣 極 天 以 成 桓

> 安 兄 矣 可 弟 又 間 殺 至 慶 於 父? 不 得 不殺者 但去其一 此 人,則其 是 甚 不 得 、黨自

子般即位,次于黨氏。三十二年孤矣。

翼室 《顧 次 于黨氏,蓋欲倚外家以爲助 命》所 ,恤宅宗」。 古 者 君 謂 薨,太子 迎 子 翼室即 剑 即 于 位 南 次 皆 門 也。 之 有 子般 外 喪 次 所 延 以 如

閔公

天若祚太子,其無

乎

元

明 晉 不 足矣,何 果之意。 乎 ,故其辭 士 蔿 蓋 故 勸 若此 緣 下 申 士 申 又説 生去, 蒍 生本 是 : 當 是慈祥 至 時 天若祚 「與 謀 其及也」, 臣,見得 底 太子 人,有 其 利 眷 義 害 戀 無

酖

三十二年

成季

殺

叔牙

而

不殺慶父,何

故

成季

使

以

君

命

命僖叔待于

鍼

巫氏

(),使

鍼

季

四二

畢萬筮仕于晉。元年

蓋 其 王 莽 始 左 氏 而 左 武 言 正 氏 后 當 之, 載 時 \equiv 畢 多 如 晉 萬 獻符 載 强 筮 陳 讖 辭 韓 敬 之 如 仲 魏 此 類 事 盛 詳 相 時 者 類 故 何 亦 推 故 如 原

衛懿公與石祁子玦,與甯莊子矢,使守。

左

衛侯不命以言而以物,何故? 蓋古

人大抵以物爲信。

狄人囚史華龍滑與禮孔以逐衛人。二人

我

,太史也,實

掌

其祭。」二年

以 在 次位常。」蓋 如《周 地 神 禮》太 祇位板 祝 史皆掌祭。 史之職:「祭之日 ,皆太史局 如今此 制 執 尚 事

齊人使昭伯烝于宣姜。二年

蓋衛惠公即位時,正是齊襄公時,所

以有此。

以戍曹。二年齊侯使公子無虧帥車三百乘、甲士三千人

許多 兵。 合九 此類 甲 士 0 緣 百 古 却 者 其 後 又 或 來 而 非 中 車 晉 今 在 長 伐狄, 甲 何故 車 于步 士三 上 却 者 亦 兵, 人, 有 毁 三千 乃 故 論 車 别 齊 來 爲 人? 是 所 行 車 百 以 皆 增 外 蓋 乘 是 步 此 止 T

白 二年 歸 公乘 與 門 馬 材 祭 服 歸 五. 夫 稱 人魚 牛、 軒 羊 , 豕 重 錦 雞 狗 + 兩

257

此一段最要看。自常人看來,祭服

門材、魚軒皆是閒慢底物事,不知此却要

緊。緣衛國既爲狄所滅,全不成模樣,所

以 君 略 出 與 人 須 他 要 做 儀 或 衛 大 ; 祭 綱 服 體 面 是 奉 乘 社 馬 稷 是 須 用

禮儀;牛、羊、豕,是與他做畜産之本;門

夫人車 之書。 見《左傳》 材 公識得立 與 服 他 之用, 學 或 爲 者 規 外 模,所 最 事 面 不可 事 體 以 不 面 不 可 纖 ; 細 息 缺。 魚 看 軒、 備 , 具 此 此 重錦 是 乃 以 有 齊 用 此 桓

鄭人使高克帥師次于河上。二年

北 衛 鄭在 聲勢大了 高 克何 河 南。 故 鄭 在 須 河 預 爲 ? 之備 蓋 當 0 時 蓋 狄 衛 在 滅 河

晉

之危 人使太子申生伐 加 讒 免。 亦已矣。 罪 滅 有 驪 故 申 生 姬 若從衆人之言 驪 功 太子 但 伐 則 姬常使之 欲得 東 又以 居深宫 Ш 東山 太子之位,其子 當當 爲得 出 時 泉落 中難 逃之他 人心。 外 衆 將 氏。 人 得 兵, 無 過 或 二年 不 無 失 得 或 知 功 立 則 太 可 古 子 可 難 則

左氏傳續說卷四

宋吕祖謙撰

僖 公

諱國惡,禮也。元年

以 養 臣 或 惡 子 ,只是 愛君之心。 魯 或 臣 若 子 公言君父之惡, 所 不 忍 言者,所

諸侯救邢。元年

衛 耶 雖 ? 退 却 當 却 蓋 乘 初 滅 去 衛 狄 或 伐 與 之威 伐 衛 邢 邢, 相 故 去伐那 近, 衛 齊 爲 已 始 狄 救 初 所 所 T 去 以 滅 救 何 桓 邢 故 公 狄 率 狄 又 既 救 滅

出,方敢乘其勢

亂

而

逐

之。

伯

主

萬

小

敗

後

夷

狄

便

浸

强

中

或

便

浸

弱

所

以

未

敢

輕

去。

直

待

邢

人

突

韋

而

蓋

夷

狄

中

國

一之勝

負

於此

乎分。

齊

侯

是

侯

再

來

救

邢

然不

便

去救

次于聶

北

具 邢 邢 用 之,未備 器 自 與 他 用 邢 有 不 加 遺 者從 今邢 比 遷之,師 物, 衛 而全之。 衛 尚自 師 不 是 無 有 敢 私 滅亡之後,重 遺 胡 焉。 師 物, 亂 無 元 去 無 私 與 者 焉 他 從 新 私 見 把 而 取 得 服 與

公賜季友汶陽之田及費。元年

件。

費 遺 叔 家 仲 叛。 昭 始 既 遺 伯 盛 與 十三年,叔 之因。 之邑, 爲 隧 請 IE 城 又加之田 費。」 後襄七年,南遺爲 弓 欲善季氏 韋 昭十 費 厚賞之也 而求媚 年 四 年 南 費宰。 於 蒯 南 南 此 蒯 以

于魯 趙 氏 奔 簡 宰 齊。 ,將堕三都 ,受費爲 子曰:「昔季友,桓之季也。 二子 來歸費。 上卿。」定十二年,仲由 ,於是季氏 三十二年 堕費 有 史 墨 大 爲 功 對 季

君 子 以 齊 人殺哀姜也爲已甚 矣。 元

於閔 故 此 取 魯 當當 而 公 哀姜於魯,大義已絶, 殺 討 既 之於齊。 而 死 齊 之後、僖 不當 殺 公未立 齊 魯人正當討之 知 之前 魯 不 去討 方 是。

諸 侯 城 楚 丘 而 封 衛。 二年

有 在 者,然後 挂 衛 如 何 去 却 城 在 楚 遷 丘 邢 而 之後? 封 衛。 此 狄 非 是 無

緩 其 勢 當 如 此

晉荀 息 請 假 道 於虞 以 伐 號。 公曰 「宮之

奇 存 焉。」二年

公是有意 台台 獻 經略諸 公如 何 國底人,平時下工夫正 知 虞 有宫之奇? 蓋 獻

二年

諫。」二年 者 息對日 在 「雖敵 此 所 :「宮之奇之爲人也,懦 國之謀 以 先知 臣 得。 ,亦何緣 若是 知 不曾留 得 而不能 意 在 强 此

荀

大 亦 非 也。 故。」他知虞公是要人取 自 其 知 顛 特 較,伐 荀 道 功,以投他之所欲 知 此 息 故 得宫之奇之爲人,虞公之情性 正 所 ^ 鄭 假 穀 以 三門。 道于虞,日: 梁》所 知 得子細 冀 謂 之既 ,亦是當 奉 達 「冀 底人,故 心 病 而 則 爲 言 不道 時 亦 略」者 謀 先夸 唯 他 君

保 于 逆 旅

來 侵 略 逆 耳。 旅 是 兵亦 旅 舍。 不 甚 言 多 處 也 于 旅 舍, 時 復往

里 克 荀 息 帥 師 會 虞 師 , 伐 號 滅 下 陽。

大凡滅國曰「滅」,此特取虢之下 陽,

陽。 何 以 上 亦 陽 日 是 滅 虢 所 ? 都 蓋 處 虢 下 有 陽 E 亦 陽 與 E 又 有 陽 相 下

盟于貫,服江、黄也。二年

等

既

爲

晉

所

取

此

便

是

與

滅

或

般

人伐鄭。二年

楚

齊、 楚 齊、 兩 楚所 間 以 齊 欲 得 争 鄭 鄭者 則 齊 何 霸 故 ? 楚 得 蓋 鄭 鄭 界 則

楚霸。

齊侯與蔡姬乘舟于囿,蕩公。公懼,變色。

年

或 舟 其俗習水爲常 蕩 而 公獨 懼 者 T 所 何? 以蔡 蓋 姬 蔡 不 亦 畏 近 淮

齊侯以諸侯之師侵蔡。蔡潰,遂伐楚。四年

此段是看得桓公不是因伐蔡了,偶

是要伐楚了,因特伐蔡耳。

然

去

伐

楚

蓋

齊

欲

伐

楚,經

營

多

年

却

本

楚子 故 ? 使 一管仲 與 師 對 言 日 日 昔 : 示不 召 康 - 虞君 公」云云 之 涉 吾 四 地 也 何

此見得緊要處,管仲必自出來說,都

不使行人對。

昔 實 征 召 之,以 康公命 夾 我 (輔周 先 君太公曰 室 _! DI 年 : 五. 侯 九 伯 女

征 伯 此 之, 命 止 管 他 五. 得 侯 却 何 故 九伯 與 ? 半。 常 論 蓋 制 此 來 不 太公是 却 自是 同 云 五 師 用 二伯 當當 侯 九 時 伯 同 特 管 女 地 育 以

爾貢包茅不入,王祭不供,無以縮酒,寡人

是徵。四年

正 是 荆 此 管 州 當 仲 貢 以 大 荆 題 IE 目 是 去 問問 楚 地 他 處 包茅」

對 給 ? 日 昭 王 貢 之不 之不 復 人, 君 寡 其 問 君 之 之 水 罪 濱 也 敢 四 不 共

此見得楚國勢强處。不肯全然屈

四

筮

古。

1

:

筮

短

龜

長,

不

如

從

長。」

四

年

對 德 尹 處。 F 其 終諸 諸葛 故 他 才略 其 武 所 侯 辭 侯 以 半 可 誰 能 與 服 敢 般。 如 管 半 不 此 仲 服 不 者 相 ? 服 當 蓋 此 如 楚 正 皆 有 如 是 : 子 司 楚 文 君 馬 對 仲 若 爲 得 達 **\$** 好 以

楚子 使屈 完 如 師 四年

故 師 不 ? 楚何故 蓋 可 輕 齊 犯 是 不 所 霸 便 者 以 來 先 敵 其 使屈 齊 師 却 又 完 使屈完 皆 來 是 觀 節 來, 制 何

陳 轅 濤 塗 謂 鄭 申 年 侯 日 .. 師 出 于 陳、 鄭 之

間

國

必

甚

病

四

其 資 糧屝屨 蓋 霸 者之 如如 師 用 凡 師 經 批券之類 過 處,諸侯必須 相 似。 供

齊 侯説 ,與之虎牢 四

見 霸者之權 專, 雖 諸侯他國之地,予

初 ,晉獻公欲以驪姬爲夫人,卜之,不吉;

奪

皆

由

他

此 不 知 何 處 見得。 考之《洪 範

從 庶民 從 謂 從 從 稽 龜 以 X 筮 亦吉 從、汝則逆、庶民逆: 吉。」又曰: 「庶民 古者大事必ト、ト 卿 疑 、筮共違于人,然後用 則自 龜 汝、 逆」,於此乃 則 從、 1: 甚 日 矣,此所以 逆: 吉 日 明。 筮從、 「汝則 卿 也 士、日 吉。」又曰 始 卿 從、 至 言 見 一于「作 爲 士逆、汝 庶 雖 龜 所 民 筮 從、筮 筮 汝 以 作 雖 内, 之逆,然得 短 則 爲 卿 X 逆, 則 龜 從、 一逆、卿 最 古、「 士 逆: 長 然 重 從、 龜 龜、 古。」 也 從、筮 龜 作 士 筮之 及 龜之 逆 夫 是

及將 V 奚齊,既與 中大夫成 謀 四 年

憚者, 此 惟里克一人而 左 氏 書 法 最 高 處。 然 蓋 里克 當 時 柔 驪 弱 姬 避 所

此 管 謂 禍 敢 夫 是 合。 無 卿 者 春 位 立 改 亞 秋 卿 奚 而 则 则 仲 命 般 E 之 大 却 齊 大 國 之 卿 於 注 於 中 有 侯 齊 或 初 後 大 或 卿 中 夫 天 \equiv : 何 全 只 中 或 夫 既 此 天 卿 來 所 如《 子 以 無 V. 有 只 便 此 謂 皆 言 有 蓋 子 周 忌 之 制 命 卿 天 制 是 齊 中 卿 卿 之? 未 禮 語 尚 憚 命 卿 子 而 紊 晉 侯 大 便 嘗 在 於 又有 卿 自 之二 亂 或 是 夫 所 此 使 是 命 天子 中 而 命 飃 大 爲 書, 便 秉 上 天 雖 他 想 大 己 政 或 是 子 佐 姬 守 大 晉 卿 止 大 是 故 夫 之 卿 與 敢 或 夫 之 亦 反 有 次 夫、 公 晉 命 臣 故 便 里 於 强 減 只 非 中 或 高 之 IE 於 武 是 克 逐 只 是一 中大夫 也 大 在 以 公 或 與 天 有 申 卿 口 夫, 卿 子 是 此 侯 亦 但 商 此 中 方 生 卿 反 制 者 未 見 篡 觀 只 却 古 命 量 大 而

如叔向所言。

公祭 臣 太 子 亦 斃 之 祭 地 于 四 曲 年 地 沃 墳 歸 與 胙 犬 于 公。 犬 斃 姬 毒 與 小 而 獻

然 驪 者 義 毒 箇 論 明 姬 T 何 雖 來 證 與 觀 故 何 申 不 T 其 獻 故 得 生 祭 公 X 以 立 蓋 到 先 地 與 重 申 此 自 而 逃 犬 他 生 時 地 去 商 與 罪 爲 墳 亦 他 量 小 自 之 或 臣 T 往 時 亦 可 ? 小 往 去 所 何 不 此 此 蓋 以 害 忍 已 事 驪 而 敢 而 卒 見 亦 姬 如 害 恐 不 要 得 此 去 是 做

晉侯使以殺太子申生之故來告。五年

春秋如此事,皆當時大事,所以必告

晉侯使士蔿爲二公子築蒲與屈,不慎,寘薪

於

諸

侯

焉

夷

吾

訴

之。

Ŧi.

夷吾獨訴,而重耳不訴者,何故?

Ŧi.

0

以此見重耳、夷吾賢否處。蓋重耳當時

已自知了。

士萬稽首而對。五年

校。」 公使 諫? 首 敢 寺 乃 説 狥 然 人 稽 蓋 日 到 披 士 首 初 獻 伐 蔿 , 是 時 公責 校 蒲 當 見獻公之頭勢難説 以 者 築 首 他不慎,故 吾 重 蒲 至 耳 讐 與 地 日 也 屈 : 凡 之 至此 Ŧi. 敬 君父之命 初 其 敢 所以 何 命 説 故 則 不 不 不 稽

令蒲 時 去 恐害 救 他,本 重 蓋 耳 他後 重 自 耳 不 不 來大事 素 識 校 得 重 便了 蒲 耳 ,所以 人之心 之本 何 必 不 心 須 得 , 9 萬 不 蒲 要 以 徧 人 此 來 只 狥 號 校 要 或

出 于 會 首 諸 止 胡 侯 氏 會 以 所 王 論 列 太 或 極 子 諸 精 鄭 謀 侯 確 而 日 寧 上與王 : 周 以 彻 王 世子會 Ŧi. 世 年 子 而

0

論」,金華本作

後 糾 逃 正 下 摇 此 王 萬 之。 合諸 以 前 命 例 民 世之大論 不 之 大義 到 天下 所 侯, 變 于今受其賜」者也 與 以 也 ·之爲 爲主,而崇高 是 仗 然者 盟 而 正 正 父子者定, ^ 矣。 道 王 此 春 以 禮 秋 將 翼 之常 > 以 許之。 世 之勢不 愛易 子 所 也 至易變 謂 儲 使 鄭 而 與 貮 或 ^ 伯 春 匡 本 而 奉 桓 秋 之 天 不 承

陳轅宣仲譖申侯于鄭伯。五年

申 人 如 侯 却 此 都 反 分 只 覆 明 緣 不 是 申 不 也 是, 侯 與 自 被 他 陳 見 利 轅 不 昏 般 濤 得 了。 1 塗 却 論 雖 是 來 宣 仲 初 後 間 陷 害 來 止 是 兩 他

鄭伯逃歸不盟。五年

只是潛身而歸,正如高祖脱鴻門相

似 若 以 軍 歸 則 齊 安 得 不

江 黄 道 柏 方 睦 于 齊。 Ŧi.

日 I 夫 江 一、黄 Ē 在 (、道、 此 上,先 柏 皆 服 是 近 小 楚小 者 9 然後 或 來 齊 理 平

晉侯復假道于虞以伐虢。 官之奇 諫。 Ŧi.

其次

却

來

伐

楚。

故

後

來

雖

不

伐

前

事 勢 極 宫之奇到 T 所 以 此 盡 諫得詳 説 得 出 利 何 故 害 曲 折 他 無 亦 見 不

瞭 然

虞不 臘 矣。 五年

臘 ·秦紀》書 是祭名。 見得 日 : 秦 春秋 初 時已有此名。 臘 此此 太 史

公自秦言之。 蓋 言秦 于此 始 初 臘 耳 非

不 臘 知 始 自 于 秦 古 也。 來已 有 或 者 之。 疑 以 臘 秦 是 秦 本 時 西 方 戎 有, 典 禮

未 備 且. 至 如《 此 秦紀 方 用 臘 書 縣 當 宜 時 陽 諸 贵 或 用 是 臘 古 者 來 亦

> 未 有 縣 而 始 縣 于秦耶

益日 滅 虢 Ŧī.

横 多。 ? 頭 時 蓋 行 桓 當 最 公 時 是 既 天 夷 爲 下 狄 伯 縱 極 横 盛 主 所 之 何 甚,救 以 聽 先 晉 去 如 不 伐 得 此 許 縦

自 來服 此 乃 見 桓 公規模處

執 虞 公及其大夫 井伯 以勝 秦 穆 姬 Ŧi.

正 要 屈 媵 辱 本 他 是 卑者 如 劉 爲 聰使晉懷帝 之。 此 特 使 青 虞 衣 公 行 媵 酒

相 似

而 修 虞祀。 五年

此 句, 左氏正欲應宮之奇「 神 其 吐

之」之語

而

晉侯使賈 華伐屈 夷吾不能守,盟 而 行

六年

賈華是七輿大夫爲右 行者。 夷吾 與

屈 人 盟 Ĕ, 欲 以 此結屈人之心,尚 有 覬 覦

亦

有

不

貢

者

伯

主

正

欲

以

此

倡

率

既

復 人之意

將 奔 狄 郤 芮 日 : 後出同走,罪也,不 如之

个。」六年

郤 芮 爲夷吾謀,不爲不是。 但 奔 梁

之策 个, 乃苟 簡 淺 近欲復國之意,所以 不如

重 耳 奔狄之意遠 大也。

管仲 於齊侯曰:「招攜以禮,懷遠以德。」

招 攜 如鄭攜貳之類。 懷遠,是江、

黄 之 類

齊 侯 修禮於諸侯、諸侯官受方物。 七年

官 是諸國 所掌貢 、賦之官。 齊既

以 强,又是伯主 貢 于 天子 言諸 蓋 齊 侯 既 各 伯 來 諸 齊 侯,欲 受所貢之物, 以 此 結

諸 侯, 所 以 與 他 物 以 爲 貢 E 如 邑 之

中

有

上户先代

下

户

輸

納

之

類

想當

時

禮記

•

檀弓》虞、夏、商、周之殯,皆

得 諸 侯,又能 上 尊 天 子

守 命共時之謂信。 七年

共 時,便 是時 見, 日 會。

此

只

説

會耳

德 、刑、禮、義, 無 或 不 無國不 記, 見 記。 得 諸 七年 侯 或 皆

杜 氏 謂 汲 冢《紀年篇》有 書 魯、 有 事 類 春

史。

如

秋 》者可 見

子 華 由是得罪於鄭 七年

子 華 既 是 太子了 , 何 故 却 使 齊 伐

鄭 ? 蓋子 華 急 要篡 國 爲 君 耳 如 「我 以

鄭 爲 内臣」一 句 可 見

襄 王 不發喪,而 告 難 于 齊。 年

懼 王子 帶之黨 盛

凡夫人,不薨于寢,不 殯 于 廟 八

Ŧi.

不在廟,至此却在廟,何故? 此制度

當考。

宋公疾,太子兹父固請曰:「目夷長且仁,

君其立之!」八年

不 只是 稱 要着意做 襄公本當立 如 泓 之戰 好事底人,●雖常 ,何故讓子魚? 「不禽二毛」之事 好 可 名而實 蓋襄公 見。

宋桓公卒。未葬而襄公會諸侯。九年

宋 來 顯 齊 者 是 桓 公 然此 只 顯 襄 是 所 顯 公在喪, 宋,故 會 以 之國,如 亦 獨 當 托 何 襄 時 於宋者,亦是 故 齊 盛 公此 會諸 侯 會 屬孝公於宋襄公。 會 侯 如 不 此 得 見當 速? 不 自 時 蓋 出 顯

王使宰孔賜齊侯胙。九年

國。 者 ,何故? 文公是同 踐 土 蓋 之 姓、是所當賜者、故不書。 周 盟 以 不 脈 賜 膰 而 之禮 齊 桓 親 葵丘 兄 弟之 獨 賜

所从見尋是異豊。 齊是異姓,本不當賜,王特地加厚于古

所以見得是異禮。

天子有事于文武。九年

名之。 天子有事于文武,便是祭。祭是大事,故直謂之「事」。如洛陽重牡丹,故直事,故直谓之「事」。如洛陽重牡丹,故直

宰孔先歸。九年

東略 以 與盟 不盟 之不知 宰孔 者,不 盟 西西 者 何 故 則 敢 自 先 否矣。 以 不 歸 不信 信 ? 而 九年 蓋 待天子之臣 後 宰 有 孔 盟 止 與 宰 會,不 孔 所

非久必去,西既會了,必不復來。蓋當時三方皆往了,只有東邊未去。

其在亂乎。君務靖亂,無勤于行。九年

●「着意」下,金華本有「要」字。

之足矣,不必往齊 不 來,但 此 是指 自 晉言之,蓋説與晉。 歸去,察其國之亂 也。 晉之亂, 務 便 當 是 靖 時 荀 安 齊

獻 是 親諸 公使 孤 荀 辱 息 傅 在 奚 大夫。」九 齊。 公疾, 召 日 : 以

焉。

息、奚齊事

孤 只 有 」, 正 當 奚齊、卓子二人在 指 時 申生已殺。 此兩人言也 重耳 裹 面 夷吾皆在 此 所 謂 外。 一諸

耦 俱 無 猜 九年

猜 謂 無 俱 猜 謂「 疑 嫌 送 往 忌。 言 事 我 居 無 愧 兩 于 事 生 無

將 殺 奚齊,先告荀 息。 九

死

息 則 底人;受遺托孤,亦不是無權底人。 甚 里 克 既 且. 要殺 一荷 息伐虢、伐虞,亦 奚齊,何故却 先説 不 是 與 荷 無

0

九」,原作「五」,據《左傳》僖公九年改。

亦 蓋 子 見得 荷 當緣民 息所以 風 俗 心 尚 離散 做 . 厚。 不 衆 得。 意不 然克 屬 所以先 於 奚 /齊、卓 告

(詩 》 九年 所謂 斯言之玷,不可爲也」, 荀息有

此 亦 是 節 可 取 大概 亦 九 不濟

齊

以

諸

侯

之師

伐晉,及

高

梁

而

還

從他 不及魯」,蓋當時 及,而秦、晉又强,所以 主了,一 何 故 則恥 只 止 於不 高 去伐晉 梁 能 便還 大救 只略 時 ? 亦無甚諸侯 行 蓋 則 便歇 齊 又 侯 力 不 是 伯 **\$** 能

齊隰 朋 帥 師 會秦師 納 晉 惠公。 九年

弓》 所載 夷 吾 : 人 晉獻公之喪,秦穆公使弔公 時 重 耳 何故 不 人 ? 蓋 檀

下 是 賢 求 以 以 子 臣 否 亦 舅 辱 爲 重 重 人 一,於此 耳 君 耳 犯之徒,夷 君 甚 憂。 命 遼 耳 身 公子重 可 是 喪父死,不 父死之謂 見。 人 觀 勸 吾 耳 此 況 是 他 對 當 郤 見 人 何 得 客 時 芮之徒 却 得 與 日 謀 夷 不 二。『君 于 或 臣, 人。 吾 哭泣 敢 是 重 有 惠 二人 人品 賂 耳 之哀 他 弔 所 之 偕 高

聞 秦 伯 謂 人 郤 無黨 芮曰: 有黨必有 「公子 誰恃?」 讐。 九年 對 日 臣

夷 吾 弱 不 此 好 句言其易 弄 能 鬭 不 納、欲 過 九年 秦 助 惠

言 雖 大率 未 Ī 此 得 數 婉 7,若此 句 順 言 其 等言 郤 可 芮 以 語 是 爲 亦會 當 君。 時 謀 説 見 臣 得 得 好。 大 古 計 人 策 語

此句如「鄰之厚,君之薄也」一般。

是

吾

利

也

九

晉侯殺里克以説。十年

賢 得 督 之 爲 殺 之 奚 義 秋 里 君』書之矣。 生 有 所欲 之所 罪 方伯 君 克 齊 而 》之微意 無 立 不 齊崔 雖 0 罪 口 前 罪 V. 穎 卓子 則 已 稱 之。 矣。 也 奚 不 7 濱 君、臣 里 杼 爲 歸 人 君 齊 蘇 而 異 君, 罪 克之罪 也。 而 里克 以 然 氏 立 矣。 惠 春 於 則 或 納 之名 而 殺 惠公殺 之, 日 公既 克 奚 秋 弑 人 弑 惠 晉 殺 : 雖 齊、卓子 **>** 不 必 猶 則 人 君 正 公。 以 書 使 有 人 順 晉 不 里 故里 不以 而 可 自 里 上 罪 日 而 獻 免。 ^ 以 議 克 説 有 殺 克 也 春 其 公 爲 無 之立, 也。 之罪 於 明 克 里 ; 而 晉 秋 殺 里 大 君 罪 諸 稱 克 天 爲 背 殺 克 夫 其 書, 惠公以 也 皆 子 侯, 弑 或 内 以 其 世 與 大 以 里 下 此 以 以 克 外 其 淫 宋 既 大 弑 子 或 而 義 弑 華 破 春 夫 君 弑 殺 申 有 以 或

兵 賂 而 而 天 死 子 或 亦 滅 人惡之, 不 蓋 與 至 背 其 也 理 0 謀 狄 而 此 傷 臣 人怨之, 論 義 吕 極是 非 甥、 兵 獨 郤 敗 稱 人之所不 于 冀 秦, 芮 身 皆 與 以 死

狐 突 適 下 或 遇太子 十年

吾 大夫。 ,故民或 論 來 十年 本 訛 無 言如 此 理,只緣民心不附屬 此 此亦將亡之兆 夷

輿

乘 乘 上 如 上 軍 軍 此 亦 有 之 七輿, 晉只是獻 略可 所謂 之。 制 即 見 ~ 樂盈 《 襄 正 周 公時 義 公二十五 下 禮 軍 謂 王 七 下 侯 命 輿 軍 伯 恐恐 年》「下 亦 七 軍 有 命 爲 只 晉侯, 是 恐 貮 車 未 前 車 獨 七 時 必 七

宫、 左行 Ш 共 祁。 華 十年 右 行 賈 華、 叔堅、 騅 歂 纍 特

左 行 何 故 止一人、右 行何故 有 六

> 人? 當考。

秦、晉伐 戎 以 救 周 + 年

寬 理 理 納 蓋 會。 大, 會 晉 王 T 近 秦、晉 與 晉侯 周, 此皆是不及齊 晉文不同 便 伐 已 不 辭 戎 去。 自 秦師 以 先 0 救 以 去了 而 如 周 此 桓 下, 秦伯 見 處 齊 是 桓 齊 何 師 汲 既 公 故 于 胸 汲要争 見 却 河 中 自 不 上, 畢 有 來 去 竟 ? 將 晉

應乃 王 以 言 以 秉 意 位 懿德, 職 齊 上 政, 尊之也。」 而 卿 踐 應」是「 言職者 之 謂 今還 乃 禮 職」者, 督 饗 報 以 不 1,管仲 志。 管 應 職 謂 尊 仲, 之 往 位 位 之。 曰 踐 卑 應 雖 :「余嘉 乃 而 故 是 職 職 杜 下 。」十二年 齊 督 卿 氏 政 乃 謂 而 故 勳 職 厚 欲 之 則 不 !

侯 使仲孫湫聘于周。十三年

難」之事觀之,見 見齊之使能如此 仲 孫 湫 是齊之賢者,以 得齊 國 出 使 関元 有人, 年「省魯 可以

秋,爲戎難故,諸侯 是遣 不 五. 而 未已,只 冬時矣。 矣,楊柳依依。 比常戍有 年」之語,則直 久戍者。 成于春時,至次 戍 有 乃每 得且戍 兩 更代之期 觀《采薇》 般 年更 : 今我 其國, 待 有每 戍 難 年 來 之制 平事 歲 也。 之詩 更 又 思,雨雪 更戍 留防 須 今戍 已 也。 日 自 有 而 秋 以 霏 觀 周 方 時 昔 待 霏。 而 得返, 勤 遣 夷 我 歸 事 難 戍 此 往 則 已

戍 周。 十三

代之。

百 里奚論與 (晉糴。

利 害 固是,但所言之意,又不如 子 桑 與 百里奚所言 不同。 子 百 里奚資 桑之言

> 質渾厚。 好,觀其言可 百里奚、秦穆公兩人,資質皆 知。 然穆公皆用 百里奚,此

其所以 興。

自 雍及絳相繼。 十三年

此 是 舳 艫 相 銜 而 往

諸侯城緣 陵 而 遷 杞 焉。 四 年

葵丘 會後驕 遷 杞 便 心生,凡事皆 與 遷 邢 不 同 不如 此 見 前 齊桓 時 一公自

0 「三」,原作「二」,據《左傳》僖公十三年改。

左氏傳續說卷五

宋吕祖謙撰

文公上

是 説 大、 斗 始」,正是立 舉正於中」,是 一歲 此三句。《素問》謂:「立端於始,表正 建寅、建卯之類。 小盡 大 事。 抵 每 曆 歲零日 《書》謂 春、 法 立夏之類 不 月 積 過此三 「協時 中氣 成盟。 歸 餘 是 於終」, 如春分、秋 句。 月,正日 此 四 \equiv 履 時 句 以 之始。 端 皆 每 Œ 統 月 於

撰 閏於相望之後。」此説却分明。 氣於初節之日,示斗建於月半之辰,退餘

建也;

中,月半也,推,退位也。

言立

首

端,首也

;

始,初

也;表,彰示也;正,斗

於中,

推餘於終,而

天度畢

矣。」注

<u>云</u>

晉人以公不朝來討。二年

晉人使陽處父盟公以恥之。二年

以貶之。也。處父不能正君之失,故《春秋》去氏也。處父不能正君之失,故《春秋》去氏古者卿不會諸侯,與伯、子、男會可

大事于太廟。二年

且明見曰:「吾見新鬼大,故鬼小。」二年若禘、祫之類非常祭,故曰「大事」。 禴、祠、烝、嘗、常祭也,故止曰「事」

故 時 日 年 弗 七八 吾見新 亦 歳 是 想 鬼大、故 僖 像 公 得 之 如 鬼 薨 此 小。 耳 幾 Ŧi. 蓋 + 閔 餘 公薨 矣。

禮 無 不 順

況 祀 是 禮 或 者 之大 順 也 事 贵 大 率 可 禮 不 事 順 ? 無 有 不 乃 順 逆

之,豈 可 謂 之禮

湯 不 先 契,文、武不 先 不 窋 二年

有 則 而 先 少 德 父 劣。 而 契 禮 與 帝 猶 不 Z 窋 尊上之,蓋 厲 非 王 是 却 不 子 非 賢 ,只 不 有 可 德 較 以 者 之 己之賢 湯、 雖 非 武

臧 文 (仲,其不仁者三 其 不 知 者

位 及 下。 萬 之 民 以 下 天 卿 展 蓋 生 可 禽 惟 賢 也 賢 者 蓋 者 今 本 柳 乃 處 以 能 下 之 利 惠 保 民 於 當當 花 萬民 下 如 時 位 「養 之 賢 故 賢 今 者 而 以 日

以 之大 臧文 居 素 所用 利。 以 變 有 命 爲 在 不 海 妾 祀 魯 征 也 富 征 用 爲 不 織 鳥 仲 ·學禮 節 卿 强 「爰居」 處 或 取 作 到 蒲 日 是 廢 使 又 其 典 也 商 其 故 虚 臧 爰 使 國 或 而 其 六 此 賈 而 勢 器 文 蓋 居。 亦 民 只 歸 不 今海 甚 皆 往 自 仲 節 一、蓋 公 能 祭之。 海 不 虚器」。 足以 來 未 至 ,政之大 卿 廢 止 不 鳥 正 蒙 鳥 止 是要 無 賦 戰 弱朔 食 于 偶 故 知 其 爲 禁弗忌之逆 位 税 己不 禄 或 展 魯 使 禁 利 取 避 謂 而 之家 時 處 縱 成 禽 東 又 商 民 之 虚 他 風 知 所 逆 也 法 門 賈 之 却 於 「縱」。「祀 利 有 ^ 祀 而 不 以 之 之 奇 或 魯 其 又 得 ,此法之初 得 祀 」,當 故 謂 再 外 祀 添 往 邪 夫 地 器 語 與 以 慎 祀 變 置 來 耳 **>** 惜 民 制 文 又 日 日 仲 嘗 不 無 意 而 乎 争 或 祀 或

者 典 處物。 難以 爲仁 無 功 且智矣。 而 祀, 非仁 夫仁者講功, 也。 不 知 而 而 智 不

問,非智也。今兹海其有災乎! 夫廣川

一号代旦口可達其公司で中間叩て表

之鳥獸恒知而避其災也。』文仲聞柳下惠

之言,曰:『信吾過也。季子之言,不可

不法。』」然臧文仲是當時賢者,却有此等

過失,何故? 蓋文仲之過,亦止此數端

耳,皆可數、可書者。此乃見文仲賢處。

禽」一事,不謂之「不知」,而謂之「不仁」,若他人之過,則不可勝言矣。然「下展

桓爲卿,大抵却是東門氏用事,其後却是最近也。故文公、成公之世,當時雖有三襄仲是莊公子,於文公爲季父,其親

「多香謂」是當謂見。 三桓。「好甥舅」,齊、魯本是甥舅之國

「修婚婣」是重婣親。

秦伯伐晉,濟河焚舟。 三年

以 復歸 不 萬 患 渡 摧敗 ,不必皆是舟 于 當 無 秦 物 時不是文 可 倉卒 渡。 蓋秦 决不 具 如 所 必 戈矛 可 以 須 口 示 盡 浮瓢 士 焚。 既 卒 之類,皆 勝 必 然 晉 死 如 之意 了,却 何 能 口

晉人不出。三年

晉人不出,便是大勝晉了,不必

交兵。

一,却非

封殽尸而還。三年

觀 以 此 只是骸 却是斂向時之敗死者,葬埋封瘞之。 土 一不同,「 |封之,如「京觀」之類。 殺之敗已三 骨,皆是 京觀」是 尸。 數 夸大其功,積 年了 封,是 如何 其意. 積 尸 又有 却 在 尸令高 與「京 一處

遂霸西戎。三年

其不懈也,能懼思也。三年 蓋爲西邊戎狄之長,不關涉中國事

其 尤 奮 T 好 思 意思便懶怯。 作 必 於 懈 只是 切 困 字説得 於 頓 懼 利 中。 害 又 不 極切。 能 惟孟明却 濟 懼 事 大抵人纔做 思 須 也, 懼 不 懈 而 懼 怠, 能 而 思,則 能 仍 事 思 敗

「于以采蘩? 于沼于沚。于以用之? 公

侯之事。」秦穆有焉。三年

然苟有可用,不管其他。如孟明,苟有可蘩,至賤之物。公侯却是至重底事。

用,不管其他有不善處。

「治厥孫謀,以燕翼子。」子桑有焉。三年

賢者,爲益無窮。

言

人臣

爲

國

家

宏遠之計者

莫如舉

四

年

君子是以知出姜之不允於魯也。四年

出 如 姜,故 東 門 蓋 氏 夫 大率不 殺 人 其 位 二子,皆是文公始 望輕 爲衆人所欽 時, 事 事 便做 初 不行

在國必亂,在家必亡。四年

夫人義兼家、國。在魯言之謂之國,

在宫中言之謂之家。

《詩》曰:「畏天之威,于時保之。」敬主之謂

也。四年

哉。 威。 天秩 《書》 蓋名分上下,截 日 有禮,自 天 叙 我 有 然 五. 典,敕 不 禮 可犯 有 庸哉。」與 我 處 五. 典 便是 五. 此 惇 天

同盟滅,雖不能救,敢不矜乎? 吾自懼也。

意同

及桓、文;以資質論,則有遠過桓、文處。此皆是穆公好處。以功業論,固不

邵 康 節 謂 穆 公 是 Ŧi. 霸 得 0 極

王 使 榮 叔 來 含 且 賵 五. 年

貨 椁 路請 貨 寶,以 乃 當當 底物,如今人以 子之車以 車 車 時 是 -、馬 便 欲 馬 人人 賣 爲 車 貨。 賵 要用 爲之椁」,不是 以爲 金、玉 在 古 底 當 人 椁。 物 時 以 爲 祭器 見 貨 車 得 相 便以 馬最 車 鐘 似。 車 馬 鼎 是 爲 顔 易 爲

召 昭 公來 會葬 禮 也 五

276

此 禮 非 周 公《 禮 經 ×, 如 今時 州郡 例

臧 文仲聞 册 相 似 六 ! 五 當 與 時 蓼 以 滅 爲 禮 曰:「德之不建,民之 耳

無

援

哀哉

援 古 後見滅 諸 謂 侯。 德之不建」, 於 下 東 無 蓋 夷 賢 天 方 子 伯 上 謂 建 無 以 上 德 明 救 無 者 天 援 明 子 也 而 天 下 使 子 民 無 聖 建 賢 之 德 賢 方 之 無 以

> 晉 陽 然亡 典 仲 多 伯 舍於逆旅 籍 畢 時 處 所 尚 或 竟 尚 父聘于衛 國 注 以 亦 是 具 在 語》云: 如 多 甯嬴氏 在 舊 到 此 「嬴 時 何 此 反, 今六安縣 逆旅 故 六、 陽 獨 旦 識 過 蓼 處 滅 歎 得 甯 大夫。」是主客館 是 父如 此 T 有 此 ,甯嬴從之。 唐 臯 等 所 衛,反 堯 國? 陶 事 以 所 冢 要 深 封 過過 想當 歎 經 Ŧi. 底 許 時 不 文

商書》 明 故 眉 不 揚 目 暗 是 日 一:「沉 惟 日 底 弱 底 人 深 平康,正 爲 人 沉 潛 爲 剛 不 剛克,高 以 能 暴 柔。 露底 因 直 循 明柔 箕子恐後世 人爲 强弗 不 整 克 能 底人爲柔, 友 剛 五. 剛克; 以 惟 張 高

⁰ 得 便」,金華本作「是」。 金華 本作「第

燮友, 直 再 正直一 舉 所 日 柔 以 剛 克。」此 句 爲 克、三日 便 剛 、爲 不解,蓋 柔底樣子説與人。 句 柔 Œ 克」三句 此 解 句 上 容易 面 曉,故 ___ 到 下 日 特 面 正

華而不實,怨之所聚也。五年

躍從 惡 曰 : 其 去,此 周 僞 而 從 徧 妻曰:『吾 且. 五五 之, 之。 此 則 便 如 句 衆 他 要 見 以草木譬之。「 見 陽 皆 想 濟 得 其 求 怨之。 子 他 見 惠底人,易得 君子久矣,乃今得之。』舉 是 貌 道 不 「華」。 實。 與 而 甯子初見 之語 欲 《 國 之,聞 華 及 多 語》云:「嬴 久 可。 不必 及 ()便釋 處父, 山 其 人 盡 而 言 然 情 是 便 還。 詐 而 謂 舍 踴

晉趙成子、樂貞子、霍伯、臼季皆卒。五年1

趙 衰 中 即 軍 趙 帥 成 先 子。 且 居 上 軍 即 帥 霍 狐 伯 毛、箕鄭父。 也 中 軍 佐

> 貞 上 子 軍 佐 下 狐 軍 偃 一、荀 佐胥臣,即 林父。 下 日 季 軍 帥 灓 枝 即 灓

梁益耳將中軍。❷ 先克曰:「狐、趙之勳,不夷之蒐,晉侯將登箕鄭父、先都,而使士縠、

可廢也。」從之。八年❸

温,改蒐于董,易中軍。六年使狐射姑將中軍,趙盾佐之。陽處父至自

下 帥 而 後定 軍 先 佐 克 中 · -先 軍 都 帥 軍 趙 佐荀 此一 盾 林 中 次命 父。 軍 佐 帥 下 狐 凡三次 軍 射 帥 姑 箕 鄭 更改 父, 軍

君子曰:「秦穆之不爲盟主也宜哉!」六年

不罪襄公而罪穆公者,蓋當時穆公

^{● 「}五」,原作「六」,據《左傳》文公五年改。

❷ 「縠」,原作「穀」,據《左傳》文公六年改。

③「八」,原作「六」,據《左傳》文公八年改

六四

曾 命 三良 殉 葬,故特 罪之。

先王 違 世 猶 治 之法,而 況 奪之善人乎?

講

者

亦

是

其

備

豫

不虞,儘

勝

得

不

講

者

比之平

. 時

素

猶 字 與 況 字 相 對 法 是 末 節

尚 7 而 遺 後 世 況 賢 者國 之本 贵 可 殺

之乎

並 建聖哲 樹 之風 聲。 六年

典」, 其 禮 法制 萬 之話言 性 物 防 是先 各 並 民 了,如周 建,不 得 而 如冠、 教之中,使毋 王之書。 其 所 特是 公作書告成 香、 如 喪、 人。 稼 「道之以 祭是 穑之類,亦 失其 王 風聲,是教化 也。 是也。「予 土宜,使 禮 一告 使 則 各 之 是 得 訓 之 民 以

時 文子將 皆當自講禮,不待臨時 季 聘於晉, 文子求遭喪之禮。 使求遭喪之禮 方求。 大 抵 以 士大 行。 然文子 夫 六年 平.

> 前 志 有 之曰:「 敵 惠敵怨,不在後 嗣

吾聞 忠之道也。」六年

責 道 我 怨 報 於人謂之忠。 亦不 如如 我 也。 而 敵 我 惠 死 復 古人 有 是 報 怨 我 大 怨 我 於 亦 抵 於 嘗 人 不 多説 他 未 有恩於人,此 責 子 望 及 忠字,躬自 孫 他 報 子 此 间 孫 便 此 來 人 是 厚 不 報 忠 亦 親 而 之 薄 自 敵

同 官故。 六年

盡 具 在 在 其 中 中 帑 軍 軍 杜 ,故謂 與 之類 注 器 同 用 此 同 寮」, 財 寮。 不 賄 謂 是趙 之同 如 六年 一人在上軍,一 宣 寮。 子 與 狐 射 姑 司

左 氏 詳書之者,蓋 見 得 纖 悉 周 盡

向 之帑全不 《博 議 》論 是,蓋 趙 宣子特 古人風 地 遣 俗 臾 駢 尚 厚 送 狐 却 射 不 姑

親 帥 扞之。 六年

如

此

臾 一駢 親 自 扞 衛者,蓋恐臾駢之人,其

徒 黨 或 害 他。

里 以 IE. 時,時以作事,事以厚生。 六年

却 三月 閏。 占 7,前半1 四 蓋閏月之氣,首 夫 月初 関 月,在 月便占 之氣。 天雖 其間 正三月末之氣,後 尾正 無 閨 七十二候,如「 占 兩月 人 却 不 可 半 如 倉 月 閏 無

月 庚 既 鳴 有 此 苦菜生」之 時候,則 凡 類 所 関 謂蠶 月 桑 亦 耕 有之。 種 底 事 里

朔 亦 則 當各隨 閏 月 中 所當做底事便廢 之氣候以 、爲之。 弛了 如不告 此

便 是 棄 時 政 也

閨

月

中

間

穆 嬴 頓首於宣子。 七年

古者 婦 拜 禮 與與 男子 般,自後世

方改了

先君奉此子也而 屬 諸 子。 七

奉 即即 抱 也 如《曲 禮 年 奉 扃」之類。

宣子 與諸 大夫皆 患 穆嬴 且 且 畏 偪 七年

無 人 敢 説 靈 公當立者。

見

得

當

時

諸

大夫皆

知

靈

公必

無

道

箕鄭居 守。 七年

居守,在春秋時是一件大事

士會在秦三年,不見士伯 0 七年

處 相人。 士會 此 有 憂底 意 極 好。 人 自 大凡人各就 要 與 憂 者 處 資 質 無 聊 便

0 年」以 此 句 原 雙行 分「士會在秦 小字排在 」、「不見士伯 「士會在秦」之下。 」爲兩 條。 據 金華 將「三 -本及

此 迭 難 士 底 是出 之法 會 相 人 自 往 不 來,以 見 要 於 與 蓋 士 歷 伯 窮 患 練 引 困者 難 熟 惹 却 中 不 ,所以 閒 處, IE ·肯 事 當 ? 如 此 後 以 皆 此 來 士 静 亦 是資 復歸 會意 自 Œ 處,豈 質 于晉。 思 是 凡 處 正 下。 宜 如 患

趙宣子使因賈季問酆舒。七年

對 其言 日 公山 亦託 懷 父之故 不 弗 尚 平 得 此 趙 一之意。 出 狃 他 爲 見得 盾 晉 奔 過 曰:「人之行,不 夏 狄 當當),此足以 在 日之日。」七 自 故當時 時 賈 風俗 季 他 仍 人 見 厚處。 、既得 舊 宣子 風 不 以 俗 棄 罪 所 所 賈季 厚 於宗 以 父 惡 處 母 使 廢 以陽 之 或 鄉。」 他 正 邦 時 如 處

其意亦欲懼狄。此狄是當時居中

國者。

諸侯會晉趙盾盟于扈。七年

盾是大夫,如何以大夫盟諸侯?

當時靈公尚少。

晉 池 之 侯 封 使 0 解 揚 自 申 歸 至 匡、戚之田 於虎牢之境。② 于 衛 H. 復 致 公壻

申與虎牢皆鄭地。③ 衛、鄭相近,故

司馬握節以死。八年自鄭之界皆還衛。

禮 管 者 兩 而 須 節之 後 長 爲 其 蓋蓋 以 節 司 一分收 制 爲信 節 馬 欲 大 所 所以 節 謂 小 角 上 之於國 玉 如 有節者, 短 節 掛 止 節 長, 旌 有 須 丁,其 也 一節 或 古 略 蓋 以 各 短 然 其 則 官自守之,合 金 不 ; 職 同。 爲 所 節 人或得 主 節 謂 須 兵。 或或 如《 旌 分 節 爲 周 以

^{1 「}封」,原作「對」,據金華本及《左傳》文公八年弘

② 「虎牢之」,原脱,據金華本及《左傳》文公八年補。

③ 「申與虎牢皆鄭地」,句前原有「至虎牢之境」一句,據

制 自 皆訛 爲之,何 了古意,與古制 以防 其 欺僞? 全 後 不 世 同 所 謂 古 節 時 之 亦

官 長 有節 如 以 下 官屬 恐不 盡 有

司 城 蕩意諸 來 奔 效效 節 于 府人而 出 八 年

周 禮 掌節 *****: 府 人。 古 時 必

須 自 有 府 庫 以 藏 此 節 故 蕩 意諸 所 以 效

節 於 府

公以 其官逆之,皆復之。 八年

皆復」,謂 其 八官屬。 官屬皆來,尤見

其從容整暇 處

晉 殺 先都、梁益 耳 九

<u>一</u>人? 當 時 想是 賊 殺 先知 先克 得 者五 此 人, 人耳 何 故 到 先 後 殺 來 此

探索得 三人出 故 一月間 始 殺 箕鄭父、 士

縠 蒯 得三人。

楚子師于狼淵以伐 鄭。 九年

范 山言于 楚子」一段,舊説已得大

> 意。 蓋 中 或 與 夷 狄, 消一長, 常

> > 相

盛 衰。

鄭及 **楚平**。 九年

,乃及楚平。 九

陳懼

楚服 陳、 鄭 陳、 鄭 是 近 楚之國

宋 亦 服 則 大 勢 全 歸 于 楚 矣。

楚使 越 椒 來 聘, 執 幣傲 叔 仲 惠 伯 是

必 滅 若 敖氏之宗。 傲其 神神 弗 福 也

九 年

惠伯 牲 漢 時 小? 廟 最 然 日 丙 而 ,乃使出取 吉 後 謂 當 重 不 子 宗 時 行 必 知 越 則 顯 廟 滅 傲 椒 少 若 此 時 只 蓋 齋衣。 爲 幣 敖 便 不 使臣 諸 乃 氏 是 過 曹,嘗 之宗」,以 傲 先君之幣 恃 出 丞相 了 楚之大 使 先 從 他 吉大怒,謂 君 或 祠 此 一而 也 祖 必 見 故 輕 · 至 先 古 如 叔 魯 告 其 之 之 夕 仲 西

六八

漢 者 夫 則全 必顯 無此 也。」 0 宗宗 漢 氣味矣。 去 廟 之重 古尚近, 一,而 氣 顯 味 不 敬、亡 尚 在 到 吾 爵

秦人來歸僖公、成風之襚。 宜 書 謂 怨之道。夫人最不可 疎、時之遲速,皆感 至,而此猶 苟以是 子細看。 也,以無忘舊好」。 諸侯相弔賀也,雖不當事,苟有禮焉 秦人來歸僖公、成風之襚,而《左氏》 而 日 蓋 來,不問 成 雖 風 不 其 當 已 此 地 誠 事 有責望人之心,此 死 九年 之遠近、 ,無忘舊好」, 意,此是忠厚 四 段 Ŧi. 氣 年,秦襚 味深長, 情之 損 方 親 蓋

送襚雖緩,然猶勝於不來。

左氏傳續說卷六

宋公於是以

門賞耏

班

一,使

食其

征

+

年

人名,必先書其字。

宋吕 祖 撰

文 公 K

富 父 終 生 駟 乘。 + 年

古 者 車 甲 士三人。 駟 乘 之 制 蓋

戎 狄 强 大,特添 此 人。

敗 狄 于 鹹,獲長狄 僑 如 + 年

贵 有 獨 大抵君 恃 一己 道 善 有 群, 力 而 須得 能 衆 立 人 者 共 輔 方 蓋 得 天

自

下 未 有 能 獨 立 底

耏 班 御 皇父充 石 十一年

充石 是名,皇父是字。 大凡古 人

書

出

玉

納

賓

公

授

宰

玉

至

事

畢

乃

是

文

王

治

岐

時

所

用

法

^

周

禮

或

不

此

IE

當

周

幺

王

時

蓋

闘

譏

而

不

征

M 荒 則 殺 歸 市 之 征 此 亦 取 得

到 出 王 時 己 自 多 取。 至 春 秋 時,浸浸

尤甚

郕 太子 朱 儒 自安 於夫 鍾 或 人 弗

徇

+

年

視 君 膳 太子 者 以 也 奉 社 今朱儒 稷 宗 留 廟 戀 之 夫 築 盛 鍾 之地 以 朝 以 勺

安; 自 便 及其亡也, 荷 安。 其 又不 君 父 能 在 居 時 喪 既 盡 不 禮 視 : 膳 者 問

俱 無 則 祭 祀 之 禮 絶 或 所 以 不 從

之也

秦伯 使 西 乞 術 來聘 襄 仲 辭 玉 +

辭 大 凡 聘 禮 : 賓 襲 側 執 玉 擯 者 入告,

六九

辭 後 秦 却 者 還 魯 以 是 玉 晉 歸 屬 使 或 者。 所 此 以 是 辭 常 者 制 不 與 魯 其 之

伐晉也。

襄仲曰:「不有君子,其能國乎? 國無陋

矣。」十二年

便 蓋 秦 知 其 遠 何 國 在 襄 有 西 仲 君 戎 前 子 聞 而 使 其 非 臣 言 陋 之 而 也 辭 便 命 謂 和 君 遜 子! 如 此

范無恤御戎。十二年

此言「御戏」而無車右、非無右也、偶

不載耳。

請深壘固軍以待之。十二年

「深壘」便是高壘。蓋溝深則壘高。

深。「固軍」是軍所舍處必致其固。

高

時

取

土

必必

就

下

取

其

壨

既

高

其

濠

必

趙氏新出其屬曰與駢。十二年

此是指出爲卿者。如「公叔文子之

季 臣 之 大 夫僎 屬 也 二之類 與 文子 皆 同 升諸 春 公, 秋 中家 如 陽子 臣 出 成

卿者亦多,當考。

若使輕者肆焉,其可。十二年

既 要之,爲 亦 出 以 然秦欲 在 士 -戰 會 秦 士會當 之 所 又 勝 滅 以 晉 欲 負 以 如 時 安 本 臾 鄭 亦亦 於 不 駢 公子 秦,所 甚 決 趙 計 不肯 穿 蘭從晉 利 以 害 如 以 告秦者 此 伐鄭 此 而 教 謀 士 他。 無 會

與圍鄭者方是。

秦軍掩晉上軍。十二年

此只是略地,以引動晉軍

趙穿追之不及。十二年

寵 時 有 亦緣 所 而弱,不 恃 大 率 而 穿 有 然 在 有 寵 寵 軍 之臣,最 當 事。 無 時 如之 趙 既是後 宣 要 何 先 子 犯 所 生 然 軍 以 趙 不 法 不 練 穿 事 既 禁 彼 底 有 他 蓋

道 · 号 又 可 好 處 勇 之 而 軍 狂 中 ,又多忌 ? 此 却 克克。 是 宣 此 子 措 必 置 敗 得 之

秦行人夜戒晉師。十二年

不

是

處

此蓋是約戰期。

晉侯使詹嘉處瑕,以守桃林之塞。十三年

特 秦孝 徙 民 兆 之 後 時 縣 爲 上 尹 弘 函 地 名 魏 陰 東 農 公下 谷 此 台台 桃 納 書乞徙 縣 關 武 漢 地 屬 林 水 陰 於新 令謂 帝 高 爲 魏。 便 經 唐 益日 帝 元 是 東 于秦, 注》云:「 屬 寧 安、去弘 八 鼎 後 關 函 秦 華 年 \equiv 來 晉 谷 州 年 秦 武 商 攻 更 開鍋 0 便 河 遂 農三 帝 奪 名 鞅 \wedge 緣 見 戰 禹 更名 水南 意 我 敗 日 楊 得 貢》 或 白 好 河 魏 僕 此 華 日 流 里 廣 西 曰 公子 太 恥 陰 地 一,以 濶 地 華 寧 陰 衝 爲 係 秦 口 於 激 故 闘 屬 Ш 險 闘 之 在 關 是 外 京 要 是

> Ш 所 因 以 謂 人 之潼 來 得 關。」安 時 只 緣 禄 潼 Ш 歸 之 失 亂 守 黄 巢

季。」郤 晉 浮。 日 至 人 亂 矣,若、 趙宣 患秦 成 子 子 之用 之何 日 日 : 士 不 會 隨 中 如 會 也,夏, 隨 行 在 會 桓 秦, 子 六卿 十三 賈 日 季 : 相 在 請 見 狄 於諸 復 賈 難

得 野 便 以 盡 統 會 在 問 0 非 從 未肯先 宣子 到 方中 衆 郤 爲 之。 看 諸 上 宣 人 深 浮 成 之體 行子 使宣子 子、 如 是 得 子 自 野 何, 執 説 荀 請 欲 外 政 林 復 出 虚 復賈 便 之 之體 父、 士 己 自 且. 地 會 平 季 郤 以 舉 0 一, 固 心, 己 則 賈 缺 謀 宣 意 衆 季、 欲 三子之言 子 聽 是 先 人 密 意 説 其 隨 説 始 公 欲 得 會 故 出 服 論 未 復 兩 出 則 所 甚 所 士 見 於

285

● 「克」,金華本作「刻」

六卿相見於諸浮。十三年

諸浮必幽隱處。恐秦人知其謀,故

於幽隱處謀之。

能外事。十三年

賈季知得四方諸侯之事、地勢之險

要、人才之賢否。

能賤而有恥,柔而不犯。十三年

才。 若 能 賤 賤 而 而 不 有 知 恥 所 柔 恥,狠愎 而 不 犯,此 而 使人不犯 方 是

亦何足貴?

魏人在東。十三年

作詐降之勢。

吾謀適不用也。十三年

想繞朝當時亦曾言之秦,秦不從耳。

其處者爲劉氏。十三年

此一句本無謂,恐西漢人添入。蓋

《左氏》一書,本無閒句。

設有此句時,後

于學官 此 面 句 必 是 有 《左氏》不曾立學官 添 事 相 應。 蓋 西 後 漢時, 面 無 惟《公》、《穀》 事 到 應 後 漢 所 因 以 此 見 列

七二

立學官。

邾文公ト遷于繹。十三年

於人者載之。 常人,必舉不 惟文公斷之在己,不惑於左右, 知命」。 此 段見左 。此去 驗處 此 理 氏智識 非 上 以 知道 看,不去事 證 明處,所以 其謬。 者,安能 上 故 取其 左氏 如 看 此 若 驗 日

《載馳》之四章。文子賦《采薇》之四章。+《載馳》之四章。文子賦《四月》。●子家賦

得意思雍容詳緩,各自有味。凡《左氏公與晉、衛會,各賦《詩》以見意。見

■「四」,原作「六」,據《左傳》文公十三年改。

傳》載賦《詩》處皆好看。

書 凡 崩 懲不 薨 不 敬 也 赴 則 + 不 四 年 書 禍 福 不告亦不

蓋 下 秋》不書,所 共 魯 、戴天 史不書,所以懲 此 是 子於上,安有 魯 以懲天下諸侯之無 史之例 耶 非 不赴者之不敬 天子崩,諸侯 孔 子《春秋 王。 》之旨 ; 猶 蓋 **奉** 有 天

子 叔 待 姬 於 妃 赴 齊 而 昭 後 公。 知 + 四 年

「子商臣驟施於國,而多聚士。十四年此「子」一字,●見得是文公女。

是人才,凡厮養士卒之類皆是。 驟施,是一旦周旋要結人。/士,不特

貸於公、有司以繼之。十四年

譬 時 强 如 恣 今預借官 有司,官司 底 人,所以使令得行 錢 也。 相 似 杜 注 蓋 謂 公子商臣 富 者,非是。 是當

有星孛入于北斗。十四年

天下 域。 紀綱 蓋 有 北 星 斗 一字人 之 是 或 チ北 9 天 綱 所 紀 以 斗 ,正是人北斗 見 之星,宋、齊、 得 有亂。 0 ^ ·之環 胡 晉是 氏

春秋》所論是。

晉趙盾以諸侯之師八百乘納捷菑于邾。十

四

年

尹 周 氏與 公將 言 見 共 自 「便還 取 得 有 聃 之兵。 與 諸 不 向 啓 Ξ 分明 諸 來 師 訟周 孫 侯 城 而 此 蘇 濮 者 歸,此 公于 訟 後 八百 之戦 耳 來 于 0 晉。 乘,却 晉 却 七 盾 是 聞 主 欲 白 十四年 速於改 一乘,却 納 示 齊 叛 捷 - 是晉 王 出 菑 孫 貜 過 是晉 此 蘇 或 且. 處 長」之 所 或 是 而 盾 使 所

- ●「子一」,金華本作「一子」。
- 2 「紀綱」,金華本作「綱紀」。

廬 戢 穿 清 昭 陳 伯 衛 與 于 州 封 沸 子 生 與 周 黎 犂 侯 與 與 許 訟 戌 與 及叔麇誘之,遂殺鬪 魋 周 此 此 季 伯 人 ,是天子 公 僞 男訟,是 元 又 是天 輿訟 氏 咺 鄭 訟 與 訟? 訟,是諸 皇 \equiv Ŧ. 國之臣 /子下 頡 郤 孫 是 與 是 諸 、公子 蘇 諸 王 君 是 訟 侯 訟 自 臣 侯 侯之臣自訟 小 相 于 臣 訟 相 大夫下 韋 臣 訟 諸 王 相 克及公子變。十 訟 于 與 訟 使 于 侯 訟 本 于霸 之争 大 尹 于 于 ·國之 訟 執 或 如 氏 霸 於 或 于 正 晉 訟 政。 或 執 其 之 霸 王 周 郤 於 使。 或 或 楚 伯 公 叔 鄭 至

所 故 以 不 當 蓋 敢 時 當 不 時 莊 用 王 兵 在 伐 如如 之 用 而 兵,却 却 誘 之者 是劫君, 何

四年

有 殺 之敗 而 使 歸 求 成 + 四 年

此

段是大節目

蓋當時

天下

强

或

請 穆

伯

求

復。

+

四

間

自

有

曲

折

不同

然

至

春

秋

末,大

勢

分

而

後

齊却

與

、晉爲

秦

却

與

楚

爲

雖

其

几

:

楚、齊、

互

相

角

立

自

殽

之

役

爲

却

自

此

始

請 葬 但 欲 歸 葬。 不 必 如杜注 請 以 葬

,弗許。

十四四

而

其

子

則

爲

卿

也

與

在

他

或

氣

象

必

不

同

不

如

魯

所

以

復

求

歸

蓋

在

魯

雖

不

爲

卿

不

得

爲

卿

所

以

又

奔

芦

既

奔

莒

前

苔

奔

苫

而

復

求

歸

者

何

故?

蓋

初

間

歸

魯

而

穆 伯

所

以

自

魯奔莒,歸

魯

而

復奔

卿 禮 葬」。

宋 高 哀 爲 蕭 封 人,以 爲 卿 + 兀

卿 上 皆是 位 者, 此 自 如此 世 下 承 而 類 其 拔 便是。 職 出 而 爲 此 卿 若不如 外 者 却 自 蓋 此 古 有 則 者 兀 成周 夫 有 登 世

就 段 之 年 之 有 輕 賓 過 職 甚 興 如 人 賢 此 卑 處 能 則此 自 者 觀 封 其 人大 却 不 而 頓 義 略 爲 放 宋 亦 卿 在 公 可 高 何 見矣。 而 處 哀 出 ? 必 其 是 然 去 大 封

齊人執單伯。十四年

此王室衰甚,齊君無道處。

又執子叔姬。十四年

明 鄙 所 氏 只 是 以 俚 是 或 經 識 公羊 可 然 史 生 見 不 其 識 不不 至 子 子 中 此。 以 得 細 識 説 爲 朝 朝 看。 經 若 廷大 單 廷 旨 載 伯 蓋 大體 處 事 緣 淫 則 他 叔 其 却 不 傳 姬 與 間 比 得 理 載 左 蓋 子 合 事 氏,左 夏學, 公、 處 或 穀 甚 有

五年 諸侯五年再相朝,以修王命,古之制也。十

五. 載 之間 曹 與 魯 復 同 相 在 朝 東嶽 聘、先王之命如 皆 東 方 諸侯 此 所 至 以

此特修之耳。「修」是久廢而復講

齊人或爲孟氏謀。十五年

惠 叔 故 其 氏 爲 是 猶 庶 《春秋》只書「仲氏」,不書「孟氏 毁 庶 慶 長 杜 以 長子 9 父 氏 爲 自 注 故 請 故 或 云 共 稱 仲 杜 十五. 0 孟 孟 氏 則 氏。」古者 謂 本 氏,公孫敖家,慶父 之「或 謂 之 仲 謂 以 氏 孟 王父字 氏 也也 爲

正如申包胥慟哀秦庭之類

立于朝以待命。十五年

立 於 朝 大 率 待 朝 許 時 而 只 後 旅 退 進 旅 退 而 至 此

且國故也。十五年

所以存國家之大體。蓋穆伯亦是公

庶長」、《春秋左傳正義》文公十五年作「長庶」。

0

0

[「]杜」,原作「孟」,據《春秋左傳正義》文公十五年改。

族,且爲故卿,不可使之不歸葬。

葬視共仲。十五年

情即豊 、下 云 云。 看此句,見前面杜氏注「請葬」謂之

「請卿禮」,亦未安。

帷堂而哭。十五年

救乏、賀善、弔災、祭敬、喪哀,情雖不同,毋 亂 也。 帷堂,小斂 ,故帷堂,小斂而徹帷。』」●此是正 《檀 禮 朝 弓》載: 而徹帷。』仲梁子曰:『夫婦 夕哭,不 曾子曰 帷。」 一. 帷 而 未設 哭,此變 飾 禮 故 禮 方

侧然有不能已, 毋絶其恩愛, 此是相親 有災者弔之; 同其祭祀, 以致其敬; 哭其 有災者弔之; 同其祭祀, 以致其敬; 哭其 朝之初時或有不足, 至於此數事之中, 則 此正是宗法, 惠伯舉宗法以言之耳。

之道。

孟獻子愛穆伯二子。或譖之曰:「將殺

子。」獻子以告季文子。十五年

晉郤 子,宗子有君道 皆死,亦自愧不安而 缺以 獻子告季文子,亦已信之矣。二子 上 軍、下軍伐 《博議 蔡。 死。 》所 + 論 孟 Ħ. 獻 此 事 子正 非 是。 是宗

當時下軍帥不曾出。

以城下之盟而還。十五年

方與宋盟。以此見得恥之深。宋,易子而食,析骸而爨,楚退師三十里,城下之盟,古人所恥。如楚莊王伐

絶

其愛,親之道也。

十五

齊人賂晉侯。十五年

憚。 於此 此 見 當 可見當 時 諸 時 侯 風俗 相 賂 以 私 一而略 無忌

公不與,不書,諱君惡也。十五年

惡 欲 者 則 爲 有 却 諱 親 隱 小 不 諱 者 過 亦 諱 譬 是忠厚 之意 贵 蓋 不 諱 如 可 他 賢 可 固 人情 之意。 者 然 不 所 有 亦 爲 謂 過 自 自 諱 而 諱 則 應 不 有 ^ ? 纂 者 然 不 爲 如 若 例》 諱 諱 此 皆 則 有 之 是 乃云爲 親 其 大 理 爲 不 戚 弊 尊者 過 若 忍 將 有 言 賢者 過 至 是 則 於 其 賢 雖 則

篡弑之漸。❶

禮

以

順天,天之道

也。

+

Ŧi.

楚 大饑 天之一 禮 氏 弱 》此 有 此 戏伐 天 禮 等議 許多 皆是 氣, 也。 有上 其 論 烏 般 天 蓋 ,皆有 下 西南 道 可 自 自 如 以 有 人言 至 天言之,天 此 其 源 尊 幼 流 于阜山 卑, 君 之, 賤 須當 子 有 而 則 之不 了粦 虐 師師 下 有 深 或 之? 人皆 沉 貴 虐 于大林。 往 細 賤 幼 是 來 <u></u>
左 賤 受 强

蠻以叛楚。麇人率百濮聚於選,將伐楚。又伐其東南,至陽丘,以侵訾枝。庸人帥

群

要子 當 畏 帥 甚 布 乘 须须 置 是 鋭 其 百 其兵 謀 細 時 濮 饑 戎 是 看 伐 以 耳 臣 要 伐 楚 識 、甚衆, 措 處 楚,其 成 其 置 他 先 敗 段 中 事 禦敵之方。 後 是有 興亡,及地 庸 意 初 事 來 人 是 亦 有 伐 意 帥 不 戎 之。 楚, 來 群 過 因 伐 鑾 理 饑 如 如 其 楚 險 以 來 此 戎 勢 之伐 伐 阻 叛 亦 至 段,最 兵 不 甚 其 麇 楚。 勢 可 勢 過

蓋 當 時 楚 病 當 根 時 在 不 庸 伐 麇 其 而 所 先 以 伐 引 庸 群 者 蠻 共 何 攻 故 楚

❶ 「弑」,金華本作「逆」。

七七

當 者 去 以 驕 可 以 時 如 ,皆是庸 則 則 大 此 所 以終爲 群 而 者 進 以 鑾 使 小必 使 而 後 皆 庸 人倡之, 伐 廬 患 散 欲 庸,楚 人七 滅 以 不能 爲不 庸 此 遇 之計 而 所 合以 皆 後 足與 以 北 己。 正 先 攻 在 戰 蓋 伐 楚, 蓋 此 欲 庸 病 則 庸 示 也 然 甚 根 楚 X 所 不 既 弱 師 楚

我能往,寇亦能往。十六年

成 所 薦 以爲 賈 是與子 謀 如 此 玉 之 同 時 以此 到 見 此 國 亦 家 甚 不 老

振廪同食。十六年

口

無

世

臣

然 有 避 則 後 發之。 藏 則 成 而 當 群寇乘 時 事 不 沉 各自 大抵 敢 發 勢,愈來攻擊不已。 成 做 有 敗 事 廪 到 在 以以 須 此 此 是 勢 備 如 極 舉 緩 此 事 ! 決 急 然 纔 若常 倒 故 以 退 盡 此 斷 縮 時 0 知 所 畏

> 運 處 才識 庸 人 T 人立 亡 左傳》 皆 作 以 雖費 事 有 得 使楚 身 後,氣象 故 周 廪,以 此 中 亦 十石 楚 等事 大綱 當 備 如 自子 此 此 亦亦 殊 備 皆 時 目 便 急 别 玉 是 卒運 須 不 難 死 會 閒 如 常 自 後 蓋 後 看 此 時 不 振 振 振 史。 等事 ·得一石· 措 世 其 作 奮 廪、 置 則無之。 勢 振 , 只· 不 則 甚 乘馹,❷皆是 凛,是 來 如臨 可 烏 弱 有 保 蕭 數件。 蓋 險 索 時 自 其 發 克 古 要 不 過

楚子乘馹,❸會師于臨品。十六年

之往 是傳 來 車 楚 謂 及 古 之 有 駅,4 時 緩 遞 急 鋪 鄭 告命 皆 謂 之遽,晉 之事。 有 傳 車 以 謂 此 之傳 所 待 係 使 甚 臣

^{● 「}倒」,金華本作「剛」。

[【]馹」,原作「驛」,據金華本及《左傳》文公十六年改「馹」,原作「驛」,據金華本及《左傳》文公十六年改「馹」,原作「驛」,據金華本及《左傳》文公十六年改

廢 爲 事 自 大,如人之一 0 荆 事 今之 公以 往 往 至 遞 于 以 來, 請 鋪 此 一身,其 却作等 給之類 雖 爲 費 有 用 血氣常使流 遺 ~,多不 閒 前 迹 事 前 不 及時 看 知 T 多 是 與之。 ,其 通 朝 不 乃好 後 以 廷 此 遂 大

齊侯戒師期。十八年

散 陽 師 軍 也 法 虎 亦 在 又有 有 當 郊 戒 齊 野 兩 都 如 侯 敵 般 中, 車 此 戒 或 師 必 日 相戒者。 有 如 期 須約定, 自 違 癸已至」。 或 戒 期, 是 或 一戒約。 則 中 期 有 士卒者, 日畢 蓋 殺 平 如 無 至 時 定 赦 此是 此 兵 八 戒 年 是 皆

惠伯令龜。十八年

令龜,如《儀禮‧喪服》命龜曰「無有

近悔」之類皆是。

齊懿公刖邴歜之父,而使歜僕;納閻職之

妻,而使職驂乘。十八年

者,而 底 如 居 親 何 人,意謂 懿公, 近之地 却不盡 我 無 所 此 無道之君,既則其父、納其 何 殺其子、戮其夫,乃使此二人 畏,而 二人,常 故? 且能 人 蓋 懿公 所 爲 不 我 是自 用 敢 與 之 恃 此 才勇 同 無 道 處

之常態。

公游于申池。十八年

事 觀 口 見 皆 多竹、 申 襄 前 池 後 + 木 亦 相 八 是 應。 處 年 $\stackrel{\cdot}{\cong}$ 可 云 大 游 八凡左 觀 焚 處 氏 申 想 載 池 多 事 之竹、 雏 竹、 木 小小 木。」 口

乃謀弑懿公。十八年1

懿公所以見弒於游申池之時者,亦

1 「十八年」,原脱,據金華本補。

游觀處左右無備,●而此二人且處近職,

所以弑之無難。

上下見國 見得二人丰 舍爵而行。十八年

此亦見國人皆惡懿公處。 見得二人去時甚從容,略無恐懼意。

「亦」,金華本後有「是」字。

楚子

侵陳

遂侵宋。

元

左氏 傳續説 卷七

宋 品 祖 謙 撰

宣 公

晉 此 子 當 此 法 故 討 乃 端 耳 獨 所 時 以 是 隙 所 放 河 不 胥 成 己 自 以 曲 用 元 甲 趙 晉 不 之 命 開 帥 父? 便誅 戰 穿 者 文公不 弑 秉 然晉 趙 放 或 他 靈公之事 此 胥 穿 之 時, 殺 文公猶 與 見 甲 法 魏 胥 父 正 得 贵 犨 于 爲 趙 甲 也 是 而 是 宣 俱 衛 口 或 止 親 子 敗 徇 元 君 殺 不 私 軍 私 顛 親 謀 趙 意 ? 敢 何 頡 處

鄭 伐 相 宋,囚 接 華

元。

楚

侵

陳,

遂

侵

来,

蓋

陳

與

宋

壤

地

將 戦 華元殺羊食士 元是元帥 華元 一、其御 被執 羊 此 棋 是 不 與。二年 大 敗

之 獲 故 親 正 棋 有 細 亦 失 及 之也 以 以 不 口 戰 與,在 羊 此 親 也 見 於 大抵 處,豈 等 密待 羹 此 乃 羊斟 賤 然 亦 事 特 元 者 古 見 T 須 亦 可 地 羊 所 毫 却 得 人 不爲 復置 馳 常 是 所 斟 不 華 車 點 簞 以 到 食,故多賜之。 諸 X 元 無 食 所 便 檢 多以羊羹賜 鄭 失。 左 平 豆 以 得 易 右 時 而 羹 致 不 生 ? 然華元之意, 觀 使 見 怨, 與者,乃是 方可。 人 此 元 於色底, 亦 平 爲 是 人者, 未 鄭 如 華 時 戰 亦 仔 所

金 華 本 到

羊 或 不 見 及,子 因 羹 時 羊 不 中 羹 徧 Ш 期是 而致 君 司馬子期 響都 疎 忿 遠 士大 者。 而 不及。 怒 但羊 夫; 而 司馬子期 棋 走 是 於 緣親 楚。 在馬 此 密 亦 而

華 元 逃 歸

之牀 有 此 等才 一段便 華元 能 當時所 可 見 觀 華 以 能 元 逃得 夜 楚 歸 時,蓋 師 登 子 元 反 自

華 元 逃 一子之馬然也 歸, 立於門外,告 而人。 見叔牂,

討 戰 誅 宋 知 由 宋師 其 是 何故 羊斟以謝國人,亦不爲過。 罪 故 御 大棘之敗,羊 羊 者 不 大敗 然自 棋 馳 聲其 雖 主 華 歸 將 罪 宋 前 元初歸之時,首 車 但 棋 而 入 之 宋無人知之,所以不 見 討 鄭,乃 華 之? 罪 元 也 被 所 囚,而 羊 觀元反,告 蓋 以 斟 正 敗 大 典 先 之之之 棘 亦 刑 歸 之

> 意思。 棋 慰勞,所以安反側之心,此也是 曰「子之馬然也」,此 蓋大敗之後,但 當自責,故 亦是 華元 華元 以 時 温 時 辭 間

間 意 思。

華 元 爲 植 ,巡功。二年

則 屬 謂 其 之 植 植 植 正 是《周 蓋 植 在 禮 軍 > 大 則 司 謂 馬,司馬「大役」 之將師 0 有大役

使其

驂乘謂之。二年

亦

是作歌以答之。

牛 則有皮,犀 兕尚多。二年

屬 兜 甲 周 六 禮 屬,合甲五 · 冬官》: 屬 函 犀 爲 甲不 甲 是 犀 犀 甲 角 七

0

師」,原作「帥」,今據金華本改。

⁰ 宋何故 不 聲其 罪 而討之」,金華本作「宋何故不討

²⁹⁶

以 犀 成 者 只只 是今水牛之類。 古時只用皮甲 合甲 自 戰 是 或 合 以 後 兩 方 皮

華元曰:「去之,夫其口衆我寡。」二年

用

鐵

甲

此見得華元知爲人上之大體處。

使婦人載以過朝。二年

所以使婦人載,蓋不欲令人見耳。

會請先。二年如特地示威於衆時,必不使婦人載也。

臣 如 蓋 不 士 行 會言 時 便 爲 輕 無 可 説 在 宣 故 子 是 會 秉 請 政 先 大

三進及溜,而後視之。二年

時

特

地

留

著

在

後

古之君臣相見甚易,亦無時,不比後

世分嚴。

詩》 日 引 不 有 詩 初 靡 鮮 不有 克 有 終。二 初 鮮 克 有 終

> 使 者,蓋其意 有 始 而 無 終。 事 寧 若 可 靈 使 公 無 初 始 雖 而 不 有 終,不 日 可

能改時,便是有終。

君能補過,衮不廢矣。二年

之尤 善故 蓋 補 過 士 本 會 是 特 人 地 臣 褒 之 獎 職,今君若 他 自能

鉏麑退,觸槐而死。二年

得 德 所 與 之,特待假 士 宣 其 見 後 恃 而 子爲 多如 當 來 勇 赦 柳 見, 其 子 殺 唯 政 小節 此 不當 厚《 君 寐 於 而 而 晉 非 所 也 殺,一 便 後 使。 國 如 口 始 語 要不 此 轉 不 向 初 分 中 殺 了 恃 不 必 明 意 論 ? 問 力 如 思 鉏 其 鉏 以 是 此 此 麑 麑 前 人 泥 不 事 之 贵 亦 耳 赦 賢 俠 蓋 其 不 謂 俠 否 大 知 到

過三爵,非禮也。二年

過三爵,不必如《禮》中所謂三爵。

旧 提 彌 明 見 事急,所 以仗正義如此 説 · 正

如 樊 噲 脱 沛 公一 般

盾 日 「棄人用犬 ,雖猛 何 爲 ?二年

看 趙 宣子 ,此言, 己 全 無 君 臣 恩 意 了。

當 時 靈 公 雖 無 道 ,然使賢者 處之,當不 如

此 樂毅 上 燕 昭 王 書 儘 好

宦 \equiv 年 矣。二年

宦 是學做宦底事業。

而 與 爲 公介是宿 公介。二年 衛底人。

既

而 退

不

不 告 而 退 却 知 是 靈 轍 者 何 故

得 之。

蓋

當

時

爲

公

介

時

必有

姓

名,

後

來

訪

問

太 史書曰 • 趙盾 弑其君。」二年

之國史皆從晉史如此書。 趙 盾 弑 其 君」、太史既 然當時趙盾 如 此 諸 亦 侯

> 言。 無君之 史,而 分 時盾説 焉 不 惡」一句,最訛 氏 而 爲 明弑 段載 反 可 載 豈有弑 不 復 無 盾安受之,亦見宣子終是别 孔子 討 夫子 心。 使 意 君 「棄人用犬,雖 賊 趙 使盾 觀太史所言 日 之言 時 君之後 「孔子曰」 穿 T 亦 迎公子黑臀 無意 本 傳聞 不 越 纔 意 可 境 時,反必討 Ŧi. 猛 乃免。」 出 況 差 然齊 兀 何爲 句,恐非 竟 T 不 句, 便可 越 於周? 崔 ? 縦 如 境 可 杼 免罪 使 賊 乎? 見宣 已自 夫子之 殺 看 爲 越 口 齊 法 **定** 受 此 子 有 太 前

驪 姬 之亂 詛 無畜群公子。

處 時 姬 晉 亦 文公 之制 因 驪 依舊親近者有在外底,疎 尚 循 姬 ,立公族以總諸 依 詛 過 驪 無 T 畜 姬 不曾整 群公子 制 度, 國子, 何 頓 故 自 成公方改更 成 然 遠 公 蓋 亦 者却 雖 有 文公當 改 不 在 盡

公族 舊 吾 恭 年 竟 弟 爲 以 不 事 近 伐 宿 行 大 内 深 爲 能 夫 普 於 鄭 衛 罪 ,公室之有 適 之 不 者 及。 深 也 大 悼 往 子 媿 屬 死 朝 或 · 曾 樂 宫 0 得 恥 夫 公 往 也 語 又 請 此 爲 辭 范 使 自 改制 中 ^ 穆 *****: 此 統 使 歸 或 君 是掌 成 荷 以 者 成 日 子 猶 口 管 訓 來 語 之時 者 公 : 公始 其 家 韓 以 口 其 最 ₩: 卿 公族 内 稍 族 故 方得 獻 見 無 厲 荀 之 甚 餘 文、 改 事 公族 祁 夾 有 公 子 其 忌 子 會 親 公 得 之那 大 公行 奚 流 之 在 老 處 處 族 弟 近 夫 襄 欒 大 亂 離 内 公 亦 親 大 使 0 職 所 夫 黶 大 在 未 族 近 夫、餘 此 成 又 公 其 無 事 出 公公 之 夫 外 有 而 + 處 有 韓 如 有 忌 族 在 之食 者 盡 地 不 族 六 備 掌 無 成 不 穆 此 外 口 子、 所 處 能 之 得 年 皆 其 子 見 公 忌 + 之 公 死 以 是 公 子 爲 依 族 受 是 是 不 族 法 爲

君 歸 者 得 猶 想 在 外。 當 時 只 文、 是 襄 成 所 公 出 之子弟,亦 派 得

不

曾

又 宦 其 餘 子 亦 在 爲 周 餘 子 其 庶 子 爲 公行 年

蓋 置 若 當 妾子 故 或 與 致 樊 大 而 或 穆 言 太 古 其 餘 子 有 事 守 士 語 之,故 仲 子 甲 於 者 不 有 子 是 餘 *****: 則 ^ 兵 使 王 子 適 太 屬 司 日 周 帥 之 官 子 宿 鄭 之 子 宣 禮 以 以 或 事 者 衛 注 與 司 王 餘 子 魯 軍 • 庶 也 也 云 欲 卿 馬 子 小 侯 則 而 子 法 禮 ° _ | 得 大 爲 司 授 致 是 肅 治 而 或 夫 適 則 徒 夏 正 餘 之 於 妾 之。 恭 屬 子 子之弟 之 統 官 義 子 子 車 太 明 之 之 謂 子 **>** 9 子 甲 • 司 神 太子 日 卿 能 凡 之「士庶 諸 **^** 同 馬 左 合 唯 大 訓 或 而 子 在 弗 以 傳 夫 諸 其 所 致 之大故 敬 學 > 征 何 庶 之子 卒 用 餘 侯 事 或 故 則 子 子 伍 子 此 有 耉 如 爲 分

子吕伋 老 侯之子 之子 卿 與 他 平 不干 所 維 X 封 魯公伯 夷宫。」此 楚世家》曰: 凡 不 公 Ħ 建 宜 大 日 賦 卿 或 諸 立 所 深 立 在 夫之子 可拔之根 事 考。 有 學 俱 問 大 爲 爲 弟 禽、衛康叔 侯 行 大事 諸 時 事 皆是諸 夫 之 諸 相 不 刑 成王 必必 弟 本,不 同 侯;有不可立 侯 處 當周 犯 , 天子 必必 同 出 時 基。 先擇其可 朝 所 心此 侯子弟 守 在 問 如 子牟、晉侯變、 答 事 夕 王宫 外, 於 親 成王 此皆三代制 _ 後 習 又可 太 遺 御 子 世 熟。 王 則太子 於 同 訓 一時 六師 以爲諸 者,則 乃 徒 爲 内 見太子 在學者 楚子 而 故 命 然 君 答 時,天子 却 後 此 封 魯 於 度 不立 侯 孝 又與 素與 齊 熊 建 此 來 内 故 者 學者 IE 諸 太 繹 外 又 公 實 「,則 也。 於 公 既 是 諸 如 侯 相 且. 與

> 侯 姬 姓 君 之 姬 女 氏 者 稱 蓋 君 姬 周 氏 天子之女 稱 王 姬

趙盾爲旄車之族。二年

之子居 在 妾子 旄 次 之列。 車 而 之族、 但 注 盾 一》謂 既 讓括爲 公行」, 適子 恐不 故故 應 降

鄭穆公卒。三年

公及齊侯 世 後 留 人 穆公以後,七 日 之後 世 專 意 「其後 氏 平 氏 鄭 生之功 平莒及郯 族紊 穆 族 ,又有轉爲 必 、 氏 公事 蕃 亂 穆之盛 族 左 理 此 亦 是 會 皂隸者 氏 皆 四 難 氏 直 所 是 件 盡 族 至 以 氏 考。 大 者 詳 春 事 族 蓋 秋 載 蓋 緣 末 者 有 唐 左 故 難 公卿數 時 蓋 傳 理 尚 鄭 石 會。 多 自 癸 有

● 下「姬」字,原作「稱」,據金華本改。

君

姬

氏之愛子也。二年

郯 與 苔, 並 徐 州 地, 亦 相近 當 細

考之。

楚 人獻黿於鄭靈公。 四 年

焉曰 獻相 楚,大國也,却 似。 古 人 日 獻 不以 」, 正 此一字爲 如「君有饋

黿 是 海 物、海近楚、故有之。

靈公召子公而 弗 與。 四年

此 特 時之戲 耳 却 生出 大亂。 以

此 人 不可 以 戲 謔 爲 小 事

子 家懼 而從之。 四年

此 只 是失之弱。 大率弱最不濟 事

故《洪範》「六極」以弱 爲

令尹子文卒,鬭般爲令尹。四年

是萬吕 子文之後,却是子 臣。 以 此 見 鬭 般 玉,子玉之後,却 非 正 繼 子文之

後,言子文死後 蔦 \$ 尹 耳

蔿 賈 爲 工 正 , 譖子揚 而殺之。 四年

> 甚 蓋 使 馬 車,備甲兵,庇武 爲工 重。 薦 「與工正書服」處皆可見。 賈 蔿 IE. 畢 如 賈 . 竟 齊 謀 是謀 他 侯 謡 使敬 如《襄· 子 守」、《昭五年》季孫爲 臣,工正位 揚,後 仲 九 爲 年》宋 卿 來 敬 却 次 使「工 又自 仲 卿 辭 卿 位 不 正出 便 司 亦

吾 伯 嬴 於轑陽而殺之。 四年

使巡 然若敖之强,已見於「六卒」之時 甲 蔿 ·兵 賈 師 以 同 此 見 師 爲 曰:「盡於是矣。」四年 得 於 卿 漳澨 ,而若敖 越椒之族强盛 此 遽 見子越 興 兵 處 輒 逼 莊 便 殺 要作 王之急 之,自備

301

此是安慰士心。

王

虎乳子文。四年

類。 子文之字,亦取 虎 乳子文,正 如 虎文之義 牛、 羊 飲 食后 稷之

君,天也,天可逃乎? 四年

此 方 是 分明 見 得

高 古 使 齊 侯 止 公。 Ŧi.

之侮 宣 一公弑 況 魯 又 兄 近 而 齊 即 所 位 不 以 從 Ē 來多 所 以 懼 有 齊 鄰 或

齊 高 固 來 逆 女,自 爲 也 五.

赤 狄 穿 之類 伐 晉 諸 是 侯 也 中 之 行 女下嫁 一六 但 桓 不 子 年 出 日 大夫者亦有之,如 : 於偪迫而 使 疾其民,以 强 成 耳 盈 趙

其

貫

將

可

殪

也

從 略 於 弱 Ŧi. 類 中 來 中 年 則 皆是 或 行 如 桓 晉 便 之諸 桓 伐 此 子 去 稍 子。 滅 狄 理 衰 當 侯,及其 皆中 赤 晉之規 會 時 狄 是 夷 便去理會 潞 時 行 狄 氏 稍衰,則 桓 楚 模 如 當其 此 子 莊 後 狄 之 可 王 來 見 事 方 專 盛 伐 始 强 攘 時 白 終 觀 夷 狄 皆 宣 則 狄 之 稍 出

> 貫 如 在 繩 索 之貫 不 必 作

字 解

其 在 周 易》 豐 之 離 六

年

天」; 變爻 爻 易》有之: 其 《易》,雖 龍 同 者 交 无 人曰『見 言 也 首,吉』; 古 時 其 如《 人 夬曰 便 乎變 論 論《易》, 在 有 龍 本卦此爻立文,而此爻便 昭 者也。 元 乾之姤,日 在 這 二十九年 坤 ____ 田 之 龍 才舉 ; 爻變。 剥 有 聖 日 悔 其 人 大 爻論 龍 ; 潛龍 作《易》時 蔡墨 故《 有 其 戰 日 時 坤 勿 于 左 日 飛 野 日 用 便 傳 自 龍 有 是 見 有 論 這 蓋 群 在 其 周

盟 盟 于 子 虎 黑壤 于 召 盟 此 陵 是 諸 王 皆 侯 王 叔 是。 於 官 王 伯 桓 庭 臨 公臨之,以謀 蓋 單 諸 晉是諸 侯 子 之例。 盟 侯 于 之伯 不 雞 其 睦 澤 他 王 劉 七 如 叔 王

以

盈

其貫。

六年

所 桓 之 以 公 重 是 欲 以 王 王 官 官 令諸 伯 之 伯 以 侯 臨 耳 位 盟 却 者 在 蓋 方 伯 欲 假 上 天 子 諸 卿 侯

晉 獲 秦諜, 殺 諸 絳 市 六 日 而 蘇 年

秦 諜 是 細 密 探 事 之 六日 而

蘇 所 以 記 其

有 事 於 太 古 廟 人 襄 所 以 仲 有 卒 繹 而 祭 繹 時 八 , 蓋 年 是 祭 之 明 日

祭。 敦 又 厚 復 然其 不 會 以 便 禮 賓 蕭 比 P 散 IF. 故 祭 故 謂 之 所 之 禮 以 繹 則 Œ 0 多 祭 蓋 殺 後 古 鄭 又 人 誠 有 氏 繹 注 意

也 儀 禮 賓 \<u>\</u> 尸 則 不 卿 設 大 饌 夫 西 既 南 祭 隅 而 以 賓 此 P 薦 禮 俎 之

陳 有 祭 象 亦 足 以 厭 飫 神 天 子 諸 侯 祭

於 祊 明 日 而 繹 0 0 有 司 掃 室 陳 鼎之後

異 乃 姓 議 賓 侑 於 之 賓 賢 者 以 以 異 侑 姓 宗 人 南 戒 面 侑 告 於 此 其 是 位 擇

> 也 洗 神 嚴 故 也 尸 觶 俎 : 在 巾 商 蓋 凡 凡 ; Ŧi. 請 越 尸、侑 繹 此 豕 魚 胙 日 子 祭 形 類 晉 俎 爲 横 高 皆 正 無 降 侑 載 主 繹 湆 如 八年 宗 不 之者, 人 待 祭之儀殺 於 彤 其 升 胙 賓 日 侑 禮 者 異 是 而 禮 無 又 於 也 尸 非 殺 體 不 於正祭之儀者 禮 牲 + 也 如 遠 體 在 分 益 正 周 下 如 殺 主 祭 彌 不從 日 尸 E 變於 時 也 甚

楚 盟 而 還

時 只 是 吴、 越 小 自 或 此 未 方 大 人《 强 春 秋 越 在 此

雨 不 克葬。 八年

雨 不 克 葬 當 看《 胡 氏 春 秋

諸 侯 之 師 伐 鄭 +

0 司 天子 鄭 諸 玄注 侯 祭 作「天子諸 於 祊 明 H 侯 而 明 繹 日 祭 金 於 祊 本 而 據 有

九〇

自宣四年以後,晉、楚俱欲服鄭,鄭

子 良 遂 南 : 北 與 兩 其 屬 來 者 此 미 可 也 見 + 中 或 年 夷 狄 盛 衰

者從 此 之,與 子 看 産 此 所 此 謂 部 玉 書 般 帛 鄭 以 始 待 終 於 謀 四 策 境 只 惟 是 其 出 强 於

令尹蔿艾獵城沂。十一年

榦 分於 封 是 慮 人,此 應于 件 此 是 大事 四 事 **\$** 是每 是《 牆 築 隅 0 尹 中 城 周 主 分 城 處監臨 之木。 令尹 所 事 財 禮 沂 用 之 用 須 是 封 如 之 底 看 有 物。 免免 人」之 此 人。 看 處 司 臨 几 亦 置 , 版 不 隅 類 見 時 0 是 楚 交 所 是 規 所 亂 費 所 慮 都 模 多 築之版 以 事 統 土 是 財 少 興 役之 功 用 處 是 謀

非德,莫如勤。十一年

求

取一人焉以歸,謂之夏州。 轘,《周禮》亦有此刑。

鄉 號 取 在 南 人 今鎮 方 夏 州 焉 者, 江 以 如 歸 謂 時 戎 之南 聚 謂 州 落 之 相 徐 夏 亦 似 州 州 各 者 從 東 + 北 晉 亦 方 時 緣 年 北 州、 曾 聚 軍 方 人 徐 之

且巷出車,吉。十二年

州

人

故

也

鄭 伯 各 車 九 環 於 路 達 肉 之達, 以 巷。 袒 耳 鄭 牆 牽 有 羊 巷者 古者五家 大 兩旁皆 以 達, 巷 間 逆。 乃 共一 間 無 十二年 間 爲 門出 門 居 皆 比,五 之巷 民 出 人, 車 只 3,各 比 謂 於 通 爲 之間 自 商 逵 閶 其 道 賈 門。 往 間 間 來 蓋 出

肉袒牽羊,是降底禮數,如面縳銜璧

晉郤

成子

求

成

於

衆

狄

+

年

晉

求成於狄,當

時

赤狄

强盛

之類。

使臣妾之。十二年

虜 世 其 世 君與公卿大夫,皆爲臣 日 古 一妾,以 者 有良 其 人、有 賤 也。 賤 如 人, 後 妾。 如 周 爲 滅 妾 後 時 梁 則

徼福於厲、宣、桓、武。●十二年

度 却 祖 也 祖 厲 鄭 厲 王 到 大宫 春 宣 古 秋 ? 世 者諸 時 蓋 祀 亦 属、宣 諸 潛僭 侯 侯 不 不 得 祖 故 祖 天子 當 天 子 時 9 有 周 此 日 初 何 制 故 鄭

彘子以中軍佐濟。十二年

秋 殺 不 子 致 喪 欲 之 時 獨 戦 却 師 濟 爾 泌 唯歲 自 未 之戰, 荀 論 嘗 然 可 來 有 則 不 子一人凶暴,不從上令, 先縠 殺 林 恤 林父、士會、樂書之徒 軍 父 剛 佐 何 之法。 愎 曰: 不 爲 不 非 可 殺 然。 問 告 ? 語 若 當 日 此 初 : 唯 彘 春 皆 人 有 遂

> 若 是 如 剛 大 敗 城 暴 軍 績 濮 盡 子 向 先 從 玉 直 穀 却 中 前 雖 軍 有 獨 幸 雖 喪 濟 勝 其 不 之 却 敗 偏 理 左 是 師 亦 體 右 是 事 師 潰 敗 故 亦 也。

伍參言於王。十二年

自 是 叔 也 孫 所 時 叔 不 勝負成 不 知 楚已自强 敖 觀 知 叔 不 伍 此 知 参言 敖。 敗繫焉。 但 大非 若 若謂 晉 叔 或 也 能 敖 伍 諸 伍 自 或 参言 帥 參 全 相 消 爲 自 節 於 孫 上。 是 楚子 曲 叔 知 戰,危 折 無 體 謀 非 孫 渠 是 事

楚少宰如晉師。十二年

量 言 語 觀 甚 當 時 是 楚 謙 少 遜 宰 9 如 日 : 我 師 但 辭 聞 命 得 亦 鄭 煞, 自 商 來

● 「潛」,金華本作「漸」。

屬 我 我 不 知 其 他 台台 士 會 對 得 亦 是 正

竟 是 何 就 益 渠 ? 上 對 勝 負 非 却 諂 不 也 在 此 彘 也 子 專 命 遷 擅 大國 改 之 亦

迹 於 鄭」,是説要逐 你出 去。

丙 辰 ,楚重至於邲。 十二年

擊 蓋 之 輜 患 楚 軍 以 重 若 制 Z 而 卯 至 後 輜 戦 於 世 重 敗者多矣。 於 多 常 邲 不 後 知 大 而 此 軍 丙 辰 是 日 楚 以 輜 或 故 重 爲 無 始 鈔 先 擊

楚子 不 築 京 觀 十二年

對 是 莊 看 口 見 楚 蠻 此 不 靈 知 夷 潘 自 不不 大 段 日 黨 商 義 楚 請 桃 可 時 築武 弧 如 以 興 渠 棘 問 此 氣 亦 軍爲 矢, 鼎 責 象 未 事 他 自 嘗 以 京觀 何 馴 别 共 但 如 服 禦 ",楚子 看 觀 王 或 右 問 事 日 詩 尹 . 日 不 便 子 他 自 楚 商 革 本

> 論 蓋 或 盟 秦、楚正 謂 會 制 秦、 度。 是 楚 夷 流 狄 東 漸 坡 於 流 作 夷 爲 狄 中 王 或 者 正 不 非 是 治 爲 倒 夷 夷 説 狄 狄

也 問 鼎之事 不 必 責

進 思 盡 忠 退 思 補 過 。十二年

此 與《孝經 事 · 君章 \forall 所説同。 蓋 是

事 君 常 道

晉 原 丘 +

縠 盟 先 清 縠 既 敗 後,晉 年 何 故 又

蓋 先 穀 是 當 時 之 卿

赤 狄 伐 晉,及清 先穀 召之也。 十三年

先 縠 召 狄, 他 亦 是 自 見 邲敗 不不 得

志 所 以 如 此

惡之來也,已則取 之。 十三年

論 來先 穀 亦不 至滅族,言先縠自 取

頌

影可

見。

只是後

來漸盛

然後

漸

學

中

用

他

主

盟

?

⁰ 頌 原作「 誦」,據金華本改。

其 罪 注 中 極 好

FL 達 縊 而 死 衛 以 説 於晉 前 免。 + 四 年

安于 事 衛 殺 相 孔 類 皆諸 達 以 説 侯 於晉 殺 大 夫 此 例 與 定 + 説 年 如 董

解説 之「説

中 行 桓子 曰:「示之以整。」十 四

蓋 自 邲敗之後,仍舊整齊,示軍容不

減 前 日之舊

使 謀 而 來。十四 年

是 使 鄭 自 與 或 公卿

鄭 懼,使子 張 代子 良於 楚。 + 四 年

此 便 是 叛 楚 了 蓋 子 良 是 有 謀 底

不 留留 在 楚 列則 其意 可 見

楚子 使公子馮聘於晉 使 申 舟聘於 不假道 齊, 曰: 於鄭 無 假 道 + 於宋。」亦 四 年

楚 無 假 道 於宋、鄭 亦 見 莊 王 邲 勝 之

後 驕 心 發 見 處 假道之禮 有 有 君 命

> 帛將 璧假道 禮 假 道者,如荀 曰「若過 命 於 於虞之類。 朝 邦,至於竟,②使次介假 日 息請以屈産之乘與垂棘 . 請 有使臣 帥 奠幣。 一假者, 0 下大 道 如《 東東 夫 聘

見犀 而 行 + 四 年

取

以

人

告。

8

出

許

,遂受幣」之類

此 便 是 以其位 傳其子,與「見溷」

類 皆是

楚子聞之,投袂 此 見 得 楚 而起。 軍素備, 十四年 要去 便去,不

屨 及於窒 + 四 年

即

起

時

旋

辦

若吴漢

士卒常衣

糧

整 備

有

變

是

臨

假 上下, 有「道 一字。

邦」,原作「禮 」,據 《儀禮 聘 禮

取」,原作「敢」, 據《儀 禮 聘 禮 》改

古人平居不著屨,出則履屨,此處亦

可見。

孟獻子言於公。十四年

免」 聘之。 皆是 此 旅 之所以事大國 觀之,皆無 有 而 百」, ①杜注: 「諸侯朝王, 陳贄幣之象。」 致討之意。 喜慶 説却是。 有加貨」,嘉,善也,淑,好也。 白 小 孟獻子言 句説 典禮 或 杜氏注謂主人答賓之禮。 朝 而 朝聘大國之禮當如此。 不通。 此 ,如納夫人之類, 看《莊公二十二年》「 獻 意。 如 功,於是 「聘而 此者,皆是 「謀其不 若從杜説,則 獻物,於是 有容貌采 免」者,言 以 則加 謀 「謀 。「嘉 庭 若大 章。」 有庭 其 貨 以 實 物 其 不 小國 本 國 此 旅 免 淑 文 以 實

天,亦不可。

高下在心。十五年

含蓄之意。 此一句 若 凡 與下面 事 之 輕 數 重 句 高 不 下 類,然皆是 皆 藏

在心。

楚登解揚樓車,使呼宋人而告之。十五年

樓車是軍中别自有望遠之車,●又不

是兵車。

申叔時曰:「築室,反耕者,宋必聽命。」十

五年

- 伯宗曰:「天方授楚。」十五年
- 此説未當。凡事,更不去做,只推在
 - ②「十五年」,原脱,據金華本補。
 「二十二」,原作「二十三」,據《左傳》莊公二十二年改

「自」,原作「是」,據金華本改。

華元夜入楚師。十五年

杜氏謂:「因其鄉人而用之。」在兵

法亦有之。

宋及楚平。十五年

子反未起間,華元至,亦是元脅之而

與之盟。不然,殺子反亦不可知。

棄仲章而奪黎氏地。十五年

此非兩事。恐奪黎氏地時,仲章也

曾諫了。

夫恃才與衆,亡之道也。商紂由之,故滅。

十五年

紂有億兆人,離心離德,此是恃衆;

手格猛獸,强足以拒諫,此是恃才。

文,反正爲乏。十五年

此古者篆字體中有之。

盡在狄矣。十五年

謂狄皆有之。

王孫蘇與召氏、毛氏争政。十五年

有六卿。《左氏》所以載者,見王室之弱。三人皆是畿内諸侯,如魯有三桓、晉

晉略狄土。十五年

世,晉猶伐狄未已。所以 是 爲 相侵奪,亦有許 敵 一部《左傳》 晉之規模,纔是 若 楚 强 盛 多地 綱 時, 領。 本 則 國 其 與 至三晉之强,争 强 後 戎 盛時, 至 狄 魯 爲 昭公之 專 敵 與 此 楚

及雒,魏顆敗秦師於輔氏。十五年

之 曲 一之役。 類 亦 此 難 是伐 信 魏 顆 狄 還 段,大概 而 與 秦 甚 師 相 好,只所 遇 秦 載 報 河

晉侯賞荀林父狄臣千室。十五年

家。此亦十室之邑,非成周四井之邑。公孫免餘曰「唯卿備百邑」,百邑共一千公孫免餘曰「唯卿備百邑」,百邑共一千

若 不 邑 如 同 周 論 皆 如 禮 鄭 語 同 賜 学 几 邑是 子展 井 室之邑、 之邑, 小 八 聚 邑 則 及公孫 百 春 其 乘 夏 地 之家 出 制 免 皆 廬 餘 及 大,與 舍 + 辭 之邑。 室 邑六 此 之

晉士會滅赤狄。十六年

當時晉既無如楚何,却去這邊開拓,

侯 卿 抵 亦 下 諸 請 是 侯 於 强 見 卿 之 得 王 或 却 正 當 以 規 模 出 時 卿 黻 於 上 皆 冕 諸 卿 命 出 侯。 爲 主 於 元 會 天 齊管 帥 將 子 皆 中 仲 之 命 軍 命 辭 於 王 H + 若 卿 六 年 之 次 大

> 晉 天子 載 政 晉 士 特請 臣 何 守 二。」杜 之太太 會將 時 故 臣 叔 ? 者 一百 0 以 向 傅 中 大 太 何 預 蓋 授 爲 却 軍 率 傅 故 於 注 太 三公論 太 ? 晉 聽 此 與 : 且. 傅 傅 命 命 可 成 爲 蓋 陽子 范 中 見諸 於 周 太 實 以 宣子 道 軍 E 時 傅 其 賦 處 帥 經 卿 侯 三公之太 黻 禄 可 爲 邦 十六年 之 冕 未 当皆 見 如 王 之 IE 嘗 何 趙 服 所 卿 請 是 又《 嘗 宣 命, 皆 傅 也 於王 理 子 管 或 不 命 會 爲 故 事 語 同 於 此 小 或 ?

於是晉國之盜逃奔於秦。十六年

事

亦

可

見

禮

日

有

天子之二

守

或

高

在

即

天

:

子

所

命

也

如

漢

制

諸侯守

相

乃

是天

子

所

命,餘官皆諸

侯

自

命之。

七

或

反後

餘

官

亦

不

得

自

命

矣。

召日

樂

盈

過

周

。

於

曰: 「天子

陪

臣

盈

得

罪

于

王之守

9

侯大喜 其 郄 他 雍者 情 **厕** 此 ,告趙文子 晉 是 子 能 侯 范 視盜 使 載 武 視 子 斯 之貌 盜 德 事 日 望 察其 :『吾得 千 謂 所 百 : 感,民 無 眉 晉 遺 睫 一人,而 或 之間 自 苦 焉 不 盜 敢 而 得 有 欺 晉

成 周 焉 盜 使 者 郄 者 君 大 或 不 周 教 得 駭 宣 之爲?』 有 雍 邻 盜 伺 諺 明 7 榭 此 殃。 其 視 爲 死 有 雍 於 事 死焉 火 察 盡 矣 召 也 云 雖 且 上 而 矣,奚用多爲?』文子 ! 於是用 文 0 : 十六 出 君 得 察見 子 化 遂 然 欲 於 盜 俄 而告 行 共 當 無盜 取 0 而 淵 隨 於 盜 時 盜 盜 群 會知 魚 之, 下 而 寓言 莫若 不 何 盜 者 , 殘 盡 日 民 方 謀 政 不 之。 意思却 矣。 -? 有 祥 舉 日 而 恥 賢 果 : 文 群盜 智 码日 且 心 如子 曰 而 子 侯 吾 料 郄 儘 任 聞 所 奔 則 隱 雍 日 好 _ 言 之, 慝 何 窮 吾. 而 必 :

宣榭恐是宣王之廟,亦不可知。

婦人笑於房,獻子怒。十七年

是 傳 聞 如《穀 之過 《梁》所 不不 可 載 信 元 御 秃 跛 御 跛 皆

獻子先歸,使樂京廬待命於齊。十七年

待 他 凡 隣 郤 國之使至,節次 子 既 先 歸 故 使 自 欒 有 京 許 廬 多 待 禮 其 數

禮畢

令 温。 十上平 晉人執晏弱於野王,執蔡朝於原,執南郭偃

於温。十七年

晉侯、 以 公子强 衛 是時 太子 爲 質 三子 臧 於晉 伐 同 齊 來 晉 齊 而 師 晉 侯 還 人 會 之三 晉 + 侯 處 盟 於

以 齊 於 如 亦便從 郤 何 ,晉侯弗許 克 ? 初 所 間 蓋 之。 郤 以 當 克 略 時 事 鋭 伐 晉 意 미 君 便 伐 還 本 齊 木 後 觀 欲 却 因 + 去 到 伐 七 此 年 衛 齊 便 反, 請 而 所 是 伐 出

邾人戕鄫子於鄫。十八年

邾與鄫是隣國,鄫却又小於邾,故邾

■「何視察」、《列子·說符》作「恃何察」。

以 待

用 人 所以 鄫 子 常 於次睢之社 欺 鄫 觀 處 向 可 來宋襄公時, 見。 邾

也 夫!」十八年 文子曰 一使我殺適立庶而 失大援者,仲

之却 分好。 意。 却 耳。 此 去 故却又曰「許請去之」?● 意 朩 東門氏 不好。 言子如欲去之,我即 好。 大抵 思 觀文子意思,假正義以濟其私,蓋欲 則 向 耳。 文子 正 時《博議 前時去莒僕之意,亦不見是十 後三家專權,皆是此始。❷ 如 然宣叔既怒文子之言,何 莊 在家言 王 》所論 在 楚 之 却 却 是 爲子去之。 此蓋順文子之 好,自 好 却 是,但 自 中 魯 或 看 太 過 看 來

> 之。」此 冉 乃 與 亦是 弟 協 古制尚 步 齎麥酒 在者。 於道 側 設 壇

即 位 哭。 十八年

即 位哭,是設子家位 次。

書 日 歸父還自晉」,善之也。十八年 言其出奔從容,所以 善之。《胡氏春

秋》 段亦當看。

• 范冉傳》: 有 帷 他 有 般 兩 王 做 般 古時 事 奂遷漢太守,將行時, 時 , 亦 祭 有 鬼 壇 神 時, 如 除 ^ 後 地

漢

爲

壇

壇

子家壇

帷,復命於介。十八年

⁰ 是」,金華本作「自 去」,原作 」,據金華本及《左傳》宣公十八年改

左 氏 傳續說卷八

宋 品 祖 謙 摼

成 公 上

齊 侯 親鼓,士 一陵城 二年

陵 城 是 勇 氣 激 發 直 踰 其 城 不不 待

用 雲 梯 也

郤 克 請 八 百 乘,許之。 二年

如 蓋 至 後 昭 百 古 世 乘 者 城 用 濮 盡 年 是 此 人 發 晉 爲 時 春 人 兵,互 治 雖 秋 以 兵 大 添 爲 八戰,不 于 白 兵 相 郑 南 乘 也。 調 亦 發 過 **搴之戰**,晉 所 甲 不 用 過 車 車 以 六 四 七 少。 干 萬 百 乘 乘。 不 用

> 不過 計 數 者 策 春 百 年 荆 爲 萬 丈 者 歲 + 9 戰 秋 三十 乘 乃 川 距 即即 海 萬 或 此 到 , 歸 Ŧī. 田 奚 之 之衆 萬 此 萬 人 七,0能 年 君 單 難 雖 内 時 乃 而 之齊 以 問 蓋 哉 衆 分爲 介,前 乃用 天 罷。 此 趙 具 ! 下服 己 無 己。 此 萬 看 數 奢 趙 之, 今取 與 過 未嘗 國 十萬 得 以二十 戰 齊 城城 何 : 今將 後 或 古之爲 千 以二十萬 也 之兵,曠 有 帝 世 時 雖 家者。 ? 用 軍 萬 王 却 大, 相 許多 一之兵, 對 必 攻 萬 接 未 無 中 負 日 或 日 有 之兵 而 過 + 持 Ш 用 分 以 三百 所 戰 古古 萬 五 久, 攻 以 \equiv 用 或

齊 侯 使 請 戦。二年

0 「二」,原脱,據《戰國策‧趙三》補 七 原 作一也 」,據金華 本及《戰 國 策

0

九九

欲 也。 次, 鼓 至此 若其 作三軍 前 時 何 不許 故 如 之勇氣 城 又 濮之役,請 亦將 曰「大夫之許 見 也? 戦之辭 寡 蓋 齊 人 只 之 侯 是 只 願

齊 高 固 人 晉 師 二年

此 是 致 師

欲 勇 者賈余餘 勇。

郤 克傷於矢,曰:「余病矣!」二年 賈 (余餘勇」,其驕如 此,安得 會 勝

甚 却 繼 報 時 枝 欲 無 晉 梧 不 當 能 進 不 微 師 涉 得 會 便 河 何 敗 於齊時,郤 所 故 只只 伐 以 ? 如 齊 頃 蓋 此 刻 之 郤 説 間 子 氣 克 耳 如 日 當 若 0 此 : 此 鼓 「所 當 勇 時 音 時 全 才 想 到 不 得 不 是 此 此

> 底 人 著力推 挽

射 其 御 者 君子 也。

古者一車 中者,必是 人, 自 非 元帥 御 者

居

逢 丑. 父 與 公易 位

中

居

其

個

好

人

0

位 古 此 者 是 軍 見 將 時 勢急 在 軍 迫 皆 不不 同 服 可 走, 故使

鄭 周 父 御 佐 車 0

車之法:將 魯與宋 周 禮 佐 * 車 戰於乘 便 田 在 是 僕 鼓下, 貮 丘,公隊, 掌 車,朝 佐 車之政 御者在左,車 祀 佐車授 時謂 之 檀 綏。」兵 佐 弓 右 ***** 車

每 出 齊 齊 師 頃 以 公 帥 每 退。 出 齊 師時,必先 於 狄 卒。 二年 自當 其前

右,

執

刃

0 車」, 原作「軍」,據金華本改。

大抵

人放

意

懈怠時,皆在前後左右扶持

之勝。

此

見郤

克賴

左右得

人, 所以至此

解

張

之力,看其言力挽郤

克,如

此

遂

成

牽

00

用 故 以 齊 處 頃 師 帥 公誤 如《如《 厲 繼 至 退 辟 襄 者。 士 十六年》「晉敵其上 卒乘 狄卒。 然 頃 勢 公既 而 此 進 亦 自 見 與 前 狄 晉 人 人常 一,戎亢 台 軍 軍 相 爲 夾, 其 晉 則

辟

下可

辟女子之言,亦可見春秋之餘,□民

尚 有 三代氣象。

齊 侯使賓 賓 媚 媚 人賂以紀 人 是 或 佐 甗 經 玉 書 磬 或 與 地 佐」,傳 年 書

也 賓 媚 媚 人是 族 左 氏 》欲 教 人 互見。

姓

晉 人曰: 「必以蕭 同叔子爲質。」二年

然當 此 對 大段 他 時 以 日 只欲 勝 蕭 得 同 蕭 辱 他。 叔 口 他 子爲質,晉固 叔 大率人語言須當 耳 子 非 然賓 他 寡 媚 知其不 君 人便直 之 母: 可. 也。」 分明 如 此

> 用 頃 益 分 人。 公雖 明。 加 侮 向 在 無 矣。 使 道 如 此 然能 齊 賓 則 或卑語 媚 晉 選 人 之 亦 擇 屈節 未 此 對 可 等 十分 以 可 使 謂 告 臣 弱 使 是 齊 臣 尚 則晉 能

物 土 之宜

宜 下 地 物土之宜,從其高下燥濕之宜 粟宜 高 地之類。 如

南 東其 畝

之 北 制 在 溝 其 北 中,言 以 洫 南 縱 爲上, 横 東 兵 則 西 車 西 以 亦 在 難 其 東 中。 經 爲 過 上。 古者 言 南 井 田 則

五伯 之霸。

微 豕韋,此 前 王 後伯 政 是三代之伯。 修 者 明 出 7,則 安得 夏伯 有伯? 春秋之伯 昆 吾、 商伯 自 :齊桓、 王 大彭 政衰

0 餘 」,金華本 時

晉文、秦穆、楚莊、宋襄,或者以勾踐與五

伯之列。

魯、衛諫曰:「齊疾我矣。」二年

魯、衛來諫、蓋事不如此則無收煞

苟有以籍口,而復於寡君。二年

此見古人善爲辭命。

乃大户。二年

大户是大閱視民之户口。蓋常時自

籍 有 者 軍 所 籍 以 到 大 此 視 又 之。 恐 有 隱 如 若 宣 者 王 有 料 民 未 曾 注 雖 於

不是大户,然大略亦可因此見。

魯以執斵、執鍼、織紅賂楚。二年

爲賂。

此

皆

魯

工.

巧

底人,

楚

無

故

以

蔡侯、許男不書,乘楚車也。二年

恥 蓋 春 以有 秋 時 臣僕之意 凡 諸 侯 乘 也 他 或 如《定公十 之 車 則 以 \equiv 爲

季孫

却

不出

所

以

不

平,故辭

以

無

功

而

受

直

底

人

他

見

當

時

季

氏

執

政

合

是季

孫

而

初

間

却

不

肯

自

去

使

楚

蓋

臧

宣

叔

是

氣

之 乃 矣。」 年 介 例 齊 而 齊 侯 與 欲 日 之 與 乘 衛 比 乘 此 君 之 正 使 駕 是 告 也 諸 侯 寡 乘 晉 他 請 或 攝 師 至 車

公衡逃歸。臧宣叔曰:「衡父不忍數之例

年

不宴,以棄魯國」。

二年

其 好。 時 於 至 抵 叔 分耳 楚 既 於 人 楚蓋 最 貽 時 明 但 所 衡 見 患 不 自 古 可 後 父本不 得 以 不 以 求一 世 後 有 如 賓 日 在 身之 昭 禮 此 以 之 七 魯之安。 待 處 或 患 年薳 利, 之, 最 家 禍 宜 爲 如 而 亦 啓 深看 念, 此 不能 不 温 然 分 爲 之 只 爲 明 隱忍, 然 + 欲 質 分 何 臧 自 於 宣 便 故 終 不 楚

季 時 到 \equiv 不 名 氏 家 河 亦 叔 多不 弱 孫 在 如 孟孫所以自 又 當當 此 故 . 出 時,最是 當 其 然此 惟 時 次 有 是 方 處 事 大 到 季氏爲强,故魯 請往,要之,人臣之義 亦可 事,則間 孟 非 氏。 臧 見三家專 宣 蓋 叔 出 孟 耳 出 氏 權 有 在 其 則 事 處 孟 次 當

是 行 也 楚,畏其衆也。

孫

歸 晉 當時若歸得緩時,必與 避 楚,如何見得? 蓋晉伐齊後便 (楚師 遇

中 行伯之於晉也 ,其位在三。

次之,上軍 蓋 晉 卿 帥 之位 之位 以以 却 中 在 軍 其三, 帥 爲 首 其 次 中 序 軍 如 佐

韓 厥 登 舉 爵

此

當時

中

行

伯

却

爲

上

軍

帥

舉 如 晉 平 事。 雖 是罰爵,亦

口 看

臣之不敢愛死,爲兩君之在此堂也。

此 是 謙 辭。 只是欲齊來服晉。

晉侯之命在諸 侯矣。 四 年

蓋言晉爲諸侯之主,諸侯從違,晉侯

之命 係 焉

兩 四

君 之所欲 成 年

成 ,如「虞、芮質厥成」之「成」。

嬰曰 : 「我 在 故樂氏 不作。」 五年

當 時 當時 欒 書 樂 將 氏 中 所 軍 以 ·, 正 欲 是 害趙 執 政。 氏, 何 嬰所 故? 以 能

成 公八 年 莊姬譖之於晉侯事 可見。

令莊

姬

護

趙

氏

者

蓋

莊

姬乃晉成公女,觀

嬰夢 天謂 ●「祭余、余福 女。」五

此 亦 見 先 王 禮 典 廢壞,所以 大夫僭

而 祭天。 古者天子乃祭天。

0 天」下、《左傳》成公五年有「使」字

荀首逆女,宣伯餫諸穀。五年

此是晉人自魯境過,魯以芻米往饋

之。古禮猶在。

晉侯以傳召伯宗。五年

傳,車。或謂之驛、或謂之傳,皆是

驛車之名。在唐專有館驛使。

伯宗辟重。五年

重車轉動甚難,故重人教伯宗不如

自徑路速往,伯宗見其説有理,所以問絳

事。重人又言「梁山崩」,因舉故事告之。

必知之。

重

人

心必是

隱者

知得典故。

想伯宗反未

出次。五年

出次不必出郊,但避正寢。

伯宗請見之。五年

以官。伯宗所以欲見重人,正欲官之也。古者無故不見君。纔見君,便爵之

《穀梁》言伯宗「攘善」,則恐不然,恐失於

傳聞之差。不如《左傳》所載有理。

楚人執皇戌及子國。五年

楚執皇戌、子國,何故? 蓋皇戌是

攝鄭伯之辭者,子國恐是當時爲介底人,

所以俱爲楚所執。

同盟於蟲牢,鄭服也。五年

蓋當時南北强弱之勢,全在鄭

從違。

宋公辭以子靈之難。五年

辭以子靈之難者,尚有餘黨未平。

士貞伯曰: ❷「鄭伯不安其位。」六年

位便是兩楹之間。

季文子如晉。六年

- ●「所載有理」,金華本作「載此有理」。
- ❷「伯」,原脱,據金華本及《左傳》成公五年補。

之

蓋 重其事,則上卿自往。

趙 同、 趙括欲戰。 六年

同、括 乃 向來 從彘子之人,其 輕

可 見

善鈞 ,從衆。 六年

衆」也 衆則 者 可從,此所「 人欲如彼。 説,或二三人欲如此 兩説之中 不 善」指賢者。 可 0 若 0 善鈞」也。 不問 兩説皆出於賢者之謀,似皆 擇其衆者從之,此所 此 處 其人之賢否 如 譬如 識 得 「從衆」者,却就賢 ,其一説,或七 有善人十人, ,便有受用 而 徒 謂 處 例 從 從 其

善,衆之主也。

此正指賢者言之。

中 或 不振旅。 七年

日 振 旅。 不振旅 者,只是用兵不

勝。 此 是係天下盛衰,中國弱 則夷狄 盛

> 晉 人以 鍾儀囚諸軍府。 軍 府是藏軍實之府。 七年

凡獲俘囚

藏 於此 府。

楚子

重請

申、吕

以

爲

賞

田

七

年

躁

六鄉 云: 地之税,参分計税,王食其一也,二全人 曰: 「賞 田 賞 以 賞 地。」「凡頒賞地,参之一食。」注 賞 田 在遠郊之内,●屬六鄉焉。」「賞 田 制 任遠郊之地。」《 度, 在 周 禮 司 載 勳 師 之 掌 職

子重殺巫臣之族。 於賞之臣也。」

之明,今却如是。 楚共王前時 止 子反、重錮、巫臣 如是

0 此」,原作「皆」,據金華本改

2 例」下,金華本有「曰」字。

七年」,原脱,據金華本補。

内」,原作「地」,據《周禮· 司 勳 》鄭玄注

巫 請 使於吴。 七

巫 臣 初 止 欲 報 私 怨, 其後 楚 爲 吴

所 伐

通 吴於晉。 七年

吴自 此 漸

趙 莊 姬 瓣 趙 同 送趙 括

置 正 史記》所 見袴 盛,而《 晉趙 中 史記 載 莊 趙 姬 失 嬰已 影却 於傳聞 段,與《史記》所 云:「索於宫中,夫 死了,而 之差。是時 與 載不同 同、 晉 括 室

岸 等 同 賈 不 時 索 甚 死 莊 細 姬 考, 蓋 之所 太 所 史公理 以 生 只 子於公宫,亦恐不然。 據 會 傳 大 聞 處 之誤。 儘 好 只只 謂 屠 此

蓋 晉 官 中 自 有 紀 綱 ,亦不容得 如 此

以 其 田 與 祁 奚。

無 田 以 大 抵 與之,而乃以其田與祁奚。 有官 則有 田 趙 氏 之後無

故

贵 無 僻 王? 賴 前 哲以 免 也 八年

文、武之德以 言 三 代 亦 有 免。 邪 同 僻之子 括 雖 有 孫 罪 賴 亦 禹 湯

八

趙

衰、趙盾

之功勳

於

晉

或

唯 或 思 或 縱 也。

暴 放 擄 縱 者 而 思 不 0 整 謂 則恐説 頓 思 備 開 禦 啓 不 之謂 封 甚 疆 通 底 杜 人 氏 縱 縦 謂 其 我

君 後諸侯、是寡 君 不 得 事 君 也。 變將復之。

年

時 毅。 君 公請 命 士變 若 蓋 以 在 出 緩 味柔 向 或 使 師 在 則 則 懦 同 本 則 不 寮 無 對 則 可 所 中 魯 不 辱 争 如 之 能 或 此 辭 做 但 謙 故 又 事 遜 却 須 退 直 到 如 讓 味 致 此 聘 其 剛 將 嚴 魯

墓誌 與其 仲 狠 於利與禄 如 舒 時 友處 此 墓 亦 愛 誌 不 人盡 順若婦 学云 「君於義若 能 則畏 臨 己,不倦以 事 避 氣 會 退 女,何德之光。」《孔戡 鋭 如 嗜欲,勇不顧前 處如怯夫。」學者要 而 此 又 止 剛 韓 乃 昌 以 嚴 吏之方。 黎做《 , 哲 王

凡 諸 侯 嫁 女, 同 姓 媵 八年

當

百 姓 媵 凡 諸 侯 適 女方嫁, 庶 女皆

爲 媵

杞 逆叔 姬喪,請之也。 九年

此。 《左氏》曰「爲我也」,以其爲魯故也 杜 氏謂 魯强請之,恐當時未必是如

《左氏》之意自分明。

使税之。 九年

想 晉 亦 不 常常拘繁, 只晉侯來時 又

暫 囚之。

> **泠人也。** 九年

泠人, 樂官。 樂官多瞽者。 以

此

觀

之,亦不盡 是 瞽

先父之職官也。 九年

爲之。 其 云:「疇 其世 世 官,可分從其父學。」此可見古之世業 日 、他如卜筮、百工,莫不盡 「良冶之子學爲裘。」●先 世 世 蓋 相 古 相習,所 傳 人子弟分散。」如 者所以藝之得名於後 爲 疇。 以 律, 專精。 年 二十三傅 淳 如此。 史記 注 世者,以 自 : 《禮記 「家 曆 易 之疇 處。

楚囚,君子也。 九年

觀 其 應 答之間 便 有此 四 德 此 必 能

傅」,原作「傳」, 據《史記 曆書》集解改。

爲」下,原有「箕」,據金華本及《禮 記

成 事

尊 敏 也。 九年

敏是 明 達 知 禮 之謂

《詩》 日 雖 有 絲 麻, 無 棄 蒯 雖 有

姬、姜,無 棄蕉萃。」九年

守、況今莒是小國、尤不可不加守備 處 已自守備了,然其無要緊處,尚 所 以 引此詩意者,蓋謂大國雖 不 也。 可不 要 害

我 執 一人焉,何益 ? 十年

一人,猶言 獨 夫

鄭

子罕賂

以

襄鍾。

十年

古 人以 鍾 爲 重 器

壞大門及寢門而 人。 十年

門、 應門、寢門。

天子有五門。諸侯有

三門;曰

臯

公疾病,求醫於秦。 + 年

秦多良醫。 醫緩、醫和,皆是秦人。

> 攻之不可,達之不及。 + 年

攻 之以藥,達之以 針。 凡 針 灸

達 達 通 其 氣

使甸 人饋麥。十年

天子謂之甸師,諸侯謂 之甸人。

師》之職:「掌 帥 屬 而耕 耨 王 籍 以 時 \wedge 甸

之,共齊盛。」

饋人爲之。召桑田巫。 十年

饋 人是掌飲食之人,如天子之膳 夫

是也

忠爲 令德,非其 人猶 不 可。 + 年

甲,須 雖 家者,亦 爲 鄭君 如 伊 廢置之事,非 恐 尹 ,然其間亦非是盡純於鄭君,故 方 不 可。 能 免 今叔 嫌 是 疑 孫 之 大 申之謀,當 聖賢 迹。 譬 心 純 如 時 放 於 意 太 或

《左氏》所以如此説。

晉人止公。十年

蓋因八年「晉歸齊汶陽之田」,是以

疑公。

聲伯之母嫁于齊管于奚。十一年

齊管于奚,亦管仲之後。杜氏注「管何之世矣」。

不復見。」此恐杜氏偶考之不精耳。 氏之世祀也宜哉」云:「仲之後,於齊没

郤犫求婦於聲伯。聲伯奪施氏婦以與之。

十一年

當時聲伯不辭郤犫,何故?/想郤氏

指施氏婦之名以求於聲伯,聲伯不得不

之乎 奪 以 ? 與 此 不 段 然, 見 聲 郤 伯 氏 贵. 淫 不 處 能 以 無 婦

晉郤至與周争鄇田。王命劉康公、單襄公

訟諸晉。十一年

此見周室衰弱。

昔周克商,使諸侯撫封。十一年

内之地 建了 其 舊 7,到 而别封 撫 此 或有 蓋 必須 他人者,須重 新 因 再 王 其 封 即 舊 諸 位 而 侯 雖 封 以以 新整齊過 向 之者 各撫 來諸 或 侯 有 此 有 其 己 更 封 封

謂撫封。

若治其故,則王官之邑也。十一年●

世封之;外諸 之定制。 内諸 王 侯禄 官 然畿 邑 也 是 外諸 侯 内 畿 或 諸 内 侯 有 侯 采 嗣 或 不賢者, 地 也 有 累 ^ 此 世 王 亦 古 一賢者 制 必 是 > 别 先 謂 亦 王

賢者更封之。

宋華元合晉、楚之成。十一年

辭

節 晋、 兩 邊皆 楚向 衰 來 一一一一一 都 未 曾 公幼 有 合 ,楚共王弱 成 者。 到 所 此

● 「十一年」,原脱,據金華本補

蓋 時 以 合晉、楚之成也 宋是今南京,正 合 華元之意,只欲 成。 若 邊 强 居 息 時 南 列 , 北 必 或 兩 不 戦争之 間 如 此。 此 所 難 然當 以 耳。 欲

秦、晉爲成。十一年

謀其不協,而討不庭。十二年晉、楚之成。秦、晉之成,是秦先疑晉。秦、晉為成,此又別是一事,又不緣

不庭,是晉、楚之庭,恐非王庭。

郤至對子反。十二年

之禍 之情 夫 然文具 王 而 所 以 又 使其 以 自 以 爲 晉 郤 有宴享之禮,正 也。 治 無 腹 至 所 心 世宴享之禮與 相與 對子 起 至 0 於 段 以 反之辭 後世,徒 對 此先 誠、 説 最 相 王 所 備 亂 接 制 特武 以 有 世 以 知 禮之意 通 意 諸 和 先 夫以 諸 思 侯 王 侯 則 略 典 相 蓋 非 往 其 分 禮 先 争 來 武 徒

> 者,其 之意 奪 臨 又忘 得犫、錡二子,觀 所 蓋 古 以 當 事 不 多 如此 了 時 説 時 可 用 少費力,其視 做便 前日 去古 得 無 力 有理 9 豊 之言 難 到鄢 尚 然徒 可 近, 0 同 以 陵之戰 對 就 郤 恃 日 典 子反 \equiv 此 至 武 而 禮 郤 尚 知 語 夫, 行 之 中言 力欲 聞 無 哉 而 辭,深 則 得 事 弭 之, 亦 時 與 先 大抵 亂 末 説 楚 王之意 知 至 於 心戰, 郤 得易, 策 又勝 先 武 無 耳。 王 夫 形

百官承事,朝而不夕。十二年

夕 日 夕。 柳 左氏 故 子 ^ 厚 詩 傳 曰 **>** : ③ 古 曰 : 日 白 邦 者 官 君 日 承 諸 見 事 侯 日 朝 朝 莫 肯 暮 而 朝 見 不

厚」下,金華本有「論」字。

① 「分」,金華本作「紛」。

❷ 「不」,原重文,據金華本删。

儀 襄 亂 亦 夕 夕 不 子 出 ,子我 廢 爲 楚 是 朝 『夕,則 禮 名 子 室美, 夕。 暮 記 之留 也 不 日 兩 趙文子 廢 士茁 乾 : 郎 夕 谿 向 0 日 夕。 右 礱 瑣 晉 人 達 其 侯 而 尹 皆 拜 椽 將 夕 子 暮 張 殺 革 謂之夕郎 見 竪 又 夕 老 也 襄 日 夕 0 : 齊 叔 **^** 漢 智 之 朝 向

郤 孟 子 獻 無 子 基 。」十三年 禮 9 身 之幹 也 ; 敬 身之基 也

此是取牆以爲喻。無基,則承載事

不得。

劉

者 子 所 地 心 . П 之偏 以 焉 Ē. 定 此 得 命 者 民 是以 天地 也 耳 節當 受 天 之中 人有 則 然 子 地 非 於 之中 細 動 氣 是 物 看 作 外 以 之中 其 禮 來 生。」十三年 蓋 他 義 人者 萬 又 蓋 威 物 有 纔 天 儀 所 有 則 之 謂 地 目 得 則 之 則 偏 天

> 其實 自 究 此 名 然 必 而 盡 異 得 事。 最 禍 也 明 有 力, 端 有 分 段 重 則一般。 則 者 出 祀、戎。 凡 明 見 今成子 日 故 耳 此 後 順 得 取 能 只各 則 理 始 孔 禍 者 中 必 受 處 子 國之大事 不 養 聰 就 庸 周 脤 便是福 未 見有 之以 此 君 × 禮》一 於 有 出 理 子 ^ 社 貌 以 此 蓋 福 大 故 書,大率亦只此 小人 則 議 前 ·, 在 學 而 口 必 論 見 福 福 > 學問 祀與戎。」古 與 地 事 恭 者 不 此 位 説 實 常 皆 勤 百 分説 無 兼 取 常 順 是 異 自

晉侯使吕相絶秦。十三年

然 秦 向 誣 來 此 故先 蓋 辭 書 魏 自 大抵多 命 錡 數秦之罪 此 封 始 初 於 未 是誣 吕 左 嘗 氏 有 秦 後 書 故 不 世 此 秦 著 稱 檄 口 「爲令狐之役 實 吕 見 書蓋 者 相 風 俗 自 虚 之 此 言相 欲 變。 伐

言 造 預 侯 言 晉 見 分 睦 而 是穆之成」。 説 諸 於 朝 秦 許 《左氏》書法。 有 於晉」。 又 十分; 西。 過 侯 晉 不 召 秦賂,晉不與之, 是。 之朝,本 ,自是文公欲 狄 與 蓋記秦之曲 此 别 秦 楚,欲道 則 人 如 納 不 己 有十分恩於己 如秦有 晉 文公,乃 是 未 文之征 爲 圖 以 有一分恩 此 秦,而 只此 伯 伐 是 韓 晉 是 晉 之 曹、 數 是 諸諸 大 却 師 曲 端端 時 於人, 言「有 衛 功, 則 侯 秦 今 此 耳 作 今 晉 是 穆 而 本 却 大 是 以 雖 却 此

虞、夏、商、周之胤。十三年

所 或 樂記》:「武 有 氣 以 習 絶 欲 蓋 禮 存 當 而 古聖賢 不 時 樂典 嗣 最 王克商,未及下 重 章 必 之後 聖 待 常常 賢 繼 聖人出 者 之後。 而 了, 正 不 所 絶。 而 車 古 以 封 ·, 封 之 之。 存 故 黄 聖 其 其 帝 如 間 風

> 於陳。 之後 王 無聖人 史公識 一之後 於薊 出 下車而 得 所 一,所以 ,封帝堯之後於祝,封 此 以 意 如 故 封夏后之後於杞。」春 此 聖賢 詳 於《杞世家》之後 也 之後 少。 後 帝 世 舜 叙 之 惟 秋 聖 時 太 後

穆公即楚謀我。十三年

秦自殽之敗,復與楚爲成

白狄及君同州。十三年

秦都於雍。②西河郡有白胡。

昭告昊天上帝。十三年

諸 唯 侯 魯 告 賜 秦告上 天者。 天子禮樂,故得祭天, 帝,見秦之僭處。 秦告上帝,是秦 此 僭禮 當 外 未 時 嘗 諸 而 秦 有 侯

- ❶「時」,金華本作「是」。
- ② 「秦都於雍」,金華本作「同秦都雍」。

8

之僭自平王時。此皆是大事。

晉帥乘和。十三年

《詩》 是不 之屬 和。 相親 卒,士卒能 和 紂前 比 如 帥 處 0 君子所依,小 何見得 徒 如牧野之戰,同 是六軍元帥,「乘」 親附 倒戈、邲之戰彘子不 元 和處? 帥, 人所腓」,皆是 此 所以 心 蓋元 同 是其 見得 德 帥 退, 此 撫 餘 和 車 便是 恤 此皆 帥 處 士 乘 乘

師迓晉侯於新楚。十三年

地而還,此所以諸侯還迓晉侯也。 衆軍深入,只止在新楚以待,諸侯深入秦 當時晉侯到秦地,雖與戰,却不曾隨

左氏傳續說卷九

宋 品 祖 撰

成 公 下

定姜 不 内 酌飲。 四 年

古 人 有 喪 則 鄰 里 爲 糜粥 以 飲食之。

太子之不哀 故故 不 内

定公之喪,

想群

臣

設

酌

飲

於定姜,定姜以

華 元 日 : 我 爲 右 師, 君 臣 之 訓 師 所 司

也。」十五

此 見 右 師 之職 事。 蓋 右師是六卿之

長 也

魚 石 止華元。十五

> 懷之。 説 留 之族。 易 禍 易 見 强 而 得 事 在 遂 自 ,所以 以 元 自 終是 有 宋 始 向 好 不 華 爲 時 於此。 能 萬 戌 然 重 元 欲 則 方 望在 自 有 免 魚 亦 欲 奔。 難 魚 計 者 華 不妨,況當 石 出 不 人,又 要之,當 奔晉, 氏 能 元 較 用 魚 何 華 利害 世 不 知 魚 故 石 元 爲 向 反, 有 氏 ? 既 日 此 底意 之族 左 時 戊之賢 大 : 時 歸 則 見 蓋 師 桓 功於國 魚 國 或 得 大 故 遂 族 到 石 人必討 率 元 人 出 必能 雖 之言 後 此 畏 見 與 盛强 桓 故故 華 之。 來 桓 他 族 免 宋之 元 儘 國 桓 族 人 禍 始 則 自 此 氏 此 之

若 不 我 納 ,今將馳 矣。 + Ŧi.

子 至 騁 魚 元 逐 石 此 登 是 而從之,則元已決睢澨,閉 若 高 魚 不 府 而 納 望 知 我 之, 時 元 有 元 則元 不 必 納 己 疾 他 馳 馳 之意 矣。 而 門 去矣。」 故 登 至 陴 Ŧi.

民惡

其

上。

十五

去止 矣。 之,此 觀 元 初 只 間 且 使 盡 人止 他 之情, Ŧi. 大 大夫,後 虚 作 禮 來 數 又 岢 自

台 \equiv 部 害伯宗。 十五年

是

誠

意

犁 於 害 與 妻曰 上 子 華 朝 處 言諸 馬。」 何喜 楚。」 之語 諸 0 伯 久矣,難必及子。 而 宗, 不 《 國 看 大夫 了子貌 一得畢 實, 焉?』伯宗 爾爾 伯 大夫莫子若也,然而民 將 語》曰 宗 謂 主 聽 謀 陽。 有喜 言 我 學 之。」 而 智 陽 而 及樂弗忌 殺 「伯宗 日 ,何也?』曰:『吾言 似 無 處 日 子盍 之, : 深謀,是 陽子。」對日 : 父,便 『諾。』既 吾飲諸 畢 朝,以 亟索士 陽 以 之難,諸 是 難 實 所 喜 不 大夫 飲 整 及 :『陽子 送 以 能 歸 其 州 被 大 庇 其 戴 酒 身。 夫 於 犁 其 害 州 其 妻 而

己者。

是

上於人之長。

言

人皆

惡

勝

若 逞吾願,諸侯皆叛 以 逞。 十六 年

憂。 須諸 言 厲 公驕 侯盡 恣,若 叛 ,然後恐懼 止 是 鄭 修 叛 省 属 公必不

樂武 子 日 不可 以當 吾 世 而 失諸 侯。」十

六年

六年 司 馬 却 將 與 中軍,令尹將左,右尹子辛將右。 文子所見不同。 向 來 樂武子多從范文子之言,至此 蓋武子只是 虚 +

盟 將 軍 之任 伐 中 晉 軍 論 之謀 特 來令尹 何 地 故? 使子 皆出 當 將 反 於 蓋 自 當 子 中 任之。 軍,此 反 時 子 ,故子重以 反 戰 要之,此亦 爲 却 司 是 馬, 此 司 中 背 馬

0 所以被」,金華本

非 是好意。

德、刑、詳、義、禮、信。

詳是安詳。

民 生厚而德正。土 ·六年

此 正《 尚 一 正 德、 利 用、 厚 生

瀆齊盟,而食話言。十六年

便是背盟誓之言。

我偽逃楚,可以舒憂。十六年

厲公本無道,才勝得楚,心便驕。

是 未 勝楚時 猶 可 以 紛

武子曰: 「不可。」十六年

此只是争 時虚 氣。

范文子不欲戰。十六年

是中軍佐不欲戰,正 相反。

秦、狄、齊、楚皆彊。

邲之戰,是中軍佐欲戰。 鄢陵之戰

> 此 一句非是閑句,見得前時事勢。

六

楚晨壓晉軍 而 陳。

十六年

大抵 戦 時自有戰所, 多在平原曠

之地。

之地。

今

楚

特

地

臨

近晉

壨

使

無

列

陣

野

軍吏患之。 十六年

傷者,至 蓋軍 今亦 中 必 然。 有 軍 吏,所 然 軍 吏 以 亦 録 預 有 軍 功、 謀 紀 死 如

軍 東問 日」之類 是 也

范 匄 日 : 塞 井夷 竈,陳於軍 中, 而 疏 行

首。」十六年

范匄之策自是。只當時正是諸將 處

文子謂之:「童子何知焉。」大抵後 置未暇之時,匄想突然踴躍出説,所 生議 以 范

0 軍 中一, 原作「中軍」,據金華本及《左傳》成公十六年

乙。

330

壁以 既 行 論 在晉 首」者 請 ,才發得輕 爲 固 壘 戰 軍 以 道 凡 壨 待之。 前 軍 雖 蓋 布 屯 纔 理 陣 處 十六年 塞 是, 時 便 晉 井 立 軍 夷 溝 亦 竈 乃 壨 是 ,便是平 決 牆 未 開 壁 是。 溝 壘牆 今 地 楚 疏

此亦是一説。大率老將之謀多

持重。

郤至曰:「楚有六間。」十六年

既 由 勝楚後驕恣 發於至,故樂 郤 至 之所 勝 以 氏 亡,正 載 所 不 以忌之。 起。 在 於 此。 至 之死 蓋 此謀 皆

舊不必良。十六年

弱 皆 後 故 亩 漢 衛 不 良者。 更代。 時 1: 此 尚 是楚軍 響 如 畢罷 如《後 此 今舊 政不修。 遣 人既 漢 勸 志 以 不更代,必多有老 》謂「季冬之月, 蓋自來楚之王卒 農 桑」。 以此 見

請分良以擊其左右。十六年

凡用兵,先攻瑕,後攻堅。

南國城,射其元王,中厥目。十六年

東北 應 得 此辭。 生而侵 此是 ト解。 楚是 迫 至 南,故 南服,乃十一 未占 時 以此推之。 已有 月卦 此 辭,占 陽 此 是 自

消息之理。

詰朝,爾射,死藝。十六年

古之戰皆尚智謀。此一句見春秋去

與之兩矢。十六年

古未遠,猶不專

以

勇力

爲貴

由基自有矢,所以與之者,只欲此兩

矢中之。

有韎章之跗注。十六年

衛 行 首 此 是 衣 纁 戎 服 赤之衣 韎 ,亦遺制 以 茅 蒐 染 可 成色。 見 漢宿

不可以再辱國君。十六年

此 見 古 人有 禮 處。 雖 不 是本 或 之

君 7,亦不 敢辱之。

餘

修

陳,是整

頓行

陣,執盾者居

前

", 其

執干戈、弓矢之徒

义,又各

從

其

陣

列。

兵法: 五人爲

小列,二十五

人爲

大列,

欒鍼 重之麾也。」十六年 見子重之旌,請 日 :「楚人謂夫旌,子

楚 之俘 當時 囚 一,所以 晉軍 安得 識 得是子重之麾。 有 楚 人? 蓋 是所獲

請 攝 飲 焉。 十六年

飲 不 專是酒,看《周禮 · 漿人》可 見。

攝 ,持也。

日 而戰。十六年

楚晨壓晉 處便是。❶

夷 傷。 十六年

察 乘 夷傷 補 卒、秣 楚 前 命 軍 晉 馬 吏 不察。 利 補 兵, 卒乘、繕 晉皆與 蓋 晉 既勝後,無 甲兵,而 、楚同 惟 晉 夷 楚 亦 則 蒐 傷

可

修 陳 固列。十六年

> 穀陽 豎獻飲于子反。 十六年

動,使之不得深入也

列爲七十五人,便是五伍之法。

固

一列,不

氏

却之。 之。」此説却 云: 「子反渴 此飲却是酒。 陽穀 日 而 -求 非 飲 豎陽 Œ 酒 義 也 》載《吕 。』子反受而 穀 進 酒 子 春 秋》 飲 反

君其戒之! 正欲 循城濮例。 十六年

晉入楚軍,三日穀。

十六年

0 晉」下,金華本有「軍

0 「又」、金華本作「人」。

正」上、金華本有「三日」二字。

文子 恐厲公擔當不去

重 使 謂子反 日 初 隕 師 徒 而 亦聞 之

盍圖之?」十六年

以 孫 叔 敖 與 伍參事 論之,此皆 是子

重 不 好 處

戰 之日 齊 或 佐 高 無 咎 至 于 師 衛 侯 出 于

衛 ,公出于壞隤。 十六年

所 以 載 此 事 者, 可 以 見當 時 灓 書 待

諸 侯之師 不 至 只晉 師 獨 去。 故 後 來 楚

公子夜譖 郤 至 日 郤 至 實召 寡君 以 東

師 之未至 也 可 見

秋 會於沙 隨 謀 伐 鄭 也。 十六年

鄭 自 鄢 陵 之 敗 後 郤 堅 意 事 楚。 蓋

當 時 感 楚 王 之 傷 却 不 肯 叛 楚 也 直 到

鄭 伯 死 後 方從晉

郤 犫 爲 公族 大夫,以主 東諸 侯。 十六年

是伯主,諸 侯來多,所以使公族大

夫兼管。

取 貨 於宣伯。 十六 年

郤 犫 · 是當 時 大國 專權之臣,小國

侯皆一 可 結 托

七月

,公會

尹武

公及

諸

侯

伐

鄭

諸

侯

之

師

次 于 鄭西。 我 師 次 於 督 陽 知 武 子 以 諸 侯

之師 侵 陳 遂 侵 蔡。 諸 侯 遷 于 潁 鄭

六年

宵軍之,宋、齊、衛 皆失軍。 +

大 抵鄭 自 鄢 陵 敗後,全不肯 服晉。

333

蓋楚王爲鄭之故 傷 其目 ,所以深感他

師 逆 以 至。 十六年

魯師 在後 不敢 獨 進 一,所以 待 師 來

逆 而 後 進

知 武 子 以 諸 侯之師侵陳、蔡。 +

蓋 陳、 蔡是服楚者 所 以侵之。

子 臧反,曹伯 歸。 十六年

子臧之反,只爲曹社稷之故,不忍宗

之道 不 子 不 或 ·從國 則是 肯失身 臧之賢,又國 耳。 處 人之欲, 端 己 於篡弑 及既 或或 高 , 出 無 人所 反後,盡致 之朝。 或 則 乃 處、 是 處 願 不 之 立 或 然 當立 太 以 默 太子 其 潔 爲 或 邑 君 語 既 與 蓋 使 被 卿 子 當 子 君 終 弑 臧 臧 V. 子

魯之有季、孟,猶晉之有樂、范。十六年時,於《左傳》中必自有辭可見。

爲 之族,初 之族,初自樂枝 中 軍帥 此四家皆晉、魯之世家大族。 自 專主 士 蔿 晉 以 爲 來,未 政 司 後, 空 以 灓 甚 來 專 氏 權。 亦 始 未 盛 盛 至 范 灓 欒 氏 到 氏 書

得士會爲中軍佐,其政皆自己出,所以

始盛。

馬不食粟。十六年

文子之儉。 君之馬食粟,臣馬芻秣而已。此言

出僑如而盟。十六年

此。 盟時 載 和 夫 毋 爲 而 或 如 戒 此 盟 操 亦 如東門遂,殺 此 於國 是内大夫盟。 者 或 不是一般。 例 事 各 中 亦 如 是 而 自 嫪 盟 有 毐 例 者 嫡 例 立 如《襄二十三年》: 大率《春秋》内大夫 不 庶。 其 韋 ^ 他 史 者 此 記 内 籍 是 大 其 出 夫 門 秦 其 有 視 大 不

聲伯夢涉洹。十七年

聲伯夢涉洹一事,此見左氏好怪處。

其有焉。十七年

「其」是未定之辭。

豈有死之不恤,而受敵使乎? 十七年

爲 是 郤 厲 至計 此言 公 不 者 戰 明 亦有 時 處 楚 辭,何 子 然 問問 灓 郤 書 故 至 滅 ? 以弓之事 郤 蓋 至 灓 時 鍼 當 當 此 時 鄢

陵之戰 時 0 亦 致 飲 于子重 此 事 亦 口

説 世

君 盍 嘗 使 諸 周 而 察之? + 七 年

晉前 時 有 驪 姬 之 難 詛 無 畜群公子。

T 後 來 成 何 公 故 已 悼 立 公尚 自 在 有公族大夫 京 師? 想 掌 當 時 群 公子 須别

有 故

欒 書 使孫周見之。 十七 年

書 何 故 能 使得 他 出 見郤 至 ? 蓋 悼

公在 群公子中素有 民 望。 想 欒 書與 之亦

厚,所以能使之見至 也

與婦 人先殺,後使大夫殺。 + 七年

於圍 [内,以待君之發,故 凡 田 獵 時,以草爲 防。 君得先殺,大 虞人先 逐 夫 獸

正 次之。 射 時, 至北 周 兵 齊時, 來,即 此 欲去。 制尚 在 潘 妃曰 北齊 主 更 分射 當

韋 是 也

> 郤 至 奉豕,寺人孟張奪之。 十七

蓋得豕便是得雋

韓 厥 韓韓 厥 辭。 十七

召

晉樂 書 韓 中 厥 行 辭 偃 欒 葬 書 厲 此 公於 意 亦 翼 未 東門之外。 爲 全

+

八年

《左氏》特書「翼東門之外」, 此 見得

不入兆域。 如僖公三十三年鄭文夫

公子 瑕於鄶 城之類。

335

殺 國 佐 於内宫之朝。 十八年

或 佐 如 何 在 内 宫? 蓋 古 者 亦 自 有

宫 ,若漢之東朝

臣

見

小君

之禮

如如

夫子

見

南

子

是

也

内

棄命、專殺。 十八年

謂 國 佐從諸 侯圍鄭 ,以難請 而歸 此

0 原作「樂」,今據《春秋左傳 正

0

杞 桓 公來 朝 問 晉 故 公以 晉 君 語 之。

齊 侯 是 棄 反 或 命 弱 殺慶克 使 嗣 或 以 佐 穀 禮 叛 也 此 是 專殺 年

年

或 氏 是 天 子 命 卿 當 無 絶 其 嗣 天

子 有 守 一國、高 在 是 也

悼 公即 位 於 朝 始 命 百官 0 十八

年

時 事 悼 公即 亦 統 位 記 始 即 命 位 百 以 官 來 政 段 事 亦 如 此 不 專 是 須

參 或 語 > 段 看 見 得 氣 象 甚 好

大 國 無 厭 鄙 我 猶 憾。 十八

此 一句 連上文説 言楚 恶 魚 石 以 德

於 我 必必 責 報於 我 無 厭 雖 以 我 爲 湄 邑,

猶 以 爲 未 足 巾

葬

成

公,

書,

順

也

+

八年

收 吾 憎 以 如 費 楚 其 申 公 政 巫 十八 臣 之 年 類

以 塞 夷 庚。 + 八年

夷 庚, 當考地 理。 宋 約 魚 石 于 彭 城

彭

城

是徐州、宋是南京

相

去甚

近

侯 纔 做 此 見 得 得 好 悼 四 公即 方 諸 位 侯 諸諸 皆 侯皆説 相 聞 而 他

來

此

好

諸

意 亦 好 看

十八

年

季 傳 文 子 Z 問 當 時 師 魯 之數 數 賦 於 臧 不 白 武 口 乘 仲。 得 而 以 考。 此 知 然 魯 哀 本 公 有 八 千

年

會 於 虚村。 十八年

乘

,只隨

事

減

耳

0

此 是 會 諸 侯 借兵。

弑 來,未 襄 雖 仲 薨 僖 又 於 此 有 殺 公 路 句 以 薨 惡 寢 杜 善 及 於 終 氏 其 視。 小 者 注 後 寢 得 共 至 文公薨 隱 好 仲 成 作 桓 公薨、葬,始 蓋 皆 難 魯 見 関 於 自 弑 臺 公 隱 下 又 莊 公 而 見 公 以

+

得 禮

襄 公

楚公子申爲右司馬。二年

此 司 馬是令尹之貳者。 文公十年孟

諸之役,「 「復遂 爲右司馬」。 此 司 馬 又是

時 間 制 度。

孟 獻 子 曰:「寡君敢 不稽首?」三年

當時襄公方七歳,應對之辭 皆獻 子

代爲之。

晉侯謂羊舌赤曰:「必殺魏絳。」三年

是時 羊舌赤與晉 侯在内, 而魏 絳 適

自 外至。

以

請 歸 死 於 司 寇。

順 爲 武。

順 是 不亂 行之謂

公跣而出。三年 顔 師 古曰:「死者,尸也。」

前烹煮,即

取

他

死

人

與都

死

并

付

其

母

惠王傳》:

惠

王

幸

姬

陶

望

卿

自

殺

望

卿

死

即是「尸」,古書「

死

字

多

訓

春

秋及漢皆然。

前

漢

.

廣

]1]

蓋古人坐於席上,無屨。 唯 下 堂

則

有屨。

與之禮食。三年

燕禮 以 此皆公食大夫禮,與 酒 爲主 一,食禮 以食爲主。 燕禮 不 同

子罕善之如初。 六年

如「三年不反,然後收其田里」之類

齊侯 以滅萊。 六年

齊 侯自 五. 年 四 月 崖 萊, 至 年

月 始 滅 之。 以 此 考之,亦非 是 萊 專 恃 賂

於夙

沙

蓋

於 鄭 子 或 之來 聘 也

紀 故以 此 是 紀 件 事 大事記 之法。 其 蓋 年。 當 時 如 未 季 有 武 年 子 號 舉 口

沙 隨之會爲 魯君之生, 如 杞 桓 公卒之月

是 當 一年,經涉未遠,故以月言

叔 仲昭伯 爲隧 正,欲善季氏,請 城 費。 七年

當 時 季 氏 雖强,徒 役之人尚屬 隊人。

請 立 起 也 與 田 蘇 游 而 日 「好仁」。 七 年

至

後

作三

軍

時

党 遗復

有

尚

屬公室之意?

田 蘇 想 是 晉 或 敬 信 底 人。 蓋 言 既 與

賢 者 相 處 又爲 賢 者 所 推 許 此 人必 别

於 此 又 見 田 蘇 氣 象 亦 别

七

正 直 爲 正 一,正曲 一爲直。 七年

正 一、直 兩 字,與 、誠、信 兩字 相類。 誠

七年

參 和 爲

此

古人説仁字完備處。

惟參上

兩

件

即 是 誠 信 則 又與未信相對 在

> 方 是 仁。 韓 退 之之直 博愛之謂仁

不 免 有 未 備 處

使 韓 無忌災 掌公 族 大 夫。 七年

族 大夫之長 想 無 忌 如如 廢 疾 郤 亦 克 不 跛之類 甚 害 事 如 故 不 可 可 爲 用 公

時 當時 亦不教他代獻子爲

衡 而 委蛇必折。 七年

若 違 此言 理 時 無 人順理時 速改意 ,當徐緩安詳以行之。 ,亦徐緩以安之則不

可 0 此 E 説 孫文子 無 俊容

子駟 使 賊 夜弑 僖公,而以 瘧 疾 赴於 諸 侯。

子駟 弑僖公而悼公不能討,想恐鄭

從 楚耳

傳言 經所 以 不 書 弑 七年

赴告」,舊嘗以爲不然。 大 凡 杜 預 注《左 氏 近來看得亦有 及 正 經 多 從

所無 重。 謂 得 秋 半 史之例,而 然,若以 孔 知 如 灬,必不 亦只因 子 此, 然杜 次《春 赴 非 强 告 聖人之意 是 魯 預 加。 解 全不 秋》,「約 史約之以示萬 以 經 「從 魯史不從赴告 則 是, 固 謬 赴 矣。 其 只 不 告 知 如聖人作 辭 解 杜 也。 世。 文, 氏 魯 去其 太 止 史 若 亦 史公 識 則 無 魯 春 煩 史 魯 古 由

鄙我是欲。八年

此言楚貢賦重,與中國不同。如漢,

匈奴賦亦重。

武子賦《彤弓》。八年

氏》所載,引《詩》處多與《毛詩》合,以此范宣子之對,見得他敏處。觀《左

樂喜爲司城以爲政。九年知齊、韓《詩》未可盡據。

司城雖在右師之下,此言司城爲政,

天子命卿,而管仲雖非天子所命,齊國之蓋權在六卿之上。如齊有二卿國、高,皆

事皆主於仲,看此可見。

使西銀吾庀府守。●九年

不必作「武庫」説,兵徒守衛皆是。

祝宗用馬于四墉。九年

制 之有素。 欲忠,質文迭用。 皆是商 存前代之遺制,使後 ,何故存商之制? 此 恐是 制。 武 商 王 制,今不可考。 滅商 宋之火備,亦見平 人參酌用之耳。 蓋聖人之心,正 之後, 自 宋之官制 可盡 從 時 備 亦 欲 周

以 也 元 合禮 "貞,事之幹 ,體之長也; 利 物 足 也 亨, 以 和 嘉 體 之 義 仁 會 足 貞 以 也 古 長 ; 足 利 人 以 ,嘉德足 義 幹 之 和

■「府」,原作「武」,據《左傳》襄公九年改。

九

非 以 先 能 孔子作,恐不然。 爲《乾·文言》耳。 言? 此《乾》之《文言 蓋此言自 來 **>** 歐 如 相 公以此 授受, 此 説 孔 如 爲《文言 子 何 因 穆 取 姜

斬 行 栗。 九年

蓋 古時 道 一旁多 樹 栗 古 欲 爲戰 地 亦亦

欲 紛 擾 之。

晉 1 莊 子 士 是 爲 載 士 書。 師 如 九 何 年 做 書?

可 盟 屬 秋 官 則 盟 辭 亦 士之 職 也

盟

蓋

周

禮

公孫 舍 昭 大 神 要言 焉 若 可 改 也

或 亦 可 叛 也 引。」九年

當 改 有 異 時 盟 志 見 辭 前 晉 者 時 後 子 之 來 有 盟 展堅 却 如 辭 從 此 日 意 子 盟 : 欲 駟 從 唯 從 晉 晉 有 楚 命 勢 到 是 何 力 此 聽 故 馬品 却 脅 不 而 底 蓋 或

> 意 子 展 到 此 却 不 得 不 出 來 助子駟

不 是 相 反

會 於 柤 ,會吳子壽 夢 也 + 车

使 周 内 史 諸 選 侯 其 會吴于 族 嗣 納諸 柤 霍 會 吴 人 是 禮 春 也 秋 大 + 事

之國 滅之國 取 亦 其 是 : 偪 此 族 凡《左氏 陽 ,天子不欲滅 時 姓 亦 古 納 典 是禮 不當滅, 諸 禮 傳》中言 霍 如 也 人, 此。 其 然想見 亦謂之禮 問 禮 族 姓 日 也 故故 : 古者 非 晉 納 滅 是 之同 有 可 偪 徒 罪 乎 陽 發 當 ? 姓

獻 兆 於 定 姜。 十年

子 田 駟 焉 爲 + 田 往 往 洫 定 司 姜 氏、堵氏、侯氏 曉 T 所 以 必 獻 子 于 師 定 氏皆 姜

喪

亦

於是 子 孔 之 壞 而 爲 子 地 久 司 矣。 以 氏 司 駟 深 井 之 徒 爲 當 八 田 徒 蓋 尺 田 或 之制 十年 緣 皆 日 子 到 喪 司 洫 或 此 氏 白 田 爲 整 夫 之徒, 此 子駟 司 頓 有 見 馬 時 洫 欲 子 平. 得 所 再 時 井 以 耳 整 井, 侵 田 皆 爲 頓 之 占 喪 司 田 廣 制 舊 空, H 洫 洫

得

有家臣,如「子路以門人

爲臣」,如

次之,又與他 鄭 之官制 或 先 以 後 司 之 馬 爲首, 序 不 同。 司 空、 蓋 當 司 時 徒

諸侯之師還鄭而南。十年諸國官制各自別。

南近楚,北近晉。

十年 王 叔 不得 石 之 碏 有宰 昔 宰 使其 周 與 制 伯 宰」之類 四命賜官, 輿之大夫 到 春 秋 時 不爲 瑕 則 大 禽 方 夫 大夫時 坐 有家臣 亦 獄 有 於 大 宰, 王 則 庭。 夫 不 如

> 十三 皆 諸 周 輿 只 臣 夫人亦有家臣 之 卑 有 不 以管其 夫人之宰」。 遺 遵 年 屬 未至 制 守。 類,蓋 大 家 王, 王 夫, 四 到 事 室 命 屬 施 此 ,如《哀二十三年》「使 尚 此想是國君 所 孝 大 王 此 能 叔 夫 以 叔 見 守 不 則 有 不 得 在 是 非 得 宰 周 宰 臣 ·, 伯 有 制 賜者,所 亦 也 宰 都 輿 有 壞, 却 家 意 亦 無 以 求 臣 者 足 諸 ·, 伯 或 有 薦

季武子作三軍。十一年,

强 直 孟 欲 氏 盡 稍 無 弱 公室 所 以 只 使半 爲 臣。 季 氏

載 惡,獎王 書 日 : 室 10 + 凡 我 同 年 盟 救 災災 患 恤 禍 亂 同 好

- 「八」,原脱,據金華本及《周禮·匠人》補。
- ❷ 「亦」,金華本無。「臣」,原脱,據金華本補。

亳 之盟 辭 與戲之盟辭 不同,蓋 亳盟

辭 却 出 於公。

楚子囊乞旅于秦。 十一年

不謂之乞師者,蓋旅亦不多,五 百人

爲 旅

鄭 人使良霄、太宰石 臭 如如 楚。 + 一年

太宰 却 在 良 霄 F, 又見鄭 官 制 别 處。

大 抵 諸 侯 各自 不 同

于蕭 魚。 + 年

晉悼公自蕭 魚會後,雖不全弱,畢竟

驕 後來衛之 亂 不能討、伐秦又不肯濟

處皆 可 見。

鄭 人賂 晉 侯以 師悝、師 觸、師 蠲 歌 鍾二 肆。

+

氏之徒出奔宋,又與宋師茂、師 『以師 春 秋時,惟 性、師 鄭多以樂與人。 觸 師 蠲 與 晉 慧。 尉 如 氏、 亦足 蕭 司 魚

> 鄭 見當時已不喜古樂,皆喜鄭、 、衛之音所以爲邪聲時,亦緣 衛之音。 地 近 紅紂之 然

所都,染紂之習如此

秦 庶 長 鮑、庶長武。 + 年

此 自 是 秦 官制 直 到 始 皇 時 亦 有

此 官

范 十三年

宣 子讓。 若以 次第 論 來,士匄

既爲

中軍佐,今

合中 軍 帥

儀刑文王,萬邦作孚」。 十三年

意只在能法 則上。 古人引《詩》意

寬,看《詩》者當如 此。

謂之昏德。十三年

晉之衰世,便有 如 哀 年 晉 此樣 敗 事 鄭 出 趙 簡 子 争 功 緣

0 「如」,金華本作「知」。

范宣子數吴之不德也,以退吴人。十四年

吴之不 如 德 晉 惡吴,當 而 後 退 之? 不令 預 蓋 會 晉 可 霸 也 主 何 特 故 地 數

示此於衆人。

昔秦人迫逐乃祖吾離于瓜州。十四年

瓜州,今西夏外。

毋是翦棄。十四年

言不欲滅其族類。姜戎是堯四岳之

胄,或有居中國,或有居戎狄者,無令

翦削。

秦師不復。十四年

蓋殽之敗,匹馬隻輪無反者。

今官之師旅,無乃實有所闕。十四年

「官之師旅」,不敢指執政,只指在下

者言,如言「執事」之類。

棄其室而耕。十四年

如《魯語》:「文公欲弛孟文子之宅。

署。 敬 有罪去位 次。』』❷里人、 對 子 日 : 之宅。 惟 若 里 則 罪 人 對 司 當受舍於 所 也 徒 回 命 則 。 皆比 : 次。二 請 請 納 里 夫家 從 又 禄 宰 司 日 與 衆寡 徒 車 以 以 公 此 服 之吏, 班 欲 類 而 推 徙 弛 違

之,棄室則與庶民同矣。

蘧伯玉從近關出。十四年

蘧伯 伯 是行賞底時,却亦自近關 預亂,此人之所易。 玉 玉 此 好 須 連 處。 後 獻 蓋 初 公 歸 間 到 時 後 出 時 出 來 是 節看,方 ,如此方見 獻公歸 辟 禍,不 時 可 遽 見 乃

● 「署」,原作「四者」,據《國語·魯語上》改。

② 「徙」,原作「從」,據《國語·魯語上》改。

左傳》載 尹 公佗,與《 孟子》所 載 不

同 要之、《左氏》得其真、《孟 子》亦 據 傳

聞 耳

師 曠對晉侯。十四 年

師 曠 所對一段,乃《左傳》中一 一段大

綱 領

范宣 子假 羽毛於 齊 而 不 歸。 十四四 年

此 亦 見晉君臣 漸 不 如 蕭 魚 前

宋向 戌見 孟獻子,尤其 室。 十五

室美,是何故? 宋向 戌與 孟獻子相見之初,便責他 蓋賢者氣味相人,故一

有未盡處,便如舊交。 須 是 理 會得此意。

官師從單靖公逆王后于齊。 + Ŧi.

官 師 想是一司之長,如卜人以太卜

爲 長之類

楚公子午爲令尹。十五

公子午爲令尹一段,亦見楚官制

屈到爲莫敖。十五

楚君有「若敖」,後來君既爲 莫敖,所以名爲「敖」者,蓋楚人之祖 王,故其 臣 謂

之「莫敖」。

齊高厚之詩不類。十六年

詩便不 此見得齊 類 () 亦見 用 古 事 人 底人,意欲叛晉 風 俗 尚 純 處。 然 而 齊 歌

之所以 見偪 於大國、皆由 高 厚、 夙 沙 衛

之徒。

謂 崖 將 使豐氏 撫 有 耐 室。

元年

撫 有 兩 字,正 如《詩》所謂 門鳥 鳩 居

之」相似

韋 布几筵,告於莊、共之廟而來。 元年

《儀禮 • 士昏禮 》 只告 [禰廟 此 告莊

共之廟者,恐是大夫之禮。

其 敢愛豐氏 之桃。 元年

祧 即 祖 廟 必 遷 於祖 廟

楚公子圍設 服 離 衛 元年

宋吕祖

謙 撰

苟或知其後來有樂時,今雖

荷

或

知

之,雖憂何害?

元年

有憂,何

以

兩

人

相

對

爲

離

離

衛

如

離

坐離

<u>V</u>.

之離

五, ● 蓋

害? 以下文考之,杜注恐錯

禮 子羽謂 ,樂王鮒字而敬,子與子家持之,皆保世 子皮曰:「叔孫 絞而婉,宋左師 簡 而

之主也。」元年

345

此 壁 與 子 伯 羽言 知 猶 論 州 在 觀 一,子其 數 諸 犂 人 處易 争, 子 大 皆保世之主。 夫議 無憂乎?」 日 得明 一一個 論 王子 不 却 反 韋 文 然子 矣 設 自 君 不知 羽 服 티 : 却 自 段, 當 以 親

子與子家 持之。元

操 其 兩 可 都 無 口

0 立」,原作「坐」,據金華本及《禮 記 曲 禮上》改。

樂桓 子 相 趙文子、欲求貨于叔孫而爲之請

蓋 是 見 正 樂 卿 可 出 在 趙文子猶 桓 趙 會諸 子 文子此 左 是 右 侯,猶使嬖近之臣監臨者,亦 平 底 公嬖大夫,所以 段最 却 好。 以 爲 然 相 而 者 趙 樂 文子 何 王 故 鮒 以 不

得 有欠 處

良 臣 將 死 天命 不 祐。 元年

責 數曰:「或五六年,或四三年。」如 之夭,蘇子由《古史》却責 君德,此正 皆歸之大臣。 文子。❶ 良 臣 是 將 蓋 大 死,天 古者 臣 如《 職 大臣 命 事。 無 不 逸》戒 之職, 祐一, 霍光,皆此意。 凡君 此 成 之壽 保 醫 王 君 漢 和 周 夭,古 體 昭 所 帝 公 養 以

天有六氣,降 生五 味 元年

亦不出五、六兩字,如「六元」、「六氣」之 Ŧi. 一、六,天地之 數 ^ 素 問 部

0

「文」上,金華本有「趙

類皆 生 物 五,正 則 Ŧī. 語 而 前 蓋 是。 録 晦 是 今却 時 ___ 天 陰 段 雖 氣下降、 陽 是 亦 所 女本 六; 互. 用 好 相 處 是陰, 看 交 有 地 地 也。 不同, 之 氣 却 數 上 尋常天 爲 騰 六, 而六、五 陽 而 物。 如「 之數 今却 女, 之 先 陽 是 是 數

殺太宰伯 州 犂 · 于 郟 元 年

韋 所 殺 伯 何 州 犂 故? 亦王 子 蓋 伯 圍 州 之黨,而終爲王子 犂 亦智謀底人,

終必 忌 他

葬王 于郟,謂 之郟 敖。 元 年

君 時, 者名 耐 楚以 亦 之 曰「敖」者 也 未 成 君 者 亦 爲 敖 以 其弱 郟 敖 故 立 以 爲 未成 君 多

謂 陳 無 宇 非 卿 執諸 中都 二年

執 陳 無 宗,此 見 晉侯昏

屬 有 宗 桃之事 於 武 城 四

蓋 歲 田 乾 豆

子 産 作 丘 賦 四年

時 猶 斷 過 於後 故 未 須 貪 要 觀 來 時 子 必 做 間 産 初 此 做 作 間 然 雖 義 得 故 丘 其 是 不 論 似 子寬 賦 肯 所 暫 子 説 只只 毁 以 時 産 甚 日 鄉 如 做 一,只 緣 是。 : 校 此 得 子 作 緣 亦亦 時, 去, 産 然 在 法 沈 使 然終 便 緣 一旁邊 於凉, 煞要齊 子 不 他 寬 肯 是 恃 看 其 執 貽 得 如 才 整 之 來 政 弊 此 禍

偪 而 無 禮 几 年

易

分

明

偪 是 褊 偪 常常 放 不 下。

楚 沈 尹 射 奔 命於 夏汭 四 年.

奔 命 便 是 起兵。

豎 牛 欲 亂 其 室 而 有之。 四 年

> 豎 4 爲 亂 於 叔 孫氏, 只緣父子之情

不 相 通

孟 八之客。 四

有 北 婦 北 便是 人 指 齊 説 年 杜 注 以 爲

便是

公孫

明 恐見不 得

公與之環,使牛人示之。 四 年

内 則》曰: 古之幼者受人之賜,必獻之於尊者。 「婦或賜 之飲 食、 衣物,則 受

使三官書 之。 四 年

而獻諸

舅姑。」

可

見

此禮

伯 諸 官皆 之事 侯 此 與,又見得 段 卿 司 見 空 諸 口 兼 徒 侯 司 兼 \equiv 寇之 冢 卿 卿 幸 之 相 事 之 歸 制 事 處 0 此 天 雖 司 子 馬 事 兼 卿 宗 而

舍中軍。 五年

叔、 季有間 初 作 中 矣。 軍 ·, 孟 至 舍 氏 取 中 其 軍 半 , 焉 四分公室,季 为 固 是 比

遠 啓 以 時 孟 氏 擇二 彊 徇 爲 氏 公家 公 至 日 ,二子各 斂 此 可荷 也 己 處 與 父 有其備 叔 所 孫 沮 氏 盡 9 而 同 征 何 孟 矣。 故不 之 孫 而 亦 宜 可? 貢 不 夫 于 復 墮 克 成 之 己 則

當 强 此 駕 有 時 許 啓 段,以昭 卿 多 强 叔 雖 楚薳 無 向 兵 却 楚 軍 之言 賦 説 啓 王 三年 行 許 晉 彊 無 亦 觀 日 道 叔 多 長 不 之,晉室甚 賢 向 轂 苟 而 是 人, 九 對齊晏子言「戎馬 有 虚 虚 百、 其 須 而 説 備 遺 石 欺 要 是 守 室 之 何故 一識 衰 猶 四 亦 叔 千, 如 弱 不 不 向 是之 得。 可 啓 尚 至 不

> 駕 乃晉 子 衆多 自 都 正 爲 不 立 緣 歸 於 私 君 如 仍 如 計 公室。 偷 戎 此 魯 舊 皆 安 馬 之 戎 無 之前 避 不爲 四 馬 統 言 勞, 分 非 紀 公室計 公 盟 卿 是 所 知 室 君 會 無 以 戎 一,兵 之 軍 不 馬 漸 戎 出 行 賦 是 漸 馬 皆 故 君 至 見六軍 歸 如「范 之 於 戎 季 戎 晉 馬不 氏 各 文

故以配日。七年

以十甲配以十二辰,謂之配,此便是

孔成子夢康叔。七年天六地五之數。

宗 説 是 法行,故人常念其 祖 大 率 古 如 曹 人尊 夢 曹 祖 叔 祖 見 振 於夢 鐸 之類 寐 時 0 者 亦 亦 是 多

■「疆」,原作「疆」,據《左傳》昭公五年改。

間

其後

爲

戰

國

亦

只

是

私

諸

卿

皆

無

心

於公室。

若

是

韓

起、

叔

向

被

楚

人

辱,

則

其

私

起報讐,定是

楚不

可

當。

雖

車

乘

人

馬

0

鐸」

原作「擇」

據金華本改

彊

之言

以

襄三十一年魯

叔

孫

穆子言

晉

君失政、

大

夫多

貪

觀

之,

是

在

公

與

私

之

348

譬之如天,其有五材而將用之,力盡而敝

之。十一年

振 年 只 多 此 是 雨 便 不 是五 明 可 年 整 行 必 頓。 更 多 正 早 古 之 人 氣 言 類 盛 0 語 則 不不 易衰 如 此 口 自 若 復

戰國來,此等議論便斷絕。

五大不在邊,五細不在庭。十一年

此二句之解,注、疏雖多不同,亦可

看,然亦難考。

鄭丹在内。十一年

丹本不爲害,其意欲說棄疾,且相

帶他。

子産相鄭伯,辭於享。十二年

丙 寅 却言 《漢 葬 諸 長陵,皇太子、群臣皆反至太上皇 侯 書》:十二年 鄭 在 伯 喪 見 皆 得 稱 春 子。 四 秋 月 初 至此 高 制 祖 度 鄭 崩 到 簡 公 此 Ŧi. 未 月 漸

> 《惠 者,亦 蓋 廟 位。」至此 纔 帝 朝 此至太上皇廟,正如晉朝武宫相 在喪 紀》云:「五月 祖 方稱 廟,便是太子。 稱子之意。 帝 丙寅, 此皆古 然稱帝猶太子 太子即 制 尚 在 似。 處。

投壺。十二年

度壺, 乃從。 言 先讓 此 此 投 人奉矢,請 禮。 壶 淮 制 禮 固 賓,《左傳》晉侯是伯主,所以先之。 投 禮 請賓 却 《 禮 主人 簡 不 壺 記 不言 同 射 與射皆是樂賓。 | 載 記 賓 曰:「順 送矢,賓受矢,就 投 》與《左傳》不同,《記》主人 又大於投壺。 晉 投 至 壺。 壺 水 齊 之禮 却 投 蓋 賓 舉 爲 伯 固 本 人,比 先宴飲 者 辭 國 以二者論之, 以 古人宴時 筵。 主 澠水名,晉 統 投不 之,後 人固 天 司 下 射

首 勝 IE. 爵 飲 不 行, 0 勝 卒 然後 投 者 ら、主 命 遂 徹 酌 人 者 馬 亦 行 如之。 馬 觴 然 即 籌 然 後 也 後 正 爵 奏 徹 行 馬 貍

之後,遂行無算爵。

寡君中此,爲諸侯師。十二年

此句是説得不是。

與君代興。十二年

言與晉迭爲伯主。《左傳》載此處不

是閒事。

以齊侯出。十二年

蓋緣齊聞得伯瑕、穆子之言,恐晉君

别有勝處,所以做道理使齊侯出。

觀從僞人,以蔡公之命召子干、子從以蔡公之命召子干、子皙。十三年

觀

哲。蔡公何故不討觀從,後來觀從却與

衆奉 王 威令 蔡 公 可畏,棄疾 召 二子 而 恐事 盟 于 不成, 鄧 ? 故 蓋 見 當 之 時 而 靈

> 當 便 當 皆 離 正 赦 逃 子 從 僕 月 且 如 棄 此 ,譬如枯 革 觀 此 疾 時 人殺太子禄 看 -歌《祈 故 執 從 當 9 觀 朽之木,遇 蔡 時 從 事 招》之詩時 公亦 事 於楚時 勢 勢 己 見 乘 如 成。 得根 勢 楚王 何 風 做 便自 便 棄 本都 起。 後 倒 疾 亦 來 之意 改悔 不信 無,人 到 見 向 得 後 使 謂 亦 楚 心 來 必 蔡 未 皆 不 若 王 大 人

1

先除王宫。十三年

除是掃除。肅清宫闈以待新王之

人也。

速,且役病矣。」十三年陳、蔡欲爲名,故請爲武軍。蔡公曰:「欲

蓋當時楚王出在乾谿。觀從之徒正

從」,原作「起」,據金華本改。

^{● 「}奏」,原作「奉」,據金華本及《禮記·投壺》改。

是 乘 他 之虚 而入,豈容稽緩? 然此 不 獨

不 可 稽 緩,又民 力勞疲矣。

申亥求王 一,遇諸 棘 闡。

想是 時都 無人。

子若以君命賜之,其已。十三年 忿辭遂 以 叔 日 氣 向 君命賜之也。 味 却 叔 直 至於此。 與 向便是教他以一篋錦與羊舌鮒,却 如 叔 此説 向 不同,叔向 《左傳》書「未退 鮒,是何故?❶ 然兄弟之義,正當掩 亦是話 想見鮒平 而 不得,故 禁之 惡。

天子之老,請帥王 賦。2 十三年

句,見得鮒想是輕淺貪賄底人。

《曲禮》云:「五官之長曰伯,稱於諸

侯 日『天子之老』。」

明 王 之制。十三年

所 謂 明王之制」,皆是東 遷以

前

制

8

度,當考。❸ 東遷 以前 制 度作 一處, 東 遷

> 添 以 後 人 處 制 亦 度作一處。 多 然東遷前制度,後

畏 寡君 也,況其率道,其何敵之有? 十三年 有甲 車四千乘在,雖以無道行之,必可

故 衰弱 南 不似叔向平日言語,何故? 試爲 叔 常當時 向此一 寡君有甲車四千乘在」此數句,大 整頓,故其言 卿 舉最 帥 皆無 是 不 人肯出 所 得 以 己 出 來理會公室, 處。 此須看晉室 於 此 治兵邾 然其

辭 貢重者,甸 氣却不是尋常虚 服也。 氣 十三年 也。

卑而 凡 在 甸服者,雖有子、男之卑,其貢

亦重。

0 是」,原作「時」,據金華本改

0 帥」,原作「師」,據《左傳》昭公十三年改。

當考」上,金華本有「他日」二字。

尋常」下,金華本有「人」字。

行 理 之命 無無 月 不至。 十三年

蓋 鄭 在 南 北 之衝 諸 侯往 來者多矣。

使狄 人守之。十三年

狄人、《喪大記》所謂「狄人設階」之

狄人」,是樂吏之賤者。 《祭 統》 又曰:

閣,吏之賤者。」●若以《昭十七年》觀之,

又恐只是夷 狄。

請 從 君 惠 心於會。 十三年

子 服 惠 伯 初 間 要歸 後 來 却 須 待 會

諸 侯而 後 歸 何 故 ? 蓋 時 且 做 箇 模様

耳 其 (實却自 要歸

詰 姦慝。 十四四

詰 亦 是 搜索之意,不欲使姦宄之人

雜 在 良 民 中

禮 新 叙 舊 十四四 年

新 是 新用 之人。 不 以 新 用 之人 超 越

在

舊人上,如

此

則意

思均

平。

今之人多

加禮 於 新 者 前 棄 其

禄 勳 合 親 十四四

勳只 、是有 功者、未必盡是才能,但禄

之而 己。 合親 是古之大事 ず,其間 事

甚

年之喪,雖貴遂服。 十五 年

以 未 三年之喪。 識 諒 人,故《孟 段 葬 古 闇 春 纔 制 秋 三年 甚 杜 預 好 時 踰 謂諸 事 終 子》曰:「古之人皆然。」 古者三 年 推 又謂 制。 則 來 侯之制,凡 即 看 年之喪,自天子 葬 此 位 耳。 後 是 改 但 便 元 温 稱 見春 葬後 稱君 公《通 君 其 秋 即除服 時 鑑 間 此 達 此 制 於 論 亦 雖 正 不 但 是 謂 庶 有 中

352

忘 經 而 多言舉 典。 十五

春秋人才多知 大體。 且周 王能點 檢

0 「吏」,阮本《禮記注疏》作「守門」。

却 大 晉 向 處 大。 籍 點 更不 談 檢 大 之失非 出 知 抵 來 此 人 好 然 不 最 是,而 點 籍 害 檢 談 事 之失 人之 周 王之失 小 小, 失, 而 又 而 王 自 被 之 己 失 叔

宗周 既 滅。十六年

是周自東遷之後,已有滅亡之兆。

子 寧 以 他規我。十六年

此 段見子産失處

子 齹 賦《野有蔓草》。

相 如 其子代父爲 所 似 先 以 軫 在 他 非常禮 死 子産上者,蓋 繼父之官,年雖 事 子,晉侯 卿,不 也。 若尋常父死子代,即 降 即 子産 以 其 幼 其 班 感子 而 子且 次 居 ,使居己上。 六卿 皮之德,故 居將 之先。 中軍 班

太史 日 謂 在 Œ 月 此 朔 月 也 孟 + 夏 時 七 事 也 故故 却 引《夏

諸

卿

F

春

秋

此

例

甚

多。

宜矣。 至 蓋 秋 書 夏是純 影辰 此 時 , 却 日 尚用 故 不集 食 陽之月,其 不 季 事 是 此禮 秋 却 於房」事 他 事 引 示 則 所 錯 事 是 過 以 0 又重耳 Œ 秋 引 前 《夏書》所説, 月 分未冬至 證 云 事 孟 日 何 夏之禮 過 故 用 分 引 此 是 而 説 孟 禮 未 季

少昊爲鳥 師,而鳥名。 十七年

可 故 命官 堯 見 司 典》 曆 ,以天道爲 Ŧi. 鳩之官,與《曲 之官 以 羲 和 以 爲 小官 先 首。 故 爲之耳 後 伏 禮》五官合。 世 羲 以 以 0 司 人 觀 事 曆 周 爲 爲 古 禮 首 重 時

獲其 乘 舟餘皇。 十七年

0 也 華本作「前云『日過分而未至」,謂過 前 宜 過春分而未夏至尚用此 云 日 過 分 而 未至」至 一用此 禮 禮宜 則 過 春 秋分未冬至用 矣」二十二字, 分而未夏 至

乘 舟 是 君 舟。 稱「 乘」,如「乘 馬

之類

使隨人與後至者守之。十七年 此 是有隨國人在此,故使守之。 如

當時有赤、白狄人在,故使守之。《正義》 十三年,晉人執季孫,使狄人守之一 般。

云: 「是時有北狄在會,故使守之。」恐亦

不可知,以 「使隨· 人」一段觀之,則狄人守

之,即是夷狄之狄,不必作《禮記》「樂吏」

之狄

盈其隧炭。十七年

用炭 實於塹隧之間,以虞吴人之奪

舟故 也

陳 以待命。 十七年

陳 列 以待吴人來戰之命

裨 日 竈 「寶以保民也,子何愛焉?」十八年 欲 用 瓘 斝 禳 火,子産 不可。 子 太叔

> 節,衆人又却不如子太 叔

此見得子太叔不如子

産處。

到 後

吾不足以定遷矣。十八年

此 句杜氏注得極好。

使司寇出新客。十八年

蓋 司寇詰姦,且本是掌客之官,故

使之。

巡群屏攝。十八年

群是百神之位,屏是屏翰障蔽之所。

使府人、庫人各儆其事。 十八年

先宗廟了,然後及府庫財賄之事。

做司宫。十八年

不必從杜注作巷伯、寺人之官,即是

公宫之官。

出舊宫人。十八年

此見古人事事有法。 此是易得冷落底人,而意思却先到。

司馬、司寇列居火道。十八年

刑 之官防 火 作 閑 恐 之。 有 攘 稍 奪之人,故 有攘 奪 者 即即 使主 以 兵、 軍 法 主

制之。

鄅人藉稻。十八年

是親自看人收刈,言其國小無政。

從帑於邾。十八年

是從其妻帑於邾,如寘其帑於戚。

往者見周原伯魯焉。十八年

晉文公已伐原,何故周又有原? 原

是原莊公之後,以原爲氏。

大人患失而惑。十八年

學 其 與與 意。」若 杜 所 氏 學悖戾,人 今有 注 謂 是 曾 爲 患 便 學 有 底 以 學 爲 人,或至 而 學 失 無 道 益 者, 失 此 其 以 所 所 惑

於是乎下陵上替,能無亂乎? 十八年

謂

患

失

而

惑

九年

子産 蒐 纔 社 紀」,亦只是此 大會 鴻維 不 學,上下之分便 爲火故大爲社 學只是理會君臣、上下、父子、兄弟。 社 有 是一 一國之人,所 侯 社 鄉 事,不 一、有 之社。 一,乃簡 鄉 比後 亂 社 以 此 用 兵大蒐。十八年 人祗學文章。 如 是 侯 社 成 社 大 而 湯「肇脩人 蒐 是 或 社 ___ 國之 而 後

鄭

晉之邊吏讓鄭。十八年

蓋 授 兵不 鄭 授 獨 兵 在 登 或 陴,晉之邊 内 凡 邊鄙 吏 皆 何 有 故 備 便 故 知 ?

所以來責。

令尹子瑕城郟。十九年

大率楚之規模,常向外經營。今則

收拾向内,此所以見得楚衰。

晉問駟乞之立故,子產不待謀而對客。十

此一段見子産於衆人皇惑之中,獨

處 得 有 精 神 初 間 不 管 他 亦 是 駟 氏 族 强

難 制 及 晉 使 來 子 産 却 欲 存 鄭 或 體 面

請 龜 以 100 + 九

古 者 :諸 侯 藏 龜,家不 寶龜。 子産 以

禮 治 鄭 國 一,所以 行 古之制

施 舍 不倦 十九

是 施 惠 以 舍勞役,非 是兩 事 觀 施

已責」一句 可 見。

民 樂其 性。 + 九年

民 樂 其 性 ,此是古 語 如 饑 食渴 飲

耕 古者師 田 鑿 井, 出 不 皆 踰時,所 是安 其 性。 以養其性 司 馬 也。」古人 法 日 :

説性 贵 如 後 來 虚 無之論

非 撫 之也 + 九

侍 者 所 謂 息 民,特見

其

小

處

沈

尹

戌

却 見 得 大 處

伍 奢 對 E 一君 過多矣,何信 於讒?」

> 執 伍 奢 二十年

伍 奢 積 忿之久, 發言 太 粗

以以

激

王 之

怒。 太子 建 之逐奢,亦不 能 無 罪

王 召 奮 揚 奮 揚 奮 亦 揚使 是 會 城父人執己以至。 處 事 底 人, 可不忍太子, 二十年

先遣 他 走 固 是好 而 他 自 處 得 尤 好 使城

父執 Ē 以 往 此 己 是 減 楚王 半 · 怒。 然

而 楚 王 不 便 殺 他 前 却 好 去 召他, 是 何

故 ? 2 蓋 奮 揚是司 馬 ,兵權 却 在 他

齊 侯將 飲 酒 徧 賜 大夫。 苑何忌辭。二十年

齊 侯 時 爲子石宴, 如 晉侯食魏絳

般。 此 是公食大夫禮

琴 張 聞 宗 魯死 ,將往弔之。 二十年

宗 魯死 ,《胡氏 春秋》論 得是。

0 奮」 原作 奢 」,據 金華本改。

0 是」,原作「時」,據金華本改

王

公日 一子死 亡有命,余不忍其 韵。」二十年

往 食 到 來 公子 此 却 亦 夫元 與 自 而 前 公 憚 後 時 初 煩 歸 意 間 又不 其 思 與 愛子 不 夫人每 忍 同 其 何 之 訽 意 日 故 辱, 所 如 必 ? 此 適 蓋 其 華 以 元 氏 切 有 公

華 登奔吴。二十年

是

説

語 庸 而 戰。 未 》所載:「吴之與 嘗 華登之才,與伍 夫 有 伍 所 胥、華登簡 挫。」 則 越, 登 子胥 唯 吴 與 國 天 胥 相 所 之 似。 大 授 士 手 於 略 觀《 甲 亦 其 · 兵, 或 可 無

使 有司 寬政、毀關 ,去禁,薄斂,已責。 二十年

見

也

齊 侯便使 有司 寬政, 毀關,去禁,薄斂

齊

侯

欲

誅

祝固、史嚚,晏子一諫,

而

責 此 不 可 謂 不 從 諫 然 而 齊終 不 競 , 何

故 蓋 紀 綱 大 處 不 曾 改 得 雖 İ 下

> 事 做 得好時,亦竟不濟事

招 虞 人以 二十年

蓋 虞 相 去遠 不 可 以 語 言

故

特

揭弓 以 示之,使知所 召

守道 不如守官。 二十

事 若謂所守之道,則守官便是守道 此 所 謂 道,只是謂 常人 平常所做 原原 底

不 是 兩 般。

子猶 馳 而 造 焉。 二十

羹」 見 段, 得 嬖 極 人 論 取 到 媚 義 如 精 此。 處 晏子 大抵 謂 古 和 爲 如

學,精 粗 不 是 兩 事

出入,周 疏。 <u>一</u>十

此皆說樂之節 奏轉 换 處

若琴瑟之專一。二十年

如 史記)載鄒 忌論大弦、 小 弦之 類

是也

其次莫如猛。二十年

聖人不曾説「猛」,但説「嚴」,恐非夫

子之言。

子産,古之遺愛。三十年

《孔叢子》曰:「子産死,鄭人丈夫舍

玦珮,婦女舍珠瑱,巷哭三月,竽瑟不

作。」此類皆是。

晉士鞅來聘,叔孫爲政。季孫欲惡諸晉。二

十一年

魯不獨專是季孫執政、叔孫亦有執

好處。

政

時。

季

孫

不恤

|國

體

力却要

陷

叔

孫于不

加四牢焉,爲十一牢。二十一年

魯本是守禮之國,今則如此,則天下

與公謀逐華貙。二十一年大勢可知。此段最要看。

緣貙之黨盛,故謀。

0

不」上,金華本有「言」字。

其子與君同惡。二十一年

又怨靈王之殺其父,同惡相親,故東國於蓋平王既弒靈王,必怨靈王,而東國

楚平王爲相得也。

齊帥賤,其求不多。二十二年

不過略取些財物耳。●

王子朝、賓起有寵於景王。二十二年

劉獻公之庶子伯蚠事單穆公。二十二年

微 力。 此。 子朝、賓起有寵 此,似不可敵。 公。」伯盆既是 如 《左氏》先如此 次却 此 《左氏》叙王子朝事 然所助者正,故其後 説 劉 庶子,又爲家臣,其 然子朝之亂,全得伯 獻公之庶子伯 於景王」,見 叙 時,見 極 有 得 得 法。 終 他 盆 他 能 勢焰 事 初 言 微 單 間 盆 以 定 之 穆 王 雖 如 如

其 亂

荀 吴 使師 僞 糴。二十二年

僞 事 糴 上 荀 何 特 吴 故? 初間 地 做 出 蓋 伐 信 荀 鼓 來 吴 時 本 如 故 後 不 此 是 信 來 信, ''; 到 所 以 只 此 如 欲 間 此 就 却

之族 王子 以 朝 作亂。二十二年 因 舊官、 百工 之喪職秩者,與靈、景

大

凡

霸者之事

多

如

此

王子 朝之亂,與宋亂相似,只緣立太

子 不定。

盟 百 Ι. 於平宫。二十二年

古者工不與農 並 處 百百 工 自 是一 處

叔 孫 日 列 或 之卿,當 小 或 之 君 古 周 制

也

《左傳》如此等句,不是閒句,見得周

制 尚 在

士 伯 御 叔孫,從者四人。二十三年

> 行旅從,雖未盡有許多人,亦不止此 此 是特殺其徒從以辱之也。 古者 四 卿

而已。

二十三年

叔 孫 日 此 而 見 立 得 ,期焉。 不苟 底 意 思。 想 是必 欲 請

徒從 而 後 往 蓋當 時 都 與 他 放 散

T

其

范獻 子 求貨 於 叔 孫 二十三年

范 獻 子求 貨,此 全 無故家 子弟 氣 味。

韓宣子雖儒 弱 故家 風 味 猶 有 在 者

周之亡也,其三川震。 今西王之大臣亦震。

二十三年

南宫 極震,如 何 却 引 \equiv]]] 震 來 説 ?

蓋 大臣 與 Ш]1] 輕 重 般,是故 Ŧi. 岳 視

公,四 瀆視諸 侯

楚囊瓦 城郢。 沈尹戌曰:「子常必亡郢。」二

十三年

子 常城郢,何故沈尹戌謂之必亡?

城 子 郢 囊 一,然其 城 郢 何 規 故 模 謂之忠? 却 不 專 在 城 蓋 郢 子 上。 囊 雖 子 欲 常 要

是子囊之後,彼但習見其祖之規模欲城

郢,故爲令尹之初便去城郢。此只是學

得一事,大處却不曾學得。故其引《詩》

曰「毋念爾祖,聿修厥德」,正欲其法乃祖

之修德耳。

險其走集。二十三年

此是衝突處。

無亦監乎若敖、蚡冒至于武、文? 土不過

同。二十三年

此兩句最要看。見得東遷之前,都

皆是平王之後。

未

有

吞

并

土

地

者

到

得

滅

或

廣

地

之

風

晉士彌牟逆叔孫于箕。叔孫使梁其踁待于

門内。①二十四年

叔孫昭子却欲害晉臣,其計亦甚拙

但 矣。 時 蓋 間 昭 子 不 之意 肯 H 心 亦 就 明 死 知 耳 此 計 正 本 如 不 絳 濟 侯 事 使

家人持兵事相似。

晉侯使士景伯涖問周故。二十四年

《秋官·小司寇》「詢立君」,此是獄

官之職也。

君子貴其身而後能及人,是以有禮。二十

五年

身,乃所以 人者,正 此原 欲 出 自 自 人情 賤 貴 其身。 甚好。 其 身, 耐 蓋 不 人多 知 欲 鄙 自 薄 重 家 其 中

爲夫婦、外内,以經二物。二十五年

乾,陽物也,坤,陰物也。

爲父子、兄弟、姑姊、甥舅、昏媾、姻婭,以象

天明。二十五年

●「踁」,原作「踵」,據金華本及《左傳》昭公二十四年改。

父子、兄弟,父族也,姑姊、甥舅,母

族也, 昏媾、烟婭, 妻族也。

禮,上下之紀。二十五年

明此道,飲食上皆有工夫。後世都把做皆備。蓋春秋以前未有異端,人人皆講皆備。蓋春秋以前未有異端,人人皆講皆不之,一段,自治身、治國、治天下事自天子至庶人,只是君臣、父子。

閒事看了,所以都無工夫。

宋樂大心曰:「我不輸粟。」二十五年

然當時宋固可責,晉亦當自反。 此見得晉衰處。前時何敢如此?

文、武之世童謡。二十五年

童謡《鸜鵒》,此亦當時增益,不應得

如此親切。

公曰:「善哉!」二十六年

齊侯聞善言,非不感動,却不能

行

何故? 蓋資質柔弱,安於苟且,不肯自

説 恒 雖 日 可 勉,故聞晏子之言則曰:「吾今而 過了 未 弑 以 能用夫子 爲 君之地。 善哉。」當 便休。 國。 聞 ,若能 以此 齊 夫 時 終 陳 子 知學者聞 至 用 氏 君 於衰 晏子 亦 君、臣 未 微,則緣 亦未 甚强 臣 人善言,不 之言 ()使景 後 至 景公 於 知 陳 公 亦 禮

實踐履,終無益也。

君令而不違。二十六年

合天下之心,使人不違方得。● 命令雖自君出,須是當天下之公理,

父慈而教。二十六年

慈則須是教之以義方。若徒慈而不

能教,則姑息而已。

子孝而箴。二十六年

孝子之意,常在父母之身。故父母

●「得」,金華本作「可」。

有 過 ,便能於萌芽時獻箴,不待其著

夫 和 而 義。二十六年

反 受制 夫本 於 剛 婦 故 濟 不得謂 之以 和。 之和。 若柔 既 昧 和 暗 則 弱, 又

濟 之以

妻柔 而 IE 。二十六年

婦 人之質,本柔順,須是正。

姑 慈 而從。二十六年

婦 人有三從之義: 在家從父母,既

嫁 從 夫, 夫死從子。

婦 聽 前 婉。 二十六年

是 與 不是,皆當聽,不當問

左司 馬 沈 尹戌 帥 都君子以濟 師。二十 七

君子乃 是 士。尋常既爲 士 則 不 調調

發,惟吴、楚多有 此。 蓋 事 勢急則爲 士

亦從軍 如如 越 有 君子六千人」是 也

公子光告鱄設諸曰:「不索何獲?」二十七年

爲 論 善當力去做 他 蓋 遂謂「不 中 或 有「不 ,小人却借 索何 ·慮胡 獲」。 獲, 此 當 弗 論 初 爲 就 本 胡 不 説 成 君 好 之 子

E 説

季子雖至,不吾 廢也。二十 七年

人主之,則不 不管事,只缘季子是高潔底人,見國 敬信,他若 季子 内 要討時,其 爲 去理 或 人所 會。 力甚易。 敬 派服,外 爲 後 來 鄰 中有 所 或 以 所

子惡 曰:「令尹將必來辱,爲 惠已甚。」二十

七年

飲 他酒 此 已不已不 見郤宛爲人格低。 勝其喜,此所 以 郤宛 中 費 見令尹 無 極 來

計 而 不 自覺。

惡 無 取 極 賂 謂 令尹曰:「 而還。」二十 此 役也,吴可以得志。 七年

焉

蓋 見令尹好賂,故特説 子惡 取 賂

得《左氏》 令尹之意,必怒子惡 無 虚 辭。 又 不分賂於己 應 前 面 子子 常常 此 賄 見 而

信讒」處。

季氏之復,天救之也。二十七年

乃 非 本 公圍 魯 天 從 是公徒怒季子,●今公徒 昭 息其 之 季 欲 季 孫 敗、季氏之盛 氏 殺 贵 怒乎? 之。 初 間 非 今復 爲 天 昭 啓 孟 公伐 皆由 氏 開 得 望 保 叔 時 見 孫 全 於天 甚 却 叔 氏之心 自 亦 危,已被 孫 説 是 氏 天 甲,豈 ? 之 旌 救 言 昭

有十年之備。二十七年

未必有此,特張大言之耳。

事君如在國。二十七年

如獻糧食、幣帛、車馬之屬,依舊供

去。亦是他不得不如此。

訪於司馬叔游。二十八年

蓋叔游是當時賢者,如楚申叔豫

相似。

盈曰:「祁氏私有討,國何有焉?」二十八

守。 得 儋欲殺令,故詐縛 奴。」❷服虔 必告之君 田 儋從弟榮, 儋陽 大 陳 凡 爲 涉 家 而 日 縛 使 臣 後 一古古 其 祭弟 周 誅 卿 奴,從 奴以 市 之。 可 横 殺 略 自 当皆 謁 奴 少年之廷、欲謁 地 如 討 也。」以此看 婢 豪 北 田 但 ,皆當告官。 傑,宗 至 儋 不 狄,狄 傳 可 强 > 專 載 來, 殺 城 能

則春秋之時可知。

夫有尤物,足以移人。苟非德義,則必有

禍。二十八年❸

凡世間惟德義則無害。舍德義之

^{■「}子」,金華本作「氏」。

②「奴」,原作「吏」,據《漢書·田儋傳》改。

^{■「}八」,原作「七」,據金華本及《左傳》昭公二十八年改

者 身 事 害 澤兑,君子 外 ·之可 者 故故 蓋 古 則 易 則 儘 他 凡 説者多矣, 見 物 説 其 物 皆能 則 以 則 他 如 朋 儘 不 可 古 可 害 友 不 知 人 人 妨 説 講 加 有 。 • 習。」 只 惟 易 好 説 講 學字 且. 一夫兑? 朋 習 兑 聲 友 則 卦 色、 講 亦 説 是 貨 日 有 習 德 也 利 至 義 事 麗 天 喪 其

平公强使取之。二十八年

卒 愛 以 向 是 取 動 不 始 之 爲 愛人 口 所 巫 人,平公愛之 非 於 其 臣 平 敬 公 此 其 母 之女,而 不 其 信 以 强 意 雖 道 者 然使 不 叔 只 道 巾 在 肯 是 向 處 其 久 叔 我 取 要 叔 故 母 矣。 向 0 申 向 後 悦 以 沮 當 公 不 來 叔 且. 君 之,故 到 時 巫 肯順 博 向 滅 命 此 之所 女, 物 之 臨之, 族 見 從 心 喪 平公之意, 洽 何 叔 賴 君 聞 家 故 者 向 而 則 意 其 亦 意 足 惟 不 欲 能 禍 知 無 以 叔 此

> 能 意 君 命 不 易 帝 湖 大 不 坐 向 E 可 段 子 妻 陽 自 如 屏 動 日 則 不 : 闕 風 主 公 心 此 有 忘, 事 其 自 後 人情 日 主 於 處 此 方 見 不 糟 留留 : 意 此 新 且 因 \wedge 重 諧 焉。」 乎? 糠 禮 寡 宋 圖 謂 到 後 矣。」 則 必 之妻 記 公 之。 弘 此 不 漢 叔 正 帝 **>** 威 弘 遂 日 向 日 如 是 不 與 彼 後 容 從 日 + 宋 初 此 共 宋 下 弘 德 「私 : 而娶之,此 諺言 時 弘 全底 意 論 堂。」 被 器 弘 傳》 臣 惠 引 朝 荷 人。 惜 聞 群 不 臣 載 見, 貴易交, 帝 從 乎 貧 臣 歸 . 光 顧 亦 叔 賤 帝 莫 微 是 德 武 之 向 謂 令主 及 帝 緣 叔 觀 之 主 不 知 其 姊 叔 則 向

● 「凡」,金華本作「萬」。

分祁

氏

之田

以

爲

七縣

,分羊舌氏之田

以

爲

② 「是」下,金華本有「平公」二字。

二十八

以 魏 獻 子爲 政之時 觀 之,此 田 尚 歸

公室,後來 漸歸於私

遠不忘君。二十八年

常人在下僚時,去君甚遠,多不 與 同

休戚。 戊 雖在下僚,却不忘君,此人所

難 處

近 不 偪 同。二十八 年

蓋 成是正卿之子,其勢甚近,易得 陵

逼 同 列 0 他 雖 是 正 卿 之子,却 不 以 逼

同 列

居 利思義,在約思純。二十八年

此 是窮、達 對 説

有 守 心 而 無淫 行。 二十八年

常 人處 窮困 時,心 不 見 可

欲

",使心

亂 之中,易得摇 則 湯守。 動 至於正 却 有守心而 卿 之子 處富 無 淫行,此 貴 利 欲

> 其 所 難 能 也

鱄 引《詩》。二十八年

成

故? 成鱄 蓋 曰主之德也,近文德矣。 謂 魏子,却舉 文王 詩一段,何 近文德

如曰「於舜大功二十之一也」之意。

者,亦是文王盛德之中庶幾得一二耳。

心能制義日 度。二十八年

如《孟子》曰 |: | 權 然後 知 輕 重

德 正 應 和 日 莫。二十八年

然後

知

長

短。

物皆然,心爲甚。」

如「爲 政以德,譬如北辰,居其所而

衆星拱之」,須當以此看莫然清净之意。

勤 施 無私 日 類。二十八年

譬 如 春 雨 之降,不 擇 高下、遠近 燥

濕 故物各以 其 類 而 均 被 其 澤。

教 誨 不 倦 日 長 賞 慶 刑 威 日 君。

教 誨 不倦,此 爲 長 之道 賞慶刑 威,

Ŧi.

氏

此 爲 君 之道 0 ^ 書 **>** 日 : 作 之 君, 作

經 緯 天地曰文。三十八 年

之師

如 天 道 剛 地 道 柔,二者相錯 而 後

成 文。

叔 向 將飲酒。 二十 八年

弟子 算 無 古者飲燕之禮,既 俎 矣, 算 爵 之時 徹 爵。 鬷 何 俎 蔑 如下 也 此 既 既 所 從 徹俎 面 謂 收器 方 飲 們 謂 酒,正 命 者立於堂下 酢 叔 賓坐,乃羞 正禮 向 是 將 飲 徹俎之後無 既 酒 行之後, ? 是既 ,却行, 徹

退 朝 ,待于庭。二十八年

未退,故 退,惟二人待之於庭。 退,而待於魏子之庭。」恐未必是朝君 待 於庭,此 與之食。 是家 杜 氏 臣 魏 注 子 朝 : 大 欲 夫, 食,見 魏 子 衆 朝君 人 也 皆

> 古者畜龍,故 國 有豢 龍 氏、有 御 龍

九

以 此 見 而 古 龍 古者畜龍」一 人維 至,後 持 之 天下 時 如 ·之意 段 此 亦 而 要看 龍 不 至 古之時 亦 如 口

能 求 其 嗜 欲。 二十 九年

惟 其 好 龍 之故 之嗜 知 欲 之。 贵 得 古人作 而 知 ? 事 亦 只 無 法 件 可 事 傳

故 精

龍 雌死,潛醢以食夏后。二十九年

董 歸 之。 父養龍 此 劉累 見得 是無 止 劉 有 累便不如董父。 法 四 可 龍 傳。 龍 死 便無求處 董父龍多

官宿 其 (業。 <u>二</u> 十 九年

官 宿 其業, 是世 世 相 繼 安其 業 而

0

不

易

洁 棄 亦 社是 爲 稷,自商 土 神 以 稷 來祀之。二十 爲百穀之長,何 九年 故 言 自

夏以 不 可 上祀之? 凡 事 皆變易 以 欲 商 湯 新 既 民 克夏,欲 耳 目 0 遷 社 其 是 社 有

龍 能 平 水 土 故 易 不 得 周 棄 爲 稷 以 有

功于

水土

故

可

祀

之。

商

時

無

如

句

播 種 之功 故故 可 以 棄 而易。

遂 賦 晉 或 一鼓 鐵。 二十九

鼓,如令家出一 鼓。 杜 注 云: 一令晉

或 各 出 功力,共 鼓 石 爲 鐵。」 恐 亦 難 説

乙 曲 禮》 東 日 海 : 樂 浪 獻 人 米 呼 者 容十二 操 量 鼓 一斛 0 爲 鼓。」 與 叔 解

民 在 鼎 矣,何 以 尊 貴 ? 二十九

刑 法 既 在 鼎 而 不 在 人,國 人只看 鼎

上 刑 法 而 議 論 其 上 何 有 於 <u>F</u>

靈 王 之喪,我先大夫印 段 實往。三十年

> 三十 年

皆

往

舉

此

段

見見

得

天王有喪,天下諸侯

光又甚文。

盛 吴 中 本 或 是 至 荆 此 蠻 却 後 衰 來 當 通 是 E 時 或 , 如 而 吴 文 季 章 札 益

亦 口 見 是 文

吴 師 韋 弦 左司 馬 戌、右 司 馬稽 帥 師 救 弦,

及豫 章。 三十 年

必 北 非 實 今洪州 後移在江 有 豫 章 據 有 豫 也 兩 章。 南 豫章。 豫章 杜 預 0 云: 楚伐吴,及豫章 他 亦意其如 豫章當在淮 此,未 以 恐

367

難 若 之 艱 士 難 將 其 奔 身, 走 以 之。 險 三十 危 大人,而 年 有 名 章 徹

攻

之類 勇 而 是 無 此 也 所 正 是 畏 春 忌 他 秋 爲 所 末、戦 尚 以 殺 相 人以 或 誇以爲美名 有 求 此 名者,彼 風 俗 刺 以 如 客

此 苔 觀 名」。 論 鳥 此 口 存 見 以 此 力 胡 説 文 單 恐當 定 可 矣 公 時 謂 未 何 曾、 贵 必 察 有 以 此 人 弑 風 欲 君 俗 求 成 名 故 不 義 有 ?

故 能 日 使 : ^ 昭 春 明 秋 ,善人勸 之 稱 微 焉 淫 而 顯 人 懼 婉 :焉 而 辨 三十 上 年 之

爲 明 晉 此 以 白 文 殺 則 一、故其 當當 兀 能 春秋》之作 夫 使 可 時 而 E 辭 以 不 作, 知 之 所 刑 人 以 人。 其 則 當 微 爲 善 定 聖 假 惡 時 而 不 人 權 仁 顯 昭 如 欲 義 臣 明 此 婉 使 强 也 婉 而 是 且. 族 惟 晦 辨 非 如 在 春 齊 若 既 善 秋 桓 惡 口 如 只

之,則 其 非 知 也 其 惟《 所 以 春 譎 秋 **** 書 季 之, 氏 之强 則 知 當 其 所 時 以 不

> 之 不 昭 如 見 明 諸 也 行 故 事 深 孔 切 子 著 日 明 . 也 我) ∘ | ≪ 欲 春 載 秋 之空言 便是

天 子 日 : 天 降 禍 于 周 俾 我 兄 弟 並 有 亂

行

事

心。」三十二年

亂 靈 心 景 兄 之 弟, 族 是 皆 王 從 子 兄 朝 弟 與 靈 也 景 故 之 日 族 作 並 亂 有

士 彌 牟營, 成 周。 三十二年

之。 周 所 事 司 公,韓 之 謂 今晉 細 此 至 韓 魏 一段當 碎 簡 簡 城 舒 皆 子 子 是 成 召 如 臨 執 周 與《召誥 公 召 政 凡 理 公。 之尊 會 事 以 成 》參看 亦 爲 至 但 是 王 成 大 提 韓 城 命 綱 大 簡 成 則 魏 綱 周 子 近 周 舒 理 時 于 IE 會 有 總 凡 如

書 以 授 帥 三十二

之人

能

使《

春

秋》之法

昭

明

何

故

?

春

秋

》之作,其法便

自

昭

明,不

待上

之人使

僭。

此

之

謂

E

之人能

使

昭

明

不

是

上

敢

言

書

是 書 以上許多事件,各量其國 力大

周公亦是城成周,故其規模亦略相似。 乃朝,用書命庶殷侯甸男邦」采衛相似。 小以授之。正如《書·召誥》所謂「周公

懇惻體此意,故獨受之。子家子受賜,大夫皆受。三十二年

左 氏傳續說卷十一

宋 吕 祖 謙 撰

定 公

也 季 一元年 孫 曰:「子家子亟言於我,未嘗不中吾

魯 當 未 此 逐 見 得子家子 季氏之前 ,能用子家, 爲三家所敬 則 愛處 昭 公必 使

不 至 於 如 此

子家子不 見叔 孫 易幾 而 哭。 元 年

當 看子家當昭公不在時如此正直,泰山 群 臣 幾 臨 會會 哭之後,子家方哭。 也。 禮 朝 暮 臨 易幾 此 一段 者, 嚴 須 是

叔 見,而從君以 孫

巖之氣象。

請

見子家子。

子家子

辭

日

羈

未

得

出。」元年

子之爲 爲 細 雖是托 有意,何 見。」「君 命爲卿。 君,然後見 子弟,未曾 看。 古者繼世 辭以拒叔孫,而大義凛然。 卿,不知 故? 不命 而今君 於 而 爲 卿 大率 爲 薨, 是誰 卿。 大 不 卿 夫。 羈不敢 · 曾 君 時 故 命汝。子家子 命 命 子 當 方 我 見 家 時 見。」此 見 見 時 日 於 叔 汝時 便 孫 君 是 羈 成 則 此 見 須 以 句 未 子 子 於 成 最 得 君 尚

公衍、公爲實使 群 臣 不 得 事 君 元

年

所 説。 季孫要廢 以 説 子 此 家 二子 語 既 昭公之子而立公子宋,故説二 乃 時,蓋公衍、公爲 不 是 與 季 相 孫 見,所 當 時 欲 以 叔 達 是昭 孫 此 見子 説 公子, 家 他

子 之 罪 、欲使之不 得 7

子 家 子 日 一、一、若 立 君 則 有 卿 士 大 夫 與 守

龜 在 元

天 理 方 子 家 可 謂 不 7 可 君 以 事,須合人謀, 時 私 意 廢 7 又 昭 須 公 合

若 調 既 在 世 外 則 死 君 須 知 立 其 他 出 嫡 也 子 方得 而 未知其人 也。

元年

此 對 得 極 懇 切 謂 我 與 君 同 出 而

今 則 獨 則 吾 有 去 而 己, 未 知 其 可

也

從公者皆自 壞 隤 反。 元 年

想 當 時 子 家 未 對之前, 其間 亦 有 要

歸 魯者。 觀 子 家 謂 貌 而 出 者 X 口 也

大 義 則 亦 須 有 半人。

當

時

亦有

備

數

而

出

者。

若

不是子家

倡

此

生 不 能 事 死 又 離 之,以自 旌 也 元年

> 當 時 季 氏 只 要彰 昭公之惡,不 知 適

所 以 自 彰 其 罪

葬 昭 公於 墓 道 南 孔 子 溝 而 合 諸 墓 元

年

時 葬 昭 是 公於墓 改 其 墓 道 道 南 是自身 使 與與 群 在 公爲 一處,不 也 與 群

公通 也

鞏簡 公棄其子弟,而 好 用遠人。 元年

如 單 獻 公棄 親 用 羈 相 似 故

春

秋

多

重 族 姓

楚子 常 止 唐 成公、 蔡昭 侯。 三年

楚 昭 王 看 後 來 亦 是 賢 (君,何 故 爲

子

常 如 此 ? 此 是 權 柄 爲 子常 所 執 所 以 制

不 得。

將 長 ·蔡 于 衛。 四 年

今却 晉 特 自 欲 來 先 會 蔡? 盟 不 蓋 曾 晉 以 衰 蔡 先 不 衛 能 爲 何 蔡 故 伐 於

楚。 然蔡當 時 曾 遣 子 爲 質 以 伐 楚。 今

先蔡 奈 衰 何 者 處 楚 不 特 得 不 又 過 全 以 然 虚 不 禮 理 悦 亦 蔡 不 耳 得 此 故 見 所 晉 以

分魯公以大路、大族 四年

當 時 周公不之魯,故先賜 四 年 俗伯禽。

此

大

家。

《書》

日

:

暨

一厥臣

達

大家。」

又

日

世

禄

之

家,

鮮

克

由

禮。」

正

是

説

不

難

處

置

惟

是

大

族

乃

是

或

之望

呼

吸

響

應

易

得

生

事

此

周

公所

以

先

措置

分

分

散

在

此

兩

處

其

他

小

民

雖

有

頑

者

亦

於

衛

者

蓋

衛

去

王

都

相

近

此

周

公

所

以

氏之璜,封父之繁弱

後 來 陽 貨 盜 竊 寶 玉 、大弓, 便 是 此

此

事

物

殷 民 族 殷 殷 民 六 民 族, 七 族。 何 故 四 年 遷 於 魯? 殷 民

族, 治者也。 何故 遷 當 於 時 衛 約 爲天下逋 蓋 此 皆 逃主、 商 之大族 萃淵 藪 難

周 公分 殷 頑 民 便擇 最 難 化 者 遷 之 洛 邑,

大

家

强

族

頑

狠

弗

率

之徒

皆

聚

在

商

都

禽 而 教之。 周 公 自 又其 教 之。 次遷之於 其 次 便 衛 遷 前 之於 康 魯 叔 教之。 而 伯

遷

之於魯者

,蓋魯則又周

公之國。

遷之

帥 其 宗氏, 輯 其 分 族, 將其 類 醜 匹 年

使之職事于魯 之也。「將其 小宗之屬 帥 其宗 皆 類醜 氏 四 是。 者 」,是輿臺皂隸之屬。 謂 輯 同 其 宗者 分族」, 也 是 自 廣 高 以

七

供伯 禽之命 也

使之職

事

于

魯」者

,是殷之六族

祝 宗、 1 史。 四年

此四 官皆是王命而賜之,不得私立,所以 所 以 特 言 此 者, 古人只 理 會 神

重 其

備 物、典策。 四

其 節者 國家宫室、 ,便是備 如《周 禮 物 車 也。 旗 典 命》 衣 典 策 服 所 謂 ,便是策命 禮 儀 侯 皆 伯 以 七 命 七 爲

大 商 奄之民。 四年

當時 同 因商奄之民」者,商奄是紂之黨。 四 或 作亂,周公伐之,以分散其民

於魯

命 以《伯禽》。 四年

亦是古《書》篇名。 伯 禽》是 古《書》篇名。 孔子 所删 命 者,正 以《 唐

少 四年

如《唐誥》之類

雜 亦 通 帛 用。 爲 周 禮以此封 物。」通帛 《周禮 司常》云: 異姓,今以 便是大赤,大赤即 封 通帛 同姓,要之 爲 精 夜

> 之身。 面 也。 何故 雜帛 又説 便是少帛也。 旃 蓋 夜言旂之尾 精夜既是旃,下 ,旃言旂

封畛土略。 四年

土田 陪敦」,言其 封 畛 土略」,言其詳 略 也 也。 古文多 上云「分之 是 前 後

互見。

取於相土之東都,以會王之東蒐。 四

别都 也 相土,契之孫。其都南京,東都 東蒐者,只是東方之蒐 也 又是 杜

373

疆以周 索。 疆 以 戎索。 四

預

便謂

是

泰

Ш

一,然亦

未有考處。

疆 以 周 索, 如一周 人百畝 而徹」之類

是也。 「疆」是授田 於民。戎索者,如二

十而取一」之類也。

文之昭,武之穆。 四年

父爲昭,子爲穆;父爲穆,子

黄 之會 ,夫子語 我 九言。 四 年

言 徒 來 怙 自 身 後 後 所 有 事 作 有 以 來 舉 得 命 富 終是得力。 始 分 意 子 力 亂 九 黄 以 處 晉 當 言 猶 父之會, 産之言 禍 董 下 之漸 時 以 語 安 者 口 晉公室 爲 之。 于告 謂 死 定公十三年 未 故 「禮者,天 0 趙 告得 足,故 此 簡 此 趙 子 衰, 九 孟 可 親 太 子 言 六 再 見 叔 深 切 地 卿 請 趙 簡 却 日 有 之 之族 趙 於子太 孟 畢竟 是趙 子 經一 感 無 稷、涉 日 聞 於 始 强 : 簡 簡 子 太 段 亂 盛 叔 叔 晉 賓 子 子 太 之 之 後 E 叔 或 切 無 到 而

伍 員 爲 吴 行 人 以 謀 楚。 四 年

蓋 亦 是 行 人 報 伍 之官 楚 員 而 任 爲 ,在吴爲最大。 爲吴太宰以 一吴如 行 此 於吴,於此 何 故 却 如 只 申 可 做 見 公巫臣, 行 人?

伯

州

犂之

孫

嚭

謀

楚。

四

年

之於 胥 太宰 楚, 嚭 時 時 好 此 族 果 員 往 等 亦 相 亦 之害 到 如 外 往 處 嚭 見 知 伍 後 無 爲吴太宰 何 當當 見 出 否 其 員 太宰 緣 何 來 會 ? 他 皆皆 初 與 闔 子 會 故 見 盡 太 亦 細 是 蓋 敗 ? 廬 嚭 ? 宰 心 贵 既 報 以 深 伍 露 爲 蓋 彌 嚭 無 然 仇 謀 死 看 員 謀 太宰嚭 縫 見 之後 其 伍 楚 正 必必 於 初 不 破 父見 員 如 其 間 須 初 . 覺,故 他 四 爲 内 同 同 間 若 太 處 殺 X 吴 謀 心 宰 不 不 太太 行 伍 若 大 伐 戮 是 嚭 知 率 人 只 楚 員 力 宰 置 却 此 不 經 伍 以 事 嚭 遇 如 廬 反 營 然 謀 子 其 舜 如 死 此

374

舍舟 于 淮 汭 四 年

至 舍舟 舍 舟 時 于 已 淮 自 汭 度 者 過 1 蓋 , 吴 但 是 有 舟 舟 師 在 水 路 故

司馬戌所以「悉方城外以毁其舟」者,欲

吴無舟可歸。

史皇謂子常:「楚人惡子而好司馬,子必速

戰。」四年

私 謀 必 奔 之意 時 死 、欲子常毋 史 時 初間 楚之亡,只緣史皇之謀。 , 亦是私 只只 皇又要 之意 要忠 令司 其 心,爲 教 於 馬 私 他 子 固 獨克吴。 名而 必 常 易 死 而 是 己。 見。 不 何故? 知 後 史皇 到子常欲 皆 來 使 出 之 他 初 於 小

闔廬之弟夫概王。四年

「夫概王」三字,是後來追書,當時亦

不稱王。

楚瓦不仁,其臣莫有死志,先伐之,其卒必

奔。四年

卒。 臣 如 城 便是 濮 之戦 令尹 子 所 屬 玉爲 之臣,卒 令尹),以 却 若 是 敖之 臣 之

六卒將中軍,蓋是他家兵。

史皇以其乘廣死。四年

史皇非不是忠,只是不知大義,所謂

「自經於溝瀆」。

楚子取其妹季芈畀我以出。四年

未嫁之女,觀 夫之妻。 倉卒中只帶得季芈一人走出 而 正是史法,便見 以 妻君之妻; 大夫 班處宫」,正是《公羊》謂君 季芈畀我只一人,《左氏》書此一句, 蓋 子 後 女玉 面 得其 以妻鍾建便可見 帛 處大夫之宫,而 餘皆非 皆非 楚有 楚所有 處君之宫 蓋 季 * 是 妻大 楚君 故

左司馬戌及息而還。四年

其 猶 只 能 得 志 自 敗得吴師 息 到 時 此 還 子 常爲 見 于 然 得 雍 此 楚 令尹 澨 時 大 司 之勢 勢 然其 己 馬戌 已 敗 後所以 如 司 都 此 馬 不 至死 戌 得 前 戌 亦

以 能 能 尹 小 時 去 勸 戌 此 處 亦 論 大 亦 昭 · 而 有 是要子常 處 王 由 來,楚之亡, 不 理 去得子常 ·知大 蓋 會, 初 處,故 間 却 好。 勸 司 只 時 子 馬 在 所 然 常常 方得 戌 以 子 司 去費 亦 常 至 馬 與 此 戌 究竟。今不 手下扶 無 有 只 極 罪 當時 是 時 勸 若 得 沈

吴 子 句 卑 口 哉 日 : 「臣賤 一四年 可乎 1?: |司| 馬 回 : 我 實 失

仁,其 合 段 兩 门,見 邊看方見得。 臣 可 莫有死志,子常之臣却 得 哉」二字,是乃媿之之辭。 司 馬之臣 如 此 又 看 如 楚 此 瓦 看 須 此 不

句 卑 布 党,剄 而裹之。 四 年

刀鋸 皇甫 麟 此 李氏 吾不能自裁,卿 是 斷 司 吾世 吾 馬 首 令句 些, 理 卑殺 般 難 可 己, 降 梁 斷 服 主 吾首。」 如 不 謂 梁 可 皇 末 句 俟 甫 帝 卑 勝井 使 彼

> 恐 其 首 墜 地 故 先 展 其 裳 藉 地 而 後

剄 之。

動 無令名,非 知 也。 四年

當 時 風 俗,以報 仇爲 勇名,故 日 此 非

令名」。 正 與 前 面 齊豹事一 般

君若顧報 周 室 施 及 寡 四 年

蓋 吴 是 姬 姓 所 以 如 此 説

鑪 金 初宦 於 子 期 氏 實 與 隨 人要言 王 使

見者,便 是欲宦之。 《莊 子 • 讓

見

四年

篇日 楚 昭 王 使 屠 羊 説 見,「屠 羊 説

楚國 之法,必 有 重賞 大 功 而 後 得 見。

IE 是 此 意。

伍 員 日 : 「 我 必 復 楚國 四 年

子 胥 與 鄖 懷 俱 是 楚人,何 故 鄖 懷 報

0 失」,原作「夫」,據《左傳》定公四年改。

子 仇 義 絶 胥 則 其 0 日 若 父 「弑君」,子胥復 見 鄖 懷 殺 尚 便 在 出 事 奔 楚 吴 仇 則曰「義」? 故 則 自 於 有 楚 君 君 臣 臣 之 之 蓋

伍 我 員 必 與 復 申 楚國。」胥 包胥 友。 日 其亡也, : 勉之! 謂 申 子能復之, 包胥

分

也

我必能興之。」四年

才 然 觀 如 此 此 員 亦 與與 却 見 胥 使之在草莽 得 E 楚所 是 執友, 以亡 國安得不亡? 處 所 以 何 敢 故 如 ? 此 蓋 説 人

吴爲封豕、長蛇。四年

封豕,便是野猪。長蛇,正所謂巴蛇

吞象之蛇,皆能害人者也。

若 隣 於君 吴 疆 有 楚,則 場 之 與 患 秦 也 了游 四 年 正 説 秦、

楚

接

界

處便是武關路。

逮吴之未定。四年

蓋雖滅楚,而未定其地

秦伯使辭焉。四年

勢。 箇 單 使 秦 此 見 便 更 是 當 無 時 不 侍 肯 楚 衛 出 E 此 師 滅 所以 0 T 大 辭 申 抵 之 包 人 也 胥 情 又 多 是 是 看

改步改玉。五年

臣 之間 臣 此 行二 如《 其 或 行 是 步各 語 也 \approx 改玉 有 遲 改行」一 速先後 般。 如 蓋

陽虎欲逐仲梁懷。五年

事 昭 身 强 桓 正 公時 子 死 如 處 鄭 未 到 何 陽 幾 · E 然自 得 莊 其 虎 公收 平 而 如 是 欲 當時 子 此 陽 陽虎之徒 逐 既 拾 之速? 虎 仲 死 觀 祭仲、 便 梁 之後 之,季 敢 懷一 於 曼伯 出 蓋 逐 其 平 力 季 段 仲 子 害 向 平子 祝 自 梁 如 前 此 聃 懷 然 此 理 當 見 之 强 到 陪 會 時 囚 徒 此 此 逐 季 臣

其 事 亦 Ŧī. 是 子 初 IE. 祭 便 與 有 陽 仲 争 至 貨 於 立 祝 相 射 聃 類 當 王 之 時 中 徒 雖 肩 餘 是 者 毒 昭 流 及 公 禍 莊 懦 如 弱 公 此 之 既 故 過 死 其

子期將焚之。五年

中 有 無 用 此 火 是 時 火 攻 必 法 看 風 當 勢 看《孫 之 逆 子 順 茅 大 葦 率 軍

公叔文子老矣。六年

之。 周 今 平 請 有 口 公 所 姓 時 討 大 自 之 以言 觀 事 陳 大 時 此 或 主 率 恒 則 然 一事 者 之, 既 最 亦 雖 後 小必 告 相 是 告 其 言 見, 是國 老 睦 告 老 餘 得 而 觀 老 亦 便 之大 之,必 歸 魯 如 之 當 遷 遷 後 出 則 衛 諸 事 頑 言 不 如 是 衛 民 以公叔 之。 與 此 寡言 蓋 在 使 親 或 魯、衛 洛 康 睦 如 事 底 陽 叔 文 孔 是 子 主 到 子

> 齊 陽 典 此 却 刑 虎 侯 師 時 在 利 典 時 叔 此 惟 刑 文子 是 春 納 刑 却 御 其 齊 七年 季 公 因 以 大 宋 俱 事 秋 如 亦 雖 事 桓 小 此 所 時 日 如 事 是 子 見 君 忿 : 觀 此 最 以 先 ,公斂 老成 。」昭公之 晉 當 以 然 此 好 宋、 不 王 又 既 棄 時 觀 得 之 故 見 魯 説 人之言, 非 舊 文子 只 處 不 或 公叔 得 口 周 德 舊 有 父 出 惟 以 難 公、 或 之言 宋 經 御 不 來 文子 觀 有 亦 管 與 自 又 孟 可 康 宋、魯、 説 禮 日 仲 有 魯 是 壞 懿 0 叔 既 所 : 來 子 爲 晉 了 如 蓋 之 説 衛 以 歷 宋、 政之 文之後 春 衛 相 尚 將 見 昭 此 秋 公 宵 睦 得 \equiv 衛 有 正 後 之 皆 諸 之 典 公 此 或 如 軍

知 齊 必 此 殺 是 之, 陽 虎 所 欲 以 陷 宵 軍 季、 之也 孟 於 齊 師 其 意

不

待

有

司

七年

378

見 得 只是單 車

顔 高 奪 人 弱 弓。

顔 高 之弓,爲 人 傳 觀 至 齊 師 至

忙 取 人弱弓以 戦

宋 樂 祁 歸 卒于 太行 士鞅 日 宋 必 叛

不 如 止 其 户 以 求 成 焉 心八

衰, 如 此 吴 見 闔 晉 間 之 極 勢 衰 又 處 衰 當 楚子 時 天 西 下 只 大 能 勢 自 皆 守

而 己。 東、 西 一、南、 北 無 或 强

魯 於是始尚羔。 八年

魯 是 秉 禮之國, 而 不 知 禮 其 他 可

知 想是 自 昭 公失國 之後 方 如 此 凡 事

纔 經 + 餘 年 無 人接 續 自 然 失 其 本

是 事 而 受 此 盟 也 了八 王

孫

賈

趨

進

日

有

如

衛

君

其

敢

不

惟

禮

9

此 不 獨 是 告 晉 君 又 所 以 告之 於 神

明 如 戲 之 盟 襄 九 年。 公子 騑 趨 進 日

> 從 日 鄭 : 或 崔 嬰 而 慶 所 不 之 不 惟 盟 惟 有 忠 襄 禮 <u>-</u> 十 於君、利 與 强 Ŧi. 年。 可 社 以 晏 稷 庇 子 仰 民 者 有 天 嘆 是 如

上 帝 。二二者正 與 此 相 類

衛 侯 欲 叛晉,而 患諸 大夫。 八年

以 來 百 衛 餘 大 年 夫 9 何 衛 故 常 不 服 肯 晉 叛 , 人 晉 情 ? 安 蓋 習 自 以 文 此 公

難 叛

工 商 未 嘗 不 爲 患。 八年

商 工 商 口 無 此 其 見 土 害也 著,多一 古 者工 居 商 城 未 市 嘗 與 故 士農 或 有 雜 難 居 則 蓋

將 如 蒲 甫 八

受

所 陽 必 虎 郭 若 就 季 氏 之家害 之, 他 必 有 備

桓 子 咋 謂 林 楚。 八

以

出

乘

其

無

備

也

季 氏 當 時 全得林楚力。

右 師 : 喪 不 在 此 故 也 一九 年

不 舉樂 此 如如 句 所謂 見 得 隣 春 有 秋 喪,不巷歌」 時 喪 在 時 之類 同宗 必

鄭 駟 歂 殺 鄧 析。九年

當殺。 傳》愛惜人才忠厚之意。 事 而 節,孑然都 言《竿旄》 析亦當時才辨之士,擅立法令,亦 然既 用其《刑》, 無樂 取 其 善 樂善, 意 思。《静女》指 則不當殺。 ^ 列子》説 此須 看得《左 鄧 看 自 析 此

段當録

陽 虎 使焚萊門。 九年

此 ?是虎雖被圍,在窘迫中猶有計。

鮑 文子 諫齊侯。 九年

鮑 文子 以老成臣,所 以 諫。 如衛公

叔 文子 相 似

上下猶和 ,衆庶猶 睦 九年

此 「猶」字當看 魯雖微,猶 如 此

0

「竿」、《毛詩》作「干」。

親 富 不 親 仁。 九年

此 是 陽 虎 平日 所言 如 爲富不仁

之 類 是 也

齊

侯執陽虎,將東之。 齊欲 以陽虎歸 之魯 九年

鍥其軸、麻約而歸之。 九年

此只要使邑人不覺,誤其 用也

載葱靈,寢於其中而 逃。 九年

寢於 其 中,使 人不 見。 如 或 坐、 或

立 則人 或 有 知之者矣。

先登,求自門 出 九年

此 欲 獨 入開 其 城 門, 却 引 外 面 師 徒

入來。

猛笑曰:「吾從子如驂 之靳。」九年

此 見王猛 本非十分要争功,只且 以

此 試 東 郭

其 君 在 焉 九

亦 見 衛 靈 公有才能處

哲 幘 而 衣 貍 製。 九

何 故 不 便説東郭書名 姓 ? 蓋欲不

知 以示其公耳。

,兵之! 十年

見得 魯尚 自 有 備

齊 侯將享公,孔子謂梁丘 據。 十年

孔 子 何 故與 梁丘 據言? 他 是 近習

緣 當 時 攝 行 相 禮 ,所以與之言

佗 步 左右,皆至 言 其 分爲 左 而 立 右 一,如植。十年 兩邊,行步 都 相 似。

涉

蓋 他兵 教得熟,所 以 如 此,不是臨 時 使他

如 此

晉 人 殺 涉 佗。 十年

涉 佗倚 . 仗晉是大國,趙鞅是權臣,又

> 鞅 見 他 亦 使,所 不 教 他 以 如 盡 此 力 做 Œ 與 都 晁 無 錯 棋 酌 相 似 0 想 是

抵

趙

纔 是 倚 做 事 自 是 如 此

侯 犯 以 郈 叛 十年

須 看 初間都無此。 緣昭公出奔 後

魯國大變,都無紀綱,所以如此

公取 而 朱其 尾鬣 以與之。 十年

此 只是異 其 色,却要認

不得

魋 懼 將 走。 + 年

此 見 向 魋 初 間 尚 未 曾 + 分 恣 可 畏,自

此 後 却 方 難 制 以 此 知 小 人

横

寵 愛太過

子 爲 君禮。十年

蓋 古者待罪 必於 境, 君賜 環 則

賜 玦 則 去

武 叔 聘 于 齊,齊侯享之, 一三一子 叔孫! 若

使 郈 在 君之他竟,寡 人何 知 焉 ? 屬 與 敝 邑

際,故敢助君憂之。」十年

言爲 以 此 自 曾 武 不過 納 人 於 叔 魯 此 人情者,深爲可 人了 要以 齊。 是 都不受他之説。 齊 ,侯犯 侯以 虚 當 人 時 情 虚 侯 只獨 言 底言 犯 恥 示 出 出 以 武 奔 語示恩於魯, 奔耳。 此 叔。 時 知人只以 駟 蓋 齊 赤 郈 侯 便 本 虚 所 於 己 木

宋公母弟辰入于蕭以叛。十一年

是所 公子 如 大患 仲 亦入 佗之徒及樂大心湊合得成,所以 據之地 蕭 是 于 大 可畏,而 蕭 邑。 今年 莊 + 所 母 \equiv 謀 弟 年 事 之人 辰 宋 之 関 亂 公 亦 可 時 非 畏, 爲 獨 群

冬,及鄭平,始叛晉也。十一年

自 去 年 當 此 叛 時 今魯又與 ,晉之屬 或 鄭平,諸 皆不 屬 晉 侯 皆 如 無 衛 從 又

晉者。

滑羅殿。十二年

謂 前 日 之殿 殿」,此 今滑 殿 ? 者 羅 漢 \sim ,獨當其後,正 周 爲 時 殿 勃 殿之名尚 前 傳》謂 却 不 如 殿 在,至三國 退 先登者獨 注 於 列 云 此 却 軍 當 安 謂 後 得 其

之「斷後」。

叔孫氏墮郈。季氏墮費。十二年

此 則 子 事 路 又 魯 做 似 膧 不了 乎 郈 自 費 ,何故 專。 此 若 事 ? 孔 若 當細思之。 子 出 既 於 爲 仲 司 由 寇 之 而

齊侯、衛侯次于垂葭。十三年

此地正是西晉高平國,屬古兖州,在

今京東西路濟州。

齊侯皆斂諸大夫之軒。十三年

此只是要諸大夫用力耳。

趙孟怒,召午,而囚諸晉陽。十三年

邯鄲午之意,本亦是好意。 只緣趙

鞅不相信,所以疑他。大抵人不相信,不

可出力來任事。

三家未睦,可盡克也。十三年

去處 滅 勸 則 伐 伐 崔 之? 當 \equiv 杼 家 時 9 只 便 蓋 家 是 破 高 既 伐 崔 强 劫 晉 杼 只 公以 君 之 要 相 家, 伐 伐 似 他 范 家 之家 何 氏 破 故 中 則 高 行 自 如 强 氏 無 齊 却

范、中行氏雖信爲亂,安于則發之。十四年

曾 用 之意 其謀 當 初 何 安于只是請 謂 故 范 謂 中 安 行 于 氏 趙 則 之 孟 發之」? 亂 先 正是 爲 備 安 蓋 又 于 知 不

衛侯爲夫人南子召宋朝。十四年

迫

得

他

作

亂

所

以

歸

罪

於

他

故 衛 蓋 侯 淫 亂 所 流 以 蕩 召 之人, 宋 朝 而 舉 動 不 以 多 是 爲 如 怪 此 何

> 朝 以 是 自 自 去之,而 是 以 前 此 樣 爲 如 看來,前代忠 力諫 君 其 此 不 君 子 知 其 如 所 其 君 唐 聞 以 所 武 未 此語 要 臣義士, 好之非 必 通 思 見 天下之志 事 省 便 所 深 可 往往當昏亂之 蓋 疾 見 嬖寵 人 邪 之 惡 蓋 之失, 性 以 不 遠 情

太子三 顧 戲 陽 戲 速 陽 處 速 得 不 是。 進 0 + 四 年

晉人敗范、中行氏之師于潞,獲籍秦、高强。

十四年

曾 之非 容 叛 非 高高 統 於齊,遂 高 體 强 强 强 蓋 曉 本 知 遂 得 緣 奔 是 之, 伐 非 他 齊國 君 更 却 所 得 公議 不 至范 上 謂 知 卿 事 增 托 不 中行氏 益 與 緣 身 只 陳、 其 於 知 所 范 所 得 鮑 以 欲 不 挟 中 或 伐 能 事 君 行 君 人 者 氏 之 不 以

葬定公。雨,不克襄事。十五年以此知人因一事不是却只知得一事者,诚不濟事。

有備,此亦見魯之衰,皆無備矣。

古人不拘陰陽,若是大雨,亦須當

完公。雨,不克襄事。十五年

左氏傳續說卷十一

撰

只稱太子?

太子,既

葬

後

方

稱

君。

如

纔立必定。❶

然《左傳》于蒯聵何不稱

不争,則子輒可立。今蒯聵既在外,則郢

孫」是也。

至此則又難以此論。

若蒯

聵

國之亂。如無子則立孫、檀弓》「舍子立

宋吕祖謙

哀 公

十年之外,吴其爲沼 乎! 元年

越既爲吴俘虜,殘滅之餘,若不是二

十年,亦不能伐吴。

日之行,所欲必成。 元年

病出師,天子遣太官齎數十乘是也。 所欲必成,是水陸必備。 如漢 霍去

命 公子郢爲太子,君命也。二年

自立,則衛必不亂 衛侯命公子郢爲太子,若郢 郢徒潔一己,而不恤 當時 便

志父無罪。二年

上大夫受縣,下大夫受郡。 二年

古人以縣爲大,至秦以郡爲大。

《文帝紀》「九月,葬。

太子即

位是也

志父,趙簡子名。簡子既叛君之後,

太子曰:「吾救主于車。」三年 名聞于諸侯,至後來所以改名。

勇? 後來得王良在 蓋 衛太子 緣 他 救趙 初 不 孟,太子 經 ,所以膽氣便壯 歷, 見 何 鄭 初 師 衆 怯 便 而 自 後

0 「必」,金華本作「得」。

齊 衛 韋 戚 求 援 于 中 Ш 三年

此 見 夷 狄 甚 盛 至 戰 或 時 中 Ш

稱 王

南 敬 叔 至,命 出 御 書。

大夫漸 所 謂 顧 府 至。 」者,不過皆常人先至 敬 叔 時 亦是從夫 到

子 ,所以 其 來有 源 流 左氏 **>** 書 此 段

後

漸

蓋

當

截 伯 至 然 一,其 可 看 措 置 先是 又 如 敬 此。 叔 至 至 措 桓 置 子 至 如 。 命 此 景 傷

則止,此 是大臣 之言。 桓 子 雖 是 强

臣 此 言 猶 知 大 體 此 見 得 是 當 時 源 流

如 此

孔 日 : 「其桓 一、僖乎 ,! |=:

當 時 欲 以 此 推 重 聖 人,不 知 適

子 以 偶 爲 然 淺 説 耳 亦 未 此 可 説 知 是 0 附 ^ 會 左 氏 亦 》尚惑於 未 可 知 此 或 夫

周

殺

長

弘。

杜 注 云 終 違 天 之 禍 恐 不 如 此

弘 事 劉 是 忠 文公,故 臣 當 周 時 與 蓋 范 欲 氏 忠 於 可 周 見 室, 柳 觀 子 萇 子 厚 弘

弔萇弘文》:「 殺 身之 匪 子 戚 兮, 閔 周

之不定。」《莊子· 外 篇 謂 <u>m</u> 化 爲 碧

則 其 忠義 可知矣。

季 孫 有 疾 ,命正常日 : 無 死

猶 且 染 始 間 此 是秦有 想是: 此 此 風 俗, 大 變。 今魯是禮 義

襲 梁 及 霍 四

此 是 聲 東撃 西

司 馬 起 豐、析 與 狄戎,以臨 上雅 四

年

上 雒是今之唐

可 馬 致 邑,立宗焉。 四 年

所

諸 蠻 所 處 亦 不 非 有 宗 主 能 以

聚 其 部 落

鄭 駟 秦 富 而 侈 y,嬖大· 夫,而常陳 卿 之 車 服 於

國

其庭。五年

是 也。 等。 昭七 嬖 大 年,晉以 夫是特寵之名,若今之添 他 尚 未 鄭罕朔爲 至 大夫,今却常 嬖大夫,此 要 差 用 别 是

卿服。

大夫請祭諸郊。六年

何不在楚國内祭? 蓋祭諸郊便是

望祭,如「望於山川」是也。

三代命祀。六年

三代諸侯,天子命之祭則祭。

公會吴于鄫。吴來徵百牢。七年

盟 牢。 會 中 靈 夏 此見吴所 牢 E 是牛、羊、豕,共三百 尚 都 用 不 齊 用 以 桓之禮 先 不能 王 之 成 法,又 伯 禮至此都蕩盡 處 頭 不 蠻 如 謂 夷 之主 申 之 之 白

八年

晉文公初間要滅曹,何故不克? 今

宋滅

曹。

公山 國。」八年 宋何 孫 不 彊 故 不 狃 修政 便 曰 : 克克? 事 非 民 此 禮 亦 心 也。 易 是春 離 君子違,不 ,所以克之易。 秋之末,亦緣公 適 售

公山不狃雖是陪臣,尚有前人氣味,

有若與焉。八年

所以

夫子欲從

其

召

以 有之,但 衛 身, 古人耕射之事 今人皆不習之耳 有若未嘗以 皆習 此 爲 焉 恥 耕 以養 至 漢 (身,射 時 尚

多殺國士。八年

恐魯三百人自受其害。

齊侯使如吴請師,將以伐我,乃歸邾子。

之負 瑕 此是魯歸邾子。 今齊 來 伐魯 故故 蓋 魯所 向 來 以 邾 、 歸之。 曾 被 魯囚

囚諸樓臺,栫之以棘。八年

七四

從 來 有 此 故 事 與 秦 穆 姬 登 臺 履

鮑 牧 薪 又謂 事 相 群 似

牛 如 前 mi 觀 折 面 此 其 醉 公子 比 份 ___ 而 事 乎 往 日 ? 時 便 日 見 此 得 使 語 女有 鮑 女 亦 子 忘 不 馬千 是 是 君 箇 之 真 乘 狂 爲 出 乎? 率 於 孺 忠 子

鄭 齊 侯 武 義 使 子 公孟 賸 之嬖許 綽 辭 不 師 應 瑕求邑,請 于 得 美。 有 此 九 年 外 取, 許之。

誠

使

其

果

出

於

忠

誠

則

前

日

自

當

以

正

責

之,今日

措 要 此 白 又 見 來 看 却 齊 雖 齊 春 不 侯 無 侯 秋 如 道 舉 初 末 間 之 此 措 間 君 要 無 伐 觀 常 又 節 魯 此 有 全 是悼 事 甚 未 不 於 與 幾 成 此 前 而 公直 模 者 全 又 樣 辭 不 以 而 相 吴 國 此 其 似 師 家 最 舉

遇

水

適

火

九年

春 外 爲 秋 取 戲 末 1 前 所 時 如 以 士 鄭 如 大 武 此 夫 子 皆 之嬖 無 此 許 等 瑕 事 求 邑, 此 卷 許 是 其

宋 取 鄭 師 于 雍 丘 九 年

得 俘 便 人 只 是 留 皆 要 取 是 得 生 爲 兩 囚 奴 盡殺 僕 之 以 之也 爲 以 奴 郟 僕 「使 張 與 有 凡 鄭 能者 滅 羅 或 歸 無 之後 」,見 死

吴 城 邗 溝 通 江 一、淮 0 九 年

渭 此 通 在 自 路 高 江 淮 郵 江、 渭 故 軍 此 淮 自 涇 本 至 江 是東 人 一今尚 不 通 長 相 淮 安。 南漕 通 存 自 0 在 運 淮 吴欲 第 通 唐 汴 霸 時 件 中 自 漕 事 或 汴 運 此. 通 亦 却 是 路 溝

木、水、火、土是 此 是 ト家所謂 也 Ŧi. 兆 五 兆 所

謂

不 利 子 商。 九年

至 後 來所謂 筮 之家,姓有宫、 姓之有五音 商、 蓋 已見於 角 此

是 也

陽 貨 以 () 周 易》筮之,遇泰之需 九年

如 如 之辭者,有筮《易》而只用《易》中之辭 千乘三去,獲 論 秦伯伐晉,卜徒父筮之,遇《蠱》,曰: 泰卦六五 凡 筮有 兩 法 ,是《周易》 其雄 有筮《易》 狐 心此 单 之辭 是 而 統 自 也 家 有筮家 辭 也

吴子 使來做 師 伐 齊。 九

而 與 魯 蓋 和 齊 以 ,故吴之伐 魯 故 請 齊 師 7,所以 伐 魯 特 繼 地 而 教 却 魯 辭 吴 來

口

吴子三日哭于軍門之外。 十年

此 是吴要學 中 或 一霸 主 模 様。 中 或

風

俗 ,凡鄰國之喪,其禮 如 此

> 徐承帥 一舟師 ,將自海 入齊。 十年

此 是 海 道 其 路 境 自 今蘇 州 到

Ш 東

吴子使來 復 做 師 十年

見得 諸 侯 不 伐 喪之風 俗 尚

在

延州 來 季 子 日 : 我 姑 退, 務 德 而 安 民。」

+

等議 務 東坡《 論 甚 德 少,不 延 而 州 安 民。」 比 來季子贊》説 春 秋 亦 初 見 時 春 秋 得 末 是。 間 如 季 此 子

季孫使從於 朝。 +

尋 常 家 臣 不入公朝。 此是特 地

他 去。

五 日,右師從之。 + 年

幸而 此 戰,亦見得三 全得冉 此記得極好,見得 有在,且 一家到 暫 此 孟 主 皆自 氏精 張 起。 神 收 緩 拾 然季氏 散 不

七五

孟 之側 大抵一 得行。 於齊師 兩字。 未嘗 氏 或 武子、平子之徒必 所 有 以使人不 叔 不私 利 孫 家之盛衰、天下之治亂,只是聚散 人之聚散也,只在「公私」二字上。 至康子私得大淺隘,故所以至此 人以 未 氏 必己專之, 特其 來之前 所以不肯用 爲殿。 動時,亦 私 之意 不至此 + 然 緣 而 年 季 尚 平時只自私 力, 他 氏 一尚能 私得 人不 則其 自 文子 大 與。 敗形 割 在 捨 以 故 已見 處置 如 來 孟 凡 季

取 勃 之。 傳 殿 擊章 或 先 稱 邯 登 多 車 一, 賜 騎 殿 爵 殿。 之功 五. 大夫。 受上 賞。 攻 簡 如《周

陳 轅 阳 對 日 ·「懼先行。」十一年

之過 頗之所以至此者可見矣。 ,至於宗族 此 處 要 看。 皆知之, 蓋 轅 咺 是 而 轅 尚 頗之族。 不 敢説 則 頗

> 吴髮 短。 十一年

蓋吴之俗,斷髮文身

子胥屬 其子於鮑 氏。 +

季 之言。 孫命修守備。十一年 鞅 志 鞅 外倚諸 此 怨望。王宜早除之。」此説 子 史記 ,胥做 侯, 蓋. 0 得 伍 自 不 子胥 以 是 爲 處 傳 所 先君之謀臣,常 》説 以 可見 來 内 讒 不 滅 得 者

此 見季 康雖 無足取,在春秋末間 亦

尚 有 此

後

孔 之文也」一 此,所以 文子使疾 敏 而 觀 好學,不 此 疑 出其 方 句 其謂之「文」也 見《 分 耻 妻 論 明。 而 下問,是以 語 妻之。 蓋 单 當 + 時 孔 0 謂之文 文子 孔 文 年 子 子

行

事

如

則

日

:

也。」

何

以

謂

或淫于外州 + 年

言

其

亦

有

長

處

此見太叔疾又淫于外州,是禽獸行

之所爲。魯、衛是禮義之國,前時魯用人

于社,今衛又如此,則可知矣。

察不得聖人深,所以有欠精神處。真。大抵《左傳》載孔子事多失其實,蓋般,恐當時只是一事,《論語》所載爲得其般,恐當時只是一事,《論語》所載爲得其

宋、鄭之間有隙地焉。十二年

多有 皆是魯掌 古者名山 王官之城 此 地是王官 此 大澤不以封」是 地。 在 其間 所 至 掌。在 春 或有 秋 也。 末 春 王 尚 一官爲 秋 此皆是封 有 時 此 後者 列 地。 或

夏,公會單平公、晉定公、吴夫差于黄池。十

建之法

三年

黄池是今京西路。此是二國争伯

處,當時謂之「兩伯」云。

越子伐吴,爲二隧。十三年

當檢《國語》看方分明

太子曰:「戰而不克,將亡國。請待之。」彌

庸不可。十三年

此見得吴太子位望輕,人不服。

緣吴人理會不得這般去處。

越入吴。十三年

吴太子既被獲後,吴國又虚,何故越

强,所以未敢滅他。

不滅其

國?

蓋

吴國

雖

虚

其

、兵在

外

尚

七月,盟,吴、晉争先。十三年

緣當時宋之盟,晉、楚争先之後有此

襄乃先晉人。十三年故事,至此吴亦争之。

一七七

此《左氏》載得其真處。如《吴語》却

喜

而

Н.

爲

親

密

之

狀,

姑

與

之

謀

日

我

何

盡

説吴人先矣。

子服景伯謂太宰曰:「自襄以來,未之改

也。」十三年

蓋景伯出自襄。

爲子我臣,使公孫言己。十四年

公孫之言,乃是兩面看得底言語,此

最是用心不好處。大抵人須是分明説可

用不可用,不當用兩可之說。故陳豹所

以禍闞止者,正緣公孫如此。

子

我

日

:

何

害?

是其在我

也。」十四

年.

此亦不合欺他過了,如人云「不妨」

相似。

我盡逐陳氏,而立女。十四年

探 伺 闞 陳 豹 止 消 爲 子 息 我 臣 而 闞 此 止 正 乃 是 日 陳 氏 我 使 盡 他

陳氏,而立女。」故陳豹亦不以得其實爲

逐 遠 焉 於 ? 此 陳 氏 矣。 正 是 且 小人不 其 違 者 露 不 處 過 數

何以見魯、衛之士?十四年

可見魯、衛禮義之俗。

宋桓魋之寵害於公。十四年

宋桓魋亦不是箇大凶惡人,只緣景

公驕之,所以至此。

公使夫人驟請享焉,而將討之。十四年

使夫人請,所以示其不疑。

以魯之衆,加齊之半,可克也。十四年

「陳恒弑君」一段,恐記不出聖人之

意。《左氏》於孔門事記多失實,惟孔門

子」,此却 弟子 記 得 云「不告」,恐 其 真。 ^ 論 語 不 如 説 此 夫子 告二

孟洩將圉馬於成。十四年

逐

來

此見得三桓子孫微處。成是孟氏之

屬 邑,前後皆擾之,●至 洩却要處 之養 馬。

正 如 人 家 不 肖 子 弟 出 却 去 擾 他 私 屬

此 邑 一前 時 夫 子 曾 墮之, 不克。 此 口 見其

强 矣

成 人 奔 喪。 + 四 年

成 是 屬 邑,故 應 奔 喪。

孟 洩 弗 内 + 四 年

孟 洩 私 意 弗 内 所 以 致得 他 叛。

吴辭 陳 上 介。 十 五

此 見 吴 衰 處

於 是 乎 有 朝 聘 而 終,以 P 將事之禮。 十· 五. 年

以 尸 將 事之禮,自 古有之。

子 玉 日 然,吾受命矣,子使告 我弟。」十

Ŧi.

子 玉言 已受君之命了 , 汝 自 去 問 陳

成 子。

季 子曰:「 是公孫 也,求利焉而逃其 難 由

不然。」十五年

是 時 公孫在門内,子 路在門外, 識 得

般。 除 非 如 顔 閔 可 以 脱 此

是公孫

子

路

之

仕

衛

亦

如

冉

求

仕

於

魯

結 纓 而 死 十五 年

結

纓

而

死

是

以

正

而

斃

單 平公對 十六年

王 使

載 之者 此 一,亦見 是 王 一之辭 春秋之末 命 如 此 尚 有 此 左 辭 氏 命 傳 》所 以

子 西召白 一公勝。 十六年

當 心 公, 初 事 惟 見白公,不 甚不 了。 子 葉公知得 西若不 難 當 時 白 過 通前 若 公初間 他 知 欲 分明。 得 看 合 他 外 亦 楚 終始 面, 不 或 子 敢 之 畢 西 亦不 起兵,若 兵 緣 竟 以 不 把 見他 識 攻 他 兵 白 不 他

0 擾」,原作「優」,據金華本改。

符 在 手 方起 兵,如司 馬 置 一牙璋 是 也。 萬

雖 若 出 示 獻 ·是征 戰 備 帶得 伐 起兵, 幾人,想見兵亦不多。 則 人必必 疑 他 白

使 處 吴竟爲白 公。 十六年

自 此 上文皆是欲殺子 西以前時事

人在此 , 雙不遠矣。十六年

鄭

此 見其遷怒,便指子西爲仇,皆是凶

暴 處

焚 庫 弑 王。 十六年

當時白公若 使 如 此 終是 X 焰,人心

必不 歸。 然 葉公亦 難 克 畢 竟 費 力。 白

公所以 不 焚 庫 弑 王 只 是欲不受弑 王

若之何不胄? 十六年

左氏叙此段,見得國人愛之深。

或 寧 ,是待國安寧之後,方使寧爲令 或

寧

乃使寧

爲

令尹

,使寬爲

司

馬。

十六

尹 ,寬爲 司 馬

衛 侯 爲虎幄于藉圃 十七 年

虎 幄 是 以 虎 皮爲 幄 未 必是 畫 虎

爲 幄

吴子禦越 公 澤。 十七年

笠 澤 是 太湖,今蘇 州。

或 子 實執 齊 柄 十七年

此 是 陳 氏 用詐 術 巧處。 齊 國 柄

皆出 於陳 氏 或 子豊 得 而 與? 蓋 或

天子之貳守 ·, 田 氏 雖專 猶 挾舊族以 鎮 服

内 外 也

衛 侯 貞 10 七 年

衛 侯 見 胥 彌 赦 奔 宋之後,於心 不 能

其繇 無 疑 日 所 : 以 如 又 魚 1 竀 尾,衡 1 與 占 流 異 而 方羊裔焉。」 是用 龜

0 「六」,原作「四」,據《左傳》哀公十六年改。

皆是繇 辭。

公登城以望,見戎州。 十七年

時 戎狄錯 居中國。 如晉有諸戎以

依之,正如附庸一 般。 此戎正依衛,從前

如此,衛侯無道,一旦欲剪之。

齊 侯稽首、公拜。 齊人怒。十七年

齊人怒魯不稽首,●至此都 不知先 王

之制 度。

奪其兄 劖般邑。 十七年

春 秋 以 前,鄭 人要取 祊田,尚經涉許

多時,如此之難。 至此都不問兄弟之邑,

欲取 便取

三夷男女及楚 師 盟 于敖。 + 九年 0

夷 無 君 長 ,男女混,皆與

趙 孟 降于喪食。二十年

喪大記》:「君之喪,世子、大夫、公

子食粥,皆三日不食。 朝 溢米,暮一溢

> 食肉。」 米,食之無算。 「既葬 主人蔬 此 雖 是 食水飲,不食菜 臣 蔬食飲水, 爲 君 喪,其子之於父 食之無 果。 算。」 祥 而

亦然。

三年之喪,親暱之極也。二十年

此見尚有先王之制。 以 此看春秋之

時,非是不知有三年之喪。

唯 |其儒書。二十一年

此見魯秉周禮處。

越人以歸。二十二年

越 人 以其尸 歸。 蓋 生則 執俘馘,死

則 執 尸 以 歸

宋景曹卒。 二十三年

景 是謚 曹是 小州邾 之姓。 曹姓出 顓

- 「魯」,金華本作「公」。
- 「九」,原作「八」,據《左傳》哀公十九年改。

頊 之後

季 康 子使冉有弔。二十三年

士 大夫交政 故 事 大夫束脩之問 于 中 一國,政是春秋之時 不出境。今之 如此

有 不腆先人之産馬。二十三年

喪禮兼送葬,故用馬。

使求薦諸夫人之宰。二十三年

天子后之宰,即《周官》之内宰。 諸

侯之制 ,想亦如此。

軍 使令繕,●將進。二十四 年

凡是用兵,無所 不

使宗人釁夏獻禮。 宗人之辭 直。 魯 從前不 以妾爲 夫

對

日

「無之。」二十四年

人,雖成風,亦只是他子立之。 此 亦是先

王之遺澤厚處

公如越。二十四 年

見得魯衰處。

季孫使因太宰嚭而納賂焉。二十 四 年

太宰嚭是吴故臣 越 何故 不殺?

時 越 用 之反 間,所以不 殺 他。

褚師 聲子 韈 而 登席。 二十 Ŧi.

韈 有 制 度,當考。

公使優狡盟拳彌。二十 五

前 此 都 未曾 有俳 優 盟 大夫,辱

至此

亦甚。 如涉佗盟衛侯,此 欲以辱之。

拳彌曰:「晉無信。」二十五 年

此 衛侯昏處,皆不知爲他所給

越 納 衛侯。二十六年

此 是越 欲 圖 霸

大尹 興空澤之士千甲。 二十六年

名。 纔出兵,兵符皆在手,故所 此 興」字不是尋常字, 乃 是 以 調 調 發 發之 空

0

澤之兵。

内不聞獻之親。二十六年

子鮮、子展,皆獻公之弟。

將以子之命告寡君。二十七年

當時陳氏豈有君? 叛臣常假君爲

名,王莽之徒皆如此。

公患三桓之侈。二十七年

是時夫子之門人皆在,然哀公不能

晉荀瑶帥師圍鄭。悼公四年用其言,亦無益於亡。

《左氏》載此二段,專記智氏之亡。

國,文、武之典章法度掃地而盡。 至韓、趙、魏來分晉,便成戰國。一經戰

酅魁壘閉口而死。悼公四年

亦見智伯養死士,如豫讓吞炭,皆此

之類。此是春秋末漸入戰國氣象。

八二



左傳杜解補正

〔清〕顧炎武 撰

學

開

Ш

之祖

,舍亭林没有第二人」。

校點説明

《左傳杜解補正》三卷,顧炎武(一六一三—一

六八二)撰。

三大家。 事 湖 人,自署 迹 ,學者稱亭林先生,與王夫之、黄宗 見《清 炎武初 蔣 晚年卜 史列 Ш 名絳,字 傭, 傳 居 江 陝 儒 蘇 忠清, 西 林 崑 華 傳 Ш 陰,卒於山 明亡 下 人。 後改 以 其 名炎 西 義 家 曲 並 鄉 武 沃,生 有 稱 亭 清 字 寧 平 林 初

制、 學 志六經,精 音 風 韻 「影響了此 訓 炎武終身好學不倦,讀 邑掌故、 詁 之學 研 考證 都 天文儀 後二百年思 有 開 研 究, 象、 清 代樸學 尤 河 以 漕兵 書範 想界者極 經史見 風 農 韋 氣。 以 極 長。 大,所 及 廣 梁 經史 於國 啓 晚 以 超 年 百家 論 家 稱 則 典 清 其 篤

> 觿》、 是 杜 或 旁及經史子書 爲 這 删」等等,而用 杜《解》所 重杜解,又能彌 計多所發明,持論平 注 書摘 與 稱 種對杜《解》既 預 清 樂遜 疏 之《 儒 陸 此 「《解》鑿」,或言「《解》非」、「《解》不合」、「《解》可 句爲 通 粲《左 所 書是清代第 春 未 之《 沿 於杜《解》或駁 秋 目,對 備 用。 經傳 傳附注》、傅遜《左傳注 春 ,博稽詳考,參以已見,成《補 例 「改云」加以改正,且 縫 秋序 「補」又「正」的著述 加 其闕失」之論。 文字音義、名物 集 允,無怪乎四 補 解 部 義》今又不傳, 云二; 補 時 或 有 正杜 糾,或 對杜《解》之失誤穿 缺 失, 注之作。 通 引 制 庫 體 所 而 觀 度、 館 或究,於文 解 遂 賈 例, 補多於所 臣 全書,顧 曆 辯 以 逵、 有「炎武 著者 以後 誤》爲 象地 正》一書。 邵 服 寶《左 虔 氏 義 理 正。 主 直 等 於 之 對 甚 訓

之羹」,取之《爾雅 以下方面: 四 庫 作 提要》指 爲 清 代樸學 是掃除門户,廣泛取 出,「室 ×; 的 「車之有輔」,取之《吕覽 如 懸罄」, 種 重 要 取之《 著 述, 證 兼收 此 或 書 語 **₩**; 的 並 特 録 *****; 色 肉 有 田 謂 如

樸學 籍 於彌 名; 二是 成 年 武 據 成 麗了 九 以 五 禄 風 周 給 以《東 年》傳 成 其 的 證 年》傳 道 俗俗 如《隱 子」, 彭 極 不 元 縫《左傳》及杜 宣 宣 以 璠 が語 通》「兒 城王 少差 以 重 榭 榭 金 爲 注 坡志林》所 諸 瑕邑 前人的 石 爲 火,引 如《莊二十二年》傳 固 取 廟主」,取 元 》,「祝 義 資 侯 宣王 之《楚 未 墜地 年》傳 爲 料 康 用 可 吕 郇 舞 學術成果,充分運 六」,杜氏 如 之 證 其 量 能 瑕 謂 大 《解 伎事,明杜 辭 引《宋 廟 之《説 史 也, (之爲 開 莊 臨《考古 風 實 玉 》缺 目 公 榭 一千 係 氣。 篇 書 寤 引 視 萊蕪」,取 文》; 爲 注 失 桃 漢 者 生,驚 榭 • 「大司 一部 的 作「六六三十六 畝 置 林 如《宣十六年》傳 爲 注之非。 服 樂志》文帝 堂 在 同 在 》所 之 寤 石 虔 之 時,指 晉 河 姜氏」,引 馬 塞 之説 用 四 之《水 生」之 著録之《弁敦 制。 南 古 州 歷代 爲 [諫」,《 三是 鼓」, 正 當 另外, 説 經 學 取 元 以 T 爲 之 漢 古 注 開 嘉 人, 襄 者 其 取 河 如《 小等。 + 夏, 的 之王 此 清 應 他 爲 鄭 東 銘 典 代 炎 隱 + 考 書 五 劭 人 康

炎 武 病 逝 後,「 其 高 弟 吴 江 潘 耒收 其 遺 書 序

體

現

出

師

弟

間

的

學

術

傳

承。

《遺 書》本。 隆中 改,其 光五 解 稱: 書 行 之中,自以《亭 二十六年刊) 刊)、《指海》(道光二十年刊)、《式 刻)、《澤 書 道 公室」之「日」字, 而 》,《左 表》)。 不 補 行之」(有 書》本。 -葉《 至九年 正》於 僅 其《 義皆 補 由 考證 傳杜 古 經 左 遺 全 潘 此 長 詳 齋 是 傳 嘉道 書》列 即 耒 刊)、璜 祖 等 重 查 解 細 奉 手 杜 林 康 如 望《 一鈔》 補 比 叢 敕 間 無 定 解 遺 襄 熙 四 入軍 勘, 書 正》三 收 鮚 《借 干 補 川吴 + 間 書 庫 道 而 紛 埼 入《 礙 四 正 潘 》本 本 機 光三年 且 紛 亭 》等 一卷 庫 月 氏《 氏 年 作「四」, 四 應 還 處 爲 輯 集 列《 Ш 本 遂 顧 七 奏 庫 請 有 經 最 X 房彙 對 卷 氏 刊)、《 遺 初 潘 種 准 毋 學 全 善 ^ 該 堂 補 十 耒 庸 書 遺 書 抽 書 叢 鈔》 均 即 古居彙鈔》(正 ₩ + 本 刻 此 書 銷 毁 ×, 書 是 皇 係 文 實 毁。」《 印 人 本 》本 書 \approx 所 嘉 亭 清 辯 種 皆 的 的 的 目 其 道 據 例。 林 慶 之 的 經 正 源 編 附 亭 + 光 底 先 若 左 然 後 解 經 自《 定、 注 諸 + 干 道 $\stackrel{\cdot}{=}$ 本 傳 史 日 \times 林 生 該 能 乾 刊 分 更 光 杜 之 遺 年 道 年 即 遺 本 目 神

其補正文字所引經史舊籍,則均 校正《春秋經傳集解》(《四部備要》本)、《左傳附 刊本,更正若干誤處,均詳校記。 顧氏摘引《左傳》文字異於通行本者,概不出校。 修四庫全書》影印明萬曆十三年日,殖齋刻本)等。 注》(文淵閣《四庫全書》本)、《左傳注解辯誤》(《續 本)、阮刻《經解》本(簡稱經解本)爲校本,並參攷 書》本爲底本,以文淵閣《四 本次點校,以康熙間 潘氏遂初堂刊《亭林 庫全書》本(簡 覆按通行精校精 稱 四 遺 庫

校點者 吴明松

左傳杜解補正卷上

以鄙 《公》、《穀》不能 者,則别記之於書,而此不具也 之書不傳矣。 義、《左氏》不 氏遜本之爲《辨誤》一書。今多取之,參 百五十餘條,又陸氏粲有《左傳附注》,傅 服説,發杜氏 《北史》言周樂遜「著《春秋序義》,通賈、 見,名曰《補 違」。 能盡 吴之先達邵氏寶有《左觿》 盡 正》,凡三卷。若經文大 得 得 今杜氏單行,而賈、服 而啖、 而《公》、《穀》得之, 趙及宋儒得之 東吳顧

俗通》曰:「兒墮地能開目視者,爲寤生。」「寐寤而莊公已生。」恐無此事。應劭《風隱元年》:「莊公寤生,驚姜氏。」《解》:

《二年》:「莒人入向。」 「弔生不及哀。」 「未嘗君之羹。」《解》:「食而不啜羹。」 「不如早爲之所。」《解》: 《桓十六年》「城向」、《宣四年》「公及齊侯 也。 也。改云:「《爾雅》『肉謂之羹』。」 平莒及郯,莒人不肯,公伐莒取向」、《 縣東南有向城。」非 改云:「言及今制之。」 言: ①「今沂州西南一百里有向 於《宣四 一十年》「仲孫 解》中見之,謂既葬除 改云:「不當既封反哭之時。」 年》 解 速 曰:「向, 莒邑。 杜氏 會莒人,盟於 也。 主短 喪,諒闇 解》:「譙國 「使得其所宜。」 于 喪之説,每 欽《 向 東海 三年。 一,杜 城 齊 鎮。 龍亢 承 乘 非 縣 氏 於 襄 非

^{■「}于」,原作「於」,據《元史》卷三十二及《四庫全書

陽 也 東 几 之懷遠 見 南 則 先 於 白 以 爲 經 城 攝 九遠 或 乎 而 遠 杜 後 大 惟 疑 氏 并 或 也。」按: 解 於 之 沂 爲二 間 苔 州 之向 耳 地 而 0 ^ ,然其 或 春 城 龍 屬 秋》向 近 亢 苔, 之。 在 實 之名 今 或 ____ 向 鳳 屬

三年》: 於粉 切 菜 蘋 蘩 也 蕰 。」毛晃 藻之菜。」 日 : 「温 ^ 亦 玉 水 篇 草。 ***** 蕰

十而致事,自稱曰老夫。」《四年》:「老夫耄矣。」《曲禮》:「大夫七

Ŧi. 移 年 解 在 ***** * E 年 邢 曲 衛 或 沃 在 莊 人逆公子晉 廣 伯 平. 以 襄 鄭 或 人、 縣 於那」之下 邢 按 伐 此 翼 解 宜

使曼伯 公不 元,疑 殺 曼 立 伯 即 與 而 厲 剪鄭 子 杜 取 公之字。 元 以 櫟 莊 潛 爲 公 軍 非 别 城 軍 是 《昭 也。 櫟 其 而 後。」 蓋 人,厲 + 真 莊公在 子元 年 公因 無 **>** 申 解 時 之 使 無 即 以 昭 宇 子

> 耳。 伯 以 屈 又資之以 王 櫟 師 覆 則 合三 爲 故 爲 以 固 昭 厲 子 敗 即 巖 事 公守 公 元 戎、 厲 邑,能 觀 於 之 公一 桓 之, 櫟 邑, 出 Ŧi. 者 奔 無 人, 可 年 也 如 之 篡 以 子 重 後 或 而 知 元 九 耳 乎 或 厲 請 年 取 之 稱 公之才 之特 爲二 公子 蒲 名 夷 或 拒 突 略 請 五日 稱 以 字 敗 之 爲 曼 而

諸侯用六。」《 必 以 太常 同。 几 兩 東坡志林》引《宋書 八 人,豈 者 以 爲 五 賜 傅 年, 襄 三十 減 八 + 人 隆 魏 其二 復 給 爲 六 以 絳 成 彭 年晉 爲 人, 列 列 此 樂? 城 解》曰 非 爾 樂 **^** 自 王 悼 左傳 是 以 天 義 公 服 若 • 「六六三十六人。」 子 八人爲列之證。」 》 諸 康 納 樂志》:「文帝元嘉 虔 舞 如 至 舞 鄭 注 所 預言,至 士 伎 侯用六』,杜 女樂二八, 以 ^ 左 三十六人。 降 節 傳 殺 士 **>** 音 以 與 止 兩 預 隆 有 故

言是也。

未及國。」 辭。 按 此 非 解 人情,改 ***** 忿公知 云: 「使者 而 故 問 未 責 知 公 窮

之聞人郛

, 諱之, 不以實告。」

叔父有憾於寡 稱同 事 通 子,惠公之弟,故曰叔父。」杜《解》:「諸侯 • 稱 之辭,當 姓大夫,長曰伯父,少曰叔父。」 吾 願 與 伯 移 人。」 父圖 在《莊十三年》「上大夫之 之」之下。 按:「僖伯,孝公之 此 乃

七年》: 其 二年所城之楚丘。 日 「在濟 「戎 伐 陰成 凡 伯于楚丘以歸。」 武縣 西南」,則 解 **>** 日 衛 是也,春秋 地 非 此 非 也 僖

時

爲

曹

地

誤 氏按: 傳文云 也。」朱子 諸 言諸 鄭 侯 康 侯 日 成 以 以 駮 字 字 許 爲 以字爲 爲 叔 謚 氏 重 因 氏 今作謚 五. 以 如如 經 爲 異 族。 鄭之國 者 義 引 傳 氏 寫 此 陸

命以字爲展氏」是也。 本子國之後,駟氏本子駟之後。」下云「公

「立桓公而討寫氏,有死者。」 射潁考叔者。」 之類 傳言 弑 之人, 君之 0 進 蓋 罪 退 加 微 無 者 據。」 寫氏,而 佯爲 爾 不知,而 改云: 如 復不 司 言言 使軍 馬 能 解 昭 正法誅之, 非 士詛 》:「欲以 族 有名 之。 成 位 濟

^

南有地名千畝」,非也。穆侯時,晉境不「其弟以千畝之戰生。」《解》「西河界休縣

●「上大夫之事,吾願與伯父圖之」句、《春秋經傳集》

伐戎,及千畝戰。」《正義》曰:「《括地志》得至界休。按《史記·趙世家》:「周宣王

云: 『千畝原在晉州岳陽縣北九十里。』」

《五年》:「蔡人、衛人、陳人從王伐鄭。」

云: 解》「王 王 師 一師 敗不書,不可書 敗 不書, 不 以 告 也,爲尊者 非 也。 静。」 改

《六年》:「親其九族。」 孔氏《書傳》曰:

「九族、高祖至玄孫之親。」

故告諸鄭伯而辭之。杜氏以爲假父之「遂辭諸鄭伯。」 邵氏曰:「娶妻必告父母,

曰:「以太牢之禮接見太子。」「接以太牢。」《解》:「以禮接夫人。」傅氏

命

非

「不以國。」 《解》:「國君之子不自以本國

改云:「若定公名宋,哀公名蔣。」

以

或

則

廢名。」《解》「國不可易,故

廢

名」,非也。謂若秦莊襄王名楚,改楚

爲荆。

「與吾同物。」《史記·魯世家》: 「與桓公

同日。」

八年》:「楚人上左,君必左,無與王 君謂 文語勢,「君」字仍指楚君爲 衛人,爲右拒,以 繻葛之戰,鄭子元請 以攻楚之右師 當楚之右。 言楚師左堅右瑖, 君當 右、右當其左之證 隨 侯,王謂 楚 也。」耒 王。 當 李雲霑曰:「桓公五 當 陳 爲 兩 左拒,以當蔡人、 人。 按 軍 相 此 是以 説 對 雖 隨 巧 左當 一遇。」 然玩 之左 在 年 其 左

之,以名告」,非也。蓋未成君之辭。《十一年》:「鄭忽出奔衛。」《解》「鄭人賤

《十三年》:「及 齊 師、 稱人,或稱師 宋師、 衛 師 ,史異辭也。」改云:「燕獨 齊 燕 侯、宋公、 師 敗 績 衛 侯、燕 ^ 解 人 戰 或 稱

侯。 是 未 春 一時 葬 其 秋 年 是 靈 君 惠 公被 踰 ***** 諸 不 公 年 「楚子、陳侯、 侯 稱 在 稱 弑 踰 侯 師 君 賊 年 以 ,古之常 即 未討 接 位 鄰 解 或 則 鄭 例 君 · 非 又云 得 伯 世 未 盟 稱 禮 葬 : 君 於 也 已 衛 辰 如《 陵。 稱 宣 案 宣 陳

十五 君 奔 逆 奔 以 年 曰 × 四 太 世子」者,當 年 子 鄭 之禮 而 世 復 子 或 忽復歸 非 立之辭 未即 也。 於 位 也 忽 鄭 不 未 0 得 踰 成 年 解 之 而 **※** 爲 出

莊 次 元 年 年》:「三月,夫人 其不 有『會禚』之文,則不久 書還,蓋夫子 孫于 削之。 齊。」 而 復 補 還 云 於 :

不 還 忍也 改 . 稱 Z 即)° |« 據 位 下 繼 左 文姜 大夫 弑 氏 君 》未得其旨 人 出 不 孫 故 書 也 于 即 齊 位 而 ^ 臣 解 則 見下有「夫人 子 ₩: 古 之情 在 文 魯 姜未 所 矣。 不

> 絶不 乎? 國,及 不爲 不 也。 致 作《 文 孫 〈姜,不 慈 也 于 河 爲 襄 孔子 親 齊」之文, 廣》之詩 爲 襄 宋 親 何 公 公即 以 襄 禮 嘗 論 傷 不 爲 之 獲 也 其 於 爲 位 親 母 罪 以 所 詩 義 分欲 乃 不 獲 謂 自 於 而 哉 孝 罪 劉 先 悲 中 著 緣 原 君 於 禮 之,以 見之而 此 今文姜之罪 然宋 父 君 爾 不 不 H 恝 歸 可 爲 : 襄 然 書耳 義 其 以 宋 亦 謂 則 不可 父 私 姬 不 母 魯 大 母 迎 不 廢 口 人 得 絶 爲 絶 絶 命 而

《二年》:「夫 舊文。 「夫人行 之 禮 降 不 以禮 人姜氏 於 君 故還皆不 會齊侯於禚。」 故 書行 不 書。」非 書 還 也 解 史 之 夫

强 六年》: 0 與立, 不 是不 不 謀 知 猶 謀 其本 言 也 失 不 計 知 謀 其 爲 不 知 知 君 本 之 黔 之不枝 孤 牟 之不 V. 而 足 弗 無

助,則不能自强而有其國矣。按:弗强,言不

必强立之也。

《八年》:「《夏書》曰:『皋陶邁種德。德乃

降。』」

今《書·大禹謨》。

《解》曰:「蕭、附庸國。叔、名。」按:《唐書非蕭大夫也。《二十三年》「蕭叔朝公」,夫名。」按:大心當是其名,而叔其字,亦大二年》:「蕭叔大心。」《解》:「叔、蕭大

· 宰相世系表》云:「宋戴公生子衎,字樂》后一章 厚厚區 由 名 古 》 原言

爲附庸,今徐州蕭縣是也。其後楚滅蕭。」

父,裔孫大心平南宫

長萬有功,封

于蕭,以

《十四年》:「傅瑖貳。」《解》:「有二心於「手足皆見。」補云:「言萬力能決犀。」

在厲公當不然矣。」改云:「雖納我,仍有己。」傅氏曰:「如此則漢祖之斬丁公也,

「先君桓公命我先人典司宗祏。」 《解》見

二心。

哀十六年。

《傳》唯見四人:子忽、子亹、子儀竝死,獨莊公之子猶有八人。」《解》:「莊公子,

也。 厲公在。 八人者,謂 [《]桓 + 八人名字 川 除 年》 此 四 鄭 ,記傳無聞。」按: 人 伯使其 外, 尚 有 弟 語 來 猶 見 盟 在 有

《傳》稱其字曰「子人」,亦其一也。

云:「辟,偏也。」《二十一年》:「鄭伯享王於闕西辟。」 補

412

《二十二年》:「夏五月。」 補云:「書五月,

史闕誤。」

山嶽則配 翹翹車乘。」 日 曰:「高貌。」按: : 翹翹,高竦貌。」此於車 天。 《解》 《解》:「得太嶽之權 **^** 日 詩 》「翹 翹 翹,遠貌。」傅氏 翹 乘,亦當 錯 薪 『則有 訓 錢氏

嶽 西己 駿 天之大功。]改云: 極 於天。』言天之高大,惟 「《詩》 日 : Щ 『崧 嶽 足 高 以 維

配之。」

<u></u>十 朝 作, 鼓 有誤 伐 朔 所 蓋 朔 用 日 鼓矣。 非 以 以《 不 也。 牲 五. 有 謂 鼓 周 年 六 長 年 于 食之,於 於 之 之六月,夏之四 然則此其常也 月 季 曆 ***** 社 又 朝 非 平 也 按 「夏六 推 常 而 非 · 子 鼓 之, 禮 常 此 是 之言,今載於此, 於社 唯 也 也。 則 是 月 乎 正 咎 年 辛 用 不 唯 月之朔」以下 杜 前 失 在 月,所 未 幣 氏 正 用 閏 司 朔 日 於 月 不 曆 幣 非常 社 之 日 得 謂 而 不 未 正 朔 有 其 用 伐 者 當 實 説 牲 食 或 月 鼓 慝 乃 責 何 七 之。 恐 之 其 於 未 昭 月 此 ? 而

「小戎,允姓之戎。子,女也。」陸氏曰:《二十八年》:「小戎子生夷吾。」《解》:

以 據 來 傳 云允 則 此 姓 非 之姦 允 姓 居 於瓜 别一 州 戎 自 耐 惠 子 公始 則 其

姓爾。」

狄之廣 威 氏 年》 出 遠樹,宜 日 都 傳 : 之, 莫,於晉 日 以 非 大 狄 闢 也。 都 地 土 爲 之 之 不 都 都 曠 過 廣。 者 絶 參 前 或 大 ^ 之 在 邑 解 》謂 晉 之名 則 是 遣 爲 也 ^ 隱 公子 傅 元

晉人謂之『二五 太 古人共耕 日 巧。 耦 俱 無 猜 耦 __ 耦 共 此 射 ^ 亦 解 日 言 云 耦 相 墾 比 僖 傷 爲 九 晉 奸 年 室 也 傳

年,此重出。《三十二年》:「狄伐邢。」 邢解已見隱五

城小穀,爲管仲 邑 氏》 誤 春 秋 范 發 甯 微 解 也 ^ 日 穀 : 梁 小 曲 傳 穀 阜 不 日 西 繫 北 齊, 有 小 故 穀 疑《 小 左 穀

或 邑。 穀 城 城 志 濟 按 北 酈 當 ^ 穀 道 即 史記 城 元《水 此 縣 地 城 漢 經 中 高 杜 注 有 帝 解 》皆 管 以 以 仲 魯 同。 此 井 公 小 禮 劉 按: 穀 葬 昭 爲 項 春 郡 齊 王

於穀」、《 及 秋 師 齊侯 》有 伐 齊 言穀不言 取 遇 成 穀」、《 於穀」、《 五. 年 小者: $\stackrel{\cdot}{>}$ 文十七 僖二十 叔 孫 《莊二十三年 僑 年》「公及 六年》「公 如 會 晉 齊 荀 一》一公 以 首 侯 楚 於 盟

真管 也。 一种焉, 又《昭 四 至於 + 穀 而 今賴 年 **>** 書 傳 之, 日 小 則 齊 穀 知《 桓 别 公 春 城 於 秋 穀 四 而

書「

穀

之「小穀」自 書之「穀」及管仲 爲 魯 所 邑 封 爾 在 濟北穀城 況 其 時 齊 桓 而 始 此

霸 以 城 管 其 一仲之功 私 邑 哉 尚 未 見 於 天 下,豈 遽 勤

侯

而 公語 以夫 以立之爲 人言 許 之。 夫人 也。 以 夫 許 人言 之, 孟 爲 任 句 許

0

城」,

四

庫本作

公也

能投蓋 車 蓋 于稷 正 門。 義 謂 車 當從 蓋 輕 劉 炫 而 帆 之説 風 以 非 蓋 可 投 爲

之 物。 不 知 投 重 物 矣。 易 高 投 書 輕 物 . E 而 官 使 桀 之

傳 高 * 則 「從武 其 人 爲 帝上甘泉,天大風 有 力 漢 車 不 得

解 蓋 授桀。 桀奉 蓋 雖 風 常 屬 車 雨

蓋 輒 御 事 亦 類 此。

一子般 即 位 次 于 黨 氏。 補 云 蓋 適 13:

家 也

閔元 年 * 安 而 能 殺。」 補 云 或 語

日 : 車 有 震 武 也 震 有 威 武 之 象, 故

殺

二年》: V/ 戴 公 以 廬 於 曹。」 補 云

曹」, 《詩 》作 漕 鄭 志》 答 張 逸

『漕邑在河南。』今大名府滑縣南二十里

有白馬故城是也。」

也。」改云:「失官人之道。」「君失其官。」《解》:「太子統師,是失其官

用 法 其 度 衷 也 則 佩 ^ 之度。」 記 **>** <u>六</u> 云: 劉 世 奉 子 世 佩 日 瑜 : 玉 佩 而 之 合 綦

組綬。」

尨涼冬殺,金寒玦離。」 襍,則 而 缺 有涼 離 金 不 屬 相 薄 秋 之意; 連 屬 方 其 命以窮 性 林氏曰 剛 而 冬, 寒。 一、「衣 則 玦 有 之龙 如 肅 環 殺

「金玦不復。」補云:「人臣賜玦則去,故曰

不復。

或。 内 齊爲 所 寵 居 並后,) 嬖子 解》: 可 外 謂 曲 驪 寵 其 沃 姬 二政, 生 爲 爲 亂 大 内 都 乎 嬖子 寵 ? 五五 按: 陸 配適,大都 氏 曲 爲 日 沃 外 即 古 寵 申 奚 耦 生

> 寵 引言 嬖子二 但 取 大意,不必事 事。」今從之。 事 改 符 日 同 驪 秖 姬 取 寵 内

奚齊嬖,亂之本也。」

「與其危身以速罪也。」 補云:「《國語》:

『申生敗狄于稷桑而反,讒言益起。』」

衛 蓋 文 公 用 諸 大 侯 布 之衣, 諒 闇 之服 大帛 非 之 冠。 也 陸 氏 解 日 云

「言其儉樸。」

者也。」 《僖元 年》:「公敗 魯 與 邾 之尋 郑師 師 於偃,虚 多矣, 詐 丘 一之成 而 敗 將 其 戍 歸

《二年》:「冀爲 冀 説 言自 道 兵,不必爲哀姜 未 故 師 服 指 口 虔謂 非 冀之伐 故 稱 況 言 前 鄍 鄍 虞,觀一 恩 冀 與 晉 不道 之 以 顛 邑也 於幹皆 故 下文稱 誘之。 既 人 也 病 爲 虞 侵 冀 自 則 地 ^ 敝 其 伐 顛 解 邑 可 亦 説 晉 斡 南 考乎 惟 爲 鄙 虞 伐 君 長。 語 故 助 鄍 氣 晉 按: 自 别 將 門 人 此 伐 假 杜 兩

保於逆 逆 施 近 旅 以 晉 侵 南 敝 鄙 之客 邑之南 舍 鄙。 也 出 邵 則 氏 侵,退 日 :

意、《解》可删。 意、、未見晉不信虞之之導也。晉以師會之、未見晉不信虞之一晉猶主兵、不信虞。」按:請先伐虢者、爲明保。」 《解》:則保。」

四年》: ^ 解》「不 齊侯以爲楚罪 昭 知 王 其 南 故 而 征 而 問之。」 而 問 不復,寡 之一,非 也 人是問。」 改 云:

共其 按 資 劉 糧 風《 屝 釋名》: 屨。 齊人謂 解》: 韋 「 扉, 屨 日 草屨。」 扉。

Ŧi. 年 無言 不讐」之讐。 憂必 讎 焉 ^ 漢書 售 應 0 律 也 曆 如《詩》言 志 ジ注

「鄭德云:『相應爲讐。』」

「輔車相依、脣亡齒寒。」此二句一意、乃「孔叔止之。」孔叔、解已見三年、此重出。

問》。 也; 亦依 是諺 虞之有 輔,頰 語。 車,虞、虢 虢 也。」與杜 也 日 若 氏 之勢 春 車 秋 》: 有之 氏 是 同。 也。」注:「 輔 宫 也 牙車字出 之奇 車 依 諫 車 輔 日 輔

「太伯不從。」 去爲 王之子 側 命 言「莫須有」者,何 王有翦 爲 爾 解 不 ^ 商 前 從,其義 也。 史記》述此文曰:「太伯、虞仲,太 之志,太伯 後 太伯亡去, 儒 不從者,謂太伯不在太王之 遂 甚 以異 傅 明。 合《 不 哉 從。 杜 是 魯 氏 以 頌 此 誤 不 》之文,謂 與 以 嗣 秦 不 檜 以 從 之 父 太

《書·蔡仲之命》。 「《周書》曰:『皇天無親,惟德是輔。』」 今

「又曰:『黍稷非馨,明德惟馨。』」今

不

煩

添此

節

矣

《書·君陳》。

「又曰:『民不易物,惟德緊物。』」 今

《書·旅獒》。

均 師 服 古 振 振 , : -构 《漢書 服 ,黑衣。」《吴都賦》: . 五行志》作「袀 六 服 軍

六年》: 伐 此 芮之言 构 數 翟 服 語 0 翟 不明。 後 畏晉 出 重 同 禍 杜《 耳 走 且 已 解 罪 在 影非 及。」《左氏》文簡 也 矣,今往 __ 史記 ,晉必 > 移 述 非 冀 兵

韋 乎 逃 功 因 新 新密 ? 盟 謂 城 齊 之新 者 且. 故 鄭 桓 上 傳 聲 所 城 文 釋之, 而 其 以 也 固 更 罪 不 責 日 以 ^ 時 以 解 其 以 告 城也。」 爲 * 非 諸 其 鄭 時 侯。」 : (逃首 懼 興 鄭 齊 土 夫 實密 止 以 而 功 之盟 罪 非 不不 新 孰 而 時 築 經云 亦 大 興 城 則 細 於 土

(七年》:「申侯,申出也。」 補云:「蓋楚女

嫁于申所生。」

「作而不記。」傳云「無國不記」、《解》乃云

可記。」

齊

史隱諱

非

也

改

曰:「不記,言

不

八年》:「不 謂 啓 殯 而 殯 朝 於 祖 廟 也 0 凡 邵 柩 氏 行 日 而 止 殯 於 皆 廟 謂

之殯。」

《九年》:「以是藐諸孤。」 藐,小也。

「能欲復言而愛身乎?」補云:「言欲踐其

言,自不得愛其身。」

「晉郤芮使夷吾重賂秦以求人。」 郤芮,解

宜在《六年》「伐屈」條下。

《十年》:「帝許我罰有罪矣。」 傅氏曰:

「有罪,謂烝于賈君。」

懿德, ^ 十二 年 謂 督不 王 志。 日 : 往 踐 舅 氏 乃 職 余 嘉 無 乃 逆 勳 朕 命。 應 乃

訛 未 按 可 此 知 日 數 篤 也 語 不 與《 忘 書 較 明,古字通 微 子之命 用 相 或或 類 傳 從

管氏之世 武 孺 武子鳴,鳴生桓 世本》云:『莊 生莊子盧,盧 武 生景子 祀 也 耐 宜 步 生 仲山 子啓方,啓方生成子 哉。」 一,耐 悼子其 生敬 步 《史記 生微 夷,其夷生襄子 仲 夷 索隱》 吾 夷吾生 日 孺

十五年》:「 於卜人也 秦之卜人,兼掌筮者。《周 三兆、三易、三夢之法。」是古之筮皆兼掌 用筮,不 能 1 通 徒父筮之。」 三易之占」,非 **~** 禮》: 也。 解 「大卜掌 》「ト人而 卜徒父,

涉河 何 穆公以 得 侯 侯 言 車 爲 敗 晋 車 敗。」 不 侯 . 祥 車 非 而詰之耳。 敗 也 《解》「 ? 秦 當是 師 秦伯之軍 及 秦 韓, 涉 伯 之車 河 晉 侯 尚 涉 車 敗 未 河, 敗 則

> 乎? 又曰 晉車 事。 盟 是秦伯之車三敗 五. 字 鄭 「復諫 敗,不 今特泥 乃 伯 三敗 之 事 違 知古人用字自 實 車 下文「不敗 卜,固 及韓、當依疏引劉 僨 非 于 1 濟 敗是求」,豈亦是 人 八之言 春 何 不 秋 待 也 相蒙,況 時 之 古 如 炫之説 語 常 石 謂 有 車 門 下 文

干 謂除 故 《成十六年》「南國踧 餘,所剩 百六十六,三除則 並是夏、商之占,如《 曰:「千乘,侯國之車 乘三去,三去之餘,獲 不言《易 也 惟一,非 除則 三百三十三,二 君 九百 射 連山》、《歸藏》之 而 數 何? 其 也。 九十九。三 其 元王 雄 去,猶 狐 中 按: 除 算 厥目」, 除 此 則 邵 法 與 之 氏 所

418

狎也。」言一夫尚不可狎,況以吾晉國之「一夫不可狃,況國乎?」《廣韻》:「狃,相

人而 日 : 未定 「謂師之伍 列。」《 列。 解 》: 「列 位 也。 陸氏

以 太子罃、 弘 與 女 簡 璧 登 臺 而 履 薪 焉。」

傅氏 日 履 薪 示 欲 自 焚。

瑕 成 吕 元 飴 年》「瑕嘉」之「瑕」,蓋 甥。」 吕,氏 也 瑕 兼食瑕、陰二 其 邑名,如

邑,

非

姓

也

敗于宗丘。」 中所宗也。 劉熙《釋名》曰: ①「宗丘, 邑

何益 先君之敗德,及可 言,亦 先 乎?」曰: 雖 有 君 史蘇 之敗 何益 或 \Box 解 之占,而獻公心 「此韓簡就惠公所問而言, 德,及今言之, 也? 》以數 獻公從史蘇 是 數 爲 乎? 則 象數 敗 亡之禍, 志 之數 史蘇 其 之言 昏 可 是占, 亂 悉 恐 其 不 數 非 其意 實 從 乎 可 勿 言 從 免 爲 其 ?

> 從,皆 亦 氏 則 語 以 史蘇 通 敗德 日 》,獻 無益 「先君以 之爲人,固 爲主,不 公勝 也 國 敗 得 . 在 古文語急,故略其字耳。」 妃 德致咎,史蘇之占從 能 穆姬一事 史 以 卜筮諫者與?」傅 蘇 告以 也。 不吉。 抑考《國 不 然

^ 吉凶由 十八年》:「狄師 十六年》: 者也。 衛 兆。 之善 之兆,而 衛人伐邢」,蓋 非 譏 人。」 惡 言 也 襄公不 所 非 狄 感,必 是陰 吉 傅氏 狄 師 X 修 强 還 陽 還。」 憚 之 人 先 日 而 之事 則 狄之强 事 所 : 有 邢 言 邢 由 而 以 弱, , 可 徒問 生。 感 陰 非 解》云「 邢 知 之, 陽 吉 不 從於 物變。」 矣。 吉 順 敢伐, X 而 X 逆 所 邢 後 狄 由 爲 生 見 留 F 而 吉 而 於 也 獨 年 伐 於 距 X

419

0 「名」,原作「石」,今據經解本改

見伐」,亦非。用師於邢也。《解》云「邢不速退,所以獨

十九年 邢 H. 特 、衛、杞。」 内亂,未嘗亡也。 * 三亡 齊 或 桓 ·魯、衛、邢。」 疑魯是大國 公存三亡國以 傅氏 曰:「三亡國 屬諸侯。

楚,非

義士 得死爲 二十二年》: 一猶曰 幸。」 薄德。」 大司 得死 言其德不若古聖王 馬 猶 固 云「考終」。 諫 日 大司 馬

即司 爲 也。 下言「司 二年言孔父嘉 也。《文八年》上言「殺 三年》言「召大司 堅 《定十年》「公若 馬 辭 子 以 馬 魚 諫 握 也。 也。 節 爲 以死」,知 馬孔父而 古 杜 司 諫,堅 以 馬 藐 知知 古 大 古 爲 解 大 司 諫 大 屬 名 以 馬 司 司 殤 諫 謂 公子 知 馬 馬 公焉 也 莊 即 即 古 公之 印 司 諫 司 ^ 隱 馬 桓 之 馬

> 弗可 氏 宋 世 赦 家》,則前 也 「言違天,天必不宥。」注以 後 猶《書》言「不可 俱 子魚之言 追。 赦 赦 傅

以孚或平?」近女子所御之物,況使婦人至軍中,又示「戎事不邇女器。」 傅氏曰:「戎事尚嚴,不

與?」陸氏《釋文》「與」字絶句。
《二十三年》:「其人能靖者與,有幾?」
以俘馘乎?」

屈膝而君事之。」疏云:「質,形體也,謂拜「策名委質。」《解》:「名,書於所臣之策,

孫

公孫固者,非

朱

鶴齡

日

按《史記

爲 按: 雉 翟 者 而 臣」,皆是 之鼓。」

章 ,皆以雙虎之皮。」《晉語 屈膝 是 孟子》「出疆 委身體於地也。」傅 凡言『委 《管子》:『令諸侯之子將委質 「贄」字。 昭 質 注:『質, 必 门,皆 載質」、「庶人 **雪**委 贄 氏曰:「『質』, 》: 『 臣 也 贄 也。」 不 士 委 傳質 贄 質 愚 以 於

實而有誤,故不書名,史氏之體也。 疑此三句俱謂未同盟者。蓋恐不審其「赴以名則亦書之,不然則否,辟不敏也。」

爲句,夫子即公子。按:此陸氏說也。玩文勢,一若以相,夫子必反其國。」當讀至「夫子」

仍當從杜以「相

句

絶

當在二十三年之冬。傳曰:「九月,晉惠《二十四年》:「晉侯夷吾卒。」 疑此錯簡,

公卒。」晉之九月,周之冬也。

使殺懷公于高梁。」 實紀綱之僕。」 晉侯求之,不獲,以 兮, 因 既 死。 子 年,疑是近絳之地 名縣上。」今按:縣上又見襄十三年、定六 所不通矣。 是環縣上山 介山。」然則受此 爾。 隱,求之不 史記 「編素 楚辭 》則云:「聞 而哭之。」明文公在 中 得,未 杜《 而封之,以 傅氏曰:「言其可任 九章》云:「 高梁解見九年,此 田 解》:「西 緜 幾 者 上爲之田 而 何人乎? 其 死, 爲 人 思久 河界休縣 緜 介推 乃 上 時 以 故 ',之推 Ш 田 於義 之親 田 號 中 之 有 禄 推 地 有 於 E 身 其

《表》曰:「昔周公弔管、蔡之不咸。」是則「昔周公弔二叔之不咸。」按:魏陳思王

■「翟」、《國語集解》作「狄」。

世。 桀、紂及幽 古人以末世謂之叔季。 云,首 叔 《昭六年》: 列 謂 管、 管 王爲三季之王。」 叔 蔡, 蔡 「三辟之興 故 叔 杜 也。 氏 《國語 以 但 爲 当 下 夏、 》:「史蘇 有 叔 封 殷 世 建 也。 之 叔 之 以

而作詩。」《常棣》之《詩序》以爲周公之作,「召穆公思周德之不類,故糾合宗族於成周

必

同

也

棄嬖 賢,王當尊之。 尊賢,亦未合、《正義》曰:「此見鄭伯之 當、古人只 龍 而 用 是大槩言 三良。」 耳。 《解》 又以 引 殺 用 子 三良 華,未 爲

于汜。 鄭 夏書》曰:『地平天成。』」 「官,官司;具,器具」,較明 伯 與 孔 ^ 解 將 鉏 石 省 甲 官官 父、 司 侯宣 具器 今《書 用。 多 ·大禹 省 傅氏 視 官 謨 具

> <u></u>十 苔慶, 盟 王章也。」 言天子之典 公」、「冬十月,子卒」,是稱爵 未 年未踰年,而不在乎葬與未葬也、《解》誤。 稱公。《文十八年》「六月癸酉,葬 踰 五年 年 于洮。」 也。 **^** 「冬十有二月癸亥,公會 春秋》之例,踰 衛文公已葬,成公稱 年 稱子,繫乎踰 即 位 我 一、然後 子者 衛 君 子、

《二十六年》:「 引 懸磬也。」傅 作「磬」,韋昭 此 傳文,正作『磬』。」 氏曰 室 解 如 :「《禮記》『磬于甸 「府藏 懸罄。」 空虚 但 罄 有 榱 人』注 或 梁 如

《二十八年》:「距 直 距 氏 躍 日 而 旋,故 直 躍 跳 踊 也 不 者。皆 Ė 曲 躍三百, 横 踊 而 絶 日 横 地 曲 曲 跳 而 起 也 踊 百,音陌 所謂 百 横 跳 跳 必 猶 也。 邵 先

『阡陌』之『陌』也。 三陌, 蓋躍踊之度大

約有此。」

苦鹽之名。《詩》云『王事靡盬』,勉之使「楚子伏己而盬其腦。」 范守己曰:「盬者,

腦 無 常是以 以 爲 苦 也。 晉 揉 侯 入腦 夢 中 楚 故故 子 伏 子犯 己 日 而 盬 我 其

且柔之矣。』杜氏訓盬爲啑,非也。」

也;享醴受策,二覲也;去而辭,三覲也。」「出入三覲。」 邵氏曰:「始至而見,一覲

晉侯聞之而後 爲 知 ◎ 吕 氏 春 喜 秋 口 》「文侯 知 也 0 不説 古人多 9 知 於 以 顔 見

色」,注:「知,猶見也。」

殺士榮,則 邵 氏日 猶 鍼 商 莊 君刑 子。 太子 云台 師 人殺 傅之意 之則 之也。

傳「爲簟食與肉,寘諸橐以與之」是也。義》云:「橐以盛衣,亦可盛食。」《宣二年》「甯子職納橐饘焉。」 蓋以饘寘橐中。《正

·若不闕秦,將焉取之?」

補

云:「闕,損也。

「歜」字誤、《玉

饗有昌歌、白、黑、形鹽。」

齊桓公爲會而封異姓。」 補云:「於齊則狩。古之狩,猶今之幸也,非田獵之狩也。」且使王狩。」 邵氏曰:「凡天子之出皆曰

爲異姓。」

二十九 《列子》言:「 畜之語者,蓋偏 年》:「介葛 東 知 方 之所得。」 介 盧 氏 聞 之國 4 鳴 其 人多 補 解 Z

《三十年》:「行李之往來。」 古者謂行人爲 橋 至, 行李,亦曰 日 三年》「行 國語 一介行李告於寡君」,並作「李」。 郙 . 闘 閣 理 尹 頌》「行理咨嗟」。 周 吏也,小行 以 理之命 行理。此 告, 之《秩 行 理 無 官》有之日 與《 人也。」漢李翕《 日 以 不 襄 節 至一, 八年》「亦 逆 之。」 : 作 『敵 賈 析 昭 或 理 不 使 逵

一七

篇》作「歐,徂敢切,菖蒲葅也」。

三十二年》:「勤 相反。 無所, 距之心。 師勞力竭 謂不知 必有悖心,言軍士將怨嗟也 《解》云「將害良善」,未當。 所往 而 無 何 地 所 而 所作 用,則 無 所,必 何 事 所 也。 經之國 有 與上「 悖 心。 師知所 必 有背 爲 言

中壽。」 李善《文選注》引《養生經》「黄帝「中壽。」 李善《文選注》引《養生經》「黄帝

殊夷狄之辭。 《解》云「不同陳,故言及」,非也。及者, 《三十三年》:「晉人及姜戎敗秦師于殽。」

交,草木黄落之日,而「隕霜不殺草,李、隕霜不殺草,李、梅實。」 九月、十月之

「其爲 鞅之言「死吾父」也 梅實」,此《 霜 死君乎?」 當微 洪 而 重 範 重 》所 死 君 而 謂 不能 謂 恒 燠」者 忘其先君 殺草 · 非 也 7,猶范 解

同姓。 秦不哀吾喪而伐吾同姓。」 滑國者,晉之

遂墨以葬文公,晉於是始墨。」 葬僖公,緩作 無退,已墨則不復反衰,故遂墨以葬文公也。 袝,袝而作主。今僖公以文元年四月葬, 年二月丁丑,作僖公主』之義。卒哭而 之功,猶楚之乘廣,自邲之師 後遂以墨爲常,則失禮甚矣。 二年二月始作主,過祔之期。」 當以『緩作主』爲一 主 非 禮 句,此傳經 也 而 先左 蓋以誇克敵 劉 喪事 原 書『文二 也。 父 有進 日

左傳杜解補正卷上終

左傳杜解補正卷中

文元年》:「於是 之終 以 以 是 猶 者 後 故 正 之曆法 哀公十 漢 爲 經 也。 朝 皆 故 閏 以 非 傳 于 爲 可 閨 在 日 ,廟」、《 禮 之文 五. 而《 知 歲 歲 應置閏者 高 餘 也。 年皆有 歸 之 末 左傳》成公十七年、襄公九 帝 凡 餘 餘 哀公五 之 《文公六年》「閏 漢 紀 今魯 閏 于終 閏 歲 》「後 書 凡 閨 不言 三月 總 爲 . 置 改 __ 月,亦並在歲 年》「閏 蔀 九 律 致 曆 閏 其月者 非 首」是 考 月」,師 曆 之於歲末。 法 必 志 經 禮 置 月 在 文之書 也 也 言閨 閏 葬 月不 古 + 齊 在 日 魯 末。 又 : \equiv 景 告月 月 閨 古 此 曆 即 按 月, 公 年、 之 意 不 月 歲

> 更伐之,我辭 請平於晉。」 當取 曆之前, 據《漢 左 屢 傳 書 書 之。 所 後 謂 九 表》 月,是知 歸 補 及《 餘 云: 於 史記 終 曆 辭 法故故 》,漢 耳 之者,爲 然。」 未 何 改 以 之 明

「君之齒未也,而 易樹之事 云:「言君之春 則 亂 又 秋 從之矣。」 多 富 愛, 而 内 朏 嬖多 乃 亂 將 也。」 來 必 有 補

二年 皇后、 「書曰:『及晉 陳侯 是以《魯 以尊 上所 龄曰: 厭 帝 , 猶損 * 爲 臨 皇 謂 衛 勇則 頌 卑,如漢人所云『厭 我 請 祖 也」,未是。 語 辭 后 成 日 處 出 之 害 稷。」 于 : 父盟。」 晉 上,不登 汲 者 春 君子 冢 也 秋 執 傅氏 周 以 匪 孔 日 書 於 厭 達 解 解 禮 □: □ 勝之 之也 明堂。」 以 》不合 享 謂 大 説 祀 王 厭,臨 其 耳 解 不 宜 后 沈 稷 朱 删 此 皇 解 也 親 即 鶴

姊 Щ 先 君 帝 子 也 日 禮,謂 《詩 ·> 其 日 : 姊 親 問 而 我 先 諸 姑 姑, 也。」 遂 及 伯

尊 於 故 僖 補 有 云 引二 言言僖 君 之尊 一詩爲 禮 公於文有父之親 證 不 敢 以 其所親 前 加 之於 閔

「廢六關。」《家語》作「置六關」,注謂文仲

置關以稅行者,故爲不仁。

修昏 襄仲如 僖 可 + 解 若 姻,娶元妃, 公之薨爲十一 》謬。 五. 在文公, 齊 月之數 納 幣 按: 禮 喪 以 月,亦 此 也。 制 何 奉 傳 未 得 築盛,孝也。」 凡君 通 終 云 甫 言 而 及大祥 娶 即 諒 使 位,好 夫 闇 卿 人之禮 納 己 耳 幣 終 未 舅 即 ? 甥 違 則 畢 以

致

福

三年》:「雨 死 退 爲 鷀 得 ,豈亦喜而來告乎? 天祐 螽 喜 於宋。」 前 來 告, 解 故 書。」 宋人 然則隕 以 其 石

禮

拂

經

甚矣。

四 二年 朝 夏」字 朝 年 正 * 正 也 而 是 夏, 周 曲 於執 也 曹伯 之三月,晉之正 爲 之説 事 此 如 以 解 晉, 會歲終」,杜 以 正 會 爲 正 政 月。 似 氏 因 正 解》 傳 即

惟 君子 此 監觀 四 日 解 國,爰究爰度。」 四方,求民之莫」之義,言恐懼 》意 ^ 詩 太迂。 *\frac{1}{2}. 愚 惟 謂 其 彼 引《 秦 穆 國,其 詩 之謂 蓋 政 取 矣。」 不 上 可 獲 以 帝

也。 於是 太 興 巧。 耳 乎 ^ 湛 賦 天 露》 子 湛 之詩 當陽 露 **>**, 言 則 只 天 是宴樂之意 繒 子 明 當 而 陽 治 諸 也 取 侯 用 此 解 爲 命

五年》: 以爲 稱「八 六皋陶之後,蓼庭堅之後;陸 凱 臯 」有庭堅,杜 陶 庭 堅。」 氏 以 爲 年季 泉 陶 孫 字 行 氏 父 羅 所 泌

自 焦氏 或 爲 皆息 其 易林》「尨降、庭 或 陶 之祖 後 故故 ௱ 庭 文仲並舉之也。 堅 堅,爲 則 或 以 陶 支子 叔 後 别 未詳 封 謂

德之不建,民之無援。」 侯 或 不能恤 不能自强於爲善,民之無援,言中國諸 小寡 《解》非 德之不建,言二

孰是

六年》: 沈 風 漸 化聲 剛 克 一樹 教。 之風 補 聲。」 云: 漸。 陸 氏 書》作『潛 日 一、一樹、 7 其

爲之律度。」 以遺後 有」者也 嗣 《書》所 鍾 律度量,皆有一定之法, 謂 陽 石 和鈞,王府則

晉人以難 伐 恐 與 有 難」,非 故,欲立 也 長 謂 君。」 連 年有秦、 《解》「立 狄之師 少 楚 君,

先君愛之。」 補 云 「先君謂文公。」

或

難 必 抒矣。」 抒 三,服 度作「紓

杜 祁 以 君故 讓 偪 姞 而 上之。 補 云 一君

謂襄公。

偪。」 七年》:「宣子與諸大夫皆 畏穆嬴之偪 也,以 君 夫人之尊故。 患穆嬴,且畏

解》非。

敗秦師于令狐、至于刳首。」 作 闞 河南。」當是河東之誤。 地即勢 里。」後漢《衛 駰 日 首 :「令狐 **宝** · 山 篇》: 敬 對 靈 侯 即 郊, 足,谷當 碑 猗 氏。 陰 口 文 孤 刳 猗 切。 首 《水經 口 城 在 惟 秦地,在 西 注》引 刳 字 解 梁,

國,辟不敏 凡會諸侯,不書所會,後 不敏 不 知 班 也。 位 之次序, 補 云:「公既 故 不 也。 書 後 不及於 諸 至不書 國,以 會 則 辟 其

「《夏書》曰:『戒之用休。』」 今《大禹謨》。

境。」 八八年 傅 「致公壻 氏 曰:「自 池之封 申 至 一於虎牢 ,自申至于虎牢之 皆 鄭 地 也

歸之。 則 於 不 H 至于虎牢 矣。 專言 上年 得 也 ,此言自 致之於 傳文不言鄭,言申、虎牢,則 歸 解 衛 云 鄭地,晉取之以封公壻池,今乃 此 衛 爲 申 杜 晉 至 竊 氏之闕漏爾。」按: 歸 虎 以 鄭、衛 牢 上文言 歸 田 鄭 張 匡、戚 田 本。 也 鄭 自 而 故 歸 此 杜 衛 口 申

九年》:「獲公子茷。」 之戰,囚楚公子夜,距此 按:成十六年鄢 四十四 年 疑 别 陵

知

十年》:「沿漢泝江,將入郢。」 人郢爲亂。」 補云:「欲

十一年》,「皇父之二子死 誤。 「皇父之二子」、《解》乃云「穀甥、牛 三大夫亦應有賞,傳特以 焉。」 傳 耏門之 父一, 本云

> 名追録其受賞之由 餘 不 及載 耳

齊襄公之二年, 鄋 之誤 寸。 《十二諸侯 以 不 亦 十三年爾。 年即魯宣公之二年也,在晉滅潞之前,僅 子城父敗長翟」,三文皆同。 亦未可信。《考工 傳文作『齊惠公之二年』, 世太遠,陸 『惠公二年,長翟來,王子城 聞 非 戈 假 傳 也。 有 椿 其 長 如長三丈之人,富父終 云亡者,特 喉邪? 人,故云 年表》亦 氏 因 此傳以 此 知《 記 瞞 種 其 於齊 惠公爲襄公,蓋傳 》曰:「戈柲六尺有六 史記 伐 云「長 解》云「長三丈」者, 絶, 國亡 齊。」 惠公二年書『王 然 又《齊 耳。 狄之 魯 張 按:惠之一 父攻殺之」, 世 蒼 種 甥 杜 按: 世 家 長 何 以 絶 家》 \forall 此 後 由 引 尺 世 日 此 年

428

0

餘 六尺餘 7,父不 豊 滿 口 五. 以 尺, 此 其子復長,至其 論 邪 ? 孫長 止

十二年》:「 諸 謂 奔 夫 郕太子也。 年卒,太子今即 而《春秋》又没 踰 也 之 侯 太子,而 年即位 而尊之,豈其 郕 即即 魯 伯 ^ 以 其 來 左 真 位 諸 專土叛 奔 氏 郕 然乎? 而 侯 伯 不能 **>** 逆之, 則誤 矣。 君之罪 劉 意者郕 自安,遂出 以其 即 原 以 謂 爲 父 反 之 日 日 太子出 伯 淺 郕 謂 或或 奔 伯 去 之 此

且 日 成 請 書於此 絶 四年》『杞伯 「《左氏》事 叔 姬 而 無 迹 來 絶 朝 倒 昏,公許之。」 錯 歸 者甚多,此文當 叔 姬故 也」之下 啖 叔 在 佐

誤

塞。」 《十三年》:「晉侯 在 河 東 年 蒲 晉 坂 縣 使 南。 秦 詹 人 嘉 戰 處 秦 於 瑕 師 河 夜 以 曲 遁 守 桃 注 復 林之 云 侵

> 不如隨 賤 能,言 漢 經 注 晉 按:「能 林之塞,而道 胡,又改爲湖。 胡也。」瑕、胡音同,故《記》用其字。 林。」古瑕、 『能 「心乎愛矣,瑕不謂矣」,鄭注云: $\overline{ }$ 也 晉 一》河 武 日 入瑕」, 書 :「焦、瑕 帝 會 才 字 **^** 水又 改 Œ 仍 也, 地 能 作 胡二 義 當 則瑕必 東 道 元 屬 湖 如 一一一一一 屬 記 逕 以 下 今爲関鄉 0 ^ 字 湖 下 邵 句 **>**′ 爲 孟 其 在 通 文,以 縣 郇瑕 氏 能 子 外五城之二邑。」《水 北 太 河外。《僖三十年》 用 故 賤, 日 ***** 康 有 縣治。 之地,誤 城 猶 爲 能 記 北、《 禮 林 云爲 能 能」字 者 焉 記 立立 處 貴 瑕邑 在 矣 言 瑕 注 賤 當 引《 名 瑕 職 句 胡 可 即 非。 轉 之 使 桃 桃 爲 復

子無 傅氏 謂 日 秦 : 無 蓋繞 人, 吾 朝 曾言 謀 適 於秦伯 不 用 也 請 留之。」 補 乙

文子賦《四月》。」《解》云:「不欲還晉。」 以傳考之,但云成二國,不言公復還晉, 四月》之詩,當取「亂離瘼矣,維以告哀」

十四年》:「秋七月,有星孛入於北 梁子曰:『斗有環域也。』」 Ŧi. 也。 之意耳。 君象, 孛星 亂於朝,政令虧於下,則上濁三光之精, 辰、于東方皆不言人,此其言入何? 有 解》: 星嬴縮,變色逆行,甚則爲孛。 者,非常之辭。 如帚者,則謂之彗。 「既見而後 亂 臣 象,篡弑之表也。 入北 孛,妖星之有光芒者 斗。」 劉向以爲君臣 非也。 北斗人 改云: 斗。 。于大 穀

子叔姬妃齊昭公。」 以先君之名爲謚。 正,疑《左氏》之誤。然《僖公十七年》傳一《十八年》:「仲殺惡及視而立宣公。」 齊侯昭卒」,今此昭公即孝公之弟,不當 而經不書葬,無可考 按:《僖二十七年》經

日: 「葛嬴生昭公。」前後文同、《史記

「不出七年,宋、齊、晉之君皆將死亂。」 晉,天子方伯,中國綱紀,故當之也。 歌曰:「斗,天之三辰,紀綱 先儒無致疑者。 七星,故曰不出七年。」 星 也。 劉

·終不曰『公』,曰『夫己氏』。」 言彼己之子。 夫己氏, 猶

《十五年》:「魯人以爲敏。」 爲合於禮、《解》失之。 傳以華孫辭宴

《十七年》:「鹿死不擇音。」 《莊子》:「獸 蹴之窮地,意急情盡,則和聲不至」是也 死 不擇音。」郭象 言其鳴急切。 注 日 野獸

當從服虔之説。

趙穿、公壻池爲質焉。」 女壻,故以爲質。 趙穿與池皆晉侯

殺視

渾 及 以三苗釋之矣。 孟子》爲 傲 不 叔 而 至 口 窮 仲 バ悪 自 縉 用 正 解 伯 雲氏 檮 則 * 不 杌 有 有 書 騹 饕 之, 鯀 不才子」, 兜、共 餮 兀 亦 不 婞 X 諱 至 直 事 工 如 以 ,當以《虞 此 耳 亡 所 則 與 鯀 杜 云 身」,其 孟 解 恐 亦 檮 子 書 未 不 菲 杌 能 必 几

^

宣二 日 所 年》: 獲。 倒 戟 猶 倒 戟 倒 而 戈 出 也 之, 坐 獲 此 狂 遲 狡。」 緩,反 爲 邵 鄭 氏

也

帝

之

殛

之,

亦

秖

遏

在

羽

Ш

而

已

文馬 戎昭果毅以聽 猶聽政之聽 文采者 百駟。」 丘 之之謂 光 解 庭 謂 禮。」 日 常 存 文馬 於耳 邵 氏 馬 似 日 之 迁 毛 聽 色

觸 明 槐 而 ~,• 死。 解 可 麑 删 退 而 觸 槐 則 非 趙 盾 庭 樹

有

也 也 商 年 罪貫 》:「使 劉 殺 炫 盈 日 也 疾 引。」《解 言紂 其 以 民。 繩 之爲 業 穿 以 物 惡 盈 謂 如 之 其 物 貫 貫 之 將 滿 書 於 可 云

八年》:「楚 者,當自 三年徐取 ^ 解》:「舒、蓼 如舒 是 舒,文 爲 庸 衆舒 舒 或 名。」傅 五 鳩 ,二國名。」 叛,故 之屬 年楚 氏 伐 滅 曰 舒、 蓼 羅 蓼,滅之。 泌 今云 此 蓋 舒 蓼 僖 舒

V. 九年》:「孔 一辞! 下「辟 玄 年 正 普 賦 用 其 \approx 此 司 覽蒸 洩冶之謂 也 馬 爲「法」, 叔 子 民 游 日 之多僻 《家語》: 引 乎 當 此 時 詩》云『民之多 詩 一号,畏 有 亦 孔 此 以 同 上 解 子 立 「辟」爲 漢 辟 三 昭 張 以 辟 『洩冶 衡 危 + 僻 無 思 自

0 四 庫 本

之于 靈 公, 位 在 大夫, 無 骨 肉 之 親 懷 寵

去 仕 於 亂 朝 以 品 品 之一身,欲 IE.

國之婬昏 死 而 無 益 可謂 捐 矣。』

年 》:「公孫 歸 父 帥 師 伐 邾, 取 繹

注 見 文 + = 年 此 重 出 按 ^ 文

取繹 年 ·》傳 贵 日 取 其 邾 或 文 都 公遷 乎 ? 于 繹 蓋 文公 然 則 雖 此 遷 之

後復還 其 故 都 耳

年》:「 使 封 人 慮事。」 慮 籌 度 也

解

其 從之也 0 補 云 言 往 而 會 狄

年》: 使 改 事 君 夷 於 九 縣 九

縣 莊 + 四 年 滅 息 + 六 年 滅 鄧 僖 Ŧī. 年

滅 弦 + 年 滅 黄 十六 年 滅 夔、 文 川

年 滅 江 五五 年 滅 六 滅 蓼、 + 六 年 滅 庸 又

有 日 武 王 時楚適有九縣,故鄭 滅 權、 文王 滅 申, 凡 願得比之,言服 + 或 傅 氏

> 事 恭 謹 如 其 縣 邑 耳 0 非 必 追 記 其 所 滅

之 或 也

勁。 軍 傅 右 氏 轅 日 言言 左 追 蓐 楚 分其 前 茅 慮 軍 無 爲 Ŧī. 中 權 後 而

使之各 專 其 職

律 如 也 故 日 律 否 臧 且 律 竭 也

有

以

己

盈 而 以 竭 、夭且 不 整 所 以 凶 也 傅 氏

將 師之貴 於 法 律 者 能 使 其 下 如 己 之志

故謂 之律 所 謂 順 成 而 臧 也。 否 臧 則 律

且 竭 而 敗 矣。 夭, 屈 也 言 其 法律 如 水 之

爲 X

壅

而

盈

則

必

竭,

屈

而

不

伸,

散

耐

不

故

其君 0 之戎,分 傅 氏 爲 廣 乘 車 其 君 之戎 其 謂 親 戎

分 左 右二部 故 名二廣

車

日

廣

楚

名

以

兵

廣有一卒,卒偏之兩。」 古偏 法而 爲 廣。 廣之所有百人,故 邵 氏 日 楚 日 人 易

必 外,又有餘卒爲 卒,亦古偏法也。一卒之外,又有承副之 廣,蓋舉古今錯言之,不直 故曰卒偏之兩。 廣之所有一卒,一卒,百人也。一卒之 卒焉,其數如偏之兩。 日卒、 曰偏、 承副者,二十五人爲兩 日 車法 兩者,今法不離 在 兩,二十五人也 古爲 日若干人, 偏,在今爲 於 而

持更也。」 邵氏曰:「若今宿直,遞「内官序當其夜。」 邵氏曰:「若今宿直,遞

古也。」

御下兩馬 鞅,掉 須掉之,而 兩 馬 ,掉鞅而 之鞅 示閒 暇之意亦 也。 還 蓋 一驂馬 邵氏曰:「兩 在其中 車 旋 矣。」 則 其 馬 鞅 掉

先濟。」 傳因士季語竟言之。不敗。趙嬰齊使其徒先具舟于河,故敗而「士季使鞏朔、韓穿帥七覆于敖前。故上軍

一楚子爲乘廣三十乘,分爲左右。」 傅氏

易其名。 曰:「兵法車十五乘爲偏,今楚用舊法而

「屈蕩户之。」 傳》:「韶户 謂之户者,取其 易其名。」 坐户 擊大毬户官道,車馬 殿門 户,止也。 失 者 闌 無 能 免。」《 得 止人也。 入羣臣。」《王 不敢 唐書 古人以守户之人 前 . 漢 李 紳 嘉 傳 傳 樊 噲

楚人基之。」《定四年》:「管、蔡啟商,基 且 傳書之以紀異 間王室。」《解》:「惎,毒也。」傅氏曰:「言 蓋 而 楚人將毒害之,而晉人乃脱扄拔斾投 末語 晉人困 出耳,未詳。」按:杜解「巷」爲「教」,於義 尤無謂 厄,而楚 若 如 人 顧 傅氏 教之脱 説 則 險、既 軍 中 脱 常事 耐 復 何 有 可 謔 勝 言。 爲 書 衡 故

伍。《解》非。 言其軍囂無

復部

「遂圍蕭。蕭潰。」下有「明日蕭潰」之文,

此處疑衍。若此云「蕭潰」,下便不得言

「遂傅于蕭」也。

《十三年 免 焉 唯 而 宋 衛 背 可 ·》:「君子 免。 盟 邵 而 氏 責 救 日 晉、 陳 日 衛 清 晉 : 清 也 丘 背 普 丘 盟 之 而 與宋、 盟 不 救 唯 宋 衛 宋 故 盟 可 既 以

我,猶言輕我。《十四年》:「過我而不假道,鄙我也。」 鄙

寢門之外,車及于蒲胥 楚子聞之, 之外。 門 胥 前 及 屨 之 此 之外,遠 也 未 市 及 屨 前 投袂 劍 人 劍 於窒皇; 進 此 人 也 進 屨 未 而 追 劍 起 及 車 之市 車 人 蒲胥 追 而 屨 駕 也 及 而 及 車 及 於 於 之市,遠 追 窒 於寢門之外, 蓋 室 邵 皇,前 皇 興 氏 而 師 日 及 于 劍 **於蒲** 寢門 此 及 速 未

聘而獻物,於是有庭實旅百。」 劉炫曰:

如

此

「實百品于庭,以爲獻物。」

令 十 五 牀 年 傅 氏 「使 日 : 華 華元 元 夜 登牀 人 楚 乘 師 其不虞 登 子 劫 反 之

與盟也。」

子反懼 哉 元者 何 ? 爲 論 丽 觀 與 懼 者 懼 (之盟 而 ? 謂 之 懼 其 言 華元 告 輕 王。 見 則 之脅 情 華 實 元 也 邵 之 氏 殆 情 日 盟 非 狀 岩 子 知 可 得 見 華 反

吾從其治 醒 子 未 産 香 時 曰 : 酒 未 也 醉 子 皆 奚 治 不 日 時 治 謂 其 病 治 間 列 之 也。」 子 時 謂 凡 鄧 伺 析 病 其

之治命」。 石經作「爾用而先人

古圖》:「《船敦銘》曰:『王格于宣榭。』宣《十六年》:「夏,成周宣榭火。」 吕大臨《考

悔,何利之有焉?」 十七年》:「過 其 象,因 齊 便射 榭 僖宫之比。 宣王之廟 成周宣榭 文作 者 人必 事 蓋蓋 名 故故 印 悔,有遣使之心,今又久之,必將 其 宣 制 火」,以宗廟之重而 凡 堂 王 一傳云『藏 如 無室者,皆謂之榭 日 0 而 之 榭,故 古 射。 廟 不 傅氏 改,而又久之,以成其 射。字, 也 後從木。 謂 禮樂之器」,非也。」 之宣 日 榭,射堂之制 :「言三子見執 執 榭。 其 弓 書之,如 堂 矢以 《春秋》記 《爾 無 室,以 雅 射 也 桓 学式。 之

成元年》:「作丘甲。」 之中 旁加 驟 十二人,甲士三人,則 甲。 增 共 一里爲成。 倍 今作丘甲,令丘 出 恐未 白 人矣。 必 共出 然? 解 丘得 長 出二十五人,一甸 周 \forall 云「丘 轂 Ш 制 十八人,不及 堂考索》載 乘,步 四 出 丘爲 甸 卒七 賦 甸

> 《二年》:「與先大夫之肅。」 所謂 增 之中 唐 知 魯 + 人。然則 人,亦二十 \equiv 用 甸 日 有 也 乘 昭公時嘗蒐于 而 乘,則今作丘 甲者,今使每 百 太宗問李 共 丘 未 增 八人者,今增 五. 周 出 百 要之其 可 + 一乘乎? 制 į, — 丘 知 人爲軍矣。 Ŧi. 甸 靖 也。 乘,步 人 則 之賦 所 實 丘 甲者 爲 魯 紅,革車 出 爲 楚人二廣之法, 楚 抑 而 出 甲, 每 + 卒七十二人, 益 廣 爲二十五 每 乘 所 凡 兵, 即 有 與 甲 乘 而 未 丘 八 三甲,共 周 千乘,則 爾 向 而 增 人,積 可 出 制 先大夫,謂 之 增 非若 知 人,是 如 甲 四 者, 甲 何? 甲 七 計 甲 四 杜 丘 亦 其 乘 + 氏 共 未 乎 向 丘 甸 之 甸 靖 原 出 至 具 Ŧi. 可 而 ?

1 「印」,四庫本《考古圖》作「歌」。

三周華不注。」補云:「華不注,在軫、狐偃、樂枝之輩。

濟南歷城縣東北,下有華泉。」

「傷而匿之。」在軍中不敢言病,故匿

其傷。

所宜。」十二年》傳『物土方』之『物』,謂相土之「物土之宜而布其利。」 陸氏曰:「如《昭三

「畏君之震。」 震,威也。

命 敝 是 邑之幸 聽。」 亦 言 即 云 幸而 從 也 勝,亦從晉 況 其 不 幸 命,況 敢 於不 不 唯

「遂常以葬。」補云:「以喪禮有進無退。」

《二年》「戰于鞌」下。

三年》:「

叔

孫

僑

如

韋

棘

僑

如

解

宜

在

然則

申、吕,漢之宛縣

也

六年》: 四 年 × 韓 楚 獻 雖 大 子 非 將新 吾 中 族 軍 也 ·, 且 爲 言 僕 蠻 大夫。」 夷

爲僕大夫,則君之親臣,故獨令之從公

而入寢庭也。

今山

東

「其惡易覯。」 陸氏曰:「言垢穢易見。」

「且民從教。」言馴習於上之教令。

《七年》:「子重請取于申、吕以爲賞田。

縣。 吕 南有 申 王 或 應麟 伯 城 所 《水 申、吕。』《漢 在 在 國。』《詩》、《 日 鄧 經 州 史記 注》 $\overline{ }$ 南 國 亦 陽 正 語》史伯曰 · 地理 書》及《左 謂 義 縣 宛 西。 》引《括 西 志》: 吕 徐 氏 『當成 地 城 廣 南 ~解 志》云:『 四 云 嶽 陽 日 不 宛 周 言 在 者, 宛 故 吕

以兩之一卒適吴,舍偏 爲 故云『以兩之一卒』。 之』、《孟子》『革 日 兩之 :「古人一車 兩 也。 謂之一 蓋 車三百兩」, 楚 廣 其云『舍偏兩之一』 兩之一 兩。 之 制 《詩》 非二十 本 焉。」 用 百百 卒, 傅氏 Ŧi. 兩 御

者,車之半邊爲偏,偏五十人,今留二十

五人也。」

八年》: 思開 封 「唯 疆 者 或 有 思 縱 或 縦 弛 也。」 而 不 設 備 陸 者 氏 故 日 : 多 兼 有

忌,争 乎 心 + + 叔 ? 股 并 雖 用 武 夫 申即 欲 以 肱 惟 力,公侯 故 尋 年》:「及其 忠於鄭 效 成 爪 使 陸 委任 常 牙 忠,不見 大 之 忠爲 氏 以 0 或 , 何 在 之 用 盡 以 令德 外 無 武 見其 其 傅 一非 扞 信 所 夫 亂 民 非賢者? 氏 於 難 不 侵 其 也 非 日 君 略 至。」 暴 人 其 故 : 諸 其 鄰 人 適 謂 日 杜解「不得其 侯 武 世 或 猶 以 干 叔 夫,以 貪冒,侵 治 不 自 申 城 以 尚 可 害 本 爲 文德 非 耳 爲 世 人」較 搏 況 一。」按 賢者 欲 噬 亂 己 不令 不 之 尚 武 腹

心。 天下 有 傅 道 則 公 言 侯 能 能 制御 爲 干 武夫之腹心者, 城, 而 制 其 腹

斯

是

用

痛

心

疾

首

暱

就

寡

人。

篇

之

中

稱

寡君

者

三,我

君

者

- , 寡

人者

<u>Ŧ</u>.

是

使不爲害。

「晉侯及楚公子罷盟于赤棘。」 赤棘解見

元年,此重出。

^ 十三年》:「能 秉 修 作 是。 但 之以 亦當 古 穎 福 $\overline{\wedge}$ 《漢書 杜 達《左 道 引 威 本 一、顔注 之 是 顔 漢 儀 竊 如 福 養以 樞 謂 師 此 ^ 之 一,謂 • 傳 酸 律曆 古注 養 間 養 此 棗 正 之福 姚 是 養 以 云「養 義 **\$** 乃 者養之以 志》 寬 :『之,往 養所 之福 之以 劉 **>** 所 亦云『 引此 傳 西 熊 以 威儀 受之中 惟 致 本 溪 碑 養 誤 語 叢 往 也 》解 福 福 德 此 以 作 適 也 語 之 耳 中 致 往 於 隅 蓋 耳 福 能 就 日 於 今 猗 福 敬 者 陸 福 義 本 與 也 慎 則 養 氏 也 亦 作 明 玩 恐 以 楊 於 日 哲 通 注 蓋 之 動 非 孔 用

臣」,亦其類也。 書,前稱「寡君」,後云「夷與孤之二三往不拘。如文十七年傳鄭子家與趙宣子 屬文之時未曾參訂。然古人之文,亦往

義》曰:「詳,祥也,古字同。」李巡曰:《十六年》:「德、刑、詳、義、禮、信。」《正

「祥,福之善也。」

所闕乏。」《解》非。「致死以補其闕。」 陸氏曰:「軍國之事,有

三曰「明夷於南狩」是也。《復》一陽浸長「南國땛。」 《易》以外卦爲南,《明夷》之九

而

至於《乾》,有「南國蹦」之象。

也。《解》謂軍大崩爲壹大及御與車右不之不免也。我不如子,子之才能以君免敗者壹大。我不如子。」 敗者壹大,恐君

同者,非。

「不亦識乎?」 邵氏曰:「識,記也,謂其能

記往日好整好暇之言。」

「《夏書》曰:『怨豈在明,不見是圖。』」「若之何憂猶未弭?」 謂君薨太子殺。

《五子之歌》。 《五子之歌》。 不見是圖。」 .

冢宰,非。 如《論語》「仲弓爲季氏宰」之「宰」、《解》《十七年》:「施氏卜宰。」 施氏之家臣也。

「孟姬之讒,吾能違兵。」 傅氏引《晉語》注

《十八年》:「不然,而收吾憎,使贊其政。」

《襄二年》:「官命未改。」 陸氏曰:「官命林氏曰:「吾憎,謂吾所憎之人。」

猶言公命。」

縣之衡山,今名横山,去鳩兹不遠。《三年》:「克鳩兹,至於衡山。」 疑即丹陽

四 姒 年》:「定 啖 氏卒』下。」按: 叔 佐曰 姒薨,不殯於廟 : 此 傳誤,宜 如啖説 ,則季文子當作 在《定十五 ,無櫬,不虞。」 年

靡 亡,而 未 此 者。」仁山 連屬言之,然寒浞先 奔 桓 爲 文,亦未 有 子 謬 靡乃 帚 也 氏。 金氏遂以 出 見 奔 靡之事 杜 爾。 氏曰:「靡,夏遺 爲《左氏》之誤 殺羿而後滅相 古人之文,或以 羿。 蓋 夏后 相 臣 則 之 今按 事 將 羿 事 亦

有窮由 矣,此 有 夏訓》之文爾 窮之號」,非 是遂 特承上「死 亡。」《 也。 於 解 % 窮門 」 哀元 浞 年 而 因 言 稱 羿室,不 以 有 結 過 所 澆 改 引

戎狄 云 年》: 薦 國語》曰 居,貴貨 則 無 : 信 易土, 前 與之貨 殺 土 人 而 可 以 獲 賈 逞,不亦 其 八焉。」 土 難 補

於鄢,遂失諸侯,不知自反。八年之中,乎?」 共王不謀於衆,背晉之盟,以亡師

《六年》:「子罕善之 夏書》曰:『成 戮殺 之於賈季 蕩已出 卿 ,子罕不復 也。 是 失 允成 刑 追 如 也 功。 其 初 射 門 今人大 之怨,若 傅 氏 禹 謨 趙 子

七年》:「衡而 道 蛇,自得之貌 而 妄焉 自得 委 必必 蛇蛇 順 毁 道 必 折。」 折 則 矣。」 可 以 自 傅 得,横 氏 日 不 委

八年》: 《詩箋》云: 有 《詩》上文云「謀夫孔 於路 道路 盈 以 庭 正匪 也 人也。 誰 」。 此 如 」字作「彼」字用 敢 匪 執 不 解 不 行 其 曰 : 得 行 邁 咎 於道 謀 而 匪 是用 多 坐 則 彼 是 圖 衆 此 者 遠 也。 無 不 解 用 近,故 二十七 . 得 爲 適 不 行 從。」 於 長 集。 邁 道 不 年 得 古 按 於

四

有

所之。

『穆

姜筮

遇

艮之八。

史

日

二不

動

斯

遇

焉

筮

法

以

少

即

宜

之

某

是

也

今變

以 九年》:「古之火 賢 火,以 出 火 也 方 香 西己 堯 正 詩 星 譴 君 祭 時 謂 内 心 則 一、宋其 告,故 火。 見變, 有 火 彼交 相 星 順 火 用 閼 星 土 天時 出 官 火 伯, 匪 不 能 後 前 東 也 故 漢 敖」作「匪 也 季 修 民賴 ,救民疾。 掌 方, 云 祖 書 正 世 秋 道 契 祭 而 心 · 五. ,或食於心,或 以 或食 其 司 之曾 咮 火 除 德 其 星伏 七 行 交 星 [X] 於 占, 匪 帝 孫 死 一,行 志》 星 ; 敖」。 心, 嚳 則 亂 代 在 故 鳥 火 曰:「古之火 則 以 日 君 先 或 閼 首 政。 下 爲 食於 無 有 知 食 Ē 伯 象,天 祝 火 火 於 後 在 則 季 咮 災。 融 祖 主 咮 止 南

説曰:『揲蓍者 少,少 悔豫,皆八。』八非變爻,故不 陸 可 九 必 爲 氏 也 定 日 與 劉 位 六 爲 老, 禹 或 錫 語 老爲變爻; 稱董 》: 『晉 生之 是謂 肆告。 法者。」 者五 卦。 説 僑 一,係 襍 遇 爲 也 日 日 之隨」。 法五爻皆變則占之, 此 掛 : :『艮其腓,不 也。 用 如 艮之隨 主 餘 圍鄭。」 爲 ,定者一, 觀之否」、『師 三易,故 之 艮 小 一,若定 <u>Ti.</u> 不利,故 穢, Ŧi. 荷 子失丈夫。 位 。」夫艮之隨 爻皆變,唯 以 皆 姜亦自 者 悦 有 正 九 宜 Ŧi. 拯其 於 從 遇 六,故 從 之臨』之類 而 變爻 姜 八 變 知 (隨,我 少 是 之云。 一得 卦 耳。 唯 者 占。 之,而 明示 而 定 反

義》曰:「赦諸侯之軍 犯

遇艮之八。」

子

筮得貞

屯

七

與

八

爲

而

杜

元

凱

以

爲

占,曰『是

謂

艮

心不快。」史以

艮》之六二

八不變之隨

統

非

也

傅

氏

爻

得

隨

之

穆

姜

以

通

於

以

彖

辭

爲

以先君之祧處之。」 世 取 年》:『其敢愛豐氏之祧。』 一,未 廟外之兆 有遠 祖 域爲義 也。 鶴山 祧 即即 魏氏曰: 豐氏僅大夫兩 廟 也。 「桃者 昭元

輸 其物 積 聚 四 以 出 貸。」 以 就 民 傅 所居 氏 日 而 「輸 貸之也 者,以 車 辇 運

十年》: 陸氏 之林, 湯所禱 筆》引《吕氏春秋》云:「武王勝殷,立成 林》者,樂名也。」 注曰:「桑山 云:「湯旱,以身禱於桑山之林。」許 之後於宋,以奉桑林。」高誘注 日 一請 \sim 以《 莊 之林 也,故使奉之。」《淮 桑林》。」 子》有《桑林》之舞,則《 能 興 (雲致 宋洪氏《容齋 R 故 1:「桑 禱 南子 之。 叔 桑 重 Ш 湯 四

「楚令也。」猶云從楚之盟故也。《解》云

「亦兼受楚之敕命」者,非。

「諸侯之師還鄭而南。」「還」,與「環」同

「猶將退也。」邵氏曰:「猶言同一將

退也。」

「牲用備具。」傅氏曰:「牲,犧牲;用,

器用。」

之矣。 不給 孫 謂 憂不堪 以一 年》:「政 魯 則 蓋 次 軍 必改作,其 亦 或 非 一之征 不得 而 也。 將及子,子必 爲 丽 大國之制 已之計 謂 供 後四 霸國 魯 或 叔 分公室 之政 之政 貢 不 孫 能 今? 賦 古 將 而 必 已 歸 將 季 重 豫 氏 於 有 解 見 擇 所 季 故

其子則父歸公,臣其弟則兄歸公,所謂邵氏曰:「於三分得一之中使半爲臣,臣,臣,臣,。」 若,猶或也。

●「四」,原作「曰」,今據四庫本改。

初矣。」

邵氏

日

初從之出

不

得

+ 反。 年》:「吴子 言 爲 乘,二 壽 夢卒。」 言 爲 壽 夢,非 夢, 古音莫騰 號

解 当 删

君於禰 夫婦 十三年》:「唯是 所生若 廟者。」 前 人。 窀 春 穸,墓穴也。 秋 若而人,猶言某某。 窀穸之事 所 古者 以 從先 既 葬

加 益 故 以 爲 言

(十四年》:「晉之百役,與我諸戎相繼於時。」 子叔齊子。」 楚人歸 邵氏曰:「役無虚時,故曰相繼於時。」 之。 補云: 齊子,叔老謚也、《解》作字, 「良霄果亂鄭。」

書,惰也。」 於是 未明。 齊 崔 一村、宋 國大夫後濟、解》云「惰慢」, 華 閲、 仲 江 會 伐 秦。 不

蓋

傳寫之誤

暴妾使余。」 之加虐。」 邵氏曰:「視嫡母如妾,而使

> 自王以下,各有父兄子弟。」 余不説 已耳。 貴戚之卿。」 今悔焉,故逃,是『不説初』也 補云:「所謂

十六年》:「書日 商旅於市,百工獻 是已。 傅氏曰: 承 而 庶 言從之,是亦 人謗 獻 藝,工執藝以 而 不使 言。 一。會鄭 爲 藝。」 旅 鄭 諫 於 伯 也 伯。 諫 市 邵 夷 也。 爲夷故 屨 氏 陳 於大夫 賤 其 日 所 踊 貴 尚 此二 也。」 也。 之 之 句 物 類

十七年》: 《解》非。 綃 之喪,無貴 何 食,自天子達。」今 制》『諸侯之上大夫卿』。」 居 魯、 斯禮 衛之所謂禮也,非三代之通禮也。 唯 也? 賤 卿 周其衰矣。 爲 也。」「 大夫。」 日 禮,卿、大夫、士異, 齊 疏 邵 之服 又 衛 日 氏 幕布, 日 舒 : 粥之 父 \sim 母 王

『唯卿爲大夫』,姑就其言以答之也。」 晏子之老所謂『大夫之禮』者亦然,其曰

云「故《經》書圍」,非也。圍者,圍齊也,《十八年》:「塹防門而守之,廣里。」《解》

楚 鄭,乃 数 山 П 北 魚齒 Ш 非 於此言魚陵 城縣東北有汾丘城」,兹乃謂魚陵爲 曰:「案上文言『子庚治兵於汾』,注云『襄 師 則 在 量 梅 伐 防門 Ш Ш 也。 鄭 是 南還走南陽邪? 南陽, 豈子庚治兵于襄城, 及欲伐 侵 明 新 也 次 甚。 在 鄭 鄭 邪? 南 于 東 西 況下文又言 陽 魚陵。」 北 北」也?」 犨縣 至于 矣。 北 《左氏》何以 梅山 然則魚陵之不爲 解》:「魚陵、魚 鄭 魚齒 一,若在 地 。」范守 Ш 密 云『右 何 魚 縣 己 東 故 战

姬。」《解》云「顔、鬷皆姬母姓」,非也,當云「齊侯娶於魯,曰顔懿姬,無子。 其姪鬷聲

母氏。

《二十一年》:「季武子以公姑姊妻之。」 諸子,仲子,戎子。」房玄齡注《管子》 以爲 成爲妹者乎? 氏曰:「姑姊,一人也。其殆魯之宗女,於 姊,尊之也。」 姒之子茶、嬖」,則又以 曰:「諸子,内官之號。」杜氏蓋 諸妾姓子者,至《哀 故曰『以姬氏妻之』。 爲 庶公子,皆非。 Ŧi. 年》「諸子 未之考,故 邵 稱

「子離於罪,其爲不知乎?」 譏其不能「《夏書》曰:『念兹在兹。』 今《大禹謨》。

「《書》曰:『聖有謨勳,明徵定保。』」 今《胤

征》。

令,猶「令

十九年》:「夫銘,天子令德。」

龜」之「令」,言以德布於銘也。

得罪於王之守臣。」 守臣,謂晉侯,《玉

藻 諸侯之於天子, 曰 某土之守臣某」是

忧 解 影非

莊公爲 勇爵 陸氏 日 : 爵 酒器 也。 設

之以觴勇士

《二十二年》:「見於嘗酎。」 秋祭。 《武帝 祭宗 此 一當酎 傳 日 三正 廟 則 紀》 時 酎,三重 知 《漢 月 使 耐 古 書 諸 旦 金 有 作 侯各 . 醇 嘗 服 酒 景帝紀》『高 酒。 酎 虔 ,八月成, 獻 助 嘗而 日 金 祭 傅氏 來 之禮 以 助 因 耐 祭。」 名 廟 八 日 , 薦 而 月 日 耐 : 漢 今觀 獻 祖 耐。 嘗, 張 考 大 耐

無昭惡也。」 無昭子明之惡。

之也。」

《二十三年》: 言 平公之舅, 鄰 或 之 喪 尊 禮爲 且 同 猶 不 鄰 徹 或 降 樂, 一闕。」 當 而 服 況 緦 杞孝公,晉 於母之兄 麻 三月。

弟

乎

?

納諸 宗邑與 注 極 在 矣 以 曲 爲 蓋 獨 沃。」 人也 諸 灓 有絳、曲 盈 卿 邑。 分 傅 掌 氏 沃, 按 公 日 則平公之世,未 邑, 晉 世家 而 曲 此 沃 至 邑 晉 出 屬 公時 祖 欒 嘗 廟 氏 微 所

我實不天,子無咎焉。」 《解 死,乃我自 業非 不爲天所祐, 言雖事 非子之咎 不集 也。 而

張武軍於熒庭。」 陳文子見崔武 里有 庭城 孫 須無。」按《史記 南。」 **熒庭** 城。 子。 《水經注》:「紫谷水 世家》,乃完之曾 今翼 解》:「文子,陳完 城 縣 東 南 七十 西逕 Ŧi. 祭

戍郫邵。」 邵 原 公六年》:「賈季使召公子樂于陳。 當 歸 是一 唐 武 地, 今濟 德 計 年 源 其 置 縣 相 邵 去 西一百二十 原 亦 縣 不 甚遠。 按: 里 趙 有邵 文

使殺諸郫。」

「封少水。」《水經注》引京相璠曰:「少水,

今沁水也。」

年》:「成王八年冬十月,王師滅唐,遷其《二十四年》:「在周爲唐杜氏。」《竹書紀

民于杜。」

「踞轉而鼓琴。」傅氏曰:「『轉」,當爲

謂車前後兩端橫木,踞之可以鼓琴。」『軫』。《詩》『小戎俴收』,注:『收,軫也。

(二十五年》:「風隕妻,不可娶也。」 陸氏語『前後网站樹/ 路之戸り鼓差」

能隕妻。」

日

"「當以『風隕妻』爲句,言夫既從風,風

「將庸何歸?」東山趙氏曰:「即覆説上文

『君死安歸』之意。」

「及處守者,皆有賂。」《解》云「皆以男女

爲賂」,非。

「成公播蕩,又我之自入。」 辰陵之盟。

「表淳鹵。」 陸氏曰:「淳鹵,地宜鹹者。」 其地之人守其財物,以入之於王。』」「鳩藪澤。」 陸氏曰:「若《周官》『澤虞,使

表淳鹵。」 按:上下皆以二字成文,未 陸 氏 曰 淳 鹵 地地 解 淳 宜 爲 鹹 何 者。」 等

之地。

「《詩》所謂『我躬不説,皇恤我後』者。」

《谷風》、《小弁》皆有此文。「説」、《詩》作

「閲」,「皇」、《詩》作「遑」。

「《書》曰:『慎始而敬終,終以不困。』」今

《蔡仲之命》。

《二十六年》:「吾子獨不在寡人。」在,如

「乃心罔不在王室」之在。《解》非。

晉卿不如楚,其大夫則賢,皆卿材也。」

如宋之盟、「趙孟爲客。子木與之言、弗

是也。

能對。

使叔

向侍言焉,子木亦不能

《夏書》曰:『與其殺不辜,寧失不經。』」

絶。

按:

夫猶:

彼也

謂

宋

也

今《大 禹 謨

晉人將 其禄 秩 與之縣 比 叔向。」《 以 比叔 解》非 向。 陸 氏 日 :

君子是 而取 以知平公之失政 其女,且 同 姓 故。」 也 0 補云: 一討

二十七年》:「公喪之,如税 之税。」 獨 氏曰:「諸侯 税如字。 爲 此 服 者 禮 絶 痛 H 期, 子 月 鮮 無 已過 之甚 兄弟 聞 服,終身。」 也 之 喪 服 而 陸 追服 今 氏 獻 日 傅 謂 公 :

仲尼使舉是禮 也,以爲多文辭。」 沈氏

曰:「舉,謂記録之也

死, 且 單 宋以守 人人也。 斃 雖 吾 其 倍 因 死。 楚 宋 也 可 言人人能致死 以 也。 守 言未有不亡。 病 謂 病,則 邵 楚 氏 攻 夫 日 耐 能 與人同 病 致 也。 人于 死 力,故 夫, 宋 與 猶 宋 則 可 言 大 致

> 《二十八年 之。」 邵氏曰:「亡人,謂莊公之黨,崔 何 以 自 之爲賊 反之?」 以 倍 捕得者 恤 楚。」「守」字句 我,我 者也 》:「使諸亡人得賊者,以 也。 其牧之。」 不然,何從 得賊 以告,猶今律 周 而知之, 頌 告 所 何 謂 氏 從 而 名 能 反 而

得? 日 陳 作,而 :『可慎守也已!』 邵 之權 守 者, 材; 知 文子 志 其 對 陳氏父子 莊者 非 知 以 日 謂 所 : 何 守 桓 從違 或 得 其 得慶氏 子 中 問問 木。」 爲隱 日 之要路。 矣。 其 : 愚謂 子; 語 之木百 _ 故 禍 以 以 既得 : 相 將 言將代之執 慎 氏 木者,作室之 諭 車 作 守 得木之對 曰:「此 也。 於莊 矣, 堅之, 吾 。」文子 知 其 守 禍 齊 則 良 謂 將 何 或

及魯。

尸真。

《二十九年》:「乃使巫以桃茢先祓殯。」鄭

「记者告有印艺、下为文艺。」 设意可:「下氏《周禮注》:「茢,苕帚。」

先君若 尚,尚 有知 也。 也,不尚取 言 先 君 當 之。 取 叔 服虔 侯 於 日 示不 地 下

治之。」

「猶未也。」 言王化局於一方,猶未大

行也。

「是其《衛風》乎?」言三國同是《衛風》。

國未可量也。」 服氏曰:「言其國之興衰、

世數長短未可定也。」

「其周德之衰乎? 猶有先王之遺民焉。」

服虔以爲此謂變《小雅》也。華陽范氏

一二,季子因就所聞而評之也。」

日

雅》篇

數

多

當當

時

樂

工

或

間

歌

其

「盛德之所同也」。 商、周同此盛德,非必

見舞《 《鼓 舞。 維 鍾》之詩 象 程 清 大昌 箾 ₩, 奏 所謂 南 曰:《南 象 籥 舞 『以《雅》以《南》,以《籥 者 **>** 也 籥 》者,二《南》之籥。 補 即 云: 此 ^ 孔 象 氏 箾 学之 H

不僭』者也。」

「勤而不德」。不矜不伐,是勤而不德也。

「美哉! 猶有憾。」 猶未洽於天下。

是以免於樂、高之難。」《解》「難在昭八

年」,當作「十年」。

《三十年》:「其季於今三之一也。」 季,猶

畸也。按:季猶末也。指最後甲子而言

「亥有二首六身,下二如身,是其 既 如算 亥字 算之六,故 爲 邵氏曰:「二首,亥字上二畫也; 六身, 中三 之 隱 六 語 也。 畫 師 日 也。三畫 如身。 曠 下二 史 如 蓋 趙 身,謂 古字體 而謂之六者,其 大 之。 下二畫 如 師 日 此 曠 數 以 絳 也 亦 形 故 老 如

事 三、故成二萬六千六百六旬也。 蓋古文「亥」下三曲皆如布算之六,計爲二者一,爲六者 當從杜解。 史趙 以字畫,皆隱語也。」按:下二如身, 下亥上二畫,豎置身旁,邵解六身,亦未當。

譆 禧,出出。」 傅氏曰:「《説文》:『譆

痛也。」」

唯君用鮮,衆給 鮮。」傅氏曰:「衆給者,不必用鮮,惟 足而已。」 而已。」 陸氏曰:「 「殺新爲 物之

取我衣冠而褚之。」 出是也。」 也。 按"傳《成三年》』鄭賈人有將寘諸褚 《莊子》曰:『褚小者,不 陸 氏 曰 : 可以 「褚、衣之彙 懷 中 大。」 以

《三十一年》:「我問 故。《解》「魯以師往」,非。 師故。」 問 齊人用師之

民之所欲,天必從之。」 今《泰誓》有 此文。

> 左傳杜解 補正卷中終

豈不遽止。」

遽,亟

也

仍

以

每

享次

第而

至。

左傳杜解補正卷下

昭 韋 彭伯 元 伯 I: 年 伐 克 元 班 邳 年 方 商 , 姓人來 Ŧi. 邳 有姺、邳 年 ·, 姺 姺 賓。」 人 人 0 入人于 叛。 ^ 班 河 竹 方。 亶 書 甲 紀 彭 \equiv 年 伯、 年

至 元代《矛币正语》之五元。 当之 宫章曰:●「天位殷適,使不挾四方。」「令尹自以爲王矣,何如?」 《大明》之首

子皮賦 孟 安徐 厖 ^ 以 野 馴 擾之。 喻楚,諸侯惡楚公子圍,故 有 死 鏖》之卒章。」 趙 子 欲 常 趙

歸 其 中,復計 取 道 酬 里, 幣 終 其 以 遠 次 事 近 第 八 反。」 舍 使 車 之先 傅 各 日 氏 預 續 日 置 發 : 酬 約 幣 此 享日 於 蓋 車 度

愿於天地,有與立焉。」 其先世必有大

功

請皆卒,自我始。」 蓋古未有此法。鮮不五稔。」 言少有不至五年者。德於民。

遷實沈 翼 按: 邑 以 餘 府 虚。」《解》:「夏虚,大夏,今太原晉 家》 王 縣。」《定四年》: 北 翼 里,即 城 滅 曰:「成王封叔虞於唐,唐在 而 晉之始見《春 城 皆 縣 唐 前 于大夏。」 縣 西 戎 而 後 此 也 封 狄 世 不 + 之地。 大叔』者也。」 遷 《括 見 里,堯 或 「命以《唐誥》,而 於 秋》, 地 亦 **^** 傳。 志》: 解》:「大夏,今晉 自 遠 裔 其 悼 子 不 又《 都在 相 所 公 北 故唐 及,況 史 以 封。 距 翼 記 後 晉 城 所 河、汾之 始 • 封 陽 陽 自 今 在 謂 晉 開 平. 霍 七 也 于 絳 夏 陽 成 世 白 陽 縣 州 Ш

「明」,原作「名」,今據四庫本、經解本改。

0

臨 之間 秋 然 以 考之於 禹 東 在 云 E 則 鑿 汾 言 至 汾 方 大 縣 龍 侯 水 世 杜 則 百 傳 之 龍 門, 緍 夏 氏 里 所 ^ 門 之滅 西 專 一,今并 則 謂 封 通 又 未 指 翼 日 禪 大 大 並 闢 晉 城 書 州 不 夏 夏,《 至 正 陽 **>** 者 晉 吕 在 相 高 齊 在 者 陽 梁 於 合。 Œ 梁 桓 E 及汾 未 翼 義 而 非 今晉、 公「 水 整 竊 還 **>** 之東 也 絳 引《 ^ 疑 西 0 史記 河 伐 絳 唐 高 等 ^ 括 出 吕 大 梁 叔 州 古吉 而 地 w 孟 在 夏 氏 之 是。」 屢 晉 志 門 濕 春 封 陽

也。」 煩 中 四 手 以 羽 聲 姬 成 淫 其 有 以 樂 傅 聲 相 省 降 氏 而 生 猶 慆 用 五 大 可 堙 : 之以 降 小之次 心 之後 樂 耳 節 省 有 9 不不 乃忘 百 皆 Ŧi. 減 事 聲 容 也 有 丁,其 平. 彈 宫 節 和 ^ 遲 矣 焉 解 商 速 君 非 本 於 先 子 角 末皆 是 弗 王 徴 所 聽 有

> 聲 彈 以 X 復 無 之, 民 臣, 宫 宫 有 宋 聲 IE 次 相 倫 物 是 然 而 聲 宫 奪 降 序 慢聲 周 爲 弘 不 還 過 倫 必 以 殺 可 所 禮 如 Ŧi. 事 相 爲 及 而 惡 鄭 上 降 者 爲 君 其 口 於 光 者 0 於 宫 衛之樂, 彈 凡 有 是 則 武 中 五. 君 而 則 0 臣 也 建 降 使 不 不 若 或 桓 得 過 用 其 五. 角 可 自 譚 君 其 民 聲 IE 君 餘 禁其 下 Ŧi. 子 節 鼓琴,而 聲 + 古 徵 於 民 降 弗 則 本 而 淫 事 臣 過 聽 而 八 聲、過 律 以 以 ; 臣 後 音 羽 半 黄 商 皆 故 好 物 克 其 聲 事 則 不 必 可 鍾 非 應 過 爲 爲 爲 煩

女, 其 陽 物 屬 物 火 而 晦 故 時 爲 陽 女, 陰 也 陰 中 有

使后子與子干齒。」 傅氏曰:「齒,猶齊

「庚戌卒。」 終穆叔、劉定公、秦后子之言

列

也

之後,是寓貶於褒也

二年》:「敢辱大館。」《解》:「敢,不敢。」

當移在「敢辱郊使」之下。

「國則不共,而執其使。」 言齊國不共,非

使人之罪。《解》非。

《三年》:「今嬖寵之喪,不敢擇位,而數於守

適。」 數,列也,音色主反。

傳於下文因言「晉衰將失諸侯」,故「二大「此其極也,能無退乎?」 張趯之言止此。

夫退」,而大叔稱之。

能應也。《解》非。按:求煩不獲,言欲煩而不可「諸侯求煩不獲。」 言所求日煩,而諸侯不

得也。

晏子之言所以不譏於君子也。按:言在君子将亂,而私語之於友,不害爲忠。此叔向子也。蓋人臣雖有諱國之禮,然或憂其其猶在君子之後乎?」 言庶幾可以爲君

【三、區、釜、鍾。】 毛晃曰:「豆、當音斗,後「豆、區、釜、鍾。」 毛晃曰:「豆,當音斗,後

『斗」字。」

「民人痛疾,而或燠休之。」 王若虚曰:

「燠,温煦安息之意。」

「以樂慆憂。」 傅氏曰:「慆,慢也。以淫樂

而慢其憂禍。」

「忌,忌日。適及滕郊而遇此日,故敬子叔父,而敬子之五從祖也。陳可大曰:叔父,而敬子之五從祖也。陳可大曰:

欲至次日乃入。」

蒲嫳「譬之如禽獸,吾寢處之矣」之語。「其或寢處我矣。」 本上《襄二十八年》盧

四年》:「是以先王務修德音以亨神人。」

「亨」,古「享」字。

「晉君少安,不在諸侯。」 少安,猶言少惰。

《二十六年》晏子對景公曰:「後世若

少惰。」

「將焉用之?」 言將用何爲辭。按:杜解云

「焉用宋盟」,似得語氣。

「火出而畢賦。」 補云:「《周禮》 『夏頒

冰。

秋無苦 之則傷。 秋霖』者也。」 雨 宋玉《 傅 氏 九 日 辨》所謂『皇天淫 雨 過 白 露 時 溢 物 得 而

「王使椒舉侍於後,以規過。」 陸氏曰:「規

正會禮之失。」

「屬有宗祧之事於武城、寡君將墮幣焉。」

以祭。祭用幣,畢瘞之,故云『墮幣』也。傅氏曰:「楚武城必有先君之廟,故田獵

恨其後至,託此爲辭。」

「慶封唯逆命。」謂弑君。

「不見。既自見矣。」邵氏曰:「言叔孫不

見仲於公,而仲已自見公矣。」

五年》:「舍中軍。」 邵氏曰:「舍中軍,毁意,而云求食可得,無須去之。」 任日久,洩卒不虞其惡之至此,未喻其求之而至,又何去焉?」 傅氏曰:「牛寵

二,則不得不四。此季孫之志也。」也。中軍既舍,則其勢不得不二,不得不四軍,而曰舍中軍。中軍,季孫之所有三而爲四也,此季孫之志也。故不曰作三而爲四也,此季孫之志也。故不曰作

民食于他。」 豎牛禍叔孫 從,猶一 不能養民,而民 云亂 大作,蓋不忍斥言殺 氏,使亂 民 生於 食於三家,不知 大從。」 三而 君食之,今昭公 傅氏 其父耳。」 有 日 君。按: 一、「大

以珪爲信。《周禮》:『公執桓圭,侯執信「朝聘有珪,享頫有璋。」 傅氏曰:「朝聘皆

食焉。」正所謂民

食於

他也。

(昭二十五年》:子家子曰:「政自之出久矣,隱民多取

反

玄云 享頫 乃 皮 見 用 圭 覲 飾 擘 行 一,伯 也 與 於 降。」此言璋者,據 享 君 而 王 以 朝 執 「上公享王 按: 禮 獨 同 帛 聘 諸 躬 言 琮 之禮 獻 圭 「行 其 侯 珪 子,子 或 長 相 以 者,據 人合六 一, 使執 之所 各 見 錦 圭 執 降 琥 以 穀 同 有 公、 君 馬 玉 之。 壁 以 幣 享后 以授 繡 侯、伯言 享, 男 等, 聘 圭 璜 執 主 用 以 獻 璋 是 蒲 以 國之君 馬 圭 以 也 圭 黼 之也 皮,餘 璧 璧 璋 頫 鄭 以 兼 其 朝

六年》: 重之以 睦 : 亂 獄 陸氏日 滋 豐。」 :「睦於楚。」 豐者 繁多之意

以

次

上公享后言之也。

《易》曰

豐,多

故

0

之,以 七 厲 年 之非 所 取 媚 立 Ē 爲 也 矣,故 在 身 此, 無 或反之以媚於民 所 邵 義 氏 説 而 日 在 啚 彼 説 7 以 政 從 存 者 政 絶 有 IE 不以 所 也。 反

> 魄 神 文所 魂 年 伯 而 曰 生 魄 ***** 有 魄 也。」韻 精 始 魄 <u>二</u> 0 則 也 化 左氏 当皆 院也 魂 日 宋 不 書 魄 魄 2》所謂: 可 樂 非 能 形也 以 祁 形 憑 訓 也。 日 魂, 魄,不 依 解 : 形 於 * 神 **^** 則 人一, 矣。」 説 也, 心 專 形 文》曰 指 魄 及 亦 形 陽 形 精 昭 前 可 而 也 爽, 也 以 所 言 氣 魄 云 + 是 傅 如 魄 也 奪 謂 陰 五. 氏

二卦皆 建侯。」次 利 建 侯 云。 1, 得 初 ^ 1, 屯 > 得 初 九 屯 其 其 爻 彖 辭 日 亦 利

弱足者 管 居 寧日 貞。」昔 居。」 人以「居」字 盤 桓 屯》 利居。」 初 九 爲 爻辭曰: 句 魏 幣 明帝之徵 桓 利

0 「二」,原脱,今據《春秋左傳 正

四 七

則

戎

狄

亦

無所憚矣

今在 八年 殺 夫之類。 嬖,嬖大夫 馬毀玉 析 一由 木之津 義 輿 不 馬,陳 嬖袁 也。 如 欲 書 克,殺 猶 使 掌 侯 楚人得之。 將 君之乘 所 盤 復 乘。 馬 庚》『若 由 毁 玉 車 玉 《解 以 顛 如 陳 鶴 木 晉 葬 侯 之有 七 Ш 菲 所 興 魏 佩 大 由 氏 輿

作「邰」。《九年》:「魏、駘、芮、岐、畢。」「駘」、《詩》

蘖』,木生條

也

蒲 姑、商 或 在 之地 魯。』《括 奄 地 志》: 王 氏 『兖州 曰:「《説文》: 曲阜縣 奄里即 都 國 奄

肅 慎 夷之國 寧公與亳戰 燕亳。 也 亳 王 氏 王 日 奔 戏』,皇甫 $\overline{\ }$ 史記 秦 謐 云: 本 西西 紀

后 雖 稷封 戎 狄 殖 其何有 天 下。 余一人?」 封 殖 封 厚蕃 言伯父猶 殖 也。 然,

0

「三」,原作「五」,今據《漢書·五行志》改。

火出 之,天之道 日 陳 成。 皆 九、土十。 相 陳 也。 今兹 Ŧi. Ŧi. 三生木,地 以 行 水 爲 將 年。 也 而 歲 志》説 火 Ŧi. 復 金 屬 土十牡, 然 (陳,逐 歲 在 封 爲 也 而 天 則水 也,故 Ŧi. 水 星 -0 合 故 以 以 日 及鶉 宗, 火,水妃 紀 水 楚 四 : 楚 之大數六,火七,木八, 而 日 土 以 後 而 之 陰 生金,天 生 得 顓 火, 以天 Ŧi. 建 天一爲 五. 水 先 其 陽 頊 十二年。」 也,而 宗 而 年 陳 爲 易位 以 地 Ŧi. 後 也 在 火 而 以 水王 以二 爲 陳 火二牡 大梁 Œ 昌 ,故曰『妃 楚所 Ŧi. 水六牡 卒亡, 楚克有 妃 一, 故 生土。 , 生火, 故 陳 以 相 一、木以 日 日 其 五. 大 漢 火火 **元** 立成,故 梁 族 以 五. 天 楚 也 以 天 Ŧi. 位 以 所 年

星

見焉。」

中男 以 生 衰 五. 自 也 奇 天 水,至 故故 Ŧi. 及 七 大 爲 成。」 鶉 梁 , 火,水妃 爲 牡 日『天之道 火,五 四 金四牡,金 離》 地 陰 歲 六乃成 爲 耦 而 也 十二年 及 火,爲中女, 爲 鶉 也。 妃。 以 於《易》,《坎》爲 火 越五 而 天九爲 故 四 陳 數矣。 日 周 邵 卒 蓋 小水 四 氏 Ė 木八牡 取 + 故 諸 八 火 火 水,爲 日三 歲 此 之 天 盛 也。 牡 妃 水 凡 陽

「學人舍業。」補云:「舍業,謂不習「膳宰屠蒯。」記作「杜賷」。

又

飲

外

嬖

嬖

叔

0

外嬖,嬖大

夫,

職

可

察

樂。」

+ 外 非 解 年 事 也,言婺 *****: 客 居 星 其 女居於玄枵之維首 居 維 玄枵 首, 之維 前 有 首 妖 星 傅 焉 而 氏 有 H 妖 :

「戊子,逢公以登。」 補云:「逢公亦姜姓

見《國語》。」

彼雖 不 樂、高。 能容 不信 我 言 聞 雖 我授甲 不 實有 則必逐我。」 此 事 聞 我 授 甲 彼

而 公卜使王 其 用之。」 李雲霑 族 也 日 黑以靈 戴氏 : 此 疑 如 姑 以 芋 銔 爲 尹無 率 旗 古。 不 宇 可 之 斷 請 斷 斷 王 尺 三尺焉 旌 而 斷 用。

下館。 一稷, 地名。七國時齊有稷

行。」 用幣 夫子知之矣,我 則 此 行之難。 費 我之不足也 必 傅 廣 將 百 氏 夫子知 兩 不 能 白 則 用 行 兩 之以告我, 不 車 足。」 必 必 百 盡 T 乘 用 人, 則 以 言 而我 千 徒 給 非 之。 千人,人 人 知 不能行 至 之難 將 而

難 不 慎 也 補 云 : 言 不 可 不 慎

棄 德 曠 宗宗。」 使 其宗 廟 曠 丽 不 祀

+ 年 ***** 楚子 虔 誘 蔡 侯 般。 補 云:

楚 子 量 改 名曰 虔。」

然壅也。」 壅, 如 以土壅水,積之多 一而後

決之驟也

是以 没振 無拯,不 凡 溺 皆 可 難 之意 没振 爲 力, 極言之。」 而 没 邵 者 氏 日 爲 : 甚 出 不 溺 可 爲

物以 無 親 物,人也

申

無

拯

而

《十二年 》:「子産相鄭伯、辭於享,請免喪而

後聽命。 晉人許之, 禮也。」 子 産能 守 喪

制 ,晉人不奪,皆爲 得 禮

壺 何 爲 焉 ,其以 中 雋 也 邵 氏 日 言童

何爲焉 前 以 其 中 爲 雋 異

今猶古 ,齊將何 也 齊 所 爲乎? 將 何 事 ? 《解 影非 言 一普疆 不 異 於

> 外强 供養三德爲善。」 黄裳元吉』。」 遂 之忠; 亭是. 平 信。 陽 共也。」 陽,外彊 티 : · 沾 縣 昔 人臣 内 此 也 應 本 温 陽 秉 J° 此 所 劭 ,尤誤。 卦 也 ,忠也。 堅 剛 以 日 爲 貞之節 彊 鼓 : 爲「 然本八 内 惠 以 之都 正 漢 晉荀 一、之卦 黄 禦 書 伯 和 傅氏曰:「三德、忠、信 前 義 裳 外, 釋 也 . 以 而 吴滅 地 元 爲 故 其 載 率 非 和 温 理 外,六 吉 貞 劉 肥 義,言蒯 以 鼓 順 日 志 炫之辨 信 都 率之, 以 内 也 今鼓 事 五. 其 也 鉅 主 陰 斯 無 聚 日 鹿 甚 故 變 邵 謂 以 在 昔 斯 明 下 爲 之 當 樂 謂 陽 氏 曲

是四 字 經 陳、 積畫 注》:「汝水又東南流 蔡與 或 者 以 不羹爲 專 成 蓋三 足 畏 三國 一之誤。 也 紙 逕西不羹城 有 劉 未 不不 炫 知 據 是否 羹。 楚 南。」 古 語 《水 四

蔡、葉與不羹。』正 是 有 葉』字? 楚靈 王 問 范 李 無 合 雲霑 宇 兀 回 或 F 之數 : 我 或或 按 欲 賈 大 是傳 誼 城 陳 文 新

王是 元 内游觀 以獲没於祗宫。」 年 作 祗宫於南 之宫。」按:《竹書紀 鄭 正 義》 年》:「 馬 融 云 穆

脱

式 如璧,言令德 如 玉 式 如 金 也 猶 言 如 金 如 錫 如 圭

王

形民之力,而 《易》曰 而 以 民 又曰 力從 : П 若 : 必至 王 「節 無醉 事 下 以 當當 於 有 制 飽 雷 醉 如 之心。」 度,不傷財,不害民。 飲 飽 頤 食 則 適 君 民 於 蘇子 子 不 飢 以 飽之度 瞻 堪 節 日 命 飲

十三年 意 固 ***** 城 息 韋 固 舟 城,克 城 乃二城之名。 息 舟 城城 而 居之。 按: 傳書 克

同

道

也

邑,未 城 而居之」别爲 有 書 克 某 邑之城 句,言築城 者 固 而守之也 城、息 舟, 皆 字 地

依陳、 蔡 人以 國。 陸 氏 曰:「依陳、蔡之

衆以 7 國。

弃 禮 違 命 0 弃 事 神 之

同 之人 . 惡相 ,如薳居、蔓成 求。 傅 氏 日 然 /: 之屬 同 恶 謂 同 謀

無 於内 與 同 好。」 傅 氏 日 0 言 子 干 無

黨

齊桓、晉文不亦是乎?」 亡,因亂而入。」 傅氏 日 皆 出

^ 懷錦 十四四 稱 説 熱,故飲之以冰,不當 夏之六月,晉 以 臣者,古人之謙 奉壺 年 * 人爲季 飲 司 冰以 徒 人 氏家 老 蒲伏焉。」 以 祁、慮 辭 幕 臣 以 耳。 蒙 爲 癸。」 其 季 箭 請 史記 陸 筩 孫 於 氏 當 也 當 南 日 不 從 蒯 高 堪 服 此 祖 亦 其 氏

稱

臣 猶 相與言自稱 僕 也

十五 褅 ,記所謂「春禘 年》:「將 禘 於 秋嘗」之禘,而 武 公。 按: 非 此 五. 年 乃 大 時

將禘

祭追遠之禘 也。《二十五年》「 於 襄

《閔二年》「吉禘於莊公」、《解》云:「三年 公」、《定八年》「禘於僖公」,並同。 惟 是

喪畢,致新 死者之主於廟, 廟之遠主當遷

入桃,因 是大祭,以審 昭 穆,謂之禘

王一歲,而有三年之喪二焉。」 長子斬 衰三年。」喪 妻雖 期 年,而 《禮 傳 日 爲

·父必三年然後娶,達子之志也。」是 亦 有

三年之義。 在 王雖無再娶之禮,而其 餘

哀則同 也。

動 而 失二 禮。」 朱申 曰:「謂 求器

(十六年》:「幾爲之笑而不陵我?」 宴樂。 言 寧

> 年》傳 有 幾次 「幾千人而 爲之笑而 或 不 不亡」、《二十四 陵 我 者 乎 ? 與 年 · 》 傳 +

幾 如 是 而不亡郢」義 同

刑之頗 類。」 類」,當作 「類」。二十八年

解: 「類,戾也。」

「立而無令名之患。」 立,立乎其位

善哉,子之言是。不有是事,其能終乎?」

惟 有是警戒,當能 終 於好。」

傅氏曰:「人情相

與翫習,恒

不善其終,

十七年》:「辰 不集于房。」 今胤 征

夫子將有異志,不君君矣。」 日 者,人君之

表。 不救日食,是有無君之心。 《解

「故使穆子帥師,獻俘於文宫。」

傅氏曰

以告成事

「冬,有星字于大辰 西西 及漢。」 八月,辰星

「其與不然乎?」 在 西 方, 孛從其 西 邵氏 過 星 曰:「其與,語辭, 東 及 漢

猶

日其諸。」

學。」 十八年》: ●「大人患失而 失位 叮 違衆而失位也。」陸氏 大人。』言 以無學。」《解 邵氏 ,心志惑亂,故徇流俗之説,而 曰:「『夫必多有是説 不學之俗自下始也。 影非。 日 : 惑, 「大人懼違衆 又曰 而後 患 · 可 失, 亦 以 及 其 日 而 恐 無

之著於衣,振之則去也。 「振除火災。」 振,如「振衣」之「振」。猶火

過 故過 將爲葬除,不毁游氏之廟」乃是一事。 庭小,不便於 期三日。」 解》非。 期三日,須子産見之而 此 陸氏 蒐 傳 , 宜 與《十二年》「鄭簡公卒, 曰:「大叔 除。 大叔 廟 有後 不 寢 忍 之間,其 命 毁 也。 廟 而

是時,許遷于葉矣。然以舊國故,不專心許不專於楚,鄭方有令政。」 邵氏曰:「當

傳

誤

重出,又或以爲葬,或以爲

蒐

禳之,則彼其室

也。

言淵

固

龍之室

也,

此所以欲遷許也。」 有令政之鄭,鄭得晉助而伐之,不難矣。 事楚。以不專心事楚之許,而不禮於方

《十九年》:「紡焉以度而去之。」《釋文》引 許曰『余舊國 臣 《成十五年》「許靈 裴松之注《魏志》云「古人謂藏爲去」,亦 作「弄」。 許」是也。《解》以爲 傳》「皆藏去以爲榮」,師古曰:「去, 而食之」,師古曰:「去,謂藏之也。」《陳 鄭人因有舊許之地」、《襄 也。《魏志 松之案:「古語以藏 《漢書·蘇武傳》「掘野鼠去屮實 也」。」 華 佗傳》一去藥以 公畏 「許先鄭封」,非。 先許遷 爲 偪 去。」 十年》「東侵及 于 而 鄭 鄭 待不 遷于 得 其 · 祥), 亦 葉 地 藏 遵

●「十八年」,原脱,今據四庫本補。

贵 能 禳 而 去之。

二十年》:「相從爲 愈。」 愈於 相 從 俱 死

使華寅 肉 袒 執 蓋 以 當其 闕。 傅 氏

肉 袒示必死

阿 下執 事 傅氏曰:「阿下,親附而卑

齊侯疥,遂店。」 《正義》曰:「疥,當

作痎。」

四物七音。」 傅 氏曰:「 四物、律、度、量、

衡也。 七音,以宫、商、 角、徵、羽 而加變

宮、變徵也。」

《二十一年》:「吾小人,可藉死而不能送

亡。」「亡」字句。

《二十二年》:「無亢不衷,以獎亂人。」 舉

而高之曰亢。不衷,猶言不端

犧者,實用人,人犧實難 氏曰:「自『犧者、實用人』以下皆指人而 何 害。」 邵

> 謀生矣。」 王自 立王 言,人犧 猛。 立子 則用 己犧 朝。 在人, 則 蓋 用 是 舍在己,故 故 時太子既卒,廢立之 日 實 難 日 喻 何 劉 單 喻 之

五月庚辰,見王。」 不待葬而見王子 猛

於廟。

「毀其西南。」 唐石經此下有「子朝奔郊」

四字。

《二十三年》:「乃皆執之。」 傅氏 日 魯

不直。」

又將叛齊。」 補云:「上年與齊盟。」

「先君之力可濟也。」 先 君 ,謂周之先王,

《書》言「昔我先君,文王武王」是也。

吴太子諸樊入郹。」 吴子諸樊,乃王僚之

伯父,不應太子與之同名。 且僚子 尚

此必諸樊之太子光。《正義》亦以爲傳寫

之誤。

媾姻亞,以象天明。」 陸氏曰:「言其親疏《二十五年》:「爲父子、兄弟、姑姊、甥舅、昏

倫序,比象於天文之行列也。」

也,作小鎧著雞頭也。」「季氏介其雞。」《吕氏春秋》注:「介,甲

此之謂不能 襄公亦 莊 祀蓋有 公别立廟。」 煬宫之立 公。 然。 趙 獨豐于昵者,如 王 ,經皆書之,即别立二公廟無緣 庸先君之廟。」 杜謂 陸氏曰:「周衰禮廢,諸 日 "『不及於祖也。』今此禘 别 立 廟」,謬矣。 《閔二年》『禘於 《解》:「蓋 武宫 侯 典 襄 于

使有司 侯言 平陰 爲魯之故 待於平 近 魯 陰,爲 野野 ,使有司先待 井 近 近 故也。」 齊。 於平陰,將自 邵 氏 近, 日 謂 齊 近

罪也』。」而魯侯已至於野井,此『寡人之

失魯,而以千社爲臣。」 傅氏曰:「言臣千

社之人。」

炫曰:「不忍王之虐也。」《解》非。《二十六年》:「萬民弗忍,居王於彘。」 劉

諸侯釋位,以間王政。」陸氏曰:「《史記 旱,屋焚,卜曰厲王爲祟,乃立 共伯 乎共首』,司馬 《汲冢紀年》『厲 和」,非也。 其賢,請 王 年王陟於彘,周定公、召穆公立太子靖 和』,師古曰:『共,國; 言厲王 ,共伯和歸其國。』又《莊子》稱『共 和攝 奔彘,周公、召公行政,號 以 行天子事, 爲天子,即 《漢 彪曰:『共伯 王十二年出奔彘,十三年 書·古今人表》有 號 王位 伯, 共 爵; 名和 和 宣 諸 和,名。」 王 四 河『共 十六 伯 共 年 伯 共 知 得

其 之難 諸 氏 伯 人也 書所 復歸 春 大天子 秋》曰 説皆 於宗, 二。『共 曠 同 絶,而 逍遥 則釋位 伯 得意於共 和 天 ,其行好賢仁。 下皆來請 一以間 王 山之首 一政者, 矣。」 共伯 據 厲 吕 此 王

是攜 宜臼 攜 並立。 也。 王。 生,不過數 復立其子之理。《正 朱鶴龄曰:「幽王 出 ,乃是地 奸 \pm 梁 於申,號 或以《益 王者,余臣也。」 命。」 既 元 二十一年,攜 弒,申侯、 帝 名,猶 歲 用 公翰 前 《解》云:「幽王少子伯服。」 法》 尚 厲 褒姒 書 在位十一 立 魯侯及許文公立太子 怠 王 左 王子余臣於攜 義》引《 王爲晉文侯 政 一流 派 爲 交外 按此,則 彘 犬 劉 年,計伯 穀 戎所虜,必 ,詩人謂 汲冢紀 議 攜一, 益 攜 所 年》: 之汾 服之 殺。」 三王 其 王 之 兄 非 無

邵

陵

王

綸

爲

攜

王

取

此名而義不同

0

「交外」、《逸周書

謚法解》作「外交」。

《二十七年》:「延州 「帥羣不弔之人。」 三十一年》延 相弔恤之人。」 州 來季子其果 來 傅氏曰 季 子。 : 立乎」之下。 好行禍亂不 解 宜 在《

襄

王可

弑

也。

母

老

子

弱,

是

無

若

我

何。

是也 下文云「闔廬以 而 兩公子將兵伐 史記》 内空 無 日 骨 「王僚 其子爲卿」,則《解》云「欲以老弱 : 鯁之臣 楚,楚 可 是 弑 絶 無奈我 其 也 路 母 何。」按: 老 外 木 子 幼,而 於 託 《傳 楚, 光

國人投之,遂弗褻也。 鈹交於胸,遂弑 矣。 不爲之動 日 闔 國 廬 人取菅杆投之,而 既 ,所以能 立,「以其子 王。 弑 王 鈹 令尹 也。 爲卿」,史竟言之。 交 於 炮 弗舉火。 然鱄 胸 之。 設 而 諸 鱄 令尹 邵氏 設 亦 死

Ш

乃 舉火然之。」

事君如在 7 君 ,惟魯不敢 國。 當 時 故 昭 諸 公雖 侯 出 在外, 奔,其 國 而 意 即 如 别

猶 以 君 禮 事之。

使宰獻 而 請 安。」 燕 禮 *****: 司 正 命卿 大夫

以安,皆享臣下 之禮,卑公也

《二十八年》:「盂 猶 邯 夫 丙者,非。 鄲 魏 盂 大夫之爲 丙邑。」以 大夫之爲 《漢 邯 書 魏 其 丙爲盂大夫。」 鄲 壽 • 地 爲盂 午 餘,閻 也 理志》云:「盂,晉大 大夫 大夫之爲 而謂之盂 今本 閻 -作孟 嘉, 丙,

其 四人者 ,皆受縣 而 後見 於魏子。」 言 非

《二十九年》:「人實不知,非龍 有烈山 自 無擾龍之術 炎帝之號。」 氏 之子 故不生得 柱。」 賈、 耳 鄭 非 實知。」 皆云 龍之知 言人 也 烈

> 遂賦 語 注 晉國 ₩ E 三十 鼓 鐵 以 庁 爲 鑄 鈞,鈞 刑 鼎 四 爲 石 王 肅 石 家 四

爲 鼓。」 蓋 用 四 百 八 十斤 鐵

患。」 《三十年 備 * |-御 不 共 虞 其 謂 職 貢 軍 之事 與 其 備 御 不 虞之

若 將自 雖 爲 土 \equiv 同 大夫有 師 於 以 先 肄焉。」 王 所不 獲數矣。」 言欲自 肄 个,習也 比 言 于 先 不 周 得 盛 備 數

《三十二年》:「 如其已。」 名之不可不慎也 按: 有 名爲 有 所,猶言· 貴, 傅氏 有 又 我受其無咎。」 受,猶任 處 有 讀 也 如是。夫有 所 至「夫」字爲 謂 有名 不 所有 如 句,言人以 無名 名 而 不

欲求名而 章 名,而 一欲求名 如 趙 宋 之 不 盾 . 得 僞 盟 而 出 其 或欲蓋 不得 奔,崔 名 不 如 列 丽 杼 向 焉 名 殺 戍欲 章。 太史, 或 欲 以 將 蓋 弭 王 以 兵 應 而 蓋 名 爲 麟

不 可 弑 止 見 君 三叛 謹 之 悪 嚴 也。」 之 而 法 其 惡 求 益 名 著 非 焉。 謂 齊 推 豹 此 名章 類言之, 亦

我

我

舒

鳩

也。

『爲

我

使之

無

忌」,

吴 自

是

日月在 楚東,故知必吴入郢 辰尾。」 傅氏曰:「辰尾居東吴,在 也

《三十二年》:「越得歲而吴伐之,必受其 _。 区 同,故 吴、越雖 歲 獨 在 越 同星紀之分,而所入宿度不

屬役 賦 丈。」 屬 役 屬所役 人數。

定元年 蓋 事 此 兩 丑之明日 前 月 役 周之正月,爲晉之十 不 而 傳 過 始 再書之者,兩 裁,宋仲幾乃不受功者乎? 三旬而 魏子涖政 士彌 畢矣。 牟既已分役,豈有遲 收 ·一月,而 此 而 即 失删 Ė 庚寅 年 其 南 即己 面之 也。 之 且

「命以伯禽。」 噴有 四年》: 傅氏 本柏 室之議」、《荀子》「 傳下文言楚囊瓦伐吴,不言伐舒鳩 則 我 襄公二十五年楚已滅舒鳩 此致人之術,所謂『多方 然,楚方忌吴,安肯 桐 伐 適 也。 煩言。」 子 日 叛 桐。 「蔡侯 楚,故 竹柏 國 蓋 吴將誘 如 此 以 舉,楚地,在 使 孫 噴,争言 者 吴子 寶 舒 楚,欲 「,爲 嘖 侗 鳩 出 及楚 矣。 焉 日 人 我 師 而 謂 使之不忌吴,於 使 以 於 人戦 一今河 楚

禽之命》,而今逸之。」 :「於《書》當有《伯 也。《管子》有 不類 嘖

《二年》:

以

師

臨

我,我

伐

桐

爲

我

使

之無

忌。」

邵氏曰:「以

師

臨

我,我

伐

桐

於

柏

舉

南

西

平.

則

杜

《解》爲

得。

又

誤

之』也。」按:

近

吴之地

哉?

之

無

忌

也

不

以

師

伐我,我

相 詩箋》曰 土之東都 爲 王官 之伯 相 出出 土 相 居夏后之世,承 長諸侯。」其曰 土,商之先君。 東都,不 契之業, 鄭 氏

「密須之鼓。」「密須,解已見昭十五年,此

可

知

爲

何

地

也

重出。

楚子取 楚子涉睢 安府。 以 南 而 我, 中,雲夢澤中,蓋江北之夢,在今湖 爲 而 西,復還 季芈之字。」下文但言季芈,知非二人。 北 「江南之夢」,非。 其 考睢 濟 濟江,人於雲中。」 傅氏曰:「雲 妹季芈昇我以出。」 以 人 、漢二水皆入江 睢 鄖 由 自 睢 鄖 而 而 人江 奔 一,楚 隨 服云: 子 繞 也 吴 既 廣 兵 涉 解 一界 之 德 睢

困約之時以爲利。」 陸氏曰:「不敢乘君父

《五年》:「卒於房。」「房」疑即「防」字。古

大德滅小怨。」 《漢 以其兄有大功,故并賞。」 常山 房」,孟康曰「本房子國」。 初謀弑王,故子西欲舍之。 同,又「防」、「房」二字相 羽紀》「封 人唐公防碑》可證也。 阝」字作「皀」,脱其下而爲「防」字,漢《仙 書 王 敦 武 廢 揚 帝 徙房 武爲吴防侯」, 紀 傅氏曰: 》: 「濟 陵。」一卷之 《漢]1] 通之一 「大德 王 書》「汝南 而《 明 字亦作「防」。 王憐其念父, 中,字 廢 ,謂其弟懷 證 史記 遷 防 體 · 項 郡 不 吴

中軍 陽虎若 見 爲 己 此 司 有不得已之情焉。 虎 言。 有 馬者,有如 不能 不容 邵 居 氏 之勢焉,有不可言之惡焉,而 魯, 日 先 而 孟 君。」 息 欲晉君臣於言外 孫 肩 何爲 於晉,所 恐晉 而 陰厚之,故 遽誓哉 不 以 爲

謂 之, 不 日」,「有 其 如 而 神臨 此 豫 將 如 啚 之,必降之禍 如 河 所 日 以 何, 待之 有 如 如 也 先 河 也 何 君 凡 云 誓 此 如 所 先 者 辭 謂 君 若 日 何; 彊 謂 有 若 爲 苟 如

八年》:「主人出, 魯人 奔 卻 師 奔。」 賈云:「主人

出

之請

以

取人焉」者也

衛人請 請 者涖之。 晉執 執 之。 牛 衛 卓 侯 , _ 與 晉 盟 大夫 禮 . 盟 卑 自 者 以 執 當 牛 尊 耳 故故 尊

涉 **捥、腕同** 佗梭 衛 ,掌臂交曲 侯之手及 處。 捥。 按之上及於捥 捘, 捉持之也。

寡人從焉。」

言事之。

九年》:「子 居 日 也。 子 明 蓋 明 與 謂 右 桐 門 師 右 同居,逐之,使 師 出 劉 出 用 各 熙

東郭書讓登,犂彌從之,曰:『子 讓而 左,我

> 讓 子如驂之靳。」 曰:『曩者之難 書 以 左右 邵 何 猛 之先,是又 曩 亦 則書先登矣。 而 與 難 與 然。 先後 氏 右 略後焉。 王 非 犂 日 使 之有? 故笑而言之。」 猛 一登,登 譎 彌 讓 登者 彌 辭, 息。 既 登 難 爲 所謂 不得 ,今又難 絶 先下 也。 邵氏曰:「上言犂彌從之, 争 絶 既登又讓下, 猛 而 城 先 而 先,先於衆非 後下。」 曰:『我 _ 先, 地 後 也。 也; 如 下一乃 也。 馬。」猛 難 驂之靳」,則 下, 讓 也 書 登 先 下 既 譎 左 絶 讓 笑曰 , 登。』書 登 辭 今 彌 先於 亦争 後 而 猛 也 而 先 左 語音從 下,此言 書 又言 下 書也, 先 右,不 城 歛 先而 也。 登 甲

皙幘 十年》:「公會 今萊蕪縣 巾 而 髪, 衣 卑 貍 製。」 賤 按: 齊 所 侯 服 杜《 傅氏 于 解》及《史記》、服 祝 貍製,狐皮之衣。 其,實 曰:「晳,白 夾 谷。」 . 哲 虔注 在 幘

遠,非 侯,宣 夷』也 也 此 落 舊 蕪 荒 説 谷 地 云 不可 ,故得有萊人,非召之東萊千里之外 蕪 在 云 當 也 尼 東 夾谷之會 稱 路 故 齊 泥祝其之名,而遠求之海 海 『夷 岨 日 靈 水經 祝其 絶 公滅 不亂 萊 注 兩 。 齊侯 無」。 縣,今淮 萊 | 萊 華』是 Ш 間 萊 蕪 使 道 民 縣 禹 也。 萊 安府之贑 播 貢 回 人 由 流 * 南、 是 以 所 此 城 上矣 則 兵 謂 北 谷 在 會 劫 門。 榆 萊 於 魯 萊 邑

《十三年》:「 衛之道 之道」。 也 **寘**諸 也 晉陽,非 「衛是 邵 氏 以 爲 日 衛 : 邯鄲,而 之意 真 也。 諸 邯 真 故 鄲 諸 晉 日 衛 陽, 絶 之 衛 意 絶

曰:「禽,如鷙鳥之發,急持以衝其陳,吴《十四年》:「使死士再,禽焉,不動。」 傅氏

《哀元年》:「死知不曠。」 曠,空也。言不

陳

堅

不

可

動

爲徒死,知上必有以恤之。

《二年》:「以兵車 罕、 傅 駟 氏 兵 티 : 「 車 在 設 前 之斾,與罕、 者 斾 於 相 對 軍 前 彼 駟 盛 自 兵車先陳。」 爲 後望之,不 軍 容 與

知虚實,故懼。」

「謀協以故兆,詢可也。」故兆始謀伐二

子,下得吉兆。

趙孟喜曰:『可矣。』」 以范中行氏失援糧

竭,必將亡。

左師 四年 之兵 軍 》: 「司 于 與 戎 菟 和 狄 馬 之衆 起 右 豐、 師 軍 析 以 于 與 臨 倉 狄 E 野 戎 雒 9 以 而 臨 分 發 E 軍 雒 邑

「使謂陰地之命大夫士蔑。」二,以脅晉人。

一日

大夫守陰

襄十九年。《五年》:「諸子,鬻姒之子茶,嬖。」 諸子見地者。

景公 邵 氏 死 日 乎 不 與 埋 不 與 軍 ,皆指羣公子 Ż 事 乎 不 與 謀

《六年》:「再敗楚師,不如死。」 劉炫曰:

即《豊記》听謂『跂逢』者,渭疍其喪也。一「潛師閉塗。」《史記》司馬貞注曰:「閉塗,

即《禮記》所謂『菆塗』者,謂匿其喪也。」

惟彼 尚 書 陶 . 唐 Ŧi. 帥 子 之歌 彼 天 常 》也,今《 有此 冀 書 方 V 無 帥 ^ 古 彼 天 文

「出萊門而告之故。」《解》:「魯郭門也。」

常

句

君舉不信羣 按: 夫復立荼而 定 九 年《解》: 臣 廢己,欲使除之,故僖子以 乎? 萊 八門,陽 悼公忌茶,恐諸 關 邑 門。 爲 大

七年》: 陸 氏 周 之 如 王 冕 也 如 制 旂 禮 俱 上 + 物 不 旒, 玉 過 + 路

疑己。

繁纓

十二就之類

今其 以衆 大也 對 乎? 但言 之而 又不 伐,故胥以 季孫之意 「大夫對 加 存 : 知 事 之, 者 而 後 蓋 必 禹 不 大, 可 諸 以 可 危 無 合 故 聽 夏時 大 亡。 何 數 乎?』不樂 不 諸 耳。 夫 今 不 + 相 侯 故 今背盟 樂。」杜 皆 德 諸 焉。 于 趨 凡 不 以 侯以萬計,惟大小相攻 不 塗 於 以 言? 伐 唯 過 Ш 而 Ì. 兵 解皆誤 邾 大 伐邾 邾 出。 乎? 加 有 不 執 而 人 魯 吴 字 玉 伐 既 德 患 帛 小 德 何 傅 之, 不字 不 如 者 足 不言? 氏 邾 萬 其 能 以 不 日 或 勝 而 口 事 П

臣事之,雖不奔命,猶爲之隱諱。 《八年》:「所託也則隱。」 若已託於他國而

魯雖 黨, 急 無 則 與 7 必 有 必 共 有 其 與 患 整。_ 言 魯 平 時 雖 無

懼 王犯 嘗爲之宰 傅氏 日 : 一,澹臺 吴 既克武城, 子羽之父 則 好 其 焉 人 以 或

子之故將固與吴,吴得據之,以爲魯患,

故懼。」

「吴人行成。」 此魯求成耳,而言「吴人行

成」者,内外之辭。

《十一年》:「國書、高無平帥師伐我,及清。」

清,解已見隱四年,此重出。

「有子曰:『就用命焉。』」 劉原父曰:「有

子當爲子有。」

「州仇奉甲從君而拜。」邵氏曰:「州仇奉

甲從君者,對王言。拜者,受之之禮。」

兵交,使在其間。《史記》曰:「吴子使子使於齊。」 子胥爲吴王使於齊也。古者

胥於齊。」

「爲王孫氏。」「《傳》終言之」,亦猶夫槩王

「奔楚,爲堂谿氏」也。《解》謂「改姓辟吴

禍一,非。

《十二年》:「孔子與弔,適季氏。季氏不絻,

季孫之不絻,則亦去其絰,禮之稱也。拜公也。『適季氏』,弔畢而適季氏也。見放絰而拜。」 傅氏曰:「『孔子與弔』,弔於

「從之固矣。」固,如「與人而不固」之固。

者,賓主之拜也。

古者弔無拜禮。」

《十三年》:「公會晉侯及吴子于黄池。」

號而稱子,以告令諸侯,故史承而書之。」《解》:「夫差欲霸中國,尊天子,自去其僭

非也。四夷雖大,皆曰子。

「越子伐吴,爲二隧。」《解》:「隧,道也。」

按:「隧」,即古「隊」字。

《十四年》:「成子兄弟四乘如公。」 傅氏

『富父終甥駟乘』。《解》云『兄弟八人』,曰:「四乘,四人同乘也,如《文十一年》

不必皆在。」

《十五年》:「廢日共積。」、陸氏曰:「共積、

謂共給委積。蓋言倍日而行,以二日之

用 爲 一日之 用

利不 也。 可 成,魯宗室。 得,而 喪宗 國。 背魯 出 傅氏曰: 奔 是 喪宗國 「喪,失

十六年》:「使貳 車 反祏于西圃。」 《解

侗日 西圃、孔氏廟 :「《莊十四年》『先君 所在。 袥,藏 桓公命我 主 石 函。」戴 先 人

典司宗祏』,注:『宗廟 中 藏 主 石 室 也

廟』,注:『 昭十八年》『鄭 廟 主 石 災, 函 使祝 也。」 史遷 此 注 主 同。 袥 于 按 周

宮石室。一日大夫以石 説文》云:『祏,宗 廟 主 也。 爲主。」今許公爲 《周 禮》有 郊

得祏于橐中,非石室,亦非石函矣。」

十七年》:「太子又使椓之。」 陸氏 白

崔子之子,使之争

極」字,古與「豚」通

^

日氏

春秋》:

「椓

裔焉大國,滅之將亡。」 當以 「裔焉大國」

爲句,言其邊於大國,將見滅而亡。

十八年》: 「《夏書》 曰:『官占, 唯能 蔽 志

昆命于元龜。」 今《大禹 謨

《二十一年》:「唯 其儒書,以 爲二國憂。」

傅氏曰:「二國,齊、魯。」

《二十三年》:「以肥之得備彌甥也。」 傅氏

「彌,增也

其可 以稱 旌 繁乎?」 傅 氏 日 : 稱 副 也

馬以駕車 車 有 旌旄 仍以 繁 纓 飾 馬 皆

國君之服,謙言 可 以 稱 此 否。

《二十六年》:「申開守陴。」 申,如《易》「申

命」之「申」。

《二十七年》:「三子皆從。康子 病之。」

《解》:「恥從蠻 夷盟。」慈溪黄氏 曰:「非

豈以 也。 越將妻公,康 蓋 盟蠻夷爲 康 子 恐 恥 子 其 哉 納 君 ? 賂 借 太宰嚭 勢 於 越 而 以 止同 去己,與

「公弔焉降禮」。 陸氏曰:「過自貶屈。」

六四

故寡君使瑶察陳衷焉。」傅氏曰:「衷,中

也。察其中見滅之由。」

故韓、魏反而喪之。」補云:「終陳成子之

言。」 自是晉益微。至靖公三年,韓、

魏、趙三分其地,靖公遷爲家人。

左傳杜解補正卷下終

六五

春秋左氏傳賈服注輯述

〔清〕李貽德 撰

春秋左氏傳賈服注輯述卷五 ········ 九六莊公 ······ 北二	春秋左氏傳賈服注輯述卷四 ·········· 七二桓公 ······ 四二	春秋左氏傳賈服注輯述卷三 四二隱公 二四	春秋左氏傳賈服注輯述卷二 二四隱公 五	左氏傳賈服注輯述卷一	李次白墓誌銘 七	李次白孝廉傳四	序	序	校點説明		目 録		
春秋左氏傳賈服注輯述卷十四 三一〇襄公 二八四	春秋左氏傳賈服注輯述卷十三 二八四襄公 二五三	春秋左氏傳賈服注輯述卷十二 二五三襄公 二三三三	春秋左氏傳賈服注輯述卷十一 二三一成公 二三十	左	宣公 一八七	春秋左氏傳賈服注輯述卷九 一八七	文公 一六三	春秋左氏傳賈服注輯述卷八 一六三	僖公 一三五	春秋左氏傳賈服注輯述卷七 一三五	僖公 一〇六	春秋左氏傳賈服注輯述卷六 一〇六	閔公 九六

	跋	跋	後序	哀公	春秋左氏傳賈服注輯述卷二十	定公	春秋左氏傳賈服注輯述卷十九	昭公	春秋左氏傳賈服注輯述卷十八	昭公	春秋左氏傳賈服注輯述卷十七	昭公	春秋左氏傳賈服注輯述卷十六	昭公	春秋左氏傳賈服注輯述卷十五	昭公	
	四九八					四四	四四	四一	四一				三五八			= 0	
	- "																_

校點説明

另著 著作 性孝 白,又 李 將 對 師 七史考異》、《 注 石 祖 其 策 蔣 陸 從 貽 氏、江 有《詩考異》、《 公親 對 甚豐,除《春 友,篤於 德 被 江 李 號 嘉 列 貽 策 甯 參 慶 杏 德(一 爲 進 自 加 孫 甯 邨, 二十三年(一 呈 浙 教授 星 會 攬青 内行 王 江第 嘉 浙 衍, 試 氏 七 秋左 以 慶 江 後 閣 兩 八三—一八三二,字天 爲 詩 並 帝。 一,深受高 詩,七 嘉 病 家 詩 經 氏 人耿 協 興 殁, 鈔 藏 名 八一 傳 助 道 人。 ×, 書。 介,與 享年五 歲 賈 物 孫 光十二年(一八三二), 夢 考》、《 即 服 李貽 星 八),李 二 十 郵王引之等人賞 能 春 注 衍 人交友 十歲。 輯 賦 廬 輯 德 六歲 周 詩。 述》二十 詞 成《 貽 禮 ×, 德 肝 時, 歲 賸 李貽 + 後 並 中 義 膽 而 彝 Ξ 李 遍 增 *\ « 號 卷 披 舉 孤 貽 覽 修 德 經 外, 識, 露。 佚 外 錢 生 硤 德 次

> 諷《回溪史韻》等。 竹汀《廿二史考異》,訂正鄧名世《姓氏辨證》,補

錢

賈、 作 漢 其 儒之説 0 儒 爲 師 服《左傳》舊 吴 尤其是 李 孫 春 派 星 貽 秋 三是 行 德 治 左 賈逵、 著 編 經 氏 爲 此 繼 輯《十三經佚 注 傳 王 書 承 賈 服 正 主要目 人 虔 服 杜 試 古注,力求 注 預 置 輯 《左 的 恢 述》爲 注》而 復 有 傳》注之説 = 漢 全 學 收 李 一面 舊 集 貽 輯 是 資 德 貌 佚 及 爲 代 料 極 3 而 力 輩 表 推 _ 作 恢 發 協 是 之 復 崇 漢 助

源; 説 左傳 事、 義; 極 面 : 爲 旁通 人名、地 三是注 二是 廣泛。 ^ 正 春秋左 是 義》爲 曲 闡 解 證 名、 釋《 發《 釋 闡 主,搜 氏 説 春 春 天文、五 傳 發 明《 秋左氏 秋》經 賈 其 羅 春 服 義,所考證 百 秋》書 行、 注 傳 餘 傳》及 輯 之 種 制 述 義 古 度 名 > 賈、 例、 等。 籍 緣 主 訓 義 要 服 由 計 輯 李 涉 注 蘊 及 之 録 氏 其 内 及 各 中 及 以《 容 家 字 Ξ 取 相 之 春 關 詞 材 個 涵 之 史 蓋 秋 來 方

《春秋左氏傳賈服注輯述》書成未刊,李貽德

局 北京中華書局 賈服注輯述》大量引用了《十三經註疏》相關內容, 續 本,並吸收了前賢的校勘成果予以校點。 尤其是《春秋左傳正義》,故而參核了一九七 朱蘭刻本最佳,此次點校即以此本爲底本,以王 校勘並首次刊印。光緒壬午年(一八八二)江 即 重刊本(簡稱光緒本)爲校本。 謙《清經解續編》本(簡稱經解本)及光緒江蘇 重 編》收録該書。 逝 工刊。 同治 光緒戊子年(一八八八),王先謙《清 丙寅年(一八六六)餘姚朱蘭囑劉 影 印重 在這些版本中,以同治丙寅 修阮 元《十三經註 鑒於《春秋左 疏》校 九年 書局 恭冕 氏 餘 蘇 經 傳 姚 解

校點者 徐公喜

裁 分 宫 朱 是 午 É 日 遂 制 是 推 投 日 虹 北 若 且 刺 非 舫 輒 服 寒 翰 行 勉 少 當 師 爲 與 甚 衣 識 遇 林 以 學 余 畏 承 有 理 此 次 披 幕 先 IE 當 出 友 交, 小 心 白 始 新 學。 何 大 意 所 復 於 歎 如 裘 口 竊 習 T 夫 者 隨 途 從 舊 **\$** 余 游 愧 亥 訓 律 人 前 老 相 處 則 之。 法 戊 賦 都 次 不 之 識 翁 事 日 源 子 質 白 敢 相 疑 見 寺 之, 間 己 早 子 ? 余 濫 知 難 都 聞 丑. 所 次 聞 次 次 未 交。 就 余 往 先 言 白 白 白 其 盡 余 悚 與 來 大 自 道 談 隨 必 倖 也 商 夫 謝 甚 見 有 爲 論 光 捷 海 名 懽 榷 庚 身 别 訶 古 南 壬 鹽 自

序

書 甚。 其 結 忽 作 甚 見 壽 子 物 力 萬 余 後 辰 寅 保 故 任 捷 視 尊 益 當 易 程 館 仍 其 言 假 來 蔭 學 其 余 其 文 歙 先 鄉 人 何 兀 劇 歸 謁 橐 茂 楚 與 余 習 事 衎 所 縣 囂 如 次 大 筆 學 才 吴 於 北 子 是 病 石 也 楷 下 白 夫 方 爲 ! 退 萬 革 咸 年 先 無 知 任 於 第 書 爲 謂 喜 虹 旃 經 豐 何 生 冬, 遺 余己 將 滿 取 次 不 日 舫 紀 師 癸 手 書 蓋 所 願 行 白 文 入 : 余 其 邸 師 丑. 次 定。 己 著 賁 都 爲 丑. 次 體 喪 第 復 余 校 告 白 作 從 同 書 者 白 殁 弱 次 助 定 至 養 遺 既 古 錢 歸 付 課 年 數 而 白 之 都 書 旋 衎 素 殁 文 氏 諸 生 嘉 爲 + 或 子 金 於家 浙 有 患 取 石 之, 代 興 年 公子 則 朝 錢 退 文 歸 學 痰 歸 錢 研 從 詢 賁 旃 次 子 氏 撰 其 喘 識 子 究 白 之 父 間 萬 已 師 政 先 余 旋 胸 T 萬 經 哭 文 貧 聞 登 至 吾 取 子 大 相 中 録 握 四 史, 之 次 賁 賢 愈 夫 壬 懋 繼 管 罕 口 子

時 詩 所 焉 春 生 事 服 先 才 暨 時 其 適 亥 服 白 官 平 華 其 李 0 家 余 秀 經 付 注 延 注 多 攬 骨 發 寶 輯 梓 意 次 爬 輯 夫 少 終不 享文字之福 視學 青 所 余屬 荃 越 白 述》手 天 婦 梳 應 述》 散 出 閣 成, 所 詩 宫 劉 抉 獲 性 落 通 皖 待 詩 百 爲 書 保 集 摘 叔 情 稿 集 曲 中 刊 金 絶 校 録 節 方 俛 而 第 畀 真 證 屬 非 勘 傳 及 甚 開 茂 是 俸 次 0 至 摯, 余, 保 未 近 分 其 使 \equiv 多 經 白 書 才 鋟 中 幾 厚 蔭 時 件 酷 古 配 塗 從 諸 局 始 在 書 年 保 别 閨 而 肖 繫 吴 誼 Z 於 幕 姪 故 於 板 客 乃 録《 ^ 秀 孺 其 0 增 蔭 昭 完 賈 今年 茂 金 少 早 死 俾 所 爲 改, 若 春 人《 又 始 石 服 好 陵 喪 能 少 才 遺 發蒙 秋 殁 燦 無 嘉 注 春 不 刺 早 以 石 因 及。 書 左 然 恙 輯 花 史 能 偶 經 吴 終 將 + 經 同 氏 ; 出 述 口 集 盡 學 詩 月 古 屢 綜 孺 其 是 治 傳 歷 讀 識 次 歲 其 尤 書 蕆 世 賈 亦 事 癸 賈 擬

> 爲 餘 慰 享 序 次 落 耶 白 兩 姚 發 次 變 跋 白 之 先 寡 ! 白 遷 朱 提 出 明 中 生 交, 余 9 蘭 於 撕 光 所 老 以 至 序 之 必 地 兹 作 傳 傳 而 今 力 耀 但 下 銘 書 諸 無 稍 0 也 記 之 傳 聞 抑 不 知 世 吾 難 ; 朽 亦 自 次 負 書 有 兩 如 天之 也 守 白 志 之 此 此 人 事 精 畏 次 相 0 不 償 司 蹟 白 背 藴 友 交 此 治 於 之 之 詳 先 書 詳 惟 丙 身 志 深 刻 訓 衎 寅冬至 叔 念 後 者 成 石 以 者 生 俛 則 當 平 及 惺 尚 所 猶 口 益 撰 落 豐 稍 菴 賴 H

② 「享」,光緒本作「專」

序

著書並 宫詹親 博,字 爲助。 學, 推 出 捷南宫,官翰林。 與餘姚朱久香宫詹訂莫逆交,❸兩先生皆謹慎 不妄交友者也。 ,既得卷,甚喜。 高 見劇賞之。 左 郵 沈潛 嘉 比 傳 古近 嘉慶戊寅,本省鄉試以 視含斂,集貲 王文簡 興 句 賈 不近 李 櫛 服 體詩 次 ,於義有未安者,亦 注 名 觀察晚年善病,所著書多 公之門。 白 義》始 選録,將付梨棗,于是先 先生數奇,卒不第。 先生殁於退旃吴尚 世 先 自是屢赴公車,徵 鮮知者 歸 生 見 其 邃 於時。 文簡 喪於家。 於 「陽湖 經 經策博贍 小學爲 史, 其 加 孫 書援 既 駮 淵 宫詹已 於旅 書 尤 海 又 難 如 京邸 中式 先生 引 取 善 内 生 觀 甚 所 所 所 雖 察 小

> 得讀 悦性 有祖 爲同 閨 才能 使 卒,先生年 存。 考》十七史考異》,見錢衎石先生所撰墓誌。 義 有所考焉。 名文賁,世 中 也 沖 父風。 韻 0 先生遺 年生,恭冕未之見也。 詩,有《早花集》,風 所爲詩名《攬青閣詩鈔》。 遠復生,終未 於温 事。 至《 其學,道光乙未 柔 未三十,遂不續娶。 宫詹招至使署,與恭 著,而謹括其學行之大,俾後之人 恭冕嘗取合讀之,沖和 同治乙丑寶應後學劉恭冕謹序。 周 敦厚之旨未之失焉。 禮 賸 敢 義 專樹 雅商 詩 征 科舉 其孫 考 南 推 異 之 或或 子戔園先生, 配吳孺 人,與先君子 冕 保 幟 共 相 恩亦謹 緜 吳孺 詩 而 事 貌 唱 經 盡 今俱 ,怡情 久,故 子 亦 名 棄 人早 慧 舊 無 物

0

序

^{● 「}先」,原作「夫」,今據廣雅書局本《廣經室文鈔·李次

[「]善」,原作「書」,據光緒本改。

[「]香」,原作「書」,據光緒本改。

[「]舊」,原作「書」,今據《寶應三劉集》改

次 白 孝 廉 傳

平 湖 徐 士 芬 撰

村 出 覆 爲 手 己 郊 春 天 本 亥 官 解 奇 風 \Box 生 輒 舉 授 祖 先 吹 童 七 君 冠 廣 未 歲 以《 宗 到 世 諱 人 其 延 嘗 西 最 賦 由 貽 渭 詩 曹。 之家 失 參 高 君 江 德 柳 永 政 陰 飛」之句 年十 至 絮 字 塾 昌 字。 徙 歲 祖 ×, 府 天 輾 居 爲 而 宗 八,爲縣 有 彝 知 轉 嘉 剖 孤 海 府 族 歲 反 興 滿 析 人進 側 習 父 梅 字 經 地 本 歲 學 會 舉 朗 落 次 義 生 旬 外 生,試 士集 里。 皆 子 數 父 白 花 祖 輒 業 + 應 蘭 或 曾 又 陸 下 羨 高 條 子 見 乾 公 號 祖 等, 汝 生 藝 每 目 其 韻 隆 杏 我

年 力 精 學 都 浙 爲 下 蔣 于 未 名 寓 繼 劇 病 食 土 庠 中 方 卒 古 下 氏 凡 力 金 又 餼 + 歸 館 册: 今,窮 己 增 館 年 冠 其 陵 無 吴 屢 蔣 口 燂 澽 衰而 視 業居多。 壬 金 大 不 得 君 氏 以 以 藏 作 湯 辰 學 家 陵 知 畫 進 志 投 娱 書 書 調 志未 江 貧 君 王 課 歸 呈 夜 卒, 會 以 請 親 富 蘇 藥 氏 游 學 少 去 不 試 詩 歸 心 嘗 嘉 嗣 思 行 慈 延 息。 司 盡 悉 來 時 者 百 少 慶 是六 得 復 谿 君 空 君 發 辭 身 争 陽 韻 無 挫。 戊 甲 報 報 孫公 衡 椿 其 親 習 欲 寅 湖 不 上 第 之日 罷 即 校 之子 篋 灰 之。 孫 爲 延 法 時 舉 春 以 晚 相 乃 讀 家 廉 致 也 子 所 官 君 慰 於 年 得 時 之, 翁 言 文賁 之。 使 甄 先 念 甚 屢 所 鄉 説 司 父 星 心 拔 後 學 祖 著 薦 歡 子 Ê 空 對 會 稗 尋 世 衍 館 盡 益 不 各 以 父 重 食 朱 策 與 亦 官 硤 以 進 努 餼 閣 爲 時 君 僑 其 故 111 雜 13:

掌 岸 怒 芻 爽 膽 亭 敬 孝 後 壁 房 起 西己 出 倍 吴 月 事 友 糧 披 攝 7 師 諸 輒 讀 孺 以 弱 尤 梮 君 露 本 跪 詩 篤 以 書 而 加 冠 具 郡 時 痰 書 城 不 受 不 敬 以 歲 於 第 逮 時 經 守 甫 1 李 喘 少 工 禮 見 所 治 幾 内 隱 覽 裹 濟 公宗 逾 無 殁 衰 即 志 吟 X 卷 河 冠 行 略 成 於 君 少 有 足 T. 咏 第 輒 撫 圃 忤 力 誦 傳 館 不 不 誓 韻 於 素 以 本 幾 屯 兩 疾 舍 居 口 終 語 天 耿 姑 不 葉 諸 贍 生 從 督 停 兄 及 輒 下 身 再 介 卒 宗 年 子 13: 利 鳳 課 亦 其 血 娶, 婺 Ш 不 Ŧi. 若 鄙 鄭 弊 間 泣 孫 不 門 斥 111 忘 源 + 覆 己 孺 作 之 爲 不 有 少 之, 血 羅 王 歲 出 視 貧 人 輟 能 阨 倚 與 成 廢 嘗 述 公 列 然 干 性 瘵 無 塞、 疾 人交, 若 徵 哀 鳳 家 君 竟 不 嚴 以 疾 依 * 著 指 不 設 終 士 生 生 於 事 徒 者 私 悼 肝 先 諸 馬 崖 身 時 性 有 少 云 几

> 禮 著 種 辨 實 於 佚 X 缺 與 金 攬 攷 皆 0 證 事 馮 有 史 賸 注 陵 異 青 則 時 文 學 義 出 求 太 史 > 之謬 詩 閣 **>** 爲 官 賁 史 \approx 是 則 桐 書 致 孫 詩 增 登 以 徐 書 春 自 城 異 鈔 廉 著 補 一府 則 行 命 + 李 尤 漢 秋 × 使 有 之。 芬 狀 爲 公 口 以 左 加 夢 詩 張 輯 請 訂 志 房 日 迄 傳 詳 致 孝 春 漢 經 爲 : 뻬 IE 諸 賈 焉 Ŧi. 異 魏 名 腹 廬 里 傳 待 之; 代 人 服 余 之 > 昌 物 詞 居 若 介 勒 他 注 説 大 與 致 衢 存 靡 接 因 任 成 干 若 輯 删 經 若 次 以 壤 不 若 錢 之, 卷 書 述 糾 剟 者 經 $\dot{\Box}$ 縷 干 氏 者 其 鄧 爲《 君 術 口 若 視 析 卷 卷。 凡 見 著 史 氏 舉 相 復 + 錢 條 干 如 如 韻 鄉 切 有 卷 姓 宫 貫 $\stackrel{\cdot}{\equiv}$ 其 有 後 此 劘 故 試 0 周 乃 數 詹 經 在 氏 0 0

賸」, 原作 廉 據 光 緒 本 改

² 0 靡 作 廉」, 據 光 緒 本

哉! 豐頭 間 裒集著述,以備采入史傳云。」 其學也。 淵博深厚者,輒 醇醪,亦莫測其 遂 之,每論學術必語及君,禮闈見浙人二三 同 三日 偕 便腹,不 不幸賫志以 計 必 車北 使其得展所負,豈止著書數 相 事 過 涯後。 脩飾 疑爲君卷,亟人選,蓋欲 一、氣誼之親,侔手足焉。 復共舍館 殁,令子克世其學,屬 ,吐屬諧雋,見者如 座師高 嗣 郵 是每在 王公深 尺 都, 昌 場 契 飲 君

李次白墓誌銘

嘉興錢儀吉撰

呼 矣 忍 次 乎 文 有 益 壬 賁 ? 白 ? 聞 : 金 辰 猶 吾 爲 則 秋 鳴 諾 明 孰 數 又 之。 今文 呼 百 死 何 年 與 以 吾 悲 矣。 冬暮 吾 忍 以 夫 程 將 賁 夫 又 其 謀 不 歸 試 出 謂 將 傷 吾 待 就 先 銘 之 寶 哉 都 1 五 子 何 人 所 也 文 惠 門 葬 到 於 忍 著 窀 9 君 致 9 家 江 銘 瀕 聽 謂 穷 别 次 蘄 先 淮 吾 死 吾 得 次 未 於 白 見 期 之 次 É 子 失 就 余 謂 爲 知 間 白 乞 於 寶 : 寶 其 於 人 之 語 吾 有 惠 惠 仁 年 付 墓 悽 次 來 文 書 司 直 愴 我 白 世 Ŧi. 巾 至 篋 笑 通 嗚 子 也 + 不 何

皆 學 觀 隘 書 案: 先 李 舉 善 成 陵 陵 法 書 博 敏 賞 家 使同 多 氏 以 其 生方 嘉 9 雅 塞 病 王 當 周 經 敦 氏 言 散 皆 名 所 慶 作《春 禮 舉 士 其 氣 目 晚 學 戊 以 失 有 文善言 纂 主 賸 節 馬 詩 輒 兩 康 年 名 養 薦 寅 集 秋 也 成 義 芻 家 熙 於 所 左 母 年 者 其 鄉 走 * 誦 藏 + 糧 氏 史,尤 0 + 深 著 試 學 乾 與 傳 左 \equiv 不 書 時 其 於 七 次 書 治 賈 語 隆 無 忘 傳 經 聞 0 經 服 後 白 間 所 多 河 諳 補 京 注 集 佚 海 大 及 舍 生 不 興 付 淵 習 尤 縣 輯 師 解 驚 内 註 兩 與 館 述 屯 綜 學生 善 或 次 如 \sim 舉 次 歲 於 若干 若 次 恨 於 貫 朝 孫 小 白 白 次 博 盡 硤 而 干 白 是 掌 學 知 先 爲 卷 語 白 悉 學 石 處 孤 卷 之 李 高 生 窮 故 卒 宏 諸 分 家 蔣 貧 則 氏 畫 郵 僑 吾 孫 晚 及 任 其 詞 氏 利 恭 皆 王 先 夜 故 世 郡 居 則 Ш 業。 冕 弊 驚 尚 程 生 孫 金 縱 金 習 以 |I|有 謹

悲 殆 庠 者 兄 已 息 授 復 貧 無 退 歎 白 無 鳳 尚 夫 益 經 方 無 然 0 不 出 所 去 同 及殁, 授 授 紀 增 不 存 輟 ! 甚 與 若 孫 以 日 嗜 我 受,其 其 余 督 徒 同 不 爲 者 有 時 書 不 且 或 喪 者 交 江 能 殊 梅 侍 以 舍 廢 口 朝 病 其 甚 日 南 言 絶 里 録 是 郎 館 於 疾 勺 懈 始 論 : 者 學 密 不 感 成 人 居 於 呫 流 舍 爲 次 食 來 其 E 閣 其 吴 畢 俗 其 侍 與 兩 學 館 次 白 謂 意 諸 不 遺 學 侍 , 意 之 自 郎 於 門 人 白 年 奉 書 家 寢 : 郎 偕 見 守 賻 余 徑 生 使 處 五五 餘 養 最 椿 嚴 無 日 衆 助 藥 同 其 而 而 及 決 久。 惟 家 子 纖 甚 之 : 後 之 歲 中 子 遂 還 年 事 謹 間 芥 甚 返 若 以 吾 至 疾 閣 非 侈 可 長 可 市 於 謂 厚 海 稍 學殁 疾 於 職 甚 否 其 頤 同 著 肉 鹽 余。 次 差 辭 莞 死 義 也 謂 次 猶 朱 取 人 胸 以 白 者。 也 懌 講 次 閣 縣 奉 余 乃 顧 中 舍

> 次 幸 與 竟 經 其 志 不 獨 余 江 有《 人 人 白 嘉 其《 名物 意 家 意 陰 吾 也 伯 而 攬 定 深 事 其 徙 傳 父 諱 父 青 十 考》, 遠 貽 其 錢 相 迺 嘉 遽 未 吾 閣 而 德 其 七 商 還 所 葬 興 氏 江 詩 初 己 0 史攷 所 度 著 書 彻 字 不 \approx 曾 意 南 仍 又有 著 無 書 並 天 屑 望 之 菜 祖 朱 書 隱 異》 今 行 彝 屑 其 春 行 我 姓 君 食 當 者 次 則 文 最 廬 郊 終 督 氏 又 家 奈 字 白 雖 完 詞 學 此 見 自 未 官 嗚 輿 何 間 以 余 善 **>** 言 知 號 舉 呼 及 地 廣 語 不 年 於 殊 杏 ^ 之 諸 辨 西 以 今 余 詩 余 後 慰 次 邨 參 覈 喪 留 告 者 得 攷 與 白 世 政 諦 將 皆 其 不 異》《 草略 蓋 次 先 也 已 手 謀 室 祖 白 次 語 又 夫 世 焉 稿 自 白 人 兩 !

⁰ 0 望」, 歎」, 中華書局 原 作 「敦」,今據 本《清 史稿》作 錢 儀 古《行 石 齊記 事 稿

海、考朗俱國子監生。永昌府知府宗渭、乾隆己亥舉人蘭,則本生祖、考也。妣陸氏,不定、李生妣鄭氏。娶吴氏,能詩,居姑喪,泣血一文賁,縣學廩膳生,有學行,能繼其家者。子的,为,以與國子監生。永昌府知府宗渭、乾銘曰:

春秋左氏傳賈服注輯述卷一

嘉興李貽德學

春

秋

賈

日

取

法

陰

陽

之

中

春

爲

陽

最 人 中 ,萬 備 君 律 中 注 眇 以 冢 生 宰 曆 故 動 物 即 作 志 常, 爾 史 以 秋 下 不 以 雅 記 生 文。 爲 統 所 所 失 1 . 與 曆 陰 指 守 釋 中 灋 周 秋 ^ 中 春 詁 及《 志 也 以 治 禮 爲 秋 萬 **>** 官 陰 爲 百 譜 云: 也 周 名 物 府, 中 灋 **>** 法 禮 以 以 式 太 萬 盡 春 本 説 成 向 也。」「 宰 物 疏 在 爲 也 子 者 之 春 以)° _≪ 魯 陽 歆 職 秋 成 矣 中 陰 察 漢 周 陽 其 後 推 萬 禮 史 書 欲 法 微 物 之 法 使 鄭

以 帛 之 鬼 秋 秋 然 子 之 中 事 之 之 人 密 萬 敗 竹 **%** 案 劉 事 事 神 爲 物 則 生 要 舉 以 以 其 ,以陰 厚 正 歆 即 著 以 取 帛 而 作 所 故 墨 言之, 又云「 生 所 中 矣,又恐 也 禍 在 定 謂 述 子 事 傳 云 -0 以 燕 陽 禮 厚 命 焉 命 秋 遺 天 而 古 之中 則 生 取 也 之 春 故 明 也 爲 後 正 時 者 後 所 春 其 0 ^ 夫 秋 列 鬼 陰 世 義 春 聖 世 非 和 制 能 十 二 是 歷 篇 中 以 傳 駮 也 子 其 者 子 王 秋 陽 以 春 定 歷 之 日 萬 禮 養 孫 孫 必 中 \forall 云 公二 有 秋 數 命 稱 故 以 以 物 不 著 禮 者 民 著 秋 也 以 之 以 能 鬼 古 百 義 受 言 在 閨 非 在 天 成 知 神 春 福 者 几 據 天 動 是 正 齊 陰 周 爲 時 爲 也 書 聖 + 作 周 賈 天 不 地 之《 中 之《 其 也 陽 之 王 矣。」 之 是 能 故 以 義 地 威 中 竹 春 年 春 以 書 建 者 儀 中 列 本

文,而 也 天 義 萬 收 書大傳》曰「萬 故 史 法最備 明《春秋 經」,孔氏 秋》之名 春 春秋》而 昭二年 劉、賈 與 物 亦 地之中,動作之則所以定命,即不失 也 秋》, 《玉藻》云「動則 周 成 \exists 一三一春 一欲 禮 也。 也。 出 · 》 傳 》之名 釋《春秋》制名之始,不以周 如《 所由立 同 稱之,日 謂 使人君 《説 **戼爲** 名 史記 隱 文。 爲 五. 由 也 陽 物 七 文 十凡 秋門, 也。 來已遠,當不始於周 非 即《魯春秋》,韓宣 中,秋爲陰 年》 史法 動 周禮盡在魯矣」,是魯 春 西部》云「戼 作 周 書 左史書之」,此《春 是 不生,非秋不 萬 最 不失中」者, 名 周 禮 備 物已人」, 例 公舊 盡 言,謂 中也。 云「謂 在 制 爲 魯矣」, 未 春 脩之 子 是 之禮 中 即 收 正 也 見 中 尚 史 爲 即 其

言之。」本疏

言「孟子」,則「卒」之文上蒙惠公矣,故 俱卒」者,以上云「惠公元妃孟子」,不重 疏 案:《説文》:「嫌 孟子 傳 嫌 引《異義》曰 重言 與惠公同 卒」,其義 一件 子生』者,詳言之」,與 卒」也。「仲子生」,正 :「卒,終也。」「嫌 同 也 日 疑。」《禮 與 雜 L 惠公 義 言 日

聲子。 百四。 服 日 : 聲子之謚 非 禮也。」《通 典

490

迹 迹 通 存之行,❶終始悉録之,以爲謚 案:《詩 2°」《論: 也 • 謚篇》:「謚之爲言 文王》箋釋文:「謚,悉也。 衡 周 書 . 道 • 虚 謚 篇 法 V 解 引 誄 也,引列 生時 益 也。」《 所 行 行 白 行 虎虎 之 爲 之 生

傳孟子卒。 服 日 : 「嫌與惠公俱卒,故重

念 謚 特牲 之謚 然則 劉 通》又云:「此言 郊特 向《 法 之謚 婦 而 通 性》又云:「婦 解 别 人亦當從夫之謚 稱 義》曰 古 ***** 爲 。」●今聲子 聲 謚 者 不 子, 非 生 生 生有 婦 禮 無 其 謚 人無 人以 也。 爵 或 妾 也 爵,死 也 死 日 矣,故《通 聲 隨從爲義 爵,從夫之爵。」 以 ^ 無 史 當 不得蒙 記 謚 有 禮 ~ 正 謚 記 典》 義 白 惠公 故 也 得 引 虎 郊 引

是以 太子 奉 隱 公立 以 爲 而 君 奉 一一本 之。 疏 賈 日 : 隱立 桓 爲

於天子 傳》曰 爲 子」,則王之子爲太子矣。《曲 士之子,不敢與世 世子 禮 矣。 記 諸 所 令 白 • 侯 以 王 世 名 虎 制 子 之爲 通 子同名」, 》「王太子,群 \equiv 世 年 爵 喪 子 篇 畢 何 *****: 則 ? 禮》「大夫 或 后之適 言 受 韓 君之子 欲 爵 詩 其 命 内

> 釋詁 也。 公已 子 華 子 子 或 謂 也 故 也 世 繼體者 亦不定也。」按:此 稱 發 ? 世 恭 、齊太子光。 日 元 《曾子問 年 薨,而隱 然太子之立,當在父存之時。 世 升 天子 不 而 》:「奉,持 ^ 子 即君 于 春 絶 不書即位 持之」, 則 之子 秋 舟 也 傳》 薨 》一君 傳 立 何 知 稱 也。」《匡 由 日 而 \wedge 桓 一、往還 奉 以 太子。 初 仍 晉 是觀之,周 薨 爲 公會 知 以 學 有 稱世子矣。《廣 故 而 天 爲 太子者,承 記 太子申生、鄭太子 不告廟 世子生」, 謬 賈 子 君 王 尚 以 或 Ē 之子 世 者 書 俗》亦云「 桓 制 隱 日 子 惠公改葬 傳 公爲 於 ,太子、世 亦 公攝 惠 諸 則 首 稱 日 公 今惠 太子 凡 侯 雅 止 世 也。 奉 當 太 志 之

■「之」,原作「子」,今據《經解》本、文淵閣《四庫》本《

殷 記 能 繫 爲 以 六 書 既 自 宣 正 王 口 不 三年 年 臣 大 世 之 殯 爲 於 繫 臨 王 以 . 雖 宗 + 民 制禮 爲 攝 日 君 傳》云「公攝 子 其 爲 而 惟 尊 不 之望。 君 無 乎 政 即 廟 \Rightarrow 虚 君 周 踐 即 仲 云 言 ?」按《 諸 君 繼 作樂,七年致政」。 也 年 公誕 奄 而 位 子 而 也 體 侯 昔 攝 爲 7 以 於 0 史家 稱 四 隱 表 之 保 事 夫 桓 者 君 年 當 白 隱 公改 攝 位 文武 政,一 者 人以 爲 周 列 道 建 從 不 虎 時 政 何 太子 未 公 共 實 讓 侯 能 惠 通 元 而 ? 一受命 嘗不 赴諸 攝 和 衛 書之。 公薨 年 桓 没 仍 可 號令於臣子 緣 于. 也 元 爵 政 救 其 改 惟 改元 矣,安在 侯 民 年 篇 是 亂 政 元 年 七 桓 蓋於 臣 ***** 是 正 時,奉 令。 者 年。」《 是 誉 少 也 之 皆 義 洛 時 成 年 所 隱 心 王 其 不 桓 ^ 誥 令文 周 9 成 史 者 尚 不 奉 以 敢 不 朝 大 奉

等也 兄 隱 秋 權 秋 梁 元 君 桓 1 義。」是元 也 王 后 又無弟 白 傳》 號 一,以 之改 爲 繁 爲 存 》嘉氣義焉。」 無 推 隱 虎 按 \$ 君 或 露 君 適 親 臣 不 日 通 又《 而 元 而 之序 但有 當 行 隱 攝 則 號 此 妃 攝 成 己。 \pm 封 之讓 直 君 正 既 令乎 則 擇 嫁 政 道 公志 也。」《 諸 公侯 稱 世之義 卒 者 隱 娶 若 立 臣 篇 仲了 父 爲 也 ? 未 當 長 篇 隱 也 不 公矣。 庶 篇 昭二 得 立 > 若然 子 嘗 守, 魯 惠 年 兄, **>** : 干 魯 成 矣。 -來 不 史 之子 + 鈞 當 隱 天 其 人 歸 惓惓之心,《 號令也 不 繼 日 則 六 之代 以 隱 位 爲 誰 君 周 書 世 , 其 年》 隱 德 公者。 當 桓 也 與? 無 諸 即 公 分 既 桓立 之兄 傳 立 德 再 侯 共 位 與 故 奉 又 娶 · • 鈞 而 與 無 聲 第 和 桓 何 ^ 也 春 穀 改 庶 子 執 奉 以 王 疑

本疏 秋》,於 元 案: 秋》」。 年 記 子在 年傳 若然,則《春秋》不得言孔子作矣。 脩之時,已名《春秋》,何言孔子脩之」? 云《春秋》,魯史舊 作」者、《公羊》莊二十九年舊注云「有所 經 爲『春 《公羊序》疏引《孝經 上庶, 德 「不脩《春秋》,謂 春 云三 春 君 是言《春秋》爲孔子作也。 王正月。 子 每月書『王』,以統三王之正。」 秋』。」《公羊 不脩春 脩之日 無 所 施 秋』曰『雨 功 名」。 服 星 解 史記 霣 無 曰:「孔子作《春 題》疏 《公羊》莊公七 所 如 鉤命決》云「孔 也。 星 就,志在《 雨 不及地 云孔 古者 然杜 而 子 .謂 何 尺 春 未 云 史 氏 氏 而

之時 文質 劉向 月皆 尚 赤。 奉 《白虎通·三正篇》曰:「正朔有三何? 每月 孟 增 始 本 夏之正月也。」「統三王之正」者、《 月」、「春王三月」也。 本天有三統,謂 三統也。』孟康曰:『天、地、人之始也。』」 赤也。 益 施 也 順 子亦曰「孔子作《春秋》」也。言「於春 陽氣 再 赤者,盛陽之氣 黄 而 書『王』」者,謂「春王正月」、「春王二 傳》注:「應劭 有王者,二月,殷之正 曰作」,蓋孔子因史文而增益之。故 一禮 成之,故受命各統 泉, 而復也。』三微 十二月之時, 萬 始養根株,黄泉之下,萬 · 三 正 物 動 三微之月也。 記》日 微 曰:『二王之後與己爲 也。故周 而 者, 何休曰:「二月、三 未著 萬 : 何 物 正 月也;三月, 謂 正 也。 始 爲 也,敬 朔 也 明王 牙而 天正 + 漢書 而 者當 物 陽 始 白。 一,色 改, 皆 月 氣 重

秋左氏傳賈服注輯

述 卷

統 者必 正 王 爲 也 月 白 加 而 相 曰 云 -春 統 」。」《律 之義 善。 之 養 沿 ,元之三 元 功 者 秋 周 改 「《公羊》説 老 樂 通 故 時 陰 》稟 夏 以 正 一蓋 用 氣 之正 曆 仲 而 以 傳 夏 萬 又 朔 響、 統 承 成 冬月 爲 故 統 志 物 日 孟 日 周 周 此 食 始 均 人 殷 也 元 春 明 監 者 述 正 存 其 也 存《 元, 爲 IE 達 爲 月 天 善之 二代,其 **?** 劉 自 所 ^ IE 地 爲 色 命 乎 夏》《濩 漢 郊 歆之言 王 傳於此 當 得 IE 體 所 尚 甲 IE 書 特 一之後 與 以 之 長 案《 授 黑。 色 而 牲 • 通 周 殷 民 長 也 尚 \forall ; 者 劉 出 > 日 經著之日「王 禮 王 0 變 以 所 疏 也 ^ 白 博 向 不 元 統 爲 記 尚 皆 革 季 引 其 以 傳 也 相 黑,人得 書 斷 冬月 者 亦 養 非 通 典 每 **>** 大傳 異 襲 大傳 月 \equiv 猶 夫 曆 也 而 姓 不 書 王 爲 德 始 云

> 必 則 唐 王 舉 所 夏 正 周 建 正 月 習之 月 • 以 舉 IE 示 古 例 見 然, 平 王 反三 _ 誰 月 也 不 則 知 殷 爲 不 然,告 正 王 月 正 月 朔 王 也 頒 而 時 月

三月, 故 儀 貴 父 而 嘉 公 字之, 隱 及 公 邾 善 有 儀 其 至 父 慕賢 孝 盟 於 謙 説 蔑 讓 讓 之 義 本 疏 賈 而 與 服 結

傳言 年 孝、 經 案 不名」;《僖二十五年》「衛 是 郎 謙 》傳 E 利 附 讓 黎 讓 ^ *****: 親 庸 爾 來 未 弟 者 陳 當 孝 謂之孝。」《 雅 之賢,儀 來 王 德之 侯 名。 . 朝 命 使 釋 利 基 , 女 詁 而 親 傳 知 叔 父 也 此 也。」賈 云 是 0 來 能 後 嘉 稱 附 聘」, 儀 與 漢 未 字 庸 父 結 王 子 者 美 侯 傳 也 美 好 命 列 ^ , 也 燬 日 隱 道 女 是 莊 ^ 故 滅 「嘉之, 有 術 傳 莊 尚 那」,傳 稱 利 墨 賢 Ŧi. + 名 子 親 注 子 年 矣 五. 之

記 也 可 書 沄冠 郊 姓 字 特 義 也 爲 牲 貴 故 > 已冠 名 日 之 : 也 而 是 字 冠 書 襃 之 而 字 則 字 注: 爲 書 之, 字 貴 字 敬 者 貶 所 其 則 名 以 禮 稱

所 子 天 \Box , ° | 以 王 相 尊 覆 使 穀梁 畿 被 也。」今儀 宰 内 臣 》成 呾 稱 子 來 0 年 王 疏 歸 父 本 諸 惠 疏 稱 服 夏 公、 字 日 稱 ,是貴之矣。 : 仲子之赗。 天王 覆 夷狄 也 稱 天 王 天 賈

稱 天 天 也 書 稱 王 。」《公羊》成八年 天 Ŧ. 王、或言天子 文帝 並 周 下 王 有 天子者 禮 之所 天下 天 紀 子 > 歸 : 故 維 之號 皆 往 獨 王 稱 所 相 傳 建 故 斷 王 · = 謂 通 注 或 稱 *****: 天 矣。」賈氏 代 :「或言 天 天 三王 王 所 王 王 釋 者 稱 文》引 諸 畿 天子 王 也 乃 夏之 内 别 天 之 或 王 干 所 與 子 所 漢 寶

> 傳》注 覆,古 皆 附 篇 義 以 云「天 疑 題 名 隱 狄 日 》有 之所 賵 作『 辭 致 日 元 0 賵 ***** 來 年 聲並 王 之。 冒 賵 賵 賵 饋 稱 自 傳 案《 非 所 0 覆 者 賵 父 死 天 以 鈕 猶 獨 相 覆 1: 之爲 覆 者 王 是。 猶 氏 天 覆 覆 君 近。」《説 車 喪 也。」《公羊 謂 ~ \ 也 被 母 被 樹 之 大 \approx 馬 言 之)° | « 服 也。 地 臣 玉 賵 以 既 廣 覆 日 賵 云 ^ 子 臣 古微 覆 故 賵 KJ 新附 雅 文》 也 ______ 一故覆、 覆 一者,《 禮 被 稱 疏 者 無 白 以 **>** 之 考》曰 書 天 證 隱 廣 小 賵 虎 義 被 古 子。」《公羊 兄 漢 *****: **賵**」字, 引《 元 雅 爲 爾 義 通 弟 書 申 連 一冒 年 雅 春 覆 之。 所 也 文。 . • 注 鄒 釋 崩 知 秋 則 贈 廣 新 服 陽 其 詁 悉 正 亦 説 口

^{●「}羊」,原作「年」,據《經解》本改

葬 屬 以 被 夫 也 各 覆 臣 E 世 其言 被 覆 有 賜 子」,自 既 臣 所 明 下 也」,自 當 子。 有 夕》 覆 與 也 數 詁 被 他 鄭 義 詁 來 臣 廣雅 賵 注 子 異 隨 賵 : 歸 事 0 則 義、云「天 賵 之義,非 釋 服 所 非 . 計 因 指 所 也 以 以 0 則 又 覆 助 必 云 王 按 此 被 主 以 所 經 赗 爲 人 賵 服 之 以 義 送 賵 送 專 覆 云

例》。 九 書 日 月 月 及宋 備 易 人盟 者 于 日 宿。 月 略。」《春 賈 日 秋釋 : 例 盟 • 載詳 大夫 者

者 案: 紀 經 不 載 要言,經書「五 書「九月戊辰」; 日 盟之見經 盟 者 周 辭 禮 五 也。 + . 司 僖 百 云 盟 有 九 月癸丑」;襄 二十八 **>** 年 盟 \equiv 盟 事 掌 載 葵邱 盟 詳 書 者 載 年 日 書 之 盟 傳 者 九年 灋 日 踐 紀 Ŧi. 盟言 月 十 士, 同 注: 備 \equiv 盟 傳

> 若盟 月己 + 于 日 有 戲 月 未」。 載 傳紀 略 年 簡 也 盟 易 載 由 于 者 是 書, 亳 推之, 則 經 城 書「十 具 傳 盟 月 紀 載 而 有二月己亥」 載 詳 不 書 者 書 一, 日 日 經 書「七 月備 故

八

實即 則 桓 日 傳 傳 之篡。」《春秋釋 : 不 言『不 位 恩 書 深 即 孔 不 書 位 子 忍, 修 攝 例 則 經 本 也 疏 傳 即 乃 言 位 不 有 例 賈、 不 書 不 稱 隱 書 服 即 , 位 : 恩 本 疏 淺 所 几 口 賈 公皆 以 忍 惡 又

位 秋》 案: 義》注:「位 踐 也 阼 日 0 几 爲 公, 諸 元 主 侯 隱、莊、 可朝 改元 年 南 位 春 面 也。」《白 王 朝 関、 即 正 臣 事 僖 月,公即 下。 社 也。 稷。」 虎 又 通 **^** 禮 川 日 • 位 爵 公皆 記 篇 $\overline{\wedge}$ 改 春 書 元 燕

傳言 弑 賈 書。 改元 以 攝 以 即 史 君 本 也 有 桓 非 元 之 盡 · _ ≪ 見 爲 位 以 mi 不 莊 聖 服 年 ^ 惡 仲 俟 時 暫 史舊 書 書 是 釋 舊 禮 不 口 僖 稽 愈 之 即 尼 (,其 例 史 曰 稱 則 者 文,孔 因 見 新 流 桓 位 無 中 般 實 桓 之 引 矣 意 公 誰 恩 變 庸 未 仲 不 以 即 爲 即 楚 特 不 顔 能 也 淺 子 書, > 成 明 尼 位 察 齊 氏 位 辭 不 修之」。 注 可 因 修 君 心 矣 説 襄 書 隱 至 隱 忍 . 是 之, 而 之 而 以 即 志 所 公 孔 湘 修 日 飾 見 至 謂 位 賊 存 故 乃 君 子 治之, 治 竟 爲 人 弑 痛 恩 讓 傳 修 有 **>** 孔 以 魯 君 至 関 注 深 也 也 言 隱 弟 時 子 所 即 明 篡 + 爲 0 故 不 始 之志 不不 二公, 隱 修 弑 不 位 慶 ^ 閔 忍 傳 桓 書 春 修 經 志 父 書 故 未 有 大 繼 亦 秋 之 賈 克 故 所 體 居 乃 與 或 不 而 飾

> 未 所 王 以 命 醮 盡 故 其 不 材 書 彻 爵 0 本 疏 服 日 : 爵 者 醮 也

也 類 案 注 義 也 爲 九 以 昭 高 玉 所 詩 貴 大官 爵 以以 注 紀 爵 : 以 者 疏 足 0 或 人於 獻 **>** ^ ^ 盡 ^ 醮 醮 也 散 獻 卷 如 説 儀 吕 通 卿 者 爵 盡 爵 以 淳 耳 文 疏 禮 覽 朝 西爵 醮 獻 其 × 爵 **>** 注 醮 P 之 . 爵 · 疏 士。 : 皭 材 ^ 0 飲 盡 異 士 爵 曾 曲 引 也 ^ 之義 位 七, 爵 用 祭 冠 古 青 子 禮 ^ 也 是 次 者 韓 禮 以 > 統 州 問 者 禮 爵 > 高 高 詩 瑶 **> >** 以 俗 器 爲 醮 誘 長 下 注 疏 爵 或 爵 > 爵 呼 之稱 盡 通 説 世 注 者 酌 者 語 獻 尸 爲 0 無 噍 並 曰 酒 舉 德 大 醮 飲 0 秩 醮 <u></u> 子 : 爲 乙 未 夫 周 禮 大 亦 次 Ŧi. 遺 也 則 漢 醮 皭 爵 者 材 語 盡 器 位 爲 故 君 書 尸 ^ 者 > 也 **>** 次 爵 韋 鄭 用 噍 冠 假 飲 洗

篇 高 即 服 F 義 爵 所 也 者 以 盡 盡 其 也 用 各 也 量 其 職 $\stackrel{\prime}{\boxminus}$ 盡 虎 其 通 材 也 0 爵

其 初 年 乃 年 之後 後 日 武 初 有 隔 公 禍 其 或 娶 福 禍 年 於 將終 追 後 或 申 敘 有 福 事 之, 禍 傳 原 福 乃言 賈 將 也 日 終 者 : 初 言 謂 言 也 禍 間 福 初 隔 本 之 者 其 初 隔

及 共 於 年 共 案 鄭 也 叔 傳 段 益 知 鄭 段 段 伯 法 謚 賈、 當 解 云 ₩: 服 有 不 共 謚 日 可 當 既 : 矣。 使 一共 過 取 共 能 此 正 益 叔 義 改 義 無 也 H 日 後 _0 ^ 恭 莊 本 段 公十 謚 疏 恭 有 法 後 六 即

> 文「出 乎 皆 過 出 卿 事 可 Ħ. 餬 ? 矣 奔 大 上 有 如 通 之 夫 謚 正 者 繫 奔 杜 兀 出 德 義 他 共 方 注 也 安 之言 奔 何 或 . 見 之 注云 如 之 鄭 正 共 後 段 ? 號 伯 則 義 叔 出 權 共 如 魯 何 以 伸 無 奔 之 相 宜 宣 亦 杜 共 或 之 伯 謚 慶 稱 故故 爲 氏 名 詞 父 乎 共 太 ? 而 親 也 日 贵 叔 ? 弑 斥 贵 共 此 足 乎 成子 子 賈、 有 説 叔 爲 且. 般 典 列 服 類 臣 下 於 要 至 或

請 京 都 立 食采 案: 有 年 宗 宗 城 廟 地 廟 禮記 当指 傳「宗 先君 亦自立 賈 故 • 日 . 曲 邑 郊 之主 都 所出 沃 無 京 特 也 主 鄭 牲 日 而 宗 都。 ·, 都 都 疏 都 廟 引《異 関 邑。 亦 邑互言 公子 名 時 兀 年 邑 叔 鄭 義 爲 世 段 大夫, 傳 家 故 莊 封 注 賈 分 京 凡 之 得 云 所 品

之謚

有

九,

烏

知

必

取

義

於

敬

長

事

上

乎

?

共,

故

稱

共

知

不

然

者

案

:

益

法

解

恭

稱

糊

口

几

方,

無

人

與

之

爲

益

段

出

奔

一敬

長

事

上

日

共。」

作

亂

而

出

非

有

其

德

可

都 邑 也

都 見 城 過 疏 及 白 《周 雉 官 典 〈命》疏。 賈、 服 日 服 : 義 見《典 雉 長三丈。」 命 》疏 賈

板 尺,雉二百 而 堵,五 定十二年《公羊傳》云「 尺。 堵 而 雉 正 義 引《五 何 休 雉 以 經 者 爲 異 何? 堵 義》 四 Ŧi.

堵, 《左氏》 丈。 戴禮》及《韓 Ŧi. 堵爲 堵爲 説 雉 雉 雉 丈 詩》説: 板 爲 廣 長 板 二尺,積 四 板 八尺爲 丈。 廣二 古《 高 板 尺。 五. 周 五 五 板 禮 Ŧi. 爲 板 **>** 板 及 爲

其 長,以 雉之牆,長三丈高 度 其高 者 用 一丈,以 其 高 也。」按: 度其長者 諸説 用

堵,一堵之牆,長丈高丈。

三堵

爲

雉

不 同 如 此 而 賈 以 三丈爲 雉者、詩 鴻

雁 疏 引 鄭 康 成 ^ 駮 異 義》云:「古 之 雉

制 書 傳各 不 得 其 詳 ,今以《 左 氏 》説 鄭 伯

城 方五 里,積 千五 白 步 也 大都 或

> 云雉 也。」《 雉 也。 工記 説,亦以雉長三丈爲正,然則鄭於《異義 百步」。 者,六尺爲 城,則公七里,侯伯 蓋申之也。 之一,則 春 爲 秋》 正義 長三丈」,知古 五. 一禮記 匠 步 説,百 按此,則許雖 Ŧi. 人》疏 五. 云「賈逵、 百 步,五六三十,故三百 . 鄭 坊記 步 步 雉 知鄭伯之城方五 也。 引《 於 爲 度 》疏 義 駮 長 馬 Ŧi. 長 Ŧi. 然也 列《大戴禮》《韓詩 異 三百丈, 又 融 里,子男三里」, 白 三丈,則 義》云「周 引《 之徒爲 步爲 異 白 方 義 里者 雉 古學,皆 雉 丈爲 五. 》云「古 亦 長 百 三丈 九 則 考 步 是 里 知

太叔完聚。 服 曰:「聚禾黍 也。」 本 疏

《方言》:「萃、雜 者、《説文》云「禾、嘉穀 · 委 《禮記·月令》:「務蓄 人》注 聚, 集 也。 凡 也。 蓄 東 聚 齊 菜,多積 之物 月而生,八 日 聚。」《 也。」禾 聚。」 周

之黍 襲 術 隊 月 必 輕 王 黍 待 鄭 劉 形 重 || 引 而 而 禾 訓 生 熟 故 1。」《孟 屬 》「禾 得 聚蓄之,以供 月 秋 汜 于橐于 黍 而 時 令》 勝 金 者 黏 春 之中 子 之書 王 者 注 生 ***** 穀 囊, 而 也 秋 之美 *****; 故 死 死 師 爰 黍 軍 0 謂 以 行 方 食 黍 注 之禾 者 黍 火 大 而 啟 一「禾 也 者 也 者 穀 暑 糧 行 0 · • 食。」《 暑 而 0 ^ 者 説 種 也 蓋 齊 管 淮 文》 段 種 民 故 春 詩 子 南 將 者 謂 木 要

出 共 箋 注 奔 伯 共。 引 之 吕 共 ^ 或 魯 或 氏 賈 也 連 春 日 子 秋 伯 : ***** 日 共 爵 慎 : 也。 人 或 衛 名。」《鄭 徐 州 共 共 文 伯 城 靖 得 世 縣 乎 家 竹 共 注 本 書 首 周 統

謂 加 誅 之 鄭 ,使不得生出 志 服 日 此 . 鄭伯之志意也。」本疏 公本 欲 養 成 其 惡 而

必 養 鄭 處 段 修 注: 詁 欲 知 志 志 E 詩 誅 成 心 惡 意 厚 戒 殺 在 ,自念友 也。」志、意 者 ^ 日 懼 積 則 其 而 必 集 志 鄭 大 討 誅 後 殺。 惡 慮 韋 其 伯 意 必 將崩」,坐料其敗 因 戴 木 殺 如 昭 伐 於 毒 殺 記 愛之深, 無 祭 》傳 斯 也。」《 此,故 戮之,不令生全 服 段 云「意 殺 也 逞 仲 互 • 不 使 虔言 戮)° | « 志之事 實 夏 文, 然 子 殺 之名 或 小 成 謂 矣。」 無 封 荀 弟 鄭 遂 故《 志 語 之「鄭 IE 殺 子 就 伯 起 意 出 矣。 周 . 按 心。 傳 切 本 也。 . 也 而 於 越 語 禮 : 心 志 仲 有 以 惟 早 有 不爲之節 語 鄭 及其 > 記 之恨 殺 有 爲 尼 出 養 深 名 言 廣 伯 注 不不 意 篇 裁 奔 心 謀 ^ 雅 非 欲 長 Œ 檀 日 積 抑 志 故 由 欲 鄭 長 祭 也 注 自 義 意 弓 制 就 釋 爲 襲 伯 則 使 在

始 平 時 養 口 成 矣 其 恐 惡 則 者 欲 如 盡 殺 是。 之心 及 見 聞 乎 襲 辭 鄭 矣。 之計 正

遂 選》繆熙 天玄地 賈 真 義 姜 日 申 伯 氏 : 杜 挽歌 黄,泉注 于 難 城 城 服 詩 潁 潁 注 前 鄭 地 未 中 地。」《鄭世 誓之日 當 故 時 日 要 : 黄泉也。」●《文 家 領 不及 》注 世 黄 服 泉。 日

者 也 于 地 許 義 黄泉 泉 西 陽 黄 也 州 水水 城 象水 南 始 臨 潁 故 言 從 潁 于 易 當當 流 中 地 縣 色 東北,故 • 出 之 以 西 即)黄 文言傳》文。 色 成 益 北 ^ 也。」《説文》: 地 川形。」《詩 者 黄 + 理志 色玄 Ŧi. 也 泉 里 **>** 由 從 也 有 潁 地 中 荀 故 111 • 中 地 召 郡 爽 城 「泉,水原 即 行 者陰,始 「旻》傳 臨 日 地 : 天 潁, 故 中 玄 之 天 今 日

爲 潁 谷封 賈 日 : 潁 谷 鄭 地。」《鄭

> 家 》注

案: 源 奇 《水 發,右水出 經注 頻 陽乾 水篇》云「今潁 山之潁谷,春 秋 水 潁 有

叔

爲

其封人」。

而 公人而 入言公,出言姜, 案: 賦 : 公言 「大隧之外 賦:「大隧 人不 之中 言 明 其 出 俱 樂 言 出 其 也 人, 樂 洩 姜 互相 也 洩 出 融 則 見 融 公 服 本 出 姜出 日 疏

覽》五 同 軌 百五 畢至 十三。 服 日 : 軌, 車 轍也。」《太平御

案: 文 選 楚 • 辭 西 京 思 賦》 古 <u>*</u> 方軌 復 往 + 軌 二注 於 初 古 東京 注

0 不再出校 「玄」,原作「元」, 避 清 聖 祖玄燁諱,今皆回 改

知

姜言

出

不

言

人,言公人,則

姜

口

口

;

知

故曰「

耳.

相

見。

尺」, 賦 記 於 徹 矣 注 軌 車 軌 日 史 天 廣 徹 0 記 由 兩 或 兩 K 自 六尺, 上 車 子 也 自 經 車 中 爲 輈 輪 輪 歫 不 其 所 其 轍 涂 迹 庸 以 口 之 車 之 得 輿 表 制 裹 軹 \cong 段 日 轍 九 下 馬 間 間 迹 方 言 言 之 轍 車 氏 崇 軌 下 相 日 或 軌 也 之。 軌 之; 度 同 注 \equiv 軌 如 歫 本 爲 -軌 注 軌 傳 也 尺三寸 地 作 自 車 日 並 \wedge 合 毛 高 漢 徹 其 迹 注 自 匠 兩 \overline{Z} 此 兼 公《 誘 ° _ | ≪ 書 由 者 表言之。 其 車 人》 旁 廣 輈 注 軌 裹 天 匏 ~['] 人》 説 歫 語 軌 阪 廣 以 注 賈 言 下 輪 吕 有 高 文》云「 車 下 知 雅 車 誼 苦 之。 同 氏 庳 徹 徹 自 日 此 轍 軌 洂 0 傳 言 之, 葉 春 廣 廣 之 軌 釋 所 軌 也 也 ^ > 秋 軌 謂 詁 同 集 史 徹 在 傳 0

之説

不

明

訓

之以

地

上之迹,

迹

非

不

名

軌

紐

齊五

采,五

貝

黼

翣一

裁

翌一

畫

;

荒

列

黻

列

素

錦

褚

加

僞

荒

纁

E 則 徹 矣 許 巾 當 而 靴 與 Z 洂 贵 軌 從 軌 同 車 義 徹 見 樅 忧 段 也 ? 注 如 摐 後 車 之 迹 憒 也 憒

改 禮 葬 闕 葬者 案 綍 也 厅 改 禮記 喪 謂 皆 0 惠 葬 大 墳 ^ 儀 銜 是禮 惠之葬 公。 執 者 記 下 儀 墓 雜 禮 枚 羽 \leq 文云「 禮 以 明 不 葆 飾 未 記 他 棺 賈 未 備 司 御 棺 詳 喪 故 久, 物 馬 也 有 柩 : 升 服 崩 . 其 毁 執 君 宋 諒 故 正 壞 · 記 散 鐸, 改, 敗 龍 無 此 師 柩 據 見 將 崩 帷 朝 備 左八 \approx 改 以 太 ^ 亡 執 壞 禮 禮 =祖 改葬 爲 設 子 失尸 綍五 毁 人,右 也 奠 經 義 池 之, 少 敗 之禮 **>** 傳 振 百 柩 緦 同 葬 如 君 其 人, 記 者 上 之葬 葬 故 欲 也 注 也 黼 川 有 改 時

器 翌 翌二 諸 也 下 祖 記 乘 具 披 木 士 及 喪 * 碑 龃 侯 執 此 鄭 祖 共 之 茵 曾 諸 旁 此 披 此 御 日 皆 注 記 喪 益 禮 子 陳 侯 飾 也 飾 棺 誄 戴 禮 之 問 三重 誄 明 棺 鄭 也 棺 用 圭 器 器 君 室 ^ 之 諸 之 司 ; ^ 羽 ; 檀 器 > 喪 之 禮 曾 ^ 禮 封 農 諸 遂 侯 葆 魚 大 注 弓 諸 大 禮 子 侯 御 以 也 也 亦 云 躍 注 祝 * 記 問問 侯 也 之 衡 ; , 大 拂 此 **>** 披 小 \leq 或 **^** 天 五. : 喪 > 牢, 池 柩 司 雜 君 下 喪 君 ^ 君 子 月 諸 扶 周 作 行 士 記 斬 棺 葬 命 亦 包 七 葬 而 侯 持 君 禮 之 **> >** 六 衰 豐 用 如 毋 五 七 葬 棺 相 纁 禮 作六 辭 遣 者 碑 輴 譁 个。 之。 益 重 戴 險 喪 也 遣 奠 車 以 之 者 者 祝 ; 几 軍 車 視 以 重 屬 非 通 ^ ^ ^ 綍 也 > 禮 禮 鼓 之 禮 冢 Ł 此 Ŧi. 抗 牢 纁

> 禮 均 封 其 ? 禁 傳 冢 不 人》 此 能 窓之 明 凡 諸 至 禮 此 侯 也 改 葬 葬 於 惠 墓 之 者 葬 爲 爲 之 闕 蹕 何

公弗

臨

賈

日

:

葬

嗣

君

之

事

、公勿

臨

言 篇 言 小子 案 無 諸 緦 江 重 葬 殁 純 改 恩 無 稱 熙 侯 : [X] 舉 葬 者 易 子 恩 己 日 《穀 況 五. 也 葬 父 ^ 某 服 : 禮》 即 其 者 服 在 梁 者 而 嗣 葬 尊 改 明 之下 緬 E 葬 稱 **>** 何 稱 君 葬 之 葬 喪 者 莊 ? 世 公, 之 漸 以 之 爲 服 乎 改葬 子 以 禮 爲 也 事 ? 嗣 屈 几 年 舉 喪 何 交於 緦 君 於 制 Ŧi. ? 是 者 緬 嗣 葬 緦 P 事 \leq 舉 等 故 藐 神 君 也 柩 繫 桓 其 ^ 也 之 下 改 之稱 白 遠 明 於 恩 0 也 王 緬 葬 者 也 虎 厚 君 也 口 9 之禮 公 者 既 通 别 上 不 改 0 世 傳 勿 天 其 葬 注 葬 可 於 子、 其 禮 服 引 未 父 爵 稱

六

緦 柩 子 服 服 云 改 者 爲 緦 不 惟 恩 父也 可 輕 即 無 緦 服 以 引《 所 輕 無 言 妻爲 録 則 鄭 喪 服 緬 心之若 服 故 恩 注 夫也。 釋 文 己 . 日 所 然, 輕 也 無 服 以 矣。 則 恩 必 緦 緦 服 臨 者 也 也。 今 緦) ∘ [而 臣 勿 見 者 臨 爲 ^ 喪 親 柩 禮 君 服 則 禮 見 > 記 也 日 惟 P 勿

有 公未 然者 宋 也。 故 何 闕 季 當 年 服 也 師 上文云「惠公之季 屬 隱 7 也 敗 云 或 一之前 公將 有 敗 服 即 宋 語 以 於 服 宋 黄 師 爲 兵 日 惠 • 之師 師 惠 于 樂宋, 即 晉 公 一、蓋 公敗 黄,公立 黄 語》「雖當三季之王」注 而 宋 之師 别言 師 委 是 宋 IE. 即 年 葬 報 師 義 而 公 黄之師 , 則 黄 事 也 求 敗 日 7 之敗 隱 於 : 成 宋 今云『 也 自 太 焉。, 師 ? 也 來 敗 子 小本 惠 于 宋 知 公之 伐 惠 黄 故 則 傳 隱 疏 魯 不 有

> 薨 薨 改 乘 通 理 不 可 云 惠公之季年」,謂 之後 君」。 志 必 也。 元 前 . 季 目 謂 爵 義 君 й 篇》「 之年。 無 季 末 若 傳故 當繫 陽 報 有 也 君 斯 郡 黄 然, 宋 踰 也 甚 之 有 於 於 君 傳 師 年 ^ 黄 師 改葬而 惠 緣 注 文 薨 云「惠 稱 縣 惠公之末年 終 也。 選 也。「 以 其 公者 當當 季 始之義 後 即 謂 其 公之 申 天 即 黄」。《 緣 爲 未 之, 末 實 其 監 黄 改 李 年 宋 民 地 日 之 也。 兀 年 臣 漢 年 師 年 惠 師 以 一,隱 之 不 則 適 策 甚 前 公之 白 在 可 心 上 秀 明 地 惠 未 有 不 虎 云 則 才

案 賦 月 光 注 虧 禮 闕, 損 記 0 . 亦謂 禮 ^ 漢 運 減削 書 • 之。」「 谷 五. 永 而 傳 闕 禮闕之故 \leq 疏 闕 <u>二</u> 更 減 謂

故。」《

御

. 覽》五

百

Ŧi.

十三。

葬

故

有

闕

賈

日

言

事

以

明

禮

闕

之

:

即傳上文所云也。

斂 公 不 則 與 不 小 書卒。」本 斂 ,故不書 日 賈 日 : 與 大

売篇 明 氏 不 與 之賜 大 斂 所 以 小 也 卿 謂 斂 焉 \overline{Z} 禮 佐 記 有 而 雖 爲 大 視之, 無 恩 於 之賜 夫日 喪 不 惠 傳 ·與 大 亦 也 無 卒。」若君 大 記 90 則 不 例 斂者 得 是 小 : 要 斂 君 以 君 焉 與《 卒予之。 於 不 ^ 於 大 台 禮》意 與 大 鄭 夫 虎 大斂 夫 注 容 通 世 是 相 有 婦 賈 崩 爲 發 直 不

序 極 一,戎 年 經 邑也 命 無 以 駭 0 E 帥 本 師 疏 乃 人 書 極 於 經 賈 0 日 釋 例 春 爵 秋 命 例

之卿亦如之,子、男之卿再命。」是公、侯、案:《周禮‧典命》:「公之卿三命,侯、伯

^ 賈 秋 卿 縣 爲 始 並 制 差,不皆三命 經。 制 伯 日 大國 春秋 》之序 得 之正 之卿 以 書 也。 或 西 是 爲 有 至 見經者 傳 之 傳 通 杜 叔 禮 諸 戎 極 皆二 無 卿 必三 例 正 以 孫昭 邑 亭 名 爲 日 文焉 不 也 義 爲 書 \equiv 命, 過 一命乃 列 而 書 與與 日 附 於 命 子三命 故 極 或 : 内 經, 固 庸 ^ 9 今按: 命 戎 爲 之 \sim 惟 事 周 得 周 城 戎 下 皆 春 卿 賈 故 禮 見 卿 踰 正禮,故 邑者 在 當 是 秋 以 也 乃 經 卿 Ш 父 異 兖 卿 小 爲 **>** 得 再 東 之例 兄, 恐恐 國 州 《穀梁 也 若《 列 戎 見 命 兖 己。」若 府 之 鄭 邑。 或 而 非 經 州 王 曹 君 司 卿 則 其 周 卿 府 制 是 縣 然 農 父 之 有 乃 正 \equiv 魚 以 古 兄 云 命 正 故 義 等 春 則 見 周 引 極

三年經八月庚辰,宋公和卒。 賈曰:「日

月 詳 者 弔 贈 備 , 日 月 略 者 弔 有 闕 釋

崩 薨 卒 例

傳 爲 平 Ė 卿 士。 賈 \Box : 卿 士 之有事 者

六 卿 也 御 覽 巡 百 八 +

掌 者 職 卿 事 夫 戴 孤 義 卿 章 案 三公也 之有 · 邦治 者 記 善善 掌 也 亦 鄭 六 分主 明 無 白 説 司 云 卿 事 保 盧 理 聞 虎 苑 農 司 者。」《 是 六官之職 也」者、《詩 傅 六 注 也 通 . 是 注 徒之職 篇 卿 卿 臣 九 云 當 **%** 之 周 爵 術 卿 禮 卿 於是 官 九, 官 篇 篇 也 帥 中 . 冢 在 總 *****: ・假 香 而 有 其 孤 謂 宰 爲 王 謂 此 義 「九卿者,所 事 屬 之 六 之 置 卿 卿 之 樂》箋: 云六 》:「天子 者 孤 寢 而 職 \equiv 之爲言 並 九 惟 掌 之 也 少 舉, 卿 卿 帥 六。 邦 一。」云「有 ,皆上 前 」,故《大 者 其 而 教 卿 章也 立 其 以 孤 屬 宗 大 昏 九 之 卿 m

> 《詩 空。 邦 其 伯 何 可 屬 禁。 徒。」是武爲司徒矣。 屬 之 • 以三 ,故賈氏 職 而 緇 此 掌 衣》序 帥 隅 \equiv 邦 其 時 反 政 統 屬 之,則 皆 ; 以六卿釋之。 而 鄭 有 司 掌 官 寇 桓 事 邦 之 惟 公、 典 若莊 禮 職 冬無 ; 武 司 司 帥 公 公 空之 官 馬 其 不 相 之 知 繼 職 屬 又 職 六 爲 而 也 無 0 卿 周 堂 帥 口

賈 太 王 子 子 日 忽 狐 也 爲 王 質 子 同 於鄭 狐 上。 周 鄭 平王之子。 公子 忽爲 質 忽 於 鄭 周 莊 公

取 平 隱 案: 温 太 桓 八子宜臼 之麥。 Ė 公即位。 一六年》 一未崩 史記 1,是爲 故知 傳 周 五十 云 賈 日 本 鄭 爲 平王。 紀》: 太 平王 年 温 子 平王 忽 平王 子 諸 周 帥 侯 地 師 崩 四 忽 共 名 + 救 後 立 爲 爲 九 蘇 故 太子 質 年 氏 出出 時 魯 王

也 同 上。

邑

蘇 蘇 忿 忿 生之田 漢 生 生 以 書 所 封 温 • 温温 也 爲 地 理 司 在 志 寇」,是 隱 首 + 列 河 温 内 年 成 郡 爲 + 傳 蘇 温 忿 與 年 生 鄭 注 所 傳 云

潢 本 潢,水不 疏 、汗、行 封 流謂之汙。 潦之水。 行 服 潦 日 ,道路之水是 畜 小水 謂 也。 之

邑。

賦 注 林 言 X 洿 作 音 洪 ^ 義 頂 稲 説 水 稲 《後 恩素蓄」注 《説 上汙 文》 八引《三 積 漢 文》 義 **文** 也 : 下 • 並 · 者 和 「潢, 選 同 則《説文》言 一湾 蒼》 帝 並 也 紀》注 積 高 云「蓄,積 釋 日 濁 水 文 : ^ 唐 水 阚 《文選 池。」畜 賦 不 停 雅 汙 流 **>** 水 積 也 注 _ 本 日 水」,服 一引《字 釋 亦 洿。 亦 邱 切 作 作

> 東 名,居東宫。」《詩 宫得臣之妹。 文》: 潦,流 隱 申 記 爲 汙 之潦。」《 云「言道上 令》「水 吕 潢 韓 義 • 覽 列 屈 相 雨 潦 汙 • 汙 傳 賈 潦盛昌」,又云「邱 心。」《禮 達 爾 也 《傳》索 水 瀆 一聚流 雅 大貌 演 我 注:「大日 ジ注 或 • 記 育游 碩 者,故 釋 隱:「污,潢 語 人》疏 汙 。一《詩 服 宫》 曲 • 之 戲 日 水淺不 周 禮 小 汙 以 : 潢 語 瀆 渠 道 隰 釋 行 泂 得 之中 小 路 也。」 也。」 流 水 文 猶 酌 臣,齊世子 道 日 之水釋之。 潦 日 塞 自 又《 汙 也 傳 汙 潦 雨]1] 快 0 老 水 原 正 説 索 月 史 而

皆 宫 父 案 □○』《禮 異 則不 官。 阚 雅 記 成爲子 儀 • . 釋 内 禮 故故 宫 則 喪 有 : 服 東 官 由 傳 宫、 謂 命 有 之室 士 以 西宫、有 子 上,父 不 室 私 謂 其

嫖。」 宫 傳 時 宫 西 太 IE 后 居 ,太子常處東宫也 爲 義 秋 東 日 居 師 北 次宫,故 東宮 : 古 盡 宫 萬 以 四 日 物 ,是古者東宫 異 : 東 時,東爲春,萬 傳 成 居 宫 稱 東 就 而 若 宫,太 金 在 同 非古義 此 錢 西。」以 財。」若然, 《漢 后 財 非 物 所 世 物 也。 此 生 子 居 賜 • 長 定 長 君 竇 則 在 漢 稱 公 在 皇 得 東 也 時 主 西 臣

石 碏 禮 案 上 . 中 聘 下 禮記 賈日 禮 也 1 疏 :「石碏 : 王 制 卿 > 衛 : 每 E 國三人。」是 次 卿。」《衛 或 卿 世 家 卿 ^ 注 儀 有

者 驕 奢淫 過 從邪起。」本 洪, 所 自 邪 疏 也。 服 日 : 言 此 兀

明 由 不 此 四者, 邪 而 起。 則 無 驕 Œ 是 奢 義 四 一淫洪。 者之 日 「驕 弊 Ŀ <u>-</u> 謂 若 邪 弗 侍己 則 納 四 陵 于 者 邪 物 皆

> 放 奢 恣 謂 無 夸矜僭上 ; 淫 謂耆欲 過 度 泆

四 年 經 衛 州 吁 弑其君完。 賈曰 弑 君 取

或 故 以國言之。」本 疏

夏公及宋公遇 吁 ,以其 州吁,公子 志在 于 取 清 國,故 也。 不 以 賈 稱 國言之。 日 公子 : 一遇者 丽 稱 用 衛 久 州

遇之禮。」本疏

名 也。 此 侯 也。 案 本之劉歆 釋 以 未 義 例》云「諸 欲其若 説 及 0 周 賈以冬遇之禮 期 此 禮》「冬見日 春 也 經《公羊傳》云「遇者 相 秋 見 不 侯 期 日 冬 自 遇 而 見天子 與 俱 遇 釋之,義 傳違」,是賈氏 是 至 後 ° 冬遇之文,亦 日 鄭 遇 曲 注 足相 何? 禮》 劉 氏 云 輔 遇 説 因 也。 期 取 又 此 偶

F 衛 宋 」《詩 使 公、 宋 陳 爲 擊 侯、蔡 鼓 主 疏 使 人、 大 衛 夫 人伐 將 故 鄭 敘 衛 於 服 陳 \Box 蔡 :

盟 使 鄭 以 衛 鼓 周 也 文 而 之宗 衛 仲 平 宋 大 侯 君 傳 夫 自 伐 爲 陳 爲 在 故 日 盟 將 衛 主 鄭 行 與 蔡 主 知 : 兵 在 州 也 宋 異 當 先 爲 故 敝 魯 吁 州 姓 敘 大 隱 邑 也 鄭 用 知 吁 爲 盟 夫 在 兵 「使 以 几 使 箋 後 會 陳 也 年 暴 賦 告 大 征 將 亂 與 於 蔡 定 是 夫 伐 敘 者 使, 陳、 宋, 前 將 將 四 於 敘 年 蔡從 兵 公 將 陳、 者 次 敘 今 者 孫 兵 : 不 等 蔡下 爲 文 以 踐 詩 君 差,若 然 仲 伐 公孫 若 是 • 者 者 之 鄭 擊 衛 伐

殺州吁于濮。 服曰:「濮,陳地。」《衛世家》

注。

索

隱

巡

+

案:《昭九年》傳「遷城父人於陳,以夷濮

其 亂 雙 爲 聞 經 水 益 地 内 在 引 篇》 与. 潩 音 \mathbb{H} 力 一今陳 濮 0 於 益 水 杜 得 水 注 俱 之。 水 不 云 州 水 通 東 E 原 經 爲 府 稱 陳 注 出 劉 注 京 濮 0 北 地 洧 殊 大 澄 也 相 是 境 潩 騩 之 爲 水 璠 水 濮 洧 著 Ш 乖 即 名 是 篇 \Box 即 與 矣。 ^ 潩 水 東 : 永 潩 之 水。 首 北 是 初 也 顧 以 余 過 受選 流 記 濮 氏 夷 按 沙 ^ 注 *, \(\tilde{\t 爲 此 水 之 棟 水 泗 枝 ^ 濮 經 近 地 高 水 蓋 流 陳 111 西 衛 . 日 經 水 在 派 渠 潩 靈 \blacksquare

傳將修先君之怨於鄭。

服曰:「先君世

公。」本疏。

注 案 也 . : 故 先 漢 知稱 者 書 莊 先 禮 公 人 樂 也 謂 志 祖 \approx 杜指 父。」 而 背 州 死 年 吁 志 鄭 於 先 人 莊 者 伐 公考 衆 衛

公時 賦 是 乎 吁 乃 方 怨。 與 修 爲 怨 舊 弑 陳 州 則 非 蔡 怨 按《 旰 桓 指 從 所 而 史記 在 桓 爲 弑 奪 公始 隱 春 其 秋 ___ 則 . 服 或 有 之 年 隱 衛 日 怨,先君 前 世 之怨,非 贵 : 家 反 隱 賦 年 爲 稱 · 當 不 修 兵 是 桓 年 桓 得 怨 也 公十 伐 之 指 當 耐 世 衛 桓 是 復 六 亦 莊 仇 年 州

兵 略 也 也 南 口 徒 • 者謂 疏 注 然 要 或 説 則 略 「兵,五 戦器 語 乃 戰 文》 兵 經 . 必 亦 悉 爲 魯 土 令人 兵 可 兵。」昭 索 語 地 也 通 兵, 薄 **>** 而 **⊘** | **⊘** 執 爲 賦 械 井 悉 兵 軍 + 詩 牧 也 帥 也 注 四 大 . 其 弊 年 擊 並 即 \mathbb{H} ^ 賦 ·鼓》序 荀 云 名 周 簡 野 子 禮 人 注 上 賦 爲 或 九 疏 之 兵 夫 兵 大 淮

爲

井

四

井

爲

邑,

四

邑

爲

邱

四

邱

爲

甸

兀

IE.

義

引鄭注

云

成方十

里,出革

車一

乘」,

猶 軍 爲 也 人、徒二千 徒 止 小 11 同 車 後 通 百 甸 司 國 + 之法,先 方百 成 爲 乃 不止 爲 鄭 爲 則 馬 一十人。 又《 乘、士 成百井,三 兀 夫,夫三 縣 微兵 注 諸 法 軍 微 里、 馬,三十 云 侯 論 \Rightarrow 几 曰 於諸 六 白 縣 此 兵 人。二 萬 十成 有 語 爲 徧 於 鄉 爲 軍 井 人、 賦 侯,大 家 境 屋 都 道 公邑 六 等 爲 百家革 \equiv 徒 謂 賈 賦 屋 屋 出 士一人、徒二人。 皆 尺 千 終,終千 以 萬 氏 出 之法 不 及三 乘 爲 出 (國三 三爲 任 百 公彦 家 止 車 之 於 步 車 地 人。 革 次次 徒 或 等 軍 則 鄉 井 一乘、士十人、 事 步 車 井 疏 采 次次 千 遂 出 而 給 + 三千家 謂 百 井 百 乘 ; ; 成 終 繇 乘 + 爲 或 賦 賦 之 遂 貢 役 爲 元 爲 畮 凡 通 賦 猶 猶 賦 年 軍 同 也 出 千 革 賦 不 晒 不

뒜

出

兵

故

謂

之賦

衛

世

家

注

以

田

以

之職 畿 兵 然,則甲士、徒卒數容 甲士、徒卒之數 地之美惡、民之衆寡爲 云: 小司徒》疏引鄭注「甲士三人、步卒七十 一人」,與《周 則上下通 外 :「凡令賦 邦國法,外 賦,給軍用 制 禮注》所引同是《司馬 也,故謂 以以 異者,賈公彦曰 内 者 有異 也。 地 與 兵爲 有 制 令邦 故也。」《 民 異,而 如如 制 賦 國 六 之。」後 也 以 遂 一之賦 大司 矣。」若 田 一彼 法》 賦 鄭 亦 馬》 而 出 以 注

右宰 醜 涖 殺 州 吁 于 濮 服 日 : 右 宰

也。 者 案 皆以大夫言之。 百 此 ^ 意,故後不復疏 凡賈、服注 其 隱 名 元 年 氏 - 》傳 顯 名氏 見 其 正 於傳, 實 證之。 義 見傳 是 日 大 注注 更 日 夫與否未可 無卑 「某大夫」亦 諸 賤之驗 言 大 夫 知

使

醜

衛

大夫。」同

上。

衛 人逆公子晉于邢 服曰 : 邢,周公之

胤,❶姬姓國。」同上。

邢 胤也」,故賈云「周公之胤」。 案 傳》疏引鄭《駮異義》曰 爲周公之胤,是姬 《成六年》傳「凡、蔣、邢、茅,周 姓 也 賜 稷 ^ 禮 姓 記 公之 姬。 · 大

0 胤」,原避雍正諱作「允」,今回改,下同,不再出校。

春秋左氏傳賈服注輯述卷一

興 胎 學

公

隱

矢魚 Ŧi. 年經公矢 魚于棠。 觀之。」《魯 世家》 賈 注 : 棠, 魯 地

陳

魚

而

案:《 觀 唐亭,魯 」,傳文也。 續 漢 侯 書 觀 • 魚 經「矢」傳 郡 臺 或 即 志 其 **>** Ш 「陳」者、《 地 陽 也 郡 0 方與 爾 陳 有 雅 魚 武 而

考,似不得以考爲

釁。

然《

詩

斯干》序

云「考室也」,箋云「考,成

也

德

行

國

爲 考仲子之宫。 考。 將納仲子之主,考成以致其五 服 日 : 宫 廟 初 成 祭之名 祀之

言

『考室』,箋

得

兼

云

「釁

廟」者,此

考之

名,取義甚廣。

猶《

無羊》云『考牧』,非

獨

釋詁

》: 「矢,

陳也。」

是築宮

廟

群

寢

既

成

而

釁

之。

彼

疏

云

雜記

》之文,廟

成

則

釁

寢

成

則

考,

此

序

人民殷衆,而

皆

佼

好,

骨

肉

和

親

· 宣

王

於

是 也。

神

以

堅之。」本疏

云「宫廟」者,言凡人所居之宫與宗

記 注: 廟 云 . 釁 廟 廟篇》「成 新 成 而 釁者,尊 廟,釁之以羊」, 而神之。」《 雜 盧 記

《雜記》又曰 不神之也。」 若然,則 鄭注:「言路寢者,生人所居。 釁 也,然宗廟亦稱宫,則此「仲子之宫」 屋者 云考爲宫廟初成之祭者,《大戴禮 ,交神明之道 :「路寢成, 成 也 廟 則考之而 日 釁,成寢 考 不釁者, 即 不釁。 釁 也 日

者 狀 特 也 寸 主 子以 廟 據 廟 日 周 祭所 祈 祔 小子》「 作 將 主 正 者 釁 禮 而 納 栗主」。 燕 主 方, 也 漢 禮 侯 作 以 服 檀 食 爲 也 繼 珥 長 主 有 書 納 故 之 穿 弓》疏 肆 進 而 心 于 亦 · 五 主 事 中 初 已,故 禨 師 謂 本 焉 尺。 以 社 考成 0 者 央,達 學 公羊·文二 0 作「内 之 桑 一稷,祈 引 行 考 亦 何 記 ^ 禨 主 及 時 鄭 爲 志 ? 以 知 曲 謂 **>** 也 ; 其 ^ 宫 四 + \approx 釁 考室之言 致 駮 禮 其 于 言 珥 方。 廟 \equiv 迺 也 祈 其 異 宫 **>** 五 9 期 神 説 作 新 疏 引 當 珥 Ŧi. 一年》傳 義 祀 兆 年 無 文》 主 天子 主 引 ^ 祀 爲 將 始 白 所 尚 ^ 之 然 後 可 衈 納 後 注 異 成 依 虎 未入,故 注 長 内内 神 練 後 以 鄭 仲 鄭 義 時 據 通 尺二 作 通 時 子 注 也 主 既 栗 云 之 釁 衈

門 禮 禮 諸 考成 兆 刉 先 刲 犬 食 霤 東 雍 五. 珥 : 故故 門 羊 ,井以豕」。 侯 指 社 之 説: 上 也 當門,夾室,中室,有 祀 祝 拭 以 稷 當 事 讀 而 爲 社 者 血 宗 户 羊,宗. 4 所 雍 爲 後 致 Ŧi. 也 神 稷 流 以羊 ,卿、大夫 以 衈 祀 何 夾 五. 言 于 人、 而祭之。」 舉羊 祭 用 謂 室 前 祀 ; 謂 人視之, 祈 宰夫、 何 毛 宫, 雜記 也 0 竈 始 ? 其 或或 乃 升 ? 牲 **^** 以 成 白 指 以 衈 降。 屋 日 爲 又云「 ₩: 雞 维 謂 羊 其 五. 虎 皆 宰 刉 、之所 到一。 自 門、 宫 門、 祀 中 通 於 司 夫 成 因 皆 中 祭五 言 羽 兆 皆 霤 户 北 屋 處 夾 廟 四 爵 時 牲 也 鄉 下 中 以 時 五. 室 面 則 出 刉 井、 弁、 也。 祀,天子 日 室 釁 皆 豚 祀 于 祭 屋 衈 是宫 衈 竈 篇 之, 而 純 牲 割 用 南 碑 門 所 按 也 立 雞 雞 南 衣 面 其 飲 廟 中 衈

言 之宫 雅 者 仲 自 文,以 事 既 羽 古 户 廟 小子 堅 故故 釁 ? 之 歟 中 子 事 也 致 策 一將欲 爾之事 釋 耳 禮 ? 宗宗 敬 傳 書 職 妄 釁 詁 功 ^ 人告 又安 事 所 止 淮 規 云「考仲 堅 中 牢 *****: 萬 何 列 之 有 南 之」者 非 不及 · 霤 也 馬,非 得致 事 神 考 雞 服 也 將、欲 歟 0 畢 ? 宫 臆 時 子 IE. 羊 用 Ŧi. ^ 考 乃 至 撰 則 考仲子 之官 義 祀之 先 樂, 爾 也 皆 致 時 時 既 門 日 0 雅 退 正 即 事 孔 五. 不 堅 神乎 : 後 . 明 將 0 義 獻 祀 氏 之宫 用 致 夾 釋 獻 按 是 一然則 萬 羽 所言 之 不 ? 樂 室者 爲 詁 ^ 羽 考 焉 得 也 神 雜 上 成 又 唯 何 知 0 記 本 當 良 不 升 仲 釁 併 服 由 注 堅, 之 廣 然 祭 釁 門 經 祇 子 時 獻 屋

允矣。

旐 旂 教 傳 白 治 閱 夫。 案 所 職 書 鄉 旜 師 凡 有 夫 昭 軍 也 遂 都 頒 建 軍 兵, 或 官 事 吏 注 ^ 之州 旗 旅 0 載 與 大 載 載 遂 載 也、 辨 及 物 載 仲 者 旐 物 司 旟 旗 大 旗 或 以 旗 者 長 秋 秋 畫 號 各 衆 夫 馬 物 師 者 辨 之 不 異 也 服 以 縣 出 也 之 大 屬 書 都 注 口 旗 物 軍 以 \Box 其 ; 正 皆 其 載 者 用 閲 軍 云 物 : 之旗 鄉 其 將 以 無 畫 事 吏, 旝 · 遂 屬 羨 下 至 贊 者帛 大 與 以 鄉鄉 大 王 則 卒 軍 衛 無 也 冬 其 司 鄉 司 雲 載 司 遂 所 吏, 如 也 大 王 號 馬 馬 而 大 馬 氣 大 載 秋 野 也 將 閲 己。 焉 \leq 頒 夫 諸 常 物 白 也 日 謂 旗 以尊卑之 仲 也 軍 按 簡 郊 官 凡 : 諸 書 冬教 物 公邑 帥 ^ 本 軍 旌 卿 郊, 司 當 野 侯 或 仲 也 旗 大 載 載 載 其 爲 大 秋 ;

異 治 卑 軍 常 一之常 兵 之 則 時 故 如 與『 服 空 冬。 治 辟 秋 解 實 大閲 此 兵 教 。 正 所 引《 治 建 備 兵』, 司 義 軍 出 馬 禮 其 曰 軍 職 名 之 \forall 大 而 文 既 禮 旗 行,明 同 閲 物 此 所 是 建 不 建 當 旌 如 旗 年 尊 不 出

所

建

用

秋

辨

旗

物

之法

不 不 器 傳、《 登 登 辭 爲 服 是 注 案: 於器 而 升 成 之物,不得 於 於 E 後 周 俎 登 登,升」者 登 成成矣。 按: 爲 禮 一, 升 同 升 . 容 也。 服 也 服 服 ,下爲 小 言 異 0 正 曰 日 以 司 , , 1升,故 登 :「登,升也 : 義 升 且 徒》 周 儀 成 「登,成也 爲 義 日 굸 禮 禮 注 者 成 . 據 難 羊人》「登其 Ē 不成 以以 注 並 者 以 成 $\stackrel{\sim}{=}$ 云 下 登 義 骨 少人本 0 於器 升當 詩 通 登 爲 以 角 本 不不 釋 毛毛 升 成成 疏 疏 爲 嵩 下 能 登一, 爲 也 羽 高 登 不 飾 飾

八。」《宋書· 天子用 日 . 成 以 誕 「天子八八,諸 皆孔 登 先 八,諸 登 於 樂志 氏 釜 于岸」箋 二注 所 侯 成 疏 用 於器 登,成 六,大 侯 何 「登,成 六八,大夫四八,士 不云「不 夫 也 也」,《 四 · 士 二。 鄭、 辭 詩 昭 乎 杜 三年

異,若

以

不

爲

不

解,

・皇

矣》

傳

並

釋

爲

服

以爲 《左傳》『佾 案 復 天 音克諧 書 秋 預 四 子 成 以 八是三十二人、二八是一 鄭 八八是六十四人, 樂 樂 爲 至 非 伯 志》 ? 土 然後 納 列 降 夫舞 舞』云 晉 服 載 又減二人,至士 殺 悼 成 虔 太 者,所 以 公女樂二八,晉侯以一 樂,故 注 諸 常 兩 傳, 傅 侯 以 六六三十 隆 其 必 兩 六八 節 義 議 者 以 八音者 <u>二</u> 是 甚 減 八 止 十六人。 人 允。 其 四 餘 爲 四 十八人, 杜 也。 又《 列 列, 人 預 阚 春 常 宋 注

1

其

風

閶

置

本

疏

也 注 尊 説 爲 氏 不 列 賜 議 賜 之議 。」若然, 行 具,於 卑差 絳 是 者 魏 佾者 又 八 列。一 絳 列 惟 級 如 兩 輒 天 此 韋 莫 也。 何 此 楚 義 即 減 子 樂 昭 謂 辭 二八 亦 不 以 列 自 也 注 按 乖 人 以 . 八 也。」《 : ? 天 則 招 亦八 近 兩 人 白 子 杜 鄭 魂 佾 八 爲 氏 至 虎 降 應 者 》二八 或 人 未 人 列 之謬 士 通 太 納 語 爲 有 爲 列 半 晉二 其 行 諸 證 可 佾 也 禮 接 文物 晉 列 非 侯 見矣。」 也 樂 舞」王 備 語 既 以 惟 篇 典 \leq 降 晉 若 音 服 女 人 傅 音 逸 應 如

其

風

不

周

坎

音

革

其

風

廣

莫

;

艮

音

匏

其

而

行

八

風

服

日

_

八

卦

之

風

乾

音

石

風

融

震

音

竹

其

風

明

庶

;

巽

音

木

其

風

清

明

離

音

絲

其

風

景

;

坤

音

土

一,其風

涼

兑

也 音 金 也 掛 風 石 石

毊」, 冬,不 鼓 之 之義 風 玉。 驗》云「 磬 之風 至 至 其 桂 風 也 也,爲 也。 郭 玉 其 几 四 禮記 詩 周 八 調 風 + 乾 冬至 注 也 故 磬 + 掛 風 不 : 之爲 爲 五. 高 五 之 風 鼓 坎 至」。 . 周 商 日 廣 日 風 樂記 日 磬 音 以 也 頌 不 石 莫 者,《 爾 也。 是 革 玉 者 者。 磬」 廣 • 風 雅 \approx 八 周 石 淮 ^ 那 莫 其 至 律 按 鼓 , 掛 易 爲之。」是 0 風 南 漢 易 **>** 服 」、《天文》云 風 風 無 釋 曆 應 至一, 緯 • 書 依 ^ . 曰 至 廣莫」者、《 當 樂 志 説 通 八 天 説 我 於 高 風 掛 **>** 文》 石 文》:「 律 桂 磬 注 云 Ŧi. 誘 也。 大 驗 石 ×: 曆 聲 云 聲 注 **>** 磬 其 即 磬, 云 不 皮 箋 閶 坎 通 爲 謂 乾 義 乾 疏 乾 闔 V. 周 卦 掛 爲 統 日 云 口

貫 應 志 名 坎 鼓 匏 故 木 師 至 至 白 鼓 上 劭 即 地 . 詩 其 擊 虎 注 説 釋 日 注 革 革 而 有 日 讙 通 鼓 天 風 . 還 果 樂 掛 生 \wedge 也 也 核 宛 融 聲 文 禮 . 器 者 廬 禮 疏 \Box 艮 地 邱 **>** 木 器 樹 也, \leq 其 者 果 云 樂 引 風 E 掛 **%** 蓋 實 > 笙 桑 坎 艮 篇 注 俗 日 之 無 諧 坎 崔 之 菜 是笙 距 日 爲 通 生 並 蓏 風 通 核 其 果 爲 音 冬 H 果 卦 茹 也 匏 云 也 鼓 屬 擊 至 以 説 蓏 驗 有 草 蓏 日 聲 者 匏 鼓 應 匏 四 **>** 名 竹 笙 畦 實 音 · 云 也 ^ 鼓 + 象 儀 之貫 融 臣 笙 漢 樂記 H 革 瓜 立 毛 鼙 Ŧi. 也 瓚 書 也 爲 蓏 匏 匏 周 日 傳 日 春 匏 . 爲 日 之 鼓 笙 果 禮 . 既 坎 張 艮 食 爲 條 調 鼓 象 蓏 也 0 ^ タシ 按 晏 鼙 物 釋 太 0 貨 艮 坎 風 風

是 清 音 陽 管 至 驗 屬 也 也 解 通 長 也 疏 H 九 ** 堅 四 也 明 在 <u>_</u>, 艮 木 清 家 爲 十 其 剛 震 風 下 廣 也 其 易》云「蒼 律 蓏 明 管 巽 之爲 春 雅 至 物 五. 離 風 風 使 曆 瓜 也 之爲 分 陰爻 日 貫 音 , , 外 0 \ 清 志 震 至一, 竹 釋 地 瓠 絲 明 明 天 音 明 蒼 **>** 者 在 木 草 亦 之 而 白 其 庶 庶 文》 竹 筤 注 筤 者 者 中 · 牙 屬 云 虎 風 風 也 並 風 説 其 · • 青 使 Z 通 至 至 故 竹 景」者 卦 云 説 巽 故 通 風 ^ 也 ~ * 外 謂 明 日 **>** 論 桂 卦 外 竹 匏 明 蒼 注:「 禮 管 庶 之管」,是 天文》云「 震 語 <u>*</u> 驗 震 庶 , , 屬 筤 樂 風 瓠 爲 風 No. 通 震 陽 也 篇 震 者 是 至 蒼 也 陽 巽 也 也 在 掛 * 管 桂 几 筤 貨 驗 爲 F 猶 爲 竹 竹 之 條 是 風 即 通 柷 五. 震 俗 根 風 桂 匏 集 竹 風

闔 謂 其 闔 卦 者 相 飭 塤 南 也 金 土 Z 或 夏 郊 離 見 鍾 至 也 之 方 之 風 景 特 其 語 至 一磬」注 南 之爲 <u></u>, 通 離 風 至 宋 風 牲 風 景 . 坤之爲 律 方之卦 卦 説 書 也 晉 至 天 閶 風 絲 曆 猶 驗 注 卦》 文》 闔 語》 樂 几 並 以 者 至 爲 古 志 + 日 云 鍾 ? 也 者 義 云 w 云 土者 塤 並 志》「土 鍾 兑 Ŧi. 次 白 注 · 絲 立 也 , ~ 云 也 離 日 之」注 挂 涼 虎 通 秋 · 金 《莊 0 H 涼 爾 也 離 之 坤 通 風 掛 絃 ^ 之 涼 雅 坤 者 卦 也」、《白 . 風 至 律 驗 風 屬 土 音 風 • 禮 之 也 * 7 是 几 歷 明 至 吕 十 二 釋 也」。 塤 至 土 風 + 也 絃 志 樂》「 覽 爲 篇 ·, 其 秋 也 Ŧi. 即 \approx 注 年 虎 鍾 一,兑 是 萬 天 分 風 日 絲 大琴 · 》傳 土 琴 爲 通 仲 塤 物 也 涼 也 閶 閶 皆 在 夏 即 日 坤 絃

> 者 敔 主 主 説 乾 音 云 禮 主 主 金 並 台 _ ___ 夏 春 冬 音 樂 秋 異 也 也 云 虎 至 禮 篇 至 分 也 -0 分 也 壎, 金 亦 通 ^ 弦 × 運 樂 樂 樂 • 與 白 樂 惟 正 坎 **>** 用管 離 用 服 用 <u>Fi.</u> 鐘 楚 疏 虎 用 義 弦 音 鼓 絃 説 行 音 辭 引 通 鐘 也 , 篇 ; 異 ; 鐘 是 也 ^ . 巽 , 坤 艮 沈 》「金 異 與 鐘 大 乾 禮 管 主 主 主 氏 服 鐘 義 即 招 立 立 立 引《 樂 主 合 党 在 金 W 艮 \forall 云 夏, 春 秋 7 篇 西 樂 也 吅 餘 音 音 方。 冬, **>** 樂 樂 樂 緯 西 鐘 引《 也 不 也 兑之爲 用 用 用 学云 調 同 樂 是兑 磬 笙 塤 樂 磬 鼓 者 柷 用 兑 震 柷 離 坎 金 注 師 ;

大 叔 夫 父 長 有 憾 禮 日 於 伯父 記 寡 人。 少少 曲 禮 日 叔 》「天子 服 父。」《 日 : 同 詩 諸 姓 伐 侯 木》 謂 稱 之伯 同 姓

當 禮 稱 父,而 侯、諸 判 者。《孟 小 漢 以 邦 伯父、叔父矣。 也 書 覲 又 年 日 莊 · 賈誼 侯 長 子》「不挾 叔 禮 + 謂 少 父。 四 同 . 口 爲 天 傳》 年 伐 姓 姓 次 若 鄭 謂 木 大 子 集 大 長 長」趙 厲 》傳 之叔 夫, 注 夫 稱 公謂 日 無 同 皆 父」, 少少 伯父,少 注:「長,年長。」 姓 大小之差 原 日 天 謂 大 繁爲 父。」 子 以 或 年 謂 或 少。」《儀 日 伯 日 此 之 口 矣,故 叔 伯 父,是 稱 大 姓 諸 叔 小

繫 六 鄭 年 經 者 宋 刺 不 取 能 長 撫 葛 有 其 邑。 賈、 本 服 疏 日 : 長 葛 不

三年》 也。 葛 案: 宜 此 繫 五. 傳 之 云「不繋」,言 年 例 鄭 日 經 : 宋 周 凡 禮 人 書 伐 無 所 鄭 天 取 綴 官 言言 韋 屬 長 注 也 易 葛 也。 繫 襄 川 使 + 綴 長

> 鄭 乎 ? 能 拊 惟 循 忽 其 視 民 其 邑, 與 之 故 敵 古 能 守, 取 宋 之甚 贵 易言 取

稱

鄭

蓋

刺

之

耳

平。 傳 而 不 鄭 本 結 人 疏 平, 來 渝 於 平。 是 更 爲 服 約 日 束 : 「公爲 以 結 鄭 所 故 獲 \Box 釋 渝

宗彝 怒也。 案 言 束 結 雅 魂》注:「結 日 而 好,於 之也 語 不 「更 • 隱 廣言》 之約 結 」注:「大約 成 公爲 《説文》:「結,締 平」者 也。 是 東。」 並 周 更 鄭 , , 連也。」言公雖 禮 爲 云「釋,解 所獲,見《十一年 又《 淮南 釋 約 劑 司 名 秋 東 約 · 本 官 邦 . 以 釋 或 結 也」,謂 . 也。」《 經 凡 書 序 之。 約 己 訓》注 大約 契 官 也 釋怨,未 》 注 楚辭 - 》傳。 公 更 劑 [〜]約 書 於 于宗 書于 即 鄭 小 約 嘗 釋 傳 招 解 爾

逆公 傳 鄭 譏 時 不 協 之」,非公意 之」,則 有 廟 來 之釋 鄭 服 書 也 疑 渝 諸 命 者 不 以 • 平。 侯 公也 計 公舊 彝 也 知 如如 公之怨 則 復 公立 0 欲 掌 也 伐 宋 怨 正 服 其 神 」, 故經 雖 時 義 鄭 人 自 所 盟 監 解 之求 鄭 釋,非 以 以 以 約 焉 宋公使來 矣。 公自 釋 知 書 之 。」又《司 成」, 解 公釋怨者 約 當 載 羽 翬 逃 公之 東 有 帥 亦不 歸 注 父 無 求 盟 師 乞 釋 請 非 以 成 書也 \approx 師 ·, 有 之舉 怨, 鄭 徵 以 惡 凡 公公 四 信 所 疑 師 非 專 邦 年 故故 不 且. 辭 是 經 會 或

紀 七年 貴 經 叔 叔 姬 姬 歸 本 疏 于 紀 賈 日 : 書之者 刺

案 論 語 易 • 八 佾》注 歸 妹 並 釋 云 文、 婦 ^ 詩 人 謂 • 葛 嫁 覃 日 歸 傳

> 書於 《釋 蓋 侯既 漸 例 也 求 兄 或 嫁娶篇 叔 之子 人爲 則 所 姬 稱 名 承 賢 貴 經 以 伯 事 劉 不 」,内 士 刺 也 重 或 嫡 釋 姬 止 一,不可 之 賈云「《 之, \sim 之娣。 往 也。」若 親 於 外 也 娣 春秋 媵 故 者 相 屬 士。 求 之, 經 **>** 春 何 比 《公羊 傳》 然 : 人爲妾 特 秋 妾 ? 以 不 變 日 》之序 得 則 姪 雖 姪 弟 其 書 媵 傳 賢, 娣 娣 何 也 例 賤 歸 *****: 從 日 0 | ,三命以 不 或 明 以 媵。 者 得 諸 白 矣。 士 來 姪 書 也 爲 即 者 侯 媵 虎 媵 於策 0 E 今紀 尊 娶 適 通 何 乃 之 釋 ? 承 口

幣 傳 凡 服 初 日 伯 戎 以 朝 戎 諸 于 以 侯 周 朝 爲 發 禮 王 及 幣 卿 士,不 于 公 公 卿 卿 脩賓 大 凡 夫 伯 主之禮 發 弗 陳其

0

樂官 卿 卿 朝 賓 此 + 卿 侯 見 大 疏 夫 大 儀 諸 升 夫 視 大 禮 夫 面 云《 相 日 禮 夫」者 對 辭 侯 伯 大 見 朝 備 即 戎 夫」。 如 北 等, 覲 聘 夫 覲 日 也 聘禮 以 覿 禮 天子 禮》 朝 ~, 朝 幣 夫 禮 遂 面 賓 言 蓋 按 禮 昏 視 王 當 左 記 享 從 ,享天子 注 言 ^ 賓 制 子 義 戎 君 經 楣 之。 • 者 聘 此 男」。 幣 奉 時 庭 訖 解 王 再 , 禮 也 謂 天 幣 實 天 來 \leq 制 拜 大 周 0 尚 訖 子 子 朝 設 受幣 : 聘 夫 * 禮 庭 束 有 射 之三公視公侯 7 于 覲 天 發 西 帛 實 亦 . 揖 擯 幣 義 三公九 周 大宗 之 子 陳 從 面 當 也 讓 者 于 問 **%** 也 禮 其 無 有 如 楹 卿 賓 出 幣 騶 廢 伯 事 幣 初 及 閒 門 請 覲 大 卿 稱 \approx 問 虞》 跙 夫 禮 者 右 事 面 大 公 諸 春 南 則

禮 茅 公爲 幣」 賈 爲 鄭 知 劉 出 命》「芮伯」、「 王 侯,召、芮、 血 尚 衛 之。 爲 卿 注 注 王 胙、 是 注 敬 武 書 退 周 大 王 士」,古有 朝 云一芮 公人 今古、 報 凡 也 祭 夫 司 朝 公卿 西 于 脩 徒」、《左傳》「 降 卿 卿 彤 面 相 伯 ^ 戎 文 伯 周 行 覲禮 授 士 畢、 以諸 立 公之 于 疏 畢 故 其 有 也 也。」《鄉 周」、《 》 云「 爲宗伯 老 公、 言 文 制 ~ 事 毛 侯 幣 賓 胤 或 也 人。 卿 者 當 亦 人 X 不 也 0 或 語 詩 爲 士 鄭 者 具 即 世 俱 畢 楣 飲 傳云 語 . 者 , 武 畿 . 王 服 ^ 再 酒 是 以 蓋 晉 公人 詩 • 淇 公、莊 卿 内 所 義 拜 封 不 鄭 語 衛 隱 澳 凡 . 士」者 聘 諸 K 送 建 脩 語 是 爲 淇 **>** 禮 元 侯 幣 序 發 不 賓 爲 蔣 公 畿 司 年 澳 脩 侯 爲 鄭 馬 疏 主 外 而 耳. 陳 > **>** 之 序 諸 顧 其 傳 皆 引 而 柜

月

見

祖

廟

之

後

乃

始

成

昏

故

譏

鄭

公子

忽

賓 此 私 也 接 覲 禮 介 面 人 禮 禮 是 以 曲 > 則 亦 義 弗 有 禮 凡 不 賓 大 者 **>** 伯 具 : 夫 也 也 宜 響 以《 其 敬 食 主 次 聘 報 賓 務 人 禮》 之。 介 者 施 證 禮 報 今凡 之, 接 敬 0 人 報 戎 有 以 既 伯 大 之文, 仁 夫 奉 不 餼 幣 者 行

世 無 歃 0 如 也 忘 本 疏 似 臨 服 歃 日 : 而 忘 如 其 而 盟 也 載 0 之 釋 辭 文》。 言 0 不 本 精 疏

張 滿 滿 案 如 而 作 ^ 辭 不 不 莊 作 溢 星 溢 七 艾 隕 年 0 漢《 而 **>** 而 ^ 經 宋 雨 脩 張 -0 書 星 堯 , 是 隕 廟 . ^ 孝 如 如 樂 碑 經 即 》作 雨 志 **>** <u>_</u>, 而 **>** 題 高 也 高 論 作 而 如 衡 一世 不 不 . 危 危 如 增

年 服 傳 禮 日 先 一大 齊 配 而 而 後 夫 未 祖 以 配 -, --上 無問 月 賈 廟 日 舅 見 : 姑 然 在 配 後 否 成 当当三 配 夫 0 婦 本

也

八

疏

先 子」。 之位 ^ 爲 姓 \equiv 然 共 者 案 配 子 妃 儀 爾 男 天 月 牢 · • 日 配 對 日 故 禮 正 7 雅 日 禮 后 : 兀 筵 而 配 乃 日 賈公彦 位 乃 厥 . 記 食 某 伊 成 可配 釋 乃 1: 必 諸 得 乎 配 奠 . 夫 氏 始 昏 外, 詁 也 見 侯 日 菜 同 郊 傳 婦 禮 *****: 祖 來 成夫婦 日 尊 日 : 特 配 女 婦 IE. 也」者 > 廟 夫 婦 : 卑 祝 牲 : IE 禮 名 妃 配 也 人, 也 帥 \cong 位 若 乎! 敢 未 若 故《 也 0 兀 壹 乎 嫓 婦 舅 大 奠 舅 成 禮記 曲 配 内 也 與 也 以 殁 夫 齊』 嘉 姑 未 不 ° _ ≪ ° _ | 、之齊」 禮 人 姑 與「妃 既 禮 日 菜 正 或 是 曾 》云「天子 得 告, 存 孺 易 詩 没 齊 于 名 子 爲 必 言 問 而 . 注 皇 不 稱 則 成 川 家 皇 未 疏 醮 義 . 得 舅 配 夫 婦 婦 矣 配 同 謂 稱 婦 某 之 0 孔 時 X

其

必

廟

見

然

後

配

言

則

廟

其

據

祭

義

**

上

士

言

見

祖

廟

者

成

婦

矣

^

桓

年

傳

葬

于

女氏

之

黨

亦

未

以

配

天

地

之

神

明

鄭

耦

不

得

稱

配

矣

是

以

口

稱

配

曾

子

問

廟

之

禮

0

是

必

廟

見

之

者

人

之

善

惡

口

得

知

^

É

虎

通

嫁

娶

篇

祖

廟

故

1:

昏

禮

事

亦」字

别

爲

廟

見

之

事

,一三月 奠采 之, 常 者 姑 祭 氏 意 然 ~° 問 若 舅。 于 禰 制 , , 祇 奠 之 于 明 既 王 也 後 ***** 廟 廟 哀 也 士 奠 采 意 是 明 禰 殁 若 祭 制 公問 以 采 是 者 兩 舅 然 \leq 行 是 舅 爲 白 成 E 于 兩 事 月 也 據 士 存 舅 廟 存 虎 婦 未 》「合二 事 舅 舅 本 姑 而 姑 之 者 則 通 有 月 姑 蓋 姑 文 廟 而 廟 殁 不 既 義 當 鄭 ^ 據 而 既 見 嫁 姓 得 月 是 士 殁 注 也 不 婦 注 行 ^ 殁 11 之 娶 昏 士 有 稱 統 雖 廟 成 後 告 注 以 也 出 女 好 也 日 女未 哀 嘉 於侍 奉 婦 以 某 公 月 然 耦 乃 與 統 以 年》 濟 承 故 也 夫 問問 廟 後 寡 繼 得 不 日 者』 其 祭 或 婦 時 敏 傳 見 先 妃 可 成 變,《 祀 君 日 則 西己 既 而 得 共 聖 婦 是 不 物 爲 取 娶 廟 死 事 内 之後 則 有 天 也 能 雜 夫 有 重 元 乃 見 足 宗 自 怨 敝 地 人之 歸 成 從 記

篇

婦

月

昏

禮

>

以

釋

非

禮

月

廟

見

謂

舅

上

廟

見

下

是

祭

來

婦

也

擇

日

而

見

祖

廟

者

曾

子

見

其

實

此

係

+

禮

見

姑

月

亦

廟

見

無

廟

口

推

賈

盡

又

外

求

助

昏

禮

辭

E

請

君

之

玉

以

爲

宗

廟

之

主

又

邑,

事

宗

廟

蓋

娶

婦

苟

性

不

柔

順

又

有

七

*

妻

出

夫

使

人

致

之

而

共

築

盛

使

某

也

敢

亦

婦

月

妃

以

奉

築

盛

妃

即

有

日

月

之

象

焉

文

昏 舅 義 後 葛 子 問 必 成 士言 也 ± 三月 忽先 姑 | | | | | | | | | | 爲 執 則 昏 之 殁 婦 婦 服 與 從 禮 鄭 者 摻摻 月 西己 廟 也 功」,箋云「言女手 義 天 \forall 義 後 \equiv 而 見 《曾子 與 子 舅 月 異 女手」,傳「婦 祖 之後 廟 賈 日 以 廟 故 殁 見, 也 同 下 無 見。 問問 則 稱 鍼 至 乃 論 **×** 奠 日 子 來 疏 始 於 賈、 舅 菜 譏之。 婦」之 引 大 士 成 姑 服 人三 熊 舅 夫 者,未三月, 婦 在 皆 謂 氏 存 者 以 否 義 月 當 又按《 日 則 上 也。 即 者 夕 廟 : 否 月 者 成 見, 僧子 始 詩 今公 如 非 也 昏, 未 成 鄭 然 别 如

諸 則 爲 本 疏 以 氏 侯 西己 以字 貴適 字 爲 統 氏,尊公族,臧氏、展氏 服 伯、 日 仲、 「公之母 叔、季是 弟 也 則 是 庶 以 也。」 公子 長 幼

案。「公之母弟」者、《宣十七年》傳 凡

伯

庶

長

稱

孟

。」《釋

名

釋

親

屬

》「弟

注、《 禮 先 雅 序 即 子孫 稱弟 次 出 記 太子 統 書 伯、 以 第 當當 爲 \leq 生 釋 • 長 本也」。 仲、 之母 易》「乾 伯 後 釋 出 皆 文云「 氏 也。 重 幼 周 矣。」「 生,長 親 某甫 於嫡夫人者 爲 其 官 叔、季,長 母 *****: ^ 弟, 者 氏」者 白 本, 弟 嫡 所 疏 蓋 乃 貴 公在 仲、 虎 幼 男 也 以長 公之母弟 引《 統 正 0 適 以 通 之 子 叔、季 幼 天 日 别子 統 夫 蓋 周 别 先生爲 則 翻 幼 之稱 公子 姓 也。」《 譯 謂 禮 者 爲 釋 以 惟 孫 名 也一, 名 || 以 與 · 氏 長 則 文 其 之所 篇 兄,後生 義 不 太 詩 幼 引 生 儀 所 明 爲 在 子 嫡 統 以 . 當 爲 鄭 禮 其 出 適 日 百 與 引《 同 江 爲 氏。 注 士冠 適 所 夫 也 弟 鄭 官 字 爲 母 有 適 並 西 生 人 長 注 死, 汜 同 也 所 云 爾 是 凡 馬 稱 域

牙,且 果 計 問 氏 得 繋於 字辭 以 仲、 則 也 長 之,敬其名也」, 紀禮 世 相相 否矣。 前 後先 申 幼 爲 稱 之説,雖自《世本》,不足據也。」觀 族 叔、 庶子 凡 明 爲 慶 明 叔 譜 次第 叔 叔牙亦 之也。 問 父同 矣 氏 牙? 季」者, 牙即 》云「慶父同母弟」,則 適 《郊特 者 益明矣。 ,其字辭 叔牙,蓋以 庶子 所 前 ,必公之母 母 生 以 生也」。 不自 何 弟,公 庶公子則 冠 性》 者 慶 專 則《儀禮》所稱 得 于 父 乃 所 指 知 稱 若然,魯公子牙,杜 「適子冠於阼,冠 爲 母弟 稱 房外 一何 適子 引 叔 如 是仲、叔、季 弟 對 伯 以 ? 嫌 此 以 故 無 至 舍 之 乎 遂 仲、叔、季之不 稱 配 一親,故 孫 ? 慶 舉 醮 有 次 氏 字爲氏者 庶 伯 父 焉。」 伯 庶 嫌 第言之。 子矣, 然 曰:「杜 首 統 而 長 仲 疑 則 某 問 問問 其 於伯 莊 以 叔 而 字 若 何 氏 季 以 叔 大 無 下

> 後以 子 以 杜《 子以字爲 受於父母爲質,字者受於賓爲文。」庶 人,益文。」 賈公彦 爲二公子之字,其後 疏 司 繫統 白 大傳》「其 ,°_ 爲 空 世 虎 爲氏 無 例 族,屬 於 士冠 族譜》云「公子彄 通 也 駭,公子展之子」。❷ 適」爲對文耳。 也。 氏。 禮》注 庶姓别於上」疏:「庶,衆 姓 也。」公族,言 「尊公族」者、《仲尼 名 配者,合也,言其所 二、「名 篇 日 **>** 爲 :「益文者,對 : 字子 者質所受, 臧 臧 諸 氏、展 屬 氏、 侯 是 臧 體 之 ,孝公子。 展氏」者, 氏,故 臧 於 子 公,與 燕居》 一展 西己 名 稱 冠 也 字 是 成 公

^

則 有 族 邑 亦 如 之。

服 日 : 「異姓 宋

0 受」下,《 儀禮註 疏》有「于父母」三字。

子」、《春秋左傳正義》作「孫

司城,韓、魏是也。」本疏。

舉 稱 宋 子 韓 魏 戎 也 此 不 以 Z 成 范 草韓 氏 證 司 萬 以 類 以 以 武 + 也 者 畢 者 官 空 司 證 武 桓 子 魏 六 韓 正 也 族 萬 城 公, 其 年 又 如 賜 不 義 邑 爲 魏 年 食 稱 知 畢 山 名 引 傳 檀 子 亦 族 史記 IE 采 邯 祭 萬 傳 者 枚 罕 司 義 注 弓 如 世 地 一人也 鄲 , 舉 爲 空 **>** 知 之 其 午 本 又 : 桓 可 宋 不 ^ 樂 廢 韓 則 稱 「宋 **>** 後 閔 城 也 以 \equiv 然者 懼 爲 士會 世 日 樂 爲 即 又 武 元 年 司 後 司 家 氏 戴 以 年 긁 稱 公 , 隨 **>** 城 城 以 学里 口 韓、 》傳 傳 公 廢 韓 城 荀 春 人 武 自 爲 别 六 祭 司 萬 即 秋 魏 是 子 也 爲 氏 公高 韓 爲 空。」 世 樂 爲 樂 司 莊 晉 有 萬 趙 司 傳 服 孫 氏 氏 氏 城 之 伯 舉 服 滅 御 城 如 稱 午 兩

> 姓 後 於 則 而 服 樂 周 氏 爲 乙 爲 同 異 宋 姓 姓 之 同 則 當 姓 亦 是 傳 與 韓 寫 晉 之誤 魏 爲 爲 口 晉 姓 之 司 若

進 服 九 年 日 傳 : 其 敗 言 貪 不 必 利 相 不 也 救 往 本 相 先 救 者 見 先 獲 者 見 必 獲 務 各 准 自 務

《廣 言 急 傳 案 得 獲, 而 務 注 也 規 必 世 進 雅 則 之 不 0 : 言 「先,前 * 遽 日 得 往 也 先 救 必 進 : 相 即 ,赴急之意。」言 務 不 者 救 獲 其 墨 言言 進 往 見 各 也 言 遽 子 也 相 獲,各 其 也]° | « | 見 自 救 正 貪 獲者 務 經 義 者 謂 利 進 上 自 引 切 當謂 前 言 ≫: 者 戎 作 務 經 穀 進 人不 其 進 音 梁 先 釋 者 利 戎 貪 義》 w 者 者 者 見 見 僖 被 利 往 見 , , 六 鄭 有 赴 也 貪 獲 元 獲 引 説 所 所 年 獲 其

言

口

解

無

故

以

解

亂

之。」今尋

繹

拜

送

廟

也

下

云

送

進

()、欲

何

所

貪,

而

云

貪利」

也

?

先

者

E

被

鄭

獲

重

進

者

將

復

爲

虜

也

鄭

人

速

去

以

誘

安

得

獲

戎

世

述傳文。「言 進」之旨 不相 各 北 知 此 春 不 孔 服 ? 傳 服 則 自 徧 往 救 秋 氏 意 習 由 氏 所 在 相 務 不 儀 幣。」 賓三 幣 幣 侯 别 之 侯 案 姓 登之先後 以 賓送 周 再 將 前 之, 繡 東 不 拜,授 禮 圭 後 循 有 朝 而 揖 面 一幣 則 璜 先 以 往 此言 先 鄭 ,皆受舍 北 \equiv 司 受 登 以 馬 後 禮 制 幣」云「 上。 謂 讓 則 儀 玉 授 黼 也。」受舍之 : 故 璋 授 無 之先 上 ___ 玉, : 注 争 于 登, 明 以 爲 玉 授 是 主 皮,璧 先 一者。 凡 朝 文。 主受 幣 後 幣 謂 再 人 登 諸 分 當 亦 必 争 拜 拜 公相 同 别 爲 當 儀 先 以 幣」矣。 小 先 有 至 姓 受 同 禮 如 帛 後 行 授 升 玉 爲 西 幣 姓 是 且 人 >>: 幣 • 堂 也 琮 以 面 覲 受 矣。 授 異 彼言 同 北 以 賓 故 以 禮 玉 姓 錦 合 玉 及 E

周 盟 賈 日 : 宗宗 尊 也 本 疏

+ 年 傳 争 長 服 日 : 先 登 授 玉

來

矣

服

義

而

善

本

寶

貴

如

此

知

傳

寫

舛

異

姓

受

異

諸

今

薛

是

晉

世

永

嘉

舊

本

乃

往

讀

之。

河

所

釋

未

爲

訛

也

魏

書

徐

遵

明

又知

陽

平.

館

陶

趙

世

業家

有《服

氏

救

之

. 前

大

滋

疑

義

今

爲

更正

見

本「先

者見

獲

句

誤

倒

於

言

必

兩

稱「言」字

,是

分詁

上下

文,可

證

其

貪

利

也,

乃

釋

見見

獲」、「

務

先

者

見

獲

各自

務

進」,

自

必

不

往

相

救

自自

釋上文「敗

三九

鄭

注

琥

也

前 紀 》八 服 . : 宗宗 盟 同 宗之

本

疏

史

以 宗 爲 尊 者 , , 詩 • 鳧 鷖 》傳 盟 云「宗,

也 ^ 儀 禮 喪 服 傳 \leq 大宗者,尊之

統 ^ 白 虎 通 宗 族 篇 *****: 「宗者, 尊 也

箠

爲 先 祖 主 者 宗 人之所 尊 也 。」是宗盟

言 盟 之 所 尊 也。 服言「 同 宗之盟」者 ~ 或

語 . 晉 語》 注 「宗,本宗 也 白 虎 通

宗 弟 族 所 篇 以 紀 大宗 理 族 能 率 者 小宗, 也 0 ^ 小 禮 宗 記 能 率 群

義 司 宗 周 之 人 盟 貴 以 親 貴 而 者 尚 統 战 之 故 耳 盟 有 正 異 義 姓 而

服 之言 得 其 旨 矣。 而 孫 毓 難 服 日 :

通 同 共 宗之 同 盟 盟 則 則 何 無 稱 與 於宗 異 姓 ? 何 斯 論 不 先 然 後? 矣。 天

姓 子 之盟 獨 與 諸 同 侯 宗 者 \$ 其 也 共 但 獎 王 周 室,未 人 貴 親 聞 先 離 敘 逖 同 異

姓

其

篤

於宗族

故謂之『宗盟』。」

猶

公

與 族 燕 非 無 異 姓 而 亦 祇 稱 族 燕 , 何

四

0

得 邨平 以 相 詆 也

潁 考 叔 挾 輈 以 走 服 日 : 考

車

馬 而 走 本 叔 挾

以 腋 名 其 擊 車 閒 注 也 案 捷 之 前 謂 0 馬 . 轅 也 挾 援 釋 之 稍 也 輈 考 儀 兩 車 輈 曲 工 故 禮 服 轅 ^ 而 記 馬 箠 攷 口 . 也 既 詩 挾 馬 工 轅 在 |《方言》九: 夕》 輈 記 . 而 至 轅 援 小 人 走」者 衡 或 外」,故 也 戎》 薦 爲 車 語 而 車 輈 人》 車 嚮 疏 之 直 吴 注 擊 云 下 説 大 轅 東 語 凡 句 馬 文》 援 楚、 注 之。 爲 轅 輈 而 也 轅 走 北 從 0 衛 車 ^ 在 爲 之 欲 疏 釋 轅 軫

0 毓 原作「疏」,今據《春秋左傳正 巫

賈

日

鍾

邑。 使 營菟 以 作 裘,吾將 宫 室,欲 老焉。 居之以終 服 日 老 「菟 也。」《魯 裘, 世

同

上。

家 ジ注

而 禱 準 諸 室。 義》 注 案: 老」者,《 有 老 禮 阚 -傳》注 侯 于其 苑 記 者曰終。」言欲 雅 · 定之方中》『作于楚宫』,又云『作 : 所 趙 裘 續 皆 主 居宫室 岐 聚 禮運 周 漢 傳: 釋 散 所 鍾 注 書 禮 宫 以 作 文言之,古者宫、室 劉 『室,猶宮也。』《孟子》『爲 . 通 太史》 三三 也。」「作」者、《後 郡 謂營 昭 古今之異語。」邵 「宮謂之室、室謂 老有 或 處此 注 室, 志 作 引 注:「居 大宫 以 所終。』《疾醫 也 此 泰 終其 司。」「欲 文, Ш 也。」是天 老也 郡 是 巫,祭名。」 猶 居 漢 ₩: 魯 之 書 處 之宫。」 氏 通 邑 梁 以 也。 ② 正 子、 也 終 樊 于 甫

館

于寫

氏

服

曰 :

「館,舍也。

寫氏,

魯

大

夫。」

同

上。

保、巫 案 也 最先者也。」是古所祭之神,有名 巫 神 祠 0 在 ^ 一,師 淮 先」注: 女 鍾 巫 南 日 古日 巫 祭 精 0 : 名 神 巫 皆 漢 訓 保 者,言所 書 古 $\stackrel{\cdot}{\approx}$ 神 巫 鄭 . 郊 名 之 之 神 祀 神 祭 巫 志 也 巫 巫 巫 先, 巫 神 高 又「巫 巫 名 注 社 之 鍾

遠 錢 氏 注 案: 書 舍 氏 氏之簉,其即蔿氏之後乎?」 也 也。」《易 《周 大 高 儀 昕云: 寫 禮 紀 禮 氏 • 注 0 聘 委 屯 「蔿、薳 史記 禮 人》凡 「舍,息 **>** 釋 * . 文 及 古 魯 館 軍 也。」言 通 世 旅之賓 舍,止 用 家 注 並 作 止 孟 云 客館 也 僖 蔿 息 子 氏 於 ^ 焉 館 有 寫 漢

几

春秋左氏傳賈服注輯述卷三

《漢書

・高帝紀》注、《文選・拜

中

軍記室

睛」作「精」、《説文》「眹,

目

1精」是

也。

辭

隋王

牋》注引《莊子》司

馬

彪

注

並

\(\frac{1}{2}\)

轉

運

也。」「極

視

精

不轉

言

窮

視

之至

嘉興李貽德學

目

精

不

運

轉

也

公

桓

元年傳宋華父督。 服曰:「戴公之孫。」

《宋世家》注。

案:正義引《世本》云「華父督,宋戴公之

孫

,好父説之子」。

也。」同上。 服曰:「目者,極視精不轉

《淮南子•主術訓》注:「睛,目童子也。」注、《楚詞•大司命》注並云「極,窮也」。案:「極視精不轉」者,《漢書•溝洫志》

二年經宋督弑其君。 賈曰:「督有無君之

心,故去氏。」《釋例·氏族例》。

之。 案: 氏,以著無君也。 君,故經不 爲族。」督爲 《隱七年》傳:「諸侯以字爲謚 傳曰 「君子 稱華督,見去其受於君者之 華氏,受於君 謂 督有無君之心。」賈 也。 今督 既 因 據 無 以

「會于稷,以成宋亂,爲賂故,立華氏也」。案:《詩·樛木》傳:「成,就也。」《爾雅·以成宋亂。 服曰:「成就宋亂。」本疏。

書 宋 之, 亂 由 以 華 成 就 納 宋 賂 亂 立 之,昧 實 由 公也 討 賊 之義 經 特

會于鄧。 賈、服曰:「鄧,國也。言蔡、鄭

會

於

鄧

之國

都

本

疏

或 傳 陽 案 或 爾 Zi 故 都 0 : 云 離 或 鄧 ^ ^ 也 爲 是 漢 説 不 始 以 應 書 地 言 文 懼 劭 主 鄧 . **>** 會 楚 : 地 爲 曰 蔡 也 此 理 或 鄧 志 其 鄭 鄧 9 蔡 爲 言 \approx 曼 就 賈、 侯 南 姓 會 鄭 往 或 陽 之 何 會 服 鄧 0 郡 或 之, _ 所 皆 9 公羊 鄧 本 故 鄧 今 近 與 屬 於 自 楚 ^ 傳 之 會 鄧 左 注 南

宋 韋 鄭 \mathbb{H} 傳 師 長 ; + 韋 川 葛 於 其 戰 戰 東 六 ; 邾 門 戰 ; 戰 鄭 鄭 賈 伐 宋、 以 戰 宋 王 衛 : 取 命 其 + 其 伐 鄭 郛 禾 宋 ; ; 戰 ; ; 九 Ŧi. \equiv 七 .: 戦 戰 戰 戰 伐 戰 伐 魯 取 鄭 敗 邾 伐

> 人、蔡 戰 郛 宋。」《 宋 敗 隱 宋 皆 ; 戰 宋 戰 師 几 鄭 五 師 年 在 在 伯 伐 鄭 戰 0 於 世 隱 隱 以 鄭 人 家 衛 菅 + + 伐 王 宋 注 戰 韋 人 ; 年 命 鄭 ___ ; 八戦 其 伐 年 服 伐 取 + 韋 東 4 戴 宋, 邾 日 門 長 : 本 ; 宋、 田 戰 在 ; 葛 疏 戰 + ; 與 再 衛 隱 戰 鄭 皆 鄭 几 戰 夷 人 九 伯 戰 在 伯 戊 鄭 年 隱 取 以 隱 以 寅 邾 ; 其 四 虢 五. 虢 九 七 禾 年 師 鄭 鄭 年 師 戰 戰 即 伯 皆 大 X 大 位 其 敗 敗 宋 在

清 是 以 廟 案 。」《詩 清 賈 廟 茅 服 靈 屋 義 臺 口 影疏 皆 賈 詳 日 言 : + 肅 然 戰 清 之實 静 也 謂 之

案 也 注 素 0 問 ^ 是 清 後 . 肅 漢 Ŧi. 然 純 常 • 狀 潔 張 政 清 也 衡 大 静 0 傳 論 也 ^ > 或 > 注 注 **>** : 語 論 語 肅 肅 周 肅 • 清 語 微 清 也 子 > 也 注 馬 静

駕 書 漢 大 車 也 駟 路 注 静 高 越 輿 席 潔 服 越 車 志 矣 也 席 八尊卑 注。 結 以 服 括 見 大 皆 日 草 名 路 : 乘 清 以 木 之, 大 廟 爲 路 其 路。」 席 取 采 也 總 其 飾 本 _ _ _ _ 名 潔 疏 有 也 也 史 差 記 0 祀 如 天 今 禮 續

淳 皆 案 乘 是 哀公篇》注 也 馳 日 駟 乘 路 傳 者 注 V. 之」者 爲 總 四 大 律 廣 亦 乘 四 總名 馬 名也 路 謂 雅 馬 也 四 以以 下 高 不 之 路 *_*, 也 馬 者 足 高 車 釋 得 漢 高 王 爲 續 器 · 車 如如 爲 法况 者之 詩 乘 足 漢 · , > 晉 總 今駕 爲 傳」,《元 輅 書 也。 名 漢 輿 置 車 汾 書 車 傳 服 駟 狙 《詩 輿 亦 也 高 大 志 洳 車 帝 四 服 高 V 車 • ·, 紀 之通 志 注 傳 馬 字 清 祖 矣, \forall 引 荀 * 中 疑 路 紀 子 尊 賜 徐 名 足 車 衍 宗 箋 爲 卑 車 倚 廣 如

王 以 駕 駕 傳 朱 名 是 迎 皂 云 紀 室 引《古今注 車 石 輪 大 繒 L 轓 崇云 也 漢 駟 有 至 四 謁 遂 法駕 書 國 覆 右 得 六百石 _, 拜 屬 景 者 後 :「令長 乘 蓋 騑 朱 又《 會 籍 帝 各 從 特 銅 傳 其 ·• 駟 輪 稽 者 中 熊 爲 去 Ŧi. 一人,載 禮 采 特 $\check{\exists}$ 高 朱 太 居 元 百 末 百 副 儀 馬 飾 車 吏二 守 五. 車 前 石 虎 石 左 尊卑 志 有 軛 續 年 武 以 居 以 轓 崇云 長 差 寢 有 漢 兀 Ŧ 獲 帝 上 又 ~ 前 下 安 麋 始 吉 至 石 車 皂 者 同 \ 天 日 白 廐 陽 詔 居 連 左 續 漢 之, 布 布 馳 車 大 筩 六百 吏 服 左右 兕 駟 秋 漢 蓋 几 漢 蓋 朱 以 駟 乘 使 志 __ 之日 右 年 于 書 送 况 車 中 **>** 駟 石 兩 ^ 麋 連 云 朱 劉 路 陵 是 令諸 石 以 轓 馬 • 服 立 景 太 千 買 采 以 爲 餘 小 昭 上 廟 車 志 千 宰 皆 帝 臣 飾 或 侯 施 總 來 注

路 記 殷 車 鞔 位 服 以 爲 也 不 疏 禹 與 魯 路 然 尊 云 六大 括 其 貢 禮 禮 者 玉 也 卑 而 草 革 路 越 越 「大路, 説 路 誨 路 器 稟 漆 也 席 席 其 者 魯 以 君 郊 之而 鞂 差 殷 祀, 公之 實 特 宜 結 大 注 之 也 路 百 周 當 禮 殷 以 牲 路 括 已。二祀 設 稭 也 郊 則 禮 里 家 作 運 木 **>** 草 素 越 , 用 大 大 祭 鞂 > 路 . 乘 注 以 而 鞂 釋 ^ 席 路 殷 巾 天 路 服 稟 素 明 爲 越 故 文 禮 宜 天 車 車 去其 車 堂 翦 席 席 服 木 指 穗 也 車」者,《 ~ 也。」 注 位 蒲 禮 今本 不 注 玉 路 去 者 注 (皮,祭) 越 器 也 從 路 今 按: 實 注 木 引 臧 矣 作 字字 禮 素 禮 周 \Box 云 此 莞 明 路 天 哀 鞂 運 禮 車 秸 巾 以 伯 服 大 堂 禮

> 秸 爲 鞂 席 草, 日 世 ~ 字 書 則 玉 篇 作 「鞂 趏 作 秸 鞂 亦 因 字。 云 括 祭 轉 括 神 草 也 席 也 即

藻 有 來。 刷 巾 0 本 服 疏 \exists 藻 畫 藻 ; 刷 巾

結

此

草

爲

席

也

色采 草 讀 藻 繅 案 古 玉 佩 爲『藻 木 席 之文,故讀 率 帥 巾 ~ 即 如 藻 爲 注 从 典 水 帥 中 率』之『藻 聘 : 巾 畫 瑞 藻 榦 禮 通 藻 > 之有 鄭 从之 服 自 注 用 古 云 者 聲 可 ^ 韋 周 也 文 文 農 , -0 刷 衣 繅 」。」是 禮 也 周 云 帥 巾 帨 而 有 賈 禮 畫 云 五. 皆 樂 繅 即 疏 説 畫 之。 采 作 師 云: 讀 司 説 帥 藻」者 文 文 爲 几 鄭 率 文》之「 故 或 筵 藻 藻 从兑 所 書 口 帥 言 然 是 農 率 以 帥 Z 則 佩 水 之 加 Ŧī. 仍 薦

注 括 巾 也 巾 爾 又 所 雅 云 以 拭 拭 汙 也 刷 垢 清 ^ 也 儀 禮 説 • 士 文 冠 禮 刷

厲 帬 訓 與 杜 名大帶。 大 賈 厲 同 服 《易 文多同 游 禮 輿大 之 厲,大帶之垂者。」孔 記 . 垂 訟》: ,故今節取 駕 内 有 則 之。」本 或或 本疏 疏 賈、 杜 引 錫之 文爲 服 服 0 疏 云 疏 按 賈 ⁸ 常常 ○ 《釋文》引 日 「鞶,大帶 「賈 杜 服 : 注 義 服 焉 鞶 等 鞶 説 ,紳 無 纓 大 鞶 紳 如 帶 帶 厲 也 索 皆

之 馬 厲 正 帮,今乘 日 垂 垂」者 者 注 義 帶 大 紳 而 鞶 帶 是 輿 厲 服 大大 帶 之 E 大 蓋 之名 帶 垂 也。」 是 駕 用 爲 者 厲 毛 有 革 公《詩 虞注 厲 爲 名 之」者,《 帶 是 之爲 垂 故 垂 貌 傳 之 云 紳 巾 鞶 》説 鞶 貌 巾 帶帶 而 也 車 纓 大帶 復 ^ **>** 詩 厲 先 如 名 正 鄭 索 爲 義 稱

輿 與冠 以 之 傳 注 游 殆不 「削 就 同 爲之。』」 云「天 天 纓 别 注 况 賦 鄭 同 是 子 革 「繁纓 *****: 然矣。」 者 纓 就 也 陳 日 也 纓 子 車 夾 三重」,康 同 氏 鄭 謂 纓 後 馬 出 馬 「今乘 親 赤罽易茸, 索 禮 司 Ŧī. 當 其 禮 在 鄭 頸 有 衣 里 采 陳 帬 農 家 故 胸 大駕 有 馬 謂 書 往 服 蓋 説 以《 十 二 成 膺 輿 魏 **>** 來 匝 以今 援 今 日 」,≪晉 前 器 謂 大 士: 士 服 爲 晉 杜 : 就 金就 械 駕 纓 馬 馬 喪 索 喪 就 如 「索帬」之説 間 纓 纓 有 禮 百 裙 ***** 索 鞅 書 以 九 鞅 常 與圭 十有二一,注 之 就 学下 物 帬 五. 解 馬 蓋 當 服 之。」 輿 服 采 一,亦 日 賈公彦 者 纓 用 胸 篇 繅 七 蓋 罽 服 乘 束 組 就 以 冕 與 按 舉 輿 飾 志 以以 就 獨 爲 之, 旒 Ŧi. 削 服 杜 時 疏 斷 斥 乘 謂 説 近 之 就 革 又 制 預 馬

纓,馬飾,纓在馬膺前,如索帬」,是與服

説合也。

衡 錫 。」《史 記 和 禮 鈴 書 服 日 : 鱒 在 鑣 和 在

汙 名 注 案 也 也 車 E. 也 荀 楚 鑣 · · · 0 0 川 __ 子 詞 ^ 勒 釋 故 也 鈴 馬 繕 繕 釋 詩 爾 **>** 也 車 也 鑣 變」 文》云 雅 正 靈 °_ | 本 鈴 0 > 碩 禮 論 八 : 懷 又 **^** 作 也 廣 人》 文 > 釋 鑾 斷 : 通]°___ 鑣 雅 鑾 選 和 器 鈴 經 鑣 傳 鱒 • 鑣 鸞 苞 **>** 解 • 名 : 象 釋 : 銜 ^ 之 人 上 也 説 , 扇 鸞 器 以 注 聲 ^ ^ 林 鑣 文》 汙 廣 説 鳥 在 君 馳 : 賦 謂 雅 傍 文 之 以 鶩 又 注 **>** 鸞 鑾 和 **>** 聲 苞 • 朱 兮 钀 鳴 : 釋 和 斂 和 纏 排 人 鈴 和 玉 器 皆 馬 君 其 則 也 沫 鐮 注 ^ 鸞 釋 敬 乘 鈴 扇 銜 車

書 篇 ^ 勒 鑣 注 政 毛 和 軾 以 鳴 注 雄 也 鸞 吕 鸞 各異 傳 者 傳 鑣 **>** 相 軾 金 . 覽 包 云 所 在 是鸞 鐮 連 也 應 爲 注 鷥 注 以 謂 衡 在 . 服 ; 也 和 則 義 孟 爲 之 在 鸞 鑣 禮 之 鸞 志 在 和 春 車 衡 衡 衡 後 日 在 之 衡 鸞 • 傅 然 設 在 注 行 世 鱒 鐮 在 經 注 軶 玄 爲 輅 ^ 衡 轅 和 軾 引 節 不 詩 , , 解 鑣 者 总 也 前 在 前 也 ^ 乘 能 也 ^ 0 詩 • 明 也 魯 横 鸞 文 軾 注 輿 復 在 駟 按 矣 0 V 詩 木 鳥 有 引 選 馬 致 ^ 軾 鐵 衡 諸 皆 訓 也 大 在 明 賦 周 鸞 爲 韓 後 **>** 家 **>** 鑄 以 戴 衡 文。 云 禮 思 云 和 鄭 詩 注 並 和 銅 金 禮 漢 論 **>** ___ 玄 用 和 以 爲 内 所 輶 ^ 爲 鸞 書 ^ 賦 蓼 大 韓 在 傳 鸞 和 之, 在 續 車 保 鈴。 在 . \forall 馭 軾 設 揚 漢 爲 注 傳 魯 馬 傅 飾 -

馬, 從 总 如 軾之前 衡 辭 詩 禮》 漢 詩 載 衡 毛 必 每 書 施 施 見 在先, 言 在 案《 説 載見 于 于 惟 烈 > • 今此 蓋 則 傳 鑣 鑣 以 衡 1 兩 祖 Ŧī. 攷 衡 衡 異 上。 鸞 注 馬 後 行 上 > 傳「 服 也。 工 之 者 續 篇 箋《 志 記 亦 安 所 禮 和 正 既 則 总 當 ^ 毛 本 \approx 毛 容 注: 得 與 蓼 記 在 在 亦 謂 云 諸 以 輪 置 \leq 服 蕭 軾 \approx 鑣 以 惟 馬 在 崇, 知 总 義 毛 前 **^** 金 和 有 兩 傳 軾 鸞 周 毛 相 在 則 詩 爲 車 服 即 鈴 發 在 乎 義 官 與《 》説 鑣 和 鸞 总 馬 廣 ? 是 明 也 爲 軾 ×, 當 鳥 韓 耳 也 衡 軾 長 蓋 而 以 在 以 鸞 詩 而 長, 前 和 其 鄭 若 此 正 故 銜 金 衡 詩 也 口 與 爲 知 在 參 義 改 注 箋 鈴

九

旂

之總名。」《儀

禮

覲

禮

疏

乾没舊 解二二 按: 節 則 也 畫 運行於天,昏 故 月 金 詩 辰 云: 以 注。 谿 疏 照 王 皆爲 引 夜 附 氏 識 此 謂之辰 星 陽 明 辰 於 注 湖 則 也。 搋 此 下 運 洪 市 云: 以 氏 行 與 而 辰 皆 俟考焉。 於 正 詩 時 取 天 謂 疏 所 也 爲 之 民 以 服 辰 略 得 注 示 日 「旂 者 同 取 以 民 文。 照 不 其 早 辰 旗 言 畫 子 晚 時 時 月 案 服 節 民 一字 也 義 以 得 故 照 左 然 謂 取 日 夜, 意 傳 之辰 以 疏 爲 疏 時 照

月 興 官 案 爲 九 也 月 畫 云 星 〈傳》、《 旗 || 凡 旜 七星」,是《司 星 日 三辰 之物 雜 旂 也。」《 以 月、 穆天子 旗 帛爲 仲 名, 神 爲 星 長 司 謂 仕 物 九 日 統 辰 常 者 日 傳》 熊 旂 其 月 常》不言 傳》 掌掌 **>** 之總名」者、《司 月、二 爲 日 稱 虎 著 注 三辰 常 爲 天 星 位 日 並 旗 也,《 交 星者,統 子 云 者,《 月 之 龍 葬 鳥 灋 爲 隼 爲 盛 周 常 \equiv 後 旗 爲 姬 常常 于 禮 辰 後 漢 旗 通 日 \approx 建 鄭 不 • 日 帛 月 掌 鄭 春 龜 H 注

詩

大明》

疏。

○《儀

禮

覲

禮

》疏

引略

同

○恭冕謹

辰

旂

旗

服

日

 \equiv

辰,

日

月、

星

也

:

僕

隸

。」《儀

禮

既

多》疏

士有

隸

子

弟

服

日

1

卑

自

其

子

弟

爲

:

師

服

賈

日

晋

大夫。」《晉世

家

注

:

蛇 也 也 爾 爲 雅 服 旐 服 釋文》: 以 云 全 旂 羽 旗 九 爲 爲 旂 旂 旞 九 旂 又 析 即 之 作 羽 ^ 總 旗。」 口 爲 名, 常 旌 是 如 **>** , 旂 九 是 爾 旗 旗 九 雅 通 旗

遷 觀 九 釋 鼎 天》亦以 尚 于 書 洛 召 邑。 譜 旌 疏 旂 題 服 E 日 事 : 也 「今河 南 有 鼎 中

書》 城 案 址 水 南 帝 北 Ē 服 故 周 又云「東 ^ 鼎 世 續 服 公 中 云一今 時 亦 漢 紀》 觀 舉 所 書 是 日 城 Ħ 城 河 • 門 也 見 郡 雒 南 0 武 以 名 或 品 明 鼎門」, 王 鼎 志 也 即 所 定 中 **>** 雒 在 觀 鼎 春 河 邑 忧 劉 當 雒 秋 南 也 昭 是 陽 時 郡 <u>.</u>: 安 注 謂 西 ^ 鼎 南 補 續 之 王 雒 河 舊 引 漢

> 侵徑 名。」《晉世家》 矣,幼 子 也 父兄 案 也 自 秋 弟」,《 庭之田 」、《既· 役 傳 : 使其 稱 Î 或 謂 王 之也 未 夕》「童子執 語 制 士 曲 子 注 能 爲 禮 弟。 魯 典 微 其 **>** 士: 一問 謁 賈 語 有 中禄 日 是 廣 也」,是皆 中 士之子, 雅 : 帚卻之」注 士卑 微 之隸 . 徑 下士 不 釋 也 庭, 爲 足 也 長 詁 隸之證 者 及 子 *****: 翼 日 注 「童子 其宗, 弟者 南 能 注 僕 隸 鄙 典 隸 役 使 故 謁 對 春 邑

即 翼 翼 案 ·, 城 : 今 平 續 傳 作 陽 漢 江 氏 書 府 坚 翼 永《 . • 郡 城 春 或 縣 坚 秋 0 志 地 本字,「 》河河 縣 理 東 考 東郡 南 實》云 徑」 七十五 一絡 假 借字。 邑有 翼

●「北」,原作「九」,今據文淵閣四庫本《續漢書》引《帝

也」,言 馬 年 熒 南 地 國 皆 ,齊莊公伐晉,張 庭城,《 Ш 則 語 近 西 · 吴 語 涇 坚 翼 逕 庭 志》云『 城。 庭 祭 爲 庭 》「都 即「熒庭」, 翼 又《水 城 南 即 南 邊 鄙 武 坚 西西 經 邑也 荐 軍 庭 注 于 饑 人澮 亦 也」。」襄二十二 》「紫谷 注注 即 榮 鄙 戍 亦 在 水 庭」也。 邊 郫 出 翼 邑 白 城

祊 \equiv 年 田 經 年正 成宋亂,無 春 正 曹伯 月 ,十八年終始 王 賈曰 也。元年治桓,二年治 一一不 治 書王,弑君、 桓。」本 易

案: 君 始 元 餘 几 年 年 ,天子不 也 + 桓 傳 三 於 公自一 其 春 日 年 日 : 有 能 雖 無 元年 王 定,諸 桓 春 王 無 有 二年、 何 九年 王,其 月 也? 侯 而 不 春 皆 十年、十八年 能 日 桓 無 無 救 一弟 王 王 王 白 弑 何 無 兄,臣 也 姓 月。 穀 不 其 能 弑 凡

去,以爲無王之道,遂可以至

焉

爾

元元

年

卒。 王 有 桓之事。」賈 成宋亂」,皆無 范 主 十年 ,所以治桓 氏 甯云:「此 有王 並 下, 正 用 王之實,故兼言 也。二年有 穀梁 終生之卒。」 年 書 》説 王 以 王 而 + 王 易 正 法 八 與 祊 終治 年有 夷 田

脩艾之盟。」《春秋釋例 公子暈如 案 義 謂 禮 有 諸 齊 故得使 逆女。 侯 當 親 卿 迎, 外君臣 賈曰:「使暈 是 也。 而 使 逆 女例 暈 艾之盟 逆 女者, 逆女, 在 正 兼

言有 有 年。 非 其 賈 所 日 宜 : 有 桓 本 惡 疏 丽 有 年 豐, 異 之也。

六

年

年也」。 巴》 案 日 熟也」、《穀梁》此年 日 爾 國之將興,其君齊 会 白 雅 異之言 • 虎通 釋 天》「周 • 怪 災變篇》引《春 也。」《 傳「五 日 明 年」注 或 衷 穀 語 正 皆熟 年, 精 秋 周 潔 爲 取 潛 有 禾 惠 潭

是 之。』 純 臊 貪 和 詞 冒 口 否 也 其 怪 辟 不 也 書 香 德 昭 矣。 邪 宜 所 不 足 今 二十五 無 有 登。」是年之 以 淫 「有 桓 也。」 也 昭 泆 以 0 其 荒 非 篡 是諸書有 《 春 年 馨 怠 其 弑 》「有鸛 香 所宜 之人 廳 秋 豐 ; 穢 傳 儉 或 有 皆 而 暴 一之將 **>** 係 : 鵒 者 虐 年 不宜 乎 來 穀 日 其 主 巢 説 豐 有 有 德 其 政 之 食 之 傳 腥 君

伯 傳 詩 韓 韓 萬 奕 。」《詩 》疏 御 戎 賈、 韓 奕 服 ~》疏 服 日 : ○≪晉 : 曲 世 韓 沃 家 萬 桓 注 叔 晉 之子、 大 夫。」 莊

伯 二年 桓 傳 叔 日 子 <u>_</u>, 曲 世 沃 本 莊 > 云 伯 伐 韓 翼。」 萬 杜 莊 注 伯

五年經一蔡人、衛人、陳人伐鄭。 服曰:「言

弟」,是

萬

亦

桓

叔

子

也

人者 詩 時 陳 伯 亂 無 君 則 \equiv 或 皆 大 夫 也 故 稱

衆 蔡、 案 知 陳 詞 從 衛 亂 許 王 傳 皆 大 者 民 日 大夫矣。 夫 爲 莫 陳 大夫。 有 也。 侯 鬭 鮑卒,於 心, 疏 陳 詩 : 既 是 以 時 是 大 載 大 君 陳 馳 夫 夫 猶 亂 而 箋 稱 未 日 人, 定 又 「 許 則 故 日

写。」《· 大雩。 遠 天 漢 禮 名 謂 遠 穀 儀 爲 雩, 志 梁 白 疏 穀 注 賈 遠 求 日 雨 也 本 : 疏 禮 即 言言 引 遠 • 月令》疏 服 略 爲 義 可 大 完左 百 雩 服 穀 疏 云 者 求 注 亦 膏 别 有 春 此 大雩 於 雨 秋 文 者 也 Щ 夏 以 111 雩 祭 之 爲

仲 祀 案 出 夏 非 Ш 紀 111 月 百 令. 故 高 源 言 誘 仲夏之月》: 百 大零帝 注 云:「名 爲 民 用 祈 Ш 盛 同 命 大 樂 有 重 11 司 泉 吕 爲 故 覽 源 民 用 所 祈

祈甘 名」者 作 帝 意。 111 也 必 源 盛 之先,設此常雩之祭。 不 正》於三 云 Z 别 祈 同 先 樂。 于 祈 祀 諸 西己 能 雩 雨 盛 祭 ~ 祭 以 Ш Ш 祀 侯 圃 非 春 也 帝 其 樂。 其 先 雲 月 法 説 111 川一 禱 如 Ш 秋 一。」「雩,遠」者, 實 本, 回 帝 》:「雩宗, 文》: 之祭」者,言「祈祀」 雨 謂 111 封 高 考 非 凡 者 也 白 内 異 爲 乃雩。 誘 越 事 他 也 也 源 郵 壇 有 零, 所云 • 雩 自「鞀 始 凡 **>** 南 小 鄭《禮 大雩」又一 説 衆 用 雩 早」,先 郊 雩, 夏祭, 祭 也 大雩帝』 水 云『天 正 歌 必 是釋 之旁, **鞞**』至 水 吁 始 舞 義 先 注 服 早 所 嗟 樂 禱 子 而 **>** 王 所 曰:「遠者, 云 也。 : 出 雩 一、柷 求 事 己。 是 因 於 與「大雩」 禱 以 爲 夏祭 五. Ш 雨 於未 赤 也。 故 大 九 敔 白 賈云 精 之 彼 夏 雩 帝 此]]] 州 源 卓. 小 之 是 皆 之 祭 以 天 經 白 疏 Ш

者。 禮 早 雩 呼 羊 童 雨 義 名。《詩 預 雨 近吁」, 「雩,求 雨 加 禮記 也。 雩 得 注 帝 嗟 男 业此 爲 . 者 之 説文》云「夏祭」及《月令・ 司 當 求 女 秋 按《 年 則 此 至 巫》 收言, 是 雨之術,呼 雨 以 各 祭 ·下泉》云 傳 爾 説 書 常 其 古 之祭」、《女 八人, 吁 疏 法 注 文》 零 雅 雩 秋 訓 嗟 引 云: **>** 意 • 也 秀 注 喜 並 爲 ^ : 釋 深 舞 春 實 嗟之」、《月 写 祀 以 義 陰 遠 ^ 訓 雩, 秋 而 之 穀 有 吁 玉 之言 巫 也。」「 呼 考 時 常 益 雨 藻 釋 早請 續 **>** 雩 異 雩 「舞,雩也。」《公 而 也 膏之」,故 疏 零。 》 至于 也 9 吁 當 無 郵 爲 引 令》疏 故 雨 嗟 **>** 此 以 雨 白 百 而 董 謂 祭 仲 日 也 則 早雩也 遠 穀 服 仲 「雩者 穀 夏 名。 之零。」 零, 零 月 祈 **%** 之 舒 求 不 周 雩 膏 爲 大 説 使 總 膏 不 同

之法進 州 爵爲公。」 如 曹 本 服 疏 日 : 春 秋 前 以 朏 陟

陟 + 賁 也 攷 也 里 爵 里。 矢。 封 封 0 黜 里 爲 賜二 增 賜 又曰: 復 復 何 貶 侯。」又 世 白 隲 再 得 ? 有 有 下 本 等, 征 削 等, 虎 爲 與 功 功 也 削 爲 王 伯 伐、 通 一説 日 至 至 ___ 者 爲 七 賜 陟 . : : 樂 虎 專 ^ 十 所 Ŧi. 爲 百百 復 秬 攷 爾 則。 賁 殺 可 州 + : 以 里 有 鬯 \equiv 朏 雅 次斷 白 盛 勉 或 伯 里伯,二 里之侯,一 功 公。 篇 復 增 ^ 人。 德 賢 , 獄 舜 \forall 姜 釋 稍 爵 有 始 云 抑 五. 典 削 姓 詁 + 賜 功 爲 後 封 惡 七十 >削 爲 侯 至 有 白 **>** 諸 稍 里 削 ^ : 爲 重 寄 里者 秬 功, 説 里 子 益 賜 民 侯 Ŧi. 爲 隲 鬯 文 伯 考 之 至 男 土 賜 所 七 里 始 始 賜 至 以 朏 陞 虎 白 弓

爵 之法 之三 傳 考 績 男, 子 子 以 至 九 不 几 \Rightarrow 也 王 子 後 于 善 歲 之法 削 試 Ĭ: 再 前 制 春 明 以 爵 周 而 至 而 削 男, 後 削 削 以 > 盡 武 五 至 大 于 鄭 「三歳 功 爲 爲 地 三考 諸 秋 考。 考者 九 王 出 而 注 三十 陟 福 以 侯 年 初 猶 六 十 春 謂 至 前 , 以 而 月 定 而 , 天子 因 五. 秋 里 王 王 天 類 里 極 公爵,故 朏 試 朏 小 天下 殷 繁露 男, 十里子 數 男,三削 相 以 陟 其 者 無 考 殷 歲 之地,以 升 窮 類 國 再 職 者 爵 行 命 試 更立五等之爵 矣 降 削 而 之。 故 考 三等、公、侯、 H 之 州 天 正 爲三十 賞 陟 陽 州 地 故 功 日 下 伯 職 削爲 九州之界 之。 州 德 有 盡 名》云 朏 計 時 而 先 之 終 功 試 行 里附 試 Ŧi. 未 是 矣。 也 又按 其 事 + 積 知 朏 而 也 伯 考 尚 大 善 積 里 里 何 陟

皆 功 建 或 因 大者 狹 而 小,爵 進 之 或 益 殷 百 也 小一者 之諸 之 里 爵 初 地 周 地 封 其 方 也 卑 州 公斥 爲 侯 五. 王 即即 次 公 而 一者之 白 亦亦 百 國 子二 無 大九州之界 里焉。 指 里 大者。」是鄭 以 聞, 後爲 此 其 功 白 州公之類言之。 今得稱公, 次 黜 里 是 公, 侯 陟 其 以 之。 及 四 周 次 氏 制 有 白 世 男 所云「 其 禮 里 功 當 一有爵 白 不合者 其 是 成 里。 以 蓋 爵 尊 次 武 伯 德 封 所 尊 而 王

引范 石。 傳 旝 《兵 動 范 法 》飛石之事以證之。 象典 而 鼓 兵 法 有 賈 作 日 飛 石 旝 事 0 發 本 石 疏 疏 日 謂 飛 賈

者。 中 説 《 春 也。《大明》詩 建 發 大 石 秋 木置 傳 飛 石 日 石 事 其 日 旝 上 :「其 動 二名。 發 而 以 鼓 旝 機 如 説 林。」 以 許 文》 磓 本 馬 侍 敵

> 融《 義 旃 也 廣 伍 成 頌 則 以 爲 旃 旗 旝 之 摻 屬 其 故 如 杜 林 注 不 旝 用 賈 與

廟 啟 《夏小 之郊。 之月 郊」, 蟄 大路 祈穀 案: 後 以 特性》云: 上 后 魯以 耕 稷 仲 帝 而 則 以以 孟 載 也 月。」 郊天。」《 郊 注 正 無冬至 即 孟 。』《月令》「天子乃 月、 弧 襄 祈 即 魯 月 禮 韣 周 農 仲 引《 七 之 即 服 記 一祭天 祀 事 年 月 明 正 郊 夏孟 襄 日 之始郊,日 也 》傳 王 指 堂 帝 : 也。 七 月 於圜 制 夏正 位 于郊。」鄭氏 春之月 年》傳文,明《月令》之 啟 魯祭 是 孟 魯 蟄。」此 故 邱 言。 郊 一之事 天 啟 獻 也。 以 以至。」 在 以 蟄 子 魯 魯 元 夏 , 是 孟 굸 而 日 若 郊 云「孟 君 日 正 月 郊 是 以 注 然 啟 祈 孟 月者 郊 祭宗 建 螯 郊 祈 穀 云: 郊 祀 而 而 穀

蟄

而

郊

故

定

爲

夏

之

孟

春

巾

知

其

用

夏

正

昭

元

年

+

月

晉

侯

烝

服

注

云

祭

是 郊 冬至 牲 至之郊 獻 正 郊 建子 月 注 郊 H 可 也 子 + 天 也 祀 以 疏 郊 郊 之月 之言不合。 一月冬至矣。 魯 后 至 云: 或 天 據 馬 則 以 或 稷 而 用 及《宣三年 昭 此 止 唐 IE 至 服 祇 崔氏 非 建 引 以 公之 建 月 則 必 寅 服 或 ^ 祈 寅 日 所 穀 以 郊 之月 義 或 農 用 故 之 皇 至 云 爲 梁 ^ 建 也 魯 事 * T 月 而 禮 氏 孟 w 得 IE 0 口 子 以 有 月 正 又 用 則《 月 是 月 以 以 之 答 祈 月 郊 可 雜 雜 Ŧ 者 忧 日 有 正 春 月 穀 郊 移 王 記 記 肅 以 月 至 事 之郊 依 秋 郊 4 肅 易 祈 之 是 與襄 日 於 載 此 左 之 之 説 者 穀 則 魯 至 1 孟 傳 ^ 傳 難 П 此 是 郊 郊 以 有 是 之 t 帝 獻 傷 **>** , Z 啟 之 云 是 後 魯 特 冬 年 夏 子

> 謂 時 月 月 月 亦 疏 人 K 祭宗 引 祭 祭 用 君 謂 用 天 皆 孟 南 用 此 夏 孟 之 月 用 師 云 孟 孟 廟 月 月 解 孟 月 其 春 魯 以 不 月 云 之月。 餘 祭宗 仲 謂 祭宗 0 周 諸 月 夏 是 + 若 侯 廟 孟 廟 服 得 然 不 其 以 冬之 月 此 得 祭天者,祭天以 彼 禘 仲 其 云 爲 祭天 云 月 餘 祭、 月 夏 祭宗 以 祭 者 治祭、 故 + 者 仲 人君 ○ 王 月 大 知 廟 月 此 時 亦 用 則 者 制 及 用 孟 孟 彼 孟

昏 龍 龍 見 孟 月 而 星 零。 也 體 見 萬 服 物 \Box 始 : 盛 龍 待

角

亢

也

謂

几

月

雨

而

大

故

以

求

雨

也

續

漢

禮

儀

志

^ 案 即 見 爾 蒼 而 雅 畢 龍 龍 務 角 釋 角 世 疏 天 亢 **>** 故 正 者 東 角 義 ~ 方之 亢 云 莊 專 \sim 宿 得 + 史記 盡 龍 九 爲 名 年 龍 律 星 傳 邵 氏 龍 角

雩 待 者 昏見 初 月 見 以 注 物 右 角 者 Z K 尚 小正 0 三亢 之 兩 言言 當 求 角 昏 而 :「大長,言 書 中 説文》云:「 淮 於 將 雩」,雩 雨 在 角者 素問 星 大傳 **>** 萬 南 爲 南 而旱, 東 以 周 者,《 相 物 門 疏 方 識 • 季 言 對 亢 亢, Œ **>** 天文 廟 之正 亢 也 月令》 觸 日 夏,今 0 見 皮 萬 萬 亦 兀 星 其 「萬 ,故《天官書》云『左 南 也 部論》 竢 訓 物 當 物 脩 星 所 南 萬 門者,亢 也。」《 皆 注 *: 秋 竢 雩 物 曲 以 在 北 物 有 夏 禮 四 雨 而 非 注 也 而 兩 始 四 枝 小 0 以 月 始 日 長,故《天官 而 夏 大 盛 時 格 春 正 求 是 長 上下之 覽 雩, 不 盛 星 凡 之散 秋 如 待 雨 也 四 • 慎 長 周 謂 日 傳 角 故 月 雨 之 南 精 盛 忧 日 0 大篇 是 角 星 角 而 E 雩 門 秋 是 滿 爲 兀 ; 也 『龍 大 李 也 亢 祭 萬 月 亢 IE

> 時 書之以懲怠 也

始

嘗」注 也。 嘗 矣。 案 殺 露 名, 郊 也 孟 嘗者 零 新 而 而 秋之月, 杜 先 皆著孟月,此 「殺」者,言陰 嘗 四 且《月令》 嘗 謂 祭篇 新 薦 新穀 嘗 建 穀 寢 新 賈 西 用 熟 廟 實 謂 穀。」《 >: 「孟 一之月, 嘗 始 服 在 嘗者 之。 舉 刑 日 建 氣 爾 白 : 戮。」 仲月以當 秋 與 申 雅 肅 以以 是 虎 ·之月, 賈 始 殺 農 嘗 通 殺、孟 亦 釋 也 七 乃 服 本 以 . 天》「秋 月 登 之,斯 異, 故 宗 嘗 時 秋。」本 嘗 穀, 月 廟 以 然 春 新 黍 篇 令》 爲 天 杜 秋 穀 祭 不 繁 日 子 倫 稷 取 于 政

六年 經 大 閲 賈 : 「簡車 馬於廟。」《公

0

⁰ TEL % 禮 春 春秋左傳正義》作「祀」。 秋左傳正義》作 五

廟」者、《隱 反 覆 禮 傳 相 訓 云「簡 小 閲 宰 十一年》傳「授兵於 車 鄭 馬 亦 司 也」,是 爲「簡」。 農 注 閲 簡 知 當 太宫」,杜 簡 猶 訓 閲 車 馬 簡 也 0 于

Z 「太宫,鄭 祖 廟。」《攷工記·廬 人》:

云 建既 建 備 Ŧi. 車 兵 不 與 反 人 覆 也 消謂 ___ 之國 疏 <u>二</u> 二 I 0 六 鄭 建 注

潁 建 在 考 叔 車 與 公孫閼 然則 争 授 車 兵 · 潁考 之 . 時 叔 車 馬 挾 輈 咸 以 在 走 故

服 彼 注 云 挾 輈 轅 以 策 箠 馬 而 走 也 0

授 兵既 在 太 廟 則 大 閱 亦 當 在 廟 明

子 同 生 賈 日 : 不 稱 太子者 書始: 生。

禮 記 曾 子 問問 》疏

案 臨 無 軒 文 正 策 蓋 義 拜 亦 日 待 : 始 其長 生之時 古 人之立 大 未 特 得 加 太 禮 即 子 爲 其 命 太子 如 禮 今之 雖 也 則

春

秋

左氏傳賈服注輯述卷

言 以 其 太子 備 也 用 正禮 故 其生。 未得命,

傳 楚武 王 侵 隨 賈 日 : 隨 姬 姓 也

楚 世 家 注

案:

企世

本》:

隨

姬

姓

吾 牲 牷 肥 腯 服 日 : 牛、 羊 日 肥,豕 日

腯。 本 疏

羜 既 者 獨 肥 以 案 郭 也 云: 傳 ~ 肥 云性 4 矣。 注《方言》云:「 "「羊,西方之牲 《説文》: 詩 羊 牛。」《 竭其 記 正 也 牷 可 瓠 尾 0 義 證 詩 葉》 日 故 而 則 **>** 「牛,大牲 亦 而 服 序箋 謂 備 腯 腯 有 按《 以 之豕 此 也 腯 屬 肥 禮 肥 。」《説文》: 牛、 牛 ° _ | 屬 物 肥 羜 記 也。」賈誼 羊 矣, 牛、羊, 充 、羊、豕爲牲 **>** 曲 豚 也 禮 别 但 是 亦 ,音『突』, **≫**: 肥 # 無 稱 腯 不 牛、肥 天 肥, 新 他 羊 屬 非 子 彘 豕

接 父。」《御 以 言 古 月 世 亦 太 訓 部 肥 作 腯 牢 如 對 覽》一 是 ,一从彖,是 腯 文 正 則 解 白 服 義 説 腯 四 云: 日 7 援《 文 當 /: • 專 禮 散 牛 4. 接 屬 文則 以 羊 部 者 于 規 **∀** 日 子 牛、羊、 豕 服 肥 彖, 初生,接 且《 豕 説 也 豕 豕 日 走 皆 腯 文 0 見 捝 口

之内 謂 以 司 太 案:《内 生 則》又曰 之末,擇 時 牢 太 者。《曾子 食 牢」, 是 子 尊卑 接 其 王 待 母 惟接 則 :「凡接 H 本鄭 夫 使 鄭 》云「 必 ,妻以子見于父。」若 人。 問》:「君 注 見 皆選 補 義 接接 於母 或 虚 子 杜 而 其 君 擇 强 此 ,而不接 、吉焉。」又曰 杜 日。 氣 讀 世 傳 薨 又 也 爲 子生,告于君 注 本 三王 鄭 而 捷 云「以 王 注 世子 父。 0 義 肅 捷 然, == 也。 日 生。 禮 而 雖 勝 : 則 服 接 \equiv 接接 也。 \equiv 内 以 月 初 日 夫 不

> 三,曰 不 在 事 日 日 之 存 負 言、文不 子 。」君薨之後 日 升 子 :『某之子 日 自 亦 也。」《 具 西階 當 也。 以 三日 某 禮 祝 猶 敢 • 立 以三 見 中 見 于 于父 庸 殯 日 東 人也。 見 日 鄭 南 于 注 隅 殯 ^ 云 事 内 則 祝 則 父 如 聲

公問名于申繻。 賈曰:「魯大夫。」《魯世

家》注

以 文 德 王 日 命 昌 爲 文王 義 命 服 名 曰 武 : 王 日 謂 發 若 ()。 太 王 疏 度 德 命

爲 昌 其 案 文 在昌 發。 有 王見武 也 ^ 史 聖 是 武 乎?」是 記 瑞 王 王 亦 • 之生 名發之義 以 周 乃 德 太 言 本 以 命 王 紀 日 爲 爲必發 度 ₩: : 義 未聞 德 矣 我 太 命 正 正 世 王 兵 而 見 當 誅暴,故名 義 名文王 季 有 引 歷 興 生

不

以

畜

牲

服

日

:「馬、牛、羊、豕、犬、

雞。」本疏。

案 羊、豕、犬、雞 氏》「其 牲,馬、牛、羊、豕、 性。」 唐 畜宜六擾」,後 禮 膳夫》「膳 六牲 。」擾亦畜 庖 人》 也 用 掌 始 鄭 犬、雞 也 六 共 養 注 牲 六 之 云: 後 也 畜 H]° | « 鄭 「馬、牛 後 注 職 將 鄭 云 注 用

之屬。」本疏。 服曰:「器,俎豆、罍彝、犧象

民 屬 又 也 Ш 致工 用者,皆謂之器 也 以 从 易 賅之。 俎 記影芸 几,足 象器之口 備 . 禮 繫 物 俎 辭 有 致 俎」,本作「且」、《説文》「薦 也 以 傳 用 ,大所以守之。」是切 辨 ***** 横, <u>,</u> ,不耑于六者,故云「之 从 民器。」《説文》: 成 以 * 器 制器 其 肉 以 在 F 爲 者 地 且 天下 尚 上。二《 也。 其 器 利 象。 于 漢 又

> 之象。 已。」阮 虞氏 足下 也。 歷,故 間 疏 以 嶡 寸 書 屈橈 且 真鄭 横 根」,鄭注 : 廣 今俎 者 梡 跗 亦 項 俎 鄭 其足。」「周房 《周 一尺二寸, 注: 似 也,上 諶 作 藉 俎 頭 讀 足間 ^ 堂之 各 禮 蕨 俎 \equiv 「嶡之言 鄭 有 》謂之『距 「謂 下 注 禮 有横 」爲「蹷 也 壁。 注 兩 兩 啚 曲 足, 高 似 間 俎 > ^ 俎 橈 蹷 横 云 禮 梡 者 足下 之也。」阮《 下二 也, 有 有似 尺。 記 0 謂 横 斷 所 孔 謂 棕, 鄭 . 各 跗 蹷 足 於堂 木 以 明 中 注 疏 横 别 之象。「殷 夏 長 爲 足 堂 薦 謂 似堂之東 辟 爲 圖》云 后 房房 房。 爲 几 足 位 肉 跗 尺 横 氏 足 以 不 謂 孔 足 有 故 IE. 横 距 以 几 而

■「周」下、《禮記註疏》、文淵閣《四庫》本《禮記》並:

六〇

以 作 象 義 異 《公食禮》 雅 器》釋文:「豆 文》:「木豆謂 非 飾 T. 四 乙 桓」之本字 物 記 天 楬 登也 朱 . 頭 器 釋器 之飾 外 者 豆 各 也」,《 子 中 殷 梓 其「俎豆」之「豆 儲 有 以 大 也 人 説 云 説 房 **>** 禮 玉 玉 夫 亦 ,其 其 詩 也 文》云「豆 圖 豆 瓦 云 獻 以 制 之梪,从 食 取 本 **>** 實 豆 疏 上 云 · 周 蓼 又 木 經 説 4 謂 明 豆 畫 莪 獻 豆 文》所 作 刻 文皆省作 豆 之鐙 古 堂位 肉 以 豆 者 肉 **>** 木 梪 」,當作 之。」邵氏《爾 謂 疏 雲 · 員 一。」然《 豆。一 中 食 之豆 引 言 鄭 爾 氣 是 、徑尺、 人 肉 孫 注 雅 阚 之 豆 器 其 諸 炎 阚 豆 説 梪 者 雅 食 大 也 夏后 猶 侯 雅 日 文 釋 墨 略 雅 鄭 亦 飾 食 **>** ^ ^ 罍 器 也 器 説 致 明 釋 韓 以 正 無 氏 祇 注 爾

斝 刻 詩 凰 注 大 君 以 制 酒 之坎」,是 一天子 云: 毛》説 罍 辨六彝之名物」,後 之形。 星 以 彝、 玉 尊 木 云: 説 君 也 黄 也 作 大 黄彝 韓 以 諸 黄 ^ 又異。「彝」者 金 雲 雞 周 玉 罍 金 詩》説: 金 侯、大夫皆 『斝』,讀 郭 罍 飾 彝、 雷 뢛 禮 説 虎 注 尊 瓦 有 經 象 文》 . 鳥 彝 大 酒 罍 爾 無 鬯 大 金金 彝 孔 器 象 作 也 小之别 雅 明 蜼 爲『稼』, 人》 疏 也,諸 幅 謂 学大 文。」 罍 施 以 彝 鄭 碩 引 《春官 大 又《 刻 不 注 社 金 《毛 者 而 , 士 窮 謹 異 \wedge 臣 壝 云 畫 爾 夫 詩 司 「雞 畫 受 案 器 也 義 之 用 禾 雅 以 詩 之 尊 龜 \times_\t 所 也 大 稼 彝、 小 梓。』《 卷 韓 爲 彝 > 目 重 斛 所 罍 小 酢 也。 耳 宗 詩 鳥 酒 天 文 説 後 罍 **>** 伯 毛 子 傳 作 鳳 謂 説 注 罍 鄭 鄭 與 謂

尊 尊 尊 夏以 玄謂 讀 也 周 唐 虺』之『 云 口 K 啚 黄 其 尊 灋 尾 農 腹之上 爲 或 黄 也 亦 上 云 雞 君 周 犧 再 日 又鄭 鬱 又云 目 虺 與 彝 西 黄 獻 禮 蓋 以 毛 器 畫 酌 鄭 犧 是 彝 用 以 取 . 公《詩 之上 象 爲 犧 注 或 犧 尊 略 夏灋 兩 司 黄 虎 黄 骨 牛, 尊 讀 象。 虎 同 象尊。」鄭 飾 尊 尚 金 彝、 尊 目 飾 飾 爲『 彝 傳》云: ~ 以 彝 象之形 也 書》「宗 爲 尊 也 斝 尊。」 以 蜼 4 明 ***** 0 蜼 目 公 也 彝 翡 堂位 彝 用 彝 蜼 象 \sim 翠, 是 象 司 其 而 彝」云 射 當 詩 馬 尊 殷 郊 犧 農 云: * 諸 朝 已。」賈 象 隼 是 蜼 者 疏 灋 飾 尊 特 屬 家 尊 踐 有 以 之 牲 讀 引 説 黄 以 用 有 虞 囗 禮 象, 犧 爲 公 故 各 象 彝 沙 氏 隼 兩 鼻 阮 日 器 獻 彦 不 于 諶 鳳 獻 飾 是 虞 蛇 而

> 尊 王 口 氏 爲 犧 經 廣 牛 傳 雅 形 無 疏 證 文 刻 莫 木 爲 能 之, 定 之, 顯 與 惟 經 王 異 肅 辨 以 見 犧

空 宋 廢 以 武 爲 公 司 廢 城 ○」《禮 司 空。 記 檀 服 弓 日 : 武 公, 名 司

所掌 之名 空者 壅 執 年》傳 材 名 通 司 襄二 空,不 度, 其 遏 . 城 **^** 空尚 封 卿者, 周 成 度地居民。」《尚 : + 水 郭 公侯 廢 二孟 禮 獨 + Ŧi. 爲 爲 爲 ***** 八年 宋 主之,何 年 以 民害 公篇》: 孫 重,故 司 備 司 卿 爲 城 傳 空 六 **>** 司 是 傳 司司 : 爲 取 則 者 官 空。 總 況 : 王朝之官, 相 責 , 有 書 名,必 司 右 空 於 近 之司 王 是 司 大 空 主 實。」若然 之義 行 空 列 傳 制 致 土,不 7 辛 空。」《 * 也 或 **>** 地 日 名「司 官 ·爲 之官 而 : 言 以 諱 司 列 ^ 白 司 皆 空。」 盡 土 溝 司 昭 武 或 空 瀆 有 其 亦 几

爲「司城」也。

之惡 卒 七 爲 年 : 傳 故 楚 穀 穀 所 賤 鄧 伯 滅 而 密 鄧 名之。」 無 邇 侯 同 於 來 好 楚,不 本 朝 之救 疏 親 名 桓 賤 善善 又 鄰 有 也 以 弑 自 賢 古 兄 服

之密 縣 是 伯 書 案 侯 服 襄 .善 + 國 也。」「 或 北 . 于 陽 · ○ _ | 地 里 鄰 邇 有 密 府 鄧 又 師 理 於 禮 鄧 邇 穀 春 志 謂 州 古 楚 自自 社 城 秋 隱 者 0 : 日 縣 地 注 稷之 注 五 南 · 是 : 鄧 治 $\overline{ }$ 理 年 : 陽 文 皆 爲 或 考 衛 郡 + **>** 故 春 與 密 故 五. 在 也 實 筑 國 秋 七 楚 筑 邇 父 今 **>** 0 * 陽 年 地 陽 本 南 語 親 應 穀 比 **>** 相 城 自 ^ 陽 傳 仁 也 劭 近 伯 彙 近 注 府 古 事 纂 日 綏 以 也 也 傳 穀 西 也 來 陳、 故 南 謂 城 鄧 朝 漢 親 蔡 又 在 白

> 穀 賤 賤 天 之, 鄧 善 望 致 -于 孰 下 于 卒 之,故名之。 鄰 : 是 力 傳未 之所 一同 甚 爲 事 要 適 不 焉。 楚 也 好 結 足 以 聞 共 滅 之救 以 怒 外 棄 今穀、 芘 曲 楚 援 蓋 滅鄧 而 禮 而 哉 魯 善 或 鄧 **>** 自 ! 弱 事 日 事 或 不 速 而 於 鄰 在《莊 乃 且. 其 然 楚 或 相 桓 諸 Ì 或 無 率 而 又 侯 耳 + 以 乃 以 親 又 來 六 生 背 衛 遠 朝 弑 自 年 其 不 楚 社 賢兄 于 古 名。」 其 又 以 稷 以以 何 滅 0 事 口

子 如諸 使 九年 傳 桓 其 攝 賓之以 公子 經 太 侯之上 其 曹伯 子 君 莊 攝 上 公射 未 使其 卿 而 卿 誓 朝 禮 禮 姑 于 世 。」《御 也 也 天 子 ^ 子 曲 射 上 覽 禮 姑 服 則 卿 來 以 日 百 出 \Box 四 朝 皮 人三 + 帛 六。 曹 諸 積,食三 繼 伯 侯 服 子 有 之 日 男, 故 嫡

焉。」《 使其 牢 孤 皮 子 有 卿 孤 孤 孤 帛 、男之子 事 禮 四 則 卿 mi 一,猶 樹子 也 世 積 賓之以 也 而 廣 牢、一 享、一 以 命。 大宗伯》云: 人。」若然,惟公有 命也。 子 朝 雅 飧 E 御 服 射 會 不易 與 鄭 卿當之,故 享、一 E 食 E 引 釋 姑 焉 中、牽 未 司 **>** 卿 言 宴 卿 來 詁 也 刊 周 誓者 農云:「九命上公, 者 其 出 之 誓 朝 食宴之也 誤 禮 者 ~~ 典 賓 也」者 人三積 《春 孤 皆 行 也 之,皆 • 故 服 牢、壹饗、壹食、壹 執 明 典 或 秋 命》又云: 云 次 孤 事 天子 皮 君 命》 ***** 典 小 諸 桓 掌 也 食三牢、 帛。」 以 之 如 同 或 文 命 客》: 九年『曹 禮』 既 E 諸 侯 上 之 有 而 世 卿 命 侯 不 注 「公之 君 是 <u>-</u> 故 之 以 得 子 子 之上 得 云 也 曲 禮 伯 儗 執 有

初

牢、饗、 之 卿 獻 九 燕 相 口 \equiv 卿 ~ _ 當 年 積 也 者 0 當 **>** 故服 周 傳 服 燕 小 是 禮 司 曹 之數 日 或 諸 引 儀 爲 》言「子、 : 在 之 公 待 》云「諸 初 伯 禮 皆 君 使 子、男者, 爵 得 獻 卿 臣 固 男一, 與 酒 則 不 得 公之臣 周 子 如如 其 會 有 制 證 上 侯、伯 而 獻 男 =也 卿 服 E 相 爵 積 同 卿 IE 舉 爲 其 與子 況 以 也 會 或 同 僖二 上。 證 子 他 客 列 飧 男 + 則 上 男 或

酒 醴 案 飲 燕 酒 」,然 : 禮 蓋 注 聘 \forall 燕 云 禮 禮 送 主 > 禮 也 醴 有 人 酒 與 醴 升, ^ 響 酒 賓 獻 燕 人 子 之 坐 * 之 禮 事 取 共賓 酒 異 觚 宰 0 此 客 即 · 夫實 執 云 之 此 幂 禮 獻 者 初 觶 酒 酒 舉 獻 以

0 卿 卿 不會 不 會 公、 侯、 侯 伯, 會伯、子、男可 會 子、 男 可 也 也 春 秋 左 傳 IE 義 作

者 與 主 辟 獻 正 皆 主 ·, 賓 正 鄉 燕 主 主 故 飲 用 禮 也 即 人 酒 用 爵 __ \approx 酌 此 0 觚 賈 膳 坐 鄉 <u>Z</u> 對 初 疏 取 0 射》之獻 執 獻 日 如 觚 ^ 幂 鄉 酒 : 者 者 一此 注 飲 也 言 反 爵 酒 宰 幂 ×, 百 此 日 夫 云 0 也 獻 獻 爲 鄉 主 如 主 不 酒 射 人 獻 用 以 人 筵 是 爵 爵 觚 IE 非 前

獻 樂 奏 爵 而 樂奏、太子 歎 服 嘆 日 : 而 哀 樂 樂 奏, 也 ____ 人上 同 上 也 初

先 案 弦 小 人 皇 臣 右 升 上堂」者 皇者 坐授 燕禮 手 瑟。 北 相 華 面 瑟 ***** 小 *° 立 人 乃 「席 臣 于 即 是 降 升 左 其 I ^ 燕 自 何 于 西 · 堂 工 西 西 瑟 禮 0 歌 階 即 階 小 ^ 樂 面 西 上 臣 鹿 北 鼓 奏 階 鳴 納 少 面 以 也 執 Ι. 東 東 東 几 上 越 之 服 工 樂 牡 坐。 位 内 正 云 几

兆

先

見

也。」本

疏

也

《燕禮》注:「《鹿

鳴》,

君

與

臣

下及

四

子 苑 遣 君 方之賓宴,講 樂記 禮 聞 使 勞 0 記 修 樂 臣 使 W 而 之樂歌 文 臣 仲 (篇》: 嘆, 之 樂 尼 來 是 者 道 燕 也。」 樂 哀 先 修 居 樂者 歌 樂 ***** 政 王 是 也 也 之 之所 樂, ; 行 樂 聖人之所 \wedge 即 而 歌 皇 飾 樂 樂 也 皇 喜 之, 歌 ; 者 也。」今太 ^ 也 華 樂 樂 几 也 也 牡 ^ 説 君

戚 曹太子 施 古之爲 父。 ,憂必讐焉。 其 享食 服 有 日 憂 7,所以 : 乎 太子 ? 魯大夫。」同 觀 非 臨樂而 威 歎 儀、 所 歎 省 也 上。 ",是父 禍 福 將 無 服

喪

而

死

而

諸 案 也」、《成 亭 侯 燕 之 之 同 古 禮 禮 之 + 《廣 親 . 爲 几 四 上 雅 年 饗 方之賓 公三 **>** 食 傳 也 釋 文。 響、 9 詁 客 以 *****: \equiv ^ 觀 大宗 威 「觀 食。」「 掌 儀 客 伯 視 省 饗 也。」 禍 與 凡 以 福

諸 乎 貨 至 象 大 侯 神 説 威 朝 即 言 論 口 爾 (皆厚 一告 一周 物 之 以 大 不 單 雅 夫 有 慶 觀 有 福 也 旋 又 襄 + 八及單 安利之謂 0 威 儀 于 飫 威 也 逆 異 日 公 飲 序 釋)° _ ≪ 其 周 世 服 儀 而 哉 日 順 酒 則 : 詁 年 靖 類 物 口 也 將 或 也 宴 容 公,靖公享之, 岩台 王 者 象 『兵 昭 傳 _0 語 語 以 福 貌 吾 羊 叔 ^ 融 : い。」《説 省 周 講 相 . 謂 謂 有 聞 舌 在 簡 説 事 周 説 語 崇 之 采 之 之一 有 其 察 肹 公飲 文 語 成 也。 禍 儀 飾 文 威 聘 也 **>** 頸 威 又 章 **>** 0 0 之 顯 于 : 加 儀 姓 其 王 儉 ^ 賈子 ^ 周 明 酒 建 儀 口 一禍 : 口 爾 荀 叔 夫王公諸 不 郤 而 畏, 大德 觀 文 發 子 子 交 晉 子 雅 再 度 敬 ^ 害也 譽 章 道 之 子 使 謂 興 幣 . 也 . 0 謂 諸 德 0 郤 是 昭 天 釋 叔 好 比 於

> 太子 見 年 禍 今 文選 荷 兆 周 福 子 猶 者, 傳 之 其 世 文 幾 臨 興 明 王 魏 也 事 乎 樂 年 制 無 都 之先 ? 而 》「占浸兆 喪 杜 賦 曹 嘆 其 注 而 見 \approx 桓 也 有 戚 : 者 是 公卒, 單 也 以 些, 憂 子 是 注 兆 必 也 父 對 是 讐 朕 將 也 父 焉 振 兆 0 死 是 將 萌 引 即 而 死 ~ 兆 僖 以 以 兆 注 也 先 證

一年經齊人、衛人、鄭人盟于惡曹。服

日

不書宋,宋

後

盟

本

疏

:

+

于 案 不 也 及宋 衛 傳云「 當 鄭 來 也 之後 告 齊、 時 衛 以 止 其 鄭 有 後 宋 至 或 盟 而 于 故 盟 惡 史據 故 曹 列 書 于 列 下 宋

■「可觀」,文淵閣《四庫》本《國語》作「有則」

傳 君 多 内 寵 服 日 言 庶子 有寵 者

。」《鄭 世

已有 内 鄭 文云「三公子皆 寵 而 三人。 傳言「莊公之子,猶 故庶子有 日 猶 有 語 」,則前 云一母 寵 君 者多。 也 一,是 寵 時 者 當 有 諸 子 不 八人」,子 抱 子 止 中 八 莊 人。 有 寵 突 公 多 下 者

氏 宋 宗,其 黄 姓。 案:《 雍 氏 爲 氏 帝之孫 《説 女於 黄 或 得 帝之 語 文》:「姞, 姓 鄭 · 晉 ,姞姓之後,爲宋大夫。」同 者 莊 孫 十四四 公,曰 故 語》言「黄帝之子二十 稱 黄 人,爲 雍 帝 雍 姑。 之 姞 + 後 也 伯 賈 姓 雍 鮍 日 : 氏 姓 有 上。 距 姞 雍 黄 雍 五.

> 氏 宗 有 寵 於 宋 莊 服 日 : 爲 宋 IF.

知之。

卿 雍 故 有 寵 同 上。

子 卿。」則 公使爲 1 與 卿 傳 者 穌 如如 卿」,蓋 大 正 . 夫 卿 上文「祭封 争 並 爲 以 于 田 上 相 IE. 卿 祁 例 卿。」《 矣。 而 午 人有寵 知 見 知 也 晉 日 雍 語 : 于 氏 子 *****: 鄭 有 莊 寵 爲 范 爲 正 宣

至,而 爵 公、 十三年 者 衛 譏 經 侯 後 定戦 公會 其 燕 不 人戰。 稱 紀侯、 日。」本 子 也 鄭] 《禮 疏。「 伯 服 記 衛 日 己巳,及齊 : 下 先 曲 君 禮 》疏 未 日 葬而 者, 侯、 宋

禮 鄭 案: 而 伯 後 經 太 定 順 史》 今退 戰 文 日 : 日 當云「一 也 于 大 鄭 師 古 伯 月己巳, 抱 者 之下 天 戰 時, 必 者 1 公會 是 與 H 太 俟 紀 師 公至 侯、 周 口

是

也。

雍氏

爲宋大夫,無

明

文,賈

以

意

帝

已遠

而

稱

孫

者

· ,

周

頌

>

曾

孫

篤

之

疏

乙

孫

是其

IE

稱

自

曾

孫

以

下

皆

得

稱

孫

謂

鬭

伯

比

本

視 日 拭 式 車 云: 吉 以 式, 抱猶 鄭 M 龜 知 司 筴 天 即 按 農 時 按: 傳 拭 也 云 處 **>** 也 : 此 古 師 運 則 大 X 《漢 古日 式 古 Ö 出 書 定 法 惠 師 **>** 日 氏 _ 戰 : 式 則 月 士 _ 必 太 所 天 奇 占 分 史主 以 文 禮 衡 天 占 郎 時 度, 説 時 按 抱

書 子』。』《春秋 也 月 以 定 月 而 葬 ^ 葬。」宣公之卒距 日 曲 衛 衛侯晉卒」。 矣 一禮》曰 宣 繁露 公。 衛 先 此戰 「天子未 君 精 \wedge 者, 隱 華 今四 在三月,是 元 宣 月,故 年》傳: 未 除喪, 曰『予 公 也。 踰年之 下 尚 前 諸 經 未 .君 侯 年 \equiv 小 月 葬 稱 Ŧi.

以災

害爲恐。」

本

疏

夫 固 禮 子。」今宣 矣。 謂 君 訓 經 一公未 故 衆 直 而 葬 好 朔 鎮 以 撫 譏 不 之。 之也 稱 子 而 服 稱 日 侯, 一夫 違于

子

· _ _

僖

九

年

傳

例

日

:

凡

在

喪,

公

侯

弓 案 子之總名。」故知 >||注:「 往往 説 曰「夫」。 文 》: 夫夫, 猶 夫,丈夫 此稱「夫」, 詩 言 此 ۰ 車 丈 也。」《 攻》 夫 即 也。 疏 謂 禮記 伯 古 比 夫, 語 . 也 男 檀 稱

猶此人云「爾」,非發語辭。

+ 四 服 年 日 經 : 秋, 魯 八月壬 以 壬 申被災,至 申, 御 廩災。 乙亥而嘗,不 乙亥,嘗

廩, 傷 先 築 之 案 秋》 天 委」 盛 者 是 ž / 廩 四 《宣十六年》傳 未 委 即《月令》所 几 是 御 瘳,怨咎未 或 之所 星 廩 也。 共 主 也。 伐 藏 <u></u> 蓄 魯, 公羊 也 今 黍 云 復,而 御 大 例: 稷 神 傳 破 廩 以 晉 倉 **>** 之于 災 書 君 . 天 供 臣 饗 鄭 火曰災。」「 龍 董 御 天 俱惰 祀 注 仲 廩 門。 文 舒 者 重 志 即 内 白 以 築 何 姓 爲 春 ? 盛 御

篇 災 服 夫 御 年 害 以 也 H 會 政 示 也 Z 耳 廩,夫 棄 法。 祀 齊 人 者 ,傳舉『救 棄 爲 事 嘉 Z 注 桓 夫人 不 時 也, 穀 御 外外 苟 法 不 甚 可 夫 衛 傳 不 廩,公所 不 度亡禮之 人八妾所 故 侮 則 矣,乃 以 能 云 人 冀 害, 以 害 語 天 四 傳 火」。 災 隆 遇 有 奉 於 嘉 % 鄰 患 不 當 災 難 爲 宗 淫 乙亥 齊 穀 御 害」 親 也 有 杜 非 而 案: 恐 廟 行, 春 應 侯 ___ 廩 耕 則 能 懼 日 者,《 而 也 救 米之臧 挾 言 以 衛説亦不然,傳 者 耤 齊 祭 保 桓 嘗 逆心, 火』之文,若 而 戒 不 侯 守宗 田 不 不 歷 申 淮 猶 之。 距 殺 以 寤 應 救 觀 以 傳 南 藉 災 以 桓 災 天 廟 廢 之 諸 奉 子 劉 他 與 義 之 奉宗 公。 故 爲 戒 則息,不 説, 有詳略,無 築 穀 夫 向 終 H 也 患 若 如 修 盛 人 書 以 僅 以 其 劉 廟 則 也 俱 宋 以 者 歆 者 爲 杜 務 奉 几 天 天

> 言 以見 左 按: 矣。 遇 爾 則 如 以 Z 災 ? 一爲 勿 奉 失 不 魯 **全** Z 如 嘗 傳 天 短 而 不 譏 害」,明 服 義 災 也 懼 而 救 氏 嘗 亥, 火 氏 也 已矣。」注 》謂 亦 也 當 所 杜 但 與 嘗 知 當 釋 廢 云不 書 自 惠 不 遇 日 ,二傳義 不 來 氏《 災 猶 以 何 害 時 云 而 諸 害 災 嘗 以 春 也 之 懼 嘉 當 儒 爲 贵 乎 書 祭, 秋 廢 之説 穀 足 廢 害 ! 説 其 相 何 時 。」《公羊 書以示 異 御 成 然乎 時 祭 休 日 耳 廩 不 祭, 之 災, 人 何 論 得 自 今直 法 · 傳 》 不 譏 詆 愚 篤 君 責

之大 大都。」 + Ti. 年 都 經 0 鄭 伯 水 經 突 潁 于 水 櫟 注 0 服 鄭 世 日 家 0 注 櫟 鄭

案 也。 : 今 故潁 水 陽 經 川郡 翟 注 也。 治也。」 潁 Ŧ 水 隱 篇 知櫟 日 **>** 云: : 爲 陽 鄭 櫟, 翟 大 都者 本 宋 櫟 忠

京、 昭 櫟實 六 年 殺 子 傳 元,是 稱 五 櫟 大 爲 不 大 在邊」,又云 都 鄭

傳雅糾。賈曰:「鄭大夫。」《鄭世家》注。

殺檀伯。 服曰:「檀伯,鄭守櫟大夫。」《水

經·潁水注》。

案:《史記索隱》引《十三州記》曰:「大郡

日守。」

十六年傳構急子。 服曰:「構,會其過

惡。」《詩・二子乘舟》疏。

也。」朔與宣姜合謀增益急子之罪惡也。文》:「會,合也。从人,从曾省。曾,益案:《詩‧四月》箋:「構,猶合集也。」《説

使盜: 或 地 。」《水經》卷 有故莘亭 待 《續 諸 幸。 漢 書 五《河 劉 服 郡 昭 日 或 注 :「幸,衛 水篇》云:「漯水又北 志 補 東 衛 郡 東 殺 影「陽 地 公子伋之 同 平 上 ·侯

> 地。 亭。 刻作 也。」」按:齊 有「道」字,此从戴校。 絶幸道 平陽縣 京 莘亭故城 相 ,城之西 璠 此从戴校。 日 在 : 在今山 今平 衛 北 阨限 有莘亭、伋、壽 東,今適 有故 蹊要,自 原陽 東 東 華亭。 齊 平 昌 故故 縣 府莘 衛 北 適 繼 近刻 縣 + 齊 殞 里,近 北 亭」下 衛 之道 于 此

十七年經 葬蔡桓侯。 賈曰:「桓卒而季

歸,無臣子之辭也。」本疏。

猶之 卒三 策 公者 案 釋經之稱侯也。 亦 諸 各國 月 據 無 侯卒 而 臣 以 子 季 書 臣 書爵、 之也。 矣。 始 子 歸 據 賈云「 本國 是喪 葬 此 書 獨 一之稱 無 謚 無 稱 臣子之詞」,以 主 稱 侯 以 公。 者 喪 赴 リリカリカ 無 其 主 得 以 而 列則 桓 簡

官、日御、典曆數者也。」《周禮·太史》疏。 傳天子有日官,諸侯有日御。 服曰:「日

日 官 矣。」 諸 序 史》注 朔 案 數 侯 大 事 居 法 ^ 堯 是 小 卿 稱 吕 注 云 日 不 典》 以 日 大太 覽 是 云: 齊 底 官 御 曆 史, 日 曆 避 即 孟 正 中 象 史官 日 日 即 春 之 數 官 官 以 W 之稱 日 史記 注 數 也。 掌 閏 日 歲 : 若 曆 也 典 其 朔 數 又「 是 Ŧi. 今時 掌 數 ^ 掌 居 即 帝 周 曆 正 日 卿 也 正 本 作 禮 百 歲 年 者 歲 紀 忧 曆 年 ^ 年 太 日 中 以 尚 使 作

官 以 主 之, 重 曆 服 數 也 同 上 + 1 主 伯 敘 爲 按: 爲 和 同 年 之, 爲 文, V 之,故云 傳 引 六

注

云:

舜

格

文

祖

之年

堯

始

以

^

尚

書

傳

云

惟

元

祀

巡

狩

几

岳

而

^

左

氏

>

所

述

或

即

古

義

^

周

官

是

其

證

也

卿。

是古

者

欽

崇

天

道

唇

象

以

卿

又 案 日 : : 凡 或 齊 淫 語 侯 通 . 通 哥日 焉 語 詩 **>** 注 服 雄 ~ 日 雉 小 : 疏 爾 傍 雅 淫 • 日 廣 通

卿

居

其

案

鄭

注《太

文史》引

此

文

解

之云:

居

猶

處

也

言

建

六

典

以

處

六

卿

之

職

疏

 \Box

:

鄭

掌

曆

數

明

周

掌

曆

數

亦

是

日

官

鄭

意

以

Ŧi.

命

義

和

欽

若昊天,

曆

象

日

月

星

辰

是

卿

帝

殊

時

三王異

世、文質

不等,故設

官

不

使

卿

來居之,治太史之

職

與與

堯

典》

云

乃

注

與

服

不

同

服

君

之意,

太

史

雖

下

大

子 也 \sim 並 牆 般 云 孔 有 取 齊 悝 傍 於 莊 茨》云『 之 淫 楚, 公 母: 日 通 與 通 公子 於 通 其 焉 崔 __ 竪 頑 杼 皆下 詩 渾 通 之 良 乎 妻, 淫 夫 君 雄 蔡 也 通 母 雉 , « 景 > 以 侯 皆 疏 左 此 爲 上 傳 A 太 淫 知

Ŧi.

帝

之

時

使

卿

掌

曆

數

至

周

使

下

大

夫

三建

六

典

處

六

卿

之

職

以

解

周

禮

太

史

爲

下

大

夫

鄭

以

處

六

卿

通者總名。」

夏四月丙子,享公。 服曰:「爲公設享燕

之禮。」《魯世家》注。

師于首止。 服曰:「首止,近鄭之地。」《鄭

世家》注。

案:《續漢書·郡國志·陳留郡》:「已吾

有首鄉。」劉昭注補:「《左傳》桓十八年:

齊 侯 師于首止。」按: 恭冕謹 案 杜 注 云衛 其 地 地 與 然服 鄭 相 言 近,故 「近鄭」

問以首止爲衛地而近鄭也。 服云然。恭冕謹案: 杜注云「衛地」,然服言「

逆鄭子于陳。 服曰:「鄭子,昭公弟子儀

也。」《詩・

出其

東門》疏

陳而立之,是爲鄭子』。《索隱》曰:『左案:陳樹華云:「《史記》作『召公子嬰于

氏以鄭子名子儀,此云嬰,蓋别有所

見。』」《校勘記》云:「按『儀』同『倪』

『倪』即『兒』,小兒也,故《左》作『儀』,

《史》作『嬰』。」

而立王子克。 賈曰:「莊王弟子儀

也。

《周本紀》注。

辛伯告王。 賈曰:「辛伯,周大夫。」同上。

七

春秋左氏傳賈服注輯述卷四

嘉興李貽德學

莊公

質馬。 父殺母出 南山 于齊』耳。 來」,語氣不接。 念及于母,以其罪重,不可以反之,故書『孫 公之薨至是年三月期 詩 元 年 》疏 經三月,夫人孫於齊。 南 「文姜 Ш 疏 、隱痛深諱 其實先在於齊,本未 服 通 此下引《魏書》云云,似爲一貫,識 日 按: 於 :「蓋魯桓公之喪從 兄 疏引 齊 期 此 而小祥,公憂思少 襄, 句 而中練,思慕少殺, 下云「以文姜爲二年 與殺 賈、服曰:「桓 歸也。」《詩 公而 齊 不 此 來。 殺 反。 以 俟 始

> 引用 之事 之意,故此節 書・竇瑗傳》。 姜爲二年始來」,鄭於《喪服小記》之注引《公羊》正 爲二年 深諱之文,明 念至於母,故經書『三月,夫人孫于齊』。」《 則 時 多 亦同 始來。 删 節 於賈、 無讐 去而識 ,故文有 ○按:《魏書》「孫 《詩 疾告列之理」,玩其語 服至二年 其 詳 語於此 南 略 Ш ·乃歸 一》疏。 也 于齊」句下云「既 ○按: 一是賈、 賈、 義 服 疏 似 服同 云 並 有 服 駁難 義 以 虔以 月 有 文姜 存 服 念 孔 文 氏 親

案 者,減損 子之志也。」《荀子 也。 其時,合於此月也」。 而平」注:「久則哀殺,如平常也。」「念及 期而小祥」,祥者,吉也。 期,會也。」二字義略同。 期 公於斯時憂思其父,其心少殺。 桓 也。 公以往 也。 《説文》云: 《 問 年 四四 喪》云: 月薨,至此 禮 《禮 論 棋, 「思慕之心,孝 會有 記 言小,小從 喪禮之凡,久 復 間 其 年三 合訓,「 時 傳》云 月爲 也。 古 殺 復

薨 傳 制 父 首 母 仇 疏 旅 母 不 反 太 于 JL 孫 爲 出 敢 出 至 月 事 重 母 于 疏 無 期 還 齊 此 未 練 齊』何 文 暇 至 其 不 者 瑗 公羊 所 將 反, 而 姜 計 期 實 夫 謂 口 殺 練 練 謂 練 隱 母 與 卒 簡 人 而 + 請 傳 祭 思 小 而 之 闡 未 ·三月 中 尋 痛 宜 策 于 念 矣。 母 祥 曾 出 念 殺 歸 : 練 注 深 宜 與 齊 母: 一夫 與 祭 子 母 義 諱 公之謀 書 小 也 口 至 而 也 之。 者 問 也 喪 也 祥 反 人 是 0 即 反 者 9 0 魯 隱 服 練 ^ 古 雖 繫 哀 之, 隱 禮 ^ 經 蓋 主 痛 桓 小 祭 ^ 吉 内 之 思 在 思 痛 記 魏 不 之 前 深 X 記 故 禮 齊 此 少 13: 歉 父 書 書 練 諱 喪 此 蓋 殺 矣, 死 於 月 喪 者 夫 深 祭 . 以 桓 而 大 心 故 公之 竇 其 深 人 前 始 痛 孫 服 以 而 1: 祝 期 罪 諱 以 瑗 故 年 爲 念 父 于 不 兀

 \equiv 文 義 念 哀 親 除 孫 其 不 減 何 月 而 K 申 及 然 月 姜 矣 惻 祭 贵 親 故 事 始 喪 之情 者 往 者 於 從 練 也 至 杜 夫 莊 練 年 母 是 魯 正 之 也 人 公 至 史 也 注 益 \equiv 義 如 去 文 一今而 召 久 之 念 ; 自 夫 . 衰。」 月 齊 也 日 如 命 0 所 留 及 口 人 始 : 期 此 史官 期 此 書, 其 於 至 若 若 迎 $\overline{\sim}$ 言 左 謂 而 母 此 齊, 公羊 然 使 遂 期 然 據 氏 除 練 使 年 孫 來 則 不 ^ 實 先 乃 祭 喪, 則 莊 書 詩 \equiv 于 還 宜 歸 $\stackrel{\cdot}{\approx}$ 書 而 儒 也 公 其 練 月 道 齊』 祭 穀 皆 録 其 祭之 即 則 母 何 也 南 禮 梁 猶 乎 用 天 出 孫 孫 位 以 未 Ш : ? 尚 傳》 時 此 奔 道 乎 E 反 後 有 祭 Œ **>** ? 説 不 久 序 意言 乃 書 公 虚 非 不 哀 月 矣 反 若 其 來 疏 IE 書 杜 存 爲 少

^{●「}練」、《禮記正義》作「禮」。

禮

也

姜於 之時 折 枘 以 盡 故 姜 往 云 IE. 也 先 爲 月 衷 鑿 不 之,則於 云,至二年『夫人 人固 月 時 有 儒 然 以 其 文姜來,公以 如 二年始 月 存 當 感 之説 來 此 也 又 在 君 公 彻 年 遜 夫 會 齊 意 來,杜 蓋 按 月 爲 於 人 之前 念母 矣, ; = 疏 然 齊。 而 孫 此 其 矣 來, 母 以 詩 于 傳 預 已 會齊侯 以 言 杜 出 首 齊 **>** 既 以 無 反 之 杜 預 孫 之故 事 至 莊 文。 魯 時 疏 預 創 何 ^ 元 矣。 于 無 之 爲 爲 並 公 何 不 年 ^ 禚 説 0 羊 莊 容 出 此 魯 忍 休 歲 服 袒 説 人 孔 爲 即 及賈 念 傳 元 首 虔 是 杜 所 位 年 氏 創 母 前 即 以 從 <u>二</u> 乙 尤, 文 **>** 也。 故 文 則 儒 位 魯 而 服 經

服 \Box : 之義 魏 戴、《 《桓六年》疏、 服 母 歸宗,女子雖 小記 彭 案: 母: 而 父兄爲異族。」 書 絶 絶 族 無 立 生 族者 不 日 寶瑗 傳 尚 》大 母 \equiv 善莊 服 所 爲 族,以 公謫 書》歐 傳 搤 嫁嫁 母 親 出 傳 傳》注 公 之父 殺 得 來 思 文姜,文 妻 日 見 鄭《 陽 適 承 大義、 : 之子 是 又引《 尊 恩 姓 説 駁 並 奉 絶 桓 父之義 爲 有 宗 云: 族 爲 字 五. 公 姜以 九 絶 由 ____ 異 廟 無 經 猶 母 之 族。 有罪 族 起 義》云:「今《 施 異 親 期 繫 者 與 告 乃 殺 也 服 義 謂 姓 族 若 異 齊 則 故 姜 襄 相 然 姓 禮 明 爲 賈 儀 父 實 連 有 公,

與 姜 殺 氏 絶 桓公之罪 不 爲 親 一,絶不 禮 也。 爲 親 得 尊 父

孫」下、《春秋公羊傳》有「于齊」二字。

傳

不

稱

夫

有

禮

外

祖

父

疏

綴

禮

吧

則

大

13:

屬

不

得

與

母

也

婦

人

與之。

始

爲

喪

服

之不 母 族 非 出 母: 之文。」 日 也 則 謂 稱姜氏 與 絶 母: 婦 族 族」, 鄭 族 絶 X 己 注 無 是 故 則 絶 由 喪 也 與 云 依 以 服 母 絶 雷 子言 夫 傳 絶 族。」 *: 次宗 家 者 之 爲 當 愚 也 日 族 去 謂 13: 一子無 族 賈 其 若然 子 矣。 氏 云 至 之 親 説 經 絶

説 也 焉 義 知 比 與 無 Z Z 矣。 絶 聞 絶 相 日: 發 文 道 洪 莊 殺 尊 而 都 一。一今 公隱 明 姜 氏 公, 喪 不 無二上。」 吕 亮 之 服 知 之 其 古 痛 乃 屬 **※**云: + 父 罪 父 以 左 而 死 至 絶 ^ 則 野 傳 不 「 父, 喪 大 不 絶 知 人 爲 詁 服 爲 其 非 尊 日 不 **>** 至 傳》 : 親 私 禰 有 愛 尊 : 爲 恩 又曰 過 矣。」 其 按 也。」《 禮 父 而 母 得 説 者 13: 此 0 出 尊 坊記 苑 禽 其 父之 者 文姜 何 與 獸 服 算 口 亦 義

二年經紀季以酅入于齊。 賈曰:「紀季以

酅奔齊,不言叛,不能專酅也。」本疏。

之義 賢 者 故託 此 法,大 案 歸 於 弗 敵 有 侯 我宗 棄君 三者, 乎 或或 爲 齊 自 地 了又 賢于 隨 紀 知 大大不 春 據 而 廟之主 請 左氏 季 己 力 秋 紀 邑 以 何 ? 紀 以 不 日 繁 避 故 侯 得 而 以 : 季 7 加 露 襄 使 患 服 不 稱 用 距 爲 以以 Ŧi. 而 之 可 乎 罪 爲 君 . 其 地 賢? 玉 志 ? 絶 可 + 廟 也。 子 叛。』《公羊 君 見 英 距 六年 也 知 又 不 季 日 篇 使 或 之,故 , 0 矣。 賢 日 魯子 避 之 賢 **>** 我 竊 傳 : 汝 臣 外 弗 者 K 地 先 齊 日 疏 以 故 難 謂 爲 君 不 傳 他 \sim 將 君 酅 : 盜 0 爲 子 其 也 『請 > 或 春 往 復 日 有 所 地 紀 是 無 弟 售 秋 所 後 皆 以 季 紀 去 服 \Box 美 依 下 或 紀 是 犯 Ŧī. 何 爲 叛 罪 季

●「絶」,文淵閣《四庫》本《春秋繁露》作「以不死」。

之邑 不能 祀 意 也 廟 亦 以 專 非 也 存 以 有 專 姑 紀 其 入于 姊 邑 季 É 妹 邑、故曰「不言 之奔,受命 齊者 恣者 。』《穀梁 比 以以 酅 于 目. 傳 事 紀 人 **>** 叛,不能 齊 日 侯,以 以 也 事 齊 酅 存 故 專 賈 酅 則 紀

伐 曰 郕 年 經 陳、 本 師 蔡 次 欲伐 于 郎 魯,故待之。」服日 以 俟 陳 人、 蔡 欲 共 賈

休注: 案 説 事 蔡 兵。」「習 穀梁》亦以次爲 屬 以 本《公羊傳 賈 與 嚴 「師 説 魯 終,故 戦 本《 伐衛同心,又國 出 也 本 穀 **%** 日 爲下 治 梁 善 傳云「託 俟 兵 傳 陳 滅盛 陳 **%**0 而 者 陳、 蔡之來 傳云 不 盛與 遠 不 蔡不 戰。 故故 郕同 得 : 己 伐 至矣。 甲午, 因 據 也」,何 假 矣。 興, 此 以 陳 諱 服 則 兵

> 弑 齊 滅 君 無 及 取 知 也 同 或 弑 姓 其 此 託 ,故以國言之。」《春秋釋例 君諸 服言 待二 兒。 一欲 或 共伐 爲 留 賈 郕」之義 辭 日 主 :「不稱公孫 一,所 忧 以 氏 辟 族例 下言

案:與隱四年州吁同例。

傳連稱、管至父。 賈曰:「齊大夫。」《齊世

家》注

瓜 以 七 案 時 爾 候 此 風 月 前 也 **愛** 云 *****: 也 往 瓜 一七 小 期 服 正》 當指 月食 服 云「七月」, 日 :「七月。」 瓜。 Ŧi. 瓜之始生 月 服 乃 據 不 瓜 周 同 0 取 Œ 非 上 以 夏五 也 言 爲 蓄瓜之 月, 時 詩 者, 周

及 瓜 而 代。 日 • 服 長 日 見 : 篇 謂 》 注 後 年 瓜 後 時 來 也 同 上。 後

連 稱 稼 年 有 猶 後 從 來 鄭 妹 歲 注 在 公宫 1 周 者 禮 問 • 後 肆 服 歲 師 稼 日 * : 所 涖 宜 爲 1 是 妾 來 在 也 歲 之 宫

也

同

上

案: 使 公宫 時 之 接 間 時 見 白 公,曰 未 也 ...虎 爲夫 通 據 . 捷,吾 傳 嫁 娶篇》 云 則 是爲 以 無 女爲夫人」, 寵 妾也 「妾者,接 -, 又公孫 也 無 明 在 知 以

齊 家 》注 侯 遊 于 姑 棼 賈 日 : 齊 地 也 » √ « 齊 世

公之封 例 博 時 姑 有 興 薄 顧 薄 縣 姑 姑 氏 姑 安 東 與 棼 後胡 棟 城 博 北 四 高 昌 地 + 或 日 公徙 劉 闕 縣 Ŧi. 作 : 昭 北 亂 里。」 都 姑 注 ~ 有 郡 于 梦, 成王 薄 \sim 或 按 此 即 姑 左 志 杜 滅之, 薄 城 傳》 在 氏 樂 姑 今青 ^ 姑 安 土 以 周 棼 或 益 成 名 地 州 博 蒲 太 王 名 府

> 則 于 預 齊侯 在 日 博 博 薄 田 昌 昌 姑 于貝丘 明 又 地 矣 日 0 : 即 0 有 顧 遊 貝 氏 田 中 所 相 聚 本。 次 地 注 郡 亦 引 相 或 此 志 比 傳

彭 公子 生 彭生 鬼鬼 改形 也 爲 豕 服 也 日 : 百 「公見彘,從者 上 乃 見

異也。 案 杜 聞 鬼 雅 田 游 篇 于 伯 . 則 魂 《説文》:「豕,彘 釋 有 而 若 公見爲彘,從者見爲 爲 天 不 鬼改 昔 若 變」 *****: 辜。 日 者 中 以 形 杜 衆 物 鄭 其 爲 杜伯 伯 之 三年 神 注 豕」者,《易 是 所 謂 乘 游 也。 也。」故注 同 之 白 周 魂 見, 鬼 周 馬 宣 謂 ° _ | 彭生,言所 與 宣 王 之 素 衆 以 合 王 墨 鬼 繫 車 諸 子 殺 之 一。 辭 所 侯 其 • ~ 釋 衣 廣 臣 明 而 口

● 「丘」,原避孔子諱作「邱」,今回改,下不出校

豕 則 莫 徼 聞 當 之時 神 漉 齊 儀 有 H 在 冠 不 之 之 是 周 彭 年 著 中 所 其 而 而 中 執 謂 之時, 不辜。 見 詞 神 莊 周 而 生 血 稟之, 殪之 而 在 心 朱 啼 死 社 ,遠者莫 未 讀 獄 王 一燕之《 春 子 折 人 弓 半 而 里 不 王 秋 儀 從 脊 燕 期 爲 斷 也 或 挾 子 里 者 荷 人 年 服 厲 春秋》。 羊 殪車 盟 朱 或 不聞,著在 許 莫 中 朱 昔者 從 曰:「啼,呼也。」《文選· 齊 變 矢 燕 之 所 諾 起 里 杖 不 者 君 中 化易 詞 簡 激者 見,遠 而 而 燕 追 莫不見,遠者 昔者 乃 當 既 公方將 於 擊之, 觸 伏 簡 周 使 形 是時 已終矣 是 之, 弢 齊之《春秋》。」 公殺 宣 者莫 理 人 此二子者,訟 齊 歃 而 王 齊 殪之 折 共 莊 馳 或 血 其 死 其 不 讀 君之臣 於 然 射 人從 摁 臣 羊, 脚 車 聞 祖 也 莫不 當 人 中 羊 莊 塗 祧 盟 著 里 車 而 子 蜀

春

秋

釋

例

書

弑

例

都賦》注。

案:《説文》:「嗁、號也。」啼與嗁同。《曲

禮》釋文:「呼,號叫也。

虐于雍廩。 賈曰:「渠丘大夫也。」《齊世

家》注。

故

知

雍

廩

爲

渠

丘

大

夫。

案:《昭十一年》傳:「齊渠丘實殺無知。」

或 九 年 稱 經 或 春 以 齊 弑 人 君 殺 ; 惡 無 不 知 及國 賈 則 日 稱 人 以 君 弑 惡 及

子 接 書 君 案 辭 君 之命 比 於 之,齊商 然惡 、蔡人 諸 正 此 侯, 而 義 賈 不 篡 氏 殺 則 及 7 説 國 陳 不 蔡侯 ,得與諸 ^ 佗、齊 稱 釋 春 故 爵 般 例》 秋 稱 之屬 ***** 人殺 人 侯 日 之例 楚公子棄 以 會者 是 無 『諸 弑 也 知 無 侯 則 弑 知 衛 疾 若 以 不 殺 成 受 殺 雖 未 殺 公 得 君 先 弑 口

臣 義 州 也 諸 之分已定,故雖 吁、公子瑕之屬 侯 爲 E 至 於 殺 是 國 不 也。 内 成君,亦 策 諸 侯 名 委質 篡立 與 成 君 即 雖 同 君 以

納 糾 其貴 唐 矣。 子 次 而 兒、公子糾、 定 E 同 賤。」是襄 《公羊傳》: 奈何? 也。 也。 本之誤 貴妾子公子糾當 管子· 賈曰 糾 今本 春 爲 也 公本 公子 :「不言公子,次正也。」 大匡 春 宜 秋》之例,諸侯 次 有「子」字,臧 爲 秋 IE 爲 篇 小 故故 經 君者也。」《白 其 白 庶 》:「齊僖公生公子 稱 長, こ。又 不 7 子 書 也。 『齊 而 糾 日 公子 氏 庶 子 何 : 琳曰 亦 無 子 糾 ? 虎 諸 皆 以 嫌 知 爲 通 貴 本 糾 殺 次 兒 得 與 疏 也 沿 封 長 爲 其 IE. 庶 稱

齊小白入于齊。 賈、服曰:「齊大夫來迎

子糾 公自 案: 是古 齊 大 盟,謂 苔 于魯 説 夫 歸 反 相 于 ,魯嚴公不即 承 逆小白於莒,桓 前 如 齊。」章 年盟于蔇 此 昭注 也。 遣 亦 前 公自莒先入。」 **齊** 日 盟 語 以要之。 人逆 桓

之。」同上。 賈曰:「稱子者,愍齊人取子糾殺之。 賈曰:「稱子者,愍

案: 皆 書「子」,今書「子」,故知憐 氏 稱 本上「納糾」有「子」字「故 左傳》本 愍」,今作『閔」。 執定本 云 子, 納 則 切 糾 此言子,非 以斥賈氏,非 亦 無無 經音義》三引《字詁》:「古 無 「子」字,故 「子」字 愍, 憐 愍之也。」然《公》《穀 也 可 也。」前 Œ 之也。 所 見 義日 釋 賈 如 景 納糾 上 按唐 此 伯 所 見 孔 文

浚洙。 服曰:「洙水在魯城北。」《水經·泗

水篇》注

是 Ш 洙 西 \wedge 水在魯城 水 南 經 過 . 魯 泗 縣 北 水篇 北 也 *****: 注 云 泗 水 北 出 爲 魯 洙 卞 瀆 縣 北

傳乃殺子糾于生寶。 賈曰:「生寶、魯

地,句竇也。」《齊世家》注。

案 周 『竇』,本亦作『瀆』」 : 禮 ^ 史記 大 **>** 宗 作 伯 笙 注 瀆 是也。「句 ٦, 兀 瀆」、「 竇 」,《釋 寶 寶」者 通

仲

管

溝 論 瀆 語》云: 即 句 自 瀆 經 于 溝 句 瀆 古古 而 讀 莫之 如 溝 知 也 如

襄

+

九年》:「執公子牙于

句

瀆

之丘丘

句芒、 地 召 句 忽 亦 龍 自 句 經 吴皆古 于此。 讀 《論 也 語 \approx 子 溝 糾 瀆 殺 于 即 其

生寶之地。

及堂阜而税之。 賈曰:「堂阜,魯北境。」

0

引文見《左傳》襄公二十九年。

同上。

夷 案 魯 年 接 此 縣 也。」同上。 ·》傳 吾 壤 交界,既 西 因 治於 杜 北 處 以 氏 有 言 爲 以 高 飾 夷 之。 至齊境 名。」賈 堂 吾 棺 徯。 置諸 亭 阜 洪 爲 氏 云「魯北 或 故 齊 堂阜。」 賈 亮 日 即 地 日 吉 鮑 釋 , 云: : 日 其 叔 境 明 齊 縛 解 東莞 堂阜爲 Œ 也。 夷 蓋 卿 文 據 吾 高 十五 蒙 齊 縛 敬 於 陰 魯

傳 案: 在 子」、《僖十二年》傳「有 敬 0 《禮 爲 則命于天子 齊 傒 人立 • 益 王 敬 制 仲 仲 爲 爲傒 之 次 正 曾 或 卿 孫 天子 矣。 良 也。 卿 之二守國 敬 襄 一卿命 仲 也, 九 于 年》 是 天

十年傳 蒙皋比而先犯之。 服曰:「包之以

虎皮,名之曰建皋。」本疏。

制 名 云: 相 ,以見蒙虎皮于兵甲之上,與鍵 服 故《集 似 以 鍵囊,言閉 建讀 用 虎 皮包之,服 咎聲。」皋陶 爲鍵,字之誤 樂記》文,「皋」本作 韵》「橐」亦 藏 兵 甲也。」若然,兵 故 亦 作 援 也。兵甲之 作 「韓」也 以 解「皋」 橐 藏 之 衣 彼 甲 是 時 **^** 由 Ż 其 説 注 其 日

十一年傳 覆而敗之曰取某師。 服曰:

不意

敵

人

不

知

,敗之易,故

日

取

。」本

覆

隱

也

設

伏

而

敗

之。

謂

攻

其

無

備

出

其

無 注 備 \overline{Z} 隱 出 隱 也 覆 其不意」、《孫子》文。「敗之易. 九 伏 年 則 兵 覆 傳 也。」《 爲 君 伏 爲 伏 或 爲隱 語 覆 以 也。 召日 待之」, 語 「攻其 注 杜

服義本之。 者、《襄十二年》傳:「凡書取、言易也

公使弔焉。 賈曰:「問凶曰弔。」《宋

世

家》注。

宋 射 若然 南 案:《 卿。」同上。 于 鄭 曲 注 宫 禮》云 長 則 謂 周 萬 禮 此 遭 則 是 水 歲 ·大宗伯》「 歲 火, 問 X X 賈 禍 矣,故 年 日 又曰 烖 穀 不 不 賈 南 以 當 以 登」,今傳 宫,氏 日 弔 荒 云 問問 禮 禮 問問 M 哀 哀 M 禍 M 也 云 札 烖 害 然

文》。○本疏。 服曰:「恥而惡之曰靳。」《釋

之美 在側 案:《公羊 此 虜 也 也 萬 ! 日 傳》:「 閔 魯侯之美惡 公矜此 甚 宋 矣。 萬 婦 魯 與 乎 侯 閔 至。二 公博 之 妬 淑 其 服 言 婦 氏 魯 日 侯

也 靳 長。 魯。」不知靳之之由 而 云 公羊 致 前 萬 戲 正 是 傳 後 亦 而 義 古 始 文, 何 相 日 不 則 至 愧 : 相 重 故 弒 其 妨 恥 公? 則 知 也 惡 爲 因 此 而 萬 其 因 虜 恥 如 請 歸 人, 事 孔 也 而 或 繼 二之言 攷 氏言 惡 不 後 則 義 之。 應 夸 妬 古 美 爲 服 非 其 矣 言 之 魯 若 氏 戲 侯 爲 杜 而

十二年經宋萬弑其君捷。 賈曰:「未賜

族。」本疏引《釋例》。

宫長 萬 杜 爲 案: 也 春 。」然按《 注 族 秋 ^ 是 萬 隱 **>** 官 未 皆稟 之 八年 則 有 賜 例 隱 爲 世 族 之時 八年》傳 己 傳 功 賜 也 : 氏 族 君 則 南 IE. 則 0 諸 有 宫 義 書 是 侯 官 無 賜 以 日 其 族 不 駭 字 氏 族 得 卒」疏:「士 邑 爲 即 爲 按 亦 此 賜 氏 未 傳 如 書 族 賜 稱 之。 因 也 宋 族 以 南

> 宫,氏 當 傳 復 爲 族 會之孥,處 是 君 爲 稱 王 南宫节 賜 私氏,故賈 輔 孫 氏 氏 而 是 秦者 萬 此 春 如 智 云 秋 此 果 于 爲 而 未 時 之 知 劉 經 射 賜 類 有 知 氏 止言「宋 南宫長 賜 皆 族 伯 族,亦 之 是 世 伍 將 身自 員 萬 萬 之子 滅 有 」,則 注 私 爲 自 氏 云 南 别 在 也。 非 宫 其 南 齊

傳宋萬弒閔公于蒙澤。 賈曰:「宋澤

名。」《

宋

世

家

注

徒 蒙 蒙 之。 賈 案: 注 澤 異 引 注 澤 遇 當 此 之 郡 太 文。 水 有 按 地 或 宰 宋 下 志 鍾 以 杜 督 别 文 **>** 日 澤 云 宫 于 梁 云 澤。」又《澤虞》注 名 東 矣。 或 宋 蒙 遇 宫 蒙 地 仇 也 賈 之 : 梁 牧 西 云 \sim 或 有 于 周 澤 又 有 蒙 門 禮 殺 名 蒙 澤 之 批 縣 者, 而 劉 則 殺 與 昭

水 所 鍾 也。

羣公子 奔 蕭 、公子 御 説 奔 亳。 服 日 :

上。

蕭、亳、宋 案: 《 漢 書 邑 也 •]。 回 地 理 志 \leq 沛郡 : 蕭 故

叔 國 宋 别 封 附 庸 也 0 考 蕭 爲 附 庸 即 蕭

是 年 所 封 説 見 正 義。 未 封 爲 宋 邑。 今 徐

州 府 蕭 縣 北 + 里 有 蕭 城。 ^ 郡 或 志 》「梁

城 或 薄 左 劉 一傳》「 昭 注 引 宋公子 杜 預 御説 日 : 奔 蒙 亳」,案:《 縣 西 北 有 僖 薄

年》:「公 會 諸 侯, 盟 于 薄。 釋 宋

日 :『薄,宗邑 也 0 即 此

公。」《哀

十四年》:

桓

魋

請

以

牽易薄,公

使 口 執 婦婦 人飲之酒 故 先使婦 人 誘 服 而 日 飲 : 之酒 宋 醉醉 萬 多 加 力 縛 之。 勇

案 説文》: 縛 薄 也 ,使相薄著也。」 縛,東也。」《釋名·釋 同

宋 案 人皆 醯 爾 雅 • 釋 服 器 : **∀**: 醢 肉 肉醬。」同 謂 之 醢。」《 上。 説

醢 肉肉 醬也。」《詩 大大 雅 葦

醓 醢 以薦。」 毛傳 4 以 肉 日 醓 醢 ^ 周

禮 • 醢 人》鄭注:「 醓 肉肉 汁 也。

十六年 經 邾 子 克卒。 賈、 服曰 北 杏 之

會 時 E 得 王 命 。」隱 元 年 疏

合,謂 爵 合 案 于天子,附于 《隱 此 稱爵 元 年 也。 則已受王 》傳云: 諸 侯 命。 未 之會 日 附 王 **至** 庸 一命,故 十三 注注 制》云「不 一一不 年 不 物 書

會 也

人

在

知

此

時

己

得

王

命,

故

得

列

于

不

朝會

北

杏

在

之祖共 『不可使共叔無後 傳 不 可 叔 使 段 共 有 叔 伐君 無 後 于鄭」,言其刑之偏 之罪 於 鄭 宜 世 服 不 日 長 定 頗 而 云 叔

本疏。

案 亦 文 | 云: 不 語 頗,衰 偏 世 注 及 叔 也 :「父子 段 也 也 頗 0 伐 君 頭 漢 偏 相 事 偏 書 頗 繼 在 也 隱 日 匈 言 世 元 奴 廣 刑 年 傳 雅 叔 失 上 . ^ 段 中 釋 > 或 注 有 話 也 語 罪 云 頗 説 宜 周

射 蜮 方 秋 官 八年 盛 故 》序 暑 人 傳 官 日 所 皮 災 疏 有 生。 肉 蜮 0 中 本 禮 其 爲 疏引「徧身 其 **>** 狀 災 日 瘡 如 也 鼈 如 渡渡或 惑 疥 君 古 服 徧 或 則 無 日 身 故 有 今 : 爲災 中 有 短 濩 狐 周 濩 含 禮 蜮 南 沙

案 秋 蜮 生 引《 于 有 ^ 南 洪 詩 漢 蜮 越 書 範 何 劉 Ŧi. • 南 人 向 五 行 越 斯 行 目 傳 婦 志 爲 傳 * 人 : 生 多 南 : 蜮 蜮 淫 一嚴 越 如 短 故 越 公 鼈 弧 其 地 + 也 三足, 多 地 八 婦 年 多 正

> 禮 所 惑 作「 沙。 水 之 或 京 射 無 來 蜮 徧 名 中 家 生 房 也 影 今 生, 也 短 ,男女同 猶 或 身 諸 投 有」也 0 0 江 之日 蜮 《易傳》 射人皮肌 弧 濩 或 劉 惑 儒 案 明 人影 濩 之 也 向 淮 劉 北 蜮][[蜮 説 。」《公羊 歆 説 向 以 亦 日 水 方 ^ 蜮 則 莊 其 詩 目 淫 . 皆有 也 皆 聲 在 本 歆 殺 爲蜮, 公將 女爲主 疏 水 爲 無 忠 相 瘡 之,故 説 當 旁 之。 惑 臣 如 傳 近。 引 今 同 謂 取 能 君 進 疥 盛 **>** 陸 服 此 蜮 齊 注 日 也 ____ 人 善 亂 暑 璣 一云 之狀 有 射 淫 五. 射 與 在 君 所 氣 疏 蜮 女, 行 引 岸 蜮 影 生 不 服 所 云 南 志》 故 故 之, 所言 上 生 試 禮 本 或 方 非 南 謂 蜮 厥 猶言 影 盛 日 疏 自 方 云 至 同 名 咎 引 古 井

二十年傳執燕仲父。 服曰:「南燕,伯

卷四

爵。」本疏。

案: 燕 燕 北 伯 逕 故 ^ 爵 水 燕 以 不 經 城 南 知 注 南 氏 所 故 · 濟 0 出 0 南 正 水篇》 燕, 義 日 姞 <u>_</u>: 姓 : \sim 之國 譜》亦 濮 也, 渠 云 又 有 南 東 北

樂。」《周本紀》注。 賈曰:「徧舞,皆舞六代之樂及徧舞。 賈曰:「徧舞,皆舞六代之

注 注 《大咸》大磬》 一、此 謂 周 徧 周 禮 作六代之樂。」 所存六代之樂。」又「大合樂 • 大 大夏》大濩》大武 司 樂》:「舞《雲門大卷》 影。」鄭

二十一年傳享王于闕西辟。 服曰:「西辟,

西

偏

也

」。」本疏。

觀 門 案 也 雙闕)°]« 爾 雅 釋名》云『闕 邵 . 氏 釋 正 官》「 義 曰 觀謂 在 「《説 門 之闕 兩旁,中 文》: 郭 注 央闕 『闕 「宫 門 然

> 也。」《 象魏 西 偏 以 觀 引 者 爲 也。』《儀禮 日 辟 左旁與己 求 之, 何? 闕 孫 道 者,《曲 也」。 旁 側 炎 論譽于 。」鄭司 闕 天官 因 云: 也 也 者, 闕 謂 」。」《淮 《禮記 同 疑 . 太宰》云:『縣 「官 上 禮 人,故謂 之觀。」 農云:『 覲 日 也。 一》「辟 有所失,下 偏。」是旁亦偏 門 禮》「偏駕 南 疏》引《白虎通》云:『闕 闕 雙闕 ^ 象魏 咡 者 之闕 太 説 詔 所 平 舊 山》注:「辟,旁 以 矣。」「 得書之於 之」,《釋 不 闕 御 章 入王 飾門, 治象之灋 覽》 也。』《詩 懸 「西偏」言 焉, 門 西 引 别 文 辟 闕 穎 使 尊 注: 所 疏 民 容 卑 西

婦 王 以 人 之物,非 后 之鞶鑑 所 與之。 以 賜 有 功 服 0 日 本 : 疏 鞶鑑 · 王

❶ 「氏」下,文淵閣《四庫》本《水經注》有「縣」字

言 服 鑑 證 鞶 絲 胡 盛 用 也 以 鏡 法言 派,不可 鑑 鏡者 鞶 注 繒 鞶 飾 0 爲然,●古之遺 注 則 杜 帶 盛 杜 爲 鞶 是 有飾緣之。」《儀禮 注 也 謂 鑑 囊, 寡 以 則 鑑 鏡 鞶 鞶 耳 以 當 例。 見》: 也。 盛 。擊囊 ,小囊,盛 \pm 鏡 鞶 物 名 帨 以 帶 飾 服 禮 鑑 故 此 賜 者 帶 而 也,所 服 謂 鞶 又從 . 與定六年 有 爲 知 以 矣。 内 婦 于 功 帨 盤 以 鑑爲飾 正 則 人之物 古 是爲 而 以 巾 . 鏡 帨 \leq 義 此 未 繡 盛 1 者 飾 男 云 日 盛 傳 聞 其 昏 帨 男 帶 褻 鞶 鏡 皆 鞶 巾 鞶 古 今西 • 也 用 革 記 鞶 者 羌 帨 之 鞶 謂 鑑 按 女 韋 。」足 屬。 胡 是 爲 鑑 方 以 : 盤 之 施 蓋 以 羗 囊 女 盤 雙

> 始惡 之文,不如此輯 氏 陽 於 湖 王, 洪 氏 積 輯 而 本 本 成 -爲妥。 俱 怨。 連 E 僖二 爲 服 + 義 四 年, 然 玩 遂 其 執 語 王 意 使。」 似 爲 金 孔 谿 疏 王

案: 享予 爵 爵 禮》「實二爵」,注 禮器》「貴者獻以 者 注 , 爵, 一、周 吕 覽 是玉 玉 禮 · 孟 ·太宰》「大 爵, 爵 春 王 也。 引舊 爵」,故云人之所貴。 禮 注 《儀 諸侯 説 爵 朝 日「爵 禮 之 飲 覲 • 特 酢 器」, 會 升 爵。 同 牲 知 今因 饋 贊 是 0 食 玉 玉

過,欲 故 本 二十二年 疏 赦 而 令文姜之過 後葬 傳 肆 以以 大
告
。 説 臣 因 子也。 是 賈 得 日 除 魯 「文姜爲 大 以 葬 赦 文 或 有 中罪 姜。」

過;肆,緩也。」緩,即寬宥之意。《周案:《書》:「眚災肆赦。」某氏傳:「眚,

案:

正義此文下云:

「言鄭伯以其父得賜不如

號公,爲

是

升

日

一爵。

爵,人之所貴者。」同

上。

0

恭

冕

謹

王

予之爵。

服

日

爵

飲

酒

玉

爵

也

:

^{●「}舊」、《經解》本作「書」。

公議 此 赦 者 禮 年 不 名 也 赦 亦 注 日 人 有 七 忍 罪 使, 兆 年 或 此 口 未 出 月 以 葬 中 者 意 IE 世 域 無 冢 文姜出 謂 以 姜 奔 嘗 薨 文 月 絶 亦 也 詞 戰 隱 見 罪 書 有 所 姜 不 始 不 至 矣 敗 事 使 同 貶 姜 夫 以 當 爲 葬 文 而 奔 + 姜 無 之 凡 在 與 先 姜 親 解 于 何 乏 之 有 勇 故 洗 死 兆 弑 肆 肆 者 説 須 與 者 罪 月 日 緣 上 濯 於 投 其 域 割 赦 赦 魯 以 弑 當 惡 起 文 之 諸 兵 君 魯 者 之 13: 赦 之 桓 亦 合 也 書 列 稱 塋 史 故 者 後 子 除 葬 禮 與 臣 不 魯 夫 臣 季 外 之? 之 矣, 而 赦 洗 不 難 不 民 人。 此 莊 當 氏 以 所 愛, 後 然 合 滌 人 也 爲 公 合 罰 而 以 之 葬之, 葬 下 兆 曲 子 姜 所 知 夫 然 葬 溝 之。 諱 必 即 意 不 遲 以 莊 正 後 域 以 不 X 昭 或 之 得 義 書 魯 解 惡 然 得 大 公 至 肆 又 則 前

> 月 則 夏 不 書 書 已 五. 之苦 月 時 時 禮 不 記 若 心 書 中 口 賈 雖 月 庸 概 無 ; 疏 服 見 若 事 日 矣 視 視 : 朔 朔 孔 若 而 氏 登 登 不 臺 登 臺 説 臺 而 則 非 不 空 則 也 視 書 書 朔 時 月

月 則 故 禮 案 即 廟 南 子 禮 文 玉 聽 于 有 至 也 也 + 記 藻 ^ ° _ | ≪ 朔 時 疏 時 僖 > 公既 言 也。 凡 聽 文 年 Ŧi. 詩 故 玉 分、 治 是 》。 年 登 以 藻 • 登 視 此 也 > 臺 至 靈 \leq 觀 每 傳 朔 臺 月 四 不 臺 諸 兀 月 : 啟 是 聽 朔 遂 不 視 > 侯 時 以 几 疏 春 之 登 視 朔 閉 朔 ; 朔 皮 時 日 觀 王 朔 事 諸 則 告 又 弁 之 : 必 IE 臺 書 侯 是 神 謂 謂 \sim 事 書 月 以 以 當 時 也 之 之 公羊 雲 辛 謂 望 聽 視 _0 有 不 物 之 亥 聽 視 朔 書 朔 是 時 告 **>** 朔 而 朔』 于 爲 是 朔 説 臺 月 視 朔 太 備 日 每 朔 天 ;

事 登 書 年 月 登 視 臺 者 七 素 以 臺 朔 冬十月」者 年》 一視 而 不 書「秋 明 存 但 朔 登 但 登 禮 視 臺 禮 書石五 也 七 朔 則 視 並 明 月」「冬十 也 朔 書 若 無 月一、 不登臺 備 月 然 闕 此 也 不 書 則 不 雖 書 户」、《 書 無 夏 及 桓 時 事 五. 視 , 夏 几 一月」而 以 紀 朔 成 年 者 核 + 也 > 仍 及《 實 年 書 不 明 ^ > 也 不 七 不 時 桓

也 傳 0 羇 陳 旅 世 之 家 臣 注 賈 日 . 羇, 寄 ; 旅, 客

翹 翹 旅 義 重 無 過 異 乘 周 行 也 禮 寄 止 • ^ 服 廣 遺 者 日 雅 0 人 : **%** . 鄭 釋 翹 氏 以 詁 翹 通 待 *****: 釋 羇 遠 旅 貌 旅 此 則 客 注 分言 詩 也 • 漢

舉 貌。」此文「翹 文選 南 都 翹 賦 當 \approx 訓 翹 高高 遥 遷 延 《詩》 注 翹 輕

廣

使 爲 監 器 掌 語 亦 唐 焉 案 翹 衆言之也 時 虞已 之職 錯 百 猶 工 工 • 注: 謂之百 工 齊語 日 正 薪 奚 攷 上曰 之長,亦 號 仲 亦 亦 Ι. 百 \leq 0 爲 工 記 處 Ι. 共 賈 謂 7 工 車 禮 其 **>** 日 薪 工 五. 正 注 司 正 記 以 0 之 或 : 即 正 空事 IE 掌 • 也。 高 閼 又一 有 其 爲 月 五 注 者, 六 父 百 職 以 令 ※: 官之屬 名矣 正 材 司 職, 爲 Ι. 訓 也。 飭 空, 各 陶 五. 白 遠 長 有 正 謂 監 百 於 材 齊 Ι. 也一, 似 世 之 也 百 Ι. 言 以 天 與 家 未 正 咸 則 辨民 居 地 ^ 確 者 者, 百 齊 或 几

禮 案: 也。」然齊桓賢敬 禮 郊 特 牲 **>** 外中,欲 日 : 大 至 工其家 夫 而 敬仲 饗 君 或 非

字,又

一戒

作

敬

示

戒

慎

也

本

疏

詩

湛

露

疏

引

無

將」字、「之

臣

1

其

畫

服

日

:

臣

將

享

君

必

1

之,

以二示 辭 臣 同 帥 神 日 大宗伯 有戒而不ト日」者 享 執 不得 享君異故 者。《 享先 之實 事 敬 神 而 故 周 慎 示 王 事 1 設 皆 禮 也 必 也 日 凡 享禮 1 前 非 . 祀 太 期 日 虚 敬 臣 大 宰 以 + 詞 仲 則 之 神 待 或分 日 也 於 享 桓 凡 享 帥 君 君 公 相 若 臣 大 執 亦 尊 祀 耳。 臨 燕 1 鬼、 事 當 五. 秩 之與 食 其 而 祭 「享必 1 帝 相 響 畫 1 日 等 大示 飲 神 祀 日 禮 是 所 大 1 與 示

之後 五 世 一之後 與與 「言完 卿 並 並 五 列 於 ~ 」◎田 世 IF. 之後」者, 卿 敬 仲 世 服 家 下文 日 注 : 乙 言 完 陳 Ŧi. 桓 世 子

宇 卒 始 孟 益 於 正 湣 爲 齊」。 五. 敬 孟 世 仲 莊 生文 也 ^ 仲生 史 記 子 與 須 穉 • 卿 無 孟 田 並 文子 夷 敬 列 仲 穉 世 生桓 孟 者 家 夷 正 生 子 義 湣 無

> 莫之與 : 京 位 與 卿並 服 日 得 :「京,大也 爲 大 夫 也 同

觀。 杜 乾 遇 漢 並 觀 案: 上 上易 皆 坤 一,否。」 之否 同 下 叢説 此《 馬。」 乾 Ŀ, 爾 同 是 否。 賈 上。 服 雅 賈 觀六 服 同 釋詁 日 同 觀 四 義 本 交 爻變 疏 在 坤 而 六 下 爲 按 否。」 四 巽 杜 上 注 變 疏 謂 觀 而 坤 之 賈 下 坤 否 巽 服 上 下 及

衆 闕 天 E 坤 輩 案 互 坤 次觀焉 體 體 地 坤 ,宫室之象。 下 正 爲 乾 乾 不 據《 爲 艮, 義 上 通 故 乾 地 周 申 謂 艮 爲 爲 否』,及『六 其 易》之文知之。 杜 之觀 爲 衆 天 日 氣 宫 門 -上 上 室 天 也 闕 體 下 此 而 不 巽, 注 下 四 可 否 下 地 風 體 爻 降 巽 塞 上 坤 劉 化, 變」, 坤 有 爲 下 地 炫 故 使 木 風 巽 坤 不 謂 云『下體 諸 爲 天 而 爲 上 E 之否 下之 爲 如 地 騰 觀 門 此

乾 也 合 坤爲 按 否 觀 故 六 四 陰 變爲 爻 變 否也 而 爲 陽 則 爲

著 風 王氏、洪氏列入服注 復爲木,風吹木實落 土 行 也。」本疏。 而 著於土 〇恭冕謹案: ,以意揆之,良 去,更生他 服 日 土 「異 本疏下云「一 而 長 育,是 在 坤 爲 上,故 日 在 巽 異國」。 爲風 爲

語 案:《易 上,是風著土也 城 • 晉 復 於隍」,虞 語》注:「著, 説卦》: 注:「 「異 附也。」觀,坤下巽 爲 坤 風。」又《泰》爻辭 爲 積 土。」《 或

二十三年傳 士 賈曰: 「士萬、晉大夫。」

二十 晉世 四 家 年 洋 經 大 大宗 、婦覿。

:

姓 大夫之婦。」《詩 齊同姓之女,宗婦謂齊同姓之婦。」 姜,齊侯 案:《詩 正 使諸 義》云: 姜、宗婦 常常 棣 「《襄 》疏 來 會葬 賈日 年》 」,●諸 傳 「宗婦 是同 姜 葬 同 謂 齊

0

會」、《春秋左傳正義》作「送」。

姓 大夫之婦 名 爲宗 婦 也

外 赤 孫 歸 曹」連文,故賈云然。 于曹。 ,故戎侵曹, 上經 「戎侵曹,羈 賈 逐羈 日 「羈是 而 知「赤 出 立赤。」 奔 曹 陳 爲 君 本 赤是 與「赤歸 戎之外 疏 戎之 于

與宋納鄭厲 者,以非戎之自出,戎不 歸 略 同 公同。 賈 説 杜云「蓋爲戎所納,故 逐羈 而 立赤 也,

+ Ŧi. 年 傳 乃城 聚而 處之。 賈曰:

邑。」《

晉

世

家

注。

都絳 案 聚 城 城縣,而 相 非一地,亦非 \Rightarrow 一,顧 晉 傳 世 爲 聚 氏 家》 晉 在 棟 置羣 今絳 謂 高 一時,《史》 曰 : 「: 城 州 公子之所 縣 聚 此 都 東 時 之, 南 是 之絳 + 混而一之, 命 里 城絳、城 日 有 都 絳 車 爲 箱 始 翼

儀

二 士 八年 經 無 麥禾 服 日 : 陰陽 不 和

氣 貴 之急 麥」也 皆 穡 陽 暢 下 天 和 也 之 道 降 賴 氣 爲 達 而 不 秋繁露 舉 養, 乎 地 也 煖 萬 而 御 則 天 篇 迎 以 土 物 覽 故 氣 . 中 養 地 生之,出 稼 育 而 説 禾 E 者,天之 之道 引《 之。」《禮 成 焉 穡 掛 麥不 煖 騰 陽 失 書 燠 者 今陰 王 而 成 7 陰 孰 其 大 書 命 美 天 也 用 多 傳 爲 記 性 . 天之道 陽 布 於 一本 之 篇 ***** 也 清 · 月令》: 洪 矣, 農 和 失 寬 以 ***** ; 範 疏 調 事 水、 和者 成 也 故 是 **>** 「天之道 日 所 之。 故 火 土 陰 天 陰 大 謂 氣 土 物 與 又《 者 之功 無 爰 陽 無 陰 天 生 循 皆 天 禾 稼 陽 氣 出 金

臧 孫 辰 告 糴 于 齊 服 日 : 無 庭 實 也。

春

左氏

傳

賈

服

注

輯

述

卷

四

之外, 糴 之例 者, 案: 故 故 矣。 齊, 語 于 束 皮 聘 云 禮 重 帛 則 禮 齊, 云『如楚乞師』。 于齊」, 直 穀急辭 或 聘 一言『如 庭 卿 云「不言 魯 用 》云「庭 以 禮》疏。 是告 無 如 以 更無 實 皮 語 經 聘 享 庭 馬 不言「如 **>** 直 謂 問 無 0 禮 齊 實 : 糴 所 「不言如齊, 實 馬 云『東帛 皮 如 鄰 告 也 疏 之 正 有 注 臧 若 齊 則 0 糴 或 云 物。二 義 皮 孫 皮 用 齊 皆 故 服 重 $\overline{ }$ 日 則 ; 實 馬。 辰 : 書 釋 知 穀 如 春 乞師 以 攝 于 非 足 以 與 急 無 享 重穀急辭。」本 如 秋 其 之, 以 庭 又 常 徵 鬯 辭 禮 鄭 庭 則情 **>** 皮 其 若 例 也 圭 某 無 臧 氏 實 馬 情 者,《 注 也 與 皮 則除 同 孫 有 緩 也 相 ^ 急 此云「告 故 玉 馬 辰 言 儀 於穀 言言 春 間 於 服 之 磬 彼 告 禮 束 則 ^ 秋 實 或 有 帛 則 如 疏 糴 以

579

九

木 木 二十 非 九 戸 公 年 命 作 經 也。 新 有 延 新 本 廐 木 疏 延 廐 賈 不 日 書 : 言 作 新 所 用 有 之 故

木,以 雉 謂 注 也 案 僖二十年 作 門 0 有 故 字 修 所 及 不本 公羊 興 舊 兩 舊 傳 造 則 於公 觀 $\stackrel{\cdot}{\approx}$ 則 傳 也 也。」言 有 新 _, 仍)° _|« 故 命 作 言 : 皆 漢 木 南 言 故 新 新 興 書 門」、《定二 矣。 經 作 延 造 新 . 不 禮 廄 則 ^ 作 書 樂志 知 楚 者 當 所 作 辭 何 用 而 年 用 洋注 ? 新 • 此 也 × 雖 招 木 作 修 新 獨 有 矣。 魂 作 舊 無 新

本疏。 賈曰:「言及,先後之辭。」

邑。」本疏。

賈

日

鄣,

紀

之

遺

:

案:《公羊傳》:「鄣者何? 紀之遺邑

邑當 紀 州 注: 有 也 在 也 鄣 Z S 紀 穀》云『 城 贛 鄣 傳 今 ~ 紀郭 酅 即 紀 附 青 城。 爲 榆 杜 穀梁 鄣 此 縣 州 近 云『紀 也 在 鄣,紀之遺 者 北 距 府 即 傳 東 《説 謂 本 杜 紀 七 壽 海 * 昭 本 附 分 + 光 太 贛 文 》: + 紀 紀 庸 爲 遠 Ŧi. 縣 鄣 榆 九 邑。 或 或, 里 或 西 兩 年《 非 之 郭 是 紀之遺 有 之 地 南 東 許 與《 鄣 也 左 故 酅 非 平 意 紀 邑, 傳 紀 + 左傳》合 邑 無 莊三十 也 邑 邑 》之『 里 鄣 猶 也。 今江 鹽 也 也 城 紀 古 縣 齊 紀 城 東 段 蘇 年 紀 賈 亦 公 語 鄣 之 北 氏 海 鄣 或 本

也。」 傳 鬭 本 射 師 諫 服 E : 射 師 若若 敖 子 鬭

班

案 師 與 Œ 班 義 必 日 : 非 人 射 師 也。」 攷子元伐鄭, 傳 被 梏,不言· 舍之, 知 在 射

矣,豈 間 此 時 元 一 者,必非 不 八年 越 書「舍之」,蓋傳 見子元見殺之由, 猶 至 梏 歸歸 三十 而 處 不 年 王 舍 秋 宫 乎? 始 而 所 殺 射 略 非 子 師 傳 也 元, 諫 敘 時 之, 執 將 鳥 事 梏 見 及 當 也 殺 在 事 网 子 其 於 稘 是

三十二年 經 城小穀。 服 曰:「不繫齊者,世

鬭

班

乎

其

禄

然。」本疏

傳 後 子 禄 於 邑 畿 弟 不 孫 周 内 所 鄭 稱 《禮記 念。」《周 無 者 食 也 必繫之於王,如 注 取 邑。 世 。」若然,惟 温之麥」,及「晉人伐原」,未嘗 禄 王制 • 禮運》:「大夫有采, 都鄙,公卿 禮 則 周、召、毛、聃、畢、原 • 小 太宰》「以八則治 》:「諸侯之大夫,不世 穀 王之 既 温 爲 大夫之采 卿 、原、皆世禄之邑。 齊邑,當繫之齊。 大夫 有 邑, 之屬 采 都 以 人邑,其 王 處 鄙 在 一爵 繋 子 其

任

也

知爲

任姓

者,以下云「見孟

之異

文,

是

魯

有

爪

氏

亦

判

也。」孟

子母

仉

今僅 世 云城 其 禄 小穀」,是與世禄之例相同 然 故

傳虞、夏、商、周 皆有之。 服曰 : 虞舜 祖

考來格,鳳 案:此《書 皇 來 • 益稷》文,引以證 儀,百獸率 舞 本 疏 虞 興 神 降

之實。

《魯世家》注 臨 黨氏 賈 日 : 黨氏, 魯大夫,任 姓。

黨 氏, 仉 「爪」。《説文》:「爪 案:「黨」、《釋 假 借字 即 爪 也 ,

從之。 割 見 層盟 孟 世 家 公。 注 服 日 賈日 :「從之,言欲與 服 日 「黨氏之女。」同 割其臂,以與公盟。」 通 也。」本疏

作

文》:

「音掌。」本字當

圉人举。 服曰:「圉人,掌養馬者。举,

其

名

也

口

上。

牧 案 有 之 牧 事 IE 義 ^ 昭 : 年 周 > 禮 傳 日 : 幸 人 馬 掌 有 養 幸 馬 牛 芻

调 能 門 投 蓋 之 上 於 也 稷 0 門。 水 經 服 泗 日 水 注 : 能 投 千 鈞 之

丈 思 或 案 以 拔 鈞 考工 之 以 爲 世 Ш 門 諸 重 大 舉 宫 記 説 之 半 侯 雉 隅 鼎 》一治 苑 高 未 兩 之 云 高 0 數 知 城 爲 制 爾 氏 辨 未 用 鈞 制 七 丈。」 重 物 聞 何 非 雉 **>** 説 注 事 以 又 鋝 三十 注 説 過 實 然 日 不 注 於 日 也 其 : 口 其 千 宫 城 斤 宫 隅 ^ 上計 隅 今 爲 鈞 匠 服 隅 東 制 謂 之 云 之, 高 猶 萊 鈞 角 職 制 浮 七 稱 稱

及

角

浮

思

之處

矣。

千

鈞

之重

元,服

未

指

蓋

蓋

橑

也。」「弓長

六尺謂之庇

朝,五

尺

謂

尺, 倍 4 蓋 中 蓋 劉 覆 達 4 爲 立 不 蓋 日 而 常 之 杠 ? 者 炫 蓋 門 也 乘 以 知 何] 0 四 後 鄭 果 也 也 物 指 具。 以 於 上 司 \wedge 周 尺 帛 下 鄭 司 考 爲 稷 農 謂 桯 禮 者一 爲 也。 農 杜 如 注 工 門 弓 注 信 韋 之 車 . 之, 杜 云 注 記 蓋 整 倍 蓋 巾 其 所 加 走 > 輕 謂 之六 廣 車 桯 投 達 説 後 部 而 而 達 而 斗 輪 四 > 韋 常 鄭 , 其 孔 所 則 帆 自 常 柄 蓋 寸, 枚 人 以 注 掌 承 氏 蓋 投 傳 風 尺 斗 爲 爲 達 蓋 帛 謂 接 文 ___ 其 後 也。」「 蓋 非 司 部 不 斗 常 物 則 當 杠 其 張 鄭 農 廣 口 $\overline{ }$ 當 柄 者 也 蓋 長 達 屋 云 帛 投 注 注 周 連 之 高 八 部 部 常 F 亦 之 能 物 : 尺, 禮 文 桷 長 桯 廣 韋 謂 以 物 投 杠 反 之 野 桷 車

則十 注 千 蓋 尺」,是 上 庇 禮 輪 之重 鈞 輪 尊 人爲 ·尺也 所 之 而 蓋 川 蓋 謂 重 可 宇 蓋」。 尺 者 狀 ,其弓則二十 知 有 潦 卑 謂 達 之,或 車 0 主 是散 常 是 則 謂 爲 庇 劉 吐 亦 有 蓋 軫 雨 名 説 水 謂 桯 車 設 則 正 E 有部 車 有八也,皆統 歟。」「 疾 未 分,大名則 也 欲 蓋 而 可 歟 尊 雷 是 非 乘 有弓,其 而 遠 故 也 車 宇 蓋 無 欲 之 後 崇 服 蓋 卑 鄭 以 其 長

鳥。」《魯世家》注。 服曰:「酖'鳥。一曰運日

晏,注 色, Ш 服 運 所本。 其 長 《説 又 鳥多 頸 作 ○
山 暉 鴆 赤 暉 Ħ 喙 海 鴆? 郭 經 鴆 ^ 食 淮 注 毒 鳥 . 蝮 鳥 南 中 世 蛇 也, 0 鴆 Ш 頭 繆 或 經 大 名運 作 稱 雄 **>** 如 名 女女 鴻 雕 暉 運 日 ·, 几 0 紫 日 日 緑 之 此 知

> 之則殺 鷹 醫 金 公讚》云『鴆 日 别 食蛇 正 録 劉 如 義 **>** 逵《 及 鶚 云 日 橡實 鳥 吴 毛 : 鴆 食 $\overline{\ }$ 都 黑, 蝮 鳥 常 廣 賦 以以 喙 居 志 注 一名 長 **>** 高 > 羽 云 七 Ш 翮 鴻 鴆 巓 櫟 寸, 鴆 日 鳥 酒 ^ 鳥 水 黄 晉 中, 又 語 赤 形 名 作 飲 如 似

成 力 不 季 能 奔 誅 陳 故 避 服 其 難 : 出 奔 季 友 内 同 上。 知 慶父之情

哀姜欲立之也。案:「知慶父之情」者,知其通於哀姜,而

年》疏。 服曰:「閔公於是年九歲。」《閔元立閔公。 服曰:「閔公於是年九歲。」《閔元

案: 被 九 Z 弑 歲 関 服 時 公死時 當 於 與 此 爲 関 注 + 年 合。 九 年 歲 歲 **>** 若 傳 而 然, 注 疑 服 有 則 云 於 錯 関 僖 公二 即 位 年 年 時 注 公 年

春秋左氏傳賈服注輯述卷五

○ 元

和郡

縣志》十

四引

魏

在晉之蒲

坂

姓

魏

在

晉

之

蒲

坂

河

東

也

0

晉

世

家

以

滅

耿

滅

霍、

滅

魏

服

日

或

皆

姬

嘉興李貽德學

閔

公

元年傳因重固。 服曰:「重不可動,因其

不 此意。 也,《 案 注: 可 語》注、《 固」之言堅者 動 「重大,厚大,故不可 而 説 襄 堅固 文》:「重,厚 廣 雅 四 之。」本 年》 • 釋詁 詩 傳 疏 . 也。」《 天 因 並 保》 動 重 云 野。」《國 吕覽 而 傳云 因 撫 . 之, 古 就 語 貴 也 生 即 鄭 堅

後

秦

人還

蒲

魏

喜

日

「浦

反」矣。

謂

秦

名之,非

也

0

臣

瓚

日

:「《秦

一世家》

云

以

垣

爲蒲反」,然則本非蒲也。」又「河北」自

或。 應劭 云。 曲 書 魏 叔 案 姬 日 地 0 風 處 姓 理 $\overline{\sim}$ 孟 杜 地 譜 又 封 也 日 襄二十 志 於霍 魏 康 注 河 理 世 日 : 亦 志 東 河 秦 史記 其 **▽**: 家》言 魏 云 郡 東 始 九 本 者 皇 郡 年 皮 後 姬 . 魏 》傳 管蔡 蒲 蒲 東 姓 氏 番 周 周 亦 是三 廵 也 反 自 獻 以 : 以 姬 見 自 公時 不霍、 世家》言文王子 注 封 封 姓 晉 長 注 同 或 司 文 坂 滅 楊、 在晉之南 姓 皆 耿 姓 公以 故 焉 故 韓 姬 子。二 鄉 加『反 日 姓 賂 魏 彼 詩 故 蒲 也 漢 霍 皆 耿 疏 河 .

畢萬 亦 都 然則 注 舜 魏 即 之 者 所 。」按 地 魏 「境 「虞舜 誉 詩》魏國,晉 都 • 内」言之也。 都 此 河 謂 所都之 則 北 或 境 魏 云 内 蒲 非 蒲 有 坂 地, 在 獻 坂 其 坂、阪 近 蒲 公滅之,以 都 之,故 即 彼 阪 耳 河 疏 矣。 同 東 引 云 據 《詩 縣 皇 此 封 虞 甫 是 譜》云 大 舜 謐 也 則 服 夫 所 云

都。」《晉世家》注。 服曰:「邑有先君之主曰

案:此莊二十八年傳文。

而位以卿。 服曰:「謂將下軍。」同上。

案:《周禮·大司馬》:「軍、將皆命卿。」

今申生將下軍,是位以卿也。

案 《周 位 禮 ・太宰 次也。」又「 職》注: 以 班 八 則 禄 所 治 以富 都 鄙 臣

> 舉 邑。 食 此 子 經 虎 邑 注 極 從 言 矣。 亦 通 邑。」《禮記 日 以 士 : 今申生封之曲 下 都鄙 禄位 處其子孫。」是不 列 升 爵 天子之元子 表記 以以 也。 篇 ,公卿大夫之采邑,王子 止 於此 **>** . 爲 注: : 今申生 禮運 人 也 王 無 .沃 士 》:「諸 極 者 生 位 得嗣 是 太 得 猶 也 以 禄 子 0 貴 盡 下 侯 位者 己 亦 者 然 也 卿 有國,國即 極矣。 稱 則 乃 諸 是 1 極 弟 何 位 有 盡 侯 於 已 世 ? 都 所 采

卜偃。 賈曰:「卜偃、晉掌卜大夫郭偃。」

同上。

案: 偃 普 者,言爲掌卜大夫也 或 大 夫 語 1 • 偃 石 也 語 是 郭 用 偃 賈 韋 義 昭 稱 注 郭

●「虞舜所都之地」、《經解》本作「舜都」。

萬 至 戏」、《 堂 陰 碑 嵬 謂 案: 萬 義 也 是 萬 改 巍 巍 盈 名, 萬 同 至 爲 畫象》「象 之萬。」正 巍 巍 陰 委 《御 數 也。 滿 是 萬 (聲。』『 今 高 郡 也 韓 萬 至 魏 盈 覽》七 巍 則 大,故 始 敕 萬 巍 魏 顧 魏 爲 數 魏 郡 名 以 当當: 氏 巍」、 或 義 陳 巍 兩 滿 滿 大 喻 億 百 後 南原云: 日 目 球 側 高 字 ^ 從 作 也 也 巍 名 魏 稱 五十引《風 : 楊 後 衡 題 巍 省 『巍 之『巍』, 也 是 闕。」《孟 君《石門頌 碑 名 方 ^ ^ 數 高 作 萬、 以 魏』,是「魏」、「 淮 魏 碑 從 大 \sim 巍 往 魏 世 南 巍 + \leq 也 説文》:『巍,从 服 令」、《 皆 家 俗 至萬 郡 0 0 恢 子音義 . 即 萬 日 通 俶 司 以 按 》一南 : 巍 *****: 巍 每十 上 楊著 百 萬 真 萬 絳 武 數 ^ 学下 國一之 萬 7 爲 鄭 梁 之 滿 父從 魯 注 碑 巍 極 巍 和 引 干 數 則 千 祠 峻

萬

. ;

謂

天

開

其

福

同

上。

以

是

始

賞,天

啟

之矣。

賈

日

以

魏

賞

畢

:

言 志 皆 整一、 義 之。 作 相 **0** 杜 兼 巍 也。 華 瓊 Ш 傳 或 亭 緯 作 碑 書》「當 魏 魏 \leq 者, 户 曹 大 塗 服 掾 也一, 高 以 巍 指 巍 嘗 是 魏 巍 威 兼 ~ <u>=</u> 釋, 高 魏 大 或

受此 案 之賞。』《郊 也。」《釋名 令》注: 啟 開 顯 説 賜 也。 文》: 賞, 是 特 天 牲 釋姿容 「賞, 謂 襄 開 *****: 有 十八年》傳 其 賜 富富 功 福 有 德 矣。 廣 也 功 者 者,福 雅 世 . 有 釋 以 善 也 禮 詁 顯 人 記 畢 賜 富 並 . 謂 之 萬 月 云

晉。」本疏。 服曰:「畢萬在周,筮仕

于

0

楊」,原作

湯」,今據

《隸

辛 坎 遇 屯 E 之比 比 賈 屯 \Box . 初 賈 「辛廖 九變之比。」《晉世 \Box 一一一一 「震下坎 大夫。」同 Ĺ 一, 屯 ; 家 上。 坤 下

審 年 遞 經 惠 古 一。」《禮 校 宋本 禘 于 作 記 莊 諦 王 公。 制 昭 》疏 穆 賈 遷 日 主 遞 褅 位 者 孫 遞 居 也 \pm

者 之 始 祖 昭 也 廟 王 一言》: 之 廟 祖 制 穆 杜 廟 禘之言遞,以 之後 廟 而 者 注 廣 之遠主 七 而 「遞 言言 雅 云「三年 7,父曰 天 ; Ŧi. 諸 子 審 一當遷 釋 迭 ~ 侯 七 視 昭 也 周 詁 喪 五. 廟 而 音義)° | « 子 人桃 禮 畢 廟 ,三昭、三穆 更易之也 日 • 説 兼 遞 致 小 穆 文》: 釋 代代 昭 新 0 宗 也 孫 死 伯 也 遷 居 者 遞, 穆, **爾** 主 注 禮 之主 與 王父之 遞 審 與 太 記 更 雅 自 位 於 祖 遞 太

> 父。 位 者 如 , 王 爾 父 昭 雅 則 . 釋 孫 亦 親 昭 * 位 · 王 父 之考 父 穆 爲 則 孫 王

亦穆位。

姜殺 九 不 月 去姜氏 夫罪 ,夫人姜氏 重,故· 本 疏 去姜氏; 孫 于 邾 哀姜殺 賈、 子罪 服 日 輕 文

以 案 姜 般 絶 見 絶 不爲 故 《 莊 之, 殺 去氏 明 是 元 親 其 哀 年 罪 姜 以 : 重 有 文姜 也 夫 殺 人 子 與 慶 孫 之罪,然 弑 父 于 通 桓 齊 公 哀 故 姜, 輕 傳 於 而 舍 \Box 文 子 族

傳號公敗犬戎于渭隊。 服曰:「隊,謂汭

也。」《

水

經

渭

水

注

傳 案 汭 于是 音 今 本 義 得 作 相 絶 司 汭 鈃 故 Ш 舉 與 之隊」注: 服 以 釋 異。 也 服 隊, 以 穆 天 隊 子

00

南 鄭 水 隈 中 曲 隩 注 相 曲 險 隈,崖岸委曲 隈 亦 阻 原 人 心。」《説 也。」《 道 爲 道 隈 》以 隊 也 一。」谷 曲 文》 書 義 中 曲 • 互 ·: 中 也 隈 召 證 之 隈,水 深 誥 也 險 ^ 潭 》「攻位 爾 阻 相 雅 曲 説 爲 予」,高 隊,崖 隩 文》 于洛 也。」《 釋 邱 汭 岸 注 汭 淮 之

年 齮 初 、公傅 九 魯大 歲。」本 夫。」《魯 奪 1 齮 世 田 家 、公不 》 注 禁。 服 日 : 「公即 賈 日 位 時

使 謂 之闡 1 齮 。」《魯世家 賊 公 于 武 洋 闈 賈 日 : 宫中 之門

案 記 門也。」《説 此《 匠人》「闡 爾 ·釋宫》文。 文》:「闡, 門 容 小扃參个」, 宫中門。」《 郭注 一謂 鄭 考工 相 注 通

閒 于兩社 賈曰:「兩社,周社、亳社也。

庭

。」《朝士職》注:「外朝,在

庫門之外。」

小扃長二尺,參个六尺。」

兩 方赤 社 故國 傳 故 案 茅。』」包土者,使立國社,魯爲 土。 之閒 封 色,西 故將 社謂之周 土 白 立 虎 『天子有大 朝 封 社,示有 廷 通 方白 東 執政 社。「亳社」,則《 方諸 社 色、北、 之臣 稷 土也。」又云: 社 侯,取 篇 方黑 焉 所 》:「人 在 青 東 色,上冒 土,苴 方 非 同 周 上 青 哀 土不 王 「《春 四 色, 所 以 以

門 路 社矣。 也, 右 左 也。 亳 外。一 門外之位 社 右。」《司 社災」、《穀梁 注 稷,左宗 亳,亡國 《周 大 立亳 僕 禮 士 10 職 之社 職 廟」注:「庫 也。 ·小宗伯》「掌 太宰 注 》注:「此 傳》 亡 於廟 職 或 曰「亳社 燕 》 注 之社 之外」, 門 朝 王 建 内、雉門外之 日 以 朝 者,亳 治朝,在 或 視 是 爲 於 之神 朝 魯 廟 路 之社 事 有 寢之 屏 年》 封 亳 白 黄 秋 路 於 戒 南

0

仲 當 朝 廟 在 廟 矣。 雉 朝 朝 朝 也 是 王 又 治 之宗 平. 云 屏 雉 在 尼 内 路 侯 朝 $\frac{-}{2}$ 《定二 之外 服 門 與 雉 地 寝門 若 朝 周 朝 是 無 是 出 於 門 内 云 廟言之,右 内 服 則 亳 然 天 堂 也 遊 蜡 之 朝 年 雉 朝 與 外 以 子 社 階 於 賓 側 則 周 之 廷 * 門 之正 王 諸 在 故 江氏 日 觀 魯 禮 所 在 外 雉 侯 左 出 執 視 之上, 之 謂 注 社 無 在 路 門 皆 禮 遊 朝 政之臣 永 朝 外 周 之 稷 》云 在 朝 同 門 也。 於 及 記 有 於 日 朝 社 朝 觀 兩 \equiv 内 : 左宗 可 • 不 内 在 在 宗 廷 即 之上 禮 觀 朝 證 得 所 者 朝 治 右 庫 雉 廟 ^ 運 災 在 魯 云 注 廟 周 門 外 朝 門 廷 或 之宗 **>** 執 社 之外 禮 9 者 外 朝 : 謂 蜡 亳社 專 外 則 稷 政 玉 者 > 昔 此 之 指 平 所 廟 祭 朝 所 既 林 治 謂 指 者 燕 皆 内 爲 觀 内 在 地 宜 在 在

鶴

有

乘

軒

者

服

日

:

車

有

藩

曰

軒

同

上。

朝 ^ 閒 群 爾 傳 不 臣 雅 之 所 兼 . 列 釋官 謂 外 位 「有 朝 也 位 言 0 中 于 雖 庭 所 朝 分 之 謂 是 左 左 也 右 閒 右 于 謂 總 之 兩 在 位 社 兩 社 注 也

奔, 季 氏 魯 弑 則 君 魯 不 本 昌。 疏 服 日 : 謂 季 友 出

轓 爲 禮 案: 書 東 屏 羽 翳 之, 京 . 獵 巾 賦 塵 應劭 輿 説 賦 亦 **>** 泥 車 服 文》: 薛 > 作 **×** 注 也 志 注 注 引 轓 > . 注 以 韋 軒 車 藩 簟 屬 昭 耳 曲 爲 車 車 今 漢 反 輈 車 之, 有 有 時 書 藩 出 有 轓 藩 小 或 重 轓 所 者 者 用 車 景 也 日 以爲 革 藩 |° | ≪ 日 紀 謂 軒 軒 \approx 漆 之 文 之藩 朱 續 選 軒。 席 ^ ^ 廣 漢 兩 周 以

0

車 蕃 漢 雅 耳。 . 釋 太玄· 測 輿 器 日 服 志 積 君 轓 次》 子 引 箱 積 ^ 四 通 也 善 俗 亦作 至 文》:「 君 于 子 蕃 積 蕃 也。」《 善 車 至 箱 嚴 續 於 爲

齊 公之母。」《詩 宣公之長 人 舉 使 碑 昭 位 伯 庶, 伋之兄。 烝于 至 牆有茨 蕃 宣姜。 車」是 》疏 也 宣姜,宣公夫人,惠 服 日 一 昭 伯 衛

歸 薇 夫 疏 人 魚 軒 服 日 魚 뾆 名。」《詩

潤 弭 純 此 案:《詩 魚 似 魚 青,今以爲弓鞬步文者 獸 服 豬, 耳 」,此曰「魚軒」, 東 · 采薇》疏 海 有之,其皮背 引陸 然則 八幾《義 也。」彼 上 可 斑 疏》云:「 以 詩 文,腹 飾 器 象 惟 下 魚

重 錦 《廣雅 兩 • 釋詁 服 日 牢, 重 堅也。」《爾雅 牢 世 本 疏

> 也。」《 種 伐 東 蓋 釋 **0** 詁 重 Ш 水 晉 則 皋 經 世 牢 落 家 河 掔, 固 古 水注 氏 注 矣。 巡 服 也 服 云: 賈 故 云: 郭注 以「牢」 皋落氏, 東 釋 掔 Ш 赤 然 赤 翟 牢 也。 之 狄 古 都 别

家》注。 里克 賈 \Box 里克,晉 卿 里季 也。」《晉 世

食。」 以 朝 夫 案 里 夕 同 《國語 上。 季 視 也 君 膳 · 晉 語 與 者 賈同 也 韋 蓋季 昭注:「里克,晉大 服 日 爲克之字也。 : 厨 飲

注: 飯 厨 也 「膳之言善也。」又《膳夫職 主 飲,酒 食者 切 經 也 漿 音義 也 周 **>** 厨 + 禮 Ŧi. 即 引《 序 彼 官 職 蒼 注 所 頡 一、「食, 云「徹 膳 篇 夫》

於 造 者 也

口

上。

守 有 則從 守 則從 之,助 從 君 日 撫 撫軍 循 軍 士。土 服 同 日 上 有 代太子

所 守貴宫貴室、諸子諸孫守下宫下室。」即 政,庶子以公族之無事者守於公宫,諸 云「代太子守」者也 (禮記 • 文王世子》:「公若有出 疆 父

君 與 同 或 上。 政之所 圖 也 賈 日 : 或 政 正 卿

也

君 其 舍之。 。」《御覽》 百四十六。 服 日 : 「舍之,置申生勿使 將

不 對。 服 日 : 里克 不對。」同 上。

兵

也

教 之以 軍 旅 賈 日 將 下軍。」《晉 世

家 ジ注

色,駁 無 公衣之偏 懼 弗 不 得 衣 7 裻 在 服 服 中, 日 \Box : : 左 「不得立己也 右 偏 異,故 裻 之衣。 日 偏 ____ 偏 衣。」 同 上。 異

> 文 》: 本賈注 案: 又引《 七引《 昭注 正義亦曰「衣背縫也」。 而左右各自爲 史記 裻 白黑雜合謂 國 ·趙 《説文》:「 蒼 通 駁 裻 語 則 馬 頡 俗文》 服 在 世家》:「王 • 晉語》「衣之偏裻之衣」, 篇 色不 中,左右異,故 之駁。」《 賈同 色也 》:「駁,不 純 新 黄 也。 衣 白 夢衣 聲 《一切經音義》十 漢 是衣蓋以背縫分 切 雜 書 純 經 謂 日 偏 色 音義》 梅 之 偏。」 裻之 日 也。」《 福 駁 背 傳 韋 衣。」 拳。」 縫 説

佩之金 《漢書 從 注 案 並 玉。《説 玦。 云 或 . 語 半環 五. 文》: 行 • 服 晉 志 日 日 語 **>** : 玉 注 玦。」 以 注 佩 金 後 玦 也 爲 漢 以 玦 玦 書 玉 如 也 爲之、故字 楚辭 環 馮 而 同 魴 上。 缺 九

歌 注 同 今乃 以 金 爲

蒙 狂 止 玄 此 夫 本 阻 服 衣 疏 朱裳, 之。 言 君 主索 與 服 太 日 室 子 中 以 阻 敺 狂 . 止 疫 夫 也。 號 所 之爲 止 方相 之 狂 服 夫。 衣

之衣 篇 禮 阻 案: 之古 戈 矣。 夫 以 狂 揚 猶 · 方 夫 阻 , 義 盾 後 韋 也 知 或 詛字 鄭 一。」是 爲 相 如 以 昭 有 爲 語 方 氏 是 注 注 疑 歐 止 相 明言 > 云 爲 云 晉 疫 將 解 則 語 也 方 釋 黄 服 狂 以 * 韋 狂 相 則《 是 夫 金 韋 驚 阻 夫, 氏 且 服 衣 所 四 晉 毆 以 必必 目 服 同 字 見《 方 語 是 疫 者。 阻 也 雖 相 先 衣 玄 **厲之鬼** 周 氏 不 詛 爲 衣 也 禮 當 如 之士 同 之。」《 朱裳 三詛 爲 是 狂 杜 . 不 夫 如 以 口 相 而 也 周 服 執 辭 狂 阻 馬 傳 以

> 惡 也

案 以 之 知 疾 此 而 與 亦 其 義 其 迹 使 也 洪 似 父 亂 太 危 本 非 此 子 與 言 身 服 有 本 下云 義 所 悖 皋 既 太 以 惑 落 子 成 以 速 經經 死 殺 雖 不去,身 罪 在 而 戰 也 子 停 也 太子 之 勝 公五 罪 而 御 拘 必 年》,晉 歸 覽 服 故 於 危 **首** 傳 猶 日 侯 疾 四 節 : 備 不 殺 + 召 不達 其 衆 能 速 罪 太子 賢 免 〇恭 之言, 召 於 申 至 狐 冕 生 難 也 突

闡 M 成 也 0 季 之 周 繇 易 釋 文》。 服 \Box : 抽 也 抽 出

案 緒 記 子 近 繇 ° _ | ≪ 也。 。」《説 ^ 月 天 儀 釋 地 禮 文》: 文 釋 V . 審 少 文 牢 桂 引 摺 繇 饋 吉 李 桂 食 引 X 注 禮 兆 也 亦 》 注 繇 日 或 辭 抽 繇 从 所 吉 由 以 抽 M 引《 引 之占 聲 莊 其 禮 相

魌

頭

也

時

難

四

時

作

方

相

氏

以

難

卻

M

案:《詩·定之方中》疏。 案:《詩·定之方中》序、、故服云「卒在 有一卒」、《史記·衛世家》「戴公元年卒, 復立其弟文公」、《詩疏》云「狄以十二月 人衛、懿公死,其月戴公立而卒,又文公 人衛、懿公死,其月戴公立而卒, 立」,則戴公立未踰月即卒,故服云「卒在 此年」。

春秋左氏傳賈 服 注 輯 述

春 秋左氏傳賈服注輯述卷六

嘉興 个李貽

僖 公

元 年 經 夫人氏之喪至自 齊。 賈日 殺

故故 案: 但 子, 貶之也 貶姜」,援文姜去姜氏以明之也 但貶姜。」本疏 穀梁 傳》曰 。」賈蓋 : 本此 「其不言姜,以其 言 「殺子罪

輕

故

殺

服曰 丘 以惡僖公也。」本疏 傳公敗邾 一「虚 魯與 邾 師于偃,虚 丘 無 怨,因兵將還,要而敗之,所 魯邑。 丘 魯 之戍將歸者 有 亂 ,邾使兵戍 也 虚

> 鄪, 魯 公賜季友汶陽之田 《漢 還。 案: 虚 般之弑,成季以 侵魯」,傳無明文,不如服釋傳意之爲 遮而敗之也。 薇》字「 丘 一邑。」《魯世家 以爲之援。 要」者、《荀子・儒效》注 説文》云: 造成 趙充國傳》注云「遮也」,言 役 杜云「邾人因戍虚丘、欲以 僖公適邾 也」箋云:「戍, 成, 及 注 及公位已定,故 費 守邊 邾人 賈日 也。」《 云 守 因 「 汶 詩 邀 也 戍 爲 得也。 公邀 卒 也 魯 陽 將 采 戍

案: 注 之田』者也。」又「東海郡費」班 師古曰:「即《左傳》所云『公賜 汶陽也。 東南流,逕費縣故城南,爲魯季孫之邑」。 故 「汶水西 魯季 汶 陽 氏 《漢 在汶水之陽, 邑」。 逕 書 汶 • 陽 介沂 地 故 水 理 城 篇 《水 志》「魯 北 而 注 經 西 云 季 或 氏 注 汶 治 友 汶 自 水篇 汶 即 水 注 陽 陽 又 云 此

|年經||城楚邱。 賈曰:「楚丘,衛地。」《史

記索隱》十。

焉 郛 案: Щ 。」是楚 · 十二 陽 《僖 郡 成 二年》傳: 丘 武」自注云:「有 年 爲 衛 **>** 傳 地 : 也。 諸侯 諸 《漢 侯 城 楚丘 書 城 楚 . 衛 丘 亭。 地 楚 而 理 丘 封 志》 之 衛

南 滅 東三十里城 夏陽 一爲衍文。 南。」《水經 服 日 : 「夏陽, . 河水 ※ 注 虢 四。 邑 也 〇戴 一 在大 校 以 陽 城

案: 服 郡 服 本 所本也 陝」自注 《左氏》作「下陽」、《公羊》作「夏 同《公羊》。 云 故號 《漢 國, 書 · 地 北 號 理 志 在 大 **営**弘 陽 陽 農

德 江 人 善 黄 鄰 特齊 背楚,終 賈 日 : 爲 楚 江 所 黄 滅 稱 本 刺 不 度

案 縣 故 城 水 南 經 江 • 淮 或 水 也 篇 今其 淮 地 水 有 又 江 東 亭 逕 安 陽 又

> 爲楚滅。《十二年 鄰」, 江」,即其 於齊之遠,賴之; 乙 楚 黄 辭 柴 並 也 水 • 傳 惜 事也 又 文 其 誦 東 也。 地 > 逕 注 皆 黄 於楚之近,違之,後 與 説 城 滅黄」、《文四年》「 背,違 楚 文》云 西 鄰 也。」言 當 侍, 不 即 度 此 賴 江 德 經 也 遂 滅 黄 善 之

傳請以屈産之乘。 服曰:「産,生也。」

《公羊》本年疏。

假 在 虞 道 可 注:「天 案: 名産。 南 于虞以 《周禮 。」《晉世 産者 伐 家》注 • 大宗伯》「以天産作陰 號 動物, 》趙 注 賈 謂六牲之屬。」是馬 亦 日 云「産,生 :「虞在晉南, 也 號

●「弘」,原避清乾隆諱作「宏」,今回改。下同,不再,

〇八

案:見文三年傳

加禮,若卒於國。」本疏。許男新城卒。 賈曰:「不言于師,善會主

注云: 之以 禮 地。 傳 男 於外,與 案:《成 卒于師 也 日 : 死 侯禮」也。 於師 一諸 會 齊 十三 其 主 而 桓 在 侯 斥 年》: 不言者, 或 何 威 云「若卒 死 同 德 爲 齊 于 不 治 桓 曹 或 地? 著,諸侯安之,雖 ; 蓋 伯 加 以 不 廬 於 禮 善 内 卒 地。 或 會 于 桓 即 者 主 師 師 死 傳 也。」彼 之 《穀梁 。」今許 於外, 云 能 卒 葬 加

也。」 楚 屈 完 本 疏 來 盟 于 師 服 日 : 言 來者 外外 楚

梁傳》曰:「來者 子 案 之赗 《隱 元 杜 年 日 》一 : 何? 王 來 使 者 宰 内 自 咺 桓 外 來 師也。」内 之文。」《 歸 惠 公、 桓 穀 仲

武 伯 云: 案 故 後 公自曲 號 ラ 於此,是 漢 國 Ш 書 有 沃徙此。」又「弘 焦城 在 • 地 爲 西,上有 理志 北 虞公。」又「絳」 號 》河河 在 吴城 大 東 農郡陝」注 陽。 郡 周 大陽」 注 武 云: 王 自 封 云: 一一一 太 注

冀爲不道,入自顛較,伐鄍三門。 服曰:

「冀伐晉也。」本疏。

案:《説文》:「鄍,晉邑。《春秋傳》曰:

『伐鄍三門。』」是服、許同義。

冀 也 之既 將 欲 病 假道 則 亦 稱 惟 前 君 恩以 故 誘 之。」本 服 日 : 疏 虞 助 晉

三年傳 蕩公。 賈曰:「蕩,搖也。」《齊世

家》注。

案:《禮記·樂記》注:「蕩,猶動也。」《廣

雅·釋詁》:「揺,動也。」是「揺」即

「蕩」也。

四年經察潰。服曰:「民逃其上曰潰也。」

師,則外楚矣。服故云然也。

傳

唯

是

風

馬

4

不

相

及

也

賈、

服

日

「風,放也。牝牡相誘謂之風。」賈義見《書·費

誓》疏。○服義見本疏。

之」是 樂記 案 雄 中 追 解 牡 牡 軍 影引 相 放豚」,則 畜 風 引 》 注 雄 也 鄭 書 于 父。 而 也 注 <u>Z</u> 澤。二 放 云:「風、走 費 引 牝 牝 放 逸 誓》「 杜 也。 畜 亦走逸之謂。 也 雌 云牛 母。」《 也 馬 《二十八年 牝 牛 ·馬因 逸。」《孟子》云「如 牡 其 誘 廣 相 風」,《 者 雅 風 誘 《説文》云: 而 × 釋獸 者, 傳 走,皆失 禮 史記 言 記 * 集 益日 雌

昔 燕世 案: 召康公。 通 《説 王 家 》云: 者 文》以 不 服 臣 曰 : 召 篇 公 「召公奭。」《齊世 奭 爲 召 與 召 公名 公,文王子 周 司 姓 史記 家 也。 白 注 虎

天

一子選

諸

侯

之

賢

者以

爲

之

牧

也

。」若然,

天子

之

或

日

牧

注

云:

每

州

之

中,

則

九

伯

當

稱

九

牧

前

此言伯者

八周

禮

周 文王 子。 B 一之子 孫 H 先 周 棠》 無 生《 之支 名『 尚 疏 爽」 書 引 族, 今古 皇 者 食 甫 ,《史記 邑於 文 謐 疏 <u>二</u> 二 召 W 集 云 : 解 文 與 王 傳 引 史 譙 載 庶

記》同姓之説合。

之伯。」《周官 五. 五侯: 九州, 侯 案 揚、豫、 矣,而統謂之「侯」者、《隱七年》傳 公、侯、伯、子、男,凡 「諸侯者,公、侯、伯、子、男之總號。」周之 九伯 : 公、侯、伯、 《禮記 據《職方氏》爲雍、冀、 荆、兖是也。 • 大宗伯》疏。 子、 . 賈、服 男 \pm 制 九 日 **>** 伯,九州之長 《 曲 · 五. Ŧi. 云「王者之制 ○《詩 等」,既 禮 · 旄丘 等諸侯,九 \cong 幽、并、青 九州之長 各 》疏 有主名 疏 禄 引服 云 爵 州 Z

侯 也。 通 夏 制 者 大宗 也 云五 凡長 及 則 加 是鄭 選擇 封 伯 用 命 周 皆因 侯 旄 公侯篇 侯 皆 丘 八命 氏 若 侯 賢 疏 日 賢 > 十國 以 爲 云 疏 良,使長 侯爲 牧。 無 牧 作 州 引 賢 牧 牧 屬 以 州 牧 張 之。 是 侯 用 侯,與 爲 逸 也 注 侯 則 伯 伯 州 受《春 殷之州 云 用 州 何 即 伯 賈 九 州 伯 謂 謂 牧 伯 不 有 服 故謂 秋 口 也? 侯 也。 定 長 伯 以異讀 説 伯 也 伯 之伯 異 爲 若 有 伯,長 注 ^ 伯 州 有 功 云 ^ 德 虎 虞 王 賢 伯 鄭

女實征 可 詩 馬 爲 日 旄丘 職 太 掌 師 之。 以 》 疏 司 記 馬 九 是 伐之法 職」者、《詩 爲 服 檀 王官 日 弓》 : 之伯 征 注 太 討 · 淇 云 公爲 矣」。 邦 齊 國 、隩》疏 故 王官 太公受封 既 爲 得征之。」 之伯 引《 太 書 師 而 留

禮 後至 公師 其實 之志 鷹 馬 篇》云「 以言『伐』云,其法 兵 也 保之稱 顧 云 可 「蒼兕 揚 政 也 徒 命 . 變伐 1,知者 主 者 大 也」,是 尚 以 **>** 則 然則,太公雖官 諸 鄭 人, 王 答 斬 司 父左仗黄 六 侯 司 注 趙 蒼兕 者所以 是三公之有 ; 卿 馬 馬 之 ·, 大商 司 商 周之興 云「公兼 爲 **>** 于 職 大明》詩 空主 樂 問 實 1 或 也 以 , , 鉞、 記 立三公何 謂「三公兼 職 三則, 日 九 總 地」,以 如 也、太公實 》云「發 史記 右 爲 官 爾 伐 九伐 樹 師 云 \wedge 把 太 以 衆 白 之 保, 木 告 師 白 維 六 見三公有 之 庶 虎 灋 ? 之法」者,《 揚 齊 旄 師 有 師 卿 通 有 日 而 正 掌 蹈 世 與 尚 司 其 以 保 爲 伐 其 根 邦 厲 兵政 誓 家 爾 父, 馬主兵, 人則設 封 IE. 本。 職 則 或 舟 太公 實 述 時 公侯 次 號 則 得 壇 周 注 太 職 維 可 師

爾

貢

包茅

不

賈

日

包茅,

菁

曰削、曰侵、曰正、曰殘、曰杜、曰滅」

是也。

境 無 東 所 棣 至 至 于 也 海 一。」《齊世 服 9 西 日 至 . 于 家 是皆 》注 河,南 太 公始 至 于 穆陵, 受 封 土 北 地 至 疆 于

之東 境 官 是齊 之時 公始 笺 商 並 候》云『齊 闕 而 或 《史記 之西 是 , , 界 封 王 中 齊之西 集 天下 疆 疆 即 也 至 界,其 境 桓 在 解》云「皆 邊 注 ·, 封 所 霸 穆 平 齊 一竟 竟」,《 <u>-</u> 至 商 陵、 當 師 遏 世 東 言至 之後矣。 疆 尚父於 在 八 家 至 齊 無 釋文》云「竟,本 界也」,《 流 九 》云「於是武 海 境 棣 四邊之界也 河 以 , , 也 當 之 齊營丘 自 正 春 盡 最 廣 義 詩 秋 樂 西 周 日 · 召 王 安 王 禮 徒 計 : 地 亦 北 己 是 駭 $\overline{\ }$ 桓 序 太 平. 海 中

包,匭之也。以供祭祀。」同上。

之也。 之。 給宗 脊 是 酒 苴 注 子 解 浚也。』玄謂: 逵注《吴都 茜 説 名曰 茅爲 是 以 引 酒滲下去,若 文》云「 藉 讀 廟 賈云「包, 匭之」者 輕 鄭 書 爲 鄭 縮 爲「 供 祭 重 菁 茜 大 周 注 酒 祭祀 1 茜 禹 茅。」鄭 云 縮 夫 禮 賦》亦云:「 ,重之,故 象 縮 篇 貢 茅以 云: 禮 神 酒 之 *****: 菁茅, : 祭 神 束 甸 歆 用 注 共祭 沸 飲 束 茅立 之也 師 包 江、 又云: 蕭 故 茅 酒 包裹 之,故謂 **>** 小亦言 茅 軌 既 之苴 也 淮 下 加 之祭前 字 祭 有 菁 包 又 於 文云「王 之 即 茅 祀, 毛 裹 纏 醴 包之 献 裸 或 閒 引 刺 亦 之 齊 而 結 圭 共 爲 沃 此 以 縮 纏 者 又 史記 縮 而 也 而 蕭 縮 · ° _ | 傳 結 茜 茆 纏 酒 灌 酌 又 茅 文, 酒 也 劉 管 其 献 集

供 也

問 狩 不 昭 以 涉 王 楚 赴 也 南 漢 征 諸 未 同 而 濟 侯 上 不 不 船 復。 知 解 其 而 故 服 溺 故 昭 日 桓 王 : 公以 周 王 昭 爲 室 王 諱 辭, 南 巡

覽 異 船 荆 案 赴 穀 昭 諸諸 所 * 還 故 諱 梁 王 ^ 吕 之 謂 南 侯 得 疏 反 梁 涉 也 * 覽 巡 傳 水 不 敗 漢 狩 知 聞 而 . 也 異 舊 音 不 壞 梁 者 返, 説 辭 初 敗 · 昭 服 皆 也 w 卒 云 史 王 王 言 云 於江 記 抎 溺 王 漢 船 於 • 焉 周 濱 解 室 上 漢 周 之人 昭 一者 一,其 諱 中 本 與 王 之, 紀 ^ 本 卒 以 親 日 是《 * 不 不以 膠 將 疏 覽 赴 吕 膠 及 征 :

> 案 昭 南 聯 城 Ш 有 縣 血 隘 雖 數 始 有 以 小 : 日 是 也 表 城 無 百 犨 方 : 水 方 城, 名 里 縣 名 基 經 城 方 也 築 方城, 號 東 在 • 郭 城 爲 至 潕 漢 皆 仲 盛 方 瀙 水 楚 南 連 尋 産 弘 城 水 篇 北 也 Ш 此 日 之 0 之 : 相 達 城 注 日 接 阨 史 致 苦 引《 謂 比 記 陽界, 塞。」 號之由 之 莱、 而 葉 郡 集 長 漢 東 于 或 解 城 水 界 東 志 南 阨 > * 引 流 當 云 有 之 北 間 其 聯 即 韋 北 故 因 葉

死 王 事 十三。 賈 日 : 謂 朝 天子 以命用 師

《御

覽》五

百

五.

見 案 合 有 者,言 諸 征 ^ 討 侯 周 之事 而 禮 無 ・大宗 命 常 0 事 期 則 焉 既 諸 伯 朝 侯 \approx 賈 覲 時 有 約 見 不 王 此 日 順 爲 義 會 服 壇 者 於 以 注 或 釋 王 將 王 時

水

名

,皆楚之隘

塞耳。」《詩

殷

武

》疏

事

也

Ш

在

漢

南

同

上。

○《詩

疏

引

作

方

城

山

也也

漢

方

城

以

爲

城

漢

水

以

爲

池

服

日

方

城

於是有以衮斂。 賈曰:「衮斂,上公九命

服衮也。」同上。

等,而 故《白 案: 子 言 視 龍 冕。」 著鷩 服 其 若 禮》云「上公,衮無升 而 龍蟠 龍 伯 通 下 有 殷 男從伯 是上 衮。」《 則 加 冕。 禮 見《覲 則 爵 得公服 虎 而 阿 日 記 此 如王 通 則 衮。 E 公九命,始得衮 禮》疏 若加一命 得從 者 周 等, **>** 賜 總」, 引 王 何 斂 禮》曰 之服。」疏:「三公八命,身 也一, 三公八 也。 ? 謂 傳云「天 制 公服者、 謂之升龍 許 w 公、 王者受命 : 注 日 穆公死 許男 龍 命矣,復加一 侯、 則 云: 制 0 諸公之服 子 爲上公而著 白 爵 冕 伯 升 「卷,俗 王 説 虎 惟 加 也 三公一 也 改文從質 龍,諸 事 通 文 天子有之, 一等,僅 鄭注《 所 故 自衮 命 讀 命 爵篇 衮, 以 侯 加 卷, 也 合 降 衮 冕 得 覲 則

> 太子祭于 等,侯爲一等,伯、子、男爲 無 虚退人之義,故上 曲 沃 服 日 就伯也」,是公爲 : 齊姜 等 廟 也 所 在

晉世家》注

沃」。 沃也 在焉。」又「烝於武公」,韋 「宗,本宗也。 案:《晉語》「夫曲沃,君之宗也」,章 卒哭 ~春 而 袝 秋 於 釋例》「内 曲 祖 沃,桓叔之封,先公宗 姑, 女 故 夫 齊 昭 人卒 注 姜 之 葬 廟 廟 例 在 在 注 云 廟 曲 曲

601

皆以 君人 ○ 王 臺。」《禮 一天子 日 Ŧi. : 年傳公既 藻 日 太 廟、學、明堂爲一。 靈 靈臺 》疏、 廟 臺 記 視 在 《通 諸 視朔,遂 朔 玉 侯 典 太 藻 合 日 四 廟 觀 朔 疏。 + 臺」之下 明 天 四 登 堂 ○《通 引 子 觀 《詩 之中。」《 服 辭 臺 日 日 典 意 在 靈 靈 四 不 臺 臺 明 明 + 詩 》疏。 堂之中」, 服 四 諸 日 靈 侯 〇文二年 賈、 賈、 : 臺 \vdash 文承 服 疏 人 服 觀

疏。賈、服皆以祖廟與明堂爲一。

明 謂 太廟 袷 名 説 朔 神 經異 敘 植《 在 者,統天子、諸侯言 侯 二月之正 堂 敘 之辟 一天子 、告朔之禮 有 昭 廟 皮 禮記 穆,故 義 弁 上 服 中 玉 昭穆 司 占雲物、望氛祥,謂之靈臺 可 亦 聽 雍。」又引穎 藻 靈 注》 因 與 朔 以 是 謂 臺 告 還 謂 許 諸 於 望 日 靈 之太 在 必於太 田 藏 之太廟 侯 太 氣 口 天子 臺 太 : 於 廟 也 歲 故 明 廟 廟 今 觀 太 0 容 遣 堂 聽 之中 月 謂 廟行之。 《異義》又引《左氏 聽 臺 廟 大 員 詩 朔 春 當 之 告 即 朔 以 中 臣 *,諸 之以水 於 一朔、行 秋 靈 行 太 天 之京 靈 南 即 月 注》 某 臺 廟 侯 子 臺 門 視 云「人君 日 政 , 有 也 政 似 師 之外 \forall 朔 諸 朝 中 疏 觀 ; 行行 其 是 謂 侯 受 臺 廟 口 天 引 川 褅 故 子 異 亦 視 + 以 存 Ŧi. 盧

> 中 其 誘 廟 察 學、 氛 中 注 也 之學,謂之太學。」《淮 祥 叮 「告朔 明堂爲 以 望雲 敘 昭 朝 氣 穆, 曆 , 而 謂 謂 頒宣 之 靈 之太 靈 其令,謂 臺 南 臺。」 即 廟 在 本 諸 其 太 之明 經 説 廟 上 訓 皆 明 미 堂 以 以 高

世家》注。 服曰:「蒙茸,以言亂貌。」《晉狐裘蒙茸。 服曰:「蒙茸,以言亂貌。」《晉

戏」,傳 荷子 蒙戎」同 尨」,得 今本 云 通 榮 作「 「蒙」 故 蒙 辱 服 戎,以 尨 篇 據《毛 也。 茸 引 言 《詩 作「 傳》 亂 詩 駿 也 以 旄 蒙 下 丘 或 \approx 蒙 駿 狐 茸 厖 裘 尨 蒙 與 口

披 君 斬 與二公子。 國三公,吾 其 袪 誰 將敵 服 適 日 從 故 袪 不 知 袂也 服 所 曰 : 從。」同 同 Ŀ

《説文》云「袪,衣袂也」。《詩・

遵大

也

如

彼

傳

文

則

襄

王

與

子

帶

俱

是

惠

后

書

日

天王

出

居

于

鄭

辟

13:

弟

之

難

0

禮 得 故 路 襃 至 幅 也 短 袪 鄭 肘 反 也 以 謂 皆袂 羔 袂 每 謂 喪 詘 喪 衣 表 褏 服 裘 析言之 服 之及肘。」 之身 緣 袪 人也。 * 注 傳 袂 故 也。」《 並 也 \Box 云 其 同 袪 也 袂 是 袂 袪袂。」《 Œ 0 袖 屬 深 然 近 屬 義 口 於幅 玉 衣》云: 有 П 幅 日 也。 藻 析 説文》云「 又 ,長於手反 言 袪,尺二寸 注 八别名 袂是 檀 之者 一袂 弓 袪 總 爲 之長 注 袂 袪 名 儀

所

生

但

其

母

鍾

一愛其

少子,

故

欲

廢

大

子

而

早

死

後

母

日

史記

謬

也

不

敢

發

喪。

桓

帥

諸

侯

車

也

與

牙

603

大子 廢 會 大 王 子 大子 以定 杜注 『不 鄭 鄭 而 其 全同 穀 7 位 王 不 一。」《御 賈 子 德 IE 帶 日 覽》一 義 得 : 故 日 罪 百 惠 《二十四年 齊 四 于 王 十六。 桓 以 13: 帥 惠 氏 諸 后 之 侯 故 寵 會 傳 子 將

輔 相 辭 案 依 車 知 七 惠 立 頰 大子,定其位,安王 酺 : 。」《詩 相 此 之。 也。 年 后 . ^ 大 時 依 易 生 是 惠 有 招 ^ 周 叔 王 碩 玉 輔」本 廢 > 本 帶 人》疏 艮 崩 篇 服 靨 大子之意,故 》 上 紀》云『 影 日 輔 襄 作 與 六 奇 : 傳 王 傳 或 : 牙 作 酺 畏 襄 輔 不 也 王 子 0 同 艮 , 酺 E 母 帶, 齊 頷

訓 美 則 頰 也 」。」《説 好 邊 人 奇 ° _ | 文 頰 婦婦 牙 有 詩 文 | 云: 出 靨 人之 • 靨 輔 碩 , 口 輔 媚 摇 有 也 頰 **>** 奇 傳 高 牙。」《 又 面 云 誘 王 日 旁 其 説 注 車 : 逸 也 輔 淮 云: 相 文》 倩 注 靨 南 依 云: 云 靨 虞 好 輔 . 靨 説 輔 翻 口 在 酺 楚 林 在 作 輔 頰

世 車 持 車 也 服 頰 日 服 E 釋 一言 牙 所 者 頰 名 注 即 余 者 車 云 ^ 車 俗 與 咸 生 亦 左 言 釋 E 所 或 牙 卦 終 傳 酺 得 謂 凡 形 額 H **>** 相 而 則 日 謂 此 體 車 保 笑 咸 頷 無 言 之『上 皆 下 靨 其 彻 所 重 所 上 自 頷 依 則 輔 云 或 内言 車 頰 是 謂 此 頷 矣。 頤 皆 舌 王 日 上 也 車 之。 90 三,虞 頰 自 逸 下 或 ^ 注 外 車 持 然 必 H 楚 段 言 注 牙 則 云 輔 辭 或 之。 氏 亦 依 之 車 E 在 H 保 怨 下 頷 騀 或 至 :

也 虢 仲 案 言 Z 虢 虢 虢 濟 叔 虢 晉 叔 文 封 洛 語 東 王 西 学文 號 河 虢 弟 賈 虢 號 王 潁 虢 日 仲 敬 仲 公是 之 : 友 之後。」《 間 虢 虢 也 叔 虢 虢 0 仲 也 本 掛 0 鄶 史記 韋 疏 東 爲 又 昭 號 大」, . 注 鄭 鄭 制 語 K 世 注

稱

北

燕

;

邾

或

有

則

稱

小

邾

此

農 之言 寄 虢 年 郡 所 自 語 即 徐 家 解 而 虢 漢 公指 指 郡 成 孥 滅 東 廣 滅 亦 既 書 傳 集 與 陝 虢 臯 會 之 號 虢 日 E 指 云 亦 解 仲 虢 : 封 賄 君 叔 注 虢 注 地 引 兀 以 之 公 之 於 字 地 虢 虢 叔 年 理 虞 云 云 意 封 醜 後 0 虢 制 叔 叔 之封 志 翻 而 解 故 爲 ^ 在 也 鄭 會 滅 東 西 巖 故 號 注 東 正 成 不 日 : 之 虢 虢 虢 語 虎 義 虢 或 品 引 臯 案 可 間 君 也 西 牢 矣 謂 0 虢 也 臣 ^ 審 __ 也 有 西 ^ 瓚 傳 鄭 出出 賈 或 此 姬 虢 地 知 ^ 虞 有 ^ 燕 日 世 隱 王 氏 即 曰 姓 正 叔 理 就 地 虞 或 家 既 制 東 所 兀 義 志 理 死 東 虢 按 敗 有 年 虢 謂 初 日 \approx 志 焉 集 是 虢 ^ > 西 注 當 隱 傳 西 河 解 桓 也 弘 蓋 則 時 或 虢 南 引 年 杜 公 云 兀

應 虢 號 以 E 或 東 滅 有二,而經、傳不 故故 西 别 西 之。 號 不 是 稱 疏於杜義 西 言 東、西者, 其 並 亦 存之日 以 於時 東 西 亦 東

詩

•

泂

酌

》疏

甚愛之也。 服曰:「愛之甚。」本疏。 之稱爲然也。

莊之 案: 朝 語 順 甚 且. 害之,況虞本 文「親」字,言 文勢 本 杜 族 愛虞 乎 氏 愛之」,自 甚」,今本 若 無解 甚 「其」、「甚」二字經 不順, 也。 IE 也」。 服 義 非 理 則「甚」之爲「其」,或亂 又改字 服 謂 當 所 當 作 愛之若 虔 愛爲 愛乎 甚 主 其」。 作『甚』。 愛之甚。」本疏 愛之 桓 失 愛虞, ? 甚, 真 莊言 典往 也 所 正 繆 真 何 當 而 以 之, 往 義 之 以 是 警 尚 謂 相 日 甚 誅 文 虞 是 以 愛桓、 亂 之? 於六 勢 公者 釋 也。 寵 此 不 E 愛 偪

易物,惟德緊物。 服曰:「緊,發聲

民不

見享 也 言 ; 黍、稷、 有 德 則言 牲、玉 饗 不易,無德薦之, 言 物 爲 有 德 用 則 也。 不

官、 謂 宗 爲 所 記 與,我稷翼 黍 助 令》注「以稷爲首 祭義》云「古者,天子」 伯》 爲 用 辭 六 祭祀之用 發聲 玉 穀 穀 穀 也 王 注 人》「大璋、中 ,黍、稷、稻、梁、麥、苽。」是六 之美者,故《 也 制》云 一天子 者 翼」, 周 前 凡聲之發 禮 小宗 圭 獨 賜 舉黍、 [種]、《 舉 瓚 甸 圭 伯》「六叠 諸諸 楚茨》詩 黍、稷者、《禮 璋 師 瓚 稷足 有 管子• **>** 諸 注 邊 侯 然 舒 侯 璋」注 璋 後 以 有閒,所 必 瓚 曰 爲 包 輕 齍 注 有 「我 鬯」,《 餘 重篇 盛 記 養 穀 六 祭 考 黍 穀 於 淵 謂 . 齍 月 小 之 以 皆 祀 語 與

■「今本」,原作「本今」,據經解本乙。

於 物 111 Ш 德 有 用 111 之有 常 邊 則 制 璋 用 無 大 未 璋 11 是 嘗 牲 於 改 中 易 玉 Ш 皆 而 川 以 饗與 用 祭 中 祀 不 璋 者 饗 於 也 則 小 係 其 Ш

賦 筵 构 服 注 疏 振 服 振 日 : 賈 約 服 : 构 黑 同 服 也。」《文選 也。」《日 周 禮 ٠ 司 閒 居 几

均 志》 也 也 案 云 淮 説 构 初 純純 注 袀 是 服 南 文》玄服 同 袀, 吕 引 振 · 齊 均 亦 玄 也。 振 覽 以 吴 同 服 今本 俗》「 聲 . 注 兵 都 也 也 訓 悔 同 賦 云 服 同 , 作「 户 過 相 服 上 注 謂 祝 ***** 段,其 漢 \<u>\</u> \ 下 均 云 黑 竊 書 袀 今約 無 謂 衣 黑 袨 别 构 本 兵 ^ 服 五. 説 故 服 字 服 注云「袀 皂 續 行 者 文》 П 當 上 日 服 漢 志 建 下 作 袀 袀 也 説 1 皆 引 讀 服 輿 注 純純 构 黑 若 服 傳 與

> 衣 相 成 故 也 日 袀 服 賈、 服 各 舉 義 其 實 耳.

而修虞祀。 服曰:「虞所祭祀,命祀也。」

《晉世家》注。

典 當 案 仍 侯 祀 祀 一 命 修 皆 之所 命 祀 於 者」注 其 受 及 邦 舊 之王 祀 其 或 祀 班 禮 也」者,《 有 注:] 之 。」「《大祝》「 朝 逆 督,正 祀 者 故 典 頒 則 周 日 焉 也 刑 禮·大宗伯 讀 命 罰 爲 祀 建 正 焉 邦 王 班 或 之 今虞 是 諸 所 禁 班 滅 侯 命 督 其 乃 諸 所 祀 逆 頒 而

行 六年 大 傳 夫。」 使賈 同 上 華 伐 屈 賈 日 : 賈華 右

案:《十年》傳「右行賈華」,是華爲右行

大夫也。

七年傳子華由是得罪于鄭。 服曰:「鄭伯

在

謂

之

廟

0

口

上

不

罪之也。」《御覽》一百四十六。

八年傳不薨于寢。服曰:「寢謂小寢。

《禮記·檀弓》疏。

· 殯 于 案 禮 對 「言夫 夫 别。 適 寢 注 寢 日 釋 ~ _ _ 路 路 君 人所卒之地 • 服 ^ 寝,三 路 ,小寢五」 宫人》「掌王之六寢之脩 廟 寢 天子、諸 爾 注注 喪 公羊 人卒於路 寢 雅 大 爲 小 記 又云「 日 小 服 莊 釋 小 \<u>\</u> 寢, 侯皆有 是 宫 故 三十二 寢。」其 寢 亦 大 燕 : 也 <u></u> 云 君 名 夫 寢 謂 小 廟 夫 : 三寢 路 也 退 卒 介實天 寢 年「 禮 人卒 謂 路路 寢 無 於 也 然 記 殯宫。 公 東 也 夫 子 後 於 • 寢 西 薨 人之大 六 日 玉 , 路 適 與 IE 廂 于 注 寢 高 藻 鬼神 寢 小 義 小 有 路 寢 * 謂 寢 寢 室 日 ^ 寢 退 周 所 是 路 各

禮 外 於 是。 神 亨 之 鄭 殯 朝 案 云凡 在 廟 殯 云。 韓 制 廟 所 寢 於 於 者 於 氏 而 詩 矣 其 廟 其 喪 傳 不 遂 也 廟 以 廟 在 宫 實 門 時 葬 祝 爲《 稱 亦 儀 則 記 鄭 有 得 非 則 之右 尸 春 服 禮 晉 云 日 • 君 注 春 鬼 用《 廟 弗 在 則 秋 氏 檀 文 廟 . 謂從殷之質 秋 鬼 神 云「晉宗 而 致 周 時 適 不 弓》 公羊》説 士 公卒, 日 皆 東 神 , 變 制 寢 從 ^ 喪 變 廟 所 稱 面 云 周 似 不 者 也 禮 禮 居 廟 廟 之文 殯 切 IÈ. 將 ; 殷 注 **>** 不 其 以《 日 云 於 在 經 禮 ^ 其 殯 朝 ^ 士: 必 鄭 時 廟 1: 知 從 曲 廟 音 春 當 于 而 説 如 虞 巫 殯 注 亦 沃 虞 義 秋 殯 殯 殷 曲 而 ^ 禮 止 亦 是 迎 宫 禮 檀 > 士 於 於 之質 此 沃 確 + * *\frac{\times}{\times} 於 從 是 古 * * * * * * * * 魂 亦 弓 祖 喪 廟 云 實 説 廟 時 兀 反 口 **>** 周 鬼 故 周 所 如 引 神 側 門 稱 王

607

九 年 傳 以 伯 舅 耋 老 服 日 : 七十 Ė

詩 車 鄰 亦 《禮記 射 義 》疏

諸 十日 亦 則 注 耋 老 注》則曰「八十」、《射義》疏引鄭《易注》則 俱 正 耋」,今本脱 日 概 義》 家 曰「耋,年六十稱也」,毛、許及王肅《易 用《禮記》古本。」蒙謂《 ,九十曰旄』,後人妄加之。」邵 日 年 曰「六十稱耋」,《 云「七十日耋」、《公羊》宣十二年 老」。」《爾 稱 所 旄。」《釋文》云:「本 踰七十」,使古本果有「日 曰 自 稱 耋」者,正 :「按《禮記》古本云『八十 不應 六十 日日 曲禮 參差。 雅》以 耋』二字,《毛傳》、《説 至 》:「七十日 義 八 爾雅 十並 日 若此, 耋爲老,故以爲七 釋言》舍人注 易釋文》引馬 $\overline{ }$ 得 或作『八十 曲 是「耋」爲 稱 老,八十、九 禮 也 耋」二字, 氏《 》云『七 傳 爾 服 日 耆 注 日 融 雅 云

> 十,蓋: 杜亦從服 説 也

亂。 里克、 生、重耳、夷吾也。」《晉世家》注 **不鄭欲** 賈 日 :「 不鄭,晉大夫。 三公子: 納文公,故以三公子之徒 作 申

韋昭 告荀息,曰:『三公子之徒 難三公子之徒。』」又「里克 案:《晉語》:「驪姬曰 注:「徒,黨也。」 :『吾欲作大事 將殺 將殺 孺子。」 奚 八齊,先 ·, 而

同上。 及高 梁 而 還。 服 日 : 高 梁, 晉 地 也。

案 縣 梁亭。」 五. 《續漢 + 劉昭 里,叔 ·郡國志》「河東郡」: 注引《地道記》云「有梁城 嚮 邑 也 「楊有 去 高

公謂 桑。」《秦本紀》注 案 舉善也。」又:「貽厥孫謀,以燕翼 公 《左傳》: 孫 枝。 「子桑之忠也 服 日 : 秦 一,其 大夫,公孫 知 人也 一子,子

桑有焉。」子桑即公孫枝。《論語》:「子

桑伯子。」鄭亦以爲秦大夫。

十年傳周公忌父。 賈曰:「周卿士。」《晉世

家》注。

狐突適下國。 服曰:「晉所滅國,以爲下

邑。」同上。

案 或 . 此 耿 下 霍 或 楊、 未 魏、 審 虞、 其 地 虢, 皆 以 晉 爲 所 下 滅 邑 之

或 猶 廣 下 雅 0 邑 釋 也。 詁 Ž ¬ 地 己 邑, 滅 或 而 也 猶 稱 是 或

猶《禮》所謂「因國」也。

夷吾無禮。 賈曰:「烝於獻公夫人賈君,

故曰無禮。」本疏。

賈 對 爲 案 君 君 是正 ^ 稱 傳 莊 小君 日 妃 + 故 以 八 君 稱 夫 年 君 或 妻一 **>** 傳 小 ^ 君 體言之,亦得 詩 日 晉 一疏云: 鶉 獻 奔 公 \approx 娶 夫 我 人 于 以

> 禮 「夫禮 明 氏 也 出 行 君 秦穆 故 而 日 : 襄 亦 是 死 日 所 足 九 也 姬 無 以 上 夷 補 年《左 禮 屬 别 淫 吾 賈 ^ 賈 + 日 改葬 上 義 君 正 烝。」 下 Ŧi. 傳》筮 也 馬,晉侯 義 之, 年》 也。」今惠 引 ^ 禮記 章 傳 穆 馬 父 日 姜, 融 烝 之過 : . 説 公爲 于 日 曲 晉 申 賈 禮 君 君 侯 鶉 故 生 鵲 之 必 0 不 日 服 無 自 之 速

有罪。」《晉世家》注。 服曰:「帝,天帝。請罰

宣 帝」注 帝 鄭 注 皇 案: 大 ,在北辰之中 注 帝 年 Ŀ 周 : 傳 「昊天 E 帝 禮 帝 太太 帝 書 大宗伯 牲 太 Z 上 0 微 神 舜 不 帝 主 中 典 吉 總 \geq 冬 ^ 其 **>** 領天 君 注 至 以 所 肆 奭 禋 於 統 類 一帝 地 > 睘 祀 也 於 格 .» \ . 祀 丘 上 五. 於 皇天大 昊 所 公羊》 帝 上 天 祀 帝 上 馬 天

感,故 罰 龄 立子 古 命 虚 元 命 記 神 帝 冥, 者 端端 日 其 也 • 令燕往 後 使 生商」、《文王 身。」 王 天 洪範》云「帝 在上 基 皇矣》云「 晉 即 世 板》《蕩 制 此 不 此 **>** 相 矣。 視之」,無不 襲 者 廣 畏天 天帝 郵 於 通 亦 雅 》之篇 罰 既 爾 9 命 無 0 也 命 麗 乃 受帝 門」、《吕 世 於是 不 釋 德 於 震 子 承奉 計 ※ 無 福 討 事 請 怒」,《晉 祉 * | | | 足 明 善禍 `_•, 罰 罪
 Z

 J
 疏 天 覽 警惕,褻 赫 有 夢 玄鳥》云「 憲,子 赫 罰 罪」者 淫 之象,委 • 罰 帝 語 音 聲 伐 呼 * 7 與 濯 初 惠 天 吸 我 也 謂 靈 之 帝 帝 輕 禮 相 責 九

弊 原 案 于 同 韓 《説 上。 文》云「弊, 賈 日 : 頓 弊, 仆 敗 也, 也。 與 韓, 敗 義 晉 近 韓

韓

晉韓原」者、《十五年》傳「戰于韓」,

命

副車七乘」之説爲不然矣。

屬 及 七 深 及 故 申 西 矣。 韓」在 輿 南 指 生 者 大 韓 夫。 非 爲 涉 括 本 也 韓 河之後, 疏 地 原 杜 服 志》『韓 也 氏 日 解 此 : 顧 Ē 但云『晉 韓 氏 原 在 炎 軍 在 河 武 之輿 同 東 日 地 州 故 帥

韓

城

縣

寇

敗

下。 作 謂 將 陳 案 下 同。 注 年》傳云『公將 服 下 軍 所 下」。」阮 云「七輿, ^ 言 此 軍 訂 興 軍 晉 作「上 是。」然 是 一,今七 帥 語 故 也 七 **学**子 七 氏 申 人 軍 輿 輿 則 正 上 帥 往 一者 生 大 校 大 正 義 軍 七輿 下 夫 勘 夫 義 前 日 陳 軍 太子 與 記 爲 亦 申 : 大夫 樹 大 灓 以 **>** 申 生 華云: 云: 夫 申 氏 杜 生 襄 以 將 也 生 氏 <u>一</u> 十 報 待 上 「按《閔 將 「侯伯 炫 怨 I E 我 上 與 下 即 服 灓 軍 韋 劉 當 年 炫。 七 當 義 盈 昭 作

夫。」《晉世

家

洋注

年 傳 若 節 春 秋 賈 日 節 時 也。

周 本 紀 注

陪 臣 敢 辭 服 日 陪陪 重 也。 諸 侯之臣

於天子 故 \Box 陪 臣 0 同 上。

都

也。」《秦本紀》注

自

禮 案 稱 又 爲 : 己君 陪 列 説 臣 或 文 》: 之臣 某 之大 一,故自 疏 夫人 陪, 云 其 天 重 稱 子 土 對 君 也 之 王 E 或 日 爲 重 王 日 禮 臣 某 臣 記 也。 已,今 士: 自 曲

王 日 舅 氏 賈 舅 氏 言 伯 舅之使

也。」 同 上

案 故 伯 注 一、「親 呼 舅 者 爲 伯舅 異 記 之之 • 曲 族 亦亦 辭 重 親 禮》「天子異姓謂之伯 親 也。」 之故 之名 疏 也。 也。 云 : 異族 「 異 無父稱 姓 謂 舅

十三年 傳 謂 白 里。 服 日 : 白 里,秦大

雍 案: 疏 及 絳 白 據 里, 世 當 族 賈 是 譜 百 : 謂 里奚。 雍 百 里 秦 爲 國 姓 都 ; 絳 年 台 或

之北。 侯之弟 雍 案:《 《釋名 雍 子獻公城絳居之,在 而 晉 公又徙於雍」。 「今縣在 國 代,爲晉侯,都 ,故特言之」。 城」、《詩 本 史記·秦本紀》云「德公元年, 釋州國》云「 都 今太平西 桓 扶 翼 叔 風。」 . 在 於 秦風 曲 今之翼 顧 《史記集 疏云「以 南二十五 曲 沃 譜》亦云「秦仲元 氏 沃, 桓 或 今太平縣之南、絳 炎 城 城縣,及 在 叔 武 解》引 德 日 今聞 之 日 里城 都。 公之後 孫 武 喜 址尚存。」 昭 徐 春 都者 縣 公 侯 廣 秋 常 滅 孫 封 初 日 時, 或 州 其 翼 文 居 德 居

0 上「之」、《禮記 正義》作「親

君 所 居 所 都 會 也

四 年 經 沙 鹿 崩 服 日 : 沙 Ш

Ш 注 地 足 足 釋 穀 者,《 梁 文》云: <u>—</u> Ш 是一 林 沙 傳》 屬 足曰 鹿 Ш 於 注 名 Ш 王 鹿 引 早 麓」古 肅 劉 本《 鹿 麓 本 易 向 **>** 作 穀 ^ 通 説 本 . 周 梁 屯 疏 麓」, 而 傳》文。 語 \leq 訓 鹿 \forall 即 日 作 爲 在 П Ш 鹿 Ш Ш 早 無 鹿 足 下 鹿 Ш

文 足 服 也 也 云沙 水 林 Ш 屬 經 名 於 3 Ш 濁 鹿, 日 漳 鹿 Ш 水 足 者 注 者,言 亦《 應 穀 沙 劭 梁 足」。」 虞, Ш 傳 也 平 之

> 其 其 雄 爲 建 也 十 即 口 昔 0 五 公所 失之 劉 實 沙 地 土 春 日日 氏 年 愚 鹿 火 秋 故 誣 語 按 云, 地 月 宜 相 沙 以 本 當之。』元 有 當 乘 鹿 沙 僞 杜 台 計 聖女興。」 崩, 由 故 鹿 氏 造 史 爾 王 爲 反 有 之言 時 晉 班 氏 取 山 沙 史卜 去 城 氏 之,爲 之 鹿 名 聖 今王 郭 據 於 附 崩 之 猶 之 東 依 會 傳 無 以 近 日 翁 有 無 崩 漢 識 : 推 孺 五. 所言 徵 此 後 書 矣。 漢 鹿 徙 與 六 陰 之 正 正 系 爲 當 處 爲 白 元 虚 值 者 義 城 得 几 陽

也 + 0 / Ŧi. 年 晉 傳 世 公 家 固 注 . 不 孫。」 服 日 孫 順

常 案 也 有 孫 聲 : 一點 通 孫 而説」、《 作 厥 本 遜 孫 作 謀 」, 又 禮記・ 愻」。 作 《儀 緇 禮 孫 説 衣》 . 文》 聘 云 則 禮 詩 民 **>** 愻 有 文 辭 孫 無 王 順

平

陵徙

魏

郡

元

城

委

粟

里,元

城

建

公日

:

日

漢

書

•

元

后

傳

>

稱

后

祖

翁

孺

自

東

山

名。

平

陽

元

城

縣

東

有

沙

鹿

土

Ш

。 正

鹿

者

林林

之大

者也

杜

氏

云:

沙沙

鹿

心 注皆以 孫爲 順。《釋名·釋言 語

順 循 也。」循 其 理 也

步 湯御 戎,家 僕 徒 爲 右 服曰

晉 大夫。」同 上

芮從 是 按: 步 程 揚 子 公説 爲 Ė 郤 步 参春 揚 犨之父。 ,揚生二子曰 秋分記 引《 世 犨 族 日 譜 蒲 * 城。」 郤

輅

秦伯 當 軛 前横 之。」 洛。 傳》: 前 云 也 前 輅,車 杜注及韋昭《晉 輅 輓 劉 木 木 輅 脱 昭 日 禮 注 輓 横 注 服 之車用人,不用 · 較前 輅 經 輅 日 遮 _ o 輿 既 輅 :「輅,迎也。」同上。 車 服 横 按 蘇 轅 前 夕篇》『賓 志 木也」, : 林 縛 語》注 軛 日 日 所 前 人 以屬引。」疏 4 段注 ||《韻 並 挽 當 輅 奉 馬 同 依 之、三人 幣, 疑 音 集》 許 凍 ~ 《説文》 由 有 作 云 婁敬 洛 馬 轅 推 軛 西 斡 無 :

> 輅鄭人』,皆謂『車前相接 若《左傳》『梁 『謂 輅引伸之義 以 木縛車轅上 也 由 靡 以以 號 射 屬 輅 引於上而挽之。』 秦 可以禽之」,此 伯 及『狂 狡

作爰 田 服 日 : 「爰,易也 0 本 疏

當作「 之高 獨 《公羊》宣十五 轅車 居,財均力平。」《漢書·食貨志》曰: 訓 案 中田二歲一 同。」是轅 秦孝公制 爰,籀文以 樂 爲「易」者,蓋「爰」、「 : 也 ^ 下,善惡 墝埆 晉 桓」、《説文》云「桓 以以 語 田 田 不 轅 墾,下田三歲 爲 即爰田。 出 分爲三品,上 得獨苦,故三年一 車 田 年何 車 轅字。」《 作 注 賦 轅 注云: 引 0 田 此 孟 轅 , __ 漢 趄 妄説 康 語語 司 田 墾 皆假借字,本 書 田 日 》注:「或云 説 . ,易居也」。 空謹 :「爰、轅 也。「爰」 肥饒 歲 地 文》云: 换 理 主 别 不 民 墾, . 得 田

夫三 者 晏 歲 三歲 者 每 日 H 一周 更 歲易其 爲 白 上 耕 畮 \mathbb{H} 易 制 自 夫 所 中 歲 爰 白 耕 耕 田 其 晦 則 年 種 休 處 者 中 田 ~ 易 爲 田 歲 廬 夫二 地 者 不 皆易,云「三年 以 易 理志》注 爲 同 白 再 美惡 上 易 畮 田 了, 下 古古 下 引 休 張 田 \mathbb{H}

力 大 已 F. 平 和 廢 田 故 年而 復 肥 不 作 私 瘠 日 上、中、下田皆 其 爰 不 「爰,易也」。 相 田 利 之制 换易。今受賞之後 欲 以 使 富 惠公之前 \equiv 或 编,三年後 年 也 易,財 下 文「作 民 古 仍 耕 衆 制 均

本疏。 服曰:「離爲戈兵,兑爲羊。」

州

兵」,

亦

復

周

制

以

强

兵

也

易 案 斷 乾 : 燥而鍊之,故爲戈兵 説 睽 卦》文。 **>** 之上 掛 虞 爲 翻 離 日 : 也。」《歸 乾 離 爲 爲 金 戈 妹 **学**士 兵 離 火

> 當用 爲 也, 者,柔順之畜」,故爲羊 注》「其 刲 羊 羊 戈 廣 無 畜 亦 兵 雅 血 《説 好 也。 剛 釋言 卦》文。 鹵」,《易 釋 歸 妹 文》 》 之 下 引 刲 也 周 疏 馬 禮 > 刳 引王 掛 注 疏 也 爲 **>** 云 廙 引 兑 注 鄭 劃 刺 一羊 兑 刲 刺

竭 兑 坎 西 爲 坎坎 ,故責言 鄰責言,不可 澤, 爲 月 澤 不可 月 聚 水, 生 償。」 償 西 故 也 方, 本 坎 疏 責 故 服 之 爲 日 澤。 西 鄰 三三至五 澤 坎 償 爲 水 水 則 爲

皆有坎 案 爲 也。」 文。 故 文選 月 三至 宋衷云:「 也 虞 • 月 生 ° _ | 翻 也。 西 日 五. 禮記 坎坎 賦 方 爲 **>** 坎 坤 注 坎」者、《歸 也 爲 . 陽 祭 爲 引 月」、《易 在 義 夜 鄭 坎 中 》云「月 ^ 以 爲 易 内 坎 妹》《睽》 水 注 . 光 陽 》: 「 臣 説 生 明 光 於 卦》文。 説 坤 互體 有似 西 排 故 象

澤 其 兑 水 於 聚 乙 澤償 象 。」
兇澤 所 爲 水 水 鍾 澤 陰 者 水 0 則 澤 在 兑 既 鍾 虞 無 竭 周 上 爲 託 翻 水 亦 禮 者 澤 \$ 於 日 聚 0 党 木 下 坎 : , 地 也 水,故 亦 溼 一,是償 上坎 官 ^ 坎 説 故 坎 水 下 坎 爲 卦 序 之 責 ·, 其 半 **>** 可 官 澤 則 之澤」 文。 見 責 也 卦 木 注 之澤 矣 爲 故 宋 澤 木 爲 故 澤 衷

也

猶 火 相 無 日 不 遇 相 而 巾 口 相 償 害 故 服 日 無 : 助 也 兑 爲 本 金 離 爲 火 金

外 爲 鄉 行 デ 五 象 火」,《 篇 飲 》全金 酒 易 火 行 禮 之外 説 篇 在 説 卦 西 卦 又云 照 西方者,秋。」《 方 文。 也 一 党 正 是「兑 崔 五. 金 行 憬 火 所 日 秋 爲 以 相 也 金 相 0 / 遇 取 虎 害 也 而 掛 通 禮 者 相 記 陽 . 害 Ŧi. 離 在

> 者 遇 地 之性 是 詩 火 0 害 精 生 金 勝 民 也 堅 * 有 故 故 相 無 火 之道 助 勝 金 傳 相 云 兑、 訓 相 離 助 助 相

嬴 爲 嬴 姓 嬴 敗 姬 敗 ,水位。 一本 姬 疏 \equiv 服 至 日 五有 : 坎 離 象 爲 水水 日 勝 爲 火,故 火。

%始 爲 者 案 敗 掛 水 爽 德 周 離 · 姬 日 皇帝本 之 得 史記 日. . 離 也 體 始 火 爲 陽 德,秦 坎 日 紀》一始 證 是秦 秦 外 爲 之,火 本 光 代 火 嬴 紀 也 皇 唐 ___ 爲 推 \leq 本 德 水 秦 易 終 舜 示 從 始 賜 . 勝 姬 所 説 嬴 Ŧī. 水,故 姓 爲 不 德 掛 姓 嬴 火。 勝 文。 之傳,以 氏 水 爲 以 方 位 荀 下 今 又

車 説 服 其 . 輹 火 五. 焚 至 其 旗 有 不 坎 利 爲 行 水 師 象 敗 震 于 宗 爲 丘 車

故 西 離 車 之 得 方 宗 金 震 水 丘 而 故 木 脱 火 遇 其 本 焚 疏 輹 金 其 也 必 旗 敗 也 震 爲 韓有 震 龍 先 東 龍 君 方 爲 之宗 諸 木 侯 兑, 廟 旗

段 釋 縛 伏兔,是伏 F 車 日 考工 伏 畜 氏 文云 云「戎 則 伏 日 廣 兔也。」 歸 説 龍 記》: 水 兔 雅 妹 濡 爲 輹 輿 也 車 之當 > 謂 兔 諸 上 脱 車 釋 嘽 按《 以 名 加 侯 卦 輹。」《子 詁 嘽 上 脱 轐 革 軫 説 旗 輹 爲 縛 **>** 故 矣 若 輹 與 云 文》 如 震 , 也, 者, 絲 轐 霆 車 輹 震 説 夏傳 廣 云 之 焉 如 震 ^ 則 軸 0 文》 雅 爲 束 周 類 雷 爲 轐 非 縛 雷 **>** . 先 以 也 禮 龍 既 日 伏 也 釋 鄭 車 古 故 以 ^ 兔 器 伏 震 詩 以 軸 爲 輹 説 大 司 明 轐 兔 亦 車 亦 • 畜 常 桂 若 爲 爲 采 軸 車 Z >

諸 侯 柔 龍 云一之, 龍 畫 也 屬 則 上 云 儀 交龍 木 侯旗 交龍 卦 東 飢 : 旗 : 之 象升 故金 在 禮 兑, 天 是「 傳 離 方 東方 掛 秋 東方 爲 . 往 也 往 故 西 旂 子 朝 勝 興 覲 而 也 變 火 也 之 方 象其 天 金金 震 木」, 天子 」,又「諸 乘 禮 有 歸 焚 金 掛 子 治 離 龍 龍 妹 卦 其 疏 也。」《 在 升 升朝 則 不 之震 是金 白 以 象, 象 之 旗 載 西 引 可 龍 華 虎 1 往 下 侯 方, 以 諸 大 者 故 木 矣。 台 建 Ŧi. 卦 復 而 通 蓋 治 旂 相遇 象 侯 知 旂 行 還 震 變 虎 故 . 以 西 ^ 後 篇》 爲 其 降 或 也。 象 通 爾 日 五. 漢 兑 方 離 必敗 下 龍 也 諸 震 日 雅 春 行 書 鄭 又云「 屬 爲 述 蓋 復 侯 月 篇 注 西 火 東 矣。 興 魏 言 是 也 震 釋 禮 旗 方 龍 方 兑 震 諸 剛 相 睽 詁 記 也 升 木 勝 之 爲 奏 爲 疏 侯

本

傳曰 其 西 也。 也。 西 方,晉 周 以 語》「夫 一:「凡 云 先 謂 曲 君宗 之宗 沃, 韓 東方,木不勝金,故 曲 桓 有 邑 廟 周 先君之宗 叔 沃 有 故 也 君之宗也」注:「宗,本宗 之封,先 宗廟、先 也 。」然則 廟 君 稱 故 君之 宗 宗丘 知 日 廟 主 晉 宗 在 敗 日 丘 者, 馬, 於秦 都 者 0 猶 知

寇張之 寇張之弧』。」本 弧 服 疏 日 : 坎 爲寇、爲弓, 故

此 疏 至, 爲 於庚,爲 日 水行 役 弧 也 盜 」,虞翻 潛 可 易 之 矯揉 竊 • 招 故 説 服 日 也 ^ 卦 坎坎 日 繋 故 爲 爲 盜 是 : 辭 爲 弓 「坎爲盜。」虞 盜 也。」又爲 弧 輪。」 役者 即 寇 故 負 坎 弧 也 ,韓戰之役。」 日. 爲 即 弓 輪 弓 乘, 月 又 翻 也 致 弦 月 虞 寇 木 在 翻

> 饋七牢焉 饔,生 牢」,《 七 案:《 桓 豕 三牲牛、羊、 羊一、豕一 也; 牢 八年傳 一性備 ·, 《儀禮 齊語 曰餼。」《 禮記 爲一 周 注 . 爲 禮 :「牛、羊、豕凡三牲 賈 聘 牢。 豕 環 日 周 • 禮 禮 具 Ш 牢 幸 : 禮 》「歸 爲 於 運 「諸 也 夫 又曰「太 大行 有 **>** 。」《秦本紀 () 以 雍 牢; 云「諸 牢 侯饔餼,七牢。 餼 注 牢 注 人》言諸侯 牢」,《 个大 牢 侯七介、七 禮 之 行 牲 灋」注 太 公羊 人》注 殺 牢, 禮 4

箕子曰 父。 案 爲父也、兄也。」鄭玄、王肅 「箕子 箕子者 · · 司 名胥 論 馬 約 語 服 彪 餘。 • 親 曰:「紂庶兄 注 微 戚 也。 \sim 子 Œ ジ注 莊 義 子 目 止 以 。」本 云 箕子 皆 \sim 大 以 親 宋 爲 爲 戚 世 師 紂 不不 紂之諸 家》 之 日 知 云 諸

羊、豕凡二牲曰

少字。」

卻 十六年 日 退)。」《宋世 風 傳 起 於遠, 益鳥 退 至 飛, 一宋都 過 高 宋都 而 疾,故 風 也。 為 逢 賈 風

若 雅 聚 疾, 子 案 上」,蓋 宋 淮 -° _ | ≪ 走 日 . 故 都」者, 南 逍 釋天》「扶 **%**抱 都 犬然」, 名義 顔 遥 風 師 朴 原 (篇》 鷁 爲 古《漢 攷》云「 何休日 子 蓋 道 即 土 云 学云 摇 過 訓 氣 爾 摶 此 謂 **>** 書 [: 「宋] 始 暴 云「扶 雅 扶 之焱」 而 注》云「猋,疾 風 風 > 退 摇 起 所 高 相 或 飛 於遠, 而 謂 摇 扶 注 者 E 也 所治也。」人所 抮 : 而 道 飇 者 動 抱 愈 暴風 遠 九 也 摇 羊 高 風 萬 則 角 從 奔 也 里 莊 爾 愈 而 疾

齊

有亂,君將得諸侯而

不終。

賈曰:「石

一十二年》傳:「姜,太嶽之後也。」《周

侯 Ш 臣 六 石 之訟 隕 年,伯業 岳 而 之形; 治 宋,象齊桓卒 鬩 五公子之 也 退 宋本]。」《穀 也。 作「物」。 梁 亂 鷁 前 疏 五公子作亂, 水 鷁 齊,太岳之胤 鳥,陽中之陰,象 退 不不 成之. 宋 將 得 而 諸 後 Ŧi.

執於盂 侯 案 爲 公子 星 爲 此 五. 也。」賈以 五公子之亂 岳 堯 傳 而 , 隕於宋, 石 賈 口。」《尚 引歆 之四 不 謂 象齊威卒而五公子作亂 氏 終。 也。 無 説 説 嶽 嶽 書》「咨四 虧 本劉 爲 六 象宋襄 ·云: 石 師 也、 岳 星 鶂 古 四 歆。 象 隕 者、《説 元 嶽 日 分 將 也、 : 而 岳」、蓋古文 侯 《漢 得諸 Ш 鶂 昭 掌 齊 六 物; 文》:「 退 書 姜 年 也 四 飛,故爲 侯之衆, 方 潘 姓 伯 五. 諸 大太嶽 嶽, 業 行 也。 也、 也 庶 侯 志》於 始 古 商 其 民 得 而 退, 先 文 Ŧi. 治 惟

道 題 範 賦 作 宋 退 引 與 有吕」。 之。 適 亂 齊 禽 Ŧi. 語》言「 一六年 》。 ,示其 也 行 Ŧi. 稱 桓 也 鄭君云「六 四公子之徒戰于 而 鶂。《 也 公卒 胙 篇 行 霸 在 者 陰 文鷁 傳》曰 水 也 四 堯 益鳥 韓 德 石 至 是 在 釋 岳 命 臣 爲 行 十七 康 退,不成之象」者 或 禹 文》云「水鳥」、《文選 鷁 注 十二年 鷁 道 不 Ш 陽 水者 伯 命 治 水水 俱 也 亦云「水鳥」。 進 物, 鷁 中 年,十八 爲 水, 易 飛 9 者, 之 甗 侯 鳥 故 以 得諸 敗 盛 共 故曰 陰」。 伯 鬩 其 致 陽 繋 泓 者 陰 Τ. 」、《説文》云「 禽。」《 徵 年 敗 賜 辭 而 者 之 侯之象也。 「治五公子之 霸 也 齊 在 姓 》注 鷁 從 也 象 Œ 《穀梁 太 業 7 日 (白虎 君 孫 嶽 義 孝公,宋 退 姜 鶂 • 上 由 臣 四 説 之後。 陽 引《 之 以 通 此 氏 距 岳 疏 从 林 訟 其 君 陽 洪 此 佐 而 \Box

> 鬥、 口 馬 兒」,兒善訟 古 諫 而 不 聽 者 也 也 蓋 謂 戰 沼 之時,

生。 君 X 云『君失問 焉 : 失 在 問 襄公不問 鷁 ,以爲石隕 ,是陰陽之事 退 風 本 己行 咎, 疏 君 鷀 何 非 退 行 失 一,吉 吉 所 而 M 致 致 X 所 此 所 非 生 變, 從 吉 也 而 但 X 問 所 故 吉 從 服

説 所 愆 案: 譏 失 齊 正 故 亂、 致 義 退 魯 有 日 喪 而 此 -告 異し、 自 叔 人以 興 以 今乃 若 對 此 以 非 言 别 實 其 也 以 對 實 政 當當 恐 刑 云 爲 他 有 占 由 横 識 君

家》注 十七 幸 人 年 掌 傳 養 故 馬 名 臣 臣 男 之賤 日 幸 者。 女 日 不 妾。 聘 日 妾。」《晉 服 H 世

案: 馬 注 養馬 ^ 春 周 除 禮 爲 蓐 幸 • 釁 校 廄 人》 又《 始 幸 「乘 師 牧 馬 云「掌 夏 師 庌 几 教 馬 幸 幸 冬獻 先 養 鄭

記 是 馬 日 司 聘 馬 也 ,皆養馬之事 内 爲妻,則 而 • . 則 不以 序官》僅云「圉 廣 雅 士稱 不聘者自爲 釋 聘則 詁》云「 **^** 是臣之賤者矣。《 爲 昭七年 妻,奔則爲妾。」 師 妾矣。 : 幸 乘 》傳「馬 更 臣 一人,徒 也。 有 幸 禮 大 既

家》注。 服曰:「内,婦官也。」《齊世齊侯好内。 服曰:「内,婦官也。」《齊世

子。 寵 也。 嬪 佐 立名。」婦人居閨門之内,故卿之妃曰 案:《莊子· 諸諸 八世 后 内 「婦官」者、《周官 諸侯 使治 侯 嬖 婦、 如 夫 制 女御 外 夫 人 雖 逍遥遊》釋文:「内者,對外 内 有 人者六人」,明 稍 命 定 其 殺 婦 制 職 亦當 而 注 列 ·内宰》「凡 一一内 傳 於天 有 言 此 之。 官, 命 齊 六人指 婦 服 侯 是 喪事 言 謂 多 婦 内 嬪 内 此 官 九

宋華子。 賈曰:「宋華氏之女,子姓。

同上。

爲 案:《成十五年》傳「二華,戴族也」, 氏之女,子姓」 姓子氏」,又云「契爲 氏」,是宋爲子 戴公之後。《史記 也。 姓,而 子姓,其 華出 殷本紀》云「 戴 後 後 故 分封 契 是華 有 華 賜

雍 子》有棠巫,恐與 上。《索隱 巫。 ₩ ⊟ : 賈 「賈 日 雍 巫是 達以 「 雍 雍巫爲易牙字,未知何據。」按 人也 人名 巫; 易牙,字。」 管 百

饋 案: 官,名巫,而 食禮》作 《周 禮 字 雍 有 易 人。 内 牙 饔、 也 正 外饔,《 義 日 : 儀 禮 此 人 少 爲 牢

者六人。 因 内 寵 以 羣吏,諸 殺 羣 吏。 大夫也 服 日 : 同 内内 上。 寵 如 夫人

輩六人也。「羣吏,諸大夫」者,《説文》云案:「如夫人者六人」,即上文「長衛姬」

御

而

言,故曰「内,婦官」也

爲 卿 羣 寵 子 周 吏, 長 内 也 注 也 吏 禮 即 也 治 官之有權 晏子 諸 疏 宫 吏,而 王 云 者 伯 宫 日 也 1之士, 掌 龍 此 吏 惟 者 云 王 謂 是 卿 宫 謂 卿 , 諸 在 與 爲 之士 王 大 位 大 傳 大 官 夫 夫」者 者 夫。」 文相 庶 中 士 皆 子 之 諸 得 杜 違 所 總 吏 凡 稱 云 之 賈 以 號 在 吏 0 義 内 適 概 版

十九年傳乃溝公宫。 賈曰:「溝,塹也。」

《晉世家》注。

案 物 篇 釋 塹」、《説 文云: 文》 塹 云 掘 阬 也 也 ·, 莊 子 外

置 以 本 十 疏 扇 開 年 ; 傳 鍵 孟 凡 閉 冬, 啟 所 修 塞 以 從 鍵 塞 時 閉 0 0 0 ^ 從 月 服 時 **\$** 日 , **>** 從 : : 此 仲 闔 時 春 扇 也。」 修 所

案:《禮記·月令》「仲春,修闔扇」注:

者 牡 穿 達 人 閉 案 及 中 開 傳 觀 注: 非 外 淮 用 ____ 0 者 \neg Ė 也 所 》所 修 闔 蓋 南 注 木 牡 何 0 端 然《 ^ 疏 云 謂 闔 説 闔 不 云 . 日 説 亡 何 曰 爲 月令》 之牡 易 隆 閉 以 文》云 扇 闔 鍵 古 間 閉 胤 : 孔 形 謂 枚 • 是 也。 牡 閈 未 日 用 訓 案《 義 數 繫 失 之 : 也 受 盡 閉 不 閉 竹 鍵 主 闔 辭 其 闔 是 漢 鍵 者 口 者 鍵 西 牝 葦 乎 > 鏁 ^ 書 , 以 爲 闔 制 鉉 謂 是 月令》 日 極 也 謂 開 次 毋 門 爲 荀 也 : 門 之 0 之 扇 孔 將 9 闔 閉 子 五. 故 扇 扇 Ш 牝 疏 鏁 扃 闔 氏 行 之 · 仲 日 • 日 \Box 以 次 歸 而 户 ^ 孟 志》 鉉 儒 後 闔 春 襄 閶 : 管 若 則 此 爲 門 謂 冬, 樹 扇 效》 + 闔 子 云 禽 所 「牝 以 陽 之 鏁 凡 牡 八 之門 兩 潤 内 所 坤 以 所 鎖 修 次 也 氣 開 飛 木, 年 0 孔 器 舉 尤 牝 以 畢 鍵 云

皆 之爲 鼎言 覽 注 故 鬲 訓 部 爲 所 即 蓋 户 也 鼎 ,皆有 牝 也 日 謂之『牝 可 弱夠 以 》引蔡邕《月令章 亦 扃 也 之也 爲 牡 止 門鍵,當 是 孟 可 服 若 扇。」《 牝 鼎 稱 閉 ^ 冬紀》《 用 孔 儀 疏 易 牝 牡 然 耳 鼏 漆 服 内 爲 禮 > 日 之鍵 然 牡 謂 者 亦 關 故《考工 説文》云: 以 則 : 注 | 較子 則 也 也 淮 以 之 ,塗合牝 牝 鄭 木 0 / 以 謂 所 木 以 鉉 南 矣。 横 云 於其中 十句》曰 鍵 木, 車 貫 木 謂 , , 喪大記 貫 記 自 較 鍵 凡 門 貫 而 時 古 禮 鼏 以 牡 牡 物 闘 鼎 扇 字 則 : 文 即 耳 車 木 之 謂 影君 之相 从 而 矣。 耳 訓 閉 舉 今人謂 以 鍵 爲 中 人》稱 扃 之 金 又 爲 之。 牝 之, 木 也 作 鼏 蓋 關 《 顔 向 施 鍵 者 爲 横 故《吕 者 受者 牡 用 下 之平 楗 是 車 持 氏 引 繫 蓋 ^ 鉉 漆 服 也 門 棺 箱 鍵 伸 於 鼏 鼎

> 介月 也 塞 至《 也 至《 時 則 與 者,《 。」「從此時 孔 管 也 檀 令 Ŧi. 氏 明 明 弓》 行 荀 管 指 是 修 志 子 爲 注 鑰 鍵 所 所 云 物 」,謂從此月令仲 閉 鏁 王 云 以 管 次 下 霸 鄭 搏 牝 篇》 者,誤 鍵 鍵 注 繼 牡 也 云 注 之 非 日 自 者, 管 矣。 管 指 塞 慎 鑰 特 鍵 春、孟冬之 管 謂 鍵 管 互 是 鑰 搏 閉 鑰 行 文 言 鍵 所 不 物 耳 之。 器 通 以 鍵

紀 滑 注 人 叛 鄭 0 賈 日 : 滑 姬 姓 之 或 《周 本

案 弟 我 、費、滑 一是滑 《成 爲 十三年》 散 姬 離 姓矣。 我兄 傳: 弟。」一晉 晉 吕 以 相 費 日 滑 : 爲兄 殄 滅

春 秋左氏傳賈服注輯述卷七

也。

襄

二十四

年《

穀

梁

傳

>

日

Ŧi.

記

•

禮運》

》云「城

郭、

溝

池

以

爲

固是

興 李 胎 德

僖

公

本 無 二 疏 道 之 年 國 傳 乘 修 而 城 加 郭。 兵,故 服 修 日 城 : 郭 或 爲 家凶荒 守 備 也。 則

荒 案 演 者 萬 地 連 民 别 云 珠》注 文者 説文》云「以 注 周 城 禮 外爲 以 荒 猶 X 大 因 之 爲 M 司 也」。 郭 盛 年 X 徒 年 民 也 * 荒荒 也。 以 城郭 乘」者、《文 疏 荒 爲 日 政 荒 爲守備」者 ^ 管 + 亂 子 有 司 選 城 度 X 聚

> 守備 守其 升謂 札 榭 思 城 日 郭 : 啟 所 計者 國 塗,弛侯、廷 之大侵。 年 者 謂 因 則 不 蓋 其 救 至矣。 或 順 災 饑 有 危 成 饉 恤 大侵 道 矣。 鄰 道 加 之 土 之禮 不除。」《 功 以 或 道 必 不 師 修 也 則 君 興。」 旅 其 知 , 使不 反 禮 食 城 以 是, 而 郭 記 不 荒 所 此 兼 0 設 則 禮 玉 味, 云 以 險 狡 哀 爲 以 焉 修 M

之卑稱 禮》 二十二年 日 也。」《晉世 傳 世 寡 婦 君之使 以 家 下 , 注 自 婢 稱 子。 婢 子。」 服 婢 日 子 : , 婦 曲

嫌 婢之言卑也。 其當。」《説文》云「婢,女之卑者 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □
 □ 禮》是《小戴禮 於 其 君 》篇名 稱 此 以 鄭 接 彼注 見 也 體 云 敵

《曲禮》疏曰:「降於夫人,故並自稱婢

富辰言於王曰。

子

賤

故

世

服曰:「周大夫。」《周本

紀》注。

二十三年傳以討其不與盟于齊也。 服曰:

之德 齊世家 魯僖 宋襄 公 + 公欲 九 年 諸 行 霸 侯 道 盟 不不 于 與 齊 盟 以 故 無 伐 忘 之。 桓 公

盟 襄 請 修 欲 :十九年冬,盟 ,故今討 好 繼 於 桓 諸 而 之。 侯 霸 以 不 于齊。 無 與 忘 此 齊桓 盟, 傳曰:「 耐 之 爲 德 鹿 陳 E 時 穆 之 宋 公

其 策 死 名 節 名 於 委質 於策,委死 其 君 也。」《史記索隱》十八。 之質 服 日 : 於 古 君 然 者 後 始 仕 爲 臣 必 一,示 先 必 書

謂始有事於朝也」。「必先書名於策」者,案:《詩·四月》箋云「仕,事也。始仕,

贄篇》所説,即服氏「爲臣必死節於君」之 己之誠 篇》:「臣見君 也。 王, 名以 形」,《 字云「象 士 尺,短者半之」。 可 周 瑞贄篇》 册」正字,「策」 策 行 誘之以 禮 《周 上書 當亦 威 本作 獨 委死之質於君」者、《白虎 釋文》云「『 介,守節 禮 斷》云「 典 致 其 食、 又 於策。」 書賢、能二名 册。 瑞 己之悃 日 札,一 懾 鄉 言 有贄 之 假 死 大夫》云 策, 臣將 以 土 策』本 義, 儀 長 借 何? 定 諸 幅 簡 威 以 字。 禮 也 不當 臣 仕 几 雉 也。 短 」。 始 必死 於 0 之 贄者 獻 年 爲 又 必 聘 ,中有二 贄 版 移 説文》 贄 其 作 賢 先 禮 傳 仕 1,質也 制,長 轉 不 者 士 即 能 書 通 *\frac{\times}{\times} 當 册上, 可 取 也 備 解冊 策 之 其 執 生畜 爲 瑞 編之 名 書 物 名 者 雉 不 贄 於 於 白 例 典

之鼓 爲 義 也。二注 未 無 云: 委質於晉 有 二心, 「質,贄 處 之 沙 委 也。 鼓 釐 質 也。 而 言 . 策 委質 臣 臣 死 聞 一委質 於君 之, 古 之 委 於 法 書 質 翟

非矣。

名於策,示必死也。」服

義本

此

若然

則

質」之言「贄」也。

IE.

義

以形

體

解之,

家》注。 服曰:「胥臣臼季也。」《晉世司空季子。 服曰:「胥臣臼季也。」《晉世

出

于

五.

鹿

賈

国

衛

地。」《晉世

家

注

:

傳一臼 子。 是 臼 臼 文二年》「及晉司 邑 IE. 一、蓋 也 臣 ,故名氏 [衰」,杜 晉 義曰:「胥,氏也;臣,名 食采 之司 食采 完 十 於 云 於臼 空 互 臼 ·三年 一見也。」按:《二十四 解縣 自 空 而 邑,字季子, 士: 1 字 · 》傳 東 蔿 穀 季 南 曰 始 盟 也 有臼 見 于 季 故 於 垂 城」, 使 而爲 也。 此 傳 隴 過 稱 蓋 其 冀 司 晉 年 即 成 有 後 季

> 亦世 爲 傳。 九 他 法 日 年 號 八 如《 : 而司 「蓋晉自 <u>*</u> 變之亟 文公以後,世主夏盟,諸 與 年 成 * 季 賜 子 馬、 右 年 司 也 司 之 行 空 司空僅 徒 爲 賜 辛 既 司 司 爲 命 廢,僅 空 空 之 司 列軍 空, 服 當 命 大 尉 同 之 使 司 卿 在 輿 服 修 顧 皆以 空 師 卿 氏 士 之閒 列 蔿 將 見 棟 襄 也。 於 高

尚未 文 襄 案 府 兩 案 地 三 十 注 名 觀 晉 歸 五. 顧 以 Ŧi. 國 自 城 齊 Ħ. 鹿 氏 存 鹿 縣 逆 顧 年 爲 棟 疑 陽 説 衛 9 衛 衛 元 高 侯 似 平元 省 邑,晉 未 晉 日 城 獻 晰 子 : 之衛 縣 城 公 大 齊 縣 杜 自 即 文 止 縣 崔 其 東 注 齊 取 今 帑 ,今爲 杼 亦 還 之,而 大 以 止 有 或 衛 名 求 其帑 Ŧi. Ŧi. Ш 縣 恭 府 仍 鹿。」 鹿 東 冕 西 治 屬 時 謹 東昌 北 也 案 衛 蓋 求 有 傳

今大名 東 鹿 范 地 杜 五 絶 與 近 城 注 氏 鹿 無 邯 東 恭 齊、 晉邑」,則 此 屬 府 昌 鄲 冕謹 衛 中 時 開 觀 有 救 蓋 案 州 范 城 Ŧi. 牟 氏 屬 者 縣 鹿 齊 又屬 之事 鄴 衛 接 衛 城 衛 界。 城 韋 地 晉 哀 則 顧 Ŧi. 屬 五. 其 氏 + 鹿 説 鹿 元 元 在 四 迭 亦 哀 是 城 城 誤 年 屬 元 之説 也 縣 年,至 晉、 者 齊、 韋 開州 爲 衛 Ŧi. 哀 即 衛 長 + 鹿 沙 救 四

家》注。 賈曰:「八十匹。」《宋世有馬二十乘。 賈曰:「八十匹。」《宋世

滅 氏 馬 案:《公羊》僖三十三年 乘。』《儀禮 反者」注:「匹 攝 殺 也 也。」《晉世家》注。 東帛乘馬 。」若然,則二 服 聘 而將之」、《釋文》:「四 馬,一 日 禮 : + 》「設馬乘」注: 馬 懼 乘 也。」《禮記 爲 孝公怒,故殺之以 ·傳「匹馬、 馬 八十 元 隻輪、 • 檀 乘, 矣。 馬 四 無

> 常 注 案: 訓 略 杜 同 云 爾 恐孝公怒其 雅 . 釋詁 <u>\times</u> 去」, 滅 韋 絶 昭 也 晉 語 此

其 不過三舍。』三舍,九十里也 避君 家》「 雅 追 之。」「不過三舍」者,言師 因 案:《史記 十里爲一舍。」《詩・六月》「于三十 法》也。 息」,故《莊三年》傳曰「凡師一 三舍也。 遯」,《 師 論古者《司馬兵 號 行三十里」,箋云「日 釋詁 三舍。 皆過栗 一司 説文》云「 「從」, 《吕覽 馬 · 穰苴 姬」、《索隱 近 穰苴 猶 賈日 • 不廣篇》注:「軍 避 逃 韓 法》,而 傳》云「齊 兵 也」,亦作「 也。」《史記 (法》) 厥 《司 從 行三十 一同 附 鄭 之進 日 馬法 即 穰 : 伯 威 上 所謂 苴 過 宿 遁。 退不 里 王使大夫 . 之「從 於其 爲 外 口 令司 里 得 謂 從 戚 以 馬 遯 傳 踰 廣 舍 踰 世

紲

者行

則有

犬。」本

+

四

年

傳

臣

負

羈

絒

服

日

:

日犬繮

然則, 旋 此 至三舍 矣」。 三舍,蓋三 而 軍 司 極 法 馬 ,故下云「若 日 師 法》所云「從 而 進退日行三十里即 九 十里也。 不獲 遯 不過三舍 命 退 避 則 與 里 舍。 周 數

降 服. 是 降 而 也 服 囚 於懷 0 嬴 服 屈 曰:「申 於不 知己。」本 意於楚子,伸於知

語 爲 詘 記 舒 其 以以 是 古 於不 『信』讀 志 杜 不 語 管晏列傳》:「越石父曰 楚子 知己 矣。 知 云「去上服 氣。 己 響而 也 懷 , 日 申 而 故故 嬴 禮 意 申 信 自 「降服 之,是. 於楚子」,謂對 女子,且 」。」云「吾聞 於 知己者。』《索 拘囚 而 知 囚 以 己 以 : 也 以 重 謝之」、《史 吾聞 自 故故 耳 楚 則 貶 爲 得 君 君 也。 隱 卑, 之 語 發 子

《詩》 守禦 者也 賈侍 犬」,當 犬, 充君子 疏 紲之僕」注 當有本義,今不存矣。 出『一日』之例。」然則 紲,系 <u>云</u> 紲, 犬則 古者行則有犬」者、《少儀》「守犬、田 日 據《少儀》補之曰 所 段氏《説文注》曰:「凡義有兩歧 車 ; 中 所 以 執緤。」「 以 「犬有三種 -徒,義 也。 是守犬。 而 謂 别 繋 日田 與此同, 庖 於 亦云「犬曰 制 載 段氏 厨 或 羈 之 繰即 犬, 獫 庶羞 然 者」, 蓋 猲 以 也 也。 田 則 居 驕 用 獵 「紲,犬系也」,釋 服 紲」次牛 紲, 或 日守犬,守禦宅舍 則 紲 ^ 《禮記 也 服 各本《説 所 或引 晉語 者 守禦宅 説 氏 用 亦作 也。 田 本《 出 韋 也 賈 系、牛 犬 從 説 注 ; 少 文》並 舍 絏 少 即 行 三日 大 者 也。 儀 旦上 駟 儀 之 純 行 抵 爲 w. 之 食 云 釋 有 本 云 則 羈 注

引伸 義,正 文 馬、係狗皆 上文『繮』下 犬」字,段氏蓋以 紲』之本 意 文》云「 正 之義 紲 義 同 本 所 也 犬 得 引 紲 愚 系,引伸之,馬 稱「紲 者爲 日『馬 係 如杜 服 謂 杜 云『犬繮 也」,紲 意增之耳 服之或 」,是唐 説『紲,馬 所 紲 用 也。 是係 者 説 時《説文》亦 當當 許云『 亦 耳 繮」, 如 之别 日 爲 服 二 正 服 馬 則 説 名,係 義 之本 紲 紲 故 無 引

軍 於郇。 服 日 : 郇 或 在 解縣 東, 郇 瑕 氏

墟

也。」《水

經

涑水

》注

郁。 墟 杜各據 云: 解縣 」者、《成六年》「必居郇 上杜 \(\frac{1}{2} 解。 東」者 當 預 傳 時 日 ,蓋漢、晉縣治 地界言之也。 : 漢 . 志》並 『咎犯 縣 西 屬 與 北 秦、晉・ 河 有 瑕氏之地」,杜 容稍 云「郇 東郡 郇 城。」 移 大 瑕 易 夫 劉 氏 此 盟 昭 服 之 云 於 注

字

古

通

嬴

氏

文嬴

也

名。 府 云「古國名」。 臨 《詩 晉縣 》所謂 東 北十五 顧 郇伯勞之』者,今在蒲 氏 里。」 棟 高 日 郇 州 或

也。」《晉 朝 于 武 世家 宫 注 賈 日 : 「文公之祖 武 公 廟

子獻 則 案 稱 ≪晉 公詭 祖 矣。 世家 諸 7/ 》言武 文公爲獻 公立三十九 公子,於 年 而卒, 武公

晉 侯 逆夫人嬴 氏以 歸 服曰 :「繆公

女。 案 繆」、《 同 : 上。 秦 禮記 伯 春 大傳》「昭 秋 傳 **>** 作 穆 穆」, 亦作 史 昭 記 作

上下相蒙。 案: 年》:「甚 蒙王與令尹。」傳意皆以欺爲蒙,故服云 《昭元 哉 年》:「 ! 服 日 其 : 又使圍 相 「蒙,欺 蒙 也。」《 蒙 也 其]。[同 廿 先君。」《八 七年

「蒙,欺也」。

以 緜 E. 爲 之 田 0 賈 . 緜 E 9 石日 地 ___

同上。

相 之 治 傳 之 子 袁 經 案 自 年 以 氏 Ш 時 $\stackrel{\cdot}{\gg}$ 松《 事 爲 推 及 宋 兵 北 注 \Box 襄 顧 之 *****: . 如 趙 廟 郡 霍 流 今翼 氏 台 公 簡 此 推 前 西 Ш 逕 或 石 今其 炎 必 + 所 子 河界 \oplus 其 以 石 志 桐 城 武 \equiv 隱 在 載 逆 路 北 桐 **>** 縣 水 Ш 日 年 0 宋 近 之 休 回 岢 寺 大 西 南 . \approx 樂 或 . 而 即 縣 無 抵 西 出 跨 亦 晉 漢 都 祁 皆 緜 南 於 異 界 以 有 即 靈 之 悼 魏 飲飲 狄 界 水 有 辭 休 緜 緜 石 介 公蒐 地 以 地 休 地 也 有 出 Ŀ 子 Ш 來 乎 東 名 0 酒 爲 俗 與 介 推 介 又《定 于 ? 緜 跨 然 傳 之 晉 于 Ш 休 之 緜 謂 沁 上 攷 田 有 緜 況 緜 縣 都 祠 之『小 原 之 上 公六 遠 之 焚 文 E 巾 , 公 以 於 世 聚 緜 水 杜 不 山

> 言 横 應 漢 謂 邑 紀 兮 周 望 雄 今 緜 ~ 時 勤 傳 晉太太 大 子 流 > 萬 八 Ш 顧 詔 荒 河 ***** 已有 推 容 泉 大 龍 地 日 隱 與, 近 縣 康 湊 禹 門 其 理 於 雄 曲 南 朕 記 以 汾 志 於 \equiv 是 説 作 覽 沃 用 陰。 覽 龍 月 矣。 及《 Щ 鹽 里 當 事 門。」 河 於 汾 池 將 地 而 既 介 有 必 東 介 陰 辨 祭后土 道 是 介 祭 Ш 賦 登 Ш ^ 之 記 簡 行 Ш 水 歷 介 祭 日 以 子 觀 經 嗟 Ш 與 ^ 后 游 爲 逆 漢 文 注 在 土 陟 介 永 靈 非 樂 書 公 \forall 迺 南 Ш 亦 初 連 祁 内 皆 然 而 帥 記 引 岳 安 愍 有 武 群 口 可 此 步 地 並 見 推 以 安 揚 光 帝 臣

H. 案 旌 旄 故 善 爲 首 ^ 人。 説 車 也 文 服 所 **>** 旗 賈 以 章 旌 日 精 以 游 進 旌 旌 車 之。 士 載 表 卒 旌 是 也 也 ___ 析 0 旌 羽 同 以 周 上。 精 語 進 注 士 :

^

吕

覽

卒 引 伸 爲 表 識之義

自

王 使 伯 服 游 孫 伯 賈 日 : 二子, 周 大

夫。」《周 本紀 洋

鞶 而 鑑 不 與 與 厲 厲 公,而 公 爵 也 獨 與 虢公玉 服 日 一爵 一同 惠 王 以 后 之

事 在 莊 年

聽 或 又 怨襄 近 命 後 鄭 自 王 超於 之與 世 世 王 衛 服 王 滑 從 以 也 而 與 更 衛 違 服 叛 同 日 上 鄭 師 滑 伐

服 也 都 《十三年》「殄滅 案:《成十七年》「 云「滑 從 於費。」 顧 故 一、洩 氏 知 + 滑 疏 棟 年 堵 或 謂 鄭 高 寇 爲 或 師 日 帥 我 滑 伐 費滑 師 鄭 秦 邑 之即 人 子 所 其 並 滑 叛 上,杜 駟 滅 舉 地 鄭 此 時 侵 一,是滑 近 稱 而 日 年 晉 鄭, 一清 屬 叛 服 事 虚 晋」。 於 在 爲 滑 也 則 衛 所 小 舊 或 或 杜 知 爲 鄭 必 又

可

告 己 篇 也 愬 於王 此 必 愬 以 我 王 於 爲 萬 請 乘 知 之主 之。 注 必

弔二 叔。」 本疏。 叔之不 ○《詩 咸。 常 棣 賈曰 》疏 引。 二叔 謂管 叔 管 叔、

中,方 弟。」 其 道 常 親 世, 馬 管、蔡,傷 弔 意 戚。 棣 融 傷 疏 蔡叔度, 《史記 正 同。 以爲夏、殷 左傳》言『 有管、蔡, 序 其 也 鄭 義 疏 親 其 玄《詩 弔,傷 H 云: 戚, 咸 不 故 : 管 和 弔二 同 以 蔡 豈傷 叔 鄭 也。 箋 睦 此 叔 也 世 世家》:「文王子 至 衆 而 爲 序 叔 亦 其 滅 流言 故 言 賈 管、蔡也。」 之不 然。 周 作亂 Ť. 一叔,即 杜 公傷 逵 関 同 作 咸」,言 皆 故 案 始 管、 之。」《 亂, 管、 夏、 其 廣 以 封 蔡 封 建 封 故 殷 杜 蔡 雖 管叔 之失 建 叔 其 之? 封 之 也 之 建 叔 兄 爲

如

此

也

秋

疏

與《

行

封

建

親

戚,

明

其

無

私

之變,

故

攝

政

之後,公傷

同

氣

Ħ.

迎

周

公反,

而

居

攝

屬

黨

時

成

王

年

+

几

也

雷

風

之

變,

時

周

公

居

東

年

+

也

居

東

年

言

関管

周

公弔

叔

左氏

~~~~

謂

管、

即

傳

蔡之失道 其實二 傳》者 之不 言 箋 詩 爲 鄭 也。』答 也。 爲 則言二 叔 叔 云 云 、賈 又此 疏 問 管、蔡,故 叔 世 夏、殷之叔 咸 世 周 故 者 實 當 異 之説 鄭 也」,彼『叔 仲 序子 謂 叔 以 云: 是一 而 以 義 衆、 作 叔者 文以《左氏 可 昭 作《 主 蓋 也。 問問 代之末 夏所爲 事 賈 六 知 常 此 管、蔡者 常常 世 各 之。 亦宜 年《 逵 棣 注《 又《 故故 故 棣 證 按 以 世 左 鄭 鄭 左 各 左 爲 親 則 即二 影論 引之。 傳 者 鄭 爲 答 氏 注 夏、 受聖 孔 叔 此 此 **>** 注 者 叔 例 序 殷 謂 氏 云 其 管 指 以 年 周 服 子 後 説 辭 爲 年 明 明 王 居 啟 志 年 收 公欲 喪 年 矣。 據 東 夏、 也 亦 成 反 疏 生成  $\equiv$ 爲 ,於是首 秋 都 捕 牖二叔之衷,弭人倫 党 然「 殷爲二叔 王 東 云 代 愚 年 特 大 時 有 周 年 攝 ·畢,成 謂 王,則 叔 熟 之攝 傷 是 理 公 成 + 政 案 世必 既 不 其 之 孔 遭 王

政,群

叔

流

言

周

公

辟

Ŧ

年

+ = - 0

明

年

將

踐

阼

武

王

崩

時

成

王

年

+

歲

三辟

之興,皆

之末

世也

世

不不

· 得

足

自

明

先

儒

説

左

馬馬

融

以

不

咸

即

失道

 $\equiv$ 

辟

之

興

皆

在

亦

云管、

耳

鄭

註

金

縢》云『

文

王

崩

後

之

初

也

^

禮

記

•

文

王

世

知

封

建

實

在

群

叔

流

言

之

作

亂

始

封

建之?」

其

斥

氏

謂

封

建之

中

方

連

文。

去

世字

則

雖

有「三

辟皆叔

世

宜

爲

夏

殷

末

張

逸

問

此

四三

終不 周 叔 山 弔 爲 公乃 序 ′峻 管、蔡,足以 鄭氏《詩》《 箋 叔 (),反 東伐之」。 云周 之不 懼 咸 而 公歸 書》二注參之,此 徵 致 是管、蔡 管 叛,周 周 攝 公之心矣。 政 蔡 得 公乃不 雖 監 列 得 及 或 建 焉 淮 傳 得 或 夷 以 已 一, 估 叛 東 征

召 苗 穆公。 疏 召康 公十 服 日 六世 : 召 孫。」《詩 穆公,王卿 民勞 士 》疏 詩 黍

一世 康 職 案 子 義 爲 召 繼 公下 本《 卿 公之後, 本 二,疏 士 燕 詩 世 矣。 九 ,支子繼 穆 本 . 日 世 黍 公是 > 爲 故《 言卿 至 也。 苗 王 惠 周 召 》序「卿 康公之十六 卿 侯 按 語》章 士也。」《江 當當 陸 士 史記 德 不 周 士 昭注:『召 明 能 厲 不 日 行 能 世 王 燕 : 奔 行 孫 則 · 漢 》 世 彘 康 召 召 家 公, 疏 伯 伯 共 公 是 載 長 召 之 和 服 引 時

> 生子 時 公止九世 · 上 有 距 早 召 晚 而 公至 壽 穆公爲 十六 命 有 繼召之後 世 長 者 短 故 **^** 也。 民 乃 勞》 當 疏 厲 云 宣

王 遂出, 水》注 及坎 飲 服 日 鞏東邑名 也。

《水

經

洛

並 此 璠 南 飲 言 谿 聚。」 水 日 也 在 石 續漢 『鞏 泉,世 )°]« 鞏 酈 西 道 東 益日 • 元 郡 非 太 地 亦 日 國志》河 康 也 名 名之爲 :「洛水 \_0 地 坎 記》《晉 飲 石泉 在 南 又東 尹」: 泂 書 水 水東 北 • 也。 地 鞏 泂 道記 疑 京 水 有 即 相 發 坎

道 = + Ŧi. 禮 年 記 經 公會 曲 禮 疏 衛 子。 服 日 : 明 不

位。 案: 以 諸侯 注 以天子三年 禮 記 之踰 謙 • 未 曲 年 敢 禮 即 然後 稱  $\approx$ 位 天子 亦 人。人 稱王,亦 知 未 天子 除 春 喪 知諸 秋 之 日 傳 踰 侯 子 年 於 即 小

之時。

是繼燕之惠侯,當厲王時,上

距

召

詩

烝

民

生

仲

Ш

甫

傳

:

仲

Ш

甫

樊

公既 其 爵 遽 既 者 封 以 葬 爵 葬 内 緣 稱 稱 而 孝 子 稱 年 能 者 子 衛 稱 不 之 即即 子 失 子 心 尊 禮 見 未 之 ^ 其 忍 白 漸 以 安 也 虎 子 古 通 道 也 自 年 爵 居 今 然 不 篇 衛 後 敢 受 文

傳 遇 黄 帝 戰 于 阪 泉 之兆 服 日 : 阪 泉

地

名

**五** 

帝本

紀

枯

槁

故

饋

之

飲

食。」

本

疏

戰 案 與 炎帝 於版 在 大 E 戰 泉之野 戴 於 記 阪 · 五 0 泉之野、 帝 史記 德 》云: • 五. 集 解 帝 黄帝 > 紀 ] 皇 稱 與 甫 黄 赤 帝 帝

注。 名 次 也 于 者 案: 陽 《續 賜 樊 樊。 周 漢 仲 晉 地 Ш 後 郡 之 或 專 者 服 志 所 名 注 周 日 居 陽 引下二句 圻 : 故 内 陽 陽 H 之地 樊, 陽 略 處 口 樊 父 周 也 食 地 陽 0 邑 晉 陽 即 邑 世 名 此 家 品

> 食 於 是 侯 樊。」 則 邑 也 Ш ),猶《 爲 甫 若 疏 温 爲 然 也 何 樊  $\sim$ 是 或 周 此 斯 之 樊 陽 語 **>** 君 爲 傳 樊 也 稱 圻 以 樊 内 義 蘇 韋 仲 或 爲 也 昭 名 Ш 或 甫 名 而 諫 陽 而 宣 食 其 則 食 其 菜

+ 六年 傳 公 使 展 喜 犒 師 服 日 : 以 師

邑

之

案 爲 爲 之飲食」者,《 案 木 也 日 若 枯 犒 槁 ° \_\_ | 或 稟 此 師 忧 説 師 是「 之 地 文》 猶 役 官 故 鄭 犒 憫 犒 無 則 • 可 公羊》莊 其 枯 古 序 令槁 農 犒 勞 槁 作 官》「稟 主 云 而 字。 檜 連 冗 名 槁 稟 之 文 食者,故 四 之 ^ 當 年 周 注 日 潤 《説文》: 爲 注 禮 注 其 勞」 犒 謂 槁 故 小 也 牛 之 謂 書 而 稟 行 犒 酒 犒 名 槁 槁 之 讀 饋 師 

醕 枯 犒 从 牛 犒 西 者 師 槁 是 者 一,今經 也 飲 也 《斥 食 淮 即 不 南 傳 魯 服 彰 外 中 長 牛. 義 語 氾 <u>\*</u> 也 田 酒 犒 論 君 師 後 》 注 碑 展 之 禽 》「史見 4 測 使 犒 羊 義 Z B 製字 勞 喜 是 犒 醅 以 也 共 膏 或 其 沐 或 从

室 在 如 如 縣 縣 罄 本 服 疏 日 : 言言 室 屋 皆 發 撤 榱 椽

散 此 除 也 名 案: 磬 )° | 也,去 發 魯謂 釋 也。」《 室、 榱, 釋宫室 石樂也,从石。岩 索問 文》 之桷 屋 椽 也。」言室 華 異 也 . W 一嚴 『罄 几 云 名 是 秦 經 氣 同 榱 名 音 中 調 實, 屋 亦 即 所 義 屋 神 象縣 作 亦 故 椽 藏 椽 》引《字書 大論 奥 服 『磬 言 皆散 也 虞之形。」 段 也 連 ※注 室 其 周 言 去矣。 所 謂 之。 説 中 存 之椽 發, 文》: 者 温 ^ 《説 撤 氏 謂 惟 釋 奥

> 推 同 缶 也 故 磬 昭 故 縣 石  $\sim$ 而 日 〈詩》云 」。」按 Ó 左傳 又 僅 股 見 注 也 日 同 一般聲。 古 程 謂 意。 横 存 或 如 言 氏 》 室 義 : 假 榱 出 日 縣 罄 瓶 罄 矣。 以 椽 殸,古、 借 而 説 邛 魯 罄 爲 之 有 如 鼓 象 者 縣 之, 文》云:「 盡 罄 府 也 房 縣 磬之股 直。」若然 磬 象 <u></u>, 藏 矣」 室 凡 罄」,字从 文磬字。」「 之 空 證空,以空證盡 中空之象,室 詩 是 器 國語 矣。 虚 崇云 罄 也 中 但 器器 空 程 象磬之鼓 則 作『 缶 罄 有 空 皆 罄 氏 室 中 無 榱 縣 則 謂 之 瑶 空 从 梁 有 磬 不 無 之 空 缶 田 也。 磬 宜 · 可 資 盡 罄 如 其 與 義 本 是 以 从 懸 从 中

渠 夔 之 子 不 孫 祀 熊 祝 摰 融 之 與 後 鹅岗 熊。 夔 在 服 巫 日 Ш : 之 夔 陽 秭 楚 熊 歸

鄉

。」《楚世家》注

劭 熊渠 孫 注 案 卒,其弟 人 也 子」,字之誤 史記 有 廢 有 日 : 疾 功 ^ 漢 楚 渠 鄭 巫 主 是 立 熊繹 書 弑 卒, 楚 自 語 Ш 服 命 其 世 竄 而 . **>** 在 子 : 云 家 地 爲 弟 六 也 代 干 西 熊 理 夔 熊 世 7 南 夔 夔、 熊 ^ 摰 志 子 延 孫 ° \_ | ≪ 楚 渠 熊  $\leq$ 紅 越 日 則《 世 之 穀 熊 南 繹 是 立。 摰 不 熊 家》又云: 孫 梁 延 郡 封 夔 自 史 足 摰 傳 楚 巫 爲 棄 **>** 命 言 摰 然 有 於 熊 也 歷 注 孫 紅 傳 惡 延 摰 夔 0 Ш Ŧi. 言 弑 後 疾 韋 摰 當 當 其 世 南 也 誤 熊 作 即 爲 楚 爲 應 紅 昭

枝 + 七 年 傳 之 孫 讓 於 也 欒 枝 晉 世 先 家 注 賈 日 欒

或

洪

氏

亮

古

日

歸

州

漢

秭

歸

夔子

城

在

州

東

陽

又

南

郡

秭

歸

自

注

歸

鄉

故

歸

成 案 見《晉語 見 並 桓 韋 注 年 傳。 枝 成 其 子 子 爲 也 灓 共 子

二十八年經戰于城濮。賈曰:「衛地也。

同上。

楚 殺 案: 府 解 濮 亦 其 莊二 州 大 南 夫 衛 + 得 地 七 + 臣 年 里 有 顧 公 臨 氏 賈 濮 會 棟 日 城 齊 高 : 侯 日 于 不 . 城 書 今 濮 族 曹 州 杜 陋

僖 人 閒 雅 名 案 反 氏 使 ^ 猶 + 經 宜 買子 雅 多 書 申 爲 差錯 年 . 來 荆 陋 道 獻 楚 敗 0 術 得 之 捷 宋 楚 篇 臣 君 師 自 書 爵 從 武 殺 始 其 王 荆 而 列 陋 辭 始 人來 於 不 俗 令就得 居 舉 會 聘 江 族 故 而 稱 漢 仍 謂 其 其 楚 臣 之

● 「注」,原脱,今據下引文補。

也

釋

例

氏

族

例

陋也。至成二年,楚公子嬰齊始得具列,

後殺子反亦書公子側矣。

内 盟 于 踐 周 土 本 紀 注 賈 日 踐 土 鄭 地 名 在 河

雍 志 宫 案 封 地 餘 0 矣 里 城 府 ^ 是 河 ~ 括 有 城 衡 顧 南 鄭 地 内 史 雍 氏 志 尹 東 記 地 爲 ₩: 棟 北 鄭 : 得 隅 高 魏 祭澤 有 地 垣 有 世 日 雍 踐 踐 家 垣 : 縣 0 土 土 **>** 雝 西 近 臺 祭 ~ 城 北 續 垣 澤, 無 去 + 雍 或 漢 忌 衡 Ŧi. 亦 今 日 謂 0 雍 里 屬 古 郡 爲 魏 有 =開 鄭 衡 + 或 王 王

陽 忧 天 王 晉 之温 狩 水 郊 于 也 河 河 陽 水 注 Ŧį. 賈、 周 服 本 日 紀 : 注 引 河 賈 陽 白 温 河

漢 書 穀 梁 地 傳 理 \* 志 \* 温 河 河 内 陽 郡 也 温 故 自 賈 云 故 然。

國,蘇忿生所封也。」時已賜晉。

流 傳 河 自 也 南 河 衛 濟 世 家 服  $\Box$ : 南 河 濟 南 之東 南

案 南 汲 郡 流 曹 南 河 在 渡 也 出 衛 東 衛 南 傳 而 云 東 自 故 南 云 河 濟 濟 南 實 從 東

衛 也 侯 出 晉 世 居 家 於 襄 牛。 服 日 襄 4 衛

地

陵 説 案 謂 本承 縣 是 邑 之 本《 也 併 襄 0 顧 秦 匡 應 漢 人 始 氏 邑 襄 師 劭 書 睢 皇 古 棟 陵 縣  $\Box$ 州 以 應 高 鄉 日 : 西 承 今 劭 也  $\overline{ }$  $\equiv$ 王 : 屬 注 春 卷 + 卑 宋 河 秋 秦 稱 里 地 溼 南 襄 傳 置 云 理 有 歸 故 公 **>** 襄 承 志 日 德 所 襄 徙 品 匡 府 葬,故 邑 縣 縣 師 城。 陳 于 於 宋 留 明 案 襄 襄 然則 郡 地 初 日 : 牛 襄 襄 顧 省

應說以爲襄牛、誤也。」案:此則顧氏說

不足據,當闕之而已。

非 : 敢 必 有 功 也, 願 以 閒 執 讒 慝 之 П 服

之口 日 子 謂 玉 子 非 玉 敢 過 求 百 有 乘 大 功 不 能 但 人 爲 也 執 \_\_\_ 蔿 口 賈 上 讒 慝

也 釋名 詩 • 執 釋 競 》釋文引《 姿容》「執 韓 攝 詩 也 **>** 云 使畏 執 攝 服

己也。蔿賈言見前年傳。

子玉使宛春告于晉師。 賈曰:「宛春,楚

之大夫也。」同上。

楚子伏己而盬其腦。 服曰:「如俗語相

駡

云

啑

汝

腦

矣。」

本

疏

之所 俗 引 案 切 之驗。」 經音義》六引《倉頡 一諺 傳 有 服 驗 終 詩 所言 於 風 事 **>** 稱 疏 「俗語」,亦 人 可 云 以 篇 亦 稱 取 》「罵 有言』, 俗 之。 其 人云 ,
皆也」、《釋 例 ^ 是古 左 者, 也。 傳 以 有 ^ 每 俗 用

> 也 也 也 名 一書 0 . 釋言 引 ^ 漢 亦 作 時 切 語 語 》云「駡, 經音 歃」,所 以 證 義 盬 》八引《字 迫 洽反,謂 之狀 也 也 以 以 惡言被 書 微 啑 吸 迫 之 喋

官。」《晉世 作 自 往 王 宫 臨 于 踐 「家》注 踐 土 土 賜 命 晉 服 侯 日 : 晉 既 侯 敗 聞 楚 而 師 爲 之 襄 作 王

宫。」 宿 案 即 掌 此 平 舍》「爲 周 括 地 禮 地 築 志》「 壇壝 • 壇 鬯 人》注 官 滎澤 又 棘 委 縣 門 壝 西 以 土 注 北 尊 起 有 適 堳 王 謂 卑 埒 宫 王 日 以 城 行 臨 爲 止

被 駟 甲 介 也 百 乘 徒 徒 兵, 兵 步卒 千。 也 同回 服 日 上 . 駟 介 駟 馬

案 別名」。《成二年》傳 也 」,箋云「 詩 清 駠, 人 四 馬 駟 也」,疏 介旁旁」。 不介 曰 馬 介 而 傳「介 馳之。 是甲之 甲

助 引《司 駟 也 侯 兵。 矛、 兵 炎 殷 掛 無 旄 以 世 禮 徒 也。 武 兵 」、《吕覽 益 》疏 此 不 四 謂 本 記 三十餘 如 是 語 以 介 曰:「古之言兵,非今日 説 之、五: 》:『蚩 離 馬 引 步卒。」《説 信 也 也。 故 馬 祭義 》 爲 文》「徒」 法》 王 陵 騑 曰『天生五 爲 論 肅 戟。』《 秦、漢 由 萬,見於太史公之書,而 君 謂 日 戈 尤 異 説 》 五十不 顧 得選兵八萬 之 兵」,《 弓弓 以 威》云「凡兵,天下之凶器 則 氏之説 作「杜 驂 文》:「兵,械 周 金 以下 矢圍 戰 夏 周 禮 作 越 馬 后 材, 兵,一弓、二 始謂 殳、 人又益 而 」,云「步 語》「兵者 爲 皆 司 氏 推之、《易 誰 人,項 被 甸 駕 右

「五 矛守 執 能 之兵,謂 甲 徒 兩 兵 也。」 去 矣。 謂 之人 戈、 行 騑 羽 疏 一 殳、 三 兵 兵 之 將 X Ŧi. 顧 謂 <del>~</del> 也 爲 注 之 器 説 經 諸 戟 Ŧi. 氏 :

> 謂 器 年 皆以 好 洧 也 步 步行 械 甲兵」、《文選 兵。」斯 戰 」、《老子》「兵 上,所 卒」,即 器 則 兵 謂之徒 爲 爲兵。 鄭 不辭 器,未 云 徒 爲 步 兵」、《 通 徒 兵 行 矣。 兵者, 也 故 論 嘗 兵 者 .  $\sim$ 矣。 以 吴 襄 步 擊 斷 不 卒 都 兵謂之徒兵。」服云 人所執。 元 鼓 指  $\wedge$ 祥之器」, 爲 賦 年 《》序疏 襄 步 兵 \*  $\stackrel{\cdot}{\approx}$ 卒。 元 也。 長 敗 年》 云: 因 若 鄭 殺 傳「 號 徒 短 疏 以 古古 隱 兵, 云 兵 兵 亦 尹 爲 于 兀

大夫也。」《晉世家》注。 賈曰:「王子虎,周

同上。 関之大輅之服。 賈曰:「大輅,金輅。」

案 追 子 所 賜之大路」、《 賜 《樂記 車 亦亦 》「大路 得 名 廿四年》「賜 者,天 大 路。 子 襄 之 之大路 + 車 九 也 年 而 天

侯

彤

弓,

大

夫

篇

**>** 

 $\overline{Z}$ 

天

子

《公羊》

定

几

或

作

路

建

大

常

十有二

玉

路

者。」以《

大

戴

記

命

》言「大路

<u>\_</u>,

典

路

稱

大

路

而

制

仍

以《

巾

氏

並

云

天

子

所

賜

車

謂

黑

爲

黸

是

侯

之命

作

「旅」,《

臚」,故

弓,赤 彤 伐。」《晉 傳 世家 彤 説 玈 文 》注 弓, 朱 黑 服曰 弓 也 彤 也 : 丹 諸 飾 ^ 矢千則弓十。」《詩 廣 也。」《 雅 詩 釋 彤 弓 丹

白

則

矢

干

弓

十

矣。

文

侯之

命》

所

盧

弓

則

賜

盧

矢

亦

可

準

觀

注

文

如

此

則《釋文》云「本

或

作

弧統

弓十,

玈

矢

事

服

云

矢千則

弓十二

者

玈

弓

無

數

乃

敢

爲

其

本

禮

彤

马、

矢

之

數

測

之,

故

杜

亦

云一弓

矢

彤

弓

彤

矢

白

玈

弓

路

則

賜

口

姓

亦

當

以

大

路

爲

玉

路

也

此

巾

車

金

路

以

封

口

再

就

建

太

常十

有

周

禮

· 巾

車

朱 並 云 赤 也 玈 説 文》新 附 有之,正

則

賜

用

彤

盧

弓

以

備

用

十矣。 分百 甲 彼疏謂「在軍之制、●重弓以備折壞,或亦 搜」,傳「五十矢爲束」,一弓亦矢五十矣。 矢其百个歟。」疏 千』,後 而《荀子 司 操 寇》「人東矢」注:「古者一 矢以爲 《詩 十二石之弩,負矢五十箇 人專 • 論 • 泮水》「角弓其觩,束 兩東」,其説良然。 兵篇》 輒 加 即 也,信然。 魏 據《尚 氏武卒,衣三 書 《周禮 弓百矢,束 與 」,則 此 傳 矢其 · 大 矢 屬 Ŧi. 之

爲 秬 也 所 鬯 鬯。」《晉世家》 釀。 文》作「髱」,云「黑 案:「秬,黑黍」,《爾 以 《爾雅》云「秠,一稃二米」。《説 卣 降 神。 注 賈 卣 日 ,器名,諸侯賜圭瓚, 一一和 黍也」。一稃二米以 雅 ·釋草》文。 黑黍; 鬯,香 文 然後 《説 酒

諸説 則 指 酒 暢於上下也」,於《江漢》箋 官·序官》注則云「鬯,釀秬 本」,是專以 香草」、《説苑 鬯」、《周禮 築煮合而鬱之曰鬯」《白 不喪 鬯,秬 天子以鬯」《詩 鬯者,以 鬯,香酒」者,鬯之説 「短」 也。 亦 秬 異者、《春官》以 K 酒 謂之鬯者,芬香條 也 類 鬯 也」,是專 百草之香鬱 • 鬯人》「共介鬯」先鄭 注 《説文》:「秬, 郭璞注「秠」云「此 鬯 ·修文》云「鬯者,百草之 及《 爲 • 香草也。 江漢 禮 以 鬱鬯屬鬱人,以 記 有 秬 金 <u></u> 黍 傳 虎 合 鬯也」,於《易》 云后 爲 王 通 爲酒,芬香條 「鬯,香 短色 而 鄭氏 鬯。 制 王 西襄 或从 亦 攷黜 一度記 鬯,黑黍 之成 黑 注 鄭 云一鬯, 於《春 草 禾。」 黍」, 秬 君 並  $\frac{\times}{\Box}$ 也 爲 鬯 與

下云「一稃二米以釀」,兼「秠」言之,非專

禾部》有「秠」,亦同《

爾雅》文,則此「

色

黍

雜

暢

臼

秬

醒

草」,見

》及《尚

書

 $\approx$ 

左

傳》皆一

Z

秬

鬯

以

實

彝

而

陳

則

爲

卣

也

江

漢

>

疏

云

祭之時

乃

在

彝

未

祭則

在

直盛

之。二

賜

圭

瓚

鬯,本名,香 今書傳 鬯」之 注 以 注 以 秬 牲 之 鬯,故 黍 草 禮 也 短 椈 必 戀 香 \* \* \* \* \* \* \* \* 鄭 爲 鬱 亦 而 不 緯 備 釀 得 草 器 君 鬯 杵 得 其 足 鬯之器 不 機大學 鬱 以 名 得 0 無 也 鬱 析 以 實 爲 以 得 中 連 機大學 金 草 以 名 名「鬯草 合 名 梧 專 鬯, 謂 達 候 舉 也 香 短鬯 鬯 中 芬 鬯 物 也 以 芬 香 之 草 明 者 注 也 象 芳 所 香 爲 若 草 辨 兼 一,猶 故 則 米 攸 云 明 宜 草 云 即 然 是 冒 秬 名 所 鄭 服 鬯 以 不 鬯, 鬯 也 也 鬯。 以 云 普 和 能 以 於 龃 秬 印 卣 當 尊 雅 然後 矣。 謂 語 草 霧 鬯 是 是 擣  $\sim$ 上 王 之卣 之鬱 些 灌 犧 在 謂 制 注 罍 鬱 也 賜 彝 所 尊、 釋 以 迎 爲 獻 **>** 也 時 鬯 疏 求 以 牲 器 者 而《詩 『掌 象 下 象 未 築 ^ 神 共 足 云 **>** 周 之 不 降 尊 文。 祭,故 香 當 和 卣 鬯 證 疏 即 屬 禮 釀 皆 神 以 鬱

云

先

求

神,

後

迎

牲

也

降

神

也

「卣

器

也

,

爾

傳

疏

引

孫

炎

云

罇

彝

爲

茅之

得

稱

包

茅

明

草

以

和

孔

日

古

居

中

, ,

鬯

人》

注

卣

中

尊

者

彝

爲

上

罍

爲

下

説

文》

鬯

降

神

也

从

,

中

見

以

西襄

酒

專

以

秬

春

官

序

官

酒

明

堂

位

統

也

然

則

故

心

以

秬

黍

爲

鬯

鬯

分

又

較

然

矣

較

然

矣。

^

郊

特

草

煮

以

爲

鬯

以

浴

P

香

.

肆

師

大

渳

以

鬯

則

戀

草

亦

得

單

名

鬯

**^** 

周

則

鬯

亦

口

共

自

鬱

秬

黍

爲

酒

和

以

鬱

金

之草

鬱

和

直

謂

之

鬯

斯

不

然

者

郊

特

牲

既

屬

鬯

則

單

舉

禮

後 爲 鬯。 王 制

虎 賁 白 賈 日 :「天子 卒 日 虎 賁。」

同 E

伍 有旅 日 周 虎 」,是虎賁之屬 禮 正義引《 賁 賁」,是惟 虎 賁 國語》云「天子有虎賁、諸 氏 天子之士得 有卒也,故 》「掌先 後 日「天子 Ŧ 稱「虎 而 趨 賁 之卒 以 侯 卒

稽 首 賈 日 稽首 首 至 地。」同· 上。

注:「 案 周 拜 禮 頭 至 大 地 祝》 也。」 辨 疏 九 襻 9 日 稽 日 首 艏 首 其

也 稽首 拜中 最重,臣 拜 君之拜

稽

稽

留

之字。

頭

至

地

多

時

則

爲

稽

9

盟 諸 侯 于 Ě 庭。 服 日 : 「王庭,踐土也。」

同 上。

案: 斥言其地 云 是 以以 踐 土者 别京 以以 師 經 文 盟 于踐土」, 故

> 記 自 · 爲 瓊 制 》疏 弁、 玉 服 日 : 謂 馬 飾 0

案: 《文選· 西京賦》:「天子乃駕 軫

名,次 孔 飾 杜 鞭 漢 傳 光儵 疑之矣。 弁 一駿駮,戴翠帽 世 則 云: 也 亦 於杜玉纓之訓 作 爚 ,段注: 馬 解 之以 無 「弁,以 璿 此 冠 以言之,蓋以 張衡 也。 文,皆爲 《説文》引 弁」,弁纓 飾 弁 所用即 鹿子 又 倚 及 ,他無佐證,亦稱「蓋 髦 鞭 纓。」疏 金較。 皮爲之。 以 馬 屬 玉飾 作「鞅」。 本 璿 飾 於 傳 六駿 玉 文。 纓之末 矣。 云: 璿 作 以 瓊, 弁 之。 《説 駮之後,是 薛 「其 玉 玉 玉 耳。」是 飾 綜 纓, 纓, 文》 彫 纓 之 之。 注 别 遺 之 引 馬

作 行 三行。 也。」《晉世家 服 注 日 : 辟 天 子 六軍,故謂之三

案 《周 禮 ・大 司 馬》序官: 「王六軍,大

仍軍名是六軍矣,故稱行,以避六軍國三軍。」時晉已置上、中、下三軍。 今若

記》亦 朕 隸 二十九年 死」上疑有 》疏 虞。 八律之音,聽禽獸之鳴 未言及。 至 傳 周 生」字。 其 可 失其道 ,音云,問之而信 知 各本《周 伯 益 ,官又在四 明是 禮 注疏 則 行 》皆 故堯、 知 夷。」《周 無 之, 其 賈、 嗜 阮 舜 服 氏 悠死 官 使 《校勘 日 堂 夷

情 惡 律 記 亦 生 益 能 即 殊 之音」。 能 也 樂記 聽 犧 别 聽 大戴 故故 鳥獸之言。 「伯益明是術」者,伯益是舜臣 生, 鳥 語 記 至 嗜欲 死 八 • 是也。 即 制 風 易 不 用  $\approx$ 從 本命 同, 犧。 皇侃 嗜欲 律 相 而 \* 是嗜慾 言 傳 ^ 不 不 律 論 聽 如 同 女妓 主 語 其 是, 爲 禽 鳴 疏》云「伯 疏 鹿 故 好惡矣。 當 而 云 日 有 得 好 其 禮 所

> 字。」 盧 其後 盛 作 和 揚 本。 也 夷。」賈、 Щ 時 雄《 爲 草 澤禽獸官名 朕虞」, 官既 《昭十七 東夷,反能審音,故 史記 木 周 羽 則 服 茂 制 獵 失 應 不設,無 引 其 夷隸、貉 · 秦本 賦》云「昔者 劭 而 以 年》:「天子失官,學在 道 也 己。 日 證 I o F 者 : 此 - 紀》僅 能 師 隸 ^ 漢 森 謂 通 古 之言,掌與 書 禹 禽 東 日 云「官又在四夷」 日 伯 . 遷 任 獸之言。 : 益 百 益 調 以 林 也 官 馴 後 虞 鳥 表》「 鳥 古『益 而 虞,掌 獸言。 若 獸 E 恭 四

三十年傳鄭公子蘭出奔晉。 服曰:「鄭逐

群公子,故奔晉。」《御覽》一百四十六。

案:宣三年傳言文公逐群公子,公子蘭

奔晉

請無與圍鄭,許之。 服曰:「晉善蘭不忘

本國故也。」同上。

朝 ,此云『本 顧 氏 炎 武 或 日:一古 亦 其 義 人 謂 也 所 事 之國 爲 本

使 待 命于東 《説 文》: 服 日 待 : 竢 待命 也 於 鄭 東 也 0 同 上。

禮·籩人》疏。 服曰:「昌歜,昌本之菹。」《周

案 子 注 即 醢 菹 周 菹 本 也  $\overline{Z}$ 官 注注 昌 同 難 也 昌 篇 歜 醢 蒲 酢  $\wedge$ 説 菜, 人 根 昌 昌 文》: 也 本 今俗 本 文 -0 朝 物二 王 事 昌 ^ 云 菹 公食 嗜 之 蒲 酢 豆 菖 醃 本 大 其 名,本 蒲 菜 菜 菹 夫 葅 也 實昌 也 禮 \_0 是 即 0 又 即 本, 葅 ^ 根 醓 韓 醢 瘟 也 與 鄭 非 亦

與 服 日 刻 通 剋 形 魯 同 顔 上。 刻」、《莊 子 岱 淮 也 惟

鹽

虎

形

剋

Ш 野  $\equiv$ 周 ال + 之 者 鄭 禮 以 也 秋 故 星 爲 龃 水 年 爲 小 虎形, 賈 篇》 服 經 雕 周 或 行 疏 同 人》 猶 禮 之 琢 釋 以 也 謂 疏 Ш 文 • 刻 爲 0 引 望 之形 籩 ]]] 刻 自 鏤 服 後 0 人》 作 然 説 , 鄭 鹽 本 並 尅 似 琢 賈、 疏。 云 \_\_ 日 形 虎 即 : **^** 鹽 服 ^ 形  $\equiv$ 築 形 説 荀 穀 日 鹽 望 與 先 文》 刻 子 梁 : 鄭 服 即 疏 • 鹽 分 説 富 云 野 剋 九 之 望 星 異 引 或 刻 築 似 是 賈 : 也 或 先 説 分 虎 鹽 鏤 I 中

之祭 案 海 何 ? : 且 鄭 徐 Ш 正 望 玄 賈、服以爲『三 魯 州 ]1[ 義 祭 竟 以 日 也 在 不 爲 徐 : 其 及 即 望  $\overline{ }$ 然 地 於 者 魯 則 公 則 祭 河 地 羊 曷 祭 望: 祭? 傳 Ш 之, > 禹 ]]] 分野之星、 望 貢 非 之 祭 .  $\gg$ 其 謂 名 泰  $\equiv$ 淮 地 海 Ш 岱 諸 望 則 海 河 者 及 或 不 侯

望 之山 夏之二 七 王 侯 及 徧 相 云『陶 其 年 後 分 祀 土 爲 因 三夏, 野 王 群 土 祀 商 唐 111 之,故 月, 之 後 地 神 分 星,參爲 氏 之 四 星 品品 野 祀 日 之 今杜 月 Ш 物,諸 星 天、 商 或 火 在 川, 甲 辰 主大 地 降 内 IE 亦 辰 晉星』。 侯 從 婁。 閼 Ш Ш 朔 注 火」。 王 之。 ][[ 伯 11 辰 國 日 傳 居 H ^ 也 有 語 後 稱 以《 ^ 商 其 楚 食之」。 月 昭 祀 義 語 丘 者皆云: 以 襄 去 星 元 天 是 》云『天 衛 此 九 祀 也 年 地 也 - 》傳云 年 知 地 大 於 非  $\equiv$ **>** 火 諸 辰 子 傳 時 昭 如

薨 三十三 于 年 小 月 經 + 爲 有 隕 公 霜 薨。 月,公至 不 殺 不 草 憂 自 李 隕 齊。 梅 霜 實 Z 李 巳,公 梅 實 賈

地

魯祭分野之星

一,其祭

奎

妻之

神

也

地

於

+

次豕

章

衛

地

降

婁,

魯

;

也。」《釋例 大夫卒例》。

憂者, 薨, 災 案 隕 異 霜 而 或或 十二公之薨, 不 不 繫 大 殺 繫 以 是 草 時 至 而 不 李 繫 自 繫 梅實 月 經 齊 月 無 在 此 不 異 前 + 繫 而 月。 則 不 月 災 併 本 至 書 自 無 爲 之。 足 及

門,不 傳 輕 橐 而 甲 無 束 禮 兵 而 但 服 免 日 胄 : 無 本 疏 禮 謂 過 天 子

過 子之 説 文》: 或 案 出 天 此 : 子 城 事 司 詩 束 門, 宜 云 馬 . 縛 兵 櫜 當 彤 師 法 也 甲 卷 弓 0 行 束 甲 過 > 正 兵, 傳 束 周 義 兵, : 左 王 日 右 必 : 橐 孫  $\overline{\ }$ 皆 古 9 滿 韜 下。 吕 有 也 氏 此 春 禮 然 過 ^ 秋 則 天 説 0

0 唯 是 脯 資 餼 牽 竭 矣。 服 日 腥 餼

:

春秋左傳正

儀 案 注 禮 饔 餼 矣。 餼 饋 禮 也 禾,米也」。 禾也」,通 見「餼」之無定稱 餼 餼 遺 。《文選 切 聘禮 生 是 故《 爲 則 今之「氣 也 飧 經 日 也 歸 説 牽 餼 》疏 牽 餼 周 音義》十三引《埤 其 饔 爲 爲 文》爲「氣」。 一,謂 ^ 則 禮 語 其 詩 《聘 ○《禮 餼 饋 生 東 此 不  $\approx$ 實 , 共 遺 五. 餼 • 獨 餼 禮》 京賦 廩 之名。 記 牢 牲 也。 如 釋 漢 芻禾爲 牽對 爲 説 飧 之 人 注 聘 文》 廣 腥 w 文》爲「气」 饔、 義 《禮器 獻 生 薛 **>** 而 文 矣, 凡賜 云「氣, 》疏 ^ 釋 餼 腥 注 餼 餼 蒼 儀 , 牽 引作 服 文: 皆 餼 牲 \<u>\</u> 牲 對 》疏 禮 周 注 人 腥 故 餼 死 禮 以 文 日 生日 以 • 猶 性 牢 饋 日 以一 云「腥, 日 餼 往 故 聘 牲 ; 客 亦 餼 饋 遺 餼 象胥 腥 不 禮 今之 腥 之 殺 爲 也 生 也 ^ 餼 芻 殺 聘 餼 釋 生 日 口 

曰餼」。然已殺,故《禮記疏》引服云「死

子

墨衰 搹 博 升。 案 服 義 幅 尺有二寸,袪尺二寸。」傳 也。」玄色黑, 均服 漢 四 故 》云「袀, ,去五分一 書 寸。 記 經 裥 儀 墨以 振 • 日 禮 律歷 振 袵 負 從 戎 . 賈 二尺 皆作 喪 凡 以 戎 戎 服 廣 日 服 爲 衰 爲帶。」①此 也 出 服 有 初 所 於 稍 外 五. 斬 墨, 行 宜 適 變 削 服 寸。 衰 説 志》引《僖 變 寸。 M 幅 裳 振 文》: 又 今此 X 袂 也 振」,《晉 衰 日 傳 裳 衰, 屬 經 一直直 日 衰 幅 晉 長 衿, 之 五 内 世 經 年》傳 制 家 削 書音 玄服 衣二 是 經 4 也 幅 注 X

遂墨以葬文公。 服曰:「非禮也。」同上。

0

一」,原脱,今據《儀禮註疏》補

之道 既 子 案 以 弁 葬 經 虞 諸 卒 侯 也 禮 是 其 哭, 變 記 注 非 衰 服 乃 侈 禮 檀 而 袂 服 巾 接神 葬 弓 受 \* 是 服 冠 之道 弁 禮 也 素 經 於 弁 不 葬 葛 ^ 以以 可 雜 服 而 以 記 葛 有 葬 純 爲 定 與 M 環 . 今墨 神 凡 經 天 交

城 文 方。古鄶 夫 斂 或 而 之 葬 墟 之 一一《詩 鄶 城 之下 緇衣 疏 服 日 鄶

溱 密 或 縣 在 洧 東 鄶 之 禹 北 □,《詩 間 貢 **>** 豫 疏 **>** 墟 州 作 外 者 方之 檜 杜 · · · 預 文選 北 云 ^ 詩 祭 . 檜 譜 波 西 城 **>** 之南 征 云 在 賦 祭 > 注 居 檜 陽

公緣 生 作 歸 則 主 引 事 致 非 聲 嗣 生 哀 子 類 禮 姜,終 邪 罹 也 志 咎 則 故 作 傳 所 主 小 賈 故 陵 寢 居 日 上 遲 也 : 係 以 於 慢 此 僖 文 是 典 公始 於 文 常 僖 公 不 公篇 復 其 順 子 有 祀 文 夫

釋例·作主禘例》。

緣 以 主 故 事 祀 案 歸 也 有 夫 既 譏 啟 事 於 僖 典 人歸 有 者 陵 之 當 公之 常 是 不 齊 其 傳 注 典 遲 繫文 7,及子 也 年 謂 ^ 順 常 終 八 事 嗣 慢 經 祀 非 陵 年 則 子 「公薨 而 典 ^ 自 赤、子 而 虞 禮 遲 小 罹 荀 生 常常 文 繋於 經 翻 言 寢 咎 邪 子 者 公 于 書 是 日 悪 志 • 僖 始 邱 小 也 一禘 慢 不 : 謂 爲 宥 作 公之終篇 陵 寢 其 順 東 文 其 干 而 坐 主 之 ^ 常常 祀 門 公 出 易 太 云  $\forall$ 傳 緩 勢 度 云 即 夫 遂 人以 廟 至二 謂 . 僖 漸 致 人 也。 所 陵 始 明 用 慢 即 哀 殺 出 年 度, 辭 文 遲 僖 姜 安 姜 致 不 也 之 大 故 公 故 夫 作 故 順

特 主 祀 謂 于 在 主 寢 烝  $\equiv$ 嘗 年 褅 喪 于 畢 廟 遭 烝 服 嘗 則 行 特 祀 皆 于

於 畢 雅 詁 喪, 禫 於 用 廟 變 + 服 注 木 凡 春 除 云: 主 喪 廟 五 遠,孝子 焉 義 天下 秋繁露 袝 王 禮 月 釋 禮 也 盡 謂 己 鄭 閒。」 肅 祭 》 二 十 五 天 以 也 在 之達 儀 復 《公羊 以 氏 主之。 祀 **>** 禮 思慕 寢 新 主 於 • 主 云 傳: 於 年 喪 祭義》云「先成 死 袝 ± 寢 之。 者 謂 寢,不 傳》: 故 虞 喪 也 祭訖 秋 者之神 《檀弓》疏 禫 「三年之喪,二十 畢 記 月大 儀 疏 祭 0 造 祭 疏 禮 三三年 同 日 木 遭 日 後 畢 大記》云「三年 祥,二 袝 主 主 之於宗 : . 嘗 烝 喪 士虞 之於 反 者 立 云 嘗 天子 乃 之 故 冬 於 + 喪,實 盡 戴 則 几筵 日 祭 . 廟 祖 寢。」杜 爾 1、諸 嘗 德《 也 行 記 七 心亦 Ħ. 雅 嘗 祭, 焉 月 烝 喪 月 以 侯 P . 注 ^ 言 釋 之 皆 特 柩 有 爾 服 而 用 此 而

説 此 時 是 是 前 後 經 甘 乙: 廟 年 壞 記 穀梁 之祭。 \_\_ 音 》疏 終禘 禮 時 廟 也 未 遇 也 凡君 **全** 同 木 0 几 義 得遷 傳》 日 義 周 主 壞 鄭 時 畢 > 氏 : 遭 薨 引《 朞 新 日 禮 之祭,得 熟 廟 注 ≫説 於 與《 烝 遭 之 袝 年 故 韓 人 ^ 0 廟 嘗 穀 士 烝 道 與《 廟 而 詩 日 作 鬯 則 然 而 嘗 梁 作 虞 烝, 傳 人 易 主 行 禘 0 禮 行 後 主, 傳》合。 · 記 禘 壞 檐 **>** 乃 祭 祭。 祭禮 烝嘗 烝 疏 同 祭 特 於 於 廟 口 言 云: \* Z 遭 之, 廟 祀 此 也 有 廟 衆 禘 與前 鄭 賈、 賈、 主 時 也 是 於 則 遇 也 改 無 於寢,畢 日 案 練 以《 服 服 \_\_ 廟 塗 自 也 ^ 駮 解 文 而 以 於 之  $\equiv$ 士 可 違, ^ 左氏 言 明 許 後 爲 義 年 華 也 練 虞 用 焉 年 遷 以 禫 嚴 慎

0

之者 吉 故 以 繼 主 終 比 祭 寢 鄭 未 云 + 云 壞 之虞 故 不 爲 故 在 Ŧi. 於 練 義 遽 人 於 廟 從 十三 練 月 也 廟 遷 廟 = 公子 是以 此 之 練 連言之,非 不 È 而 之, 而 以 主 不 年 主終 時 壞 月 故 若 作 禘 辨 待 遂 之喪, 范 日 主 直 即 廟 祭, 主 然 昭 有 寧云「 爲  $\equiv$ 壞 X 遷 記 以 之 遷 穆 古 故 年 納 廟 廟 則 於 異 於 時時 謂 廟 至 穀 譏 幣 人 在 喪 也 鄭 傳 故 聞 廟 將 作 \_ 之 則  $\equiv$ 梁 其 畢 義 文 傳 耳 納 則 主 廟 練 年 + 譏 傳》 易 此 爲 矣。 ٥ 以 雖 以 新 遷 壞 即 祭 喪 莊 檐 雖 吉 Ŧi. 袝 古言 案 順 神 廟 廟 文 易 即 終, 改 爲 月 然 之後 言 公 在 言 口 檐 舊 在 塗 練 此 猶 此 之。 喪 時 丽 之, 穀 説 言 廟 作 主 未 則 將 年 故 以 制 傳 也 梁 之主 古 不 合 僅 然作 未 是 復 練 事 則 連 喪 此 疏 然 者 全 行 於 有 傳 或 相 畢 時 E

之列 禮 於寢, 祥 寢, 待 之。」按袝 也 廟 注 几 則 行 若 . 時 祭 : 祭 而  $\forall$ 禫 然 遷 明 若 猶 吉 於 中 謂 是 謂 猶 在 主 其 非 惟 然 未 祭 朝 月 是 月 春 寢 未 大 當 得 之 袝 反 0 年 禫 禫 而 時 以 祥 祭 以 月 是 申 練 若 主 後 禫 月 某 月 事 躋 與 某 禫 與 則 祭 練 遇 妃 烝 得 矣。 禫 練 妃 黷 袝 月 於 亦 嘗 古 在 是 配 禫 之辭 祭 西己 祭 神 廟 也 當 得 祭 某 月 廟 祭 ^ 祭 行 不 士 在 氏 遽 哀未忘 其 也 0 猶 在 仍 已 而 虞 寢 行 不 吉 主 四 當 未 哀 廟 大 在 甚 於 得 明 • 自 時 祭 與 未 几 祥 寢 歟 祭訖 記 矣。 不 廟 然 之 若 時 群 忘 猶 ? 在 乎 **>** 禫 在 祭 此 之 喪 廟 疏 也 ^ 未 ? 廟, 0 祭 復 中 是 寢 於 月 士 主 行 云 配 是 祭 然 群 月 虞 大 在 疏 故 反

❶「禫」,原作「禮」,今據《儀禮注疏》改

畢 明 君 如 服 如 主 爲 也。 二月,晉 人 王 曾 徵 獻 事 見 晉 修 既 年 證 舊 順 子問 制 其春秋之時未至三年 于嘗 乃 朝 官 普 喪 也 立 也 而 也 釋 於 畢 杜 疏 己 人答 例》 **三**五. 烝 侯 烝 特 耐 案 是 鄭、公孫 <u>云</u> 云 常。」 遭 于 周 祀 注 知 與 曰 : 年 以 曲 卒 祀 烝 於 「冬祭日 其 諸 執 : 禮 + 嘗 之 王 「寡 寢 沃, 案 常 膰 侯 惟 舊 乃 祭 畢,又大禘 制 僑 祭法, 君 會 卒哭 六 焉」。 則宗 嘗 行 不 云 説 **>** 傳 之未 年 于 云 烝 禘 行 祭 以 襄 溴 春 溴 以 廟 於廟 此 秋 宗 必 喪三 爲諸 公十 禘 梁。 葬。 後, 而 梁 四 已 待 皆《春秋》 廟 祀 祭 之明 爲 時 葬 乃 俟 年 時 侯 其 Ŧi. 服 晉 日 常祀 吉祭者 而 皆 年 吉 祭不 喪 不 其 冬 悼 年 嘗 義 年,寡 祭, 祭 穆  $\equiv$ 喪 後 冬十 同 於 公 也。 畢 年 禮 祝 廢 晉 叔 改 於 自 新

> 常 嘗 者 之文 傳言 皆 復 不 後 解 祭,非 禘 宗 非 不 ,特之言 于寢,練、 乃 以以 違 獨 禮 特祀 廟 在 者 與《 也」。 傳意 明 得 廟、皆就 獨 主之所 杜 于寢,烝嘗禘 禮 四 大祥、 也 也。 不 時 若 經 盡 常 杜 **>** 作 相 用《禮 喪 禫 在 祭。 預 主 違, 既 皆 也 之意 立 畢 在 如 于 且. 記 説 言 杜 寢 廟」者 與 主遷 言 以 之 杜 也 傳 喪 意 爲 泛及 未 文相 於 承立 既 愚 與 特 畢 廟 四 謂  $\equiv$ 祔 主 杜 以 時 烝 年

## 春 秋左氏傳賈服注輯述卷八

嘉 興 李 胎

文 公

元 年 傳 楚國之舉。 賈曰:「舉,立也。」《

世

舉 訓 立者 引 申 之義

忍人 也。 服 日 「言忍 爲 不義 一同

又 欲 7 王 子 職 賈 日 職, 商 臣 庶 弟

也 ]。|同

能 事

諸 乎? 服 日 :「若立

職,子能

事

之。」同上

《周 禮 内 小臣》疏:「若,不定之

德學 案 服 以 明 堂、祖 廟

廟。」《通 典》 四 十四四

廟 鄭 氏 以 明堂在 國之陽, 爲 , 與 祖 祖 廟謂 廟 别 太祖 處,

則 與 服 異。 《禮記 •明堂位》:「太 廟,天

堂。」明

堂者、王者之堂。魯之太

廟

子

明

用 周 明堂之制 非魯 亦 有明 堂 也

故 禹 不 先 鯀, 湯 不 先契,文、武 不先不窋

也,故言『不先不窋」。 服 日 : 周 家 祖 后 稷 禹、湯 以 配 天,明不 異代之王,故 可先

案:《詩·思文》「思文后稷,克配彼天」

言『不先鯀、契』也。」本疏

能配天。」《孝經》:「郊祀后稷以配天。」 箋云:「周公思先祖 有文德者,后稷之功 辭 也。

能

行

大事

乎?

服

日

謂

弑君。」同

上。

二年

傳

不登於

明

堂。

服

日

明

堂,祖

爲 其 稷 之,不妨參差 論 父,今言文、武者,舍王 所不先異者, 祖 不 「不先鯀」,於湯 官 禹者亦當舍鯀 周 窋 配 亦 章 始 天 當舍 極 祖 昭 或 尊 一,今既 注 契,以 語 不 也 正 不窋,棄之子」是 周 得 以 日 舍 而 其 語 云「不先后 禹、 不 以 上 下 明 湯 先 溯 季 我 當不 尊 異 契」, 鯀 前 先 代, 祖 王 上及不窋 則 窋 稷 乃 與言文、 不 契 故約略 也。 窋 故 於馬 鯀 爲 爲 商 用 后 降 武 始 則 禹 稷 失 舉

郊

當當

爲

臨

晉、平

陽

間

小

邑

知「

不

能

有

七十

里

王

官

谷

有

廢

壨

即

王

官

城

也

郊」,《

史

記

**>** 

作

鄗

正

義

日

:

鄗

 $\equiv$ 年 傳 凡 民 逃 其 上 日 潰 賈 日 : 舉 或 

潰,一邑曰叛。」本疏。

案:《公羊》僖四年傳:「國曰潰,邑曰

叛。」賈所本也。

取王官及郊。 服曰:「皆晉地,不能有。」

城

也

晉

世

家

注

秦本紀

注

案:顧氏棟高曰:「今蒲州府臨晉縣東南

封殺 者 表 土爲 嘗設守,是不 識。 三王官 也 户。 《禮記·樂記》「封 封。」「 《史記 、郊皆在 賈 識 日 能 ·孝武 讀 有 「封,識之。」同 河 爲「 也 東 故 紀》索隱 比干之墓」注:「 其 以 濟 其 茅 旗 津 識 而 識 之 還 未 猶 之 積

舉 人之周 云: 《易 不 也 偏 釋 以 文》: 服 惡 日 棄 周 : 其 備 善。 周 也。 備 也 此 常 同 訓 上。 杜

四年傳圍祁,新城。 服曰:「秦邑,新所作

案:顧氏棟高曰:「邧當在同州府澄城縣

境 新 新 城 城 今 即 同 梁 州 國 府 之新 澄 城 里 縣 也 東 北 秦 取 + 之, 里 有 謂 之

新

城

當 本 Ŧi. 疏 異 年 經 王 今一人兼 使 榮叔 歸 兩 含且 使, 賵 故 書『 且. 賈 日 以 譏 含 之。 賵

案 賵 記 非 傳 含 束 者 貝 含 天 帛 春 禮 賵 何 . 子 執 ^ ? 惟 也 雜 荷 公 秋 圭 以 其 使 車 記 子 羊 喪 之 將 珠 言 榮 馬 > 事 書『 制 . 傳 命 歸 叔 諸 大 有 也。」其《 賵 含 且 含 侯 略 是 是 賵 含者 且 以 者 **\***: 以 含 賵 賵 含賵 人 玉 譏 賵 何 何 執 隱 者 輿 兼 之 異 ? 大 璧 蓋 元 當 馬 兩 人之 將 年 夫 者、穀梁 以 異 兼 使 日 - 》傳 馬,以 以 命 人」者 賵 實 之。 矣。 證 碧 也 云 玉 ^ 兼 今 : 公羊 上 乘 士 貝 注 傳 歸 禮 介 馬 賵 以 日

> 注 Ħ. 其 日 荷 且 <u></u> 且 H. 兼 也 辭 志 兼 兼 之, 詩 也 則 . \_\_ 荷 東 門 且 何 矣。」 休 之 枌 公 故 釋 羊 文: 傳 譏

不 祀忽 諸 服 日 :

諸 辭。 《詩 邶

柏

舟 疏

晉 H 晉 趙 案 : 世 家 : 成 灓 辭 子、 注 貞 猶 子 灓 貞 乙 灓 語 子 枝 助 , 霍 也 伯 霍 臼 伯 季 先 皆 且 卒。 居 也 0 賈

語 案 兼 以 後 注 今 爲 蒲 受 . 食 . 注 霍 霍 先 城 賈 邑 爲 且 本 侍 爲 也 先 食 居 周 中 霍 邑。 且 霍 食 云 伯 居 邑 叔 蒲 此 處 又 先 城 故 又 封 伯 軫 稱 曰 蒲 地 之子 霍 城 先 霍 晉 伯 且 伯 蒲 獻 請 居 或 者 公 佐 城 也 語 所 伯 當 韋 滅 也 晉 是 是 昭

本 六 疏 年 傳 使 使 射 狐 姑 射 代 姑 先 將 且 中 居 軍 趙 趙 盾 盾 代 佐 趙 之。 衰 也 服

環 以 服 其 子 日 左 車 一子車 右日 氏 之三子 殉 秦 。」《詩 奄 大 息 夫 黄 氏 仲 鳥 也。 行 疏 鍼 殺 虎 人 爲 以 殉 璇

高 世 案 公, 孫 有 三子 孫 何 云: 殺 仲孫 也 ? 或 以王父字爲 而 非 白 自 以 所 、崔也。」 孫之子 刺 諸 自 殺 虎 叔 衛 以 穆公者 侯 殺 以 通 孫 别 死 之子 矣。 從 . 者 各 諸 季 氏 子 姓 死 侯 以 是,  $\equiv$ 孫 矣。 車 稱 名 0 之後, 詩 殉 其 楚 當 篇 公子,公子 服 穆公 0 \_ 《禮記 疏 王父字爲 **\*** 爲 有 云「殺 **>** 詩 爲 秦大夫,其 云 昭 命 或 興 . 、屈、景, 從 . 氏 黄 滅 檀 己 之子 此 以 氏 王 鳥》 或 弓》 死 不 葬 父 後 字 序 齊 故 稱 刺 繼 注 若 子 康 則 者 箋 有 魯 絶

> 文 右 七 衛 覽 注 語 曆 釋 葬 然, 十人」,是不 死 志》注 文 也 . . 也 雖 旬 引 者 節 齊 還, 自 喪》 語 也 编 司 殺 璇 繞 馬 注 也 還讀 注 也 注 與 史 並 與 90 \_ 止 殺 記 云 漢 然 日  $\equiv$ 旋 之 旋 旋 環 則 繞 書 良 説 者 同 。」《公羊》莊 \_ • 食 從 也 員 此 殉 可 0 與「還」 故 事 也 者 ^ 貨志》 故 莊 日 殺 殉 可 子 曰 漢 璇 從 从 人 口 注 環 死 書 殺 徧 旬 + 達 其 者 年 · 人 繞 ^ 説 吕 傳 律 以 左 或 百 以

也 晉 ]。 |《晉 人 以 世 難 家 故。 洋注 服 日 晉 或 數 有 患 難

難 案 常 必 舒 訓  $\wedge$ 矣 漢 患 書 難 服 謂 賈 日 奚 山 齊、卓子 傳 舒 注 緩 也 、惠、 數 本 懷 屢 之 也 難 此

案:正義本作「抒」,云:「服虔作『舒』。

非

傳意也

舒 訓訓 緩者、《爾 雅·釋言》文。

七年

傳秦康公送公子雍於晉。

服曰

康

辰 嬴 嬖 於二 君 服 日 : 「辰嬴 懷 嬴 也。

案:始稱 「懷嬴」者,傳以懷公之謚繫之;

此 稱 辰 嬴」者,從其後謚 也。

班 在九人。 服曰:「班,次也。」同上。

也 或 :《儀禮 語 次者《楚辭 齊 語》「 • 既夕》「明日以其班祔」 班序 》「思古宗鬼神之無次」 顛 毛」注 並 云班 注 次次

注 「第也」,言等第也

其子何震之有?

賈日

一:「震,威

也。」同上。

怠 懈 《易》「震來厲」注:「震之爲義 ,肅整惰慢者也。」《詩·長發》「有震 威威 駭

傳: Ħ. 業」箋云「震,猶 有威 可畏,謂之威。」《成二 威也」。《襄三十一年 年 - 》傳:

畏 君之震。」「震」亦當訓 威。 杜云「動」,

同上。

,懷公、文公。」《晉世家》注

十六。

公、秦穆公太子罃、晉出也。」《御覽》一

白

四

君

案 時爲 《詩 太子,贈送文公於渭之陽,念母 • 渭陽》序:「穆公納文公,康公

文公之人也無衛。 《釋名 《爾雅 《成十三年》傳:「康公,我之自 長」,《 子,吴出 又云「 見 異姓而 公,蔡出 也,我見舅氏 襄 蔡 • 釋親》「男子謂姊妹之子爲 生之也」、《莊二十二年》傳「 釋親屬》「姊妹之子曰出,出嫁 人欲 二十五五 也」,皆 也」,此《 立 年》傳 謂 其 如母存 十四四 姊 出 服曰:「衛,從兵也。」 一,《昭 妹 年》傳「 則 出 焉。」「晉出 我 嫁 四 周 而 出 年 齊 之 生子 自 出 傳 出 出 玃 陳 徐 於 且 厲

案:《易 •大畜》注:「衛,護也。」《吕覽

則 恃 雖 從,行也。」從行之兵,即 . 衛 君》注 爲 宮之士 漢 文》: 衛 屯 制 :「從,從行 屯 兵。 可 兵 「衛 庶子」先 衛 舉 行 然 以 則 宿 扞 則 相 直 衛 也 也。」《 爲 例 鄭 己。」《周 宿 也 從 也 則 注 兵 下所 廣 漢 爲 矣。 ~ 禮 雅 有 宿 漢 宿 宮伯 云「徒 衛 衛 宿 書 衛 釋 守 尉 衛 之官 詁 衛 韓 宫 掌 衛 信 門 宫 掌 尉

將 子 焉 同 真 上。 此 ○《晉世家》注 服 日 真 置 也 0 同 上。 此 太

夫

人。

太子,靈公也

一同

上。

穆

嬴日

抱

太

子

以

啼

於

朝

服

日

襄

公

物 張作『置』。」《昭 於 《易 地 ,皆謂之置 坎》「真 四年 於 叢 - 》傅 棘」。 疏 云 《釋 禮 文》云 一置器

怨。 服曰:「如子善爲教誨此子,使之有此子也才,吾受子之賜;不才,吾唯子之

賢 其 猶 教 惠 才 不 知人君之道也,則吾受子 至也。」《御 才而受賜,美其 覽》一 百四 教 十六 也。 不 之 才,怨子惡 賜 賜

也。 者 賜也。」是 之道 亦 未 天 案: 以習導非其治」是也 者、荀子 使之有賢 左 術 下定矣。」《保傅》言教 知義 疑 子,天子之善 、《保傅》所云「化 猶是也。 一右正,左右正則天子正矣,天子正 《大戴記 而 惡其教不至」者、《保傅》所云「其所 即 先 理之指 才,即 「賜」「惠」 · 大略 教 知 善爲 諭 義 • 保 理 則 在 則 開  $\approx$ 教 傅篇》:「天下之命 之指 於早諭 化 海,即 與 義 賤 教之功 於 易成 心成,中 相 者 道 太子,至國 輔 惠 也 術 卓 教與 也 也。 也。 焉 諭教 也。 道 選 注 賜 夫 夫 美 若性」是 之道 左右 君 開 知 教 猶 其 人君 世 於 惠亦 得 懸 而 惠 也。 子 道 於 心 天 而

今君 其言 雖 終, 聲 語 言 氣 猶 尚 在 在 耳。 耳 0 同 上 服 H : 君 殁 未

諸 大 注: 辭 夫 氣 ^ 皆 」,是言 聲,言也。」是言本 大 患 戴 穆 記 有氣 嬴 . 子 也 張 服 故 問 日 聲 「言聲 : 也 官 言言  $\leq$ 語 諸 論 發 氣 大 語 乎 0 学出 夫 聲 患

侯 迴 臨 成 首 輔 終 王 ^ 相 顧 出 將 顧 之。二《 命 崩 命, ×, 顧 顧 故 命之 書》篇· 史記 念 謂 康 之 名施 集 王, 名。 顧 解 命, 於 命 ^ **>** 天子 召 釋 引 將 公、 文》引 去 鄭 ,而 一之意 ^ 畢公率諸 書 諸 馬 注 侯 也 注 0 亦

公顧 是 得 己 稱 命 顧 彼 命 即 注 者 上 云 此 禮 臨 子 死 • 也 緇 遺 才 書 衣 數  $\leq$ 日 葉 語 顧 公之 命 \_ 顧 今 命 襄

畏 H. 他 畏 公子 偪 徒 來 服 相 日 迫 : 也 畏 0 偪 同 上 迫 無 置 公。 云

> 案: 以 置 靈 淮 公, 南 即 • 精神 上文「將 注 焉 道, 真 此 切」,言 是。 迫 切 他 公 無

子」,謂公子樂輩也。

八年傳春,晉侯使解揚。服曰:「解揚,晉

大夫。」《晉世家》注。

案:《晉世家》作「楊」,注引服義亦作

「楊」,當是裴駰據《史》文所改。

穆

嬴

以

君

顧

命

之言責

己

也

0

同

上

九年經一晉人殺其大夫士穀及箕鄭父。 賈

657

曰:「箕鄭稱『及』,非首謀。」本疏。

十一年經 叔仲、彭生會晉郤缺于承筐。 服

曰:「叔仲惠伯。」《魯世家》注。

案:見傳文。

傳 且言司城蕩意諸而復之。 服曰:「反

不書者,施而不德。」本疏。

案:「施而不德」、《襄二十九年》傳文。

《國語·晉語》「夫齊侯好示務施」注:

書,而 爲 恩者 元 史失之」。 施 恩 衛 也 謂 惠 史不 孫 也 之爲 林父之徒 諸 書 衛冀 侯 德。」 僖 1者,魯 之 隆 卿 皆 施 + 司 出 書 不 而 川 服 奔 歸 不 以 年 義 而 德 爲 **>** 則 復 傳 功 惠 蕩 歸 疏 也。 意諸 而 者 不 杜 荷 亦 宋 自 云 當 華 以 其

諱 鄋 瞞 侵 本 齊, 遂 伐 我 服 日 : 伐 我 不

注 案 或 一、「所 諱 經 也 書「 隱 爲 楚 侵 辭 齊 而 謬 伐 諫 我  $\stackrel{\cdot}{\approx}$ 不 恐 書,是 犯 忌 而 史 干 爲 諱 本

富 父 終 。」《晉世 甥 駟 乘 服 日 富父終甥,魯大

夫

也

敗 狄 于 鹹 服 日 鹹 魯 地 巾 同 上。

摏

其

喉

服

田

摏

猶

衝

口

上

案 説 摏 春 史 擣 記 粟 作 也。 春 从 升 持 春 杵以 正 字。 臨

> 近 之爲言 臼 八六年 衝 春 突。 衝」, 杵 ·》傳 省 作「摏 歸 故爲「衝」也,《 也,春之爲言 疏云「字 然則 」,俗 假借 有 字 之,以 聲 也 國策 相 蠢 近 也」,今「春」聲 器 摏 而 · 齊策 衝 爲 猶 人 訓 衝 亦 者 謂

門 埋 名 其首於子 也 ]。」同 上。 駒 之門。 服 日 : 子 駒 魯 郭

名 案 獲 馘告 氏 符《 也。」郭 禮記 子 其 也。 駒 潛 釋 門 《管子 之門, 夫論 宫 有 不服者殺而獻其左耳曰 者 詩 王 室 門 制 **\***: 猶 **∀**: 魯 故 度 皇矣》 哀 魯之公族 西 地 日 + 郭 出 郭 **\***: 郭 門。 征 攸 門。 廓 年 馘 城 執 也 黨 有 惠 外 安 顧 有 氏 子 氏 爲 安 氏 罪 廓 之 駒 之郭。」《 棟 越。 棟 落 溝。 傳 氏 反 日 高 在 至春 以 城 按 日 訊 人 外 釋 王

也

記 斷 秋 在 聝 郭 耳 集 門 解 故 軍 # 者 戰 从 引《 容 耳 斷 是告馘 有 皇 耳 則 斷 不自春 一覽》出 也 从 首 之後就 首 以 尤家 或斷 獻 馘 者 次,又有 近 首矣。 埋之也 故 聝 説 肩 或 今埋首 文》云 髀 从 首 史

其 如 以 功 命 也 0 宣 伯 同 得 上 臣 獲 服 喬 日 如 : 以 名 宣 其 伯 子 叔 , 使 孫 後 得 世 臣 旌 子 識 喬

是

身首異

埋

者

秋

始

矣

書於 案 識 以 作 漢 於王 名 喬」也。 書 王 其 僑 之大 旌 子 <u>Ti.</u> 如」、《史》作 文》: 以 行 《周 亦 常 識 志 是 禮 其 注 表 引傳 人 僑 功之意 司 與其 喬 銘 如 亦 勳 如, 之言名 作 影凡 本 功 喬 也 又 或 故 有 作 。」今得 如 服 服 也 功 本 云 是 者 亦 生 旌 古 作 臣 則 銘

> 公,周 長 初 翟 宋 或 平 武 名。」 王 公 之世 時 百 上 在 春 鄋 瞞 秋 前 伐 宋 + 五 年 服 日 鄋 : 瞞 武

氏,殷 瞞 Ŧi. 元 案 語 其 年 年 鄋 年 • 二, 云 長 -,在周 爲 魯 瞞 史記 翟 者 爲 語 伐 魯隱 或 二北北 汪 上 宋, 平 · + -名」者,《 芒氏。」 溯 Ė 公元 不 方 穆 六 審 長 年。 年 諸 公、 按:《 釋 在 狄 -,卒於 侯年 文 宣 武 云「在 或 世 公 也 表》宋武 釋 鄭」、《 魯 以 何 文》 在 春 惠公之二十 及 年 夏 秋前二十 略 武 説 耳 爲 公司 本 公 文》 防 也 作 鄋 或 空 風

耳 可 服 獲 0 長 知 曰 本 狄 殺 疏 緣 緣 不 斯 斯 者 所 埋 未 賈 必 埋 日 三子 其 : 身 喬 之手 首 如 日 之 處 祖 於 卒 戰 獲 口 地 之 上。

案 僑 如 榮如皆言 埋 其首 是 身首 異 處

也。 於戰 斯 爲 矣。 穀甥、牛父。是三子皆死,烏能殺緣 ,故知是士卒獲之。 於緣 下文「皇父之二子死焉」,賈以二子 地故 也。 斯 不 『三子」謂皇父、穀甥、 言首 埋 何 地 是 身首 牛 可 父 埋

牛父二子皆死。」本疏 皇父之二子死焉。 賈曰:「皇父與穀甥、

皆死。 引《成十六年 曰 班』,班爲皇父御而有賞,三子不見賞,疑 緣斯?」又曰:「下言『宋公以 方道二子死,故得 之二子從父 年》傳「申鮮 案:杜從賈義。 與」,是也。 :「之,猶 賈君爲近之。」王尚 與 在軍,爲敵 虞之 - 》傳 顧氏炎武曰:「三大夫亦應 也。」引此 正義 潘 傅摯」,二「之」字皆訓 勝之,如令皆死,誰殺 尫 曰:「馬 之黨」、《襄二十三 所殺,名不 文,從賈 書《經傳釋 融以爲皇父 門賞 説。 見者 詞 形 又

有賞,傳特以耏門之名追録其受賞之由

餘 不 及載耳。」其説亦是。

齊 王 子 城 父。 賈 日 :「王子城父,齊大

夫。」《齊世家》注

衛 人獲其 弟簡 如。 服曰:「 獲與喬如 同

時。」《魯世

自安于夫鍾 邑。」《御覽》一 服 日 :「自安,猶處也。 夫

鍾 案 : 爾 雅 . 釋 詁 **≫** 安, 止 也。」《 説

成

百

四

十六。

或 人弗 文》: 循 「處,止 服 也。」故 日 ]: 「循 訓 順 「安」爲 也 ]。」同: 「處」。

案: 本 江 亦作『順』。」是循、順通也。今本「循 漢》箋:「使循流 徇 《漢書注》皆 以 而 「循」爲「順」。《 下。」《釋文》:

0 其」下、《春秋左傳正義》有「季」字。

十二年經一晉人、秦人戰于河曲。 服曰

「河曲,晉地。」《秦本紀》注。

陽 曲 有 永 河 清 雷 Ш 南 中 縣 首 續 流 境 馬 Ш 漢 至 是 融 書 華 劉 河 日 陽 曲 昭 : 郡 在 在 注 曲 或 : 蒲 志 而 蒲 坂 影河 東 伯 坂 矣 流 夷 東 華 在 叔 江 郡 Ш 今蒲 齊 氏 之北 餓 永 州 蒲 於 日 府 坂 河

非

命

自

天

子

也

傳, 鄭人立君。 服曰:「立君、改立君,不

命於天子。」《御覽》一百四十六。

爵 既 白 以 命 命 子 爲 注注 於天子 以 魯 周 太 通 爲 武 禮 子, 之嗣 公 爵 何? 誓 以 典 篇 是諸 括 樹 猶 命  $\stackrel{\cdot}{\approx}$ 明爵 命 與 子 侯 凡諸 世 不 也 戲 太 者 子 易 見 子 言 天 侯 也 王 子 命 誓 之 年 王 之所 於 適 喪 者 或 立 子 畢 天 語 明 有 戲 子 誓 天 也 注 周 子 於

> 君 順 無 也 故 是 自 今郕 爵 既 傳 之義 易 日 太子 成 受命之太子 人立 在 是 外 得 君 立 而 爲 或 明 則 君 X 或 其 亦 改 人衆立之, 君 命 7 之立 衆 於 天 子 爲 子

君 安 亦 太 大太子 邑 者 執 氏 子 贄之貴者」,故 於夫鍾 上 明 邽 員 士 名 躬 以 堂位》稱「崇 恒 云 當 夫 圭 奇 下 以 以 皆 方 作 鍾 説 亦 其 或 或 與 日 : 或 人 七 圭 邑 公執 郕 郕 以 寶 寸。二《 0 名 稱 邦 邽 如 與 爲 鼎」、「 之 爲 桓  $\Rightarrow$ 日 者 來 地 不 説 寶 顧 圭 寶 1,蒙上 郕 奔 儀 夫 順 文》 圭 命 圭 九 0 貫 禮 邽 鍾 故 4 0 鼎 來 稱 夫 古 邦 郕 太 服 聘 侯 奔 越 圭 者 子 鍾言之。 之 伯 日 禮 傳 執 也 玉 器 卒 父 寶 : 稱 瑞 信 注 物 在 而 圭 同 夷 郕 玉 圭 紀 之貴 更 上 而 玉 也 邽 伯 甗 則 惠 立 自

奔 或 言 莒 軍」,今郕太子 他邦 二世 鼎 人勿從,舍之更立 子 。謬矣。 此 問 郕 寢 圭 出 視 居 饍 亦 外 其 因 邑,子 例 傳 言 也。 而挈 職 太 邑辇 文王 不 子 供,宜 監 一寶,出 世子 或 乎 撫

取 案 覊 三十六里有 馬 江 氏 服 永 覊 日 日 音邑 馬 : 「《彙 城 纂》云: 名涉 也。」《秦本紀 邱 『今蒲 注 州 南

之上 廟」下有「大室」二字。 十三年 誤也 室有 之太廟之室亦名太室矣。 注:「太廟太室,中央 王人太 經 《禮記 東西,言 也。」《北 大室 《明 室裸」 党堂位 屋 史》七 太 月令》「天子居 壞 ○《明堂位》疏引作「太廟之室 馬 》「太廟,天子 則 十二。 注: 不 得 服 室也。」《書 ○≪隋 以 廟 日 夾 服所云「太室」 • 中 室當之,馬 書 之夾 明 太 巡 太 堂 廟 室 + 室。」 」,則 太室 洛 九 太 引 誥 夾 注 太 廟

> 義,以 廟飾 之廟 殷 也 室 央日 書 问 廟 之上屋」者、《考工記 即《月令》之「太廟 經文未改而 「太」爲 可 重 ・五行 一,直是周 而 太室,屋 飾 知 屋 正 有 經謂之『太室』,是室之最大者 魯 義 重 ,故《明 一,周 「世」,指爲 也」,注:「復 廟 志》説 即 日 屋, 承 :「《左氏》不辨 「重 義同、《公羊》經不 公之廟。 其 而 室 堂 其後,不言屋 上 此 屋 魯亦 同 位》曰「復廟 重 事 太 伯禽之廟 於文、武 也 廟,重屋 室也 《公羊》緣 屋 <u>二</u> 有 匠 重 前 按 尊 人》 : 屋 堂 高 制 此 世室, 也。」是周 此 可 其 者 重 日 於殷言 《穀 誤 是 則周 「室」字 檐,天 知 太 云「太 大太 也 何公之 而 梁》 廟 遂 傳 之承 廟 漢 誤 於 之 子 改 起 服 兀 太 中 廟

0

名。 知 之武斷矣。 氏》先師賈、服等皆以 室也」。 左》《穀》誤 左氏》經爲『太室』,●不 魯公之廟,文世室 是周公之廟,非魯公也。 吴氏 若 是 不毁 伯 澄 爲「大」,據一傳 禽之廟 謂 則 「世」「大」二字通 稱 世 也。 則 室,世 爲 宜 作 太 武公之廟 舉 廟之室 以駁二經,失 世室」,故《 《明堂 室非一 其 號 益 也。」今 用, 立位》云 武 君 故 左 案 世 廟

傳 能 賤 而有 恥,柔而不犯。 服曰: 謂 能

處 賤 也。」《 相 案:《賈子 反行爲污。」《漢 訓 H. 切 又知恥 廣雅 經 不 音義》十二引《字林》: 可 . 言 道 釋 污 計 書 術 不可污辱。」本 辱」言「不 **\*** ₩: • 鼂 「辱,污 放 錯 理潔 傳》注:「污,辱 可 犯 也。二二字 疏 净 以 謂之行, 濁 非 水 義 不 轉

> 流 日 污。」《儀禮 士昏禮》注:「以

> > 造

緇 辱。」

乃 使 魏 夫。」《秦本 壽 餘 僞 以 魏 叛者。 服 日 晉 之

魏

邑大

紀

譜 案 晉」,故 之西。」 壽 魏 壽 彼 餘 在 餘 疏 以 云 禹 魏 史》 貢》 魏 叛 入秦,於秦易信 作 或 冀 西 州 讎 接 雷 餘 於 首 \_\_ 秦 之 北 詩 北 鄰 析 於 城 魏

繞 士 會。 朝贈 本疏 之以 策 服 日 : 繞 朝 以 策 書 贈

編 文 制 从 下附 長二尺, 竹 爲「册」。 策」、《説文》云「馬箠」。 策 以 短 儀 者半 竹爲 禮 獨 • 之。 斷 之。」故《 聘禮》: **\*** 其次 策者 説 「百名以上 文》 長 簡 經、 傳多 一册 也 短 書 古 個 兩 其

0 案」、《春秋左傳正義》作「且」。

秦 則 之 於 贈 惠 ± 氏 之有 所 於 策 吾謀 箠 棟 會 贈之策 策 以策,子 蓋 補 |釋「策 人。 杜 注 朝 不 故 氏 用 曾言 家與 之言 雖 H □,●當 \_, 劉 春 請 策 趙 勰 而 於 秋 日 宣 留 書。」 當 秦 以 集 有 之言 書。』」 即 伯 春 策 解 其 傅 留 秋 書 序 事 聘 請 蓋 不 氏 會 **>** 繁 矣。 用 著 之言 留 也 ^ 云 服 書 左 之。 於 : 説 介 服 傳 恭 傳 以 彌 大 故 冕 若 補 盛 謹 然 不 隱 事 注 然 繞 以 傳 示 書 朝

禮 驅 屬 賦 几 不 嘉 婦婦 而 載 鄘 言 遂 故 唁之, 馳》之 人父 風 風 **%** 賦 我 故 遂 母 許 四 章。 章 既 往 作 夫 章 以 没 以 人 無 以 不 自 喻 関 我 卒 痛 衛 有 思 得 服 章 或 尤 滅 寧 日 不 非 小 也 兄 遠 : 許 戴  $\sim$ 力不 弟 也 公失國 載 詩 不 馳 於 能 聽, 載 許 是 救 > 馳 Ŧi. 許 遂 欲 人 章 疏 賦 尤 馳 在 X

> 傳 兄,又 序 於 章 序 所 衛 不 或 几 店」者 若 四 **》**云 [《 得 之亡, 文 時 章 滅 顛 許 服 失 下 覆 或 也。 有 立 義 或 穆 字 歷 或 《穀 在 Ŧi. 戴 人 夫 之誤 傷 載 舉 不 自 大夫」、「 鄘 章 云 分 人 亦 公, 得 許 傷 馳 梁 即 地 散 所 祇 之 ×, 不 也 戴 傳》 以 故 序 作 此 小, 几 許 能 露 故 公 廬 賦 云 章 日 而 ^ 云 君 穆 救 使 於 失 詩 於 力 是 得 子 夫 也 並 弔 漕 其 露 漕 不 或 詩 五. 人《 • 人 上,失 詩 以 邑。 0 能 於 邶 章 也 衛 作 者 鄘 屬 非 救 語 漕 鄘 無 懿 國 許 風》者 也 鄘 其 衛 亦 我 ^ 邑 公 服 思 穆 日 僖 也。」《 舊 Ŧī. 譜 在 有 閔 爲 即 歸 夫 是 都 尤 几 當 唁 其 蓋 約 人 狄 疏 年 也。 宗 詩 在 作 故 閔 作 其 人 以 此

案

載

馳

×

五.

章

屬

^

鄘

風

×,

^

詩

本

四

得。」 父母 安 以 彼 以 不 庚 於兄 則 序 不 也 又 痛  $\sim$ 列 ·得 鴻 左 得 傳 使 也 自 喻 云 而 女 過 於 弟 在 傳》 歸 作 思 歸 箋云:「 大 痛 云「尤, 衛 我 傳 夫 父母 寧 不 寧 此 秦 夫 女思 者 思不 得 日 人 遠」者,二章詩 也。 兑 爲 詩 謂 寧 襄 歸 傳 之欲 弟 在 也  $\sim$ 過 遠」, 或 歸 於 寧 + 夫 凡 云 載 君 也 者 也 於是許 兄 也 則 人 諸 歸 馳 多笺 夫 是也 許 · 弟 有 寧 在 年 唁 侯 人 父母 ~ \_ \_ \_ 父 詩 時 穆 禮 **>** 爲 其 之女 父母 禮 傳 母 人不 云 夫 歸 • 夫 兄。 葛 婦 終,思 云 也。」 既 葛 日 「 許 人 寧 人 許 歸 覃 人父 在 嘉 : 殁 覃 既 耳 賦 親 人 寧 是父母 > 則 故 》傳 「以卒 尤 , o \_ 楚 作 不 詩 歸 則 日 母 載 歸 許 之 我 賦 司 寧 來 使 疏 泉 寧 既 馳 章 大 馬 0 是 而 卿 云 水 寧 没 夫 是 自 殁 盛

+

四

年

經

齊

人

執

子

叔

姬

服

日

子

殺

身

謂 我 許 「言我遂往 大 衆穉 意 有尤」 也 卒 不 非 且 章 則 聽 亦《詩 狂 許 服 」、《詩》云「 遂 人 卒 謂 不 賦 ^ 》解 有 儀 聽 四 當 禮 章 章 爲 即 我 卒  $\equiv$ 而 燕 行 章 章 因 禮 其 無 賦 》 注 許 野」是。 字 許 四 人尤之」 之誤 章 人不 遂, 不 聽 也 得 無 猶

執 慯 子。 卒 注 案: □□女子子在室 関 関 世 之,故言子 舍 傳 「凡言子者 本 閔 即 稱 作 儀 位 即 子 禮 叔 愍 愍 齊 姬 爲 爲 商 可 喪 妃 在 ^ 父」,注:「女子 人弑 以 服 齊 廣 詩 室 兼 傳 昭 雅 辭 男  $\approx$ 舍, 公, 載 女。」又《 故 本 釋 馳 是 生 疏 子 詁 》序 舍 舍。 生 爲 釋 子  $\equiv$ 喪 叔 昭 文 服 月 愍 公 姬

許 子 録 夫 之,猶 人 嫁 女 矣, 也 似 經 别 未 未 於 出 不 男 嫁 稱 嫁 者 子 謂 夫 然 也 之 人 所 在 而 言 室。」 以 稱 閔 在 子 之也 今叔 室 者, 者 蓋 姬 自 爲 歸 魯 己 齊

以 貴 職 之 君 Ŧi. 年 魯 也 命 傳 人 修 其 不 好 官 知 服 結 皆從之。 其 日 盟 非 舉 ,反尊貴之。」本 華 其 書 耦 官 日 爲 屬 卿 宋 從 司 之, 侈 馬 疏 而 空 華 不 官 孫 度 廢

記 援 者 案 使者。」 也 凡 。」「度, 君 而 宋 故 儀 中 即 不 是 六 禮 庸 服 位 度 卿 出 約 法 . 卿 聘 聘 踐 以 制 者,《 司 出 奉 禮 其 爲 也 馬 並 君 \_\_\_ 位 文。 : 説 居 聘 命 鄭 其 文 以 也 君 知 踐 **\***: 注 君 與 修 官 命 故 卿 其 舊 文元 爲 侈 修 知 啚 者 好 屬 好 爲 事 年 者 其 要 結 卿 結 先 遂 傳 盟 也 禮 祖 外 命

也

則

傳

其

官

其

指華耦

故

知

官

爲

者 乃 之職 注: 屬 職 荀 魯 也 也 謂 子 史 0 官 守 ۰ 猶 今其 傳 人, 與 王 書 日 霸 任 官 列 其 皆 **>** 位 皆 字 從 是 之 則 從 以 之 人 是 有 尊 非 ° \_ | , 則 位 官 貴之,是 曠 謂 人 周 位 空 之官 使 禮 而 官 吏 . 不 弛 廢 之 掌 知 任 業 職 事 古 其 事 乎 矣。 也 非 注 ?

史。」《 史 佚 有 玉 言 藻 日 疏 服 日 : 史 佚 周 成 王 太

爲 記 是 注 成 案 無 佚也。 珪 史 逸 王 以 石 太 佚 》篇《大傳》「『 使 周 世 史 也 禮 與 史 《大 家 者 逸 叔 • ¬, 春 虞, 故 戴 讀 記 書 官 其 成 日 成 逸』作『佚』」,是「逸」 所 王 此 . 有 王 保 作 洛 中 太 與 封 傅》: 册 誥 立 史。 若 叔 > 而 祝 虞 知 逸 之。二《 聽 常立 戲 史 史 祝 朝 佚 削 佚 册 於後 書 大 爲 桐 ^ 即 葉 中 鄭 唐

擇 日 7 叔 虞。」 皆 史 佚 爲 成 王 時 人 之

證 也

也。 門 本 疏 於 或 句 中 鼆 小 寇 門 非 於 異 戾丘 或 侵 伐 皆 死 故 不 書 服

漢

書注》皆

以

仍

爲「頻」

也

非 案 誓》云「寇 而 他 鄭 不 或 注《 書 來 劫 何 相 舜 寇 侵 典》云「强 取 也 伐 也, 故 傳 此 取 紀 蓋 爲 或 子 寇 中 樂寇 剽 」,又注《 劫 之寇 而 死 費

不肯也。」《宋世 襄公夫 六 年 傳 人,周 襄 夫 人 襄 欲 王 通 之姊 之 而 王 不 姬 可 也 不 服 可  $\Box$ 鮑

家

經

阚 雅 襄夫人爲 釋詁 周 一肯 襄王 一之姊, 可 也。」此釋「 見文 口口 年 傳 爲

肯

轉

相

訓

魯 七 西 年 傳 鄙 書 齊 侯 北 伐 鄙 我 不 北 書 鄙 諱 仍 見 服 伐  $\Box$ 0 本 再 疏 來 伐

> 仍見 鄙 案 再 不 來 伐 書 經 伐 者,《 者 西 腦 伐 經 廣 西 不 雅 鄙 書 書 • 而 釋 一,謂 傳 於 詁 言 傳 經 代伐 發 書 之 之也 仍 北 再 也 鄙 也 北 是

以 案 箴 義, 之。」』章注:『箴 據《 有 相 又云『備 左 玉 箴』同。 之。 傳爲 陳 一傳》曰 更與 篇 晉 正 事 語 義 鈕 然也。」《 箴合 該 日:「 : 氏 箴 方言》 賈、 樹 寡 陽 又形聲 咸 , 敕 箴 説 君 玉 服 畢 也」。 之爲 猶 展 文》 日 願 日 「魔 切 : 敕 以 箴、敕、戒,備 : 亦相 無「箴」字 箴 敕, 箴 也。」是 解 箴 从 厚 事 赖 也 類 無 戒 ्रे 咸, 疑 故故 正 也 箴 備 箴 古 箴 訓 或 或 疑 也 新 作 本 敕 以 義 先 也 附 疏 引 也 待 儒 與 字 兼

也 鹿 呼 死 至 本 不 於 疏 擇 木 音 迫 將 死 服 不  $\Box$ 暇 : 復 鹿 擇 得 善 美 音 草 急 呦 之 呦 至 相

意言 聲,逼 惡 傳 急 出 者 非 處 何 毛 案 而 莊 得 公傳 故 文 能 《文選 相 也 子 所 古字 險 擇 本 呼 詩 言 急 杜 0 言言 當 按 論 意 則 不 不 甚 . 聲 服 作 . 停 閒 止 鹿 依 擇 鹿 急 吴都 走 同 云 世 言 鳴》 音 服 蔭 困 死 不 也 險 ₩: 其 鹿 皆 義 0 迫 能 不 傳 賦 , 論 出 劉 得 相 以 將 杜 選 擇 : 獸 劉 處 其 美 假 炫 注 傳 死 云 擇 音 死 云: 草 鹿 所 依 以 借 不 云 寬 不 得 在 止 爲 凡 呦 擇音 爲 音 暇 静 之 鋌 苹 音 Œ 不 不 閒 呦 茠 古 復 聲 處 而 義 所 論 擇 暇 呦 相 蔭 擇 以 走 人 而 日 茠 音聲 氣 音 呦 呼 而 之 善 成 險 規 : 息 其 蔭 聲 有 然 所 言 音 杜 弗 好 怖 杜 之 急 好 約 鳴 而

> 高 秋 都 案: 能 明 然 不 也 傳 言 盡 音 周 傳 · 擇 南 擇 意 云 稱 洪 困 甘 則 木, 一当 相 郭 鹿 氏 走 吴 未 歜 迫 和 頤 違 死 象 水 獸 險 將 敗 都 嘗 也 聲 不 煊 0 經 注 擇音」 戎 不 賦 死」之狀 改 <u>六</u> 不 讀 服 孔 字,至 于 擇  $\approx$ 伊 書 至 水 急 叢 不 氏 邥 謹 音 菈 野 録 改字 注 冒 何 乃 垂 擸 非 潤 **\***: 是 下 昧 能 云 即 雷 略 蹵  $\sim$ 音音 ,合於 文 擇 論 上 後 硠 得 之 鋌 其 漢 服 鋌 仍 險 亦 窮 崩 書 而 爲 依 是 日 古 言 而 則 地 走 戀 從音 止 義 皇 停」, 走 音 險 弛 不 之處 甫 意 險 邥 聲之説。 聲 岑, 擇 規 恭 急 急 垂 更 傳 冕 之 鳥 與 傳 是 情 在 何

遺 案 新 基 : 城 存 縣 水 新 焉 北 經 城 0 有 注 有 京 邥 高 **>** 相 垂 都 璠 杜 亭 城 日 預 今 司 \_ 釋 亭 舊 馬 地 在 彪 説 > 城 言 ^ 日 郡 南 邥 或 七 垂 河 志 里, 在 南

遠、未足以證、無如虔説之旨密矣。」高都南、今上黨有高都縣。』余謂京論疏

十八年傳而使歜僕。 賈曰:「僕,御也。」

《齊世家》注。

策」、《 僕」,或 傳 詩 儀 禮 稱 御 Œ 御」、《 月》箋云:「僕,將 既 御 夕》 馬 禮 也。」古佐 御 記 者執 . 曲 綏 禮 策」是也,故 車者 之人 》「僕 或 執 稱 車

襄仲、莊叔如齊。 服曰:「襄仲、公子

遂。」《魯世

「家》注

謂

僕」爲「御

刑八」,即 以 賓之辟 在 九 議 刑 引《小 10人《周 不 忘 可 官 寇》。 司 賈、 刑 八 議 》疏。 服 議 日 親、故、賢、能、 本 : 疏 引 Œ 服 刑一,加之 云 三正 功 刑 貴 議 勤

刑:墨、劓、剕、宫、大辟。」《周禮・司刑》案:《書・舜典》「五刑有服」馬注:「五

紀》注。 謂之八愷。 叔 蒼舒、隤 達。 寇》: 辟 五 疏 日 之辟,二日 七日 刑 引鄭注 議能之辟,五 「以八 中之一 敳 服 [議勤 一、檮 「正刑 曰:「八人,禹、垂之屬也。」本 議 辟 也。「加之以 戭、大臨、尨降、庭堅、仲容、 之辟,八日 賈曰:「愷,和也。」《五帝 故 麗 五」,則此云「正 日議功之辟 之辟, 邦 法  $\equiv$ 附 議賓之辟 刑 日 八議」者、《 罰 議 ,六日議貴之 賢 刑一, 之辟 日 小 議 四 謂 親 本

案:正義曰:「和,言其和於物也。愷訓

669

爲樂,樂亦和也。」

謂之八元。 賈曰:「元,善也。」同上。

文言》曰:『元者,善之長也。』」案:正義曰:「善,言其善於事也。《易,

也。不才子,其苗裔驩兜也。」同上。 昔帝鴻氏有不才子。 賈曰:「帝鴻,黄帝

聞

有

腹

苗 驩 古 定 郭 Ш 爲「帝 兜 氏 籍 裔 海 以 云 大 者 經》 T 爲 荒 嚳 相 帝 ^ 東 太玄 難 二,傳 合。 舜 經》云「帝 以 也 . 審 賈云 所 定。 積》 畢  $\overline{Z}$ 一帝 氏沅 注: 黄 俊 不 帝 生 鴻 據《 十十子 不不 一帝 玄孫 氏」,未 帝 鴻一, 王 知 其 之 何徵。 世 帝 審 後 苗 俊 與與 稱 裔

謂 之。 名。 猶 有 之 也 目 如 江』讀 黄 渾 言 不 經 ○ 山 神 經云 · 才子 敦 囊 帝 識 云 江 海 異經》云:「崑崙 爲 歌 赤 ,天下 渾 氏 神一, 舞 . 如 敦 鴻 服 子 西 丹 日 實 無 0 服 Ш 也 謂 火, : 惟 面 **^** 經 | 云: 云 之 目 春 帝 獸名。」 六足 渾 愚 獣 言言 秋 江 敦。」 按 」,不得 傳 也 其 西有獸焉,其 四 : 「有 本 象,帝 此云『帝 畢 翼 疏 畢 神 氏 渾 以 氏 焉 之 帝 敦 帝 江 沅 説 其 則 江 無 江 鴻  $\Box$ 狀 當 狀 其 非 氏 面 :

號 少 皞 天 德 無 如 爾 使 犬 行 Ŧi. 氏 五 雅 有 藏 帝本 其 而 有 翼》亦 然, 往 有 不 目 紀 牴 腸 注 才 而 名 引 觸 直 子 不 爲 一帝 之, 而 見 江 不 渾 有 有 旋 沌 爲 服 X 兩 食 德 日 耳 渾 物 則 則 沌 而 往 實 不 經 金

誤

也

天

氏

帝

有

此

依

憑

之。

過

人,有

囂 世 金金 也。」《 窮 案: 孫 日 少皞 金 青 名 清。 桑,以登帝位,都曲阜」。 紀》云「少昊是 天 天 ^ 摯 昭十 陽,是 漢 氏」。 氏。 黄 立 清者,黄帝之子 書 帝 七年》傳:「吾高 • 之子 高 爲 土生金 律 少 史 誘 曆 青陽 爲玄囂,降 皞 記 注 志 索 故 繼 也 淮 爲 隱 清 黄 以以 南 :「少昊 > 金 帝 陽 祖 引 居 金 德 按此 <u>\frac{1}{1}</u> 也 少昊摯 宋 天 江水, 德 天 衷 文 王 是 帝 是 下 《帝 訓 號 高 邑 其 考 之 號 > 德 7 於 玄 云 日

謐 德 爲 陽 理 亦 與 以 古 月令》云「其 史記 少少 云 青 亦亦 青 蟜 以 高 蓋 極 陽 陽 少 昊 **※大戴** 即 誘 皆 少 即 昊 青 金 以 少 昊 青 少 不 陽 即 昊。 少 德 人 是,宋 自 陽 帝 得 人昊爲 降 玄 記 子 降 承 少 在 囂 居 史記 皆 居 黄 皞 孫 位 黄 汦 衷、 青 不 江 \_ 帝 與 帝 水 足據 皇 水 陽 . 合之 子 祖 子 ^ Ŧi. 甫 大 孫 父 若 愚 亦 帝 謐 異 戴 之 郯 謂 又云「自 而 不 孫 紀 以 記 後 德 子 宋 : 足  $\approx$ 玄 則 《禮 所云 衷、 • 帝 易 玄 囂 據 亦 黄 玄囂 囂 世 皇 帝 無 即 班 是 是 土 甫 則 青 而

讒 廋』, 廋 蒐 蒐 辭 慝 公羊 于 是 於 朝 蒐 紅 **>** 服 即 桓 ^ 日 四 廋。 注 釋 年 文》 廋 傳 蒐 或 隱 隱 並 語 秋 也 云 也 H . 蒐 晉 本 方言 語 蒐 疏 昭 有 亦 1 同 作 年

服

有

天

下者

必

其

託

體

於

黄

帝

巾

故服以「隱」訓「蒐」。

窮 謂 之 而 窮 好 奇 奇 五. 帝 服 本 紀 日 : 謂 共 工 氏 也 0 其

足 虎,有 獆 淵 者 傳 戒 志 共 案 名 於人也 窮 ,此 狗 焉 正, 正 所  $\perp$ • 奇 知 是《 陸 之行 稱 翼 其 注 \_\_ 是 義 0 抗 窮 爲 尚 食 食 狀 疑 静 日 傳》 奇 服 云 人。」《 E 書》文 如 : 共 調 即 人從首 釋 4 佚 抗 庸 Į. 静 行 共 渾 也 稱 蝟 П 有 海 惡終 言 工 敦 矣。 -始 毛 作 内 氏 静 庸 ^ 名曰 西 北 檮 當 者 必 語 違 所 静 經》 杌 其 本 Ш 窮 食 庸 譖 ~ 經 行 書 『窮 被 П 云 饕 堯 庸 是 ^ **\***: 窮 髪, . 口口 餮 典 ^ 所 奇 窮 唐 而 堯 或 皆 **>** 邽 好 奇 文 好 典 奇 援 狀 音 Ш **>** 奇 從 潤 異 此 攸 則 如 如 有

謂之檮杌。 賈曰:「檮杌,頑凶無疇匹」

足 貌 猪 \* 謂 牙 鯀 『檮 尾 也 長 杌 丈 Ŧi. 八 狀 帝 尺, 似 本 紀 虎 能 注 毫 鬭 不退 服 長二尺,人 日 一一本 : 案 面 神 虎 異

之後 引之者 經 義》云: 同 頊 正 K 訓 而 義 疇 頑 爲 宗 故 字 杌 相 亦 X 亦亦 傳 解 鯀 禹 壽 賈以音義 从 「夏后 故 東 以 聲 檮 兀 以 方 夏 疇 ; 元 以一 同 朔 檮 字 爲 氏 音 著 者 杌 檮 亦 也 鯀 相 从 字 今 杌 禘 後 爲 近 類 釋 兀 黄 而 爲 刊本文 爲 也 檮 獸 聲 帝 祖 訓 杌 杌 名 鯀 ; 顓 云 而 義 頑 《禮記 也 本 郊 略 頊 也 無 也 獣 鯀 从 有 則 匹,以 異 元 檮 神 顓 祖 聲 祭 服 顓 無 壽 異 頊

之苗 紀 縉 **※**注 雲氏 裔。 當黄帝時 賈 日 : ,在縉雲之官也。」《五帝 縉 雲 氏 姜 姓 也, 炎 帝 本

案:《國語·晉語》「炎帝爲姜」,是姜爲

彼 黄 炎 帝 七 注 帝之姓 年 時 云 》傳 官 故 名 夏官 稱 日 故 黄 爲縉 日 帝 姜姓 以雲名官」,是縉 雲 在 ,炎帝之苗 氏 縉雲之官 裔 服 雲 昭 氏

傳爲 謂 爲 面 之 餮 然 饕 在 是 本 杜 腋下,食人。」 疏 襲 舊 ○按「貪 注 賈、 服 服 財二二句 日 本 日 : 係 獸 貪 杜 名 注 財 疏 爲 身 謂 饕, 如 賈 牛 服 貪 等 食 相

狀 案 也 注 其 海 以 也。 饕 音 財 。」《吕覽 如羊 0 又作 ^ 北 言 如 像 賈、 説文》「餮」作 嬰兒, 身人面,其 Ш 之 在 服 經 ; 夏 • 叨」,古名 以 飻 先 鼎 名曰 貪 識 从食,故 , 財、 鉤 目 左 修 在 狍鴞」, 貪食分之者 傳 泉 吾之 腋下 "。饕、 爲 **>** 以 周 所 刀, 食言 Ш 虎虎 鼎著饕餮,有 謂 是 有 叨 飻 食人。」 监 饕 獸 之。 从 並 一,人爪, 高,其 餮 説 刀 云 故故 郭 Ш

首 狍 Ш 無 鴞 海 宋 經 狀 **>** 食 Ž 作 人 閩 「身 狍 未 本 鴞 맵 監 爲 害 本、 及 饕 毛 巾 其 餮 本 身 並 故 作 服 所 身 引 亦 以 即 如

千 投 里。」《 諸 几 裔 Ŧi. 帝 本 紀 賈 注 H . 四 裔 之 地 9 去 王 城 四

#

本

如

羊

是

案 殘 其 廣 于 Ш 甲 几 五. 弼 數 輔 東 四 面 萬 要 服 馬 當 南 海 相 Ŧī. 服 或 亦 已 注 書 0 服 侯 Ŧi. 距 之 之 每 **H**. 千 此 服 而 爲 封 内 服 千 皋 面 ^ 成 里 萬 焉 叮 禹 者 Ŧi. 陶 之。 去 名 里。 又 千 所 千 合 謨 王 弼 H 去 受 里 里 至 **>** 五. 神 城 堯 成 王 地 於 百 弼 爲 千 制 州 萬 城 記 九 里 面 成 者 里 方 Ŧi. 里 Ŧī. 書 州 方 服 萬 Ŧi. 白 故 其 禹 > 里 服 其 敷 各 里 有 外 服 弼 外 +  $\overline{\mathcal{H}}$ 各 至 五. 萬 Ŧi. 鄭 荒 既 千 甸 崑 里 百 服 於 Ŧī. 注 里 服 畢 服 之 崙 里 之 Ŧi.

其 去 實 千 Ŧī. 五 方 千 内 千 百 其 里 弼 爲 云 裔 萬 王 服 百 弼 也 里 弼 爲 當 裔 也 里 Ŧi. 侯 四 0 當 當 城 夷 里 里 白 爲 綏 男 服 土 裔 若 狄 服 耳 也 要 服 爲 蕃 要 服 里 又 衛 \_\_ 當 去 0 之 然 别 當當 注 服 其 服 几 服 服 王 川 甸 千 又《 去 總 之 千 禹 去 外 城 采 服 四 面 與 里 名」。 每 里 弼 去 王 Ŧi. 禹 服 裔 几 相 面 7 周 當 王 城 服 也 故 千 百 去 貢 城 距 去 要 荒 其 城 更 里 里 爲 去 王 ^ **>** Fi. 服 王 ^ 鄭 史 以 干  $\equiv$ 裔 夷 城 面 千 爲 王 七 或 者 城 相 記 Ŧ 注 服 里 Ŧi. 千 也 城 而 里 荒 語 當 各 里 干 百 賈 里, . 爲 服 去 又 Ŧi. 0 川 Ŧi. 千 差 里 堯 以 五. 其 干 王 去 又 是 方 面 當 帝 荒 之 輔 Ŧi. 白 其 外 語 里 至 王 城 九 言 相 紀 之, Ŧi. 鎮 里 服 白 於 當 州 外 Ŧi. > 城 距 服 服 里 云 以 此 是 之 其 五. 爲 几 Z

戎; Ш 流 殛 ,以變 共 鯀 Ι. 於 南 於 羽 蠻 出出 山 陵 ; 遷三苗 以 以 變東夷」,是 變北 於三危 狄 ; 放 以 几 騹 X 變 兜 放 西 於

神 或 以 足,好惑 士 禦 日 流 **ぶ疏。** 皆 螭 如 在夷 魅 虎 ○ 五 五 人 而 狄 Ш 帝本紀》注引服説 噉 林 故 賈、 虎 異 日 服 氣 或 四 所 日 日 : 裔 生, 魅 螭 螭, 爲 也 人 魅 人 人 面 山 害 面」云云 獸 神 身 獸 周 百 而 禮 形 几

形。 离 螭 猛 本 **^** 螭」、《説文》作「离」,云「山 廣 獸 作 雅 也 离 • \_\_ 釋天》:「山 ^ 書 ^ • 説 牧 文 誓 **\*** 引  $\approx$ 神 歐 如 謂 0 熊 陽 之离。」 神也 如 喬 羆 説 是 獸

則 史 離 山 記 與 神 引 螭 之字及 作 同 如 歐 皆 財 陽喬 「离」字 如 離 説 皆 假 當 借 徐 一艺艺 作「 廣 离一 注 然,

黄者也」。傳文及《文選·西都賦》「拕熊本不从虫,从虫者,《説文》所云「若龍而

物, 魅。 螭 人 莫能逢之。』知 義 神仕者 文》本作「鬽」,或作 民 周 魅 **彪**』,是 害者也。」 日 好 禮 並 人川澤、山 **奉** : 亦 惑 疏 作 「《宣三年》傳: 當 秋 致 人者。」《 引 也 螭」者, 作 傳》 地 服 示 林,不 螭 氏《 日 鬽 説 物 : 繕寫之誤 魅 玉 宣 文》: 0 鬽 是 篇 、「魅」。 螭 · 逢 三年 Ш 王 注: 釋 **≫**: 鬽 不 林異 孫 若 ·》傳 鬽 文 魍 滿 也 惑 ^  $\forall$ 魎 白 周 0 老 説 注 氣 螭 物 迷 禮 物 魅 九 所 魅 魅 影凡 之 也。」正 精 則 鼎 生,爲 魅 罔 本 神 此 云 也 兩 作 傳 説 怪 日

## 春秋左氏傳賈服注輯述卷九

嘉興李貽德學

## 宣公公

訟 者 非 元 禮 亦 年 經 禮 故 不 遂 不 不稱氏, 見略賤 女從」。 備 以 夫人婦姜至自齊。 貞 女不從。 宣公既 之也。」 以 故《詩 喪娶,夫 本疏 云 服 曰 : 人 雖 從 速 古 亦 我

韓 韓 嫁 列 見 女 魯 詩 合矣。 傳 物 • 以以 所 不 行 載 證 具、一 服 露 相 夫 此 同 人從 注 禮 韓 引《詩 詩 不 白 喪 外 備 傳 娶爲 傳》 而 魯 辭 不 學 非 以 行 禮 蓋 者 爲 故經 本 也 女 劉 許 是 向

> 喪娶非 不 氏 亦 稱 之道也。 者,公也, 人? 姜 稱 不 氏 女 氏 服本二 夫人與公一 從 略 禮 也。 賤 内 則曷 可 貶。 一傳爲 之。 無 若 也 公羊 貶 以 爲 曷 乃 説 ^ 貶 于公之道 爲 體 行 . 傳 竟 夫人? 以見 貶 也。」《 露 來 **>** ? 日 》之貞 嫁於 : 公 譏 夫 穀梁》之意 與 則曷 魯 内 喪 女 夫 人 無 娶。 故 相 人 何 爲 貶 例 貶 于 喪 以 公 娶 稱 亦 夫 不 則

楚子 趙 陳。 盾 欲 鄭 救 服 人侵陳、 宋: 日 : 而 楚 趙 遂 師 盾 侵宋。 解 既 去。 救 陳, 本 晉 베 趙 楚 盾 師 帥 侵 師 宋。 救

書 案 未 及宋也 救 傳言 陳 晉 知 IE. 趙 楚 義 盾 師 譏 帥 已 之, 師 去 非 救 宋, 是。 陳 晉 宋 師 但 而 及 經 陳 旧

二年傳文馬百駟。 賈曰:「文,貍文也。」

宋世

家

注

許 者 虎 志 辭 案 日 非 從賈受古學。 文 . • 《説 管輅 九 雉 禮 貍 其 歌 記 文 文也 傳 **\*** . 名 **\***: 引 檀 乘 傳 弓 文飾 貍 雖 赤 作  $\forall$ 0 有 豹 文 是 雕 媽 分 貍 畫 貍 章 從 首 云 蔚 文 之 比 獸 貍 斑 於 而 之 畫 ° \_ | 然。」 貍 不 有 馬 明 文, 文 也 ^ 故 非 或 楚

牂 謂 贖 也 見 也 也 云: Z \_\_\_ 牂 其 華 叔 我 也 非 叔 謂 牂 元 之 叔 人 即 我 羊 華 日 事 牂 牂 也。 誣 曰 也。 棋 元 既 ,宋守門大夫,華元 即 之 子 驅 對 子 既 羊 和 日 華 人 日 見 合 棋 合 : 之馬 元 鄭 : 獲 而 也 奔 也 對 而 非 於 來 然 在 人 鄭 我 日 奔。」 馬 0 也 鄭 先 : 者 即 自 奔 ? 軍 得 是 來 奔 非 走 者 歸 既 也 對 服 奔 由 馬 也 了, 見 日 日 耳 華 其 子 也 叔 . : 之馬 之 人爲 元 言 牂 其 鄭 見 宋 賈 非 馬 衆 然 牂 逵 馬 叔 使

> 人 來,當 事 贖 也 而 一言 既 也 華 即 」。』言己不 合 元 來 以 是 奔 而 謂 馬 女 魯 我 贖 元 驅 即 以 故 由 之 又一 來 然。」 贖 馬 耳 奔 得 説 0 贖 華 歸 叔 叔 本 自 元 牂 牂 謂 以 日 既 宋 元 人 與 人 日 事 非 華 : 見宋 來 子 馬 元 耳 也, 合 之 以 語 其 得 馬 贖

案: 並 順 三説 故 服 各 備 卢 列 當 之。 日 情 事 9 以 。」《釋文》。 臆 斷 之, 於 理

于

思

于

思

賈

白

頭

貌

疏

服

同

0

詩

瓠

葉

疏

故 語 作 首 案 斯白 也 鮮」,齊、 箋云:「 思 之字當作 鮮、 訓 斯 白 斯 魯之間聲 聲 白 頭 相 者 鮮, 也。 近 ~ ~,故 近斯。」彼 今俗 以 詩 鮮 0 變 語 明 瓠 而 是 「斯 葉》「有 疏 作 絜白 É 云「今俗 斯 一之字 耳 之 兔 義 斯

字當 讀 讀 也。 記 來,力知 石 一,可 腮」,讀「來」如字,合於今讀,然列爲 經 力知反,以協上「思」韻。「又如字」三 思」如字,讀「來」爲釐 ^ 禮 作 在「以協上 釋 見非正 器》 思 文》: 斯 反,又如字,以 疏 復」,故 相 引 讀 通、《詩》「思樂泮 作 也 韻」之下, 卢 斯樂」,「言歸 頭 如字, 協 亦 以以 上韻。」是古 其 得 又 協 讀「思」爲 訓 思復 西 上 水」,《 爲「 才 一韻 反 思 第 本 禮 唐

家》注。 厚斂以彫牆。 賈曰:「彫,畫也。」《晉世

也 彫 樸》:「追琢 玉 。」《説文》彫 列則 之 《説文》:「彫,琢文也。」《詩 「彫」亦 琱 其章。」傳: 同 可爲 之本義 然 从多,「多, 畫」也。 以 「追,彫 爲 琢 詩 毛 文 也 · 行 飾 與 畫 金 葦 ≫ 棫 文 琱 日

弓。」何休《公羊》定四年注「天子彫弓」,「敦弓既堅」傳:「敦弓,畫弓也。天子敦

肉難熟。」同上。 服曰:「蹯,熊掌,其

是「敦

」、「彫」同

影

亦

畫

也

使鉏 皆得 冀 案 掌 並 也 王 足蹯。」《説文》引作 獸足謂之番,从采,田象其掌。」是獸 ,熊 久將 云「蹯 麑 一請 《爾雅·釋獸 賊 名「蹯」。 《公羊》此 食 蹯 有外 之。 掌 也。 熊 蹯 救。」是 也,《 蓋 而 掌 年 賈 死。 互. 足 》:「貍、狐、猯、貈醜,其 傳注 티 : 訓 孟 其 通 「其足蹞」。 杜 肉 也。 子 稱 云: . 難 鉏 故此 或 《文元 告子 熟 麂,晉力士。」 語 也 熊 ※注 云 掌 年 楚 又云: 難 一:「熊 語 熊 傳 注 掌 足

遂跣以下。 服曰:「趙盾徒跣而下走。」本

同上。

也』。」《釋文》:「『遂扶』,服虔注作『跣』,先典反,云『徒跣疏。○《釋文》:「『遂扶』,服虔注作『跣』,先典反,云『徒跣

之。 燕禮 儀 杜 至 出 不 日 公怒。」是古者見君 襄 跣 扶 哀二十五年》傳 ・暇 於 醉 「徒跣」。 何 此 注 者」,是杜 納 説 凡 是 年 校 無 屨 賓 文 假 急 注 勘 傳 祭 燕 於 迫 遂 及 「《釋文》云「今杜 趙盾 記》 晉悼 於 則 扶 跣 不 卿 跣 本 室 引 ? 及 有 而 言 褚 侍 大夫皆説 或亦作「 公懼 中 盧 跣 足 納 下 當解 明「扶」字 燕 文 親 走 屨 堂 爲 魏 聞 師 弨 地 使 也 韈 上 歡 聲子 絳 云 彌 也 跣 然。 屨, 無 之 也 則 )° | « 明 正 杜 服 注 誤 死 跣 之言 足 升 韈 趙 本 本 本 禮 也 親 就就 而 義 儀 盾 燕 亦 往 是 記 跣 登 地 而 本作 禮 往 飲 跣 也 席 則 按 席 作 有 未 有 少 而

扶」,或所見本異耳。

注。

○《曲禮》疏

引

「宦,學

也,無

仕

」字,當

宦

年

矣。

服

日

宦

學

仕

也

)。」《晉

世

公嗾夫獒焉 誤,正 禮 《釋文》「『 《集韻》 誤 引服 案 近 斂 疾 本又作『趣』。」《 嗾也』」。 唨 趣」之省。 使之意,「 也。 縣 」《釋文》:「『 是服 云「嗾 作 釋文》云「嗾 義 始收, IE. 考「陬」字、《説文》、《玉 當 取」。 本 愚 趣』字或 取 云 《 莊 謂 趨 趣 趣 閩 服 服 其 也, : 段 子 本、 省 有 禮 段 趣』 虔 日 稼 氏 服 爲 : 乃 本 氏 事」,《 作『取』, 與《釋 記 監 玉 本作『 齊 荷一 本 作 説 嗾 取 裁 月令》「 本、毛本《注 物 作 是 取 日 釋 \* 取 也 文》異,疑 音, 也 趨」。」「 唨 也 文》: 趣 可 取 與 此 篇》 舍 注 趣 本 段 不 云『取 然 嗾 趨 皆 疏 民 當 宋 Œ. 本 同 ^ 趨 收 有 本 周 義 爲 相 疏

學仕之義 藝」。」服云「宜 氏 學」下脱「仕」字,學職事爲宦 Z 一禮記 宦 謂 • 曲 學 學也 仕 禮》「宦學事 宦 」,是學 之事 師疏 學 職 ,所以詮 事 謂 爲 習 日 宦 學 也 熊 明

爲 不 告 法受 子聞 文 服 案 也 而 《 管 子 惡 惠氏 Ī 退。 不 棟 越境 • 任 Z 服 服 日 H 反 法》 : : 聞 注 不 聞 不 義 討 望 義 則 則 報 賊』之言 服 服』、《弟子 服 謂 同 屈 上。 同 服 而 遂 言 職 宣 屈

諸 詛 本 疏 大 無畜 夫 詛 羣 一公子。 無畜 羣公子,欲令其二子 服 : 驪 姬 與 專 獻 公及 或

臣 斯 案 以 : 傳: **^** 大, 民 民 何 以 不 雞 人斯》「出 相信,則盟 彼 疏云: 此 詛 三物,以 之, 犯 君 命者 以 詛 盟 爾

> 衢 諸 華 部一一 奚 即 詛 難 三桓 之,不信者詛之,人君 事。』公令奄楚刺 Z 或 年》傳 自 齊 刺 是是 此 無 五 語 於周 焉 公子,曰: 畜 恐里 詛 夷 父之衢」、《定六年》「陽 是 . 始 人 五 羣 無 晉 番 「季武子將作 克之 君 社,盟國人於亳社 公子。 畜羣公子 無 爲 夷吾 語 與 令,國 公 **\***: 徒 羣 族 逃 重 二子, 不 重 臣 驪 於梁。 也 耳 耳、夷 服 無公族 有 事 姬 重  $\equiv$ 故 亦有 詛 也。 既 謂 軍 法 耳 殺 與 吾 奚 盡 焉 盟 盟 逃 太子 言詛 詛法。」《襄 也。 又曰:「乃 獻 與 虎 齊、卓子 。」即此 逐 諸 公、諸 於翟、令賈 知 又 羣公子。」 于五 申生 僖 盟 共 驪 閎 君 父之 公 姬 大 詛 也 7 之 夫 及 文

家》注。 服曰:「公族大夫也。」《晉世以爲公族。 服曰:「公族大夫也。」《晉世

案:《詩》「彼汾沮洳,殊異乎公族」,傳

爲 穆也」。 周 成十八年》傳 公族、公屬 公族大夫。」 禮 一》「掌 故「公族 或 子 箋 大夫」 一晉荀 之倅」 云 公族 得單 會、樂 者 稱 主 稱 壓、韓 「公族 諸 君 子 同 無 姓 也。 忌 猶 昭

倅。」《詩 趙 盾 爲軞 汾 車之族。 沮 洳 **※**疏 服曰 :「軽車,戎車之

是 《周 者《詩• 云設 注:「萃,猶副 戎 秋傳》曰 禮·車 軞』。」一本 今本作「 車 旐 有 者, 出 旄 僕》文,彼作「戎路之萃」,後 車 :『公喪戎路。』」旄車爲 屬 故 旄 也。 》一設此 與 之於干旄 車」、《釋文》: 又謂 服 戎路,王在軍所乘也。 同 之軞 旐矣,建彼旄矣」 也。「戎車 前 車 建之戎 『旄』,一 之倅 車 戎路 本 箋 鄭

年 傳 觀 兵 於 周 疆 服 日 一觀兵, 陳 兵

於

周

也

楚世家》注

黄

白

金

謂

貢

械 注 案 也 觀 或 示 語 • 也 周 語 此 訓 先 陳 王 者 耀 德 謂 不 陳 觀 列 兵 兵

定 周 也。」《楚 王 大夫。」《周本 使王 世 家 孫 滿 注 紀》 勞 楚子。 注。 服 日 . 賈曰 以 郊 : 勞禮 三王 孫 迎之 滿

**参** 貢 金 世家 九 注 牧。 服 曰:「使九州之牧貢 金。」

者,銅 或 言之。《書·禹 也。 之賢者,以爲 案 金三品」。 乙二 金之美者謂 厥 日 言其養一州之人。」「九州」, 禮記 牧注 貢  $\equiv$ 色 鏐 《詩 也。 鐵 曲 銀 之牧也。」彼 每 · 泮 禮 孔 鏤 之鏐, 貢》揚、荆二州 影九 0 氏 水》 州 申 州之長,人天 之中,天子 鄭 疏 爾 引 雅 義 疏 鄭注 日 . 云 釋 之銀。」 二二品品 器 厥 選諸 以 據 牧, \* 云 子 貢 夏 惟 制 之 州 侯

貢》荆 之金 其 即 厥 其 故,令九牧皆貢,所謂 考工 金 貢 中不 銅 、銀者 (鏐、鐵) 而 也 揚 記 即《 得 錫 既 考工 有 按 居 輈 州 錫 金 以鏐銀爲名, 此 人》云: ,謂之鐘 貢 記 鉛 銀 則 金是常貢, 也。 之金 此 銀 錫 之貢 又檢《禹貢》之文, 而 金 貢 鼎之齊。」此 均 獨 則 也 有 金 無 無 知金三品者 此 六 亦 銅 銅 以 齊。 當 故知 也 鑄 是 六分 鼎 鑄 ^ 銅 之 金 禹 鼎

也。」同上。 賈曰:「象所圖物,著之於鼎鑄鼎象物。 賈曰:「象所圖物,著之於鼎

所 按 秦 案 管子 Ш 其 所 : 海 是鼎 文,有 述 經 所 也 序》云 立 鄙 所圖 或 政 物 禹 ジ注 名、 -, ~ 鑄 也 即 海 有 鼎 上文「 外 Ш 著 象 鼎亡於秦,故 經》 JII, 物, 標著 遠 有 使 海 神 方 也 民 内 啚 靈 知 經 奇 物 其先時 畢 神 怪 氏 女 周 也 沅 之

人猶能説其圖,以著於册」。

載 螭 魅 商 案:《 ,怪物。 祀 日 或 七百 祀。」《楚世 語: 説文》: • 魯 魍魎 語 家》注 賈 ,木石之怪。」《周 「鬽,老物精也 日 「木石之怪,夔、 載 辭 也 故故 Ш 禮 神 祀, 当 日 神 怪 # 兩 獸 年 物。 疏 也

釋 相 案 年 即 釋天》:「商 疏》引李巡云『各自 歲 襲 也 「祀」者 也 也 載 り。」李 其 辭 邵 名 以 者,謂 氏《 祀 不 爲 相 爾 載 周 雅 載 襲 紀 即 日 爲語 歲、故 而 事,唐虞三代示 正 年。」 義》曰 義 則 助。 而 賈 相 賈 以 通  $\sim$ 爲 以「年」 爾 左 故 雅 祀 即 載 傳 不

鄭文公有賤妾曰燕姞。 賈曰:「姞

南

燕

姓

了。」《鄭

世

家

洋

案:《説文》:「姞,黄帝之後伯鮍姓也,后

稷妃家,或作吉。」《詩·都人士》謂之「尹

古」。

夢天使與己蘭。

賈曰:「蘭,香草也。」

同上。

案:《説文》訓同。

余而祖也。 賈曰:「伯鯈,南燕祖。」同上。

案:黄帝之子得姓者十二,姞其一也。

伯鯈當是受姞姓者。

父子儀也。報,服也。淫親屬之妻曰報。文公報鄭子之妃。 服曰:「鄭子,文公叔

四年傳公子宋與子家將見。 賈曰:「二

漢律》:淫季父之妻曰報。」《詩

雄

雉

疏

子,鄭卿也。」《鄭世家》注。

子公之食指動。 服曰:「第二指、《鄭世家》

注。俗所謂啑鹽指也。」本疏。

右巨指 ^ 儀 禮 ,右手大擘也。」又曰「 大 射 禮 右 巨 指 鉤 設 弦 決朱極 注

蔽

轂

上,以禦矢」者、《説文》:「幔

衣,車

**念孟子** 四指 指 指 也 語 音義》八引《字書》:「啑,喋也。」蓋漢 三,注 順 也 以朱 小 也」,則 數之即 。告子 指 韋 短 爲 極 將指 不用。」按 猶 章》趙 之。三者 食 指 放 爲第三指矣。《一 也。 注 則 「無名之指,手之第 食 此 食 所 指 三巨 指 以 爲 韜 指 第 將 指 指 二指矣。 爲 利 切經 第 無 放 時 弦

或 所 以 以 貫 日 蔽 公 兵車旁幔輪謂之笠轂。」本 轂 叡 Ŀ 以 服 禦矢 日 : 也 笠 轂, 日 轂 車 之蓋 轂 上 鐵 如 也

言 案 輻 斬三材,必以 三十輻 轂 牙 《説文》:「轂,輻 者 也。」又曰 未嘗 共一轂。」《考工記 及蓋 其 時」注 轂 · 而 也 此 者,以 所 云「轂 凑也。」《老子》: ·輪人》爲 材,所以 爲 之蓋 利 轉 如 也 爲 輪

之,始 馭 車」、「 爲 鄭 鐵 衣, 蓋 分 車 衣矣。 也 名之也。 公 , 蒼 淮 其 害 軸 彻 司 頡 所 南 農 右 轂 之 即《采芑》詩之「錯 幔 然古 不爲 行 故 以 • 之長 若然, ^ 祭 注 末 幰 説 禦 戟 集 稱 氾 見 矣。 : 兩 作 矢 文》: 法 矢 韻 論 去 軹 於轂 稱 軹 傳 軹 所 布 也 則 > ^ : 公 帛 説 注 者 礙 幢 轂 小 渠 軎 外 以 惠, 轂 文 張 棨 又 穿 以 其 幨 多 者 爲  $\stackrel{\frown}{>}$ 車 日 慮 利 也 故 形 切 不 以 車 賢 也 戰 衡 上 猶 秋巾 轉 訛 書 守 ^ 軸 0 經 分 如 ,去三以 考 爲 車 而 , , 耑 公 爲 輜 軹 亦 是 Ī 幰 注 以 出 ^ 義 也 軿 必 日 周 記 車 故 於 日 簑 遮 爲 \_0 > 是 禮 ₩: 車 即 有 衡 車 + 爲 此 矢 公 稱 幨 害 蚈 轂 物 戰 以 几 穿 軹 衡 . 也 之 公 大 外 Ŧi. 衣 護 有 上 引 幰 車

昔 之言 之, 傳 非 雅 敗 鐵 轂 折 末 歟 無 H 杜 兵 惠 之 ? 籠 單 車 兵 即 厚 子 巾 . 惟 則 故 釋 小 旁 篇 傳 戰 繞 以 春 單宗人以 以 軸 轊 穿 \* 器 説文》 謂 車 已 時 輔 **\***: 也 <u>二</u> 乙 軸 或 末、 與 而 兵 軸 0 日 己 輳 末、 日 令其 城壞 車 夫 言 末 軹 有 轂 軹 爲 重 兵 輔 轂 兩 木 之 蚈 之。 籠 末 轊 鐵 文 穿 車 宗人盡 末 旁 擊 繞 交, 並 當 也 轋 籠 齊 此 作 自 旁 並 此 折 得 其 0 故 人 作 轊 日 幔 軹 必 幔 得 轊 目 轊 足 鐵 爲 走 得 也 軹 中 輪 斷 輪 爲 松 以 於 害 證 争 0 脱 公 謂 其 者 轂 鐵 若 謂 轊, 轂 0 當 鐵 輔 塗 也 是 之 轂 車 日 裹 然 籠 外 之言 网 作 析 笠 言 害 以 軸 鄧 ^ 之。 故《 之 以 言 轊 轂 即 以 幔 冒 析 轊 史 末 保 制 籠 也 記 渾 鐵 轊 於  $\mathbb{H}$ 子 折 而 者 ^ 轊 轂 單 籠 自 廣 易 傅 則 車

者,朱 革轂 之,欲 笠轂 也,謂 兵車 車,短 列 亦 察邕《蓋 震《毛鄭詩考正》曰:「『軝』,《説文》亦作 也。」又曰 考工 軝, 靴』,从革。 有「 之制 暢 相 説 軝」。 其 記》 轂 其 以革覆轂也。」《晉書·天文志》載 即《考工記》之『幬 覆 應,無 以 轂 則 天論》,其言「天似蓋笠」,是「笠」 革 幬 見 於 當 義, 無 以 幬 之 望其 傳:「軝 闕 有幬矣, 賈公彦 飾 孔 贏 傳 幬 必 故 廉 疑 故 不足。」幬革 負 於轂 沖遠 無 幔 之意焉 也 轂 幹 徵 日 ,長轂之軝也。」戴 轂」 注: 注 欲 服 以爲 也。 『長轂之軝 其 革。, 亦 亦 惟長 眼 長 幬 稱 以意解之,故 ,即《采芑》詩 也。 幬 轂名,非 曰:「幬 『朱而約之』 「笠轂」也。 幔 轂 負 』。」按此 轂 盡 進 幹 之 飾 而 也。 覆 大 氏 眡

> 日 非 案: :「不書 傳 禮 明言之。 傳 也 日 奔 : 經 喪。諱 「公如 祇 書「 過 齊 如 也 齊 奔 ]。|《釋 吧。 所 例 以 考 弔 諱 君 贈 其 親 卒 事 奔 喪

故絶之,善楚 + 二子不繫之陳 年 經 納公孫 有 禮 甯、 絶 也 儀行 ]。 於 陳 父于 也 陳。 惡 其 、與君 賈

傳令尹蔿艾獵城沂。 服曰:「艾獵,蔿賈

案:《吕覽》「情欲知分」注並云「叔敖,薳之子孫叔敖也。」本疏。

申叔時使於齊。 賈曰:「叔時,楚大夫。」賈之子」。「薳」、「蔿」同。

十二年傳 卜 臨於太 宫。 賈曰:「臨,哭

陳

杞

世家

注

也。」《御覽》四百八十。

案:《襄十二年》傳:「吴子壽夢卒,臨於

五年

經

春,公如

齊。

夏,公至自齊。

賈

周 臨 臨 廟 注 亦 亦 以《檀 「哭」也 曰 臨 弓》「哭於 哭 吕 也。 覽 • 寢門」 觀 表 》「還 例之, 車 而 則

疑 制 夾 共,皆在邑中所共也。 也 宫中 巷」,隸省。古之巷,今之街 逵 街街 又从 光得聲,不得 即 加 傳 巷、《説 爲 長 「逵」之變文。「逵」、《説文》本从坴, 供 街衢之名」、「街彈之碑」皆著於漢, 無 」,其秦漢 求 久部》有条,云「条 者爲 謂之壺 「街」字、「天街 龜 反,則 文》作「共」,里中 巷 時 一是故 歟 與「圭」音相 ? 轉爲街。《釋文》讀 爾 賈 篆作「巷」, 雅 之星」、「街亭之 ,服也」,此 降」,《説 以「街巷」連文。 . 也。 釋 道 近,「逵」之 宫》所云 也,从 若今以 文》「下 今作 户江 郒

> 伏之文。」今出 城 自伏之計矣。 反 之正字。 年傳「曷 則 賈説 良是。」 爲不言降 作「 車 惠 降 則 氏 棟 示 吾 通 日 欲 字字 師 : 戰 也。 注 之狀,不 案下 。《公羊 : 降者 鄭 復 肯 莊 脩

守埤者皆哭。 室》: 字 其 皆有增高之義,故「陴」可 非 蒼 上 案:「埤」,今本作「陴」。 故舉大名以 也。」《詩傳》「埤」訓 城 (埤」注: 常常 女牆,俾倪也。 上女牆」而 也 埤」假借字。 俾 亦亦 城 倪城 L E 城上 統 垣 陴 賈曰: 之 上 牌, 裨 女垣。」《 也。 睥 小  $\stackrel{\wedge}{=}$ 城 埤,增 厚《説文》「埤」訓 睨 垣 「埤,城也。」同 一者,亦 切經 言 ^ 也。」《 也 或 《説文》:「陴 一言裨 通「埤」,賈不云 墨 於 也。」是「 語 音 以助城之高 子 其 釋 義 晉 孔 名 • 助 備 中 語 城 陴 引 上 》「反 釋 城 睥 城城 宫 正 睨 埤

埤 篇 統 之 於 城 疊 俾倪 郭 韻 也 《説文》陴, 廣三尺,高二尺 籍文从 Ŧi. 亭 寸。 倪 亦 以 爲

爲 鄭 自 伯 臣 皇 隸 肉 袒 世 牽 羊 同 上。 賈 目 : 賈 鄭 城 門。」《 肉 袒 牽 楚世 羊 示 注 服

禮 武 子。」牽羊 肉 者,古禮 也?」《 周 臣 隸」亦「臣」也。 王 袒 禮 隸」,即 克 覲 面 或 ·大宗伯》「 殷 廣 禮 縛 語 有 即 雅 之。 一臣 微子 0 左 執 码日 侯 牵 羔之旨 附」矣。 ^ 釋詁 氏 乃 史記 羊 《説文》: **\*** 持 肉 卿 右 其 袒 **>** • 其誰非君之羣 執 : 隸, 肉 把 皆臣 祭 宋微 羔 袒 茅 器 爲 隸 牽 禮 注:「羔,羊 子世家 覲 是 造 附 羊 臣 也 君 一,示 也 於 也 箸 之 軍 」。」是 臣 也 隸 門, 儀 周 服 臣

孤

不天。

賈

曰:「不爲天所祐。」同

上。

韓 潘 大 厥 知 案 夫 尫 助 案: 不利。」《 **延**字 師 者 爲 人 ^ F 叔 盟 司 易 順 文 師 字 子 馬 繋辭 • 大有》爻辭 也 樂武 叔 忧 良 0 鄭伯言 》云:「祐者 出 子 子 子 服 質。 良 良 日 日: 穆 鄭 師 不 "「自天祐之,吉,无 公子。」 爲 公子。 叔,楚 賈 厥, 天 助也。天之所 所 韓 之崇 : 同 助 萬 上 潘 也 玄孫。」 尫 故 楚

案: 諸 伯 厥。』《 晉 不 所 之曾孫 知 侯之要言,曰「及其玄孫」,言以玄孫爲 云武子 求伯 得 IE. 何 世 封 所 前 義 生子 本 蓋蓋 韓 據 日 服 \* \( \frac{1}{2} \) 原 : 也。」按《僖 虚、杜 韓 輿,子輿 : 萬 日 韓 也 韓 世 桓 預 武 家 生 叔 皆 三 十 如 子。 獻 学云 生 言 彼 子 子 厥 八年》傳 . 二文,厥 後 厥。』《 萬 韓 韓 萬玄孫 萬 世 之 史記 是萬 有 先 生 載 求 韓 事

本

疏

盡 晜 遠 稱 證 孫 信 未 孫 孫 散文言之曰 孔 \_\_\_\_\_ 也 故 必 張 稱 盡 昭十六年 爲 爾 「玄孫」 合雅 穆公之曾孫 雅 「玄」、曰 訓 • 以 釋 也 **>** 概 傳 親 之也。 昆 服 **\***: 亦 以 孔 「來孫之子 云 爲 世 張 遠 昆 本 君之 孫 孫 Ś 之 不 昆 統 爲 口 可

觀釁而動。 服曰:「釁,閒也。」《釋文》。

同 釁」之俗字,薛注 。」《兵法》所云「 《文選 東京 乘 賦 隙  $\leq$ 而 隙 巨 猾間 也 也 隙 舋 間 義 即

彘 也。 子 子 岩台 公卿、 地 《國 禮 韓 漢 大 記 白 服 語 爲 夫 虎 日 周 禮 彘 皆 汾 通 縣 運 王 食 . 語 食菜於彘 屬 **≫**: 之甥」箋云:「汾王 京 菜 》 乃 大 者,示 師 河 篇 東 流 夫 》「采」作菜,云 本 有采,以 王 與 於 民 日 疏 此 口 永 有 安。 處 注 一,厲 無 其

> 此當即「彘子食菜」之「彘」。 王也。厲王流於彘、彘在汾水之上。」按

澤 帥 名 互 在 爲 坤 衆 體 師 臨 鳴 震 之 爲 本 鼓 震 臨 地 居 巡水 爲 疏 雷 地 服 而 雷 而 日 行 俯 : 行 鼓 視 類 坎 師 於澤,臨 爲 之象 又爲 水 也 坤 下 長 爲 之義,故 子 臨兑 子 又

記 之音 賦 是 案 故 辭 衆」、「震爲雷」、「 互. 雷 ※ 注 • 地 ,鼓類」者、《説 體 地 月令》: 與 坎下 引 中 萬 爲 中 鼓 逸《 有 物 有 震 類 水 坤 郭 水。 禮》: 也 一仲 者, Ė 皮 師 師 爲 爲 春 革 師 文》: 巡 巡 陸 日 師 長子」,並 衆 而 卦 者 績 夜分, 出 也 者、《文選 Ħ ,循也。」《 0 鼓, 之 坎爲水, 故 坤 雷 郭 四 日 ^ 中 坎 説 乃 也。 鼓 爲 衆者, 在 發 卦》文。 震 師 坤 坤爲 東 聲 春 也 禮 莫 都 分

00

於澤 爽 坤 臨 行 调 在 於 故 . 上 水 坤 日 澤卑 故 爲 有 臨 是 日 地 地 行 象 居 」、「兑爲澤」, 巡 高 師 辭 水 地」,兑在 之象」馬 高 而 澤 下相臨之象 行 Ŀ 下, 有 並 猶 党下 言 地 故 ^ 説 日 也 臨 循 掛 坤 。」荀 文 衆 俯 E 視 而

佐 也 子 彘 卦》六五 軍軍 之於 帥 子 師 尸 必 元 之。 以 破 帥 中 敗 長 弟 行 而 子 服 輿 也。 子 帥 P 日 也 , ° 師 : —, 弟 而 本 子 弟 此 疏 專 輿 子 禍 以 P 輿 也 ,使不 師 P 濟 《易 N° N 使 當 不 也 當 長 師

辭。 子 師 案: 彘子 五,又以一 中 帥 子 虞 師 故『 帥 翻 弟 師 輿 主 帥 子 尸」之象 此 至 師 輿 必敗之禍, 長 P 使 也 ), 凶 子 不 解 當 弟子 謂 此 也 「尸」字 師》 謂 服 震 引《 =; =; 爲 師 六 一次六五 師掛》 長 五. 也 體 子 交 坎。 辭 在 象

> 謂以 此 乘 帥 爲 《師》六三 子 也。 應 坎 父,下文「子爲元 而 師 X 分北 當 輿尸 謂 車 服 剛,无應,尸 以 震 多眚 中軍 失 彘 長 云「佐之於 受 荀 之弟 中 子 位 子。 ,或敗績 任 行 爽 有 乘 同 謂 師 佐 帥 而 時 也」。」 日 陽 是 使不 或 濟。 乾 師 在 彘子 處 象 輿 之子 元 死亡, 輿 帥 離 車 厂厂虞 長 也 當 當其 宋 帥」者 非 軍 Ė 爲戈兵,爲 爲 子 是 E 衷 所 必 中 升 謂 失 ,故『輿尸,凶』矣。」 也。 職 翻 據 日 破 軍 P 位 以 五. 九 : 日 也。」 佐 敗 而 而 乘 佐當 衆 故 弟 元 還,故 專 陽 而 也 掛 折 坤 不 日 子 輿 以 帥 首 義 弟 聽 爲 逆 謂 長 五. 尸 謂 師 尸,坎 子 故 從 如 日 失 六 子 處 濟 荀 者 此 弟 位 帥 師 貞 林 中

篳路藍縷。 服曰:「言其縷破藍藍然。

本疏

藍 案:《方言》云「楚 縷」,破 敝 則縷 稀散 謂凡人貧,衣 矣。 「藍藍 破 當 醜 敝 是 漢 爲

分 爲 廣 廣 有 卒 服 日 . 左 右 廣 各

時

方

語

服

故

以

狀衣之縷

破

也

禮 · 夏官 序官

Ŧi.

乘

百

人

爲

卒。

言

廣

有

卒

爲

承

也。」《周

案 子 人爲卒」、《周 承 司 爲 馬 有 知「左右廣各十五乘」者,下文云「楚 乘,廣三十乘,分 偏 法 同 對 偏 禮 言 而 言 司 廣 則 馬 有 爲 卒 承 序官》文, 左右 爲 爲 承」者 IE 故也。 矣。 一百百 下 杜 注 引

也。

本

疏

兩 卒偏之 日 日 兩 卒 廣 偏之兩 既 服 有 : \_0 卒 同 爲 Ŧi. 上。 + 承 人曰 承 有 偏,一 偏 <del>+</del> 偏 Ŧi. 有

案:「偏」者 衣」注:「偏 故 日 偏 半 二十五 或 也 語 白 . 人曰 人爲 晉 語 兩 卒 \* ·, 五 君 周 賜 + 禮 我 人 半 偏

> 蓋 Ŧi. 五 「之」爲 司 卒偏 文十一年》 十人, 乘 兩 馬 有 廣 • 序官》文。 兩 與 之别,各有一卒百人,卒外 偏 一百七十五 明 也 外 矣。 傳 復有 皇 必 兩二十五 廣有卒、有偏 父之二子死 云「卒偏 人從之, 人。 之 然 兩 則 焉」, 有 一廣 復 傳 者 當 有 猶 偏

御 下、 掉,正也。」 兩 馬 掉 鞅 而還。 服 日 兩 飾

名・ 訓 掚。 网 掚 NA 爲 平 馬 惠氏 釋 飾其牛牲」注 按 飾 兩下 言 也 ^ 棟日 語 0 釋 此 **∀**: 芸网 愚 則 文》 . 《説 按 鄭 兩 引 飾 文》:「 一,飾 . 平分 注《 徐 本 ^ 拭 説 先 周 也。」《周 掚 謂 也。 文 飾 民 禮 刷 **>** , • 環 云 字 叔 治 兩 故故 也。」《 兩 滿 人》引 禮 潔清 服、 下云 本 或 作 杜 作 作 封

薛 爲 IE. 無之,知舊祇 亦後人所改。 也。」《釋文》 也 而 飾 掚二者是也。 、尋繹 注 Ē, 平拭之,故 ° \_ | 正者。 整 」、「拭」古 兩」加「手」證成之、《釋文》所 司 旅 亦聲。」「整」 服 振 尊彝》注 義, 正即 整理 ^ 文選 今字。 服 不 作「飾」,今本作「拭 作「兩」, 「掚」字、《玉 鄭氏注文「兩」作 得 以 也 整整 亦 其 . 飾 「涚酌者 「兩馬」者 同 \_\_ 西 解,以 無作 京賦》「 《説 訓 振 一,故 一篇》《 飾 兩 帨 文》:「整,从 掚」矣。 是 拭勺 振 謂 也 振 廣 刷 掚 云「或作 分其 天 韻 治 旅 維 而 「掉 》皆 亦 朝 毫 是 酌 故

高 射 當 麋 麗 心。」本疏 龜 服 日 一一麗 著也。 龜背之隆

也。」《一切經音義》三引《字書》:「著, 《易 離 》彖辭 離 麗 也」注: 麗 猶

> 者爲 多 效 箭。」「明 龜 義 相附著也。」云「龜背之隆高當 羡及 非要害 所 謂 日 「龜之形背 龜 獲。 光 著 矣。 月 並 其 即「光」字。 光 之 T. 高 獲 所 處。」《 騎 0 少, 射 又曰: 高 必 若然, 父 北 而 麗 前後 每 史 龜 日 • 則獸 明 達 **\$** 斛 下,此 月 腋 出 律 之背 心」者 必 田 羨 羨 射麋 背 傳》: 隆 還 上 獲 著 麗 高 即 正 雖

魏 疏 錡 求 公族未得。 服曰: 「錡,魏犨子。」

本

使 本 疏。 軸 車 ○襄十一年 逆之。 傳 疏 服 日 : 輔車,屯 守之車。

之曰「屯守」矣。 東都賦》「陳師 故云「屯守之車」,从 勒 兵 《説文》:「軘,兵 而 守日屯。」是單言之日 按 屯」注 指事 車也。」服以字从屯, 一一一 之義。 費 引律 屯,兼言 《文選 説

間 楚 ○」《釋 人 惎 之脱 ○本 扃 疏 引作「有 服 日 横 木 投 扃 於 横 間 木 校 輪

謂 也。 有一 也。 似, 扃 莽、王裦等傳 説 漢 横 投 以 一,所以 於 扃 亦 横 木 愚 者 扃 《古文尚 之説 輪 得 自 按 並 横横 成 祇 間 稱 相 歸 得 》號 紀 禮 横 作 扃 貫 木」者,《 鼎 事 爲 説 》一大 記 並 (穿爲 書》「光 有 衡 闌 横 釋 作 以 文 . 若 今關 多 矣。 木 文》 立 校 孔 • 闌 横 家。 然 不作 横 也 且. 禮 獵 子 本 被 校 被 户 部 記 一,師 閒 校 鄭 則 耳。」《 四 作 四 今謂 之 段 **\***: 居》 横 輪 表 注 表 扃 木 氏 曲 古 間 \_\_\_ 」,《漢書 並 爲 校』 且 校 日 日 禮 禮 以 與 則 云「横 横 人 从 横 : > 》有 爲 横 關 本 凡 疏 古 職 木 几 此 於 長 鼎 疏 充 H 桄 从 校 天 足 鼎 作 拓 相

> 補注 外, 戈、殳、戟、 記 説 六 廄 文》 闌 車 成 於 軫 輪 校 之内 矛 四 輢 輢 皆插 是則 尺 外設局,插 車 \_ 故 旁 注 車 以 日 · 輢 遮 也 校 闌 此 輪 鄭 爲 則 戈、殳、矛、戟。」 所 閒 用 義 此 謂 牧《考 也 扃 兵 設 車 輢 也

鄭 師 來 石 制 鄭 實 本 楚 疏 師 服 日 人 楚 師 使 楚

以 窮 叔 樂溼 乎?」曰: 展 案: 日 正 。」本 義 有 E 麥麴 : 無。 此 乎 石 ? 賈 制 引楚 日 : 麥麴 師 無 一有 鄭。 鞠 Ш 鞠 所

籟 案: 母 作 也 麴 麴 釋 對 鞠 占皆 麥 或 説 麴 从 云 釋 文 麥 餅 即 飲 鞠 食》 鞠 米 餅 省 部 麴 蓋 聲 作 以 麴 麥堅築之成 説 鞠 故 朽 文 經 也。 K 傳 酒

雅 禦 性 紀 上,三七二十一日 溼 相 並 爲 日 三七日無 营藭 淫 舉 如  $\stackrel{\cdot}{\cong}$ 既 故 類 其 日 使生衣 以以 鞫 屬 暴 如 説营从号。一《子 甚 類火 貴 鞠 究 麥麴 火, 之, 多 義 性 衣, 八,其 説 如 窮 窮」 香 朽 而麥麴 燥 营 法 文》: 是。 辛,故 敗 則 仍 即 是 藏 停,要 也 用 與 以 一营 也。 心, 又 開 \_ 青 相 必日 虚 营藭,香 藭」,鞠、窮 鞠 其 看 古草木 蒿 齊 須 類次,香辛足以止 賦 素 穀 徧 上 民 衣 》「芎藭」「 以燥之,故 麥」, 問》 聲 下 要 有 徧 草 名  $\stackrel{\sim}{\preceq}$ 奄 術 黄 乃 然 聲 雙聲 也 雙 之, 》説 衣則 止 轉 一聲 升 則 昌 置 麥之 明之 作 疊 足 又 司 蒲 出 止 爾 以 牀 馬 爲 韻 女

十五年經宋人及楚人平。 賈曰:「稱人,

有死

無質

服

日

質

隊

也

同

上

衆

辭

善其

與

衆

同

欲

本

傳伯宗曰。 賈曰:「伯宗,晉大夫。」《晉世

轉

起

也。」此别

義。

服

訓「隊」者

謂

霣

案

説

文》云:「

齊

人

謂

雷

爲

日

雲

登諸樓車。 服曰:「樓車,所以窺望

敵

家

注

軍

·, 兵

法

所

謂

雲

梯

也。」《

鄭世

家

故 《墨子·公輸篇》: 家。」是古 凡百 書 望 案 之械,成。」《列子 云 凌虚。』《 云「兵 敵 云「兵 . 視 八十二 藝文志》云: 軍 城 車 樓 法 中 御 車 高 者。 來稱兵法者 . 覽 所謂 也 如 家 巢 即 兵 引《六韜 雲 則雲梯爲言兵 「巢 删 法 , 》張湛 以 梯 張 「公輸盤 泛 取 望 車 以 良、 要 指 衆矣。 敵 》「雲梯、飛樓 曉 注 《説 用 兵 韓 也 :「雲梯 家 信 定著三十五 文》 也 爲 「雲梯」者, 之 即 者所 敘 楚造 言。 次 作 服 必 兵 云 雲 注 口 轈 漢 梯 以 窺

傳 也 爲 隕 之 爾 隕 假借 雅 墜 字。 也 釋 詁 《説 ^ 説 文》: 文》 隕 : 落 隕 隊 也 從 从 高 高 詩 隊 下

也

墜皆

隊

也

盟 共 臂 服 與 元 之 之 盟 與 爲 日 盟 質。 辭 而 也 莊 與 而 楚 盟 公 華 告 人 盟 本 元 王 爲 疏 私 此 下 我 退 盟 爵辛 云 無 三十里,宋及 耳 許 爾 盟 爲 非 詐 日 退 此 爾 華 師 是 無 元 若 楚平。 兩 我 虞。 子 孟 或 任 反 平 私 後 割 華

共 公盟 反 懼 盟 别言 ,爲此 與與 孟 任以 華 兩 載 元 證 盟 書 私 之 盟 字之異。 下 辭 猶 盟 也 言 字字 私 上 則 約 是 盟 故 兩 字 引 或 平 魯 是 後 莊

微》疏。 服曰:「黎侯之國。」《詩·式

案:《漢書·地理志》「上黨郡壺關」應劭

是 也 : : 0 今潞 黎, 侯 安 或 府 也 長 治 今 黎 縣 亭 西 是 + 顧 里 黎 氏 侯 棟 亭 高

乏絶之道也。」本疏。 故文反正爲乏。 服曰:「言人反正者

皆

僕 背爲義。 在其 案: 者,字之形; 釋字義 乏」。 受矢者曰正,拒矢者曰 鄭 「反 「乏」、《説 中矣。」今作「乏」, 司 E 農 《周 禮 爲乏。」 注 記 而 禮》二 並 文》篆: 貴 云『乏』, 月令》 絶 段注 服 者 作 不氏」杜 字字 振 J., 隸 乏」,亦以 之義 讀 此 變 乏絶 爲 也 説 引《 子 也 字 春 貴 春 形 是 注 射 乏 秋 反 而 傳 繒 之 車 自 Œ. 義

之處 十六年 本 經 成 周 宣 榭 火 服 日 : 宣 揚 威 武

案:《禮記·禮運》注:「宣,猶揚也。」故

名之。 是 室 故 講 作 惠 謝 作 下。』《月令》:「孟冬之月,天子乃命 内 以 也 日 國 説 **郑敦銘》曰『王** 榭。」《 也。 名 氏 名 武、習射 災』之『 宣 文》無 鄭 語》云『 榭 揚 日「宣 棟日 郭 日 射 注 《易 注 榭 釋 禮 :「《左氏》古文『榭』本 也。 謝 即 · • 射 宣 記 榭 榭 御 」。」若 豫 儀 繋解 今堂堭」,本疏 書 字。 不 疏 角 禮 謂 過 一格於宣 疏 榭 **>** 《 爾 引 力。」是 **%** 講 釋 州 . 然, 引 李 本 據 學 鄉 文 軍 雅 孫 巡 則 以 此 弧 一射」是 也 射 》榭 實」,今本 炎 · 釋宫》 射以 是《 行射 云 矢之利 禮 榭 作 云 讀 云: 但 謝 也。 揚其 禮 左 本 榭 如 豫 有 一氏》古 作 如如 以以 故 作 作 一成 云 劉 則 但 大 「無室 威 射 今 將 謝 鉤 本 有 殿 州 榭 逵 周 威 武 廳 學 堂 帥 天 文 引 宣 楹 無 又

> 八年 經公孫 歸 父如 晉 服 「: 「歸

襄仲之子。」《魯世

襄仲,公子 遂

傳 欲去三 桓 服 日 桓 桓公之

族,仲 孫、叔孫、 季孫。」 同 上。

援 仲 以失大援 助 殺 也 適 7 者,仲 同 庶,國 上 也 政 夫。 無 常 鄰 服 或 日 非 Ż, 援 是 助 失大 也。

《韓 襄仲 不能堅 依倚,以爲 案 助訓 助一, 詩 殺 詩》「 鄭 》作 事 之而 杜 援」,是援 以《 齊、晉」,即 氏 『援 邦之媛兮」箋云「媛者 援 立宣公。 謂 韓 助 」,援,取 詩》説《 也。 南 有 通 服 助 於 《釋文》云: 義 或 義 也。 詩》「媛」字,故 楚, 也。 政 也。 既 無 取 不 常 適 能 鄰 爲子惡 疑 或 古 或 當 媛 人所 非 以 作 V

乃

杜

氏

直

云

此

甸

所

賦

使

丘

出

之,

譏

重

出

之

數

不

盡

如

甸

賦

而

要

爲

厲

民

之

事

也

者丘

無

甲

甸

始

有

甲

今丘

而

作

甲

雖

所

案

服

備

引《

司

馬

法》

丘

甸

之

制

明

古

## 春秋左氏傳賈服注輯述卷十

嘉興李貽德學

公

成

馬 牛 邑 元 年 爲 川 經 戈 丘 兀 几 楯 作 F 4 有 丘 具 爲 + 戎 備 甲 甸 馬 0 謂 甸 頭 之乘 甲甲 六 兀 服 + 馬。」《詩 日 牛 士三人,步卒七 几 : 井 ^ 頭 司 出 南 是 馬 長 14 法 日 轂 疏  $\leq$ 几 Z <del>一</del> 馬 乘 邱 几

馬。 兵,其 馬 齊 乎 將 賦 馬 其 當作『八』。 以 丘 丘 日 + 甲始 作 ,邱,馬 ,故成公亦以 腭 是 是 篇》云『一 賦 其 然則 七 八 **\$** 胎 而 杜 法 四 日 甲二十 噫 甲 作 甲 其 而 : 本 預 倍 而 丘 兀。 于 不 于春 否,不然。 謂 民 其 乘 己 出 乘 古 齊 叔 敢 乎 丘丘 賦 有八,其 其 之地 安得又有 者 孫 制 桓 信 此 秋 . ! 也 甲 馬 出 豹 丘 之霸,桓 行 行 丘 几 七,其 方六 而 七 惠 之 甸 雖 之于 之 **同** 馬 有 甲 謂 于 罰 蔽 賦 氏 後 中 也 馬 戰 秉 信 馬 <del>-</del>+ 士 世 御 里」,原注:「六」, 長 甸 魯 蔽 而 0 公 禮 無 或 法 奇 暴 叔 轂 四之,出 Ŧi. 甸, 使 甲 以 之 非 乎? 君 也, 白 具 馬 魯竟 管子 以 此 春 乘 汙 周 四 不 徒 行 今 田 秋 兀 吏, 禮 乘 之于 賦 過 戎 使 抑 肆 甸 几 説 也 乘 馬 馬 出 否 然 倍 猶 四

一〇八

禮 作甲 非 甸 秋》,往往不合,多 丘 几 乎 人 出 兀 出 非正 人之所 甲 甸 且 始 賦 甲 于 也 共 乎 能 齊 』國有農民、有工民,夫甲 爲 步 桓 也。」案: 卒、 前 類 杜 此。 預 戈 杜 以《司 楯 穀梁子曰 乃 據 皆 以 惠 馬法》注《 具, 之誣 説 丽 則 邱邱 爲 猥 丘 周 春 云

齊盟 年 傳 取 亡其 龍 邑,故 賈 諱 日 一殺盧 不 書 耳 0 蒲 本 就 疏 魁 不不 與

以

請 案 白 傳詳 乘。 而 經 賈 不 日 二、「八 書 故 日 白 一章 乘,六萬人。」《齊

世

六萬人矣。《周禮 卒七十二人。」然 案:「八 人,以七八五六、五 通十爲 白 成 乘 成 爲 出 六 革 萬 則 • 大司馬 • 序官》: 車 八四 人」者。《司 每 百 乘, 乘 乘計 之,八百 甲 士三人,步 馬 七 千五 法》 乘 日 百

> 軍,出· 王治 不同 自 論 語 制 人,則 軍 之常也。 軍 人」,是家出 二千五 地官 凡制 二軍、一 謂 乃 鄉之所 疏》云:「禮: 計 若從王伯之命 國,安不忘危,故令所在皆有出軍之 ,故數不 自 千 得 · 小司 軍 地 白 乘之封 七 ,萬有二千五 天子六軍 出 出 家爲 鄉。 萬 兵,非 軍 • 人, 相合。所以必有二法者,聖 徒》云『凡起徒役 五. 也。 非千乘 等於王六軍 鄉,萬二千五百 千人。 天子六軍,出 閟 鄉 彼三軍 官学 既 ,則依國之大小,出 若 爲 其前 之衆也。 出 云『公徒 此 白 六鄉 一之車 人 軍。 八 敵 矣。 爲 百 不服 自 軍。」 也。 此 乘 則 無 三萬』者 人爲 千 六鄉 邢 得 則 諸 過 景《論 乘 二者 家 王 用 六 侯三 出 萬 軍 兵 萬 軍

役 按 地 未 當當 出 E 此 兵之 是 則 計 則 成 盡 郤 地 法 出 其 所 克 境 出 忿 車 但 内 則 之法 齊 鄉 皆 力 非 之 使 請 常 出 從 故 加 軍 軍 知 故 乘 是 故 爲 成 E 六萬 是 出 復 非 故 有 人矣。 常之 家 車 此 計 出

得

同上。 賈曰:「靡笄,山名。」

徐 齊 靈 廣 下 公 日 史記 與 戰 靡 0 靡 一台 一作 齊 下 世 記 家 \* \*\frac{\times}{\times} 靡 歷 平公元 即 歷 下 則「 靡 城 笄 年 靡 南 下 省 伐 對 文。 齊 即 歷

師 平陰 案 陳 Ш 穀 牽 干 梁》合 縣 去 靡 江 鞌 笄 齊 東 氏 矣。 又 , 今 平 Ŧi. 永 即 白 服 曰 然 歷 里 日 : 陰 : Ш 以  $\overline{ }$ 去 杜 歟 ^ 彙 牽 左 臨 氏 纂 傳》考之,自 齊 淄 > 通 地 五. 典 名 百 \*\* 穀 也 里 梁 牽 > 口 始 似 1 在 與

> 至 城 以 乎 北 至 ? 齊 去 敗, 平 近 陰 止 志 爲 云 百 \_\_\_ 牽 日  $\equiv$ 即 + 之 事 古 里 之 華 何 歷 不 以 下 注 奔 在 似 濟 而 南 遽

若 承 馬 再 逢 丑. 法 飲 殞 拜 父。 以 命 稽 進 首 則 其 る。」本 左 奉 有 賈 結 觴 日 殞 旗 疏 加 命 司 璧 以 「齊大 馬 行 以 授 禮 進 夫。 飲 如 口 右 會 服 L. 持 所 曰 苞 用 壺 儀 ^ 也 司 左

既 獻 案 語 命 命 注 厥 0 之禮 》 注 已 子 所 一司 伐齊 **H**. 行 相 伐 亦 父 是 及 待 馬 引《司 或 雖 軍 法 則 齊 獲 龃 中 與 侯 > 君 君 有 馬 舊 言 晉 來 易 此 法 有 若 如如 惠 位 獻 殞 **>** 此 秦 之 日: 會 之以 韓 命之禮 儀 獲 獲 所 也 厥 相 晉 其 得 用 尚 似 惠 引 有 儀 殞 認 晉 」者,《 殞 故 命之禮 爲 是 以 語 命 以 齊 爲  $\simeq$ 證 侯 殞 殞 郤 韓

進 孫 苞 禮 以 夫》注 馬 馬 必 禮 社 盡 一。」獻 三上 竹 子 舍 裹 盡 如 . 輿 飾 之 之 會 挈 飾 或 日 司 所用 展 亦 壺 壺 軍 也 所 帥 「酒漿 以 故 馬 執 司 氏 師 以 葦 用 結 争 儀 縶 在 武 馬 進 +° \_≪ 殞 X 旗 義 注 也。 而 也也 列 車 命 陳 **^** 不 釋 見,再 ^ 或 曲 禮 0 襄 可 亦 争 文》:「 壺 則《 禮 馬 傳 ^ 兵 利 曲 也 飲」者 **>** 晉 日 + 所 拜 也 即 車 禮 武 -。 | | こ若「 苞 語 五. 以 稽 》注:「苞苴 周 車 , () 年 承 裹 W 首 陳 云 禮 綏 周 以 \* -飲 侯 殞 也 学之 旌 いっ言 承 禮 中 殞 命 免 飲 鄭 軍 軍 命 . 注 公 周 或 膳 以 擁 持 而 不 口 口

且. 案 懼 爲 也。」 之 奔 闢 此 辟 ·, 辟 釋文》: 辟 讀 服 闢 讀 『闢』,本 扶 亦 周 反。 禮 又作 釋 閽 文》。 人 辟 則

避

擊 馬 涇 賈 日 馬 涇 齊 地 也。 齊 世

家 注

必 子 以 姓 案 追 谷,又北 齊 蕭 齊 : 乘》『 同 侯 同 顧 上。 處。」所謂『弇 叔 氏 逕 淄 子 棟 長 水 爲 高 峪 出 質 曰 : 道 益 亦亦 都  $\overline{ }$ 中 岳 賈 史記 狹 陽 道 日 馬 Ш **>** 陵 亦 作 北 蕭 即 此 即 逕 馬 附 郤 萊 陵 庸 克 蕪

案 邑 大 : 夫 蕭 以 是 宋 平宋 附 庸 亂 邑, 立 蓋 桓 公, 蕭 叔 宋人嘉之, 大 心 本 爲 以 蕭

齊 而 隴 使 蕭 齊 畝 邑 東行 之 封 封 叔 爲 内 司 附 盡 上 庸 東 也 其 畝。

服

曰

:

欲

字。 案 齊 云 循 使 隴 案 隴 東行」者 東行易」,亦無「西」字。 畝 杜 東 于 西 行 由 戎 西 車 朱 達 是 鶴 東 利 之路 龄令 注云「晉 也。 西 之伐 杜 衍 氏

若苟 藉 河 南 手矣。」 有 俗 以 語 本疏 藉口 ,治生求 而 復於寡君。 利,少有所得,皆言 服 : 口 用

案: 有 所 正義 得 則 日 於 : 言 П 爲 無 藉 物 , 則空 故 日 口 藉 以 爲  $\Box$ \_0 報 服 引 少

俗語「藉手」,以明藉口之義。

家》注。 賈曰:「邢,晉邑。」《晉世使爲邢大夫。 賈曰:「邢,晉邑。」《晉世

《哀四 直隸 案: 邢, 順 年 德 即 府 齊國 故 邢 邢 臺 夏伐 或 一縣 高 晉 滅之,後 取 邢」,即 入晉爲 此 邑。

争諸 年 經 侯 ()仍伐 鄭 伐 許 許。 不 賈 稱 日 將 : 「鄭,小國 帥 夷 狄之, 一與 刺 大 國 無

知

也

。」本

狄交伐中國,故狄稱之也」。《公羊》定四昭十二年「晉伐鮮虞」,傳曰「不正其與夷案:《廣雅·釋言》:「仍,再也。」《穀梁》

帥,夷狄之」也。 覃本《公》《穀》之義釋此,故曰「不稱將 年傳曰:「吴何以不稱子? 反夷狄也。」

也。」《晉世家》注。 賈曰:「初作六卿,僭王

卿」耳。 案: 傳「六軍」、《晉世家》作「六卿」、《 卿領之,諸侯 亦云「晉 軍」,《 古者,軍 初置 集 解 六 大國 上將 卿。 皆命 依《史記》之文改作「六 三軍 卿,天子六軍,則六 疑 丁則三 賈 注《左傳 卿領之。 齊 》本作 世 此

以 六年 求 傳立武 勝 故 立 宫。 其 宫 一一本 服 日 疏 : 鞍之戰,禱 武

案:《公羊傳》:「武宫者何? 先君武公

●「於」、《春秋左傳正義》作「與」。

言 今復立 禱 從 大 於 傳 位 立, 故 出 亦 有 祖 季 立 武 傳 夫 **>** 廟 乎 得 禱 **>** 也 文 平 何 武 故 日 日 宫 特 ? 愚 禱 蒯 事 Ŧ. : 宮亦 子 以 季 是將 武 按 者 之,以爲 也 顯言之,以發其 於 聵 若 禱 不言 烈 平子 世室 ·•• 武 公是成 武 禱 季 于 **+** 蒯 祖 戰 哀 公之 宫。 日 是 平 煬 聵 禱 禱 康 而 言 \_\_\_ : 不 子 公, 大 得 叔 也 公九 禱 於 年》 年 又《 廟, 毁 曾 其 禱 ? 禱 逐 煬 ·》傳 立 之廟 文 行 定元 世 君 孫 立之也 於 傳 武 世 公, 煬宫 無 祖 伏。 軍 蒯 而 文 世 之 曰 世 騐 襄 之常 伯 立 懼 年 不 王 聵 祖 室 之説 此 ^ 事 公。二 州 鐵 煬 毁 敢 禮 也 有 私 康 傳 毁已久 犁 若 宫 也。」 昭 正 記 傳 )° | « 之戦 同 自 叔 日 是 告 故 爲 義 何 異,故 禱 知 公 知 明 禱 昭 故 於 不 軍 必 日 矣, 祠 羊 戰 公 魯 皇 禱 此 衞 中 口 而 :

> 宫,告 者 勳 告 楚子 文有 盡 必 歲 以 而 從,因 遠 0 何 也 曠 後 戰 宫 所謂 ? 今 勝 詳 立 不 始 成 以 然 E 几 略 行 告 於野 事」之言, 告 「作先 則 毁 易 今 乎 也 成 成 之 ? 距 7 歲 事 次 事 杜 廟 鞌 而 乎 君宫」 武宫」,非 且 張 乎? 戰 氏 始 ? 而 告 幕 則 告 于 己 不 成 爲宫 師 泥 者 此 成 四 知 事 凡 還 于 事 易 蓋 注 其 因 此 ,設主其 楚 告 歲 云 説 告 皆 師 禱 則 二作 子 廟 之 説 廟 何 武公求 飲 行 而 難 之不 飲 于 作 至 則 先 中 通 諸 載 至 四 先 君 也 勝 主 通 典 策 易 君 武 何 以

盬 沃 鹽 饒 而 池 近 也 盬 水 經 服 涑 日 水 : 注 土 平 有 溉 日 沃

案 有 溉 ^ 説 地 日 沃。」 文》: 理 志 盬爲鹽者 《説 w 洪 沃 野 灌 千 溉 里 也 文》:「 蓋 ^ 周 謂 語 土 盬 之 注 平 河

郡 里 東 曰 安 : 鹽 从 池 邑 河 鹽 0 東 : 袤 省 鹽 Ŧi. 池 鹽 古 + 謂 池 聲 之 在 里, 盬 ^ 西 水 ° \_ | « 廣 南 經 七 地 注 里 理 > 周 六 志 周 禮 引  $\approx$ 百 吕 + . 河 鹽 東 忱 六

云: 爲「 「祭祀 鹽 謂 盬 出 於 供 謂 其 鹽 出 苦 池 鹽 鹽 今之 直 散 用 盬 顆 不 鹽 杜 湅 是 子春 治 也 是 讀 疏

引 盬 申 不 之 İ 則 緻 不 工 也 緻 不 爲 盬 堅 **→** 古 詩 者 爲 鴇 盬 羽 采 傳 薇 云

盬

即

周

禮

**>** 

之「苦

鹽

也

不

湅

治

爲

盬

箋 云 云 云 辨 盬 其 不 苦 堅 良 古 也 鄭 0 司 轉 農 爲 : 苦 苦 典 婦 讀 功 爲

『盬」,謂分别其麤也。」又轉爲楛、《荀子》,謂分别其麤也。」又轉爲楛、《荀子》

子•彊國》注:「『楛』讀爲『王事靡盬』之

『盬』,不堅固也。」

軍 子 十,荀首: 之佐 十一人。 佐 荀 庚 服 將 日 上 軍 士 是 時 爕 欒 佐 之。 書 將 郤 中

> 新 佐 錡 之。 將 下 軍 下 鞏 趙 軍 朔 趙 旃 將 同 佐之。」 新 佐 上 之。 軍 本 疏 韓 韓 厥 穿 將 佐 新 之。 中 軍 荀 騅 趙 將 括

朔 以 爲 庚、 晉 變佐 案 韓 趙 庚 上 口 韓 年 循 厥 來 百 軍 軍 也 士 獻 韓 四 傳 年 以 將 其 聘 序 在 E 一變爲 子 穿、 年 一、公問 知 傳 軍 下 先 佐 故 將 中 位 傳 六 也 之 列 云 荀 知 以 上 新 E 在 其 人, 中 騅 灓 軍 救 中 晉 諸 既 灓 名 而 0 許 書 軍 將 臧 爲 作 有 趙 書 請 佐 宣 則 六 新 荀 旃 IE 將 戰 韓 矣。 叔 以 軍 軍 皆 首 中 義 則 年 厥 下 日 將 則 軍 爲 爲 錡 傳 郤 日 居 : 五. 韓 佐 佐 卿 中 當 中 新 荀 錡 云 人 厥 于 下 軍 次 爲 首 承 軍 所 此 · 軍矣。 晉 時 行 第 將 之首 趙 克 佐 下 將 年 伯 侯 荀 括 知 佐 之, 軍 後 傳 所 之 使 庚 佐 宜 荀 荀 故 至 云 將

701

或 小 七 賓 年 傳 客 使 之 爲 禮 行 籍 人於 以 待 吴。 几 方 之使, 服 日 : 賓 大 行 客 人 掌 受

之,王: 之臣 客 説 行 事 注 案 注 或 小 擯 之。 Ž 賓 行 」、《小行人》「大 此 幣 使 客 受其 禮 一使得 周 人》 見《 辭 能 來 籍 之 禮》有大行人、小行 幣者 者 周 以 名位 禮 親言 小 吴世 當 禮 也 籍 客 , 受之以 0 大行 也。」「受小 • 家 尊 則 以 小 注 客 受其 賓 卑 待 行 人,故 則 大 之 四 人》, 人告 擯 客 書。 幣 方 客之 舉《 之使 其文云「 注 , 其 而 使 服 所 幣 賓 小 聽 者 者 擯 爲 以 辭 行 其 當 諸 掌 侯 來 而 者 辭 之 作 或 見 侯 鄭 邦

稱 1 È 年 經 人,母 宋公使公孫 命 不 通 故故 壽 來 稱 納 使。 幣 婦 人無 服 日 外 : 事

儀禮·士昏記》疏。

也 達 宋 當 者 服 得 兄 乎 曷 休 女」傳 無 不 來 意《昏 0 達 師 ? 公 命 何 納 稱 注 得 母」之説稍異。 則 服 無 諸 ? 幣 ? 友 注 不 故 自 文 約 母 父 稱 命 禮 有 無 爲 也 不 稱 則 稱 莫 兄 之矣 》本不 禮 養 得 使 13: 0 其 諸 諸 師 使 稱 羊 有 廉 彼 也 稱 父兄 父 婦 友 0 母 則 命 傳 主 遠 傳 兄 • 故 《士香》 稱 通 之, 何 何 恥 人 隱 師 乙 師 又 稱 稱 無 主 使 休注 以 何 也 友 友 云 昏 辭 使, 諸 人,而 外 文 ? 不 以 年 禮 禮·記》「宗子 窮 父 事 與《 所 稱 傳 宋  $\approx$ 行 辭 不 兄 故 然 母 又 公使 公羊 禮, 母 但 紀 耳 以 窮 稱 師 自 ? 則 云 得 命 遠 主 履 也 友 有 命 紀 公 》「宋 命 别 母 13: 緰 又 人 之, 以 母 有 諸 孫 不 命 不 辭 然 也 來 行。 9 無 公 得 壽 父 通 則 母: 則 不 13: 逆 窮 何

Ŧi.

之 境 故 行 謂 父 也 外 母 日: 得 而 命 命 服 命 何 之, 諸 之,若 不 休 父 然 註 是 兄 者 于 或 父 師 以《香 君 禮 没 友 之母,不 無 母 稱 明 禮 口 諸 文 命 . 父 記 得 矣。 故 兄 以 是 服 命 師 故 士 不 達 友 何 于 以 休 可

子 王 含 天 天 且 王 子 本 成 畿 使 賵 疏 公八 召 内 以 伯 恩 年 來 王 深 乃 賜 加 得 夷 公 禮 賜 狄 命 妾 命 日 母 天 與 子 恩 賈 夷 狄 同 王 畿 司 . 使 内 諸 故 榮 稱 故 叔 夏 稱 歸 稱 天

諸 諸 謂 案 王 夏 侯 外 夏 稱 稱 及 稱 曲 秋 天 天 皇 几 禮 左氏》云『 王 王 帝 海  $\approx$ 之 也 君 施 義 是 天 於 漢 今 下 施 京 疏 漢 時 於 日 師 引 諸 於 天 夷 稱 侯 蠻 狄 子 王 五. 夷 王 稱 \_\_\_ 經 注 稱 稱 天 異 一、「天 蔡 子 皇 天 義 邕 子 施 帝 **>** 謹 於 於 即

之喪, 畿 故 矣, 珪 之 得 賵 稱 成 訓 地 王 斷 有 白 屬 内 于天子 稱 故 稱 風 天 也 加 嗣 虎 在 云 王 諸 諸 疏 天 以 天 子 凡 文 稱 通 恩 案: 外 一言 詔 侯 侯 王 王 王 諒 或 夷 天 Ŧi. 比 者。」 者 贊者 侯 有 賈 闇二 崩 子」, 有 年 狄 諸 畿 畿 妾 何 喪, 義 天子 薨 諸 司 稱 夏 内 母 亦 又 内 篇 ^ 以告主人,佐 以 年 得 侯 則 之 天 見 之 注 周 諸 隱 之後 **\***: 王 王 者 子」, 有 故 賈 所 所 夷 禮 元 侯 命 亦 含 云 稱 稱 稱 狄 年 謂 有 諸 以 歸 有 襚 傳。 漢 王 職 之 當 畿 天 畿 王 瑞 事 侯 含 事 贈 時 以 喪 所 乃 内 内 下 薨 且 焉 有 珪 榮 經 賵 謂 其受之。」 見 **>** 稱 王 更 賵 稱 之 天 爲 之 師 使 叔 含 則 其 爵 信 子 所 下 屬 襚 掌 是 詔 歸 相 人歸 近 歸 今死 天 贈 諸 於 母 費 諸 含 傳 故 也 故 瑞 今 是 弟 侯 之 母 主 且 夏

傳 子 年 於天子。」是賜 歸 ·乃賜 ₩ El 之, : 推 命, 讓 之義 直 侯 命當 以 世 也。」《 子 夷 在三年之後  $\equiv$ 狄遠之,故經 年 爵篇 喪 畢,上 **>** 引《 受 韓 今越 稱「天 爵 詩 命 内

傳武從姬氏畜于公宫。 賈、服曰:「姬

氏,成公之女。」本疏。

之女。 得爲 之女,故杜從之。」 是文公之女,若朔妻成公之姊,則亦 朔娶晉成公姊爲夫人。』案傳 之卒,距此 正 成公姊 父之從母,不 義 曰:《史記 四 心也。 + 六年,莊 賈、 服先 可以爲妻。 0 趙世家》云:『趙 姬 儒皆 此 時 以爲 趙 尚 且文 衰 少,不 成公 文 適 妻

九年傳南冠而繋者,誰也? 服曰:「南

案:司馬彪《輿服志》:「法冠,一曰柱後,

冠

冠

。」《御覽》六百

四十二。

豸冠 君 高 之,故以爲冠。 南 服 五. 冠 寸,以 賜 而勢」者 執 獬 法 纙 近 爲 神 臣 則 展第 胡 羊 御 楚 廣 能 史服之。』」 鐵柱 冠 説 也。 别 曰 : 曲 卷。 直 秦 滅 左氏傳》 楚王 或 楚 謂 嘗 之 其 有 獲 獬

十年傳晉侯夢大厲。 服曰:「公明之鬼。」

本

疏

案 共 本 爲 是 近 生 系 衰 也 爲 其 孟 衰 、"《世本》曰:「公明生共 》原夙爲 往 夙 《書》「被孟 父。 夙 生趙衰。」共孟當即 夙、衰同 證。《世 往 弟。當 牴 史記 衰祖』、《世本》轉寫多誤,其本 牾 史》反 也。 時 本》以 · 趙 得 衰不 其 豬」、《夏本紀》作「明都 以爲 實。 世 宣 公明、共孟 家 得 二年》傳 夙 共 爲 子 公明,字 孟 夙 者 趙 孟 當當 孫。 史 及趙 爲 夙 疏 從 生共 父子,非 ~遷言: 異聲 ≪ 晉 世 )夙,夙 本 世 世 相

先 得 未 以 君 趙 爲 祖 必 當是 其 然 厨 「厲 始 也, 人 得仇君 受 非 昭、 此 封 則 服 哀, 邑, 亦 以 而 當 與 意 公明 雖 服 據《 景公 斷 以 不 之 晉 逮 爲 在 也 無 事景 「公明 語 武 君 臣 獻 公, 之鬼 Œ 之分,故 前 有 所 故 趙 氏 事 臣

居育之上,膏之下。 賈曰:「肓,鬲也。

心

下

爲

膏。」

本

疏

案 也 在 也 原 日 説 寒 在 臍 以 不不 膏 下 齎下。』《釋名 上下 此 説 脂 者 列 膏 云二鬲 文》 在 而 膏 謂 肥 腰 使 運 于 : 連 也 氣 日 腸 于 上」者,《 「育,心 心 與 肪 帚 肪 脂 肪 · 釋 穀不 之 E 則 膏 者 言 間 下 膏 形 素問 也 相 亦 體》云:「 帚 即 亂 鬲 腸 肥 上 劉 脂 \* -也。」 足 者 也 也。 炫 矣 該 0 以 大 是肓 ^ 之矣 膈 肓 此 爲 小 通 IE. 義 俗 腸 原 之 云 塞

> 首 者 當 爲 爲 膏 鬲 連 心 改 之 易 脂 傳 文 不 得 而 稱 規 膏。 杜 氏 以 杜 依

賈説。非也。」

十一年傳 郤犨來聘。 服曰:「郤犨,克從

祖昆弟。」本疏。

爲 吾 案: 姒 不 犨 步 生 揚 以 與 缺 正 克 妾 本 步 缺 義 疏 俱 爲 揚 生 是豹 日 姒 克 生 ~ 州 也 之曾 了。又云 世本》:『 賈 州 孫 日 即 當當 : 犨 -爲 也。」 兄 郤 豹 從 弟 豹 之妻 祖 如 生 生 昆 義 真 彼 弟 義 文, 芮 相 則 芮 生

之 爲 案 以 即 其 號 惑 兄 俱 妻 正 于 隨 來夫族, 傳 呼 義 夫 弟 日 文, 尊 妻 : 卑 不 爲 世 其夫班秩既 知 ; 娣 人 娣 何 多 弟 姒 以 疑 妻 之 爲 娣 呼 名 説 同 姒 兄 7,從 之名 尊卑無 妻 今謂 身長 爲 皆 姒 日: 以 婦 以 大

八

之妻爲 向 穆 年 炎 婦 長 是 長 也 以 者爲姒。 相 日 云『女子 Z 姜謂 之嫂 上 謂 其 也 : 加 云 弟之妻 非 長 三同 以『弟 生 以『弟』 身之年 娣 婦 遂 夫之年 《公羊 姒 謂 聲 言 先 謂 姒 同 出 從 豊計 伯 叔 婦 後 知 相 謂 稚 長 婦 出 身之少 解 向之 之母 之長 長,非 娣 爲 .傳》 報 謂 婦 三解 俱 先 也 0 夫之長 娣, 娣 爲 嫁 爲 姒之名,不計夫之長幼 | 娣 亦云『娣 爲 稚,不 妻 生 傳 姒 娣 姒」,言 事 夫 長 故 爲 爲 姒 日 姚, 婦 自 之年 賈、 昭 姒,二 : 姒 幼 夫 然 則 ^ 言 娣 喪 乎 言 娣 者 鄭 也 以 兩 知 <del>-</del>+ 後 夫 長 婦 服 ? 長 娣 何 人 姒 及 娣 者 之大 生 也 謂 事 是 • ? 相 婦 皆呼 此 姒 爲 八  $\wedge$ 長 小 釋 弟 謂 解 者 註 年 ^ 以 娣。 小 弟 婦 夫者 釋 功 親 夫 皆 己 傳 謂 弟 姒 也 姒 爲 章 親 **>** 之 云 孫 長 又 弟 叔 姒 是

著其 文、《 從 所 則 謂 之妻 則 若 所 婦 百 屬 也 婦 0 夫 謂 謂 謂 出 從 娣 不 兄 夫者,牽合於昆弟之妻,則 也 婦 弟 達 邵 昆 文。 謂 婦 雅 而 長 媵 夫 姒之名從身之少長,不計 非 者 之義 之 有 也。 于《 孔 者 》訓 弟之妻 婦 氏《 也 先 氏 長 對 爲 日『女子 妻 生 是 俱 禮》意矣。《釋 爾 此云『 迺 婦 姒 有 夫 謂 婦 爲 爲 嫂 雅 也 云 婦 嫂 何 而 人三從 姒 未 稚 亦 . 矣? 言 婦 母 長 同 後生爲 覈 婦 可 釋 孔 之稱 婦 婦 出。言 爾 謂 親 氏 夫 之號 ^ 謂 之 且. 雅 之 **>** 迺 喪 言 年 稚 正 義 親 不 孔 娣。《 母 欲 服 其 明 有 ....俱 義 婦 , Ě 氏 隨 미 乎? 不達于《雅 傳 以 既 各 著 長 爲 事 夫之長 所引《 從 × Z 媵 夫 嫁 爾 事 稚 云『女子 其 娣 之 尊 母 故 雅 文, 婦 夫 從 俱 卑 傳 孔 婦 謂 禮 幼 也 > 之 娣 明 意 婦 弟 氏 

傳 族 盡 邵 非 之 訓 相 弟 姜、 娣 爲 妻 姒 兄弟之 急言之,則 妯 共 婦 氏 姒,豈 邵 娣 耳 謂 名不計夫之長幼者 日 娌 亦 伯 兄妻 事 謂 就 妯 爲 爲 ; 爾 華 氏辨之良是。 妻 合言之,則 娌 殊 當 夫 孔 娣 姒 「急言之,則 妻 雅》及《 聲伯之母、 家 相 氏 者 時 不 何稱弟 乎 正 但 蓋 時 謂 知 所據者、《左傳》之稱『弟 稱 ? 居 名 稱 晰言之,則 古之 謂 爲 妻日 喪 娣 之義 俗 爲 此 書 姒 昆弟之妻統 服 道 之 姒。 但 理 叔向之妻皆 之于 者 稱 妯 稱 》 章 如以 也。 之 非 稱 以 是 娣 娌 故 也。 也。」愚 必 爲 册 姒者 明 品 也 兄妻爲 ,弟妻亦 身年 傳 賈、 姒, 不 耳 謙 别 記 蓋 孔 然 稱 兄婦 鄭 猶 相 即 其各 氏 之 兄弟之妻 者 年 謂 亦 爲 推 姒 如 于 長 謂 杜 今人 長 可 孔 也 娣 爲 下 由 義 于 幼 氏 稱 妻 氏 娣 弟 姒 姒 姒 稱 13: 穆 稱 未 爲 之 姒 謂 兄 爲 至 妻

> 先 似 稱 稱 上 生爲 未 爲 謂 日 合春 君,後 姒, 變移,不爲典 兄,後 秋 則 世 時 急言 則上亦 世 之習俗 則 (要, 之何不 年 以之稱下矣。男子 邵 也 相 氏 輩 但 曰「急言之,但 者 稱 亦互 爲 娣乎? 稱矣。

之 案: 類 也。」「愛,材 佞,爲 以 佞 从女,仁聲。」大徐作「从信省」。 ,故《十六年》傳「諸臣不佞」、《昭二 女部》: 稱 爲 Д 正 但 謙 給 悪 義 者,佞 屢 敏 爲 日 「嬛,材緊 憎 捷 佞 · · 也。」佞从 是惡 於 有 是 善 人一, 論語 П 才 有 佞。」案: 佞、《説 惡 捷 則 也。」「婧,一日 女, 耳 利 佞 爲 之 非 焉 則 名,本 善 用 與 善 事 佞 嬛 敏 《説 捷 非 而 婧、 文》: 有 是 善 禦 以 才 文 善 惡

佞之一 才矣, 爲 孔 語 年 邪導人謂之佞」,是 語》「不有 佞之見佞」,此《 注 臭,佞之變義也 》一夷吾 》傳「臣 皇疏 此 端 古 祝 不 也。 不 並 訓 佞」、《魯語》「寡君 鮀 佞」,並 云「佞,口 也。 之佞 論 鹽 語 猶 鐵 佞 〇、「是: 以 \* 苦爲 論 不 不 才」,此隨 遠 . 止 佞 故 佞 快、 刺  $\Box$ 爲 恶 議 謙,則 才 亂 不 夫 也 - 佞」、《 文爲 所 爲治、香 佞 晉 謂 者 佞 語 訓 以 論 晉 爲

之庶子。」《公羊》昭二十三年疏。 賈、服曰:「廬

「喜時,曹伯廬弟」,與賈、服異,疏以爲所案:《公羊傳》「欣時」作「喜時」,何休注

服 + 日 Ŧi. 年 : 傳 魚石 左 一師 ,卿,故書。」本疏 司 寇、二宰 遂 出 奔 楚。

見本異

晉三郤害伯宗。 傳: 出 故 馬 案: 聽 魚 經 華 宋 奔 書之也。 也。 石 以 傳言 政 爲 而 督 經 子 向 公公子 一。」《晉世 以 魚 魚曾 爲 不書者 元 太 石 復 宋自 人,爲 İ 宰 爲 石 孫 家 夷 以以 奔, 相 左師,且 洋注 殤公以 而 賈 爲 大司 爲 仁,使 其 日 經 變 左 非 書之者 例 寇 前 「三郤,郤錡、 師 執 是 也 亦 爲 政 執政之 當 執 卿 左 卿 《僖 以 與 政皆大司 師 也 也 其 華 聽 九 卿 與 元 執 政 年 故 共 郤 石 政

十六年經<br />
戰于鄢陵。<br />
服曰:「鄢陵,鄭之犨、郤至也。」《晉世家》注。

東 + 六年 南 地 經 也。」 戰 于 同 鄢 上 陵。 服 曰 鄢陵, 鄭

春 以 叔 爲 所 秋 《漢 保, 即 時 此 日 書 故 焉 鄢 . 日 陵 地 <sup>「</sup>克 劉 理 段 昭 郡 志 補 于 或 潁 鄢』。」又《成 注 志》 ]1]  $\overline{ }$ 潁 郡 春 111 傿 郡 秋 陵,杜 馮 + 鄭 陵 共 預

禦 安 劭 年 傿 楚 未 陵 的 與 晉 則 也 潁 然 鄭 敗 越 111 伯 楚 地 之 鄭 服 克 于 理 而 斷 隔 段 焉 志 東 以 于 陵 陵  $\approx$ 爲 馬 而 有 陳 鄭 李 東 是 留 别 東 南 奇 郡 也 · 南 與 續 有 地 楚 : 則 志》所云 者 遇 克 傿 六 伐 段 或 鄭 之 在 應 日

者 晉 書 人 鄭 執 刺 執 東 晉 行 南 季 聽 父,舍于苕丘 孫 地 讒 矣 行 執 父, 之,示己 舍之于 言 無 罪 失 苕 也 其 丘 0 所 本 疏 不 賈 書 H 至

婼 之地 歸 也。 如 几 年 至 」、《二十三年》「晉 皆 自 無 春 《昭十三年 晉 罪 不 婼 秋 言 見 至 傳 執 書 舍 自 日 列 地 是 晉 或 失所 》「晉人 傳 尊 此 執 晉 書 人執 行 日 也 罪 之者 執 我 尊 季 皆 + 也 晉 行 孫 明 不 四 言 也。」若 人 意 年 未  $\leq$ 叔 如 所 至 + 孫 以 或 舍

> 罪 然 口 證 也 則 晉 此 受 季 僑 孫 如 行 之 父 讒 見 執 非 而 理 歸 見 執 不 書 魯 至 無

也。」本 言』,義不 而 傳 食 今楚 話 疏 外 言 内 建 絶 棄 奸 利 其 其 時 也。 好 盟, 以 動 疲 刑 而 民 外 而 不 疲 絶 以 正 逞」,信 民 其 邪 以 好 也 逞 瀆 不 齊 守 食 盟 物 話 服

邪 乃 相 謀 案:「外絶 仇 皇矣》詩 臺本。 征討 可 方,謂 除 「食話言」爲 之, 志 齊 旁 日 其 以 今楚 心 或 好 和 詢 諸 協 爾 也。 外 侯 女兄 服 仇 絶 爲 義 以 方 好, 暴 若 弟 爲 不 同 亂 建利」者 然 之 是 刑 爾 大 或 致 則 不 兄 惡 刑 正 弟」, 結 親 者 邪 · 不 親 好 易 能 女 口 則 者 志 多 IE

● 「盟」、《春秋左傳正義》作「民」

實 者 利 宜 逞」 詳 好」注 欲 後 得 返 也 義 注 而 奸 之,謂 之和 勞 言 以 故 利 相 辭 事 注 内 時 禮記 從 其 崔 神 則 不立矣。 應 以 口 棄 謂 云 云「義 民。」 己 憬 也 必 動 之 復 萬 其 之 欲 而 刑 有 信 也 民」云 義 事 理 今楚 經 注 者 不建利」,「 不 「疲 辱 ~ \ \ 食 墨 財 言 得 也 云 解 也 也。」 正 「話言」 ^ 正 子 正 **>** 易 二不 論 民 禮 邪 辭 疲 日 故 辭 ^ 語 以 今楚食話 . 謂 : 論 不 ,人之樞 民 爲 日 施 注云「 經 文言 **>** 逞 順 之 語 瀆 義 信 以 日 民 惠 **>** 正 時 0 正 齊 **>** 逞 : 不 爲「信不守物 日 不 義 日 **>** 荀 辭 信 守 盟 求 日 要,不 君 而 : 言,是失 而 爽 是 其 不 物 : 子 義 注 外 信 日 咸 守 咈 疲 所 者 義 信 云 杜 以 得 物 絶 近 杜 民 欲 民 義 名 不 其 以 其 之 利 以 氏 于 而 而

侧, 賁 盟 以 以 不 動 惠 刑 日 上 不 以 與 而 而 食話 且 皇 建利 别 服 之失所 : 下 順 下 正 疲民 外 爲 陳 是 出之。 文義 六事 時 邪」、「詳 伯 或 解 言 厚 絶 瀆 二、「信 詳 禮 相 士 州 也 其 不 以 齊 服 是言 也 不 不 犁 在 易 逞 好 則 盟 可當 服 故 順 事 且 皆 之以 二當 当當 以 奸 以 内 以 之不 神 時 爲 言 至 不 守物」六言 事 時 厚 也。」本疏 爲 上 爲 棄 次 從 神一、「 日 不 以 文云 其 不 信 内 當 信 順 加 刑 舊 動 民 詳 晉、楚之士 可 棄 即 注 也 説 不 不 食 德 事 當 義 是 當當 服 其 是 ; 守 IE 話 以 也 神 快 以 若 義 民 以 物 那 禮 非 言 德 次 建 意 施 矣 然 謬 也 不 順説 也 不 爲 當 利」、「 征 惠」、 皆 則三 故 奸 也 順 施 服 爲 伐 不 在君 時 瀆 今楚 IE. 時 尋 惠 日 禮 刑 施 者 義 以 是 繹 齊 :

服

氏

皆

在

君

側

之言

遽謂

服

言

楚

不

口

皇

復

爲

此

計

與

上

文

不

相

礙

孔

氏

不

究

言

君

側

之

士

不

口

當

非

謂

楚

概

不

口

賁

中

軍

不

可

敵

挫

其

左

右

以

動之也

服

只

士

在

楚中

軍

故

請

先

分良擊其

左右

則

以

此

言

以

憚

伯

州

犁

耳

0

愚

謂

賁

皇

惟

以

或

左

右

故

杜

不

用

其

説

晉

侯

左

右

皆

爲

爲 在 者 案 申 陳 君 傳 厚者 晉 側 明 上 侯 文 即 之 文 陳 側 所 指 伯 謂 即 告 亦 州 之言 公卒」、「王卒」也 犁 以 陣」,古只作「 王 以 卒 公 云日 告 卒 告 楚 此 王 陳」、《 之士 皆 苗 日 御 皆 厚 賁

是

誣

服

也。

且

皆

字

指

賁

皇

州

當 覽 莊 狹 三,言 + 而 . 兵部 厚」,  $\equiv$ 年 不 可 《公羊 是陣 引諸 敵 也 有 葛 傳》 0 厚 亮《 正 注 薄 軍令》日 義 之分也。 猶 日 敵 : 也 如 \_\_ 連 服 當 衡 不 言 陳 者 者 賁 可

皇既

言

楚

不

口

當

何

故

復

請

分

良

以

擊

其

本 疏。 道 其 上 於下 陽 若 以 桂 則 從 别 遇 承 動 , E 杜 復 萬 於下 文 意 人 物 不 則 互告之文 復 以 服 傳 得 萌 喻 當 僅  $\Box$ 制 小 : 云 日 度 人 與 一晉侯 皆曰」矣 復,反 復 作 傳 理 亂 上下 之左 故故 於上 也。 文義 右 日 陰 復 聖 皆 相 盛 也 日 浹 興 於

陽 距 案: 師 在 之 大 氏 坤 敗 終 陽 復也。」「陰盛 于 易 爲 此 初 失其 衆 有 注 釋《 或 故 大 陽 陽 **>** 復》 日 位 君 敗 在 息 一,至此 门以 用 下 上 掛 謂 于上 復,反 也。 行 升 義 初 其 師 始還,反起于 也。 也 或 必 ^ 陽動 也 復 也 君 消 受 遗 復, 羣 X  $\forall$ 于下」,謂 上 命 謂 陰 也 反 六日 復 E 也 荀 故 道 行 初, 二者 陰 爽 師 當 終 用 故 氣 五 日 從 行 陰 謂 鄭 有 侵 而

上 旨 事 者 遂 閉 泉之下,萬物皆 或 下 正 九,爲天 制 自天子 陽 一,荀 弱 君 升 也 度 奉 體 N N 復 爽 商 今上 成成 之者,爲 구 -地 興道 也 至公侯,不省四 禮」者,《 日 旅 一。」按 心 致 : 不 一六行 ,萬 復 于下」之象也。 月之 行 君 赤。 : 后 復》 道 君 物 者,冬至之卦 師 此 時 之業 也。 所始。」《 即 赤 不 象 王 陽 服云「小 者 省 日 誅 制之者, 方之事 也。」是 : 氣 必 方。」宋 盛 始 白 加,故 「萬 先 陽 養 虎 人作 之 王 根 物 復 王 陽 將 通 衷 以 氣 株 復 理 者 起 以 以 至 亂 也 萌 之 之 輔 日 黄 初 于 其 :

射 其 兀 本 王 疏 服 日 : 陽 氣 觸 地 射 出 爲 射

地,故以取象。案:復卦,上坤下震,初陽觸發,射出于

於跗 賈 有 八服 韎 。」《周 韋 日 一之跗 : 禮 跗 注 司 謂 服 疏 足 賈 跗 日 注 屬 染 也 日 韎 袴 而 本 屬 疏

誤連。 染也 禮》注云: 雅 疾呼 謂 案: 去「 魯之間 云 帛 詩 詩 茹 之蒨。」韋 「韐」字 • 赤黄 毛 疏 慮 釋器 成『 温,赤 聲 詩 傳 引 茅 言 茅 从 如 色」。  $\forall$ 蒐 韎 蒐 『韎 鄭 瞻 日 『茅蒐』, 沅 黄 0 昭云: . 就就 郭 彼 韎 氏 駁 韐 之間 縓 染 《校 注 是 洛 幹, 異義》云: 幹 此 又 謂 勘 矣》箋云「韎 人曰 茅 聲 色,所 緼 「茅蒐, 字當作 謂 「韐」字,《 記 之 今之 也。」《 韍 之 縓 蒐 韎 緼 也。 此 謂 合聲 蒨 鄭 。」「人」字 今絳 二就 賈 爾 縓 韎 韎 志 士緼 鄭 可 所 雅 幹 也 》當 草名 艸 以 注《 爲 説 者, 0 本 無之,正 紱 陳 染 也 從 文 釋 玉 韎 茅蒐 1: 留 而 定 絳 》 云 ^ 藻 本。 冠 出出 爾 急 人

借

成

年

- 》傳

周

華

不

注

一。一伏

琛

拊

口

是

跗

占

文

作

不

拊

是

假

當

作

拊

拊

鄂

足

也

古

聲

不一、

猶

\_

漢

書

.

揚

雄

傳

集

注

Z

屬

猶

綴

也

詩

.

常

棣

鄂

不

韡

韡

箋

云

也。

儀

禮

.

1:

冠

禮

 $\leq$ 

屬

於

缺

注

屬

或

之屬

耳

目

於

我

也

韋

注

屬

猶

注

注

以

注

屬

聲

相

近

也

^

石

語

斤

人》

水

屬

不

理

孫

9

鄭

亦

云

屬

讀

爲

也

注

三訓

屬

屬

亦

訓

注

字

口

甲

屬

鄭

云

屬

讀

如

灌

注

之

注

則

跗

是

足

矣

司

馬

彪

注

跗

謂

足

跗

與

服

口

注

屬

者

·

周

禮

.

函

人》

犀

水

篇

蹶

泥

則

没

足

滅

跗

足、跗

析

衡

合韋

- 爲之。

士

染

以

茅

蒐

因

以

名

焉

儀

禮

士

喪

禮

**\*** 

結

于

跗

連

約

注

跗

足

上

也。

疏

以

爲

足

背

莊

子

秋

夷 病 案 衆經 傷 \* 7 夷 音 痍 義 服 即 **>** 侈 引 日 痍 : 也 通 之省 金 俗 侈 創 文》 爲 文。 開 夷 皮 ^ 膚 體 釋 本 爲 名 創 疏 創 H • 釋 痍 也 疾

二 三 五.

从倉 淺 矣。 爲 説 者 創 文》 《月令》「命 。」今字 日 則《通俗 傷 刃 作 傷 文》之「 創 理 也 瞻 又一 傷 从 體 察創 刃 創 創 从 之 痍」,是 注 0 變。 創 金 創 金 开 創 傷 或

爲 令人 子 叔 叔 魯 孫 聲 請 就 豹 伯 逆。」 齊 先 使 師 在 本 叔 使 齊 疏 孫 豹 矣 豹 豹 此 請 不 逆 時 志 于 從 家 晉 或 或 師 佐 聞 在 白 師 服 或 聲 日 伯

故 宣 也 在 喬 昭 伯 師 : 將 几 如 知 也。 經 奔 願 年 奔 存 稱 齊 之久 叔 齊 吾 豹 傳 饋 孫 會 宗, 自 日 召 之。 豹 矣。」 齊 : 悲 叔 先 或 必 僑 孫 初 宣 在 佐 召 如 故 豹 伯 齊」 伐 穆 女。 之敗 于 知 日 鄭 子 者 齊 叔 : 去 召 而去, \_ ௱ 孫 故 以 魯 叔 女 7 豹 知 此 以 孫 之。 何 非 先 從 先子 年 氏 如 背 或 在 傳 ? 齊 及 叛 佐 之 云 又

於

經

豎

#

Ė

能

奉

雉

故

杜

以

爲

此

年

彼

年

歸

故

下

注

云

傳

因

言

其

終。」按

昭

四年

》傳

「穆子去叔孫氏,及庚宗,

遇

後

豹之還

魯

雖

無

歸

年

,

而

襄

年

始

見

還 庚宗。 氏, 豹 耳 得 者 齊,塗出 止 今傳言 口 邦 使 者豹之介耳 比 專 口 而 生 下云 以以 因之 使 若 故 言食使者 二子 而 彼 聲 背 豹 聲伯 其 於 崎 傳 聲 伯 以 叛 情 以 魯, 耳。 嶇 請 使 大 伯 之 前 聞 仍 艱 言 豹 豹 臣 得 不 于 在 食 明 險, 於 宿 必 也 使之, 得 明 或 齊 子 使 豹 時 過 ? 于 佐 云 在 遠 者 之生, 大 魯 則 庚 魯 聲 魯 使 又 而 請 爲 而 宗 非 乃 師 軍 伯 他 聲 後 豹 魯 逆,遂即不 復 去, 在 使 必 或 伯 遂 食 得 亦 迎 魯臣 鄭 豹 在 故 説 之 贵 爲 不 師 僑 娶 得 從 不 聲 聲 志 人 無 言 聲 于 宿 鄭 伯 伯 如 乎 魯 IE 父 還 伯 食 安 義 ? 奔 或 于 向 使 1: 郤

犨

盟

于

扈

歸

刺

公子

偃。

召

叔

孫

豹

文

云十

<del></del> 月

僑

如

奔

齊

+

月,

季

孫

及

案

《公羊傳》:

用者

不

宜

用

也

九

月

傳

意

相

違

矣。

至豹

始

見

于

襄

二年經

亦

大

事

見

名

其

實

歸

即

在

僑

如

奔

後

也

下

以

魯

臣

待

之。

孔

氏

加

以

背

叛

之

目

尤

與

與

背

或

出

奔者

有

别

故

聲

伯

使

之請

逆,

仍

之去

了,當以

知

穆

姜、

僑

如

之事

適

齊

避

禍

豹

大

奔

齊」,

如

孔

氏

謂

二子之生

一,必

在

僑

如

奔

後

是

顯

與

昭

兀

年

傳牴

牾

矣。

夫

豹

時 以 之 在 本 前 婦 願之 日 服 或 敘 先 齊 人。 取 子  $\mathbb{E}$ 次 知 久矣。』」 之故 非 適 妻生子 及宣 先 甚 齊, 明, 在 日 ",必 伯 娶于 齊 ,是已久 0 且 是 奔 召 也 若然 曰 齊 生二子 或 女。 饋 氏,生二子」,於 如 願 處 則宣 召 之久 杜 之。 可 女 <u>-</u> 在 知 伯 矣」 宣 宣 何 僑 故 奔 伯 伯 如 如 前 ? 日 使 則 奔 作 請 豹 齊 是 望 日 亂 之 魯 繼 逆 已 歸

宋、齊、 糧 若 請 執 傳 本 據 杜 逆 于 疏 衞 難 晉 昭 此 皆 服 師 四 因 可 失 年 則 言 軍 傳 云 前 其 0 文 習 後 終 斷 無 非 服 穆 支 而 違 日 子 離 逐 : 傳 前 迷 之 文 失 在

者

也

軍

失

其

軍

説

矣。

孔

反

于

齊

而

V.

之,

可

知

是

時

事

也

杜

云

以

就

己

齊

至

是

而

用 + 皆 七 有 案 餫 文》「餫」 ^ 軍 年 黍苗 輓 爲 經 不 糧 運 辇 據 宜 九 \_\_ 糧 者 服 用 箋 月 若 有 説 下 云『營 反 辛 本 愚 將 云 丑. 疑 于 作 按 車 服 禮 謝 用 軍 者 野 餫 者 本 轉 郊 字字 也 从 有 饋 餫 軍」作「 0 牽 之 日 則 食軍 本 傍 役 糧 餫 賈 疏 牛 聲 爲 有負 曰 餫 者」, 贅 段 故 文矣 任 諸 服 可 注 ^ 者 説 日

幣」傳 者 用 也 于 非 用 社 人乎?』 所 傳了子 非 者 「反 用 常 宜 秋 日 郊 如《莊 于 也 大 用 「非 魚 也 禮 水 也 是 日 禮 0 者 僖 : <u>二</u> 十 經 也一, 穀 鼓 賈 + 諸 謂 小 梁 用 本 九 四 ^ 書 違 事 傳 牲 年 年 禮 **\*** 不 用 + 于 傳 **\times** > 也 用 社 大 爲 邾 Ŧī. 者,皆 大 九 大夫宗 年》 説 人 于 月 牲 執 門 用 鼓 不 婦 而 鄫 K 郊 宜 況 傳 用 覿 子 用 皆 牲 用 書 用 敢 用

死 傳 之物,故 懼 不 敢 畏 占 也 而 不 言 [°」《詩 服 ~ : . 聲 渭 陽 伯 疏 惡 瓊 瑰 贈

碧。」《 者 休 含 年《公羊 含惟 用 註 玉 恶 説 用 瓊 文》 傳》 天 玉 聲 瑰 子 石、天子用 日 伯 爲 以 : 夢 琀 贈 珠 見 含 死 送 食 之 者 諸 死 之, 物」者 何 玉,見《典 侯 П ? 故 中 以 惡 , 玉 玉 口 之。 實 喪 也 瑞 大 禮 0 也 夫 按 文 **>** 士 以 何 Ŧi. 飯

黑 侯 公、 寸 爲 瓊 瓊 氏 輿 輿 府》『掌供 以 也 用 可 日 珠』字 0 玖 玉 説 服 采周 服 玉 珠 瑰 : 貝 諸 後 則 」故《詩 瓊 爲 從 志 是 爲 也 石 供 見《 侯 垂 珠 歐 冕 W 也 之。 官 从 琚 而 七 珠 。」所 士 王 陽 0 皆 且. 多孝  $\approx$ 槃、 旒 次 玉 寸 之 喪 氏 何 不 瓊 廣 洪 禮 玉 謂 服 石之似 禮 説 皆 明 玉 得 青 休 瑶 七 係 氏 記 白 **%** 公公 皇 玉 敦 謂 以 玉 如 白 寸, 亮 瓊 應  $\approx$ 玉珠、青 帝 杜 爲 玉 卿 佩 此 玉 吉 華 天 尚 劭 長 玉 永 説 爲 珠 是 瓊 以 玉 珠 子 書 ^ 皆 日 尺二寸, 平二 瓊 之。 也 以 下 瑰 釋 爲 以 : 珠 . 瑩 卿 瓊 玉 從 ~ 以 珠 + 皋 珠 玉 ^ 一珠、黑 年 瓊 瓊 大 爲 渭 大 瓊冠之, 續 陶 周 **>** 0 云: 夫五 初 玉 陽 英 玉 前 篇 若 禮 旒 漢 珠 小 之 詔 玉 合 以 及 書 亦 夏 毛 垂 • 珠 當 侯 諸 攷 瑰 此 華 傳 如 几 乘 有 玉 .

言 質 皆 冕 皆 夢 瑰 乃 同 乎 珠 杜 珠 此 而 如 火 一。合其 . , 是 ? 氏 所 推 旒 於大夫贈死之物 此 齊 即 承 始占之,聲伯 以 也 之『瓊 分瓊 周 所 之,則天子所 珠 玉 以 禮 周官 杜 至 以 、秦以 石 垂之珠 玉 所 其 緯》言珠,言其形。 所含之等,故惡之也。」占, 别 瑰 之白、 爲 (瑰]連文,則必當 本。 以 于 文 有占夢 爲 瑰爲 之, 來 選 諸侯所 珠 然 皆 先 青、 不 且. 玉 必『玫 珠者 琢 含 子 儒 敢 ,是也 不 黑 珠、 爲 玉 ~, ~ 占 舊 虚 含之璧 爲之。 ,《説 爲之,非 稱 周 説 特 瑰」連 玉 一, 故 賦 禮 明 不明于古 雜 爲 文》云 服 聲 注 | | 但 其 含 形  $\equiv$ 歐 文乃 似 伯 以 引 必以 占 蜯 而 代 玉,舉 陽、 玉 夢 晉 有 爲 必 可玫 珠。 之石 之 小 爲 一之名 謂 是 不 食 灼 夏 玉 耳 瑰 珠 制 瓊 敢 説 夢 占 理 其 由 侯

> 公遊 大 夫 在 于 翼 匠 麗 者。」《晉 氏 世 家 賈 洋注 . 匠 麗 氏 晉 外 嬖

氏 案 勿 蠲 。」合此二文,則匠 知 遂 嬖 殺 大 諸 夫在 翼。」 翼 又 麗 者,《 日 在 . 翼 或 、明矣。 韋 語 公于 丘 或 麗 人

十八年傳辛未,朝于武宫。本疏。

辛未 傳 案: 始 云 自 而 案《晉語 『辛未』、《晉語》亦作『辛巳』。 庚午,盟 祖 誤 與《晉 人之日 杜 盟 廟 耳 庚 本作 服 人國 午 孔 語》皆言『辛 相去十有二日矣,久入而不 稱『庚午,大夫逆于 而 既 本 晁 辛 字。辛 人 是 盟 强 Ė 也 而 Ė 欲 逆日 合 朝 故 若作『辛 IE Ė 之, 祖 即 義 朝 明 廟 盟 日 非 于 H 9 : 非 取 武 也 Ė 辛 清原』,傳云 孔 宫, 其 未 服 辛 晁 則 臧 新 即 虔 未 云 本 也 與 朝 氏 服 , 朝 也 以 盟 琳 本 作 于

《左傳》同之。 翌日朝廟,具有成例,豈悼公之入越十有 于曲沃。 《僖二十 正義 不知《國 見《左傳》本 本爲誤, 何 日日 也 而 謂『 始朝廟乎? 杜本作「辛巳」,當因 則 故知 四年》敘文公之人云:「 逆 語》 丁未,朝于武宫。」是人國 偏 日 與服氏 爲誤, 袒之失。」愚謂 即 國語 據 盟」,此説 孔注、《國語》,知 》作『 丽 同作『辛未』,特孔氏 强 巳』字誤,而 欲 是也。 通之爲非 臧 氏 丙午,入 説 至以 孔 而 是 氏 杜 也。 服 所 本

> 焉。 此 之政令,凡國之勇力之士能 官 與《周禮》司右所掌相 此 傳下云「使 訓 勇力之士 類矣。 用 時 五. 使 兵 者 一,則 屬

右之官。」本疏 服 王治 賓爲右,司 案:《周禮》有 國語》文而改,不知正誤文也。 、下士爲之者也。《司右職》云「掌群右 所謂主右之官,蓋即《周 LJ,其職 士屬焉。 非 此 司 車右之類,不 士,「掌群 服曰:「司士,主 禮》司 臣 之版 · 得 右,以 屬 以 車 右。 É 詔

荀

是

東

諸

侯

之

師

次

于

鄫

以

待

晉

師

۳,

則

次

侯

之

或

一,未

知

諸

侯

之

師

是

何

或

師

也

於

正

義

:

傳

惟

言

諸

侯

之

師,不

見

## 春秋左氏傳賈服注輯述卷十一

嘉興李貽德學

襄公

郛 於 郛 人 帥 元 先 鄫 宋 年 傳 既 以 故諸 衞 晉 賈 敗 鄭 韓 鄭 滕 罪 日 侯 厥、 不 **\$** 之 薛 荀 復告 於 師 韓 伐 諸 偃 不 厥 鄭 故 帥 侯 序 荀 諸 也 齊、 不書 故 偃 侯 書 帥 之師 魯、曹、 人 諸 郛 伐 本 侯 伐鄭 不 鄭 之 邾、 書 師 者, 杞 次 其

鄭 實 士 諸 城 之東,若其 薛 薛 城 必 鄫 傳 疏。 之會,始 則 云 先以 ( ),亦 在 之師 略 魴 例 侯 衞 下云『晉 無 滕、 除 案: 聲罪 矣。 來 之 師 齊、 而不告,故 無 此 伐鄭之故 艺 薛 從 師 皆不 怪 五. 小 魯 致討 師 伐 東諸 在此 郛 隊、薛 小 當 邾 或 侯、 , 明 曹、 與 孟 當 邾之不至,皆 是 0 以 日 矣。 伐 當 衞 侯皆次 獻 告 宋 此 不 伐 外 令之諸 邾、 不 鄭。 侯 子 書 而 時 與 來, 明 鄭 衞 次 猶 杞 書 會 於 東 或 年 從 于鄫」,苔 此諸 于 之, 有 侯矣。 明 也 經 虚 滕 人 無 戚 楚 戚 宋 此 朾 同 莒 今 之 齊 同 薛 侯之師,其 案 時 次。 以 與 會 衞 故 雖 不 伐 也 伐 爲 及人郛敗 爲 書 小 在齊、 彭 上 莒 鄭 知 前 之 邾 救 者 城 以 與 韋 武 援 韋 滕 耳 上 魯 戚 晉 彭 子 彭 中 孔

敗其徒兵于洧上。 服曰:「洧,水名。」《鄭

世家》注。

注 洧 潁 水。 過 陽 鄭 郡 語 城 漢 三,行 》「主芣 Ш 書 Ŧi. 洧 地 白 水 贃 理 里。 所出 志 而 食溱、 東 潁 111 南 洧 郡 至 」,是鄭 陽 長 城 平 自 有

二年傳是棄功與言。《釋文》。

本作 案 棄功』,言 杜本 棄 功」。」 作 楚有 棄力」、《釋文》: 臧 功 氏 於 鄭 琳 也 日 : 0 當從 棄 服 力」, 本 作 服

服 者 賈 帛 年 也 日 傳 組 以 盈 以 使 盈 組 組 帛 竅 鄧 竅 綴 甲 綴 也 廖 而 甲 以以 甲 帥 盡 .。」《初學記》二十 帛 步 組 任 組 盈竅 卒服 綴 力,尊者 甲 甲  $\equiv$ 而 之。 白 車 任 力者 所 被 凡 服 服 練 甲 半 之。  $\equiv$ 所 -, 卑者 一千。 本 以 疏 被 爲 練 所 古 服

案: 《

考工

記

函

人》云「

犀

甲

七

屬

兕

甲

六屬,合甲五屬」,注:「屬

謂

上旅、

下

旅

**念**孟 之中 謂 《詩 類 故 策 也。 旅 札 凡此皆爲綴札之證。 相 鄭 有 乙: 云以 赤 比 讀 旅 此 續 疏 子 · 閟宫》「貝胄朱綅 乃 綫 ^ 之 《太玄·二 節 續 而後 越王 詩 屬 即 云 使 朱綅 耳。 數 綴 札 衆 盡 謂 又 也 爲 七 甲 之 如 反 叔 也。 心》 文在『胄』下 權 甲 札 節 綴之,謂 厲 維 國 于 灌 -, 其 葉 六六節 疏 注: 兵。」 一。皆得 其 甲。 田 規》「比札 注 爲 云: 然 上 相 一之「注 序 旅 則 ^ 旅 縷 傳 以 連 維 越 者 士 凡 Ŧi. 與 朱 比 ,則是甲之所用 云「組甲」,故賈 紩 絶 疏 甲 民 甲 節 葉 繕 以 其 亡,謂 綫 爲 必 鎧 書 日 之衆 聚衆 下 者, 甲 爲 札 下 甲一, 綴 連 : 甲 二札 • 治 衆 旅 朱 以 旅 其 綴 之 治 吴 札 兵。」《 多 絲帛 之 是 相 縷 甲 而 而 甲 緩,直 内 爲 故 欲伐 札 連 中 也。 也。 重 E 傳 或 之 必 注 旅 亦

帛

是已凍

之帛

A

練

湅

繒

也

紴

説

文》

:

以

組

- 9

足

徵

組

甲

之當

即

由

此

判

杜

云

被

年

不

登

甲

不

纓

縢

孔

故

盈

竅

之

功

比

被

練

爲

半

於

綴

組

組

既

織

文

爲

組

較

之

紃

爲

闊

較

日

文

不言

甲

必

非

甲

著之名

l, 故

以

爲

練

袍

被

而

以

綴

甲

云

縫

中

耳

0

賈

云

長

轂

乘

甲

服

此

組

甲

耳

也

0

若然

組

綴

以

Ŧi.

采」注

紃

俱

爲

絛

也

采

蘋

**>** 

序

箋

古

^

周

禮

•

4

注

語

>

注

力,

功

也

任

裂繒

爲

紴,是像

屬

之

密

則

空

矣。

故

紩

之

必

充

詁

 $\frac{\times}{\Delta}$ 

:

盈

充

也

蓋

等

也

^

説

文》:

竅

組

亦

絛

之類

也

貫

猶

綴

也

所

服

賈

明

以

製

甲

精

粗

卒

也。

굸

凡

甲

之

所

以

被

練

者

有

組

甲

厲

兵

从

系

。」段

氏

禮

記

内

則

>

服

云

以

組

綴

耳。 甲。一 登,甲 滿則 之甲 驅 甲 誘 凡 始 云风 靡於被練 儀 甲 被 乎 於 篇 甲之所以 E 其 身上 ? 名 練之爲 日 則 即 古 H. 不纓 Ĭ 察革之道 練 川組 被 組 『國家 ^ 此 則文 帛粗 練是 故凶 秦能 韓 甲 。」愚謂 則 甲 『邾之故 縢 可 爲 不 以以 非 甲 故任 也。 靡敝 古 不 歲不組 孔 練 眂 得 不 組連 子 明 以以 晁 竅 煩 『公息忌 法,爲甲 其 力者半,組細故盡任 韓 甲 言袍,杜 矣。 甲 日 甲。 滿 陳 滿 鑽 明 , 孔氏以「文不言甲 都 縢 木 則 竅 即 空, 軫 指矣。 ,所以節財 也。 賈氏之説 盡 縷 組 此 裳以 則 此 欲 謂邾君曰 日 任 繩甲 縢。』《逸 不 其 力矣。」 甲 今竅 : 被 何 帛。」 稱甲, 惌 之不 不 練 惠氏 秦得 由 蓋本於此。」 滿 也。 也。」空 以 高 之 周 邾君 :「不若以 組 必 矣, 誘 力。 書》曰 土 《考工·函人》 練 甲 知 以 韓 日 奇 而 蓋 以 《吕覽 额 任 是 云 己 非 之 可 爲 組甲之工 以以 則 力 然。」高 舉 練 都 堅,竅 知 精 必 組 者 年不 《少少 帛 • 甲。 非 是 組 袍 練 而 有 半 綴

能成其職事。」本疏。

亂 行 案 於 曲 一賢,謂 梁 解 狐 賈 羊舌 日 赤、 行 祁 陳 午 也 

晉

世

家 洋 列 今字皆 「行謂 也 《周禮・夏官・序官》「行司 軍行列。」賈訓「行」爲 《説 作「陣 文》「 陳」作「敶」,云「列 陳」者 馬」注 也 陳亦

是 事 魏 君 絳 不 辟 戮 不 其 辟 獲死之難。」本 僕。 難 賈 服 日 日 疏 : : 僕,御 謂 敢 斬 也 陽干 同 之僕 上

武 使 也。」本疏 佐 將 此 案 疏 新 故 新軍 曰:「不辟 《禮 軍 斬陽干 記 代 • 魏頡 服 之僕,敢於犯死爲之耳 危亡之難 表記》「事君、軍旅 曰:「於是 ,升魏絳 也。」絳之宿 佐 魏 新 頡卒矣, 軍,代 不辟 心如 趙 使 難 武 趙

建

官而三

物

成

服

曰 :

「所舉三賢,各

犯,使 趙 趙 也。 佐 新 意 魏 佐 云 案 卒,公以 軍 武 武 新軍。 推 下 軍 頡 「文子 彘 **一** 音 軍,頡 爲 爲 及魏 佐 之, 佐 恭 而 佐矣。 一及吕 賢 , 魏 語 新 趙文子爲文也,而 子 魏 知《 頡 令狐文子卒,公乃以 而 》言悼 軍。」 將 以 顆之子魏頡也。」又 云: 頡 卒 爲之佐」者也 或 佐 宣子卒,彘 新 未 則 《九年》傳云「 語》文 據《國 升 軍 嘗 公即 趙 將 ,使 離 放趙 武升爲 不 新 語 令狐文子佐之」。 位 軍 具 恭 》所云, 佐 使吕 也 文子得 子 能 將,而 魏 也 以 絳 恤 魏 魏 魏 新 宣 「呂宣 大事 多 絳 子 魏 佐 頡 今 絳 軍 功 佐 絳 以 直 新 始 爲 將 使, 代 代 軍 升 爲 服 子 下 注

疏。 爲 刀 先 年 傳 王 書 恃 射 其 官 Ŧi. 子之歌 射 故帝 也 疏 嚳 引 賜 百 賈 羿弓 惟 티 : -無 矢,使 魯 羿之先 字。 司 射 祖 。」本 世

案:《說文·弓部》「貫」下云「帝譽射

名曰 紀 《帝王世紀》云: 作 南 羿彤弓、素矰以 矢」者,本《 先王射官 官 」、《羽部》「羿」下云「亦古諸 • 羿」, 羿 矣。」帝俊即 本 堯爲帝嚳子,故堯 經 訓 並 Ш 之俗。 得 海 稱 經 扶 帝嚳 「帝嚳生 貫 羿之先祖 . 下 海 1,據《 國。 内 時 而 云 史記 經》云「帝 亦有羿 神異 亦 帝嚳賜 初 侯 . 學 自言 稱 也 五. 記 見《 羿 帝 俊 羿 是 淮 本 引 其 弓 賜 今

不 武 可 不 大任 可 重 本 疏 服 日 : 重 猶 大也。 言 武 事

案 以 大 ○ 日 訓 重。 . 大任 貴生篇》「天下 一言大 用 也 重 物 也 高 注

戎狄荐居。 服曰:「荐,草也。」●本疏。

案:杜云「荐,聚也」。正義曰:「服云

■「草」,原作「聚」,據經解本改

《齊物 引司 作「麋 莽。』《終軍 義,尤可 衍。』《漢書 處。 食草,从 本作「薦」,是 云「《三蒼》云『六畜所食曰 荐 郊祀志》引作「荐 荐」、「荐」、「薦」通 荐」,服 荐」,爲「薦」之異體,併服本、 『薦』與『荐』文異 草 」,所引《莊子》文,《景帝紀》如氏 馬 劉炫案:《莊子》云『麋鹿 鹿 也。 云「美草也」,崔云「甘草也」, 廌 本作 食曰薦」、《莊子音義》出 證古本作「薦」。 即 傳》「北胡 艸。」《管子· • 景帝紀》:「或地 荐 言狄人逐水草而居,徙無 「薦」、《説文》:「薦,獸 劉 是草 炫 義同」,則 所 也。 臻」,《 隨畜薦居」,即 引當 《詩》「饑饉 服言 八觀》: 薦』。 節 作 劉 正 南 . 「薦 是。」愚 饒 食荐』,案見 炫 劉説皆改 義 Ш 廣,薦 「薦 「薦 本亦作 薦 」,不作 今翻 本 **>** ご字, 注引 臻」, 郭璞 本 草 之所 自 疏 按 ·傳 草 多 作 宋 常 云

從定本耳。

明《春秋》之義,善惡俱見。」本疏。
阿同族,亦逐樂轡以正國法,忠之至也。及阿同族,亦逐樂轡以正國法,忠之至也。及阿同族,亦逐樂轡以正國法,忠之至也。及

以 案: 以 樂轡,皆忍忿求安之事,不足以爲大尤。 以 出之。」今子罕始欲正刑,終則 見辱,不追忿,所以得安。」正 恒性,莫不柔濡者則茹 民》「柔亦 阿 春 相 茹 《吕覽 亦私 忍 秋之世, 柔 爲 不茹 國 也。」不阿 • 貴 君弱 向 剛 公篇》「不 戌 亦 臣 言 欲蓋 不 强, 食之,堅 吐 不 莫不 華 二, 疏 私 一臣,子 回 也。 蓋 忍辱,服 義曰:「杜 云:「人 剛 失掩 人 詩 罕不怨 者 則 注 • 雖 之 故 烝 吐

之弊 無 來 故 知 兹 反 傳 異 善其 習 如如 於 載 此 服 子 後 得 言, 也 罕之忠 世 安之理。❶ 是 所 愚 善其 大 謂 志 戒 : 不卒, 也 得 杜 孔氏 安, 氏 傳 忍 所 非 袒 記 忿 言 尤 杜 善 其 誣 偷 惡 正 從 傳 安 以 春 失 惡 斷 詔 秋

八年傳孫擊、孫惡出奔衞。 賈曰:「二孫,

中

裁

子狐之子。」本疏。

案:正義曰:「相傳爲此説也。」

鄖 九 年 傳 父 使 充 皇 石 鄖 之後 命 校 + 正 世宗卿 出 馬 爲 服 皇

口

馬

椒

也

本

疏

武 案 石,皇父名」。 是 公之世」, 先 皇父充 君 宗 卿 杜 石 之 宗 氏 」,見《文十一 嗣 卿 云 也 者 「皇父,戴 杜 成 云 + 年 四 公子。 ·》傳「· 年 同 姓 在 傳 之 宋 充

> 也。」本 使 西 世 年 不見名,服 卿 司 鄖字,爲 之子,世次 皇鄖 馬 孫 Ě 鉏 皇父 %。」程: 疏 之職 吾 義 ,瑗從父昆 庀 大 戴 引《 公説《春秋 府 使 司 所 參差,未 公之後, 世 守 皇 馬 據 族 鄖 者,正 想是《 弟。」與此云「十世宗 譜 掌此 審 故 **\***: 分記 賈 義 世本》文也。 孰 事 日 日 曰: 宗 必必 是。 瑗 **》引《世** : 卿 皇父 「車 是司 「爲 鉏 吾 馬 族譜 馬 充 哀 甲兵, 也 太 椒 石 + 卿 宰 傳

是太 宰。 案: 長。 周 禮》大 賈 今所 宰 正義駁 知 矣。 府、 鉏 使 一吾爲 劉 既 劉 玉 説 皆六官之長,則 炫 府 太宰者, 云: 以 内 爲 百白 府 府 外外 司 以 庫 府 庀府守 守 府 藏 藏 庀 皆 於 已 府 統 知 屬 義 守 於 之。 左 當 太 爲

■「其得安」,經解本作「之」。

貨」注 令羣 戌討 時 六 言 爲 當已及之。 自 六官之典 右 司 府,日 指 府 制 ,故文次 字 左,亦 庫 也 官 師 府 守 原 所 「府, 司土、司 庫 (,亦府 藏 宋 兼一百 上 主。 於後。 之 如之。 復何 此言 承 華 所 主 殷 閱 按 藏 所 司一, 藏六物之 木、司 後 討 疑 則 府 藏 : 禮記 右 乎 若此 是 則 杜 守一, 上云「官 官,官吃 水、 然官 府 以 府 . 守 文云「庀 庫 府 税 則 司 曲 之物,二 猶是舊名,其 庀 爲 宜 者。 草、 禮 其司 六官之典 庀 指 其 》「天子之 可器、 其 此 府守」, 司 財 所 亦 司 師 幣 庀 殷 司 總 向

閼 商 頌 伯 譜 居 疏 商 丘 服 日 . 商 丘 地 名。」《 詩

梁 南 歸 或 《釋 德府之商丘 睢 陽 例 縣 》曰:「宋、商、商丘,三名一地 也 90 一縣,城 顧 氏 棟 西 南 高 日 有商丘,周三 :「今爲 河

百步,世稱閼臺。」

者 相 本 疏 商 服 湯 代 者 姓子 案 代關伯之後 在 土因之。 丘 也 土立。」是相 契孫 相土 引 之商 其 , 閼 此 」箋云:「簡狄吞鳦 相 代之大 氏。 禮記 地 注 伯 史記 湯 相 土 烈烈。」 前 以 居 同 之 土 以 爲 商 契卒,子 • 後 居商丘 爲 . 邱 無 號 號 王制》「天子、諸 服 土 殷 居 居 故 號 主 詩 毛傳 也 日 爲 商 本 湯以爲 後 商  $\approx$ : 者 故 言 契孫。 昭 紀 丘 者 丘 有 又 亦 , , 湯 湯 相 明 天下 引 湯 卵 娀 注 詩 日 謂 後 V. 因 王 號 以 方 而 疏 得 殷 代 ,契之孫。 ^ 肅 以 爲 將 詩 生 \*\frac{\times}{\times} 謂 天下, 契 昭 有 契 侯 號。」同 爲 帝 契,堯封之 書 封 . 所 明 其 祭因 孫 或 長 序》 商 因 卒 於 商 也。 立 即 號 之 子 發 商 上。 子 注 丘 或 本 因 或 生 商 成 地 之 大 相 之 賜 與 云

口

而

意

異

也

是 子 於 生 湯 商 用 商 後 商 如《 湯 因 王 契 因 詩 非 以 影言 因 爲 相 天下 商之名不 土 · 而 號 故 服 以 云『帝 始相 爲 大 V. 相

正 記 土 義 者 集 引《 解 就 括 引 傳 鄭 地 文 志 君 7 尝云 云 義 耳 商 一商 0 或 州 蓋 在 東 契 太 八 之 華 十里商 之陽 初 封 , 又 史

由 至 本 後 相 商 追 土 邑,古之商 一遷閼 書 耳 伯 若 之墟 國, 然,契之封 其 禼 所 地 封 本 商 也 不 子孫 名商丘 是 也 世 以 則 逮

明 爲 云立 或 號 子 至 生 湯 商 遂 爲 鄭 有 故箋 天下 爲 ·之大 「湯 號。 因 之, 詩 證

傳 此 所 傳 無 祇 敘 也 相 土 其 實 服 因 故 相 以 土 爲 即 大 大 相 契,言各 土不及契, 有

《詩・頌》、《史記》之明文,其主《書字》禮當,非違《詩》辭。至王肅每與鄭異,不顧

例 與 服 頌 注 ×, 傳 史記 本 異 前 学之 明 必從服説 文 其 注 者 小此 書序 則 義 體

言效小人爲淫。本疏。○《釋文》··「姣,徐又如字。棄位而姣。 服讀「姣」爲「放效」之「效」,

服氏同。

是淫 **^** 案 淫。」《禮記 小 姣」「效」 爾 杜 爲 雅 云「姣,淫 小人之事 . 皆從 廣 • 坊記》云「 義 交聲, \* 之别 故故 男 君子 名 故 女不以禮交, 君 讀 制 子 與 姣 刑 刑 服 以 防 異。 爲 之。 防 淫 謂 效 服 之 穆 以

肆 告 姜淫 韋 於僑 鄭 如 服 ,故自言 日 : 放 如 鄭 此 囚 本 疏

害者 赦 案 告,災 十二年》「肆 五 帝 罪人。」《公羊傳 ^ 也 紀 稱『告災肆 書 也。 注 . 過 舜 引 大告」《 失, 注: 典 鄭 赦 雖 注 :  $\sim$ 有 穀梁 云 易》 告 釋 經 : 患 災 文》 稱 稱 傳 告 則 肆 「赦 肆 **>** 災 赦 赦 日 肆,本 大 之。 ° \_ | 「肆 過 爲 告』, 宥 失 史記 或 罪 皆 莊 作 也 作 放 患

部。

本

疏

**\$** 使 者 此 鄭 乎 備 肆 行 鄭 以 中 行 明 佚 以 ? 楚 之 成 又 戰 放 以 、《二十六年》 荷 皆 日 縱 雙 鄭 知 何 亦 事 法 若 將 徇 無 無 未 之, 囚 鄭 逸 是 説 如 軍 戰 以 所 囚 不 K 嘗 爲 肆 志,故下 爲 祁 之善謀 必 軍 過 獲 口 有 義 則 行 義 爲 瞞 戰 法 軍 放。」 戰 日 也 施 此 歸 放 贵 奸 傳 而 禮 事 之縱 者 贵 赦 容 楚 觀 後 能 命 文著之, 之己 獲 按 正 反 而 聲 有 遽 而 兵 縦 有然 義 則 諸 之 逸 逸 有 子 傳 門 人 于 軍 佚 曰 獻 侯 僑 楚 赦 述 明 文文 鄭 于 也 亦 之 則 日 俘, 先 師 人 靡 過 日 鄟 南 欲 義 + 按 起 尤 歸 之 鄭 谷之役, 而 門 及 其 赦 傳 杜 不 人懼 事 干 歸 此 師 鄭 東 年 服 鄭 順 云 縱 僕 門 之 必 洩 敘 未 人 以 設 故 欲 H 之 梁 與 且 亂 軍 韋 軍 베

> 冠 選 而 案 而 分之,三 生子 冠 。」《宋書 羽 晉 中、 禮 獵 四 賦 上、下 也 爲 》 注 禮 十 二 ; 志 及 賈、 部 故 新 服 軍 軍 云 曰:「人君禮 之 爲 + 部 四 伍 部 每 也 也 軍 文

案 於禮 天 冠 夫 後  $\sim$ 即 即 文王 子 矣。」《 盡 古 位 年 少 、諸 已冠。 尚 昊 弁 者 公羊 十三 ,管、蔡作 書》説 皆 亦 侯 時 書 + 》隱 生 成 + + • ^ 伯 士 王 云『武 金 元 而 年十 冠 邑 而 縢 亂 而 年 冠 考。」 禮 冠 冠 傳 王 鄭 周 四 疏 崩 矣 疏 則 效《 公東 注 成 云 云 知 云 言『弁』, 時 王 是 左傳 天 依 此 · 介弁, 辟之,王 成 以 子 時 王 大 ^ 八 異 年 年 戴 諸 冠 明 代 十三。 爵 義 + 禮 與 而 知 侯 記 弁 Ŧî. 生 大 己 幼

三分四

軍。

賈

日

: 「三分四

軍爲

十二

子,禮也」,是

殷

之諸侯亦

十二而

冠

賈

説 與《古尚 書》説 鄭 義 並 合。

以 記 廟 也 先 祭法 君 本疏 之 疏 桃 引 一曾 處之。 ○《儀 祖之廟 禮 • 日 土冠 桃。 服 禮 日 疏 引以 祧 謂 桃 爲 曾 曾 祖 祖 之 禮

是 親 乃《儀 主,以 稱 祧 藏 爲 云「先君之祧」、《昭元年》云「其 祧 於祖考之廟 對 桃 之言 注 祧 《周 例言 ,故《祭法 禮 昭 0 0 賓客者 祧,始祖 鄭注 禮 故 超 穆合藏於二桃之中。 之耳 守 聘 也, 禮 書 . . I, E 禮》云「不 記 超 桃 中。」諸 也, 祧 尊 作 若散 上 • 聘 》「掌守先王、先公之廟 是亦 者。」 去意 濯 祭法 禮》云『遷 。」鄭司 遷 侯 而 腆 是 廟 無桃 主 也。 **>** 通 先 也 對 所 設 論 大大夫 君 農 天子 客 藏 諸 廟 主 之桃 祧 文文 心:「濯 則 舉 侯 祧 所 遷 尊 愛 凡 桃 廟 可 無 費氏 在 廟之 廟 例 而 注 者 知 祧 此 讀 日 得 廟 日

> 冠于衞 祧。 爲曾祖 服 虔 明 注 廟、 廟。」是服 成公之廟。 以 桃 祧 爲 得 曾 通 亦 祖 稱 以 成 0 者 公, 廟 以 士 祧 衞 其 冠 得 曾 公還 禮 通 祖 稱 故 疏 及 循 以 衞 傳 祧

祖。 冠 于成公之廟。 本疏。 ○《儀 禮 ·士冠禮 服 曰:「成公,衞之曾 》疏 無「之」字。

文立

義

耳

祖 獻 遫 案:《史記 公衎 立。 也 立。」云衛曾祖 穆公卒,子定公臧立。定公卒,子 ・衞 世家 》:「成公卒,子穆 謂 成公爲獻公曾

也。 且 要盟 載 盟 質」注:「質,誠 及其 無 「質,誠」者、《國 忠誠之信 無 禮 凡 質 邦 儀 神 或 北 弗臨 故故 有 也 面 疑 神 詔 也。 會 此 , 弗臨 語 明 同 常常 神 • 也 訓 楚 則 服 0 語 掌 是 曰 : 本 ^ 盟 其 周 疏 「質 辭 盟 忠信 禮 約 誠 之 誠 之 則 司

明 忧 神 鑒之。 詩 大明》 今要 Ë 盟 而 帝 無 臨 忠 女」箋 信 故 云 神 臨 弗 臨 視

壽 聲。 使 學者 夢 年 也 傳 吴, 會 知之也 言 蠻 吴 也 夷 子 。」本 壽 言 經言 夢 多 也 發 乘 聲 數 服 傳 日 語 言 : 共 壽夢」 成 壽 夢 言 欲 發

也 也 制 也 夢 淺 耳 奔 猶 故 荆 疾 四 長 蠻 南 多發聲 一吴, 蠻 一合聲 呼 壽 楚 壽 孫 方 之爲 夢, 夢 子 訥 是 日 囊 言 吴 蠻」,《 吴爲勾 夷,言多發聲」者,《 發聲」 ,數語合爲 乘,壽夢於文爲二,吴人言 言 言 在 南 也 撫 吴 史記 吴, 謁 者,言 而 有 楚 者,言 云 言 蠻 則 蠻 爲 爲「乘」之 夷 傷 吴世家 夷 諸 長 輕 猶今之三合 奄 者 樊,皆其 言 淺 禮 征 渾 之 記 南 發 爲 惟 太 稱 • 海 之 伯 王 聲 輕

> 注 能 實 夢 之如 其 曉學者。 也。 詩》「 不律 乘 憎 齊 で、在當 年 例 權 以 ~ 其 魯 也 相 輿 越 詩 其《 謂 乘 視 經 之間 名 韻 於 人 時 之筆 天 《公羊》定 或 通也。 書 之 自 此。 瞻 爲 可 夢 語 言 名 彼 方言緩急之 吴 證 夢」 言 郭 於越,君 韎 洛 則 古 也。 子 越 注 爲 爲「 矣》 而 與「林」、「蒸」、 乘 五 者 夢」、「 茅 經 壽 疏 年 卒 蒐 言 能 蜀 子名之日 傳 夢 引 )異,而 以 人 鄭 : 爾 乘」者 乘 服 與 傳故 呼 其 「於 雅 駁 意 此 筆 名 後 音 越者,未 異 經 乘 越。」是 著之以 世 爲 通 相 謂 釋 義 勝 書 爲 也。 翻 近 爲 + 律 云 切

年 脱 其 》『齊殺其 罪 將 禍 不 免 不 平 以 大夫高厚』、《二十五 壽 終 服 也 日 傳 免 舉 此 脱 者 也 年》『 爲 言 崔 + 將 九 不

弑其君光』起本也。」《御覽》一百四十六。

福 有 也 通 其常度,不得至老。 注:「考,成 至老也。」服云「不以壽終」者,以二人改 壽 т<u>.</u> 一、天命己使 Ŧi. 命 年 廣 日 命篇 以 弑 雅 考終命。」《詩 保度。」《書 其 也 》:「命 君 生 釋 光,皆不脱罪 者也。 詰 終性命, 者 十九年 • 何謂 「免,脱 命 洪 • 有 謂皆 既 範 齊殺高厚,二 也 **\***: 醉 禍 也。」《 科 ? 生佼 > 也。 九 以記 人之壽 疏 白 好 引 : 一起 以 鄭 Ŧi. 虎

抉之以 抉 連 下 縣 門 者」爲句 使舉 猶杜 ,令下容 云「張 ,服本「門者」下屬 服 日 本 人出 抉, 也。」 撅 也。 本 疏 謂 0 以 按 木 杜 撅 本

案:「木撅」,「撅」字當 橛、弋一物也。《御 橛,弋也。」「弋,橛也。」 覽 爲「橛 橛、弋 兵 部 0 引 轉 張 説 相 揖 訓 文》: 埤 則

> 親受 或 門, 蒼》曰:「烘,大弋也。」《爾 抉 杙,大者謂之栱」。 門乃發,紇抉 之。諸侯之士攻偪陽之門已有人者,縣 傳:「以代抉其 日 三尺三寸」,是軍 語語 快矣。 矢石 而舉之,即服 本 **∀**: 施 歸 「有 機 正 隼集於陳侯之庭, 楛矢貫之石 以 義 服 而舉之,以出門者。」愚按 縣 日 太公《六韜》 傷 日 所云以 : 門上,有 中有弋明矣。 :「古者以 而 縣 死」,是用 門者 木橛抉使舉」 寇 雅 編 日 則 石 釋 。 十七 橛 發 鐵 版 器 爲 、弋者皆 機 環 廣 箭 樴 而 長 韋 也。 年 謂之 F 如

之鏑。 案:《説 云「矢,指 注:「鍭,以金爲箭鏑 爾 雅 • 齊人謂之鏃。」《説 釋器》「 文》:「箭,矢也。 也,又謂之箭。 金鏃 翦 也 羽謂之鍭」,李巡 其 鏑, 本日 釋名·釋兵》 文》「鏃」 矢 足,又謂 鏠 也 作

以 砮 貢 也。 魯 有 族 石 金 語 隼 云「古 文 可 荊 集 矢 傳 以爲 於 州 鏠 云 引 者 陳 也 梁 以 矢鏃。」是古鏃 矢石 以 侯 州 明 石 鏃 之 皆貢砮。」《 古 庭, 爲 有 利 服 箭 此 楛 也 鏑 故 矢 矢 舉 石 以 説 者 箭 貫 古 也 石,後 文》 鏑 之 制 石 書 即 以 世 矢 一易 禹 鏠

書 楚 恥 子 而 諱 諱 囊 從 之也 晉。 鄭 子 不 耳 本 能 疏 伐 服 我 鄭 西 旋 鄙 復爲 楚、 服 鄭 所伐 :

今子 以 至 位 卿 序 也 孔 傳 欲 書 本 擅 疏 而 服 改 經無 日 之, : 文、故 使以 鄭 舊 次先爲 知其 世 卿 爲 父死 士、大夫, 内 恥 諱 子 也

子 父 子 鄭 死子代者。 耳、子游之子 之七 穆皆 今子孔使以 爲 子 世 蟜、 卿 子罕 此 時 位次 一之子 如 子 相 子 良 循 之

> 之間 弗 惟 擅 喪, 也 躋 由 ? 當 順 權 父 下 繼 之計 歷 位 門 位 不 則 E 子 知 無 共 至深 恨 人,獨 門 則 事 聽 耳 故 子 庶 或 矣。 9 卿之子局於資 職 謀 秉 何 途 或 正 由 冗 鈞 數 亦 義 大 操縱 雜 年 而 日 夫 厠 之 途 諸 於 隘 間 格 若 在 司 大 矣, 手,其 如 亦 舊 夫 不 服言 故 諸 不 卿 能 亦 順 爲 驟 司 漸

十一年經同盟于京城北。《公羊疏》。

之 梁》 北 作 案 惠 城』,是也。『亳』,無考,非 京 氏 經 與 鄭 同 杜 棟 亦 左 此 盟 地 本 作 日 同,《 氏 于 作 在 京 》作『亳 京 同 祭 亳 左 城 城 陽 城 盟 氏 北 北 常依 》經 于 , 城 隱 亳 乃 作 北 **釋** 元 城 與 服 年 北。 也。 亳 此 文》: 氏 城 疏云: [《 傳 傳 作 北 同 公羊 謂 『京京 京 之 之『京 城 也 服 傳 穀 0 氏 城

傳七姓十二國之祖。 服曰:「晉主盟,不

自數。」本疏。

賂 能 師 晉侯 鐘 鐘 觸 師 以 周 能 鎛 師 禮 鎛 悝 師 . 蠲 廩 師 能 師 人》注 觸 字 磬 也 依 師 宋 蠲 數 本 本 增 疏 人。 猶 計 服 磬 也 日 師 悝

世

家

洋注

略

同

之也 鼗 者 案 磬」者, 武 肆 金 及 奏, 鎛 擊 周 師 其 禮 亦 磬 有 鎛 襄 師 以 專 春 掌 磬 藝。 下 官 知 金 敘 奏之鼓 故 悝 鐘 論 磬 知 能 語 師 鎛 爲 鐘  $\forall$ 掌 Z 此 磬 觸 下 教 鼓 文云 之 能 擊 師 方 磬 次 鎛 也 叔 第 蠲 歌 鐘 知 能 播 古 鐘 師

會 川 年 年 于 之 戚 以 中 來 至 也 九合 諸 其 年 年 侯 也 又 0 會 九 服 于 合 城 日 諸 棣 侯 救 者 八 陳 · 五 年 年 從

> 城 也 也 也 北 八也。 九 七 又 戍 年 年 鄭 會 會 虎牢, 于 于 又會 鄔 戲 五五 三也。 于 七 蕭 也。 也。 魚 九 十 一 + 年 也。」 年 會 年 會 于 本 同 于 邢 疏 盟 柤 邱 于 亳 四

注 北 案 七 也 : 語 服 不 \* 會 本 數 于 作 於 戲 城 「京 今八 棣 城 當 與 北 作 年 戍 孔 盟 鄭 七 改 于 合 虎 服 戲 諸 牢, 就 侯 以 定 本 合 亳 韋 也 於 昭 城

十三年傳不猶愈乎。服曰:「愈,猶病

愈。」本疏。

字。 案 無 愈 説文》: 方言 有 愉 愈 瘉 病 疑 病 差 瘳 謂 愉 也 之 一之隸 愈。」《 愈 變 説 即 瘉

十四年傳曹宣公之卒也,諸侯與曹人不義曹

君 兄。」《吴世家》注 子 以 君 而 魯 將 ,公子負 成 自立,故 V. 公十三年 子 芻 臧 日 也 不不 會諸 負芻 服 義』之也。  $\Box$ 侯 在 : 伐 或 宣公,曹 秦,卒於 聞 子 宣 臧 公卒,殺 負 伯 師 廬 芻 也 曹 庶 太

喜 臧 不 負 爲 時 可 芻 何休《公羊》昭十 得 庶兄 弟 庶 而 兄, 以 知 喜 季 巾 時 服 札 君 即 之 别 子 語 年 有 臧 推 傳注 所 之, 則 據 負 似 書 芻 以 然。」今云 傳 爲 負 兄,子 殘 芻 缺 爲

本疏。 服曰:「不得成戰陳之事。」

衞 旰 不 獻 未 莊 召 公 嘗 + 戒 合 年 莊 而 孫 鬭 傳 + 射鴻於囿,二子從之。 文子、 故 注 年 云 甯 合兵 未 傳 惠 成 皆 子食,皆服 血 戰 陳 陳 刃 日 之 日 戰」。 戰。」 事 而 今兩 《公羊 朝 服 日 師 日 :

從之,從公於囿 子 孫文子, 案:《説 欲 共 林 宴食 文》:「誡 父 也 。」《衞世 皆 服 甯 敕 朝 家 惠 也。」「敕, 衣 子 待 甯 命 殖 誡 旰 也 也 敕 戒

戒之。 禮 鄭 禮 者 字互 胾 孔 經 服 事 燕 君」之「食」,故 明明 | 恒 氏 0 禮》云「 而 訓 明 其 鄭 日 朝 此 作 非 禮 此 云 知 玄云:『此 禮 隆 「燕」,傳恒作「宴」,各書之例 大 燕禮 食 或 服 獻公戒之者 戒 食,宴 夫 君 則 君 故 與 賜 禮》:『凡進食之禮,左殽右 宜 與 公得親 子食, 以「敕」釋 若 小 客 放《公食大 臣 大 即 臣 禮 禮 夫、士與賓 《禮經》之「燕」, 禮 戒與 即《 燕 食 食,亦當 戒之, 食然 尚 一戒」。 是禮 玉 者」,是 放《 大禮 藻 也。 然二 食 公  $\approx$ 客 放之公食 「宴 子 侍 食 儀 也 燕 戒 故 皆 大 食 食 小 小 禮 《禮 也。 食 之 夫 如 於 臣 朝 臣

禮 旰 服 鄭 賈 裳 事 戒二 湯 臣 則 侯 冠 命」者 應 與 大 問 當 宴 兼 疏 其 朝 召召 夫 爲 與 與 也 亦 之禮 晏者 子 注: 《公食大 食 其 服 臣 食 臣 言 臣 必 禮 雖 朝 禮 臣 臣 玄 衣 此 注 與 欲 朝 非 者 其 冕 衣 猶 皮 不 食 約 之 服 共 説 一、欲見 大禮 言 朝 即 弁 而 以 (禮甚 夫禮 玉 共食耳。」云「 爲 文》: 朝 朝 得 服 以 視 色 故 晚 · 要 藻 宴 服 棄之 視 朔 者 服 暮 大。 在 \* 則 食。 者 朔 也 子 是 朝 而 本 皮 衣 旰 ^ \_ 0 射 以 衞 君 朝 知 士 或 賓 朝 弁 與 + 宴 鴻 肝、 、 侯 晚 禮 臣 衣 冠 之 朝 Ŧi. 冠 服 以 食 彼 雖 見 同 也 皆 待 晏皆 臣 升 禮 知 服 可 以 H 者 君 皆 服 則 服 君 学主 是 雖 布 日 視 也 。」若 無 不言 朝 閒 命 亦 公 日 不 他 視 朝 衣 列 道 燕 自 晚 當 當 天 人 衣 也 或 朝。 而 子 不 然 臣 之 食 之 朝 諸 子 素 玄 待 無 敕 0

> 集于囿 從之。 傳 養 名。 君 禽獸 一; 日 紀 雜 晏,公不來至。」似二子不從公也 有 書 ,虞人以告,公如  $\Box$ 吕 者,《 囿,今之苑。」時 有 不 覽 足 . 微 説文》云「苑 ^ 慎 周 也 小 禮 篇》 地官 有 公之 説 射 有 此 鴻。 垣 有 事 序官 故 也 曰: 二子待 \* 子 鴻 有 日

同上。 孫文子如戚。 服曰:「戚,孫文子邑也。」

案: 中 如 日 Z . 或 晉 楚之孔 衞 **^** 之 文元 世 蒯 邑, 要 爲 聵 樞 年》, 道 孫 在 自 氏 頓 也。 戚 不 邑, 「公孫敖 人 邱 獨 今 衞 衞 衞 會 開 縣 之 盟 蓋 州 重 西 其 要 會 北 地 地 晉 地 七 侯 瀕 林 顧 里 亦 于 河 氏 有 晉 父 西 戚 以 棟 古 鄭 戚 據 戚 高 杜

●「衣」,經解本作「服」。

城 亦 日 戚 田 , 晉 衞 縣 爲 今東昌 府 觀 城

縣 在 開 州 東 接

師 注: 曹 禮經》所云 稱 請 工 工。」 爲之。 禮 一,樂人 記 大戴記 • 樂記 也。」然 也 服 日 保傅篇》「 : 乙,賤 **川**,師 師 曹 工 曹 樂人。」 也 工 爲 樂 誦 注 人 同 Œ 即即 上 諫 樂

鄄 鄄 見 蘧伯 人執之。 故 鄄 玉 人爲 公執之。」 賈 服 日 日 : : 「伯玉 対執 本 疏 追公徒者, ,衞大夫。」同 公如 上。

執 案 阨 齊 之, 追 也 孫 急, 明 氏 鄄 鄄 既 不背 人 敗,公徒追 猶 公、故 助 公 執 公先 公益 追 者, 如 急 之, 以 鄄 脱 至 人 公 是 乘 於 奔 間

者。」本 射 兩 兩 軥 疏。 而 還 ○《詩 0 . 小戎 服 日 》疏引「車 : 車 軛」下有「也」字,「 軛 兩 邊 叉 馬 頸 兩

邊

作

軛

體 啄」。 雅 也。」 案: 者,謂之烏 作「厄」。 兩 也。」若然,軛 云 烏啄下向 軥 軛 也 服 i, 槅 《説文》 廣器 段注 馬 服 亦 詩 扼 之 謂 云 》作「掟」、云: . 毛 叉 也,所以 啄。」《 頸 韓 : 傳 軶 軥 是 馬 奕》作「厄」,《 木 是 軥 大 云 頸 9 鳥 釋 車 上平 名,其 厄, 噣 日 軶 似 扼 軛 名》作「 軥 -, 烏 下曲者。」「 牛 而 \_ 鳥 者 軛 開 頸 下 烏 衡 噣 下 扼 爲 也。 軶 噣 以 士 , 也 向 叉 痆 \_\_ 兩 喪 軛 \_ 馬 下 亦 也。 禮 抝 軶 隸 與 ^ 啄 頸 馬 作 釋 痆 軥 今文 省 謂 小 物 轅 加 日 車 鳥 之 下 爾 作 時 於 前 口

疏。 服 室之不懷柔 王室之不懷,緊伯 日 ○《釋文》: 懷, 柔 「「壞」,服本作「懷」。」 諸侯,恃蒙齊桓 也。 舅是 緊,蒙 賴 也。 之匡正 賴 賈 恃 作「不壞」, 也。」 也 王 本

也

繹

其

辭

意

不

能

懷

來,

自

指

東

遷

以

懷柔」連文,而 者懷之」注:「懷 詩 也 . 時 禮 邁 記 |「懷」又有「安」義,故 懷 . 來 學 柔 記 百 也 神」傳 》「近者 安也。」《 : 説 懷,來。 詩 服 懷 既 而

遠

柔

言》: 訓 伸之有覆蔽之義,故以「 爲「柔」也。 「蒙,覆 也 《説 ]° |≪ 文》: 廣 雅 • 蒙」訓「 「緊,戟衣 釋 計 **\***: 緊 也。 賴 引 方 恃

也。」《 正 相 王 訓 室 説文》: 一,實 服 以 齊 王 桓 室 「恃,賴 旧是之。 東遷 不不 也 故 \_ \_ 此 能 是 言 懷 賴」「 爲 來 指 列 恃 或 齊 桓 轉 王

正 壞」,杜 引 孫 雖 毓 不 云 注 案 一當謂 王 舊 室之不 本 及 賈 傾 氏 壞 皆 作

得 唯 伯 爲 舅 賴 太公是賴 桓 公 也 也。 案 : 上文不言 E 文云「 桓 世 公,不 胙 太

周 師 自 推 太 公後言之,且 太 公 輔 周 之 時

道 方 昌 諸 侯 震 疊, 不容 言 王 室 不 懷

> 以 數 唯 至 亦 後 正 桓 杜 前 開 不 伯 也 有 公 本 無 或 壞 舅 不 齊 之初 是 懷 服 疑 「懷」作「壞」,則云「 也 桓 謂 此 賴 實首 岩 若 「賴 」,是言 何 時 非 東 容計 齊 尊 桓 亦 遷以 一之先君 周 王 指 王室幾 及 Œ 室。 齊 前 壞 桓 與 深 無 夷 此 ? 壞 王 不 得 功 厲 云 壞 若 室之不壞 伯 賜 於 之 而 乎? 太公 命 周 世 舅 賴 之意 不 伯 王 斷 時 室 指

也。 行 歸 都 于 人士》首章 周 9 萬 民 所 有之。」《詩 望。 服 都 日 人士 . 》疏 逸《 詩

首 故 案 之」者,從 家則亡 三家《詩 萬民所望」,鄭 章。 服 《禮記 以 爲 時 毛  $\equiv$ 無 逸 《詩 · 緇 氏 0 家 此 本 詩 列 然 疏》云:「 注 衣 也 也 於學官、《毛詩》不 則 云「此詩,毛氏 》引《詩》「彼 云 服 云 「《都人士》首章 今《韓詩》實 逸 詩 都 》」者,以 有之,三 士」至 得 無 7 此

+五年傳屈蕩爲連尹。 服曰:「連尹,射

官,言射相連屬也。」本疏。

之乎? 使 爲 藝 官 動,楚之能 日 連之名」,故 可 者 由 一若是 連 射 人』也?」 則《宣十二年》 尹 基爲 乃 不 周 不不 過 授 禮 宫 詔 此 主 官 使 • 愚 廄 相 職 知 射 保 人者, 養 尹 按 射 此 常使養 氏 叔 棄能 儀 若 連 > 傳 爲 此 鄭 主 以 周 尹 稱 之,何 時 司 察 爲 禮》射 爲 不 楚 由 農 爲 射 棄 用, 射 莊 注「五 基 盛 事 獨 能 官 白 豈得 爲之, 於 不 不 乃 官 也。 此 射 用 襄 象 必 爲『能 禮 傳 正 有 非 精 何 老 物 經 以 義 參 疑 實 此 官 而

富而後使復其所。 服曰:「富,賣玉得

富

一。」《周

禮

大宰

》疏

案:《周禮·賈師》「凡國之賣價」注:

-六年經成寅,大夫盟。 賈、服曰:「惡大字。」《出部》:「貴」,云「出物貨也」。「價,買也。」《説文》:「『價』爲『覿』之正

夫專而君失權也。」本疏。 十六年經戊寅,大夫盟。 賈、服曰:「惡·

大夫盟 本二 不臣 夫也。 夫? 盟 厚 夫 案:《公羊傳》 荀 日 (穀梁 盟 何? 偃 一一一 也。 傳爲文,實 頤 傳》: 徧 詳 偃 以 指 諸 高厚」,時諸 刺 傳 怒」,且 信 君 一賈、服一 侯 或 天下之大 文 「諸 在 臣 在 君 大 不 使 而 侯 咸 云「大· 「諸 以 日 夫 敵 是 不 會 在 諸 申 故「 侯咸 日 荀 也。 竟 夫 侯皆在 而 明 夫 諸 偃 侯 也 日 **^** 專 爲 左氏 侯 使 在 何 有 使 大 而 君若 戊寅之盟 偃 之大 異志 言 也 夫 是,其言 諸 君 傳》也 盟 乎 大 諸 擅 失權 贅 矣,使 夫, · 正 信 夫 使諸 旒 大 在 盟 夫 大 大 在 然。」 即即 大 夫 高 夫 經 承 大 傳

之文, 使之盟 奪君 類 所 既 至 也 以 列 於襄 政 明 敘 孔 非自 諸 大夫之專 公,晉 欲 侯 亦 會于 難 謂 專 爲 君 賈、 也 溴梁, 也。 溴 0 失 服, 梁 權 尋 ^ 之 繹 漢 也 故 繼之曰「大夫盟 會,天 此 書 違 傳,並 正 傳 義 五行 下 文, 日 大 無 志 恒 夫 君 <u>×</u> 皆 此 使 君

七 以以 年 傳 見 使夙 獲,故唁之也。」《詩 沙衛唁之。 服 · 載 日 : 馳 》疏 弔 生 日

唁

生

唁 案: 唁。 衞 《説文》:「唁,弔 侯。」《 詩 何 生 人 也。」《詩 斯》 疏 ₩ E 弔 生 歸

之,是 不終也 抑 君 賜不 惠 一本 賜 終。 也 疏 謂 服 己 日 無 : 死 言 不以 君 義 義 己 望 故 己 來 是 唁

不 如 蓋 之。 服 日 : 蓋,覆蓋之。 言左師

> 爲 無 己 案: 能逐 案: 鷹 無 故 也。」《隱 蓋 捶」、《説 一短策。 鸇 此 禮 謂 《説文》:「策,馬箠 稱「馬」 華臣 於 漢 覆 其 書 掩 元 前 「箠」、《説 文》云「以 年》傳 君 其 捶 而 • 服 五. 者 蓋 反覆掩之,故尤之也 事 曰 : 行 不 也。」《文十八 多行 誅 義 志》引此 策,馬 杖擊 文》云「所 之如 之人,故尤之。」本 不義」,言左 也。」是「捶」 也 鷹 傳,師 捶也。」本 鸇 年 以 捶 之逐 擊 ·》傳 古 亦 馬 注 是擊 疏 一師 鳥 正 也。 疏 字 雀 不 見

以 死 多 風 十八 南 死 以 年 10人《周 本 聲。 傳 南 疏 吾 爲 禮 驟 南 北 服 保章氏 歌 風 風 日 北 無 風,又 南 》疏 射 卯 風 夾 歌 律 鍾 酉 南 氣 以 以 風 不 北 北 南南 至 南 律 風 故 吕 風 不 聲 爲 姑 競 多 洗 北

吕 指 門 數 吕 禮 案 者 所 洗 連 爲 南 姑 辰 辰 引 字,至本 、《保章氏》「以十有二風,察天地之和 至 以 卯 洗 中 明 夾 爲 圖 爲 . 西 言 南 太 四 南 鐘 姑 注文不全,故 也 無 惠 以 爲 而 皆 之,言自 洗 射 以 師 南 氏 秋 服 北 酉 南 服 所 云 棟 門,於 ·疏所 舉 中 律 應 後 者 爲 當 也 列 ^ Ė 卯、 鐘 北 吕 南 鄭 易 云姑 推 北 引 戌 之分, 風 注 位 疑《 西 麰 漢 黄 服 風 不 卯 至 無 居 以 賓 鐘 學 韋 義 周 内 明 洗 卯 射、 在 酉以 北 東、 其 **>** 昭 有 禮 也 南 皆 林 太 本《 + 知 注定 實 夾 夾 西 以 疏 爲 鐘 吕 卯 吕 北 鐘 卯、 鐘 》脱 之 南 乾 北 云 律 以 夷 太 西 可 爲 以 南 以 次 整 也 酉 之 因 去 南 則 蔟 北 以 鄭 南 風 度 亦 中 證 故 卯 忧 也 一,言自 北 氏 者, 南 至 **>** 北 在 亦 服 南 舉 爲 ; ^ 交 當 以 周 風 姑 律 以 律 本 風 春 卯

> 然 皆 者 别 其 未 風 風 多」者、《保章氏 命 春 吾 | 則言 律 據 《保章氏》疏 乖 審,後學妄 北 楚 驟 審 秋 十 以 師 别之妖祥」注 矣。」 歌 風 必 **>** 二辰之氣 曠 襄 律 北 知 無 鄭 分 岩然 + 氣 風 和 功 云 南 八年, 不 不 測 又 》所 至 ,「不」即「否」字。 云 之 其 北 周 是 歌 爲 : 如 道 之 禮 云 師 時 南 楚 風 <del>-</del> 明 此。 亡矣」, 律 曠 》統 楚 風 師 乖 風 故 有 吕 師 别是 伐 云 南 言 不 知 歌 多 鄭 之 風 至 吹 是 風 辰 北 律 凍 其道 日 不 也 之 也 即 鄭 師 皆 風 氣 競 7 其 則 君 有 曠 氣 南 不 尚 爲 風 死 也 命 多 有 日 至 風 南 死 吹 所 乖

之,故舉謚

也

一。」《御覽

百四十六。

## 春秋左氏傳賈服注輯述卷十二

嘉興李貽德學

公

襄

十九年經 公至自伐齊。 賈曰:「圍齊而致

伐,以策伐勳也。」本疏。

傳取邾田,自漷水歸之于我。 賈、服曰:

「刺晉偏而魯貪。」本疏。

生 顔 齊侯娶于 光。 鬷 皆 其 服 魯 母 日 姓 日 : 聲 顔 兄 懿 懿 子 姬 曰 謚 無 姪。 也。 子。 懿 傳 其 姬 家從 姪 所 鬷 從 後言 聲 也 姬

之,故 謚 娶於 生其 聲 之子 瞽 母 禽 删 别 姓 姪 司 農 娣 當  $\approx$ 故 者 姬 。」是生後乃得謚 而 支庶,有 五. 顔 廞 懿 爲 從 云 或 也。」諸 顔」 是 各 公羊》莊 舉 姬 益 年》 媵,故從懿 内 一繫以 作 謚 注 是父家之姓,宫 淫 也」者 傳 詩 娶 匶 食 娶於 云: 侯 者,《 母家之姓。 有「司 采 • 謚 柔 於 陳 娶 + 又 顔 韓 鬷 或 也 克 ~ 九 周 注 姬歸 邑者 奕 周 或 爲 馬 也。 年 姓 禮 : 傳舉溢 如 陳 懿。」「 書 鬷 傳: 出 則 齊 故 莊 其 ^ • 戾」,然 太師 琅 大 廣 蓋 中 也 諸 書 益 生 公 邪, 足 而 或 諸 姪 傳 韻 娣 時 廞 娶孟 法 》 大 著 往媵 姬之 顔、 者 家從 姬 本 從之。」此 爲 則二 證 行 解 族。」《 何 是 無 從 淫。」 鬷 迹 任 喪 母 之, ? 後 + 爲 以 魯 爲 死 姬之 也。 鄭 兄 後 作 帥 昭 伯 七 相 母

追敘之也。

同上。 牙。 戎 諸 諸 子 子, 戎子,子 仲 妾 子、 戎 子 生 戎 請 子 牙養母 子 以 也 戎 爲 子 太 也。 二子,宋 子 嬖。 許之,齊侯許之。」 許之。 仲 女。 子 生 牙, 牙 服 公子 屬 日

宋 子 是 女。 妾 妾 生子」者,「 而 姓 子 也。 生」當是「 子 是 宋 姓 姓 之誤, 故 知 諸 爲

於諸 諸 矣。 犯 六。 廢 作 犯,不祥 常 不 侯 間 侯 今無 不祥 善。」《御覽》一百四十六 會 盟 犯 立 列 也 間 征 故 而 於會 伐 謂 廢 而 諸 光已列 之爲 服 廢 侯 盟 齊 之, 難。 不 曰:「立長 世 不祥也。《御 家 於諸 是專 可 光之立也,列 注。 黜 黜 侯, 也。 專 爲 諸 難 常,明 以 獨 侯 成 覽 難 巾 而 於諸 成 刻 光 百 本 之事 以 光 數 四 長 比 從 難 侯 +

能專對」注

專

猶

獨

也。」《

周

禮

典

戲; 子以 會于 諸 子朝曰:「昔先王之命曰:『王 《三十一年 于亳 7 擇立長。」一今懿 則立之,無則立長。」《 子矣,欲 犯,勝 長, 基 數從諸 侯 間 故云常也。「 十年 貴, 戚 城 會盟 光 是 王 北、 是 也。」言光 以 也。 侯 不 是年,救陳; 室」之「 征 聲 會吴于柤 勝諸 會 》:「穆叔 以 伐」者,三年 姬 于 長。」 台 所 專 蕭 侯, 姬 間 列 虎 間 生, 魚 訓 無子, 此 通 則 於 日 訓 云 不 九年,伐 + 諸 光 事 獨 昭二十六年》: 犯」者 ·, 盟 爾 立 封 得 皆 侯 難 則 太子 者 公侯 雅 年 爲 與 皆 成 雞 光 長 伐 嫡 其 鄭,同盟 后 死,有母 澤,五 以 爲 論 知 篇 列 釋 間 無適 7 常 光 其 鮑 鄭 語 詁 數從 爲 長 讀 本 故 同 王 盟 于 太 當 弟 則 作 如

諸 矣,不 言 伯 則 命 <u>\*</u> 光 侯 而 下 數 其 執 凡 難 可 諸 與 圭 君 獨 之禮 侯、伯 侯 會 徇 犯 之 盟 己欲 不善 適 清攝 之子 等」注 子 而 君 黜之。 -, 誓 而 如子 謂 於 行 「公之子 天子 廢 ,、男 則 難 常 比 而 成 不 攝 於 執 祥 如 其 諸 謂 壁。」 也 侯 君 侯 間

十六。 家》注 遂 東太子 祥 ,善、《釋詁》文。 服 曰 : 「 光 東徙 賈 之東 日 : 鄙 「徙之 也 )。」《御 東 遂。」《 覽 **>** 齊 白 四 世

外 郊之外曰遂,遂大夫掌之。 郊之外。」《周 齊語 也 《禮記 文侯之命》 》「參其 東鄙 • 王制》「不變移之遂」注:「遠 東 或 禮 之邊 而 疏 遂人》 伍 引 邑 其 鄭 鄙 注 <u>「</u>五 注 鄙 東遂、蓋 酇 邊 鄙 爲 邑 鄙 郭 東 也 遠 以

微逆光,疾病而立之。 服曰:「微,隱匿

十六。也。疾,困也。而立爲太子。」《御覽》一百四也。疾,困也。而立爲太子。」《御覽》一百四

春 案 皆埽 猶 是 注 轉 雅 以 未 相 秋傳》 《説文》: 釋詁 注 薨 木 訓 病 釋 也 : 謂 病 禮 日 疾 疾 也 : 記 微 「隱、匿 困 木 日 白公其徒微之。』」《 知 隱 檀 病 喪 ,微也。」是 立爲 号 行也。 心此 大記》「疾 》「曾子 太子」者, 云 从行, 「疾,困 寢疾 微、匿 病 殼 一者, 時 外 病 内 爾

光殺 服 犯 惡,從男子之刑也 日 :「婦人,從人者 戎子,尸諸朝 非禮 小本 也,故 也。 不 婦 爲 人 制刑 無 刑 及

文,彼 子。 特刑 案:「婦人,從人者也」、《 皆 示不 文云「幼 爲 男子 爲 制 而 刑 從 設,不 者 父兄,嫁 言 專設 婦 禮 從 記 婦 夫 非 • 人之刑之 無 郊 夫 特 刑 死 事 牲 從

之五 宫 閉 刑 子 足 之立 賊 制 也 略 劓 子 故 義 ^ 可 ジ注 證 盗 於 既 而 刑 耳 刖、 刼 而 觸 男子之刑 官 刑 刑 不 者 不 : 惟 不專 略 其 誦 易 ^ 中。 <u>\*</u> 殺 若 得 刑 爲 書 宫 其 刑 不 君 犯 奪 並 之。 婦 同 設 婦 大 詳 劓 刑 刑 宫 命 攘 人 猶 傳 得 兼 之 ; 臏 官 今 特 若 其 制 革 有 非 矯 同 五. 于 言 > ; 辭 者 分 時 有 他 日 刑 悪 男 事 輿 虔 男女, 也 刑 也。」若然、杜言 者 男女者 所 干 不 矣。 丈 者 女 ≥ C 服 而 之 無 言 謂 犯 夫 其 決 事 制 不 屬 别 其 者 説 比 過 餘 則 之, 歸 刑 度 以 禮 也。 立 刑 照 惡 文》 刑 以 割 墨 義 梁 記 明 之刑 出 奸 死 矣 皆 交者 男 其 ; 言 刑 即 人不 踰 : 宄 降 主 女異 勢, 文王 準 婦 詳 盜 雖 城 鄭 : 婦婦 惡 男 畔 其 女子 以 爲 男子 人 五. 攘 其 郭 注 體 子 之 男 過 世 刑 道 傷 寇 刑 而

> 言 刖 無 黥 也 不 爲 刖 婦 之 刑 7 刑 失 制 之, 耳 且 , 不 傳 得 言 祇 無 言 刑 者 無 統

士 守 衞 備 衞 語 見 可 本 齊侯 疏 取 志 之守 卒 者 0 告 衞 登 之, 於 齊 以 在 服 號 戰 侯 城 高 揖 城 無 日 衞 無 死 之, 以 唐 上 備 : 爲 此 者 衞 衞 告 故 乃 揖 齊 號 説 告 慚 不 登 之, 齊 之 欲 近 衞 而 誠 順 侯 之。」 誅 復令 無 下 乃 齊 揖 善 衞 恩 0 下 侯 賈 云 本 其 而 登 信 呼 之 言 日 疏 禮 城 問 而 揖 : 問 故 之, 守 故 下 **\$** 守 仲 衞 而 備 揖 欲 與 疑 備 博 還 下 之言 生 焉 當 焉 以 登 與 作 之 乃 城 齊 以 今」。 爲 也 問 侯 命 古 無

氏 案 不 几 標 + 日 余  $\dot{\equiv}$ 服 氏 所 氏 杜 蕭 其 載 于 客 傳 此注 所 注 Ŧi. 引 皆用 經 以 注 鈎 蓋 爲 賈逵之説 沈 服 杜 > 注 注 引《 非 御 檢 服 覽 御 注 是《御 > Ŧi. 孔 白

釋詁 覽》自 録 失 無 城。 之。 也。 禮 爲 禮》「公揖 與  $\overline{Z}$ 儀禮 齊 也 侯 爲 齊 齊 高 太 服 揖 衞 侯 義 而 欲 特 引 「仲博 之,復 唐 引其 志 侯 下 祝 語 誅 牲 杜 鄉 揖 》先 誠 者 城 以 在 人 衞 饋 注 飲 于 内 揖 説 信 呼 齊 令登 村 衞 讓 」者,彭 食禮》注 鄭 注 死 酒 明 讓 也。 非 侯 一,揖 也 下 也 注 不 ジ注 非 而 注 加 以 下 城」者,此 與 問 下 又本 衞 從 至 衞 語 衞 汪之字 與之言 衞 揖 禮 今 推 欲 告 城 齊 慚 日 也 羣 時 者 而 賈 順 侯 誠 外 手著 使 而 手 撎 禮 注 一者,《 猶 之 也 謂 下, 見《釋 臣 服 衞 固 日 之」者 是 1 揖 衞 故 辨 從 屈 是 下 胸 揖 云 也 無 可 衞 賈 揖 據 服 爾 至 也。 而 ~ ~ 恩信 取 問 文 注 爲 揖 恥 城 杜 仍 而 雅 服 説 序 之 聘 0 周 禮 見 外 注 登 生

> 孔 衞 成 也 故今守 齊侯 也 子。 0 此説 善其言 者 乃 以 近 服 命 之」者 無 故 士 日 : 備告」,明 卒登城」 揖之」者, 衞 服 謂 卿 者 彭 孔 明 以 説 烝 明 揖 實 近 鉏 非 守者 告之 于 一。」《衞 衞 理 登 非 也 也 揖 城 世

案: 孫 《世族 譜》云「孔 成子 孔 蒸组 孔 達

家 注

二十 罪 年 經 其 陳 侯之弟黄 本 疏 出 奔 楚。 賈 日 稱

名

偪

虎 賈 爲 《十四年》『宋子哀 案:《二十一 又《八年》『宋 《宣十年》『齊 無 以 慶寅畏公子黄之偪 罪 稱 不 名 爲 書 罪 其 年 司 崔 名,  $\stackrel{\cdot}{\approx}$ <u>二</u> 城 氏 欒 則 來 來 出 盈 偪 書 奔』,稱 奔 奔 出 也 名 者 奔 衞 舉 爲罪之文。」 楚」 然傳 據 其 其 書 傳 字 官 E 其 所 文 也。 也。 義 族 云 陳 日 也 故 皆 又

非 非 偪 其 公, 罪」也。 特 二子 如 畏 賈 其 所 偪 云,于 耳 0 傳 故 無徵 又 明 未 之 審 日

斯旨。

二十一年經 賈曰:「此年仲尼生,哀十六年

夏四月己丑卒,七十三年。」卅一年傳疏。

傳子盍詰盜? 服曰:「盍,何不也。」

本疏。

説

同

案:「盍」、《説文》作「盇」。正義引鄭君

二十二年 : 傳 照 宋 若不 本 增 恤 實 其患,而 謂 譴 讓 以爲 也 0 П 本 實。 疏 服

案:《説文》云「譴,謫問也。讓,相責

讓也。」

二十三年經 邾界我來奔。 賈曰:「界我,庶

案:正義曰:「杜從賈説。」

樂, 傳 禮 況 甥 爲 舅之親 鄰 或 闕 乎 ? 《儀 服 日 禮 : 聘 鄰 禮 或 疏 尚 爲 之闕

闕 服 案: 之。 緦 況甥 杞孝公,爲 杜 麻 云 之于 傳祇 諸 舅 侯 云 平公之舅。 乎? 絶期 爲 鄰 傳 故 或 意 以 闕 所 尊 隣 包 同 或 見 不降, 責 服 鄰 或 爲 申 當 猶

非也。

韋 君 傳 案 子 爲 大 不 發 稱 衆 夫 慶 書 謂 此 云「不 或 慶 由 所 也。 : 言 虎 以 楚 恶, 慶 殺 傳 人圍 慶 書 爲 氏 非 不 言 寅」,不書 慶 不 不 見殺 之而 成惡 義,不 楚 氏 書 屈 以 於楚, 慶 殺之。 建 陳 氏 可 從 肆 叛 楚 以 肆 是不 其 陳 韋 陳 也 者, 經 志 侯 叛 一者,見 云 成 也 傳 韋 一本 爲 其 陳 陳 言 服 肆 殺 楚 而 日 疏 志 慶 其 所 經

也 也 於是 元 年 爲 傳: 宋討 韋 魚 宋彭 石 故 城,非宋地 稱 宋 且. 追 登 叛 書

納 諸 曲 沃 賈 日 曲沃 樂盈之邑。」《

也

。」登者,成

也。

此

服

所

本。

世家》注

惟 魏 氏 及 七 興大 夫與之。 服 日 : 下 軍

輿 帥 七人。」 本

案 炫 云 欒 「若是 盈 ,下軍佐,故 主公車, 下軍 則 当 輿 情 帥與之。 親 于公, 劉

應 曲 附 樂氏 服言 是。」

欒 魴 傷 服 日 魴,盈之子。」本

杜 云: 魴 欒 氏 族

啟 車 御 牢 侯 成 朝 御 襄 桓 一本 罷 跳 師 爲 右 狼 蘧 疏 賈 爲 右  $\Box$ : 胠: 左 翼 商 子 日

乘

服

大

啟

右

翼

日

胠

案 翼 史記 行 葦 · | | | | 李 牧 引以 傳》: 翼 多 箋 云「在 爲 奇陣

> 似。」 殿 車 明『 驅 岑彭傳》注 月 張 日 右 『胠 此言,或當 兵部》引《開 啟 本 . 左右擊之。」是行 掖 大 以左爲先, 啟』『胠』 疏  $\sim$ 商子 申 不定 晨 : 司 驅 下也。」肤 元 倅 馬 游御 是 是 有 :「凡軍 車 戎 法 元文字指 左翼 是 屬 前 成 十乘 知啟是左也。」 • 夏之御寇,崔 在 焉 軍 文 謀 之名 是 旁 也 也 以以 帥 軍有 在 在旁明 之 • 大 歸 篇 前 先 人 晨,大 軍 大 且. **\***: **>** 正 日 左右爲翼。 啟 日 殿 此 啟。」《 前 行 義 : 《説 傳 如 殿 是 .° \_ | ≪ 大 上 爲 日 也 後 前 : 文》云: 凡言 下 御 啟 後 右 驅 軍 音 賈 覽 漢 也 六 左 先 爲 則 相 啟 .

案 殿」,从殳,居 : 引 殿 司 音 馬 法》 相 聲。 似 文證 者, 古讀 大 殿 殿 \_, 殿 説 如 之 屯。 名 也 作

注 亦 是 呻 日 屯 周 . 相 也 也 禮 爲 似 殿 故 • 並 也 課 屯 書 地 鎮 以 殿 官 也 ^ 音 詩 屯 晨 相 ^ 鄉 杜 近 音 或 采 阚 爲 子 師 相 爲 雅 菽 春 義  $\forall$ 似  $\leq$ . 讀 臀 巡 殿 釋 故 爲 其 天 訓 在 殿 前 子 鄭 後 後 之 大 H 晨 之 邦 殿 殿 夫 屯 屎 傳 音 讀

取 日 齊 朝 世 家 歌 朝 注 歌 爲 晉 邑。 隊 9 孟 孟 門、 門 太 , 行 登 皆 大 晉 行 Ш 隘 賈

歌 志 歌 案 今 所 州 東 都 河 本 ^ 之界, 衞 南 北 地 周 大行 衞 地 理 武 輝 志 高 凡 此 王 首 府 \* 氏 有 時 弟 始 輝 河 屬 八 康 日 河 内 縣 晉 坚 叔 内 郡 所 朝 太 第 北 司 顧 封 歌 行 馬 至 H 9 ·, 更 貞 軹 出出 棟 自 名 關 謂 州 元 高 注 坚 衞 F 和 連 : 第 郡 是 在 日 朝 + 縣 朝 在 紂

門 腸 行 朝 歌 險 德 即 行 殷 城 論 可 在 七 滏 太 <u>×</u> 詩 歌 恃 大 紂 古 北 蒲 行 也 也 坂 出出 贵 孟 〕。」案: 之國 詰 以 陰 涇 陘 日 朝 州 門, 行 白 : 則 故 云 : 坚 爲 歌 屈 第 嶄 即 如 坚 分 云 世 高 固 以 北 兵爲 此 絶 左 屏 鄴 在 ^ 路 車 注 也 今 齊 淮 皆 上 孟 白 ? 輝 第 川 險 輪 擁 日 之 太 南 晉 門 陘 坚 縣 巇 爲 是 其 喻 五. 之 人 行 孟 • 山 在 部 9 右 井 交 之 時 此 西 輝 地 墜 門, 孟 Ш 中 隘 道 摧 北 大 涇  $\equiv$ 縣 至 形 齊 門, Ш 大 大 艱 行 坚 人 界 于 訓 輕 第 特 行 行 哉 在  $\wedge$ 劉 蓋 白 連 | | | 舉 此 坚 第 六 兵 文 坚 之 蓋 何 孝 河 人 淇 坚 分 深 飛 八 選 在 限 九 以 巍 内 標 白 縣 太 列 Ш X 軍 狐 懷 巍 Ш 紂 涇 行 左右 都 涇 曹 東 絶 有 登 既 淇 慶 第 都 也 坚 孟 羊 太 縣 府 第 孟 取 其 交 大 朝 兀

賦》「不恃隘害」,薛注:「隘,險也。」

張武軍于熒庭。 服曰:「張設旗鼓也。

本

案:《周禮·酇長》:「若作其民而用之,疏。

則 知 張 張 以 侯 設 旗 日 旗 鼓 鼓 兵 以 師 革 之 示 帥 武 耳 而 也 目 至。」《成 在 ^ 吾 廣 旗 雅 鼓。」 . 年 **>** 詁 故 傳 服

「張,施也。」施,亦設也。

帥東陽之師。 服曰:「東陽、魯邑。」本疏。

陽 案 爲 哀 魯 八 邑 年 也 -, 吴伐 東陽 魯,克 之師 東 即即 陽 而 下 進 文 叔 知 孫 東

豹所帥者也。

八月,叔孫豹帥師救晉,次于雍榆,禮也。

賈曰:「禮者,言其先救後次,爲得禮

也。」本疏。

救 案: 而 正 後 言 義 云: 次 《公羊 先 通 君 · 傳 命 **>** 日 也 易 ^ 僖 爲 元 先言 年

> 也。」 羊 臣 齊 則 ·傳 師 先 其 日 意 通 宋 : 言 君 師 \_ 君 曷 命 曹 則 爲 故 師 進 先 先 次 止 言 于 救 自 次 聶 後 由 而 北 次 故 後 救 言 先 賈 邢 救 次 氏 後 ? 取 ^ 救 公公 以 君

爲説。

以公鉏爲馬正。 賈曰:「馬正,家司馬。」

《御覽》四百三十二。

當 公司 官 馬 爲 其 案: 家 是 也 馬 鬷 家 臣 馬 正 戾」, 周 , 爲 司 禮 馬 司 鄭 . 或 昭 之 馬 注 家 稱 二十五 異 主 司 馬 名。 卿 馬 其 正 \* 大 地 年 ^ 夫 各 之 或 定十 傳 使 之 軍 稱 采 其 賦 年 叔 司 地 臣 **>** 孫 馬 傳 此 氏 以 馬 實 之司 公南 自 IE 正 使 于

同上。

閔子

馬

見之。

賈

日

魯

大夫閔馬父。」

案: 閔馬父,見《昭二十六年》傳

二六一

也 孟 ]。|《南 孫 之 悪 史》五 我 + 九。 藥 石 也 服 日 : 石 砭 石

言之。 問》以 石 箴 問 案 以 石 石 • 郭云「可 刺 異 東方砭石 若散言之,則 説 法 病 東 方宜 文》云「 爲 Щ 砭 以 經 論 爲 因  $\approx$ 砭, 南 砭針 即 東 方 石 高 名其 以 方 九鍼 爲 氏 其 治癰 石 一砭,亦 之山 石爲 治 刺 並 腫 宜 病 論,蓋 了,其下 砭石 爲 者」。 砭 也 箴 石 也 對 多 ^ 素 箴 例 是 素

猶 夫 石 有 先 猶 人 生 之 我 敝 廬 服 在 下。 日 : 本 夫謂 疏 孟 孫 也 一本 疏

廬 在 正 下。 義 日 與 : 杜 服 氏 虔以『下』從 異。 上 一讀,言 敝

作 也 季 ]。 |本 氏 不 順 廢 疏 而 長 施 7 不 少 恕也。 也。 不 恕, 服 曰 : 「 謂 惡 不順, 孟 氏 立 謂 庶 四

案: 臧孫阿順季武之意, 廢公鉏立悼子

請 少 涕 事 矣。 臧 是 蓋 讎 ,然羯之得 作 孫之怨,故 是 臧 事 臧 不 亦 不 孫 氏 恕 知 惡 順 也 7 理 孟 傳言 立,由 庶 則 也 氏 之 孟 立 非 豐 氏 于 孟 庶, 立 點 公 氏 而 故 謂 庶 鉏 立 [1] 公组 · 蓋 庶 季 非 哭甚 氏 臧 公组 即 荷 廢 孫 指 哀、 立 長 所 猶 立 羯 立 多 欲 挾 羯

二十四年傳太上有立德。 服曰:「伏羲,神

農。」本疏。

仲。」本 其 其 次 次 有 有 立言 功 服 服 日 日 : 禹、 史 稷。」本 佚、 周 任、 臧 文

牙,僵 象 曰 有 價」。 监 仆 以 其 僨 焚 身。」 僵 其 身, 本 也。 疏。 賄 釋 也 文》。 0 服 本 疏。 曰 : 爲 焚, 生 战 讀

案:「焚」「僨」音相近。《説文》無「焚」

州 形相 字。 爲身災也。」是象遭僵斃以齒牙也。 其要害必 爾 燎』二形同。」則「焚」古文,「燌」與「僨 人能 雅 近 捕象, 服 切經音義》二:「焚,古文。『炃』 釋言》文。 死,將死,以牙觸 故 象行 讀「焚」曰「僨」。「僨,僵」, 觸 《桂 機 海 則 虞 刃 石折之,以 衡 下擊之,中 志》: 牙 欽

勇之人,而與大國等也。」本疏 部婁無松栢 服 日 「喻小國無賢材知

阜之類 案:《説文》「附」字引《春 引傳亦 塿」,非也」。 松栢」,是《左傳》古文「部」作「附 云「附婁,小土山 培塿」。 「部」古字通。 也。 作 周伯琦《六書 培塿」,云「言 今齊魯之間 服以 《文選 也」、《風 部婁喻 正 . 田田 俗通 其卑小。 魏都賦》注 小國者、《說文》 譌》云「俗用 秋傳》「附 中少高卬名 山澤篇》 部 引作 婁 附 無

史皆曰

案:二卦

河,謂困

與大過

也

疏

與,等 意也。 小國。上文云「大國之人,不可與 之爲部矣」,是「部婁」者,卑小之阜,故喻 也。 故服云「不與大國等」,承上 也

二十五年 傳 齊棠公之妻。 賈曰 :「棠公,齊

棠邑大夫。」《齊世家》注

氏棟 伯有之臣云:『吾公在 其家臣僕呼之曰 縣尹稱公。 府之堂邑縣。正義 案:「棠」當是《孟 古古。 高 以爲「棠」後譌爲「堂」,今爲東 齊不僭號,亦邑長稱公者 服曰:「皆一卦。」本 公。傳即 子》「發棠」之「棠」。 曰:「楚僭號稱王 室谷. 也。」 因而言之,猶 一,故 昌 顧

家》注 乃爲崔子間公。 案:《説文》無「伺」字,新附字有之。 服曰:「何公間隙。」《齊世 伺,

間 古作 也」;《荀子・王霸》「日欲司閒」注: 「司 以爲 『司」,讀 伺 司 其間 物而 一《荀 爲『伺』」; 隙 司之得勃」注 子 . 議 《漢 兵》「掎 司司 書 • 者,察視之是 契司 高 五王 詐」,注 傳》

公拊 在 外 楹 故 而 歌 歌 以 命之 服 也。」同 日 : 「公以 上。 爲 姜氏 不 知

告之。 氏既 擁柱 入室,已在外俟,姜或不知,故歌 拊」,《 《爾 而歌 雅 釋文》云「拍 • 則 釋詁》云「命,告也」。 史 遷 以 拊 也」。《史記 爲 擁 公以 影作 姜 以

宫 服 君之臣 案: 崔 日 : 淫 其室又近 者或詐 言 一杼疾 杼 不 以病 病,不 公宫,恐淫 能 稱 公。」同 親 居 聽 能 内,公之真 公命。 聽 上。 命。 者 詐 崔 近 稱 (偽英 於 杼之宫近公 是 公宮 能 親 《爾 辨,

雅

•釋詁》:「詐,僞也。」云「崔杼之宫」

禦謀 陪臣 日 搬,服 掫」音。 干,扞 者,《 宫 宫」,是大夫士之室,古得稱 」,≪内 干諏有淫者,不知二命。 淫之人。」本 本作『諏』,子須 僖二十八年》傳「令無 也。 則》云「由 諏,謀 疏。 反 也。 謀 ○《釋 命 也。 言受崔子之命 士以上,父子 文》: 今傳本 官 干, 入僖 或作『諏 也。 服 服 日 負 音 一, 猶 皆 羈 如 扞 字 異 之 依

氏欲 得 服 杜 淫者 各據其本之字詮釋,不得指服爲謬説 謀」、《釋詁》文。 案:「干,扞」,《 「不知二命」也。 本作「掫」,服 以「扞禦」 有「有」字矣。 掩 」,則 其宿 服 訓干」, 本當 通 之 本自作 爾雅·釋言》文。 一杆 言「受崔子命」,即 正 是 跡 義 陪陪 故故 以 禦謀淫之人」者,崔 以 臣 一諏 謀 稱 服 干 淫之人」 爲 一,師 爲謬説,不知 諏 謀 淫者」,不 淫 讀 之人。 訓 「諏 異授 傳云 也。 諏

又云「 致 此 釋文》云「今傳本或作『諏』」,是 有 由 字 六 猶依『掫』音」, 朝 从 服 以 本 來 不 音 别 從 兩 杜 是 本 讀 讀 字 又 以 及 从 牽合 音 杜 从 義 之者 服 義 並 本。 世

晏子立於崔氏之門外。 賈曰:「聞難而

則

後

學之

誤

也

來。」《齊世家》注。

臣 故 君 亦 服 隨之死亡。」 爲 社 「謂公義 稷死 則 同 爲 死之,爲社稷亡則亡之。 1: 社稷 死 亡 也 如 是者

羊 案 受於天子 或 説 故 何 滅 稷 曲 去 或 君 云『去 而 禮》云「國 社 滅 死 死 也。 稷 君 也。 之,正也。」「死 社稷』。 死 也」,疏云:「國 謂 又「國 見 君 也 侵 死 伐 社 五. 君 故《禮 也 稷 經 去 社 其 異 注 稷 運》云 (國,止 主 義 春 : 社 死 秋 即 稷, 傳 君死 其所 公義 君

> 若 則 然,如 爲 其 土 社 私 必 正 有 豩 服 之詩紀遷 日 一、大社 去社 如是 社 近之 禮 日 去國之義也。」案: 稷,無去國之義。』《左傳》説昔太 己 , 狄人攻之, 乃踰 一稷,避 , 死 太太王 言 臣 之君臣,始 稷,其實公義爲 左氏》之説 而 也。 周之事 所當任 爲 君 地 去 己 自 國,正 自存,又可 以 亡, 以 也。」本 日 舊 己之私 得 非 權 梁 「乃立冢 或 以 或殉難 其 孔氏 法 既 圖 Ш 疏 社 私 復 邑於 遭 存 欲 義 稷而 謂《 暱 或從 誉 寇 社 取 土」,傳云「 皆 稷 難 公羊》之説 岐 誰 新 死 亡也。 通 故故 不 制 Ш 敢 È 也 一之禍 任之。 也 王 能 故 言 冢 若 居 雖 保 知

也 案 欲者也,則亦當隨君死 暱 っ」言 服 日 君以 以一 近 也 私 縱 暱 欲 爲 爾 死 雅 亡,私近之臣從君之 私 近 釋 詁 者,《 `: \_ 説 暱 文》: 近

心。」同上。 服曰:「置之,所以得人舍之,得民。 服曰:「置之,所以得人

字。」《儀 執 簡 案: 以 禮 往 廣 雅 聘 禮 . 釋 疏 服 計 目 **∀**: : 古古 「舍,置 文篆 也。」此常訓 書 一簡

不同 大 或 文 古文者,於張 篆》十五 文」兼大篆言之,六經 文者,以壁中 古文」,段氏 至孔 篆 頗 而 前 古文, 省 無 而 説 子書六 籀 無古文也。 改 篇 此 文 文 與與 序 云「古文篆」者 蒼 也。 兼 玉 經 蒼 經、左丘 学云「 頡 古文 古 裁 所 知之,左氏述《春秋傳》 所 下文云「取 文言之,不 曰:「孔子書六 獻 秦書 及 或 造。《 知之。」此 明述《 異」, 宣 八體,一 王 左 大篆 《説文序》又云 則 太 傳 史 春秋傳》皆 必 古 史 家不 籀《 云 所 文 籀 日 經 皆 與 史 省 必 大 大篆, 著 改皆 籀 篆 有 以 以 大 ^ 古 古 篆 古 以 大 所

策皆

稱

長

尺

四

寸。

蔡邕言二尺者

之,

孝

經

**>** 

尺一

寸

書之』,故

知

經

之

語

序》以《

《鈎

命決》云《

春

秋

尺

四

寸

書

一尺,

短者半之。」

孔

氏

日

鄭

玄注

論

蓋

亦

渾

言之耳。

獨

斷

**>** 

又

曰:「其

制

長

漢

世

天

子

策

書

所

用,故與六經異也。

簡

文篆 文 即 策。」然則 雅 己 篆 篆」,是古 單 春 包大篆 中 小 日 執 秋序》: 釋 篆,不言 也 書」 小 日 一札 篆。 器 奇字 也。 文亦 也。 蔡邕《獨 \*\frac{\times}{\times} 王 「小事 謂之爲 莽 不 即即 大篆,知古文、奇字二 **^** 《 日 ) 可 言 改 説 「簡,謂 古 偁 定 古 簡 文 》: 斷 氏 簡 文 大篆之證 古 文 **>** 春秋》云「倉頡 牘 分知 日 而異者,三 文有 連 -: 之 「簡 而 編 畢。 古 己。 六書 策者,簡 諸 文已 故故 牒 簡 本 IE. 也 服 日 乃 書 包 義 云古 造 者 名 日 于 杜 也 云 爲 氏 大 内 爾 大

之所 多寡 簡二 數 諸 中 此 不 字者,脱 十年》傳「 字。 侯 古 字 止 以 不 文校 一簡 測 八字 之策,則當 不 十五字者,脱 容一行字 1 同。 當 若 亦二十二字。 孫 歐 時 之文。」《漢書 八 而 孫 、字以 云左 林父、甯 而服 簡 陽、大、小夏侯三家經文, 林 書之數 父、 耳。」鄭 加 云「一簡八字」者,以《二 外, 亦二 策」, 『衞』字 甯 殖 則當 殖出 注《尚書》 十五字, 簡二十二 • 出 是一 可 藝文志》劉 及君之名,是字 其君」八字 證 其 書 簡 策 一簡 君」,名藏 所受字 日 所 服 或 容 向 也 數 據 者 在 率 以

引下車 下 餼 車 九 一,造 牢 車 也 遣 車 服 九 日 乘。」《禮記 : 下 車 遣 檀弓》疏。 車 也。 ○本 上公 疏

「遣車,一名鸞車。」《車僕》「大喪,廞革案:《周禮•巾車》「大喪,飾遣車」注:

《冢 裘, 與? 其 度 當 巾 廣 君則當包公、侯言之,公、侯既同七个,則 據《檀弓》言 云「天子 太牢,包七个; 之數也。 具」,注:「言車 車」注:「言 放云「下車」 不 車 如 、闕、苹、輕皆 人》「大喪及葬,言鸞 飾 法 如 所 遣 皮 度 飾 法 奠,天 九、服 車 然則 遣 度 今葬 者 車 興 注: 或 遣車 也 子太牢, 多少 。」若然, 革 大夫 也。 有 君 云「上公九」,文異者 莊 車,則 馬。」 七个,遣車 皮 載所 鄭 /,各 公之遺 ^ 亦太牢,包五 車,遣 雜 司 包九 包 如 記 遣 農 則 車 遣 所 車不 云 車 遣 注 裘》「大喪,廞 車之革 个; 奠 包 「言言 七乘」,云 車 是 而 遣 遣 徒 是 諸侯 「絲鳥 奠 不 藏 車 戎 明 言 之 牲 如 視 或 鄭 鄭 者 問 亦 牢 法

■「路」,經解本作「車」。

九 禮 遣 天 牢」,由 子 車 大行 九 九 齊 乘 矣。 是 也 齊侯推之,上公當 人》言上公之禮 侯 服 爵 以 今得 ^ 雜 記 遣 \* \( \times \) 車 「貳 是 七 車 饔 乘 遣 餼 九 車 則 乘 九 視 牢 唐 牢

當 刊 陳 削 隧 也 者 詩 井 堙 泮 木 水 刊 疏 服 日 : 堙

之刊 也 地之皮。」《説文》云:「削 至,令刊陽木 析,破木 説 鯀 堙 亜 文 》: 也。 洪 説 而 水」,是「 刊 文》作 然則, 火之」注: ", 
刻 重 正 也 亜 剟、斫、析、 〕。《作 刊,謂 字,「 云 日 氏 塞 析 堙 破 也 斫 也 俗 夏 去 字 引 又 次 H

于

子産。」本疏

祝

祓

社

司

徒

致

民,

司

馬

致

節

司

空

致

地

服

祝

與

司

徒等

皆陳

人,各致其所

主

皆守 不言 節 主於 徒等 蓋 也 等 兵可 之事 禮 案 此三官之所致者,亦 展 白 0 權 皆 預 : 主 虎 司 兵言 其 爲 劉 小 使 是 彌 而 子産」者、《説文》: 知 空 地 通 祓」, 則 、實當 祀之, 祝 鄭 炫 故 攝 陳 必 者 主 • 保郊,祀 官 謂 節 人」者 爲 能 被 地 封公侯篇》「司 致 從 于 者 之,未 諸 説 社 彌 地, 大師 官皆鄭 服 ·杜 文》 陳 故主 理 以 烖 義 各 以 于 除不 未 兵。」今陳 必 氏 掌釁 先 云 爲長。 以 祝 社 人 愜 是 以 同 人 備 其 等若 者 故 祥 除 IE. 爲「 在 祈 上文數俘之意 官 後 司 致 馬 「 致, 惡 官。 云「各 臆 號 以 節 送 是 主 軍 民 知 己 鄭 祭 爲 祝 往 詣 鄭 ,兵符」 服 有 云 兵, 送 主 劉 祝與 也 此 鄭 于子 此官 詣 致 無 亦 司 説 兵 有 其 是 郊 者 徒 也。」 以 則 寇 以 司 ^ 也 所 理 主 徒 烖 社 通 司 戎 唐

於我 蓋 致 二,足 其 産 民 獻 證 數 捷 致 於 兵 晉 符 是 陳 地 云 致 圖 於 陳 以 鄭 知 示 其 惟 臣 罪 未 服 嘗 授 下 寔 手

本疏。 服曰:「令尹,屈建。」

取

之

也。 也。 也。 規 度 地 地 地 地 Щ  $\Box$ 當 Ш 偃 九 九 九 湻 京 林 藪 豬 Ш 夫 夫 夫 夫 井 澤 陵 鹹 林 鳩 爲 爲 爲 爲 町 也 之地 之 之 也。 藪 牧 數 町 規 原 地 地 澤 防 疆 五 四 湻 九 九 九 辨 牧 町 數 規 疆 鹵 牧 夫 夫 夫 京 而 而 而 而 之 樂 隰 爲 爲 爲 陵 當 當 當 當 墝 地, 皋 辨 鳩 度 表 埆 九夫爲 七 井 井 八 九 井 井 井 之 湻 辨 鳩 衍 度 也 也 也 也 地 鹵 沃 而 而 而 表, 數 偃 當 下 隰 原 疆 當 當 疆 平. 防 豬 潦 皋 潦 之 之 之 之 表 井 井 井 賈

> 爲 衍 井 有 溉 本 日 疏 沃 衍 沃 之 地 畝 白 爲 夫 九 夫

言 散 是 自 阜 爲 得 案 叔 疏 也  $\Box$ 積 民」、《 也,《 所 藪 引李 文 阜 人 之京」郭注「人力 于 人 則 石 則 築 力 爲 澤」,虞注 田 Щ 京 藪 大 所 絶 巡云 藪 林 淮 昭二 釋文引《韓 陵之地」者 阜曰 Ш 高 澤異 爲 即 之地 是 南 邱 「藪 澤 竹 + 天 陵 **^** 澤 也」、《詩・ · , 木 者 年》 ,澤之别 生 爾 覽 ^ 説 日 周 大 雅 冥 也 · • 所 詩 水 林 文》「藪, 禮 藪之薪 訓 陵 周 作 爾 所 章 禮 京」「丘 》「築重京」,則 日 名也」; 釋 雅 鍾 句》 皇矣》傳「京,大 太宰》「藪, 藪 阳 水水 地 説文》云「京, 蒸」、《 云 大 0 澤 釋 大 \* 希 司 澤 之 李 Ш 禽 並 日 徒》  $\leq$ 詩 獸 若 也 地 巡 藪 大 絶 居 以 對 . 注 注 陸 是 大 財 文 傳

『湻』 書 彊 爲 平. 名 以 埆之地 之鹵。」今「湻」「 也。 隆 鹹 昔舜 周 儀 也 士 堅者 東 高 封 也 禮 禮 地 作 景 方 安定 當 釋 陵 世 壤 耕 湻 • 獨 帝 作 Ш 肥 激 言 于 草 鹹 者 特 鹵 高 有 紀》 饒 詩 墝 地 歷 人 地 之 牲 100 大 鹵 土 亦 上 \* 相 釋 埆 Ш 即 饋 地 高 名 郡 縣 一大阜 鹵 文》 讓 <u>\_</u>, 彊 废 以 ^ 疆 食 0 或 朞 而 阜 説文》: 者 樂 並 聲 矣。 几 禮 東 引 淮 年 或 墝 字 阜 用 轉 舉 平 日 方 <u>~</u> **>** 浦 磽 南 而 韓 下 湻、 鹵 陵 最 蕡 者 也 謂 陿 本 子 湻 鏜  $\mathbb{H}$ 詩 當 爲 大 之彦 者 斥 鹵 作 屬 ^ . 沃 無 章 陵 陵 注 注 有 爲 争 原 疆 西 所 句》 矣。 西 磽 注 聲 疏 陵 處 隆 道 方 潦 農 疆 西 方 0 之轉 正 墝 彊 訓 云 也 今 樂 方 桑 則 鹹 ^ ^ 字。 樂 誤 埆 湻 墝 文 漢 湻 謂 釋 毄 地 兀

空, 都 注: 作 孔 訓 畜 爲 潦 威 貢 下 内 大 偃 梁」, 縣  $\approx$ 皆 0 以 有 0 豬 疆 注 瀦」。 疏 名矣, 北 被 對 水 蓄 之 : 墝 至 偃」,今時 鄭 舉 潦 , 孟 굸 , 地 注 埆 磽 流 司 于 其 豬 墝 ^ 周 故 謂 謂 農 者 水 名 賈 豬 <u>\_</u>, 埆 爲 不 磽 禮 偃 古文以 之 云 · 0 與 野 訓 史記 同 訓 确 之 , 周 謂 水 「梁 波 此 • 之。 禮 異 與 獨 兩 之 也 稻 潦 瘠 水 . 者 言 水 爲豬 畔 . 薄 人》「 疆 經 夏 堰」矣。 以 偃 歔 通 鄭 也 以 疆 中 樂 本 > 墝 也 人》 野 作 0 衆 以 内 Ш 央 都 紀 0 賈 也 類 以 潦 林 瀦 有 都 通 掌 野 偃 以 作 爲 相 聲 水 蓄 豬 澤 水 藪 水 以 又《 0 從 相 疆 水 爲 疆 在 被 爲 時 則 澤 ^ 近 也 栗 文 武 界 禹 或 明 鍋 歸 歔 是 以

選 爲 隄 注 大防 地 是 水篇 元 云「墳 云」墳 年《公羊 每」,皆言上 云「于胥斯原」、《 釋名 阚 一一防 年《公羊 隄 防 偃 雅 「下者 下 秋 亦 之上。」《 防之間 豬 大 注 得 興 淫 涯 豬 . 釋 釋 皆 耕 賦 防」、《詩 也 日 -傳》曰 ₩ El 地 謂 邱 受 旁 水 耨 平之地 隰」,又 注 稻 | | | | | 下 水之 隄也。」 ●蓋 失之。 ,本分言之。 上 澤 笺 日 水 濕 下平 僖 人》 所 云 平. 之 <u>二</u> 口 地 日 田 聚 常 云 可 澤 日 地 種 下 日 謂 「隰皋之地」者, 武 日 陳 食 中 原」、《詩 穀 八年》傳 皋」,《 之 隰」,《 高 以 \* 原 者 者 屯 有 隰 者 都 Œ 平. 鋪 防 其 防 日 E. 日 也 淫 義 尤 敦 史記 止 隰 兵 原 之 爾 亦 · 公劉 謂 淮 也 可 水 于 ^ 地 原田 都 雅 日 釋 此 種 墳 淮 昭 李 瀦 • 。 丘 者 丘 文 傳 元 巡 鄭 水 釋 昭 原 每

> 沃」,《 里」,《 注 爲 周 地。 <u>二</u> 古 武 也 沃 周 平 隰 本 日 紀 切 土之 則 江 語 下 下 崇云 賈 紀》 土 臯  $\leq$ 臯 西 説 皋 經 以 平 之有 平 集 猶 民 之 京 文》作「洪」,云「 音 河 辨 水 間 解 其 而 日 賦 廣 義 瀕 者 旁 廣 引 衍 度、 有 水 衍 地 漢 四 長 唐 原 可 河 地 者 是 鳩 是 也 書 引《 者 隰 古 溉 溢 沃 隰 之等 也。 爲 此 並 衍 • 野 者 ; 皋 通 衍 同 與 地 泉 沃 「有 豊 爲 陸 皆 漢 俗 · 也 皆 理 溉 沃 蓋 大 爲 , 司 書 文》 志 灌 近 皆 矣 溉 Œ 注 司 下 地 馬 . **>** 言 也 水 平 義 日 徒 賈 名 相 沃 溉 沃 窪 史記 引 其 而 魯 鄭 Ш 如 肥 灌 野 引 下 溼 顔 注 傳 之 以 千 申 美 日 師

- 「旁」,經解本作「防」。
- [爲」、《春秋左傳正義》作「謂」。

之度、 陵 者 度、鳩 井 泉 六、 鹵 爲 豬 林 其 夫 云井 沃」,爲 是 周 則 則 極 之地,各以 日 數 法 田 湻 Ŧi. 禮 食貨志》云 稍 力九 者 此 磽 仍 野 可 辨 方 而 鹵 鳩、 賦 之地 井 肥 也 耕 本 經 當 小 度 税之差品也。 矣 疆 辨、表 者 井 界之名。 爲 表皆以 司 當 里是謂 故 潦 法 多矣,故 者 肥 徒 故 故 牧之名, Ш 磽 》一件 一若 磽 通 通 井 皆是 數 所 林 有 多 九夫計 率 率 九 謂 亦 等 藪 Ш 以 少 牧 此 九 四 夫」,此 因 林、 因 澤 與《 殺 爲 至 其 準 云 而 小 而 町 地 地 雖 數者 一二牧 差」,若然,則 田 當 平 藪 周 故 當 搋 牧 以 司 因 野 澤、 地 禮》 謂 通 減 立 隰 徒》鄭 地 ; 牧 爲 平. 率 也 當 原陵、 名矣, 合 原 藪 異 皐 食貨志》 明 而 法 八、七、 土 名 防、 井 井 注 當 若 可 則 井 也 京 湻 亦 隰 偃 Ш 其 以 其 推 衍 牧

> 井 百 徒》注。 云 爲 濕 夫」, 與 臯 九 賈 之 一司 司 夫爲井」,亦《小 地 義 馬 九 法》文, 知 夫 古 爲 制 牧, 見 相 司 傳 周 徒》文。 如 牧 禮 此 而 當 小 畮 司

太子 二十 六年 傳 書,舉 殺 子 叔 重 者。」本 及太子 角 服 日 : 殺

角

不

惟 也。」 君 之下 子 子 剽 而 舉 及 世 并 不 輕 也 重者」, 并 陳 愚 輕 子 殺 殺 非 故故 按: 侯 世 於 太 謂 亦言 IE 之弟 大 子 世子 子 當 以 義 一一 夫 角 書。 大夫 君 侯、宋公之殺 世 曰 招 也 概 不 子 殺 若 書」者, 可 重,故 亦 按 陳 大 孔 輕 此 當 世 益日 夫 父、 殺 也 子 書 侯 既 經 謂 太 荀 不 宋 書 祇 世 皆書 子 至 不 息 荀 於 書 書 角 子 得 公 之 二弑 所 息、 經 于 經 殺 爲 徒 大 經 孔 其 殺 舉 則 弑 其 子 則 也 父 叔 者 世 君 弑 君 世 重

或 專 戚 禄 是 是《春 叛 孔 夫言及。」知君 父、荀息之賢,則舉君之弑 以 也 爲 、《公羊傳》云「 周 及者何? 專 秋 旋,戮 既 禄。」本 叛 特 衞 例 也 尊 9 累 亦 亦 其 也。」何 不 不 何 常 服 臣 得及臣 例 以 曰 : 於 書 則《 休注:「上 晉 ,不得不 ? 公羊 專 自 賢 子 禄 謂 角 也 傳 及矣。 若 謂 既 下 小 以 無 又 古

於 叛 則 戚 地 也 如 解 楚 若 愬 傳 如 正 若不 於晉 之 不言 晉 不入 亦 也 0 義 不 處 歸 屬 以 愚 晉,晉 服 日 魚 有兵 --邑、儼 戚 言 按 晋 石 歸 不 於 : 其 則晉 何 復 晉 經 彭 意言專獨 以 故 臣 何 稱 城 晉 則 戊之。 於 以 被 者 之附 傳 孫 晉 戍 衞 然。 言 林 之? 侵 有之, 庸 晉 而 父 是 如 於 自 又 人 反 愬 晉 傳言 衞 處 爲 于 不 丘 於 者 爲 之疆 其 戚 明 晉 屬 叛 實 以 以 以 人

> 非 之 戚 也 放故 也 間 田 是 日 故 「專 晉 日 亦 禄 附 周 庸 旋 爲 視 其 之, 不 孔 屬 實 以 未 服 臣 般 義 屬 桓 爲 于 短 或 晉

取 六十 衞 西 邑。 鄙 懿 本 疏 氏 六 + 以 與 孫 氏 服 日

言爲 井 案 井 + 一十一萬六千 孟 牧 邑 子》一方 是。」 ^ 則 蓋 其 周 田 禮 百 白 野 里 . 四 四 而 小 畝。 ++ 注 井 司 井。 井 方 徒 井 正 計 **>** 九 + 云 義 又云 方二十 白 里 云: 四 畝 爲 乃 井 計之, 劉炫 四 經 爲 成 里 土 邑 以 得 積 地 , 服 以  $\mathbb{H}$ 白 而

作「嘉樂」。《詩序》「《假樂》,嘉成王也」,案:今《詩》作「假樂」、《禮記•中庸》引

字 燕 嘉 朋 傳 晉侯言之,則 樂之意 樂」者,非晉 友。 云一假 作 自 「嘉」 也。 成 嘉 也」,則《詩》作 王言之, 朋 侯自以爲嘉美,蓋言遂其 友爲 晉侯 同盟 賦《嘉 則朋 矣。 友爲 樂》,蓋 「假」者, 云「晉 羣 臣 取 侯 假 燕 借 自 自 及

宋芮 司 徒。 服 曰 : 「 宋大夫。」《御覽》一 百 四

宋伯 生女子,赤 姬 也。」同 服曰 而毛,棄諸堤下。 : 上 「其身色赤而生毛也。 共姬之妾取以 共姬

案 : 《成 九 年 <u>.</u> 經 伯 姬 歸 于 宋」, 即 共

姬

也

平 子 公人夕。 上。 服 日 : 視夕也。 平公,恭 姬

案: 朝 夕至於大寢之門外,問于内 禮 記 • 文王世子》載世子之記 豎 日 日 :

> 公見 也 棄也而 。」是世子有視 視之尤。 服 日 : 尤, 過也

夕

夕禮

今日

安否何加?』注

朝

夕

朝

朝

暮

意悦之,故視之過久。」 同 上。

案: 久」,所 《説 謂 文》: 覺 也 覺 注 目 視 也 」。」此「 視之過

狠 姬 婉 嬖,生佐 日 御 :「公嬖 禮 納 順 案 戾 諸 也。 . 不從教。」同 女御也。 《獨 内 御 悪悪 宰》以 佐 棄 斷 貌 而 而 服 惡 九九 婉 生 婦 日 上。 心 佐 妃 : 職之灋教 太子 順 而 佐 妾 納之平公之御。」同 御于王, 太 接 7 痤 子 于 爲 美 貌 九 寢 宋 而 因 御 美 日 元 以號 狠 注:「 御 而 心 焉 狠 婉, 上。 周 服

並 順 案 者 云「順也」。「很,戾不從教」者,《説文》 立 爲 宋元公者,從 新 臺》「燕婉 其後言之。 之求」傳、《説文》 婉 爲

戾不 云: 狠 不 見 從教之 很 過 聽 很 不 从 戾不 證 更, 也 聞 從 故《 諫 日 一百 愈 也。」 盭 語 甚 也」、《莊 》 宵 謂 之很」, 也 很 子 注 皆 • 爲 亦 漁

也。」同上。 服曰:「合左師,向戌

官。」 牆 寺 日 戾名。 悪牆 同 寺人,宋 上。 、伊戾爲太子 〇本 以公寺人爲 疏引 閹 惠、 士。 伊二二句 惠 内 太 師 伊 子 同 而 皆 内 惟 無 無名字 發 師 寵 聲, 長 掌 實 爲 内 服

其賢 注 侍 官 案: 也 内 也 小 寺 寺 間。 奄, 惠 臣》一奄上 人爲宋 此 精 伊 舉 當作 王 爲 氣 閹 之 閹 發聲, 閉 士 士 奄 正 士 藏者, 釋 四 者 内 實 寺 人」注「奄 五 , 爲牆 人不 今謂之宦人。」又 周 酒 禮 注: 戾 人》「奄十人」 必 稱士者 是 天官 名」者,古 一寺之言 異 其 • 序 賢 異

> 之官也 聲 以 監 諸 之, 箋 釋詁》云「 人 云「欲 知太 侯之官 呼名往往有 「長」釋「師」,服 義 疏: 未 子 聞 見 師, 内事 有寺 齊 也 或 有 官也」,蓋爲太子監 君 發聲助之,今以 人也。」正 ^ 寺 爲 者 詩 人 在 云「掌内官」、《 必 貂 内 車 晉 先令寺人 人之長 鄰 義 有寺 》「寺人之令」 曰 : 惠 也。」正 伊 使傳告 公使 知 廣 披, 内 雅 爲 義 之 是 發 事

則 子 由 在 都 案: 常 今平 馮 宋 商 時 道 聘 都 丘 楚 陽 于 在 也 而 云日 府 都 達 今歸 不 曲 郢, 沃 ·假道 德 宣 在 縣 府 今荆 + 西 于 商 四 南。 鄭。」 丘 年 州 縣 **>** 府 楚 傳 是由鄭 聘 江 晉 陵縣。 晉 亦 遷 或 達晉 新 使公 亦 田 口

十三年 夫 無 不 寵 惡 于 》傳 太子 女乎 疏 引 故 ? 夫,謂大子 日 服 夫 也 H 不 惡 夫 女」。 謂 太 同 子 上。 伊 **○** 戾

師 縱 也 有 當 共 其 爲 外 内 師 莫 供 共 内 其 使 内 彻 \_0 同 服 上 : 言 我 内

加 微 書 驗 微 書 盟 而 騁 書 告 也 公。 騁 馳 服 日 百 : 上 以 書 爲

其 注 而 掌 埋 辭 盟 徴 之,謂 于 徵 載之法」注 策 驗 驗 者 之 殺 · • 也。」「 載 牲 書 書。 取 . 血 載 洪 騁 坎 範 盟 盟 \* 其 馳 辭 念 牲 也 者 者 用 加 , ~ 《説文》 庶 書 盟 司 徵 者 於 盟 鄭 E 書

公日 服 光 Z 武 曰 「騁,直 紀》注 爲 我 速 馳 子 也 疾 直 • 又 也 騁 何 馳 日 求 欲 馳 大驅 疾 代公得 對 也 日 \_\_ : 位 ^ 後 欲 故 漢 速 與

楚

客

共謀

弑

父也。」同

上

案:「速,疾」、《釋詁》文。

公使 佐 皆 同 上。 母: 日 視 棄 古 之, 也 聞 則信 之。 古 久 有 也 焉 服 日 問 久 : 諸 聞 夫 有 太 人 盟 子 與 也 欲 左 爲 夫 師 亂 則

與 可 左 上。 案 師 之」注 佐 之。 未 聞 : 立 期 之, 爲 日 並 小 有 太子 盟 聒 爾 中 云 0 而 雅 佐 固 者 聒 與 母 久 之 謂 廣 讙 也。 語 亦 有 詁 也 未 盟  $\approx$ 0 爲 書 ^ 欲 夫 服 晉 也 人 使 語 日 : 佐 佐 傳 失 臣 聞 者 此 期 太 古 追 時 子 聞 尚 書

案 記 九 也 義 引 > : 廿 樂 説 説 記 文》 文》 蒼 引 **>** ^ : : 蒼 讙 鼓 聒 頡 讙 鼙 篇 譁 讙 言 之 也 語 : 聲 語 <u></u> 也 讙 誨 聒 以以 誨 ^ 切 擾 經 也 其 到 切 音 聒 耳 經 義 禮 耳 孔 音

佐 也 使之失 左 師 知 日 太 中 子 期 與 也 佐 期 日 中 故 羈

其 调 也。」同上。 之言,世子 世 期 子 乃 座」,平公用 縊 無 而 罪 死 而 伊 死,故稱『宋公殺』,罪之 戾之譖 服 日 聽 經書『宋 夫 公 左 殺 師

夫 以 述 世 直 世 明 子 子 罪 稱 經 **^** 事 痤 君 申 在  $\equiv$ ,以宋公之昏,致太子無 者 文罪宋公之旨也 生 」,稱君 + 王 ,甚之也。」然則經書 也 年》 公羊 以殺,是罪之文也。 傳 僖 書 · 傳 》 Ŧi. 日 年 : 日 天 經 . 殺 王 世 殺 宋 晉 罪 公 子 其 侯 被 服 殺 母 殺 弟 總 其 弟 其 佞

樂、 誘 人分中軍 楚 范易行 别將之、欲 良卒 以誘 行,道 從 之。 而 也。 擊之。」本 使 樂 欒 賈 與 爲將 日 范易道,令范先 : 范 易 爲 讀 佐 變

之。 矣。 獻 傳 先 出 結 行首 《成十六年》傳 釋宮》文。《説 郎 行 之「易」者、《攷工記》釋 謂 案: 者、《十六年》傳 也。」行,即 誘 爲道 爲 陣 反」注 子 敘 心伯 奇 也 謂 以 子 泌 楚,欒以 乾 二人分中軍 當楚 一,則 〕、變易 爲 兵也。云「欲使樂 之 桓 同 整 元 子 戰 州 賈 度 戰 帥 軍 日 犁 賈 音 也、不易 》云:「易一 良卒從之」者、《宣 日 道 范 樂、范 ∃ : 文》云: 音 與 師 云 也 白日 杜 不 彘 一歲 衡。「行,道」,《爾 别 將 灓 子 用 讀 : 也 將之」者, 子 更分軍 書 以 命 灓 異、《釋文》「行,户 塞 「道,所行道 文「易,改」是 以 名 將 與 偏 塞井 爲 井 此 誰 中 中 范易道 而 師 將 夷 之罪 讀 别將, 軍 軍 夷 含三 陷 竈 時 從 范 十 二 佐 竈 也 子 中 士 而 爲 一,令范 濟 變 義 罪 使 雅 爕 爲 也 軍 而 年》 佐 也 佐 韓 既 迭 行 疏

釁

于

勇。

賈

日

釁,動

也。」本

疏

備 爲 中 易中下,楚必歆之」,章昭云:「中下, 范易行以 將 子 左 軍之下也。」惟其變易,故云「中下」,以 易行,故 楚,以誘致之,然後 樂、范易道 合《内》、《外傳》參校,知賈義爲長 云「易中下」? 襄 變易」之「易」者,以《楚語 則《 史謂 軍 Ė 從之。」 簡易欒、范之行 + 之下變而 『夫子命從 余 四 或 魏莊 樂、范並 馬 年 語》只須 誘之,實范 則 是晉 - 》傳説 首 子 欲 先 佐 曰:『不待中行伯 傳 之 先 東。」乃 中軍之上。 舉 又 云 示之弱,杜 伐 帥。 樂 將 軍 何 耳。 「易中 秦 先 後、佐 以 制 庸樂、范 之師, 欒 率 良卒 歸。 賈 將 伯 師 軍」足矣, 》説 知「易」 卒少,故先 先佐 若從 吾 以 以 繼 下 此事 日 誘。 並 爲 之,是樂、 帥 軍 乎 舉 簡 韋 後 云一若 也 ??!莊 從 必 欒 乎 傳 何 易 氏 之。 見 是 以 屋 必 犯 此 兵 以

> 案 以 釁」, 釁亦動 動 夸人。』王 語》「三釁三浴之」注:「釁 熏』爲『勳 古音義 軒譽」,是釁爲奮 ・艮》「厲 正 義 也 延 得 一,讀 壽《魯 通 熏 王 也。 作 心 肅 靈 恭 動之意 虞 動 云:『釁 光 冕 0 殿 翻 謹 案 賦 日 是 也。」按:《 或爲『熏』。 謂 》云 『 仡 釁、 爾 0 自 雅 荀 矜奮 \* 熏 氏 奮 獸 勳 齊 以 釁 以  $\Box$

案:高 以 春秋》於取及反皆諱 廩丘 魚 奔 無 晉。晉 備 爲齊 人 貪 鳥 之, 之,不 餘 非 所 書 盟 襲 於 主 取 策 之道 且. 也 烏 故故 餘

● 「艮」,原作「震」,據《經解》本及《周易》改。

二十七

年

傳公喪之,如稅服,終身。

服

日

服 衰 麻 税 E 服,二字从宋本 除 日 月 己過 增 乃 服 聞 之 喪 輕 而 者 服 本 是謂 疏 税

案 言 公若 當 父税 以 乃 服 矣。 税 小 肅 不 同。 衰 之 記 服 聞 議 期 疏 故 疏 喪, 衰 喪 依 及 孔 》云「生不 爲 耳 へ檀 限 云 爲 爲 疏 彼 允。 麻 而 9 云 税 弓》小 税 E 内 何 税 此 服 云 不爲 税 禮 則 也 聞 傳 以 服 服 日 若 是 疏 否 喪, 得 税 税 疏 法 及 此 功 有 限 輕 喪 按 Z 祖 亦 注 但 其 則 税 大 異 内 不 注 者 謂 義 父 服 如 兄 斥 聞 功 税 此 何云『 或 税 母 殘 弟之 與 服 喪 以 喪 是 前 注 也 税 、諸父、昆弟 爲 鄭 日 上 云 與 後 税 則 讀 輕 司 ? 服 服 然 服 其 服 追 不 税 如 也 日 之 不 服 爲 全 則 愚 與 説 0 輕 月 小 無 服 還 與 服 追 相 按 IF. **^** 不 者 己 功 喪 服 當 禮 是 之 時 過 口 调 邨 杜 齊 輕 之 則 服 義 相 ? 而 而

者 半。 服 非 服 旁 乎 服 子 繐 子 氏 故 也 也 而 ? 喪 希 期 用 至 也 衰  $\Box$ • 何 者 大 注 又 本 尊 諸 細 傳 税 也 蓋 居 見 也 其 侯 功 無 服 云 ? 可 税 子 乎 20 : 獻 縷 章 論 禮 之 即 不 以 爲 鮮 諸 是 公于 者 大夫 \* 之 如 治 服 繐 禮 喪 諸 繐 侯 繐 變 繐 杜 其 , 今仍 以 也。 之 于 侯 衰 衰 之 子 也 衰 氏 爲 縷 恩 晉 大 正 爲 者 鮮 大 裳 説 天 如 ^ 輕 公公 夫 也 諸 追 何 喪 孔 親 夫 牡 子 小 也 服 改 服 侯之大夫 ? 則兄 服 氏 不及 麻 功 以 天子 易 但 之, > 執 前 經 傳 升 時 以 于 傳 繐 當 也 杜 數 故 接 日 小 之 禮 既 字 衰 成 以 時 少 : 日 見 功 諸 服 以 葬 裳 尊 布 者 且 難 而 乎 之 除 縷 侯 服 則 服 何 如 几 服 服 税 之 君 天 升 繐 之 喪 絶 天 細

仲尼使舉是禮也,以爲多文辭。 服曰:

子聘 本 以 其 辭 多 文 以 辭 孔 氏 故 有 特 其 舉 辭 而 用 故 之, 傳 後 不 復 世 載 謂 之孔 也

以 所 語 事 也 聘 前 見 以 有 書 後世 載 己 傳 也 享賓之事 載 之聘 既 聘 謂 云孔 云一多 辭 之 辭 中 孔 者 故 氏 子 文 故 聘 此 有 聘辭 辭 不 辭 事 其 復 亦 所 辭 而 述 舉 者 採 篇 故 也 列 當 服 内 傳 非 據 此 不 不 當 是 述 復 事 享 其 載 時

之。」本 不爲 也 故 伯 夙 不 魯 人私 書 疾之非 疏 其 族 服 雖 公,言違 以 也。 : 違 伯 命見貶,其於尊國之義 命 服 厨 也 日 ,晉大夫。」本 叔 賈 孫欲  $\Xi$ : 尊 叔 魯 孫 或 得 義

時 行 事 季武當 之宜 叔 孫 國,名曰違公之命,實則違季 故 以 邾 日 滕 義 屬 也」。 人, 不 魯疾之」者, 肯 視 之, 是 武 得

> 之微 旨 甚 以 之非 之命 實 列, 然 事 傳 以 私 子 311 矣。 得 去 意 則 能 言 者 附 公命」, 無 庶 旨 尊國之義 也 罪 季 斷 出 歸 族 季 乎 故 今叔 邾 不 也 0 叔 武 于公也。 宏旨 武 命 示 能 孫 之意 此 服 詭 史 子 貶。 滕 尊 孫 云「言 以 隨 氏 爲 使 遂 或 以 違 服 以 去 據 謂 去 本 人 體 叔 魯 命 其 非 辱 其 丘 之 違 族 魯 叔 孫 與 者 敘 違背 雖 或 族 明 命」, 私 孫 史 示 宋、 欲 叔 乃 體 舊 所 貶 以 舊 以 尊 使 經傳 孫 衞 魯 史 故故 所以 述 公命」,以 文,箸之于 疾 魯 與 魯 史之意 爲 上云「季 阿 之也 正得 或 盟 史文 論 視 匹, 順 證 不 · 正 情 之, 季 明 得 論 如 經傳 孫 爲 魯 武 見 辱 見 與 非 事 此 盟 命 史 臨 或 孔

爲賓, 趙 孟 是燕之恒 爲 客 禮 何必云「楚之君」 服 : 楚此 耶 疑 君 字之誤 恒 以 以 大 大 夫 夫

歃 爲 賓 爲 者 盟 大大 主 故 夫 卑,雖 尊 趙 孟 尊 爲 之, 客 猶 本 遠 君 也 楚 先

酒 降 賓 賓 宋 君 義 文。 與 爲 與 案 也 公 大 公以 ) ° \_ | 夫 卿 太 此 賓 大 也 而 聘 爲 賈 者 夫 爲 注 注 相 燕 堵 聘 以 ^ 楚先 禮》 賓 賓 疏 燕 云 同 近 禮 禮 魯 父 趙 亦 而 K 爲 有 語 雖 公卿 夫 口 孟 . 歃 . 大夫 以 是 記 記 卑 客」,是當 》云「公父 尊 證 爲 燕 大 按《 尊 不 **>** 之, 尊 楚 **>** 賓 日 爲 以 雖 云 夫 爲 用 君 矣, 禮 E 尊之,猶 猶遠 爲 賓 與 猶 盟 公 燕 之 記 介 復 賓 時 卿 ^ 主 文 卿 則 爲 燕 楚」 於 注 爲 以 燕 大 爲 伯 上 燕 賓 故 禮 君 爲 疑 夫 則 遠 賓 爲 介 君 飲 不 義 一,示 **>** 賓 燕 世 大 于 以 南 爲 不 但 以 **>** 恐 飲 燕 夫 云 君 畏 明 以 大 賓 則 宫 比 子 逼 爲 也 之 大 猶 敬 夫 逼 尊 嫌 楚 木 不 賓 夫 爲 君 誤 稍 爲 之 以 叔 與 ;

之 若 常 謂 典 服 自 之 子 此 楚 孔 E 夫 此 包 大 時 文有 當 木 然 禮 失 故故 宋 要 意 氏 爲 氏 酒 夫 宋 主 以 乎 以 不 援 時 帖 既 則 臧 此 ? 杜 意 不 又云「 据 服 細 楚 然 尊 肯 公 紇 歃 不 君 耳 勘 爲 云 乎 禮 敬 之妄 盟 申言 爲 下 復 以 恒 至 ? 盟 服 伯 服 客 楚, 經 之 客, 此 以 屈 欲 模 義 主 之, 主 也 時 云 尊 則 大 建 劉 稜 即 耳 審 之國 此 夫 晉 兼 遽 光 爲 楚 之 趙 非 坐 退 察 實 由 享 賓 伯 爲 云 語 謂 先 孟 楚 不言「宋以」者 就 所 時 違 于 者 晉 賓」之文,義 乙 故 楚 歃 既 賓 氛 此 尊 事 袒 棄 竊 : **\$** 爲 人 甘 位 賓 其 楚 享 古 杜 所 故 盟 爲 知 趙 讓 兼 惡 大 宋 惟 禮 未 過 其 季 主 孟 主 趙 人 夫 爲 享 T 甚 説 二者 贵 孫 孟 爲 也 何 ; 晉 主 不 足 以 燕 異 飲 謙 賓 遂 口 理 若 出 楚 使 享 於 致 非 乃 相 實 爲 大 抑

769

爲允愜耳。

公爲 宜 太傅也。」本 其 戎右 光 輔 襄、 五. 君 靈 一、以爲 爲 大夫,成公爲卿,景公爲 盟 主 也 服 日 : 文

書》注。 服曰:「簀謂之第。」《史記·禮

或謂 是加 歟 案: 注 炎 从竹,或即以竹爲之。 物二名,牀棧、牀版亦是隨時 云: 第、牀 簣, 云 鄭注 「牀,齊、魯之間 之第。」《 之於牀 牀 「第,牀也」,本《方言》爲説 加州 簣謂 棧 云「簣,謂牀第 也。 也。」《 版 之 第一,《 方言》是 非 也 《 禮 即 説 以 記 文》云「簣, 爾 謂 牀 荀 曾子命易 舉 雅 之簣,●陳、 爲 也。 子 檀弓》「大夫之簣 大名,傳 . 簣 釋器》文。 也。 禮 是簣、第 殊稱,其字 牀棧 簣, 論 《方言 耳。 疏 楚之間 引 也, 則 注 簣 郭 考 孫

> 不 請 第爲簣 戰 席 免死之邑也。」此 案: 杜云: 「欲宋君 免死之邑。 於牀」及「置 儀 止兵,不鬬,民 一,爲漏 鬭,自矜其功,故求免死之賞也。」本 禮 . 水也。 襢 士 第爲 喪 冰牀 禮》 服 免於 設冰無 去席 下,皆 日 及《 即 一一向 稱 死 服 喪 、席,爲 功加厚賞,故謙 義 孔 襢 大 殊誤 戌自以止兵,民 疏 記 第 正義 云: 通 | | | | | | 寒氣 鄭 申 凡 浴 注 也。 服 時 皆 浴 謂 無 以 P

罷也。」本疏。 服曰:「弊,踣也,一曰

案 之道 肅、 弊」, 董 釋 掩諸侯也。 王 遇 肅、 文》云:「蔽, 並 作『弊』。」 董 遇 杜本作『蔽』,當如王、董 本皆作 正 必 義 『蔽』,謂 世 反。 日 : 服虔、 服 以 本 誣 作 王

<sup>●「</sup>齊魯」,原作「陳楚」,據《方言》改。

國家 年 覆 竄 王 即 當 文》與 董 董 爲 此《釋言 經之誤。 正 漢 禮 蔽」矣。 者, 易耳。 一、董説 爲 》傳 遇 爲 王、董義。 義實同 『蔽 書 一枚 「蔽,句。 少 不 杜 有 正 掩之也』。」案:王肅、董遇本、《釋 是「斃」「踣」同 (儀) 「師 能起, 義 文。 以疏之,各本皆作「蔽」,沿 本 高 以 服云「 疏 正 皆作『蔽 異,若杜 帝 中「敝」作「蔽」,則因正文而 義 若 或 Œ 正義 掩 實 紀》 故 亦 義 斃 孫 役 弊, 之也」。 以 作 ∵,《襄 兼 日 炎 以 日 集 杜 本作 踣 一,不 杜 覆亡之義。 日 「杜本作『蔽』」,「 罷 蔽 注 本 義。 也」,謂 : 于此 + 句。 -, 罷 作 一前 注 蔽 必 則 敝 讀 文無注,故采 蓋 當 年》傳「踣 覆 罷之言罷 别 」、《釋文》與 弊 「掩之也」, 」,當如 曰 云王 出 日 日 與 宣 杜 罷」者, 踣 疲」 游 + 唐 本作 蔽 同 王 肅 勞 其 五. 前 ; 石

引簡 周」、《 近,故「斃」亦訓 日 也」、《莊子·齊物論》「茶然疲役」《釋文》 弊。罷 文注「疲,病 齊策》「不如南攻襄陵以弊魏」注 也。 一罷」。 困之狀」、「斃」「罷」聲 《西周策》「兵弊

並

士

相

告盧 屬 。」《齊世家》注 蒲 数。 賈 日 : 嫳, 齊 大夫 慶封 之

爲 秋 案: 于 其縣大夫, 時,仕于家者,亦 衞 慶封之屬 完 十 一 其 妻與 則 年》傳「 其 其 屬 (家大 也」、《 稱大夫,故 夫謀 絳縣 檀 以 人年長 弓 殉 \* 知此 葬 陳 矣。 子 大夫 是 車 春 死 問

## 春秋左氏傳賈服注輯述卷十三

嘉興李貽德學

襄公

枵爲 温 二十八 無冰。」本 陰。 年 傳 歲 陰 乘 不 陰, 堪 陽。 進 至 玄枵, 服 日 -陰 不 歲 勝 爲 陽, 陽玄 故

天,太 周 月 虚 之妖祥」注「歲 案:《保章氏》「以十有二歲之相 斗 也」疏引孫 」,是歲 所 歲 建 爲 爲 之 陰 陽 炎曰:「 辰 謂 也 左 也 太歲 行 ^ 爾 於 歲 虚 雅 地 歲 星 在 星 爲 正北,北方色 釋 + 與 陽 天》「玄枵, 日 觀 歲 右 同 而 行 次 天 下 於 小

者,即 也。」《 未明 今加 右 十二 元占 是 也。 也。」 玄, 須 日 出出 淮 淫」字,正 女八 「玄枵 行 死 南 故 天道 服 玄者, 邵 月之時 凌 歲 經 小 上 未 . 日 意也。 度至危十五度,於辰 次 于玄枵之次,故 氏《正義》曰 . 文「歲 爾 氾論 爲 有 玄枵。 多 準 歲 周 義 雅 黑北 陰 生 之, 在 天。」《 星占篇》:「歲 據 訓 陽 者 . 西 歲 也。 在 下 》一彊 廣 距 氣 北 既 枵 星 天 言》: 方之色。 此 在 \_\_\_ :「《分野 蛇 之言 + 越在 地 紀, 弱 歲 下 + 乘 八 空 是 相 , 而 乘 服 龍」之文以 玄枵之次,是以 年 虚 陰 耗 年 年 乘,淩 乘」注:「乘,加 淫 陰, 以 星 故 歲 **>** 氣 在子,爲玄枵 略例 枵者,耗 乘 于玄枵」也 耗 傳 歲 進 當 在 星 訓 曰 一晉 上,萬 也。」《開 至玄枵 在 在 行一次 \<u>\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_\times\_</u> 一玄枵。 虚 規 星 之 董 傳 也 紀 文 叔 物 意 自

陽 陽 乘 氣 之而 温 陰勿能 易 . 勝矣。 坤 》象 辭 《論 履 衡 霜 . 堅 寒温 冰 篇 陰

也。 年 卒。 不 始 故 本 凝 幾 至 日 疏 昭 + 也」,今温 四 不 年 年 幾 + 楚 無 年 靈 服 冰 -0 王 日 是 合 : 是 陰不 諸 一此 謂 侯 7 行 勝 于 也 陽 年 申 不克 距距 也 楚 康 今八 征 王

舍不爲墠 除 墠 逆 也 田 若野 者 草 女 一十年 墠 鄭 與 則 於 賜之,是委 É 墠 服 注 讀 鄭 杜 一肅 矣。 義 爲 本作 不克征」、《易·復》爻詞 本 祭 鄭 服 同 墠 作 法》 ^ 人 日 祭法》「一 也 『壇 君 壇」、《正 請 0 昭 云 貺 除地 墠 ^ 元 於 説 封 而 年 聽 草 解 義 文 土 爲 壇 莽 命 傳 云 墠。」 **>** 》云:「服 日 : 也。 墠」,《 壇 除 楚 楚 本 墠 地 除 是 公子 疏 書 野 野 地 本 坦 韋 地 土 作 :

文, 傳 讀 謂 草 大 伯 又 地 壇 金 言壇。 下 云『壇 今文,其 壇 壇』、《左傳 之墠 夫 舍 日 町 音 言『草舍』, 以 縢》云「三 墠 則 是古文,「壇」是 相 如 : 町 而 無 古通 杜 除 楚, 者」, 先 義 襄 墠」, 義 本 墠』者,皆封 乃 地 君 則 二十八 作 不 舍不 壇』『墠』字異 則 》亦作『 町 正 壇 爲「 蓋 ^ 適 可 並 明 「壇」是古 町 詩 義 同 古字 乎?」」上言『舍 爲 几 知 爲「 墠」也。 者」。。偏檢 墠 • 日 年《 或 壇 壇 壇」,其《 東門 除 墠 得 土 者,除 毛 左傳》云『子 未 壇 地 文 者 通 外 以 嘗 之古 之 與 謂 ^ 用 而 僕 爲 服 也 左 不 墠 墠 地 也。 諸 此 之 言 東 本作 爲 氏 文,故 似别 作 壇 去草矣, 本,字皆 日 傳 門 不 壇 正 (傳》亦 按《 除 : 壇』字 之壇 爲 産 義 墠 ; 其 墠 字 詩 昔 壇 今子 相 地 日 作 爲 故 爲 者 先 除 實 鄭 毛 :

之處 異,至 猶 義 壇 除 金 按下 是 識 地,草穢 縢 所 猶 其 也 文『作 云 云 鄭 址 存 0 焉。」 墠 注 明 此 尋 可 壇 不 云 孔 知 生,不足以 證 鄭 足 以 壇 氏 墠 昭 去 昭 者 申 時 非 其功、 周 示 杜 爲 除 不 公 後 抑 壇 能 昭示後 地 時 人」, 説 服 昭 示 去 墠 E 其禍』,若 後 故 草」之言 越 于 人。 也。 與《 千 豐 亦 餘 未 詩 壇 杜言 年 確 墠 違 IE

家》注 齊 舍,慶封 慶 封 好 之子 田 而 也。 耆 酒 生 傳 與 其 慶 舍 職政與子。」《齊世 政 服 日

本疏。 吴句餘與之朱方。 服曰:「句餘,餘祭。」

案: 吴。 書 來 在 杜 讓 至明年 十一月之前 不 以 爲 容多 夷 五月,餘祭始 末。 日,計 計 考慶封以冬來奔, 時 當 是 在 年 爲 十月間 尚 閽 口 弑 由 也 中 魯 齊 間 至 經

> 末 十 新 是 四 予慶封朱方之縣 「王餘祭三年,齊 九年 即 五. 餘祭,非 位 經 月,豈 一,使來 吴子使札 夷 不能予 通聘。」本 末 也。 以 相 來 聘。 慶 邑處之? 爲 史記 封 奉 自 邑 賈、 齊 • 吴世家》云 與 來 服 是句 服 犇 義 吴,吴 餘 合 夷 必

傳 馬 與 炮夥,清 下段氏 人『多』『祇』同 周 祇 同,音之是 『多』爲 見疏 易 正義云:「晉 》。无 注云: 計動多。 也 韻 祇 悔』,《 反。』此讀『祇』 音。 此 服 皇 凡 類 日 恩 假 張 衆 釋 宋 溥,洪 借 衡 文》云 矣。」《説 不祇 杜 必 本皆作『多』,古 西西 適 取 德 京 也。」本 爲語 諸 文 施」。 賦》云『炙 祇 司 辭, 部 辭 祇 疏 施 也 字 適 如

**五** 字从 皆从 典 字 編 法 義》十 襦 此 顔 也 也 祇 詩》《祗 音支 説 石 又 从 服 師 自 經 云 以一祇敬 ^ 衣 經 衣 也 爲 古 衣 歟 Ŧi. 廣 四引《字 闘 文 ? 二,不 祇 之,是 注 訓 正 攪 韻 經文字》 則 衹 而 字 贵 有 竇 用 我 適 按 既 • 唐 西 訓 師 网 嬰 之「祗 張 心』、《論語 五. 段 反 平』、《左傳》『祗 或 時 衣 爲 苑》「祗 古 音 傳》 多《字 與 支》『祗 説 謂 从 始 適 部 太宗 廣 唐 之 衣 則 訓 日 **>** 作 韻 音 以 樣》。 衼 日 者。 服 衹 適 朝 竇 祇 》作『 前 岐  $\cong$ 一祇 禂 三見兒、 本 也 製 刊 章 衹 字 亦 《方言 適 當 」,《一切 神 定 移 傳 一,别 而 祗以 紙 合。 也 孫 作 止 經 祇 切 張 見 師 音 奕 籍,皆 移 者 之 于「祗 之移 參以 \<u>\</u> \<u>\</u> \<u>\</u> \ 近 祗」, 疏 適 古 異』,字 切 是 支 經 示 世 祇 謂 也 也 反 也 前 音 借 用 兒 汗 其 經 祇 適

> 歟? 謂 支」,非「多」字,豈 E 云「適足自見其不知量 多 義 多」與「 引《 作 《論語》「多見其不 西 敍 衹 京 賦 同 引 **>** 也 ^ 清 孔 廣 所 酤 雅 也」,以適 見 多」,今《 知  $\approx$ 本 量 敍 有 也」,《集 作「多」字 多 文 訓 選 多 也

甯 先 毋 尚 甯 此,蓋 改之。 貨 君 君之及 君 云: 也 尚 夫人, 毋 若 也。 杜注 甯 甯 注「毋甯夫人,而 有 杜 古者不諱 此 劉 怪 自 知 以 而 尚 一,追 不 取 氏 夫人之所 其 當 也 焉 夫人,將焉 炫 言 尚 取 用 不 恨 以 女叔 大 取之」云「不尚叔 老 之言。 尚 昭 不 悖 臣 爲 殺 取 八 侯 ? 馬 年 無 之。 靈 用老臣 殺之。」 無 服 用老臣」云「言 穿 復 王 用 虔 服 其 封 君 責 之説 本 乎 曰 戌 臣 我 服 意 ? : 疏 云 之 日 乃 侯 禮 毋 本 悖 若 之 E 疏 必 取 知 故 義

非也。」

皆 案 王 祀 注 周 得 故 《禮 公以 四四 稱周 云「周樂」也。 代, 虞、夏、 記 天子之禮 樂者《明 . 明 堂 樂」,四 堂位》云「命 位 商 **>** 四四 周 也。 代之樂命 代 之樂器 四 魯公世 代 之 于 也 周 世 樂

也。」賈義見《吴世家》注。〇服義見《詩·關雎》序疏。 猶未也。 賈、服曰:「言未有雅頌之成功

者,以 《召南》,正始之道,王化之基」。《詩 案 在《 疏引《鄭志》云:「張逸問:『王者之風 今之德,廣 頌。 雅》,在《風》何?』答曰:『文王以諸 周 爲 後 禮 後 鄭 世 以 太師 日 : 灋。 美之。」《詩 頌之言 雅 日 · · , 正 教六 序》云「《 也。 誦 也 詩 言 容 . 今之正 周 也 日 序 南 , 誦 雅 當

> 美 哉 悉臻 功者 告成 告于 《詩序》又曰:「是以一國之事 聖,聖之所營在 不過 牧之功畢矣。 民、民安而 本,謂之風。言天下之事 侯 得 謂之雅。 其 而 遠遠 功 爲 神 所,即是 ,營造之功 有王者之化,述 淵 于 明 王 邇 乎 頌者 化 者 神 財 咸 始 明 也。」若然,則《周 成 干戈既戢,夷 服 豐,衆和 ,美盛德之形容 河, 猶 基 功之驗 于任賢,賢之所營 畢 賈 羣 一,若 也。 未 日 生 云 其本,宜 也。 盡 而 也 川淵 天之所 施 事 遂 ,形四方之風 深 其 節 狄 齊 詩 性 正 南 爲《 以 來 ,繫一人之 誉 如 也。」《吴世 疏 一萬 賓,嘉 于 是 在 在 風 其成功 天下, 召 物 於養 則 于 南 瑞 成 口

「淵,深也」。《老子》「深矣,遠矣」注:案:《詩‧定之方中》「秉心塞淵」箋云

家》注。

## 深不可測。」

公罹 乎 吾 ? 聞 出出 衞 王 康 褒姒之憂。」《吳世 叔 : 武 公之 康 叔 德 遭 管 如 家 叔 是,是 洋注 蔡 叔 其 之 ^ 衞 難 武 風

之難 下化 周 時 也 叔 也 日 云成 罹 前 管、 本 :「今惟 作 之初 遭 之, 组 包之,其 紀》云「 「武公罹 康 王 作 <u>~</u> 也 王 蔡 康 叔 一既 是 筵》,《 君 一言 荒 雖 誥 民 遭管叔、蔡叔之難」者、《書序 伐 詩 臣 廢 誅  $\approx$ 不 出 出 實 管叔、蔡 也 E 武 静 詩 酒 王 媟 王 康 頑 下 公遭 未 語》 《 序》曰 褒 近 嬖 叔 民 漢 沈 姒之憂」者、《 小人 愛褒 封 未 戾 此 叔 書 湎 梓 衞 靖 厥 憂。 以 淫 材 一衛 姒, 心 賈 飲 在 文 。」是 液 殷 管 故 酒 康 帝 以 武 餘 蔡 叔、武 以 紀 無 ^ 武 公 爲 史 民 封 管 康 度 記 刺 后 公 封 叛 注 康 盐 既 天 時 後 蔡 叔 康

> 之 氏 即 遭 如 是 難 Ξ, 罹 憂 指 事 上 以 文 證 憂 明 焉 而 不 木 言 故

春 之猶稱 微 爲之歌 而 秋》之王人也。」同上。 列 王,猶《春 在 王 | 風 **%** 秋》之王人」。  $\forall$ 或 服 人 日 猶 尊之, 王室 ○《詩 • 黍 故 當 稱 離 在《 》序疏 ^ 雅 王 引 猶 衰

平、 出出 民 詩 案 在 日 在 雅 於是王室之尊 以以 衰 諸 不 雅》何 桓 厲 》,故贬之,謂之王 張 能 微 侯, 以 以 强 鄭志》:『張 逸 復 始 政 酷 暴 威 ? 雅 曰:「王者 列 教 虐之 至 令不 薦 於 答 不及畿 于 與 ~ 政 日 流 王 加 風》 諸 被 : 滅 流 逸 于 之 外 侯 於 也。 于 問問 出 百 岢 故 諸 或 無 風》 彘 平 姓 如 厲 異,其 侯 之 ^ 爲 當 乎 平 幽 王 無 變 《風》也 故 ? Ė 在《雅 王 風 道 王 風 詩 爲《雅 微 微 滅 譜 其 不 弱 于 弱 Œ 意 能  $\leq$ 云 其 今 政 復

其 上。 周 微 經 也 以 周 又 二乙 之 實 者 加 應 服 東 也 盟 言 引 乎 在 于 故 王 以 曷 洮 則 每 證 風 爲 言 尊 《風 **>** 序乎 服  $\wedge$ 則 之, 憫 公羊傳 类 曰:「平王 卑 周 諸 故 矣 也。 稱「王」,亦 侯 題 己。 之上? 王 : 案 以 東 此 王 : 當 ^ 遷洛邑。」 列 是 僖 或 尊 者 或 意 當 王 何 而 也 年 命 言 ? 敘

同

爲 之歌《 案 志》 侯、 州 王 南 城 西 始 太 内 都 鄭 云 華 以 方  $\Xi$ 鄭 武 武 平. 申 外外 亂 六百 風 王 公迎 · 侯 王 故 譜 作 方 與 東 里之地 徙 之間 **>** 邑於鎬 宜 犬 云 居 賈 居 咎 戎 洛 :  $\Box$ 東 攻宗 邑 于 其 北 王 都 京,謂  $\sim$ 申 得 城 王 封 鄭 周 鄭風》,東鄭 而 河 城 者 域 所 立 之宗 陽 殺 據 在 周 之,是 漸 疏 出 之文 東 周 禹 引《 王 冀 都 貢 也 是 爲 晉 州 地 平 文 爲 之 豫 理 王 同

> 上。 服 日 : 鄭, 東 鄭 古 檜 或 之 地 詩 • 鄭

譜

疏

之間 美哉 乎 亡 ? 也 明 者 鄭 案 方 邑 北 東 云 漢 之北、 古高高 鄭 桓 鄰 云 桓 。」《吴世 竟國 書 公「東 於號 公邑」,此 爲  $\sim$ 是子 遠 服 其 • 古 鄭 地 慮 辛 之, 祭 日 細 故 檜 家 風 持 氏 : 男之國 理 徙 波 己 洋 或  $\approx$ 鄭 志》「京 祝 久之風 之 其 此 甚 其 西 之 兼 融 東 南 民 , 東 鄭 風 地。 後 之墟 民 有 鄭 雒 鄭 也。 細 居 號、鄶 兆 弗 東 故 爲 也 弱 溱 者 在 郡 ~ 堪 詩 鄭 日 0 已 史記 而 之地。」 洧 譜 ^ ^ 也, 武 别 甚 虢 鄭 民 禹 詩 \*\frac{\times}{\times} 之 所 于 不 是 貢 譜 攝 間 并 鄶 周 西 堪 鄭 **>** 其 \* Z 于 果 宣 焉 豫 世家 鄭 先 將 其 獻 大 陸 州 王 也 Ì 是 檜 + 先 或 德 或 外

案 其 風 細 弱 已甚」 者,《 漢 書 地 理

之謀 其 苟 徴 注 志 安,旦 先 臣 他 攝 經 瓚 論 或 夕 久 注 迫 語 之計, 財 也 也。」言鄭  $\forall$ 謂 盡 云 音 民 悉索 攝 聲 離 乎 細 不 迫于 敝 大 弱 亡 賦 或 也。 普、 奔 何 之 楚, 待 間 走 此 衰 强 無 故 鄰 包 弱 慮 知 遠 咸 之 以

微 深 泱 遠 泱 乎 疏 有 大 大 而 不 風 和 切 也 之 哉 意 故 !  $\Box$ 大 其 風 詩 服 0 風 日 同 : 刺 上 泱 詞 泱 約 舒 而 義 緩

民 岱 矣》 遭 而 曰 四 之間 我 也 方 傳 此 虚 遊 地 民 日 亦 服 嶩 子 理 大 都 其 故 之 樂 志》云:「《 和 泱 舒 會 間 以 其 會 泱 緩之體 也 舒 兮」,又曰『竢 俗 緩 其 深 不 地 齊詩》 深 中 廣 也。」《 理 復 遠 具 貌 志 歸 有 五. 曰『子之營 : 詩 大 ^ 故 民 康 我 和 有 臨 . 云 誥 之意 於 瞻 Ŧi. 甾 著 方 如 彼 日 海 兮, 釋 之 氏 洛 乎 :

> 所掌 能 並 也。 之。」若然 證今、《學記》 言 而 泱 淮 楚 微 切 云「近 警 不 詞 泱 近 南 者,《 者, 責 切 戒 約 而 . 也。 旨 以 《 説 」者、《淮 故 切 東皇太一》云「 也 氾 ,則《齊風》之作因 小 遠 顛 以 <u>二</u> 爾 論 文》 ^ 大 倒 所 ^ 雅 月出》  $\forall$ 此 風 云 之詠,各 齊 風 云「隱 南 其 . 體 刺 譜 者 廣 微 大 大 之歌 主 詁 詞 概 而 正 疏 行 舉 者 術 隨 約  $\approx$ 義 矣 臧 也 詩 緩 節 訓 所 而 , 時 廣 日 挈 》注 日 節 疎 失,作 雅 義 起 : 壶 以 兮安歌 孟 微, 興 疏 氏 夫 少 明 子 是 援援 釋 體 詩 廢 也 大 者 詁 也 云 古 刺 其 疏 風

長,未 表 東 海 其 口 者 爲 量 也 其 東 太 海 同 公乎 之 上 表 式 或 或 未 之 可 興 量 衰 也 世 數 短 服

案:《説文》:「式,法也。」表所以爲法,故

悼、簡 言 季固 晏 或 替 意,以 可 之未 平仲,謂之曰 一,必 量」, 表 知之熟矣。 二泱 有 、定、康 式。 可量 疑 嗣 季子 泱 而 非 大 是 興 前 知 風」、「人民 時 『齊 姜氏未 者, 己, 者 國之政,將有所歸』, 齊 實 故 失矣。 比 政 日 可 鄭 己 或 量 和 先亡 衰, 也。 未 會 不 世 知 可 下文 而 季 數 姜 量 云「未 則 氏 札 説 之 明 雖

也。」同 爲之 淫。」 歌 上。 賈 ^ 豩 日 >, ⊟: : 蕩 然 「美哉, 無 憂, 蕩 自 乎 樂 而 不 樂 荒 而 淫 不

案 淫 則 戚 長 戚 注: 蕩 戚 論 蕩 集 多憂 語 樂不 解 是無憂之貌 **>** 日 引 懼 至淫,言 : 鄭 君 日 蕩蕩 : 子 其 坦 田 《論 和 蕩蕩,小人長 與 蕩 也 「戚 蕩 語 戚 寬 樂 相 廣 而 對 貌 不 戚

爲之歌《秦》。 曰:「此之謂夏聲。」 服 日 :

歷 兀 車 兼 秦仲始 夏聲。 牡田 隣 葭蒼蒼』之歌 **※** 駟鐵 狩之事 有 詩 車馬 × 秦譜 小 禮樂之好,侍 、《終南》之詩 其 戎》之歌 疏 孫 襄公列 與 爲 御之臣 諸 追 秦 夏同 録 伯 先 風 戎 故

有

;

車

故

《詩 戎》追 者,杜 秦仲 有車 詩 案 有 之事」,據《 也」,諸夏指 臣」,本《 車 爲襄公追録先人之歌,故係之秦仲 序》異者,或從三家説 莊 馬 是 馬 云 秦 録 也 禮 車 先 公皆 當 秦 仲 樂, 世 隣 》詩 駟 亦 始 中 本 義 有 鐵》、《小戎》言之。 田 有 論 或 去 在 伐 狩。 車 或 語 戎 西 序 戎 馬禮 然 》云「不 也。 戎 狄 之 也 汧 史記 之音 事 樂之 「 戎 隴 也。 則 之 與 如 而 車 好、 西,秦 諸 秦 諸 有 駟 四 蓋 夏 本 諸 夏之亡 侍 服 牡 鐵 秦 同 紀 仲 夏 仲  $\approx$ 以 御 田 風 之 始 小 與 之 狩 既

:

庸 大 之 而 德 婉 日 難 險 其 成 而 志 而 易行 實 大 易 直 行 以 而 德 故 有 輔 曲  $\overline{}$ 此 體 以 則 德 歸 明 輔 中 主 此 和 也 則 中

明

主

也

』。」《吴世

家

注

讀 之 僞 奇 杜 也。 也 也 此 也 中 爲 和 前 云 云  $\Box$ 庸』者 ^ 險 云 是存之爲 禮》之 禮 直 險 教 吉 注 險 動 記 之 禮 而 而 史 以 中 乎 有 當 易 0 • 記 稱《 使 險 儉 其 曲 中 大 爲 行 中 記 中一, 其 以 而 體 庸 大 , , 司 作 和 儉 中 易行』, 行 徒 雅 > , 鄭 儉 史 用 樂 又云 和 得  $\stackrel{\cdot}{>}$ 耳. **>** 字 記 ^ 日 之 之 易 防 以 目 中 之誤 『儉 爲 爲 其 即《易》之『《易 萬 古  $\forall$ Ŧi. , 曲 録 文 中 用 使 民 險 文 禮 德 **>** 而 也 云 之 庸 也。 其 也 防 有 辟 以 作 情 心 其 直 難 萬 訓 庸 名 應 古 德 體 惠 儉 民 而 婉 皆 文 之 用 教 和 日

> 作 歸 仍 氏 天 謂 之 惠 以 義 和 師 日 儉 舉《易 爲 天 甚 中 傳 坎 : 知 也 氏 盟 中 也。 險 和 如 易 以 德 險 險 庸 至 之 是。 ^ 也 行 不 之 傳 左 德 證 謂 惠 也 可 恒 德 杜 義 傳 《説 此 乾 而 舉 若 升 也 當 云 用之, 文 易 **>** 杜  $\overline{\wedge}$ 然 0 當 文》:「 本 從 者 故 Ŧi. 以 氏 易 爲 古 知 明 知 以 之 險 云 > 始 謂 以 文, 主 險 德 儉 險 坤 險 似 字當从「 儉 知 者 \_\_\_ 輔 讀 成 故 故 之 阻 約 險 也 阻 虞 此 坎 賈 難 謂 易 0 明」、《 難 是 翻 者 離 本 行 儉 据 也 也。 前 險 繫 作 言 90 日 其 此 : 辭 史 賈 當 非 義 月 以 實 則 險 按 記 下 險 謂 賈 惠 離 行 爲 則 中

自《 案 鄶 **>** 曹 以 詩 風 下 也 鄶 無 譏 其 羔 焉 或 裘》序、《 小 無 服 所 曹 日 刺 譏 蜉 =蝣 鄶 同 w 上 序 以

文》: 非 非 並 也 云 世 <u></u> 或 譏 淮 刺 小 誹 南 而 猶 也 迫 非。一 説 林 楚詞 故 無  $\cong$ 賈 所 刺 據 譏 我 大 以 刺 行 招 謂 爲 者 》 注 欲 説 無 所 與 説 是 我

樂 菁者莪》,道文、武修小政,定大亂 爲之歌《小雅》。 雅》焉 且 皆 中 誦 之「道」。 故言「道文、武 云:「政有 小事 「、賞 有 或 、言、語。」《小 「道 儀,是謂 。 正 勞 樂 也。 文、武」者 得 羣 《周 賢 臣 大小,故有《 義云《小 禮 者 云「定大亂」者、《采薇》序 正 燕 也」。「修小 雅 • 小雅 服曰: 養 賜 道 》道 大司 育 以 雅 如 **%** 述文王、武 人材 懷 樂》: ○」≪詩 小 「自《鹿 ~ 諸 所 孟 雅 政」者、《詩 侯 於 陳 子 • 小 》焉、有《 有 × 興、 天子 征 鳴》 大 道 王之 致 雅 伐 飲 道 太 至《 之 性 譜 食 以 序 事 平 政 諷 善 疏 普 大 强 賓

守衛 狁之 雅 能爲 成 也。 文、武 月》之前, 「《小雅・六月》之後 氏《譜》云「《 治外」,是即 小 南 致太平」者、《 王 : 雅》。 · 菁者莪》文。「是謂 Ш 之時 難 太平 中 南 邦家立 文 有 以以 國, 以《天保》以 有 杕 Ŧ. 臺》 詩 君 自《 嘉 服 杜 之 故 天 服 一,而 魚 小雅》十六篇爲 子 太平之基矣。」「 序 歌《采 鹿 時 子 鄭 以 南 所云「修小政,定大亂 至 日 下 鳴》至《菁菁者 同 之 服僅言 西 有 勤 誠 及《 也 命 薇 嘉 有 樂 上治内、《采薇 歸 樂 菁 謂 》以 魚 昆 命 也。」《魚 惟 得 與 IE. 菁 之變 》序 「道文、武」者,以 夷 將 遣之、 一小 賢 賢 者 詩 之 率、 曰 : 樂 正 者 也 雅」,則《 譜 雅 患 莪 遣 經,又 且 共 麗 》 者 》言「《 並 出 爲 有 得 之 樂 戍 北 車》 周 序 以 儀 賢 役 爲 也 與 有 也 腎 小 鄭 以 IE. 日 則 以 玁

菁

者

我》十

篇

是

也

\_0

蓋

傳

無

明

微

訓

詁

家

歌

武

王

之

德

今

小

雅

学自

魚

麗

> 至

菁

各

以

意

斷

故

不

同

如

此

澤

四

海

燕

諸

侯

錫

有

功

雖

不

能

指

爲

文

莪

可

云

采

薇

以

下

也

其

致

太

平

王

時

事

若

武

王

則

古

有

之

矣,不

必

定

在

周

>

所

而

公、

成

Ŧ

時

也

^

詩

疏

>

引

皇

甫

謐

日

:

詩

序

不

明

斥

成

王

而

^

魚

麗

>

序

言

文、

武

以

上.

世

之

明

聖

者

如

楚

茨

\*

信

南

Ш

\*

魚

薇

以

下

治

外

則

自

^

出

車

**>** 

至

菁

菁

藻

瞻

彼

洛

矣》《

鴛

鴦

于

飛

諸

篇

是

乎 之 上 H 政 世 衰 之 乎 美 月》 疑 而 知 明 哉 其 不 歌 聖 以 出出 有 變 下 服 背 而 思 厲 小 日 叛 不 之政 mi 雅 : 之 貳 不 志 于 貳 者 此 也 當 0 歎 也 以 怨 時 本 變《 季 而 疏 其 之 小 札 不 周 王 言 雅 所 德 言 V 之 怨 其 也 知 當 衰 周 之。 微 德 思 時

其 變 爲 改 變《 正 法 小 雅 故 謂 之 詩 變 大 焉 序 IE 思 義

以

道

厲

之

是

在

政

Ŧ

不

德

義

之

雅 澤 歌 言 貢 則 德之衰 言爲是,而 本「大」下有「衰 日 詩》,故變《詩》,王 周 《小 三云「思文、武 孔 未 爲 于 德之衰」云「衰,小 胸 非 民」云「謂 竭, 亦 雅 中 乎 同 蓋 ×, 民 服 故 其 謂 日 尚 字 其 作《詩 氏 能 : 杜 猶 知 作《 有殷 誤 同 解 有先 之 美哉 以 禮 其 錯 詩 德 季 道 正 此 王 所 繆。 王 以 从湻 而 Œ 義 札 衰 餘 也, 異 之遺 無 義》 禮 所 乃 俗 思 時 IE 熙 也 貮 救 作 嘆 本。 故 注 無 云 義 而 民。」 叛之 世 者 也。」按 不 袒 未 劉 猶 左右 爲 杜 貳, 季 是 炫 大 心 有 變《 此 之見 由 其 札 謂 以 先 小 此 變 周 劉 服 王 見 王 注 近

王之功 爲之歌《大雅 》。」《詩 自《 • 小 文王 大雅 **>** 服 譜 以 》疏 下 日 至《 陳 **鳥**醫 文王 》,是爲 之德 武 正

案:《詩疏》云「《文王》《大明》《縣》《棫

《卷 按: 云自 樸 合 德 《雅》」,若然,則《民 下 列 《大雅》之初,起 皆言武 王 文、武道 嘆文王之德,而 王《大雅》也。 文王受命, 陳文王之德 則 武 , 
早  $\times$ 正《雅》者 ,故以《是醫》爲斷,非謂《假樂》以 呵 序 思 《文王》 譜》云「《 **>** 可 王,則 · 麓 》 一 指 四 齊》《皇矣》《 同,故 牽連言之, 篇 成 王 尚 武 至《 篇 武 武王《大 《下武》文 鄭 服 王 服 概 有《 居 大 自 鳬 連言之」。 不 王之功」 遂 兼 爲 中, 一勞》以 以 文王」,《 雅 數 假 鷖 靈 定 言 列 見 者 樂 》 爲 從 雅》也。」此 臺》七篇 武 人,與 天 道  $\approx$ 王 可 前 民 下, 王者,《 以 是 百 正《 公 知 服 有聲》二篇 勞 詩 季 季 也 盛 劉 鳬 凡 亦 大 疏  $\forall$ 札 序 《假 札 | | | | | | 德 八篇 詩 謂 此 雅 **>** 皆 惟 季 服 所 云「以 譜》云 樂》 之 泂 意 之 下 歎 札 云 美 以 所 也。 四四 文 後 變 云 序 文 文 惟

與《詩 指 服 詩 下 示 及《卷 子 成 統 不 · 爲 正《 孫 爲 王 語》同 前 之平成 陳 问 文、武 據 大 也 其 周 雅 皆 隆 》也。 公、 功 盛 可 德」者 成 上 以 《譜》又云「《 王之時 推祖考之休 文、武 以 諸序 詩 起義,故 也 皆 生 美,下 不 民 明 而

所」, 己 而 爲之歌《 自 定録 云爲 衞 距 反魯, 之歌 之。」《詩譜 此 頌》。 六 《小 十二歲。 然 後樂 雅》 序 服 日 大雅 正 :「哀公十一年,孔 當 ,《雅》《 時 .. ≪  $\stackrel{\cdot}{\sim}$ 雅 頌 》《頌》未 》者,傳家 頌》各 得 定, 其 據 子

仲尼 冬, 衞孔文子之將攻太叔也, 訪于仲尼 召 未 所」、《論 曰:『胡簋之事 自 之聞 衞 乃 歸。」 反 語 也 魯 ]。」退, 然 》文也。 是 自 後 則 命 衞 樂正、《雅》《 《哀十二 駕 嘗學之矣。 反 魯 而 行。 在 此 年 魯 〈頌》各 年 , 》傳: 甲 也 以 兵

時《雅 《詩 皆《 與服 冬。 此 遏 鐘 歌《文王》之三,歌《鹿 叔 初已 大師》云「六詩: 之名,謂未定《雅》《頌》之次也。《周 鄭 曰:「金奏《肆 雅》 氏 師 如晉,晉侯享之,金 是 周 經 ||注 是時 有 同 ^ 頌》或 校勘 論語 先奏《頌》,次歌《大雅》, 》《頌》未定」者,非謂 執 頌》也。 以《 也 雅、頌之名矣。 引吕叔 競 道 記 春 注》云: 云「距 衰樂廢 失其次。 也 夏》《繁遏》《渠》。」《周 秋》考之,浦 《肆夏》,《 玉云「《肆夏》《繁遏》《 ; 日 ^ 此 渠 ,孔子來還,乃正 雅、 「反魯,哀 浦 六十二歲」者,阮 ×, 奏《肆 鳴》之三。」《魯 襄 鏜 曰頌」,是周 至 時 思 云: 四 未定《雅 春 校 文》 邁》 夏》之三,工 年 是 秋 公十一年 **>** 次歌《 時 也 也 也 傳 公公之 當 所 禮 之。 渠》 頌 小 穆 作 據 歌 氏

今傳 第 孔 者 雅 雅 未 相 也 子定之次追 必 合 然後 于 以 歌 秩 明明 時 更歌 之次 然 因 是 如 未 時 是 第,先 録 ^ 定 頌 孔 之,故 次序, 傳 》,其 子 者 序《 尚 從 篇 得 幼 故 小 後 次與 未 同 參錯 雅 序 正 得 》,次序 其 樂 孔子所 正樂, 雜 事 後 陳 之 則 耳 次 大 歌 正 據

世 家》注 : 至矣哉。」 賈曰: 「言道備至也。」《吴

音 盡 義 也 備」、「至」 上 引 **^** 儀 以 禮 音 **>** 相 劉 近 兆 爲 注 訓 ^ 備 華 嚴 畢 經

豐 遷 而 武 不淫 王 居 鄗 同同 服 E 日 .. 遷, 徙 也。 文 王 徙

也。 案:「鄗 《文王有 又曰 與 : 『考卜維王, 宅是鎬京。 聲》云『作邑于豐』,是文王 鎬 同。 《大雅》詩譜 疏 維 居 龜 豐 云

> 注,惟 見 「《象》,文王 **箾》**,舞 舞《象》《 正 一服義 之,武王成之。』是武 「舞」作 見《詩本 曲 武武 疏 之樂《 名 箾 **≫** 言 通 賈 南 義 舞 用 天下 字。 見 籥 象》 本 樂削 服 疏、《吴世家》注: 者。 王居 也。」 義 見 去 賈 鎬 無 詩 義 也。 賈、 道 見 維 服 旲 「名,作 清 世 日 家

疏

籥 本疏 也。」 樂象 舞》, 案 《詩序》又曰:「《桓》,講武 舞 疏 也」,注云「《大武》,周公作樂所 曰 惟 曲 以 云《武 「《象》,文王之樂舞《 維 籥 象用 名」者、《詩序 文王之事 削 此 舞 清》,奏《象 作 ^ 詩 也。」《吴世 兵 》詩者,奏《大武》 「箾 經 時 **>**言 刺 服 以《象 義 伐 文王 舞》 》云【《武 家 見 之舞,武 詩 注 武》爲 也 , 疏 序 象》」者、《詩 稱 類碼 之樂 》,奏《大武 名。」 賈 王 注 象 爲 制 日 日 。」賈義 歌 也。」疏 舞 焉 舞 :  $\sim$ 也」。 箾 ×, 也, 序 象 疏 南 則 見

之義,「 戡 蓋 名《 籥 籥 學羽籥 得聲,而 首爲名 子•  $\overline{Z}$ 禮記 (頌》詩 節 廣 節》者,以 黎之 謂 古字通 》是 雅 酌  $\overline{\sim}$ 之産 禮 天下樂節 桓 事是 别取 》舞,象文也。」《 削」之作 如《酌》《桓》《賚》《般》,皆不 舞 論 文王 注:「干戈、《萬》舞、象武 義 **>** 也。 曲 詩者 樂 錫 郭 箾 以 亦 名 也。 一世子》曰「春夏學干戈,秋冬 所 璞 子 》云七孔」、《周禮 从 文王 因之,故 也 箾 注 清講 削 志 善 去 育 《南 **>** 一篇 故 以名篇。 無 人,故名《 時 與 武 杜 道」者, 《 武 如三 知其 削 猶 以 類碼之樂歌 籥 爾 服 去無 爲  $\approx$ \* 雅 酌 説 取 酌告成功, 舞 孔 以 桓 道者,伐崇、 作「 齊 》。 之作 箾 者 笛 削 籥 • 釋 同 笙 去 所 而 樂 削 從 舞」者, 也 : 沟, 執 師 無 列 短 此 取 去」。 削 淡及 道 名 篇 荷 羽 失 故 明

> 以 羽 《詩釋文》云「籥 孔 籥》舞是也』。 少 籥 舞 並 儀 -0 執, **>** 簡 **\*** 舞 《詩 兮》詩 故得 明 笙 堂 鼓』、《公羊 疏 舞 位》 **>** 以以 傳云「六 日: 名,是以 注 竹爲之,長 皆 籥 孔 云「籥 傳 雖 《賓 吹 》『籥 器 之初筵》云 説 三尺,執之 舞 如 各 者何? 笛 不 時 同 與

作,武王樂也。」同 見 恨 日 :「美哉 案: 舞《大武》者。 但 殷 不及己以伐紂 畔 致太平必當伐 《廣 或 以 ! 雅 事 猶 紂 釋 有 而 Ŀ 恨 詁 紂 致 憾 賈 服 太 不 日 平 及己身致 故推本言之。 憾 「《大武》,周公所 服 也 。」《吴世家 日 恨 : 也。」文王率 「憾 太平 》注 恨 也 也

案: 《大武 以王者 詩序》云「《  $\approx$ 功 周 成 公 武 作 樂 作 》,奏《大武 必待 樂 所 太平。」《 爲 舞 也 也 明 疏 注

大也 武王用 者、《禮器》云「樂 位》云「 云「作樂者 武樂》、《武樂》爲一代大事,故歷代皆 大武》是周 周 武除暴 公攝 ,緣民所樂於己之功 公作樂 政 也 六 所 下所樂,故謂 者 年 爲 樂 制 舞 其 禮 也 所 作 樂」, 自 」,然 謂 其樂 成 之 則 故 武 稱 爲 以 注 知

樂《大護》也。」同上。 賈曰:「《韶護》,殷成湯見舞《韶護》者。 賈曰:「《韶護》,殷成湯

禮 其 杜 通 者 獲》,湯樂也 防 即即 德 本作「濩」。 . 《史記》作「護」。 禮 能 大司樂》:「《大濩》」後鄭云:「《 救 使 樂篇》云「湯 護 天下 也」,本 ·得其 湯以寬治民,而除其邪,言 其實,「濩」有「護 「護」。 疏 所也。」賈 曰《大護》者,言 故 云以 引賈亦作 稱『濩』 其 也,《 疏 防 一護 濩 云言 義。 下 湯 白 大 承 虎 護 周

賈 佐,故曰『聖人之難』也。」 聖人之宏也 曰:「宏,大也。」服 而 猶 有 慚 日 「慚 德,聖人之難 同 于始 伐 而 也 無聖

之佐 宫。 聖佐、故有慚德。 尹,聖之任者也」之語。其實伊 元聖」,傳 得爲聖人,故 湯之始伐 《孟子·萬章篇》「天誅造攻,自 朕載自 如 伊 以 也 尹 ) ∘ [ 亳 伊尹當之,皆本《孟 曰『無聖佐』。」古文云 在 漢 趙 上 僞古文本此撰《仲虺之 中,仲 書 岐 注:「 古今人 虺 載, 在 上下, 表》: 尹 始 不 子》「伊 也 ·得爲 聿 皆 牧 湯 求 此

夏》也。」同上。 賈曰:「夏、禹之樂《大見舞《大夏》者。 賈曰:「夏、禹之樂《大

**^** 

禮記

.

樂記》:「夏,大也。」《白虎

788

順 通 • 禮 聖之道 樂 篇 而 : 行 之, 禹 日 故 ^ 日 大 大 夏 夏 也 言 禹 能

身以 治 美 水土 哉 也 勤 而 口 上 不 德。」 服 日 : 禹 勤 其

111 禹 治 不 人。」是 貢 水 《大司 孟 \<u>\</u> 傅土,言 子 日 樂》注 「禹 勤 : 其 其 敷 (身以 禹 德 土 八 能 治 年 隨 大中 大夏》,禹 水 在 Ш 土 外,三 刊 或 也 木, 也 過 樂 奠 高 其 也 門 書 Ш 大 禹 而

韶 見 舞《 业也 韶 箾 百 上 》者 服 日 : 有 虞 氏 之樂《 大

者 謂 之言 Ŧi. 其 帝 舜 肅 皋陶 簫 本 舜 所 秉 紀 韶 制 簫 謨 時 樂。」 云 > 》作 民 乎 或 樂 兀 ? 宋  $\sim$ 云《 其 海 均 簫 韶 肅 之内 史 注 韶》,鄭  $\approx$ 敬 記 ^ 舜 樂 其 咸 樂 説 作 紹 戴 \* 名 注: <</ 堯 帝 九 道 舜 招 舜 之 簫 樂 故

> 也。 擊人 禮 者 爲 此 凰 功 云 ~ 傳《 名 來 • 用《周 於 也。 大磬 大 翔 《簫 是 韶 司 簫」字,或 禹 箾 禮》大 虞 韶 》,舜 樂》作「大磬」「《九磬》之舞 天 **%** 乃 影《説 舜 下 興《 樂 樂 明 正 磬文也 上或 也 德 義 日《 九 文》作 皆 招 云: 箾 下 言 自 韶 之 耳 其 前 蓋 樂, 虞 × 0 \_\_\_\_ 德 韶 ^ 帝 服 能 韶 致 一、云以 始 云《 紹 箾 異 樂 堯之 0 韶 大 物 兼 道 竿 即 鳳 簫 注 周

于《 日 韶 》也,盡 德至矣哉 善 盡 美 服 也 日 0 : 同 上。 至 帝 主 之道 極

受 訓 又 者」注: 案:《荀 禪 盡 至 故 善 也 子・ H 至, 論 盡 謂 儒 語 集 善 盛 效》云「《頌 解 日 德 > : 引 之 子 孔 極 謂 0 》之所 . ^ 服 韶 謂 故  $\forall$ 盡 以 以 以 美 聖 爲 極 德 至

如天之無不幬也。 賈曰:「幬,覆也。

同上。

案 其 也 覆 廣 漢 也 幬 幬 也 注 之 朱 幬 或 史記 禮 廉 幬 穆 禪 作『燾』。」《説 記 傳 也 亦 》作 帳 影故 覆 注「 也; 中 」,皆借 燾」, 幬 夫 庸 幔 天 **>** 文 正 不 燾 轂 I. 無 字。 ·崇大 爲 之革 記 不 悪」云「 幬 輪輪 覆 幬 則 也 而 幬 人》 同 覆 溥 假 訓 覆 幬 注  $\wedge$ 字 後 欲 爲 照 不

代 若 故 四 代 之樂,堯 有 曰『有他 下周二 他 樂,吾 樂,吾不 日《 等,故 不敢請 咸 池》,黄 敢 不 己。 請 舞 」。」同 帝 其二等,季 日《雲門 服 上。 日 札知之, 周 魯受 用

案: 之樂獨 大 雲門大 武 ^ 周 學「堯 禮 卷 注 大司 × 大咸※大磬※大 日《咸 此 周 樂 所存 池》、黄帝曰《雲門》」 以 六代之樂。」六代 樂 舞 夏》 教 或 大 子 獲》 舞

> 咸》。 以 兼用 之。 共 門大卷」 施 矣 池 此 者 者。」《明 辭 韶》 别 財 也 也。《周 注: 以 咸 于周。 樂 堯 ,言其德 之」,是魯之所受四 舞 季札 四 樂 皆也。 也。 而 堂位》云「凡 注 樂 黄 也。」《 在國 「不舞 禮》 止 己 帝 如雲之 大 具 黄 所作 云「不 曰『大咸』。」《大司 池 本 禮 司 帝 傳 聞 之言施 其二」者, 記 樂》 樂 能 文 所 魯 四 敢 成 名 若言 注 祇 代 出 樂記 代, 請 名 也, 四 之服 也,言 民  $\sim$ 萬 六 代 他樂」,蓋 是《雲門》《 而 堯 得 大 代 物 之樂,知 、器、官 己下二等 i 德之 增 以 咸 咸 樂 以 修 則 有 池》 》「雲 無 明 族 而 猶 至 大 魯 備 咸 用 類 民 不 有

公,不 子 速 納 ·與國 邑 與 家 政。 之事 服 同 上 日 : 人 邑 與 政 職 于

案:「不與」之「與」讀

如「六十不

·與服

戎

《漢 書 • 高 紀》集 注 引如 氏 日 :

『與』,音『相 于 與』之『與』。」不 與 國 家之

事,言不必干 與與 政 事 也

慎 之以 禮 服 日 : 一禮 所 以 經 國家 利

社 稷 也 )。」同 上

案 . ^ 隱 + 年》 傳:「禮, 經 國家 定

社 稷

將 宿 于 戚 聞鐘聲焉。 服曰:「孫文子鼓

鐘 作樂 也 \_\_\_ 同 上。

孫 文子 畔 居 于 戚。 **^** 詩 • 鼓 鐘 **>** 云

鼓 **鈴鐘將** 將」,《 白 華 鼓 鐘 于 宫 正 義

皆 以鼓 爲 擊。 此 言 擊 鐘 作 樂 也

日 異 八哉 ! 吾 聞 之 也 辩 而 不 德, 必 加

争 不以德居之,必加於刑戮也 」。」同上。

于

服

日

辩

若

鬭

辯

也。

夫

以

辯

案 周 禮 調 人 凡 有 鬭 怒者 成 之

注 鬭 ,辯訟者。」《墨子 • 經 上》一辩

> 争 彼 也」,故曰「辯

夫子 獲 罪 於君以 在此。 賈日 :「夫子,孫

文子 也。 獲罪 ··, 出 獻公 以 戚畔 也 同 上。

案 出 獻 公 在 十四四 年 以 戚 畔 在二 +

六 年。

君 又在 殯,而 可 以 樂乎? 賈 日 衞 君

獻 公棺 在 一殯,未 葬。」 同 上。

案: 經 書石五 庚午, 衞 侯 衎卒」,季札 過

月

戚 ,時在七、八月間 《隱 元 年》傳 <u>Z</u> 諸 侯

五月 而葬」,是猶在 殯 也 《禮記 • 王 制

云 : 諸 侯 Ŧi. 月 而 殯 0 喪 大記》云 君

用 輴 欑 至 于 上 一,畢塗 屋 注 攢 猶 菆

也 屋 殯 上 覆 如 屋 者也。」

終 身 不 聽 琴 瑟。 服 日 : 聞 義 而 改 也。

琴 瑟 不 聽,況於鐘 鼓 乎?」同 1

案 改」,此聞季札言而 論 語 》云「聞 不聽琴瑟,是 義 不 能徙,不 善 聞 不 義 能 能

言不 知 磬 大夫常縣 鐘鼓,若士 亦半天子之士,縣 夫 小 侯 改 日 何注:「《魯詩 大夫無故 一、半爲 一、「大 不 半天子之卿 胥》云「 服 也 釋縣 聽琴 所 夫、士琴瑟 以 堵,全爲 ^ 卿 ,大夫、士日琴瑟。」然《 白 申 瑟」,見琴 且 一則 不徹縣,士 大 明 虎 以 惟 傳》曰『天子食,日舉 大夫,西縣鐘 夫 傳 通 見 琴瑟 肆 判 意 琴 磬 • 御。」《公羊》隱 縣 瑟 也 瑟 禮樂篇》 而 無 而 注: 9 H. 下 已。」是 故 士 已,故《 徹,其 鐘 特 不 東 諸 鼓 縣 徹琴瑟」,明 引《詩 侯 不鐘 大夫當 縣 曲 等。 之 凡 周 磬。 Ŧi. 禮》 一樂,諸 卿 縣 禮 鼓 年 傳 云 傳 有 大 傳 口 鐘 士

祚 或 適 其 ,將集于三家。」同 萃於三族 説 趙 文子 乎 韓 上。 宣 子、 服 魏 日 獻 1: 「言 子, 曰 晉 或 之 晉

案:「祚」本作「胙」。 《隱八年》傳:「胙之

正義

曰:「傳無『圍』字。」按:服注則當

無

王

肅

本

同

萃止 晉 土 胙 或 而 ,禄也。」萃爲 一傳曰 果 命之氏。」《 如 季札之言。 "「萃,集也。」其後,三家卒分 周 集者、詩 語 **>** 一作 ・墓門》「 以 天下 有 注 鴞

吾 同 E 子 好 直 服 日 一、一不 能 曲 撓 以 從

言曲 末」釋 過》 協 案 0 : 彖 弱 撓」當爲「棟 撓」、《説文》云「擾 日 棟 而 : • 能 棟 隨 弱 橈 衆 釋 也 橈」之「橈」。 本 0 橈 末 然《 弱 也」,與 説文》 也。」 是 曲 彖以 《易 無 服義 橈 · 大 者 不

服 三十年 字,故 案: 日 問 : 傳 王子 《釋文》云「『問 王 服 穆 子 作 崖 叔 , 楚令尹 問: 之爲 撓 也 王 政 王 了,服 王子之爲 子之爲 子 韋 虔、 也 政 政」,一 何 本 如? 本作

言 韋 同 字。 無 韋 釋文》云「 字本 也 服虔、王肅 子 量 楚 共 同」者, 王 子 亦

稱「王子」。

問 吏 走 於 問 卿 諸 大 夫。」 朝 本 疏 服 ○《釋 日 文》引 吏不 東不 知曆 知 數 曆 者 故 走

業 微 故 注 吏 疇 案 有 世 陪陪 走 ,各從其父學。」是治 人 ^ 子 問 不知者。 世 史記 治 臣 諸 相 弟 朝 執 朝 傳 分 政 . 爲 散 在 曆 知 《周 路 ~ 疇 問 書 ※云: 史 門 禮 公 不 集 律 外 卿 記 解 : 大 太 曆 羣 時 年二十二 **>** 幽 夫 引 爲名家之學,故 宰》「王 臣 也 君 如 厲 治 不 之後 氏 事 眂 告 傅 日 之 朔 治 朝 之 周 朝 家 0 故 室

衆 m 使 廢 民 其. 連 本 尉 疏 服 : 輿 尉 9 軍 尉 , 主 發

命 之服 襄 + 是 九 軍 年》 尉 傳:「 輿 尉 軍尉、 各 有 其 興尉 職 皆 而 服 受 Z

> 衆 今晉 之 事 役 尉 不 各 尉 尉 也 輿 有 知 于 大事 使 及 其 尉 致民; 有 也 淫 一,是《 注 時 者 0 主 民 掌 即 孤 也 司 知 趙 當 軍尉 此 發 者 自 老 命 即 鐸 周 使 衆 微 失 武 輿 輿 Ē 乎? 以 大故,致 故 遏寇之恭敬 爲 官 使民 者 召會 之 將 尉 帥 此 得 元 ○, ≪晉 軍 中 一; 上 矣。 者 發 輿 **^** 以 尉 事矣 軍 尉 聚 小 帥 衆 當 公廢之, \_, 軍 語 餘 趙 百 司 若 大 使 省 時 尉 注 | X | X | 子二, 武 姓 是軍 役 徒 而 民 制 文 也。」 主 及 信 **>** 小小 元 耳 則 耳 知 云凡 鄭 贵 晉 孤 尉 强 小 祁 是 司 司 政 尉 如 老 也 司 知 當 奚之果 IE 徒 服 農云「 行 而 徒 或 其 此 使 中 義 是 云 主 廢 軍 之大 召 主 爲 輿 中 軍 日 之。 時 聚 或 發 帥 軍 尉 則 軍 輿 而

鳴 鳥 其 鳴 社 于 亳 伯 社 姬 ,魯女,欲 服 日 00 使魯往 殷, 宋之 悟 伯 祖 姬 也 也 故

篇》: 羊 社 之 或 蒲 殷 牲 列 社 也 其云「亡國之社 穀梁傳》注 或 二,亦指 轉 之社 -傳》作 之社 其 也 社 日 也。 災。 薄 社 者』」,是《公羊》本 王 在 亳 掩 社 于 社 魯竟。」失之。 者、諸侯必有 是 蒲 明 殷 徐 蒲 諸 其 殷 北 • 彦 故 爲 也。 社 始 侯,以 社 上 牖 , 疏 喪 者 善者得之,爲 而 都 , 使 禮 殷都 」,猶《 引 何 柴其 或 何? 記 薄。」爲亳之古文。《公 哀 陰 爲 賈 注 之社 于 四 **>** 明 郊 氏 作 亡國之戒。」《哀 下。」「蒲」者,「 亳,武王 亡 誡 ☆ 白 年》:「六月辛 特性》 也 有 云《公羊》曰 屋 蒲 社 薄 國之社也。 一。注注 作 之,不 社 者何? 虎 悪 社 者 云 通 薄 \_\_ 克 者 先 ·受天 紂 失 喪 社 ^ 薄 之。 示 社 郊 世 或 而 也。 **H**. 薄 陽 有 之 之 四 稷 特 班

> 魯女 之祖 往 社 鳥 爲 年》 此 殷 曉伯 义 鳴 鳥 傳云「亳社災」,是魯有亳 後,鳥 殷社 使 故 見魯適 鳴 姬 魯 鳴 于 也 以 往 鳴 其 魯國之亳社 其 見 悟 社 宋之人,是欲警動魯人,使 女」者 災應于 上 」者,以 示示 伯 有災 宋, 亳 也。 社 姬 也。 而 爲 是 鳴于魯之亳 服 社 宣公女,今 殷 云伯 굸 社 正 殷, 前 義 姬 宋 宋 云

甲 之耳。」本 午, 「不書大, 宋大災。 疏 非災。 宋 伯 火及 姬 卒, 待 伯 姆 姬 也 坐 而 待 服

羊》襄 經 姬之舍失火」,可證非災及一 穀梁》昭 二、凡 書「宋災」,不書「大」、《穀 : 不不 九 火,人 書 年傳:「大 九 大 年 · 傳 火曰 非 災 者 或 火,天 者,《 日 災,小者 災,邑曰 火 宣 梁 + 或 日 傳》曰 六 矣,服 災。」《公 火。」 日 年 火。」 一伯 **>** 故 此 傳

曰「非災」,言特火耳。 待之」者、《公羊傳》云:「有司 云「火及人,伯 復 日 姬 :

坐而

『火至矣! 請出。』伯 姬 曰:『不 可。 吾

聞之也,婦人夜出,不見傅母不下堂。 傅

同上。

傳 至矣,母未至也。』逮乎 影略 同,是本 非 大火。 火 其及人者,伯 而 死。」《 穀 梁 姬

坐 傅、 日: 之至 而 及之耳

大 夫 放 服 . 淫,放也。《釋文》。 言大

夫 淫放。」本

陳 兮 注 放 然。」是陳 日 1:「毛 个:《周· 濫 :「放,謂放蕩。」《詩·宛丘》「子之湯 是大夫 傳曰 也。」《文選・絶交書》「重增其 以 禮·宮正》「去其淫怠」注:「淫 : 大夫淫 之事 此 「子,大夫也。 序 所言 放之風 由 君 是 身 出 久矣。 爲 公之惡 湯,蕩 此 思,化 杜本「放 ,經之所 也。 之使 放 疏

> 三十 年 傳 7 胡 女敬 歸 之子子 野 服

胡 歸 姓 之國 也 0 | 魯 世

齊歸 之子 公子 稠 服 日 齊, 謚 也。」

案:《周 書 · 益 法解》:「執心克莊曰

資輔 供 就 齊

長。」 則立 穆 叔 同上。 長。」 不 欲 · 日 服 : 「太子死,有 日 無 母 弟 母 弟 則 則 立 立之, 庶子 無

案: 立長,亦謂立庶子之長。 王之命曰:『王后 《昭二十六年》傳:王子朝曰:「昔先 無適 則 然則先王之制 擇 立長。」此

無適 則立長矣。

於是昭 「言無成 禮記 公十九 人之志, 《儀禮 年矣, 冠義 ៣ 有 **学** 猶 喪服記》「童子唯當 童 子之心。」同 有 「已冠而字之,成 童 心。 服 

生子 然童 諸侯之子亦當二十而冠,昭公是時 子 緦 九爲世子,時猶宋冠也。若已立爲 云「男子二十 若天子之子 襄九年》傳云「國 Ė 注 聽 心,是 禮 事 也, 童 與未成 注 子 當 ,則亦二十而 而 未冠 有 冠」,賈氏《士 童 人者同,故 君 成 子,未 之 十五 人之 稱 也 成 度 耐 )° |« 冠」,若 生子 人。」《 服 冠 今昭 云 少 禮 然 儀 然 曲 君 年 公猶 冠 疏 》「童 禮 + 則 則 而 云

受也。」本疏。 賈、服:「『贏』皆讀『盈』,盈,

陵 延 州 也。 來 州 季 來,邑名。 子 其 果立 季子 乎? 讓王位 服 日 ,升延陵爲 **延** 延

大 夫 聘,而 有矣。 戰後爲吴邑久矣。 墓。 闕,不知其處。 來。」杜 案 請遷于吳」、《二年》傳曰「吳洩庸 非楚邑也」。 地名》: 父之戰 吴」,下云「蔡遷 年,吴滅 今江南鳳 州 : 食 來,邑名」者,《成七年》傳:「吴 「去之延陵。」此 邑。 冬,蔡遷 延 稍 《昭二十七年》正 七 注:「州 **『延、** 納 州 州 陽 延 來。 師 或 來,傳家 府壽州,即壽 然《哀元年》傳曰 陵」者 州 大 于 二十三年吴伐 杜 敗。 來,楚邑,淮 于 師畢人, 來 州 闕。」 意當謂 州 來」, 二十九 竊謂 通言之。」本 稱「延」者 來 自 後 」,則 義 上云 衆知之。 則 州 吴 州 春  $\overline{Z}$ 延 來 地 是 南 年《公羊 來 州 實即 州來, 陵、 京蔡 别 蔡 當 下蔡 ,省文耳 釋 來 也。 有 請 州 常 自 哭 如 例 于是乎 此 州 縣。」 入州 爲 遷 蔡 來 爲 雞 而 傳 也 吴 于 遷 納 並 雞 父 土

弓》 記 季札 於延 季札 陵 爲 延 延 稱 時去之延陵,後遂升爲食邑,故《公羊傳》 邑,故連書之。」●《禮 陵』與『州 云州 曰 季 陵 延陵 州 王 「去之延陵」、《史記》云「封於延陵」也 譲王位 吴 本 延 讓 陵,故號 來 按 名延州來。 來,傳家通言之」者,昭二十七 因 又曰 耳。 封 陵 者, 世家》云:「壽夢 不 號 可。 來』必不得 延 季 傳文謂 焉。」《吴世 ,升延陵爲大夫食邑」者,《 或延 通 陵,後 子 「季札賢 日 是讓 前 適 延 之『延 後 陵亦是 齊」注: 云《春秋傳》謂『延陵』、 復封 陵 王 所 爲 一疏》申 季子。」是 家 位 封 陵 一,但不 州 义 而 立 邑名、蓋 也。 季子」, 言 來。 壽 季 ,而吴始益 鄭 日 之 《禮記 夢欲立之。 子 注 . 耳。 季 服謂 知 「季札 讓 則 曰:「延 札 並 何 或 是『延 正 傳 · 檀 食二 以 讓 年, 居居 史 呼 義 稱 或 封

各申注意,不顧鑿枘也。來」,明是一也。」按:彼疏與此異者,蓋來」,明是一也。」按:彼疏與此異者,蓋『延州來』即此經『延陵』,即《左傳》『延州

儀,故云『以 令尹以 作『似 案: 云: 定本亦作『似』字、恐非。」阮 云『二執戈者前矣』, 「 按 孔氏 君矣。 君』。 此 日 君矣』。」本 條,孔 服言 若云『似 服 本作 曰:「言令尹動作以君 疏 是 以 君 二似 不不 用 君 君 君 儀 ,而 須言· 者, 氏《校勘 儀 也 IE. 矣。 明 義 俗 年 今 詳 本 傳

■「書」、《春秋左傳正義》作「言」。

引服注,明當作『以君』,極

爲明晰。」

## 春秋左氏傳賈服注輯述卷十四

嘉興李貽德學

公

昭

元年經取鄆。 賈曰:「楚以伐莒來討,故

諱伐,不諱取。」本疏。

或 苫 會 書於策,而 云: 一、楚告 「瀆齊 大辱,故 傳言「 劉 炫以賈説爲 盟 於 諱 請 季武 經 晉 不書 不 戮 日 書 子 其 : 者 伐 而 使』,是 是 莒 惟 尋 傳 取 書「 盟 又言「莒 鄆」, 未 伐 取 退, 鄆 莒之役, 是 0 而 伐 人 告 魯 吕 Œ 義 伐 於 當

父。」《儀 案: 莊 《聘 禮 謂 禮 聘 楚 禮 莊 厥 疏 明 王 賓 韋 朝 之祖 服 釋 幣 共 于 王 禰 韋

傳

韋

布

几筵,

告於莊、

共之廟

而

來

服

之

告廟。 異,故得自告 聘,直告娶,故 娶妻,必告」注:「赴告於君 子》「五廟之孫,祖 已。」今得於祖 廟之孫」,不曰「五 子 諸 子圍 侯 將 爲 於 禰 出 莊之孫、共之子, 廟 得 之廟 廟 並 告 服之親」,明告君 告。 未毁,雖 羣 者 廟 賈 按 也。」然云「五 氏 大 爲 : 云 夫 庶 ^ 告 與 文 彼 王 庶 亦 禰 不 注 世 告 須 而

楚公子圍 在 案: 前 在 執戈二人 或 設 居 服 君 離 離 在 宫 衞 陳 前」,據下文言之。 衞 服 在 日 門。」本 : 二人 執 《周 戈

禮

天官·序官·閽

人》「囿游、亦如之」

以 掌 宫 便 注 周 故 在 子 注 春 則 館 其 離 秋 門 衞 守 門 也 知 宫 時 官 衞 别宫。」 者, 陳 王 衞 游 之 離 衞 閑 離 屯 漢 王 宫 書 以 衞 宫 在 長 兵。 宫者 書 伯 宫 傳言 爲 門 是 當 王 樂、 • 天 > 也。」《西 離 有 也 有 在 長樂、 白 文 建章 衞 必 授 門 游 或 離 官 志 居 别宫 衞 八 衞」, 表》「 周 建章 則 ·、甘泉 四 次、 : 矣。 都 禮 守 角 爲 當 賦 衞 離 王 . 八 古 甘泉 兀 離 即 是 尉 虎 宫 宫 舍 中 語 漢 也。 離宮之 賁 之職 於 秦官 衛尉 簡 注 六 離 離 氏 質 陳 宫 宫 星 、》「舍 徼 事 衞 掌 爲 皆 故 則 候 衞 天 别

君 蒲 戈,不亦 離 官 宫 有 前 可乎? 言 不 令尹 亦 可 本 在 乎 疏 或 ? 已 居 服 君 之宫 日 蒲 出 宫 有 前 楚

案:服以蒲宫爲楚君離宫及子圍在國居

據。 服 以 矣」之文不 之,自必 云「公子 有 ,無所怪 自殊異。 前, 至以「 較 量 有 杜 相 服 也。 徵,古籍 在 言既 爲 應 君 會, 密 不 服 杜 造 特 如 釋 云 王 云 緝 有 服 亡,未 宫 蒲 緝 以「出 爲 而 前 蒲 居 王 爲 詳所出。 之, 宮亦 殿 有 與 屋 前 執 雖 戈 屏 戈 服 無

杜

齊 子哲。」本 愍 國 一憂也 子 曰 : 疏 代伯州 吾 代二子 犁 憂 愍矣! 公子圍 代 子 服 羽 H 憂

義 故 當 子 謂 案 服 憂 韋 、子羽,子羽則卒 不 子 爲 達 羽 廣 故 互 此言 當 此 雅 相 旨, 憂 一吾代 譏 非 子 釋 刺 乃 晳 謂 詁 日 二子 憂伯 或 **≫**: 子 無禍 子 羽 愍矣」。 愍, 若 因 州 又 害, 子 犁、 以 以 憂 韋 又 伯 也。」 子 傳 子 何 羽 子 州 意 爲 可 伯 哲 犁 也 自 伯 愍 當 州 實 明 正 州 犁 而 所 憂

釋

前

所

君

周 有徐、 成二子 代 以 憂者子皙 之乎 規 服 樂矣。二一子謂 奄 ,?」服 非 非 也 子 明言「代子羽憂子晳」,是 賈 恭冕謹 羽也。 日 子 量 . 伯 案 徐 孔氏 州 即 犁。 陳公子 疏 淮 杜 不審語 夷。」服 招 注 日: 不 誤 「不憂何 意,妄 日 所 :

爲 言 爲 徐 誓》云「淮 作成王政。」《周本紀》云「召公爲保、周公 案:《書序》:「成 子問》云:「子夏問 奄」,此曰「魯公所伐徐戎」者、《魯世 奄一不 伯禽即位之後,有管、蔡等反 戎 師 魯公所伐徐 淮 ,故引 亦並 東伐 夷」、「 言 興反,於是伯 夷、 淮 或 淮 奄」, 説 徐 夷, 夷」,是 戎也 戎 以 踐 明之。 不言「 王 並 曰:『三年之喪卒哭, 奄」。 一本 淮 東伐淮夷,遂踐 興」,言 禽率師 夷 徐」, 即 《書序》《本 傳 徐。 云一周 並 伐之。」《曾 也。 傳 服 云 則 淮 有 以《費 一家》: 不 紀 徐 夷 奄 得

> 國》 魯東 則伯 公伯 與?』孔子曰:『吾聞諸 金 年,楚伐我,取徐州。」《集解》引徐廣 征之,急王 公子,封於 徐 徐」者、《説文》作「郐」、云「邾、下 魯東 革 州 有 禽有爲爲之也。」」」注 禽 之事 萨薛 近 在 郝 所 郝 一,六國 魯 征 城」。 事 無 故曰 魯。 東, 亦 也 辟 急 今薛 有徐 時 《魯世家》:「頃公十九 也 東 周 征 日 者, 郊 之 事 戎 徐 縣。 不 作《費 也 老 作 州 禮 闢 。」段 聃 難, 云 與? 故 郡 日 誓 傳 喪,卒哭而 或 氏 》。」若然 以 伯 一昔者 初 志 玉 邑 也 屬 有 裁 日 周。 周 魯 云 魯 司

吾 襃長,故曰 日 一一禮 與 子 弁 衣 端 委。」本 冕 正 端 無 委, 疏 殺 以 故故 治 日 民 端 臨 諸 文德之衣尚 侯。 服

帷裳,必殺之。』鄭康成云:帷裳,謂朝祭案:正義曰:「案:《論語‧鄉黨》:『非

旁之衽 以 服 衣、中 曳 短 衣 皆 地 削 服 IE 不 裁 用 見 其 衣之裳言之。 服 帷 須 膚 其 幅 言 裳 斜 制 長 是 縫 有 辟 裁 正 也 不 齊 積 謂 幅 辟 \_\_ 被 倍 故 如 積 之 按 ± 要 深衣 帷 無 前 殺 : 殺 帷 然 禮 非 等 裳 朝 則 幅 帷 記 無 服 對 朝 裳 後 辟 深 祭 者 祭 深 積 四 之 衣 服 謂 幅 衣 及 其 服 制 當 長 當 喪 深

六 乘 終 十里, 度至 ,千里百 事 也 反 謂 從 乘 本 絳 疏 以 服 向 次 日 雍 相 : 去 授。 每 而 於 車 復還,一 + 率 里 皆 置 日 享之間 幣 行 車 白

有

服 案: 乘 謂 車 反 百六十 盧 · 各 氏 以 千 里 文 千里之路 次 里 弨 載 用 日 幣 車 則 相 八 授 杜 萬 往 百 氏 而 六千 還 乘 還 則 八 謂 里 不 反 IE. 每 徑 義 車 雖 至 從 追 率 里 風 故 杜 以 日 難 言 行 逐

> 見 事 之 服 致 行 輕 日 正 以以 其 者 者 米 六 相 以 之 乘 義 人一 足, 無 半 是 運 嘲 此 -, 重行 白 笑 識 糧 爲率、安 駁 正 反二十 猶 里, 義 石 乎? 也 矣 何 將 必 是 其 日 者 不 抑 輕 十步一人,負 即 得 五. 且 里 半 逮 之,使不 脱 服 百 其 忽 , ,八反 0 百 反 氏 生 法 不 謂 里 之説 至 思 爲二 杜 萬 用 行 得 元 之 義 三千 百 與 可 六千里 董 米 + 甚 爲 杜 六十 摶 四 實見諸 也。 長。 六百 氏 霄 斗 里。 並 之 里 + '嘗 案 故 祖 里 輕

參爲 皆 乘 爲 而 云: 有 爲 Ŧi. 準 五五 此 專 左 陳 車 名 角 以 數 + 則 相 多 十 乘 偏 離 少 此 九 爲 爲 以 名 乘 兩 前 兩 爲 於前 不 爲 拒 白 别 以 參 車 名 伍 數 服 + 於後 乘 爲 此 日 Ŧi. 爲 傳 别 乘 伍 去  $\overline{\wedge}$ 也 專爲 爲 車 司 八 偏 本 用 馬 右 + 。」彼 疏 卒, 法 角

居 于曠 聲,亦作廣。 蓋 專 計 以 馬 名與 案: 案:《廣 明堂位》言「廣魯於天下」注並云「廣,大 能弃之矣。」楊倞注: 卒千五百 此 也。」《詩・六月》「四 十五 法 仍 , 計卒二千四百三十人以爲右角 車 傳 九 卒三千六百人陳之於後。八十一乘 林 此 所 車數之名 乘 改車用卒, 兩 乘 用 爲 雅 伍 革 爲偏 士、徒 人陳之於前。百二十乘 角,計八百七十人 故服 •釋詁》:「廣,大也。」曠 車 賈 專、 《荀子 日 以 計 引之。 爲準。 是不 參、 乘,士十人,徒二十人。」 :「曠,大也。」《鄭世家 别其 七百 偏 牡 以 「『廣』讀爲『曠』,遠 《小司 , ~ 解蔽 若五 車 士、卒之數焉 脩 Ŧi. 司 十人以 數多少 廣 馬 二傳 》:「則 十乘 徒》注引《司 以以 法》 爲 爲前 爲準 爲 禮記 車數 爲伍 廣 左 兩,計 從 》注 ',當 拒 角 爲 之 廣

○《史》注主字不重,此

增

后帝不臧。 賈曰:「后帝,堯也。臧,

善

也

也

同

上。

南。 遷閼伯 氏 案: 雅 之火正 服 正 釋詁 曰:「辰,大火。 于商丘,主辰。 義 知 日 . 后 「《襄九年》傳 帝是 堯 主,主祀也。」同上。 賈 也。」「臧 曰:「商丘在 稱 閼 伯 爲 陶 漳 爾 唐

矣。 子」下云:「鹿谷山,濁漳水所出 州 商 伯之墟,封紂兄微子啟爲宋公,代 譜》云:「武王伐紂,乃 陽是也,本陶 案:《地 後。 盟豬 云
在 其封域在《禹 之野。」 理 志》:「周封 漳 唐 南 是 氏 者 相 火 土 ~ 正 貢》徐州泗 所因 微子於宋,今之睢 閼 地 以 理 伯之墟。」《 陶 之 志 唐 地 **>** 氏 濱 東 上 武 即 西 火 至 黨 及 商 庚 正 睢 鄴 豫 爲 閼 長 陽 頌

當 北 主 也 歸 是 經 六 所 七年》傳: 西 閼 君之行 皆 ,是 天》: 河 爲 即 ,經屯留 長 白 出 清 不 德 伯 主 大 南 子 府 1 東 漳。」又「沾」下云:「大 禹 居 謂 晉 祀 縣 + 異 林縣 「大火謂 是辰 北 貢 祥 商丘、祀大火、相 在 大 也 者。《 、是商 發 里。」 歲 「宋,大辰之虚 林 至 也, 辰 至涉 潞城 所 鳩 一阜成 即 \_ 0 縣 孟 謂 Ш 胡 在 丘 大辰,亦即 東 韋 子》曰 之大辰。」《 東 又云 大 氏 縣 襄 在 衡 人大 南 昭 火。 渭 漳 漳」者 流 東 垣 注 日 「使之主 、黎城、平順 水 南 經 河, 且 衡 大火, 長治 土因 南 也。」《晉語 漳 以 清 也 辰, 大火也。 過 黽 襄 矣。 濁 辰 所 漳 之,故 郡 谷,清 九 縣 漳 閼 出 在 祭 大 商 水注 年》 西, 五. 伯 水 火 而 爾 與 丘 而 又 之。 行 之 傳 漢 屬 出 漳 也 又 以 商 百 雅 **>** 0 東 時 今 東 神 云 主 Ш 千 水 云

> 受之」、《穆天子傳》「以 謂主其 川」、《公羊》昭 主 一,謂 八祭祀 主其 祭 十五. 祀 年傳 成 爲 五. 殷 攝 年 人 主 主郭 傳 而 往 或 主 璞 Ш 云

商 地 本 殷」或 人是因。 因 其 作 故 湯 國 而 服 代 之始 日 之。」同 祖 一商 Ŀ 人,契之先,殷近 相 土 封 閼 伯 之故 刊

之意 契之始 祖 案:《 始。 稱 狄 康 子生商」 人之稱 成《 矣, ,與《史》、鄭 吞 鳦 史記 後 長發》詩 書》云「盤 謂 封 不 卵 傳云「 契 封 而 以 生 • 契 服 生 殷 于 契 時 契 箋: 不 契,堯 以 本紀》云: 庚遷 商 爲 商 生 同者,以《長發》詩「帝 商 斷 也, 大 一商 人爲契之先,殷之始 有娀 于殷」《玄鳥》云「 封之於商。」 舊 是契之先早 也」,詳《詩》及 其 號 氏 稱 「契封于 耳 之國 殷 者 故 是 服 有 自 有 商 商 盤 於 商 毛 女 殷 商 簡 鄭 實 庚

之後 年 伯 此 後 推 丘 丘 土 後 答 命 故 前 之 殷 稱 明 》傳「閼 女 契之孫 故故 商 故 之始 此 世 咸 得 代 殷 云 宜 地 居 稱 有 商 伯 非 祖 , 商 其 閼 大 大 大 居 從 相 伯 地 明 故 殷 則 因 其 商 土 後 也 之 \* 武 或 之 承 故 丘 所 明 墟 傳 而 者 前 或 自 前 云 相 云 殷 代 後 因 而 始 也 代關 商 土 之 商 撻 故 代 因之」,服 相 之 彼 號 或 者 之」者,《 云 指 伯 之號 旅 土 雙 殷 相 之後 爲 相 相 稱 武 土 商 名 土 之。 土 蕩 云 襄 居 服 封 從 以  $\Box$ 云 商 其 相 更 商 九 閼 故 商

遷 汾、 實 實 而 澮之閒 沈 封 沈于大 顧 于 于 大 氏 夏 夏」,《 炎 墟 夏,主参。 主祀參星。」 武 日 定 服 : 公  $\overline{ }$ 虔 四 左 日 同 年 傳 上 服 『大夏 **>** 日 昭 命 : 公元 以 在 大 汾 唐 年 夏 盐 遷 在 澮

夏者 絳。」况 之始 之間 鑿 汾 闢 至 方 紀年》:「康 封 百 베 蠻 維 故 一侯 0 水 百 餘 日 龍 前 彼 唐 夷 之西, 緍 門 里。 里 成 見 此 成 霍 城 正 梁 陶 猾 之 王 杜 通 ^ 不 王 即 未 唐 今 Ш 在 春 夏』者 王 滅 滅 大 翼 氏 見 封 有 鑿 後 絳 以 九 晉 又不 秋 並 城 則 夏」、《吕氏 年, 叔 於 河河 北 世 州 絳、 ×, 此 在 以 正 也 虞 傳 唐遷 遷 翼 而 相 其 冀 出 自 於翼。 吉 爲 在 于 封 合。 城 都 孟 都 當 方。 悼 于 太 唐 又《 太 西 隰 晉。 門 以 公 在 原 水之東 亦 叔 春 竊 之 唐 之上, 史 以 而 **^** 翼 服 遠 晉 宣 也 + 史記 間 秋》言『龍 疑 在 記 後 舜 陽 氏 王 不 里 唐 + 北 ^ 之 河 之説 相 9 始 六 括 叔 而 則 堯 命 距 及。 屢言 書 晉 汾 年, 開 地 之 晉 息 所 晉 裔 按 爲 之東 世 縣 晉 志 謂 門 封 陽 所 陽 陶 子 : 信 竹 家 遷 邑 在 未 所 晉 以 大 禹 Z 于 書

白 文》以 之間 澤 汾 大夏 星 澮 秋 西 志》「太 又 Ш 而 淮 説 Ŧi. ※ 封 陽 西 注 水 南 也 南 月,參則 文》河 參爲 之宿 」。」段説 本 出 縣 之 于 至 桓 南 禅 IE 公伐 北 原 汾 味 河 汾 在 時 商 書》 人 在 管涔 郡 水」、《説文》「澮 東 陰 篇 星 平 居 則 汾」,大夏爲 東 多」「 見。 者, 述 汾 晉之師 絳 》和 人 實 訓 鹽 陽 水 陽 桓 河」,《 Ш 非。 縣 商二二字 (沈者 》「昏 池 明 東 至汾 傳:「參 公之言 東 之美 下云北 矣。」 也 僅 大 澮交東 ,主祀之。」 與 參中」注:「參 水 連 及 戴 者 翼,在 陰 翼 豪文讀 經 愚 **^** 以以 高 記 説 也 縣 絳  $\approx$ 大 水 案 Щ 梁, 高 者 文》 北 爲 爲 汾 夏 一晉絳 出 汾 之。 . 了,伐星 夏 Ш 西 西 近。 在 之 水 河  $\wedge$ 注 伐 今臨 小 水 顧 吕 出 鹽 西 東 參 ^ 氏 古、 于 大夏 所 Œ 氏 彘 至 大 西 也 地 譏 汾 商 河 出 ※ 説 方 0 隰 原 春 王 靃 理 即

> 謂 服 夏, 唐 人 陶 以 大 是因,以 唐 唐 實 氏 沈 即 之 之國 是 胤 服 劉 事夏、商。 累。 , 子 劉累 孫 本 事 疏 以 夏 服 帝 事 賈曰 孔 商 甲 也 封 唐 于 同 大

人

累 文。 劉 唐之後 虞 虞 封 劉 也 廣 案 五. 嗣 以 累 帝 夏 于 累 因 子丹朱」, 以 大 彼 L 爲 本紀》「帝堯 唐 賜 堯 可 夏者 爲 來 傳 唐 人, 號 御 氏 典》「胤 知 之 陶 云 後 陶 龍 之文連 彼 顯 以 謂 唐 氏 唐 以 及 傳 者, 是 氏 陶 0 最 范 更 子 事 唐 者 唐 顯,則 更 而《 宣 舉 朱啟 在 豕 孔 人 爾 放 氏 子自 豕 其 韋 夏 襄 甲 謂 之胤 雅 後 韋 明」、《 勳 爲 之後」, 此 廿 帝 炫 之 之在 御 云 几 堯 , , 釋 其 後」, 者 一唐 龍 年 之 五. 詁 集 世 + , 此 商 氏 繼 》允 帝 解 人 傳 族 者言 非 九 史記 賈 紀 嗣 **>** 日 指 年 引 必 是 以 必 也 之 自 作 劉 舉 爲 傳 徐 陶 繼

累 孔甲 或 耳 語 若然,則劉累之後初在大夏,商時代受豕 高 縣 也 不 豕 自 宣 隔 夏之墟。 日 韋 名 帝 得 韋 》「彭 商 子 所 絶 顧 紀費》 在 時 劉 代 故 而 至湯始伐,至 日 是劉累之 至 封 累 昆 姓 此 累 之,是 賈 明 雖 東 吾」箋:「韋,豕 宣 非 師 既 傳 彭祖。 云子 遷 矣。 注 在 郡 子 豕 古《高 不 唐 白 三云「殷 商 魯縣,子 日 韋 劉 封 人 封 彼 爲 馬 丁,其 累之 孫 在 既 豕 商始 祖 豕韋,則 非 傳 豕 縣 服 韋 定爲劉 末 商 本紀贊》注 證 豕 韋 東 又 封 孫 事 豕 滅 韋 二也 氏 南 則 章,彭 云 非 夏、商」者、正 韋 仍在大夏。」《漢 是 其 心性 封 商滅之矣」, 累, 徙 豕 劉 孔甲時,劉 劉 夏之 與 證 韋 累 《 長 姓也。」《鄭 累 豕 大 則 或 云「豕韋 ·, 其 之 遷 夏地 墟 韋 封 於 也 發》 封 於 封 唐 在 爲 證 則 詩 大 當 之 范 義 魯 劉 相

> 夏商 韋 復自豕韋遷唐。 之證 也。 至成 王始滅,是 服 事

其 季世 也。」 日 唐 叔 虞。 服 日 即即 邑姜所 生

者

本

疏

唐人之季世 服 以 此 語 一,其 爲 下 君 提 綱 叔 故 虞。」 云然。 杜

武 當 王后 武 王 ,齊大公之女。」《晉世家 邑姜,方震 大 叔 》注 服曰 -: 邑姜

王舅」,伋是齊大公之子丁公也。」伋爲 案:正義曰:「傳言『武王邑姜』,繫之武 舅,知邑姜是太公之女也。 王,知是武王后也。《十二年》傳 稱『吕 仮

天 世 夢帝謂 家》注。 也。」《鄭世家》注。 己 服 同。 「余命 本 疏 而子曰虞。」 又 曰:「己,武 賈 王也。」《鄭 日: 一帝

案 子》「夢帝 書 與我 洪 範 九 》一帝 齡」鄭 乃震怒」、《文王世 注 並云「帝,天

虞』, 也 時 故 夢 一一一 世 天 服 家 謂 》云「初,武 武 此 王 夢爲 曰『余 王之 命 之夢 汝 與 生 叔 子 虞 名 母

及 成 王 滅 唐 而 封 大 叔 焉 故 參 爲 一日

以

武

王

爲

兄

後生

一爲

弟

賈 晉主祀 參 多 三爲 晉 星。」《 鄭 世 家 洋注

叔 子 晉 燮,是爲 世 家 **\***: ¬ 晉 封 侯。」若 叔 虞 然 于 唐 唐 又曰 祀

則 屬 在 唐 唐易 爲 晉 則 日 晉 星 矣。

昔 駘 臺 官 金天 局 也 弟 師 氏 也 服 有 長 裔子 日 同 也 上 金金 Ē 昧 昧,爲玄冥 爲 天 水官之長 少 皥 也 師 玄 生 允 冥 格 允 水

也。 師 世 師師 鄭 於冬云『其 本》文也。 正 注 義 訓 E 長 居 者 禮 『金天氏,帝少皞 金天代 , 神玄冥」,是玄冥 書 地 官 0 號 》序 益 少少 稷 官 皥 > 州 鄉 身 , 師 號 + 爲 帝 水 注 有 系 官 月 並

> 知 云師 爲 兄 長 弟 也 --爾 云 雅 0 昧 釋 生允格 親 男 臺 子 局局, 謂 故 先

臺 駘 生 能 業 其 官。 服 日 . 修 昧 之職 口 上

案 論 語 修 廢 官 皇 疏 治 故 修

言 臺 駘能治 水官之故 職 也

障 宣 水 宣, 》注 其 汾、洮, 引 水 猶 賈曰 也。 通 也。 障 「汾、洮,二水名。」 太原、汾水名。」同 大澤, 汾、洮 以 處 水 大 也 原 上。 0 服 日 水 賈 經 日 陂 澮

也 案 上 其 知 不 故 貫 所 處 作 云 洮水,正義云: 《 耳。 在 洞 釋 爲 當當 也。」「汾、 名 宣 舞 案: 亦 猶 以 是 釋 ^ 通 續 一台 宣 言 洮 漢 地 導 者,《 語 二水」者,汾 書 之水 之 釋例 • 吕 高 後 郡 通 覽 註 或 世 洞 洮 : 志 古 竭 也 水 水 宣 樂 闕 涸 説 河 無 不 篇 東 見 所 無 通

東」注 號 陂 障 闕 出 障 兼 之文,上「左邑」下有 以 合。」 郡 水 洮, 涑 涑 爲 縣 : 是一 其 也 其 稱 經 派 水 水 水」者 在 可 爲 地 乎 水 王 聞喜 所 出 洮 馬 聞 自 王先 或 謬 月 汾 汾 障 出 河 亭 彪 縣 喜 汾 《詩 絶 據 令》「 水 水 正 生《疏 大 東 下 也 日 俗 有 出 流 與? 此 於 篇 俗 澤」 聞 謂 洮 》一彼 於 爲 \* Z 縣  $\stackrel{\cdot}{>}$ 莽 證 毋 檢 喜 則 之 洮 水 言 魏 然則 × Z 汾 兆 前 左 汾 縣 漉 洮 華 亭」,或 水 澤之陂 陂 志 迤 防 水, 晉 陂 陂 東 水 谷 出 涑 爲 水 間 水 者 聞 水經》『汾 今 漢 Ш 池 聞 又 酈 至 鄔 使 乎 喜 水 經 時 黍 喜 廣 氏 是 南 下 周 澤 ? 不 注 殆 傳 雅 猶 所 . 葭 無 縣 隄 過 陽 亦 見 流 》作 涑 「莽日 未 出 服 谷 大陵 畜 ^ 防 本 洮 故 與 爲二下 溢 陂 水 廣 絶 云 水 之 水 水 兆 洮 洮 王 注 篇 雅 自 也 亭 指 縣 作 澤 陂 之 莽 日 杜 水 當 汾

> 洮, 水名也 杜 服 原,言太原之地 日 藪 接 有 既 蚤 水 脱 鄔 云太 云 臺 也 修 陂 經 處 漚 文。」 0 之」注 鄣 \* 太 洟 其 駘之所居」,失之。 大澤 吕 原 原 汾 之 陂 地 檀弓》 水 澤 氏 東 汾 理 以以 出 春 亦 西 志 水名 所由 處, 秋 太 是 安 注 四 道 **>** 》謂 原 治 定 日 里 定 元 名,非 汾 : 者 太 汾 也 所云, 之「大 處 南 陽 原 0 以以 水 九 北 安 :謂 縣 之 而 傳 澤 + 地 汾 陸 北 其 也 太 繫 言 在 餘 水 原 管 遺 之 宣 北 里 出 又 爲 涔 跡 太 晉 禹 通 自 即 名 Ш 與 并 陂 語 貢 汾 汾 太 之 南 州

帝 案 裔子 臺 用 帝 : 嘉之。 一點 用 正 是 臺 嘉 金 義 之 駘 天 日 又 服云: 爲 裔 : 是 顓 孫 顓 昧 頊 帝 爲 頊 之所 嘉 爲 臣 耳 顓 帝 生 宜 頊 昧 承 當 也 則 於 金 顓 去 金 天 頊 同 少 天 之後 上 皥 已 故 遠 以 云

子,顓 昊 傳 史 服定 明 顓 是少 氏,乃 天下 志 訂《帝 按孔 也。 史籍散亡 少昊氏之衰 世本》之疏 一遷説 矣。 頊之去黄帝 爲 其子 氏 八 號 而《帝系》《世本》皆云少皞是黄帝之 少少 黄 頊 系》《世 世 爲 顓 以 曰 春 帝之裔 是黄帝 昊日 籍亡 然 • 頊 調 孫名 金 秋 者 也 天 無 命 也,九 何 頊 本》之誤者。 中 或或 通 清。 難 摯立,土生 氏。」 可 之孫。 前 曆 傳 疑 為,不 稱,非當 檢 序》云 間 本《 臣 非其子也 清 黎 勘 是 隔 十世, 世 春 者,黄 亂 臣 絶 金 知參 多 此 秋 一黄 德,顓 世 不 其 天 金 事 而 命 ^ 世而 帝傳 多 氏 之他 漢 足 帝之子 曆 帝 故 未 得爲黄帝 而 上承 補 書 必 序》,不 世 頭受之。 《楚語 遽衰 爲 十世 帝 書 然 少 • 帝 金 世 少昊 清 乎 猶 律 也 系 少少 也 少, 以 0 孫 陽 ? 曆 可

> 國。 矣。 沈、姒、蓐、黄,實守其祀。今晉主 同 上。 賈 曰 : 四 或, 臺 駘 之後 一汾而 也 滅 滅 之 几

攢 祈 Ш 用 賈曰 川之神 福 也 幣 0 」《鄭: 也 營攢 則水旱、癘疫之災,於是乎禁之。 世 若 家 用幣。」本 有 》注 水旱 則祭祭山 疏 服 日 :「祭爲 111 之神 以 誉

置茅 也 韋 癘 慈。」《晉 孫 案 祭,設 昭 疫 通 《説 賈 <u>六</u> 二 于 蕝,設望表。」《 傳》云「爲 爲 Ħ 緜 語》云: 文》云 引繩 服 蕝 月、星辰、 所 爲 本、孔 爲 一營,以 綿 綿, 蕞 昔 蕝 野外習之」、《索隱 史記 山 疏 成 立表 禳 節 ]1] 王 朝 風 引耳。 索隱 盟 也 會 雨 爲蕞」,蕞 諸 東茅 雪 侯於 史記 引賈 霜 《説 表 、水旱、 岐 文》: 位 即 影引 陽, 叔 蕝

■ 「散」,原誤作「敗」,據《春秋左傳正義》改

歌 次 注 即 與 亦 爲 字。』《文選 如 亦 服 口 四 説文》「設綿 蓋 束 爲 四四 同 聲 、攢古字通。」然則 如 也 日 氏 里 茅 者,疑 壇 之云: 祭門 故 注 「棗 宗 里 以 爲 位 也。 當 蕞 酇」「 爲 何 表 鄭」、《吕覽》「季 下 一答 用 詞 爲 謂 如祭社稷 • 笙 位 何 氏《纂文》 攢」矣。 瓢 《祭 「祭謂 是以禁酇 **蕝爲營** 以 祭,祭之言 攢」字通。 . 攢 爲 齎」注:「禁,謂 茅 慈。」《 賦 攢 法》「雩宗, 翦 爲 影歌 注 ,服云「營攢」者,亦 雩,祭,水旱 至 云。 樹 「慈」 「禁」矣。 日 鄭 史記 地 棗 爲正 :「攢,聚貌。 營也。」 秋 注 《周 鄭 下之纂纂」,古 爲 慈, 制 即 據 黨 纂 義 祭 禮 百 ^ 叔 「纂」,「纂 營酇 今之『纂 矣。 祭法 ·之神 周 位 E 水 是禁、 · 遂 縣」注 孫 \* 禮 尊 早 通 若孔 卑之 祭 也 傳 祭 引 與 幽 蓋 口

> 祭」, 有幣 祝 山 能 璧既卒」 處」, 氏 111 玉 著 用幣」,據 》新祈 興 有 ]1] 白 ,故《雲漢 不 然則《 之神 失之。 也。 雲 源 知 所 無牲 「攢 福 壅 雨 也。 注 底,止 祥 閉 能 者 月 常 之 小水 《 莊 》詩云「靡 湫 主水旱,祭之。 也。」《 是 令》 月 禮 陽 底, 即 也 <u>一</u> 十 也。」《釋 也。 早是天災 氣 令》「仲 云 茅 以 盛 大 祈祈 若過 Ħ. 慈,云 露 祀 而 愛 年》 文》。 Ш 常 其 夏,爲 斯 ]1] 之甚, 則 「掌 早 傳 體。 牲 流 〇本 聚 祈 即 云「凡天災 六 行 」,又曰「圭 Ш 草 民 福者、《大 祭 故 祈 亦 111 木 祈 也 服 用 百 服云 爲 四 祀 源 底 以 祭 Ш

勿使 湫 著滯 案: 詁》文。 也 《説 淫,底 服 文》: 故訓 著 「湫 猶 「湫」爲 此 隘 湫 著」。 底。」 下 也 彼 「底,止」、《釋 注 番 云「著 語

附

音 於 是 淫 過 有 。」《公羊 煩 手 淫 莊 + 七 年 疏 服 日 : 鄭 重 其 手 而

者 煩 案 重 降 過 也 引。」《詩 符 漢 也 命之 書 0 過 • . 意 其 弱 王 度 莽 雎 師 量 》序「不 傳 古 謂之爲  $\approx$ 注 然 淫 非 鄭 淫 其 皇 重 色 天 猶 所 樂記 疏 言 以 淫 鄭 頻

石 北 六 日 》疏 氣 方 : 世 曰 風 亂 明, 陰、 則 東方。 べ禮慝 南 陽、 方。 風 而 雨 樂 惟 雨 , 淫 天 西 是。 陽 晦、 方 不 0 明 變。」《 陰, 也 中 詩 央 . 賈、 漸 漸 晦 服 之

傳 桂 也 也 兑 爲 相 《説 是 詩疏 失,不 雨 坤 風 卦》:「 爲 屬 》據《五 澤 地 知 東 是 0 | 賈、 巽 方 雨 月令》云 爲 一行傳》 服據《易》 屬 兑, 風 西 。」又曰 正 》謂賈、 方 秋 以 也 中 坤 服 釋 爲 央 「巽,東 義 虞 此 土。 陰 與《 六 注 故 説 書 云 氣 南

> 大。 也 也 所 方。 作 伏 且 陰 隨 直 生, 屬 説 「大哉、乾元。」《 故 故 中 六爻純陽,故 説 惟 掛 象 天 繋 央。 晦 日 天 掛 **>** 傳 之 辭 云「坎 屬 \* 不 陽 **> ^** 学云 象 變。 日 離 北 爾 不 : 也 南 : 方。 變」, 北 雅 日 君 0 夫 故 方之 方 大。 ^ 九家 釋 子 乾, 謂 日 離 之 言 以 乾 卦 卦 其静 元 乾 . 易》 繒 也。 也, 者 象 晦 者 又 也 純 日 晦 **> ^** X 故 日 乾 專 陽 氣 坎 明 宴 冥 陽 之 其 明 衆 爲 屬 息 也 始 挂 稱 隱 動 南 兩

使 : 赴 同問 于 來 鄭, 赴者。」《楚世 伍 舉 問 應 家 爲 注 後 之 辭 服

喪,故問之。案:時伍舉代子圍聘,鄭使來赴郟敖之

趙 趙 盾 孟 適 子 南 餘 陽,將 趙 衰。」 會 孟 本 子 疏 餘 服 日 : 孟

之甚 等 月》, 勳 御 至孔 敘 昭 是 杜 其 義 餘 三年 孟 季」復字「孟」耶 而 太 長 以 趙 云:「服 爲 必然,當先衰 使公子降 者。 是衰 祖 孟 趙 ·》傳 幼之字 趙 上之至于祖」之義 穆,與太 云「子餘是字,孟是長幼之字」, 成 氏 在 子餘 衰 盾 八 之弟 説 後,即 日 之字「季」, 也 以 年》「宣 秦 是 拜」,是子餘 也 孟爲趙盾,子餘 祖 語》 重 伯 也」,《成 趙 子 ]。」按: 之廟 耳 後盾 之享 衰一人, 大傳》所 云「趙 孟之忠 餘 拜 而 趙 賜」,《 ② 王 傳 ,何以先言 重 三,敘 八年 也,故 爲 衰 耳 有明文, 豈 衰 蓋子餘是字,孟 制》云「大夫 云 趙 ,其先君 也,「公賦 一者 杜 - 》傳「 晉 爲 衰 先 自 謂 昭 趙衰。 語》云 ,《僖 字 盾 仁 穆在 趙 成 孟 也。 後 率 盾 之、 有 季 則 也 親 前 衰 子 + 戎 誤 若 字 之 正 六 是

> 月。」《王 甲 月 辰 朔 朔 也 制 烝 亦疏 本 于 疏 温 人君 服 用 : 孟 甲 月 人人臣 辰 朔 用 夏 仲

春」 弑其 僖公 夏正 案 有 傳之文或從夏正 經書『春』, 十一月。 次文侯、昭侯以至 書,皆簡 晉侯及秦伯 年十一 太 顧 月 建 五. 君卓」, 康 而 氏 壬 寅之月 年 傳 編 中 十一年「晉殺其大夫 炎 月,魯隱公之元年正 戊 晉 科 在 武 而 經 汲 而 E 斗文字。 戰 傳 爲 曰:「杜 侯 書『正 縣 年之十二月。 傳 于 ,或從周正 在 歲首編年。」今攷《春 殺 人發 則 韓 曲 E 其 爲 獲 月二, 沃莊 預《春 年之冬。 其 記 世 二九 界内 晉 子 晉國 而 月壬 伯。 侯」,經書『十 ,所以錯 申 秋後序》曰 傳 十年一 舊 月也 起 生, 不 在 莊 戌 十 五 自 冢, 鄭父」 伯之十 上 」,皆用 殤 年之 經 里 得 互如 年 秋 書

乎

丙子

日,

日

在尾,月

在策, 鶉火中,

?

火

中

成軍

一,號

公其

奔。』其九月、十月之交

振

振

取

虢

之

旂

鶉

之奔

奔

天策

焞

焞

對:

童

謡

日

丙

之晨

龍

尾

伏

辰

均

服

必

時

也

)。」云「九月、十月」者,明夏正

篇》云「是歲

趙

文

》云「冬,趙

文子

辰

朔」,

明

晉

之

用

實夏

正

+

月

有

此

例,

故

此

以

朔」者

曆,則

下一甲

辰

朔

在

露

川

祭

篇

蒸

也,

惟

晉

用

夏

正

故

乙

十二月

者

用用

周

曆

曆

按

此

則

晉

用

夏

此

自自

注

羅

泌

以

譽,爲諸侯度。』」 游 二年 也 傳 有嘉 宣 子 樹焉, 宣子 游 其 本 樹下。 疏 譽之。 夏 諺 日 服 日 : 游 譽

之例

故

稱

甲

辰

朔」,明用

夏

正

此

朔

實

不

· 得

更著

「餘月」。

明

年正

戸

,而上文以

朔

以

晉未

改

月

在

周

則

爲

明

年

夏之

+

月

朔

也。

若《

僖

Ŧi.

年

**\tag{1}** 

述

1

偃

案: 春 豫 秋 惠 傳》 氏 趙 棟日 曰「季氏 岐 ^ : 章 句 有嘉樹 **\*** 游 日 : 譽,今《孟 宣子 -豫 豫 亦 焉 子》作 游 也

炫

謂

十二月之文,

紀

事

也

杜

氏

不

· 得

傳

意

也

選》王 篇 其 字 今正 李 優 引《孟 故 故 合 秋 好 引《孟子》文,杜 周 孫子兵法》 譽』字本 ,其 爲 杜 豫以 游 下 也, 服本作「 易 義 以 元 暇 日 此言,不 義 宣 子》『吾 長 • 作 爲 譽,令猶 收 是望文 序 子 則當從 曲 譽其 遊 成 「譽」,就其 譽 作 **性**》日 本 水 豫」,所引《孟 並 日『人 猶 詩 『豫』,故 知古本作「豫」,不能以「譽 君 自 美 豫 序》注。」 生 豫 豫 本 行 不豫』以 好 無 義 古字 作 與今本《 也」,《 之 分郊死 豫 言 也。 訓 本 文選 必有 譽」, 愚案 IE. 服 遊 以 武 外 通 而 爲證 義 孔 改 也 子 隨」, 子》亦作「 傳》作 爲 孟 • 趙 : E Z 氏 服 何 東 按 子》作 ^ 能 互. 豫」之 袒 杜 並 若 李 京 晏 鄭 以 則 引 用 善説 杜  $\overline{Z}$ 『暇 賦 子 康 是 知 輒 改 之, 爲 抑 豫」。 成 假 游 譽 服 豫 此 對 見 豫 服 《文 度 内 ? 其 借 雖 傳 於 注 所

齊

衆

女字等,言

齊

或

如

此

好

女甚

少

0

本

疏

晉

侯

謂

之少

齊。

服

曰:「所

以

寵

異,不

與

棠》, 傳 宣 其 自 並 子 美 也 無 無 游 言 對 Œ 好」通之也。 取 答 於 武 一召伯 宣 其下,故 子 子 何 譽 所 以 美之 憩」、「召 欲 至傳敘武子之言 輒 封 意。 對 殖 伯所 此樹,其賦《 孔云「宣子 是 左 芝 之語 杜 亦 而 H 本 以

貴 齊,不 之常 伯 也。 案:《曲 服義,則當讀書沼反矣。 此 少 季 也」,是其義。 好 字亦 也。」 今晉 不多也」、《易 女 與 甚 禮》云「 齊 侯 以 又曰「女子 少 之衆 欲 伯 者, 寵 叔 男女異長」,注:「各  $\wedge$ 女 異 釋文》「少,詩照反」,如 略 爲 服 敘 少姜,故 敘 例》「夫少者,多之所 依 許 伯、 文立 嫁笄而字」,是 如 仲字 伯 特字 義 姬 也 之日 孟 説 云如 姜 自 是 少 女 爲

晉侯使郊勞。 服曰:「近郊三十里。」《詩·

駉》疏。

案: 别 里。 耳。 引。 + 周 差之,遠 有 里,子二十里,男十 制 今《儀禮注》「侯伯三十里」,當是 近郊各半之。」晉是 服 依 字 聘禮》云「賓 之誤 天子 終 云「近郊 郊 與 上 畿 也 鄭 公 内 異 五. 三 十 千 也 及 詩 十里,侯 里, 郊」, 正 里 里 侯 義 遠 也 爵,近郊當 注 者 郊 則 四 脱 此從 百 日 + 四 里。 郊, 《詩 里 十里」三字 服 IE. 遠 當 或 伯 以 <u>一</u> 十 義 郊 當 作 》所 此

退 星 爲 年 寒暑 也 傳 季 夏 火 之候 季 中 事 月 + 寒 也 黄 暑 唇 月 乃 詩 火 平 退 • 七月》疏 星 日 中 IE. 服 中 大 日 在 暑 : 南 退。」 火, 方 是 大 大 火 火 寒

注"「大火,心也,在中最明,故時候主案:《爾雅‧釋天》「大火,謂之大辰」郭

於此。」

中正 寒,先 邵 《夏小正 中 寒暑之候 者,亦據《月令》文知之。 矣。 焉。』《公羊 「火,大 令》差一 旦 星 二月平 日「大暑 中。 氏 丽 以以 中 知 《詩 晉 著 義引《三統 六月 · 旦 正 火 也 月。 季 退。 候 涵 火 0 正 也 也 疏 夏六月 四 所 日 既 0 義》 過 中在 爾爾 月初昬大火中」, 時,故 引 在 : 唇 此 火 流 堯 曰:「《月令》季夏昬,火 中 下 李巡云: 星 則 南 風》「七月 後 典》「 黄 曆》「大 則 中 立 方 日 以 也。」 唇 世 與 大 而 春, 衝 者 星 火 歲 傳 辰 寒 過 反之,故十二月 火以 星中 故 箋云「大火 《月令》「日 「大火,蒼 寒旦,心 差 及《月令》 暑 流 此 日 之法 退 知 則 火」傳 與傳及《月 大大 大 正 故 故 立 季 仲夏」, 寒 秋,故 暑 權 五. 冬十 龍 日 合。 退 退 輿 度 氏 宿

嬪 明 以 之列 也 備 内 照照 燿 官 明己之意 照 焜 也。 燿 寡 釋 人 望 文》。 之望 也 0 〇本 本 疏 疏 服 言得 日 備 焜 妃

《説 元年》 以 車 文》云「明 也。」照 内官 煌 妃 文》亦 名 《説 煌 嬪 不 傳 釋 燿 文》: 過 宿 傳「 釋 内官焉 也 以 日 九 疊韻連 天》:「曜 煌 有 :「燿,照 焜 御 妃 煌 云「備妃嬪之列」者 <u>\_\_\_</u>, 煌 嬙 注 文,故以「 明 嬪 也。一 也」,故 也。」「照」者,《 御 九御 燿 焉」、《周 詩 也 照 · 大 焜 光 九嬪。」故 亦 訓 明 明 語 爲 「《哀 照 燿 **>** 明 説 檀 燿

公聚 工 老、商老、農老也。」《釋文》。 屬 韜》云「大農、大工、大商謂之三寶。 朽 諸三官」注「三官、農、工 《吕覽 蠧 而 ・上農篇》「  $\equiv$ 老 凍 餒 凡 民自 〇本 服 、賈 曰 疏 七尺 也一。 略 同。 農 以 六 E

耕

,是士可

免

於

凍

餒,故晏子不及之,且

工、商、農爲

利所在,至其老凍餒,可見衣

老無 《六韜》之稱「三寶」。 則貨 易之詁 商 悼之賢, 其 司,則《吕覽》之言「三官」。 絶。」是言任職之民皆以三者爲 乏其食,工不出則乏其事 曰「三老」。 曰:「待農  $\pm$ 商、農、工、賈 鄉 而 不知 制》云「下士視 别,不 通之。」又引《周 足」。 則穀足,工一 也。 亦 遷業。」《 而 宜 晉士 티 : 正 服 食之,虞 以三 義 日 「其 不 會稱 工 其鄉則器足,商一 大史 敗 Ŀ 種 老、 庶 書 案: 其業。」 之民 而 農夫,禄足以代其 楚 計其 人力 商 公 出之,工 莊 方,商 曰:「農 老、 紀 爲三老。」案: 民 之霸 年 于 楚 不出則三 農 重 有 農 子 則 要。 貨 其業 老 而 四 也, 囊 此 不 穡 民,其 成之, 殖 論 其 固 傳 出 美晉 日 傳 商 之 則 寶 則 其 鄉

言 食之原已乏。 遺 乏 則 三老已 竊 該 謂 别 流 孔 品 氏 當當 舉 杜 四 以 民 並 難 舉 服

非也。

休, 也。 民 口 人 就之日 痛 休 痛 其 疾 痛 美 燠休,代其 而 而 也。」《釋 念之。 或 噢 休 文》。 痛 若今時 之。 也。」本 本 小兒痛 疏。 賈 疏 日: 服 父母 日 燠 以 燠 厚

覆育 剴 舉 謂 也。」云「今時 而 美」者、《爾 以 時 吹 念之」者,《 而 相 「燠」訓 休於 俗以 萬 氣 旧品 煦, 物」注: 咐 以 氣」注 況 温 醖 雅 也。 「厚」者,引申之義 日 小兒痛 之 釋 西襄 . 昷 以 也 而 ^ 名 釋詁》文。 攷 『休』,讀 成 • 氣 潤 父母 工 育 釋言 也。」《樂 淮 日 記 羣 煦, 南 生。」嘔 0 以 語 服云 爲『煦』。」《 弓 則 П **≫** 本 記 以 人 就 經 休 \* П 之」者 念,黏 咐 痛其 訓 蹙於 就 即 煦 説 之 嫗 訓 痛 燠

矣。云「代其痛」者,言愛之甚也。休。《玉篇》本服注「燠休」,又作「噢咻

隨 其 也 相 胡 本疏。 公、大姬 ○《釋文》: E 在 相 齊 ,服如字。」 矣。 服 日 相

讒 禹 《明堂位》所云『崇鼎』是 鑄 鼎 從 案 之銘 胡 九 《説 鼎 公、太姬 於 文》: 甘讒 「隨,从 神 之地, 服 靈 日 己 : 故曰『 \_ 在 也。」言箕伯 也 讒 齊 云 讒 疾 鼎」。」本 讒,地 讒 四 之鼎 人相 名

案: 利 法、大顛、閎夭、散宜生、 注 之徒皆往歸之。』崇侯虎 『文王遵 日 一西西 於 「疾,惡也 云「疾讒」 帝。」帝 伯 后稷、公劉之業,則古公、公季之 積 紂 善善 B。」《周· 者,《 乃 累德 囚 少 西 本 諸 儀》「有 伯 紀》曰: 鬻子、辛甲大夫 侯 譖 于 美 皆 西 八里。」《 Ľ 繒 伯 西 而 之, 於 伯 殷紂 無 將 明 疾 ○《釋文》引「疾讒之鼎

也

马,徐 於甘 禹 也。 《马部》 谷、甘亭。 存疑 然,則文王 位 地 如「含」。 文》:「扈,夏后同 名之曰 「崇鼎」 扈」字之右同之,右爲 讒」,今作「扈」,形 理 收 》云「崇 九 古者伐 志》「左馮 讒之地」者、《説 若然,則「讒」即 也。 鍇 Ĭ 也 議 牧之金 「含」「讒」 謂「從『辰 : 讒 鼎一, 鼎一, 疾 古文『扈』作『妈』,从 马,嘾 或 **云**一云讒 之地,古 崇 鑄 翊褱德」下云:「《禹 注 服 遷 侯 姓 鼎 其 故 之 也。 聲 巴」之『已」,非 聲 所 荆 崇, 文》「鼎」下云: 以 謡 重 扈 籍 並 相 封 聲 山之下。」《漢 一器以 爲 故 讀若『含』。」古文 地 無 敷。 異,今古文之别 戰 近,故假 則 國名。 即《 名」者 徵。 伐 於甘者,有扈 分同 扈之古音 云「禹 明 而 按: 堂 備説 得 文王 音 山马。」 姓 位 貢》: 其 字 書 鑄 学之 也 説 若 爲 伐 鼎 讀 以

亭。」故 之地 難 北 並 紀 水 處 池宫 北 西安府,相 褱德即今富平縣 西、又北 水水出 有扈谷 渭 荆 其 曉,故據扈谷、甘亭以舉之也 舉 也 東 條 Ш 沙 水 也 者,以 (地,故 近 鄠 荆 苑 在 之 於荆 馬 亭。」《渭 Ш 縣。 逕 之 南 南 即 陽 漢 融 在 南 古 Ŧi. 褱 曰「讒 距 Ш 即 志 Ш 日 Ш 南。」《 昔 柞 德 爲 甚 甘 褱 学右 故 : 下 夏 宫 水》注 沙 縣 近。 谷 德 讒 鼎」矣。 有 甘 云 啟 東,又北逕甘亭 故 當 鄠 扶 縣 水 荆 」,今又爲「扈」,其地 北逕秦文王 作 然 伐 城 荆 有 縣 經 風 界 一一洞 渠 池 則《説文》 也 有 Ш 仍 扈 鄠 也 • 0 服氏「甘」「 即 之下」,鼎 扈,作 南 謂 渭 秦 下云:「古 城 水 引 夏 郊 「鎬 水》 舊 文 在 后 地 池 地 名 誓 **萯陽宫** 東 渭 以 鑄 名 苑 注 西, 理 合 於 水之 則 鑄 俱 九 也 即 <u>二</u> 乙 讒 志 實 鼎 屬 是 在 甘 鼎 或

## 春秋左氏傳賈服注輯述卷十五

嘉興李貽德學

昭公

水篇 ○《水經注 川 年 傳 注 》同, 三塗 惟 無「三塗」二字。 太行、 服 日 轘 轅、崤 塗,道也。 澠 也。 《水經 本 疏 伊

Ш 案 中三道 在 也」注: 涂」。 西北 地 《易 塗」,《 日塗。」《 途, 理 《水經 志》「 説 説 即 河 文》 桂 道 爾 ・禹 一》「爲 内 雅 也。」《禹 新 郡 • 貢 坿 大 山 釋 Ш 陽」「東大 塗 字 宫 水澤地 貢 有 》「路,旅 鄭 () 大 之, 注 所 行 古 在》 或 作 Ш 途 恒

云

驥

服

鹽

車

而

上太行,蹄申

膝折

尾湛

弘農 崟 者 諸 以 崤 即 懷 及《水經 池  $\equiv$ 之「殺」,「殺」正字 里。 河 晉將 Z 1、《淮 爲 年 轘 南 所 欽 慶 Ш 至 在 山名 傳 郡 高 崤 , 吟 轅 府 修 西 伐陸渾 在 澠 南 武 矣。 澠 \_ 云 殺 河 . 河 服 轘 縣 池殺欽吟 • 其 内 伊 爾 即 南 地 墜 轅 以以 Ш 野 即 Ш + 解 水》注引 風 永 僖 理 《襄二十一 形 在 王 死, Ŧi. 在 此爲三處 寧 俗 有 通 訓 三十 ,「崤 今 縣 縣 里。 縣 通》云「 事 必 是也。」《公羊》僖三十 釋》云「三崤 》一般 河 西 西 北二十八里。」 京 于 於殺之嶔巖」,欽 三年》「  $\wedge$ 北 」俗字。 北 南 相璠《土地 洛與三塗。」杜 昭 阪」注 道 0 鞏 年》 東 十七年》 者,以《 野王 案 縣 崤 敗 傳「使 : 西 日 西 秦 · 今 Ш 南 名》俱 楚策 崤 于 陽 崤 崤 自 名 河 候 七 傳 殺 澠 東 + 欽 南 氏 澠

者 不 巴 還 險 故 轅 胕 河 知 也 行 棘 通 東 濫 以 之道 文 得 釋 漢 水 地 潰 也 可 而 故 京 車 稱 》 注 薛 方 以 啚 不 管子 伊 注 賦 漉 惡 軌 並 列則 能 避 綜 司 轘 轘 四 闕 汁 南 **>** 馬 舉 : L 風 石 嶽 轅 轅 E 洒 路 東 : 西 侯 雨 Ш 迴 則 之 地 黨 地 之 崤 崤 崤 數 也 當是 轘 ^ 台 險、 當 行 則 阨 之 圖 險 長 史記 Ш 石 九 之也 轅 轘 道 師 Ш 阪 坂 阻 濫 汗 州 故 漢 : 此三道也 坂 乎 轅 不 數 徑 交流 + 車 「凡兵主 礙 • 之 建 ? 更 + 伊 之 下, 范 之水 里 委深,峰阜交 車 安 險 開 險 闕 故 里。」 睢 外 中 峻 北 曲 者 也 贵 、。」「轘 則 邪 知 傳 曹公西 阜 道 道 阪遷 謂 者 得 大  $\stackrel{\cdot}{\approx}$ 則 徑 《水 絶 轘 必 行 北 遺 將 崤 捷 塗 澗 延 轅 轅 先 地 之 此 澠 去 乎 斷 經 蔭 矣。 討 復 轘 猶 之 理 審 險 大 負 與 車

> 禮 也。 古 者 凌人》疏 北 日 陸 在 言 北 在 陸 謂 而 藏 冰 月 日 在 服 危 日 : 度。」《周 陸 道

**倫** 度 志 謂 高 青 白 案 小 宿 星 云 道 正 二,是 虎。 紀, 之 龍 寒。 平 + 載 禮 義 陸 方右白 是 四 也 \* 日月 爾 × Z 中 月 道 象 夏之十二月,日 中 淮 雅 一, 日 路 IE 也 統 之行 前 虎 南 危 0 之處 義 按 曆》 北 在 釋 朱 北 初 . 此 日 前 陸 兵 分 危 鳥 方 天》 云 度 故 . 以 朱 者 爲 之 略 而  $\sim$ : 玄枵、 紀 雀,後玄武」,是 大 度 以 訓 後 四 宿 爾 川 日月之行, 寒。 陸 》所 玄武 象 北 者 虚 雅 陸 在 爲 陸 爲 初, : >|『高 之 亦 虚 終于 道 謂 中 漢 左 謂 虚 危。 婺女 也 天 也 書 平 青 也 之 也 數者, 0 。」「言 危 0 「危 故 龍 几 0 日 . 八度, + 律 爲 服 陸 邵 古 孫 陸 而 Ŧi. 左 曆 在 列 右 以 炎 云 氏

度」,即危初度也。

言 東方 ◎《周 羔啟冰』,是也 之用。《詩・七月》疏。 有 分之中, 奎始 西 整 陸 在 而 禮 蟲 則 朝 出 疏 出 冰。 覿 「矣」四字,又「故以是時出之」。 不 訓 而 作 在 ○《詩 出 昴。 謂 朝 ]。[本 之。 二月 見 七 本疏 東 疏 在 《月令》『仲春,天子乃獻 月 方,以 婁 》疏引 服 二月 四 日 度, : 朝」作「晨」,「東 是 謂 日 春 時 西 在 給賓客 分 陸 婁 出 時 奎 朝 冰 四 就就不 本 度,春 婁 喪 方」下 晨 祭 見

之中 言 法: 覿 月 穀 爲 在 雨 星 二者 不言 此 氣 者 爾 去 中,昴 啟 也 雅 亦 日半次, 在 冰 · 釋天》: 據《三統 西 當 八 統 知「 陸 度,清 在 曆 也。 奎 **\***: 則 月, 始 曆》文云「中 「西陸, 二月 「大梁 得朝見。 明。」 朝 故 見 是 傳 日 昴 東 日 初, 云 在 也。」此 方 據《三統 在 者 胃 婁, 西 昴 -- ,春 七 春 陸 爲 度, 曆 分 分 朝

> 寒也。 冰」證 方也。 度,乃 鑑 謂 賦 祭,于是乎用之」,引《月令》文爲「二月出 日 月》詩云「四 用」者、《周禮 曆》「春分, 鮮 給賓客、喪祭之用」也。 之。 夏正二月也。 已二十度矣,故以春分之中,得朝見 當 賓客,共冰 也。 次婁,是春分之日。 <u>二</u> 爲 祭司 獻」,聲之誤 日 《月令》作「鮮羔開冰」, 以 之日 寒 在 是時 · 凌 ; 而 婁 其 大 凌 出冰,薦 四 出 人》「春始治鑑」,《 喪,共 蚤 人》又云 度」, 冰、給賓 也。 獻 下文云「賓 羔 宿 夷槃冰」, 于宗廟 奎 獻羔,謂 祭韭 分奎 祭祀 一之初 客 喪祭之 有 度, 乃 共冰 祭 食 是 + 是 注 後 以 時 東 去 计 喪 六

朝 曰 之 案:《禮 禄 禄 位 位 賓 •大學》云「伐冰之家」,鄭注 謂大夫 食 喪 以 祭,於 上。」《詩 是 乎 • 七月》疏 用 之。 服

**定** 禮 若 記》注 左傳 伐 恩 傳》又云『食 則 冰 故《士 賜 之家 大 云『士不 》云『大 伐 及 夫 冰 食 以 喪 之 卿 而 上 禮 夫 用 家 大 得 得 **\***: 肉 冰 命 夫 用, 伐 卿 『賜冰 之禄 婦 以 冰 大 E 亦 故 喪 夫 冰冰 喪 常 知 有 浴 則 例 卿 冰 用 者 皆 夷槃 大夫 也 用 世 冰 與 案 冰 9 焉 若 但 昭 可 也 \_\_\_\_ 非 喪 彼 士 也 川 若 其 則 大 疏 年

脩 官 案 冥, 之臣玄冥,少皥氏之子 北 方 水 日 《月令》「孟冬,其神玄 北 官 昭二 熙 方 <sup>令</sup>白 者 + 又 九 云 陰 虎 年 氣 通 脩 · 傳 在 及 黄 五. 煕 日 泉 行 少 爲 冥」注 之下。」是 脩 篇 皥 玄冥」, \* 氏 一「水 有 熙,爲 水 子 是 位 司 官 玄 陰 在 水 日

也

將

藏

冰

致

寒氣

,故祀其

神。」

同

以

享

司

寒。

服

日 :

司

寒

司

陰之神

玄冥

特

賜

故

服

於

朝

之禄

位

專指

大

夫

以

上。

之神 之時 盛 注 陰 以 也。 水 季 腹 凝之,玄冥司 冬, 官 厚 是 也。 冰 也 藏 方 冰 此 盛 將 須 月 藏 冰 陰 水 冰 堅 ,故祀之。 H 澤 厚,而 在 致 腹 北 寒 堅 陸 氣 堅 命 厚 冰 取 則 堅 冰 月 厚 必

其 名 桃 也。」 出 ,所以 之 也 本 疏 桃 逃 X 弧 也 棘 矢, 棘 矢者,棘 以 除 其 災。 赤有 箴 服 取 日 其

禮 爲 士 畏 也。」 鍼 位 也 • 者 掌 戎 是 桃 取 外 是 右 内 赤 之爲 朝 》「贊 其 桃 則》、《 者 之法 赤心 其 牛 可 逃, 心 • 荀 耳 以 而 而 左 子 外 取 桃 逃 九 刺 聲 刺 茢 棘」注 象以 也 在 鍼 近 注 者 外。 皆 ^ 以 周 赤 桃 釋 禮 樹 心 箴 箴 鬼 棘 . ^ 即 刺 以 朝 所 厝

●「掌」下、《周禮註疏》有「建邦」二字。

棘 箴 取 爲 其 刺 即 名」者 也。 刺 《廣 言 雅 今 取 • 釋 吴 其 詁 人 樹 **\***: 之 猶 「棘、筬也。」 名, 日 以 鍼 桃 刺 爲 矣」。 逃、

火 於 商 出 爲 而 四 畢 月 賦 於 周 服 爲 日 五. . 月。」《周 火出 於 官 夏爲 凌 人》疏  $\equiv$ 月

案 三月本時 季春出 此《十七 火, 唇 一,心 民 年 咸 星 ·》傳 從之。」 見于辰上 文。 ^ 鄭 周 一,使 司 禮 農 • 民 <u>云</u>: 司 出 爟 火。」 以

月火始出。」若然,則夏建寅,故建辰之月《禮·郊特牲》「季春出火」注:「建辰之

爲 周 建 子 月 故 殷 建 建 辰 丑. 之月 一, 故 爲 建 Ŧi. 辰之 月 月 爲 几 月

陽。」《楚世家》注。 賈曰:「岐陽,岐山之

文王未遷豐以前,皆在其地。《地理志》矣》詩言文王曰「居岐之陽」,是自太王至案:《閟宫》詩言太王曰「居岐之陽」,《皇

今爲 二十八 在 有 文》「郊 中 文》「郊」或作 日 説文》: 在岐山之南 今 右 兩 水 岐,因 鄉 岐 陝 扶 年 Ш 西 周 風 周 傳 縣 鳳 以 岐 太 美 文 : 東 翔 名 Ш 陽」,「《 王 王 岐」。 七 府 焉 Ш 9 所 所 + 在 岐 南 邑」,言 封一, 里。」 長 Ш 戴 禹 爲 薛 安 氏 陽。」《皇矣》箋云 扶 綜《 貢》『 陽 要 西 震 風 者。《 其 美 西 其 日 岐 陽 京 終 始 : 縣 Ш 穀 賦 也 縣 也。 美 在 梁》 注 界 陽 岐 西 , **>** 僖 説 説 Ш 在 引 北 Ш

康 在 有 也 \_\_\_ 酆宫之朝。 同 上 服 日 : 豐官, 成 王 廟 所

方大斂 服 廟 案 巫 云「成王廟所在 止 然則 顧 于 命 而 廟 此 尝云 門 稱 豐 宫 廟 外 諸 門 即《 鄭 侯 者 出 注 **^** 顧 顧 廟 凡 命》 儀 命》又稱「王 門 禮 所 宫 俟 云 有 士 鬼 時 廟」,故 喪 神 成 禮 王 日

以

禮

楚靈

王今感其意,是以用之。」本

吾

用

齊

栢

服

日

:

石

陵

之役

齊

桓

指

爲

成

王

廟

當當

與

《書》義:

合

也

成

王

在

殯

恐

不

得

遽

以

見

先

王

廟

則

廟

也

然

則

除

喪

後

始

見

先

王

之

廟

謂

成

王

也

除武

王

之喪,將

始

即

政

小

子

》序

一嗣

王

朝

于

廟也」

箋

嗣

以

朝

享之禮祭

於

祖

考,告嗣

位

也

即

政

諸

侯

助

祭也

箋: [

新

王

即

案: 召 陵 會在僖 四 年。

案 君 輸 此 〇本疏。 彼 輸 爲 將 墮爲 墮 傳 爲 墮 登,拜,客 之意 故 ,及將幣, 幣 將 門止 輸者 言將 中, 幣 焉 此 也。 故服 以 輸受宋之幣 據 不 墮 相,  $\equiv$ 旅 ^ 二傳 過 爲 云「言將 服 辟 司 擯 及 以 輸 儀 日 - ; 廟 授 : 鄭  $\forall$ 墮」「 解 : 第 幣 於宗 惟 人來 輸 墮 彼 下, 諸 受宋之幣于 君 拜 輸 墮 廟 公 輸 逆 輸 相 義 爲 。一本 之 出 客 平」,以 也 人; 通 不 0 臣 成 是  $\equiv$ 相 非

古文

家

説

也

按

《烈文》

詩

序

云

:

易」

則《

史》以

廟

爲

文、武

之

廟

先

王

廟

,申告以文王、武

王之所

以

爲

王 業 應門

右

即即

朝

事

也。

史記

• 周

本

紀》

云

侯,人應門左;

畢公率

東

方諸

侯,

成

王

既

崩,二公率諸

侯

以以

太子

釗

見

於

馬、

鄭

則

分「王

若

日」以下爲《康王之誥

太保

率

西

寡

在

應門之内

",僞

孔《書》云「此

以下爲《

康王之誥

楚世 有 緡 注 叛 賈 日

集解》引賈氏注 年 史 **>** 記 傳 「緡,有仍之姓 言 吴 少 世 康 家 爲 仍 后 牧 也 緡 正 方 則 則 此 仍

緡 + 名 即 有 僖 里。 此 即即 緡 二十三年 不 賈 謂 陽郡 知 今在 此, 亦 繕 當 寫 東 Ш · 。 傳 江 爲 緡」師 東 有 氏 仍 齊 誤 兖 永 或 否。 侯 州 又謂 之姓 古日 伐 府 緡 宋 金 · 云 「齊 于 韋 鄉 有 春 緡 緡 縣 侯 仍 秋 伐 東 叛 緡 屬 之 北二 宋 地 韋 或 理

東 商 夷 紂 或 爲 名 黎 也 之 子 蒐, 姓 東 同 夷 叛之。 上。 服 日

伐 按 理 其 也,今黎亭 一上黨 志 之。 東』。」「黎之蒐」、《史記 黎 <u></u> 郡 王 爲 此 魏 書 制 壺 無 郡 云 是。」」 疏 舅 道 黎 日 叛 -引 陽 注 當 約 鄭 一「應 此 是 東 注 注 輔 非 方 書》「西 上 紂 戡 劭 日 晋 一黨之 爲 夷。」《 黎 日 ·楚世家 灼 惡 -人 伯 日 黎 者 紂 戡 黎 地 故 矣。 黎 圻 侯 黎」之 理 Ш 文 内 %作 志 或 地 王 在

> 耳。 賦 鄭 民 以 此 子 時,或 云子 夷、蕭」,是服 黎 産作 爲 丘 — 丘 Ш 貪 賦 姓 之會 爲 之法 故 之田 丘 東夷 殷 賦 謗之。」本疏 不 時來、宋、 之國。 , 據《世本》也 則 行 使 黎 之 久矣,今子 服 者, 出 日 黎 空同、 子子 其 爲子 馬 殆  $\equiv$ 産 黎、比 姓 産復修古 是 4 者,《 作 與? 丘 復 、髦、目 世 賦 在 法 紂

篇 戎馬 者 案 其 乘 秋 云丘 甲 者 行 : ,約《司馬 一匹、牛三頭,是 「《司 賦 馬 于 四 」,即《管子》所 此 其 戰 馬 馬 乘 一丘 蔽 或 也 法》 之 法》文。《司 Ŧi. 地 非 以 之田 甸 日 方 周 田 馬 按 元 六 禮 四 賦 : 馬丘 里。」 兀 也 使之出 出 此 馬 兵, 牛二。 法》云「四 則 當 ^ 管 馬 作「八 其 馬」,非 司 子 惠 法 馬三 馬 邱 邑 里。 氏 本 馬 爲 法 古法 乘 于 士 丘,有 牛 兀。 所 春 奇 馬

》傳云:「子 至 井 孰 『取 鄭 古 欲 之 復 殺子 産 論 不 法 殺之,是 伍 古 使 語 行 我 皆 法 産 田 》 千 丘 田 鄭 一,吾其 有 者 古 疇 賦 引 乘 鄭 封 法 者, 而 以 漢 之國 洫 於 也 與 伍 注 世 古 以 之。二 之, 廬 乃 大 法 小 井 襄 儒 蕩 取 故 有 司 夫 我 朝 皆 服 廢 徒 伍 封 無 衣 亦 以 正 宗 之法 故 樂之器及祭器之屬』。 則 中 曰 雜記 雜 釁之 釁 : 廟 記 中 『釁邦 之器, 也 屋 **>** 以 0 以 又 釁 南 血 豭 器 日 廟 亦釁 面

豚

此

叔

孫

爲

孟

作

鍾

非

『凡宗

廟

之器

其

名

者

成

及軍器。」

鄭

玄云『邦器謂

禮

此

鍾

是禮樂之器

之者

~, ~

周

禮

小

子

葬 幹 Ŧi. ,君之股 年 傳 辭 卿 于 喪 肱 朝 自 必必 朝 從 過 朝 魯 于 出 禮 朝 IF. 也 門。 重 之也 卿 服 佐 日 本 或 疏 言 之 楨 卿

然則

丘

賦

之法

同

於

伍

田

・

尾

之言

等

於

斂

能

如

古之計

甸

定

賦

通

力

供

財

也

存

,其

取

民

之道,亦

必

强

弱

殊

形

貴

賤

異

利

即

豪

强

以

爲

不

便矣

孰

殺。

蓋習俗

相安,

忽繩

古

法

柔

弱

以

爲

之,而

輿

人

輿

人誦之日

冠

而

褚之。

洫

之界、

廬

年

同

之也

知

文,馬

引

以

注

澆

落

之,

知

落

之

即

是

釁

也

刲

羊

血

流

于

前

是

釁

祭

之

禮

云

雍

人

舉

羊

升

屋

自

矣。

而

服

云

司

馬

法

爲

將 祝 案: K  $\leq$ 葬 知 及 喪之 朝 朝 卿 于 朝 葬 御 祖 也 舊 考 順 辭 之 注 死 于 : 廟 者之孝心 朝 而 鄭 後 口 者 農 行 云 周 也 官 檀 其 朝 弓 哀 喪

落 口。」《詩 大 : 夫 以 斯 落 干 之。 疏 服 : : 釁 以 豭 豚 爲

案 正 義 日  $\overline{ }$ 説 文》 血 祭 也。」

禮》 之路 以 之 宫 者 於 也 辭 廟 朝 離 知 王 公門」, Z Z 股 \ 正 祖 其 必 之外」注 失 卿 于 也 而 元首 云 過 出 朝 佐 殯 室 肱 之。 用 王 ^ 于 或 然 門 之 蓋 臯 龜 軸 於 或 也 明 象 於 朝 之 象 則 謂 陶 注 祖 言 策 克 平 哉 從 故 君 以以 平 謨 之應 南 出 几 朝 生 周 生 至 朝 南 生 股 門 正 杖 佐 9 尊之也 亦 云 時 朝 於 遷 出 時 維 門 門 門 肱 耳 席 之 猶 也 而 祖 者 正 良 臣 周 重 蓋 或 郭 徙 子 將 遂 考之 哉 作 門 之 **玉** 重 門 非 此 孫 出 也 葬 注 朕 楨 傳 素, 是 是 雉 于 者 藻 Z 廟 必 股 徙 云 或 也 臯 魯 祖 , 傳 袗 > 朝 辭 而 肱 自 )° | « 之門, 一之楨 于 禮 考 爾 云 聽 絺 既 門 尊 后 祖 雅 朔 朝 絡 故 亦 者 夕》 行 楨 幹 益 由 朝 于 必 不 記 • ^ 服 幹 文 曲 禮 殷 故 君 南 朝 釋 祖

> 豎 明 大 4 而 案 和 從 未 禍 順 : 之道 融 順 叔 禮 孫 故 也 氏 孔 一。」《釋 以 服 使 子 日 和 亂 : 閒 文》。 順 大 居 融 從 〇本 釋  $\approx$ 高 志 從 疏 也。」《詩 引 氣 服 無 既 日 也 從 東 使 注 方 亂

遠 案 融 傳 ^ 日 詩 云 之旦 正 融 義 明 \* 長 日 未 也 : 高。」 0 案 謂 日 既 高 醉 其 光 昭 照 明 長 有

日

疏

享 案 頫 受夫 獻 使 也 也 所 0 執 有 有 : 服 正 人人之 既 鄭 璋 玉 本 聘又獻 義 頫 氏 以 鄭 聘 先 授 日 見 説 : 服 璋 主 儒 也 所 或 日 鄭 享 ^ 謂 : 謂 之 聘 氏 以 束 鄭 君 行 享 禮 先 厚恩惠 帛 興 享 獻 **>** 乃 儒 加 也 禮 受享 行 以 琮 也 以 爲 享 也。」若然, 0 然 見 注 束 禮 朝 則 主 帛 聘 文》。 以 或 獻 之 享 加 享 之 國之 禮 壁 則 獻 爲 君

也 聘 皮 璋 也 子 注 也 也 Ŀ 更 臣 用 夫 公享 璧 云六 特 三王 璧 人 爲 杜 以 子。享后 舉 用 小行 云 君 王 帛 享 之後 璋 幣 使, 后 圭 所以 琮 用 人》「合 至 者 享, 執 以 琮 即 以 享 璋 E 馬 錦 是 則 饗 用 享 0 義 六 ; 用 上 也 圭 也 琥 饗 云 享 幣 公。 琮 璋 以 后 禮 既 : 五. 舉 者 圭 而 繡 朝 己 等 正 璋 璋 此 以 Ì 聘 義 諸 與 璜 以 云 馬 王 侯 丽 引 圭 然《 皮 以 享 享 鄭 之 享 璋 相 黼 聘 是 見 對 説 後 天 以 有

飧 陪 有 鼎 陪 0 鼎 本 疏 服 日 陪 牛 羊 豕 鼎 故 云

禮

》及《記

載

饗

燕

食

之

禮

無

執

璋」之文,

是

杜

意

主

破

先

儒

説

而

於

禮

籍

無

徵

所

謂

不

口

爲

典

要

也

以

享

爲

獻

於

義

爲

順

: 設 聘 于 西 禮 階  $\Rightarrow$ : 前 有 陪 司 鼎 當 陳 内 饔: 廉 飪 東 面 北 牢

> 子。 其 禽  $\equiv$ 加 膮 口 云 本 當 膮 鼎 也 陪 蓋 其 叔 疏 鼎 H 碑, 陪 鼎 膚 椒 臐 豕 <u>-</u>, 正 牛、 南 日 鼎 鮮 子 義 臛 陳 鹏 羊、 牲 羊 魚 羽。 也 鼎 ; 臛 : 臛 牛、 豕 鮮 在 牛 : 也 0 按《 腊 豕 羊、 膷 臛 服 賈 鼎 在 聘 也 設 豕 義 臐、 之 羊 禮 日 扃 西 本 鼎 在 膮 魚、 此 鼏 牛 之 陪 皆 腊 又 西 鼎 之, 韓 腸 鄭 膷 有 之 ; 起 彼 其 庶 陪 西 胃 注 庶 鼎

弟 禽 案: 故 叔 Œ 云 椒 義 皆 皆 連 : 韓 叔 起 賈 爲 庶子 逵云 文 0 羽 然 又 杜 稱 依 子 用 9 事 之。 似 兄 叔

羊 向 舌 叔 四 魚 族 季 皆 夙 彊 家 本 疏 也 服 H : 伯 叔

夙 疑 正 季 義 夙 日 即 : 是 按 虎  $\sim$ 也 世 本 杜 **>** 氏 叔 有 向 叔 兄 虎 弟 有 無 季

叔

季 季 古,故 ), 則 夙 云。 次 按 在 劉 : 叔 炫 劉 虎後 以 説 爲 是 叔 叔 也 虎 虎 于 己 季 死 時 夙 遠 己 亦 是 死 啟 字 疆 别 當 有 稱

不數之。

是。」本疏。 服曰:「何不可之有如何不可之有? 服曰:「何不可之有如

東 使 遠 邑。」《 啟 疆 べ 楚 世家》注 待 命 于 零婁。 服 日 : 雩婁, 楚

之野 也 吴及 芍 吴 案 州 師 間 府 地 及 陂。《襄二十六年》傳:「 零 訓 霍 此 惟 」注:「雩婁,今廬 誤 地 , 婁,聞 丘 而 爲 理 也。 縣 還。 孫 楚之東 志 西南 叔 吴有 方 敖 廬 水 邑 輿 八十里有雩婁故城 決 經 江 備 與 紀 期 郡雩婁」、《 . 而 要》曰 吴接壤 思 江。」案: 決 還。」是不入 之水 水》注 楚子、秦 、故楚、 淮 今 期 以 而 江 雩 灌 南 思 吴 南 婁 雩 子 人 陂 境 之 侵 潁 即 患

> 也 衰 六 一本 爲 年 傳 叔 疏 世 辟 叔 之 世 興 踰 皆 於季 叔 世 世,季 也 世 服 不 能 日 : 作 政 辟

言善用 服 〈詩》云 日 : 案: 並 于季 于杜 方, 謀 也 餘 皆 此 」,皆《釋詁》文。 「儀,善; 是也 也。 季世者、《三年》傳「晏子 與 同 「儀,善」、「式, 世,猶言 法文王之德,日 政 「儀式 刑不能作,故曰「不能 服 衰 箋云「法 解 爲 叔、季爲字之次第 同 刑文王之德,日靖四方。 式,用 叔 叔某長於季某 世 IF. 《詩 文王之 者,據 義 用 日 ; 日 謀 刑 傳》 : 安四 法 上云 常常 惟 刑 此 作 也。 ; 道 日 方 辟 解 式 法 靖 亂 日 于 若 叔 此 本 謀也 不 政 文便 謀 季世 世 季 踰 世 四 知

言文 又 儀 日 善善 王. 也 善 儀 用 刑 刑 其 文 法 法 王 也 故 萬 能 邦 善 爲 用 作 萬 乎。」 法 或 者 所 文王 信 服 也。 也

本

疏

之事 言之,各自爲説 案: 者文王」,是斥文王言; 孚,信」、《釋詁》文。 《文王》詩 ,則天下咸信 傳云: 義 而 並 順之。」服言「 「 孚,信 得 箋云: 箋則 通 斥 也 「儀 」。」彼 法文 法 善 文  $\pm$ 用 疏 者 法 王 云

象之, 器 辟 火 故故 故故 未 出 稱 今出 不 而 火 作 藏 火 何 火 與 也 爲? 一本 五. 以 行 鑄 疏 之火 刑 器 服 争 日 藏 明 争 故 辟 鑄 爲 焉 鼎 災 藏 火 在 争 如

范 知 趙 宣 鞅、荀寅 此 知 亦 子 鑄 是 所 爲《刑 刑 鼎 賦 器 也 晉 是 書》 或 鼎者, 藏 焉」, 鼓 争 《二十九年》傳 辟 鐵 彼 是 以 者 鑄 鑄 正 之 刑 義 於 鼎 日 晉

> 《周 **宣**十 器故 故 火, 者, 注:「治藏 争 作《刑 稱 禮 民 出 辟 藏 稱 六年 既 火之火爲 っ」「故 . 書》以 焉 藏 宰 争 者 》傳 夫》「五 罪 藏 今出 示民,教 ... 文 心 藏 書 星,五 火 凡 日 這讀 火 及 亦 火 府 與 器 民 如 争 行 五 掌 天 使争罪 物。」刑 守 明 之火爲 行之火 官 火 藏 故 契 日 1,故謂 之「藏 鼎 以 災。」「在 必 鑄 争 致 是 治 鼎之 明 藏 災。 之

乞也 不 不 毀裂所舍之屋 抽 屋 本 不不 疏 强 匄 也。 0 服 匄,乞也。 日 : 抽 不 裂 就 也 人 强

抽 傳 案: 抽 詩 爲 抽 • 裂 羔裘》「舍命不渝 除 者 也 詩 毁 . 去 楚 爲 茨 **》**「 計 抽 笺 毁 抽 裂 舍,猶 其 亦 棘 爲

❶ 「毀」,經解本作「敢」。

者 處 二反 匄,乞行 阚 財 也 雅 服服 物 暴 . 求 言 切 る。」言 釋 云「不 則 願 謂 所 經 言 行 處 日 匄 音 不 求 匄 之屋 就 也 彊 義 匄 强 人 一梁以  $\Rightarrow$ 彊 ° \_ | 也。」又 字 强 無 體 乞之 匄 引 暴 釋 有 从 也 ^ 文》 毁 卷 人 倉 也 則 裂。」匄  $\equiv$ 其 从 頡 郭 下 引《 Ľ, 音 丈 篇 注 爲 **>** 言 其 通 爲 云 是。 彊 乞 俗 良 人

于 六 齊 本 貪 相 七 疏。 + 號 侵 平 年 賄 年『冬, 經 伐 Ŧi. ൬ 燕 春 與 年 服 ※人行 王, 之 且 『崔 日 齊 齊 平 侯 成 正 杼 是大國 伐 襄 月 \_ 0 故 伐 二十 暨 北 我 傳 其 燕 齊 言 文 四 平。 自 無 『齊 將 相 年 爲 爾 比 納 求 仲 求 以 簡 賈 許 之 與 來 孫 公」。 日 君 也 魯 羯 : 平。 近 侵 之。」 齊 齊 齊 魯 魯 次 侯 此 與 不

案:賈云「魯與齊平」者、《穀梁傳》云「以

言 文 燕, 也 事 君 北 齊 者 婼 外 月 事 與 如 如 齊 求 曹 矣,民不 燕 此 齊平 及 如 不以信, 以 暨 七 侯次于號,燕 故 接 則 齊 内 書 杜 成 此 年 無 崔 不 將 氏 之 法。 爲 蒞 六 庸 春 則 當 重 春 杼 納 詞 暨 年 盟 釋 間 未 書 言 貳。 伐 魯 與 而 簡 ^ 春, 六 嘗 齊 例 齊 我 平。 無 與 燕 公。 燕 賈 年 即 可 吾 大 平。 諸 異 因 云 人行成」,次于「暨 説 而 或 齊 **>** 也 君 侯 晏子 猶 冬 事 書 傳 後 不 本 昭 無 經 平. ^ 賄,左右 平 春 故 桓 齊 僅 此 寔 六 書 之 反 之辭 相 曰 : + 此 不云 Ŧi. 年冬, 日 求 Z 來 徵 接 魯 事 年 且. 二月 成 \_ 也 下文 暨 在 暨 無 諂 也 **\*** 不 經 無 之 燕 齊 齊 上 相 齊 諛, 冬, 異 齊 例 理 服 侯 平. 侵 平 年 一齊平」 不 事 傳 州 作 伐 + 燕 不 叔 伐 省 侯 如 也 公 伐 然 孫 省 北 文 應 是 燕 有

以 傳 以 正 之也 其 文 不 相 分 比 明 許 連, 君 故 是 近之」者,正義 又曰 暨 齊、 者 燕 燕 平 暨 日 之月」, 之也。 許 惠

臺 僚 輿 召。 僕 +: , 勞 臣 臣 卿 衆 臺 皂 也 臺 也 也 皂 下, 佐 共 臣 皂 勞 服 微 輿 舉 事 名 日 衆 輿 也 : 也 事 小一本 臣 皂, 也 僕 隸 疏 造 僕 隸 隸 也 0 豎 臣 ; 隸 一微 僚 造 主 屬 名」亦 藏 成 僚 於 者 臣 事 吏 作 僕 也 也 也

案 幸 也 貨 隱 相 造 近 殖 ^ 服 猶 方 傳 皂 《関 爲 成 不 也」, 養 取 至 養 子 . 馬 以 鄒 干 馬 小子 故 則 爲 陽 之 皂 造 説 傳 此 官 隸 **>** 成 詩 者 訓 事 下 注 與 遭 皂」爲「造」, 以 謂之皂矣。 士 4 家 下 也 驥 文云 皂, 不 同 造 皂 養 漢 箋 馬 馬 取 書 索 有 者

之。 戮 爲 職 隸》注 衆事」者,以 也 欲 於 奴 隸 兀 亦 爾 口 輿 一十八年》「聽 丹 也 女 農云: 使 焚 奴婢,古之罪人也 ,春人、稟人之官 翟之隸 口 人誦之」,是 日 其 書 將 僚」傳: 僚 隸 隸 故《 掌 籍 徒 論 勞」者,亦 屬 「謂 給給 請 也 五. 也 治 于 春 語 ~ | | 焚 隸 輿臣 「僚,官也。」服 坐 道 勞 吏 秋 **>** 丹 之灋」 是 曰 輿 爲 司 溝 辱 「輿」爲「衆」也 傳 書 屬 皂,故 者,《 厲》 取 盜 人之謀」, 渠 之 箕子 **>** 于 也。」由 日 役 聲 我 賊 注 之 吏 故《 男子 周 殺 近。 而 者 役 爲 皂 者 爲 督 官 斐 書》 之 Ŧi. 造 是 以 奴 人 漢 戎 豹 奴 . 即 詩 隸 襄 其 事 觀 于 同 Ĭ 者 始 序 屬 三十 ^ 之,今 隸 官爲僚 恥 罪 謂 子子 輸輸 置 官 司 板 輿 于 罪 佐 也 爲 隸 罪 司 衆 皂 影及 司 隸 則 隸 于 . 年 奴 隸 隸 之 之 佐 奴 罪 鄭 成 口

矣』, 言 僕 當 守 傳 其 月 諸僕,皆 以 車 此 少 域 故 謂 藏 之 多 從 倫 義 又 訓 御 卿 召 勞 稱 矣 訓 爲 大 者 沛 屢 遼遠之『遼』, 也 僕 相 又云『子 臧獲 故故 彼 勞 夫 僕 也 公 顧 用 假 用 僕 廣 者 駡 爾 僕,僕豎 借 以 大 士: 僖 ,奴僕賤 ·, 好 夫 闊 ^ 僕 日 大夫、士 爲 也 後 人爲之,故孔 ^ 曲 豎 適衞 按 傳 僕 詩 + 箋 漢 疏 禮》「凡 儒 此 豎 而 四 . 也 : 稱 • 主 服 作 僚 ^ 漸 年 -0 冉有 僕夫,御 僕, 也。」《 何 索 ^ 藏 不得 以「勞」訓 『勞』者 > 漸 史 廣 若然, 僕 敞 傳 隱 也 將車 記 之 僕」 闊 傳 子曰『吾執 人之禮 有 **>** 楚辭 者,《 石 遼 夫 同 及《周 者。 晉 以古 酈 則 注 豎 遼 箋 也 官 詩 侯 ・哀 僚 此 生 引 之義 者 0 之字 ~ 之 服 之字 陸 僕 疏 . 禮》 邦 時 方 豎 僮 亦 賈 非 御 正 出 不

> 傳 也 臺 官, 猶 儀 爲 相 則 命 奔 臺, 徵 \* 走之 治 \* 況 此 人 主 子 召」,義 注 尚 釋 漢 ^ 給 所 僕 府 , 》「蓋 使 後 《文選 役 臺 書 管、 即 賤 藏 日 臺 令者。」《後 漢 焉 臺 爲 下,微名 豎 繫 者 亦通 晏 書 自 中 隸 也 臧 稱 周 而 是 • 臺 袁 獲 府 任 日 蔡 賤 臺 言 或 紹 之 官 御 臧 矣 者 邕 職 有徵 無 漢 日 類 府。 史 獲 檄 也。 傳 ,云「臺下」, 餽 臧 爲 書 微 矣 豫 服 **>** 發 也 給 憲 名 . 州 守 微 王 之事 周 故 臺 臺 濟 言言 **>** 藏 注 名, 逸 以 歷 注 下 南 者 謁 注 爲 其 引 者 安 則 以 者 也 ^ 臺 賤 臺 主 稱  $\Xi$ 」。」然 本 漢 漢 爲 藏 臧 也 是 官 任 作 康 外 法 賤

隱 作 也 下 僕 無 爲 品 匿 隱 之 字。 若 法。 亡 人 之法 服 日 : 也。」《釋 僕 隱 文》。 也 0 本 品 疏 若 爲

之 隱 注 品 案 荷 若 子 藏 亡人之 品 僕 • 無 若 大 藏 宇 也 隱 略 物 引 法 》「言之信 處 从 義 楚 者 品品 未 法, 上 上 是 聞 在 藏 文 當 者, 物 是 云 中。 説 爲 爲 在 文》: 納 品 品 品 隱 也 蓋 若 人 衆 之 品 亡 以 知 也 間 實 爲 踦

歸 屈 大 好 劍 出 之大 曲 , 弓名。 以 設 大 連 屈 之弓,既 大 大 也 書 也 屈 屈 屈 服 口 日 餘 金 : 司 \_ 又 即 而 所 賈 云大 楚 悔 大 生 服 子 日 之。 曲 地 日 曲 : 享 也 名 : 也 魯 薳 0 大 啟 侯 本 屈 本 疆 於 疏 疏 寶 見 章 大 0 ○《釋 金 華 魯 屈 釋 侯,魯 之臺 文》: 可 文》引 弓 以 侯 爲 與

案 地 : • 僖 泮 禹 十八 水 貢 > 年 : 》傳 大 荆 輅 : 州 南 鄭 厥 金 伯 貢 始 惟 0 朝 是 金 于 金 楚, 出 品 楚 楚

> 覽 子 者 戟 以 從 晉 啟 服 與 章 以 兵 子 朱 提 爲 大 華 **>** 」,故 大 賜 之 越 疆 以 . 注: 二言當! 之 兵部 漢 金 也 曲 屈 故 之 欲 魯 四 臺 者 此 爲 以 金 連 日 之弓、不 書 山 篇 , 酌 大 寶 去 鑄 • 出 猶 是實器 既 口 珍寶 屈 並 春 銀。」 金 藝 朱 諸 即 以 而 即 不 秋 也 鐘 文 提 ^ 侯 服 爲 悔 琢 部》 大 得 魯 未遠。當 志 若 酒 爲 引《 之, 劒 曲 之璧」, ^ 與 日 引《 連 銀  $\forall$ 齊 者 魯 是 好 與 魯 矣。 書 儒 語 慎 賜 侯 魯 連 大 魯 之 屈 家  $\forall$ 得 守 先 連 金 即 也 屈 事 盟 書》 地 美 其 寶 曲 子 至 服 有 不得 是 相 日 理 實, 矣」, 金 **>** 以 ^ 志 ^ 氏 聲 地 類 楚 楚 太 無 魯 以 爲 且. 所 名 相 王 日 犍 平 故 子 仲 故 弓 鑄 以 近 引 悦 爲 遠 成 服 齊 賈 鑄 劍 御 連 名 而 郡

■「輅」,經解本作「賂」。

梁簡文《樂府詩》:「右把蘇合彈、●旁持

今夢黄熊人于寢門。 大屈弓。」

賈

日

熊

獸

也

:

雅》: 者云 其 案: 玄《 爲 王云「鮌之所化, K 今本 窮」爲 能」,如 作 爲 二能 神, 潛 鼈 、默非人 諸 釋 鼈 作 何 通 能」者,流 韻 熊 類。 本 妨 字, 文》云:「黄 能 賦 是 ,三足能。」不著 屬 皆 是 》「鮌 今本 水之物 東晉 獸 作 足 一音奴 者,知 ? 似 俗 殛 熊』字。」 作 是 時 鹿 按《説文》及《字林》皆 本 變 熊,音雄,獸名, 能鼈 來反,三 猶 故是鼈 能 古本皆 也。 而 作 然 成 也」,是「熊」作 然 者 鮌化之異。 熊」,正 郭 則 熊」, 勝 則《 足鼈 也 作 璞 能 也。 釋文》云 「熊」 注: 既 與「終」 義 也 熊 正 亦 引 日 矣。 屬 傅 爾 既 作 梁 義 解

> 與《正 皆于 是熊 時 熊。 爵 如羆 之, 時。 張 熊、獸 能 能 雄 叔,錢氏大昕定爲《後漢書·文苑傳》之張 人 下 瑣 陵 ^ , 亦 黄 韻 久 革 爲獸名。 雜 月》及 晉語》亦作 語》云「晉 而 作「熊」 反,張 著作郎 血 ', 田 『陵』, 説 似 白文」,又云「熊 讀 爲 佐 豕 鼠 爲 燐 襄 叔 傳, 劭 正義 上騰。 奴 也 王劭云『古 Ш + 用 言 積灰生 來 反, 平公夢 居,冬蟄 一黄 知 年 舊 是 又云: 熊 衞 音」。 能」。 也。」 牛 1 者 異説 蠅 哀 見 樂 窓 虎 張 □,《釋 人讀 是 。」或 按 案《 虎變, 正 赤 醜,其 已 當 義 叔 熊 之繇 詩 雄 疑 起 此 獸 又引汲 皮 闚 與 ^ 鮌 張 叔。 于 則 子 <u>\times</u> 論 説 屏 無 熊 化 皆 叔 狗」, 齊 後 『賓 <u>云</u> : 者 羊 熊 惡 漢 以 爲 爲 冢 梁

<sup>● 「</sup>右」,文淵閣《四庫》本《樂府詩集》作「左」。

吾聞將有達者,曰孔丘,聖人之後也。 服

曰:「聖人謂商湯。」《孔子世家》注。

案 也」、《檀弓》「孔子 史 記 • 孔 子 日 世 : 家 而 \* -某 也 殷 其 先 也 宋 人

是成湯之後也。

爲宋華督所殺,其子奔魯也。」《後漢書》注。 加滅於宋。 服曰:「孔子六代祖孔父嘉,

紇,叔 夫,故 張 祁 世 秋 也 子六代祖矣,《世本》云口 父生孔父嘉,爲 父生 ,其子木金 ,孔父之子 傳》于桓三 《詩 華督 梁 日 防 紇 防 既 商 叔, 生 叔 殺 頌譜 不得 一仲尼。」據 父降 年之後 爲 孔父,而 宋 防 華氏 》疏引《世本》云:「正 不 叔 司 爲 生 馬, 奔 士。 宋之臣 所 魯 伯 此 防 華督殺之而 相 逼 木金 夏, 以 叔 則 莊 奔 避 始 伯 孔 公,氣 魯 無 父 其 奔 父 夏 孔 生祁 難 爲 魯 嘉 生 氏 燄 防 爲 叔 絶 ^ 其 春 大 方 非 孔 梁 考

> 意世 證  $\equiv$ 世 奔 始 魯 本》之疎 即 畏 在 華 是時,豈 氏 此 之 偪 類 而 有 是 奔 孔 也 魯 父 被 乎 服 殺 云 後, 其 正 義 越 子 至 奔 每

魯」,爲得其實。

其 公也。」《詩 宋」,言湣公之適 弗父何,宋湣 祖 井父 何 ·那》疏 以 公世 有 嗣 宋 當有 子 而 授厲公。 厲 宋國,而讓 公之兄。 與 『以 服 弟 日 有 厲

之 爲 君 則諸 篇》「天子 長 明 西 案:《世本》云「宋湣 世 不 何 湣 征 副 爲 以賢。」何爲 子 賦 公子。 侯 主,言設 矣。 世 湣公之適嗣 注 太子 子 引 《公羊 知 亦 宋均 是世子 以 食 所 菜 待之。」今傳云「有宋 以 世 **>** 元 隱 儲 者 當得 子 公生 者,《 君 元 命 儲 故 年 國 嗣 包》 弗 君 白 知 傳 者 主。 嗣 甫 虎 厲 1,是何 : 注 主 何 通 公之兄。 曰 : 7 文 也 選 適 爲 京 是 以 儲 湣 然 師 何

公既 也。 之,與 故 有 湣 秋 公。」按 史記 立,湣 其 也 公世子,父卒 以 殺煬 事 孔 前 (傳達 . 此, 氏 宋 諸 公子 史》不 公, 之言, 異。 世 君 則 將 「家》云 鮒祀弑 厲 僅 敘 立 當當 雖 公 猗 弗父 撮 讓 立 由 實 : 那》詩序 煬公 或 世系,不 臆 「湣公共卒,弟 自 而 者 何 決 煬 7/ 而 以《 公篡 而 以 自 疏 非 何 傳 甚 世 立 云: 弗 之。 讓 一家》於 所 詳 父 是 與 云, 事 何 厲 蓋 何 爲 煬 實 春 當 讓 是 公 厲 厲 公

及 父,弗父何之曾孫 皆宋君 Œ 考父,佐 也。」《 戴 御 覽 。一《孔 武、 巡 百 宣 子 三十二。 世 家 注 服 日 賈 正 考

案 是 所撰《家 生宋父,宋父生正 弗父何之孫 世 本》云「 · 本 前 宋 姓解》合。《本 此言 湣 考父」,若然 公生弗 一曾孫 甫 者 何,弗 則 姓 與 正 解 王 考 甫 \* -肅 父 何

一命兹益恭

賈曰:

「三命,上卿。」《御覽

公卒, 甫者 勝 之,乃 之子 逮 故 服 父爲 稱,於義 父」,較《世 何, 宋 那 微 宋 事 Ē 之 不從《世 世 子 何 **>** 丁公申生湣公共及襄公熙 立,故 不 肅 弗父何 爲 至于 弗 子 家 稱 生 得 僞 敢 首。一 日 父 則不 宋 宣 **\***: 可 ^ 撰 商 與 以 本 疑 本》多 「佐戴、武、宣」 戴 父 公力立。」武、 曾 頌 崇而 世 是 下 周 戴 公, 敢 家 孫 子 然 降 正 公卒,子 遽定 語 十 二 斷 其間 世 周 矣。 漢、 同 爲 考  $\forall$ 爲 生 亦與 卿 名 也。 子勝」一代, 父 篇 魏之間 禮 世 曾孫 佐 曲 佐 于 宣 武 樂 子 也 服 是 禮 ^ 忽 戴 周 詩 公司 廢 勝 」,當 合,其「世 \* 7 名 古 有 公 君 之 壞 . 月. 勝 熙 之 有 那》序 大 ,考父皆 空立,武 世 有 書 不 卿 是 生 生 師 證 未亡, 證 子」之 正 得 大 正 正 弗 9 也 子 考 夫 考 考 父 司

卿 F. 命 下 一卿矣。 周 命 卿 禮 再 • 命 ^ 典 王 命 制 再 》云「公之孤 > 云「大 命 爲下 (國之 卿 則 卿 四  $\equiv$ 不 命 命 调 爲 其

《孔子 循 走。 命 牆 中 選 倔 案 吕 傴 俯 俯』字。」是「 世 僂 髓 而 而 家》注。 覽》「 ,脊 ⅓総説 走,不 服 僂, 是 爲 1 説 林 日 疾 疾 個 再 盡數苦水所 文》 也。」《素問 文》作 賦 名 敢 賈 注 命 僂、 安行 日 頫 注 : 銘 而 : 引《 傴 借 個, 三命 Œ 傴 僂, 也 頫」, 俯恭 、俯、皆恭敬之貌 以 字,俛 謂 聲 一《御 性 象 多尩 傴 類 刺 或 于 恭 也 僂 **\***: 覽 禁 从 而俯。 或字,俯俗字。 傴 敬 巡 與 論 人免。❶ 身 之形 個 百三十二。 傴 個  $\approx$ 踡 頫 恭 人」注 刺 循 僂 曲 于 古文 牆 故 脊 也 也。 也 僂 間 文 而 

> 作「菊 音,亦 文 》: 子 釋 此 如 曲 僂、 即《説文》之「菊」,《 者亦謂之頫 而 淮 云「大史ト書,頻 俯 訓 也 病 僂、傴、俯 也 南 日 匑」。 達 讀 猶 傴 個 鞠 曲 孔 生篇 曲 僂 精 窮。 菊 禮 脊, 日 廣 也 神 矣。 雅 即即 匔 0 € 頫 **\*** 故 ^ 訓 謂 疏 謹 樂 服 、低頭」 見 斂 鞠 證 之 論 **^** 仰字 切 記 痀 日 身。」 》作 敬 躬 廣 語 傴 子 經 「皆恭 説 僂 **>** 匑 高 也。」《龍城 雅 僂。」《漢 如 • 是正義、《説文》又 者 是《 音 求 文》云「筍,曲 進 窮 下 鄉 此 之分。 義 行 釋 俯 敬 論 黨 」,則凡卑其 曹憲 年 詁 之 痀 語 篇 札 退 五. 書 邱六、 貌 記 引 ^ 即 俯 作 + 個 引 廣 有 邱 通 《廣 個 雅 脊」 鞠 鞠 注 **^** 弓 四 義 俗 莊 身 雅 躬 僂 兩

0 「人免」,原作「俛」,今據《説文解字》

春秋左氏傳賈服注

輯

述卷十

Ŧi.

前

之分 若 謂 者。 傳 通。 折 地 磬之背,故 俛 主 也。」「走, 由 命 行,人之 7 俯 。」《容 兹益 則 之行,中庭謂之走。」《釋名·釋姿容 日 折 佩 個 則 恭 言循 7,亦是 若對文言之、《爾 肅 委 身 垂 而 磬 于 行 於 恭」,銘又析言之,故知 7 俯 而 經 傴 則 折 地。」 趨 牆 步 步 佩 \* 也 遞 因 傴 云 臣 俯 也。」「 不 趨 垂, 垂 以 見 佩 彼 僂。」三者,本不 「磬折」 恭 也。」「 大 「循 佩 敢 垂 委。」 恭 則 疏 于僂」者,以 以微 奔 佩 由 敬之 牆 臣 云一臣 主 注 中 日 也」。 走 步 而 雅 彌 磬日 佩 卑立 : 道 加 也 走 曲 • 則 行  $\neg$ 倚 」。」散 也 釋宮》:「堂 世 故故 小 又云 共 身 也。」「 0 謂 則 俛 宜 上 立,因 甚分,賈云 由 佩 僂、 ^ 文義皆 不 説 臣 僂 則 僂 文云三 曲 垂 敢 一言 趨 文》: 垂 佩 折 禮 而 委 安行 以 垂 傴 磬 於 相 走 俯 君 大 如

也。」《詩 星 時, 歲、 歲 一十八宿 也。 異,故賈 走,奏也 Z 星之神 時、 四 : 時 · 小 徐 日<sub>、</sub> 兩 也 行 弁 一,促 脚 曰「不敢 月、 也 日 也。 進 H 有 步 日 左行 星、 所奏至也。」是走與安行 /, 疾 辰,十二辰 + 行。 安行 辰 日 於 行 是 也。 行 地 也。 日 謂 抗 十二 趨 月, 也。 也 也,抗 疾 十二月 歲 是爲 趨 而 足 服 日 六 而 也 周

慎 案 格 二歲之相」鄭注云「歲,謂 太 日 一,或曰 歲 注 攝 天 ^ 爲 提 云、太 淮南 爾 貴 格。」《 神 雅 太 神 之貴 陰, 陰。」 • . 也。 天 開 釋 謂 文訓 者 元 服 天》: 太 占 周 莫 歲 經 官 **>** 「太歲 貴 歲, 也。 • . 於青 歲 太 保 星 太歲。 陰 星 ^ 章 之 在 龍 天 占 在 氏 神 寅 文訓 寅 篇 歲星 者 或 (),歲 攝 + 引 日 有 名 天 又 許 提

物

破

諸

家、從

甲

至癸謂

之挾

日

通

也

若

從

注

從

甲

至

甲

謂

之

挾

日

凡

+

日

賈

疏

Ħ

矣。

周

禮

太

宰

挾

H

而

斂

柔

丙

岡

T

柔

以

至

于

癸。」

是

從

甲

至

癸爲

也

淮

南

天

文

訓

:

凡

日

雅

釋

:

甲

Z

爲

幹

幹

者

天

《 爾

雅

 $\forall$ 

曰

○」●云「日

+

春

日

蒼

天,

夏曰昊天,秋曰

閔

盛

者

爲

也

春

秋

物

變盛

冬夏氣變盛 日」者 天,冬 記 寅 尊 在 陰 四 于 何 日 甲 陽 各 日 寅 地 時 • ? 之 攝 剛 日 據 消 天 者 神 官 廣 E 其 息 謂 提 即 數 爲 者 意 甲 宿」者、《説文》: 也。 至 星,或省作『星』。」《釋 天之數,十 十二月 天有 春秋 至注 也。 至 陬,至十二月爲 ,懸書之十日也,斂之日 甲言之。 「月,十二月」者,《爾 癸仍有 繁露 四 + 相 云「凡十日」, 時,每 受,而 癸日 者 按 官 而 成歲 : 制 歲 不 天 賈 時 除, 曐 象 數 之 數 氏 得 有 天 度 終矣。」「星,二 仍 名 萬 畢 篇 自 通。 三月,三四十二。 題 也 謂 物 雅 **\*** 日 疏 是 爲 從 釋天》:「 之精,上 挾,故 「月名」是已。 從 終。」 用 甲 甲 「十者、天之 釋 甲 歲 至 日 天》正

令 白

虎

通

四

時

篇》云:

歲

時

格

至

丑.

曰

赤

奮若」者是。

時

太歲

也

歲

名

則

爾

雅

》「在

書》云「以

攝

提

格

歲

,歲

星

左

一行

歲

而

小

周

\_,

與

服

注

同

^

史

至

甲

之

以

從

甲

癸

+

日

則

不

數

月

之期

也

几

時

天

異

名

何

天

?

夏、秋、

冬

也。

時

者

期

也

陽

7,右行

于天。

太

歲

爲

陰,左

行

又

日

十八

之

度條

<sup>0</sup> 是 爾 也 雅 E 下 白 虎 通 義 此 句 尚 有 説 春 爲 蒼 天等

除」,經解 本及文淵 閣 四 庫 本《爾 雅 註 疏 》並

者,《 注 軫 斗 氏 狼 記 軫 散 畢 星 星 西 文 有 宿 二、益以 心。一邵 3、弧 西西 訓》 所 北 其 輿 八 也 牽 東 周 有 星 謂 其 處 鬼、 南 牛,北 漢 方 禮 之位 星東壁、奎、婁,西 八星 氏 也 列 而 建 書 方 其 從 柳 0 位 無 晉 二十八 其 備 角 星 硩 弧 之 方 斗、 涵 七 曆 春 布 星 蔟 至 房、 , 號 其 而 星 秋 日 志》 + 散 官 觜 觜、井、 》「十有二辰之號」注 軫 星須 心 :「《月令》載二 官 鄭 八星 無 也 篤、 宿 • 東 星 **箕、昴、鬼、張。」《史** 注 馮 • 也。 名 尾, 南 女、 參、東井 中 硩 : 宿 一之號 相 鬼。 與《 方 方其 央 蔟 東 氏 虚 星 宿 其 辰,十二 淮 其 氏 ~ 北 ,謂 、危、營 也 有 星 \* 星胃 淮 南 星 其 南 以 張 建 從 掌 星 角 南 星 百 十六 小昴 方其 角 方 各 辰 罰 翼 箕 亢 天 鄭 至 書 止

八年

經

蒐于

紅

賈

日

:

蒐

于

紅

不

謂 注 記 辰 辰 之 • 注 謂 辰。」《 龜 辰 從 策 一,子丑 辰 子 傳 儀 至 + -当日 亥 禮 也 0 0 · ± 辰 辰 吕 不 從 冠 覽 全集」 禮 子 》「吉月 孟 至 注 亥 春 也 乃 令辰 ° \_ | 子 擇  $\mathbb{H}$ 史 元

大』者,言公失大權 注:「 家」者 以 秋 大 凡 三家,謂 路 是 事 經 鄭 物 《易 時 得其 《論 謂 日 蒐 屬 君 之「大閲 :「大人,謂天子、諸侯。」若然 . 仲 之事 君上 失 語 盛位,謂之大。」《論 彖 孫、叔 大 下 者曰大,如 ·, 權 是 傳》:「尚 周 一家者 故 在 孫、季孫。」按 禮 己。 不 家也 以《 謂 書 此 寢曰 之 雍 大」。 一本 不言 大 》徹 大 大 語 也 此 田 寢 大蒐者 \_\_\_ 》「畏 經 馬 , « 姚 在 不 車 春 大 書 信 .

者,以 君失權 家 比 義 自三家 蒐于比蒲」、《三十二年》「大蒐于昌閒」, (定十四年》「大蒐于比蒲」,仍書「大蒐」 大」,賈云「公失大權」,至《十二年》「大 魯史」舊文。 」,義不 蒲」,賈復云「書大者,言大衆盡在三 見於彼者」也。 蒐 次,史爲 此 紅 相妨也 後即 爲 緣飾而書「大」,故「不妨」 蒐之始事 杜氏序所云「文見於此,而 書 是以《十二年》「大蒐 「大蒐」, 經經 可證蒐之事 書 曰「大」, 仍 于 明 出

葬 陳 事 史從 葬」,蓋楚人以 殺 楚葬哀公」,傳 哀公。 孔 賈、服 而 奂」、「葬哀公」,文相比 滅人之國,執人之罪人」,何休注 書之耳。 以「楚師 賈、服云:「楚葬哀公。」本疏 葬陳侯爲己德,牽連 《公羊》十年傳説 稱 袁克 滅 陳」之下「放子 私 葬 次,故 而 滅 以 云 陳之 招 知 楚 爲

> 所 既 發傳 所 三年》經 葬紀伯姬』,不得直言『葬』。」 若然, 楚葬,宜云『楚人葬陳哀公』,當如『齊 罪人,招也。殺人之賊,葬人之君」,亦據 葬 云禮 封 以爲 何 陳、蔡、冬十月,葬蔡靈公,禮 ,明指平王,是蔡靈公之葬 經不云「楚葬」也? 楚葬哀公也。 「葬蔡靈公」,傳云「平王 正義 曰:「若 爲 也」,傳 則《十 即 平王 位, 是 經

文》。 邑。 八年 傳石言 ○本疏引略 榆 州 里 于晉 同 名 也 魏 。」《水經 榆。● • 洞過 服 日 : 水》注。 魏 ○《釋 晉

魏 者 榆 案:《水經注 謂 次 榆 《漢書》曰 魏氏之邑 注 梗 陽 . 洞 也 鄉 榆 次一、 魏 過 **春** 戊 水篇》有「石言晉之 邑, 地理志》「太原 秋 傳》 然 日 則 云 鄉 魏 郡 取 邑

●「石」上,經解本有「春」字。

謂 人 州 焉 中 之 以 歸 里 名 謂 之 如 夏 闕 州。 里 樗 榆 里、《 州 史 里 名 Ħ 茂

將 助 子 往 良 攻 我 服 意。」 日 本 將 疏 往 欲 往 到 陳 氏 問

傳

井

里

一,《荀

子》。

是

也

告 案 子 甲 故 攻 不 孔 也 I 不不 良 信 有 將 以 日 云 正 助子 也 服 至數 由 者,非不 謬 使 遂 義 陳 説 甚 敢 如 良。 氏 于 爲 人 曰 陳 也 向 : 謬, 又告 之助 是 信子良之攻,不信 氏」, 子 告者, 將 將 今 良 非 于道 往 往 是將 之家 何 知 也 陳 子 必 故 不 , 氏 遂 並 ? 良之家 往 急 然者,陳 者, 陳 告于子 欲 蓋 如 氏 過 蓋 將 陳 也 于 察 以子 陳氏 以 桓 氏 旗 情 其 子 詰 又 爲 動 良之 之 子 數 亦 服 責 愜 静 .)助 旗 受 虔

馬

陳侯所

乘馬。

玉

,陳侯所

佩

玉

故殺

馬

輿

嬖

袁

克

殺

馬

毁

玉

以

葬

服

日

日

:

毁 以 案 玉 一,不欲 殉 葬 者 無 使楚得之。」本 蓋 殺 不 馬 欲 毁 故 玉 君常 一之事 乘 今袁 佩 之物

克

殘

毁

之

人

楚

出 陳 之手 顓 顓 頊 頊 也 故 之 爲 族 顓 也 頊 之族。」《陳 服 日 : 杞 世 陳 家 祖 逆注 虞 舜 舜

案 族 者 叟, 康 戴 復 也 也 祀」,是 史記 0 敬 求 禮 云。 瞽叟産 若是 晉 舜 言 樂記 康 . 帝 陳 後 語 顓 陳 産 繋 祖 》一天祚 杞 頊 得 重 句 **\***: 則 虞 篇 世家 華 芒, 之 嬀 陳 舜 **>** 滿 武 後 爲 是 也。 顓 句 將 \* 封 王 嗣 顓 爲 芷 頊 在 封 頊 帝 産 之 産 武 舜 周 猶 帝 舜 之 於 蟜 窮 出 武 族 傳 舜 後 陳 牛 蟬 顓 王 之 是 稱 注 以以 克殷 項 後 而 舜 窮 蟜 桓 者,《 奉 於 蟬 云 牛 出 族 族 紂 帝 陳 産 顓 産 族 戴 大 嗣 敬 13 瞽 舜 頊

物莫能兩大。」同上。 汲古本作「兩盛」。

者。」同· 後 自 虞 幕 能 至 兩 思 《莊二十二年》 上 大,陳衰 于 也 瞽瞍, , 至于 心,此其 瞽 無 違 叟 沿 手 述周史之言曰 命 無 聞 ?」賈引其文。 違 賈日 天 命 「幕 : 以 廢 物 莫 絶

幕 其 案 昭 能 語 不 少 日 帥 康 注 絶 人 能 帥 舜 之事 聽 引 顓 賈 世 也 舜後 幕 一,不當 繼 義 協 賈 頊 者 嗣 説 舜 風 爲 虞思」者 日 無 相 也 以 長 之先 以 上 「虞 聞 傳 爲 溯 有 成 違 思 也。 舜 貽 也 虞 顓 天 ?《哀元 樂 于 後 德 0 氏 頊 物 命  $\wedge$ 是 考《 史記 裴 報焉 矣。 然幕 生 以 妻之以 駰 年》傳 者 廢 魯 》注 果 也 絶 鄭 日 語 有 二,似 者 舜 語 又引鄭 「案《 虞 日  $\leq$ 後 姚 伍 氏 云 言 幕 當 員 虞 在 韋 或 説 其 即 云

> 未 敢 亦 舜 辭,此云「自幕 方》云「自 百 至瞽瞍 史記 先,不 蹈 是 有 穀 追 索 左袒之失,竊 疏 周 隱》曰: 知幕在 稱 而 得 以 成湯 稱 稱 衣 周 「賈以 瞽瞍之前 得 虞。 食 棄 至于帝乙」,是由前及後之 至于瞽叟」,文 如 民 幕 是 以 傳 然下文云 人者 爲 稱 非 鄭 由 虞 虞思明矣。」亦是從鄭 思 説 後 虞 也, 追 爲 非 思」例 也 周 優。 稱 后 與與 者 傳 稷 棄 相 恭 矣。 言 則 之 能 冕謹 同,不 自 虞 封 播 尚 殖 而

## 春 秋左氏傳賈服注輯述卷十六

嘉興 李 胎 德

昭 公

九 年 經 陳災。 賈、 服曰:「 愍陳不與楚,故

而

爲

國

疏

存陳 例 何? 案: 邑 之也。」賈、服 十六年》「成周 ,外災不書,往弔來告 火。 《公羊傳》曰 書之,言陳尚 存陳也。」《 火不 取 志 宣榭 以 此 穀 爲 梁 陳 何 火」,必 説 也。」本 傳》曰: 已 以 者,以 則 滅矣,其言 志 其 ? 繋 書 ^ 其 閔 春 或 法 國 陳 秋 如 日 名 陳 而 災, 宣 於 之 火 存

> 陳,固一 陳,則 《王制》「天子祭天下名 矣。 或 傳》曰「爲天下記異」,與災、火之異 國者有殊,故不繫晉也。《十三年》經 陳亡矣。 火」處之上。 陳侯吳歸于陳」,不言楚復封 尚 若 存 不與其 當日 然, 不不 一楚 則 與 (滅也。 沙 楚 陳 時 鹿、 滅 火, 陳 爲 梁 既 不與 爲 Ш 今 繼 Щ (楚滅 日 楚 崩 絶 大 縣, 陳 存 何 川, ",則亦 亡 火 若 則 不 繋 之 楚 與 係 公羊 義 不 雖 晉 明 楚 斥 云 滅 ? 有 明 陳

書,叔 陳。 傳 叔弓、宋華 弓後也。」本疏 服 曰:「此會, 一亥、鄭 游 宋、 古、 鄭、 衛 趙 衛之大夫不 屋 會楚子 于

男 于扈。」傳:「 案:《文七年》經: 、曹伯會 晉趙 齊侯、宋公、衛 盾 盟于扈,晉侯 「公會諸 侯、 侯、 晉 鄭 立 大夫盟 故 伯、許 也

公後 此 所 例 君 歷 文 不 七 敘 總 會 言 相 相 夫 年 較 之, 全 叔 口 明 也 盟 弓 與 故 服 則 叔 若 扈 諸 傳 今經 義 彼 彼 不 弓 書 然, 所 優 歷 書 不 後 法 敘 而 矣 則 敘 云 所 書 也 相 宋 經 會 齊 所 叔 似 會 何 會 鄭、 杜 宋 马 楚 以 凡 云 會 爲 傳 衛 子 衛 會 書 歷 楚 公緩。 之大 不 於 諸 會 鄭 子 敘 行 陳 傳 侯 宋 于 夫, 會 許 乎 此 又 陳 不 禮 鄭 ? 何 據 曹 書 不 以 故 書 衛 所 凡 與

蒲 奄 + 蒲 姑 近 濱 姑 年 因 如 商 東 傳 書 商 奄 海 薄 日 序 奄 史記 者 吾 社 也 東 民 , , 蒲 土 作 成 蒲 命 姑 公羊 也 王 姑 薄 氏 以 既 姑 伯 大 齊 傳 踐 之。 禽 也 服 **>** 奄 作 日 蒲 ^ 將 商 : 本 定 蒲 遷 疏 奄 薄 四 蒲 社 其 年 姑 魯 聲 君 矣。 > 也 相 於 傳 商

^ ^ 之稱 德 紀 姑 商 作 薄 商 斧 至 爲 郡 東 漢 書 奄 》詩 周 奄 奄 姑 奄 齊 至 瀕 奄 書 大 或 作 里 集 0 君 爲 與 里伯公葬其宅。」《史記 成 伯 一于海 傳 志 也 也 云 . 解 ^ 之名 齊、 奄 王 郁 地 公冢 \* 僖 **>** 引 説 爲 几 一奄 時 班 魯 四 理 魯 一、《魯 商 馬 文 或 年 在 之 氏 或 志 其 奄 君 薄 Z 矣。 是 日 ×, 城 謂 奄 地 實 薄 : 姑 : 皇 魯 頌 瀕 周 管 薄 内 姑 薄 劉 與 \* 是 也 公 齊 薄 仲 祥 姑 水 濱 謂 姑 傳 四 昭 至 近 所 地 述太 與 舍 姑 者 東 厓 禄 注 : 或 于 商 東 中 殷 誅 四 海 父 引《 齊 共 海 海 公之賜 末 奄 或 加 鄶 史 引 日 民 地 者 周 作 邦 是 矣。 共 或 有 皇 記 一,以 或 伸 傳 名 亂 本 作 薄 兩 覽 管、 言 在 爲 . 紀》 濱 蒲 履 姑 地 亂 > 云 周 瀕 薄 魯 魯 ^ 日 ^ 氏 説 蒲 本 破 集 姑 Ŧi. 本 近 則

鄭 之與 民 北 爲 民 大 或 解 皇覽》不同 之, 之 君 魯 引 祝 是 周 地 地 ^ 括 詩 皇 鮀 奄 晏 公 也 地 所言 覽 地 子 也 . 又 志》 者 》各 邠 甚 對 引 開七百 風 大 云 景 就 鄭 引 漢 譜》 其 兖 以 公 康 故 書 證 之 所 疏 成 州 得 里 • 王 蒲 引 指 曲 辭 云 在 之宇,兼 阜 姑 爲 魯 北作 莽 奄 説 爲 縣 南 或 傳》云「 因 齊 奄 在 商 淮 地 里 商 蒲 傍 淮 北 成 奄 奄 商 姑 夷 即 也 之 之 之 奄 王 與 氏 奄

亦 王 舉 有 有 案 母 服 爲 《士昏禮》云『某以得 服 姻 日 相 姻 一: 「婦 義 喪 爾 謂 故 雅 爲 使 ^ 之父 釋 往 婚 . 趙 釋 弔 親 姻 成 親 日 如 又 本 姻。 邵 周 云「婦之父母, 疏 氏 弔, 婦之父 王之后 日 爲外昏姻 且 致 爲 昏 閻 喪父、於王 姻 婚 田 壻 每 與 之 又云 多 服 襚 連 父 云

禮 篇》: 禮 昏姻 知 非 父,於王 嫁娶也 並 之故」、《左氏》文三年傳 往弔者,以 侯爲婦父有 婦之父爲婚 日 喪服 某 壻 . 一所以 舉 禮 死 從 何 以 妻爲 者 其 之故」,《 也。 妻 以 得 傷 文也。」以上 禮 爲 緦 明男女之别 而 父母 亦 婿 而 王故 外 注 服 . 忽 從 服 散 日香, 有 有 雜 昏 緦 小雅 )服,夫 王 服 服  $\equiv$ 文 麻 記 推 也 姻 人恩 也? 得 之故. 年  $\equiv$ 亦 0 **>** 及 妻 邵 者 日 月 亦 爲 有 喪 也。 也 説。 我 日 ^ 各 當 者 曲 服 , <u></u> 姻 姻 行  $\wedge$ 施 鄭 君 白  $\wedge$ 云 婦 服 禮 通 正 ,妻之父母。」 也 又云 可 0 經 其 於 注 與 虎 典》引 知 義 X 然 修 解 野 所 夫 按 越 謂 知 通 「王之后 則 香 某 知 昏姻 云 人 其 此 生 疆 昏 對 姻 馬 以 也。 王 者 俱 服 而 喪 則 文 姻 昏 得 融 謂 弔 往 弔 此 傳 云 服 則 喪 姻 則 爲

妃。

本

也

《易》

推

離

爲

中

女,坎

爲

中男,故

火爲

水

火,水

妃

也

服

日

火

9

離

也。

水,

坎

之父母

不

得

在

京

師

者

非

也

爲 娶者 案: 爲后 此 南 于 侯 納 而 書」,此殊未然,豈二百 在 Ħ. 王 土 謝 外 后 京 文,餘 則 年 前 卿 其 娶 錫 南 春 師 必 士 姊 耳。 如 于 秋》言 爾 取 日 或 往 圻 無 妹 申 諸 必 介 是 俱合禮乎 孫 弔 封 也 伯 内 圭 侯 娶于 式 氏 逆 或 爲 多 可 一,以 之女。 」,又云 覺、吴氏 ^ 矣。 王 宣 耳 崧 外 可 作 后 王之元 ? 諸 高 知 爾 何 者 若云「必娶于 后之父  $\forall$ 厲 四十二年之 侯 寶 以 我 之 是不書者, 澂 惟 乎?  $\pm$ 得 詩 舅 圖 並 可 桓 則 是是 致 母母 始 爾 謂 娶 八 前 孔 居 襚 不 云 其 厲 非 年 此 云「后 也? 間 家 莫 于 及 外 齊 禮 得 Ŧ 不 以 諸 紀 過 如 邑 所 除 則 襄 身

弓 日 辰 》釋文。 水。 死 在 男 男。 陽 得 氣 於水。」又 二,求得 曰 一受以 離 者 坤 在 子 : 卯 氣 離 宋 爲男,得 外 以 火 再 衷 爲 乾 爲 甲 謂 乾 象 離 日 索 日 坤 女,女 子 之 氣 火 故 : 而 爲 母 疾 日 爲 之外 坎坎 得 坎 父母,而 日 亡,故 氣者爲 日 坎 配 女,故 再 中 記男, 故 陽 照 故 索 女。 也 以爲 在 日 而 女。」孔 賈 謂 求 中 中 若 火 得 日 之中 其子 戒 爲 男,故 又 男。 是 内 ~」《禮 水之妃 日 疏 光 桀 女。 也 則 乾 : 日 謂

得

父

坤

王

肅

案

説

卦

**∀**:

離

爲

火

0

崔

憬

:

取

卦

明

有

似

之

中

坎

:

案: 也 毛 顧 伯 既 知 + 伐 過 而 桀 八 昆 代 以 年 吾 之。 》傳 Z 夏 卯 桀」,言昆 萇 二月乙 宏 者 日 ·, : 吾 長 『毛 卯 與 發 桀 周 得 詩 口 毛 必亡, 
 Image: Control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the control of the 得 時 殺 死

坎

水

爲

求

以

Z

卯

記

也。」疏 爲忌 玉 之疾 注 爲 敗 商 時 是 也。」按賈氏傳古文者,故作「受」。云「以 作『紂』,凡今文俱作『紂』,古文或作『受』 誓》曰「 死。」是 本 粤若 史公『受』作『紂』者 扎 約 昆 戒」者、《檀弓》説 王紂。」《殷 藻》 則 疏。 日」。 日 吾 紂 走 來三月 昆 《漢 「今商 不 約 稔 云 子 以 五日 之 以 謂桀、 桀、紂 以 甲 書 以 卯 登 甲 日 王 舉 子 既 Z 本 • 稷 子 鹿 約約 也。」 受。 樂 死 律 卯 死霸 亡 紀》日 臺 食 以 爲 .曆 桀 亡 菜 也。 忌 其 此 吉 《漢 衣 1,桀亡 粤五 志》引《武 孫 昆 ,即戒也,故曰 羹」 以 無 事云「子卯 其 事 先 此 吾、 乙卯 一甲 道 寶玉 書 注 生《 作 所 被 日甲 亦 夏 以 亡,王 子日 一受」者 五行 乙卯 誅,後 疏 衣 桀 成篇》曰 自 子 忌 證 Ľ. 不 赴 戒 , 咸 日 志》亦 <u>₹</u> 既 樂」, 王 者 紂 懼 火 二以 貶 牧 \_\_\_ 謂 劉 兵 以 同 而 : 説

> 農 奉 刑 爲 則 之日 説 注 不 戒 同 然。 0 春 故故 非 ^ 秋 檀弓》釋 張 賈 ×, 以 晏 義 以 爲 云: 也 爲 忌。』』《檀 文云: 五行 子 刑 子卯自 《漢 弓》疏 卯 書》翼 卯 刑, 日 刑 子 鄭 奉 與 翼 相 説 可

聘 襄二 孟 齊 僖 + 子 故 年 如 中 齊 復 叔 殷 盛聘。」《周 老 聘。 聘 於 齊 服 禮 日 至 ·大行人》疏 : 今 積 殷 <u>一</u> 十 中 也 年 自

案 者 以 聘 彼 鄭 齊 也。 也, 河,浦 齊 昭 文 殷 司 殷相 《大行人》云「凡諸 農 以 在 聘 久無事,又於殷 公九 鏜 襄 證 説 是 校《周禮》云:「『一』字衍也。」言 聘也」,注:「小 二十年 此 殷 年 也 傳 聘 積二 以《 故 彼 + 襄 注 亦 春 後 引 年。 日 朝者 秋 + 傳 「殷 侯之邦交, 傳》曰「孟 聘 以 及而 至「二十一 日 年 中 證 問。 殷 也 而 相 薨 服 僖 聘 歲 殷, 至 也。 相 叔 故 子 年 續 老 從 如 中 問

焉」。 奠」注 於彼 傳》:「殷薦 此二十年之間 殷,盛也。」《儀禮 注 :「殷,盛 盛  $\overline{Z}$ 聘, 「久 之上帝。」《釋文》引 對 無 無聘齊 也。」或服兼取 小 事 聘 而 • 聘 士喪禮》「月 而 之事 也 言。 故 ·, 至 ^ 此義 易 傳 此 始 云 半 馬 放故 聘, 象 不 殷 注 殷 聘 同

十年經十有二月。 賈、服曰:「無『冬』,刺

盛

聘

不登臺視氣。」《公羊疏》。

理或然也。書「冬」,當是不行此禮,故去「冬」刺之,案:僖五年登臺視氣,傳以爲禮。此不

大夫 傳公卜使王 而 八旗至較。」《考 用之。 一黑以 服 Ĭ 曰 靈 ・興 :「斷三尺,使至于 姑銔率,吉。 人》疏 請 斷三尺

案: 旗 故故 斷 斷 尺,使至 旒三尺,不敢 于 較」者,以 與君 並 也 靈 姑 銔是 較

《公羊 引異 天》旌 鉤 旗 仞、五 九 在輢 子春云『當爲較』。」《説文》:「較,車 崇」注: 也。 加 肩」、《新序 而 『六尺有六寸 天子之旗 旒齊 軫 下凡 齊于軫,大夫之旗 也。」從段氏注本。 % 放工 與 E 義 軹, 轂末也。」旗旒 疏》 旗 旒 一則同。 軫 五尺五寸。 轐焉 云 齊 較 記 及 廣 • 義 九 「卿大夫七斿至軹, 卿 首」,故 四四 本 之 雅 一大 大 仞、十二 兩 輿 勇篇 輪 疏 疏 夫 輢 尺 人》以 夫 證 並 段氏謂曲 ,軹崇三 上出 Ŧi. 也。」鄭 服引之。 故 齊于 》「芋尹文云『國 仞、 旗 引《 旒 書『較』作『権 愈短 至較」 式 其隧之半 曳地,諸 七旒 禮 軾」,並 「案《攷工 者。 注 尺 含 鉤 則去地 <u></u> 云: 有三寸也 者,《周 齊 文 是漢制 廣 士三 兵 較 侯 嘉 『軫 雅 車 爲 與 愈 七仞 記 君 斿 **輢** 之較 服 自 日 : 官》 其 之 曲 較 輿 所

之旗 之族 寸謂 以 諸 之 蓋 齊 窗櫺 合。 肩』、《禮緯》『士 木 軫 而 兩 此 云「斷三尺」, 較 用 輢 爲 也。 侯 軹 云 所傳者異 之較。 較較 所謂 齊于 亦亦 齊軫 言諸 賈公彦曰:「斷三尺得至較者,蓋天 之, 通 軹 矣。 則 **%** 放工 高 崖 反 侯 高 則 則高 輔」也 然 卑 Ŧi. 注 故 至 軹 三尺三寸,故芋 至 其下三尺三寸,木横直,結如 尺五 則 于 也。」按: 記 服 也。 可帜 軫 王 于 于 所 軫 引一齊 黑請 ],《禮 軹 軹, 旒齊首』,首亦高 輢 卿 寸,其上出軾者二尺二 謂 此軹在軫之上,而 輿 而 而 大 軹 以 之植者、衡者』是也。 人》『參分較圍 緯》謂 卿 不 《疏 又《 夫 較」之文,與尺 者, 齊侯之旗 至 大夫之斿 至 廣 蓋 證》之言, 于 軹」,若 尹文謂 雅 ,軫矣。 卿 兩 》『士旒 輢 大夫之 斷 之 反 爲 于肩 大 去 横 數 則 軾 諸 長 轂 傳 旒 至 夫 在 侯 於 末

故有三尺之較也。」 子與其臣乘重較之車,諸侯之車不重較。

鳴流。 服曰:「示民不愉薄。」《詩·鹿

案:「佻」、《詩》作「恌」, 文。李巡曰:「佻佻,偷薄之偷也。」「愉 《詩》傳、箋合。 他侯反,又音踰。」彼 民,使之不愉 文》訓爲 正字,「偷」俗字。 云「『視』,古『示』字也。 「薄」。 于禮 案: 孔 義 疏 此服 疏 云「佻,偷 云 《釋 傳 云「不 愉 可 恌,偷 文》: 以示天下之 音 」,《釋 愉 臾」。 「愉 薄 也」,箋 説 與

者,言大衆盡在三家。」八年疏。 賈曰:「書『大』

不 叔 案:知書「大」爲「大衆 恤 向 論 喪,不忌君也」,云「不忌君」,可見蒐 魯 事曰「君 有 大 喪,國 盡 在三家」者,以 不 廢 蒐 或

事 大 出 衆 于 盡 家 在  $\equiv$ 非 家 君 蒐 而 至 仍 蒐 書 而 大 集 者 故 明

子 本 傳 疏 臣聞 母: 弟 五 貴 大不 寵 在 公子、公孫、 邊。 賈 日 累 : 世 五大,謂 IE. 卿 也 太

案: 蒲 直 戚 寵 據 無 沃 者 且. 公子 是 臆 知 孫 疏 説 正 正 也 下 氏 ,若棄 又 渠 耳 爲 文 居 引 丘 母 戚 五. 歷 是也。 鄭 弟 疾 大之 引 是 衆 在 鄭 京 也 日 蔡是 2證,若 共 累世 : 櫟、 按 叔 太子 也 蕭 段 杜 正 鄭 居 爲 卿, 亳、 貴 所 京 晉 五官之長 寵 衞 申 渠 是 申 公孫 賈 甯 丘 也 生 殖 爲 居 若 蒲 有 居 曲

日 年 時 經 陽 陽 齊 守 守 高 距 偃 難 帥 謂 故 師 守 稱 納 陽 納 北 城 。」《成十八年 燕 之主,猶 伯 于 陽。 史 ·》傳 稱 疏

> 也 也 晉 0 伐 之居 之距 杜 黨 唐 興 而 地 守、 賈 師 氏 不 鮮 北 人 納 見 燕 民 難 虞。 ,先必距難 正  $\equiv$ 服 釋例》云「今檢經諸 納 齊 伯 爲 未 其 JII 取 陽 師 得 之事」, 嘗 守, 與 以 守者 相 入者 ^ 相 爲 夷 穀 是以 類 距 説 狄 梁 故 故 以 然則 當 難 交伐 其 傳 須 本 傳云「 傳 與 距 \* 興 距 疏 稱 日 夙 中 難 師 難 沙 稱 納 因 故 因 或 以 其 者 衞 其 其 納 納 獨 者 日 帥 故 拒 衆」 衆 晉, 此 者 守 師 狄 大 賈 也 守 而 稱 皆 狄 所 明 知 而 耳 之 之 高 陽 陽 納 有

本疏。 傳已乎已乎。 服曰:「已乎,決絶之辭。」

案 兮」,注 相 同 : ^ 離 騒 已 矣, 云 絶 己 望 矣 之辭 哉 或 也 無 人 與 莫 此 歌 我 意 知

僕析父從。 賈曰:「析父,楚大夫。」《楚世

家》注。

同上。 服曰:「有功德受分器四國皆有分。 服曰:「有功德受分器

宗 於營 之後 案: 分 以 賜 魯。 賜 使 祝 王 宗 器 帝 宗 珍 彝 無 乃 ^ 若 於 彝 作 彝 丘 忘 玉 也 書 堯 褒 在 然 杞。 服 序 之 展 分 作 封 日 封 也 \* 親 器 則 後 分 神 齊 0 | 於 諸 也 封 於 殷 . 農 是 侯 ^ 周 諸 之 薊 封 之 魯 武 之後 封 分 本 器 侯 弟 後 語 功 帝 王 異 紀》 物。 以 周 於 既  $\forall$ 舜 臣 姓 云 是 其 公 勝 焦 云: 謀 之 以 武 有 有 殷 日 士: 後 遠 黄 功 王 古 功 於 於 封 方之 邦 帝 德 者 追 德 封 曲 諸 陳 諸 之 者 師 思 分 也 阜 侯 職 侯 後 先 同 得 大 尚 貢 受 聖 班 姓 班 父 禹 於 班

子

唯

是

桃

弧

棘

矢,

以

共

禦

王

事

服

0

蓽

路

藍

縷

以

處

草

莽

跋

洗

Ш

林

以

事

天

;

出 壞 桃 也 弧 其 蓽 縷 棘 口 路 藍 矢 上。 藍 柴 所 然 車 以 也。 禦 素 其 木 草 災 輅 行 也 言 楚 跋 地 水 縷 Ш 言 行 林 日 無 衣 涉 敝 所

文 是 黄 車 箱 棧 其 其 案: 車 車 無 棧 下 欲 不 下 也 飾 口 注 詩 <u>\_</u> 車」。 ^ 侈 甚 載 0 **\*** 公羊 \_ 周 其  $\overline{Z}$ 唐 分 任 若然 周 禮 司 棧 **^** 别 柴」、 有 書》大傳云「 棧 器 傳 説 禮 • 無 車 車 棧 以 **>** 巾 文》「棧」云: ·, 不 . 則 革 : 與 之 共 致 車 喪 棧 輓 棧 飾 車 役 亡 革 \* Ι. 祝 車 故 車 記 或 輓 士 > 古字 也 庶 註 疏 注 相 \* 7 之 役 乘 而 對 作 人 社 云 云 漆 車 棧 是 通 木車 棧 對 之。 車 是 竹 棧 役 奄 掩 以 文 車 棧 木 車 其 車 其 庶 柴 ^ 故故 役車 則 欲 之 何 亦 車 人 上 上 車 役 分 奄 草 乘 名 車 而 而 車 散 素 棧 役 即 棧 柴 而 飾 方 

『跋涉山川』,則跋者山行之名也。言『草行曰跋,水行曰涉」,疏云:「《左傳》云《詩・載馳》云「大夫跋涉」,《毛傳》云「草木車也」。「藍縷」,見《宣十二年》傳注。

行 用《毛傳 舍」,以 行 跋 》,故與之同 Ш 本 必有草,故 行 草之 名, 也 Ш 故 行 傳 桃 亦 曰『反 弧 日 棘 跋 首 矢 服 茇 以

禦災」者,四年傳云「桃弧、棘矢,以除其

公之對楚子曰:「羽毛齒革,則君地生災」,是桃弧、棘矢爲禦災之器也。晉文

焉。」聲子之對子木曰:「如杞梓皮革,自

所出」者,指熊繹啟封之初,其地未廣言耳。楚往也。」楚之生物廣矣,而云「楚地山林無

齊,王舅也。 服曰:「齊吕伋,成王之

舅。」同

子丁公吕伋立」。《説文》云「齊太公子伋案:「齊吕伋」者、《齊世家》言「太公卒,

邑姜、齊大公女、故伋爲成王之舅。謚曰玎公」是也。「成王之舅」者、成王母

楚之祖 昔我皇祖伯父昆吾,舊許 地,故曰『舊許是宅』也。」同 陸終氏六子,長日 一故謂 昆吾 爲 昆 伯 吾,少曰 父也。 是宅。 季連 昆 吾曾居許 服 季 日 連,

祖 姓 也。 終産六子。 童 注 于 祝 案: 而 一、楚其 産焉。 昆 四四 :「黎,顓頊之後,吴回也。」顓 ,老童生重黎及吴回,吴回 融之孫,陸 「皇祖伯父」。 《楚世 《鄭語 吾。」又曰「夫 日 後 會 也。」是 家》云:「 》「昆吾 人,五 其季日 日 終第 昆 《哀十七年》,「衞侯夢見 昆 吾, 日 爲 一子,名樊,爲 季 黎爲高辛氏 陸終生 吾 曹姓 夏 連,爲 三日 爲 伯 楚遠 矣」注:「 參 六 子 芈 胡 日 六 姓 生陸終,陸 祖 季 人,坼 之兄,故 ,楚之祖 火正 頊 連,芈 昆吾 姓 生 封 破 老 彭

遷 許 昆 吾之虚」,是 登 于舊許」是 是宅」者, 昆 吾 之 韋 觀 也 昭 被被 昆 云「夏衰, 吾後爲 髮 北 面 衞 而 昆吾爲 地 譟 日 今云「舊 受登 夏伯 此

是能 「三皇」作「三王」,無 亡國上 九 五. 賈 丘 典 讀《三墳》、《五典》、《八索》、《九丘》。 曰:「《三墳》,三皇之書。 》,亡國之戒。」《文選 有「九州」二字。 Ŧi. 帝之典。 「墳、大也」三字、「素王」作「八 《八 索》, 閒 居 賦 素王 墳,大 注。 之 0 王, 也。 本 法 疏

注: 字之後,仰録三皇時事,故云掌三皇之書 而 字』,蒼頡,黄帝之史,則文字 三王 云『三皇之書』者,三皇雖 「《孝 肉 楚 周 刑 靈 禮 經 王 緯》云『三皇無文,五 又《世本 所謂《三墳》、《 外 史》「掌三皇 ·作》云『蒼頡造文 無 五. Ŧi. 文,以 起於黄 典 帝 帝 ( )。] 疏 之 畫 有 書 文

説: 篇 之書 帝 典》,五帝之書也」。《説文》 書 融 之首以少昊當之,合之《左》昭二十四年 日 三皇者 神農、祝融 也 也 五 律 申 典,常也」、《釋言》云「經也」、《楚語 並 ? )° \_ 德》《史記 ,三皇也。」《 三墳」。 0 典,五 曆 叔時日 典,大册 也,从册 周 白 以 謂 志》所敘 榮傳》注謂 、太昊、炎帝、 黄帝 伏羲、神 虎 帝之典」者,《爾 「墳、大」者 教之《訓 也。」《禮》 通 也。」五 在 顓 漢書・ ,似黄帝在三皇之中,五 . 五. 農、燧 頊、 一八上,尊閣 號 帝 伏 典》。」韋昭 篇》: 帝 本 帝 曰:「伏羲、神農、祝 律 ~, ~ 黄 羲、神農、 人也。 譽、堯、舜 紀 者 爾 帝 曆志》:  $\approx$ , , 雅 雅 也。」 白 大 之 :「典,五 • • 或 皇 虎 戴 也 注云《 釋 釋 黄帝之書 故 「敘 爲 曰 者 禮 通 詁》文。 話》云 伏羲 五 莊 後 次 何 . 號 帝 帝 訓 則 都 漢 五. 謂

傳文, 法。」 云:「八索,索,素也。著素王之法,若孔 子者聖而不王,制此法者有八也。」云「素 之法,即 之法,舊有其書,特準之爲 秋》,先 王之法」是也 素」,故 釋文》云「索」本 典」,其舊 九丘,九州亡國之戒」者, 「立」、曰「見」,明孔子作《春秋》準素 "「伊尹 當 王古古 子覽史記, 漢書 班氏 是《 Œ 此《八索》也。 以 王 有其 從湯,言素王及九主之事。」是 名也。 五. 爲 · 董仲 素王之法釋之。 而繫 典》 ,謂孔子 得。 稱。 就是非之説,立素王之 萬 《八索》爲素 之 二, 又作「素」,是古本作 然則今所存《堯》《 舒 事 賈氏《春秋序》云: 制 傳》:「孔子作《 ,見素王之文焉。」 《釋名 此法有八,失之。 百篇《書 法耳。 九是九州之 《殷本 王之法者 釋 是素 ん 叙 》 典 紀》 春 舜 王 書 注 也。 氣 防。

之由,即《九丘》遺書歟?《三墳》、《五 禮》之九刑。邱、空也,亦空設之。」 遺供,故釋者各據己意説之。 典》、《八索》、《九丘》,二《典》而外,書皆 言之,朔望以聞 者《楚詞 徐、揚、荆、豫、梁、雍也; 説:「三墳,三氣 八議之刑。索,空,空設之。九丘 數、九州者、《禹貢》之九州、冀、兖、青、 篤言張平子 也。 「丘,墟 能 五典,五帝之常道也。 爾爾 史記 典朕 Ŧi. 雅》曰 典,五 也, 解》「乃 ·哀郢》「曾不 三禮。」三禮 説: 是亡 行也。 陰陽 『墳、大防 「《三墳》,三禮,禮 取 下述皮氏至有洛亡 一國者 遂 事 始生,天、地、人之 天、地、 之要 八索,八卦。 爲 知夏之爲丘 知爲亡國之誠 也。」《 八索、《周禮 丘 戒 墟 正義 俾 矣。 書》 人之禮 一、《周 馬 爲 戎 引 日 《周 或 延

丘,九州之數也。」並與賈異。

也。昭,明也。言求明德也。」本疏。祭公謀父作《祈昭》之詩。 賈曰:「祈,求

箋、《 融以 案: 昭 氏 内 並 筵 詩》「式昭德音」故云。 昭 一川以 二,馬 以 校 《説文》:「祈,求福 爲「明」。 昭 圻 儀 祈 勘 爲「王」 融 禮 祈 爲 明 記 本 爾 · 士 求。 也 作 爵 日 圻千里」,王者游 近圻 「言求 冠 《詩 : 言 傳、《 禮》 昭 千里之内 據 . 禮器》「祭祀 此 明 一昭告 也 鹿 德 也。」《詩・賓之初 鳴 則賈 正義又曰:「 》「德 者,以 足 爾字」注 逵本作 戲 明德 音 不 下文 不過 孔 祈 並 。远 小祈 昭 馬 引 圻 訓

+三年傳請待於郊,以聽國人。 服曰:

「聽國人欲爲誰。」《楚世家》注。

擇,言不能一也。」「聽國人欲爲誰」,言聽案:《釋名·釋言語》:「誰,推也。有推

國人之所擇也。

芋尹 將 服 記 以濟。 案: 欲 案:二事見七年傳。 即 陵。」今襄陽府宜 無宇之子 日 沔,行五 此。」又上「華容」注:「夏水首受江 人 . 六國 鄢 桓 十三年, 《地理志》「南郡 斷 表》:「 王旌 百里。」傳所云「沿夏」也。 服 申 日 亥 執 城 頃 :「鄢,楚别都。」同 E : 楚屈瑕伐羅 縣 人於章華之宫。」同上。 襄二十年,秦拔 西 南 吾 宜城」 九里 父 再 注 有古 及 奸 焉, 亂 王 鄢 故 命。」 鄢 城 9 東 史 鄢 次 西

楚師 陵 服 案: 尹喜。」同 日 還自徐,吴人敗諸豫章 <u>元</u> 前 年 帥,蕩侯、潘 上。 傳云: ○《史記 楚子 》作「五 子、 狩 司 率」,引 于州來,使蕩 一,獲其 馬 督、囂尹午、 服 亦作 五 帥 侯、

潘子、司馬督、囂尹午、陵尹喜帥師圍徐,

以懼吴。」今此五帥爲吴所獲。

乃使爲卜尹。 賈曰:「卜尹,卜師,大夫

官。」同上。

案:《春官·卜師》:「掌開龜之四兆。」

《序官》:「太卜,下大夫,卜師,上士。」此

云「大夫官」,蓋偶誤也。

乃與巴姬密埋璧於太室之庭。 賈曰:

「巴姬,共王妾。」同上。

案: 杜用賈説。正義曰:「《襄十二年》傳

云『楚司馬子庚聘于秦,爲夫人寧,禮

也」。彼秦女是夫人,明巴姬是妾。」

康王跨之。 服曰:「兩足各跨璧一邊。

同上。

案:《文選•上林賦》「跨壄馬」注:「跨謂

騎之也。」騎必兩足據一邊,故此亦云「跨

璧一邊」也。《五代會要》三引鄭康成《一

禮 義 宗 置 **>** »: -: 壁徑 蒼 璧 九寸。」又 所 以 禮 天 引 崔 其 靈 長 恩《三 尺 有 禮

寸。」長徑如此,故得跨之。

惡 同 惡 靈 王 相 者 求 如 如 市 市 賣 賈 人 焉 、求利 也 服 \_\_\_ 日 司 : 上 謂 或 共

案: 也 固  $\wedge$ 白 其 有 虎 用 通 之物 . 商 賈 以 篇 待 **\***: 民 來 賈 之 以 求 爲 其 言 利 古

者也。」言同惡之人亦若是焉。

無與同好,誰與同惡。 服曰:「言無黨於

内,當與誰共同好惡。」同上。

案 干 既 與 己 無 無 下文云「族盡 爲 黨 主 于 同 既 内 好 無 也 乃 有 有 與 凡 親 羽 之 欲 叛 翼 共 有 之助 可 好 同 謂 9 爲 誰 0 無 恶 肯 言 主, 者 與 子 之 必 干 是 共 先 内

恶乎?

在 無 釁 而 妄動 而 動 取國 可 謂 是 無 謂 謀。 無 謀。」同 服 日 上。 : 言 靈 王 尚

案 《宣十二年 - 》傳 : 觀釁 而 動。」服 云

,閒也」。

私 欲不 違 賈、服曰:「不以私欲違民

心。」同上。

子》:「 言棄疾 案 图 : 咈 ^ 百 襄 得 姓 其 十年》傳云「專欲 專 以 欲 民 從己之欲。 有道 以 得 一,得其 民 心。 心 《古文尚 難 斯 成」。 得民 矣。」 

齊桓、晉文,不亦是乎? 賈、服曰: 当

庶子而 出奔。」同上。

奔莒。 賈,又娶二女于戎。 牙奉公子小白出奔莒。」杜云「小白,僖公 案:《莊八年》傳:「襄公立,無常。 庶子」。《二十八年》傳:「晉獻公娶于 是晉文爲獻公庶子。 大 戎 僖 狐 五 姬 年 生 重 重 耳 鮑 耳。 出 叔

有

莒、衞以爲外主。

賈曰:「齊

桓出

奔

急也。」

案: 言如流之疾也、《廣雅·釋詁》:

疾

疾

莒,自莒先入,衞人助之。」同 上

案:知衞 人助之者,以 桓 是衞 姬之子,于

衞 爲 甥 ,舅故助之。

有 或 、高以爲 内主。 服曰:「國子、高子,

皆 齊之正卿。」同 上。

從 善善 卿 傒。 韋 矣。《僖十二年》,管仲曰:「有天子之一 語》云「國子帥五 守國、高在。」是高、國命于天子者。《齊 子,皆齊之正 於莒,是高 昭 如 ,二卿命于天子」,命 《齊世家》云「小白 流 云「國子、高子 及雍林人殺 服 或 卿」者,《王 日 爲 :「言其 無 鄉 内 皆齊上卿」, 知 焉 主 高、 于天子者爲 自 高子帥 也 制》 少好 國 也。 云 先 Ē 是 善 同 五鄉焉」, 陰 大 國子、 上 也 大夫 召 或 正 小 高 白 卿

棄

其

民

也

有先大夫子餘、子犯以爲腹心。 賈曰:

「子餘,趙衰。」同上。

案:子餘,趙衰字,説見「將會孟子

餘」下。

之。」同上。 女 有 妻之,宋贈 齊、宋、秦、楚以爲 之馬,楚 外主。 享以 九 賈曰 獻, 秦 送 齊 内 以

案:事具僖二十三、二十四年傳。

有樂、郤、狐、先以爲内主。 賈曰:「四

姓,晉大夫。」同上。

案:「四姓,晉大夫」者,杜云「謂樂枝、郤

穀、狐突、先軫也」。

惠、懷棄民。 服曰:「皆棄民不恤。」同上。

恤 爾 ,救之憂也。」《 雅 詁 》: 「 恤 周 語 憂 「勤 也 恤 孫 民 炎 隱

而除其害也。」言惠公、懷公不憂民隱,是

日: 間朝以講禮。

講禮。
賈、服以爲朝天子之法。

禮、正 禮 者,以 朝 言之,則 此 制 聘 之禮 案 合 服 諸 主 以 古 故 六者 與 爲 侯 可 云「間 故 ☆」案: 歲 朝 朝 知 天 王 以 無 刑 疑 上 晉 朝 霸 制 各以 朝 朝 爲 其 之。 子 云 鄭注 主之 朝 者 制 」,若從聘 文霸 **>** 周 疏 德,以 上云「明 無 天子 是五 不 其 明 賈 之制 法, 事 云: 一禮,五 服 時 王 知 服 法也。特上云「歲 尊於 年 數 所制 鄭 「間 與 之 歲 侯、 歲間之,似爲三年 必 王 來 之 康 諸 制 聘 年一朝」,云「此 以 一之制 朝 成 朝 天子。」考 朝 甸 也。 侯 者 爲 以 耳 知 以 相 包 男、采、衞 朝 虞、夏之制, 並 \_, 爲 講 之。 見 比 **^** 天 禮」, 則 與 不 日 魯 年、三年 禮 子 間 非 知 又《 朝 語 之 聘 即 朝 朝 何 崔 要 王 法 大 講 考 霸 代 氏

之於 之失 能 者 故 至 伏 賈 引 相 與 此 年 以 王 王 曹 ·, 賈 韋 羈 制 生《 釋 志 制 以 Ŧi. 而 劌 天子 年 周 禮 朝 昭 縻 周 業 侍 諸 ^ 書 間 日 之 0 郊 若 禮 間 注 相 也 中 語 侯 而 虞 朝 特 也 制 周 朝 相 如 曰 : 己。 **>** 魯 傳 朝 使 由 言 當 比比 繩 顯 者 牲 ,則《大行 伏 夫 以 》:「古者 語 夷 Ŧi. 爲 以 禮 生 及 **>** 特 將 講 年一 云下 \* 穆 壬 年 王 違 爲 説 文、 遠 禮 朝 謂 所 以 王 兀 異 : Ŧī. 五. 紹 天子 小 襄 王 下 以  $\overline{\ }$ 征 王 人》 年 堂 年 諸 Ŧi. 前 之 聘,三年一大聘 事 正 禮 犬 而 而 代 朝 先 年之間 霸 天 民 侯 朝 記 戎, 云 朝 冠 見 相 之 數 子 之於 也 > 相 諸 因 履 此 制 明 朝 有 荒 日 虞 也 朝 存 失 侯 王 明 而 其 也 服 是 夏 天 川 也 文矣, 一之制 修之, 辨 證 諸 天 者 時 子 故 其 聘 歲 也 侯 名 五. 是 有 聘 注 先 于

> 服 鄭 譜 南 伯 後 也 五. 疏 0 年 之言禮 男 南 或云: 本 也。 面 疏 朝 之 者 君 晉 遂 賈 也 字 文 託 依 日 公 爲 : 服 周 霸 明 日 語 鄭 時, 王 . 注 伯 之 亦 補 制 鄭 爵 取 伯 在 於 男し 男。 爵 此 當 在 禮 作 男 詩

言 賈 侍 不 南 説 者 作 案 貢 南 , 中 過 鄭 重 面 故 • 南 而 <u>-</u> 以 引 周 伯 君 輒 南 引 本 鄭 以 之當 者 語 言 其 疏 謂 面 備説,豈 \* \*\frac{\times}{\triangle} 在 贵 鄭 獨 説 君 南 南 男 尊 貢 伯 引 也。」 者 而 面 貴 畿 鄭 得 賈 爲 駁 之 者 伯 在 于 賈 輕 南 或 孔 之, 君」者 此 賈 説 猶 乎 南 面 氏 南 之正 日 傳 之君 者 以 服 於 也 爲 南 之 賈 不 蓋 譜 争 説 面 子 侯 韋 知 復 引 孔 **>** 承 君 伯 産 疏 昭 氏 或 何 周 而 非 争 引 意 注 所 説 男 言,反 語 IF. 或 益 或 賈 引 主 訓 僅 難 賈 當 ? 小 正 知

權

詞

以

濟

急

蓋

其

敏

彻

舊

説

多

端

^

詩

譜

疏

引

^

都

計

遠

近

則

在

男

服

既

則

者

據

舊

都

鎬

京言

之,

以

新

男

服

愚

謂

韋

説

古

通

而

子

其

後

衰

弱

地

損

減

服

制

不

足,

即

爵

列

于

辭

也

白

里

侯

邢

遷

于

雖

制

土

中

設

九

服

至

康

王

Z

在

男

服

者

, ,

周

語

韋

昭

引

鄭

口

農

云

鄭

今之

新

鄭

城

爲

在

畿

内

據

鄭

説

鄭

之

或

皆

在

畿

内

不

得

爲

男

服

禮

大

人》之文,

男畿

距

所

引

鄭

伯

爵

在

男

畿

爲

正

語

注

以

發

難

未

可

定

也

是

諸

侯

雖

謂

子

男

取

此

不

相

比

切

之

文

乎?

或

里

《漢

0

地

理

志》云「本

爲

周

司

徒

食采於宗

周

畿

内

連

也

里

示不

過

鄭

伯

男

之

地

遠

言

F

或

不

得

復

在

何

之

此

故

Z

之説 服 也 上 服之外。」《 下 越 明明 兼 在 賈、 爲 其 卑 侯甸男衞」,男服皆次在 等,豈 不 服 在 而 然矣。 之説 康 甸 貢 誥》「侯 得 服 重 越子 庶 之外,不肯 ^ 者, 大 爲 甸 行 而 近 甸 男采 之。 言 人 ※: 服 男? 也, 與 衞 甸 則 甸 」、《酒 男 知 服之後 此 服 服 王、 舉 同 在 男 杜 貢 甸

也。」本疏。 服曰:「藝,極也。一曰常

無 有 日 云「陳之藝極」,下文云「貢獻 常」者、《昭二十年》傳「布 藝 常者爲藝矣。 ^ 魯 注 語 並 訓 》「貪, 藝」爲「極」。 無藝 也」、《晉語 常常 《文六年》 無 無藝」,是 極」。 》「貪 欲 傳

祁 + 四 慮癸。 年 傳 南 蒯 服 之 日 : 將 叛 司 也 徒,姓 盟 費 也。 人。 老祁 司 徒 字字 老

宥

孤

寡

服

日

宥

寬

赦其罪。」

本

\*\*《説

文》:

有,

寬

也。」《

廣

雅

釋

本疏。 也。慮癸,亦姓字也。二子,季氏家臣也

案 然家 子謂 爲 其 也。」 書 蒯 按: 于南 寇、 云「又姓 日 家 劫 : 季 : 司 「古人相 南 氏 是二 高 南 臣之下不得復有家臣 蒯 南 臣,何必與之盟 空 廣 蒯 家 蒯 蒯 帝紀》云「臣少好 日 二,是 並 韻 已是家臣,雖 更 臣 家 臣 之 人 明 臣 後 以 故 與 司 願 七之》「司」 矣。 」, 正 官爲 而 自 語 徒 受 日 卑 多 及 盟」, 杜 義 氏 自 慮 乎? 其 羣 氏 日 傳 皆 稱 稱 失之。 知 臣 相 : 云「人 臣 姓 下云 不忘: 其稱 是 使 九 也, 杜 也 南 自卑下之道 蒯 御 以 其 且 注 臣 有 蒯 不 司 下 杜 者 果 君 引 + 家 疑 ·句『請 慮 徒 謂 是 張 · 等」, 臣。 也 漢 晏 南 川 口

禮 肆 罪 寇》: 戾。」 服 宥 按 税 有 年》傳:「幸若獲宥。」《成三年 子》:「公日宥之。」《齊語 宥 日 反之。」又曰:「一 一。一《舜 赦 也 别 説 宥 非 ~ · 故曰 Œ 爲 大 寬 者,至以 , 《易· 書 凡言宥 司 義 然,則尤誤。 聽 罪 典》 司 赦 再 云: 「寬 寇》: 民 刺 故 舜 象下 則 曰:「流 之所 下 也。」《成十八年》傳:「 赦 以 肾指 典 宥,三則 杜以下云『赦罪戾』, 有 爲 其罪」也。 · 傳 **>** 掌三宥三赦之灋 が赦 則 日 再則宥。」《莊二十 刺 「宥」「赦」二字,散 寬 罪 Ĕ: 宥矣。」又曰:「眚 : 宥 罪戾」之文,故 宥。」《禮 其 過 不 而 流 「君子 賦 》曰:「公若宥 赦。」皆對 無 舍之。」《 宥 杜 税 有言 》傳: 三云「寬 五. 文 以 也。 刑 赦 寬 文並 王 小 宥 以 貽 其 過 不 賦 則 ~ 災 宥 文 以 相 世 周 德 賦 税 司 此 罪 而

者, 舉 賦 是 弱、老旄、 分舉乎? 赦」「 何 兩 税 即《司 事 不 獨此傳「宥 宥 則 可 相 刺 意 傳 與 爲 通 **>** 愚之赦 日 不 典 周 「宥 故 要矣。 識 禮 孤寡」、「赦罪戾」之不當 隨 孤 也。 同 過 文言 源」者 也。 失、遺忘 傳 之, 至 ,即《司 日 杜 而 之宥 赦 宥 云

罪

寬

其

赦

自

刺》幼

本 任 疏 良 物官。 賈云:「物官,量能授官 也

罪於邢 乃 劾 施 案:《 也 官之。」《司 古者皆量能 邢 侯 邢 侯 也 王制 侯 亡,故 士》: **\***: 授官 服 一司 日 劾之。」本 言 : 馬 以 辨 Y 能 施 論 罪 王 詔 能 官 疏 於 事 材, 以以 邢 與 ○《釋 古 侯。 久奠 論 文》引 定 施 然後 猶

案: 劾者 八周 施 罪 禮 於 邢 鄉 侯」,謂 士》「異其 劾 死刑 邢 侯 之罪 之 罪 而 也 要

亡也。 捕 矣。」《説文》:「劾,法有辠也。」云 亡文書矣。 侯亡」者、《晉語》云「邢侯聞之逃」, 也。」然則 「故劾之」者,韋 「要之,爲其罪灋之要辭,如今劾 劾者書其 罪 昭 辭 注: 捕 之,若今捕 施 時 逃 施 邢 即 劾

咸曰『義也』,言人皆曰叔向是義。」本疏。服曰:「不爲末者,不爲末粱隱蔽之也。三數叔魚之惡,不爲末,句。咸曰「義也」夫。

赤

水

火

相

遇

本

疏

爲隱蔽之詞。今謂隱 作『殺』。」《 古注《谷永傳》「末殺、埽滅也」,亦隱蔽 也,省作「末殺 案:「末粱」者,漢時 末粱 欲末 雞米』也。」 當 殺 災異,滿 《説 齊民要 文》云:「 立,如 時 語作 〈 術 》: 讕 永所 誣 没者 語也。《谷永傳》: 「末粱」,服所云 粱,散之也 天。」「末殺」 「凡云『殺米」, 稱 是 爲 也。 抹 殺矣。 「末 即 亦 師 是 義 皆 此 省

> 故訓 妄, 時 服 也。 師 異字異讀,所受本異也,服本作「咸」, 過 爲 讀 「咸」、杜本作「減」。 矣。 有異,訓詁 「皆」,而 連下讀之,就本爲 亦别者甚多,孔斥 「不爲末減 服 爲 漢 與

十五年傳 吾見赤黑之祲。 服曰:「水黑火

《攷工記 祲。 案 方謂之黑」。 水火相遇之象。 在北方、火在南方。」若然、則赤黑之氣爲 《周 鄭 司 禮 》「畫 農 • 《白虎 眂 繢之事」云「南 日 : **浸**≫:「 浸, 通 五行 掌 陰 十煇之法, 陽 方謂之赤 氣 篇》:「水 相 侵 也。 北 位 日

案:《儒行》「其飲食不溽」注:「溽之言欲曰:「辱,欲。欲必求之,吾助子請。」本疏。而在下位,句。辱必求之,吾助子請。 服

位 義 下位」,而 也 ]。]以聲相 · 可 也 恥 正 辱 爲 義 也」,審是 此不文乎? 近 以 爲訓。 辱 連 則 服 上 以 以辱 傳 句 何 聲 9 爲 不云「 云「言 求 欲,猶 義 服 辱 在 訓 在 下 鄭

禮,王之大經也。 服曰:「經,常也。常

爲

欲

、而屬

下句,文義

爲

愜

所

當行也。」本

傳》二引《孟子》「常之謂經」,故曰常也。案:《禮器》:「以爲禮之大經。」《韓詩外

十六年經 楚子誘戎蠻子,殺之。 賈曰:

此 而 案:《十一年》「楚子虔誘蔡侯般、殺之」, 曰 復立 與之同 不名,以 名,以 其 ,則當· 子 立其子」也 焉 立其子。」本 書名,而 禮 也」。 不名者,傅云「 傳 以 爲禮 故故 既 賈

幾爲之笑而不陵我? 服曰:「幾,近

傳

也。」本疏。〇《釋文》:「幾,服音機,近也。」

笑乎? 笑我 傳 案 也。」《釋詁》:「幾,近也。」《穀梁》成三 「迫近不敢稱謚 也。 不 過 小畜》「月 若 杜 笑 言 而 「數見笑」,則「客 」,服言近 止, 幾 望」虞注:「幾,近 何 居 一,亦謂 乎 爲 從 迫 數 近 而 年 笑 見 而

偏也。類,不平也。」本疏。刑之頗類。服讀「類」爲「類」,曰:「頗

平矣。 作 八 貌 節 類』。」故杜本作「類」,而 年》傳: 之又曰 日 切經音義 類』。』《老子釋 類爲不平者、《説文》:「類 纇 。」《詩》「節 「類」亦 念 不平 》十二引《 纇 作 無 『類』,借字也。」《 謂 彼 文 ※: 期 何 南 Ш 通 釋 義 類 然 俗 傳 文》 河河 則 則 文》 . 類 多 絲 節 日 「類 節 節 也 昭二十 上公作 則 高 也 服 多 顧 不 峻

之君 V. 於 事 氏 於 朝 類 炎 家 以 武 而 成 祀 以 偏 於 爲 頗 家 太 類』 祖 望 當 服 作 本 爲 疏 日 義 類 : 真 0 祀 不 乃 其 辭 杜 所自 矣 乙 出 緣

之君 禮 臨 注 天 夫 家 自 則 祖 太 子 祖 立 出 於 不 周 厲 也 。」。」安 上 云 「 者 敢 ~ 廟 周 王 廟 禮 大 者 明 郊 者 祖 祀 廟 祭 公子 以 • 特 得 謂 諸 之, 魯 其 大 ^ ^ 文 牲 襄 文 公子 以 祀 鄭 侯 先 傳 亦 其 王 w 所 + 注 周 日 祖  $\approx$ 得 後 廟 所 年 出 : 而 公之故, 所 王 祖 郊特性 即 也 『諸 年》 由 》傳 之君 公 者 由 其 0 祀 生 廟 禘 生 侯 所 傳 諸 云 爲 之 爲 \_\_\_ 其 自 不 侯 7  $\leq$ 太 知 設 吴子 宋 太 此 祖 敢 出 諸 既 文 祖 得 祖 於 祖 之 之君 祖 <u>云</u> 得 侯 矣。 王 祀 壽 帝 乎?」其 私 所 天 所 祖 廟 不 于 夢卒 子, 家 Z 自 家 本 而 其 敢 自 出 鄭 祖 非 於 爲 出 疏 所

代 諸 古《春 都 猶 不 戴 夫, 年《 子 食 文 厲 案 得 疏 E  $\Xi$ 采 敢 之禮樂, 都 上 侯 祖 王」。『大夫 彼 郊 左 周 者 地 祖 廟 薦 與 而 先 引 據 特 以 秋 傳》 公以 也 亦 此 文二年《 其 君 牲》云 此 其 得 有 左 <u></u> 自 文不 云 禰 左 祀 有 氏 知 大 郊 E 公 又 立 一傳》「 所 先 亦 》 説 : 功 德 下 特 日 不 : 孫 凡 所 同 自 左傳》云『 君 得 德 牲 土 封 敢 : 邑 不 自 此 宋祖 者 之主 出 祖 凡  $\frac{\times}{\Delta}$ 者 於 諸 祖 天 有 得 出 經 天 邑有 魯 諸 此 侯 0 子 宗 宗 祖 魯 云『諸 帝 ; 子。 故《 侯」,而 據 之子 不 又 公子 宋 得 廟 以 廟 諸 Z 宗 得 尋 王 異 周 祖 郊 先 侯 諸 廟 鄭 侯 衡 常 專 準 天 爲 公之故 義 帝 君 侯 以 莊 不 先 祖 説 諸 祖 禮 大 Z **>** 之 許 上德 有 <u>-</u> 十 兼 敢 君 厲 : 侯、 夫 於 主 之 慎 公 德 支 鄭 祖 用 王 庶 禮 謹 主 祖 爲 大 所 日 祖 天 几

賢者 夫 家 中 得 天子 文 與 疏 以 無 祭 許 V. 出 》引《左氏》説以 功 者 得 所 祖 駁之,是 封 慎 德 食 出 王 同 祀 知 采 祖 廟 而 也 大 所 畿 王 亦 夫亦 出 其 故 内 一之廟 其 祀 先 蔽 都宗人、家宗 賢 王 所出 得祖 君 也 通之,於服注則引《 也 子 於餘 』。」案: 先君。 春秋之時,容 母: 諸 弟 者 侯。」 無 此則 孔氏 亦 鄭 大 得 功 氏 皆 大 采 於《 德 無 有 夫 爲 地 禮 駁 禮 不 之 都

其 廟 謂 在 孔 廟, 張 先 己 祖 有 配 著 廟 位 食。」 本 疏 服 日 : 「其祭 在

祭於大 其 禮 祖 庚 其 人 • 孔 與與 從與享之」,是 司 其 其 張 烝」注云:「生則 勳》凡 卿 功也 先 大 祖 夫 死 有 一,子孔 曰「兹 功 則于 者,銘 也。 也。 子 烝 今按: 大享 書 書於 先 西己 于 王 廟 王 于 祭之。」《 王之太常, ^ 食者、《周 旌,以 盤 先 庚 王 w 識 盤 鄭 爾

> 享一下 謂 害 者 謂 不 于 注 而 得有 Ė 贵 廟 一助 「子孔作亂 無義,死 不 大享, 載 君祭」,較 以 後 配 登于明堂,共用 穆 高 世 食 不登堂 堂 公之 謂 謂 在廟」,其説未爲 隆 而 之配 烝、 服 子 死,公孫 議 爲長 而 嘗 與 日 享 西己 ? 也 : 廟 食。」若然 じ。」此  $\sim$ 之謂 庭 ^ 洩 周 通 因 子 志 謂 典 非 勇」,言 妖 \* 孔 臣 > 也 鬼 則 日 得 得 功 而 杜云 配 配 勇 臣 Œ 有 義 食 食 勇 則 西己

養 非 也 不 能 言 事 大,句。 事 大 國 易,養小 字小之 難 或 難 本 服 日 疏 : 字,

或 生 故「字」亦得 生之,不能養之」注: 此 故 ,引伸之爲哺乳。《荀子• 字爲 小 云「事 國, 養者、《説文》: 訓 子 大 「養」。 産自 或 易 指 也。 養, 以傳 其 字字 或 言 謂 云 也 乳 養 禮 非 哺 ,言身居小 乳 論 不 也 小 0 能 之 或 父能 乳 也 事 大 爲

國、生養其民人爲難。

據宋本,今本皆脱焉。 服曰:「鋭,折也。」本疏。〇此

義。子産言:「吾懼以玉賈罪,不亦自折纖而易折,故以「折」訓「鋭」,此引申之案:《説文》:「鋭,芒也。」芒草,耑草,耑

其氣乎?」

## 春秋左氏傳賈服注輯述卷十七

嘉興李貽德學

昭

公

氏 龍 名。 西 火 春 命,得景雲之瑞 名官 氏 火、冬官爲 ,冬官爲黑雲氏 官爲青雲氏, 七 紀,故爲 年 炎帝 以 傳 下, 水 昔者黄帝氏 氏 紀 龍 官 以 北 師 故 爲 火 火,中 故以 夏官爲縉雲氏 大 而 爲 紀, 龍 水 火,夏官 中 名。 以雲紀,故 故 師 雲紀 官爲 官 爲 而 爲 火 水 事,以 中 黄雲氏 爲 服 名 火。 師 鶉 ,秋官爲 日 爲 而 火, 雲名官 · 黄帝 大 雲 共 火 秋 皥 炎 名 師 氏 以 官 白 帝 而 水 雲 受 共 爲 以 以 雲

名官, 白 官,春官 水,冬官爲 案: 雲。 冬、中 定, 約 書 下 命 龍氏,冬官爲黑龍氏,中官爲黄龍氏。」本 之王天下也,仰 本 景雲出。」云「黄 利, 矣。 時 作 聖 煙 是 春 符瑞 此 古 周 黄帝受命」者、《文王》詩序「文王 分官者 非 德 官 爲 謂 孝 知 籍 亦言 也 煙 青 北 爲 光被 卿 黄 未 志 經 水 ,若雲非 龍 東 雲。 帝 黄帝 箞 援 ·: 氏 水,夏官爲南 中 : 上至大皥 神 羣 則觀 其 易 黄 帝得景雲之瑞」者、《 「受命,受 受天 官 或 · 瑞 契》云 夏官爲 言 雲, 爲 . 帝 作 畢 象於天, 口 繫 中 命 臻 徵 郁 一:「德 辭 軒 慶 水。 也。 赤 皆 郁 有 傳 轅 雲」, 口 水, 龍 天 紛 以 俯 景 大 推 氏。 ^ 至 氏 春、 紛 天 命 秋 雲 皥 則 服 或 Ш 官 而 官 秋 包 之瑞 天 蕭 觀 夏、 説 以 作 陵, 書 下 索 王 官 爲 法 犧 龍 秋 於 既 宋 景 天 受 爲 氏 則 輪 名 西

官,以 運》言 以 時 此 不 黄 陰 爲 官 秉 夏、秋、冬、中分官。 地 夫禮 龍 周 兩 青 帝 上 紀官 陽, 爲法,莫有 , , 瑞 官 儀 赤雲,日縉雲者、説文》:「縉,帛 雲、縉雲、白 四 以雲紀官 太平 序 禮 宣化天地之氣、四時 生 竅 紀官」之語 必 變 播 代, | 引《 祖 四 本 於 運 而 五. 用 御 其 象 於太 Ш 爲 行 日 改易。 9 | 遺 文 火、雲、水、龍 川 四 於 而 制 耀 虞 》引曹 一,分而 雲、 ,若然,則 時, 播 四 故 以 耳 鉤 翻 Ŧī. 時」,《 黑雲、黄雲 四 唐 至此 天 其 》云 (伏 日 植 行 虞 秉 時 正 官 所 於 爲 四 西己 陽 成 而 義 爲 紀 伏 作《伏羲 易 於 兀 象 天 之, 周 後 日 要,故 羲 羲 事 垂 天 時 地 : 猶 至黄帝 。」故 作 其 四 也。 本易象 日 繋解 也。」《 轉 此 又云 有 時 星 Ŧi. 易》 贊》 以 黄 夏 官 服 以 也 而 官 準 有 名 禮 赤 當 帝 制 爲 地 知 日 几

者,亦 之,其 卯爲 者 大人 知矣。 注: 繒 有 心,也故 中火也,不 炎帝以 色也。《文十八 鶉, 共 ~ 也 爾 鳥名,火屬 大火,東 。」故以代 大火,心 五 工 猶 五官當爲 以 《説 火名官 雅 日 以 官當爲 明照 云 大火。」又曰 水名, • Ė 卦》: 東 釋 東 方 火、南 也 四 赤雲氏 年》疏 南 火 爲 天 大 離 東水、南水、西水、北水、 。』《分野 而 方。 而 方。」然則舉大火、鶉 **>** 八火、鶉 木, 以 以 南 曰 爲 火耳。 春、 引《字 春、 明 火, 火。」 心 柳 則 大 五. 略 星 夏、秋、冬、中配 火、西火、北火、 夏、秋、冬、 而 他官 火謂 方皆 例 鶉 在 日 書 >>: 水爲五 離 火 卯 大火、鶉 • 以 也, 之大 火火 有 象 色分 於 火也 縉 傳 中配 方 出 辰 注 辰 皆 火 火 木 在 可 赤

0

龍 中配 之也 行 制 中 央 可 在 以黄 以 春 黄 四 篇 水 Ŧi. 之,其官當爲青龍、 方,冬位 也 以 龍 五. 五. 大皡 色分,而 青, 也。 春位 於水、 色配 夏以 以 《月令》言 在 在 龍 時 無 北 火言 東方,夏位 赤、秋 紀官,以 地 義 方, 不 方者,《 相 土爲 足, 四 以 同 赤 白 時 春、夏、秋、冬、 知 中 也 在南 龍、 白 衣旗 ,冬以黑,中 當以 宫。」水 虎 白龍 方 車馬 通 方 位 火 秋 之 黑 五. 位 不

東方 夷 金 也。 而 Ŧi. 之工 雉 案: 也。 南 日 爲 暈雉 夷,平 也。 鶅 賈 北 西 Ŧi. 雉 日 方 方 I ,設五色之工也。」服曰:「雉者 北 摶埴 日 也,使度量、 日 方 正 鵗 鷷 西 日 利 之工 方 鵗雉 ,皆《 器 東 也。 用, ,攻皮之工 鷷 阚 方 器 雉 雅 正 用 日 南 攻 度 • 鶅 平 方 釋鳥》文,惟 也 木 量,夷民 日 也。 之工 翟 南 本 伊 雉 方 也 洛 者 日 攻

> 質、五 水,攻 火,火 胄 云: 剋 文》 名,故知 工」、「攻金 稀, 攻皮之工也。 工」,皆《考工 金剋木,故爲攻木之工焉。 畫 南 土,故爲 ,然則攻皮之工 灣 日 方 西 搏之言拍 之事 皮 日 剋 采 . 方 南南 翟」,《爾 以 之工 皆備 金、故 日 五. 雜 之工」、「攻皮之工」、「設 摶埴之工 蹲 方 行 五. , 記 成 日 爲 也。 函 相 色」,
>
> 又 釋 章 **>** 雅》「翟」作 帚 火 鮑 攻 剋 説 攻 鳥 日 埴 金 取 爲 木之工」、「 学云 屬 東 暈 5, 黏 焉。 象焉。 賈 之工 重 也 方 日 以工 水水 土 伊 日 離 凡 《 考 工 ^ 東方者木、木 也。」 也。 高」耳。 考 甾 洛 爲 剋 西 是 畫繢之事 İ. 火、 方者 而 火 摶 剋 北 北 南 記 記 南 故 治治之 爲 方 方 色 埴 方 **>** 者 者 注 之 之 説 素 甲 日

● 「考」,原作「攻」,據經解本改。

尺 薄」注 雉 平 雉 氏 相 氏 相 服 後 日 之度、斗斛之量,所以平均 名 也 近 傳舊説,不可疑 素 云 :「賈、樊所説 夷 T. 功,有 雉 《揚 引服云:「新雉、香草也。 者 師古曰 正之官,使其 正 夷 義 雄 取古 似 日 傳 者 「新雉 于 : • 《周 音同 暈 其 甘 雉 故 Ŧi. 無據 利 泉 禮 訓 也。 雉 ,即辛夷 便民之器 賦 知 夷  $\forall$ 之名,當屬 也。 \* 爲 《説文》: 薙 夷 設 列 氏 下民 訓 色之工 新 耳。 雉、夷 平, 或 用 雉 也 作 0 于 漢 Ē 故 然則 也 邵 丈 聲 林 夷 初 以

> 驅雀 亦 起 有注,今佚不存。」 者 也 者 小。」本 也。 疏。 老扈 鷃 疏 又云: 鷃 趣 「賈、服皆云『鷃 民 收 麥, 令不 得 晏 服

爲「鳥 案 扈 九 下 老。 嘖 歷 重 爾 老』上屬 引 出 「、宵扈、桑扈、老扈。」」是以「老」下 扈者,春扈 屬 二,凡七扈 : 2 雅 諸 赐」也 桑扈竊 《釋 證, 注 》者,舍 鳥, 鷃。 删去其 鳥》 云 脂 謂讀 惟 四字, 其文 自 、夏扈、秋 樊 人、李 爲 文。 桑鳸 春 光 鶨, 後俱 春 《釋鳥》 相 秋 斷 竊 巡、孫 扈 期老」也 次 **>** 仍之。 鶨 云 扈、 脂。」正義 以 鵙 唐 九 冬扈、 又曰: 石經 下 炎、 近 扈 爲 鳸 邵 至 爲 句 於 郭 氏 下 棘 九 「冬扈」之下 作《正 三 三 : 宵 璞皆 屬 以 農 鶨 扈、行 扈 注 老 Œ 謂 斷 欺 嘖 讀

鳥

者

也

行

扈

"""

畫

爲

民

驅

鳥

者

也

宵

扈

竊

黄

趣

民

蓋

藏

者

也

棘

扈

竊

丹

爲

果

驅

耘

苗

者

也

0

秋

扈

竊

藍

趣

民收

斂者

也

冬

五.

土之宜

趣

民

耕

種

者

也

夏扈

竊

女,

趣

民

九

扈

,爲九農

正

賈

日

「春扈

分循

相

扈

嘖嘖,夜爲農驅獸者也。

桑扈竊脂,爲

<sup>) 「</sup>叛」、《經解》本作「騏」。

<sup>874</sup> 

則 惟 隰、土 旁 民 則 鷃 非 之名者 于 以 文》云『鶨 扈 也 爲 鷃 耜 農桑者 以 爲 鴂 竊 鳻 鷃」不重耳。「 也 《説 後 疑下 老之名其 玄 小耕 九 重 命 爲圖。《 者, 地 「, 人所 雇 衍 文》 邵 所 趣 田 欺欺 種 取 IE 文『鳥』上 有 而 氏《正 有 宜 民 舍 施 是 説文》作「鳻 其 義 知 去之耳。」又案 老也」,●又云『老扈 老扈,不獨 耘 春 東 矣。 「雇,九雇 謂 名。「春扈 農桑之候,故 來已久,不得以 苗 義 時 郊, ·鷃」不重者,非若賈、服作「老扈 趣 鷃 」者,「耘」,《説文》作 事 舊 民 相 善 鷃 故故 耕 有『老』字 : 五. 相 亦 盾 樊 案 種 春 土 農 聲 丘 二,《爾 分循」,《 光 扈 之宜」者,《 桑 音 諸家 者 陵、 少昊之時 賈 也。 趣之。 E ,「三之日 候 爲 作 後 阪 」,鷃」, 雅》 屬 鳥。」 釋 名」,是 爾 然《 險、 老 者 九 人 鳥 雅 説 月 督 扈 誤 爲 夏 然 扈 原

**周** 蓋 《釋言》「宵, 行者」, 扈 盆 子 桑 蓏 斂」、《月令》仲秋之事 草」,是夏之事,故 候 所云<sup>「驅</sup>獸 一芸,除 頛 菜茹 鼓 鳥 爲 日 藏」,是《月令》孟冬之事,故 . 禮 」、云「除苗間穢」、《漢 。」然則 富 之 甫 故 ·天官》「園 \_\_\_ 草 或 是行 驅 日 有 篇 也」、《月令》「季夏之月,利 鳥 ^ 畦, 爲 漢 果 **\***: 無 夜 焉 爲 害五 蠶 實 書 瓜 也」,故 畫 瓜 驅 亦 瓠 • 事, 圃 周 富 、桃、棗、 夏扈 雀 穀 食 果 毓 禮 故 或 ,故秋扈趣之。 貨 夜 蓏 者 草木」,鄭 • 者 趣之。 行 志》云: 雇驅 《離 殖 也。 書·食貨志》云 司 所資 雇 李 於 寤 騒 默,《 爲 彊 桑 冬扈趣之。 「趣 氏》 矣。 》「及年歲 書 易。 還 扈 日 本 月令》 驅 民 禁宵 數 樹 以 桑 故 廬 收 荀 果 殺 時 棘 以 樹

■「欺」、《經解》本作「鶀」

農 言 使 蓋 養 扈 官 驅 之 其 氏 趣 此 也 子 相 -未 掌 諸 侍 之 爲 雪曲 民 民 藏 氏 亦 口 正 Z 芸除 就 果 早 君 農 趣 扈 與 IE 晏 孔 春 其 老 百 分 賈 驅 以 民 日 果 義 起 正 而 疏 扈 扈 事 果,行 桑 晏 蓋 樹 鳥 動 日 夜 駁 秋 氏 注 以 氏 口 扈 藏 作 爲 賈 其 農 扈 注 爲 農 是 得 爲 也 晚 氏 民 意 扈 棘 氏 IE 舍 蠶 麵 」。」蔡 麥 召 正 暮 趣 也 驅 農 皆 云 氏 趣 扈 人、 驅 室 趣 民 時 民 也 獸 農 謂 民 氏 正 ·, 雀 民 養 邕 候 使 樊 爲 農 耕 趣 正 趣 以 吕 蠶 收 桑 聚 鳥, 贵 光 民 民 獨 扈 鷃 畫 正 種 民 覽 麥」, 扈 注 驅 得 勝 而 鷃 爲 當 收 爲 耕 斷 故 氏 . 之哉 總 多 於 民 謂 斂 官 之 耘 知 慎 農 爾 扈 亦 説 冬扈 置 號 賈 聲, 驅 茅 及 爲 雅 小 還 與 IE 氏 九 官 **\$** 收 氏 氏 農 收 賈 **\$** 故 扈 趣 方, 斂 依 爲 又 説 宵 其 民 氏 IE. 麥 邵

置 農 導 藝 率 野 限 竟 室 米 不 職 制 經 畫 伺 重 自 春 於 熟 茫 驅 民 糧 民 耳 守 日 掌 難 而 老 溥 爲 衣 昧 通 袖 鳥 夏 0 目 至 事 可 始 口 荒 宵 手 食 第 天 嗇 之交, 今猶 據 與 難 無 九 唐 稱 夜 之下, 馳 旁 如 果 夫者 民 信 不 扈 虞 周 而 驅 棘 逐 觀 孔 相 然。 亦 便 爲 以 也 뾆 扈 急就 畫 田 無 疏 民 安。 贵 農 前 而 野 驅 何 妨 桑 所 不 古 食 上 邵 正 行 篇 以 鳥 設 隨 必 扈 駁 若 古 免 今官制 所 有 氏 扈 雀 > 可 之 官 親 植 地 亦 資 竟 質 是 如 晉 則 周 分 宵 設 就 果 職 樸 夜 云 理 孔 日 涵 故《 又不 職 ? 養 官 扈 果 不 哉 乎 設 驅 疏 通 日 袁 之官 蠶 袁 ? 爾 所 走 ? 宵 且. 然 自 必 如 官 菜 言 獸 雅 其 常 設 其 田 躬 難 案 漢 疆 果 以 **>** 言 家 官 定 設 制 使 將 設 人 蓏 以 古 在 相 域 : 蠶 其 者 古 其 董 果 不 所 **令** 倡 人 種 助 田 鄉

下 千 官 也 無 何 白 號 以 祇 乃失之 可 而 使一 周 同 泥 人爲之,後 是 官 謂 與 號 ? 九 扈之官,必 孔 疏 世 乃 守、牧、令、丞 慮 祇 及 有 溥 九 天之

事 顓 以 辛 秋 而 自 官 氏 Ŀ 顓 頊 命 因 一,天子之號 爲 命 以 以 頊 民 以 之。」《禮記 金 以 來,天子 來,不 正 民 事 冬官 列則 事 之 以 能 不 春 月令》疏。 爲 號 其 能 紀遠,乃紀於近。 官 水正 以 故 爲 德,百官之號 其 木 也。 ,中官爲 地, Ē 〇此 夏官 百官之號 據宋 服 日: 土正 以 爲 爲 其 火 以 民 少 微 正 高 其 皥 師 ,

上 中 也 畫 案 和 天 故 《白虎 萬 神農 卦以治 子 謂 之 世 之 教 通 神 常 號 下,下伏 民 存 以 農 號 也 其 故 作 篇 德 稱 黄帝 而化之,故謂之伏 》:「伏羲始定人道 也。 黄 神 帝 而 始 百官之號 也 化之,使 作 制 是 度, 少 民 以 皥 得 其 宜 義 其 以

番目

孟

荷 津 辛氏 神,命, 徵 火 序 以 顓 方 正 少 周 物。 吴 是 即 Œ 皥之衰也,九黎 Ŧi. 也。」《水經 頊 》云「事 來,天子之號 之世 0 帥 因 官,見二十九 也。 火正 上以雲、火、水、龍 是五 之 顓頊受之,乃命 師 餘餘 涉 白 黎 者 即 自 行 官  $\equiv$ 司 河 ~, ~ 司 之官 棘 以 水 È 地 以 徒、 鄭 津 ※ 注 其 其 亦 以 亂 年 高高 語 司 事 在 屬 傳。 地 德 > 馬 辛氏 日 其 者 民 民 南 紀 如 服 之 : **^** 世 Œ 官 賈 唐 楚 日 神 亦 類」是也 南 可 黎 重 是也 語》云:「 、虞、夏、 依 雜 公彦《周 正 知 司天 爲 糅,不 此 一、火正 棘 高 云 津 也 以 辛 顓 商 及 猶 氏 高 口 禮 在 屬 木 頊

言 案 注 孟 津 津 論語 之以 濟 一使子 渡 濟 處 渡 得 也 路 一六 名 問問 也。 津 棘 焉 津 猶 集解 孟 津 引 鄭

冬,有星孛于大辰,西及漢。 賈曰:「天

漢,水也。或曰天河。」《御覽》八。

閒 詩 水,而 而 漢 無 云 所 又謂 維 津 爾 明」。 傳 天 也 雅 云「雲 之河 有 注 《棫 漢 釋 」,傳「漢,天 樸 漢,天河 天 天》 》《雲漢》詩皆云 析 漢之津 木之津,箕 也」,是天 河 梁。」《大東》 也。 漢 斗 倬 有 之 有 彼 光

句。 今兹 火 出 賈 火 而 氏 出 章 舊 而 文 必 章 無 火, 必必 重「火」字。 火,火 火人而 人而 伏」, 本 伏。 重 火 服 别 本

字爲 言 災。 乎 星 必 然 彗 臧 下云 是 而 星 而 賈景伯 氏 彗伏 隨 無 梓慎以 火 琳 疑 『其居火也久矣,其與 則 也 行已二年 日 不重『火』字,與《漢志》同。」 一當從服氏 下文『其 若作 火彗之隱 必必 矣,諸侯 與不 火 顯占諸 本,有重 人 然」, 而 之有 不然 伏 何 侯 火災, 乎」, 『火』 所 爲 火

> 之 前 也 庫 八 其 年 本 以 傳 處 疏 望 高 宋 之。 大 顯。」《周 衞 庭 陳、 氏 官 服 鄭 古 日 誦 皆 訓 亡 火。 疏 或 四 梓 之 或 慎 次 登 在 有 大 黄 火 庭 帝 氣 氏

神農 域 以 所 注: 合。 有 日 즈 周 郡 於於 能 封 ,十二次之分 禮 大庭 或 望 氏,一日大 正 大 封 大 東 星 遠 義 所 庭,古 域 界 保 在 亦 京 知之。 又曰: 皆 章 軒轅 有 則 賦 度, 氏 有 分  $\approx$ 或 庭氏。」云「其處高 **\***: 之前 非 分 焉 「先儒 九 四國 名 則 也 星 州 也 大 以 數 其 星 次者,言 庭 以 星 舊 州 與 書 也。 E 紀, 氏 説 土 觀 中 服 義 何 皆 辨 妖 吴 諸 矣 説 引 以 + 九 日 祥 越 其 或 在 鄭 一,炎 尚 州 中 也 存 堪 黄 顯 一次也 兹 之 詩 鄭 帝 之 帝 可 輿 地 封 玄 注 前 薛 雖

非 次 火 火 日 : 也 宋 趙 周 齊 衞 陳 爲 忧 也 也 也 鄭 獨 娵 氏 無 訾之次,鄭 析 鶉 實 娵 云 次,何 木, 訾, 尾 沈 今 燕 楚 晉 衞 存 所 也 也 也 也 其 望 0 爲 哉 可 壽 然 降 壽 鶉 言者」,足 星 則 婁, 首 星 宋 之 按 次 鄭 魯 爲 秦 正 大 也 也 也 證 火 義 IE. 古 説 義 之 大 鶉

之 特 秋 云四四 術 傳 時 者 天 或 H. 失 文 次 在 之, 説 有 當 可 火 時 非 知 氣 陳 其 者 無 然則 有 次 義 不 也 不 當 知 然 能 陳 梓 也 言 次 慎 陳 乎 精 ? 次 疇 服

也。 弗 案 良 一,而 良,能 及 ^ 也 周 以 禮 也 告 少。」本 于 服 辛 王。」 曰 夫》 : 良、 弗 書 良 能 其 並 及者,不 能者 舉 , 是 與 義 其 能 相 良 及

近,故良訓爲能。

禳火于玄冥、回禄。 賈曰:「回禄,火

神。

本

案: 者 曰 或 肾云 : 語 正 楚之先吴 \*, 義 П 知 日 禄 爲 : 火 賈 口 先 神 氏 爲 儒 祝 故 註 案 融 定 : 左 云 爲 或 傳 賈 注 云 **>** 及 説 П 左 禄 傳 或 即 IE. **>** 及 吴 義

本疏。 服曰:「藉,耕種於藉田也。」

時

始

有

趙

言十二

一次者

並

趙

地

數之,

非

春

法

己

失,不

過

就

所

知

者

分之。

即

如

戰

或

口

也

耒。 義 案 畝 > 也 -諸 藉 0 : 侯 0 」、《説 爲 天子 古者 籍 文》作 爲 使民 百 籍 畝 千 如 冕 耤 畝 借 而 故 - , 云: 冕 青紘 謂 而 朱 之 『帝 躬秉 耤 紘 耤 躬 秉 祭 千

- 「王」、《周禮注疏》作「上」。
- ② 「耤」,原作「藉」,據《說文解字》改。

行之。 蓋 耕 是 行之。」真曲 六月,夏之四 諸 履 種 侯 藉 行之。」 藉猶 有 田 時 籍 藉 説 也 田 事 月, 附 蹈 無 當 會也 杜 種 所 躬 藉 注 稻之時 出 親 踐 之。 其 履 正 其 之義 義 鄅 君 子 自 日 君 故 在 出 自 外 藉 出 周 爲 者 稻 之 觀 履

撊 澗 如嚴 者, ①恂栗也」, 鄭注 説 然」者也。 文》 《方言 峻之『峻』,言其容貌嚴 廣 雅 僴 . 釋 詁 武 撊 ₩: 貌 猛 「恂」 撊 也 ^ 猛 大 晋、 或 學 栗 也 · | | | | | | 作 也。」即 魏之間 澗 『峻』,讀 即 瑟 此 僴 兮 日

十九年傳 楚子之在蔡也。 賈曰:「楚子在

蔡,爲蔡公時也。」本疏

無 立 即 案: 矣」,故疑 師 位 : 極 杜 傅 爲 杜 云: 若 也 少 以 爲大夫時聘蔡 在 師 楚子 蔡 至 蓋 今七 生子,唯 爲 + 大 服 年, 夫 年 日 : 爲 時 也。 未 蔡公, 往 楚大夫。」《楚世 得 歲 聘 云 耳, 蔡。」 建  $\equiv$ 口 未 年 正 室 堪 義 而

告大成成と、同軍ででいる。 そー・・こ家》注。 敷無極爲少師。 服曰:「楚大夫。」《楚世

父 若 /, 楚北 案 大城 馮 于城父』,即 又有北 城父、《僖二十三年》、『 異爲父城長,光武屯巾 顧 城 境 氏 城父、《哀六年》,『昭王攻大冥,卒 父,而 邑。」同 棟 高 此。 日 真 上。 大子 漢置 楚有兩城 焉。 父 楚伐 城 車 鄉 縣。 陳 父。 服 取 獲馮 王莽末, 日 焦 異處 夷』。 爲 夷 城

②「一」,原誤作「十」,據《春秋左傳正義》改。
● 「者」上,《禮記·太學》有「僴兮」二字。

城。」服云「楚北境邑」者,以下文云「以通也。今河南汝州郟縣西四十里有城父

宗主。」本疏。 服曰:「祏主藏於宗廟,故曰

北

方」故

也

羊 以 大夫無主 Œ 廟 案:「祏主藏於宗廟」者、《説文》:「祏,宗 廟 而 侯長尺,皆 方,穿中 典 主。 石爲 義 服 」, 又 主也。」又:「宝,宗廟宝祏也。」今字皆 司宗祏 駁 云「祏主」者、《説文》又云「一曰大夫 ,卿、大夫、士非有土子民之君,不 主。 服 曰 央以 完 五 ,何所隊乎?」若然,大夫無主, 曰 : 「反 刻 五 經要義》云:「木主之狀,四 謚 達 又曰 袥 四方,天子長尺二寸,諸 於 于 少 經異義》:「今《春秋公 其 「使祝 牢饋 西 八背。」《 圃 食》,大夫禮 当皆 史徙 春秋 謂 主 木主 左氏 袥 于 也。 也。 傳 周

偃 寡 君 傳》曰 家 秋時 以 神 據時言之,與《說文》或説同,皆通時變耳。 者、當特僭爲之。」按:此禮 禘祫,大夫不禘祫,無主耳。」今孔 云: 穆,不得有主。 也。 得給享,序昭穆,故無木主。 孔悝之反祏有主者,祭其所出之君爲之 主耳。」《哀十六年》傳「反 『東帛依神』。 『結茅爲菆』。 臣。」本疏 石爲主。」鄭 ,士結茅爲菆 與其二三老日 則大夫僭爲主矣。服 言大夫以 鄭《祭法》注 衞 孔 《特性 大夫以石爲主,禮無明文。 石 悝 君駁之曰:「大夫、士無昭 《少牢饋 爲 反 許君謹案: 云:『惟 主。 袥 饋 服曰: 二三老, 駟 于 今山 食》,士祭禮 食》,大夫禮 西 天子諸 袥 圃 云「祏主」者, 大夫無主,春 大夫東帛依 陽民俗 于 令春 。」

袥 西 悝 侯 秋 圃 祭皆 有 有 石 左 也, 也, 疏 氏 主

禮 爲 也 義 駟 亦 . |論 相 記 ^ 偃 家 聘 通 家 臣 語 禮 延 臣 稱 及 老。 孟 賓 孔 公 降 傳 氏 老注 綽 謂 日 授 爲 「其二三老」, 老 老 趙 大 爲 幣」 魏 卿 夫 老 注 大 日 夫 注 老 引 故 家 則 聘 孔 臣 知

服 + 日 年 : 傳 梓 春 慎 一、王二月, 知 失閏 日 ,二月冬至, 南 至 梓 慎 故 望 獨 氣 以

月

望

氣

本

置閏 年二 往 宜 案 氣 月,乙丑 置 年 原 閏 正 月 不 閏 當 乃 義 置 月 朔,日 更 書 是 日 閨 全 即 : 正 正 故 此 二月之後。」若 南 月。 月 曆 年 至 冬至 之正 正 時 日 月 者, 南 法,往 史失閏 當 本 明 至 是 爲 往 然,則 往 周 年 年 而 年 正 往 十二月 置 傳 閏 月 年 時 里, 云 月, 之 史 則 于 此 後

> 故 此 今之二 月之朔,故 ,知二十年 月推 之二 爲 獨 正 以 月 月。 實 月 望 是 梓 Œ 氣 慎 月,冬 亦 以 失 至 閏 應 在 之

奮 城 揚 使 父大夫。」 城 父 人 執 本 疏 己 以 至 服 日 : 城 父

此 許 有 注:「鄉 案:《詩 官 知 大 守也 爲 夫 城父大夫者 也 人,鄉 0 0 | 載 馳 鄉 大 》「許人尤之」箋:「 飲 夫 ,以奮 酒 也。」 義 > 是 揚 鄉 大 使 人 夫 執 得 士 己 君 稱 許 明 子 是

相 言 案: 從 也。 爲 言 愈 相 如 從 此 者 服 則 日 謂 : 死 相 則 從 生,比 從 愈 君 於 命 共 共 死 員 死 爲 則 愈。 從 本 兄 疏

客 案 列 : 言 傳》「 欲 伍 弑 僚 子 胥 而 知 取 其 公子 或 也 光之欲 史 殺 記 吴 王 刺

琴

聞

魯

賈

日

僚 乃 日 彼 光 將 有 内 志 是 也

口 13 上。 見 鱄 設 諸 焉 服 日 : 鱄 諸 吴 勇 士。

也 案 其 刺 勇 客 具《 列 吴 傳》云:「專諸者,吴堂 越 春 秋 邑人

賓 古 》疏 將 掫 賈、 服 日 : 掫 謂 行夜。」《周 禮 掌

張 守也 作 守鼓 然則《 案 古 周禮》之「鼜」。 趣 掫 宗 也, 與『造』 爲『造次』之『造』,謂 、《説、 「夜三鼜 説 左傳》古文作 《春 文》:「掫, 意 死 秋傳》 文》謂 音 與 以 杜 相 後鄭 號 所 同 近 「所 夜戒 故 戒。」杜 謂 趣」,從 擊」, 亦 説 : 即 日 賓 有 鼜 亦 與 子 將 所 終 子 杜 擊 謂 服 爲 張 趣」 擊 説 夕 春 鼓 擊 「撃 同 也。」《 與 日 鼜 者 行 即 鼜 趣 燎 顓 也 夜 今文 與 0 孫 警 即 ? 讀 掌 戒

> 四 未 師 有 + 子張。 餘 服 歲 日 : 案 孔子 鄭、 賈之説,不知 是 《七十子傳》云子 時 四 十,「四」當作「三」。 所 出 。一本 張 少孔 疏 知

舉 + 是 歲 案 疑 之,云《七十子傳》云子張 少 八 二十年,是 云 歲」, 賈 孔 成 時 年 」者、《弟 顓 賈云「子張 説 年 子 數 孫師,陳人,字子張」者 -,至襄 則 爲 四 四 也。 + + 服 不 時 子列 「知 當作 知 餘 所 爲三十一也,但言三十者 三十一年 歲 所 本即《弟 即即 未 傳》云「子張 出 , 計 三十 有 顓 此 子 孫」者、《弟子 計十一 孔 子 時 張」者,以子 子 列 子 少 張 傳》 孔 少 生於 也。 歲,合昭公 猶 孔 子 也 未 襄 子 兀 服 列 生 張既 公二 孔 四 + 不 然 故 子 + 餘

盍 古 日 齊 誅 「『謂』上當有「一日」二字。」其説 於 大 祝 祝 固 史 史 嚚 嚚 以 太 辭 史也 賓 是 也。 服 今從之。 日 日 段 氏 玉 謂 祝

其嚚 祝固 陋嚚 詩 服 言爲嚚 也。」《僖二十 祝 次位常。」是太 而 大祭祀 注 不 ,傳當直 IE 六祝 引《國 者,故 、史嚚 詘 解 闇」者,是或説 史嚚,太史也」。 儉 齊 固 太 則 之辭 與 祝, 闇 云、祝 固 古 釋之如 語 也注 」,似言於祝 執 以開 四年》 以 太史」 通 祝、太史掌 事 賈注:「暗,不明也。」《説 集 固、 爲人名,故 1 是。 事 暗 解 日。 也。 傳 史嚚 者 鬼 固 其 《禮記 誅 , 曰:「不道忠信之 引 一, 猶 神 《文選》歐 日 或以 祭之日 其 周 孔 一,今傳 示 祭祀之官。 質 固 ~ \ 禮 謂祝史之 曰 : 日 陋 古 者 · 太 祭義 「祝固、太 執 也。」《 太史》 於於 云 固 盟 若 陽 祝 書 学立 誅 堅 史 誅 古 此 論 以 於 是

> 本 上下 疏 之以 忠敬 統》: 文》: 美,然後致 無怨。 時,明 ,奉之以物,道之以禮,安之以樂, 是故賢者之祭也 禮 福,否則 履 薦 服 之而 也, 曰:「上下謂人、神無怨。」 所 神 已矣。」是祭必 以 明怨恫,疾作 事 了,致其 神致 福 誠 也。」《 由 信 盡 此 禮 與 矣。 祭 其 薦

神爲 案:下文云 也」注:「上 人。《祭統》云「上 君身言之,尊於君 神言也。 上矣。 下,猶 神怒民 禮 尊 則 者 卑也。」此 坊記 痛 順 爲 於鬼神 」,則此 神, 》二示 卑 云 於君 民 」,亦 E 上下 有 下 者 Ŀ 亦 謂 指 鬼 爲

文 案: 氣。 人 可 聲 郊特性》日 部》: 服曰: 也。」 哥哥 故 「歌氣也。」本 聲也。 歌者 氣 爲 作 在上 古文以爲『歌 樂之本。 一,匏竹 在 《説

言之 字。」《白 欠,張 也 口 氣 虎 П 悟 通 言 也 • 則 引。」「歌 禮樂篇》:「 氣 以 宣 詠 之。 也,从欠。」亦 夫 ^ 説 歌 者 文》 口

均 閏 律 之津 徵 七 縣 七 姑 周 武 洗 黄黄 計 列 數。」《周禮 禮 以 南 王 爲 辰 張 疏 也 角 白 自 克 鐘 吕 》作 二十八 倍 商 應鐘 爲官 在 爲 出 一黄 南 服 歲歲 半 斗 羽 過爲變 鐘 氣 北 日 小 柄 爲 在 太 故 之 胥 :「七律 應 鐘 宫 官 蔟 鶉火,月在 也 揆 》疏、《魏 星 林 鐘 縣 爲 蕤賓 爲 七 在 鐘 + 爲 商 八十 爲徵 天 爲變徵 九 變官 書 百 爲 姑 黿 鐘 太族 也 七器 樂志 四 天駟,日 洗 0 鐘 律 蕤 鶉 爲 爲 ^ 鳧 七 音, 賓 火及 商 外 角 氏 律 此 爲 傳 南 黄 爲 在 林 吕 天駟 變徵 \* \*\frac{\times}{\triangle} 鐘 歲 析 鐘 + 爲羽 鐘 之 木 之 以 爲

律者何」,韋昭注云:「周有七音,王問七案:云「七律爲七器音」者,《周語》云「七

傳 賓 徵 其餘 器 謂 爲 宫 鐘之均,謂 音之律。 周 冬至之聲, 黄鐘之均」者、《 爲 商 以 》之七律, 音 均之法 年》傳 至 語 變官 類從 以 應鐘 當 商、 韋 次 蕤 日 作 意謂 一大吕 昭 馬。」若然 運 賓 角 可 爲 以 而 一七 以 、微、 注 行 推 爲 而 黄 角、太蔟 當當 黄 七律 同 變徵 矣。 音器 鐘 七律爲 鐘 爲 周 鐘 0 羽 音 爲 變徵 日 爲宮 ^ 語》云「 聲 爲 是 如 宫 續 者各自 爲 之器 一之清 音器 七音 也 是 也 林 漢 微,姑 云 以 黄 0 鐘 至 書 度律 此 也 至 濁 此 之均, 鐘 之 用。」然 蕤 下言「黄 . 爲宫, 七 周 器。 相 之 不 洗 賓 律 是 均鐘」,黄 音 準, 而 過 均 加 爲 爲 曆 則 也。 即 則 而 羽, Ŧi. 變 法 志 鐘 南 ^ 一七 所 微 商 也。 外 云 + 蕤

■「歌」、《説文解字》作「調」,當是。

分野 黿 是 分, 名 度。 韋 前 日 同 日 而 黴 昭注 壬辰,辰星始見。 日 謂 月 月二十八 也 以 ,次名,一 也 一般 在 是 月 張,鶉 析 律 也 宿 戊 者 已前 也 謂 木之津 合 謂 云 聲 和 房 子 之爲 皆《周 , 戊子 謂 其 辰 Ŧi. H 火 但 日 日戊 武 武 聲 斗 也。 周 歲 度。 日 有 也 」玄枵, 七 後三日 E 王 前 歲歲 語 宿 五音 辰 於是 語 音 始 克 子 **>** 津,天 箕 天 </l></l></l></l></l>< 一度。 星 日 是時歲星在 商 日 發 謂周 七 駟 乎有 「,得 五. : 三日癸巳,武王發 也 自 師 月 度 房 將 至「 聲 漢 故 周 星,辰 之 東 周 IE 七 鑄 鶉 行,時 爲 星也 南 以 以 也 月辛 會。 E IE 律 無 火,次名,周 義 IE. 來 七 北 月 .° \_ | ≪ 星也。 射 日 析 之 斗 加 同 辛 卯朔,二 謂戊 張 殷之十 木, 揆 傳 文、武 通 柄 其 卯 箕 聲 文。 於次 典》 數 天 次 子

鐘,十 懸 服 之閏 爲 典 之位 己未 七同 行 月之小餘 七 公彦日 鐘之管,正 也。 七列合七宿 律之鐘 倍 鐘磬半爲堵,全爲肆」注: 云 . 縣十 數 以以 也 樂三》 晦 二十八日 鳧 : ,冬至,辰 七同,合七律 懸 鐘 九 正 氏 + = 服 賈氏 十九 則 此 鐘」至「此一歲之閏 當 聲 爲 聲 日 謂 引之者 + : 比 鐘 服 九寸, \_\_\_ 之説, 戊午,度孟 月 鐘」者,《 九 子聲 月,十二月十二 以 張 以 星在 以子 八 鐘 律 、翼、軫、角、亢、氐、 音定之, + 子 0 也。 明 計 須 不 聲 則 四 聲 周 周 女、伏 足 子 比 自 月 小 自午至子,其 則 之所 津 禮 發 聲 倍 正 餘 有 以 四 「鐘磬者 小胥》「凡 明 半」者 爲 聲 七律 天黿之首 一十半 數」者 <u>一</u> 十 以 故 服 辰, 半, 懸 則 用 云 義 + 九 當 辰 也 如 IE 七 也 歲 房 九 黄 聲 通 律 度 加 賈

以 至始 均。 均 吕 宫 第 懸 也。 鐘 + 懸之二八十六枚。」是五聲之正法, 七律 均,第二宫林鐘之均,第三宫 續漢 爲 一十八 應鐘 四宫 六枚,今以二 五聲生六十律當之,其變宫、變徵,餘 ,第十一宫無射之均,第十二宫仲 之均,第九宫夷則之均,第十宫 爲二百二十八鐘者,謂 旋 每懸十九 及冬至而 二聲僅加三鐘 鐘七 志》以 歲 鐘 之均 南吕 相 之 也。 爲 律」者,謂一 閨 第七宫蕤賓 之均,第五 六 宫, 鐘,以十二乘之,共得 數 爲 + 聲 復。 律 + 者 加之,故 十四四 者 分朞之日,黄鐘自冬 若然, 以以 宫 謂 宫 懸 得 律 之均 姑 變 七律 第 倍半之法 者, 一歲 八十 洗 宫 第 太族 之均 宫黄 懸 謂 也 變 之正 兀 爲 八宫 每 黄 徵 第六 之均, 律 宫 吕 鐘 + 鐘 鐘 通 + 也 也 之 之 百 之 大 之 九 有 凡

巽爲 艮爲 坤 爲 八 爲 風 石 於六十律之外,故曰 木、爲 爲 土 匏,爲 ,爲涼風 不 賈 清 融 周 風 明 風 也 風 也 也 兑 0 也 本 爲 坎 震 疏 爲 金, 爲 離 爲 竹 爲 革 爲 絲 爲 爲 歲之 閶 闔 爲 明 廣 閏 風 景 庶 莫 數」。 也 風 風 風 也。 也。 也。

乾

古之遺 以 語 案 案: 愛爲 **\***: : 説 愛也 ^ 廣 或 見《 惠 問 雅 隱 子 Ŧi. 産。 賈 釋 年》 日 詁 子 而 **>** 日 愛, 行 -: 八風」下。 愛, 惠 惠人 也。 也。」《 也 論 故

亂 南 <u>一</u> 一 召 里 以 年 而 叛 經 逆之。」 宋 華 本 賈 亥、 疏 向 : 寧、 書 華 人, 定 華 自 貙 陳 兄 人 弟 于 作 宋

傳文從國逆之例,故書「人」。 案:云「華貙兄弟 作 亂,召 而 逆之」者,據

傳 亟言之。 服曰:「亟,急也。疾言之,

欲使信。」本疏。

案:「亟」,讀爲「爾之亟行」之「亟」。

「亟,疾」、《爾雅·釋詁》文。

以公欲 難 案:正義曰:「服虔以『君』上屬,孫毓 公之無出 文》云:「『而 『君』下屬。 則 可 0 出亡,故言激之,曰:「吾小人,死 也,故又曰「請待之」。 至 於送出亡之君,則不可。」欲 杜注 不能送亡君』絶句。」厨人濮 不明,亦似上屬。」《釋 以

故鄙』。」本疏。 一曰城言『我不狎習,豹曰:不更射爲鄙。一曰城言『我不狎習,不狎,鄙。 服曰:「狎,更也。子城謂華

楚狎主諸侯之盟也久矣」、《晉語》「今將案:狎爲更者、《襄二十七年》傳「且晉、

言劫 習」者、《釋詁》文。 與狎 咋 也。 或説 更義 豹聞 城言 主諸 之也 是皆揣當時 也 服言 而 侯之盟」注並訓 「不狎習故 輕之,以爲不足畏,故抽 豹 城謂「不 懾 情 其 事 氣 鄙 爲此説耳。「狎 盛 更 」者,謂 狎 故 射 爲更, 爲 抽 以言 鄙 矢 是 而 矢而 誘之 此 狎 止 有

長子。 子朝,因愛其傅,故朝、起並 與賓 賓孟説之,欲立之。 二十二年傳王子朝、賓 孟 《周本紀》注。 並談説之,欲立 賓孟 起有 朝 ,子朝之傅 賈曰:「子朝,王 爲 寵於景 太子。」本疏 有 寵 於景 也。 王 王 王 王 也 庶 與

文》:「談,語也。」 文》:「談,語也。」 文》:「談,語也。」 、明是庶長子矣。孔氏曰:「賓孟欲長」」,明是庶長子矣。孔氏曰:「賓孟欲長」,明是庶長子矣。孔氏曰:「賓孟欲矣」,明是庶長子者,《二十六年》傳

子 王 弗 服 應 以 賈 爲 賈 然 日 : 本 太 疏 子 壽 卒 景 王 不 立 適

貴 單 距 賜 長。」 意 立 子」者 壽 侯 韋 承 Ŧi. 太 於 功 年。 昭 太 子 嗣 劉 朝 子 子 朝 爲 臣 杜 卒 贊 又 『先王之命曰: 《二十六年》傳 謂 五. 壽 太 適 適 預 日 無 私 年 子 後 子 卒 穆 單 以 以王 遽 適 立 者, 注注 猶 傳 后 後 『穆后 爲 立 劉 子 少 云互王 己 太 及 王 者  $^{\circ}$ 欲 得 之 矣。 太子 越 子。 立 立 稱 適 族 王子 及 六 明 子 子朝 適 佐 此 三王 年 : 太子壽 猛 承 穆 漢 歲 子 則 之, 子 云 猛 尚 後 嗣 后 后 知之。 太 矣。 而 未 年 復 王 者 無 景 之 宣 朝 子 有 次 早 定 欲 勿 也 適 子 帝 王 使 知 壽  $\equiv$ 一。」若 夭 儲 於 能 7 惟 不 告 年 時 紀 王 卒 則 即 位 朝 子 決 既 尚 立 太 擇 在 之 于 世 朝 也 又 諸 故 分 未 滴 子 立 喪 屬

傳無其文,未足據也。

也 敗 」。」《水 績 于 前 經 · 伊 城 水 服 日 : 前 讀 爲『泉』, 周

地

昭 案 也 南 )° \_ 注 Ŧi. + 引杜 續 水經 ·里伊 漢 預 注 闕 日 郡 > 外 : 引 或 前 京 志 縣 亭 **\***: 相 西 矣。 璠 南 雒 日 有 陽 泉 有前 亭, 今洛 即 亭 陽 泉 戎 劉 西

紀》注。 賈曰:「猛母弟。」《周本

弟,先儒相傳説耳。」案:正義曰:「《本紀》不言敬王是猛之母

故 鄢 心 雞 十二 不 陵 父。 之戦 服 書 年 泓 晦 經 : 之 譏 賈 吴 戰 楚 不 不 日 敗 子 或 在 書 頓 或 僖 楚 胡胡 故 泓 書 書 之 楚諱 <u>+</u> 師 沈、 晦 戰 敗 譏 惡 蔡、 年 雞 宋 不 其 陳、 父之 襄 百 經 役 許 故 戰 本 之 而 夷之, 書 不 師 朔 E 同 于

明 則 告 自 或 其 沈 書 吴、 書 或 師 重 晦 朔 不書 不 之 也 楚未戰 敗 百 師 云「楚人大奔」,敗是實矣。 也 0 ௱ 楚、 書 故 燕 師 役 總 此 楚 楚, 蔡 若 鄢 師 不 則 沈 於 云 傳 知 而 書 敗 桓 陵 然 師 諱 當當 是 楚 書 其 楚 師 不 頓 績 之 諱 地 楚 與與 而 不 陳 同 則 諸 戊 不 戦  $\equiv$ 告者 不 不 敗 不 戰 師 心 史 書 辰 桓 或 年 依 在 或 不 告, 也 楚。 能 置 晦 有 十三十 成 許 其 者, 告 或 經 一之夷 以 不 所 故 + 例 師 書 按 書 今經 年 告 雞 者,史之所 經 據 譏 經 當 六 以 師 狄 父 之例異矣。 不 傳 年 别 齊 書 不 故 戰 經 是 楚 之列 書 者 文 之。 師 書 來 頓 若 遇 經 書 地 言 晦 若非楚諱 告 也 師 朔 敗 是 宋 書 今合 吴 書 杜 無 不 書 者 胡 師 據 服 甲 敗 晦 而 足 至 每 云 戰 師 其 云 傳 惡 諸 楚 六 衞 或 輕 午 小

> 謂 吴人 爲 來告 矣。 掩 日 ൬ 楚 其 : 恢 不 祇 大 來 告, IE. 然 方且 奔 惟 告, 告 則 則 之 楚 六 必 誇 經 贵 跡 人 或 其 張 何 代 來告 乎? 之 楚 其 故 楚 敗 詞 不 諱乎?」 來 服 肯 故自 書 而 告,容 敗 云 以 不 諱 乎 楚 楚 數 ? 其 孔 諱 不 或 己 敗,若 氏 諱 戰 敗 正 也 此言 之 義 不 敗 於 吴人 告 故 駁 誤 情 若 服 mi

傳 周 本 王 紀 師 注 在 澤邑。 賈 日 : 澤 邑 周 地 也

言 得 使 大 口 使 各 夫 各 相 見,各 各 各 居 居 居 居 館 館 聽 館 館 其 邾、 也 0 辭 服 魯 耳 鄭 欲 日 大 衆 分 一賈氏 : 夫 云: 别 本 賈 叔 近之。」 不 逵云『 孫 使 口 與 叔 館 子 本 使 孫 服 無 邾 子 爲 口 服 復 魯 不

案

賈云「使邾、

魯

大夫各

居

館

者

非

司

儀》「致館」、《聘禮》「及館」之「館

邾

..、魯

大

夫

至

晉

之時

已各

居

館

不

必

坐

旁舍

以

便

於

聽

辭

耳

若

是

客

舍

則

此

始

云「使

各

居

館

矣。

鄭

不

達

賈

蓋

以

叔

孫

不肯

與

邾

大夫坐

訟

故故

使

各

就

謂

使

叔

孫

子

服

各

居

使

不

得

相

見

而

各

聽

其

辭

按

^

吕

刑

**>** 

云

兩

造

具

備

師

聽

Ŧi.

敬 明 作 Ŧi. 授 其 民 Fi. 時 候 四 方 賈 中 曰 央 之 候 Ŧi. 也。 候 五 本 方 疏 之 0 候 服 本 忧 亦

各

居

館

Z

過

館

如

吏」,

明

與

訟

獄

處

相

近

也

故

服

云

賈

氏

近

伯

御

叔

孫

從者

過

邾

館

以

如

吏」,

明邾

魯

此

理

也

即即

坐訟

者

亦

不

受

也

下

文云「

也

聽

造之辭

遽

即

執

之,

恐

聽

獄

者

無

就

而

各

聽

其

辭

名

日

各

聽

祇

聽

造

之

服

雖

爲

兩

人

祇

造

也

兩

别

館

士

伯

辭

此

古

今

治

獄

之定

法

也

今

叔

孫

子

特 者 作 古 雖 而 周 改字 言 其 與 「五」矣。 書》 賈、 四 杜 則《周 爲説,亦恐未確 援 以 本《 服 明 就 異 書》本 左傳》文 己 周 其 説 説 伍 書 而 耳。 候 亦 . 轉 漢 程 0 作 典 惠 改 五。 • 按三、 **>** 魏 耳。 氏 云 相 棟 四、五 杜 協 傳 謂 今作 》之本 作「伍 其三族 杜 氏 相對 伍 依 皆

二十四年經春王二月,丙戌,仲孫貜卒。

事 服 仲 是 案 日 尼」,事 至 尼 孟 一傳並 ,仲尼 襄公薨年爲十一歲,合昭二十四年, 賈 僖子, 具 逵云『是 七 時 於襄公二十一年 年 即 年三十 仲 傳。 歲 孫 孟 貜。 一仲 五』。」《襄三十一 僖 尼 子 屬 時 卒,屬 書「孔子生」, 其 年三十 子 使 其 年 子使 事 仲

二十五年傳爲六畜、五牲、三犧。 服曰:

故

年三十五

鶩、 五. 雉 牲 也 : 0 磨、 本 鹿、 疏 熊、 狼、 野 豕。  $\equiv$ 犧 : 鴈、

子、諸 牲者 取 此 景 案 之類。」祭 羊、豕、鷄、犬」,是用 人》 亦 日 屬、鹿、熊、狼、野豕」, 俱是獸 一一字序 得 之。」鄭注《天官 畜 Ŧi. 將 掌共六畜 稱 牲當用獸也。 ,以上文言六畜,此 侯必 説 牲 五牲之先後 文》: 用之日 牲 也 有養獸之官,犧牷祭牲必於是 0 屬 此 「牲,牛完全。」《 獸 六獸、六禽」 性。」《 Ŧi. 官 0 《祭義》云: 牛、 牲即《庖 鬥 貴 六 大 賤 醫》云: 不得 馬 畜 注注 戴 稱 注 禮 爲 獸 重述,故 名,而 一獸 牲 <u>Ti.</u> 周 「古者,天 . 類 禮 牲 曾 始 牛 此 牛、 獸 子天 養之 則 以 • 云 獸 庖 馬 屬 知

Ⅰ 「鴈」字同。 下「鴈」,原作「鷹」,今據《經解》本、《春秋左傳正義》改。

矣。

犧

兼

獸

言之。

服只及羽

族者

避

自

憚

其

犧

也

明

羽

族

體

完

亦

爲

犧

犧

性

疏

引

王

肅

曰:「純

色

日

犧。」 《二

年

傳

賓

孟

見

雄

鷄

自

斷

其

尾

侍

者

注:

犧

純純

毛

也。」《禮記

• 月令》「循

行

傳》:「

犧,純

也。」《曲禮》「天子以

犧

4

羽完具也。」又《魯頌》:

「享以

騂

犧

毛

凡祭祀

共

其犧

牲

後

鄭

<u>二</u> 二

犧

牲

毛

麋。 正字。 文》 去麋 不 豕、 包 熊」,用先鄭説,有「狼」,用 麋 屬 肥服 者、《説文》:「麋,鹿 麈也。」「麈, 故 犧 ,宗廟之牲 不 云 列。 麏 犧 麋屬 鹿、 爲 也 鴈、 熊、狼、 也。」是 屬。」「麇,即 周禮 鶩、 後 鹿、麏 野 雉 鄭 . 牧 者 豕 説。 人》: 足 説 麏 有 以 復

謂 《左傳》 案 于陰』,其義 雨 人 也。」下 喜、怒、哀、樂、生於六氣。』六情 也。』昭二十五年《左傳》:『民 怒、哀、樂、好、惡也。」彼 哀 爲 人情」疏云:「《左傳》云『天有六氣,在 : ^ 六情』, 生于 烝民 引服 曰:『六氣,陰、陽、 晦 》 詩 可 氏 彼注 樂 知 此注云云。 箋:「其情 生 也 云『喜 于 明 按 孔 好好 生 疏 有 氏 又《 於 風、 生于 所 疏《 風, 禮運》 雨、晦 有 法, 詩》 陽 怒 法 昭 好、 悪 謂 生 元 一何 生 氣 明 年 于

雉 文「畜牲」 雁 即 也。 今之 司農 鵝 鶩 注《庖人》「六禽」有 亦 雁 類,今之鴨,

E

本疏。 賈、 風,怒生於雨,哀 民 皆是 有 雁 服 好、 ○服義見《詩 曰:「好生 饍 惡、喜、怒、哀、樂,生于六氣 品品 故 服 烝民》疏 生於晦 於陽、惡生於陰、 舉此 三者 ,樂生於明。」賈義 喜 生 於

四〇 Ŧi.

文 网 爲 引 賈 此 文 逵 記 皆 · 艺 一 以 服 説 氣 爲 生于一 然 而 志」,謬矣。 傳 疏 影引此

師 公。」《魯世家》注  $\Box$ 己 此 袒 日 師 杜 己,魯大夫。 之過 異 哉 也 吾 聞文、成之世。」 文、成,魯文公、成 賈

《論衡 成」。 案: 武」,誤也。 『文、成』。」《校勘記》云: 本『武』作『成』,劉氏《史通》亦引作『文、 賈云魯文公、成公,則今傳云作「文、 • 異虚篇》《文選 陳樹 華云:「《史記》《漢書》 石石 出 通賦 經 、宋本、岳 淡注並 作

雞 介其雞。 ○《魯世家》注 翼 服 作『羽』。 作服 賈、 説 服曰:「擣芥子爲末, 可 以 坌 郈 氏 鷄 目。」本 播 其

十六、《初學記》引傳亦作「芥」,是賈、服案:《釋文》:「介,又作『芥』。」《儀禮疏》

注《淮· 蓬勃 《説文》:「播,一 林 >>: 本作 引傳作「芥」,本既異文,高 訓》互異。《吕覽》引傳作「介」,疑《淮 翅也」,與賈、服 諶詩》注 介雞。」前説 或今本《淮 也。」季氏椎芥子布 /掲,手 介,甲 説文》:「坋,塵也。」《一切經音義》二引 擣芥子 如如 芥, 「芥,辛 南 也。 椎 塵 播 人間 引《聲類》 也 南》本 之揚,足 其 故 亦從 作 菜 以 羽 訓》 同 擣 也。 賈、服,後説 日 也。」芥辛 雜 芥 以 許 切 曰「散 布 著雞 散 云「介,以 注《 或 子 眯 氏 經 於 也 日 爲 郈 日 。」《文選 注 雞 頭 音 也。 以 説。 則子 氏 也。 覽 翼間 各就文爲説, 也」,與《人間 義 芥菜 膠 則 雞 . 沙 坌即坋, 正義謂 杜氏 目 亦 七 察微》云 使 説 · 答盧 塗 播 引《字 辛矣。 文》 全 之爲 其 高 云: 勃 不 涌 雞 誘

可 解 良 是。 正 義 引 鄭 衆云: 介,甲

雞 著 甲。 是鄭 本 作「介」 也

也

同

上。

臧

昭

伯

之從

弟

賈

日

昭

伯

臧

孫

賜

距 郈 ○」《儀禮 氏 ·少牢饋 食禮 **※**疏 日 金

其爪 案: 不下 也 語 注 錔 儀 以 志》 禮 利 以 「距 高 切皆 子 也 距」、《説文》:「 鐵 • 謂 誘 張 金 雌 鷄 作 1 澤 注《吕覽 有所 銅沓冒黄金塗」,謂 雞 不降下 錔 相 鍛 附 化 文 見 距 足 冒 亦 爲 小沓 骨 也。 「距 作 於己 注 ·察微》「郈 雄 鬭 其 鷄 而 鷄 沓」、《漢 下 以 距 也 時 距 不 金 爪 上,即 也。」《 所 鳴 亦 也。」《 錔 用 降 以 不 言 氏 刺 書 也 漢書 銅 將 金 服 之。」《論 説文》: 冒 0 以 無 正正云 義 怒 外 金 門 · 五. 距 也 其 限 戚

自 益 益 宫 。」《魯世家 於 郈 氏 服 ⊟ : 侵 郈 氏 之宫 地 以

爲 之 金 距 服 : 距,以 金 錔

臧 氏 老。 服 日 : 「老,臧 氏家之大臣。

拘

同 上。

老牽牛以致之」注: 老爲 臧 氏 家大臣 一者,《 「老,室老,大夫之 儀 禮 聘 禮

貴 臣。」大臣 猶 貴 臣 也

同 請 日 上。 . 囚 于費,弗許。 費,季氏 邑。 請 言 以 Ŧi. Ŧi. 乘, 乘 Ė, 自 省 弗 約 許 以 出 服

亡必 至 來 奔 Ŧi. : 隨 乘 遂常爲 《僖元年》「公賜 獻 車 出 車 乘。 於季武 季氏 后子 私 子。 奔晉 邑。 季友汶陽 今季 以 春 車 秋時 孫 于 自 乘 人 之 願 減 慶 臣 田 及 封 出 損

逆孟 懿 子 賈 日 : 懿子, 仲 孫 何 忌。

同

上。

四

〇七

執 見本 冰 而 疏 踞 ○服 義 見《詩 賈 服 太 日 叔 : 于 冰 田 疏 櫝 丸 蓋 也 \_\_ 賈

丸」注 植《毛 忌 雅 謂 筒 此。 融 也 丸 口 言》與今本同,且 嬇 之 」,似《方言》亦 蓋 Z 抑 異。 妫 按 皮賣 正 冰 説 毛 詩 釋 掤 引《方言》作 即 丸 然 義 掤 文》: 傳 櫝 ^ 義 ^ ° \_ | 後 掤 則 方 忌 日 方言 問 **>** 丸 漢 言 : 櫝 掤 **\*** 廣 蓋 掤 詩 書 > 雅 丸 所 ^ 也」,是 謂 掤 以 如彼文,則櫝 北堂 所 掤 即 以 • 與 矢藏,然 藏 嬻 南 所 叔 釋 所 覆 箭 以 冰 弓 書 肒 以 匈 器 于 筒 矢」, 覆 漢 以 1鈔》百 爲 藏 奴 **\***: 爲 田 字 矢 儒 覆 鞬 弓謂 此 傳 弓 也 櫝 相 雖 矢 釋 : 皮賣 傳 藏 藏 丸是盛弓 # 傳 九 異, 也 文》 疏 妫 之 弓 抑 引《 箭 六 之 與 矢 鞬 引《 亦 音 謂 訓 釋 鞬 引 引 爲 藏 作 方 或 箭 劉 廣 韇 如 馬 義 掤 韇

請

致

千

社

賈

日

: 三 十

Ŧi.

家爲

社

干

社,二萬

Ŧi.

千

家也。」《魯世家

洋

爲冰 故 者。 弓矢韇 又云「戈有刃者櫝 兵器者皆謂 今時藏弓矢者 廣 非《方言》本文如 李 ,故毛公、許 雅 也。 賢 》 爲 以 元櫝。 則 矢藏 上 櫝 有 ,謂之韇丸。《説 君 丸 弓 俱 可 方言 是也 少 是。 鞬,  $\tilde{\Box}$ 爲 儀 改《方言 覆 藏 ₩ E 士冠 矢」矣 其 马、矢之通 弓 蓋 劍 藏 禮 文》: 則 于 > 以 H. 櫝 啟 鄭 伸 丸 櫝 凡 上 藏 其

案 疏 則 法》 里」,是五 大夫不 無 共 : 大 踰 「如鄭此言,謂《祭法》注。 立 周 我 一社 夫 得 禮 里 Ŧi. 以 特 一,今時 傳 下 立 遂 + 成 社 人》「 五. 群 ,與民 里 家 社 立 + 也 Ŧi. 是 社 家 五. 族 也。」《 爲 家 居 日 詩 則周之政 爲 鄰 置 • 百家 郊 里 將 社 Ŧi. 特 仲 鄰 以 注 法 子 祭 爲

以

里

是

二十五

家,一

里

祀

社,

則

亦二十

者

四

+

里

也

是

里

社

起

於

秦、

漢

之前

里

即

七

百

社

口

證

^

管

子

\*

二書

社

楚

昭

王

將

以

書

社

七

百

里

封

孔

子

七

百

.

百

者

七

白

里

也

^

吕

覽

>

書

社

几

+

之里社 社 秦、 也 百 稱》「公子 家 漢 + 謂 以 時 Ŧi. 按 秦 E + 家 此 一得 春 開 社 又《 五. 則 爲 立 秋 也 方 家 春 社 鄭 社 時 以 以 秋 0 自 已 志 書 者 上 其秦、 時 秦 有 社 則 尚 里 以 其 七 得 社 下 無 制 百 漢 7 之 里 下 以 月 民始 社 名 社 衞 來, 管 令》 故 矣」 得 子 雖 而 雖 云 盛 7 命 服 非 注 於 云 社 民 大

覽 也 古 + 者 知 五. 慎 群 接 家 大 居 **>** 爲 篇 書 社 > 社 + 諸 四 五 大夫 史記 + 家 則 賞 注 共 以 孔 三十 居 書 子 社 世 社 家 Ŧi. 注 吕

> 里: 社 義 義 Ŧi. 引 + 事 家 爲 以 五. 單 皆往 證 家 社 禮 出 此 爲 矣。 有 里 祭社于 誤 社 . 里 千 也。」按《 也 社 社 以二 都鄙 則二 故 + 郊 郊 萬 五. 特 特 非 Ŧi. 家 牲 牲 里 千 爲 家矣。 社 稱 里 也 單 故 唯 正 出 知 爲 IE

齊 不 侯 書 韋 韋 鄆 鄆 人 自 賈 服 日 不 . 鄆 成 韋 魯 邑 本 0 疏 魯 世 注

劉炫 自 鄆 案 年 書 一、公圍 服 正 取 以 經 故 也 義 言 即 爲 云 而 成 因 易 此 亦 規 鄆 也」, 韋 時 是 杜 人 經 書 韋 量 氏 自 写取 故 書 鄆 而 服 賈 而 今 不 不 取 爲 未 得 知 傳 鄆 此 得 成 言 而 非 解 韋 , 書 者 實 明 而 杜 案二十 韋 年 韋 傳 之日 從之也 以 方 言 始 傳 此 非 云 韋 取

<sup>0</sup> 郊」, 原脱, 據《春秋左傳正義》及下文

賈 鄆 氏 之義。《穀梁傳》所 方始取之,觀 服 可 苔 易言之」是也。 鄆 韋 圍」之意,非謂 也 非 亦 云「鄆人自服,不 鄆 經 取 不 也。」 書『取』 劉 何 鄆 得 何 \_, 得 何以 以上正義。 知 書 書『取』,不言伐, 明 不言 『取』? 此 不書 年傳文,劉言未可 年 二十六 今年 韋 成圍」者,以臣無拒 韋 云「以其爲公取之,故 量? 其 今案: 鄆 荷 量 未 義 年 出 鄆 服 Œ 自 案《元年》『伐 劉 胸 之日 此 ? 同 釋 炫 臆 韋 經 謂 鄆 何 而 駁 鄆 即 若 不 明 規 爲 也。 年 取 書 君 杜 取 不

> 者然。 是 氏 也。」 二年》傳:「公至自 也 明示 今昭 終 晉 守 范 公不得 臣 獻 節 子 歸 ,特告于 謂 其 「季孫事 唐。」傳 或 都 廟 回 ,若公至 而書至者, 君 如 告于 在 或 或 都 季 廟

三月,公至自 示欲爲臣,故 祝 史告于五 《曾子問》:「諸 以告 齊, 廟 反 居于 廟。」本 必 鄆。 侯 親 疏 相見 告 于 賈曰 祖 必告于禰 禰 : 乃命 季 氏 祝 命

史告至于前

所告者,而

后

聽

朝

而

入。」《桓

## 春秋左氏傳賈服注輯述卷十八

嘉興李貽德學

齊

取

鄆」足矣

何

必

繫

月

繫

日

乎

?

傳

杜

言

則傳只次于三月公至自

齊之前

書

取

鄆

至

是乃發傳者

爲

公處

鄆起」,

若

如

月

庚

申

取

之,凡三十一

日

0

杜

云前

年

E

言

爲

是。往

年十二月庚

辰

韋

鄆,

今

年

正

昭公

書 干 年 鄆 是 穀 取 取 六 也 往 梁 年 故 鄆 經 傳 傳 往 傳 年 傳》 明 即 也 春 齊 從 年 實 臣 目 書 王 實 侯 其 齊 經 無 以 正 書之。 事 取 侯 取 于 拒 月 故故 其 鄆 取 韋 鄆 君 庚 實 爲 鄆 之義 鄆 於是言『取 申 矣。 公取 正 韋 之 者 義 故故 齊 鄆 日 其 之,故易 日 謂往 侯 耳 即 往 實 . 0 取 書 一本 年 取 年 劉 經 鄆 傳 鄆 炫 言 取 經 於 書 之, 以 在 者, 韋 書 服 韋 服 今

申 夫。」《魯 豐 書 月 從 世家 書 女 日 賈 》注 明 取 賈 鄆 日 實 在 此 申 月 豊、 中 女賈 也

魯

大

八萬斗。」同上。 賈曰:「十六斗爲庾,五千庾

案: 庾 江 + 庾 周 得 六 語 淮 ^ 八萬 \_ 聘 斗 之 > 禮 日 野 論 間 斗 · 記 語 庾 有 量 也 0 庾 名 與 積 有 之庾」《 爲 庾 韋 籔 十六斗, 昭 斗 者 引 集 日 今文『 唐 解 籔」 故 尚  $\forall$ 引 注 累 書 籔 包 五. 並 咸 千

然據有異焉。 服曰:「異,猶怪也。」同上。

四

☆ 台 虎 通 . 災變》 引《 春 秋潛潭 巴》

南山

伊

闕

0

陸機

云

洛有

四闕

斯斯

其

異之言怪 也。

也。」本疏 七月己巳,劉 子以 王出。 服 日 一出成周

案: 先是 周 時 號 成 王 周 居 有 狄泉、《郡國志》 狄 泉 在 城 中。」至 雒陽」 是 而

使 女 故 守 日 出 塞。 成 周 也。 服 : 南

也

。」《御覽》四十二。

〇《元一統志》三百八十三。

寬

闕

日

Ш

伊

闕

是

矣,《 若 伊 也。 本、湻熙本、岳本、足利 今監本、毛本作 年》趙鞅『使 案:《水經注·伊水篇》云:「伊水又北 闕 闕 春 服本作「闕塞」,知是伊闕之塞,故曰 ,昔大禹 伊水 秋》之『闕 歷 女寬守 疏 其 以通水 守守 間 塞 北流 闕 關 塞 也。 塞 本 兩山 誤。 作「守闕 ,故謂之『伊 是 **^** 也。 昭 相 。」若然,則 公二十六 對 石 塞」,是 經、宋 望之 闕

> 楚平王卒,令尹子常欲立子 焉。 西。 服

嬴 太子 平王之庶長子宜申。」《御覽》一百四 子 庶長 不從,當是 案:平王 文云了子 也,其 任 子。 弱。 年幼弱。」同 西 娶秦女爲夫人,昭王爲 紀别有 史記 長 服 而 曰:「太子任 據 》謂 好 也。 善 平. 上。 Ė 宜申 一之庶 是子 子 時昭 西 弟,服、杜皆 西名 + 爲 王 適子 平王 也 秦 之

傳寫 王,王 楚世 按: 非 案:任,今本作「壬」,陳氏樹華云:「《 六年》云『楚子軫卒』,則 昭 異文。 王 家》十二諸 「珍」爲 轉而爲壬。服本作「任」者,則 ,或者即 《伍子 正文、「軫」 位 侯 胥傳》仍 后 年 改名 表》 則 昭 通字,珍脱 並 邪 作 王名軫,疑 ? 作 軫」。」 珍」。 《史記 又以 貽 而 哀 德 蓋 爲

人也。 壬二任」通 楚 世 而 家》云 傳 寫 將 誤 也。 軍 子 秦嬴 常常 日 平 太 子 王 珍 夫

少」,即本傳文,是古本《左氏傳》亦作

「珍」也。《曲禮》云:「十年曰幼,二十一

弱。」蓋年穉者謂之幼弱矣。

其母非適也,王子建實聘之。 服曰:「謂

夫人,故太子建聘之。」同上。

案: 也 當娶也。」服云「故 事 《楚世》 在十九年傳 家》云:「且 太子」,即 其 母 乃前 史云 太子 前 太 建 所 子

是 亂 或 而 惡 君 王 也。 或 有 外 援 不 可 黷 也

也 服 外 日 援 廢 謂 而 太子 不 立 任 是 秦 謂 外 亂 孫 或 黷 追 惡 易 君 也 王

秦爲任外援,不可易。」同上。

案 及 納 太子 ,是追章其惡也。 言 若 所聘,是 廢太子 平 而 王之惡。 不 《釋親》「女子子之子 立,是 亂國之常 既 葬 而 紀

> 慢易、 秦嬴 爲 瀆」,《 以 毋 晉 外 女出 瀆 語 所 孫」,「緦 輕 神 》「瀆其信 生,故 禮 易、 外 疏 ・表記 適 褻易 瀆 而 <u>二</u> 二 麻 也 生,故云外 三月」章「 也 慢 ジ注 秦外 注 也 \_, 瀆 孫」也。 「瀆之言 然則 輕 外孫」賈 孫。」太子 也,《 訓 「贖」 易 褻 少 者 也 疏 任, 儀 通 猶

伐 昔 功」,則合文、武,是 本皆然,服虔、王 作《漢 紂 文、 世 邦 馬 彼 案 故 帝王 箋 融 武 王 7 文王 書 正 克 云文、武 一肅、韋 受命 以 殷 義 • 肅 律 爲 受 日 也。 並 「劉 受天 曆 文 命」,《 注云云,下句云『吾 克殷。」本 昭、皇甫 諸 志》, 王受命 服 本悉作『武王克殷 日 歆 命 詩 載 : 作《三 而 謐 其 . 九 疏。 文 王天下 大 皆 説 年 王 0 雅 統 悉同之。」武 而 無專享 正 受 於是 曆》, **>** 一,疑 崩 義 命, 序 日 制 誤 文、 賈 文 也。 班 考 7 一諸 武 武 逵 也。 E 周 古 王

諸 其 私政 侯釋 受命 王 武 世 伐 王 「家》所引之文,非 位 是 而佐王室。」《魏志 紂 克 以以 事 伐 殷 具 間 殷 一, 之由 王 泰 上 政 誓 梅 故 推文王 氏 古文。 書 ·武帝紀 文王 大 服 傳 者,亦言 日 亦 牧 :「言諸 洋 得爲 史 誓 記 克殷 文王 周 侯 此 本 釋 既 紀

竟得 宫。 《周 是其 脱 國人圍之,召公以 本紀》言「彘之亂 周、召二公二 也 其子代 相行 宣王 政,號 太子 匿 召 公之 太子 共

玩求無度。 服曰:「玩,貪也。」本疏。和」是其事也。

皆作 作 求 惕 注 無 日 「玩」,是 云『玩,貪也』。 正 心灶杜 限 規一, 義 度。 云 曰:「俗本作 也 石 本或 翫、 經 <sup>《</sup>易 此 作 惕 **元**年 處 • 皆 規 缺 『規』,服、王、 繋解》「所樂 貪 - 》傳曰 謬 也 段 也 氏 「『玩 則 玉 裁 今 此 言 孫皆 校 諸 歲 而 本 玩 本 貪 而

> 之意 者」, 故販 **^** 元玩 釋 文》 弄 、貪皆從貝。 也 引 馬 注 貦 或 玩 从 貪 貝 也 有 貪  $\wedge$ 説

能 其 久 誰 公自 逸 Ŧi. + 享齊國,故曰 有 述殷中宗享國 以爲 下文景公曰「吾以爲在德」,故 有 此 九 乎 年,是 德 薄,不能 二誰 德 服 盛 七十 口: 口 有此』也。」《齊世 者 久享 能 有 景公自恐德 享 五 齊國 或 年,高宗 也 也。 家 薄不 知 享 ※注 ^ 景 或 無

王 餘、公子 二十 僚 七年 母 弟 傳 燭 吴子 庸 本 帥 欲 師 因 韋 楚 潛 喪 而 伐 賈 之,使公子 日 二子 皆 掩

或 案 封 鍾 吾 : 而 下 若好 定 三十 文 其 吴邊 述 徙。 年 王 傳: 疆,使柔服焉,猶 僚 子 弑 西 二公子 後 諫 掩 曰 : 餘 奔 奔 三吴 楚 徐 懼 光 楚 燭 其 新 子 庸 得 大 奔

遂

連聘于

晉

以以

觀

諸

侯

服

H

「察彊弱。」

吴

111

家

注

路 臣,是 母 吾 母老子弱 又《吴世家》云「 兩 老子 又彊 二公子 公子攻楚」, 方今吴外 無 其 弱 是指 爲 讎 我 而 吴 以重怒之, 何 兩 王僚言、既云「子弱」、又云 困 光之 。』」詳《史》文與 專 則二子爲僚弟明矣。 公子 於 諸 楚,而 讎 將 日 無 兵 當 内 乃 攻 是 王 空 不 楚 僚 僚 無 可乎! 傳 母: 可 楚 骨 弟 稍 殺 鯁 絶 矣。 也 之 其

據《史記》爲説

故知

爲

僚

母

弟

也

當 案 下 下 總 二 乙 中 Œ 謂 遂 或 義 宋、衛、陳、 連門于 在 日 其 : E 蓋 流 鄭 以 則 故 吴 之徒 上 謂 辟 或 之言 中 爲 在 上國 或 東 爲 南 不 耳 包 上 地 一一 或 勢卑 矣, 也。

> 楚 莠 尹 ^ 然、 爾 雅 王 • 尹 釋詁 麇 帥 **\***: 師 「察,審 救 也 服 :

尹

官内

之政

本

疏

合。 當 政 此 本、閩本、監本、毛本「工」作「王」,與正 本作「王」矣。 (),猶《 作 尹 正 孫氏 Ė 繫 義 周 尹 王 。」服 日 志祖云:「下文别有工尹壽 禮》之内宰矣 : 則 「定本『王』作『工』。」是 於王 《釋文》作「工」。 云「王尹 爲近 ,主宫内之政 故故 知主 ^ 宫 内 IE 圖 之 義 義

左司 日 : 其 號 是 除 故故 馬 在都邑之士 ,是漢世 徭役。」今之律 都 正義 沈 君 知 尹 子 是有『復 戌 日 ,在都邑之士有 以 : 帥 來 都 也。 都 有 君子與 謂 除』者, **\*** 此言 都 或 猶 邑之士,以君子 都 名 也 王 謂 放 復除 一馬 在 優 課 此 之屬 都君 復其身, 者。」本 役 人 者 或 子 别 爲 疏 有 除 復 明 賈

乃使之耳。 功勞,或曲蒙恩澤,平常免其徭役,事急

不得還。」所謂此時可以殺王。案:《吴世家》:「楚發兵絶吴兵後,吴兵

與 本 上 疏。 中 或 服 有言 或 日 ○《釋文》引祇 同 ~」《釋 曰 : Ŀ 一國,謂 「不索 文》。 云「上古國也」。 上古 何 0 本 獲 之國 疏 ? 引 云上 賢 不索,當何 賈 士: 或 日 所言 : 中 上 或 也 也 時 或

从十 之賢 之國 則賈言是 案 公子光未 了,賢 正 士  $\Box$ 義 所言 士 識 日 也 必 一所言 前言者 :一此 近 也。 述 服 者 以 時 猶 「不索,當何時 也。」然則其 賈言 人之言,故 《説文》:「古,故也。 如上文『聘于上國 1 或 爲 前言,皆前 以 中 得」者, 爲上古 或 吴

> 不求之,則位 皇矣》詩 「其 何 政 時 不 始 獲 得 笺: 也 ? 獲, 得 也 0

立,故光曰『我,王嗣也』。」本疏。 光而廢之,僚者,夷昧之庶兄,夷昧卒,僚代我,王嗣也,我欲求之。 服曰:「夷昧生

受,日:『爾 服 爲 弟 是使專諸 迭爲君,而 者,言光應爲世子。 夢之嫡 爲篡也。 才,兄弟皆愛之,同 也、夷昧 案:《公羊》襄二十九 壽 相 據《公羊傳》爲說 夢 殺 ,餘祭、夷昧 之 也, 終身 爾殺 刺 庶 致 殺 與季子 僚 長 或 無 吾 吾兄,吾又殺爾 前 子 乎 君 , 也。」 季子。」又云: 致 ,吾受爾國,是 季 欲 同 故 「夷昧廢 云 或 年 季 立 母 「夷昧 子 乎季子。 之以 傳:「 者 子 若 則 四 稱 然,則 謁 生 而 爲 之 光 謁 ,是父子兄 同 不立」者, 君。 季子 爲 母: 也、 而 謁 季 闔 吾 兄矣。 弟 廢 爲 與 子 餘 廬 弟 弱 僚 壽 爾 兄 祭 不 於 而

得

也

。」《吴世家》注

欲 異。 先 光 餘 乎 述 几 則 命 而 故 子 也 夷 欲 ? 命 闔 既 立 者 僚 致 與 人,當傳至 昧 與  $\mp$ 昧 弟 王 即 或 杜 卒 廬 稱 嗣 則 與, 若 光 卒 以 據 即 之言 季 者 位 之爲 宜 謂 襲 諸 然 乃 或 則 子故 僚代 凡 也 不 立 樊 史 王 立 身 宜之季子者 我 則 傳季子, 者 兄 日 之 記 季 僚 是 王 爲 光 宜 立 也 宜 也。 子。 0 子 夷 餘 季 則 日 立者 日 也 先 子 故 昧 昧之子 夷 僚者 亦 ^ 史》文與《公羊 我 季 君 我 之子 吴 故 日 昧 爲 光 常 也。 王 王 子 之所 世 亦 光, 也。 也 「,夷 當 死 夷 即 以 若 王 僚 家 嗣 時 昧 立 味 不 爲 僚 吴王 以 嗣 將 如 爲 之 受國 不 者 季 之 則 焉 從 不 一吾父 不 也 王 庶 庶 · 與 子 陰 日 得 從 諸 先 與 傳》 季 公羊 光 兄 兄 外 爲 納 子 不 兄弟 公子 先 君 樊 使 矣 王 君 君 賢 之 或 子

> 之 僅 平 及 如 之有 嗣 信 以 即 傳, 子 王 當 嗣 服 而 父 僚 爲 且 從《公羊 死 亦 言 以 子 夷 王 傳 昧 若 嗣 》説 之 據 僚 爲 儲 之立 王 是 言 君 嗣 乎 也 ? 宜 既 則 也 非 信《 光 果 兄 光 史》 諸 終 何 弟 不 樊

託 母 何 其 老 猶言 子 母 弱 子 我 於 是 無若 光 無 也。」《吴世 若 是 我 何 何 。」《史記 家 索隱 注 服 \* 日 : 無 若 專 我

之,倘 無若 我 託 是 若上。」 言 何 光 13: 專諸 是 有 也 無 無 恐 顛 何 我 我 言 倒 彭 已 爲 其 仲 死 當 當 若 母 是 博 之 即 之 老、 如 無若 後 云 本 何 何? 『當言 不 服 其子 ? 我 能 注 何 存 杜 弱 是 身在 我 立 氏 猶 正 無 一, 欲 云 言 義 我 字 日 若 以 我 猶 則 當 何 老 無 言 事 在 弱 育 我

我爾身也。 服曰:「言我身猶爾身也。」

吴世 家 溢

案:《吴世 家 \*\* 我 身,子之身也 言 爾

我 不 分,任 其 母 子 之 事 也。

縳 設 也 諸 同 置 劍 于 魚 中 以 進 服 日 : 全 魚

炙

案: 炙 可 置 魚之中」,是 知 劍 是 也 魚炙者、《吴世家》云「置匕首 也。 知是 全魚炙者, 以

中

于

鈹 交於 胸 賈日 : 「交鱄諸 胸 也 同 上。

莊 子 庚 桑 楚》 釋 文 引 李 注:「交,

哀 死 共 事 也 生,以 。」言共交于專諸 待 天命 之胸 服 日 也 : 待 其天命

之終

也

一同

上

暴 也? 案 三科以 ,有隨命以 白 人之壽也,天命 記驗,有壽 虎 通 應行。」《祭法》注:「司 壽 命以 命 已使生 篇》:「命 保度,有 者 遭 也。 者, 命 何 命 以 命 主 遇 謂 有

> 卒 終。」季子謂 弓》「子 也。 九: 有隨 督 命三科,有受命 事 終 命以 而 三命。」正 五. 己。 性 張 福 督行。」受命 命 云 五. 謂皆 待 君 年 日 義 壽 子 以 考 引《孝 牛 是 保 日 終 佼 慶,有 謂 終 天 命 好 年 經 所 以 鄭 壽 注: 援 命 遭 至 注 也 者,以 神 老 命 也。」《 以 契 事 ^ 考,成 **※**云: 洪 謪 卒 待 範 爲 檀 其

也 復 命 哭墓 同 上。 服 日 :「復命于僚, 哭其 墓

殯」注 故 T 案: 後 同。 復 而 歸 命 聘 又曰 而 禮 有 三哭其 復 復 命 曰 命、人哭之事。 墓 于殯者 與 君 也 介 若 人,北 薨 臣 歸 子之與 鄉 哭。」是君薨 執 今僚 圭 君父,存 復 已葬 命 于

取 五. 甲 《周 五. 兵。 禮·司兵》「掌五兵、五盾」鄭 服 日: 「兵, 戟 也。」本疏

司

此

事日

一令尹

好甲兵。」高注亦曰:「兵

類

故言戟

足

以

包戈。

○ 日

覽

.

慎

公行》述

者也。

戟

者,戈之無

刃

者

也。

戈、

戟

口

吴、揚之閒

謂之戈。」然

則

戈

者

戟之平

頭

之,故

知

所

陳

者

當

是

戈

戟

^

説

文

**>** 

「戈,平

頭

戟

也。」《

方言

**\***:

凡

戟

而

無

刃

戟助之。」若然,則除弓矢,

殳 矛

是

偏

用

令司

右》:「凡國

屬

鍛。」若然,五 弩,中央 兵,矛、戟、鉞、 云五 云:「五方之兵,東 梁》莊二十五 : 「五兵者, 戈、殳、戟、 酋矛、夷矛。」 兵,當是 其 兵 兵 劍 之器 楯、 年 西 方其 方其兵矛 号 傳「陳 不 矢。」《匡謬正 兵 0 五. 戈,北 Œ 兵」注:「五 義 南 日 方 方 其 其 俗 此 兵 兵

稱

令尹

使

炮

燔之」

以

服曰:「民弗

炮之。」本

其

攻

郤

氏

且

爇之,皆

命爲之。

下文沈尹

戌

服

日

「主人請

安,謂

主

以

滅

三族」,是

也

矛守,戈戟助。」正 。」後鄭引《司 之勇力之士 種器 義曰:「謂圍守皆用戈 馬 耳。 法》曰:「弓矢圍, 殳 服 能 以兵爲戟者 用 五兵者 人使司 使宰獻 爇 遂 安耳。」本 也 弗 是鄢 令尹 案 戟 夫鄢 爇 也 知「鄢 不 鄢將 正請 將 而 也 將 疏。 過 請 師 。令尹 師 將 師 安。 矯 安于賓、當如彼使宰請魯侯自 矯子之命 將 令尹 稱 師 師 告之, 炮之。 令尹使女燔

案:《 使 自 皆對 中 命 宰代 卿 庭 》亦有請安之文,服 安之禮 日 燕禮 大夫。 升 司 『諾 東 Œ \*: 服 請 楹 司 君 謂 之東受 日 敢 魯 正洗 此 不 侯 請 以 安?! 角 自 安 不引彼證此者 命 我 觶 安 當 安 西 也。 如 南 此 階 彼 面 君 《鄉 文, 卿 坐 燕 北 飲 齊 大夫 臣 酒

安,非 以 侯 禮 請 不 燕 燕 矣, 也, 臣 禮 在 安 禮 坐 則 尝云 ^ 是 鄉 今齊 待 齊 此請 君 飲 魯 侯 使 非 燕 侯 酒》賓 侯 請 宰 也 安當 臣 既 夫 自 之 何 使 爲 安, 主 如《 禮 容 宰 獻 請 ,公必 不 不 燕 獻 主 安之禮 べ禮》之 在 在 臣 明 坐 ? 坐 在 以 莫 也。 坐, 矣。 命 臣 敢 禮 杜 齊 司 與 氏 侯 杜 正 待 按 君 請 謂 云 亢 即 魯 :

美故 口 詩》云『鬒 十八 以 名玄妻。」《詩 鑑 年 名 傳 昔 髮 日 有 玄 如雲」,言 仍氏 妻 • 君 子 生 偕 女, 其 服 老 美 日 疏 黰 : 長 黑 而 髮 而 黑。 美 甚 美, 爲 以 光

髮 誤 傳 有 如 耳 亦 君 《説文》: 作 雲。 子白皙, 鬒鬚眉 或或 鬒 説 文》 作 作 鬒 多 無 」,今《詩》作 黰 黰 稠 髪 」,亦作「鬒」,不 者 字。 也 涉 下 ^ 鬒 + 詩》 黑 六 日 年 字 疑 作 傳 此 而

> 也 也 貪 0 惏 取 也 長 黰 本 服 毛 也 無 疏 」。」毛 傳 ^ 厭 日 毛 髮 爲説 : 傳 忿 美 取 忿 類 爲 此 ,故曰「言其美 怒 無 傳爲 鬒, 其 鬒 期 類 即 説 黑 稠 服 以 髮 髮 賈 饜 也 亦 也 長 日 其 引 而 私 彼《詩 如 黑也 髮 惏, 雲, 稠 無 言 耆  $\approx$ 則 期 食 美 度 又 美

謂 類」者 也。 内 説 案 進 貪 人 忿類」之「類」, 之北 敗 貪 以貪婪兮」 ,若對文則 1 人毀敗 惏 類 《釋 者 謂 服 即 傳 黨 貪 婪,《 文》 就 曰 相 其 其 王 惏 : 惏 詐 善 類 説 本 爲 逸 杜 从 **駝**爲 服 文》 也 釋 善 注 耆 本 之 作 心林 作 日 食。 也 : 婪。 服 也。 類 愛 類 本 **^** 婪, 毛 聲, 食 讀 離 彼 意 云 桑 貪 注 若 日 是 騒 爲 以 柔 也 婪」 散 潭 云 説, 忿 敗 忿怒 \_\_\_ 衆皆 文 詩 是 類 爲 惏 杜 又 也 其 競 戾 即 林 河

私 語 其 期 言 類 注 屬 ,忿怒其 · 飽 其 期 厭 而 度 私 已注 〈善也。 欲 也」,故 也。《吕 日 「曆」與「 「厭 覽》 無 飽 期 度 也。」 懷寵 厭」同。 也 以 徵 斂 饜 其 台 無

其宜 心 能 言 制 義 善 日 揆 度 度 事 也 服 」。」《詩 曰 : . 心 皇矣》疏 能 制 事 使 得

然,則 篇》: 度矣。 雅 性 和 案:《周 云 癸之爲言揆也。 篇 0 注 釋 事 義 :「義,能 以 言》: 禮 者, 義 得其宜之謂 心 者 裁 宜 大 揆,度也。」《 斷 此 司 斷 宜 徒 使 者 言 也 時宜。」《禮 斷斷 》「知、仁、聖、義、 事 萬 也。」《法言 義。」《白 得 物 決 史記 宜 可 得 揆 記 中 是 虎虎 度 也 律 爲 · 重 通 也。 祭 書 善 • 義 忠、 若 情 黎 揆 爾

音 德 正 發號 應 和 施 日 令,天下 莫。 服曰 皆應和 一、一、在 己爲德,施 之。 言皆莫然 行 爲

而定,無讙譁也。」同上。

孔 行 生於心 故 氏 也 爲 案: 義 令」、《祭統》文。「天下皆應和之」者,正 詩 爾 者,得 音」,以正即 曰:「《繫辭》曰『君子居其室,出其言 於外,亦爲音矣。 日 》馬 昭。」惟 德正 雅 則千里之外應之」,即 此 在 作 注 . 傳釋「莫其德音」之意。 有節 即 釋 己 云「在 於 貊 施行在外,故 德音,故服云『在己爲德 詁 **→** 身 日 於外謂 德 也 樂記 心 音 : |° | | | \_ 爲 也 貊、嘆,定也。」郭云: 《説 之音。」 《鹿 德 通 引《 」,身心 日  $\wedge$ 典》 文》: 鄉 鳴》詩 此義 昭 詩 飲 引 也。「 然 酒 ^ 亦 一音 皆 也。」「莫」, 日 《詩 周 則德之施 義 作「莫」, 屬 禮 發 聲 於 正 號 德 施行 也。 德 音 施 師

●「節」,原作「即」,今據《説文解字》改。

「皆静定。」謹譁,不静之貌。

照 臨 四 方 日 明 0 服 日 -豫 見 安 危 也 \_0

同上。

之道 性 言 是豫 口 知 以 四 見 前 方安危 安 知。」 危 爲 也。《 又曰 明 矣 中庸 自 誠 日 明 謂 至 之 誠

教 懈 倦 誨 不 言善 倦 日 長 長 人 以 道 服 德 日 也 : 0 同 教 上 誨 人 以 善 不

文言 善 足 倦 故故 道道 以 長 孟 德 日 人。」傳 子 長 之總名。 ₩ E 元 矣。 者 日 ,善之長 誨 一:「供 言能 人不 道 養 倦 也 德  $\equiv$ 仁 教 德 君 也 人 日 )° \_ ( 子 善。 而 體仁 不 易 懈 則

下 慈 和 徧 中 和 服 徧 和 從 服 也 而 日 順 順 爲 之。 上 而 同 服 愛 上。 下 日 : 行 上 之以 愛 下 中 和 慈。

案:《説文》:「慈,愛也。」《釋名·釋言

聽 慢 僞 隱 下 顔 萬 中 語 和 和也者,天下之達 禮 樂 甚 和」者 易 色 和 憐 徧 ; 而 民 極 寬 理 焉。 服 而 教之中, ,以本俗 人謂 中和 君 中 和 惠 慈 發 信 不 人者 庸 而 乎 禮 與 而 之慈。」 故 字 周 慈 **∀:** 外, 順 極 争 也。 德 六安萬 禮 於 也 以 之 順 能 也 0 而 煇 六樂 中 民 . 内内 是 以 「爲上 字 衆莫不 ° \_ \_ 大司 道也。」和 動 也 由 以 望 此 和 民 乎 防 者,天下之大本 愛 此 賈 其 爲 而 徒》「 内 上 萬 道 以 物 子 容 治 而愛下,行之以 承 外 愛 民 也 Ŧi. 也 • 貌 順 非 而 順 則《祭義 之 禮 下 0 以保息 道 中 」,所云「天 民 情 而 曰 則 防 術 不 晉 莫 衆 慈」矣。 民 而 萬 ·生,故 語 不 六養 不 教 瞻 民 承 生 之 惻 其 

擇 今之宜 善 而 而從之。」同 從 之 日 比 Ŀ 服 日 比 方 損 益 古

案: 比 宜 詰 方 所 也 齊 安 語 損 也 然 **>** 則 減 比 比 比 校 也 校 方 民 0 古今,減 猶 之有 益 比 加 校 道 也。」《 矣。 之 者 而 注 得 説 廣 所安, 文》: 比 雅

經 天 地之道 緯 天 地 ,故曰文。」同 日 文。 服 上 日 . 德能 經緯 順 從

是

擇

善

也

爲, 違 後 如 Œ 經 天 義 緯 而 曰:「《易》 相 奉 錯 夫 織 時』,言德 成文章 稱 聖 人 能 故 順 先天 爲 天, 文 而 隨 也。 天 天 弗 所

君 服 。」《魯世 日 : 大 夫 注 稱 主, 比 公於 大夫, 故 稱 主

<u>二</u>

九

年

傳

齊

侯

使

高

張

來

唁公,

稱

主

君

得民」 案: 主 友之讎 大 注 夫 稱 既從父兄弟」注: 主 主 者,《 謂 公、 周 禮 卿 大 太 夫。」 「主、大夫君 宰 × 主 調 以 利

> 縳 大 君 稱 主 也 者,又有 如 日 「天子、諸侯及 喪大記》「大夫 夫 主 也 謂 事 也 0 ^ 魏 傳 主 謂大夫下臣 晉 《儀 稱 若 獻 地之通 語》一再 范 子 然, 禮 醫 百二主 宣 和 • 則 子 卿 稱。 世 喪 謂 主 撫 君 稱 大 服 以 趙 一之舉 者 荀 不 大 此 夫 武 傳 下 偃,云『事 夫 迎 稱 主之」注 有 大 也 主君 爲 于 主 君 夫之 地 君 門 至尊 者 並 是 是 故 外一, 皆 通 稱 亦 謂 吴, 也 比 云 大 日 日 矣 稱 大 正 君 夫 敢 大 公于 注 義 0 夫 夫 爲 成 君 不

本紀》注。 故 豢,養 或 有 也 豢 0 穀 服義 龍 氏,有 見本 食 、日豢。 疏 御 龍 御 氏。 亦 養 也 り。」賈 賈、 服 義 見《夏

豕 以 也」。 穀食犬豕曰豢。」 豢」,《 禮 説 文》作 樂 記 》「夫豢 ^ 黍 楚語》「 , 云 豕 芻 一以 爲 豢 酒 穀 幾 卷 注 何 養

幸 韋 御 穀 同 注 食 亦 言 養 淮 日 養龍 豢」, 南 者 • ·, 正 猶 時 是 養馬 則 義 凡 訓 以 》「案 : 穀養 故 養 稱 芻 之者 馬 御 豢」高 皆 幸 注 皆云 御 與

爲 帝 各二,服 乘 賜 之 几 乘 乘 河、漢 龍 河 六 各二乘。」 漢 頭 各 也 0 本 乘 疏。 ○《釋 服 曰 文》: : 河 川 頭 漢

漢 頭 几 乘 四 乘」、《 猶 也 馬 二乘 四 《儀禮 , 馬 日 四數之」,《 檀 既 乘 稱 弓》 大射 夕. 兀 也 ^ 乘 方 攝 記 故 言 孟 儀 東 \* 》「司 以 帛 **>** 子》「發 翭 頭 乘 几 乘 矢 馬 龍 馬 雁 爲 師 乘 而 乘 H 矢」注 坐 將 几 乘 乘 注 之 頭 之」注 龍 釋 几 乘 河、 稱 矢 文

者 其 後 ,夏后賜 有 劉累 之姓 。」《夏本 服 日 紀 後 注 劉 累 之爲諸 侯

各

合

四

+

六

也

隱 八年》傳:「天子 建 德,因 生 以 賜

> 累 姓。」 得 劉 紀 思 如 舜 姓 昭 一世 劉 ₩ El 後 夏 妻 氏 爲 此 少 姓 時 是天子 本》 年 康 爲 劉 師 姓 嬀 也 謂 諸 累 古 姓 以二 傳 7 侯 本 舜 非 也 日 : 有 爲 陶 也。 姚 夏 本 及 德 御 唐 姚 后 出劉累」 之後 龍 胡 是 爲 姓 ^ 復 漢 諸 是 公 自 賜 書 《哀 氏 本 侯 不 舜 姓 . 言 淫 以 爲 有 有 元 高 史記 F 年 劉 賜 舊 故 自 祖 猶 》傳 姓 姓 劉 紀 周 猶 . 姓 之 累 夏 賜 稱 及 周 事 姚 姓 虞 始 劉 之 本 賜

以 殷 不 武 絶 更 以以 1 豕 滅 韋 代豕 之, 之後 以 韋 劉 之後 累之後代之。」 賈 日 祝 : 融 之 劉 累 後 同 封 之 上 後 于 豕 至商

案 孔 孔 更豕韋之後」者,非指劉累,特 甲 甲 賈 時 時 以 未 本 元 封 嘗 年 實 滅亡,不 傳 是 大 唐 夏 人 得 豕 是 更代。 韋, 因 \_, 至 明 承 知 湯 賜 劉 此 始 氏之 傳云 累 在

者,昆 劉 韋 殷 殷 矣。」 其 范 武 復 封 則 能 者 後 - ,終言 累 1,指彭 爲 》稱 復 商 後 興 復 宣 于 昭 至 是 一商 之 衰 伯 興 豕 子 顯 滅之矣。」 吾 後 ^ 豕 姓 于 而 韋 不 日 撻 天 姓之 鄭 其 易》 爲 武 實 帝 絶 滅之。」《 者 韋 於 伐 地 後 語 乙之時 丁修 夏 周 爲 荆 稱 之 更其 豕 在 殷 之 也 韋 伯 楚」, 祝 未 又 光 韋 在 衰 夏 高 政 昭 矣, 融 有 日 殷 明 封 也 爲 商 爲 宗 行 日 侯伯 之後 祝 武 7,故《 : 9 而 本紀》:「帝 大彭、 商 者 御 伐 德,天下 以 . 融 當 功 ^ 彭 耳 伯 鬼方 鄭 龍 生 之 襄 豕 也 爲 滅 姓 佐 語 氏 柔 其 0 故 韋 後 甚 於 豕 制 **\***: 嘉 彭 封 + 後 彭 咸 武 云「武 云 在 韋 物 若 材 四 騹 世 于 祖 小 T 詩 商 爲 於 劉 姓之别 祝 然 者 豕 辛 失 之 年 豕 前 爲 商 累 殷 T 融 道 韋 世 韋 7 也 豕 道 之 殷 滅 伯 代 傳 亦

章氏。」

得 夏 后 賈 而 懼 饗 日 之, 也 0 夏 既 同 后 上 而 既 使 求 之。 而 又 懼 使 求 而 遷 致 龍 于 不 魯

能

官宿

其

業。

服

日

宿,

思也。

今日

當

豫

思

明

日

之事

如家人宿火矣。」本

疏

之事 案 俗 宿諾 雖 休 夙 亦古文夙,从 寤儆 早 夕不 猶 ^ 敬 説文》:「宿,从一,佰 集 所 戒 舛 《漢書 休 由 解 者 維 早 早 所 也 宿 召信 敬 宿 以 人、 0 敬 個 注 也。 思 也 猶 古 百。 也 臣 豫 0 文夙 从 宿 如 傳》言「 宿 也 <u></u> 丰 \_0 家 論 从 古 从 今 語 此。」故《 文 聲 持 藴火」矣。 宿 夕 . 夙。 事 子 火 豫 囟 佰, 雖 思 路 若 周 漢 明 0 古 佰 時 無 不 文 日

■ 「酉」,原作「個」,今據《説文解字》改。

四二五

鬱湮不育。 賈曰:「鬱,滯也。湮,塞

也

一本

疏

此 也 物 IE. 傳 沈 義 謂 滯 维 寒 日 塞 井 不 爲 鬱 復 堙 積 生 井 是沈滯之義, 也。 是 堙 爲 塞 故 也 爲 言 滯

芒祀于户。」本疏。 賈曰:「總言萬物句芒,句木正曰句芒。 賈曰:「總言萬物句芒,句

爲言 知 通 木 木 蝱」、《説文》引「<u>蝱</u> 日 句 乎 生 木 者畢 《史記》「孟卯」、《 古音「亡」「 ? Ŧi. 句 萌也」,是句 正 杜 行篇》曰「句 曲 取 獨 出 不 而 名 言 如 有 萌 以 木者,以 賈 作 芒 者 春 明 萬 芒即 苗 國 角 氣 盡 策 相 芒者,物之始生,芒之 一,苗 也 物 達 極 》作 近 句 木爲 。」賈言 盛 贵 ,明之聲 之 「芒卯」; 萌矣。 言 書》「 賅 春 其 忧 也 備 氣 主 萬 盟  $\wedge$ 《詩 矣 所 一,故 故《白 諸 杜 物 月令》: 達 言 亦 句 云 經 僅 正 平 作 云 義 虎 在 取 其 明

言五 之子 郊,而 郊、 祝 社 則 方,謂祭五官之神 氏之子曰黎,爲 食于金 五. 不 而 曲禮》「天子祭天 木 詩》云『 官 稷、 融、 可 金 言 四 Ē 之神 之神 曰 通 耐 祀之祭也。《大宗伯》: 五祀、 后 祭五 方,賈謂 按 己。 ; 重 也 來 土 脩 孔 爲 在 日 且 德之帝 方 在 云「句 蓐 及熙 五. 説 木 是 四 句芒, 禋 南 嶽 收 非 郊 比 祀 鄭 祝 祀 0 能 爲玄 也 萬 于 蓐 融、后 亦 以 於 · 芒 祀 地、祭四方」注: 四 後鄭 物 食 户 爲 收 四 以 日 時 食 芒 冥,食於 方 于 郊 竈 金 木 五. 在 于户一 迎 此 日 土,食于火、土。」 祀 木 之蓐 角 爲 等 也 西, 官 五. 神 : 者, 爲 主 祀 之 此 行之氣 焉。 玄冥 者,此 以 該 甚 句芒 收 者 而 祀 各 水 爲 五祀者 乎 獨 當 血 祭 故 少昊氏 祭 在 在 蓐 舉 白 祭祭 賈分 其 顓 於 在 舉 北 收 東 虎 方 此 木 几 几 几 頊

祝 之正 祭 注 案 脾 奉 也 IE 于 于 西 席 户 通 其 史記 上,是 筵 俎 于 Ŧi. . 日 句 井 彻 西 祀 奥。 Ŧi. 前 名 春陽 白 祝 腎 芒 ^ 制 於 竈 祀 Ŧi. 虎 再 脾 融 祭 祀 融 楚 迎 祀 廟 Ŧi. 此 行 通 及 氣 中 黍 于 世 户 K 明 户 祀 篇 傳 既 腎 稷 . 出 雷 用 户 家 之 也 時 Ŧi. 號 略 祭 爲 祭, 云 特 賈 也 \* 禮 祀 釋 五. 祀 篇 俎 也 如 牲 祝 日 徹 命 肉 之 社 祝 行 者 祭宗 0 是 南 説 奠于 融 之, 祭 之官 於 有 稷、 融 ^ 户 面 何 祝 祀 月 祝 户 夏, 主 廟 體 更 云 設 竈 五. 謂 于 融 主 令》 融 之儀 亦 有 陳 皆 内 等 主 社 北 也 陽 祀 屬 云 P 得 鼎  $\equiv$ 集 祀 于 陽 ? 其 祭之, 氣 祝 俎 是 續 口 皆 爲 解 户 又 也 祀 明 祭肉 謂 設 者 上 尊 設 引 也 内 先 五. 門 朗 饌 故 是 虞 屬 盛 之 設 祀

火

金 之於 恩《三 案 正 設 熱 注 大 醉 融 西 融 注 俎 肝 云 天 類 ×: 設 主 左 各 0 0 日 视, 門 樞 韋 蓐 是 又 于 也 夏 月 D 饌 于 祝 禮 明 昭 竈 甚」者 設 昭 收 融 **\$** 外 乃 義 祭醴 明 地 盛 陽 坚 祀 日 大 爲  $\stackrel{\cdot}{\approx}$ 制 陰 筵 宗 有 德 竈 于 氣 明 也 乃制 肝 其 前 亦 祝 也 融 之禮 賈 俎 盛 亦 也 0 及 祀 光 ° \_ | 南 始 大 日 ^ 日 肺 迎 肺 祀 門 熱 昭 亦 亦 先 義 鄭 ^ 也 鄭 : 尸 門 及 于 月 四 既 心爲 注 也 , 語 語 蓐 之禮 祭 心 席 祝 外 令》 如 海 是 祭 × Z 收 × 黍 于 肝 ^ 祀户之 俎 祝 徹 祀 甚 祀 日 故 秋 門 御 三,祭肺 爲 故 奠于 北 無 于 之, 之于 0 以 覽 陰 之 俎 命 ~ 命 其 定 門 面 奥, > 氣 禮 之 之 更 詩 奠 湻 祀 引 0 義 竈 俎 出 陳 東 竈 燿  $\Box$ 于 日 崔 • 同 于 上 鼎 從 既 賈 祝 倌 靈 祝 祀 面

同上。 土正 水 井者 Ē 井。 故 又設 物 紀》亦作「行」,注 云或本也。《白 其祀井」,則賈云「祀井」者,《吕覽》注 伏 日 日 祀之也。」《淮 玄冥。 《月令》作「其 藏。 后 ,水之生,藏 盛于俎東,其他皆如祭竈 ☆ 白 士。 一説 虎 通 井 賈日 · 五. 賈 虎通》又云:「冬祭井。 以 南 曰 : 在 :「或作『井』,冬水王 :「玄冥祀于井。」同 豕,或 祀行」、《吕 祀 地 • 「后 篇》 中。 時 則 日 引《 土祀 冬亦水王 井 訓 之禮 以 月令》亦 **>** 覽 于 作 魚。」 · 孟 中霤 「其 一,萬 上。 祀 所 冬 H

室也。 牖 肺 是 案:《月令》「其祀中霤」注:「中霤,猶中 以 、肝各一,他皆如祀户之禮。」 下, 名室爲霤 乃 土主中央, 制 心 及 云。 肺 而 肝 祀 神 中 爲 在室。 霤之禮,設主于 俎 ,其祭肉、心、 古者複穴,

> 天下 遂 居。」《路 濟 號 窮 桑。 史・ 日 窮桑。」本 國名紀》八 賈 日 疏 : 服 處 日 窮 : 桑 以 窮 登 桑,顓 爲 帝 頊 故 所

職,遂 案 昊之道,故曰少昊。」是賈云「處 也。 名官♥,不得有木正、火正。」且云「世 帝、天下號爲 桑。」又引《古史攷》云:「窮 窮桑,以 賈以 少昊帝 ^ 以金德王,故號金天氏,或曰宗師 御 渡 濟 覽 少皞 ,●名摯,字青陽 爲 登 · 皇 王 渡 帝位,都 之世。 窮桑」者爲 也 0 部》 言 服 曲 四 引《帝王 以 阜,故 降 叔 少 少 皞。 子 居 皞 孫 桑 或 江 世 之世 窮桑 氏,嬴 正 水, 紀》 謂 世 義 之 不 以 不 以 邑于 日 日 窮 失 失 鳥 登 姓 太

0

服」、《春秋左傳正義》作「杜」。

<sup>■「</sup>昊」,原脱,今據光緒貴築楊氏訓纂堂業書本《帝王

<sup>916</sup> 

矣

劉

杜

宜

丘 職 帝 則 世 指 紀》 其 後 云 世 顓 而 言 頊 始 故 都 以 窮 窮 桑 桑 爲 後 顓 徙 頊 桑

號 有 烈 本 Ш 疏 氏 之子。 賈 日 : 烈 Ш 一、炎帝 之

是

窮桑曾居

之矣

神農 姜姓 覽 案 儒 天 之炎帝 天 或 之説 下 號。」●是烈山 下 也」注:「厲 日 世 也注 有烈 也 皇王部 祭法》作「厲 諸 炫 同 則 規 侯。 Ш 非 火 又 然 諸 **>** 氏。」《魯語 日 承 引《 烈 案《祭法》《 則 山氏,炎帝也,起于属 侯 一、「本 木、位 一爲炎帝號,信矣。 不得云 Ш 也 帝 明 山」、云「厲 氏 矣。 王 起 ,炎帝之號 在 世紀  $\approx$ 烈 南 烈 神農 魯語》並 昔烈山 Ш 方,主夏,故謂 \* 7 山 或或 山氏之有 世 即 杜以 神 諸 時 也 神 氏 云「有 稱之, 農 農, 侯 之有 Ш 氏 明 爲 御 天

> 鐵 遂 曲 賦 以 禮 鑄 晉 \*\frac{\times}{\times} 之。 或 本 鼓 獻 疏 鐵 米 者 操 服 量 鼓 : 0 取 鼓 晉國 量名 也。

禮》者 鼓。」「 器名 云石 雅 或 若是,十二斛、十二石之鼓則不得操,不 者不行」注:「鼓,十二 案 得以樂浪 隱義》云「樂浪人呼容十二石者爲鼓」, 量名」,不言 釋器 鼓, 鼓 四謂 然 證量有鼓名。 《管子 量 人所 尝云 後 與 之鼓」,蓋鼓 名 「盆 瓜、 解 呼當之,故鄭 者、《曲 地 謂之鼓」、《 桃、 所容之數。 並 數 舉 棗、 云「取 》「民 禮》注 無 9 斛。」《禮釋文》引 斯 李 定 自 爲 僅日 小 數 晉 <u>二</u> 二 ^ 有百鼓之粟 然 爾 本 也 荀 或 量鼓 矣。 「器」,服 雅 數 子 引《曲 • 鼓 以 ^ 鐵 廣 盆 量

0 號」,疑李 氏因誤 斷句 而 衍

使足 賦 規 晉 好、 良, 冶 命 以 衡 雖 俗 石 H. 不 禮之 冶 國者 足 即即 鑄 鈞 微 服 語 石 金 兵 金 氏 鼓 爲 鐵 石 賦 非 故 猶 以 之 將 鐵 豆 器 「、令民 計 財財 也 鐵 然。 之物, 備 成 鐵 云 量 品 具 命 者 者 鼎 不 注 于《考工》,《 鑄 之類 用 米之器量之哉? 焉 以以 令衆 賦 置 費 之 禹 謂 橐 各 當 晉 家 重 ),猶貢 一此 鼓之屬 鑄 非 扇 而 出 谝 稱 玉 或 人 而 賦 易 九 火 功 賦 之 大器 物 鼓 府 執 集。 鼎 力, 或 金 動 以 皆 **>** 鼓 石 量器。 輕 貢 鼓, 月 中 意 也 橐 權 《周 均 掌 爲 式 鐵 令》「審 鼓 金 也。 謂 也 而 衡 鐵 賦 王 貢之餘 可 禮 之鼓。 惟 故杜以 九 也 之 鐵 計 計 取 微者 其不 數之以 0 操 牧 **>** 用 Œ 其 又 桃 金 Ŧi. \$ 之 按 義 大多 功 玉 財 以 鼓 庫 刑 今時 即 以 爲 氏 日 也 鼓 家 所 玩 之 權 鼎 賦 鈞 則 孔 將

> 鐵 治即 力共 無 各出 是家 鼎 兵 凡 作 自 重 計 役 器 當 疊 論 爲 役之需 令 一 國 以 其 刑 鼓 賦 物 鼓」,當云「役 功力」,若 傳 下文「鑄」字,果 内 人」,不當 之 服 石之義爲 鼎」足矣, 文乎? 鼓 爲 府 説 財 鼓 初 因 已足」, 爲 : 皆徵 賦 E 何 長 是 錢 掌 嫌 生 既  $\frac{1}{Z}$ 傳 各 何 以 于 受 下 迁 多 出 云 文 容 賦 爲 民。 乎? 之 良 折 所 不 功 如 日 役 鼓 晉 辭 其 兵、 力 當 無 杜 鼓、 器 今 石 或 詞 共 云 杜 云 而 良 即 趙 爲 當當 而 矣。 傳 鼓 云「今晉 日 鞅 日 賦 云「各出 鐵 藉 意 \frac{1}{2} 石爲鐵 当當 鑄 遂 荀 以 且 若 逾 又云 鑄 寅 也 晦 鼓 云 或 鼓 功 藉 刑

且徵 三十 年 過 傳 昭公無道 非 公, 且 久在外,季 過 也 服 氏 日 非公,不肯 非

氏 釋 辱,季氏 之過 廢衰, 道 言公在某地、《春秋》之義亦以不書徵季 所 例 或 如 耳。 書「公在乾侯」。 當補書之,而 之者,季氏 十七年、二十八年「公在鄆」,二十 公在楚,釋 晉 以 公在 ,季氏不善公之所爲、《淮南子·脩務》「世俗 ,季氏閔公之内外交困 此 而非學者多」注:「非者,不善之詞。」故 解 次于乾侯,既 乾 襄二十九 関 釋 外 此年書者,公不得入晉,外 侯 年 耐 于 不 釋之,所謂 書者」,謂 不 」,皆缺 朝之故也。 春 不 肯 亦 王 朝 年 不書 也。 其 - 》經書 正 IE 朝 不能人晉, 八書者 月 于 者,所以 孔 正之禮 此 事 必 廟 子《春 年 君 今昭公無 公在 ·何? 書 也。」 因 史于 如 其 在 于 明 而 楚」, 秋 若 所 又 . 或 以 春 此 季 史不 学之 然 在 内有 不 往 年 王 氏 爲君之 傳 、則史 之地 本 時 九 釋言 于二 能 年 正 之 歲 日 疏 , 年 罪 困 月 返

君也。「事君如在國」,二十七年傳文。書「公在乾侯」,釋不朝正之禮,明猶以爲

三十 言賜 年 不使死,是爲以 傳 不 絶 季 氏 前 死賜 賜 之。 之死 本 疏 服 日

賜 案 賜之不 季孫 傳文言「不 使 也 死 也。 · 絶季 既 不使 氏 則 死 賜 ,是晉君 之死 者 以 死

服曰 「吾夢如是,今而 夢童子 十二月辛亥朔,日有食之。 疏 年及此月也,吴其入郢乎 楚之先, 顓 大梁水宗。 本作「老童」,此从惠校。 :「是歲 羸 而 頊之子老童 + 。歲在 轉 以 月, 日食,何也?」對曰:「六 歌。 析 日 木。 行歌,象 一,童子 旦,占諸 在 ! 星 後 是夜也,趙 楚 紀 六 終亦 象。 楚走哭。 爲 年,在大梁, 史 佛克 吴 墨, 「童子」,注 國 簡 日 分。 姬 子

●「孔子」下,疑脱「修」字。

水 故 姓 知 衰 吴終亦 位 則吴得 日 日 『吴其 故 月 在 日『六年 不 志 入郢 星 克。」《周 吴世 紀,星 \_\_ 及 世 此 禮 吴 紀之分, 與 ·占夢 月 屬 八楚怨。 也 水,水數六, 疏 姬 有 楚走去 姓 適 吴 而 也 + 其 月 或 故 楚

梁。 廬 復 也。 服 計之,十二年一小 有 又分前 云: 年 楚 白 歸 云 千七百二十八年,十二 + 四 由 而 凶。」至十三年,公子比 千七百二十八年一大周,十二 于蔡,是十三年,歲在大梁。 歲 是 + 是 周 辰 星 歲 年 天,周 爲 四 而 爲 傳 歲 遞 年 陽 百三 推 .... 在 跳 而 萇 右 析 至 復始,二十五年 十四四 辰。 周, 行 木」者 宏 此 于 年 曰:「歲 謂 天,一 分而 十二辰 跳 ·, 歲 辰 當 弑 馮 年 侵一 歲 市,以 及 靈 相 在 移 市, 大 移 王 氏 大 分, 復 歲 梁, 火 賈 在 星 蔡 跳 此 則 辰 辰 侯 疏 蔡 故 大 币 總 而 則 而

> 宗 者。 此年 歲 之, 謂 星 二年 故 五. 矣。「後六年在 由 三年歲 紀,定元年歲在玄枵,定二年歲 星紀,吴 紀 年 在 而 是,二十七 + 也。」然則 則 漢 數 傳 在 昌 Ħ. 星紀,明 爲 是 書 至 在 大 年 注 年 吴 梁。 彼 服 歲 降婁,至定四年則歲在大梁。 . 越 有 歲 或 五. 年 應在 取 麻 也 年 年 事 在 分 大梁,昴 行 爲後 彼 有超辰之法,故 ·,復 大梁」者,三十二年 歲 于武宫之歲 志 析 爲 鶉首,超之則在 明 者, 在 木 説 六 在 年 星 矣。 年也。 「今兹 鶉 賈 也。 也 傳 紀 火 ), 金 日 則 公彦《 《保 + 龍 歲 爲 「大梁水宗 越 此 由 章 水宗 在 在娵訾, 得 服 年 鶉 度 占 月 鶉 星 氏》 天門」 歲 于 歲 在 一夢》 火 火矣。 得 紀 三十 一,是 日 在 析 遞 注 後 疏 在 自 其 定 推 木

斗、牽 矣。 辛氏 是 野 之月 夏 楚之先 頊 之。」「日 口 口 或 體 老 高 也。 ,則老童 泣 火 童 陽。 譙 徐 正 問 牛 行 或 據 日 既 E 爲 廣 周 應 日 歌 歌 也。」「爲 楚世家》云「楚之先祖 楚之先 在 此 二,章 在 顓 高 引 日 日 在 "『周之十二月,夏之十月。 爲 象 斗。」《 陽 月 頊 ^ 老童 星 析 楚 顓 老 世 是 之孫 生 昭 紀 中 木, 走 歌 頊子 童 顓 本》云「 〔吴國分」,以星紀爲吴分 稱 日 爾 有 者 哭」者,《易· 則 即 頊 稱 然《 而 哭 「顓 雅 + ',當有 卷 ~, ~ 所夢之童子 之子老 云 同 生卷 • 章」。 老 頊 鄭 月 在 釋 類 月 童 生老童」, 令》曰 語 古籍 星 天》: 章 故 生 節 童 據《 紀 \*, 轉 重 出 章 中 可 何? 故 以 爲 黎 史 黎 自 章 乎 微 星 仲 舉 記 子 歌 爲 及 楚 與 帝 生 也 久 言 答 服 旲 楚 象 顓 日 高 重 日

者 若 雅 姓。 首。 中 復 走 吴 則 吴」者,以 月之次 時 日 右 是月,斗 逸 自 始 哭 行 回 惟 然 周 則 日 , 久象 月一 壽 吴 是 是 星 而 楚 斗 則 而 書 月 夢 耳 行 紀, 衰 起 也 爲 姬 柄 值 成 五. 次 周 . 得 星 月周 于 則 日 斗、 姓 建 於 星 時 厝 星 越 申 紀 吴 星 周 月 子 據 H 4 紀 冬 之 姬 月 公 牽 爲 得 紀 天 權 鄭 月 天 之 至 巫臣 所 姓 解 4 日 吴、 志 次 輿 歷 也。 語 進 在 初 終 日 日 W 也 月 舍 是芈 越 吴世 星 月 始 在 「星 爲 俱 于十 用 周 而 次 同 紀 姓 在 牽 惟 郭 首 起 Œ 爲 是 故 分,其 世 據 紀 牛 注 星 者, 其 而 于 楚患 歲 有二辰 爲 謂 與 《吴越 之分, 紀 月 與 牽 道 + 爲 謂 之星 楚 義 既 4 應 牽牛 數數 日 伐 春 者 姬 星 怨 則 合 南 之 秋 姬 次 郯之 姬 終 紀。」 紀 然。」 起 姓 者, 宿 初 爲 姓 至 之 則 紀 爾 姓 H 姒

者,《 吴,故 者 此 須 又 水 役,始見於《春秋 日 今夢楚走 不 口「火勝金,故弗克」也。 有 吴屬水」者、《淮 ~, ~ 位 戦 玄天,其星 年十二月計,去後六年十二月,當入郢 日 女,吴。 有,吴、楚怨 適 下文云「庚午之 白虎 ,故主六年。 :「太陰 ,是吴屬 月令》:「冬其 而 于長岸,敗于雞 曰 食」。 「 吴 通 去 須 其 . 見于亥。」故 水, 女 其 須女。」其言星部 「吴終 五. 已 或 在 猶 南 深 **\***, 行篇 夏之十 其 北,爲吴分星。 郢 自 子 商 數 日 故 亦 所 父,互 是以 主火 . 六。二十月,水 日 楚 不 以 天文 ·月爲 小水 郢, + 衰 致 克」者,即 來, 始始 也。「水數 月 爲 則 楚之走者必 有 位 訓 楚 周 爲 吴 侵 人 謫 地 在 彩北北 之 州 必 伐 十二月, 水 名曰 北 都 位 北 摩 得 來, 方。 下 故 位 也 方 也 文 方 云 世 韋

以 冬後 月後 月 六 尾 人 郢 在 而 年 置,則 者,以 月 + 年 伐楚,故 也。 案:「後六年,定四年」者, 曆》「定四年閏十月」, 云 其十一 復 庚辰,是彼 · 月 辰 食,庚 定 必以 也。「十一 晦 尾,尾 其 杜以 此 月 + 兀 四 + 庚辰 閨 月 年 天 午 月 年。 庚 盡 月 所 晦 垂 爲 Ħ 也 經 辰 之 月 象。」同 年 不 餘 初 月 有 亡臣,是 + 日 爲 名 晦 晦 + 得 之數 在 有 月 閨 四 + 庚辰」者 四 有 適 月 在 餘 晦 言 月 上 月後 故故 月辛亥, 庚辰,乃入 也。 辰 庚辰 十七」者, 歲 庚辰 庚 月二十九 是閨 閏 尾 吴始 辰 日 餘 置 吴 庚、 釋 一,若 爲 閨 釋 + 在 閨 史 用 + 辰 日 在 七 名 四 服 指 郢 墨 四 子胥之謀 會月 杜 兀 日 月 郢 閏 定 所言 月 月 在 釋天》 氏《長 月 後 是月 晦 + 後 四 於 在 在 日 後 龍 後 不 年 H 立 H 几

之,其 後者 注: 之體 心、尾 節 服 超前 應 日 年十二月 未 大,故以辛巳 合,故曰「復此月」,明此 東方七宿: 蒼龍 惟 氣 復其 以 辰 月 且 尾 此 或服以是 ,實在十二月矣。 也。」 并 時 周之十一月,夏之九 之體 十二月 四 月。 、大火也。」《月令章 閏 晦 未得立冬,以前 而復 度,謂之大火之次。」正義曰 召 敗之。 傳 爲 與 語 角、亢、氐、房、心、尾、箕, 疏 月 日爲 月 日 南 也。 史 引 盡 食 爲 角,北尾,角即 墨 且月盡 且 李 晦,以 小耳。 知 日 彼 巡 以 釋天》: 庚 + 「 及 此 乃與史墨之言 云「大 辰 年十二月至後 有 辰 服説 知入 則雖 閏 出 月 句》:「 在 月, 入郢 月 面 「大辰 月」之言 辰,蒼龍宿 V. 相 郢 以夏正 是 則 以 龍 冬後 較 十一 在 節 自亢八 參 角 則 差 7 氣 矣。 月 共 相 不 是 冬

庚午之日,日始 適,故爲不克。 日 繋解 其三 覽 郢 之辰 即 伐楚,故天垂象」者,子胥,楚亡臣,吴用 臣」,逃即亡。 辰 在尾」,此時日月合朔于辰 二月,夏之十月」,《 云「庚午之日,日 當當 者 :「午,火。 龍尾。」服故謂辰尾爲龍尾矣。「周 . 以 以以 師以肄之計,楚於是乎始病。 爲 下》云:「天垂象,聖人則之。 星 庚辰 日 部》引《詩緯 庚 二辰 與 焉。 有讁 庚 是歲 庚, 晉,諸侯之霸 實 配, 始 不 金 適」,●服合之以 月令》「孟冬之月, 辰 同 火勝 氾 日 吴 也 尾之辰 尾 而 曆 始 金、故 爲亡 名 樞 火 用子胥之謀 尾 相 當 而食。 爲 臣 與 西己 勝 弗 星,庚 楚同 故 尾 者 金 下 證 爲 而 知 反 御 庚 日 以 逃

0 「始」下、《春秋左傳正義》有「有」字。 有

服

趙 簡 ,故夢發簡 子 爲 執 政之卿 子 同 遠 上。 夷 將 伐 同 盟 日 日 應之

是遠 之 霸 謫 故 酉,金也。」《白虎通 《天文訓》:「丙丁、巳午,火 適見于天, 卿。 于 爲 火勝金」,是午火應克庚金,而 適 夷, 諸侯,會宋之後與楚亦 變氣,故不能克矣。 。譴 此 將伐 服于傳終言簡 日 謫 爲之食。」此 也 晉之同 容 · 五 盟, 義 子 晉自文、襄以 行篇》「精 始 得夢之由 故 也。 見 夢 稱 陽 適 發 同 反 事 庚 在 于 盟 一辛、申 有 勝 庚 不 執 適 堅, 午。 來 政

奪之,不用師徒。」本疏。 賈曰:「昭公得闞,季氏三十二年經取闞。 賈曰:「昭公得闞,季氏

世 仲 孫 叔 申 何 四 忌 鄭國參、曹人、莒人、薛人、杞人、小 年 會 傳 晉 韓 凡 不 克 信 邑不 齊 高 用 張 師 宋 徒 日 仲 取。 幾、 衛

> 邾 而 人 不 盟 城 一本 成 周 賈 日 魯有 昭 公難 故 會

外,仲 案 書盟 而 于狄泉,尋盟 經書「會」 傳 孫 稱 何 晉 忌 而 魏 且令城 與 不 舒、 書 會 韓 而 盟 不信 成 不 以、以、 周 合諸 與 則 昭 盟 此 侯 公蒙 故 時 之大 爲盟 史不 難 在 夫

氏》疏 墨 年一周天,存亡之數不過三紀。 十二年越滅吴,至此三十八年。」《周禮 地、人之數、故歲星三周 示 傳 知不及四十年越 夏,吴伐越,始用 及四十年, 越 其 有 有吴者,以 師于越 吴乎 星紀至玄枵。 也。 其 服 歲 三者,天、 史墨 星 日 一史

案:下文「越得歲而吴伐之」,故史墨測

歲 歲星 天文 天 言古今之大數,故以三十、百年、 天、地、人也 下 變一紀,三紀 注「三,天、地、人也」,《易 紀」者、《晉語》「蓄 度之七,十二歲 日 「三,天、地、 歲星 宿 行十二分度之一,歲行三十度十六分 象 小變,百年 訓 説 「三者,天、地、人之數」者、《説 ,此論休咎之已徵,不 而 文》 周 》:「歲 論 日 爲 之也。 陰陽,十二月一 云 ),故《 人之道 紀 一紀。」《 而 星 星。」又云: 而 中 大備。」此 周 十二歲 歲 成歲 變,五 周。」「存亡之數不 力一紀」注:「十二年 木星 也。」凡 語 、史記 星 》紀 白 十二年 而 其 過 也 載 次。」《淮 「夫天運三十 言 之以三 行二十八宿 豐》「三歲 大數 大變。 歲星三 天官書》 三者 越 五. 歷 也。 周 皆 文》 韋 過三 周 白 南 天 具 史 昭 爲 而

> 年復在 覿」干 吴。 八年二周,至哀二十年三周,由 吴」者,謂 日 故 示 星 計自 · 及 四 寶 紀 星 注: 三周 歲 此 紀,二十二年在 + 年至彼爲三十八年,故 星至定十二年爲 年 「三者,天、地、 至 也 玄枵,哀公二十一 玄 人之數 枵, 周, 是,二 而 史 越 至 年 也 滅 + 滅

得 野。 殃。 先 歲 + 星 越 歲。」《周 國,兵必昌 所 舉兵,故 得 歲 星 五年,有事於武宫之歲 本疏 也。 歲 蔡復之歲,歲在大梁,距 在 龍 禮 而 一,其 天門 東 吴伐 服曰 保章氏》 M 或 向 方宿, 也 之以 在 之,必 有 . **》**疏 戌 「歲 福, 或 是 兵則 天德 歲 受 吴 星 歲 星在 其 在 先 N<sub>o</sub> 之 越 [X] 龍 星紀,吴、越之分 用 貴 過 越分 吴、 此 兵, 神 故 度天門。 十九年。 中 越 故 賈 其 使 故 同 日 反 所 今 次, 受  $\frac{2}{Z}$ 在 年 得 昭 其 越 歲

當 行 梁 大梁」 歲 縮 M 矣。 星 人。」若然,吴、越 兵 歲 天 口 保 者 則 得 紀 文 歲 九年」者 星 故 章 次, 以 服 歳者 所 訓 是蔡復之 ,是吴亦 在 者 歲 其 知 氏 反受其殃」  $\frac{1}{Z}$ 居之次 析 京蔡 歷 + 舍 歲 星 注: 木, 若 歲 所 數 在 命 歲 復 由 年 同 歲 星 得 國 在 星 而 其 昭 星 年 在 得 傳 歲 星 之 在 紀 者 歲 所 其 + 爲 + 同 之 國 歲 云 矣。 星 所 紀,吴、越 , , 在 三年  $\dot{\equiv}$ 可 所 或 歲 在 在 必 次, 紀,吴、越之分」者 則 天官 星 歲 年 以 星 或 有 居 在 受 先舉兵者受 紀 歲 罰 福 則 蔡復之 紀 大 及大梁 不 福  $\overline{\mathcal{H}}$ 知 書 者 梁 人,特 之 距 在 可 也 者 是 穀 也。」云 **\***: 了, 正 伐 矣。「 分 此 大 豐昌 年 歲, 梁, + 蔡 歲 不 淮 今 義 歲 吴 可 九 歲 越 其 距 復 口 歲 以 先 在 星 南 티 : 歲 禍 是 得 伐 罰 此 楚 在 大 在 贏 用

數一 餘 年,合有一十八 兀 餘 上 千六百八十六歲。 知 剩 百 餘 去之歲 五. 歲 得 得 餘,以 十六爲次餘。 元 此 年 得 百 除之,得 几 行 千七百二 ·》「有 次 超 + 行 ,從上元至 + + 餘 故 辰 天 四 次, 百 四 次 在 八 九 事 年 九百 萬 四 加 劉 年 舉大數 周 此 百 于 行 次  $\equiv$ + 歆《三統 十八 爲 九 天 年者、《三統 武 得 裏 千 年。 九十 四,餘數 從 歲 十,以 按 宫之歲 五. 二十八年 除之, 襄 耳 星 置 百 一千一十四。 歲星年行一 六 白 此 歲 二十八年 此 几 爲 五. 之術 歲 數 其 滿 + 歲 積 得 十,以 公,言: 白 龍 有 實 -,積十 法 數, 曆》 Ŧi. 次, 積 四 以 度 超 又 次 數 終 以 + 爲 歲 以 天 至 辰 不 次,年 滿 成一次, 以 八十二, 歲 門 計 之 昭 Ŧi. 四 庚 歲 白 盡 此 服服 戌 昭 餘 + 星 萬 星 行 四 乘 年 千 + 歲 加 有 Ŧi. 百 + 歲 爲 有

門 首 首 故 次 氏 東 紀 上 在 則 爲 超 火 以 使 正 正 星 方 算 越 西 龍 從 見 · 而 也 川 Ħ 疏 今 紀 謂 辰 外 年 爲 餘 積 而 度 没 應 在 之龍 年 。」若然,天 天門。 矣。 計 還 不 次 天 次 于 在 鶉 次 : 没 + 得 越 門 當  $\overline{\ }$ 戌 火 Ŧi. 鶉 得 ^ 得 故  $\equiv$ 剩 也 歲歲 在 括 以 月 者 馮 百 火。 年 行 歲 昭 云 鶉 辰 地 千 相 四 天 服 + 在 星 日 門 火 爲 象 者 是 氏 + 龍 天 亦 體 以 大 Ŧi. 天 不 昭 + **>** 四 是 門 周 度 越 應 年 梁 在 此 在 門 疏 天 + 以 五. 天 在 也 次 没 周 鶉 年 戌 日 歲 不 + 五. 門 昭 故 0 也 戊 首 爲 在 者 七 足 由 年 Ŧi. 星 以 餘 + 龍 者 歲 於 度 + 年 歲 以 但 E 與 歲 七 Ŧi. 度 歲 戌 歲 星 當 龍 應 星 命 + 西 H 年 天 越 星 年 馮 本 度 北 在 在 至 在 跳 百 起 過 天 得 故 鶉 度 在 鶉 鶉 去 相 星 西 口 几

星 爲 訓 篇 氏》 方之 次 兵 歲 地 歲 今年 星 Z 或 漢 0 | 一爲 則 或或 ,蒼帝之長,有 星 星 神矣。」「 天之貴 歲 吴 引 **石**一天神之貴 得 陽 以 與 宿 [X] 相 馮 星 日 先 許 + 應 H 也 歲 天 太 相 在 右 舉 慎 同 0 \_ \_ 神 即 有 在 其 文 越 而 氏 陰 兵, 注 行 次 同 ^ 行 星 分 志 所在 於天。 爲 天 疏 云 之月,斗 歲 也 中 **\***: 紀 故 官 天 者 云 人君之象,是 是 0 之 太 也 [X] 之國,兵 ^ 故 德 莫 書 《天官 太 相 歲 開 此 陰 太 之 日 歲 貴 者 太 星 元 説 謂 所 得 注 歲 貴 龍 與 於 歲 占 也 太 建 歲 與 . 爲 神 必 歲 青 在 東 東 經 歲 之辰 星 賈 陰, 昌,向 歲 者 星 龍 地 方木, 者,《 爲 方 占》: 吴、 説 謂 相 左 宿 天 歲 引 或 與 也 **^** 同 應 太 保 越 之 德 星 行 天 天 鄭 是 也 君 歲 是 文 於 歲 東 同 天

吴,牽牛主越。此年歲星在牽牛,故吴伐説也。正義引鄭氏云「天文分野,斗主

蔡墨。」《魯世家》注。 服曰:「史墨,晉史

之凶」,是也。

案: 晉史,晉太史也。

「東門遂,襄仲也。居東門,故稱東門遂。」魯文公薨,而東門遂殺適立庶。 服曰:

同上。

928

## 春 秋 左 氏 傳賈服注輯述卷十九

嘉興 李 胎 德

爲

名

IE

義

引

馬

融

日

:

肅

爽,

雁

也。

其

物。

冰

紈

即

霜

紈

也

言

此

馬

色

似

之,

故

以

書

.

地

理

志》曰:

織

作

冰

紈

綺

繡

純

麗

霜

納」者,《

説

文》:

紈

素

也

漢

霜

賈

逵云

\_

色

如

霜

紈」。 」 是賈

本

作

定 公

年 經 春 王 正 月 公 如 岩台 至 河 乃 復。

賈 緩 日 朝 : 公即 刺 經 緩 位 書「至河乃復」, 朝 己二 見 辭,失所 年 至 此 不 必 始 諱 晉 朝 罪 人辭 晉 己。 己。 故 以 本 故 爲 疏

矣。 人晉。 宜諱 之而不 朝晉 而 諱 來, 者 1,所以 丽 不能 罪 人,是失 也 所

傳 唐 成公如楚,有 兩 肅 霜 馬 賈 日 色

如 霜 紈 疏

今本 作 爽 正 義 日 ... 爽 或 作

> 説 羽 也。」云 林 如 練 二羽 墨子見練 高 如 首 練」,則 而 修 絲 頸, 馬 而 馬 泣 本 似之。」《淮南 亦作「霜 之」注:

「 練

白

也

四 年 傳 嘖 有 煩 言 賈 日 噴, 至 也。

本 疏

與 名》「 案 作 亦 有 :"噴 以 賾 深之義也。」按:《易釋文》云「『賾」,京 : 同 嘖 見天下之蹟」,謂 説 然而 文》: 正 義 不 「噴, 日 類 注:  $\overline{\wedge}$ 大呼 見其至深之處。 • 也 嘖 繋解 )° \_ ≪ 争言 荀 》云『聖人 子 也 賾 嘖 正

君 行 師從, 卿 行 旅從 服 日 : 謂 會 同

詩 苗

時 諸 兼 政 事 會 周 故 侯命 及 會 禮 殷 服 是周 卿 以 有 見 ·大宗伯》以賓 以 政 行 發 旅 E 之正 爲 者, 從 四方之禁, 同 一言嘉 同。《大行人》「掌大賓之禮。 之 二注謂 春 禮「會」「 制 秋 好之事 時 合諸 卿 殷 同 禮 故 亦 侯 同 親 皆 有 命 云 以 邦 君 與 事 或 一謂 施 自 會、 爲 天下 行 時 會 會 同 同 見 一, 合 之 之 此 日

將 上 一。」《管蔡世 長 蔡 於 衛 家》注 服 日 : 載 書 使 蔡 在 衛

管蔡 書。」 案 爲 載, 長 世 次 此 盟 周 書 家》云: 辭 禮 今晉 當 也。 • 書 司 將 盟 盟 蔡 加 盟 者之名, 者 蔡 侯 **>** 書 於衛之上、《史記 私 掌 其 於周萇宏, 盟 辭 名以 載 於 之 策 或 灋 之 謂 大 之載 以 注 求 小

長

於衛。」

分康

叔

以

大路、

少

帛、綪

茂、旃

旌、

大

蔡 叔 康 叔 之兄 也 賈 蔡 叔 周 公

兄。

本

疏

洪爲 《僖 案 叔 康 傳言蔡叔爲 國,蔡在 朕其 書 叔 亦 以  $\wedge$ 當 既 代,言周 史記 (弟,小 + 蔡 康誥》「乃洪 稱 爲 叔 魯上,則蔡 四 蔡 周 爲 年 公弟 康叔兄, 子封 叔 管蔡 公代 周 爲 **>** 傳 公之弟 兄矣。 明明 是是 : 世 成 大誥治」 叔 一家》敘 蔡 王 富 而注云「周公兄」者 爲 康 叔 誥 辰言文之 周 叔 爲 此 武 公兄明矣。 爲 疏云「鄭玄以 周公之兄,康 當 王 而 周 别 同 稱 公弟 有 昭十六 母 康 所 弟 叔 也 本。 此

備 備 也。」本 物 典 策。 疏 服 日 -: 備物, 國之 職物 之

案 傘 扇 正 之屬 義 曰 備 : 賜 當 魯 謂 也 或 君 威儀之物,若今

930

吕 綪 賈 茷 日 名。」《衛世 大 赤 大 也 路 通 金 帛 路 爲 也 旃 少 析 帛 羽 爲 雜 帛 也

此 側 路 其 謂 路 草 也 記 É 綪 金 雜 · 名 爲 畫 少 王 一,故《 路 帛 以 斾 云「大路 或 帛 白 子 也 雜 金 服 爲 金 ,建大旂 央 作 記 殷 路 猶 爲 13: 左 物 飾 央」, 》 注 則 也 如 弟 雜 之正 傳 諸 蒨 杜 帛矣。 E 率 引 **>** 注 末 金 公, 彼 以 本 日 以 傳 色。」 少 路 賓 亦 「蒨 疏 杜 功 無 帛 若 作 作 雜 锡 者 以 德 乙 日 魯 夜 口 綪 蒨 雜 帛 「,《周 出 下 有 姓 旃 茷 蒨 綪 茷 斾 帛 衛 者 有 封 鉤 以 旌 茷 之屬 者 與 大赤 禮 旃 封 以 斾 詩 , , 雖 爲 同 . 帛 爾 按 赤 巾 司 爲 姓 通帛 注 六月》 古 者 素 故 雅 常 侯 以 車 今 取 飾 此 知 \* > 伯 封 字 禮 云 染 則 其 大 則

草 鐘 即 旐 染 名 林 吕 彼 帛 也 尾 皆 色 日 注 0 焉 鐘 是旃 文 爲 赤 是 .  $\stackrel{\cdot}{=}$ 絳 名 旃 旄 無 作 旂 茹 皆 旃 蒨 夜 也 言 飾 於 名」者 也 知 身 藘 綪 可 即 以 Ŧ 析 旂 旜 ),於績 綪 染 是 斾 茅 律 斾 析 其 身, 首 羽 夜 赤 也 大 蒐 羽 名 爲 是 聲 正 注 是 員 也 茷 名 郭 Ŧi. 旂 赤 旌 故 義 大 與 0 ^ 之下 其 采 鐘 綪 尾 日 爾 赤 ^ 注 此 通 正 繫 文, 0 並 得 説 雅 -: 帛 尾 更言 律 義 之 即 知 ^ 或 「今之 文》 故 周 謂 司 猶 於 今之 此 日 相 作 具 常 鑄 用 . 旃 旌 大 大 應 繼 言 「然 赤, 赤 蒨 吕 者 之 文, 紅 蒨 無 旐 綪 耳 射 夜 上 旗 也 故 從 則 姑 則 言 所 赤 洗 魯 大 周 旃 通 斾 IE 可 身 赤 謂 通 繒 以 律 鑄 TF.

《康誥》。服曰:「誥敕王,如《尚書》諸

語,是也。」《漢書·武帝紀》注。

悲 間 王 杜 室 云 周 賈 公攝 : 政 惎 毒 管 叔 0 間,亂 蔡 叔 開 0 道 本 疏 紂

子禄父以毒亂王室」。《説文》:「惎、毒等。村之一居么抗政。管抗。麥朮厚近紅

也。」引《周書》云「來就惎惎」。

九十。 賈曰:「無爲亂始。」《御覽》三百無始亂。 賈曰:「無爲亂始。」《御覽》三百

文》引 芈 楚 許 子 云「畀我,季芈之字」。 取 嫁 其 而 妹 字 季 \* 押, 畀 畀我 我 季 芈 以 出 弟 也 10 服 本 疏 日 : 季

釋 鐘 季 子 鍾 字」當 謂 建 親 建 則 女子 耳 其 釋 一云 作 文》引 字 正 先生爲 男 也 義 弟 子 畀 日 服 不 先 我 : 云 姊,後 生 得 季 蓋 季 芈 爲 更 畀 遭 兄, 芈 已 字 我 生 弟 亂 許 畀 後 爲 季 夫 嫁 我。 者 华 妹。」然 生 死 , , 爲 何 之字」, 弟 爾 以 而 釋 則 改 雅 又 稱 適 男 男 適

> 驚 也 王 却 使 其 稱 娣 其 象, 百 女 執燧象以 者 爲 衆 事 何 象 姊妹 使王 ? 獸 夫 也 若 弟 奔 則 得 吴 也 後 女稱! 脱 以 改故 師 生 火 爲 本 其 女亦 繋 疏 娣。 未嫁 其 賈 可 尾, ^ 日 也 爲 公羊 使 則 兄 奔 稱 燧 弟 傳 弟 吴 火火燧 矣 日 師 至

火者。 直 以 案 所 八尺 越 可 經音義》十引《世 象 出出 養, 大 燧 鑽 爲 王 燧 身倍 是 名也。」《 獸 木 其所 爲 灓 夷 《説 取 火 熢 ,篆文省 人服 火,故 數 也 正 燧 食物 文》 牛 義 心。」是 禮》有「金燧 乘之。』《 ^ 皆 日 作 日 説 而 本》:「 鼻 燧 變 0 文 目  $\sim$ 變」,云「 取之。 又省作  $\leq$ 則 南 史記 : 然則 史記 如 造 州 」、「木燧」, 象, 豕 異 性 火者燧 賈云「火燧 塞 燧」。 長 物 周 馴 上 其 大 牙 志 本 良,爲 亭 鼻 宛 人,因 鼻 紀 **>** 守 長 以  $\overline{Z}$ 9 其 切 逢 南

夏

郡

竟陵

自

注

鄖

鄉

楚鄖

公邑」,

是

鄖

辛

則

鄖

爲

楚

縣

矣。

<u></u>

釋

例

土

地

名》云

鄖

江

夏

雲杜

縣

^

漢

書

.

地

理

志

 $\approx$ 

江

0

公,

如

申

公、

葉

公、

蔡公者

也

下

云

鄖

公

以

爲

縣

是

楚

名

邑

都

爲

縣

其

縣

宰

皆

稱

以 戦。」 知 以 蓋 火 繫 象 陵 在 竟 有 陵,非 鄖 鄉 雲杜 注  $\sim$ 左傳》 續 漢 書 桓 0 + 郡 或

竟

單 乃 收 城 年 志  $\cong$ 鄖

軍 蒲 騷』「下文云「王之奔 隨 也 將 涉 於 成

臼 涉之,則鄖 杜 云江 夏竟 陵縣 有臼 水 自 鄖 奔

隨 鄖」本作「邓 」,應劭 在 竟 陵 注《地 明 矣。 理志》「雲杜 若「雲杜」之

云「今 邓亭」是 也

平 王殺吾父。 服 日 0 「父,曼成 然。」《 楚 世

家 洋 案:殺成 然在

王

奔

鄖

服

日

鄖

· 楚縣。」《吴世

「家》注

火

繫

象

尾

口

知

當

祖

其

燧

象遺

法

彼彼

束

葦

於

牛

尾

則

此

以

燕

軍

燕

軍

夜

大驚

0

按

田

單

去

楚

昭

不

遠

端

整

城

數

+

穴

夜

縦

牛

4

尾

熱

怒

而

奔

束

兵

刃

於

其

角

9

而

灌

脂

束

葦

於

尾

燒

其

中

,得千餘牛,爲

絳

繒

衣

書

以

五.

采

龍

象

尾者、史記

田

單

傳

**※**: 「田

口

調

馴

楚

近

南

邊

故

有

此

身

毒

國,其民皆

乘象

楚縣

+ =

年

傳

夷

於

九

縣

言

滅

九

或

案:

^

宣

十一一

年

**>** 

傳「

因

縣

陳

言

以

陳

爲

以 王 奔 隨 服 日 . 隨 楚 與 國也。」《吴世

昭十四

年

家 注

案 曰 故 漢 : 或 書  $\wedge$ 世有 以 桓 • 隨 六 地 盟誓, 云 之 理 年 辟 志 楚  $\approx$ 至於今未改。」是 小 與 ·, 而 南 或 漢 陽 密 者,下 郡 東 邇 之 隨 於 或, 文 班 楚, 隨 隨 氏 隨 楚 人 自 爲 爲 實 辭 大。 注 楚 存 吴 云

述卷十.

四

四

Ti.

楚,爲 伐 侯、許 私 监 與 隨 於 屬 或 列 也 男量 楚 不 自 故 私 爾 序 史 屬 蔡。」正 哀 以 於 不得 元 來 宋 年 隨 盟 通 義 書 <u>.</u> 不 於諸 也。 經 日 之, 復 : : 見, 侯 猶 僖 是 楚子 行征 如 隨 以 邾 爲 隨 + 伐 陳 楚 世 滕 盟 年 侯、 與 服 楚 會 爲 隨 或 不 於

孫包胥。」《楚世家》注。 服曰:「楚大夫王

於 氏 家 蘇 者 孫 胥使於越 王 也 傳 孫 或 吴師 蚡 熊 稱 包 策 冒之後 眴 越越 道 申 云 7 楚 「梦冒 既 王 包胥 策 是 句 爲 命 爲 踐 王 即 孤 稱 奶 孫。」《 蚡 問 矣。」 而 焉。」 冒 冒 服 包 胥 亦 云三王 吴 包胥 ^ 又 曰: 稱 史記 語 爲 包胥 以 孫 棼 棼 . 包胥 冒 爲 吾 冒 申 楚 王 問 勃 爲 世 句

> Ŧi. 年 傳 使 楚 人 先 與 吴 人 戰 而 自 稷 會 之。

賈曰:「稷,楚地也。」同上。

案:顧氏棟高曰:「當在河南南陽府桐栢

縣境。」

六年 曰 傳 舒 君將 鼎 鼎 以 名。 文之舒 昭 兆 鼎,成之昭 寶 龜 。」本 兆 疏 賈

案 義 新 注 質言之,則 兆 龜 釋文》云「兆亦作『쌁』」,❶是 引 寶 W 坼也」。 Ĭ Œ 應 : 龜」者,「兆」、《説 義 神 劭 成 掛 日 《周 公新 龜 : . 靈 亦 禮 兆 蓋 龜 得 爲 • 太卜》「掌三兆 衛文 此 日 注 兆 兆 龜 亦 公鑄 文》作「쌁 ^ 以 漢 蓋 文選 龜 書 以 此 爲 灼 兆 鼎 兆 . 之出 文帝 是 」,云「灼 也 劇秦 矣。 龜 之灋 兆 紀 坼 美 Œ 昭

兆文分明,故名爲『昭兆』。」

此 西 定公之六年吴入郢 楚,取鄱。 城 南 縣 爲 · 故《左傳》曰「 鄢 所謂 顧氏棟 九 + 郢 。」《史記》:「昭 里有 楚恐,北去徙都都。」實當 鄢郢 高 日 故 也 : 都 「今爲 城 後之二年矣, 遷郢於都」。 以江 湖廣 陵 王十二年 爲 襄 紀郢 陽府 因 也 一今縣 仍 春 吴 故 之宜 謂 伐 秋 謂

七年經九月,大雩。 賈曰:「旱也。」本疏。

巫》曰「 龍 <u>.</u> 文經書「大雩」,此 云「旱甚也」,則此兩雩亦是旱甚,傳不 見 年》「上辛大雩」、「季辛又雩」同,彼 而 一若國 有 常雩, 是 大旱 也 ·, 則 有 早 早雩」者 復 帥 零。 巫 「大雩」,與《昭 而 常 舞 · • 雩者 雩」 周 禮 是 傳 . 也 可 稱

本

疏。

發傳。若是常雩,一秋不得有兩雩之理,言者,以文見於彼,可據彼以明此,故不

杜云「過也」,恐非經意。

傳齊人歸鄆、陽關。 服曰:「陽關,魯

邑。」《魯世家》注。

案 季 師 自 孫斯 至是 昭 陽關 公時 仲 齊 逆 孫 人 臧 齊 忌 歸 孫 人 帥 於 取 師 杜 魯。《 韋 鄆 注:「在 鄆 以 襄 居公,前 則 + 泰 是 七 Ш 叛 年 鉅 年 歸 **>** 平 傳 經 齊

縣東。」

八 賈 年經二月,公侵 : 還 至 不 月, 齊。 爲 三月,公至自 曹伯 卒月。」《公羊 侵 齊。

自齊。《僖六年》:「冬、公至自伐鄭。」二公至自唐。」又《莊二十四年》:「秋、公至案:「還至不月」者、《桓二年》經書:「冬、

爲

昭

其

次

爲

穆』。

以

此言

之,從

文

公至

惠公七世,惠

公爲

昭

隱

公爲

穆

桓

公爲

穆。

從 祀先公。 適 非 焉 月,公至。 萊。」八年:「春,公至自 晉。」《昭二十七年》:「春,公如齊,公至 公至自伐 自齊。」其《桓十六年》經書:「秋,七月 僖十七年》「九月,公至自 夏、公至 夏,公至 八旦諱 九 是 在 文「曹伯 一則還一 其前 年 之也。」是或 ,故月之,實爲曹伯卒月也 鄭。」傳曰:「以 自 自 春 書 至 露卒」當書月,而「公至自 服 日 至 至 會。」十三年:「春,公至 齊。」七年 ,公至自 不 曰:「自 書月者多。 自會』,猶 行禮 韋 躋僖公以來,昭穆 : 「會。」《 許 飲至之禮也。」 秋,公 或 會」,傳曰「九 今書月者 有諸侯 飾 襄 宣 諱 五. 十年》: 至 書 年 自 之事 爲 月 自 伐

目 傳 皆逆。 昭,莊 伐耳。 躋 伐。」言 也。 仲舒説 在閔上謂 上,不順 我 元 僖公爲昭,閔 無 弟 非 ○ 日 許君 勇,吾 公爲 其 無 服 志 覽 爲 誠 相 逆祀; 是 之爲 謹 目,非  $\approx$ 穆; 詐 後 同《國 志 案: 小 尊 之道 其 惡 昭 以 閔 小惡也、《左氏》説爲大惡 公爲穆,自此 師得之 同《左氏》説。 其實,然 目 非 自 也」。 公爲 語》之説。●《公羊》董 ~, 矜。』 也 昭 昭 穆 如 僖 無 儀 僖 也 鄭 不 矜 公主 服 禮 過僞 此 日 公爲 以下,昭

案: 疏云: 僖 公逆 按《外傳》云『躋僖公,弗綦 祀 在 文二年、《禮 記 禮 明

皆

逆。」《禮記

禮

器

》疏

注

辭

以

自

大

射

儀

疏

:

志

中

其

0 是」,經解本作「自」。

下, 正

以

僖

於

関

公

主

鄭駁

之云

走而卻退。」本疏。

\*: 生云「文郛人」、女貴爰市 - 行立

杜 正 云 義 攻 日 郛 今杜 人 少 必 故 異 遣 於 後 賈 師 以 走 往 爲 助

師奔走往助之者,若以賈言,魯師奔走,之」。正義曰:「今杜必異於賈,以爲後

尚

羔

本

疏

則 是 被 敗 而 還 , 下 傳 陽 虎 何 得 云 猛 在

此,必敗」? 明其於時不敗,故猛得逐廩

丘 奔 敗 之 人,是 如 杜 賈言 所 云, 非 傳 也 0 當 按 云 . 使 師 後 中 師 奔 助 皆 是

攻」,不當云「師奔」也。云「師奔」,明是

魯師奔走而卻退也。至下文云「猛在此,

傳 必 云 敗 陽 Ē 虎 是 僞 陽 虎 不 見 見 師 冉 E 猛 奔 者 詭 辭 若 自 遣 解 師 故 助

之,則猛因虎激,反逐廩丘人,當有繼者,

何傳云「猛逐之,顧而無繼」? 明師盡先

奔 反 謂 故 賈 反 爲 顧 非 而 失之。 後 無 繼 恭冕謹 者 也 案 傳 賈 氏但言奔 文 甚 明 走 孔 卻

退,此釋經「師奔」之文,未嘗言「敗」,正義殊不瞭

命 魯 廢 其 執 於 禮 皮 是 三命 帛 始 尚 卿 羔 之  $\equiv$ 卿 命 皆 執 賈 羔 執 日 皮帛 大 夫 周 至 再 禮 是 命 公之 乃 執 始 雁 復 孤 禮 魯 几

宗伯 羔 賈 敘 之 其 命 孤 案 日 大宗伯》文, 以示 舉《 大 數 卿 執 卿、大夫、士 孤 几 三命,其 而 皮 公之 周 周 文, 夫 例 命 帛 不 禮 禮 再 言 詳 故 而 孤 命 卿 • 而 所 日 不 而 大宗 孤 以 大 四 執 亦 以 約 執 復 四 雁 命 夫 典 如之。」《 羔, 其 述 命 以以 伯 皮 以 再 命 文,故 不 以 大 命 **>** 帛 羔 日 皮 其 必 必 皮 其 夫 」,其下 帛 : 煩 雁 周 帛 孤 復 執 兼言 執 禮 士 眂 以 言 雁 則 摰 皮 小 而 禽 者 **>** 其 敘 於《 卿 己 帛 命 或 自 作 ^ 卿 命 所 典 見《 典 見 之 六 與 大 侯 命 亦 以 命 君 命 摰 大 夫 伯 摯 以 見 舉

之尊 之下 言 乎 步 杜 子 之 魯 賈 優 佩 子 執 用 卿 也 中 君 皆 爲 改 云 摰 廢 ? 直 八 何 執 璵 大 佾 之, 必 也。 執 其 璠 玉 以 羔 孔 不 至 行 未 祭宗 紋斂 禮 及 廢 雁 大 計 氏 夫 獨 明《 於羔尊 敢 文 見 卿 杜 駁 子 是 於 命 執 夫 按 僭 用 范 羔 典 廟 云 之 高 命之 執 所 雁 且 大 侈 璵 獻 之 命》之文 日 或 下 執 雁 五. 以 雁 璠 昭 禮 魯 子 於 年 卿 之 贵 卿 之 降 公之 則 執 妄 並  $\sim$ 是 事 皆 摰 爲 卿 而 傳 而 羔 同 以 禮 稱 周 始 事 今, 妄 反 執 執 尚 用 君 出 之。 爵 禮 禮 有 復 僭 仲 行 大 守 趙 皮 皮 就 加 斷 明 乎 禮 禮 季 帛 帛 梁 夫 典 事 簡 今始 大夫 駁 ? 文 禮 孫 之 禮 佩 而 者 不 懷 子 以 則 斥 記 行 用 摰 君 日 依 贵 孔 以 其 知 眂 而 中 以 耳 君 羔 玉 命 有 氏 執 平 其 相 自 捎 行 小 數 改 秉 羔 卑 尚 形 簡 或 時 舞 此 文 知

> 羔,今日 故 乎 或 ? 之 日 政 始 見 且 尚 大 尚 未 羔 或 者 諳 之 典 也 卿 故 也 皆 至 諳 惟 此 禮 始 始 制 貴 知 大 羔 皮 亦 帛 之 遵 尊 而 循 貴 賤

九年傳載葱靈,寢於其中。 賈曰:「蔥靈,

衣

車

也

有

蔥

有

靈

0

本

疏

輜 案 有 軿 日 車 前 又 輜 : 日 邸 軿 有 屏 衣 車 立 : 是 也 也 衣 説 無 車 載 輜 蔽 軿 文》 邸 宋 無 輜 車 輜 之 軿 書 軿 輜 無 後 重 軿 别 析 軿 • 後 爲 卧 非 輜 之 禮 言 也 渾 轅 輜 息 敢受命 形 之, 志 言 輜 其 同 其 > 之 軿 則 列 引《字 中 釋 有 則 女 ~ 有 之 有 名 衣 後 同 傳 前 邸 車 車 釋 林 轅 衣 釋 也 日 也 名》: 故 **>** 者 輜 日 車 後 齊 説 軿 軿 > 謂 衣 孟 無 日 文》 車 及 之 軿 軿 姬 邸 車

引《通 逃,僞 子 天 靈 車 衣 卧 邑 東 三五二八時,千 文》云「櫺、楯 車 云 囱。 四 台 , 囱之古文。《説文》:「在屋 王 也。」●是蔥閒 兩 車所以名蔥 息 面 几 Ш 略 願言 旁 孔 有 託 俗文》云「疏 爲 面 如孔言 鮑照《 女子 賦》「彤雲斐 蔽 氏 開 爲 屏 婦 懷 兼 謂 蔥。 婦 蔽 人, 舟 元 言鯔 載 里 人也。 間 是「靈」 與 月 所 靈也。 衣 婦 兩 車 子 詩 君 施 正義 車 乘 車 旁開 人 同 也 靡 也。 櫺 門 所 亹 從。」是 説。 云「有蔥 故 蛾 陶 蔥, 从 然則 日 即 蔥 乘 故 漢 LI 眉 陽 潛 櫺 「櫺」之古文、《説 翼 蔥 古音「 書 蔽 詩 六朝 虎 珠 輜 蔥 櫺 • 切經音義 軿 艸, 櫳 寢 中 靈矣。 有 軿 有 霍 人 車 ^ 注: 文選 竪木 於 靈」者 玉 囱」讀 猶 酒 息聲。 日 載 光 直 有 鉤 讀 囱。 其 傳 衣 衣 隔 酒 前 謂 中 窗 囱 物 瑣 靈 閒 蔽 若 此 間 之 昌 游 囱 蔥 明 几 而 口 飲

虚 傳》「未 又 如 京, 疎 通 今 達 窗 較」,《 命 開 車 爲 通 也。 文 1: 是 選 車 李 也 尤《 不 四 得 + 小 有 八 車 飛 注 銘 軨 引 斡 尚 鄭

之赚

注

書

大

《詩·七月》疏。 服曰:「貍製,貍裘也。」

矣,故 案正 黄 月令》: 五. 貍 在 正之秋。 十七 製 衣 緎 『秋』上,製 狐 疏 謂 以 義 年 裘 B 製 著 孟 日 ·》傳 及 未 : 爲 貍 : 貍裘,象 寒而 冬,天子 亦 言『 若  $\overline{\sim}$ 裘 皮 裘 説文》云『 兵 也 也 陳 衣 也。 事 成 裘 衣 始 ^ 裁 者,正 子 既 色故 詩 然則在軍之服,或 裘 皮著 衣 用 0 . 製, 製,杖戈』,文 韎 也 羔 伐 義 之, 裁 韋 羊 夷 日 也」。 明 · · · 儀 禮 衣 是 素 是 記 則 哀 周 裘 用 絲 衣

● 「窗」上,經解本有「檽」字。

臨時所需,不可以寒暑常節約之。」

免。」 爲 齊 侯 有 謂 ,故齊得優其爲役也。」本 服 夷 日 : 儀 人 Ħ 是 時 齊 得 克 敝 夷 無 儀 存者,以 而 有之。 Ŧi. 既 家

役 注: 故 印 役 得之,則以五家給所得者,令常不共 齊得 》「維 事 ,猶今世 于。二云「 「復,謂除其賦役也。」正義 「免」,即「復除」,《後漢・光武 以此 其 優 齊 云優免矣」。 令之。 矣」箋 得 優 云 其 爲役」者。《 優,寬 夷 儀 也 時 曰:「一人 爲 詩 寬 齊有 其 國 紀》 爲 家 瞻

+年經齊人來歸鄆、讙、龜陰田。 服曰:

 $\mathbb{H}$ 三田 不得 其 汶 陽 Ш 也 田 。」《孔子世家》注 也 龜 Ш 名 陰之田 一,得 其

傳夏、公會 東 海 祝 其 縣 齊侯 是 也。」《齊世家》注。 於祝 其,實 夾谷 地二名。」 服 日 :

《水經·淮水》注

即 二名,故服 氏』之比是 夷,實城父』,『齊侯、衞 書所改之名,則傳以『實』明之。 志》文也。云「地二名」者、《釋例》云「 一云「東海 祝其,故 云然。 也。 曰「會 祝其縣」,本《 于 此 祝其,實 經 云 侯 夾 次 谷, 于垂葭 漢 夾谷」, 書• 傳 『許遷 以 明 夾 地 實 地 郥 經 理

三百乘從我者,有如此盟。」 賈曰:「不齊人加於載書曰:「齊師出竟,而不以甲

辭如此,經故諱而不書。案:以三百乘從齊師,則受齊役也。盟

盟

,諱以三百乘從

齊

師。」本疏

象 且 也 犧 饗 象 ○」≪詩 禮 不 出 鼓鐘 門,嘉 犧尊 一》疏 樂不 象 尊 野 也。」嘉樂,鐘鼓之 合。 服 日 犧

案:《饗禮》今亡。上云「齊侯享之」,而

車

書

禮 用 相 此 位》曰: 兩 見 云 • 之禮 象 司 **犧象」,則享禮有犧** 尊 尊」注:「『 「犧象,周尊也。」《詩·鼓鐘》「鼓 彝 享 在 其朝 廟 獻 故 踐 讀 得 用 備 爲 兩 尊、象尊。 「、、」。」《 犧 獻 尊 象 也 其 明 諸 再 ^ 堂 侯 獻 周

鐘將將,淮水湯湯」箋云:「嘉樂不野合,

犧 象不出門。今乃於淮水之上作先王之

樂,失 禮 尤甚。」是 鄭 以 鼓 鐘 爲 嘉樂 也。

服 上,是 與之同 以 鼓 《詩》云「鼓鐘」,傳謂 爲擊,而服兼 言鐘 鼓 一鼓 者 其 歸 淫

雎》「鐘鼓樂之」傳云「德盛者,宜有鐘 鼓

之樂」,是嘉樂鐘鼓備也

十二年傳 仲 由爲季 氏宰,將墮 三都。 服

之邑也。」《孔子世家》注

日

一仲

由,子路。」《魯世家》注

「三都,三家

卞人也。」 (史記 • 弟子列傳》:「仲由,字子路,

> 公與三子人于季氏之宫。 季孫、孟孫、叔 孫 也。」《孔子世家 服曰 》注

解 案:《論語 **影**引孔 日 》:「公曰:『告夫三子。』《 謂 卿 也, 是季、孟、叔,時

稱

入及公側。 服 曰:「人有人及公之臺

側。」同上。

案:「人」,即上文「費人」也。 時公登武

仲尼命申 句須、樂碩 子之臺,故曰「人及公之臺側 句須、樂頎下伐之。 ,魯大夫。」同上。 服 日 中

公斂處父。 服曰 : 「成宰也。」同上

案:《禮記 「宰,治邑吏 • 禮 也。」時公斂處父治成邑,故 器》「子路爲 季氏宰」注

曰「成宰」。

十三年傳|歸我衞貢五百家,吾舍諸晉陽。

服 百 家 日 鞅 往 置 之邯 年 趙 鄲 鞅 韋 又欲 衞 更徙 衞 人 於晉 恐懼 陽 故故 ~。」《趙 貢 Ŧi. 世

案:《十年》傳:「趙鞅圍衞、報夷儀也。」

家

》注

衞貢當在此時。晉陽,趙鞅邑。

歸告其父兄。 服曰:「午之諸父兄及邯

鄲中長老。」同上。

稱 案 語》「讓父兄也」注:「父兄,長老也。」《方 宿」注:「父兄,諸父諸兄。」是 《儀禮 父兄。云「邯 · ± 冠禮》「若孤子,則 鄲中長老」者,《國 諸 語語 父兄 父 兄 • 台 亦 戒

同

上。

老。」是長老亦得稱父兄也。服故兼言》六:「凡尊老,南楚謂之父,或謂之父

言之。

趙稷、涉賓以邯鄲叛。 服曰:「稷,午

子。」同上。

案: 趙午,即邯鄲午,世封邯鄲,故稱「邯

鄲」,其氏則趙也。

范臯夷無寵於范吉射。 服曰:「范氏之

側室子。」同上

案:《桓二年》傳:「卿置側室。」《文十二

年》傳:「趙有側室曰穿。」、言穿爲側室

子也。

梁嬰父嬖于知文子。 賈曰:「梁嬰父,

大夫也。」同上。

今三臣始禍。 賈曰:「范、中行、趙

韓、魏以趙氏爲請。 服曰:「以其罪

輕

於

荀、

范

也

0

同

上。

+四年經於越敗吴于檇李。 賈曰:「檇

李,越地。」《吴世家》注。

案:《吴越春秋》云「吴王夫差增越封西

至於

醉

李」,

似

敗

吴

時

尚

爲

吴

地

杜

氏

《通典》云:「吴國南百四十里與越分境,

也。」

傳 吴伐 地 地 爲 ,故賈云然。 吴、 越, 嘉 越 越 興 分 子 府 禦 界 治 之 吴 處 南 於 越 也 七 春 檇 里 0 李。」 秋》所言 地 則 名 檇 故 李 或 賈 當 亦 界 云 有 謂 越 相 越

傳使死士。 賈曰:「死士,死罪人也。」

内之地

名檇李者

1,亦以

、 畀越

也。

同上。

爲 衞 本 : 疏 夫 侯 爲 南 南 子 夫 ,宋女。」《衞 子 人南 召 宋 子 朝, 召 宋 世 故 家 朝, 與 注 宋 會 服 于 公 會 日 洮 于 洮 衞 侯

也。 不 日 南 書者,以召宋朝 宋會洮 此 子是宋姓,故知南 子 傳 召 爲 「會 宋 野 衞 朝 于 人 侯以 之 洮 召 歌 在 是 宋公在洮 張 還 遠 私 本 是 年 事 子爲宋女也。 ·, 非 故 上文『會 故 追 不告。 亦往 今始 言 召 衞 一會之。 于 IE. 爲 洮 時 夫 義 欲

> 以 也。 會 説 而 則 子 而 于洮」,若不定爲 日 K 會于洮」,『會』上 初 會于洮 「會于 以 言 洮 他 被 召 召 于 過 齊、 一孔氏 譏 時 以 或 洮 宋 宋 宋、衞 何 别之。 野 則 獻 也 朝 洮 宋 須 規 地 當 在 時 已 明 會 與宋 之事 服 乎? 宋朝 太子 是 如 遠 則 洮 隔 若 如 從 上 傳 此 年 爲 0 宋、衞 衞 是,今 是 謂 蒯 屬 例 語 無 服 無 會,方始 若 宋 欲 則 太 瞶 故 兩 云「會 不 或 謂 子 云「召宋朝」,明是 説 之公子, 衞 其 君 則 獻 知不然者,以「 達 名, 追言 又本之云『齊、 過 就 盟 上 盂 此 于 三字爲贅。 宋 往 知 召 會 于 當 洮 衞 勢,愚之 野 獻 與 之? 之時 齊, 如 」之月,云 爲 盂 何 因 傳 侯 過 夫 或 直 例 欲 因 宋 忽 甚 會 南 雜 書 野 召 加

●「分」,原作「公」,今據《經解》本改

謂 臣。」《衞世家》注。 戲 孔 故 故,可見名在屬籍,不輕於往來也。 傳於各國公子或往仕,或 公子而謂衞 齊、宋會洮之時 陽速可。 云「朝是宋之公子,衞 傳不必再書國名, 侯欲召則召,於理 衞 賈 曰:「戲陽速,太子家 侯 而 所 其 侯 往 欲 事 會者,宋公矣。 來 自 召 奔,皆 一尤未順也 見也。 則 召」,按 宋之 書其 至

徒戲 「速」、《史記 陽遫謀」,云「徒」,是太子家臣 》作 邀」,云 蒯 瞶 也 與 其

十五 救宋、蓋恤 年 經 齊侯、衛侯 鄰也。」《公羊》本 次 于渠蒢。 疏 賈 曰

欲

案:傳云「謀救宋也」,以 寇,作於内,爲 角禮 恤,憂 也。 大宗伯》「以 鄰 亂。 或 相 憂。 恤 禮 鄭 兵 哀 作於外,爲 寇 亂 注: 宋故 •

## 春 秋 左 氏 傳 賈 服 注 輯述卷

逕

新

蔡

縣

故

城

南

~

地

理

志

》「定陵」

注

高

Ш

汝

出

東

南

至

嘉興 李 胎 德

哀 公

元 年 徙 侯 或 經 江 地 使 傳 此 或 理 也 楚 使 0 志 嬴 淮 故 地 進 昭 影汝 疆 水 江 水 姓 疆 理 十三 于 或 矣。 經 於 志 : 南 江 故  $\leq$ 文 年 郡 又 今其 汝 江 新 汝 安陽」 東 四 蔡侯 水》注 或 之 年 逕 地 龃 閒 安 楚 注 汝 廬 注 有 而 陽 人 水 歸 江 引 還 之 縣 所 於蔡, 亭。」 汝水又 應 蔡 閒 故 滅 劭 平 0 城 日 侯 是 漢 服 本 0 東 南 自 爲 書 疏 日 南 蔡 水 平 故 江 :

> 或 江 失 水 之 或 故 在 界, 末。 都 安 陽 故下文云「蔡 逼 時 爲 汝 蔡賂 水 尾 淮 故 水 楚 之旁, 地, 日 於是 江 使 蔡 之進 汝 乎 新 徙 之 請 蔡入淮 新 疆 間 遷 蔡 蓋 於吴」, 屬 蔡 過 既 江 汝

吴 地。」《吴世 王 夫 差 家 敗 注 越 于 夫 椒 賈 日 : 夫椒 越

言

又

由

新

蔡

而

退

徙

州

來

也

案 賦 爲 此 椒 太 即 句 湖 越 Ш 西 Ш 踐 是 杜 地 指 洞 之地 據 云 也 也 包 庭 通 此 Ш Ш 典 然 則 西 而 也 夫 **>** 似 檇 夫 至 爲 9 椒 夫 李 在 椒 期 於 椒 包 吴 已 太 在 姑 爲 集 郡 爲 湖 太 蔑 山 吴 洞 吴、 吴 中 湖 地 庭 縣 越 中 韋 名 而 西 左 昭 分界,不 ^ 或 淹 夫 南 思 越 云: 此 留 椒 太 ^ 語 時 吴 湖 Ш 得 云 本 都 即 中

逆之江 于 縣 之 地 更 會稽 故 旗 至 則 太 越 即即 非 湖 杜 敗 當 太 之後 云 是 湖 今之稽 哀 今之 姑 也 十三 即 蔑 得 錢 Ш 吴 年 越 退 塘 語 > 則 保 地 傳 江 夫 **>** 會 也 云 今 椒 彌 稽 東 句 爲 也 庸 傳 近 陽 踐 見 Z 賈 江 起 大 姑 之 保 云 師 末 蔑

因 吴 太宰 嚭 以 行 成 服 日 : 行 成 求 成

越

地

當

得

其

實

也

0

司

上。

詩 . 成言 緜  $\forall$ 求平 「虞 芮 質 厥 成 傳 乙 成

平

也

求

也

賈 昔 也 也 \_\_\_ 有 同 夏 调 上。 澆 后 過 殺 相 0 棋 本 或 依 疏 灌 名 棋 引 以 也 灌 夏 伐 后 mi 相 棋 棋 或 云 灌 鄩 故 云 滅 棋 口 大 夏 尋 惟 殺 后 因 夏 夏 相 字 后 同 誤 姓 相 作

案: 襄 四 年 。》傳 稱: 夏之衰 也 有有 窮后 羿

日

古 書 依 是 灌 平 灌 禹 城 尋 生 云 大 乙 太 故 地 氏 籍 京 壽 馬 是 > 湛 後 澆 夏 史公 斟 故 斟 溉 理 云 灌 則 也 民 氏 因 後 注 棋 或 處 尋 尋 水 志 相 以 以 而 口口 引應 以 或 夏 澆 氏 \* 曰 北 禹 又一 或 棋 今 代 居 : 爲 是 于 逕 同 後 灌 棋 或 禹 夏 據 過 者 北 劭 壽 棋 **^** 姓 亭」, 禹 灌 後 爲 政 也 氏 · • 漢 亭, 日 海 光 爲 棋 夏 者 是 書 巨 : 西 有 而 水 姒 與 是。 尋 西 注 又引 同 過 洋 北 . 棋 古斟 用 經 姓 賈 北 引 史 姓 爲 地 水 非 去 縣 寒 又 説 合 皇 應 矣。 • 記 澆 篇 其 灌 0 理 平 尋 浞 棋 白 甫 同 巨 劭 所 志 . 後 壽 亭 京 注 洋 謐 狼 禹 夏 云「夏 日 或 》 北 是 班 分 矣。 九 浞 相 引 水  $\overline{Z}$ 水 後 本 也 賈 氏 封 + 璠 大 篇 紀 古 夏 及 汲 后 其 自 有 里。 今 海 羿 日 > 見 注 相 冢 相 爲 按 注 棋 棋 郡 棋 棋 室 :

尋 殺 徙 夏后 亦 帝 相 邱 相」者, 所 依 依 同 、故過 姓之諸 上文 澆 滅 殺 侯 棋 斟灌 於斟 尋氏 氏」, 尋氏」, 云 相 故 是 或 於 大 棋

是

因

亦

殺

之。

緡 后 君 腹 外 緡 少 緡 公侯篇 亦 有 之姓,云后 心必待! 康 薨 家 日 方 仍女者、《儀 歸 緡 爲 而 也 娠 有 遺 爲 服 生 緡 其 歸 逃 曰: 腹 少 者 傳 有 日 緡 産 宗 出 有 康 子 : 稱 爲 仍之姓者,以 猶 立之何 自 少少 爲 仍 也 君 遺 禮 太任 竇 歸 然 之姓 遺 薨 腹 康 則 于 腹 歸 后 子 喪 ? 適 謂 有 邑姜 子 也 于 0 服 夫 緡 仍 嫁 者 專 有 今后 傳》「 女子 遺 人 日 也。 適 · 有 仍 , 腹 無 是 白 歸 仍 生 重 相已殺 子。」同上。 婦 必 子 歸歸 虎 有 知 E 或 少 人 繫 有 仍 后 也 通 宗 名 康 雖 父 育 爲 緡 者 焉 后 故 遺 在 爲 族 封

逃奔有虞。 賈曰:「有虞,帝舜之後。

同上。

帝 先 案: 或 在 Z 祀 舜 號 而 堯 後 祖 亦 史記 子 服 顓 不 丹朱、 改 其 頊 Z • 也 服 有虞氏, Ŧi. 郊 禮 舜 帝 故《魯語 堯 子 紀 樂如之」。 而 商 \*: 宗 則 均 舜後 舜」。 帝 皆 舜 有 子孫 云宗 有 是 爲 疆 虞 舜 有 土 國名 氏 後 虞 舜, 禘 子 以 亦 是 黄 孫 奉 又

稱虞也。

成 虞 里 爲 案: 有 思 續 成 於 漢 衆 少 ^ 五 是 漢 • 康 妻之以 書 百 郡 旅 爲 人爲 或 • 虞 地 志 庖 旅 理 賈 **>** 正 「梁國 姚 志 則 日 同 **\***: 上。 而 綸 虞 綸 邑 是 梁 有 諸 虞 或 虞 綸 綸 邑, 有 邑 城 故 有 虞 注云 縣 得 方 田 與

四五九

五

白

人爲旅」、《司馬·序官》文。《詩

少

康

邑

方十

·里爲

成」,《司

馬

法》文。

易,通 信 然矣。 旅 少 故《周 爲 居 今造都鄙 隰 賦 之衆 康在虞, 南 皋 成之中, 法 Ш 禮 率 之 》箋 而 二而 · 小 地, 授 若 思 田 云二六十 民 九 司 然,甸、 成 當一,是之謂 一成, 有田田 田 夫 徒 方十 有 \* 爲 四 一成, 則井 井牧 牧 成 不 里 井 易, 之制 , 出 爲 其 牧 有衆一旅」, 甸 牧 兵 井 有 田 之法,先 牧」。 禹 車 而 野 甸 易, 當 己 一乘 方 後 經 八 昔 有 鄭 井。 以以 里, 畫 古 夏 云 再

業,稍 典。」 以 收 夏 收 上 衆, 取 夏 撫 遺 其 民 官 餘 職 衆, 撫 服 修 日 夏 . 之故 因 此 憲 基

案 雅 云 靡 稍 自 云因 釋詁》云「憲,法也」。 收 有 取 鬲 此 夏遺 氏 基業」者,言因綸之 收收 民 餘衆」者、《襄 國之燼」 ^ 周 是 禮 田 也 四 太宰》 年 衆 **>** 也。 爾 傳

司常灋也。● 司常灋也。● 三謂修夏之舊注:「典,常也,經也,法也。」謂修夏之舊

也 祀 案: 夏 言不失舊業也 天,則《 夏后 郊 物、職」者、《廣 賈 配 祀 云 日 天,不失 后 氏 禮》 : 以 稷 亦 物 以 鯀 日 禘 職 西己 舊 西己 黄 郊 雅 天」。 物。 天 也 帝 鯀 . \_ 0 而 者 釋 口 亦 周 郊 , 詰 上。 服 必 既 禮記 鯀 日 西己 於 . 「職,業也。 天 郊 明 祀 以 孝 祭 矣。 鯀 以 經 法 稷 西己 \*  $\forall$ 云 云 天 西己

越 男 者 埋 與 一,如其 之醫 二十 十年生 無 娶 饋 老 不娶,父 子 聚,而 婦 之餼 也 老者 十 孺 也。 母 無 年 子 有 死 娶 遊 教 罪 者釋 少婦 者必 訓 也 其 將 征 女十七不嫁 服 生子 必必 日 之也。 :「令少 ,以以 哭泣 葬 非

手所種、夫人所織不用,十年不收於國。

本疏。

案:服所云,約《越語》文。

半分 本 在 疏 軍 軍 熟 土 食者 一,而後自食其餘,若簞醪注流 分 而 後 敢 食。 服 日 : 以 也。 其

援 **令** 案: 河 良 衆迎 以 將 而 「若簞 比 之 三軍 分熟食之意 流 用 兵 而 醪 致死者, 飲 也 注 之。 流」者,《 有 夫一 以 饋 滋味 黄石 簞 簞 及之也」。 之醪,不 公記 之醪 1,投河 》云「昔 味 服

使二 于句 年 經 子與之盟。」本 繹 癸巳, 服 叔 日 : 孫州 疏 「季 仇、仲 孫尊卿 孫何忌 敵 及邾 服 先歸 子盟

案 帥 子 師 伐 經 無 書 邾 季 」,是三子 孫 季孫 是 斯 季 孫 同 叔 不 伐 孫 與 邾 州 盟 仇 及 也 仲 此 當 盟 孫 由 何 獨 敵 有 忌

服,故季孫先歸耳。

傳子南僕。 賈曰:「僕,御也。」《衛

世

家》注。

德,不 郢 不足以 足立以污 辱 社 稷。 辱 社 稷。」《衛 服 日 . 世 「家》注 郢 自 謂 己 無

 $\equiv$ 

揖

在

下。

服

日

揖

,

卿、大

夫、士。

土揖

庶姓,時

揖異姓

一、天揖

同

姓

一二本

儀 在下。 逡遁 以 侯 士 土 於卿、 其 ,皆君之所 揖 《周 揖之。 (等旅 , 三揖者,士 」故服 既 庶 禮 大夫、士亦 服 姓 復 揖 引 . 位 旅 時 揖 司士》云:「 之者 云 士 衆 揖 禮。 有 「三揖 旁三 鄭 上、 異 言 也。 得同之。 司 姓 揖 農 中、 卿 王 春 大 。」注 天 云: 有 夫爵 孤 秋 下。 揖 此 大 修》所 卿 云 同 夫、士也 特 同 王 卿 等揖 姓 揖 揖 者 謂 大大夫 大 之,皆 特 衆 司 揖 揖

若 人 從 衰 衛 經 來 僞 迎 自 太 衛 子 也 逆 引。一同 者 上。 服 日 : 衰

父」。 諸 歸 志 爲 父 侯 改 之策 無 春 名 罪 秋》仍 志 書 父。 舊 服 一日 《釋 猶 日 趙 書 文》。 . 鞅 趙 趙 以  $\bigcirc$ 鞅 鞅 叛 本 疏 0 釋 作 于 文》。 本 晉 既 疏 復 陽 以 更 後 名 叛 得

侯之策 案 名曰 惡 故 戚 以 其 謂 在 定十三年》經 名 諸 此 列 云 改名志 趙 故故 虔,經即 年經 侯 或 趙 正 之策 鞅 之史 更之。 列 鞅 義 書 國 父」者 帥 召日 據 書虔。 是 史 趙 師 書 陽 晉  $\overline{ }$ 也。 也 鞅 及 以 告 楚 一晉 以 春 鄭 帥 令文 叛 公子 公子 書 諸 云 秋 罕 趙 師 在 也。 侯 達 鞅 納 十 書 仍 棄 幸 之 帥 衛 歸 定 舊 晉 五. 策 疾 弑 十三 後 師 世 于 書 趙 年》傳云「名 殺 君 書叛 鞅叛 戰 子 晉 得 趙 君 取 年。 于 蒯 鞅 歸 是 取 或 鐵 瞶 恥 或 者, 也 其 改 于

> 告,故 鞅討 以 志父 趙 經 改 衛 改 名,不獨 之改名, 名 一,至其 鞅 所 名 書 爲主」, 之, 猶 日 也 改之名告於 書 居 云 祇 或 臣 鞅 趙 敘 十七 家 經 自 也 鞅 國 可 鞅 即 也 諱 者 證。 家 之言, 年 書 耳。 按 鄰 不 故 居 彼楚子 傳 傳記 或 爲 下 孔 傳 則 稱 之諱 今 文蒯 故 記 氏 日 及 码日 既 趙 得 之言 他 他人均 君之在晉 瞶 鞅 趙 書 爲 仍 X 之 改名 或 所 鞅 猶 是 以 禱 改之名 使告 君,臣下 不 也 趙 稱 志 日 稱 鞅 其 父, 也 其 於 名 使 舊 鞅

郵 簡 嬖 案 無 良 奚 子, 可 卹 **念孟** 證 乘。」 御 故 簡 子》 知 王 子。 爲 良 日 王良 : 是 一昔 服 簡 也 日 子 者 御 恭冕謹 王 趙 者 簡 良 此 案 子 也 無 使 下 王 文稱 卹 本 亦 良 疏 御 與

三年經 五月辛卯,桓宫、僖宫災。 服曰

懸之

朝

謂

其

書

爲

象魏

御

覽》一

百

七十

皆當 者 祖 當 與 上。 以 觀 祖 也 祖 廟 廟 廟 太 别 之父 言 毁 之 皆 親 也 也 : 何 之。 在毁 故 孫 祖 ; 王 月 壇 公羊 及 疏 僖 祖 休 即 之廟 制 祭 IE. 適  $\wedge$ 廟 注 當 者異,取《公羊》爲 之; 義 墠 禮 等 廟 **>** 之數 傳 云 云 毁 而 ·, 曰 世 未 記 --: 其 <u>Ŧi.</u> 據 毁。」若然, 顯 日 祖 . 考廟 輕輕 服 一。一《文 廟 : 諸 考 祭 也。 禮 雉 意 重相 侯 廟 法》 : 門 何 亦 計 諸 日 按 Ŧi. 王 及 以 祖 桓 以 云 同 王 侯 廟 : 世 則 兩 之 考 文 不 考 親 禮 説, 子 故 言諸 觀 <u>Ti</u>. 於 與 言 廟 廟 廟 皆 廟 不 昭、 以 哀 雉 及 几 外皆 享 在 侯 言 親 H ? 門 桓 焉 嘗 迭 立 皇 调 八 及 穆 Ŧi. 毁 世 五. 乃 高 敵 所 兩

傳命藏象魏。 服曰:「象魏,闕也。法令

賓 道 釋 闕 案: 闕 魏 乃 注 於 本 是 网 兩 心居 魏 也。」《 也。 門 宫 縣 名 闕 觀 觀 出 闕 災。 闕 ° \_ | 爲 室》云: 西 治 門 遊 周 乎 也 説 觀 亦 辟 象 闕 吕覽 于觀 禮 禮 魏 莊 文》云:「 謂 昭 之 高 記 爲 淮 闕 <del>-</del> 之 ^ 桓 法 崇 + 之上。」《定二 太 闕 南 . 爾 之下」, 闕 魏 仲 于 嵬 禮 宰 . 雅 <u>.</u> 在 年《 闕。 嵬 冬 象 年》傳 賈公彦云: 本 \* 運 闕 門 . 年《公羊 云 然 **》**云: 魏 經 穀 注 釋 云 兩 門 IE. 梁 故 吕 宫 云 旁 Z 塗 觀 傳 月 覽 年 H 鄭 魏 闕 也 云 仲 中 之吉 **\*** 魏 魏 **>** 傳 司 魏 . 云 鄭 尼 央 闕 周 庭 \*\frac{\times}{\times}. 闕 農 審 觀 高 闕 之高 與 公謂 伯 雉 釋 門 爲 云 始 謂 然 間 不 享 於 然 名 **>** 和 之  $\overline{Z}$ 出 設 蜡 爲 之 象 則 故 及 王

懸書 象魏 魏 此 即 高 法令之書之名,以 處 象魏。」 夏官》「縣政象」、《秋官》「縣 ,以治政等象懸於魏闕,故名其書 大,故曰「象魏」矣。 斂之,則救火之時,其書久已藏 斂藏之。」 立象魏之外,方始 也。 之處 其 見其 Œ 名 義曰:「 象 魏者、《太宰》「縣 處 而 此是懸法令之地,巍 彼言 命藏 念及其 書祇名象而 此 朔日懸之, 書,非 書者,象 刑象」,是 始 治 矣。 象」, 就 魏 + 亦 日 象 縣 是 日 然 象 而 日

其 孔 廟 子世家》注 日 廟。」 子 故 「季氏出桓公,又爲僖公所立,故不 在 孔 本 陳,聞火,曰:「其桓、僖乎!」 子聞 疏。 有火災,知其加桓、僖 「桓、僖當毀,而 魯 事 也。」《孔 非 禮 毁 服 之

桓公猶言生自桓公也。《莊三十二年》傳案:「季氏出桓公」者,季友爲桓公子,出

召 也。 案 正常 時治此事者 愚謂 「言桓 季 所殺之人,故云「或」。 其私恩,故 族,故云「僖公所立」。季氏世專國政,顧 卒」,劉炫以季爲氏,云季友、仲遂皆生 云「立叔孫氏」,是卿大夫得氏者爲立矣。 友事僖公、《僖十六年》經書「公子季友 上文云「則或殺之矣,乃討之」,不 聖 正常既告而奔,視之則已殺矣。 人 僖 與 親 服 桓、僖之廟 不能 日 天合德,故 盡 而 不問 召 廟 而 不 Ī. 問 《説 毁,宜爲 知 當 常也,故召之。 兒死意。」本 之也 一毀不 文》云「討, 毁。 天 所 杜云 災 當 治 賜 知

也。」《水經·汝水》注。 四年傳襲梁及霍。 服曰:「梁、霍,周南鄙

陽聚,汝水逕其北,東合霍陽山水,水出案:《水經·汝水》注云:「汝水之右有霍

不

成

,未冠。」《御

覽》

百四

干

聚 矣。」 西 滿 年 南 ·, 世 也 Ш 得 岩然。 按 以 霍 祖 其 春 霍 陽 遣 水 秋 梁 聚 陽 征 東 周 是 Ш 虜 即 北 周 小 得 將 此 流 之南鄙 邑 名 軍 逕 也 祭 霍 《汝水》 霍 遵 陽 於 小 陽 攻 Ш 邑 戰 聚 戀 水 一,霍 或 注 中 又 建 爲 又 即 逕 Ш 武 引 霍 南 梁 賊 梁 京 陽 城 張

臣 相 漢 瓚 璠 書 日 秦 取 地 秦 梁。 霍 理 取 陽 志 梁 梁 Ш 伯 在 河 後 翳 周 南 改 之後 平 郡 日 城 梁 夏 與 東 陽 秦 注 南 今 引 者 同 馮 應 祖 也 0 劭 翊

秋 夏 或 伯 陽 翳 是 續漢 也 後有 0 郡 霍陽 此 梁, 國 Ш 志 周 。」注引傳云「襲 影河 之小 南 邑, 尹 梁」: 見 於 梁 ^ 故

Ŧi. 燕 年 姬 傳 齊 齊 景 燕 公 姬 嫡 生 夫 子 不 成 昭 七 而 年 死 燕 人 服 所 日 歸

霍

成 後 冬, 服 爲 得 氏 云 未 用 爲 侯 冠者,《 許 婚 昭 伐 惠 姻 北 七 卿 燕 年 故 冠 説 以 義 燕 七 謂 燕 一一一一 年 人 姬 燕 經 所 爲 與 歸 日 此 齊 冠 : 年 者 平 而 暨 歸 字之,成 既 昭 齊 也 平. 六 平 之 年 不

安孺 子。 諸子鬻姒 鬻姒 子 同 ,景公妾 之子荼嬖。 土 也。 淳于人所納 服 日 諸子, 女。 庶公

之道

也」,故未冠

爲

不成

諸 子 有 案 子之適子稱 云 曲 則 太子 侯 一諸、 禮 王 諸 崇云 爲 ,其實散文諸侯之子亦 世子 諸 庶 子 申 卿 爲 生 子。 大夫之子 于首 太子。 庶公子 也 鄭 此 有 止 不 於諸 賈 太 至 者 敢 以 子 與 諸 制》云「王太子」。 侯 世 華 對 侯 周 子 即 文, 之子 同 禮 齊 稱 爲 名」。 有 故 諸 庶 • 宫 稱 太子 分 子 子 傳 天子、 世 正 於天 於晉 經 如 光 **>** 疏 天

内篇 孺 姬 晏孺子。」晏、安,通也。 公妾」也。 母 曲 子。 」、云景公寵 也。」「醫 太子、世子名稱不定,太子、世子無 知諸 禮》「諸 • 諫上》云「淳于人納女於景公,生 茶、《史記》曰:「太子茶立,是爲 子、庶子 「淳于人 姒, 母 不 妾芮姬生子茶 潄 亦無定名也。 史記 裳」, 所納女」者、《晏子 鄭 齊 日 世 公,故 : 家》 一諸 服 作 日: 庶 日 也 芮 景 定 庶

爲 諸 長 有太子, 矣,未有太子,若之何?」 太子 大夫恐其爲子也,言於公曰: 也。」同上 也。 旦不諱,當若之何? 荼少,故恐立之。 服 言君 日 欲 君之齒 其 爲 年 早立 長 子, 未

繼儲者爲子,故子南爲靈公子,而公謂之「太」字,故云「爲子,爲太子也」。 古者稱案:今本作「恐其爲太子也」,服本無

『閒』」。言二三子厠於敵國外

患

則

可憂

閒」,

釋

文》云「又音

間間

厠

之

諱 晏子 傳》云「如有 爲 臣謀 者,人之常,故言 不 亦齡也。」故服釋齒長爲 記》云:「茶少 恐立之」者、《晏子・内篇 日 可諱,將柰社稷 嗣。」《文王世子》云:「古 」者、《史記·商君傳》云「公叔病,有 :「余無子,將立女者也。」云「荼少 Ē 欲廢公子陽生而 『置大立 不 ,其母賤 諱 不 無 何? 諱 少,亂之本 憂家室也」,注:「 也 立荼,公以告晏子。 無行、諸 《後漢 年長。「一 諫上》:「諸 者 謂年 也。」《 書 大夫恐 龄, 齒 旦 桓 死 其 史 如

公曰: 間 何 謀樂,何憂於 爲不自謀 於鄰 「二三子間 國憂虞,則疾 身樂? 無 君 ? 於 何憂 灰在 憂虞,則 無 服 其 君 日 間 有 乎?」同 「言二三子 今無 疾疢,亦姑 疾

可虞,以爲疾疢。今無此患,則當謀樂,

何必爲此遠慮。

之子高 公疾 國 惠 使使 子 張 或 也 或 同同 惠 景 子、 之子 Ŀ 高 或 昭 夏 子 也。 7 茶。 高 昭 子 服 高 H 握

東 真 鄙 群 來奔 子」,當是偃之訛 張來唁公」,杜云「高 景」,其謚 邑。 公子 或 景 既,齊侯反 欲使遠 於 萊 即 ^ 或 一齊。」同 昭 弱 文, <u>一</u> 十 服 國 、《成十八年》傳 偃 弱 曰: 上 御覽》轉 九 使 子」,服 年》 寘,置。 嗣 經 或 寫 云。高 齊 氏 誤 侯 萊 耳 是 或 握 使 也 之 高 齊 弱

家

》注

叢 書 即 案:云「寘,置」者、《易·坎》爻辭: 云「寘, 棘。」《釋文》云「寘,張作『置』」。 地 理志 置 也 • 卷 東 耳 萊 萊, **\*** 郡 齊 真 東 師 彼 鄙 古 周 邑 注 行。」 者 「真 是真 故 傳 萊 漢 于 亦

> 黨,所 不 萊 之事及 萊人見五公子遠遷 與 人 地 邊。」又「裔 魯侯。」 齊 子 謀,師乎師 歌之曰:「景公死 或 邑。 又遠。」是萊爲 也。 國 也 正 一。」襄六年 三軍之謀,故 定十年》傳: 言公子徒衆, 義 不謀 日 : 乎,何黨之乎?」 夏」疏 ·, 齊 齊 萊, 鄙邑,不得 東 乎不 侯 愍 鄙 日 東 若 滅 何 邑 而 : 萊 與埋,三 使 萊 也 所 歌 黄 萊 萊 · 是 適 與 縣 是 萊 也 師 景 東 )。|《齊 公葬 地 衆 以 服 軍之事 滅 夷 在 後 兵 F 其 也 埋 爲 東 刼 世

於萊。 歌 埋 辭 案: 五公子,謂公子嘉、公子駒、公子黔 公子鉏、公子陽 謂 黨 是  $\sim$ 憐 釋名 埋 之 所」者,文十三年《公羊傳 亦 也 葬 生 釋 也 師 也 喪 制 衆 故 「遠遷 \*\* 也 日 葬 葬不 鄙 埋 易 邑」,謂 如 師 愍 禮 真 日 而

雅 所 往 適 語 • 黨 乎 廣 也 衛 討 侯 是 之, 齊 注 人 適也 謂 黨, 所 一。」言公子 所 爲 也 黨 0 也 所 徒 猶 ^ 是 小 何 爾 齊

六年傳遂及高張、晏圉、弦施來奔。 服

曰:「圉,晏嬰之子。」同上。

妾。」《 潛 服 師 日 閉 楚 塗,逆 世家 閉 塗 》注 越女之子 不 通 外 使 章 也 ·, 之 越 而 女, 後 昭 還 王 之

外 案 壁。」 人不 史記 是 知 王 閉 集 卒。 塗 解 爲 築 引徐 壁 壘 廣 於 曰 : 往 來之道 塗, 作 使

時 太 楚子 史,主 往 使問 問 周 周 太史。」本 諸 所 周 賜 太 典 史。 籍 疏 故 日 服 周 日 太 : 史。 諸 侯 皆 日 有

案: : 矧 굸 諸 太史友、内 侯 皆 有 太 史友。」《宣二年》傳晉 史 者 , , 書 酒 許

> 説 傳 之晉 觀 周 以 談 云 與 命 太 太 主 然也。 所 周 書 史 史 爲 伯 日 也 云「使 周 於是 書 書 賜 大 : 之 於 石 所 太 政, 典 所 崔 趙 爲 問問 昔 賜 史氏, 籍 杼 盾 卿 以 典籍」者 乎 故 而 也。 弑 弑 王 則 曰 高 有 是 H 其 其 也。」 周 日 是 祖 諸 籍 董史。」 服 君 君 : 太 時 孫 侯 氏 ~ 三 十 欲 史當 往問 伯 吾 皆 + 昭 襄 明 是 及 黶 有 五 乃 周 <u>一</u> 十 在周,故 今 周 太 辛 年 太 年 年 司 太 太 有 史 史之 傳 知周 ·》傳「 傳 史之稱 晉 Ŧi. 史」者, 在 之二子 鄭 之 年 韓 又引 王 公之 使 列 典 **>** 宣 或 謂 太 傳 德 云 或 故 掌 董 籍 史 子 齊

命 代 祀 命 其 祀 或 中 祭 Ш 不 越 111 爲 望 望 0 楚 服 世 日 家 . 注 謂 所 王

案 小宗伯》「 書 • 四 舜 望 典》 四 類 云 望 注 于 : 四四 Ш ]1] 望 <del>五</del> 周 嶽 禮 四

未 聞 本 疏

之在 之 祭 不 日 昔者先 竇 祭天下名 其 Ш 爲 祭。」 嶽 地 111 受王命 望者, 按 鎮 者。」僖 即 王 亦 周 以 服 王 瀆 Ш 者 祭 禮 爲 云 所 大 三十 Ш 東蒙 | | | 封 命 اال 祀 禮 ][ 故《 或 望,主 其 主 之 記 之 年《穀 諸 或 名 論 初 侯 中 也 天 王 語 祭名 其 非 Ш 梁 子 制 謂 得 言, ]]] 傳 w 其 顓 Ш 祀 云 者 疆 注 大 故 臾 在 相 秉 召 案

界

則

其

地

也

引

鄭

111

得

遍

天子

鎮

几

賈、服 夏書 故定爲 日 : 失 日 其 夏桀時 書》稱「冀方」,又言 逸《書》,夏桀之時。」本 行 惟 彼 亂 之書, 陶 其 唐 紀 帥 晚 綱 出古 彼 乃 天 滅 文 乃 常 輯 滅 而 0 疏 T. 其 有 而 辭 此 冀

生。 月 齊 邴 日 意 : 兹 遣 來 意 奔。 來 召 陳 僖 日 子 月 使 錯 召 誤 公子 其 陽 説

Ŧi.

子之歌

皆有 故以 月 書 齊 來 下 云 七月,楚子 奔」字,故注 閒 奔 引 意 陽 0 「七月」,不 來 賈 徐 則 魯 「奔」字, 秉 兹、「秉」、「邴 生 經 是史遷 召,故 陽 本 廣 也 意 有 當 日 生 兹 軫卒 闕 似 無 與 所 賈 文 云 史 見 故《 ~ 日 七月 二,即 未 記 田 采《左氏 云 同 奔 餘 左傳》: 高 月 史記 乞 音 月, 錯 錯 字 可 或 人 繼 齊 同 定 誤 誤」,然經於冬前 黨 或 齊, 田 集 之 世 逐 故 也 》説 八 乞即 陽 解 者 家 日 高 以 而 生 晉、宋 月, 》云「八 亦 或 意 於 傳 以 齊 陳僖子。 歸 無 兹之 於 「秉 陽 經 齊 在 「奔」字, 杜 八 以 生 邴 云 」《齊 月 意 本 來 月 敗 人 後 意兹 秋 于 有 九 惟 始 本 爲 齊 世

家 使 注 毛 遷 孺 子 於 駘 賈 日: 齊 邑。

案:顧氏棟高曰:「或曰在今青州府臨朐

縣界。」

賈 上公九牢,侯、伯七牢,子、男五 年 日 傳 : [《周 周 之王 禮 也 制制 王合諸侯,享禮十有二牢, 禮 上 物 不過十二。 牢。」《吴世

禮 服 Ŧi. 餼 牢合牽四牢爲九。 響之,莫敵 禮之數者,以公、侯、伯、子、男盡 案:《周禮·掌客》云:「王合諸侯而饗 如 引 牢,其死牢如 飧之陳,牽三牢」。 ,則具十有二牢。」注:「饗諸 九 牢,其 此文也 死 用 牢 也。」《掌客》又曰 侯、伯 飱之陳,牽二牢」。 雅三 如 飧 之陳,牽四 饔餼 飱四牢。 七牢 子、 牢」。 侯而用 ,其 上公「饔 在 · 是 饔餼 死 雅 五 牢 兼 王

> 也。 杜 案: 解 中豈不知伐邾必危,何故不言可危之狀, 氏,反以 言合,則 夫言]以下二句方是孟 而 邾,以子服 加之,可 三子以爲 知伐邾必 似 以「知必危,何故不言」屬上,「爲諸大 反爲是言乎? 服以 大夫以答孟孫 迁 曲 滅 乎」皆爲孟 季 此二句合下「 何 危 危,自當言,今不言者 小爲是。孟 孫 如? 意 將焉保」之語 沮 如服 矣,乃 欲諸 所 孫 怪,且 魯德 言。 孫 所解,於文爲 孫 大夫所 語 諸 因 爲 如邾, 前 孟 大 阿附 日 然。 . 諸 孫 夫 對 解 不 季 大夫 阿 不 與 而 之日 欲 附 子 孫。」 危 以 便。 故 意 服 衆 季 伐

君。」本 衆君 案 耳」,是也。 子立 疏。 各本皆作 賈日 於社宫。 疏以服 :「社宫,社也。」《曹世 諸 或 服曰:「衆君子,諸 云「諸國君爲妄耳」, 君 妾耳」,宋本作 或

知

必

危

何故不

言?

服

日

]: | 諸

大夫誠

知

伐

邾必危,何故不早言也?」本疏

君 君。 然 無 又 而 疑 子 然。 識 注 若 服 之也 也 IE. 有 本 《史記 義 子 當無「子」字, 若 日 こ字 》 亦 然, 鄭 : 衆 作 則 不 服 日 曹 識 衆 當 : 叔 姓 君 故 社 不 振 名, 以 子 如 鐸 宫, 衆 是 夢 故 君 或 釋 者 唯 中 爲 涉 也 日 有 諸 彼 何 室 衆 以 文 杜 或

乃 背 案 屋 也 晉 者 也 而 曹 隱 奸 是  $\equiv$ 宋 小 年 或 傳 賈 背 云 日 晉 : 小 奸 以 加 宋 大 小 是「 加 所 大。」同 以 謂 小 六 上。 加 逆

諸

侯

相

臨

之禮

。」《吴世

家

背 1 九 年 經 法 也 傳 者 横 遇 其 南 爲 者 水 所 火 方 爲 適 云ト 屬 土 因 火。 火,云「 兆 立 法」,以 而 者 細 爲 服 適 曲 木 日 Ŧi. 者 火一, : 爲 邪 行之象 水 兆 白 故 。一本 經 南 知 者 行 會意,當 兆 疏 爲 適 南 金 火。 行

> 法 木 本 細 用 是 相 曲 斜 相 難 傳 同 者爲水。」孔 明 今之用 向 古法。 是 徑者 故 唐 先 龜 時 爲 儒 《書 猶存 金 其 氏 各 疏 背 所 兆 以 此 **>** 云 横 意 徑 法 用 者 説 者 龜 爲 爲 ト筮之事 未 之法 土 火 知 7 孰 大 與 者 得 服 兆 爲 其 1 而

十年傳 吴子三日哭于軍門之外。 服曰:

其 案 今在 之外。」異姓 相 師 臨 禮 之禮 記 故 哭於軍 若 諸侯 檀 弓》: 在 有朋 門 國 之外 亦 「朋 友之誼 當哭諸 友, 故 吾哭諸 寢門 日 之外。 友 寢門 邦。

侵及賴 案 縣 顧 有 氏 賴 棟 亭 服 高 日 日 : : 賴 今濟南 齊 邑。 。」《齊世 府 治 東 家 近 丘

傳公孫夏命其徒歌《虞殯》。

+

年

四七

曰:「《虞殯》,遣殯歌詩。」本疏。

摯虞 之挽 制 爲 得 案 哀 反, 虞 有 禮 之。 殯』。 H 正 歌 歌 駁之云《詩》 以 葬 中 義 據 是 者 之有 吉 而 歌  $\Box$ 此 也 蓋 虞。 [X] 者 歌 不 挽引之人 挽 舊 禮 不 雜 樂 蓋 歌 説 送 以 也 之 爲 云 啟 挽 啟 有 害 葬 殯 君 歌 爲 喪 殯 也 久 不 而 子 歌 者 將 漢 矣 葬 宜 作 京 聲 虞 初 有 復 歌 之歌 葬 以 晉 田 歌 也 存 則 助 横 維 初 去之。 哀, 下 之 謂 以 荀 送 棺 告 臣 葬 顗

從 顛 案: 自 也 高 下 離 下 虞 也。」越 騒 H 注 顛 云 0 厥 爲 顛 ^ 易 首 墜 殞 用 . 者 也 雜 夫 ·, )° | « 顛 卦 禮 隕 傳 説 記 文》 云 0 王 大大 逸 緇 注 衣 隕 過

兹

邑

服

日

顛

隕

也。

越,

墜

也

顛

.

越

無

道

則

割

絶

無

遺

也

]。|《吴

世

家

》注

其

有

顛

越

不

共

則

劓

殄

無

遺

育

9

無

俾

易

種

于

兮/注 纓 讓 敬 位 種 隕 蹷 厶 Z 書 劓 墜 墜 事 也 日 也 -毋 剿 也 者 恭 先 恭 ^ 日 堯 越 史 緒 説 恭 <u>\_</u>, 斷 無 厥 典 楚 成 記 不 文 •, 而 爾 也 周 (》「允 命 此 辭 共 無 **>** 雅 則 周 語 作 年 八爲 • 道 劓 以 . 惜 書 無 恭 + **>** 者 無 之或 釋 自 傳 割 道 Ŧi. 克 誦 當割 • 道 詁 覆 矣 夙 纓 謚 年 讓 > 字 者 越 \* 也 云 夜 法 傳 于 鄭 絶 恭 故 解 行 是 共 車 以 之, 注 絶 也 注 廣 不 w 不 割 下 與 戈  $\overline{Z}$ 也 云 雅 共 群 勿使 亦 不 擊 注 爲 . 尊 注 恭 越 以 斷 之, 釋 無 言 賢 之 有 懈 並 夙 顛 詁 通 也 道 遺 斷 有 夜 敬 於 云 越

使 屬 同 上。 賜 其 子 之 屬 於 鏤 鮑 氏 以 死 服 日 服 . 日 : 鮑 氏 屬 鏤 齊 大 劍

賜 使 自 ·刎。」同 上

首 也 案 自 賜 刻 子 ^ ^ 刎 史記 胥 日 切經音義》十二引《通 刎 屬 刎 又二 · 吴世家》及《伍子胥傳》並 鏤 割 之劍以 也 十五 死一, 引《字 是 略 屬 俗 > 鏤 文》 日 : 劍 日 名 斷 云

卿 孔 文子 也 う。「乳孔 之 將 子 世家 攻 太 》注 叔 也 服 曰 : 「文子, 衛

?

:

簋 胡 H 簋 0 簋 本 之 即 疏 本 事 - 賈 0 服 疏 止 故 引一夏日 賈、 疏 云 服 杜 瑚一 曰 : 亦 同 句, 之。 夏 然 杜 日 注 胡, 夏 日 周 胡 日 周

據《明 案 語 並 殷之六瑚, 韓 集 <del>-</del> 敕 解 堂位 禮 碑 夏 引 記 \* Z 瑚 包 》文,則當 周之八簋 明 注 胡 党堂位 與 辇 賈 明堂位》 器 **>** 云「夏 服 用 云 同。 胡 夏后 疏 即 日 胡 引《論 疑《記》文本 璉 瑚 辇 氏 之 之 即 然《 省 語 瑚 几 文。 璉 璉 論 注

> 舉之日 瑚 語 也 云 殷 )爲誤, 夏之 瑚」者, 瑚 惟 四 璉 則六 瑚 瑚 互 也 屬 ,殷之六璉」,今作 倒 朝以 夏、 簋,《 耳。 璉 來 皇侃 説文》云「黍稷 屬 已日一四 殷 疏 故 以 夫子 鄭 璉 注 夏 方 順 ^ 璉 器 論 以

出 己 季孫欲 鳥則擇 牛 爲 爲 案 米,不是過也。」仲尼惟言一 王 語》云「季 一丘之税 木以 一制土 丘 邑 木, , 有 以 周 喻 四 其 田 禮 戎 邑 所之之國 木 井别. 康子 賦。 歲 井 馬 爲 豊 收 小 丘 能 之閒 欲 出 田 司 兀 \_\_ 擇 以 賈 [0]《孔 徒 馬 9 鳥 出 牛 ^ 井,出 \<u>\</u> 田 曰:「欲 一匹、牛三 司 賦 子世 馬 丘 頭 九 稷禾、 法 家 之 井所出 仲尼 夫 服 令一 謂 》注 \* \( \frac{1}{2} \) 税 爲 日 頭 之 秉芻 井 井 者 兀 之閒 本 馬 鳥 則 四 几 疏 缶 先 魯 此 丘 井 品 喻

姓

賈

日

言

孟

子,若言吴之長

女

也。

:

令司 即《周 起 非 井 徒 云 故 出 井 也 馬 後  $\mathbb{H}$ 之矣。 之 云井 禮 賦 法》 鄭 下 田 注 者 之丘 雖 日 而 耳 二 乙 : 云 韋 定 謂 昭 爲 井 賦 用 收 是 賦 云 + 謂 出 田 井之 爲 出 昭 是 賦 通 車 井 謂 以 從 田 徒 此 丘 通 賦 凡 給 數 丘 爲 爲 耳 數 之供 甚 繇 始 兀 從 多 役 馬 夫 也 小 **\$** 今 井 似 於 通 司

十二年經公會吴于橐皋。 服曰:「橐皋,

地

名

也

一。」《吴世

家

興 有 又 孟 訛 + 柘 康 皋 爲 一年 日 漢書 : 写柘 鎮 , 音 俗 地 \_ 兀 猶名 拓 术 今 理 姑 屯 廬 志 會吴 0 兵 州 » ¬ 顧 柘 府 八城。」 九 氏 皋 巢 江郡 棟 縣 橐 高 西 訛 橐皋」 曰 北 爲 : 六 + 宋 注 拓 里 紹 引

傳昭夫人孟子卒。昭公娶于吴,故不書

本 也。」《儀 今吾子曰 尋 疏 釋經 案 賈 二孟 孟 之言 誤 日 是 子」,子非夫人之姓。 經 長 : 書「孟子」 禮 重 以 女亦 書 尋, 有 忧 爲 必 可 孟 宋 尋 温 温 徹 稱子,故云「若吴之長 子, 女。 之意如此 盟。 也 也 疏 0 0 傳 日 若 寒, 論 者恐 不 口 語 歇 非 尋 也 賈 書 爲 後 也 以子 慢體 , 政 姓 人 亦 亦 會 疏 知 可 爲 傳 口 明 宋 寒 服 姓 女 寒 意 經 是 而 日 也 也 也 云 歇 子

或爲 也。」《 案: 也。 燖 燅 《儀 燖 温 今傳作「尋」,古文也。 禮 《春 也。」古 禮 是「 郊 秋傳》 有 燖 特 文「燅」 可 牲 日 徹》云「 \* 燅」、「 若 血 皆 腥 乃 作 可 爓 爓 《中庸》「温 燅 燖也 祭」 P 字, 俎,注 亦亦 注 記 皆 或 可 作 爓 故 寒

與 謂 爲 有 而 賈 尋 重 温 知 (説同。 之言重,是以 新 也 \_, 故 又《 鄭 ^ 寒爲 <del>-</del> 爾 説 雅》 文》云 讀 歇者,對 尋爲 如 日 燖 潯 潯 温 繹 燖 也。 之 繹 而 又祭 温 言 其 理 日 也 也 火 温 熄 0 是 者 服 尋 則 繹

侯 伯 致 禮 地 主 歸 餼 服 日 : 致 賓 禮 於

同

寒,故寒爲

歇。

云

寒而歇」者,猶

云火歇

而

寒也

地

主

本

疏

則 案 正 也。 致 義 地 賓 主 日 地 正 禮 亦 主 義 於 「禮賓, 也。 在賓 日 所 地 : 主」者 會 列 之地 侯伯,諸 常致 當謂 一, 主人 有以禮之,或設飲 賓 侯之長, 侯 禮 也。」然 伯 也 既 賓 爲 則 謂 禮 盟 服 盟 主 主 云

+ 三年 傳 吴人告敗于王,王 惡其聞也, 自 剄

食

與之宴

七 日 人 於 以 幕 絶 下。 口 。」《吴世 賈 家 日 注 : 惡 其 聞 諸 侯。」

服

晉 乃先晉人。 上。 信,不 案: 亞之。』先敘晉,晉有信,又所以外吴。」 以 絶 云「惡 能 口」者,猶今人言滅 終 其 會, 賈曰:「《外傳》曰:『吴先歃 聞 故惡 諸 侯」者, 其 聞 口 恐諸 於 諸 侯 侯 知 也 其 云 敗

公先 别 晉 魯 事 外傳》異 侯 雏 傳 史公書其事 《外傳》者 譲,故 歃,晉 有 因而實之。下 曲 筆 先 侯 賈 前 亞 書 ~ 宜 以《外傳》來 之。 番目 或 盟 其 歃 語 且. 文子服景伯稱 移易,以示 先  $\forall$ 此云 也 復 後 外吴示 之列 不容 二先 ^ 吴語 晉 妄 或 抑 華 所 揚,以 吴 夷 紀 爲 之 吴 至 敘 與

0 賓」,原脱,今據上文補

兀 七五

言從 龍 子 土 儀 文 明 來 言之位 反 + 视 一獸 . 貌恭 四 成 魯 儀 夫 以 伯 恭 伯 冕謹 年 X 矣」。 侯終之。」明 致 謂 言 今 子 考 經 又 明 土 吴先晉 成 在 疄 案 禮 鹿类 道 西 Ē 性 日 禮 春 爲 西 辨 而 記 者 禮 不 繫 「乃先晉 又 修 信 詩 方 西 君 人也、《 神 言 樂 周 感 禮 而 有 狩 將 龜 产 故著於 運 信, 來 麟 而 意 是 修 獲 内 以 趾 在 人」,文 疏 本 至 至 吴 於 且 产 寡 沼 禮 非 春 疏 一。一本 疏 人 西 執 賈、 君 秋 思 西 性 之 外 傳 承 聽 先 事 見 睿  $\overline{\ }$ 》義 》,約 司 子 也 明 疏 來 服 作 聰 歃 賈 馬 書 信 以 晉 同 0 夫 日 也 禮 知 寅 本 日 伯 君 **>** 子 注 以 故 立 説 . 修 序 正 疏 稱 家始 之後 召 周 有 稱 而 疏 其 孔 則 仁 則 諸 禮 白 周 吴 引 麟 立 謂 鳳 母 晉 名 子 則 作 則 言 有 爲 侯 虎 在 0 凰 致 自 成 鳳 ][ 中 孔 先 異 伯 西 耳 而 年 其 立 服 衛 凰 出 央 來 爲

> 以 哀 + 年 自 衛 反 魯, 而 作《春秋》, 約之以 禮 故 有 麟 應

而

至

案: 如《 者 來 作《 凰 修《春秋》以 于 及 之事也。」《中 今麟 道 異 齊 大 來 義 繫 春 昭 明 ^ 野 儀』 人 桓 服 \* \*\frac{\times}{\times} 不 周」者、《孟 秋 夫 狩 几 言 亦當 以 > + 者 子 于 有 年 疄 來 陳 五. 文武 道 禚 立 》「公狩 庸》 書 爲 欽 明 皋 繫 年 言 地 中 説 陶 郎 非 爲  $\forall$ 云 西 子 央 西 乃不 謨 憲 外 有 周 于 禚 뾆 麟 仲 方 者 日 來 鸜 郎 文。 皆 不不 [∵ [≪ 兑, 尼 也 故 書 也 西 , , 書 鵒 憲 地 产 從 兑 方 自 地 來 春  $\sim$ 章 莊 自 而 陳 毛 禮 爲 外 名 巢 書》 秋 文武」, 云 几 西 説 蟲 謂 運 》, 年 此 是 得 之 稱 西 孔  $\stackrel{\cdot}{\approx}$ 而 故 疏 既 來 狩 也 也 子 鳳 公 麟 子 狩 以 引

引

運

不

合《

麟

中

央

得

無

近

誣

王

何

?

以

其

轉

相

生

火

生

土

生

金

之子」者,又《

Ŧi.

行

篇

,信之至

也

是

土

爲

也

土

尚

任

養

萬

物

行

今云麟

鳳、

天

地

人,

几

者

几

時

明

矣。

虎不

鄭

駮

云

古

者

聖

鳳

南

方

也

龜

謂

之

几

靈

龍

蟲

許

慎

謹

案

羊

説

麟

木精

位

儒

各

就

意

解

氏

説

即《

春

秋

緯

軒

轅

大

角

之

獸

0

疏

Ē

 $\overline{\wedge}$ 

春

秋

則

以

鹏

西己

之,

是

也

東

西。

水、火、金、木

各

相

應

有

似

於

麟

信

屬

信

而

應

禮

」,箋云「

今

•

情性

篇

**>** 

Z

脾

所

以

則

亦

以

勝井

爲

土

獸

吾立

言

之説

解

西

立言

之

位

在

西

方

左

氏

説

鹏

是

中

鄭

、較之。

若

以

五.

行

朱

鳥

而

後

玄

武

前

後

即

宿

有

龜。

考

Ĭ

記

龜

誉

室、玄武宿

完左

青

爲

西

方

許

引《

禮

0

則

爲

贅

詞、云「

中

央

四 七 七

禮 尊 官 母 神 方, 物 性 母 疏 修 至 土 母」「致子」者 金 金 漢 也 母 修 引 土生金 龜 火生土 卑, 篇》云「南 。」是木 ,火官修 則致其子 生 視 龍 氏 」,水官 則 鄭 致 屬 水 屬 屬 先 故 云: 神 子 水。 火,聽 木 儒 心 水 之法 生 龜 棄矣 則 故云「 **五** 象 ,水官 説 一火等 生 至 方 金 其 鳳 产 ^ 火」。 尊 木。 屬 屬 生水,水 五. 左 故故 昭 至 服 行 此 陽 畫 水, 火, 行 修 氏 <u>一</u>十 信 傳 亦 漢 在 爲 龍 Ŧi. 土 之次, 則 若然, **>** 思屬 麟 爲 同 儒 者 上, 卑陰 Ě 官 不 行 母 龍 生木。 九 屬 禮 之。 本 生得 之 修 生 至 年 皆 之子」。一 土。』」《漢書 土 『貌 土爲 木 則 - 》傳 子 子 左 ^ 以 木官 生 書 白 白 氏 在 屬 也 慎 王者 Ŧi. : 正 火, 信 虎 虎 下 木,言 》説 . 之物 修 靈 義 洪 ·, 禮 至 龍 屬 又《 云 修 火 火 配 則 義 日 範 金 爲 推 鳳 其 生 水 有 屬 Ŧi. 修 歸 金

小 邾 文 年 子 樂,修《 也。 則 火也。「孔 也 方 Ŧi. 天 云 吾 自 言 因 思 聽 射 成 文 文 秋 世家》云「孔 事 史記 從 睿 聰 視 成 以 致 中 志》 金 貌 貌 X 信 知 明 疄 春秋》, 義 句 致 央 作《 恭 成 日 衛 也 正 7 禮 謂 季 繹 麟 也 性 : 反 子 而 而 修 春 夏 來 則 言 修 魯, 成 神 者,自 反 南 東 白 秋 子 約 而 土 奔 禮 名 龜 魯 方 也。 則 方 然 **>**, 虎 麟 追 以 致 111 在 信 夏 在 春 鳳 據 後 擾 迹 至 周 + 鹏 沼 出 也 北 火 木,於 樂 凰 魯 哀 三代之禮 禮 賈 · 麻 米 井 一者 龍 者 者 思思 正 + 來 方冬水, 親 年 禮 曰:「此下弟子 者,《 感 周 午, 儀」者,木 者 心也 火 土 至 金 也 人 母: 修 修 史記 此 是 修 五. 修 史記 水 視 こっ一若 致 致 常 致 知 爲三年 也。 故 考 修 也。 論 土 仁 金 **>** 水 也 正 义云 修 致 . 也 也 也 也 孔 禮 致 聽 木 西

邾 子卒』。」《春 所 春秋 記 射 一本疏 不 》以 在 顯 秋 其 序 叛 服 師 人 日 : 中 故 《春 書『 也 小 秋》終於獲麟 弟 邾射』以下 子 欲 明 夫子 至 故 作 孔 小

**全**左 彼 年》「邾 卒, 人名 尼 叛 牟 也。」故賈 小 古 邾 傳 夷 同。 黑 牟 邾射 故 氏 -」是弟 亦 》經 邾 公羊》《穀梁 肱 夷 大 懲 庶 當舉之,不舉 若「獲麟 黑 以 以 不 於此 經 其 不義。 更 子 肱 牟 濫 在三 之 以 有 所記 以 婁 來 别之,明此 漆 末 此 以 及 土 奔 叛人中」者 今射 并 下 間 地 w/ 防 下仍 之經 録 者 者 出 兹 傳 邱 以 魯 : ° \_ | 來 來 日 「弟子 足 是 皆至 句 下非 之 奔 奔 證 孔 繹 春 舊 《襄二十一 , 此 邾 獲麟 秋 子 來 仲 史 欲 下 所 庶 奔, 昭 尼 以 存 書 修矣。 至 修 其、 Ŧi. 而 續 與 孔 年》 盡 苔 年 經 仲 則 叛

齊陳恒執其君,寘于舒州。 賈曰:「陳

氏

邑也。」《齊世家》注。

常 徐、 齊 案 日 -: 執 」《説 舒古字 篇》 惠 簡 徐 公于 氏 文》作 州 日 棟 通 或 徐 作 楚 邻 : 州 威 舒 並 史 王 可 州 記 戰 音 馬 勝 是 舒 貞 于 齊 時 徐 世 ^ : 屬 戰 州 家 齊。」 徐 或 高 字 策 按 誘 从 田

子姓。 麟。 也 蓋 傳 今鉅 0 春 子,姓。 ,西狩于大野, 野 服 是 日 也。 :「大野, 藪名 鉏 《孔子 商, 名。」本疏。 世家》注。 叔孫氏之車 魯田 車 ○《史記 圃 車 子 之常 土 鉏 索隱 微 商 處 獲 引

大 」,其藪 : 野 其澤藪 既 爾 豬 雅 夏 日 . 屬 大野 周 釋 徐 屬 地 州。 兖 **》**一十 與《 州 ^ 爾 禹 藪」云「魯 ^ 雅 貢 周 》合,是大野 禮 徐 州 職 有 \* Z 方》 大

微 説 引 駕 杜 子 府 北 也 亦 藪 叔 爲  $\mathbb{H}$ 大 漢 叔 以「車 爲 注 者 連 何 言 于 鉅  $\Box$ 藪 極 是 孫 書 野 清 承 圃 田 姓 行 名 云 澤 魯 氏 田 也 天 縣 濟 謂 狩 之 者 車 子」連文云「 釋文引《 在 田 故 鉏 地 之 , 云 叔 Z 車 大司 舊 士: 圃 圃 北 商 甫 理 西 孫 之常 者 魯 鉅 1 縣 兖 韓 爲 志 將  $\blacksquare$ 有 氏 野  $\mathbb{H}$ 州 故 詩 爲 名。 > 馬 韓 車 鉅 之 子 車 處 圃 Ш 藪。」《水 城 者 湖 鄭 詩》 <u>Z</u> 作 野 之常 蓋 攻》詩 鉏 御 陽 車子,微者。 正 澤 王 也。 藪, 故 遂以 傳 商 車 郡 圃 在 肅 廣 今 城 處 云 者 今 澤 大 鉅 云「東 經 鉅 子 蒐 家 大 0 是 者 禽 中 野 王 極 鉏 南 . 田 ^ 語 野 是  $\mathbb{H}$ 獸 · 肅 家 濟 車 商 遂 通 今 有 注 是 狩 詩 也 居 即 注 語 水 鉏 洙 甫 之 曹 魯 之 服 本 車 以 云: • 注 商 同 者 泗 草 苗 服 藪 大 作 州 地

> 之,以 以 爲 爲不 祥 也 服 一。」《孔子 日 : 世 产 家 非 》注 時 所 常 見 故 怪

名」。

仲 明 日 鹏 尼 爲 觀 仲 伸 之, 尼 尼 名 日 至 之 : 也 日 麟 产 同 也 上 然 0 後 然 魯人 後 取 乃 之。 取 之 也 服

踊 下 從 其 薪 者 哉 案 子 而 0 位 素 東 ,兵戈文也 采 獲 ! 角 彗金精埽 方王 者 不 按 反 者 麟 故 公羊傳 地者, 圖 麟 袂 庶 知 孔 於 録 爲 人 拭 爲 西 子 燃火之 薪 天 日 知 其 面 也 日 日 言 采 庶 置 下 出 : : 涕 姓 漢 東 者 新 異 「有 沾 孰 意 何 劉 姓 卯 所 之象 也 者 此 袍 季 以 卯 執 爲 西 當 出 金 金 來 又 赤 西 代 何 哉 刀, 者 先 夫子 麟 象 帝 周, 休 狩 日 是 以 將 也 獲 : 知 螺 見薪 孰 兵 代 之者 其 周 蟲 言 得 有 爲 居 采 將 冬 天 獲 夫 磨 來

於 藪 鹏 皆 仲 羊 至一, 異 義 經 離 木 麒 積 有 田 鹏 直 骨 角 疏》云「 趾 在 尼 害 六 體 楚王之萍 然則 至 其 流 或 在 郊 又《 信 : 角 疏 以 日 囿。 也? 争 血 棷 ^ 产 端 引 以 詩 孔 之虞 防 麢 服 彊 有 達 故 爲 釋 風 一、從横 叢子》云「 中 身, 明 以 又《 則 按: 肉 順 實 劉 豫 之骨、 文》 候 仲 鹏 是 然 氏 泣 牛 唐 皆 握 故 尼 爲 無 後 ^ 音  $\overline{Z}$ 相 尾 來, 也 傳》云「堯 禮 問問 此 河 名 仲 故 肅 劉 中 滅 運》 麟 仲 馬 唐虞之世 記 順 其 之, 慎 氏 先 尼 之敗, 鐘 按 瑞 之實 説 足, **>** 尼 之矢、季氏 乃帝 王 至 吕 日 何 云 即 荒 而 能 也 行 氏 黄 獸 時 <u>-</u> 秦項 帝 鳳 後 誕 也 修 以 也 深 色, 麒 中 軒 凰 知 禮 爲 正 麟 服 讖 閔 疄 ^ 規 驅 題 員 詩 贵 仲 以 麒 之 義 故 鳳 在 緯 民 象 除 矩 蹄 羵 遊 達 之 郊 **唐米** 爲 尼 駮 顯

> 旨 贵 之 媚 微 至 序 王 王 K 了,乃援 一朽骨、 休休 漢 者 至實爲 。」若然 者 麟 天 氏 承 至 不 氣 説 天 下 仁. 古 防 當 充 孔子 統 太 則 矢 風 愈 則 至 塞 理 亦 平 出 不 之 鹏 而 如 經。 調 故 骨 庶 至 非 符 麟 和 符 非 無 瑞 肅 服 之應瑞 陰 白 説 矯 瑞 故 所 慎 以 陽 《公羊 虎 誣 並 而 以 之 修 至 通 臻 來 矢 陰 母 而 孔 · 》 者 以 至 致子 陽 至 皆 氏 今 封 者 相 乎 和 應 不 假 周 禪 ? 稱 達 明 德 以 以 衰 萬 篇 難 斯 此 庶米 物 爲 貢 魯 而

不倫矣!

齊 闞 簡 止 公之在 一,子我, 也 魯 。」《齊世 也 闞 家 止 有 寵 焉。 賈 日

案: 作 二 敬 止 仲 之宗人也。」 世 家 **>** 日 子 史遷 我 采 者 他説 監 監 不

諸御鞅言於公。 賈曰:「鞅,齊大夫也。

足

據

百 上

逢 其宗族 方 子 日 我 收 事 案:《 逆之殺 睦 請 斗 氏 氏 家 ※云: 大 ケタ 一年》傳 靧 夫 夕, 謀 賦 得 而 使 使使 夕序 當 齊衆 税於民,以小斗受之其粟,予民以 僞 り、省 有 成 陰 陳 疾 使 人也。 也 齊 + 陳 德 云 逆 而 告 其 逆偽病 田 ° \_ | ≪ 心 事 或 逆 於 殺 遺 業 宗 故 0 釐 右 年 詐 久 内 民 人,逢 之 子 子 尹 陳 》傳 矣。 族 暮 病 則 不 序 乞事 我 潘 子 常 而 見於 益 而 能 業 云 沐, 之,遂 將 革 景 云 方 遺 强 櫛 即 爾 公弗 齊 夕一、 欲 往 君 也 朝 備 沐 民 省 謀 雅 景公爲 夕 其 也。 而 酒 執 事 思 同 省 禁。 有 • 則 閒 不 魯 肉 以 田 上。 事 **^** 齊 釋 夕 面 面 語 焉 子 人。 氏 田 大夫 於 由 詁 或 垢 垢 , , × Z 敬 我 此 君 易 燂 是 昭 故 陳 仲 大 云 生 其 潘 陳 大 省 和 服 田 卿 而 氏 世 +

> 饗 守 因 遺 人 者 之 潘 醉 沐 而 也 殺 之

之家。」 爲 陳 宗 陳 氏 同 所 上 怨 服 故故 日 與 子 盟 我 而 而 見 請 逃。 陳 和 逆 也 子 得 我 陳 生 盟 宗 出 陳 而 恐 於

初,陳 : 上。 家 子也 案: 「宗子 繼别 正 正 豹 豹 0 陳宗, 爲宗 義 無 欲 然 陳 父, 爲 則 氏 子 謂 宗長之家」 母: 繼 宗 族 指 我 禰 命 長 也。 臣 陳 爲 之 之 成 小 使 家 公 注 子 宗 者,《 公 謂 孫, 也 : \_\_ 「宗子 孫 陳 喪 齊 言 氏 士 服 大 己。 昏 者 小 夫 繼 記 别 也。 適 記 賈 之 長 Z

違 我 逐 者 遠 焉 不 於 ? 陳 從子 氏 服 矣。 我 者 : H. 言 其 百 違 我 上。 者 與 陳 不 氏 過 宗 數 疏 人 遠 何 也 盡

同

日

言於 陳氏 疏 遠 可明 己 不當 7 也 Z

也 不 此此 從 見 子 陳 我 宗 者 之 不 和 過 故 數 許 豹 以 蓋 位 懼 其 而 對 盡 者 逐

常 子行 於公宫 也。 如 也」,故 後 此 日 漢 止於公宫,爲陳 周 以一 禮 光 彼 服 武 得 舍於公宫」爲「止 日 司戈盾》云「及舍」注「舍, 紀》注:「間,諜 君,弗先, 一、「彼 氏 謂 作 必 闞 内 禍 止 間 子。二子 也。 也 也。 於 公宫 子 謂 同 謂 行 伺 候 止 陳 舍

成 子 閒 兄 隙 也 弟 几 乘 如 公。 。子我 在 幄,出 逆之。

見 弟 遂 閹 子 入,閉 豎 八人,二人共一 我 以 出 兵 門。 、禦陳 ,遂突入,反閉門,子 侍 氏 人禦之。 乘,故 同 上。  $\Box$ 四乘 服曰:「成子兄 我 不得復人。 成子兄弟

子 战 Œ 宣子 義 引《世 ,其夷 八。穆子 本》云「僖 安、 廩 子 生 邱 子 昭 鑿兹 子 莊 芒 簡

> 之。」同 子行殺侍 之官 門外 陳氏 人。 申 類 子 之」,是也 是侍人即寺人。又「内小 本 子我於門外,故 周官・序官》《寺人》注「寺之言侍 宫令,審門 故 在 四 盈 上 閉門,故以兵禦。《史記》云「宦 乘 也。 内豎: 倍寺人之數」, 寺人是 E 成子輩 惠 人。 内, 則 奄 子 是 豎。 知 以 得 杜 内 見 成 間 服 云「子我侍人」,失之。 宫門間 不得 人 其 注: 子 連 月令 曰 : 共 出 兄 成 人。 弟至 遂 子 「舍於公宫,故得 乘 爲 奄豎掌之。」 仲冬》云「命 奄尹 侍人爲閹豎者, 馳 也。 臣 兄 突 出 一: 奄上 ノ, 主 弟八人。 逆 而 子 之, 我 人,反 領 奄 在 也, 者 今見 奄 士 則 豎 奄 殺 兀 在 尹

侍人 案 也 子 行 在 公宫爲内應,故得自 内 而 殺

居 公 日 寢 與 「當 也 婦 引。」同 人飲 陳 氏 上 酒 人 于 時 檀 飲 臺 酒 成子 於此臺,欲 遷諸 寢 徙 公 服

太 史子 餘 服 日 : 齊 大 夫。 同 上。

聞 之辭 公猶 成 が怒 子 將 日 出 : 何 所 服 無 日 君 : ? 出 是欲 奔 也 奔 90 異 同 上 或

先 所 不 祖 鬼神 殺 子 也。 者,有如 本 疏 陳宗。 服 日 : 陳宗

以 宗」,猶定 然 陳宗」者, 陽 也 連 虎 祭法》 文 爲 耳 中 六 即 軍 年 注 云 司 正 孟 陳之 馬 義 懿 祖 者 宗宗 子 日 先 有 謂 祖 通 范 如 言 此 也 獻 先 耳。 稱 君 子 Z -曰 有 然 鬼 如 此 所 則 神 陳 亦 不 

衆 屬 徒 宫 攻 中 闡 之門 與 大 日 門。 闡 大門,公門也。」《齊 服 日 屬 徒 會 徒 世

> 家 注

門 是 夏》。 案: 門内。」《郊特牲》: 宫之正門。 屬 屬 也 舍 亦 》《成十年》:「 屬 聚 寢 會 會之 爲 門 也 會 <u>\_</u>, 外。 《聘禮》曰:「公出 也」。 者 · 大 凡 齊 司 云「大門,公門」者 庫 壞大門 「賓 馬 語  $\approx$  $\approx$ 雉 入大門、而 屬 兵 及寢門 路 其 車 之 皆 植 送賓及 屬 得 司 而 奏《 爲 農 人。 肆 大 大 謂 注 注

將 大 殺 適 夫 殺 諸 豐 東 邱 大 郭 郭 陸 關 賈 子 也 賈 方。 0 賈 日 同 日 : 上 豐 服 齊 邱 日 關 陳 名。」同 子 氏 邑也 方,子 上 0 我 司 上。

事 案 服 子 我 日 下 而 文東 有 子 私 方 郭 於 將 賈 其 欲 奔 售 奔 衛 魯 何 故 以 衛 知 見 世 即 魯、 0 子 口 衛 方 上 之士 也 ?

+ Ŧi. 年 傳 將 以尸 服 日 : 在 牀 日 尸,

在棺曰柩。」本疏。

≪ 曾 傳》: 令 白 爲 彼注 此 木 究 案 也 究竟於 在 上 一不復 謂 棺 也。 尸 氣 子問》云『 虎 0 未 在 小斂, 日 既 云「尸,陳也、言形 『贈 通》云『 此 柩 未 絶之時,下置 牀 變色」。 正 者 也。 殯 義 死 日 舉 失 斂 一户,在 不 日 如 令 白 尸 1:「在 氣亡 日 及 在 小 然尸 陳 虎 不 尸。 斂, 爲 棺 列 神 生 通》云『 在 , 牀 柩 日 在 則子 柩 地。 體 , 斂之在 形體 柩」,《 是 也。 日 床, 亦 在 尸者,古人病 呼未葬 免 柩,究 氣絶 ^ 通 也。 獨 故 春 曲 而 名 陳 棺 曰 秋 從 更還 柩 禮 也。 也, P 是 之 之言 文, 左 柩 也。 也。 牀 氏 事 柩 案 久

家》注。 書社五百。 服曰:「書,籍也。」《孔子世

案:「書,籍」者,謂以社數書于策也。

注 荀 子・ 籍 榮 謂 辱 書  $\approx$ 其 循 户 法 П 則 之數 度 量,形 也。」今人言户 辟 圖 籍

籍、籍貫矣。

舍於孔氏之外圃。 服曰:「圃,園。」《衛世

家》注。

案: 圃 袁 ^ 太宰》「園 其 樊 也。」 圃 ^ 毓 詩 草 **>** 木 折 注 柳 樊 樹 甫 果 傳 蓏 

「圃,菜園也。」

太子。 乘 二人蒙 也 ]。」同 蒙 衣 上。 衣 而 乘。 爲 婦 人之服,以 服曰: 「二人,謂 巾蒙 其 頭 良夫、 而 共

案 蔽 知 爲 其 知婦 面 婦 人 服 人之服者,下云「以 故 知 也。 以 《内 巾 蒙 則》「女子 其 頭 也 姻 出門 妾告」,故 必 擁

孔氏之老樂甯問之,稱姻妾以告。 服

❶ 「乘」,原作「人」,今據《春秋左傳正義》改

妾也  $\Box$ 家 同 臣 上 稱 老 問 其 姓名。」賈曰 昏 姻 家

婚 婿家 之父 以 其 給 母 也 心。」《釋 使 得 野 相 之人 禮: 爲 也 爲 婚 詩 謂 注 外 姻 姻 爲 親 云 也 婚 娶 婦婦 女之所因, 家 婚 **>** 姻 婚 女 妾,給使者。」 妾」者 又曰:「婦 姻。」故文每多連舉。 之父爲 △、《晉 姻 以 之故」、《士 昏 語 時 故 婚 爾 \* | | | 日 之父母,婿 雅 是姻 婦 姻。」「 説 昏 納 釋 文》: 妾爲 女工 禮》云「某 陰, 親 婚,婦婦 《我 ≫: 故 之父 婚 妾 姻 家 姻 日

遂 人 適 伯 姬 氏 服曰 :「人孔氏家, 適 伯

姬

所

居

同

上

孔 伯 同 姬 杖 戈 前 先。 服 曰:「先 至 孔 悝

所

太 子 與五 人 介, 輿 豭 從之。 賈 日

> 被 甲 也 輿 豭 豚 欲 以 盟 同 上

以 侯 牛 《方言》云: 案 戎 爲 其子或謂之豚。」是豭、豚 注 記》未及檢,今從 日 駮 『諸 右 豭 盟 耳 豚 : 異 ^ 職 下 用 義 周 》云「盟則以玉 牛, 十七年傳曰: **\***: 侯 輿 禮 被 君 豭」,欲與 盟 豬 而 甲。」《説文》: 本傳 盟 耳 旅 此 誰 者 北 疏 賁 以 執 改。 詩 燕、 氏 人 豭 4 孔 疏 君 , , 敦 耳 孟 朝 悝 耳 辟 用 何 軍 ? 皆家 盟 鮮 武 作 4 人 盟,遂役之,贊 旅 之 豭 也 伯問于高 牲 斯 若 則 伯 間 也 誤 牡 然, 《周 介 故 謂 姬 疏 豕 之 而 謂豭 引 則 禮 孔 也 豭 校 趨 柴 悝 鄭 勘

臣。 遂 刼 同 以 上。 登臺 服 曰: 於衛 臺 上 召 衛 群

臺當 案: 即門臺 定 四 年 一, 故 傳 得 以 邾 召群臣 子 在 門臺 然 則

衛

聞 亂使告季子。 服 日 : 季路爲 孔氏 邑

宰 ,故告之。」同

案:《弟子列傳》: 「子路爲衛大夫孔悝之

邑宰。」此服 所本。

召 護駕 乘車 服 日 :「召護,衛大夫。 駕

乘 車 不 駕 兵 車 也。 言 無距父之意。」同

服、杜 六尺有六寸,乘 傳 本不 作「召 同 也。 獲」,此依 車之輪六尺有六寸」注 《史記》作「護 記》「故兵車 之輪 」,或

也。」《巾車》「玉路以祀; 兵車,革路 也。 乘車,玉路、 金路 以賓? 金路、象路 同 姓

戏」注 以 封 象路 即 戎 以 謂 朝 兵 男異姓 事 以 若 封 然 欲 革路 有 兵 以 事 即

輒 蒯 瞶 子 故 日 拒 父」。

當

乘兵

車

今

駕

乘

車

其

不

拒父明

矣。

行 爵 食 炙。 服  $\Box$ 樂甯使召季路,乃行

爵 食炙。」同上。

> 衛侯 炙」隔 案: 已熟,乃飲 「 炙未 上云 輒 熟」, 「召護駕 來 奔 樂甯將飲 則 酒 未 食 乘 食 炙。 車」一語 服 炙 也。 酒」,則未 服 以「欒 ,故指明之。 召 及 告 護奉衛侯。」 甯 季 行 行 路 爵 爵 後 云 食 炙

奉 上。

同

行爵食炙,既畢,亦與召獲同奉衛侯來奔」,未必句有 連 辭 帰 案: 日 ,當是後 「召護 義不允。」若倒 行 召護將 爵食炙」 奉 來誤耳。 衛 奉 侯」。 衛 語,恐後 此 侯 正 出,故 一句,則上下各自相 恭冕謹 義 曰 : 案: 人迷懵,故 駕 此 乘 傳文當是「樂甯 車。 句 顛 明言 又中 倒

顛 倒。

季子將 衛 大 夫高柴,孔 人,遇子 子弟子也。 羔將 將出 賈 曰 : 奔。」同上。 「子羔,

案:《弟子列傳》: 高柴,字子羔。」

弗及,不踐其難 賈曰: 「言家臣憂不及

或 ·得 踐 履其 難 同同 上

《説文》:「踐、履也。」

食焉 之難 不辟其難 服曰 :「言食悝之禄,欲 ]。|同 上

救 悝 此 明 其不 死 國 也

公孫 孫敢 ,衛大夫。言輒 敢門焉,曰 無 已出 人 爲 也。」 無爲 復 服曰 人。」同 : 公公

石乞、 孟屬敵 子路。 服 日 二子,蒯 瞶

之臣。 敵,當也。」同 上。

「敵、當」、《釋詁》文。

君子死,冠不免。 服曰:「不使冠在地。」

同 上。

案 <sup>(</sup>曲 禮》曰「冠 毋 免」注:「免,去也。」

兵死 則身踣,不結纓則冠 去委地矣,故以

不免爲不使在地。

十六年傳 稱一人,非名也。 服 曰:「天子

注。 自 謂 ○《册府元龜》七百九十六。 『一人』,非諸侯所當名也。」《孔子世家

> 不穀 海 分職 案 者,謙也,欲言己才能當一人耳。 故自謙損。」《白虎通》云:「王自 天子得稱之,若諸 語》云『百姓有過,在予一人』。 『余』『予』,古今字。」正義 「《覲禮》曰:『伯父實來, 一人者,所以尊王者也。 一人』者,言我是人中之一人,與物不殊, 之内所共尊者,一人耳。」若然,一人惟 《曲禮》云「君天下曰 ,不能以 泛授 政、任功,日『予一人』」,注: 一人爲名也。 侯 則 日 天子。朝諸侯 以天下之大,四 寡 曰:「自謂『予 余一人嘉之。』 人、日孤、日 臣下謂之 間間一 故《論

邑。 使處吴境,爲白公。 大夫皆稱公。」《楚世家》注 服 曰 : 「白,邑名,楚

案 邑鄢,號爲白公。」史遷以白公非因 《楚世家》云「以爲 《伍子胥傳》:「遂 召勝 巢大夫,號 使居 楚 之邊 日 封 白 邑

則白 得 杜 人伐 吴,不得 公、息公是也。 預 稱 ,邑名,楚邑」。 慎 是 矣。 日 台 楚 以 邑, 然 汝 封 公敗之,謂 巢、 陰 勝 則 褒 稱 鄢 遷 信 白 互. 説 「大夫皆稱 縣 公,當 異 慎 非 西 爲 也 Ħ. 南 勝 封 是 有 ^ 封 此, 通 時 白 公,如 邑, 考》以 巢 故 亭 亦 服 已 云 是 申

與 請 吴 以 戰 戰 時 備 所 獻 獻 服 捷 日: [] 0 本 疏 欲陳士卒、 甲 兵如

年 戎 馘 注 爲 小 ൬ 案 服 此 捷 振 」、《襄二十五年》傳 傳「 請 非 將 旅 大 大 事 仁,杜 者 晉 獻 或 司 侯 」,陳衆: 蓋 樂 大 獻 云 藉 振 勝 》 王 捷 旅 整旅 不 整 獻 于 愷 衆 師 必 捷 祖 之意 大 而 依 鄭 以 軍 還 獻 此 ^ 人于 以以 子 旅 隱 禮 產 則 之常 Ŧi. 與吴戰 也 晉,獻 令奏 獻 僖 年 若邊 捷 **>** 今白 、于晉 傳 愷 俘 + 時 所 境

> 論 之文 時 以 俘 甲 兵 所 人 也 獻 人, 王 捷 也 孔 宫,人情所 得 氏 謂 īE. 以 增 義 所 爲 成 駮 得 亂 服 其 吴 不 故 云 説 俘 許 知 也 0 以 戦備 按 陳 並 相 服 列 無「 詰 爲 甲 云「與 難 人王 陳 兵、 士卒、 非 吴戰 宫 允

世家》注。 賈曰:「高府,府名。」《楚而以王如高府。 賈曰:「高府,府名。」《楚

王 以 母 如 注 府 處 經 文 也 : 書 音 也 ,越女也。」同上。 昭 夫 此 義》九引《三蒼》: 引 百官所居 説 ^ 高 人之宫 文》:「 周 禮 伸 府 之, 禮 》「在府言府 亦 · 太宰 當 凡 府,文書 日 是 物 府 服 藏 所 》以以 日 非 物 聚 藏 昭昭 府,文書、 此 皆 處 也 謂 八 ~,猶 府 日 0 寶 灋 也 王夫人,惠 府 府 藏 魯 治 府 貨 財 本 官 ^ 名 賄 物 以 府 藏 之 切 藏

子章 案 六 立之。 年 傳 : 故云 昭 王 卒 惠 于 王 母 城 越 父, 女也」。 逆 越越 女之

十七年傳紫衣狐裘。 賈曰:「紫衣,君

服。」本疏。

爲 服 僭宋王者之後服 案:正義 言 此云『紫衣』,良夫不合服之。 衣,君既 『玄冠紫矮,自魯桓公始 乙二 紫衣,齊人尚之, 良夫之罪,明 『紫衣、君服 惡紫之奪 服紫,則 日 :「紫衣爲君服,禮 朱』。 也。」 紫是 臣 也」。 不得 Ŧi. 蓋 君 素 《管子 當 服,良夫僭之,故 也」。 僭 而 時 易 人 今傳言紫 > 鄭玄云『 無 ~ 玉 主 稱 紫。 明 好 齊 藻 文 服 桓 孔 衣 蓋 紫 好 要 子

案: 又 引 陳 服 樹 虔云『秉, 華云:  $\sim$ 權 索隱 柄 也」。 引 柄 是 作 服 本作 秉

> 秉』。 秉 執 齊 《索 柄 按《 爾 隱 服 》是 雅 自 . 涉 以 釋 服注 詁 秉 釋 而 秉 執 誤,亦 執 非 也 服 非 以 本 傳 作 柄 云

爲秉也,陳説非。

赤。」本疏。 賈曰:「窺,赤色。 魚勞則

尾

勞則 案 經,棠棗之汁。 魚 亦作 謂 正字,「赬」或字。「竀」又从泟 詩》 經,赤色也,从 娅 之 : 窺」、《 作 尾 『赬 尾。」赬, 攷 赤。」賈 「魴魚 工 釋 記 今 文》 • 赬尾 娅 本《毛傳》。 泟, 浾 爾 赤, 巠聲。 鍾 或 雅 氏 \_, 从 》作 **>** 傳: 或从正 貞。 竀 注 本 訂 引《 赬 「赬 《詩 或 《詩 。」然則「 爾 又 赤 从丁。 變 正義》曰 雅 作 説 日 也。 也。 文》: 娅 再 娅 浾 魴 染 魚

0

縱。 爲 羊。』鄭氏云『魚肥 勞。」然則 魚 《哀十七年》傳曰:『如 赤 而 尾 名 勞 釋 也 器 猶 也。 赤」,今傳疏引 不同者,①此自魴魚尾 魴 自 賈 鄭 魚 有 服 以 再染謂之顏」, 之 肥 爲 尾 同 而 彼言 不 尾 則尾赤,以 《詩 鄭云「魚勞則 赤 赤者。 彷徉 魚 疏 故知 赬 引 郭云: 爲 尾 本不赤,赤 服 勞則 鄭衆「 衡 魚 喻蒯 氏 肥 尾 亦 『赬,淺 流 尾 赤」, 魚 不 瞶 爲 而 肥 魚 指 故 淫 彷

能 衡 自安。 流 勞」字誤,當作 而 方羊裔焉。 裔,水邊。」本 肥。 賈日 疏 : 横流方羊,不

與「彷 疏》 彷 徉 引 古文; 衡流爲 徉 天下」,《 傳作「彷徉 同。《離 横,假 横流者 漢書》作「方洋」,是「方羊 」、《史記 借 騷 《放工記 字 》「聊須 也。」「方羊」、《詩 玉 臾以相羊」, 吴王 人》注: 濞 傳》

> 徉者 爲 雅 子 羊 之貌,故 文》:「崔本作『方羊』。」《廣 王逸注 王. 彷徉,徙倚 · 道 爲 逸 . 遊 注 釋言》「邊也 水邊 「言欲彷徉 戲。 「須 遥 賈 遊》「彷 臾、相羊皆游 日一不 矣 也。」東 楚詞 To 能 東 徨 西 自 以繇 招 西 乎無 徙 安」也。 無 魂》 也」,故鄭衆以相 倚,是 言魚狀, 爲 人可 雅 彷 其 徉 商 不 依 釋 側」、《釋 無 能 知 所 訓 其 自 倚 彷 莊 廣 安

家》注 見 戎 州 賈 曰:「戎州,戎人之邑。」《衛 世

立公子起。 服曰:「起,靈公子。」同 上。

東鄙 甬 傳 江 請 東 使吴王 也。」《吴 一居甬 世 注 東。 賈日

越

二十二年

案:《吴語》云「寡人其達王于甬 句東」,

0 同同 原作「 回」,今據《毛詩正

章 江 諸 注 鄞 章」自注 韋 Ш 又 在 暨 即 相 昭 ,今爲定海縣。 「今諸 兩 《越語》云「東至于鄞」, 近, 甬 句 曰:「今句章 縣,顧 江之東。 無。 是 暨 爲越 「渠 案 有 氏 水東入海。」 合爲 句 之 越 杜 無 東 東 語 亭。」《 云「海 地 海 漏 \* 一,誤也 理志》「會  $\Box$ 外 顧 地 南 中 渠 氏 句章之 洲 理 洲 至 水當 也。」 志》句 棟 于 , 0 稽 高 句 東 其 即 郡 即 説 無 與 甬 句 舟 句 地

字多 與 杜 噧言』,疑 噧 云『躛,過 相 音 陳氏樹 通。 何 介切相近。』古文从口、从言之 華云: 即 《説文》兼收『噧』『講』二字, 也」、《釋文》:『躛,户快反, 此 『躛言』。」錢 「《説文》引《春秋傳》曰 氏 大昕云:

> 誇。 信言也」。 譀 言』也。」按:錢氏説 長。 轉以釋「躛」也。 林》作『躛』。」云「夢言」,意不 俗識, 噧 躛」本是「講」,「講」訓 也」、「敵、誕 大徐 然則『噧 訓 从忘」「誌」即 高 本作 氣多言, 一 誠,誕 言』即『躛言』,亦可 也。 噧是誇誕,故服云「僞不 也 也」。 『講』 是 譀」,又作「誌 也。 「詬」之異文。 誇、 訓 釋文》云: 譀 《説文》:「 譀 譀 」、「敵」「流 『)) 義 慧也。 較 爲『邁 過 又 《説 惟 尤 訓

聞 有 二十五 。」本 適 年傳 城 鉏 衛 以 侯 鉤 出 越」,無 奔 宋。 奔宋之事,其説未 服 日 : 此 下 但

<sup>●「</sup>杜」,原作「韋」,今據上下文意及《春秋釋例》改。

聞」。 未嘗 越有君」,乃適城 案:下文云「拳彌 欲奔宋,衛人以奔宋告也。 鉤牽」。 奔宋。 杜云「城鉏近宋邑、宋南 Œ 義 此云「奔宋」,故云「其説 曰:「蓋 鉏 曰『請適城 是衛侯。 衛侯出近宋境,似 鉏 近越,轉 實適 以鉤越, 城 未 相 鉏

二十七年傳故君臣多間。 賈曰:「間,隙

公遊于陵坂。 服曰:「陵坂,地名。」同上。

也。」《魯世家》注。

後序

閒 慕。 嘉 水 家 至 卯,多見當 Ш 袁 迦 下《孫淵 横 聽 Ш 嘉 興 館 謁 諸 先 經書舍。」卷下《題 詩 先生《攬青閣 李次白先生所 右《春 興, 君 許 自 如 樂 孫 注 子 醉 昨 如 先生 淵 神 顔 日 宴 夫子 先 之語 時 秋左 酡 啚 如 集 自 生爲 袁 耆 **%** 年 Ŧī. 通 詩鈔》卷上《洪稚 亭 畝 舊。 氏傳 奉 甫 自 注 袁 吴中後七子之冠。」甲 洪 詩 德 注: 於 + 甲 落 稚 著 鈔 亦 嘉慶 成 江 六 賈 存 巻 與 也 戌 戊午 恭 太史 甯 服 焉 臘 賦 下 聆其 戊 月二十 歲 芸 注 集後 先 存 事 時 午 臘 輯 先生 遇 生 袁 多 以 緒 月十九日 》云「龍頭 七 先 未 洪 生 述》二十 感 師 建言 生 論 日 落 於 師 稚 戌 禮 於 師 成 門 即 乾 馮 詩 存 、乙亥 憐 招 爲 何 七 ~有 爲 深 太 隆 詩 陶 立 蘇 幸 卷 硯 鈔 Ш 企 史 癸 題 鴛 返 文 觀

作,故 三行 莊公,共抄 非 書 **奉** 昂 本 附 忠公生 時 傳 前 如 久已傳 云云,旁用 天 所 無 未 官 於 師 E 與 史學, 又檢第四 墨板 無。 其《凡 秋 通 購 泰 故 吾家 Ш 難 事 具 奉《 州 日 左氏》亦 詩 V. 館 迹 播 印 其 此編網羅 分 冶 本 例 詳 朱 而 判 樂 難 口 咸 、古文詞 轉 格 書 不 神圖 四 城 筆 豐 其 王 而 人 册 未署 客 通 遺 中 册 有 肅 改 集 庚 議 莊公三十二年 待多採 一之句 集 奉《 功於經術也大矣。」雖 家 縫 有 論 Ŧi. 申 春 復 放失舊 撰 爲 擕 閏 自閔公以 不 畝 》内 有 後序 人 録。 秋 春 相 大率與孫 袁 孫 =此 春 平 姓 議 題 事 作 按。 月, 同 聞 秋 秋 云「問 名。 論 家 津 然 稿 迹 會 集 毓 見 集 改家 館 竊附 頤 證 志 下, 而 即 證 案語: 檢 崧 谷 於 太 三字, 佐 褒 證 祖 年 用 其《 聞 稿 寓 諸 爲 史學之後,不 侍 集 史《 、洪 記 係 貶之義 集 尚 居 子百 孫 御 本 而 亥」, 凡 亦 内 仁 中 有二 東 者 求 深 平 事 未 左傳詁 例 相 引 和 有 臺、杜 家 柳 售 游 迹 津 當 「家 蓋 孫 刊 自 近, + 者甚 勘 者, 彰 功 蔣 館 頤 丙子公生 用 明 紙 侍 Ŧi. 書 Ш 經 係 小 則 爲 而 鄭 自 多 鄙 御 係 侍 通 雖 得 康 隱 舫 解 學之 韻 邃 而 皆 志 詩 成 御 奉 用 方 失 僅 大 經 題 書 ~有 祖 於 稿 之 齋 價 + 至 伯 自 是 淵 而

案語 言 及《春 應 家 畫 亦 知之晚。 奉 州 申 以 月 甯 誌 初 前 周 僑寓 뭬 張 П 校 輔 夜 於 下 以 几 禮 欲 翼 不 氏 至 即 作 折 秋集 先 是 後 册 衷其 金 紹 德 稱 息 補 在 據 春 徐 淵 傳 陵 生 否 州 南 初 鄭 秋 證 輯 非 是 通 辛菴 如 是 所 既 寫 大 則 君 七 校 地 諒 孫 奉年 各 年 撰 縣 投 夫、 名 列 意 月 恨 定 先 在 必 侍 壬 揣 門 或 俟 以 考 生 者作 引 譜 鄭 郎 相 於 辛 出 詩 地 四 諸 申 疾,重 所 》,是年 僑 《李 可 **姓** 名、 百 辛 册之末皆 知 未 書 以 凡 其 譜 能 居 農 韻 氏 次 之時 後, 人名、 成 例》云「古 之 金 未 稿 之 表 知 九 之後 白 通 官 即 陵 晚 江 例 以 以 前 傳 相 Ш 奉 官 偶 甯 賞 書 職 又云 尝云 前 足 相 得 東 錢 通 名 王 官 其 自 未 人事 日 辛 督 甚 譜 奉 示 衎 氏 詩 表 有 見 抵 時 德 抑 歡 糧 未 其 年 石 德 议 不 此 其 迹 金 陽 走 道 Ŧi. 爲 況 譜 或 州 給 盡 與 福 稿 傳 陵 編 湖 月 與 補 通 事 上下 辛 告 引 見 聞 歟 續 既 某 孫 語 前 奉 凡 ~ 李 月 撰 於 異 未 採 成 自 廉 日 疾 人之闕」。 之 古今, 經 大 督 U 例 辭 使 皆 諸 次 邵 然 於 還 五. 驚 傳 運 書 前 别 > 星 É 未 子 子 者 册 王 矣 所 通 江 常 百 作 窮 衍 恨 墓 言 Ŧi. 峰

行 之」條、 秋左傳 與《國 生平 傳 史爲 著書 安 氏 子 義 業、未受業之分, 卯 者爲《十三經 奉之門, 僖 微言 知 参 史 懼 條 四 輿 多 不敢 年 符 願學 不 近 付 賈 卷七《僖 並 四 地 語》公》 ·》傳 服 引 引 合者 次 莊 占 徐 注 白 故 凡《 書 以 職官、名物、 孫 昔 佚 元 也 傳 輯 爲 + 年 中 注 先 云: 相 召 述 卒 春 此 條, 》傳 生 康 引 助 》若干卷。」 其 六年 穀 書 秋 疏 公 書 其 並 業。」 用 ? 絶 而 證 實 在 W 引 > 條、卷十 命 不 溯 異 云 孫 與 宗 傳 金 錢誌 是 事 洪 爲 百 度 説 陵 其 同 ^ 日 夔子 親 云 而 志 此 求 氏 周 時 數 云: 稱 原 諸 亮 所 條 編 書 賈、 六《 是 孫 禮 引 人 吉二云 爲 條 存, 委 莫不 緣 次 昭 分 孫 影表 九 廉 用 服 由 先生 年 體 任 使 起 孫 卷 九 則二 古 洪 兩 傳 云。 輯 年》 自 裹 十 條 先 裁 善 訓 説 漢 實 家 /、《左 及 天 》傳「辰 分 生, 成 君 病 公 因 堂 則 與 以 稱 大 魏 + 縷 著 文、 之説 阜 晚 皆 經 通 有 爲 與 游 七 有 傳 在 卷 年 析 而 年 Ŧi. 受 傳 其 太 大 洪 通 春 子 六 税 經 所

學餘姚 景伯 蒙 情 約,哲 以 天資 多 綱 委撰 君 古 次 誼 疏 申 述 :註 孫 開 振 曲 子 叔 通 (),俾讀 子 落, 不 己卯 俛 久要不 卓犖、稽古功深, 證 趨 先路之導也。先生重 從 、杏孫聯聲舉之,蹤 嗣 古 道義之友,未嘗往來。 繒 明。 精 朱公與先生 杜 慎 摧 鎮夫,隨 敢 義 端 同年, 校 説 其 有 陷 古 以 斯經 至 付刊, 忘。 靈 書 辭 廓 表 則 於 必當 者 夙 清 微 侍節 必 杜 裒 術 爰就 屬 仰 知 爲 注 訂 洵 掃 邃 輯先生遺 毓 光 署,與 與 引 親 而 之 僑 可 浮 矣。 崧 先 儀,未經 紹紀、 亦因 爲 賈、 師 權 謂 札之交,結范 詞 作序。 生師 知 取 ^ 衡 先 若夫搜采之多, 以 服 今安徽 師 左氏 早見 己。 友 時 書,延 解 群 生從子 相 承 友 乃 之雅 摳 惑 地 違 、》之功 淵 閣 而 此 孫 爲學之大 不 謁 者 兼隆 (洪,有 揣 學 寶 學 古 源 少石、 世 張之 使 啻 與 由 加 遽 應 測 Œ 臣 於 敦 閣 義 以 先 劉 友 發 事 承

> 儀 言之已備 抉 微劉 擇之慎 毓 崧謹 兹不 考正 序 贅 誤 為。 文誤 義 同 之精 治 丁卯三月,後學 則 叔 俛 序 跋

間 當 品 生 以 未 其 光,不容泯没,然非 干首,悉心 先生令孫 口 之詩 長。 者 此 治 存 時 必於灰燼之餘 没 不 悟 丙 則 去 ,千 歲 然, 詩 集 知凡幾。 之卓卓 寅重午後六日,武進 文之傳 廣 讀 中 校對, 没 百 次 爲 間 則 中 白 可 搜 有 無 已焉,求 而 尚 傳, 脱落不全處, 先生詩 有 羅,竟於故 遂成完璧。 一一也 生平 能 幸、 閣學之篤 而 掇 所 淹 有 拾完 如 没 不 稱 閣 程 可 沈 於荒 幸。 紙 莫逆之交往 好 念故 兆 慨 學之用 雄 此 久 堆 如 和 也 超 固 中 香 寒 如 是 謹 夫 脱 闃 劍 尋 閣 次 也 跋 心 ! 白 則 得 學 寂 氣 兩 往 若 之 先 命 又 珠 擅 時 無 和

跋

氏,而 林傳》: 以 歆 本屬 解 王 德 明 賈、 説謝 氏 鄭 《經典序 謨 一賈誼 孔 此 重 漢 搜采 服 衆 該 「傳《左氏 始 書冕 氏 校 儒 爲 服 爲《春 有 賈 録 注《左氏》者自 最 疏 較多,抉擇 且. 輯 陸、 》亦 虔、 前 備 秋左氏傳訓 者 当出 本 爲 祇列賈、 既 孔嘉各爲之訓 ,故學者多並 馬 甚衆,其後賈 審 序 融 而 次白先 定。 之,今歲 服 尤慎 延 詁》,授趙人貫公。」其 二家 家 既 篤 賈 生 遂 注 逵 畢 誼 一稱之。 彭 久 如《左傳 輯 Ļ 服 始 顧 釋,而諸 汪 乃 香 虔 此 《後漢 自 並 近 一、許淑 復 閣 注 爲 杜 於 學 時 稍 隋 訓 序 氏 解 書 家 閣 金 後 取 後 。」陸 儒 **>** 疏 集 中 王 谿 潁 學 稾 劉 儒

七年 者,以 於時 法》疏 桃謂 六字,餘皆 祖 脱 姜 太岳 引 以 疏 之法」,此賈氏《春 Ш 「夫許,太岳之允也」 而 祧 日 證 誤 爲 》疏 王 爲曾 曾 其公還,及 也,主 傳 之自見。 冠于衛 氏 二年始 云「孔子 祖之廟 祧 引 而 引 祖 疏 以 也」。 王 服 服 廟 引服 爲《 疏 氏 也 四岳之祭」, 云 云 來」二 成公之廟。 衛 仍 引申之語 一曾 覽 左傳》 傳 服氏 而 蓋 云「衆君子 依 冠于 疏 史記,就 王 祖 魯 ± 云 疏 句 此注 氏 秋 衛成公之廟 服 之廟 桓 冠 文連 疏 注 語 概 序》文。 禮 公之 虔 此 引 義 列 以 祇 疏 以 成公是衛 日 引之。 賈云「 是非之説,立 氣 賈 衆國君妄耳」「妄 成 爲 傳 云 「曾祖之廟 非 祧 喪 不 公是 氏 服 服 疏 者 接 從 也 《隱 成 虔 注 几 及《 周 衛 公 齊 注 之曾 中 以 禮 今君 語 岳 ^ 十一年》 以 士 衛曾 來、 宋 間 魯 記 ,官名, 祧 注》文。 祖 冠 日 爲 之曾 襄公 當 以 素 祖 . 禮 祧 曾 即 哀 故 南 文 有 祖 云

説 下 渠 往 耳 從 Ŧi. 注 或 車 義 通 列 飛 袴 旁 鄭 年 義 本 屬 之孫 補 相 證 爲 是 石 如 而 義 年》 幔 救 氏 服 ; 明 孔 或云」二字,皆誤 屬 六年  $\wedge$ 之説 輪 隱 旝 注 昭 之前 注 于 疏 幕 能 男 八年 男」當作 動 十三年 跗 文,毛 孫 非 不 爲 「其祭在 楚君」, ; 而 一當作 輪 ; 失經 也 舜 , · 注 ^ 當 鼓 《僖 昭 當 先」, 袴 本誤 作 学注 八 「南 至 先者 注 上 作 南 從 子; 年》 廟 楚 其 + 之意 作 不取 杜 當 轂 文之 已有 ; 鄭 述義 見 六 句 疑 南 氏 有 伯 自 妾 ; 獲 前 年 ^ 上 作 以 顯 著位 「若」字 爵 宣 援 耳 幕 ^ 舜 面 **>** 旝 成 誤 然 考 當 注 在 燕 至 之 川 後 據 爲 者 + 倒 正 男畿 年 依 君 」,從杜 于 而 虞 , 於一必 旗 六 夔 傳 忧 誤 ※注 瞽 王 思 或 君 年》 楚 注 襄 不 爲 文 氏 瞍 語 ^ 氏 之 賈 爲 字 誤 兵 取 注 桓 亦 熊 不 疏

> 後學 没 皆 者 朽 許 精 大夫 孟 氏 補 自 而 爲 者 博者 遺 宗 誤 九 瞻 或 正 助 其 引 璉 劉 年「 略  $\approx$ 朝 義 時 兩 而 得 君 之 爲 風 恭 閣 猶多 之 往 沈 先 以 也。 以 補 祭」,不取 同 楚子之在 誼 冕謹 學之 顯 聘蔡,不 生 氏 來 衆 志。 注 又 皆 然 先 彤 爲 著 其 曷 之《 跋 者 亟 洪 此 生 於世, 專治 所 是 可 謀 學 同 也。 氏 取 小 發 孔 則 蔡 及 者 剞 時 亮吉 「楚子 明 疏 是 也, 先生之學 也 使及 蓋 劂 有 經 × 若 張 亦 ^ 吴 俾 傅 先 春 篤 顧 從 未 爲 見 沈 同 祖 氏 念 氏 秋 杜 蔡 古注 有 此 文起 治 雖 配食」之説 遜 故 必 左 炎 氏 能 公 書 丙 武 時 惠 能 氏 以 人 爲 及 之《 寅 言 當 氏 一之説 儀 **>** 於 自 杜 此 楚子爲 十月, 古 經 棟、 杜 致 必 氏 徵 書之 無 傳 注 推 劉 馬 不 乾 解

《儒藏》精華編惠蒙善助,共襄斯文, 謹列如左,用伸謝忱。

本焕 法師

智海 企業集團董事長 馮 建新先生

張貞書女士

NE·TIGER 時裝有限公司董事長 張志峰先生

壹佰萬元

壹佰萬元 壹佰萬元

壹佰萬元

北京大學《儒藏》編纂與研究中心

本册責任編委 沙志利 王豐先本册審稿人 駢字騫 李解民 陳

殿

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "MTQxOTA0MjYuemlw",
"filename_decoded": "14190426.zip",
"filesize": 334881316,
"md5": "d0738a076122c54b82456002cd7cd1f8",
"header md5": "d03e488228e6685395dc1f371fcae253",
"sha1": "15359c5f1a98427ed2561843119123fa06f31bbd",
"sha256": "9ffcac50b3a01a575e9b36aa2f6d8056d522a6037ae022248a0736e47f01cf89",
"crc32": 3526328705,
"zip_password": "",
"uncompressed_size": 368895955,
"pdg_dir_name": "",
"pdg_main_pages_found": 987,
"pdg_main_pages_max": 987,
"total_pages": 1004,
"total_pixels": 5474323968,
"pdf_generation_missing_pages": false
```